

Holy Bible

Aionian Edition®

ሃዕሮ ወኒድ መጻፈ

Alaba-K'abeena Bible

AionianBible.org

The world's first Holy Bible untranslation

100% free to copy and print

also known as “ The Purple Bible ”

Holy Bible Aionian Edition ®

ሃዕሮ ወኒድ ጠጻፈ

Alaba-K'abeena Bible

Language: Alaba-K'abeena

Ethiopia (Rift Valley)

Creative Commons Attribution ShareAlike 4.0 International, 2018-2026

Source text: eBible.org

Source version: 8/7/2026

Source copyright: Creative Commons Attribution ShareAlike 4.0

The Word for the World International, 2025

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language
Translator resources at <https://AionianBible.org/Third-Party-Publisher-Resources>
Volunteer help and comments are welcome and appreciated!

Celebrate Jesus Christ's victory of grace!

Preface

Alaba-K'abeena at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

Alaba-K'abeena at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

ማቶስ እንጂሊ	11
ማርቆስ እንጂሊ	31
ሉቃስ እንጂሊ	45
ያህይ እንጂሊ	68
ሶፋማኖ ሆጉተ	85
ሮሜ	108
ዎኔ ቆሮንቶስ	118
ለንክ ቆሮንቶስ	128
ገላትያ	134
ኤፌሶን	138
ፍልጽሰዩስ	141
ቆላሰያስ	144
ዎኔ ተስሎንቄ	146
ለንክ ተስሎንቄ	148
ዎኔ ጢሞጥዎሴ	150
ለንክ ጢሞጥዎሴ	153
ቲቶ	155
ፍልሞኒሃ	157
እብራውያን	158
ያቁብ ከተቦ ሶህኑተ	165
ዎኔ ጴጥሮሴ	168
ለንክ ጴጥሮሴ	171
ዎኔ ሶህኑተ	173
ለንክ ሶህኑተ	176
ሰቅ ሶህኑተ	177
ይሁድ ከተቦ ሶህኑተ	178
ያህይ ለዕዮ መረመረተ	179

APPENDIX

Reader's Guide


Glossary

Maps

Destiny

Illustrations, Doré

NEW TESTAMENT



እሰን «ኢ ኣነ! እሰ ኣታርቐ ደጋበኢቤቺሃ መረርሲጭሰ» ይእ፤ እሰን ኦድኑሰ እጠ ኡጅት ቤቀንቶእ።
ሉቃስ እንጂሊ 23:34

ማቶስ እንጂሊ

1 መስህ እስ ደወዳለክ አብራሂም ደቦች ከለቀሙስ ህት ከተበሞእ። **2** አብራሂም አሳቀ አሎ፤ እሳቅ ያቀበ አሎ፤ ያቀብ ይሁደለክ አመስ ኦሱተ አሎ፤ **3** ይሁድ ትማራች ፋሪስለክ ዛረ አሎ፤ ፋሪስ ሄሰርነ አሎ፤ ሄሰርንን አራማ አሎ፤ **4** አራም አምናደበ አሎ፤ አምናደብ ነሳሶን አሎ፤ ነሳሶንን ሱልማን አሎ፤ **5** ሰልሞን ራካቤች ቦኤዘ አሎ፤ ቦኤዘ ሩቴች ኢዮቤደ አሎ፤ ኢዮቤድን አሴዬ አሎ፤ **6** አሴይን ዋመ ደወዳ አሎ፤ ደወድን ኦርዮ ጫች ሱላይማን አሎ፤ **7** ሱላይማንን ሮብአመ አሎ፤ ሮብአምን አብዮ አሎ፤ አብዮን አሳፈ አሎ፤ **8** አሳፍን ኢዮሳፌጠ አሎ፤ ኢዮሳፌጥን ኢዮራመ አሎ፤ ኢዮራምን ኦዘዮ አሎ፤ **9** ኦዘዮን ኢዮኣታመ አሎ፤ ኢዮኣታምን አካዘ አሎ፤ አካዘን ሕዝቅያስ አሎ፤ **10** ሕዝቅያስን ምናሴ አሎ፤ ምናሴን አሞዬ አሎ፤ አሞዬን ኢዮሰያስ አሎ፤ **11** ኢዮሰያስ አስራኤል ኡመቱ ባብሎን አገንት መርቶ ወክት እኩንያኔለክ አመስ ኦሱተ አሎ፤ **12** ባብሎንን አገንት መርቶች ኤተርን እኩንያን ሰላቴለ አሎ፤ ሰላቴልን ዘሩባቤሌ አሎ፤ **13** ዘሩባቤልን አብዮደ አሎ፤ አብዮድን ኤልያቄመ አሎ፤ ኤልያቄመን አዘረ አሎ፤ **14** አዘርን ሳዳቀ አሎ፤ ሳዳቅን አከመ አሎ፤ አከመን ኤልዮደ አሎ፤ **15** ኤልዮድን አልዓዛረ አሎ፤ አልዓዛርን ማታነ አሎ፤ ማታነን ያቀበ አሎ፤ **16** ያቀብን ዩሱፈ አሎ፤ ዩሱፍን «መሲህ» ዬዳ ኢስ አልቶ መርየመ ምኒ እነ እኩ። **17** ህዝን እኩቤቺሃ አብራሂማች ደወዳ ኢሊ ቶነ ሾሎ አለንሽ፤ ህትን ደወዳች ባብሎን አግተአ መርቶኢሃ ኢሊ ቶነ ሾሎ አለንሽ እኩ፤ ህትን ባብሎን አግቶች መስህ ኢሊ ቶነ ሾሎ አለንሽ። **18** መስህ ኢስ አለንሹ ህትጎታን፤ አመስ መርየመ ዩሱፍሃ ኣሰንት ዮሃን፤ ደቀንቲዕናን ጠሊሊ አያን ወልቃን ላፈተ እካን መኑ ጉዕመንኩ ደገ። **19** ጠዕሜ ዩሱፍ ፈየ መንቹ እኩቤቺሃ መናን ፍሹዕነ ጠወስ እጉሮተ ሰውዬእ። **20** ህዝን ሰውዮንን ቀርች መላይኬቹ ሀቄን ለልሰ «ዩሱፋ ደወዳ ቤቶ! ኣሴመሃ መርየመ ላፈተ እኩኢህ ጠሊሊ አያን፤ እኩቤቺሃ እስተ ኣእቶተ ዋጅቶት። **21** እሴን ለቤ ጨል አልታኤ፤ እሰን ኡመትሰ ጨቤቸሰ ጡምሰናቤቺሃ ሱዕመስ «ኢስ» ይታንት» ዩሰ። **22** ሁኩን ጉዕመንኩ እኩሁ ቀርቹ ነብዬችን **23** «ሀፍቱት ላፈተ እክ ለበ ጨል አልታኤ፤ ህትን ሱዕመስ «አማኑኤሌ» ይት ገእታኦ» አማኑኤሌ ዩ «መገኑ ኒንት» ዩሃን። **24** ህዝን እኩቤቺሃ ዩሱፍ ግሰኛች በቅዬ ወክት ቀርች መላይኬቹ አዘዞገን መርየመ ኣኤሴ። **25** ጠወ እኩጎረ መርየመ ዋኔሴ ጨል አልቶተ ኢሊ እሴን ደቀሞበአ እቅ፤ ዩሱፍን አለሞ ጨል «ኢስ» ይ ሱዕመ ፋሼስ።

2 ሄሮድስ ዋመ እኩ ዘማን ኢስ ይሁድ ባዶን ቤተሌም ከተማን አለሞ ወክት ቤዜተ ዋለኣ ኤንኬዕናሙ መኑ ሸርቂች ዬሩሳሌመ አሜቶኦ። **2** እሰን «አይሁድ ዋመ እህድ ጨሉ አለሞሁ ሀከንቤችንት? ሸርቂን ቤዜተ ለዕን እሲሃ ሰገንዶተ አሜንቶም» ይት ጠዕምቶኦ። **3** ዋሙ ሄሮድስ ህዝን ሞጮጮ ወክት አበ ህልቆ፤ ህትን ዬሩሳሌም መኑ ጉዕመንኩ ህልቆኦ። **4** እሰን ኡመትሰ ቂስ አምንሳትለክ ሕግ አስተማረተ ጉዕመንክ ጭምአዕይ «ቡረሞ መስህ አለመናህ ሀከቤቹ» እሁስ ጠዕሜሰ። **5**

እሰን «ይሁድ ባዶን ቤተሌም ከተማን አለመና፤ መሰንትሰ ነብዬቹ **6** «ቤተሌም ከተመ! እት ይሁድ ባዶ አምንሳናች ጉዕሚችን ሆፊኣንትበኦ፤ ህዝን እኩቤቺሃ ከች ኢ መነ አስራኤሊ አገረኛለክ አምንሳህ፤ አለመና ይ ከተቦኡ» ይቶኦ። **7** ህከኒች ኤተርን ሄሮድስ ህከ ኤንኬዕናሙ መነ ማጭ ገእ ጠወስ ፎሮጅ ቤዜት ለልቶ ወክት ጠዕም ደገ። **8** እሰን እሰንተ «መርቲን ህከን ጨልተኔሃ ጡመገ አጥረመቹ፤ ደገነተጎሬ አሜቲን ኩልቲንተኤ፤ እኒሁ ሰገዶተ መራም» ይ ቤተሌመ ሶኩ። **9** እሰን ሄሮድሴች ሞጮጭት ፋልቶ ወክት ሸርቂን ለኦ ቤዜት አምንሰተንሰ ለኦ ወክት አበ መንደኦኤ፤ ሁኩ ሸርቃን ለኦ ቤዜትን ጨሉ ዮ ሞኒ ቡዕላን ኡርታኢሃ ኢሊ አምንሰቶሰ። **11** እሰን ህከ ምኒ እጎ ወክት ጨሉ አማንተሰ መርየማን ሜጡብ ዮኢሃ ለእ ብሬስ ጉሉጽት ሰገዶኡ፤ ህከኒች ኤተርን ሳጥነ ፈንት ዋርቀ። ህግላለክ ከርቤተ ዬዳ ህግነ ፋሽት ኣቶኦ። **12** ሁኩ ኤንኬዕናሙ መኑ ሄሮድሴስ ፈንቀልት መርታበእገ መገኑ ሀቄን ኩላን ዋሎ ዋቄን ባዱስ ፈንቀልቶኦ። **13** እሰን መርቶች ኤተርን ቀርች መላይኬቹ ሀቄን ዩሱፊሃ ለልሰ «ሄሮድስ ጨል ሾተ ሀሰናቤቺሃ ጨልለክ አመተ ኣእት ግብጽ ባዱ ሁን፤ እን ኩሎሃት ኢሊ ህከኔ አፋዕል» ዩሰ። **14** ዩሱፍ ህንከዕሬን ኬዕይ ጨልለክ አመተ ኣእ ግብጽ ባዱ ኦርዕዮ። **15** ህከኔን ሄሮድስ ሬሆተ ኢሊ አፋዕሌኦ፤ ሁኩን እኩሁ ቀርቹ ነብዬችን «ቤቱኤ ግብጺች ገኤም» ዩ ላገት ዊንቶታት እቅ። **16** ሄሮድስ ቤዜተ ለኦ መኑ ጣንሱሰ ደጎ ወክት አበ ኡመዕሬኦ፤ ቤተሌማንለክ ህከን አዳን ጉዕማንን ዮ ለሞ ዘማንለክ ለሞ ዘማኒች ዋርን ዮ ለቤ ኦሱተ ጉዕመንክ ሾኖተ አዘዞ፤ ህከ ወክትንከ ደገሁ ኤንኬዕናሙ መኑ ኩልቶሰጋት እቅ። **17** ሁኩን እኩሁ ነብዬችን ኤርምያስ **18** «ራሄል አላተሴ ኦኦን ያርተለክ ጨንጨትን ራማ ዬዳቤችን ሞጮጪንቶኦ፤ አለሴ ሬቶቤቺሃ ሰብር አቶበኦ» ዩኢሁ ዊሞታት። **19** ሄሮድስ ሬዮች ኤተርን ግብጽ ባዶን ቀርች መላይኬቹ ዩሱፍበ ሀቄን አሜች **20** «ጨል ሸቶተ ሀሰ መኑ ሬቶቤቺሃ ኬኦ እት ጨልለክ አመተ ኣእት አስራኤል ባዱ ፈንቀል» ይ ኩሎ። **21** ህከ ወክት ዩሱፍ ጨልለክ አመተ ኣእ አስራኤል ባዱ ፈንቀሎ። **22** ይሁድ ባዶን አርኬላሞስ እኒሰ ሄሮድሴ ቤችን ዋመ አክ ሄዕዮገ ዩሱፍ ሞጮጭ ይሁድ ባዱ ኦርኡ ዋጄኦ፤ መገኑ ዩሱፍሃ ሀቄን ኩላንሰ ገሊል ባዱ ኦርዕዮ። **23** ህከቤችንከ ኢሊ ወክት ናዝሬት ከተማን ሄዕዮ፤ ሁኩን እኩሁ ነብያናን «ናዝሬት መንቹ» ዩን ገኤና» ዩማሁ ዊሞታት።

3 ህከ ወክት ጠመቃንቹ ያህይ ይሁድ ባዶ ኡድማን አዋጀን አሜች። **2** «ሁኩዕን! ሰሜ ዋምነቱ ሆንጠኩቤቺሃ ጨብክዕኔ ቶብቲን ፈንቀሌ» ዩና እቅ። **3** ነብዬቹ እሰያስ «መቱ መንቹ ኡለ ኡድማን «ቀርቹ ህገናቤቹ ብዝ እዕዬ ህትን ዋቃስ ጌዮ እዕዬ» ይ ያርተን ሄኦ ላገተ» ዩኢሁ ያህይተኔሃት። **4** ያህይ ኦድኑት ጋሜል ኦርዛች ደዳመተ እቅ፤ ረመዙሰ ጠፍራን ቆዕሪና እቅ፤ ህትን ዳመ መለቡለክ ከንቸፈሩሃ አተና እቅ። **5** ህከ ወክት ዬሩሳሌም ከተሟች፤ ይሁድ ባዶች ጉዕሚችለክ ዮርዳኖስ ዊ አዳን ዮ ባዶች ጉዕሚችን መኑ ያህይበ አሜተና እቅ። **6** ጨብሰ ቶበተን ዮርዳኖስ ዛዘና ዊን ያህይ ጠመቀናሳት እቅ። **7** ያህይ ፈግቡ ፈርሳዊትለክ

ሰዱቃውን አሰበ ጠመቀንቶት እሜተን ለዕዮ ወክት እሰንተ «እዕት ዋሪች አለት! መገኒች አሜታ ኡሙዕሬች ጡምቶናት ኩሉህዕኔህ አይት? 8 ቴሰንገ ጨብክዕኔ ቶብቲን ፈንቀሉክዕኔ ለሊሳ ጡሙ ሆጉት አዕዬ። 9 ህትን ነኩ «ክብራሂሞት አሉ» ይቲን ጡምቲንጉሃ ኢጉዱንከህዕኔ፤ መገኑ ከን ክኒች ክብራሂሞት አለት አዕይ ኬሶት አታለናገ እን ኩላንክዕኔ። 10 ከልቱ ሀቅ ፎቃን አፋዕልዮኡ፤ ጡሙ ላልቱ ላልበ ሀቅ ጉዕመንከ ሙሬን ገራን ዋሬና። 11 ጨብክዕኔ ቶብቲን ፈንቀሉክዕኔ ለልሲሃ ዋን ጠመቃንክዕኔ፤ እኮጎሬ ኩ እች ኤተርን እሜተናሁ ጠሊላ እያንገለክ ገራን ጠመቀናህዕኔ፤ እስ እች አበ ሎረሃን፤ እን ጫዕመስ እጆት በቀዕዮምበአሃን። 12 ህካን እኮቤቼሃ እስ ኦዱ መክሶተለክ አቶት ጋቢች አደ አኦት ቤሉ ዮስ፤ አደ አዕዮች ኤተርን ጠለቤ አቶት ጭምእዕይ ጎተራን ዋሪና፤ ጠዉ እኮጎሬ ጋበስ ጠዕታበእ ገራን ቡሰና። 13 ህከ ወክት እስ ገሊላች ያህይበ ዮርዳኖስ ዛዛና ዋን ጠመቀሞት እሜቶች። 14 እኮጎሬ ያህይ «እን ከን ጠመቀሙ ሀሰሰናኤ ቤሉ አት ሀት ኢቤቹ ጠመቀንቶት እሜቶንት?» ይ ከሞት ሆች። 15 እስን «ነኡ መገኑ ሀሰናርቹ ጉዕመንከ ዊንሹ ሀሰሰናኤቤቼሃ ቴሱ ከንቶቲኤ» ይ ወክት ያህይ ጠዋንከስ ኢተቀም እስ ጠመቆስ። 16 እስን ጠመቀሞ ዊ ኣዚች ደዕል ፋሎ፤ ህከኒች ኤተርን ሰሞ ፊልተዕይ ፈንተዕዕን መገን እያኑ ሀንደዕሬገ እክ ድር እስ አሉን አፋዕላን ለዕዮ። 17 ህከ ወክት «እን መንደአምለክ ኢታም ቤቲኤ ከኒት» ይታ ላገት ሰሜች እሜቶኡ።

4 ህከኒች ኤተርን እስ እልብሲን ፊተነሞት መገን እያኑ ኡሉ ኡድሙ መሴስ። 2 ህከኒን ሸይሉ በርለክ ሸይሉ ሀንከዕርት ሶመቾች ኤተርን እስ ጎሩ አፎስ። 3 ህከ ወክት እልብሱ እስ ፊተናት እሜቶች «እት መገን በቱ እኮንትጎሬ ህንዴ ከ ክነተ አቸተ አእ» ይሰ። 4 ጠዉ እኮጎሬ እስ ፈንቀሽ «መኑ መገን አፊች ፋልታ ላጋኒት ቤሉ ጠለዕል እቻን ሄለናበኤ» የመም ከተበሞኡ» ይሰ። 5 ህከኒች ኤተርን እልብሱ እስ ጠሊላ ዩሩሳሌም ከተመ መሴስ፤ ህከኒን ዱላ ምኒ እሌ አል ፋሽ ኡርሽ 6 ጠሊላ መጻፋን «ሎከክ ክናን ቆዕልታበእገ ኬሳሃ አገርት ኬስ አፎተ መገኑ መላይከስ አዘዘና» የመም ጠሊላ መጻፋን ከተበሞኡ፤ ህካን እኮቤቼሃ እት መገን በቱ እኮንትጎሬ ህንዴ ዋሪ ዋልት ኡብ። ይሰ። 7 ጠዉ እኮጎሬ እስ ፈንቀሽ «ቀርቼ መገኑክ ፊተንቶት» የመም ወዕናንክ ከተበሞኡ» ይሰ። 8 ህከኒች ኤተርን እልብሱ እስ ሎረ ቆት አል ፋሽ ኣዱንያ አል ዋሙት ጉዕመንከ ሎርመስ ለሊሽ 9 «ኤሳሃ ሙግይት ሰገደንቴኤ ጎር ካን ጉዕመንከ ኣሳንኬ» ይሰ። 10 እስ ፈንቀሽ «እት ሸይጣኑ እች ቄዕር፤ ጠሊላ መጻፋን ቀርቼ መገንክ ሰገድ፤ ጠለዕል እሲሃ ጠገሞ» የመም ከተበሞኡ» ይሰ። 11 ህከ ወክትንክ እልብሱ እስ አጉር፤ ህትን መላይከንት እሜት ካደንቶስ። 12 እስ ያህይ ኡሱረሞገ ዋጮጮ ወክት ገሊላት ኦርዕዮ፤ 13 ጠዉ እኮጎሬ ናዘሬት ከተመ አጉር ዛብሎንገለክ ንፍታሌም ባዶን ሎረ ባር መዳን ዮ «ቅፍርናሆሙ» ይኖ ከተማን ሄዕዮ። 14 ሁኩን እኮሁ ነብዬቹ እስያስ 15 «ገሊላ ባር አደ መሰና ዋቁ አዲን ዮርዳኖስ ዛዛና ዊ ዉድ አዲን ለለኖ ዛብሎን ባድ ሙኑ፤ ንፍታሌም ባድ ሙኩለክ እይሁደ እኮበእ ገሊላ ሙኑ 16

ሁኩ ቱንሰቾን ሄለኖ ኡመቱ አበ ኑር ለዕዮ፤ ህትን ሬሆ ሀሌ ኣዘን ዮ መኒሃ ኑሩ ፋሎስ» ጠወዕዮ ራግ ላገት ዊንቶታት። 17 ህከን ወክቲች ኬሽ እስ «ሰሜ ዋምነቱ ሆንጠኮቤቼሃ እዕት ጨብቶክዕኔ ፈንቀሌ» የን ተማርሱ ጀመር። 18 እስ ገሊላ ባር መዳን ሃመን ለምተ እመኡሱት ለዕዮ፤ እስን «ጴጥሮሴ» ይኖ ሰሞኔትለክ እመስቤቱ እንድራሴት እቅ፤ ቁርጩሜተ ወሻዳእረ እኮቤቼሃ ወሻዳሰ ሎረ ባራን ኡጅተን ለዕዮ። 19 እስን «እሜ ኤሳሃ አምኜኤ፤ እን ክዕኔት ቁርጩሜተ ወሻዳንነተገን መነ መገን አደ ኤቤንተረ ኣኣንክዕኔ» ይሰ። 20 እስን ህከ ወክት ወሻደስ አጉርት እስ አምንቶኡ። 21 ህከንቤቼች ቀዉተ ህገንን ዘብዳምሴ አለተ እኮኣሩ ዋልት ለምተ እመኡሱት ያቁብለክ ያህይ ኣኒንከስን ሜጡብ እክ ጀልብ ኣዘን ቁርጩሜ ወሻደ ጎበን ለዕይ እስ ገሌስ። 22 እስን ህከ ወክት ኣነሰለክ ጀልበስ ገኝእት እስ አምንቶኡ። 23 እስ ጭምትስ ሞናን ተማርሰንለክ መገን ዋምነት ተሸት ላገተ አዋጀን ገሊላ ባዱ ጉዕመንከ ሃመናት እቅ፤ አደደ ጥዛነተለክ ጎግ ጥዛነተ ፈይሰኖት እቅ። 24 ሁኩ ዱዱቡ ሶርይ ባዶን ጉዕማንን ሞጮጨሞቤቼሃ ሙኑ አደደ ጥዛናን ጥዛ ኦርጨቀንተ መነ እስበ ኤሶኤ፤ ጥዛናመ በሳን ዶረረኖ ዱሩ አፎ ሙኑሁ፤ ጮቱ አፎ ሙኑለክ ናፋ ሙኑ ሄዕዮ እቅ፤ ጠዉ እኮጎሬ እስ ጉዕመንከስ ፈይሾ። 25 ገሊላችለክ «ቶኑ ከተመ» ይኖ ባዲቼ፤ ዩሩሳሌሚቹ፤ ይሁዲችለክ ዮርዳኖስ ዛዛና ዊ ዉድ አዲች እሜቶ ኡመቱ እስ አምንቶኡ።

5 እስ ልግብ ኡመት ለዕይ ቆት አል ፋል ህከኔ አፋዕሌ ወክት ኣሳበስ እስቤቹ ሆንጠኮኡ። 2 እስንተ ተማርሱ ጀመር። 3 እስ «ገዉስ ሆፍስ መገኖን ድክኣኣሩ ሰሜ ዋምነቱ እሳሃ እኮቤቼሃ ማስእንቶአረ። 4 ሻዛሩ መገኑ ሰብር ኣሰናሰቤቼሃ ማስእንቶአረ። 5 መረርሲምታአሩ ኡለተ ረገኣቤቼሃ ማስእንቶአረ። 6 መገን ፈይመተ ጎራይታሩለክ ሰገባእሩ መገኑ ዱሰናሰቤቼሃ ማስእንቶአረ። 7 እመኣኣሩ መገኑ እመከሰናሰቤቼሃ ማስእንቶአረ። 8 ነጡ ቀልቡ ዮሰሩ መገኑ ለኣቤቼሃ ማስእንቶአረ። 9 ሀራርስታአሩለክ ወገሬት አታአሩ መገን አለተ የመንታቤቼሃ ማስእንቶአረ። 10 መገኒሃ ኣዘዘንቶቤቼሃ ያየንታሩ ሰሜ ዋምነቱ እሳሃ እሀናቤቼሃ ማስእንቶአረ። 11 «ኢ መሳን መኑ ቦሮረንክዕኔለክ ሸረንክዕኔ ክዘበን ሱዕመክዕኔ ቤሴኒሁ ተሽ ዩንክዕኔ። 12 ህካን እኮቤቼሃ ሰማን ሎረ ዋገ ኣእቲንተቤቼሃ ሙንደዕዬ፤ ተሽ ዩንክዕኔ፤ ክዕኔቹ ብርት ሄኡ ነብያት ህትን ኦርጨቀንቶኡ» ይሰ። 13 እስን «እዕት ዱንዮ አልሃ መጥኔተ፤ ጠዉ እኮጎሬ መጥንት ጤኡ ሆጋረ ሀት ኣኤን ጤኣን ኣኤናሴ? ህት መጥንት መቶርቼሃ ደግለልታበእቤቼሃ ቶሬናንሴ ሙኑ ሎካን ከደናሴ ቤሉ መቶርቼሃ ደግለልታበእ። 14 እዕት ኣዱንያ አሊሃ ጉዕሚንከ ኑርሃ፤ ቆት አሊን ዮ ከተሙ ማጠሞተ አታለናበኡ። 15 አዪሁ ኩራዘ ለሊሽ ምኒ ኣዘን ዮ መኒሃ ጉዕሚንከ ለለኖ ቤቻን ኣፋሽና ቤሉ ሎንቆች ዋሪን ኣፋሽናበኡ። 16 ህትን መኑ ክዕኔ ጡሙ ሆጉክዕኔ ለእ ሰማን ዮ ኣነክዕኔ ገለትጭቶት ክዕኔ ኑሩሁ መኒሃ ለለን» ይሰ። 17 ህትን እስ «መገኑ ሙሲሃ ኣሴ ሕገለክ ነብያት ተማርሰቶአሃ ድጅተ እሜቾሚሃ ኢጉዱንከህዕኔ፤ እን እስ ተማርሰቶአሃ ኣቶናተ እሜቾም ቤሉ ድጅተ እሜቾምበኡ። 18

ሀንቅንክ ያንክዕኔ፤ ኡለትለክ ሰሞሁ ህጎተ ኢሊ ኩ ሕት ጉዕሙንኩ ዊመኖ ቤሉ ሕጊች መት አልቲ በኣበኣ፡፡ 19 ህካን እኮቤቺሃ አደሁ ሕጊች ቀውሃሲ አዘዘሞበጎሬለክ መኑ አዘዘመኖበእገ ተማርሲጎሬ እሰ ሰሜ ዋምነቴን ጉዕሚችን ቀዉ አሀኖ፤ ጠዉ እኮጎሬ ሕገ ቶገኖሁለክ ዋሉ መኑ ሕገ ቶጋገ ተማርሲኖሁ ሰሜ ዋምነቴን ሎረ አሀኖ፡፡ 20 ህካን እኮቤቺሃ ክዕኔ ፈይመት ሕግ አስተማራችለክ ፈርሳዊ ፈይማች በተአባባ ሆሮ ሰሜ ዋምነቴ ኣኔነንተበእገ ኩላንክዕኔ፡፡ 21 «ዋዕኔ ዘማን መኒሃ ፡መነ ሽቶት፤ መነ ሼ ኣን አሌን ፈረደመኖስ» የመዋሃ ዋጮጭቴንታኣ፡፡ 22 እኮጎሬ ኣን ያሚሁ ከኒት፤ አመሰ ቤቲን ኡሙዕሪኖህን ፈረደመኖስ፤ አመሰቤቱ ቦረረኖሁ ኣገት ዳኛኖበ ሆንጠሀኖ፤ ህትን «ኩ ደግለልትባሁ» ይ መነ ቦረረኖሁ ሆሮን ጠእትበ ገራን ፍርደ ኣእኖ፡፡ (Geenna g1067)

23 መገኒሃ ክትሜኖ ጠረጴዝ አሌን ክትመ ሆንጠሀኖንት ወክት ከን ኡሙዕሪኔሃ ሰውይቶንጎሬ 24 ክትመ ሆንጠሀኖንት ጠረጴዝ አሌን ህከኔ ገኝኣት አመክቤትበ መርት ሀራዕሪሞ፤ ህከኒች ኡተሮን አሜት ክትመ ሆንጠሀኖ፡፡ 25 ባለጋሩክ ከሰሻንኬ ፍርድ ምኔን ኡርጋንትህኒች ሄጭት ባለጋርንከክ ሀራዕሪሞ፤ ህካን ኣትበጎሬ ባለጋሩክ ዳኒሃ ህግሽ ኣሰኔሃ፤ ዳኛንኩ ኡሱር ምኒ ኣግሰኖሄ፡፡ 26 ሀንቅንክ ያንኩ፤ አሌክ ዮ ኡዳሃ ሹልት ባቱዕነ ኡሱር ምኒች ሆሮ ፋልጋንትበኣ፡፡ ይሉ፡፡ 27 ኢሰ «ከነተ አቶኖቼ» የመዋሃ ዋጮጭቴንታኣ፡፡ 28 እኮጎሬ ቴሱ ኣን ኩላንክዕኔ፤ መንቹት ለዕይ ቀልቤሰ ሄዕላቸ መንቹ ከነተ አዕዮህንገ ዋለአመኖ፡፡ 29 መኬክ አልት ጅሰሚችክ መቲሰ ሉሰሶ ጎሬ እሴት ፋሽት ኡጅ፤ መሰንትሰ ዊሙ፤ ጅሰሙክ ኣዛቤን ቡቡኖህኒች ጅሰሚችክ መትተ አልተ ሆንጎቲሁ ቆሀኖ፡፡ (Geenna g1067) 30 መኬክ ኣንገክ ሉሲሶሃ ጎሬ ሙርት ኡጅ፤ መሰንትሰ ጅሰሙክ ጉዕሙንኩ ኣዛቤን ኣገኖህኒች ጅሰሚችክ መኬክ ኣንገተ ሆንጎቲሁ ቆሀኖ፡፡ (Geenna g1067) 31 ህትን «ጮሲ ገፍረኖሁ ጉዕሙንኩ ገፈሮ ፋርመ ኣሰንሲ» የመዋኡ፡፡ 32 እኮጎሬ ቴሱ ኣን ኩላንክዕኔ፤ ከነተ ኣቱዕነ መንቹሰ ገፈረኖሁ ጉዕሙንኩ ከነተ ኣጋገ አእኖሴ፤ ህተ ገፈሮ መንቹት ኣእኖሁ ጉዕሙንኩ ከነተ አዕዮሃ አሀኖ፡፡ 33 ህትን «ከኒች ብርተ ሄኦ መኒሃ ፡መገኒሃ ኣንጎት ወኣድ ላገተ ዊንሽ ቤሉ ድጅቶት» የመዋሃ ዋጮጭቴንታኣ፡፡ 34 እኮጎሬ ኣን ቴሱ ኩላንክዕኔ፤ ሰማን ሆሮ ጤሌዕልቶኖቼ፤ መሰንትሰ ሰሞሁ መገን ጃንትተ ቦርጭመ፡፡ 35 ኡላን እኮ እቃ ጤሌዕልቶኖቼ፤ ኡለት መገን ሎከት ፎሎጭታሃ ቤቹ፤ ህትን ዬሩሳሌማኒ ጤሌዕልቶኖቼ፤ ዬሩሳሌሙ ሎረ ዋምየ ከተመ፤ ህካን ኣኮቤቺሃ ሆሮ ጤሌዕልቶኖቼ፡፡ 36 ሙሚችክ መትተ ዋጂተ ህከረንገ ገንበሊ አቶተ ኣጋልጋንትበኣቤቺሃ ጤሌዕልቶት፡፡ 37 ህካን እኮቤቺሃ ጠወኤነታሁ አሀኖህ አሀኖ አሀባሁ አሀኖበኣ ዩ ሀሰሰኖ፤ ከኒች አደ ኣካ ላገት ጉዕሙንኩ ሽይጣንቺት» ይሉ፡፡ 38 እሰን «ኣልተ ፋሺህኒሃ አልሰ ፋሽ፤ ኣንኩተ ብጮህኒሃ ኣንኩሰ ቢጥ» የመዋሃ ዋጮጭቴንታኣ፡፡ 39 እኮጎሬ ቴሱ ኩላንክዕኔሁ አዕኑ አዬሃ ገዱተ ፈንቐሽቶኖቼ፤ አዬሁ መኬክ መጫሊ ዋቀረኖህኒሃ ጉረ ኣድ መጫሊ ዋቐሮተ ኣሰ፡፡ 40 መቱ መንቹ ሽሚዘክ ኣኣተ ሀሽ ከሰሻሂ ጎሬ ኮቲክ በርግት ኣሰ፡፡ 41 መቱ መንቹ ቀዉ

ጌሰ ሀርሲሴኤ» ዬጎሬ ኣት ለሙ አፎ በርግት ሀርሲሰሰ፡፡ 42 ኡጮኖሄህኒሃ ኣሰ፤ ህትን ሌጭጮተ ሀሰኖህኒሃ ሌጭሰሰ» ይሉ፡፡ 43 ኢሰን «ጂለክ ኢት! ዲኒክ ግብ» ይማሃ ዋጮጭቴንታኣ፡፡ 44 እኮጎሬ ኣን ኩላንክዕኔ፤ ዲኒክዕኔ ኢትዬ፤ ሽርጋህዕኔህኩኡተ ዱኣ አዕዬ ያንክዕኔ፡፡ 45 ህካን ኣቴንተጎሬ ሰማን ኣኒሃክዕኔ አለተ ኣኬነንተ፤ መሰንትሰ እሰ ሂላኖተለክ ጡመ መኒሃ ኣሩ ፋሽኖ፤ ህትን ፈየ መኒሃለክ ጩበኛኖተ ጤነ ኣሰኖ፡፡ 46 ኣተኖህዕኔሃ ኢትቴንተ ጎር መ ዋጉ ዮህዕኔ? ህካን ጩበኛኖንት ኣጋለሃበኣንዶ? 47 ጠለዕል እሉክዕኔ ወገሬትሴንተ ጎሬ ዋሎ መኒች መ ቆኬንን? ህካን አይሁደ እኮበኣ መኑሁ ኣጋኣ፡፡ 48 ህካን እኮቤቺሃ ሰማን ዮ ኣኑክዕኔ ኩሌኖሰሁ ዮበኢሃ ኣኩገን ኣዕኑሁ ኩሌኖህዕኔርቹ ዮበኣረ ኣኬ» ይሉ፡፡

6 ኢሰን «ጡመተ ሆጉተ ኣቴንተገ መኑ ለዕይ ገለትጩን ይቲን መን ብሬን ኣኢች ኣገዕርዬ፤ ህካን ኣቴንተጎር ሰማን ሄዕየ መገኒች መቲርቹሃ ደኣቴንተበኣ፡፡ 2 ህካን እኮቤቺሃ ቡጥቻኖተ ሰደቀተ ኣቴንተ ወክት መኑ ለኣሰተ ኣጋ መኑ ዱኣ አሌኖ ምኖን ኣጋህንገ መኑ ለኣኔ ይቲን አቶኖቼ፤ ሀንቅንክ ያንክዕኔ፤ እሰ ሆንሰ ዋገ ኣእቶኡ፡፡ 3 እኮጎሬ ኣት ቡጥቻኖተ ሰደቀተ ኣጋንት ወክት አደሁ ደጉዕነ ማጥ ኣሰ፡፡ 4 መሰንትሰ ማጥ ሰደቀተ ኣሰክ ደገኖ መገኑ ጡመ ሆንክ ወጥ ኣሰኖሄ» ይሉ፡፡ 5 ኢሰን «ዱኣ ኣቴንተ ወክት መኑ ለኣሰተ ዱኣ አሌኖ ምኖንለክ ዋቄ ገበላን ኡርት ኣጋ መንገ አቶኖቼ፤ ሀንቅንክ ያንክዕኔ፤ እሰ ሆንሰ ወጥ ኣእቶኡ፡፡ 6 ዱኣ ኣቴንተ ወክት ምንክ ኣግ ጡፈ ጡፍ ማጠሞ ዮ ኣንክ ቤቹ ዱኣ ኣኢ፤ ማጤን ኣኢማሃ ለኣኖ መገኑክ ጡመ ሆንክ ዋገ ባተኖሄ፡፡ 7 ዱኣ ኣጋንት ወክት አይሁደ እኮበኣ መንገ ፈንቀላንሰቲን ዱኣ አቶኖቼ፤ ሁኩ መኑ ፈንቀላንሰት ዱኣ አቶቤቺሃ መገኑ ሞጮጩኖሳሃ ኣት ቂራርሰት ዱኣ ኣጋኡ፡፡ 8 አዕኑ አሰገ አኮኖቼ፤ እሰን ክዕኔ ኣኑ ሀሰሰኖህዕኔሃ ጠዕምቶኑዕነ ሄጭ ደገኖ፡፡ 9 «ህካን እኮቤቺሃ «ሰማን ዮንቲ ኒ ኣኑ! ጠሊሉ ሱዕሙክ ሎዕሩን፤ 10 ዋምነቱክ አሜቱን፤ ሃሽኣቱክ ሰማን ኣኩገን ህትን ኣዱንያ ኣሌን ኣኩን፡፡ 11 ከበሬተ ኣካኔ አቸተ ኣሰኔ፡፡ 12 ነኡ ዋሎ መኒ ቤሱ ኣጉርኖምገን ኒ ቤሱሃ ኣጉርኤ፡፡ 13 ሂለርቺች ጡምሰኔ ቤሉ ፊተኖን ኣግሶትኔ፤ ኣሚዕን» ይቲን ዱኣ አዕዬ፡፡ 14 «መን ቤሱ ኣጉርቴንተ ጎሬ ሰማን ዮ ኣኑክዕኔ ክዕኔ ቤሱሃ ኣጉርኖህዕኔ፡፡ 15 ጠዉ እኮጎሬ መን ቤሱ ኣጉርጎሰ ይቲንባች ሰማን ዮ ኣኑክዕኔ ክዕኔ ቤሱሃ ኣጉርኖህዕኔበኣ» ይሉ፡፡ 16 ኢሰ «ሰማንቴንተ ወክት መኑ ለኣሰተ ኣጋ መንገ ሻዞኖቼ፤ እሰ ሶመኑሰ መኑ ለኣተ ይት ሚንሰ ቤሳኣ፤ ሀንቅንክ ያንክዕኔ፤ እሰ ሆንሰ ወጥ ኣእቶኡ፡፡ 17 ጠው እኮጎሬ ኣት ሶመንጋንት ወክት ሚንተ ኣዕልት ቡዕለክ ቡዕር፡፡ 18 ህካን አቶንተጎሬ ማጭ ለኣኖ ኣኒክ ቤሉ ዋሉ አደሁ ለኣኖበኣ፤ ማጭ ለኣኖ ኣኑክ ሆንክ ወጥ ኣሰኖሄ» ይሉ፡፡ 19 ኢሰ «ዋጋኑት ኣግ ቢጥ ሞግታቤቺ፤ ብሉት ኣጋቤቺንለክ ቡሃይ በኣኖቤች ዱንያክዕኔ ኣዱንያ አሌን ጭምአቶኖቼ፡፡ 20 ጠዉ እኮጎሬ ብሉት ኣጋቤቤቺ፤ ቡሃይ በኣኖበኣቤቺንለክ ሞጋኑት ቢጥ ኣግ ሞግታቤቤቺን ሰማን ዱንያክዕኔ ጭም አእዬ፡፡ 21 ህካን እኮቤቺሃ ዱንያክ ዮቤቺን ቀልቡክ ህከኔ ሄኣኖ» ይሉ፡፡ 22 ኢሰን «አልክ ጅሰምሀክ ኑርሃን፤ አልክ ፈየተ እኮጎሬ ጅሰሙክ

ጉዕሙንኩ ኑር እክ ለላኛ። 23 እልክ ፈየተ እክበሳ፤ ጅሰሙክ ጉዕሙንኩ ቱንሰቼ አሁኖ፤ ህዝብ እኩቤን ኬሳን የ ኑሩ ቱንሰቼ እኩግሬ ቱንሰቼስ ሄንከ በተአኖሃ አሁኖ?። ይሉ። 24 ህትን አሰ «መቱ መንቹ ለሞ ቀርቼሃ ጠገሞተ አታለሰበ፤ መቱስ አተኖ፤ ዋሉሰንገ ግባኖ፤ ህከረንገ መቱስ ሎርሰኛ፤ ዋሉሰንገ ህንቀኖ፤ ህትን መገኒሃለከ ብሪሃ ጠገሚሃ አታልቲንተበክ። 25 ህዝብ እኩቤን ኬሳን ኩላንክዕ፤ መ አንታም? መ አንታም? መ አደዕናም?። ይቲን ሄክክዕኔተኔሃ ሻዘኖቹ፤ እቲቹ ሄኡ ኦድኖች ጅሰሙ በተአኖበእንደ? 26 ህንዴ ሰማን ብርይታ ጨኡተ ለዕዬ፤ እሰ ዉጣበእ፤ ሞዳበእ፤ ቀፎኒ ዋርታበእ፤ ጠዉ እኩግሬ ሰሜ እኩክዕ፤ እትሰሰኛ፤ ህከረ አዕኑ ጨኡች በተኤንተበእንደ? 27 ክዕኔኤች ጨነቀሞ ኡሙሬንከሰ መቱ በር በርጎተ አታለሰህ፤ እዬት? 28 ህትን ሚሃ ኦድኖተ ሻዘኒንታት? ህንዴ አብሊን የ ቦብሉት ነጽታገ ለዕዬ፤ እሰ ገይሀሰ ሆንገ ሆጋበእ ህከረንገ ደዳበእ። 29 እን ኩላንክዕ፤ ሆር ዋሙ ሱላይማን ህከን ጉዕሙንከ ሎርማንተሰ ከን ቦብሎች መትሰጎ ኦደዕየበእ። 30 መገኑ ከበር ለልት ጋቲት ገራን ቡባ ህጤት ህት ኦደክጎ አኦኖሃ እኩች አዕኑ አመዕነቱ ሆፈዕየሀዕኔሩ ክዕኔት ቆህሽ ኦዲሰኖሀዕ። 31 ህዝብ እኩች «መ አንታም? መ አንታም? መ አደዕናም?። ይቲን ሻዘኖቹ። 32 ህዝብ አይሀደ እኩበእ መኩሁ ሀሳእ፤ ክዕኔሃ ሁኩ ጉዕሙንኩ ሀሰሰኖሀዕ፤ ሰሜ እኩክዕ፤ ደገኖ። 33 አዕኑ እኩግሬ ሄጭቲን መገን ዋማንቱሰለከ ፈይመሰ ሀሼ፤ ሁኩ ጉዕሙንኩ ጠዉ በርገመኖሀዕ። 34 ህትን ጋቲትክዕ፤ ይቲን ሻዘኖቹ፤ ጋት ገጭሰ ሻዘክ፤ በሪሃሰ በሬሰ ጭንቀት አካእ» ይሉ።

7 እሰን «ፈረደመኖሀዕ፤ ፈረደኖቹ። 2 መሰንትሰ አዕኑ ፈረዳንተገን ፈረደመኖሀዕ፤ ህትን ብክቲንተሀኔን ብክመኖሀዕ። 3 ኪ አሊን የ ሎረ ሁረ ለኡዕናን ህት ኪ አመክ በት አሊ ኣዘን የ ሁረ ለኣንቲት? 4 ህትን ኪ አሊን የ ሎረ ሁረ ከንቲዕን ኪ አመክበቱ፤ ህንዴ አሊክ የ ሁረ ፋሻሞ፤ ይቶተ ህት አታልተን? 5 እት እን ሎረሃን ይታንቲሁ፤ ሄጭት አሊክ የ ሎረ ሁረ ፋሽ፤ ህከኒቹ ኤተሮን አመክ በት አሊን የ ሁረ ፋሽቶተ አጥረመት ለኣንት። 6 መገኒሃ አደ እኩርቹ ዉሻት ኣቶኖቹ፤ ህትን ሎካንከሰ ከድ ቤሳበእጎ ዋርቀ ቦኬ ብሬን ኡጅቶኖቹ፤ ዉሻንት ፈንቀልት ገዕምታሀዕ። ይሉ። 7 ህትን እሰ «ኡጭዬ እኣቲንተ፤ ሀሼ ደኣቲንተ፤ ህትን ኡሩተ ቆጭዬ ፈንመኖሀዕ። 8 ህዝብ እኩቤን ኣይሁ ኡጨኖሁ ቶገኖ፤ ኣይሁ ሀሽ ጎሬ ደኣኖ፤ ህትን ኣይሁ ኡሩተ ቆጭግሬ ፈንተአኖ። 9 ክዕኔኤች ኣይሁ ቤቱሰ ዳቡተ ኡጨግሬ ክኩ ኣሰኖሁ እዬት? 10 ህትን ቁርጨሜተ ኡጨግሬ ዋሪቹ ኣሰኖንዶ? 11 አዕኑ ሂላኑተ እከኔን ኣላተክዕ፤ ጡመርቹ ኣሱ ደጌንታች ሰማን የ እኩክዕ፤ ኡጭታሁኡተ ጡመርቹ በትሻ ኣሰኖበእንደ? 12 ህዝብ እኩቤን ሙኩ አሰሀዕኔተ ኢትቲንሃን ጉዕሙንከ አዕኑ እሳሃ ህትን አዕዬ፤ መሰንትሰ መገን ሕጋን ይማሁለክ ነብያት ኩልቶኢሁ ህከኒት» ይሉ። 13 እሰ «ሩክሽ ኡሮን ኣጌ፤ መሰንትሰ በእቤቹ መሰታ ኡሩት አልሳዕሎታን፤ ህትን ዋቆሲ ሎረሃን፤ ህከን ዋቃን ሃመኖ ሙኩ ልግብያ። 14 እኩግሬ ሄክበቹ አምሰንታ ኡሩት ሩካሽታን፤ ህትን ዋቆሲ ኦርሰኖሃን፤ ህዝብ እኩቤን ህከ ዋቃሃ ደኣኖ ሙኩ ቀዋሃን» ይሉ። 15 እሰ «አዕኑ ክከብ ነብያኖች አገዕርዬ፤

እሰ ክዕኔቤቹ ሆለተ ኣጉድ ኣሚታኣ፤ ጠዉ እኩግሬ ወልቅሽ ኣተኖ ኦሊገ የኣረ። 16 እሰንተ ደጌንተሳሁ ላልቲንከዕት፤ ኡት ሀቂቹ ወይን ዬኖ ላልቹ ህትን ቃልቃልች ኦድ ላልቹ መጤኖበእ። 17 ህትን ጡሙ ሀቂ ጡሙ ላልቹ ላላኖ፤ ጠዉ እኩግሬ ሂላ ሀቂ ሂላ ላልቹንከ ላላኖ። 18 ጡሙ ሀቂ ሂላ ላልቹ ላሎተ ህትን ሂላ ሀቂ ጡሙ ላልቹ ላሎተ አታለሰበ። 19 ጡሙ ላልቹ ላላኖበእ ሀቂ ጉዕሙንከ ሙሬን ገራን ቡሴኖ። 20 ህዝብ እኩቤን ክከብ ነብያት ሆንሰ ላልቹን ደጌንተሰ» ይሉ። 21 እሰ «ሰማን ሄኣኖ ኢ እን ሃሽኣቲተ ዊንሻኖህን ቤሉ «ቀርቶ! ቀርቶ!» የኖኤሁ ጉዕሙንኩ ሰሜ ዋማንቲ ሆር ኣገኖበእ። 22 ፍርድ በር ልግቡ ሙኩ «ቀርቶ! ቀርቶ!» ሱዕሚንከክ ራገ ጠወዕንበእንደ? ሱዕሚንከክ ሩሃንያ ፋሽንበእንደ? ህትን ሱዕሚንከክ ልግብ ኣጀብሲሰኛ፤ ጠዉ አዕንበእንደ? ይታኡ። 23 ህከ ወክት «እን ሆር ደጋንክዕኔበእ፤ አዕኑ መገን ትዛዝ ቶጌቡሩ ኢች ካጳ ሸቂ ያም» ይሉ። 24 እሰ «ህከ ኢ ላገተ ሞጮጭ አገረኖ መንቹ ሞንሰ ክን አሊን ጠረኝሽ ኣጃር ኤንኬዕናሙ መንቹ ኣጉደኖ። 25 ሞንሰ አሊን ጠረኝ ጤኑ ኡቦ፤ ድርሱንኩ ኣሜቹ፤ ህትን ቡብሩ ሀንበሎሰ፤ ጠዉ እኩግሬ ሞኑ ክን አሊን ኣጃረሞቤቹሃ ኡቦበእ። 26 ጠዉ እኩግሬ ኢ ላገተ ሞጮጭ አገርቡ መንቹ ሞንሰ ሽፋር አሊን ኣጃር ገወ መንቹ ኣጉደኖ። 27 ሞንሰ አሊን ጤኑ ኡቦ፤ ድርሱንኩ ኣሜቹ፤ ህትን ቡብሩ አበ ሀንበላንሰ ሞኑሰ ሽፋር አሊን ኣጃረሞቤቹሃ ወክትንከሰ ኡቦ፤ ሁኩ ሞንኩኩ ሂላገ ኡቦ» ይ ተማርሴእ። 28 እሰ ህዝብ ተማርሰ ሹሎ ወክት እሰ ተማርሴ ትምርታን ኡመቱ አበ ኣጀብሲጩኡ። 29 መሰንትሰ እሰተ ተማርሴኢሁ ሹምነቱ የሰ መንጋት ቤሉ ሕግ አሰተማረበእ።

8 እሰ ቆታች ድሬ ወክት ልግቡ ኡመቱ አምንቶሰ። 2 ህከ ወክት አሊን ፋልታ ጎግ ጥዘነት ኣፎሰ መቱ መንቹ ኣሰበ ኣሜቹ፤ እሰን ብሬሰ ጉሉጽ «ቀርቶ! ኢትቶንትጎር ነጠ ኣቶኤተ አታልታንት» ይሉ። 3 እሰን ኣንገሰ ሂር ህከ መንቹ ኣፍ «ፈቀጀም ነጠ እህ» ይሉ፤ ህከ ወክት ሁኩ ጎግ ጥዘነት ኣጉርቶሰ። 4 ህከ መንቹ እሰ «ከ ጠወ ኣይሃ ጠወኣት፤ ጠዉ እኩግሬ ቴሱ መርት ነጠ እሁኩ ቂሰቹሃ ለልሰ፤ ህትን መኒሃ ጉዕሚንከ ሞስክር እሆተ ሙሰ ኣዘኩገን መገኒሃ ክትም ሆንጠህሰ» ይሉ። 5 እሰ ቅፍርናሆም ከተመ ኣጎ ወክት መቱ ጥቤ ሀለቁ ኢሰበ ኣሜቹ 6 «ቀርቶ! ካዲንቹኤ ናፈ ኣክ አበ ኦርጨቀመን ሞኔን ኣሰዕዮኡ» ይሉ። 7 እሰን «እን መር ፈይሳንሰ» ይሉ። 8 ጠዉ እኩግሬ ጥቤ ሀለቁ «ቀርቶ! እት ኢ ሞኒ ኣጎተ እን በቀዕሳ መንቹ፤ ጠዉ እኩግሬ ጠለዕልመት ላገተ ጠወኣ፤ ካዲንቹኤ ፈየኖ። 9 እን ገዉንኩኦ ኢች ኣሊን የ ዳኚሃ ኣዘዘማም፤ ህትን ኢች ዋርን እን ኣዘዛም ዋታደሩ ዮኤ፤ መቱስ «ካጳ ኦርኤ» ይም ጎሬ ኦርኣኖ፤ ዋሉንገ «ከበ እም» ይም ጎሬ ኣሜተኖ፤ ኢ ካዲንቹንኩ «ካን እኦ» ይም ጎሬ ኣኣኖ» ይ ፈንቀሽኡ። 10 እሰ ካን ሞጮጭ ወክት ኣጀብሲጭ አምንተን ሄኦ መኒሃ «ሀንቅንከ ያንክዕ፤ ህትኔ አመዕነቱ እሰራኤላን ደጎምበእ። 11 ከ ጠወ ኣጥራመቹ፤ ልግቡ ሙኩ ሸርቂቶሊክ ገርቢች ኣሜት ሰሜ ዋማንቲን ኣብራሂሚን፤ ኣሳቂንላከ ያቂቢን ሜጡብ እክ ሚዳን ኣፋዕልት አታኡ። 12 ሰሜ ዋማንቲ አለት ኣብሉ ቱንሰቹን ኡጃናንሰ ህከኔ ኣልፋቲተለከ

እንኩተ እጡ አሁኖ» ዬሰ። 13 ህከኒች ኤተሮን ኢሰ ጥቤ ሀለቂቹ «እሮእ፤ አመዕንቶንትገን አሁን» ዬሰ፤ ካድንቹሰ ህከ ወክት ፈዬእ። 14 ኢሰ ጴጥሮሴ ምኒ አገኖ ወክት ጴጥሮሴ በሉት ፋረ ደመሜን አበ ጥዣንሴ ኦሰአን ለዕዮ። 15 እሰ እንገሴ ኡሎ ወክት ፋረት አጉርቶሴ፤ እሴን ኬእ እሰንተ ካደንቶኡ። 16 ሀወሬ ወክት ልግቡ ሙኑ ሩሃንዩ አፎሰ መን ኢሰበ ኤቦኡ፤ እሰን ላጋንተሰ ልግብ ዶሮረኖ ዱር ፋሼኤ፤ ህትን ጥዛናመተ ጉዕመንከ ፈጀሾ። 17 ህከን አዕዮሁ ነብዬቾ አሰያሴን «እሰ ጥዘነኔ ኣኤእ፤ ጥዘነኔ እጆእ» ዬዲሁ ዊሞታት እቅ። 18 ኢሰ ልግቡ ኡመቱ እሰ መዴን ጭምዬሊህ ለዕዮ ወክት «ከን ባርች ዉድ አደ ቶሌ» ይ አሳበሰ አዘገቡ። 19 ህከኒች ኤተሮን ሕግ አስተማራች መቱ ኢሰበ እሜች «አስተማርቼ! እት መርታንትቢቹ ጉዕመንከ አዋናኪ» ዬሰ። 20 ኢሰ «ዋለንጌህ ኤሎ ዮሰ፤ ሰሜ ጨኣንተ ጎዕምት ዮሰ፤ ጠዉ እኮጎሬ መንች ቤተሃ ገዉሰ ፎሎሲሰኖ ቤቹ ዮሰበእ» ይ ፈንቀሼእ። 21 ህትን አሳባችሰ መቱ «ቀርቼ! ሃጭ መር እንኤ ሞተን ፈቀደኤ» ዬሰ። 22 ጠዉ እኮጎሬ ኢሰ «ሬኖ መን ሬኖ መንኩኩ ሞጉን፤ እት ኤሳሃ አዋኔኤ» ዬሰ። 23 ህከኒች ኤተሮን ኢሰ ጀልባን ኣጎ ወክት አሳባንት ሜጡበ ኣጎኡ። 24 ጠረኝ ቦብሩ ባር አሌን ኬዕያን ዊ ሁሉ ጀልባ ጥሞብሰተ አኮ፤ ጠዉ እኮጎሬ ኢሰ ግሾ እቅ። 25 አሳበንት ኢሰበ ሆንጠክ «ቀርቼ! በዕናሚት፤ ጡምሰኔ» ይት ግሰኛች ኬሶኡ። 26 ኢሰን «እዕኑ አመዕነቱ ሆፈዕዮህዕኔ፤ ሚሃት ዋጅቴንታሁ?» ዬሰ፤ ህከኒች ኤተሮን ኢሰ ኬዕይ ቦብረለክ ባረንከ አጉረኖግ ሻቃን ጨለ ዬእ። 27 ሙኑ አበ አጅብሰጭ «ቦብሩለክ ባሩ አዘዘመናሲሁ ኩን ህትናሙወ መንቹ» ይቶኡ። 28 ኢሰ ገሊለ ባረ ቶል ጌርጌሶን ባዱ እሜቹ፤ ህከኒን ሩሃንዩ አፎሰ ለሙ ሙኑ ሎድ ኣዘች ፋልት ደቀንቶሰ፤ እሰ መን ምርታእረ እኮቤቼሃ አዬሁ ህከን ዋቂን ህጎተ አታለኖበ እቅ። 29 እሰን ያርተን «መገን ቤቶ! ኔሳለክ ኬሳሃ ሚ ደቅንሹ ዮኔ? ወክቱ እሉዕነ ኦርሶኔተ እሜቶንትንዶ?» ይተን ያርቶኡ። 30 አሳች ቀዉንተ ህግ ቦኬ መሰረት ዘግ ይቶ እቅ። 31 ዶሮረኖ ዱሩ «ፋሽታንትኔ ጎሬ ህከን ቦኬ መሰራን አንጋምግ እእኔ» ይት ኡጭቶኡ። 32 ኢሰን «መሬ» ዬሰ፤ ህከን መንች ፋልት መርት ቦከን ኣጎኡ፤ ሁኩ ቦኬ መሰረት ጉዕመንኩ ቶተ መዲቹ ደጉደን ባራን ጥንብሰንት ሬቶኡ። 33 ህከን ቦኬ ዘምንት ሁንት ከተመ ኣግ ጉዕመንከ ጠወለከ ሩሃንዩ አፎ ለሞንከ መናን እኮ ጠወ መኒሃ ጠወኦኡ። 34 ህከኒች ኤተሮን ህከን ከተመ ሙኑ ጉዕመንኩ ኢሰ ለኦተ መርቶኡ፤ ለኦ ወክት ባዱሰ ገፈር ኦርኣኖግ ኡጭቶሰ።

9 ኢሰ ጀልባን ኣግ ባረ ቶል ገይሰ ከተመ እሜቹ። 2 ህከቤቹንከ መቱ ሩፈ መንቹ ዳሰን እጅት ኤቦኡ፤ ኢሰን አመዕነቱሰ ለዕይ «ኢ ቤቶ! ዋጅቶት፤ ጨቡክ ፈቁን የመሞኡ» ዬእ። 3 ህከ ወክት ሕግ አስተማራች መት-መቱ ገገወንኩሰን «ኩ መንቹ መገን አሌን ቦሮር ላጎተ ጠወኣናት» ይት ቀልቤንከሰ ሰውይቶኡ። 4 ጠዉ እኮጎሬ ኢሰ ቀልብሰ ጠወ ደግ «እዕኑ ሚሃት ሂለ ጠወ ቀልቤንከክዕኔ ሰውይቱንታሁ? 5 ጨቡክ ፈቁን የመሞኡ ዪቻለክ ከኤ ኡርት ሃም ዪቻ ሀከንሰ ቆህኖ? 6 ጠወ እኮጎሬ መንች ቤቱ ኣዱንያ አሌን ጨብ ፈቁን ዮተ ወልቀት ዮሲሃ አሁሰ

ደጌ» ይ ሩፈ መንቹ «ከኤ ዳሰክ እጅት ምንክ ኦርኤ» ዬሰ። 7 መንቹንኩ ኬዕይ ምንሰ ኦርዕዮ። 8 እሙቱንኩ ህከን ለኦ ወክት ዋጅት ህትኔ ዋልቀተ መኒሃ ኣሴ መገኑ ገለትጭቶኡ። 9 ኢሰ ህከንቤቹች ኬዕይ ኦርኤን «ማቶሴ» ዬኖ ቀረጠ ሙረኖሃ ቀረጠ ሙረኖ ቤቹን ኣፋዕሌኢሃ ለዕይ «አወኔኤ» ዬሰ፤ እሰን ኬዕይ አዋቹሰ። 10 ህከኒች ኤተሮን ኢሰ ማቶሴ ምንክ ማዳን ኣፋዕሌሀኒን ልግቡ ቀረጠ ሙርታኣሩለክ ጨበኛትን ህከ ቤቹ አሜት እሰንለክ አሳባንን ማዳን ኣፋዕልቶኡ። 11 ህከን ፈርሳውት ለኦ አሳበሰ «አስተማርቼክዕኔ ጨበኛኖንለክ ቀረጠ ሙርታሁንኡን ሜጡበ አተኖህ ሚሃት?» ይቶኡ። 12 ጠዉ እኮጎሬ ኢሰ ህከን ሞጮጭ «ህከሙ ሀሰሰኖህ ጥዘናማታት ቤሉ ፈየ መኒሃትበእ። 13 ኦርዕዬ «ኣን ኢታሚሁ ማርቱታት ቤሉ ክትሞሃትበእ» የመም ከተበሞሃ መሃጎር አጥራመቱን ደጌ፤ እን እሜቹሚሁ ጨበኛትን ጨብኛሰ ፈንቀልታገ ገኦታት ቤሉ ፈየ መን ገኦታበእ» ይ ፈንቀሼሰ። 14 ህከ ወክት ያህይ አዋናት ኢሰበ እሜት «ነኡለክ ፈርሳውት ሶመን እንፈን ኪ ኣሳበት ሶመንታበኢሁ ሚሃት?» ይት ጠዕምቶኡ። 15 ኢሰን «እዜቹ አሳን ሜጡበ ሄእን ጃለት ሻዛእንዶ? ጠው እኮጎሬ እዜቹ አሳች አደ አሁኖ ወክቱ አሜተኖ፤ ህከ ወክት ሶመንታኦ። 16 እዬሁ ኑባጵቶ ኦድኖን ሃዕር ቃፈት ቃፈኖህ ዮበእ፤ ቃፈንሬ ኦድኑሰ ፊልተኣኤ፤ ፊልተኡንኩሰ ወዕኔች ባሰ አሁኖ። 17 ህትን ሃዕር ጠጀ ኑባጵ ሆቆማዶን ዋሬኖበእ፤ ህከን እኤመ ጎሬ ሃዕር ጠጁ ኑባጵ ሆቆማዱ ፊለኖ፤ ጠጁሲ ዱንተኣኖ፤ ጠው እኮጎሬ ሃዕር ጠጀ ሃዕር ሆቆማዶን ዋሬኖረ ጠጁሲ ዱንተኣኖበእ፤ ህትን ሆቆማዶንኩ ፊልተኣኖበእ» ይ ፈንቀሼእ። 18 ኢሰ ህከን ጠወኣንን መቱ ሹሙ ኢሰበ እሜች ብሬሰ ጉሉጵ «ጨልሌ ቴሱ ሬቶኡ፤ ጠዉ እኮጎሬ ኣት እሜት እንገክ እሴ አሌን አቶንት ጎር ፈይታእ» ዬሰ። 19 ኢሰ ኬዕይ አሳባንተሰን ሜጡበ ህከ መንቹ አዋቹ። 20 እሰን ሃንተን ሄኡንን ቶን ለሙ ዘማን ጀሰምቶሴ ቂጉ ዱንተኣን ኦርጨቀንተን ሄኣ መት መንቹት እሜት ኤተርሰ አዲን ኢሰ ኦድኖሰ ሰኑተ አንጋንተሴ ኡልቶኡ። 21 ህከን አቶኢሁ ቀልቤንከሴ «ኦድኖሰ ሰኑተ ኡሎም ጎሬ ፈያም» ይተት እቅ። 22 ኢሰን ፈንቀል እሴንት ለዕይ «ኢ ጨለ! ዋጅቶት፤ አመዕነቱክ ፈይሾሃ» ዬሴ፤ ህከ ወክትንከ እሴ ፈይቶኡ። 23 ህከኒች ኤተሮን ኢሰ ሹም ምኒ ኢሌ ወክት አልፋቴት ጡሩንገ በሱን ምኒ ኣዜን ኦኣኖ መን ለዕዮ። 24 «ጉዕመንኩክዕኔ ከን ምኒች ፋሌ! ሀፍቱት ግሶ ቤሉ ሬቶበእ» ዬእ፤ ጠዉ እኮጎሬ እሰ አሰዕልቶኡ። 25 ሙኑ ፋሎች ኤተሮን ኢሰ ሀፍቶ ጀናዘት ዮ ቤቹ ኣግ እንገሴ አፎ ወክት ኬኡኡ። 26 ሁኩ ጠዉ ጉዕመንኩ ህከን ባዶን ሞጮጭ። 27 ኢሰ ህከንቤቹች ኬዕይ ኦርኤን ሄዕዮገን ለሙ ቆቆ ሙኑ «ደዉዳ ቤቶ! ሀዕይ እሙዝኔ» ይተን አዋንቶሰ። 28 ኢሰ ምኒ ኣጎ ወክት እሰ መድ ሆንጠክ «ኣን ካን አኣምግ አመዕንቱንኦ?» ዬሰ፤ እሰን «ኤ ቀርቼ!» ይት ፈንቀሽቶኡ። 29 ህከኒች ኤተሮን ኢሰ አንጋንተሰ አልሰ አፍ «አመዕንቱንታገን አሁንክዕኔ» ዬሰ። 30 አልሰ ፈንተኡ፤ ኢሰን «ከ ጠወ እዬሃ ጠወኦኹ» ይ ጠረኝሽ አዘገቡሰ። 31 ጠዉ እኮጎሬ እሰ መርት ህከን ባዶን ጉዕማንን ኢሰትኔሃ ኩልቶኡ። 32 ሁኩ አልሰ ፈንተኣን ለኦ መኑ መርቶገን ዋሉ መኑ ዶሮረኖ ዱሩ አፎሰ ዱደ መንቹ ኢሰበ ኤቦኡ። 33

ዶሮረኖ ዱሩ ፋሎች ኤተሮን ሁኩ መንቹ ጠወኡ ጀመር፤ መኑ «ህትናው ጠወ እስራኤላን ሆሮ ለዕናምበኤ» ይት እጀብሲጭቶኤ። 34 ጠወ እኩጎሬ ፈርሳውት «እስ ሩሃንዩ ፋሽኖህ ሩሃንይ ዋም ወልቃኒት» ይቶሰ። 35 ኢስ ዱኣ እኤኖ ምናን ተማርሰን፤ መገን ዋምነት ተሽት ላገተ እዋጀንለክ መነ ጥዛናች ጉዕሚችን ፈይሰን ከተመለከ ቀዕየተ ጉዕመንከ ሃመን ተማርሰና እቅ። 36 እስ መኑ ዘዋዋ ዮበእ ሆለገ እክ ብን ይት ኦርጨቀንተን ለዕዮሰ ወክት አመኑሰ። 37 ህካን እኮቤቺሃ አሳባተሰ «እኤኖስ ሆጉት ልግብያን፤ ጠወ እኩጎሬ ሆጉት እኤኖ መኑ ቀዋሃን። 38 ህካን እኮቤቺሃ ሆሳስ እኑ ሆገቤቹ መነ ሶሆተ ኡጭዬ» ይሰ።

10 ኢስ ቶነ ለመንከ አሳበተ አሰበ ገእ ዶሮረኖ እያነ ፋሽቶተለክ መነ እደደ ጥዛናች ጉዕሚችን ፈይሰ ወልቀተ ኣሲስ። 2 ቶነ ለምንከ አሳበ ሱዕሙ ከኒች ዋሮን ከተበምኤ፤ እሰን «ጴሮሴ» ይኖ ሰምኔት፤ እመሰቤቱ እንድራሴት፤ ዘብዶሴ ኦሱት ያቁባት፤ ያህይት፤ 3 ፍልጶሴት፤ ባርቴለምሴት፤ ቶማሴት፤ ቀርጠ መረሮ ማቶሴት፤ አልፎሴ ቤቱ ያቁባት፤ ታዶሴት፤ 4 ባዱስ ኢተኖህ ይሁዳት እቅ። 5 ኢስ ህከ ቶነ ለመንከ አሳበተ «እይሁዳ እኮበእ መንቤቹ መርቶናቺ፤ ህትን ሰመር ከተመ ኣጎናቺ። 6 ሆለገ እክ በኦ እስራኤል መንቤቹ ኦርዕዬ 7 ሰሜ ዋምነቱ ሆንጠኮ» ይቲን ተማርሰዬ። 8 ጥዛናመተ ፈይሼ፤ ሬዮ መነ ሬሆች ኬሼ፤ ጎግ አሌን ፋልታ ሂለ ጥዛነት ዮ መነ ነጠ አዕዬ፤ ሩሃንዩ ፋሽኤ፤ ጠለዕላን ኣኣቲንታሃ ጠለዕላንን ኣሰዬ። 9 ክሳንክክዕኔ ሳንትበተ አፎኖች። 10 ዋጭሃክዕኔ ከረጥትተ ህከረንገ ለሙ ቀንቢሰ ህከረንገ ጫዕመተ ህከረንገ በርተ አፎኖች፤ መሰንትሰ ሆጉት እኤኖ መንቺሃ እተኖሁ ሀሰሰናሰ። 11 አዕኑ ኣጌነንተ ከተማን ህከረንገ ቀኤን ክዕኔተ ቶጎተ መንደአኖ መንቹ አጥራመቲን ደጌ፤ ህከ ቤቹ አጉርቲን መርቶናተ ኣሊ እሲን ሜጡብ አገሬ። 12 መን ምኒ ኣጌነንተ ወክት «ወገሬትሼ። 13 ምኒን ዮ መኑ ወገሬትክዕኔ ቶጎ ጎሬ ወገሬትክዕኔ እስ አሌን አሁን፤ ጠወ እኩጎሬ ወገሬትክዕኔ ቶጉ ግባር ወገሬትክዕኔ ክዕኔ አደንከ ፈንቀሉን። 14 እዩሁ ቶጉ ግብኖህዕኔ ወክት ህከረንገ ጠወኤንተ ጠወ ሞጮጩ ግብኖህዕኔ ወክት ህከ ምኒ ህከረንገ ህከ ከተመ አጉርቲን ፋልቲን ሎክክዕኔ ትበ ግግሽቲን ፋሌ። 15 እን ህንቅንከ ያንክዕኔ፤ ፍርድ በር ህከን ከተሚች በትሽ ሶደምለክ ጎሞር ከተም መኒሃ ቅጣቱስ ቆሆኖ» ይ አዘኹ ሶኮ። 16 ኢስን «ህትን ፋሽ ሆለገ ኦሊ በላን ሶሃንክዕኔ፤ ህካን እኮቤቺሃ ዋሮችን ኤንኬዕናመተ ሀንደዕሬገ ጎደበ ላፋተተ አኬ። 17 ጠወ እኩጎሬ ፍርድ ኦገት ዳኖኖበ ህግሰን ኣሴኖህዕኔ፤ ዱኣ እኤኖ ምናን ሀላንጌን ኣሴኖህዕኔ፤ ህካን እኮቤቺሃ መኒች አገዕርዬ። 18 እቲኔሃ ባድ ዳኖኖቤሃ ዋም ብርተ መሴኖህዕኔ፤ አዕኑ እሳሃለክ አይሁዳ እህበ መኒሃ መሰከርቲንተ። 19 መኑ ፍርድቤቹ ሆንጠህሰኖህዕኔ ወክት ጠወኤንተ ጠወ ህከ ወክትንከ ኣሰመኖህዕኔቤቺሃ «ሆኑ» ህከረንገ «መ ጠወዕናም?» ይቲን ሻዞኖች። 20 መሰንትሰ ክዕኔ ኣዜን ጠወኣኖሁ ሰሜ እንክዕኔሃ እያነ ቤሉ ጠወኤንታህ አዕናበኤ። 21 መኑ ገይሰ አመቤቱ ሬሆተ ህግሽ ኣሰና፤ ህትን ኣኑ ገይሰ ቤቱ ሬሆተ ህግሽ ኣሰና፤ አለት ኣነስ

ህከረንገ አመሰ ዱንሰት ሬሆተ ህግሰ ኣታኤ። 22 ጉዕሙንኩ መኑ ኢ ሱዕምተኔሃ ግብኖህዕኔ፤ ጠወ እኩጎሬ መጨረሽ ኣሊ ጠረኝ ኡረኖሁ ፈቀኖ። 23 መቶ ከተማን ኦርሸት በተኣ ወክት ዋሉ ከተመ ሆኚ፤ እን ህንቅንከ ያንክዕኔ፤ መንች ቤቱ ፈንቀል አሜቶተ ኣሊ እስራኤል ከተመ ጉዕመንከ ኣልቲንተበኤ። 24 ተማርሮህ ተማርሰኖሰህኒች ህትን ካድንቹ ቀርቺች በተኣኖበኤ። 25 ህካን እኮቤቺሃ ተማርሮህ ተማርሰኖህን ህትን ካድንቹ ቀርቺትሰ እኮች አህናሰ፤ ጠወ እኩጎሬ ምንሰ እነ «ቤዴልዚቡል» ይን ገኤመ ጎሬ ምንሰ አበሮስ ህከኒች ባሰ ሂለ ሱዕሚን ገኤኖበእንደ?» ይኤ። 26 ኢስ «መነ ዋሮቶኖች፤ መሰንትሰ እፍሰሞህ ፈንተኩ ህትን ማጠሞርቹ ለሉዕነ ፈቀናበኤ። 27 እን ቱንሰቸን ኩላንክዕኔሃ አዕኑ በራን ኩሌ፤ ህትን ማጠን ኩሌንን ሞጮጭንተ ጠወ በኒንታ ፋልቲን ጠወዕዬ። 28 ማለ ሽታረ እኩጎሬ ፎል ሽቶተ አታልታበእረ ዋሮቶኖች፤ ጠወ እኩጎሬ ማለለክ ነብሳሃ ጠእትበ ገራን ኡጀተ አታለኖ መገኑ ዋሮቶኖች። (Geenna g1067) 29 ለምተ ጭኡት መቶ በከናን ህረንታለእንደ? ጠወ እኩጎሬ ሰሜ ኣኑክዕኔ ይበገሬ ኢች ሆሮ መት ጭኡቲ ኡለ ኡብ ፈቃበኤ። 30 ክዕኔ መሙክዕኔ ፈቀዕነ ዋለአምእን። 31 ህካን እኮቤቺሃ ዋሮቶኖች፤ አዕኑ ልግብ ጭኡች በተኤንተ። 32 «መን ብሬን ኣቲኔሃ መሰከረኖህን ጉዕሚንከ እን ሰማን ዮ ኣኒኤ ብሬን መሰከራን። 33 ጠወ እኩጎሬ መን ብሬን ለገኣኤሃ እዩሁ እን ሰማን ዮ ኣኒኤ ብሬን ለገኣን።» ይኤ። 34 ኢስ «እን ኣዱንያ እሌን ወገሬት ኤቦተ አሜቶሚሃ ኣጉዱንከህዕኔ፤ እን አሜቶሚህ በገዙ ኤቦታት ቤሉ ወገሬት ኤቦታበኤ። 35 መሰንትሰ ቤቱ ኣኒን ህትን ቤቱተ አማንተሰ ቤቲተ በሎንተሰ ብተንሶተ አሜቶም። 36 መኒ ባለገሩ ገይሰ ምኒ መነ አህኖ። 37 እዩሁ ኣነስለክ አመሰ ኢች በትሽ ኢቲ ጎሬ ኤሳሃ አሆተ ሀሰሰናበኤ፤ ህትን እዩሁ ቤቱሰ ህከረንገ ቤቱተ ኢች በትሽ ኢተኖሁ ኤሳሃ አሆተ ሀሰሰናበኤ። 38 ገይሰ መሰቀለ እጅ አምንበኤህ እዩሁ ኤሳሃ አሆተ ሀሰሰናበኤ። 39 ፎልሰ ፌሶተ ኢተኖሁ እዩሁ ቤሰና፤ ጠወ እኩጎሬ ፎልሰ ኣቲኔሃ ቤሰኖሁ እዩሁ ፈቀኖ። 40 ክዕኔተ ቶገኖሁ እዩሁ ኤሳሃ ቶገና፤ ኤሳሃ ቶገኖሁ እዩሁ ኤሳሃ ሶኮሃ ቶገና። 41 ነብዬች ነብዬች ሱዕሚን ቶገኖሁ ነብዬች ዋጋ ደኣና፤ ፈዮ መንቹ ፈዩ ሱዕሚን ቶገኖሁ ፈዩ ዋጋ ደኣና። 42 ህንቅንከ ያንክዕኔ፤ ኢ ኣሳቤቹ እኮቤቺሃ ከን ማዕናኖች መትሀስ መቱ ቡርጨቆ ዋህ ኣሰኖሁ እዩሁ ዋገሰ ደኡዕነ ፈቀናበኤ» ይኤ።

11 ኢስ ቶነ ለመንከ አሳበሰ አምንታገ አዘኹ ሹሎች ኤተሮን ህከ ቤቹ ገኝ አዕይ ግደኖን ዮ ከተመ ዱዱብሶተለክ ተመርሶተ ኦርዕዮ። 2 ህከ ወክት ጠመቃንቹ ያህይ ኡሰር ምንኒ ሄዕዮገ መሲህ ኢስተኔሃ ሞጮጭ 3 «አሜተኖ» ይመ መሲህ ኢስ ኣቲትንደ? ህከረንገ ዋሉ አገርጉ» ይ አዋናኑስ ኢስበ ሶኮ። 4 ኢስ «መርቲን ለኣንታሃለክ ሞጮጭቲንታሃ ያህይሃ ኩሌ። 5 ሁኩዕኑን ቆቃኑት ለኣኢት፤ ሎከተ ናፋ መኑ ጌጥ ይ ሃመናት፤ ጎግ አሌን ፋልታ ሂለ ጥዛነት አፎሰ መኑ ነጠ እካኢት፤ ዶንቁ መኑ ሞጮጩኖት፤ ሬዮ መኑ ሬሆች ኬአኖት፤ ቡጥቻኖተ እንጂሉ ዱዱብሰመኖት። 6 ኣቲኔሃ ሽክባህ ማሰአምእሃ» ይኤ። 7 ያህይ አዋናኑት መርቶች ኤተሮን ኢስ ህከኔ ጭምዬ መኒሃ ያህይተኔሃ ጠወእን «መ ለኣሃት

ኡለ ኡድመ ፋልቴንታሁ? ቡብሩ ሌንቄቅሰኖ ሽምቦቁት ለኢሃትንዶ? **8** መ ለእኖት ፋልቴን? ጡመት ኦድኑት ኦደዕዮ መነ ለኢሃትንዶ? ጡመት ኦድኑት ኦደዕዮ መኑ ሄእኖህ ዋመ ምናኒት። **9** ሀከረ መ ለእኖት ፋልቴን? ነብዬቹ ለእኖትንዶ? ኤ! ኣን ያንክዕኔ፤ ነብዬቹች በተእኖህ ለኢሃት። **10** «ሁኩዕኑን ዋቃክ ብዝ ኣእኖ ሶቀማንቹኤ ብሬክ ሶሃም፣ የመም ኣስተኔሃ ከተበሞህ ከኒት። **11** ሀንቅንክ ያንክዕኔ፤ ከን ኣዱንያ ኣሉን ከለቀሞ መኒች ጉዕሚችን ጠመቃንቹ ያህዪች በተእኖህ ዮብኢ፤ ጠዉ ኣኩጎሬ ሰሜ ዋምንቴን ጉዕሚችን ሆፈእኖህ ለእሹ ሎዕረኖ። **12** ጠመቃንቹ ያህዪ ዘማኒች ኬሽ ከበሬ ኣለ ሰሜ ዋምንቴ ወልቃን ኣጎተ ኣበ ኣጸንታኢት። **13** «ነብያኑትለክ ሙስ ኣንጎን ኣሰሞ ሕጉህ ጠመቃንቹ ያህዪ ወክት ኣለ ራገ ጠወኡኡ። **14** ቴሱ ቶጎናት ሀሰንተ ጎሬ «ላሜተኖ» ይመ ኣልያሰ ከኒት። **15** ሞጮጭታ መጨት ዮሲህ ዮ ጎሬ ሞጮጨን። **16** «ጠዉ ኣኩጎሬ ከን ዘማን መነ ሚን ኣጉጣቀንሳም? ኣስ ጌባን ኣፋዕልት መት-መቱስ ገኣተን **17** ሁሉሉተ ቡንጎንክዕኔሬ ቦለቹ ከዳንታበኢ፤ ህትን ኦዕናሞረ ቶንታኔበኢ» ይተን ኣለጽታ ኣለተ ኣትዳኡ። **18** መሰንትስ ያህዪ ኣቱዕነለክ ኣትዕና ኣሜቶ ወክት «ዶረረኖ ዱሩ ኣፎስ» ይቶሰ። **19** መንች በቱ እተንለክ ኣገን ኣሜተኖረ «ኩ መንቹ እቱሃ ኣጉሃ ኣተኖ፤ ህትን ቀረጠ ሙረኖ መኒሃለክ ጨበኛኖት ጃለ!» ይመስ፤ ኣኩጎሬ ሀይቹ ሆንጎተስ ለለኖ» ይኡ። **20** ኣስ ፈገብ ኣጀብሲሰኖ ጠወ ኣዕዮ ከተም መኑ ጨብቶስ ፈንቀሉ ግቦቤቹሃ ዋቀሱ ጀመሮ። **21** «ኣዬ ኮራዜ! ኣዬ ብተ ሳይዳ! ክዕኔን እኮ ኣጀብሲሰኖ ጠወ ጠሮሰለክ ሲዶን ከተሚሃ ኣሰሞ ኣቃን ሁኩ መኑ ሄጭት ጥጅ ኦድኑት ኦደኢ ጠበር ኣሌስ ኣት ጨብቶስ ፈንቀሉስ ለለሳ ኣቅ። **22** ጠዉ ኣኩጎሬ ኣን ያንክዕኔ፤ ፍርድ በር ክዕኔች ኣበ ጠሮሰለክ ሲዶን ከተም መኒሃ ፍርዱስ ቢለኖ። **23** ኣት ቅፍርኖሆም ከተንቹት! ሰማሃ ኣለ ጎት ጎት ይቶንትንዶ? ኣዘቤን ድርታንት፤ ኪን ኣሰሞ ኣጀብሲሰኖ ጠወ ሰዶም ከተማን ኣሰሞ ኣቃኔት ሁኩ ከተሙ ከበሬ ኣለ በኡዕነ ኣልታ እቅ። **(Hades g86)** **24** ኣን ሀንቅንክ ያንክዕኔ፤ ፍርድ በር ኪች በትሽ ሰዶም ከተም ፍርዱ ቆሆኖ» ይኡ። **25** ሀከ ወክት ኣስ «ሰሜለክ ኡለ ቀርቹ ኣኩንት ኢ ኣነ! ካን ሀይቻኖቶለክ ደጋህኡኡ ማጥ ቀልቡስ ኦሶገ ቶገኖ መኒሃ ለሊሶንቲቤቹሃ ገለትጫንኩ። **26** ኤ ኢ ኣነ! ኪ ጡሙ ሰውቱ ህትናሙሃን። **27** ኣኑኤ ጉዕመርቹንክ ኣሰዮኡ፤ ኣኒ ቤሉ ቤቱ ደገኖህ ኣዪህ ዮበኢ፤ ህትን በቲለክ ቤቱ ለሊሶተ መጠር መንች ቤሉ ኣነ ደገኖህ ዮበኢ። **28** «ኣዕኑ ኣጅነት ኬዕምታንክዕኔ ሆንጎተ መኑ ጉዕመንኩ ኣቢቹ ኣሜ፤ ኣነ ፎሎሲጎንክዕኔ። **29** ኢ ኣንገቹት እጅዬ፤ ኢችን ትምርት ኣእዬ፤ ኣን ጎደበ ላፋለክ መረርሰጫምሃን፤ ፎልሃክዕኔ ፎሎጩ ደዕቴንተ። **30** ኣንገቹኢ ኬዕምታበኢታን፤ ኣጅነኡን ኬዕምታበኢ» ይኡ።

12 ህከ ወክት ኣሲለክ ኣሳበስ ኣበ በሬን ኣለሰ ኣዚን ህጋኢት እቅ፤ ኣሳበስ ጎሩ ኣፎስቤቹሃ ሀማሙተ ተጎቅሰ ቀስት እቱ ጀመርቶኡ። **2** ፈርሳወት ህካን ለኦ ወክት ኣስ «ኣሳበክ ኣበ በሬን ኣኡ ገበኣበ ጠወ ኣታኢሃ ለኡ» ይቶኡ። **3** ኢስን ፈንቀሽ «ዳዉድለክ ኣሲን ሜጡብ ሄዕዮ መኑሁ ጎሩ ኣፎስ ወክት ዳዉድ ኣዕዮሃ ኣነበቤንታበኢንዶ? **4** ዱኡ ምኒ

ኣግ ቂስ ቤሉ ኣስ ህከረንገ ኣሲን ሜጡብ ሄኡ መኑ ኣቶተ ፈቀደሞበኢ መገኒሃ ኣደ እኮ ዳቡተ ኣቶኡ። **5** ህትን ቂስት ኣበ በሬን መገን ምኔን ኣተን ፎሎጭ በሬ ሕገ ድጅታ ወክት ቤሱ ኣህናሰበኢ ሙስ መሳጎ ኣሰሞ ሕጋን ከተበሞሃ ኣነበቤንታበኢንዶ? **6** ጠዉ ኣኩጎሬ መገን ምኒች በተእኖህ ከበ ዮኡ። **7** «ኣን ክትሚች ኣበ ኣሙዙ ኢታም» ዩ መ ዩሃ ጎሬ ኣጥራመቴንታኢቃን ቤሽበኢ መን ኣሌን ፈረዴንተበ ኣቅ። **8** ኣኩጎሬ መንች ቤቱ ኣበ በሬተ ቀርቹሃን» ይኡ። **9** ኢስ ህከንቤቹች ኬዕይ ጭምትሰ ምኒ ኦርዕዮ። **10** ህከንቤቹችን መቱ ኣንገተ ናፋ መንቹ ሄዕዮ እቅ፤ ኣሰን ከሰሰት ሀስ «ኣበ በሬን ጥዘናሙ ፈይሱ ፈቀደሞኣንዶ?» ይት ኢስ ጠዕምቶኡ። **11** ኢስን ፈንቀሽ «ክዕኔኤች መት ሆልቹት ዮሲህ ኣበ በሬን በዋን ኡባጎሬ በዋች ፋሽባህ ኣዬት? **12** ህካን ኣኩች መንቹ ሆልቹች ኣበ በተእኖኣንዶ? ህካን ኣኩቤቹሃ ኣበ በሬን ጡመ ጠወ ኣኡ ሀስሰኖሃን» ይኡ። **13** ህከኒች ኤተሮን ኢስ ኣንገተ ናፈ መንቹ «ኣንገክ ሂር» ይኡ፤ መንቹንኩ ኣንገስ ሂር ወክት ዋሊ ኣንገሰን ፈየተ ኣንገተ ኣኩኡ። **14** ኣኩጎሬ ፈርሳወት ህከንቤቹች ፋልት ኢስ ህት ኣት ሽታሰጎሬ ኣማዕለንቶኡ። **15** ኢስ ኣስ ኣማዕለሙስ ደግ ህከንቤቹች ገበጭ ይኡ፤ ህትን ፊግቡ መኑ ኣምንቶስ፤ ኣሰን ጉዕመንክስ ፈጀሹ። **16** ኣሰን ኣስተኔሃ ኣዬሃ ጠወኣበኢ ኣዘገብ። **17** ሁኩን እኩህ መገኑ ነብዬቹ ኣሰያሴን **18** «ሁኩዕኑን! ኣን መጠርሞ ካዲንቹኤ፤ ኣስ ኣን ኢታሚሃለክ መንደኣምሃን፤ ኣስ ኣሌንገ ጠሊሊ ኣያነኤ ኣኣም፤ ኣሰን ሀንቅ ፍርድ ኣይሁደ ኣህበ ኡመቲሃ ኣዋጀኖ። **19** ኣሰን ኦደናበኢ ህከረንገ ያረናበኢ፤ ዋቂ ኣሌን ጉዕማንን ላገሰ ሞጮጨኖህ ዮበኢ። **20** ኣሰን ሀንቅ ፍርድ ኣኣተ ኢሊ ቀጠቀጠንቶ ሽምቦቁት ቢጠናበኢ፤ ህከረንገ ዉሊለኖ ኩራዝ ፈትለ ኡፍ ኣዕይ ጠኢሰናበኢ፤ **21** ህትን መገኑ ደግቡ መኑ ሱዕማንክስ ተብላሃ ኣእኖ» ይኡ ጠዉ ዊሞታት። **22** ህከኒች ኤተሮን መኑ መቱ ዶረረኖ ዱሩ ኣፎስ ቆቀለክ ዱደ መንቹ ኣሲበ ኣቦኡ፤ ኣሰን ህከ መንቹ ጠወኣናገለክ ለኣናጋ ኣዕይ ፈጀሹ። **23** ህካን ኣኩቤቹሃ መኑ ጉዕመንኩ ኣጀብሲሞ «ኩን ደዉደየ ቤቱንዶ?» ይቶኡ። **24** ኣኩጎሬ ፈርሳወት ህካን ሞጮጭቶ ወክት «ኩ መንቹ ናሃንየ ፋሽኖህ «ብዓልዜቡል» ይኖ ናሃንየ ሀለቅች ዋልቃኒት» ይቶኡ። **25** ኢስ ኣስ ቀልብ ጠወ ደግ «መቱ ዋሙ ኣደ ኣክ ገገይንክስ ብተመኖሃ ኣኩች ሁኩ ዋሙ ኡበኖ፤ ህትን መቱ ከተሙ ህከረንገ መቶ ምኔን ሄኣኖ መኑ ገገይንክስ ኣደ ኣኩች ጠረኝ ሄኣተ ኣታለኖበኡ። **26** ሽይጣን ሽይጣን ፋሽኖሃ ኣኩች ገገይንተስ ኣደ ኣኩ ዩሃን፤ ህካን ኣኩች መንግስቱስ ህት ኣክ ጠረኝ ሄኣተ ኣታለኖ? **27** ኣነ ብዓልዜቡሉ ዋልቃን ናሃንየ ፋሽሚሃ ኣኩች ክዕኔ መኑ ኣዬ ዋልቃን ፋሽታኦ? ህካን ኣኩቤቹሃ መኑክዕኔ ክዕኔ ኣሌን ፈረዳኣረ ኣካኡ። **28** ኣን ናሃንየ ፋሽሚህ መገን ኣያኒን ኣኩች ቴሱ መገን ዋምንቴ ክዕኔቤቹ ኣሜተኖ። **29** ህትን መቱ መንቹ መቱ ጠረኝ መንቹ ኡሱርባች ምንሰ በጭ ኣግ ዱንያስ ዘረፎተ ህት ኣክ ኣታለኖ? ኣኩጎሬ ህከ ጠረኝ መንቹ ኡሱርቹ ኤተሮን ዱንያስ ዘረፎተ ኣታለኖ። **30** ኣዪህ ኣን ሜጡ ኣህባህ ኣን ሀንበዕለመኖ፤ ህትን ኣን ጭምኣለቡ ጉዕመንኩ ብንኣኣኖ። **31** ህካን ኣኩቤቹሃ ኣን ኩላንክዕኔ፤

መኑ እዕዮ ጨቡ ጉዕሙንኩ፡ ቦርር ላገቱ ፈቁን የመንገዱ፤ እኩጎሬ ጠሊሊ እያን አሌን ጠወኤኖ ቦርር ላገት ጉዕሙንኩ ማረመናሰበኡ። 32 መንቾ ቤት አሌን ቦርር ላገተ ጠወኤኖአን ቤሱ ማረመናሰ፤ ጠወ እኩጎሬ ጠሊሊ እያን አሌን ቦርር ላገተ ጠወኤኖአን ቤሱ ከን ዘማኔንለክ እሜተኖ ዘማኔን ማረመናሰበኡ። ይሉ። (aiōn g165) 33 ኢስ «ሀቁ ጉዕሙንኩ ላልቺንከስ ደገመናቤቺሃ ጡሙ ላልቺ ሄኔኦክዕኔ፤ ላልቺሰ ጡሙ እኩጎሬ ሀቁሲ ጡሙሃን፤ ላልቺሰ ሂሊ እኩጎሬ ሀቁሲ ሂሊ ዩሃን። 34 ቀልቤን ዊሞሀኒቻ አፎሁ ጠወኤኖቤቺሃ እዕኑ ኩ ዋሪቻ እለት፤ ሂላኑተ እኬን፤ ሀት እኬን ጡሙ ጠወ ጠወኤኖተ አጋልቲን? 35 «ጡሙ መንቾ ጡሙ ጠወ ማጮ ጡሙ ቤቺቻ ጠወኤኖ፤ ሂሊ መንቾ ሂሊ ጠወ ማጮ ሂሊ ቤቺቻ ጠወኤኖ። 36 እን ሀንቅንክ ያንክዕኔ፤ ሀኩ መንቾሁ ሀትን ጠወኤኖ ሀሰሰበ ጠዊሃ ጉዕሚንክ ፍርድ በር ጠዕመመኖ። 37 መሰንትሰ ጠወኤኖት ላጋን ነጠ እካንት፤ ሀትን ሂሊ ጠወኤኖት ላጋንን ፈረደመኖሄ። ይሉ። 38 መት-መቱ ሕግ አስተማረትለክ ፈርሳውት ኢስ «አስተማርቺ! አት መላተ አተን ለዕኖተ ሀንሳም» ይቶኡ። 39 እስን ፈንቀሽ «ከን ዘማን ሂሊለክ አመዕንቡ ክልቀቱ መላተ ለኡተ ሀሰኖ፤ ጠወ እኩጎሬ ነብዬቾ ዩኑስ መላ ቤሉ ዋልት መላት አሰመናሰበኡ። 40 ዩኑስ ሎረ ቁርጩን ያደባን ሰሱ በራለክ ሰሰ ሀምሩተ ዱንኬሀገንን መንቾ ቤቱህ ኡለ ኣዜን ሰሱ በራለክ ሰሰ ሀምሩተ ዱንከኖ። 41 ናናዊ ከተም መት ፍርድ በር ከን ዘማን መኒን ሜጡበ እክ እስ አሌን ፈረደኣ፤ መሰንትሰ ናናዊ መት ዩኑስ ዱዱብሲኢሃ ሞጮጭቶ ወክት ጨብቻሰ ቶበት ፈንቀልቶኡ፤ ሁኩዕኑን ዩኑሲቻ በተኣኖሁ ከበ ዮኡ። 42 ካኣጽ ዋመት ሱለይማን ሀይመተ ሞጮጭቶት ኡለ ገበለቻ እሜቶቤቺሃ ፍርድ በር ከን ዘማን መኒን ሜጡበ እስ አሌን ፈረደኣ፤ ሁኩዕኑን ሱለይማንቲ በተኣኖሁ ከበ ዮኡ። ይሉ። 43 ኢስ «ዶርረኖ ዱሩ መንቾቻ ፋሎ ወክት ፎሎጩኖ ቤቺ ሀሰን ዉሁ ዮበኢቤቾን ጉዕማንን ዘሀሳ፤ እኩጎሬ ደኣኖበኡ። 44 ሀካን እኩቤቺሃ «ፋሎም ምኒ ፈንቀል ኦሮኣም» ዮኖ፤ እስን ፈንቀል እሜተኖር ምኑስ ኦነ እክ ሀጣወም ተቃጠብያን ደገኖ። 45 ሀከኒቻ ኤተሮን ኦሮዕይ እሲቻ ሂላኑተ ዋሉ ለመላ ሩሃንዮ ኤበኖ፤ እስን ሀከን መንቾን ኣግ ሄኣኣ፤ ሀካን እኩቤቺሃ ሀከን መንቾ ሄኡ ዋኔቻ ኤተርሲሁ በትሽ ሂሊ እሀኖ፤ ከን ዘማን ሂሊ መን አሌን ሀትኔ ጠወ እሀኖ። ይሉ። 46 ኢስ ኡመቲሃ ጠወኤኖን አመሰለክ አመሰኦትን ደቀንቶሰተ ሀሰ አብሌን ኡርቶ እቅ። [47 መቱ መንቾ ኢስ «አመክለክ አመክ ኦሱት ደቀንቶሄተ ሀሰ አብሌን ኡርቶኡ» ይሉ።] 48 እኩጎሬ ኢስ ሀከን መንቾሃ ፈንቀሽ «አመኢለክ አመኤ ኦሱቲ አዩኡኦጋን?» ይሉ። 49 ሀከኒቻ ኤተሮን አንገስ አሳበስ አደ ለልሰን «አመኢለክ አመኤ ኦሱቲ ከኑኡጋን። 50 መሰንትሰ ሰማን ዮ አንኤ ሃሽኣቱተ ዊንሸኖሁ ጉዕሙንኩ አመኤኖ ቤቱ፤ አመኤተ ቤቱለክ አመተኡ» ይሉ።

13 ሀከ በር ኢስ ምኒቻ ፋል ባር መዴን አፋዕሌኡ። 2 ልግቡ ኡመቱ እስበ እሜቻ ጭምዬቤቺሃ ኢስ ጀልባን ኣግ አፋዕሌኡ፤ ኡመቱ ጉዕሙንኩ ባር መዴን ኡርዮ እቅ። 3 ሀከኒቻ ኤተሮን ኢስ ልግብ ጠወ ማቆን ኩለን «ሁኩዕኑን! መቱ መንቾ ዜሬተ ዉጡተ ፋሎ። 4 ዉጠንን

መት-መቱሰ ዋቄ ገበላን ኡባን ጨኡት እሜት አቶኡ። 5 ዋሉ ዜሬቱ ልግቡ ትቡ ዮበኢቤቾን ክኑ ዮ ኡላን ኡቡ፤ ልግቡ ትቡ ዮበኢቤቺሃ ደዕል ሙቾ፤ 6 ጠወ እኩጎሬ አሩ ፋሎ ወክት ቆሮ፤ ጠጹ ዮሰበኢቤቺሃ ሞሎ። 7 ዋሉስ ዜሬቱ ኡት ኣዜን ኡቡ፤ ኡቱ ነጽ ሙተ አጉዕሚኡ። 8 ዋሉ ዜሬቱ ጡሙ ኡላን ኡብ ሙቻ መቱሰ ጥብተ፡ መቱሰ ሉሃዉ፡ መቱሰ ሰጂ እቶቻ 9 ሞጮጭታ መጨት ዮሲሁ ሞጮጩን» ይሉ። 10 ሀከኒቻ ኤተሮን አሳበስ ኢስበ እሜት «መኒሃ ማቆን ጠወኤኖቲሁ ሚሃት?» ይቶኡ። 11 ኢስን ፈንቀሽ «ሰሜ ዋምነት ምስጥረ ደጉ አሰሞሀዕኔ፤ ጠወ እኩጎሬ ሀካን ደጉ እሳሃ አሰሞሰበኡ። 12 መሰንትሰ ዮሰ መንቾሃ አሰመናሰ፤ አበንክ በተኣኖሰ፤ ዮሰበኢሀኒቻ ሁኩ ዮሲንኩ ኣአመኖሰ። 13 እን እሳሃ ማቆን ኩላንሳሃ ለእን ለእበረ፡ ሞጮጭተን ሞጮጭትበረ፡ አጥራመትቡረ እኩቤቺሃት። 14 ሀካን እኩቤቺሃ ነብዬቾ እስያህ፤ «ሞጮጩ ሞጮጭቲንተ፤ ጠወ እኩጎሬ አጥራመቲንተበኢ፤ ለኡስ ለኤንነተ ጠወ እኩጎሬ ሆሮን ቀልብ አቲነንተበኢ። 15 መሰንትሰ ከን መን ቀልቡ ዱጂኤ፤ መጨትሰ አፍሰንቶኡ፤ አልንትሰ ቆቆኡ፤ ሀት እኩበኣቀ፡ እሌንከስ ለኣ፡ መጫንከስ ሞጮጭት፡ ቀልብንከስ አጥረመት፡ ኢ አደ ፈንቀልቶ ኣቃን ፈይሳንስ እቅ» የመሞ ጠወ አሌስ ዊመኖ። 16 «እኩጎሬ ክዕኔ አልት ለኣቤቺሃ፤ መጨክዕኔን ሞጮጭታቤቺሃ ማሰኣንቶኣራን። 17 እን ሀንቅ ያንክዕኔ፤ ከ እዕኑ ለኤንነታሃ ልግቡ ነብያትለክ ልግቡ ጠሊላኑት ለኡት አበ ሄዕላቶ እቅ፤ ጠወ እኩጎሬ ለኣበኢ፤ ሀትን ከ እዕኑ ሞጮጭቲንታሃ ሞጮጭቶት ሄዕላቶ እቅ፤ እኩጎሬ ሞጮጭቶብኡ» ይሉ። 18 ኢስ «ቴ እዕኑ ከን ዜሬተ ዉጣንቻ ሞሳሌ ፍሳረተ ሞጮጭዬ። 19 ኣዪሁ መገን ዋምነት ላገተ ሞጮጭ አጥራመትቡ ዋቄ እሌን ኡቡ ዜሬተ አጉደኖ፤ ሸይጣኑ እሜቻ ዉጠንቶ ላገተ ቀልቢቻሰ ኣኣ ከመኖ። 20 ልግቡ ትቡ ዮበኢቤቾን ክኑ ዮ ኡላን ኡቡ ዜሬቱ ላገሰ ሞጮጭ ደዕል ሙንዲኖን ቶገኖ መንቾተ ሞሳል። 21 እኩጎሬ ጠጹ ዮሰበኢቤቺሃ ቀዉ ወክት ዱንከኖ፤ ሀከን ላገ መሳን ኦርሸት ሀከረንገ ያየሙ ኬኣቶኣቃን ወክትንከስ ደዕልን አመዕነቲቻሰ ኡቡ። 22 ሁኩ ኡት ኣዜን ኡቡ ዜሬቱ ላገሰ ሞጮጩ መንቾተ ሞሳል፤ እኩጎሬ ከን ኣዱንያ አሌን ሄኣ ጠወ ሰውዩለክ ቀባጣን ናጠቀሙ፡ ቀልቤስ ኣግ ሞጮጩ ላገተ እቶቱ ዮበኢሃ ፌሰኖ። (aiōn g165) 23 ጡሙ ኡላን ዉጠሞ ዜሬቱ ላገሰ ሞጮጭ ቀልቤስ ቶግ እኤ መንቾተ ሞሳል፤ እስን መቱ ጥብተ መቱ ሉሃዉ መቱ ሰጂ አቶተኖ» ይሉ። 24 ሀትን ኢስ ዋሌ ሞሳሊን «ሰሜ ዋምነቱ ኡላንከስ ጡሙ ዜሬተ ዉጮ መንቾን አጉጣቀመኖ። 25 ጠወ እኩጎሬ መት ግሾ ወክት ዱኒስ እሜቻ አለሰ ኣዜን ቅንጭተ ዉጭ ኦሮዕዮ። 26 ሀካን እኩቤቺሃ አለሱ ነጽ እቶቻ ወክት ቅንጭንትሰ ሀከ ወክት ለልቶኡ። 27 ካዲመስ ኡሊስ ኣንቤቹ እሜት «ቀርቺ! አቡራንከክ ጡሙ ዜሬተ ዉጣንት እቅበኣንደ? ሀከረ ቅንጭት ሀከን እዲቻ እሜቶኡን ይቶኡ። 28 እስን ፈንቀሽ «ሀካን እዕዮሁ ዲና ይሉ፤ ካዲመንት ፈንቀሽት «ሀከረ መርን ቅንጭተ ቡቱንክ ከሞተ ሀሰንንደ?» ይት ጠዕምቶኡ። 29 እስን ፈንቀሽ «እሀኖበኢ! መሰንትሰ ቅንጭተ ቡቱኬንነተ ወክት አለሱ ሜጡበ ቡቱኬንነተ። 30 ሀካን እኩቤቺሃ ምዴኖ ወክቱ ኢሎተ ኢሊ አለሱ

ቅንጩን ማጠብ ነጹጉ፤ ምዴኖ ወክት ምዳህኡተ ሄጭቲን ቅንጭተ ቡቱክን ገረ ቡቡተ ኡሱሬ፤ እኩጎሬ አለሱሰ ጭምአቲን ጎተሪከኤ ዋሪ ያም ዬላ» ይ ኩሎሰ። **31** ኢስ «ሰሜ ዋምነቱ መቱ መንቸ ጋሮ ኣዜን ዉጮ ዋንጌ አሌ ዜሬተ አጉዳኣ። **32** እሴን ዜሬት አሌች ጉዕሚችን ቀወቱ፤ እኩጎሬ ነጹቶ ወክት ጋሮን ካሴና አታክልቲች በተአኣ፤ ሎረ እካን ሰሜ ጨኡት አሜት ሀምንከሴ ምኒ እጃርታእ» ይ ዋሉ ምሳልቱ ኩሎሰ። **33** ኢስ ምላሴን «ሰሜ ዋምነቱ መቱ መንቸት ጉዕሚንኩስ ሁፍ ዮተ ሰሶ ኮርቦቦ ቀማን ማጠብ ቁፍሶ ራጭተ አጉዳኣ» ይ ኩሎሰ። **34** ኢስ ከ ጉዕሚንከ ጠወ ልግብየ ኡመቲ ምሳሌን ጠወዕዮ፤ ምሳልት ዮበኢሃ መቱርቸሃ ጠወዕዮሰበኣ። **35** እስን ነብዬችን «ጠወኤ ምሳሌን ኩላም፤ ኣዲንያት ከለቀንቶች ኬሽ ደጽ ዬ ጠወ ጠወኣም» የመዋሁ ዊምታት። **36** ኢስ ልግብ ኡመት አጉር ምኒ ኣጎ ወክት ኣሳበሰ እሰበ አሜት «እለሲን ማጠብ ነጹ ቅንጩ ምሳልቱ መሃጎር ኩልኔ» ይት ጠዕምቶኣ። **37** እስን ፈንቀሽ «ጠቡመ ዜሬተ ዉጮሁ መንቸየ ቤቱ። **38** አቡረስ ከን ኣዲንያሃ አል፤ ጡመ ዜሬቱ መገን ዋምነትተ አለ፤ ቅንጭንት ሸይጣንተ አለ። **39** ቅንጭተ ዉጮ ባለጋሮ እለቢሰሃን፤ ምዴኖስ ወክቱ ኣዲንያሃ መጨረሽ፤ ምዴእሩ መገንተ መላይከ። (aiōn g165) **40** ህትን ቅንጭተ ጭምአኤን ገራን ቡሴናህንን ዘማን ጎፍሞኒ ህት አሀኖ። (aiōn g165) **41** መንቸ ቤቱ መላይከስ ሶክ መኑ ጨብ አእኖጎ አታረለክ ሂለ ሆተተ አቶረ እሰ ዋምነቲችሰ መጥ ፋሽታእ። **42** እስንተ ጠረኘ ገራን ኡጁኖን ኦኡለክ የቡሩ ገዕሙ አሀኖ። **43** እኩጎሬ ሙጨራኑት ኣነስ ዋምነቲን አሪገ ለላሳኣ፤ ሞጮጭታ መጨት ዮሲሁ ሄዕዮ ጎሬ ሞጮጨን» ዬላ። **44** ኢስ «ሰሜ ዋምነቱ መቱ አቡረ ኣዜን ማጠንቶ ቀባጡተ አጉዳኣ፤ መቱ መንቸ ህከ ቀባጡተ ደኤ ወክት ፈንቀሽ ማጭ መንገደኣን ኦርዕዮች ኤተሮን ዮሲህ ጉዕሚንከ ህር ህከ ኡለተ ህዕሬኣ። **45** ህትን ኢስ «ሰሜ ዋምነቱ አበ ጤኦተ እኮ ክኑ ህዕሮተ ሀሰኖ ነጋዴተ አጉዳኣ። **46** እስን ዋጉስ አበ ጤኦተ እኮ ክኑ ደኤ ወክት ምንስ ኦርዕዮ ዮሲህ ጉዕሚንከ ህር ህከ አበ ጤኦተ እኮ ክኑ ህዕሬኣ» ዬላ። **47** ህትን ኢስ «ሰሜ ዋምነቱ ባራን ኡጁኖን አደደ ቁርጨጭት ጭምአኣኖ ዋሻደ አጉዳኣ። **48** ዋሻደሲ ዊሞ ወክት መኑ ገበለ ፋሽ ጡጡስ መጠር ኦዳንከስ ዋር ሂለስ ቶረኖ። **49** ዘማን ጎፍሞን ህት አሀኖ፤ መገን መላይካት አሜት ጨበኛኑተ ፈየ መኒች አደ አታእ። (aiōn g165) **50** ጨበኛኑስ ጠለትበ ገራን ቶረኖን ኦኡለክ የቡሩ ገዕሙ አሀኖሰ» ዬላ። **51** ኢስ ኣሳባተስ «ህካን ጉዕሚንከ አጥራመቲንታእንደ?» ይ ጠዕሜስ ወክት «ኤ» ይቶኡ። **52** ኢስን «ህከረ ሰሜ ዋምነት ምስጥር ተማረኖ ሕግ አስተማርቼ ማጮ ቀባጡተ ምኒችሰ ኑባቸለክ ሃዕሮ ኦዳተ ፋሽኖ መንቸ አጉደኖ» ዬላ። **53** ኢስ ህከ ምሳልቱ ሹሎች ኤተሮን ህከንቤቺች ኦርዕዮ። **54** ገይስ ባዲ አሜች ህከኔ ጭምትሰ ምናን ተማርሰኖሳት እቅ፤ እስን አበ እጅብሰጭት «ኩ መንቸ ከ ሀይመተለክ ከ እጅብሰሰኖ ጠወ ህከን ኣዲች ኤቦ? **55** ኩን ኣናጤቶየ ቤቱበእንደ? አመስ ማይረመ ዬፍተበእንደ? አመስ ኦሱንት ያቀባቲ፤ ዩሱፋቲ፤ ሰሞኔተለክ ይሁዳበእንደ? **56** ህትን ሜእኖ አመስ

ኦሱንት ጉዕሚንኩ ከኔ ኒን ሄኣለበእንደ? ህካን እኩጎሬ ኩ መንቸ ከ ጠወ ጉዕሚንከ ህከን ኣዲች ደኤኣ?» ይቶኡ። **57** እስን ኢስ መንገደኣ ቶሳበኣ፤ እስን ኣሳንከ «ነብዬቹ ኬዕምሴኖስበኢሁ ባደንከስለክ ጠለዕል ገይስ ምኔንት» ዬላ **58** አመዕነቱ ዮሰበኣቤቺሃ ኢስ ህከን ቤቸን ልግብ እጅብሰሰኖ ጠወሃ እዕዮበኣ።

14 ህከ ወክት ገሊለ ባዲ ገሽኖ ሄሮድስ ኢስ ዱዱቡ ሞጮጨኦ። **2** ህካን እኮቤቺሃ ሄሮድስ ካዲመስ «ኩን ጠመቃንቸ ያህዪ፤ ከ እጅብሰሰኖ ጠወ ኣእኖቲሁ ሬሆች ኬዕዮቤቺሃት» ዬሰ። **3** መሰንትስ ሄሮድስ «ፍልጾሴ» ዬኖ አመስ ቤት ጫተ «ሄሮዳደ» ዬኖተ ኣኢቤቺሃ ያህይ «ሄሮዳደ ኣኡ ሀሰሰኖሃበኣ» ዬሰቤቺሃ ሄሮድስ ያህይ ኡሱርስቮ እቅ። **5** ህካን እኮቤቺሃ ሄሮድስ ያህይ ሾተ ሀሰኖ እቅ፤ ጠወ እኩጎሬ ኡመቱ ያህይ ነብዬችን እዕይ ለኣኖስቤቺሃ ዋጁኣ። **6** ሄሮድስ አለሞ በር ከበጃኖ በሬን ሄሮዳደ ቤቱት አሜት እሱለክ እስ ኮሀ ቦሎቸ አለጽተን መንገዲሲሰኡ። **7** ህካን እኮቤቺሃ ሄሮድስ «ኣትታንት ጠወ ጉዕሚንከ ኣሳንኩ» ይ ጤሌዕሌኣ። **8** እሴን አመሴ ሸካንሴ «ጠመቃንቸ ያህይ ቡዕለ ከን ሳናን እት ቴሱ ኣሴኤ» ይቶኡ። **9** ዋሙ ህከን ጠዋን አበ ሻዦ፤ እኩጎሬ ላገተ ኣጎቤቺሃ ማዳን ኣፋዕልቶ ኮሀ ማለተ ይ ያህይ ቡዕለ ኣሴኖሴን አዘዦ። **10** ህካን እኮቤቺሃ መቱ መንቸ ሶክ ያህይ ቡዕለ ኡሱር ምንን ሙርሲቮ። **11** እስ ቡዕላንከ ሳናን ዋሬን ኣሴኖንሴ አማተሴ መስት ኣቶኡ። **12** ያህይ አዋርኑት አሜት ጀናዘስ መስት ሞጎች ኤተሮን ጠወስ ኢስሃ ኩልቶኡ። **13** ኢስ ያህይ ሬሁተ ሞጮጨ ወክት ጀልባን ኣግ ኡለ ኡድመ ሜጢሀስ ኦርዕዮ፤ ኡመቱንኩ ህካን ሞጮጭቶ ወክት ከተሚች ፋልት ሎካን አምንቶሰ። **14** ኢስ ጀልብች ፋል ልግብ ኡመት ለዕዮ ወክት አመዣሰ፤ ጥዘናመስን ፈይሾ። **15** ኡለት ሀዋርቶ ወክት ኣሳበት ኢስበ አሜት «ኩ ቤቹ ኡለሃ ኡድመ፤ ወክቱንኩ ሀዋርዮኡ፤ ህካን እኮቤቺሃ ኩ መኑ ግደኖን ዮ ቀኣተ መርት አታኢሃ ሀዕርቶተ ሀርሲሰስ» ይቶኡ። **16** ኢስን «እስ አታኢሃ ኣዕቲ ኣሰይ ቤሉ እስ ህትን ኣቱዕነ ኦርኦ ሀሰሰኖበኣ» ዬሰ። **17** ኣሳበንት «ኦንቱ ጣብተለክ ለሜ ቁርጨጭ ቤሉ መቱርቸሁ ዮኤበኣ» ይቶኡ። **18** ኢስን «ኢቤቹ ኤቤ» ዬላ። **19** ህከኒች ኤተሮን መኑ ኡላን ኣፋዕሎተ አዘዦ፤ ኦንቱ ጣብተለክ ለምተ ቁርጨጭተ ኣፍ ሰማ ለኣን መገኑ ገለትጭ ጣቢተ ቢጭ ኣሳባተስ ኣሴኣ፤ እስን መኒሃ ኣቶኡ። **20** ጉዕሚንኩ መኑ እተን ዱባን ፈቆ ፋርፋሩ ኣሳበስ ቶነ ለሙ መሰቦ ዊመ ኬሶኡ። **21** ህካን እቸ መን ዋረንሹ ማንቲሁ፤ ኦሱቲ ፈቀን ጎኑ ኦንቶ ኩሚ መን ጌስ አሀኖ እቅ። **22** ኢስ ኡመት ሀርሲሰን ኣሳበስ ጀልባን ኣግ እሱ ሄጭት ዊች ዉድ አደ ቶልታጎ አዘዦሰ። **23** ኡመት ሀርሲሰች ኤተሮን ዱኣ አኣተ ሜጥሀስ መቶ ቆተ አል ፋሎ፤ ኡለት ሀዋርቶ ወክት ኢስ ሜጢሀስ ህከኔ ሄዕዮ እቅ። **24** ህከ ወክት ጀልቡ ኡላች ቁዕር ዮህኔን ሞሎ ኣዲን ቡብረኖ ቡብሪን ሀንበለመን ዊ ሁሉ ከበሃ ካጸ ኣኣን ጨነቀኖሳት እቅ። **25** ሀንከዕሬ ቶኖ ሰኣት ጌሳን ኢስ ባር ኣሌን ሃመን ኣሳበሰበ አሜች። **26** ኣሳበስ ባር ኣሌን ሃመን ለኦ ወክት አበ ህልቅ «ኩን ሀብተላትሃ» ይት ዋጅተ ያርቶኡ። **27** ኢስ ህከ ወክት ኣሳበስ «አደብ እዕዬ! ዋጅቶኖቹ

እነት» ይጠዕዮሰ። 28 ህከ ወክት ጴጥሮስ «ቀርቶ! አቲትጎሬ ዋ አሌን ሃመን ኪበ አሜቶት አዘዘኤ» ይለ። 29 እሱን «አም» ይለ፤ ጴጥሮስን ጀልብ አዚኹ ፋል ዋ አሌን ሃመን እሱበ ኦሮዕ። 30 ጠዉ እኩጎሬ ጠረፒ ቦብረ ለዕዮ ወክት ዋጃእ፤ ዋ እዝ ዋል አአሞተ እኮ ወክት «ቀርቶ! ፌሴኤ» ይደር። 31 እሱን ወክትንከስ እንገሰ ሶክ አፍ «ኩ አመዕነቱ ሆፊዕዮኤህ! ሚሃት ሸክቶንቲህ?» ይለ። 32 እሱለክ ጴጥሮስ ጀልባን አጎ ወክት ቦብረ ጨለ ይለ። 33 ህከን አኮቤቺሃ ጀልባን ሄኔ አሳበት «ሀንቅንክ አት መገንዮ ቤቱ» ይት እሊሃ ሰገደኡ። 34 እሱለክ አሳበሰ ባረ ቶልት «ጌንሴሬጠ» ይደር ባዱ አልቶኡ። 35 ህከን ባዶን ሄዕዮ ሙኑ እሱ እሁሰ ደጎ ወክት ህከን አዳን ሄዕዮ ባዱ ጉዕመንከ ሶካን ጥዘናመተ ጉዕመንከ እሱበ ኤቦኡ። 36 ሁኩ ጥዘናመተ ጠለዕል ኦድኖስ ሰኑተ ኡልቶተ ኡሜቶስ፤ ኦድኖስ ኡልቶለፍ ጉዕመንኩ ጥዘናችሰ ፈይቶኡ።

15 ፈርሳውትለክ ሕግ አሰተማረት ዩሩሳሌሚች እሱበ አሜት 2 «ሚሃት አሳበክ ባልቆ ዋገ ድጅታኢሁ? መሰንትስ አንገተ ኣዕልቱዕናን አታኢሁ ሚሃት?» ይት ጠዕምቶኡ። 3 እሱ ፈንቀሽ «አዕኑ ሚሃት ዋገህክዕኔ ይቲን መገን ትዛዝ ድጅቲንታት? 4 መሰንትስ መገኑ ላኒክለክ አመክ ኬዕምሰ» ህትን ላኒሰለክ አመስ አሌን ቦሮር ላገተ ጠወአኖሁ ሬሆን ቀጠአሙን» ይ አዘኮኡ። 5 እኩጎሬ አዕኑ «መቱ መንቹ አኒሰለክ አመስ ኢች ደአቲንታሃ አን መገኒሃ አሳዮም» ይጎሬ 6 ሁኩ መንቹ አኒሰ ኬዕምሱ ሀሲሰናበእ» ይቲንተ፤ ህከን አኮቤቺሃ አዕኑ ገይክዕኔ ዋገሃ ይቲን መገን ሕገ ድጅቲንታት። 7 አዕኑ ኩ ሙኑ ለኦህዕኔተ ይቲን አቲንተ፤ ነብዬቹ አሰያስ ክዕኔትኔሃ 8 «ኩ ሙኑ አፌንከስ ኬዕምሰኖኤ፤ እኩጎሬ ቀልቡሰ ኢች ቁዕርዮኡ፤ 9 እሱ መን ወገለክ ሴረ ሕግገ አት ተማርሰተን ኤሃን ሰገደኡ ተሰ ዮንከስ ሀንቅ ራጎኡ» ይለ። 10 እሱ አመት እስቤቹ ገእ «ዋጮጭዬ! አጥራመቼ! 11 መን ንጃሰሰኖሁ አፌች 4ለትወ ቤሉ አፎንከስ አገኖሃበእ» ይለ። 12 ህከኒች ኤተሮን አሳበሰ እሱበ አሜት «ፈርሳውት ከ ጠወ ሞጮጭቶ ወክት ኡሙዕርቶገ ደጎንትንዶ?» ይት ጠዕምቶኡ። 13 እሱን ፈንቀሽ «ሰማን ዮ ኦኑኤ ካሰቡ ሀቁ ጉዕመንኩ ቡቲክመኖ። 14 እሱ ቆቃተለክ ቆቃተ አምነታረ እኮቤቺሃ ንኛ አዕዬስ፤ ቆቁ ቆቁ አምንሴ ጎር ለመንኩ ኤሎን ኡባእ» ይለ። 15 ጴጥሮስ እሱ «ከን ማቆ ፍሳረተ ኩልኔ» ይሰ። 16 እሱ ፈንቀሽ «አዕኑ ቲሶ ኢሊ አጥራመቲንታበእንዶ? 17 አፎን ኣጎርቹ ጉዕመንኩ ጎደባን ኣጎ ሹመተ እክ 4ለኖገ ደገነንተበእንዶ? 18 እኩጎሬ አፌች 4ለኖሁ ቀልቤን ዮሀኒችት፤ መን ንጃሰሰኖሁ ህከኒት። 19 መሰንትስ ሂለ ሰውዬሁ፤ መን ሹሁ፤ ዝነት፤ ሞጉሁ፤ ክዝብ መሰከሩሁ፤ መን ሱዕመ ቤሱሁ ሁኩን ጉዕመንኩ መን ቀልቢች 4ለኖን። 20 መን ንጃሰሰኖሁ ህከኒት ቤሉ አንገተ አዕሎኑዕነ አቱ ሆሮ ንጃሰሰኖእ» ይለ። 21 እሱ ህከንቤቺች ኬዕይ ጢርሰለክ ሲዶን ዩኖ ባዱ ኦሮዕ። 22 ህከን ባዶን ሄኔ መት ከነአናውቸት መንቹት እሱበ አሜት «ደዉጃ ቤቶ ቀርቶ! ቤቱኤ ዶሮሮኖ አያኑ አፋንሴ አበ ኦርጨቀንታኢት፤ ሀዕይ አመዘኤ» ይት ኡሜቶስ። 23 እኩጎሬ እሱ መት ላገታ ፈንቀሸዮበእ፤

ህከን አኮቤቺሃ አሳበሰ እሱበ ሆንጠክ «ት መንቹት ኔሳሃ አምንተን ጨንጭታቤቺሃ ሀዕይ መርታገ አእሴ» ይት ኡሜቶስ። 24 እሱን «አን ሲሀሞሚሁ እስራኤል ምኒች በኦ ሆላታት ቤሉ ወሊሃ ሲሀሞምበእ» ይ ፈንቀሼኤ። 25 እኩጎሬ ህት መንቹት «ሀዕይ ቀርቶ ሀዕሌኤ» ይት ሎከስ ኡቦኡ። 26 እሱ «ኦሱት አታ እቸተ ወሻተ ቶሩ ሀሰሰናበእ» ይለ። 27 እሱን «ቀርቶ ሁኩን ሀንቅሃን፤ ጠወ እኩጎሬ ወሸት ምኒ መን ማዲች ፈቆ 4ርፋሩ አታኦ» ይቶኡ። 28 ህከ ወክት እሱ «አት አቡ አመዕነቱ ዮሂተ መንቹ፤ ህከን አኮቤቺሃ አት ኢትቶንትገን አሆሄ» ይሴ፤ ህከ ወክትንከ ቤቱሴ ፈይቶኡ። 29 እሱ ህከንቤቺች ኬዕይ ገሊለ ባር መዲን ህግ ቆተ አል 4ል ህከኔ አፋዕሌኡ። 30 ልግቡ ኡመቱ ሎከተ ድናትታ፤ ቆቃትታ፤ ናፎ መነሃ፤ ዱዲኑታለክ ዋልት ጥዘናመታ ኣኣት እሱበ አሜት ሎከስ መዲን አፋሽቶኡ፤ እሱን ፈይሾሰ። 31 ህከን አኮቤቺሃ ኡመቱ ዱዲኑት ጠወአን፤ ናፋትት ፈይተን፤ ድናትት ጌጥ ይት ሃንተን፤ ቆቃትት ለአን ለኦ ወክት አጀብሰጭት እስራኤል መገኑ ገለትጭቶኡ። 32 እሱ አሳበሰ እሱበ ገእ «ኩ ኡመቱ ኢን ሜጡብ ሰሱ በር ዱንክቶኡ፤ አታኢሁ መቱርቼሁ ዮሰበእቤቺሃ አመዛንሰ፤ ዎቃን ሆጋቤቺሃ ጎራንከስ መርቶገ ገፈራንሰበእ» ይለ። 33 አሳበሰ «ህከረ ከን ጉዕማንከ መኒሃ አካ እቸተ ከን ኡሉ ኡድማን ህከንቤቺች ኤምባም?» ይቶኡ። 34 እሱ «ሄንኩ ጣቢቱ ዮሀዕኔ?» ይጠዕምሰ፤ እሱን «ለመሉ ጣቢቱለክ ቀዉንኩ ቀቀቶኑት ቁርጩሜት ዮኤ» ይቶኡ። 35 ህከኒች ኤተሮን እሱ ኡመቱ ኡላን አፋዕላኖገ አዕዮ። 36 ህት አዕይ ለመለ ጣቢቱለክ ቁርጩሜተ አፍ መገኑ ገለትጭ ቢጭ አሳባተሰ ኣሰያን አሳበሰ መኒሃ አቶኡ። 37 ጉዕመንኩስ እት ዱባን ፈቆ 4ርፋሩ አሳበሰ ለመለ መሶበ ዊመ ኬሶኡ። 38 እቹ ሙኑ ሜንቱለክ እሱተ ወለአንቲዕናን ሾሌ ኩሜ ጎነ እቅ። 39 እሱ ኡመት ሀርሲሾች ኤተሮን ጀልባን ኣግ «መጌዶን» ይደር ባዱ ኦሮዕ።

16 ፈርሳውትለክ ሰዱቃውት አሜት እሱ ፌተንቶተ «ህንዴ ሰሜች መላተ ለሊሰኔ» ይት ጠዕምቶስ። 2 እሱ ፈንቀሽ «ኡለት ሀሞርቶ ወክት ሰሞሁ ቢሸዕዮኡ፤ [ጋተ ኡለት ብረተ አካኤ] ይቲንተ። 3 ህትን ገሰመ ሰሞሁ ጎመተ እኮኡ፤ ከበር ጠረፒ ጤኑ ኡበኖ» ይቲንተ፤ ሰማሃ ለኤን አደ አቲን ደገነንታት፤ ህከረ ሚሃት ዘማንስ መላተ አደ አቲን ደገነንተበእሁን? 4 አመዕነቱ ዮበእ ሂሉ ከን ዘማን መኑ መላተ ለኣተ ሀሰኖ፤ እኩጎሬ ዩኑስ መላ ቤሉ ዋልት መላት አሰንታሰበኤ» ይሰ፤ ህከኒች ኤተሮን እሱ እሰተ አጉር ዋሉቤቹ ኦሮዕ። 5 እሱ አሳበት ባረ ቶልቶ ወክት እቸተ አፋዕነ ሀቦ እቅ። 6 እሱ «ፈርሳዊለክ ሰዱቃዊ ራሜቲች ጠረጎቲን አገዕርኤ» ይሰ። 7 እሱን «እቸተ አንፍበቤቺሃትጎር?» ይት ገገዉንኩሰ ጠወኦኡ። 8 እኩጎሬ እሱ ህከን ደግ «ኩ አመዕነቱ ሆፊዕዮሀዕኔ ሙኑ! እቸተ አንፍበቤቺሃት ይቲን ሚሃት ገገዉንከክዕኔ ጠወኤንታት? 9 ቲሶሃ ኢሊ አጥራመቲንበረንዶ? ኦንቱ ጣቢተ ኦንቶ ኩሜ ሙኑ አቻን ፈቆ 4ርፋሩ ሄንከ መሶበ ኬሴንተጎሬ ሰውይቲንተበእንዶ? 10 ህትን ለመለ ጣቢተ ሾሌ ኩሜ ሙኑ አተን ፈቆ 4ርፋሩ ኬሴንታሁ ሄንካጎሬ ሰውይቲንተበእንዶ? 11 አን ጠወዕዮሚሁ እቸተኔሃ አሁ ሆጉስ ህት

አጥረመቴንተበእ? ፈርሳዌለከ ሰዱቃዊ ራጭቲች አገዕርዬ» ይሉ። **12** አሳበሰ ኢስ «አገዕርዬ» ይሳህ ፈርሳዌለከ ሰዱቃዊ ትምርቲች ቤሉ ጣበት ራጭቲች እሁ ሆጉስ አጥረመቶኡ። **13** ኢስ «ፍልጾስ ቂሳረ» ይሉ ባዱ አሜሾ ወክት አሳበሰ «መኑ መንች ቤቱ እዬት ይታኢት?» ይሉ። **14** እስን «መት-መቱ (ጠመቃንች ያህዪት) ዋሉስ «አልያሴት» ዋሉስን ለርምያሴት ህከረንገ ነባያኖች መቶሃስ ይታኢት» ይቶኡ። **15** ኢስ «እዕት ኤሳሃ እዬት ይቴነተኤት?» ይሉ። **16** ሰሞን ጴጥሮስ «አት ሄለኖ መገኒየ ቤቱ መሰህት» ይሉ። **17** ኢስን «የነ ቤቱ ሰሞኑ! አት ማሰእንቶንትሃን፤ መሰንትስ ካን ለሊሾሄህ ሰማን ዮ አናኤ ቤሉ መናበእ። **18** እነ ኩላንኬ፤ ኪ ሱዕሙ ጴጥሮሴት፤ ጠረኛ ክኑ፤ ከን ክን አሌን ጭምት ዱእ ምኒ እጃረሞ፤ ህካንን ሬሆ ዋልቀት ቆልታበእ። (Hades g86) **19** እነ ኬሳሃ ሰሜ ዋምንት ቆልፋከተ አሳንኬ፤ ኡላን ኡሱርቶንቲሁ ሰማን ኡሱርሞሃ እሆኖ፤ ህትን ኡላን ሂርቶንቲሁ ሰማን ሂርሞሃ እሆኖ» ይሉ። **20** ህከኒች ኤተሮን አሳበሰ እስ መሰህ እሆስ እዬሃ ኩልታበእገ ጠረኛ አዘዣሰ። **21** ህከን ወክቲች ኬሽ ኢስ አሳበሰ «ዬሩሳሌሙ ኦርአም፤ ህከኔን ባድ ባልቃች፤ ሎርሎር ቂሳችለከ ሕግ አስተማራች ኦርሸት ኢልታኤ፤ ሽታኤ፤ እኩጎሬ ሰቅ በር ሬሆች ኬአም» ይጀመሮ። **22** ህካን እኩቤሂን ጴጥሮስ ኢስ መድ ዋሽ «ቀርቼ! ሆሮ እሆናበእ፤ ኩ ጠወ ሆሮን አለኖሄበእ» ያን ሻቂ ጀመሮ። **23** እኩጎሬ ኢስ ጴጥሮሴ አደ ፈንቀል «ኩ ሻሪጣንቼ መዳችኤ ሸቅ! አት መኒሃ ቤሉ መገን መኑ ሰውየኖ ሃለን ሰውይታንትበእቤሂን ቆፋተ እኩጎቴኤ» ይሉ። **24** ህከኒች ኤተሮን ኢስ አሳበሰ «እዬህ ኤሳሃ አዋናተ ሀሰኖህ ገወሰ ለገኤን፤ ህትን መሰቀለሰ እጅ ኤሳሃ አዋኑን። **25** እዬሁ ፎልስ ፊሶተ ሆሽ ጎሬ ቤሰኖ፤ ህትን እዬሁ ኢትሃን ፎልስ ቤሰኖህ ደአኖ። **26** መቱ መንቹ ኡዲንያ አሊን ዮኢሃ ጉዕመንከ ደእ ፎልስ ቤሾ ጎሬ መ ደግለለኖስ? ህከረንገ መቱ መንቹ ፎልስ ወጥ መ ባቶተ አታለኖ? **27** መንች ቤቱ እንስ ከዕምኒን ገይሰ መላይካን ሜጡበ አሜተኖ፤ ህከ ወክት እስን አነኒከ ሆሰሰ ወጥ ባተኖ። **28** ህንቅንከ ያንክዕኔ፤ መንች ቤቱ ጃንቴንከስ አሜተን ለአተ ኢላ ከኔ ኡርቶሁኡች ፊታበእሩ ዮኤ» ይሉ።

17 ሌሆ በሬች ኤተሮን ኢስ ጴጥሮሴ፤ ያቁበለከ ያቁብ አመቤቱ ጠለዕል ያህይ አዋንስ መቱ ቆተ አል ፋሎ። **2** ኢስ ደኑንኩ ብሬስ ዶረሞ፤ ሚንሰን አርገ ኑር አኮኤ፤ ኦድኑሰን ዋቅይት ዋጀእ ኑርገ በለቆኤ። **3** ህከኔን ሙሲለከ አልያስ ኢሲን ጠወኔን ለኡኤ። **4** ህከ ወክት ጴጥሮስ ኢስ «ቀርቼ! ከንቤሾን ሄኤ ኤሳሃ ጡመሃን፤ ሀሰንት ጎሬ ሰሱ ዳስ ዳሳም፤ መቱስ ኬሳሃ፤ መቱስ ሙሲሃ መቱስ አልያሴሃ» ይሉ። **5** ጴጥሮስ ህካን ጠወኔን በለቃ ጎመት ቴልቶስ፤ ህከን ጎመ አዜን «አሲን ተሽ የኖኤ ኢታም ቤቱኤ ከኒት፤ እሱ ሞጮጭ» ይታ ላገት አሜቶኡ። **6** አሳበሰ ህከ ላገተ ሞጮጭቶ ወክት አበ ዋጅት ኡለ ኡቡኤ። **7** እኩጎሬ ኢስ እስበ አሜች አንጋንከስ አፍ «ኬዕዬ፤ ዋጅቶኖቼ» ይሉ። **8** እስን ኬእ ለኣ ወክት ኢስ ቤሉ ዋሉ እዬሃ ለኦበእ። **9** እስን ቆታች ድርተን ኢስ «መንች ቤቱ ሬሆች ኬአኖ ኢላ ከ ለኤንታሃ እዬሃ ኩልቶኖቼ» ይሉ። **10** አሳበሰ «ህከረ ሚሃ ሕግ አስተማረት ሂጭ አልያስ አሜቱ ሀሰሰኖስ

ይታኢት?» ይተን ኢስ ጠዕምቶስ። **11** ህትን ኢስ «አልያሰዕት ሄጭ አሜች ጉዕመርቹንከ ቅጥአኤኖ። **12** እን ኩላንከ ሀዕኔ፤ አልያስ ሄጭ አሜችኤ፤ እኩጎሬ መኑ እሱ ነብዬቹ አዕይ ቶሳስበእ፤ ህካን እኩቤሂን እሱሃ ሀሰገ አቶስ፤ ህትን መንች ቤቱ አሳች ኦሪሸተ ቶገኖ» ይሉ። **13** ህከ ወክት አሳበሰ ኢስ ጠወዕዮሁ ጠመቃንች ያህይቲሃ እሁስ አጥራመቶኡ። **14** እስን ኡመት ቤቹ አሜቶ ወክት መቱ መንቹ ኢስበ አሜች ብሬስ ጉሉጽ **15** «ቀርቼ! ጮት ዱሩ አፍ ልግብ ወክት ገራንለከ ዋን ኡጀንስ አበ ኦርሰኖስቤሂን ቤቱኤ መረርሰጭስ። **16** አሳበከቤቹ ኤበም ወክት ፈይሶተ አታልቶበእ» ይሉ። **17** ኢስን «እዕት ኩ አመዕንቴንቡለከ ሾኩ ከን ዘማን መኑ! ህከ በር ኢላ ክዕኔን ሄአም? ህከ በር ኢላ ክዕኔት አታላም? ህንዳ ጩልስ ከበ ኤቤ» ይሉ። **18** ኢስን ዱር ሻቃን ህከን ጩሊች ፋሎ፤ ጩሊንኩ ህከ ወክት ፈይሎ። **19** ህከኒች ኤተሮን አሳበት ኢስበ አደደ እክ አሜት «ነኤ ካን ፋሽኖተ አታልንባሁ ሚሃት?» ይተ ጠዕምቶኡ። **20** ኢስ «አመዕነቱ ሆፈዕዮህዕኔቤሂንቶ፤ ሀንቅንከ ያንክዕኔ፤ ዋንኤ አሌ ጌሱ አመዕነቱ ሄዕዮህዕኔ እቃን ከ ቆተተ ስንቢቹች ኬእ ካጸ ኦርኤ፤ ይቴንተጎሬ ኦርታኤ፤ ዋልቅሰኖህዕኔርቹ መቱርቹሁ ሄአናበእ። **21** [እኩጎሬ ህትኔ ዱሩ ዱኤንለከ ሶመኒን እህባች ሆሮ ፋላናበእ»] **22** አሳበሰ ገሊላን ሄኤህኔን ኢስ «መንች ቤቱ መን አንጋን ሆሰሰን አሲኖ፤ **23** እስን ሽታስ፤ እኩጎሬ እስ ሰቅ በር ሬሆች ኬአኖ» ይሉ፤ ህካን እኩቤሂን እስ አበ ሻዛኤ። **24** ኢስለከ አሳበሰ ቅፍርናሆም ከተመ ኢልቶ ወክት ዱእ ምኒ ግብረ ጭምኦታ መኑ ጴጥሮስቤሂን አሜት «አስተማርቹክዕኔ መገን ምኒ ግብረ ባተናበእንዶ?» ይተ ጠዕምቶኡ። **25** ጴጥሮስ «ኤ ባተኖ» ይሉ፤ ኣጎ ወክት ኢስ ሄጭ «ሰምኤ! ኬሳሃ መ ኡጉደኖሄት? ከን ኡዲንያ አል መንግሰታከት ቀርጠለከ ግብር ቶጋኢሁ እላችሳትንዶ ዋሉ መኒቺት?» ይተ ጠዕምቶኡ። **26** ጴጥሮስ «ዋሎ መኒቺት» ይሉ፤ ኢስ «ህከረ ኡሱስ ግብር ባትበረንዶ? **27** እኩጎሬ እስ ቆዕልታበእገ ባር ኢላን ዋሻደ ኡጅት ሄጭት ፋልቶ ቁርጩሜተ አፍ አፎሴ ፈንቶንት ወክት ባታንት ጌስ ብረ ደጋንት፤ ህካን መስት ኢላ ኪ ወጥ ባት» ይሉ።

18 ህከ ወክት አሳበት ኢስበ አሜት «ሰሜ ዋምነቴን ጉዕሚችን በተአኖህ እዬት?» ይተ ጠዕምቶኡ። **2** ህካን እኩቤሂን ኢስ መቱ ጩል ገእ በላንከስ ኡርሸ **3** «እን ህንቅንከ ያንክዕኔ፤ ሰዊቱክዕኔ ጡመ እህባችለከ ኦሶገ እከንባች ሰሜ ዋምነቱ ሆሮ ኣንከንተበእ። **4** ሰሜ ዋምነቴን ሎሩ ከን ጩልገ ገወሰ ሆፍሰኖሃን። **5** ከን ጩልገ ዮኢሃ ኢ ሱዕሚን ቶገኖህ እዬሁ ኤሳሃ ቶገኖ። **6** «ኢን አመዕንቶ ከን ማዕናኖች መቱስ ሉሲሰኖ መንቹ ሎረ ሪትሞ ክኑ ጎበስ ኡሱሬን ጥዕላሽ ባራን ቶረም ኣለምአቀ ቆሆሰ» ይሉ። **7** ኢስ «ሉሲሰኖቹ አሜተናቤሂን ከን ኡዲንያ አል መኒሃ ኣዬ! መሰንትስ ሉሲሰኖቹ አሜቶዕነ ሆሮ ፈቀናበእ፤ ሉሲሰኖቹ እስ መሳን አሜተኖ መንቹሃ ኣዬ! **8** ህካን እኩቤሂን አንገክ ህከረንገ ሎከክ ሉሲሳሄትጎሬ ሙርት ኡጅ፤ መሰንትስ ለምተ አንገት ህከረንገ ለምተ ሎከት ሄአንኬ ዘላላሚሃ ሆሮ ጠእትበ ገራን ኣጋንትሀኒች ድኡለከ አንገተ ሙረሞሃ እክ ሄአቤቹ ኣጉ ቆሆኖሄ። (aiōnios g166) **9** ህትን አልክ ሉሲሳሄትጎሬ

ፋሽት ቶር፤ መሰንትሰ ለሜ አሌን ሄላ አዛብ ገራን ኣጋንትህኒች መትእልቺ እክ ሄለቤቹ ኣጉ ቆሆኖሄ። (Geenna g1067) 10 ከን ማዕናኖች መቱሰ ህንቁንተበአገ አገርዌ፤ ኣነ ኩላንክዕኔ፤ ሰማን ዮ እሰ መላደክት ጉዕመ ወክት ሰማን ዮ ኣንኤ ብሬን ለልታኡ። [11 መሰንትሰ መንች ቤቱንኩ ኣሚቸሁ በዕዮሃ ጡምሲሃት»] 12 ኢሰ «ህንዴ መ ኣጉደኖህዕኔ፤ መቶ መንቺሃ ጥቤ ሆሊት ዮሰህኒች መትሴ በኣሰጎሬ ሆንሳይኔ ሆንሰንከ ቆተ አሌን ኣጉር በዕዮሲሃ ሀሶተ ኦርኣኖበአንድ? 13 ህንቅንከ ያንክዕኔ፤ ህሽ ደን ወክት በኡዕነ ፈቆ ሆንሳይኔ ሆንሶ ሆላች በትሽ በዕያን ደን ሆልቺሃ መንደኣኖ። 14 ህትን ሰማን ዮ ኣንክዕኔ ከን ማዕናኖች መቱሰ በኣተ ኢተኖበኣ» ዬላ። 15 ኢሰ «አመክቤቱ ቤሾሃ ጎሬ መርት ቤሱሰ ገዩንከሰን ኩል፤ እሰን ቤሱሰ አመዕኔሄጎሬ አመክቤቱ ኣቶንትሰ ዩሃን። 16 ሞጮጩ ግባሃጎሬ ጠዉ ጉዕመንኩ ለሞ ህከረንገ ሰሶ ሞሰክር ላጋን ዊመኖቤቺሃ መቱ ህከረንገ ለሙ መንቺሃ ኣፍ እሰቤቹ መር። 17 እሰ ደታኢሃ ሞጮጩ ግባኖረ ዱኣ ምኒ መኒሃ ኩል፤ ዱኣ ምኒ መኒሃ ሞጮጩ ግባኖረ መገኑ አመዕንበ መንችገላክ ሰጭ ፈንቀልበ ጨበኝገ ዋለኡ። 18 «ህንቅንከ ያንክዕኔ፤ ኡሉ ኡሰርቲንታሁ ሰማን ኡሰርቲሞሃ አሀኖ፤ ኡላን ሂርቲንታሁ ሰማን ሂርቲሞሃ አሀኖ። 19 ህትን ኣነ በርግ ኩላንክዕኔ፤ ክዕኔ በሊች ለሙ መንቺ መ ጠወሃ ኢተቀንት ዱኣ ኣቶጎሬ ሰማን ዮ ኣንኤ ህከ ጠወ ኣእኖሰ። 20 መሰንትሰ ለሙ ህከረንገ ሰሶ መንቺ ሱዕሚንከኤ ጭምደቶቤቸን ኣነ በላንከሰ ኣሃምቤቺሃት» ዬላ። 21 ህከኒች ኤተርን ጴጥሮሰ ኢሰቤቹ ሆንጠክ «ቀርቺ! አመኤቤቱ በደሎኣጎሬ ሜኡ ወክት ኣጉርሰን? ለመላ ወክት ኣጉርሰንድ?» ዬላ። 22 ኢሰን «ለመላዩ ወክት ለመላ ቤሉ ጠለዕል ለመላ ወክት ያንኬበኣ» ዬላ። 23 ህከን ኣኮቤቺሃ «ኢሰ ሰሜ ዋምነቱ ካዲማንከሰ ሜጡብ ሆንተሰ ሀሰሰኖ ህሳብ ኣማዕለመኖ ዋመ ኣጉዳኢ። 24 እሰን ሰሊት ኣኡ ጀመርቶ ወክት ቶኖ ኩሜ መክሊት ኤዱህ ዮሰ መቱ ካዲንቺ ኣፍ እሰበ ኤቦኡ። 25 ሁኩ ካዲንቺ ኤዳሰ ባቱ ሆንቤቺሃ ገዉሲ፤ መንቺሰለክ ኣለሰ ዮሰርቺ ጉዕመንከ ሀሬን ኤዳሰ ባተመኖገ ቀርቺሰ ኣዘዢ። 26 ህከን ኣኮቤቺሃ ካዲንቺሰ ቀርቺሰ ሎካን ኡብ «ኢ ቀርቺ! ሀዕይ ቀዉ ጌሰ ኣገሬኤ፤ ጉዕመንከሰ ባታም» ይ ኡጩሰ። 27 ቀርቺንኩሰ ኣመዢሰቤቺሃ ገፈሮሰ፤ ኤዳሰ ጉዕመንከ ኣጉርሰ። 28 «ጠዉ ኣኮጎሬ ሁኩ ካዲንቺ ህከንቤቺች 4ል ኦርኣን ጥቤ ዲናረ ሎቼሾ ሆንሰ ጃለ ደግ «ሎቼንኬሃ ባቱኤ» ይ ቆኤሰ ለንግ አድ። 29 ጃላንኩሰ ሎክሰ ኣለን ኡብ «ሀዕይ ቀዉ ጌሰ ኣገሬኤ፤ ባታንኬ» ይ ኡጩሰ። 30 ኣኮጎሬ መንቺሰ ግብ ኤዳሰ ባቶተ ኢሉ ኡሰርሲሾሰ። 31 ሆንሰ ጃሊት ህከን ለኡ ወክት ኣበ ሻዘ ኣኮ ጠወ ጉዕመንከ ቀርቺሃንሰ መርት ኩልቶኡ። 32 ቀርቺንኩ ህከ ካዲንቺ ገእሲሽ «ኩ ሂሉ ካዲንቺ፤ ኡጭቶንቴኤሪ ህከ ኤዳክ ጉዕመንከ ኣጉርበሃንድ? 33 ኣነ ኣመዢከገን ኣቲሁ ጃልህክ ኣመዛንትሰበአንድ?» ይ 34 ቀርቺሰ ኡሙዕር ኤዳሰ ጉዕመንከ ባች ሹሎተ ኢሉ ኡሰር ምኒ ሀለቅቺሃ ህግሽ ኣሲኡ። 35 «ህትን ኣዕኑሁ ኣመክዕኔቤት ብደል ቀልቢን ሹልቲን ኣጉርቲንበጎሬ ሰማን ዮ ኣንኤ ህትን ኣእኖህዕኔ ዬላ።»

19 ኢሰ ህከ ጠወ ጠወዕይ ሹሎች ኤተርን ገሊላች ኬዕይ ዮርዳኖስ ዛዘኖ ዊ ዉድ ኤዲን ሄዕዮ ይሁድ ባዱ ኦርዕዮ። 2 ልግቡ ኡመቱ ኣዎቻሰ፤ እሰን ህከኔ ፈይሾሰ። 3 ህከ ወክት ፈርሳውት ኢሰበ ኣሜት ሉሲሶተ «መቱ መንቺ ጫሰ ኣኮሰ መሳን ሸር ፈቀደመኖሰንድ?» ይት ጠዕምቶኡ። 4 እሰን ፈንቀሽ «ካልቁሰ ዋዕናንከ «ሚኣተለክ ለባሃ ኣዕይ ከለቆሰ» የመሞሃ ኣነበበኔታበአንድ? 5 ህትን «መንቺ ኣነሰለክ አመሰ ኣጉር ጫንከሰ ሜጡ አሀኖ፤ ለሙንኩ መቱ ጅሰመ» ኣካኡ። 6 ህከን ኣኮቤቺሃ ኣሰ ከኒች ኤተርን መቶሃ ጅሰመ ቤሉ ለሞሃበኣ፤ መገኑ ሜጡ ኣዕይ በርጌኢሃ መቱ ኣደ ኣኣንከ» ዬላ። 7 እሰን «ህከረ ሙሰ ሚሃት ሞኒ ኣኡ መንቺተሰ ንከሴ ሂር ገፈረተ ኣዘዢ?» ይት ጠዕምቶሰ። 8 ኢሰ «ሙሰዕኑ ሜንቲክዕኔ ገፈረኖተ ፈቀጀሁ ቀልቡክዕኔ ዲጃቤቺሃት፤ ኣኮጎሬ ዋዕናሃ ህትንተበኣ። 9 «ኣን ያንክዕኔ፤ ዝነተ ኣቲዕነ ጫሰ ገፈር ዋልተ ጫተ ኣእኖሁ ጉዕመንኩ ዝነተ ኣእኖሃን» ዬላ። 10 ኣሳብሰ «ለቤለክ ሜኣ ደኑ ካን ኣኮች ኣኡ ሆጉ ቆሆኖ» ይቶሰ። 11 ጠዉ ኣኮጎሬ ኢሰ «ኣሰሞሰሁኡ ቤሉ ኩ ጠዉ ጉዕመ መኒሃ ኣታልሲሰበሃን። 12 መሰንትሰ ኣለንተንገ ለቤነቱ ዮሰበኣር ዮኡ፤ ህትን መቱ ቃርሰር ዮኡ፤ ህትን ሰሜ ዋምነቱሃ ይት ሞኒሃ አሁ ግባኣር ዮኡ፤ ህከን ቶንተ ኣታለኖሁ ዮ ጎሬ ቶጉን» ዬላ። 13 ህከ ወክት ኣንገሰ ኣሌሰ ኣዕይ ዱኣ ኣኡተ መቱ ኣሱተ ኢሰቤቹ ኤቦኡ፤ ኣሳብሰ ኤቦ መነ ኡሙዕርቶሰ። 14 ኣኮጎሬ ኢሰ «ሰሜ ዋምነቱ ከኡኣገ ዮሁኤተ ኣኮቤቺሃ ኣጉሬሰ፤ ኣሱተ ኢቤቹ ኣሜቶተ ከንቶኖቹሰ» ይ 15 ኣንገሰ ኣሌሰ ኣዕዮች ኤተርን ዋሉ ኣደ ኦርዕዮ። 16 መቱ በር መቱ መንቺ ኢሰበ ኣሜች «ኣሰተማርቺ! ዘላለሚሃ ሄኣኖ ሄኡ ደኡተ መ ጡመ ጠወሃ ኣኡ?» ዬላ። (aiōnios g166) 17 ኢሰን «ጡመ ጠውተኔሃ ሚሃ ጠዕምታንቴኢት? ጡመ ሜጥቺሃ መገኑ፤ ሄኣቤቹ ኣጎተ ሀሰንት ጎሬ ትዛዝ ኣገር» ዬላ። 18 መንቺንኩ «ህከ ትዛዝዩት?» ዬላ። ኢሰን «ሽቶት፤ ዝነተ ኣቶት፤ ሞግቶት፤ ጨብ መሰከርቶት፤ 19 ኣነክለክ አመክ ኬዕምሰ፤ ዋሉ መነ ገይክገ ኣት ኢት» ዬላ። 20 እሰን ኢሰ «ከ ትዛዝ ጉዕመንከ ኣዕዮም፤ ዋሉ ፈቆኤሁ መርቺሃን?» ዬላ። 21 ኢሰን «ዊመ ኣኮተ ሀሰንት ጎሬ መርት ዮሄ ዱንያተ ጉዕመንከ ሀርት ቡጥቺሃ ኣሰ፤ ሰማን ዱንያት ሄኣሄ፤ ህከኒች ኤተርን ኣሜት ኣዎኤኤ» ዬላ። 22 ሁኩ ዋደልቺ ህከን ሞጮጩ ወክት ኣቡ ዱንያት ዮሰቤቺሃ ሻዘን ኦርዕዮ። 23 ህከኒች ኤተርን ኢሰ ኣሳብሰ «ህንቅንከ ያንክዕኔ፤ ቀባጣሞ መንቺሃ ሰሜ ዋምነቱ ኣጉ ኣበ ኦርሰኖሃን። 24 ለንከሃ ያንክዕኔ፤ ቀባጣሞ መንቺ መገን ዋምነቱ ኣገናህኒች ጋሜሉ መርፌ ጠላዕላን ሕጉ ቆሆኖ» ዬላ። 25 ኣሳብሰ ህከን ሞጮጩ ወክት ኣበ ኣጀብሰጭት «ህከረ ኣይ ጡሞተ ኣታለኖ?» ይቶኡ። 26 ጠዉ ኣኮጎሬ ኢሰ ኣሰተ ለኣን «ኩ ጠዉ መኒሃ ኣታለምበሃን፤ ኣኮጎሬ መገኒሃ ጉዕመርቺንኩ ኣታለመኖሰ» ዬላ። 27 ህከ ወክት ጴጥሮሰ ፈንቀሽ «ሁኩዕኑን ነኡ ጉዕመርቺንከ ኣጉርኩ ኣዎኖንኬ፤ ህከረ ደኣናሚሁ መርቺሃን» ዬላ። 28 ኢሰን «ህንቅንከ ያንክዕኔ፤ ኣዕኑ ኤሳሃ ኣዎንቲንተሩ መንች ቤቱ ጉዕመርቺንኩ ሃዕሮ አሀኖ ዘማኔን ኬዕምኝ በርጭማን ኣፋዕለኖ ወክት ኣዕኑ ቶነ ለሞ በርጭማን ኣፋዕልቲን ቶነ ለሞሃንከ

እስራኤል ደቦ አሌን ፈረዳነት። 29 ህትን እ. ሱዕምተኔሃ ምነት ህከረንገ እመስ ኦሱት ህከረንገ እነ ህከረንገ አመተ ህከረንገ አለሰ ህከረንገ ኡለሰ አጉሮሁ ጉዕሙንኩ ጥቤ እፎሃ ኣእና፤ ህትን ዘላለሚሃ ሄእኖ ሄኡ ደእኖ። (aiōnios g166) 30 ጠወ እኮገሬ ልግቡ ብርት ሄኦኦሩ ኤተራኑት ኤተራኑት ብርት ሄኦኦረ አካእ» ይእ።

20 ኢስ «ሰሜ ምምነቱ ዎይነስ አሰሲሶት ሆጉት አታ መነ ቀጠሮተ ገሰመ ሱጵት ፋሎ ኡለ እነ አጉዳኖ። 2 ኢስን መት-መትሀስ በሬን መት-መቱ ዲናረ ባቶት አተቀም ሆጉት አታ መነ ዎይነ መክሴኖ ላልች አዝ ሶኩ። 3 ኡለሰ አኑንኩ ሰሶ ሰኣት ጌሳን ፋል ሆጉት ሆግ በነቻን ኡርቶ ዋሉ መነ ለዕዮ። 4 እሳንከ ሰሶት ዎይነ ላልች አዝ መርቲን ሆጉት አዕዬ፤ ሀሰሰኖ ጌሰ ባታንክዕኔ» ይሰ። 5 እሰን ዎይነ ላልች ቤቼ መርቶኤ፤ ህትን ሌሆ ሰኣትለከ ሆንሶ ሰኣት ጌሳን ፋል ህትን አዕዮ። 6 ህትን ቶነ መቶ ሰኣት ጌሳን ፋል ዋሉ ኡርቶ መነሃ ደግ «ከኔ ዊመ በር ሆጉት ዮበኢሃ ኡርቲን ሚሃ ሆሴንታኦ?» ይሰ። 7 እሰን «ቀጠረኖ መንቼ ሆንጊት» ይቶስ፤ እሰን ሰሶት ዎይነ ላልች አዝ መርቲን ሆጉት አዕዬ» ይሰ። 8 «ኡለት ሀዋርቶ ወክት ዎይነ ላልች አኑ ሆጎስ ሀላፊቼ ሆጉት አታእረ ገእት መጨረሻን ቀጠረንቶሁኡች ኬስ ዎዕናሃ ቀጠረንቶእረ ኢለ ሆጉት አቶ ዲናረ ባት» ይሰ። 9 ህከ ወክት ቶነ መቶ ሳኣቲን ቀጠረንቶእረ ሆንጠክ መት-መቱስ መት-መቱ ዲናረ ኣእቶኡ። 10 ህትን ዎዕና ቀጠረንቶእረ ሆንጠክ ወክት በትስ ኣእታኢሃ እጉጃስ እቅ፤ ጠወ እኮገሬ እሳ መት-መቱ ዲናረ ኣእቶኡ። 11 እስ ዲናረ ኣእትን «ኩ ኒች ኤተሮን ቀጠረንቶእረ ሆጉት አቶኢህ መቶሃ ሰኣት፤ ዊመ በረ ኦሮን በጉብ ለዕነን ሆንሶም ኒን ቅጡ ባቶን» ይት ኡለሰ እኒን ቁንቶንቶኡ። 13 ኡለሰ አኑንኩ ህከን ሆጉት አታ መኒች መቱስ «ኢ ጃለ ኣን መቱርቼሃ ቤሾምበኤ፤ እት ኢን መቶ በሬተ መቱ ዲናረ ባቶሂተ አተቀምበኣንደ? 14 ህከን እኮቤቼሃ ወጥክ ኣእት ኦርኤ፤ ኣን ኬሳሃ ኣሴምሀንገን መጨረሻን ኣሜቻ መኒቺሃ ኣሶተ ኢትዮም። 15 ገይኦሃ ኢቲምገ ኣእተ አታላምበኣንደ? ህከረንገ ኣን ጡመ እኮምቤቺሃ ምቀኝቶንንደ?» ይ ፈንቀሺኦ። 16 ህከን እኮቤቼሃ ኢስ «ኤተሩ ሄኦኦሩ ብርት አካእ ህትን ብርት ሄኦኦሩ ኤተሩ አካእ» ይእ። 17 ህከኒች ኤተሮን ኢስ ዬሩሳሌም ከተመ አሌ ዋል ኦርኤን ቶነ ለሙንኩ ኣሳበት አደ አዕይ አሰበ መስ 18 «ሁኩዕነን ነኡ ዬሩሳሌመ መርናሚት፤ ህከኔን መንች ቤቱ ቂስ ኣዋናቲለክ ሕግ አስተማራታ ሀገሴን ኣሴናን እሰን ኣሌሰ ሬሆ ፍርደ ፈረዳኦ። 19 ህትን እስ ቀለደንሰለክ ኣበ ገረፈንስ ሰቀልቶተ አይሁደ እኮበኦ መኒሃ ኣታስ፤ ህትን ሰቅ በር ሬሆች ኬእኖ» ይሰ። 20 ዜብደሴ ኦሶ አመት ኦሶሴ ኣእት ኢስበ ኣሜት ብሬስ ጉሎጵት መቱ ጠወ አኦተ ኡጭቶኡ። 21 ኢስን «መ ሀሶንት?» ይሴ፤ እሴን «ምንቴንከክ ለሜ እላችኤ መቱስ መኬ ኣዲን መቱስ ጉረ ኣዲን ኣፋዕልታገ እኦ» ይቶስ። 22 ጠወ እኮገሬ ኢስ «ኡጭቲንታሃ ደጌንተበኤ፤ ኣን ግደኖ በሬን ኣጋም ኦርሽ ጠበቲሃ ኣጎናተ አታልቲንንደ?» ይእ፤ እሰን «ኤ አታልናም» ይቶስ። 23 ኢስን «ኦርሻኤ ጠበትተ ኣጎናተ አታልቲንተ፤ ጠወ እኮገሬ ጉረኤ ኣዲንለክ መኬኤ ኣዲን ኣኣሚሁ ኣኔበኤ፤ ሁኩ ቤቼ ኣሰመኖሁ ኣኑኤ

ቅጥኣዕዮ መኒሃት» ይእ። 24 ፈቆ ቶኑንኩ ኣሳበት ህከ ጠወ ሞጮጭቶ ወክት ለሞንክ ኣመኦሶ ኣሌን ኡሙዕርቶኡ። 25 እኮገሬ ኢስ ጉዕመንከሰ አሰበ ገእ «ኣዲንያ ኣል መን ሀለቀት መነስ ገሽታኦራን፤ ኣምንሳኑስን አሰ ኣሌን ሹምነቱ ዮሰገ ደጌንተ። 26 ክዕኔ በላን ህት እሁንከ፤ ጠወ እኮገሬ ኣይሁ ክዕኔ በሊች ሎረ አሆተ ኢተኖሁ ሄዕዮ ጎሬ ክዕኔ ካድንቼ እሁን። 27 ህትን ኣይሁ ክዕኔ በሊች ጉዕሚቻን ሎረ አሆተ ኢተኖሁ ሄዕዮ ጎሬ ክዕኔ ካድንቼ እሁን። 28 ህትን መንች ቤቱ ፎልሰ ልግብ መኒሃ ምንኩተ አዕይ ኣሶተ ኣሜቻ ቤሉ ካደሞኖስተ ኣሜቻበኤ» ይሰ። 29 ህከኒች ኤተሮን ኢስለከ ኣሳበሰ ኢያርኮ ከተሚች ፋልት መርተን ልግቡ ኡመቱ ኣዎቻሰ። 30 ዋቄ ገበላን ኣፋዕልቶ ለሙ ቆቁ ሙኦ ኢስ ህከን ኣዲን ሀገን ሞጮጭቶ ወክት ላገሰ ጎት አት «ቀርቾ ዳዉዴ ቤቶ፤ መረርሰጭኔ» ይተን ያርቶኡ። 31 ሁኩ ኡመቱ «ጨለ ይዬ» ይት ሻቆሰ፤ ጠወ እኮገሬ እሰን ዎዕኔን በትስ «ቀርቾ ዳዉዴ ቤቶ፤ ሀዕይ ኣሙከኔ» ይት ኣበ ያርቶኡ። 32 ኢስን ኡር አሰበ ገእ «መ እኦህዕነተ ሀሴንን?» ይሰ። 33 እሰን «ቀርቾ፤ እልኔ ፈንተኣገ እኦኔ» ይቶስ። 34 ኢስን ኣሙኸ፣ እልሰ ኣንጋን ኣፎ ወክት ኣጀብሲሰኖ ሃሊን እልሰ ፈንተኣን ኣዎንቶሰ።

21 ኢስለከ ኣሳበሰ ዬሩሳሌም ከተመ ሆንጠኮ ወክት ዘይት ሀቁ ነጻኖ ቆተ ኣሌን ዮ «ቤተ ፋጌ» ዬኖ ቀለተ ኢልቶኡ፤ ህከ ወክት ኢስ ኣሳባቸሰ ለሙ 2 «ብሬክዕኔ ዮ ቀለተ መሬ፤ ህከኔን መት ሀሩቹተ ዋተራንከሴን ኡሱራማሃ ደጌንተ፤ እሰንተ ሂርቲን ኤቤ። 3 ኣይሁ መቱርቼ ዬህዕኔጎሬ «ቀርቼ ሀሾቤቺሃን» ይዬ፤ እሰን ወክትንከሰ ሶሀኖ» ይ ሶኩ። 4 ሁኩን እኮሁ ነብዬቻን 5 «ጽዮን ቤቶ ሁኩዕነን! ምውክ ገዉስ ሆፍሽ ሀሩቹንለክ ሀሩቹ ዋተራን ቆጵ ኪቤቼ ኣሚተኖ!» ይቲን ኩሌስ» የመም ጠወኣሞሁ ዊሞታት። 6 ኣሳበንት መርት ኢስ ዬሰገን ኣቶኡ። 7 እሰን ሀሩቹተ ዋተራንከሴን ኡብ ኦድኑስ ሀሩቹ ገጃን ኣታን ኢስ ቆጵ። 8 ህከን መኒች ልግቡስ ኦድኑስ ዎቃን ዌሶኡ፤ ዋሉሰገ ሀቅ ሀበረ ተንቅሰን ዎቃን ዌሳኢት እቅ። 9 ልግቡ ሙኦ ብሬ ኣዲንለክ ኤተሮ ኣዲን ላገሰ ጎት አት «ሆሳና! ጡምሳንቺሃኔ ደዉዴ ቤቲሃ፤ ቀርቾ ሱዕሚን ኣሜተኖሁ ማሰኣምኣሃን፤ ሆሳና! ኣሌ ሰማን» ይታኢት እቅ። 10 ኢስ ዬሩሳሌም ከተመ ኣጎ ወክት «ኩን ኣይት?» ይተን ከተም ሙኦ ጉዕሙንኩ ረበሾኡ። 11 ሁኩ ኡመቱ «ኩን ገሊለ ባዶን ዮ ናዝሬት ከተሚች ኣሜቻሃ ነብዬቻ ኣሳት» ይቶኡ። 12 ኢስ ዱኦ ምኒ ኣጎ ዱኦ ምኒ ኣዜን ሀርታኦረኣክ ሀዕርታኦረ ሸር ፋሺኤ፤ ብረ ድርታ ጠረጴዘተለክ ሀንደዕርት ሀርታ መን ቦርጭመተ ኮሎንኮዕልሾ። 13 እሰን ««ምኑኤ ዱኦ ኣኤኖ ምኒ ዬን ገኤኖ» የመም ከተበሞኡ፤ እኮገሬ ኣዕት ሸፍጡ ኣፋዕላኖ ሻንቀ ኣቲንተ» ይሰ። 14 ኢስ መገን ምኔን ዮህኔን ቆቃትለክ ድናኑት እሰበ ኣሜታን ፈፈሾሰ። 15 ጠወ እኮገሬ ቂስ ኣምንሳኑትለክ ሕግ አስተማረት ኢስ ኣዕዮ ኣጀብሲሰኖ ጠወ መገን ምኔን «ሆሳና! ደዉዴ ቤቲሃ» ይተን ጨንጭቶቤቺሃ ኡሙዕርቶኡ። 16 እሰን «ኩ ኦሶት ይታኢሃ ሞጮጭታንቲንደ?» ይቶስ፤ ኢስን «ኤ! ኦሶትለክ ቀንታሁኡ ኣፊቻ ገለት ቅጥ ኣቶንት» ይታ ላገተ ሆሮ ኣነበቤንታበኣንደ?» ይሰ። 17 ኢስን

እሳቸ እደ እክ ዩሩሳሌም ከተማች 4ል «ቢታ» ዬዮ ቀለተ ኦሮዕይ ህክኔ ገሎ። 18 እሰ ለንክ በር ገሰመ ሱጽተ ዩሩሳሌም ከተመ ፈንቀል ኦሮኢን ጎሩ አፎሰ። 19 እሰን ዋቄ ገበላን ዮ መት ኦድ ሀቁቸተ ለዕይ እሰቤቹ ኦሮዕዮ፤ እኩጎሬ ሀበር ቤሉ መቱ ላልቸሃ ደጎሴበእ፤ ህክ ኦድ ሀቁቸተ «ለንኪሃ ሁሳሃ ሆሮ ላልቸ ሄኡንከሄ» ዬሴ፤ ኦድ ሀቁቸንት ህክ ወክት ሞልቶሉ። (aion g165) 20 እሳበሰ ህካን ለኦ ወክት አጀብሰዉ። «ሀት ት ኦድ ሀቁቸት ሜጣረን ሞልቶሉ?» ይቶሉ። 21 እሰን ፈንቀሽ «ሀንቅንከ ያንክዕኔ፤ አመዕነቱ ሄዕዮሀዕኔጎሬ፤ ሸክቲንበረ ከን ኦድ ሀቁቸን እኮ ጠወ ጠለዕል አቴንተበእ፤ ጠወ እኩጎሬ ተ ቆተት «ከንቤቸች ቡቱክንት ባራን ኡብ» ይቴንተጎሬ አሀኖሀዕኔ። 22 አመዕነቱ ሄዕዮሀዕኔጎሬ ኡጭቴንተርቸ ጉዕመንከ ደአቴንተ» ዬሴ። 23 እሰ ዱላ ምኒ ኣግ ተማርሰን ቂሰ አምጎሳትለክ ባድ ባልቀት አሰበ አሜት «ከ ጠወ ጉዕመንከ አታንቲሁ መ ዋልቃኔት? ህትን ከ ዋልቃት ኣሲሄሁ እዬት?» ይቶሰ። 24 እሰን ፈንቀሽ «መቱርቸ ጠዕማንክዕኔ፤ እዕኑ ህካን ፈንቀሽቴንተጎሬ አኒሁ ካን መ ዋልቃን አአሚት ጎሬ ኩላንክዕኔ። 25 ያህይ ጥምቀቱ ሀከን አዲች አሜቸ? መገን አዲችትንዶ መን አዲችት?» ዬሴ፤ ገገዉንኩሰን «መገኒችት» ይኖምጎሬ «ህከረ ሚሃ ያህዪን አመዕንቴንተበእ?» ዮኖ። 26 ጠወ እኩጎሬ «መኒችት» ይኖምጎሬ መኑ ጉዕመንኩ ያህይ ሳብዬቸዉ ይ አመዕኔቤቸሃ መን ዋጅኖም» ዮቀንቶሉ። 27 ህካን እኮቤቸሃ እሰን እሲሃ «ደንጋምበእ» ይት ፈንቀሽቶሉ፤ እሰን «እኒሁ ካን ጉዕመንከ መ ዋልቃን አአምተጎሬ ኩላንክዕኔበእ» ዬሴ። 28 እሰ «መ አጉደኖሀዕኔት? መቶ መንቺሃ ለምተ ሉሱት ሄሰስ እቅ፤ እሰን መትሰቤቸ ሆንጠክ ከበር ዋይን ኣከ መርት ሆጉተ አእ» ዬሴ። 29 ቤቴንኩሰ «መራምበእ» ይ ፈንቀሼእ፤ እኩጎሬ ኤተሮን ሸጭ ሆጉተ አአተ መሮ። 30 ህትን ለምቅሰ ቤት ቤቹ መር ዋዕኔህንገን ዬሰረ «ኤኩ ኢ አነ መራም» ዬሴ፤ ጠወ እኩጎሬ መሩዕነ ፈቆ። 31 ህከን ለሚ ኦሶች አኒሀሰ እዘዘምሁ ሀከኒት?» ዬሴ፤ እሰን «ምኔሰ?» ይቶሉ፤ እሰን «ሀንቅንከ ያንክዕኔ፤ ቀረጠ መርታአራለክ ዘነተ አታእሩ ክዕኔት ሄጭት መገን ዋምነቱ ኣጎእ። 32 መሰንትሰ ያህይ መገኒን ሄኡኖ ዋቃሃ ለሊሶሀዕኔት አሜቸ ጎሬ አመዕንቴንተበእ፤ ጠወ እኩጎሬ ቀረጠ መርታአራለክ ዘነተ አታእሩ አመዕንቶሰ፤ እዕኑ ኤተሮን ህካን ለኤኒ ቶበቲን አመዕንቴንተበእ» ዬሴ። 33 እሰ «ዋልት ሞሳልተ ሞጮጭዬ፤ ኡላንከሰ ዋይን ላልቸ ዮሰ መቱ መንቹ ሄዕዮ እቅ፤ እሰን ዋይንስ ኦች ላልቸሰ ጩንሼኖ ኡለተ አም አገርታ መኒሃ ሀንሸሩ እጃር ቀሳናት አሰ ዋሉ ባዶ ኦሮዕዮ። 34 ዋይንስ ላለኖ ወክቱ እካን ላልቸችሰ ኤሶተ ካዲመሰ ቀሳናቤቹ ሶኩ። 35 ሁኩ ቀባኑት ካዲማች መቱሰ አልቶሉ፤ መቱንገ ሸቶሉ፤ ዋሉሰንገ ክኒን ቀሶሉ። 36 ለንኪሃ ኡለሰ እኑ ዋኔሁኑኦች በተኣ ካዲመተ ሶኮረ ሁኩ ቀባኑት ዋኔረ አቶገን አቶሉ። 37 ህከኒች ኤተሮን «ቤቱኤ ከበጅታሰ» ይ ቤቱሰ ሶኩ። 38 ጠወ እኩጎሬ ሁኩ ቀባኑት ቤቱሰ ለኦ ወክት መት-መትሀሰ «ረገአኖሁ ከኒት፤ አሜ እሱ ሽን ዮሰርቸ ጉዕመንከ ረገዕናም» ዮቀንቶሉ። 39 እሰን እሱ አኖ ዋይን ኣዚች አብል ፋሽት ሸቶሉ። 40 «ኡለሰ እኑ አሜቸ ወክት ህከ ቀባኑተ መ አአኖሰ?» ዬሴ። 41 እሰን

«ህከ ሂለ መን ሂለገ እዕይ ሽ ዋይን ላልቸ ወክቲን አታ ዋሎ ቀሳናት ኣሰና» ይቶሰ። 42 እሰን «ግንበኛኑት ህንቆ ክኑ እሰ መረበ ቡዕል ክኑ እኩ፤ ሁኩንን ቀርቸተ ሆጉ፤ እሌን ለኢሃ አጀብሰሰኖሃን» የመም መጻፋን ከተበምሃ ሆሮ አነበቤንታበእንዶ? 43 «ህካን እኮቤቸሃ እን ኩላንክዕኔ፤ መገን ዋምነቱ ክዕኔች ከሜን ላልቸ ላለኖ ኡመቲሃ ኣሴኖ። 44 [ህከን ክን ኡለን ኡበኖሁ ቁሽቁሽ የኖ፤ ሁኩ ክኑ አዬ አሌኒ ኡሶጎሬ ፍጭርቀሰ» ዬሴ።] 45 ቂሰ አምጎሳትለክ ፈርሳውት እሰ ጠወዕዮ ሞሳልተ ሞጮጭቶ ወክት አሰተኔሃ ጠወኡሰ አጥራመቶሉ። 46 ህካን እኮቤቸሃ እሰ አፎሰተ ሀሶኡ፤ ጠወ እኩጎሬ ኡመቱ እሰ ነብዬችገ ለአኖሰቤቸሃ መን ዋጅቶሉ።

22 እሰን ለንኪሃ ሞሳሌን 2 «ሰሜ ዋምነቱ ቤቲሀሰ ቦለች ድግሰ ቅጥአዕዮ ዋመ አጉደኖ። 3 ዋምንኩ ቦለቸሃ ገኤመ መን ገለቶተ ካዲመሰ ሶኩ፤ ጠወ እኩጎሬ ገኤመ መኑ አሜቱ ግቦሉ። 4 «ለንኪሃ ዋምንኩ ዋልት ካዲመሰ «ሁኩዕኑን ድግሰኤ ቅጥ አዕዮም፤ ቦረኤለክ ሞሶ ደርገጉት ጎረጮም፤ ጉዕመርቸንኩ ቅጥ ይዮኡ፤ ድግሰቤቹ አሜ ይቴን ገኤመሁኑኤሃ ኩሉ» ይ ሶኩ። 5 እሰን ጠወሰ ህንቅ መቱ አቡረ ቤቹ ዋሉሰንገ ህትን ግግሮቤቹ መርቶሉ። 6 ፈቆሩ ህትን ካዲመሰ አፍ ዋርቲት ሸቶሉ። 7 ዋምንኩ ኡመዕር ዋታደረሰ ሶክ ህከ ሸቶ መን ሸሲሹ፤ ህከ ከተመንከ ቡሴእ። 8 ህከ ወክት ካዲማተሰ «ድግሰኤ ቅጥ ይዮኡ፤ እኩጎሬ ገኤመ መኑ ድግሰሀሰ ገበአበረ እኮሉ። 9 ህካን እኮቤቸሃ ዋቃሃ ፋልቲን ደገነተ መን ጉዕመንከ ድግሲሃ ገኤዬ» ዬሴ። 10 ካዲመንትሰ ጎዳነ ፋልት ደንኢሃ ጉዕመንከ ሂለለክ ጡመ ጭምአታን ቦለች ምኒ መኑ ዊሞ። 11 «ዋሙ ህከ መን ለአተ ምኒ ኣጎ ወክት ቦለች ኦድኑተ ኦደለበ መንቹ ለዕይ 12 «ኢ ጃለ! ቦለች ኦድኑተ ኦደኡዕነ ሀት ከበ ኣጎንት?» ዬሴ፤ ሁኩ መንቹንኩ ጨለ ዬሴ። 13 ህከኒች ኤተሮን ዋሙ ካዲማተሰ «እንገሰለክ ሎከሰ ኡሶርቲን አብሌ ቱንሸቾን አጅዬ፤ ህከን ቤቾን ኡኤለክ የበሩ ገዕሙ አሀኖ» ዬሴ። 14 መሰንትሰ ገኡንቶእሩ ልግብየ፤ እኩጎሬ መጠረንቶእሩ ቀምሃን» ዬሴ። 15 ህከኒች ኤተሮን ፈርሳውት መርት እሰ ጠወኣኖ ጠዊን ሉሲሶተ አማዕለንቶሉ። 16 እሰን «አሰተማርቸ! አት ሀንቀኝ አሁክለክ መገን ዋቃሃ ሀንቀን ተማርሰታንቲሃ አሁክ ህትን መን አልተ ለእ ፈረድባሃ አሁክ ደንጋም፤ ህንዴ ኩልኔ መ አጉደኖሄት? ሮም ዋሚሃ ግብር ባቱ ፈቀደምሃንዶ ፈቀደምበእሃን?» ይቶተ አምናሰለክ ሃሮድሴ አድ መን ሶኩሉ። 18 እሰን ሂልመሰ ደግ «እዕኑ ኩ መኑ ለኦሀዕኔት ይቴን አቴንተሩ፤ ሚሃት ፊታንቴንተኤሁ? 19 ህንዴ ግብር ባቴኖ ዲናረ ለልሼኤ» ዬሴ፤ እሰን መቱ ዲናረ ኡብ ኣቶሰ። 20 እሰን «ከን ዲናረ አለን ከተበምሁለክ ፎቱሰ አዬሃን?» ዬሴ። 21 እሰን «ሮም ዋምሃን!» ይቶሉ፤ እሰን «ህካን እኮች ቄሳሬሃ ቄሳሬንከ መገኒሃ መገኒንከ እሰዬ» ዬሴ። 22 እሰን ህካን ሞጮጭቶ ወክት አጀብሰዉት አጉርት መርቶሉ። 23 ህከ በር «ሬዮ መኑ ኬአኖበእ» ይታ ሳዲቃውት እሰበ አሜት 24 «አሰተማርቸ! መሰ «መቱ መንቹ አለተ አሉዕነ ሬዮ ጎሬ አመሰቤቱ ጫሰ ረገዕይ ሬዮ አመሰቤቲሀሰ አለተ አሉ?» ዬሴ። 25 ለመሉ አመኦሉት ኒ አዳን ሄኦ እቅ፤ ሀንገፋሰ ጫተ ኡብ አለተ አሉዕነ ሬዮ ማዕኑ አመሰቤቱ ጫሰ ረገዕዮ።

26 ህትን ለንክሁ፡ ሰቂሁ ለመልቂሃ ኢሊ ረገሐ አለተ አልቱዕነ ሬቶኡ። 27 ጉዕሚችሰን ኤተሮን ህት ጫቲ ሬቶኡ። 28 ጉዕሚንኩሰ ኣላቶሴቤቺሃ ሬሆች ኬኤኖ ወክት ህት ጫት ህኪን ለመለ አመኦሶች ህኪንሰ ጫት አካእን?» ይት ጠዕምቶሰ። 29 ጠወ አኮጎሬ ኢሰ ልንቀሽ «መጻፈለክ መገን ዋልቀተ ደጌነንተበአቤቺሃ ሉሴነንታት። 30 መሰንትሰ ሬሆች ኬኤኖ ወክት እሰ ሰሜ መላይከገ አካ ቤሉ ኣኣታበኢ፤ መእሲሰንታበኢ። 31 ሬሆች ኬኤኖሃ አኮጎሬ መገኑ ክዕኔኤሃ 32 «አን አብራሂምሃ መገኑ፡ ኢሳቂሃ መገኑለክ ያቀብሃ መገኑ» ይኢሃ አነበበንታበኢንዶ? እሰ ሄኢ መኒሃ መገኑ ቤሉ ሬዮ መኒሃ መገኑበኢ» ይሰ። 33 ሁኩ ኡመቶ ህካን ዮጮጭቶ ወክት ኢሰ ትምርታን አበ አጅብሲጭቶኡ። 34 ኢሰ ሰዱቃውተ መሰለ ከሞሰገ ፈርሳውት ሞጮጭቶ ወክት ሜጡበ እክ እሰበ አሜቶኡ። 35 አሳችን መቱ ሕገ ደገኖ መንቹ ፊተኖሰተ 36 «እስተማርቺ! ሕግ ኣዜን ዮ ትዛዘቺ ህኪን በተአኖ?» ይ ጠዕሚሰ። 37 ኢሰን ልንቀሽ «ቀርቺ መገኑክ ዊመ ቀልብንከኪ፡ ዊመ ነብሲንከክለክ ዊመ ሰውተንከክ እት። 38 ኩን ጉዕሚችን በተአኖሃለክ ዋኔሃ ትዛዝ። 39 ህካን ኣኩደኖ ለንክ ትዛዙ ጥሉ መን ገይክገ እት» ዮኖሃን። 40 ሕጉለክ ነብያትን ይቶኢሃ ኩ ለመ፡ ትዛዙ ሜጡበ አዕይ አፈኖ» ይሰ። 41 ፈርሳውት ሜጡበ እክ ጭምደቶ ወክት ኢሰ 42 «መሲህተኔሃ መ ሰውይቲን? እሰ አይሃ ቤቱ?» ይ ጠዕሚሰ፤ እሰን «ደዉዴዮ ቤቱ» ይቶኡ። 43 እሰን «ህካን እኮች ደዉድ ጠሊሊ ኢያኒን እክ ህት ቀርቾ ይ ገኣኖሰ? 44 ««ቀርቺ መገኑ ኢ ቀርቺሃ ባለጋረክ ሉካቶክ ዋሮ አዲን አላሚሃ ኢሊ መኬኤ አዲን አፋዕል» ይሰ። 45 ደዉድ ገወሃኩሰ ቀርቾ ይ ገኤኢች ህት እክ ቤቱሰ አሆተ አታለኖ?» ይሰ። 46 ህካን እኮቤቺሃ አይሁ መት ላገታ ፈንቀሾት አታሎበኢ፤ ህኪን በሬች ኬሰ እሰ መቱርቺሃ ጠዕምቶተ መለልቶበኢ።

23 ህከኒች ኤተሮን ኢሰ ኡመትሀለክ አሳባተሰ 2 «ሕግ አስተማረትለክ ፈርሳውት መሰ ቦርጭማን አፋዕልቶኡ። 3 ህካን እኮቤቺሃ እሰ አታኢሃ አሁዕነ ኩልታህዕኔሃ ጉዕመንክ አዕዬሁ፡ አገሬሁ፤ መሰንትሰ እሰ ኩልታ ጠወ ሆንን ሆሲሳበኢራን። 4 እሰ አይሁ አታልቡለክ ኬዕምተ እጅነተ ኡሰርት መን ጌነኖን እጅሲሳራራን፤ አኮጎሬ ገወሰ ዙሩዕሚሰ ሰሚ ኡልቶተ ሀሳበኢራን። 5 ሆንተ አታኢሁ መኒሃ ለሊሶታት፤ መሰንትሰ መገን ላጋች መት-መቱ ከተበን ጎቤመ ክታበ አልባሻት ሚኤሰ ኡሰርታኢሁ፡ አንገሰለክ ጌነኖንከሰ ኦደኢ ኦድኖሰ ሰትቱ ቂራርሰታኡ። 6 ድግሰ ምናን ኬዕምኝ ቤቾን አፋዕሉለክ ጭምት ምናን ጡመ ቦርጭማን አፋዕሉ ኢትታኡ። 7 ህትን በነቻን ጠብሲሶኖሰተለክ መኑ «አስተማርቺ!» ይ ገኡሰተ ኢትታኡ። 8 ጠወ አኮጎሬ ጠለዕል መቱ አስተማርቺ ዮህዕኔቤቺሃ፡ አዕኑ ጉዕሚንኩክዕኔ አመኦሶተ እኬንተቤቺሃ «አስተማርቺ!» ዮመንቲን ገኣንቶኖቺ። 9 ህትን ሰማን ዮ አኩክዕኔ መጡ እኮቤቺሃ አይሁ ከን አዲንያ አሌን «ኒ አነ!» ይቲን ገኣቶኖቺ። 10 ህትን አምንሳንቹክዕኔ ሚጡ መሲህ እኮቤቺሃ «አምንሳንቹ!» ዮመንቲን ገኣንቶኖቺ። 11 ክዕኔኤ በሊች ጉዕሚችን ሎሩሰ ካዲንቹክዕኔ አሁን። 12 ገወሰ ሎርሰኖሁ ሆፈኣኖ፤ ህትን ገወሰ

ሆፍሰኖሁ ሎዕረኖ» ይሰ። 13 ኢሰ «መኑ ሰሜ ዋምነቱ ኣገኖበኢገ ጡፊን ከንቲንተ ሕግ አስተማረትለክ ፈርሳዊሃ ክዕኔኤ ከን መኑ ለኦህዕኔተ ይቲን አቲንተህኩኡሃ ላይ! አዕኑ ገወክዕኔ ኣጌነንተበኢ፤ ኣጎተ ሀሳእሩ ኣጋበኢ ከንቲንታት። 14 [«ለኦዕኔ ይቲን ሆንጠህሴነንተ ቂራዕሩ ዱኢ መሰተ አቲን ምንሰ እኑ ሬዮ ሜንቱ ዮሰርቺ ሹልቲንተ አዕኑ ሕግ አስተማረትለክ ፈርሳውት ሕግ አስተማረትለክ ፈርሳውት መቱ መንቹ ክዕኔኤ አመዕነቶን ፈንቀሽቶኖተ ባርሊክ ኡሊ አሌን ዘህቲንተ፤ እሰን ፈንቀሎ ወክት ክዕኔኤች ለመ፡ አፎሃ በተኢ ዘላለሚሃ ጠእትቡ ገራን ቅጠሞኢሃ አቲንተቤቺሃ ክዕኔኤሃ ቆሆኖህዕኔ! (Geenna g1067) 16 «አዕኑ ቆቁ አምንሳት! ለመቱ መንቹ መገን ምኒን ጤሌዕሊጎሬ መቱርቺሃ ደግለላኖሰበኢ፤ አኮጎሬ መገን ምኒን ዮ ዋርቃን ጤሌዕሊጎሬ ጤሌዕልንከሰ አፈመኖ፡ ይቲንተቤቺሃ ክዕኔኤሃ ቆሆኖህዕኔ! 17 አዕኑ ኩ ቆቃትለክ ገሞት! ዋርቀሰ ጠሊሊ አኣኖ መገን ምኒንዶ ዋርቀሰ በተአኖ? 18 ህትን «መቱ መንቹ መገኒሃ ክትመ ሆንጠህሴኖ ጠረጴዛ ቤቾን ጤሌዕሊጎሬ መቱርቺሃ ደግለላኖሰበኢ፤ አኮጎሬ ክትሜኖ ቤቾን ክትሚሃ ሆንጠህሴኖርቾን ጤሌዕሊጎሬ ጤሌዕልንከሰ አፈመኖ፡ ይቲንተ። 19 አዕኑ ኩ ቆቃት! ክትመ ጠሊሊ አኣኖ መገኒሃ ክትም ሆንጠህሴኖ ጠረጴዛንዶ ክትመሰ በተአኖ? 20 ህካን እኮቤቺሃ መገኒሃ ክትም ሆንጠህሴኖ ጠረጴዛን ጤሌዕሊሁ መገኒሃ ክትም ሆንጠህሴኖ ጠረጴዛለክ ዮርቾን ጉዕማንን ጤሌዕሊጎሬ። 21 ህትን መገን ምኒን ጤሌዕሊሁ መገን ምኒንለክ ኣዜንከሰ ሄኣኖ መገኖን ጤሌዕሊጎሬ። 22 ህትን ሰማን ጤሌዕሊጎሬ መገን ጃነት ቦርጭማንለክ ጃነት ቦርጭማን አፋዕሊጎሬን ጤሌዕሊጎሬ። 23 «አዕኑ ኩ መኑ ለኦህዕኔተ ይቲን አቲንተ ሕግ አስተማረትለክ ፈርሳውት፤ መንዞቺ፡ ዋሰማሚቺ፡ አደደ ጠጎቺ ቶኒች መቱ ፋሽቲን ሕግ ኣዜን ዮ ሎረሰ ጠወ ሀንቅ ፍርደሃ፡ አመተለክ አመዕነመ አጉርቲንተቤቺሃ ክዕኔኤሃ ቆሆኖህዕኔ! ዋሉሰ አጉርቶትዕነ ካን ኢኡ ሀሰሰኖህዕኔ እቅ። 24 አዕኑ ቆቁ አምንሳት! ኣጌነንተህኒች ጉዕሚችን ቢንቢገ ቀቅቹ አኮሃ ጠለቸቲን ኡጅቲንተ፤ አኮጎሬ ጋሜልገ ዮ ሎረሰ አጉዕምቲንታት። 25 «አዕኑ ኩ መኑ ለኦህዕኔተ ይቲን አቲንተ ሕግ አስተማረትለክ ፈርሳውት ቡርጩቆለክ ሳህን አብል አደ መጩርሰቲንታት፤ አኮጎሬ ኣዙክዕኔ አደደ ገደንለክ ጎራምማን ዊሞቤቺሃ ክዕኔኤሃ ቆሆኖህዕኔ! 26 አዕኑ ኩ ቆቃት ፈርሳውት! ኤተርሰ አዱ መጩራን ሄጭቲን ቡርጩቆለክ ሳህን ኣዝሰ መጩራ አዕዬ። 27 «አዕኑ ኩ መኑ ለኦህዕኔተ ይቲን አቲንተ ሕግ አስተማረትለክ ፈርሳውት፤ ኣዜሰ ሬዮ መን ምቁለክ ንጃሾርቺ ጉዕሙንኩ ዊሞንሰ አኮጎሬ አብል አዲን ጡመ ተሽ ዮኖ ኖራን መክሴመ ሎደ አጉዳነንተቤቺሃ ክዕኔኤሃ ቆሆኖህዕኔ! 28 ህከነገን አዕኑ መኒሃ ፈዮ አጉዳን ለልቲን ኣዜንከክዕኔ መኑ ለኦህዕኔተ ይቲን አኡለክ ኣዘዘመ ግቡ ዊሞህዕኔ። 29 «አዕኑ ኩ መኑ ለኦህዕኔተ ይቲን አቲንተ ሕግ አስተማረትለክ ፈርሳውት፤ ነብያኖ ሎደ ግሞብቲንለክ ፈዮ መን ሎዳን ሐዉልተ መክሴንን 30 «ኣኖኔ ዘማኔን ሄዕኖም አቃ

እናኑኔ ነብያኖ ቄጥ ዲንተን ነኡ ሜጡብ እንካምበእ እቅ፡ ይቴንተቤቸሃ ክዕኔአሃ ቆሆኖህዕ። **31** ህከነን ነብያኑት ሸቶ መን አለተ አሁክህዕኔ ገወሃኩክዕኔ መስከርቴንታት። **32** ህከነ እኮቶ አዕኑ አናኑክዕኔ እቶተ ጀመርቶ ሂለ ሆጉተ ሹሌ። **33** እዕኑ ኩ ደህቶለክ ሞሪቶ አለተ አዛብ ፍርዲቶ ሆተ እኩን ፈቄነን? (Geenna g1067) **34** ህከነ እኮቤቸሃ ሁኩዕኑን እን ነብያኑት፡ ሀይቻኑት፡ አስተማሪተ ክዕኔቤቹ ሶሃም፤ አሳቶን መት-መቱሰ ሸቴነንተ፤ መት-መቱሰ ሰቀልቴነንተ፤ ህትን መት-መቱሰ ጭምትክዕኔ ምኔን አብዱዴን አልቴነንተ፤ መቶ ከተሚቶ ሞሉ ከተመ ሸርቴነንተ። **35** ህከነ እኮቤቸሃ ጠሊለ አቤሌ ቄጊቶ ጀመር መገን ምኔንለክ መገነሃ ክትም ክትሜኖ ጠረጴዝ ቦላን ሸቴነተ በራክዮ ቤቱ ዘከርያ ቄጥ አሊ ኡለ አሊን ዲንተዕዮ ጠሊላኖ ቄጊሃ ጉዕሚንከ እዕኑ ጠዕመንቴነንተ። **36** ህንቅንከ ያንክዕኔ፤ ኩ ቄጥ ቅጣቱ ጉዕሙንኩ ከን ዘማን መን አሊን አሊኖ።»

37 «ዬሩሳሌማ! ዬሩሳሌማ! ነብያኑት ሸጋንተት! ኪቤቹ ሶህንቶላረ ክኒን ቀስ ሸጋንተት! ሆንጠቤቹት ጨጫሪሴ ጎኔሴ እዚን ሀንቀፋገን እኒሁ ኪ አለተ ጭምእተ ሀሾሚሁ ሄንከ ወክትሃት? እኮጎሬ እዕኑ ሀሰንታኤበእ።

38 ሁኩዕኑን ምኑክዕኔ እነ አሆኖ። **39** መሰንትሰ እን ኩላንክዕኔ፤ «ቀርቶ ሱዕሚን አሜተኖህ ማስአምእሃን» ይቶሩተ አሊ ለንኪሃ ለኤነንተኤበእ» ዬሰ።

24 ኢስ መገን ምኒቶ ፋል ኦርኦን አሳበሰ ዱሊ ምኒ ግምብ ለሊሶስተ ሆንጠኮኡ። **2** አኮጎሬ እስ «ከ ጉዕመንከ ለኤነንታትንዶ? ሀንቅንከ ያንክዕኔ፤ ክኑ ክን አሊን እኮገን መቱ ክኑሁ ከንቤቹን ፈቀዕነ ድጀመኖ» ዬእ። **3** ኢስ ዘይተ ሀቄ ነጻኖ ቆተ አል ፋል አፋዕሌህኔን ጠለዕል አሳበሰ እስብ ሆንጠክ «ኪ አሜቱለክ ቂያመት ቢጠም መላት መሃን? ህትን ኩ ጉዕሙንኩ ጠወ አሆኖህ መ ወክትዪት?» ይተ ጠዕምቶሰ። (aiōn g165) **4** ኢስን ፈንቐሽ «እዬሁ ሉሲሰኖህዕኔበእን አገዕርዬ። **5** መሰንትሰ ልግቡ መኑ ሕን መሰህተ!» ይተን ሱዕሚንከኤ አሜት ልግብ መነ ሉሲሳኤ። **6** በገዙለክ በገዝ ትምርት ሞጮጭቴነንተ፤ ሁኩን ጉዕሙንኩ አሁዕነ ፈቀኖበእቤቸሃ ህልቆናቸ፤ እኮጎሬ መጨረሹስ አልዮበእ። **7** መኑ መን አሊን ምሙ ሞም አሊን በገዙ ኬሰኖ፤ ጎሩለክ አደደ ቤቸን ኡለ ሴንቄቄ አሆኖ። **8** ሁኩን ጉዕሙንኩ ኒጠኛ ጭንቃተ ምኔሲሃ አሆኖ። **9** ህከ ወክት ኦርሻተ ህግሰን አሴኖህዕኔ፤ ህትን ሺኖህዕኔ፤ ክዕኔተ ኢ ሱዕምተኔሃ ጉዕማንከ መንቤቹን ግቤኖህዕኔ። **10** ህትን ልግቡ መኑ ህከ ወክት ሀይማኖተሰ ካደእ፤ ህትን መቱ መቱሰ ህግሽ አሰኖ፤ መኑ ገገይንከሰ ብተመኖ። **11** ልግቡ ክዝብ ነብያኑት ኬእ ልግብ መነ ሉሲሳኤ። **12** ሂሉ ጠወ በተዕዮቤቸሃ ልግብያ መን ኢተት በእኤ። **13** ጠወ እኮጎሬ መጨረሻ አሊ ጠረኘኖህ ጡመኖ። **14** መን ጉዕሚንከ ምስክር አሆተ ኩ መገን ምምነት ተሸት ላገት አዲንያ አሊን ጉዕማንን ዱዱብሰንታኤ፤ ህከ ወክት ቅያመት ሆንጠካኤ» ዬእ። **15** እነበበኖሁ ካን አጥራመቱን፤ ነብዬቹ ዳኔል ጠወዕዮገን ኮፍየኖ ንጃሸርቹ ማስአም ቤቸን እካን ለኤነንተ ወክት **16** ይሁድ ባዶን ሄእኦሩ ቆተ አል ሀንቶን። **17** ምኒ አሌ አሊን

ዮ መንቹ ምኔሰ ዮርቹ እኦተ ድሩንከ። **18** ህትን አቡረ ቤቸን ዮ መንቹ ኦድኑስ እኦተ ምንሰ ፈንቀላንከ። **19** ህከ ወክት ቀንሰተሁኡተለክ ላፈ ሜንቲሃ ዳኤ። **20** ሀንቴነንተ ወክቱ ከርሜን ህከረንገ አበ በር አሆኖበእን ዱእ አዕዬ። **21** ህከ ወክት አዲንያ አሉ ከለቀሞቻ ጀመር እኮበኢሁለክ ብርተ ዋሽ ሆሮን አሆኖበእ አቡ ኦሪሸት አሜታኤ። **22** ሁኩ ኦሪሸ ወክቱ ገብጥዮበእቃን መቱ መንቹሁ ጡሞተ አታላኖበእ እቅ፤ ጠወ እኮጎሬ መጠረንቶ መንተኔሃ ሁኩ ወክቱ ገበንቹ አሆኖ። **23** ህከ ወክት እዬሁ «መሲሁ ከበ ዮኡ!» ህከረንገ «ካጸ ዮኡ!» ዬህዕኔጎሬ አመዕንቶኖቹ። **24** መሰንትሰ ክዝብ መሲህት ይታእሩለክ ነብያኑት ኬእሃ አታልቶ እቃን መጠረንቶ መነሃ ፈቀዕኖን ሉሲሶተ አበ መላተለክ አጀብሲሰኖ ጠወሃ ለሊሳቤቸሃት። **25** ሁኩዕኑን እን ጉዕመርቹንከ ሃጭ ኩሎንክዕኔ። **26** ህከነ እኮቤቸሃ «ሁኩዕኑን! ኡድማን ዮኡ» ዬመሀዕኔጎሬ ፋልቶኖቹ፤ ህትን «ሁኩዕኑን! ማጠሞ ቤቸን ዮኡ» ዬመሀዕኔጎሬ አመዕንቶኖቹ። **27** መሰንትሰ ጉገኛት ጉጋ ወክት ሸርቆቻ ኬሸ ገርብ አሊ ለላኖህንገን መንቶ ቤት አሜቱሁ ህትን አሆኖ። **28** ሬሹ ኡባቤቹ ዙብሩ ጭምየኖ ዬእ። **29** ኢስ «ህከን ኦርሻቶ ኤተሮን ወክትንከሰ እሩ ቱንሰኖ፤ እገንቹንኩ ለሊሰኖበእ፤ ቤዜት ሰሜቶ ኡባኤ፤ ሰማንዮርቹ ጉዕሙንኩ ለንቄቀኖ። **30** ህከ ወክት መንቶ ቤት መላት ሰማን ለልታኤ፤ አዲንያ አሊን ዮ መኑ ጉዕሙንኩ አበ ኦእኖ፤ መንቶ ቤቱንከ ምልቃንለክ ሎረ ኬዕምኒን ሰሜ ጎማን አሜትን ለእኤ። **31** ጡሩምብ ሎረ ላጋን ቡሳ መላይከት ሶሆኖ፤ አሰን ሾሎንከ ሰሜ ዳንጊቶ አሲሃ መጠረንቶኦረ ጭምእታኤ» ዬእ። **32** ኢስ «እድ ሀቄቶ ሞሳሌቶ ተማራ፤ ሀሙሴ ለተንለክ ሀበሩሴ ገምበለዕያን ለኤነተ ወክት ሆን ሆንጠሁስ ደኒነንተ። **33** ህትን እዕኑ ኩ ጠወ ጉዕሙንኩ አሁን ለኤነተ ወክት ጠወእንቶ ላገኤ ቂንታ ወክቱ አሊገ ደኒ። **34** ሀንቅንከ ያንክዕኔ፤ ኩን ጉዕሙንኩ ዊሞተ አሊ ከን ዘማን መኑ ሀገኖበእ። **35** ሰሞሁለክ ኡለት ህጋኤ፤ ጠወ እኮጎሬ ላገኤ ሆሮ ህጋበእ» ዬእ። **36** ኢስን «ህከ በርለክ ህከ ሳኦት እነ መገን ቤሉ ሰሜ መላይከት እኮእቃን ቤቱሃ እቃን እዬሁ ደጎተ አታላኖበእ። **37** ኑህ ዘማን እኮገን መንቶ ቤቱ አሜቱሁ ህትን አሆኖ። **38** ህከ ዘማን ቤሰኖ ዊቶ ሃጭ ኑህ መርከባን ኣገኖ በር አሊ መኑ እተኖቲ፤ አገኖቲ፤ እእኖትለክ መዕሲሰኖት እቅ። **39** ቤሰኖ ውሁ አሜቶ ጉዕመንከሰ ሀጣው መሶተ አሊ ደጎበኢህንገን መንቶ ቤቱ አሜቱሁ ህትን አሆኖ። **40** ለሙ መኑ አቡርታቤቸቻ መቱሰ መሴናን መቱሰ ፈቀኖ። **41** ለሙ ሚንቱ ሪትማን ሪታ ቤቸቻ መትሴ መሴናን መትሴ ፈቃኤ። **42** ህከነ እኮቤቸሃ ቀርቹክዕኔ አሜተኖ በር ደኒነንተበእቤቸሃ ጠረኝቲን አገዕርዬ። **43** ጠወ እኮጎሬ ካን ደኒ፤ መቶ ምኒ እኑ ሞጋንቹ ሀንከዕሬን ህከ ወክት አሜተኖጎሬ ደጎእቃን ምንሰ አሞኖተ ሰዕምየኖበእ እቅ። **44** ህከነ እኮቤቸሃ መንቶ ቤቱ ሰውይቲንገበ ወክቲን አሜተኖቤቸሃ እዕኑ ተቃጠቤን አገሬ» ዬእ። **45** ኢስ «ምንሰ አበርሲሃ አቸተ ወክቲን ኣሶተ ቀርቹስ አበርሰሰ አሊን ዳኛ እእዮስ አመዕነሞለክ ኤንኬዕናው ካዲንቹ እዬት? **46** ቀርቹስ አሜቶ ወክት እስ ዬገን እኤን ደገመኖ ካዲንቹ ማስአምእሃን። **47** እን ሀንቅንከ ያንክዕኔ፤ ህከ ካዲንቹ ቀርቹስ ዮስ ዱንያ አሊን ጉዕማንን

ሹመ አእናሰ። 48 እኩጎሬ ሂሉ ካዲንቹ «ቀርቼኤ ቴሱ እሚተኖበኤ» ይ ሰውዬጎሬ 49 ሆሳስ ጃለት ኦላን ሰካራሚን ሜጡብ አቱለክ አጉ ጀመርጎሬ 50 ህካን ካዲንቹ ቀርቼ አገርበእ በሬንለክ ሳካቴን አሜቻ 51 ህካን ካዲንቹ ቀጠለናሰ፤ ህትን መቱ ለአሰተ ይት ኦታ መኒን ሜጡብ አዕያንሰ ህካኔ ኦኡለክ የቡሩ ገዕሙ አሀናሰ» ይለ።

25 ኢሰን ሰሜ ዋምነቱ ኩረዘ እና እዜቹ ቶጎተ 4ልቶ ቶን ሜኦት- አጉዳለ። 2 አሳቸን ኦንቱሰ ገዋትተ፤ ኦንቱሰ ኤንኬዕናመተ እቀ። 3 ገዋትሰ ኩረዘ እፎ እቅ፤ እኩጎሬ ጋዘ አፎበእ። 4 ኤንኬዕናመት ኩረዘለክ ዋሌ ኦዳን ጋዘ አፎ እቅ። 5 እዜቹ አሜቱዕነ ዲንኬ ወክት ጉዕመንከሰ ግሰኛት ቄልታንሰ ኦሰኦ። 6 እኩጎሬ ሀዋሮ በላን «ሁኩዕን! እዜቹ አሜቹ፤ 4ልቱን ቶጌ!» ይዩ ጨንጨንት እኩኡ። 7 ህካን ወክት ጉዕመንኩ ሜኦት ኬእ ኩረዘሰ ቅጥኦቶ። 8 ገዋትተ ኤንኬዕናመተ ኩረዘኔ ጠኦታት፤ ህካን እኮቤቺሃ ጋዘቻክዕኔ አሰዬኔ ይት ኡጭቶ። 9 ኤንኬዕናመት ፈንቀሽት ክዕኔኤሃለክ ኔሳሃ አሀኖ ጋዘ ዮኔበእ፤ ሰቀ መርቱን ክዕኔ አሀኖህዕኔ ጋዘ ህዕርዬ ይት ፈንቀሽቶ። 10 ሁኩ ገዋትንት ጋዘ ህዕርቶተ መርቶ ጌሳን እዜቹ አሜቹ፤ ተቃጠብ አገርቶ ሜኦት እዜቹን ሜጡብ ቦላቻ ደግሰቤቹ ኦጋን ኡሩት ጡፈንቶ። 11 «ሁኩ ገዋትተ ኡሩት ጡፈማቻ ኤተሮን አሚት «ቀርቼ! ቀርቼ! ሀዕይ ኡሩተ ፈንኔ» ይቶ። 12 እኩጎሬ እሰ ፈንቀሽ «ሀንቅንከ ያንክዕኔ፤ እን ደጋንክዕኔበኤ» ይሰ። 13 ህካን እኮቤቺሃ በርሰለክ ሰኣትሰ ደጌንተበእቤቺሃ ጠረኝቱን አገዕርዬ» ይለ። 14 ኢሰ «ሰሜ ዋምነቱ ዋሉ ባዱ ሃሞተ ካዲመሰ ገእ ዮሰ ዲንያተ ኦሴ መንቹ አጉደኖ። 15 መት-መትሀሰ ዋልቀሰ ጌሰ ቤሀን መቲሀሰ ኦንቱ መክለተ ሁኩ መክለቱ መኬኢሀ ጠገር ብርቺት። መቲሀሰ ለሙ መክለተ ህትን ዋልሀሰ መቱ መክለተ አሰ ዋሉ ባዱ ኦርዕዮ። 16 ኦንቱ መክለተ ኦኤኢሀ ወክትንከሰ ኦርዕይ ነገጅ ዋሉ ኦንቱ መክለተ ተረፍሾ። 17 ህትን ለሙ መክለተ ኦኤኢሀ ነገጅ ዋሉ ለሙ መክለተ ተረፍሾ። 18 እኩጎሬ መቱ መክለተ ኦኤኢሀ ኦርዕይ ኡለት አም ቀርቻሰ መክለተ ሞጎ። 19 «ልግብያ ወክቲቻ ኤተሮን ህካን ካዲመ ቀርቼ ኦርዕዮ ቤቼች አሜቻ ካዲማንከሰን መክለተ አሰቡ ጀመሮ። 20 ኦንቱ መክለተ ቶጎ ካዲንቹ ዋሉ ኦንቱ መክለተ እፍ ቀርቻቤቹ አሜቻ «ቀርቼ! ኦንቱ መክለተ ኦቶንቴኤ እቅ፤ ሁኩዕን ዋሉ ኦንቱ መክለተ ተረፍሾም» ይለ። 21 ቀርቼንኩ ፈንቀሽ «ጡመ እቶንት፤ ኩ ጡመለክ አመዕነንቶንት ካዲንቹ! ከን ቀዋርቸን አመዕነንቶንቲቤቺሃ ሎረርቸን ሹመ አእነኬ፤ አም! ቀርቻክ መንዲናቤቹ ኦግ!» ይሰ። 22 ህትን ለሙ መክለተ ቶጎ ካዲንቹ አሜቻ «ቀርቼ! ለሙ መክለተ ኦቶንቴኤ፤ ሁኩዕን እን ዋሉ ለሙ መክለተ ተረፍሾም» ይለ። 23 ቀርቼንኩ «ጡመ እቶንት፤ እት ኩ ጡመለክ አመዕነንቶንት ካዲንቹ! ከን ቀዋርቸን አመዕነንቶንቲቤቺሃ ሎረርቸን ሹመ አእነኬ፤ አም! ቀርቻክ መንዲናቤቹ ኦግ» ይሰ። 24 መቱ መክለተ ቶጎ ካዲንቹ አሜቻ «ቀርቼ! እት ዉጥበቤቼች ምዳንቲሃለክ ፍንጭትበቤቼች ጭምኦታንቲ አሙዝብ መንቹ እሁክ ደጎም። 25 ህካን እኮቤቺሃ ዋጅ መክለቱክ ኡለ ኦኬን ሞጎም፤ ሁኩዕን መክለቱክ» ይሰ።

26 ቀርቼንኩ «እት ኩ ሂሉ ደግለልትቡ ካዲንቹ! እን ዉጭምበእቤቼች ምዳምገለክ ፍንጭብቤቼች ጭምኦኦምገ ደገንንደ? 27 ህካን እኮቻ እን አሜቻ መክለቱ ትርፊንከሰን ኦኦተ ተረፍሰኖ መኒሃ ኦሱ ሀሰሰኖኤ እቅ። 28 ህካን እኮቤቺሃ መቱ መክለቱ ኦኤቲን ቶኑ መክለቱ ዮሰ መንቺሃ አሰዬ። 29 መሰንትሰ ዮሰ መንቺሃ ኦሰመናሲሁ፤ በተአናሲሁ፤ እኩጎሬ ዮሰበእሀኒቻ ሁኩ ዮሲንኩ አእመናሰ። 30 ህካን ደግለልቡ ካዲንቹ አብሌ ዮ ቱንሰቸን ፋሽቲን ኡጅዬ፤ ህካን ኦኡለክ የቡሩ ገዕሙ አሀናሰ» ይሰ። 31 ኢሰ «መንቹ ቤቱ ጉዕመንክ መላይካንተሰ አጀበም አሜቻ ወክት ኬዕምኝሰ ጃንት ቦርጭማን አፋዕለኖ። 32 መት ጉዕመንኩ ብሬሰ ጭምየኖ፤ እሰን ዜማንቹ ሆለተ ፊዕላኦቻ አደ አእኖሀንገ መቱ-መቲቻ አደ አእኖ። 33 ህትን ሆለተ መኬሰ ኦዲን ፊዕላኡ ጉረሰ ኦዲን ኡርሰኖ። 34 ህካን ወክት ዋሙ መኬሰ ኦዲን ዮሁኡተ «ሰዕኑ ኦኤኤ ማሰየሀሀዕኔ አሚ! ኦዲንያት ከለቀንቶች ኬሽ ቅጠምህኔ ዋምነቱ ረገዕዬ። 35 መሰንትሰ ጎሩ አፋዕኔ አትሰንታኤ፤ ሰገባዕኔ አግሰንታኤ፤ ኮህቼ አክ አሜቻን ቶጌንታኤ። 36 ኦድኑተ ሆጋን ኦድሴንታኤ፤ ጥዛዕኔ ጠዕምቲንታኤ፤ ኡሱረማን ለኤንታኤ» ዮሰ። 37 ህካን ወክት ጠለላኑት «ቀርቼ! ጎሩ አፋንኬ ለዕን ሀከረ አትጎሶንኬ ሀከረንገ ሰገብት አፋንኬ ለዕን ሀከረ አግንሶንኬ? 38 ህትን ኮህቼ አክ አሜታን ሀከረ ቶንጎንኬ? ኦድኑተ ሆጋን ለዕን ሀከረ ኦዲንሶንኬ? 39 ህትን ሀከረ ጥዛን ሀከረንገ ኡሱረንታን ለዕናንኬ?» ይት ፈንቀሽታሰ። 40 ዋሙንኩ «ሀንቅንከ ያንክዕኔ፤ ከን አመኤኦሶቻ መቶ ቀይሀሰ አቲንታሁ ጉዕመንኩ ኤሳሃ አቲንተሀንጋት» ይ ፈንቀሽኖሰ። 41 ህትን ጉረ ኦዲን ሄኦሁኡተ «ሰዕኑ ቦርረንቲንታኦ፤ ኢቻ ቄዕርዬ! አልቢሰሀለክ አዋንታሰ መላይክተ ቅጥደቶ ዘላለሚሃ ጠእትቡ ጊራ ኦክ ኦርዕዬ። (aiōnios g166) 42 መሰንትሰ ጎሩ አፋዕኔ አትሰንታኤበኤ፤ ሰገባን አግሴንታኤበኤ። 43 ኮህቼ አካን ቶጌንታኤበኤ፤ ኦድኑተ ሆጋን ኦዲሴንታኤበኤ፤ ጥዛን ሀከረንገ ኡሱረማን ጠዕምቲንታኤበኤ» ዮሰ። 44 እሰን ፈንቀሽት «ቀርቼ! ጎሩ አፋንኬ ለዕን ሀከረንገ ሰገባን ሀከረንገ ኮህቼ አካን ሀከረንገ ኦድኑተ ሆጋን ሀከረንገ ጥዛን ሀከረንገ ኡሱረንታን ሀከረ ለዕን ሀዕልትዕነ አጉርኖንኬ?» ይታሰ። 45 ዋሙንኩ «ሀንቅንከ ያንክዕኔ፤ ከን ቀዋርቸን መቲሀሰ አቲንባቻ ኤሳሃ አቲንበኤሀንጋት» ዮሰ። 46 ህካን እኮቤቺሃ ጨበጁኑት ዘላለሚሃ ቀጠእንታኤ መርታኤ፤ እኩጎሬ ፈያኑት ዘላለሚሃ ሄኦኦ ሄኦቤቹ መርታኤ» ይለ። (aiōnios g166)

26 ኢሰ ካን ጉዕመንክ ተማርሰ ሹሎች ኤተሮን አሳባተሰ 2 «ለዋ በሬቻ ኤተሮን ሻሽግ ከበጀት ከበጃኖሃ ደጌነንተ፤ ህትን መንቹ ቤቱ ሰቀላሃ ሀግሰን ኦሴኖ» ይለ። 3 ህካን ወክት ቂሰ አዋንሳትለክ ባድ ባልቀት «ቀያፈ» ይዩ ሎረ ቂሰች ግቤን ጭምይቶ። 4 እሰ ኢሰ ተጎኮን አፍ ሽቶተ አማዕለንቶ። 5 ጠወ እኩጎሬ እሰ «መን በላን ብተት ኬእቤቺሃ ከበጀት በሬን እሁንከ» ይቶ። 6 ግግ አላን 4ልታ ጥዛነት ዮሰ ሰምኔ ምኔን «ቢታን» ይዩቤቸን ኢሰ ዮሀኔን 7 መት መንቹት ዋጉሴ አበ ጤኦተ እኮ ሽቲት ዊንቶእ «አልባሰርሰኖ» ይዩ ብልቃጠ እፍ ኢሰቤቹ አሜቶ። እሰን ማዳን አፋዕሌቤቸን ቡዕሰሰ ሽቲተ ዲንቶ። 8 እኩጎሬ አሳባሰ

ለእኛውም «ኩሽትት ሚሃ ተሰ በእኛ? 9 ከ ሸቱተ አበ ብረ ህሬን ቡጥቻኖተ አሴመ እቃን ጡመ እቅ» ይቶሉ። 10 ጠወ እኩጎሬ አሰ አሰ ይታላህ ደግ «ተ መንቸት ኤሳሃ ጡመርቺ አቶኤ፤ ሚሃ ኦርሴነንተሴት? 11 መሰንትስ ቡጥቻትን ጉዕመ ወክት ክዕኔን ሄአአረ፤ ጠወ እኩጎሬ አን ጉዕመ ወክት ክዕኔን ሜጡብ ሄአሞበእ። 12 እሴ ከ ሸቱተ አላኤ ዲንቶአሁ ሞኖኤተ ቅጥ አቶታት። 13 ሀንቅንከ ያንክዕኔ፤ ኩተሸት ላገት አዲንያ አሌን ዲዲብሰመኖቤቸን ጉዕማንን ት መንቸት አቶ ጠወ አሰተ ሰውዬኖሰገ አእኖ» ይሉ። 14 ቶነ ለሞንከ አሳባቾ መቱሰ አሰቆርቶ ይሁድ ቂስ አምንሳኖቤቹ መር 15 «አን አሰ ህግሽ አሴንክዕኔጎሬ መ አቴነዕኔ?» ይሉ፤ እሰን ሰጂ ጠገር ብረ አቶሰ። 16 እሰን ህከን ወክቲቹ ጀመር አሰ ህግሽ አሳተ መከኖ ወክት ሀሰኖተ እቅ። 17 ጦርሹ አቴነን ከበጃኖ ከበጃት ዋኔ በር አሳባት አሰበ ሆንጠክ «ሻሽግ ሁርባት ሀከንቤቸን ቅጥአኖሂተ ሀሰንት?» ይት ጠዕምቶሰ። 18 እሰን «ከተመ መርቲን ሐሰተማርቹ ወክቱ አሌቤቼሃ አሳባንተኤን ሻሽግ ከበጃት ሁርባት አታሚሁ ኪ ምኔንት የኖት» ይቱን ኩሌሰ» ይ መቶ መንቸቤቹ ሶኩ። 19 አሳባትን አሰ አዘዙገን ሻሽግ ሁርባት ቅጥአቶሉ። 20 ኡለት ሀዋርቶ ወክት አሰ አሳባንተሰን ማዳን አፋዕሌእ። 21 አተን «ሀንቅንከ ያንክዕኔ፤ ክዕኔቹ መቱ ኤሳሃ ህግሽ አሰኖ» ይሉ። 22 አሳባትን ህከን ጠወን አበ ሻዝ «ቀርቻ! ኤሳህትንዶ?» ይተን መት-መቱሰ ጠዕምቶሉ። 23 እሰን ፈንቀሽ «ቲሱ ኢን ሜጡብ አንገሰ ብጥራን ወረኖሁ ኤሳሃ ህግሽ አሰኖሌ። 24 መንቸ ቤቱ አሰተኔሃ ከተበሞገን ሬሀኖ፤ ጠወ እኩጎሬ መንቸ ቤቱ ህግሽ አሰኖ መንቸሃ ቆሀኖሰ! ሁኩ መንቸ አለሞበእቃን ቆሀኖሰ እቅ» ይሉ። 25 ህግሽ አሰኖ ይሁድን ፈንቀሽ «አሰተማርቹ! ኤሳህትንዶ?» ይሉ፤ እሰን ፈንቀሽ «አት ይቶንትጋንት?» ይሉ። 26 እሰ አተንን አሰ ዳቡተ ኬሽ ማሰዕይ ቢጭ አሳባተሰ «ኩን ማላኤ፤ አላቴን እቺ» ይ አሴሰ። 27 ጠበቱሃ ኬሽ መገኑ ገለትጭ ዲአ አዕዮች ኤተሮን «ጉዕሙንኩክዕኔ ህከን ጠበቱቹ አ፤። 28 ልገብሃ መን ጨቡ ፈቆተ ሃዕር ጉዲሃ ዲንተአኖሃ ቂጉሃሌ። 29 ሃዕር ወይን እንኤ ምምነቲን ክዕኔን ሜጡብ አጋም በሩ አሊ ከን ወይን ላልቺን ምሪማሃ ሆሮን አጋምበእ» ይሉ። 30 ህከኒች ኤተሮን መዝመረ ዘመርት ቆተ አል ፋልቶሉ። 31 ህከ ወክት አሰ «ከበሬ ሀንከዕርተ ጉዕሙንኩክዕኔ ኤሳሃ ለገኤነንተኤ፤ መሰንትሰ «ዜማንቹ ምቀራም፤ ዜሜ ሆለንት ብን ይታኦ» የመም ከተበሞሉ። 32 ጠወ እኩጎሬ ሬሆች ኬዕዮሚች ኤተሮን ክዕኔት ሃጭ ገሊለተ ኦርአም» ይሉ። 33 ጴጥሮስ ፈንቀሽ «ዋሉ ጉዕሙንኩ ለገዕዮሄ ጎሬ አን ሆሮን ለገኤነኬበእ» ይሉ። 34 እሰን «ሀንቅንከ ያንክ፤ ከበሬ ሀንከዕርተ ሀንጠቦ ምዲዕነ ሃጭት ኤሳሃ ሰሶረ ለገኤነኬ» ይ ፈንቀሹእ። 35 እኩጎሬ ጴጥሮስ ፈንቀሽ «ሆር ኪን ሜጡብ ሬሃምን ጎሬ አን ሆሮን ኬሳሃ ለገኤነኬበእ» ይሉ፤ ፈቆ አሳባትን ህትን ይቶሉ። 36 ህከኒች ኤተሮን አሰ አሳባንከሰን ሜጡብ «ገተሰማኔ» ይሉ አቡረ ቤቹ ኦርዕዮ፤ አሳንከ «አን ካዳ ኦርዕይ ዲአ አተ አሊ አዕኑ ከኔ አገሬ» ይሉ። 37 እሰን ጴጥሮሴለክ ዘብዶሴ አሰተ አእ ኦርዕይ አበ ሻሹ ጨነቀመኖተ እቅ። 38 ህትን «ሩህቹኤ ፋልቶተ አሊ አበ

ሻዞም፤ አዕኑ ከኔ አገሬ፤ አን ሜጡብ ጠረኝዬ» ይሉ። 39 አሳች መቱ ጌሰ ቂዕር ኦርዕዮች ኤተሮን ኡለ ኡብ ዲአ አእን «ኢ አን! አታለመኖሄ ጎሬ ከ ኦርሽ ጠበትተ እች ህግሰ፤ ጠወ እኩጎሬ አን ሀሽምግ አሁዕነ አት ሀሰንት አሁን» ይሉ። 40 ህከኒች ኤተሮን ሰሶንከ አሳበቤቹ ፈንቀል አሜተኖ ወክት ግሶኢሃ ለዕይ ጴጥሮሴ «ኢን ሜጡብ መቶ ሳኔት ጌሰ አታሉ ሆኒንታክንዶ? 41 ፊተኖን አ፤ነንተበእገ ጠረኝቲን ዲአ አዕዬ፤ መገን አያኑ ቅጥ ይዮኡ፤ ጠወ እኩጎሬ ማሉ ላፈሃን» ይሉ። 42 ህትን አሰ ለንክ ወክት ቀወንክ ቂዕር ኦርዕይ «ኢ አን! ኩ ኦርሽ ጠበትተ አን አጉዕናን ሀገናበኢሃ እኩጎሬ አት ይቶንትገ አሁን» ይ ዲአ አዕዮ። 43 ህትን አሰ ፈንቀል አሜተኖ ወክት አልሰ ግሰኛት ኬዕምታን ትርክም ይታኢት እቅ። 44 ህትን አሰንተ አጉር ኦርዕይ ሰቅ ወክት ዋዕኒን ይ ዲአ አዕዮ። 45 ህከኒች ኤተሮን አሳበቤቹ አሜች «ቲሱ ግሴን ፎሎጭጉታኦትንዶ? ሁኩዕን! መንቸ ቤቱ ጨበኛኖ አንጋን ህግሰን አሴኖ ወክቱ አልዮሉ። 46 ኬዕዬ ኦርዕዮ፤ ሁኩዕን ህግሽ አሰኖኤሁ ሆንጠኩኤ» ይሉ። 47 እሰ ጠወአንን ቶነ ለሞንከ አሳባቾ መቱ «ይሁድ» ይሆሁ አሜቹ፤ እሰን ሜጡብ ቂስ አምንሳኖችለክ ባድ ባልቃች ሶሃመ ልግቡ መት ሲፈለክ በርተ አኖ አሜቶሉ። 48 እሰ ህግሽ አሰኖ ይሁድን እሰን ሜጡብ አሜተኖ መኒሃ «አዕኑ አን ሱንታንሲሃ አሉ አፊ» ይ መላተ ኩሎሰ እቅ። 49 እሰን ህከ ወክት አሰበ ሆንጠክ «አሰተማርቹ! ወገሬቲ!» ይ ሱንቂሰ። 50 እሰን «ኢ ጃለ! አሜቶንት ሰውትክ ዊንሽ» ይሉ፤ ህከኒች ኤተሮን መት አሰበ ሆንጠክ አፎሰ። 51 ህከ ወክት አሰን ሜጡብ የሁኑኡች መቱሰ ሲፋ ፋሽ ቂስ አምንሳኖች ካዲንች መጨተ ሙሮ። 52 እሰን «ብሰክ ኮቦን ዋር፤ ብሰ ኬሳሩ ጉዕሙንኩ ብሰን በእኤ። 53 አን እንኤ ኡጭያን አሰ ቶነ ለሞ ጎሳት መላይካተ ሶሆተ አታልባሃ አጉደኖሄንዶ? 54 ህካን እኮች ከ ጠወ ጉዕመንክ ቶጉ ሀሰሰኖ የኖ መጻፋን ከተቤመ ላገት ህት እክ ዊንቶተ አታልታኦ?» ይሉ። 55 ህከ ወክት አሰ ህከኔ ሃዕዮ ኡመቲሃ «ሽፍጠ አፊነንተህገን ብሰለክ በርተ አፊን አፎኖኤተ አሜቴንንዶ? ጉዕመ ወክት መገን ምኔን አፋዕል ተማርሰን አፊንታኤበእ እቅ። 56 ጠወ እኩጎሬ ሁኩን ጉዕሙንኩ እኩሁ ነብያኖ መጻፋን የመሞ ጠወ ዊሞታት» ይሉ፤ ህከ ወክት አሳበሰ ጉዕሙንኩ ገኝአት ሁንቶሉ። 57 ህከኒች ኤተሮን አሰ አፎ መት ሕግ አሰተማርትለክ ባድ ባልቁ ጭምይታቤቹ አእት ሎረ ቂስች ቀያፍቦ መሰቶሉ። 58 ጠወ እኩጎሬ ጴጥሮስ ሎረ ቂስች ግቤ አዝ አሊ ቂዕራሻን አምነኖት እቅ፤ ጠወሰ መጨረሻ አሊ ለተተ ግቤ አዜን ካዲማንን ሜጡብ አፋዕሌእ። 59 ቂስ አምንሳኖችለክ አይሁድ አገት ዳኛኑት ጉዕሙንኩ አሰ ሽሲሶተ ክዝብ ጠወ አሌሰ ሀሳኢት እቅ። 60 ሄንከሃ ክዝብ ምስክሩ ሆንጠሁን ቤሉ ሬሁተ ፈረረሲሰኖ ጠወሃ ደጎሰበእ፤ ጠወ እኩጎሬ መጨረሻ ለሙ ክዝብ ምስክሩ ሆንጠክ 61 «ኩ መንቹ ሐን ዲአ ምኒ ድጅ ሰሶ በሬን አጃራም» ይዮኡ። 62 ሎረ ቂስቹ ኬዕይ «ኩ መት አሌክ መሰከር ጠዊሃ ፈንቀሽታንትሁ መቱርቹሁ የሄበእንዶ?» ይሉ። 63 ጠወ እኩጎሬ አሰ መቱርቹሃ ይዮበእ፤ ሎረ ቂስቹ አሰ «መሲህ መገን ቤቱ እኩንትጎሬ ሄኤኖ መገኖን መገኛንኩ ኩልኔ» ይሉ። 64 እሰን ሎረ ቂስቹ «አት ይቶንትጋንት፤ አን ኩሎንክዕኔ

መንች ቤቱ መገን መኬ አዲን አፋዕልሃን ለኤነንተ፤ ህትን ሰሜ ጎማን አሜትን ለኤነንተ» ይሉ። 65 ህከ ወክት ቂስ አምንሳንቹ ኦድኑስ ፊል «መገኑ ቦርሮኤ፤ ከኒች ኤተሮን ም ምስክሩ ሀሰሰኖ? መገኑ ቦርሩስ አዕኑ ሞጮጭቴንታኦ። 66 ቲሱ መ አጉደኖህዕኔት?» ይሉ፤ እሰን «ሬሁት ገበአስ» ይት ፈንቀሽቶኦ። 67 ህከ ወክት ኢስ አሌን አንጀ ቱይቶኦ፤ ጠንጠንን ዋቀርቶኦ፤ ህትን መጨለ ዋቀርተን። 68 «መሲህ! ህንዴ አይ ዋቀሮሄ ጎሬ ራገ ጠወኦ» ይታስ እቅ። 69 ጴጥሮስ ሎረ ቂስች ምኒች አብሌን ግቤ ኣዜን አፋዕሌህን መት ገረድቸት አሰበ ሆንጠክ «አት ገሊለ ኢስን ሜጡብ ሄኣንት» ይቶኦ። 70 ጠወ አኮጎሬ እስ «አት ይታገቲሁ አይት ጎሬ ደጋምበኦ» ይ ትዕምሰ ብሬንን ለገዕዮ። 71 ጴጥሮስ ፋሎተ ብትምቤቹ ሆንጠኮህን ገረድቸት ለእ ህከኔ ሄዕዮ መኒሃ «ኩ መንቹ ናዝሬት ኢስን ሜጡብ ሄዕዮሃን» ይቶኦ። 72 ጴጥሮስ ለንኪሃ ጤሌዕሊን «አት ይታገት መንቹ ደጋምበኦ» ይ ለገዕዮ። 73 ቀዋ ወክቲች ኤተሮን ህከኔ ኡርቶ መኑ አሰበ ሆንጠክ «ጠወኣንትን ለሊሰናት፤ ህንቅንክ አት ላሳች መቶሃስ» ይቶኦ። 74 ጴጥሮስን «አን ከ መንቹ ደጋምበኦ» ዮን ገወሰ ቦርዕሩሃ ጤሌዕሊሃ ጀመሮ፤ ወክትንከስ ሆንጠቦ ዋጀ። 75 ጴጥሮስን ኢስ «ሆንጠቦ ዋዱስ፤ ሰሶረ ለገኣንቴኦ» ይ ላገተ ሰውይ አብል ፋል ቡብ ኦዕዮ።

27 ኡለት ሶዞ ወክት ቂስ አምንሳትለክ ኡመት ባልቁ ጉዕመንኩ ኢስ ሽቶተ አማዕለንቶኦ። 2 ህከኒች ኤተሮን ኢስ ኡሱርት መስት ሮም ባድ ገሻንች ጽላጦሴቤቹ ህግስ ኣቶኦ። 3 ህከ ወክት ኢስ ህግሽ ኣሴ ይሁድ ኢስ አሌን ሬሆ ፍርደ ፈረዴማሃ ለዕዮ ወክት አበ ሰጭ ሰጁ ጠገር ብረ ቂስ አምንሳትለክ ባድ ባልቃተ ፈንቀሽ ኡብ ኣሴኦ። 4 «ፈዮ መንቹ ሬሆተ ህግሽ ኣሴጦቤቹሃ እን ቤሾም» ይሉ፤ ጠወ አኮጎሬ «ኔሳሃ ም ኦርሾኔ፤ አት ገወክ ሹል» ይቶኦ። 5 ይሁድን ሰጁ ብረንከ መገን ምኔን ብንአዕይ ፋል ለንገቅ ሬዮ። 6 አኮጎሬ ቂስ አምንሳት ብረስ ኪስ «ኩ ብሩ ቄግ ብረ አኮቤቹሃ ዱኦ ምኒ ብራን ሜጡብ ኣኡ ሀሰሰናበኦ» ይቶኦ። 7 ህኣን አማዕለንቶች ኤተሮን ኮሀ እክ አሜች ሬዮ መነ ሞጎተ ፋግቺች ኡለተ ህዕርቶኦ። 8 ህኣን አኮቤቹሃ ህተ ኡለተ ከበሬ ኢሊ «ቄግ ኡለተ» ይነን ገኤኖ። 9 ህከን ሃሌን «እስራኤል ኦሱት ሄንከ ፋሽኖ» ይት ገመቶ ዋገ ሰጁ ጠገር ብረ ኣኣቶኦ። 10 ቀርቹ አዘኩኤንን ፋግቺች ኡለተ ህዕሪመ» የመም ነብዬች ኤርምያሴን ጠወአም ራጉ ዊሞ። 11 ህከ ወክት ኢስ ገሻንች ቤቹ ኤሴመ፤ ገሻንቹንኩ «አት አይሁድየ ዋመንዶ?» ይ ጠዕሜእ፤ ኢስን «አት ይቶጎትጋት» ይ ፈንቀሼኦ። 12 ጠወ አኮጎሬ ቂስ አምንሳትለክ ባድ ባልቁ ኦድስ ወክት መቱ ጠወሃ ፈንቀሽዮበኦ። 13 ህከኒች ኤተሮን ጽላጦስ «ኩ መኑ ኬንከ ኦዳሄ ጠወ ሞጮጭታንትበኣንዶ?» ይሰ። 14 አኮጎሬ ኢስ ገሻንቹ አበ አጀብሲጮተ ኢሊ መቱ መሰለሃ ፈንቀሽዮበኦ። 15 ሻሽግ ከበጀት ወክት መኑ መጠሮ መቱ መንቹ ኡሱሮች ሂር ገፈረኖ ሮሽት ገሻንቹ ጽላጦሴሃ ሄኣስ እቅ። 16 ህከ ወክት «ባርባኔ» ይኖ ለልዮኢሁ ኡሱር ምኔን ሄዕዮ እቅ። 17 መኑ ጭምዬ ወክት ጽላጦስ «አይ ሂርህዕኔት

ሀሴነን? ባርባኔይትንዶ መሲህ የመሞሃ ኢሰ?» ይ ጠዕሜሰ። 18 ጽላጦስ ህኣን ዮተ አታሎሁ ኢስ ጢቄን ህግስ ኣቶገ ደገናቤቹንት እቅ። 19 ጽላጦስ ፍርድ ቦርጭማን አፋዕሌህን ጫስ «ከን ነጠ መንች አሌን መቱርቹሃ ኣቶት፤ አን እስ መሳን ሀንከዕርተ ሀቂንተኤ አበ ጨነቀመን ገሎምንተገ» ይት ሶኮኦ። 20 ህከ ወክት ቂስ አምንሳትለክ ባድ ባልቀት መኑ ጽላጦሴ ባርባኔ ሂር ኢስ ሾን ይተን ኡጭታገ ኣቶኦ። 21 ገሻንቹንኩ «ከን ለምንከ መንቹች ህኣንስ ሂርህዕኔት ሀሴነን?» ይ ጠዕሜሰ፤ እሰን «ባርባኔ ሂርኔ» ይት ፈንቀሽቶኦ። 22 ጽላጦስን «መሲህ የመም ኢስ መ ኣኡ?» ይሰ፤ ጉዕመንኩስ «ሰቀሎን» ይቶኦ። 23 ገሻንቹንኩ «ሚሃት? እስ አዕዮ ሂሉ ጠወ መርቹሃን?» ይሉ፤ እሰን «ሰቀለሙን» ይት በትስ ጨንጭቶኦ። 24 ጽላጦስን ኩ ጠወ ብተተ ኪስ ቤሉ መቱርቹሃ ደግለለናበኣገ ለዕዮ ወክት ጉዕማንከ ኡመት ብሬን ሞሃ ኡብሲሽ አንገስ ኣዕሊን «አን ከን መንች ቂጌን ነጠሃን፤ አዕንን ሹዕልዬ» ይሉ። 25 ኡመቱ ጉዕመንኩ «ቄጉስ ኒሊክ አሌስ አሌን አሁን» ይቶኦ። 26 ህከ ወክት ጽላጦስ ባርባኔ ሂር ገፈሮ፤ አኮጎሬ ኢስ ኦልሲሾች ኤተሮን ሰቀሎኖተ ህግሽ ኣሴኦ። 27 ሮም ዋታደሩ ኢስ ጽላጦሴ ግብተ መስቶኦ፤ ህትን ዋታደረ ጉዕመንከ ኢስ መዴን ጭምአቶኦ። 28 ኦድኑስ ኣእት ብሽ ኦድኑተ ኦድኑኦ። 29 ኡት አክሊለ መክስ ቡዕለስ ዋርት መኬስ አንገን ሾምባቂተ አፍሲሶሶች ኤተሮን ብሬስ ሰገደን «አይሁድ ዋመ! ወገሬቱ ኪሳሃ አሁን!» ይተን ቀለዳሲት እቅ። 30 አሌስ አንጀ ቱይተን አንጋችስ ሾምባቂተ ኣእት ቡዕለስ ዋቀርታኦት እቅ። 31 ቀለዳሲች ኤተሮን ብሽ ኦድኑተ ፋሽት ገይስ ኦድኑተ ኦድስ ሰቀልቶተ ኣእት መርቶኦ። 32 ገሻንች ግቤች ፋልተን «ሰምኔ» ይኖ ቀሬን ባድ መንቹን ደቀንት ኢስ መስቀለ ግዳን አጀሲሶኦ። 33 እሰን «ጎልጎተ» ይኖቤቹ ኢልቶኦ፤ «ጎልጎተ» ዩ «ቡዕል ቁሌ ቤቹ» ዩሃን። 34 ህከኔን ደምብቹ ልቃለቀሞ ዋይን ጠጀ አጎተ ኢሲሃ ኣቶኦ፤ አኮጎሬ እስ ቀመሽ ለዕይ አጉ ግብ። 35 ኢስ ሰቀልቶች ኤተሮን ኦድኑስ አጠ ኡጀት ቤቀንቶኦ። 36 እሰን ህከኔ አፋዕልት አገርታሲት እቅ። 37 «ኩን አይሁድየ ዋመ ኢሳት» ይኖ ከሰሶ ጠወ ከተብ ቡዕልስ አሌ አዲን አፋሽቶኦ። 38 ኢሲን ሜጡብ ለመ፡ ወንበድት መቱስ መኬ አዲን መቱስ ጉረ አዲን ሰቀለንቶ እቅ። 39 መዴንከስ ህጋ መኑ ህንቅ ቡዕለስ ሌንቀቅስን 40 «አት ዱኦ ምኒ ድጅት ሰቅ በር አጃርታንቲሁ ህንዴ ገወክ ጡምስ፤ መገን ቤቱ አኮንትጎሬ ህንዴ መስቀሊች ድር» ይተን ቀለዳሲት እቅ። 41 ህትን ቂስ አምንሳት፡ ሕግ አስተማረትለክ ባድ ባልቀት ቀለደን 42 «ዋሉ መነ ፈሾ፤ ጠወ አኮጎሬ ገወሰ ጡምሶተ አታሎእ፤ እስ እስራኤል ዋመ አኮጎሬ ህንዴ መስቀሊች ድሩን፤ ነኡሁ አመዕንናም። 43 «አን መገንየ ቤቱ ይ መገንየ አመዕንዮኦ፤ ህኣን አኮቤቹሃ መገኑ አሱ አትዮሰጎሬ ህንዴ ቴሱ ፌሱንስ» ይቶኦ። 44 ህትን እሲን ሜጡብ ሰቀለንቶ ዋንበድት ህትን ይተን ቦርታሲት እቅ። 45 ሌሆ ሰኣቲች ኬሽ ሆንሱ ሰኣት ኢሊ ኡለት ቱንሰቹ አኮኦ። 46 ሆንሱ ሰኣት ጌሳን ኢስ ሎረ ላጋን «ኤሎሄ! ኤሎሄ! ላማ ሰበቅታኒ?» ይ ያሮ፤ ህት ዩ «ኢ መገኖ! ኢ መገኖ! ሚሃ አጉርቴኦ?» ዩሃን። 47 ህከኔ ኡርቶ መኒች መት-መቱ መኑ ህኣን ሞጮጭት «ኩ መንቹ አልያሴ ገኣኖት» ይቶኦ። 48

ህዝ ወክት እሳቸ መቱ ደጉጅ ሆለጮ ወይን ጥጠን ጨፍ ሾምቦቆን አዕይ ኢስ አጎተ አፌስበ ሸቅ እዕዮ። 49 ሞሉስ «አገር ህንፃ አልያስ አሜች ፌሰኖስ ጎሬ ለዕናም» ይቶኡ። 50 ኢስ ለንኪሃ ሎረ ላጋን ያር ነብሳስ ህግሽ አሴኦ። 51 መገን ምንን ሰቀሌመ መጋረጃ አሊች ኡለተ ኢሊ ለሙ አደ እክ ፊልተዕዮ፤ ኡለት ሌንቄቅቶኡ፤ ክኑንኩ ጦጭ ፊልተዕዮ። 52 ህትን ሎዱ ፈንተዕዮን ዋዕነ ሬቶ ጠሊሊ መኒሃ ልግቡስ ሬሆች ኬኦኡ። 53 እስን ሎዱች ፋልት ኢስ ሬሆች ኬዕዮች ኤተሮን ዬሩሳሌም ከተመ አግ ልግብየ መኒሃ ለልቶኡ። 54 ጥቤ ሀለቁለክ እሲን ሜጡብ ኢስ አገርተን ሄኦ መኑ ኡለት ሌንቄቁለክ እኮስ ጠወ ጉዕመንከ ለኦ ወክት አበ ዋጅት «ሀንቅንከ ኩን መገንያ ቤቱ እቅ» ይቶኡ። 55 ህከኔን ልግቡ ሜንቱ ቄዕራሻን ኡርት ለኣኣት እቅ፤ እስን ገሊላች ጀመርት ኢስ ሀዕልተን አዋንተን ሄኦኦረ። 56 ህከን ሜንቲን ሜጡብ መግደል ከተም መርየመ፤ ያቀብለክ ዩሱፍ አመት መርየመለክ ዘብደሴ ኦሶ አመት ሄኦ እቅ። 57 ኡለት ሀዋርቶ ወክት አርማትይ ከተም «ዩሱፊ» ዬዮ መቱ ቀባጣሙ መንቹ ህከ ቤቹ አሜቹ፤ እስን ኢስየ አሳቤቹ እቅ። 58 ሁኩ መንቹ ኢስ ጀርዘተ ኣሶስተ ጽላጦሴ ኡጨሃን ኣሶኖስተ አዘኮ። 59 ዩሱፍ ኢስ ጀርዘተ ኣኣ ነጠ ጥጥ ጋቤን ከፈኝ 60 ገይሃስ ክኒኝ መክሾ ሃዕር ሎድ ኣዜን ኢስ ጀርዘተ አፋሽ ሎድስ አፎን ሎረ ክኑ ኮሎንኮዕልሽ ጡፎች ኤተሮን ኦርዕዮ። 61 ህከኔን መግደል ከተም መርየመለክ ዋልት መርየመ ሎድ ብሬን አፋዕልቶ እቅ። 62 ህከ ለንክ ፎሎጭ በር ቂስ አዋንሳትለክ ፈርሳውት ሜጡብ ጽላጦሴቤቹ መርት 63 «ቀርቾ! ሁኩ ሉሲስኖሁ ሬሁዕናን ሄጭ ሰሶ በሬች ኤተሮን ሬሆች ኬኣም» ዬ ጠዉ ቃገሞኔ። 64 ህከን እኮቤቹሃ ኢስ አሳበት መርት ሞግታበአገ ሬሆች ኬዕዮኡ ይት መኒሃ ኩልታበአገ ሎደስ ሰቅ በር ኢሊ አገርታገ አዘዝ፤ ህከን አሀባች ወኔስ ሉጨንሺች ኤተርስ ሉጨንሹ ባሾሃ አሀኖ» ይቶኡ። 65 ጽላጦስ «አገርታ ዋታደሩ ዮሀዕኔ፤ መርቴን ደንኒንተ ሃሌን አገርሲሺ» ይቶኡ። 66 ህከን እኮቤቹሃ እስ ሎድበ መርት ሎድ አፎን ዮ ክኖን ማተቢን አሽግ ዋታደሪን አገርሲሶኡ።

28 አበ በሩ ህጎች ኤተሮን ሳምንትስ ዋኔ በሬን ኡለት ሶዘን መግደል ከተም መርየመለክ ዋልት መርየመ ሎደ ለኦተ መርቶኡ። 2 ህከ ወክት አቡ ኡለ ሌንቄቁ እኮ፤ ቀርች መላይኬቹ ሰሜች አሜች ሎድ ኡሩተ ጡፊመ ክኑ ፈኝ ጎንብሽ አሌስ አፋዕሌኦ። 3 መላይኬችስ ክልቀቱ ጉገኛገ ዮኣሃ እቅ፤ ኦድኑስ በረድገ ዋጂተ እቅ። 4 አገርታሩንኩ መላይኬቹ ዋጅት ሁጦኡ፤ ሬዮ መንገን እኮኡ። 5 ጠዉ እኮጎሬ መላይኬቹ ሜንቱ «እዕኑ ሰቀሌመ ኢስ ሀሴነንተገ ደጋምቤቹሃ ዋጅቶኖቹ። 6 እስ ወዕና ዬገን ሬሆች ኬዕዮኡ፤ ከንቤቸን ዮበኣ፤ ጀርዘስ አፋሺመ ቤቹ አሜ ለዕዬ። 7 ቲሱ ደዕልቴን መርቴን አሳባተስ ሲስ ሬሆች ኬዕዮኡ፤ ክዕኔተ ሄጭ ገሊለተ ኦሮኣኖ፤ ህከኔ እሱ ለኤንተ» ይቲን ኩሌስ፤ ሁኩዕኑን ኩሎንክዕኔ» ይቶኡ። 8 ህከኒች ኤተሮን እስ ዋጅተንለክ አበ ሙንዲኖን አሳባተስ ኩልቶተ ሎድቢች ደዕልት ደጉድ መርቶኡ። 9 ኢስ አሳን ደቀም «ወገሬቱ ክዕኔሃ አሁን!» ይቶኡ፤ እስን እስበ ሆንጠክ ሎከስ ኡብ ሰገዶኡ። 10 ህከ ወክት ኢስ «ዋጅቶኖቹ! መርቴን አመኤ ኦሱት ገሊለተ ሀጋገ ኩሌ፤ ኤሳሃ ህከኔ

ለኣኤ» ይቶኡ። 11 ሜንቱንኩ መርተን ሄኦንገ ሁኩዕኑን! ዘበኛኖች መት-መቱ ዋታደሩ ከተመ መርት እኮ ጠወ ጉዕመንከ ቂስ አዋንሳተ ኩልቶኡ። 12 ቂስ አዋንሳት ባድ ባልቂን ጭምደት አማዕለንት ዋታደሪሃ ልግብ ብረ ኣት 13 «መኒሃ ሳኡ ግንሶምኣኔን ሀንከዕሬን አዋናኩስ አሜት ሞግት መስቶኡ» ይቲን ኩሌ። 14 ከ ጠወ ባድ ገሻንቹ ሞጭጭ ጎሬ ክዕኔ አሌን ኦርሸት አሜታበአገ ነኡ ጠወስ ብዝ አዕን ኩልናንስ» ይቶኡ። 15 ህከን እኮቤቹሃ ዋታደሩ ብረስ ቶግ ይቶስንገን አቶኡ፤ ሁኩ ጠዉ ከበሬ ኢሊ አይሁድ በላን ጠወአመኖት። 16 ቶን መቱንኩ አሳበት ኢስ መርቶተ አዘኮገን ገሊለ ባዶን ዮ ቆተቤቹ መርቶኡ። 17 እስን ለኣስ ወክት ሰገዶስ፤ እኮጎሬ መት-መቱስ ሸክቶኡ። 18 ኢስን እስበ ሆንጠክ «ዋልቀት ጉዕመንኩ ሰማንለክ ኡላን ኤሳሃ ኣስንቶኡ። 19 ቲሱ መንቤቹ ጉዕመንከ መርቴን እንኤ ሱዕሚን፤ ቤት ሱዕሚኒለክ ጠሊሊ አያን ሱዕሚኒ ጠመቁን አዋናኑኤ አዕዬ። 20 አዘኮገንክዕኔሃ ጉዕመንክ አገርታገ ተማርስዬ፤ እን ዘማን መጨረሻ ኢሊ ጉዕመንከ ወክት ክዕኔን ሜጡብ አሃም» ይቶኡ። (aīōn g165)

ማርቆስ እንጂሊ

1 ኩነ መገን ቤቲ መሲህ እሰ እንጂሊሃ ዋኔሃን፡፡ **2** ንብዬቹ እሰያሴን «መገኑ ሕን ወዕቃክ ቅጥእኦና ሶቀማንቹኤ ብሬንከክ ሃጭ ሶሃም» ይሉ፡፡ **3** ሁከንን፡- «ቀርቻ ወቃሃ ቅጥእዎ፤ ጭርቲን ጌጥ አዕዬ» የን ኡላ ኡድማን ላገሰ ጎት አዕይ ያረኖ መንቻ ላገተ፡፡ የመም ከተበሞጋት፡፡ **4** ህካን እኮቤቺሃ ጠመቃንቹ ያህይ «ጨብክዕኔ ፈቁን የመሞተ ቶበቲን ጠመቀሜ» የን አዋጀን ኡላ ኡድመ አሜቹ፡፡ **5** ይሁድ ባደንለክ ዬሩሳሌም ከተማን ሄዕዮ ሙኑ ጉዕሙንኩ አሜት ጨብሰ ቶበተን ዮርዳኖስ ዛዘኖ ዋን ጠመቀኖሳት እቅ፡፡ **6** ህትን ያህይ ጋሜል ኦርዛቻ ደዳማ ኦድኑተ እደዕይ ረመዞንከሰ ጠፍራ ቆዕረኖ እቅ፤ እሰን ከንቸፈሩሃ፡ ኡድም ዳመ መለቡሃ አተኖ እቅ፡፡ **7** እሰን «እን መግይ ጫዕመሰ ወደሩ ሂሮተ በቀዕባሁ ኢቻ በተአኖሁ ኢቻ ኤተሪን አሜተኖ፤ **8** ህትን እን ዊን ጠመቆንክዕኔ፤ ጠወ እኮጎሬ እሰ ጠለሊ እያንጎ ጠመቀህዕኔ» የን አዋጀኖ እቅ፡፡ **9** ህከ ወክት እሰ ገሊል ባደን ሄዕዮ ናዝሬት ከተሚቻ አሜቻን ያህይ ዮርዳኖስ ዛዘኖ ዋን ጠመቆሰ፡፡ **10** ወክትንከሰ እሰ ዊቻ 4ሎ ወክት ሰሞ ፊልተዕይ ፈንተዕያን ጠለሊ እያኑ ሀንደዕሬገ እክ እሰ አሌን ድረንሰ ለዕዮ፡፡ **11** ህከ ወክት «ኢታንኬ ቤቱኤ እቲት ኪን ተሽ የኖሌ» ይታ ላገት ስሜቻ አሜቶሉ፡፡ **12** ወክትንከሰ መገን እያኑ እሰ ኡላ ኡድመ ኦርዛኖን ለዕዮሰ፡፡ **13** ህከን ኡላ ኡድማን ሽይጣኑ እሰ ፊተኖተ እጸመን ሽይሉ በር እሰ አብል ቡሳዊን ሜጡብ ዱንኬእ፤ ሰሜ መላይክንት ካደንቶሰ፡፡ **14** ያህይ ኡሱሬማቻ ኤተርን እሰ መገን ተሸት ላገተ አዋጀን ገሊላተ አሜቹ፡፡ **15** እሰን «ዘማኑ ጎፎኤ፤ መገን ዋምነቱ ሆንጠኮቤቺሃ ጨብቶክዕኔ ፈንቀልቲን ተሸት ላጋን እመዕንዬ» የኖተ እቅ፡፡ **16** እሰን «ገሊላ» ዬኖ ባር መዳን ህገን ሰሞንለክ እመስቤቱ እንድርያሰን ቁርጨሜተ ዋሻዳእሬ እኮቤቺሃ ዋሻዳሳ ባር አሌን ኡጅትን ለዕዮሰ፡፡ **17** እሰንተ እሰ «ኤሳሃ አዋጄ፤ እዕኑ ቁርጨሜተ ዋሻዳንተገን መነ መገን አደ ኤቤንተረ ኣሳንክዕኔ» ይሉ፡፡ **18** ወክትንከሰ ወሻደሰ ኡጅት አምንቶሰ፡፡ **19** እሰ ህከንቤቺቻ ቀውተ ህገን ዘብዳምሴ ኦሱት ያቁጠለክ ያህይ ጀልብሰ አሌን ኣፋዕልት ወሻደሰ መክሰን ለዕዮ፡፡ **20** እሰን ወክትንከሰ ገሌሰ፤ እሰን ያቁብ ያህይ እነሰ ዘብድምሴለክ እነሃሰ ሆንተ አእኖ መነሃ ጀልብ ኣኪን ኣጉርት እሰ አምንቶሰ፡፡ **21** እሰ አሳባንተሰን «ቅፍርያሆመ» ዬኖ ከተመ አሜቻ አበ በሬን ጭምት ምኒ ኣግ ተማርሱ ጀመሮ፡፡ **22** እሰ ሕገ ተማርሰታሁኡገ እሁዕነ ሎሩ ሹምነቱ ዮሰ መንቻገ ተማርሰኖሃ ለእ ህከኔ ሄዕዮ ሙኑ ሞጮጭት ትምርቲንከሰ አበ እጀብሰጭቶሉ፡፡ **23** ጭምትሰ ምናንን መቱ ዶሮረኖ እያኑ እፎሰ መንቹ ሄዕዮ እቅ፤ እሰን «ናዝሬት እሰ! ነሳለክ ኬሳሃ ም ደቀንሹ ዮኔ? ቤሶኔተ አሜትንዶ? አት እዬት ጎሬ እን ደጋንኬ፤ አት መገንያ ጠለሊ» የን ሎረ ላጋን ያሮ፡፡ **25** ጠወ እኮጎሬ እሰን «ጨለይት እሰቻ 4ል» ይ ሻቆሰ፡፡ **26** ሁኩ ዶሮረኖ እያኑ ህከ መንቹ መቱ ጌሰ ከጣቀንሴሴቻ ኤተርን ሎረ ላጋን ያረን እሰቻን 4ሎ፡፡ **27** ህከኔ ሄዕዮ ሙኑ ጉዕሙንኩ «ኩን መርቻሃን? ዶሮርታ ዱራከተ ሹምነቲንከሰ ተማርሰሃን እዘዘንታሰ» ይተን እጀብሰጭት መቱ

መቱሰ ጠዕምቶሉ፡፡ **28** ህከ ወክትንከ ዱዱቡሰ ገሊላ ባደን ጉዕማንን ሞጮጪሞ፡፡ **29** ህከኒቻ ኤተርን እሰ ያቁብንለክ ያህይን ሜጡብ ጭምት ሞኒቻ 4ል ሲሞኔለክ እንድርያሰ ምኒ ኣገ፡፡ **30** ህከኔን ሰሞኔ በሉት 4ረ ደሙሚን አበ ጥዝ ኦሰኦ እቅ፤ እሰ ጥዘን ወክትንከሰ ኢሲሃ ኩለሞሰ፡፡ **31** እሰን እንገሴ እፍ ኬሻንሴ 4ረ ደሙሚ ጥዘናቻሴ ፈይቶሉ፤ እሰን ኬእ እሰንተ ካደንቶሰ፡፡ **32** ህከ በር አሩ ኣገን ሀዋርዮ ወክቲን መኑ ጥዘናመተለክ ሩሃንዬን አፈንቶረ ጉዕመንከ እሰበ ኤባኢት እቅ፡፡ **33** ከተምሰ መኑ ጉዕሙንኩ ህከን ኡርን ጭምይቶሉ፡፡ **34** እሰን ልግብ መነ አደደ ጥዘናቻ ፈይቶ፤ ልግብ ሩሃንዮንክ 4ሹእ፤ ልግብ ሩሃንዮንኩ እሰ እዬት ጎር ደጎሰቤቺሃ እሰ ጠውኦተ ፈቀጀሰበ እቅ፡፡ **35** እሰ ሶዞተ ሆንጠኮ ወክቲን ኬዕይ መኑ ዮበእቤቹ መር ህከን ቤቻን ዱእ አዕዮ፡፡ **36** ጠወ እኮጎሬ ሰሞንለክ እሰን ሜጡብ ሄኦእሩ እሰ ሀሰተ 4ልቶሉ፡፡ **37** እሰን ደጎሰ ወክት «መኑ ጉዕሙንኩ ኬሳሃ ሀሰናሂት» ይቶሰ፡፡ **38** እሰን «ወዕናንከ አሜቻሚሁ ተማርሶተ እኮቤቺሃ ግደኖ ዮ ቀአተ መርን ህከኔ ተማርሰኖ» ይሉ፡፡ **39** ህካን እኮቤቺሃ ጭምትሰ ምናን ዱዱብሰንለክ ሩሃንዮ 4ሻን ገሊላ ባደን ዮ ጉዕመ ቤቻንክ ፈንቀላመኖ እቅ፡፡ **40** ግግ አል ጥዘነተ ጥዞ መንቹ እሰበ አሜቻ ሎከሰ አሌን ኡብ «ኢትቶንቲኤ ጎሬ ፈይሶኤተ አታልታንት» ይ ኡጮሰ፡፡ **41** እሰን አበ መረርሰጭ እንገሰ አሌሰ አዕይ «ፈቀጀም ፈይ» ይሉ፡፡ **42** ወክትንከሰ ግግ አል ጥዘነት ገፈርታንሰ ፈይሉ፡፡ **43** እሰን ህከ መንቹ «ከ ጠወሃ አይሃ ጠወኣንትበእገ አገዕር፤ ጠወ እኮጎሬ ሎረ ቂሰቶበ መርት ጀሰመክ ለሊሰ፤ መሰንትሰ አት ነጠ እክ ፈይቶንት መኑ ደጎተ ሙሰ እዘዞገን መገኒሃ ክትም ሆንጠህሰ» ይ አዘዞሰ፡፡ **45** ጠወ እኮጎሬ ሁኩ መንቹ ጠወሰ ወክትንከሰ መኒሃ ጠውኦ ጀመሮ፤ ህከን መንቹ መሳን እሰ ከተማን ለል ፈንቀላሞተ አታሉ ሆንቤቺሃ ከተሚቻ ኡብሌን መኑ ዮበእቤቻን ሄኦኖ እቅ፤ ህካን እኮቤቺሃ መኑ እሰዮቤቹ ጉዕመ ቤቺቻን አሜተኖ እቅ፡፡

2 ቀዋ በሬቻ ኤተርን እሰ ቅፍርያሆም ከተመ ፈንቀል አሜቹ፤ ህከን ቤቻን «እሰ ምኔን ዮኡ» ዬኖ ዱዱቡ ሞጮጪሞ፡፡ **2** ህከ ወክት ልግቡ መኑ እሰ ዮ ምኒ ኡሩት ሩክታኢሃ ኢላ ጭምዬእ፤ ህከኔን እሰ መገን ላገተ ተማርሰኖሳት እቅ፡፡ **3** ህከ ወክት መቱ ናፈ መንቹ ሾሉ መኑ እጅት ኤቦኡ፡፡ **4** ጠወ እኮጎሬ መኑ በተዕዮቤቺሃ ህከ ናፈ መንቹ እሰበ ሆንጠህሰተ ቤቹ ሩኬሰቤቺሃ እሰ ዮ ኦዲን ምኒ እልተ ፈንት ናፈ ኦሰዕዮ ዳሰንከሰን ድርሶኡ፡፡ **5** እሰን እመዕንቲሰ ለዕይ ናፈ መንቹ «ኢ ጨሌ ጨቡክ ፈቁን የማሞሄ» ይሉ፡፡ **6** ህከኔ ኣፋዕልቶ ሕግ አስተማራቻ መት-መቱሰ ቀልቤንከሰ «ኩ መንቹ ሚሃት ህትኔ ቦሮር ላገተ መገን አሌን ጠወኣኖሁ? ሜጡው መገን ቤሉ ጨብ ኣጉርተ አታለኖሁ እዬት?» ይት ሰውይቶሉ፡፡ **8** ወክትንከሰ እሰ ቀልብሰ ጠወ እያንጎከሰ ደግ «ሚሃት ቀልቤንከክዕኔ ካን ሰውይቲንታሁ? **9** ናፈ መንቹ «ጨቡክ ኣጉርሞሄ» ይቺለክ «ኬእ ዳሰክ እጅት ኦርኦ» ይቺ ህኩንሰ ቆህኖ? **10** ጠው እኮጎሬ መንቹ ቤቱ ኡላ አሌን ጨብ ፈቁን ዮተ ሹምነቱ ዮሲሃ እሁሰ ደጌ» ይ ናፈ መንቹ **11** «ኬእ ዳሰክ እጅት ምንክ ኦርኦ ያንኬ» ይሉ፡፡ **12** ናፋንኩ

ወክትንከስ ዳስ እጅ መን ብሬን ፋሎ፤ ህካን እኮቤቺሃ መኑ ጉዕመንኩ እጅብሰጭ «ህት፤ ጠወ ሆሮን ለዕናምበእ» ይት መገን ገለትጭቶአ። 13 ኢስ ፈንቀል ገሊለ ባር መድ ኦሮዕዮ፤ ልግቡ መኑ እስበ አሜታን ተማርሴስ። 14 ህከን አዲን ህገን አለፍዮሴ ቤቱ ሌው ቀረጠ ሙረን ለዕይ «አዎኔኤ» ዬስ፤ እስን ኬዕይ አዎቺሰ። 15 ህከ ወክት ኢስ አዎቺ መኒች ልግቡስ ቀረጠ ሙርታሁኑአንለክ ጨበኛኖን ጉዕመንኩ ኢሲንለክ አሳባን ሜጡብ እክ ሌዌ ምኒን አቸተ አታኢት እቅ። 16 ፈሪሳዌ አዲች ሕግ አስተማረት ኢስ ቀረጠ ሙርታሁኑአንለክ ጨበኛኖን ሜጡብ እተን ለእ «ጨበኛኖንለክ ቀረጠ ሙርታሁኑአን አተኖህ ሚሃት» ይት አሳበሰ ጠዕምቶሰ። 17 ኢስን ህካን ሞጮጭ «ሀኪሙ ሀስሰኖህ ጥዛናማታት ቤሉ ፈየ መኒሃበእ፤ አን አሜቸሚህ ጠለላኑት አሁዕነ ጨበኛኑት ገታታት» ዬስ። 18 ጠመቃንቹ ያህይ አዎንታእሩለክ ፈርሳውት ሶመንታ እቅ፤ ህካን እኮቤቺሃ ሙቱ-ሙቱ መኑ ኢስበ አሜት «ጠመቃንቹ ያህይለክ ፈርሳዊት አዎንታእሩ ሶመንታ፤ ጠወ እኮጎሬ ኪ አሳበት ሶመንታበእሁ ሚሃት?» ይት ጠዕምቶአ። 19 ህከ ወክት ኢስን ኢዜቹ አሳን ሜጡብ ሄኒን ጃለሰ ሶመንቶት ሀስሰኖስንዶ? ሀስሰኖስበእ፤ እዜቹ አሳን ሜጡብ ሄዕዮገ ሶመንታበእ። 20 ጠወ እኮጎሬ «እዜቹ አሳች ኣኤኖ በሩ አሜተኖ፤ እስን ህከ ወክት ሶመንታእ። 21 «ኑባጽቶ ኦድኖን ሃዕሮ ቃፈተ ቃፈተህ ዮበእ፤ ጠወ እኮጎሬ ህካን አዕዮ ጎሬ ሃዕሮ ቃፈተ ኑባጽቶ ኦድኑት ሀዙዘ ፍልታኔ፤ ሁኩ ፍልተዕዮ ቤቸንኩ ወዕኔች ባሰ አሁኖ። 22 ህትን ኑባቺ ሆቆማዶን ሃዕሮ ቃርቡተ ፋሽኖህ ዮበእ፤ ህካን እኤመ ጎሬ ቃርቡተ ሆቆማዶ ፊልታኔ፤ ህትን ቃርቡት ዲንተኣኔ፤ ሆቆማዶንኩ ፊልተኣኖ፤ ጠወ እኮጎሬ ሃዕሮ ቃርቡተ ሃዕሮ ሆቆማዶን ሞሩ ሀሲሰኖ» ዬስ። 23 አበ በሬን ኢስ አዎንታእሩ አለሰ ዉጠ በሊን ህገን አዎንታእሩ አለሰ ሀማሙተ ተንቅሱ ጀመርቶአ። 24 ህከ ወክት ፈርሳውት ኢስ «ከ ለእ! ኬሳሃ አዎንታእሩ አበ በሬን እኤ ፈቀዳንባሃ ሚሃት አታኢሁ?» ይት ጠዕምቶአ። 25 ኢስን «አብያተሬ» ዬኖ መንቹ ሎረ ቂስቹ እክ ሄዕዮ ወክት ደዉድለክ ደዉዳን ሜጡብ ሄኔ መኑ ጎሩ አፋንሰ ኦርጨቀንቹ ወክት ደዉድ ዱእ ምኒ ኣግ ሎረ ቂስ ቤሉ ዋሉ መኑ እቱ ፈቀደዋበእ መገን የመንቶ ዳቡተ እቸገለክ እሲን ሜጡብ ዮ መኒሃ አሴጋ እነበጤንታበእንዶ? 27 ህትን አበ በሩ መኒሃ ከለቀዋ ቤሉ መኑ አበ በሬተ ከለቀዋበእ። 28 ህካን እኮቤቺሃ መንቹ ቤቱ አበ በሬተ ቀርቾሃ» ዬአ።

3 ለንኪሃ ኢስ ጭምት ምኒ ኣግ፤ ህከኔን አንገተ ናፋ መንቹ ሄዕዮ እቅ። 2 ጠወ እኮጎሬ ኢስ ከሰሶተ ሀሶ መኑ «አበ በሬን ፈይሰኖ ጎሬ ለዕናም» ይት አገርታኢት እቅ። 3 ኢስን ህከ አንገተ ናፈ መንቹ «አም ከን በላን ኡር» ዬስ። 4 ህከኒች ኤተሮን ኢስ «አበ በሬን ጡመ ህከረንገ ሂለ እኤ ፈቀደዋኡ? ፎል ጡምሱንዶ ህከረንገ ፎል ቤስ?» ይ ጠዕሜስ፤ ጠወ እኮጎሬ እስ ጨለ ደቶአ። 5 ኢስን ቀልብሰ ዱድመተ ለዕይ አበ ሻቸ መዴስ ዮ መን ኡመ-ዕሬን ለዕይ ህከ አንገተ ናፈ መንቹ «አንገክ ሂር» ዬስ፤ እስን አንገተ ሂሮ ወክት አንገስ ፈይቶአ። 6 ወክትንከስ ፈሪሳውት ጭምት ምኒች ፋልት ኢስ ህት እት ሽቶተ አታልታ ጎሬ ሄሮድሴን ሜጡብ ዮ መኒን አማዕለንቶአ። 7 ኢስ አሳባንተስን ሜጡብ ገሊለ

ባርበ ኦሮዕዮ፤ ኢስ አዕዮ አጀብሲሰኖ ጠወ ሞጮጭቶ ወክት ልግቡ መኑ አዎቺሰ፤ አዎንቶስሩንኩ ገሊል ባዲች፤ ይሁድ ባዲች፤ ኤዶምዮ ባዲች፤ ዮርዳኖስ ዉድ አዲን ዮ ባዲች፤ ህትን ዬሩሰሌም ከተሚች፤ ጢሮስ ከተሚችለክ ሰዶን ከተሚች አሜቶዕሪ እቅ። 9 መኑ በተዕዮቤቺሃ ህንበዕለመን ሃሙ ከመኖሰበእገ ጀልበ ቅጥኣቶተ አዋናኑስ ኣዘዙ። 10 ልግብ መን ጥዛናቹ ፈይሾቤቺሃ ጥዛናን ኦርጨቀንታሩ ጉዕመንኩ አንጋን አፎስተ ህንበዕለንታ እቅ። 11 ዶሮርታ አያናከት እሱ ለኦ ወክት ብሬስ ኡብ «እት መገንያ ቤቱ» ይተን ያርታ እቅ። 12 ጠወ እኮጎሬ ኢስ ገዉስ እዬት ጎሬ ኩልታበእገ ጠረኝሸ አዘዙሰ። 13 ኢስ ቆተ አል ፋሎ ወክት እስ ሆሽሰሪ እስበ ገኤኤ፤ እስን እስበ አሜቶአ። 14 እስን እስን ሜጡብ ሄኔታ፤ ተሸት ላገተ ተማርሰቶተ ሲሞተለክ ሩሃንየ ፋሽታ ሹምነቱ ኣሱተ ቶሩ ለሙንከስ መጠር አሳበተ ሱዕምቸሰ። 16 እስን መጠሮስ ቶን ለሙንከ አሳበት ከኑኤታን «ጳዮርቤ» ይ ሱዕመ ፋሼ ሰሞነ። 17 «የኣርኔጌስ» ህከረንገ «ጉገኛ ኦሱተ» ይ ሱዕምቸሰ ዘብፊዎሴ ኦሱት ያቁባትለክ ያህይት። 18 አንድርያሴት፤ ፍልጾሴት፤ ባርቶሎሞሴት፤ ማቶሴት፤ ቶማሴት፤ አልፍዮሴ ቤቱ ያቁባት፤ ታዶሴት፤ ባዱስ ኢተኖ ሰሞነት። 19 ኢስ ህግሽ ኣሴ አስቆርቶ ይሁዲቲ እቅ። 20 ኢስ ምኒ ኦሮዕያን ልግቡ መኑ ለንኪሃ ጭምይት አሜቶአ፤ ህካን እኮቤቺሃ ኢስለክ አሳበት አቸተ አታ ወክቱ ዮሰበእ እቅ። 21 «ኢስ በርገንኤ» ዬኖሃ ለሉስ ሞጮጭቶ ወክት እሱ አፎተ አሜቶአ። 22 ዬሩሳሌሚች አሜቶ ሕግ አስተማረት «እሱ ብዔልዘቡል አፎስ፤ እስ ሩሃንየ ፋሽኖህ ህከን ሩሃንይ ዋሙ ብዔልዘቡል ወልቃነት» ይታ እቅ። 23 ኢስን አስንተ እስበ ገእ ሞሳሌን «ቬይጣኑ ህት አዕይ ቬይጣን ፋሹተ አታለኖ? 24 መቱ ዋሙ ገሸኖ መኑ ገገወንኩስን አደ እክ ብተመኖሃ እኮች ሁኩ ዋሙ ህት እክ ጠረኝ ኡሮተ አታለኖ? 25 ህትን መቶ ምኒን ሄኣኖ መኑ ብተንት ህት እክ ጠረኝት ሄኔተ አታልታክ? 26 ህካን እኮች ቬይጣኑ ገገዉስ አደ እክ ብተመኖሃ እኮች በኣኖ ቤሉ ጠረኝ ሄኔተ አታለኖበእ። 27 «ህትን መቶ ጠረኝ መንቹ ምኒ ኣጌን ቦሳኖተ ሄጩን ህከ ጠረኝ መንቹ ኡሱሮኑዕነ ምንስ ኣጌን ቦሳኖተ አታለኖበእ። 28 ህንቅንከ ያንክዕኔ፤ ኡመቱ አታ ጨቡለክ ጠወኣ ቦሮር ላገት ጉዕመንኩ ፈቅኑ የመመኖሰ። 29 ጠወ እኮጎሬ ጠሊለ አያን አሌን ቦሮር ላገተ ጠወኣኖን አሌን ጉዕማንን ዘላለሚሃ መገን ኡመዕርት አሌስ እካ ቤሉ ጨቡስ ማረመኖሰበእ» ዬስ። (aiōn g165, aiōnios g166) 30 ኢስ ህካን ጠወዕዮሁ «ዱሩ አፎስ» ይቶ መሳኒት እቅ። 31 ኢስ አመታለክ አመስኦሱት አሜት አብሌን ኡርት እስበ መን ሶክ ገእሲሶስ፤ 32 ኢስ መዴን ልግቡ መኑ ኣፋዕልዮ እቅ፤ እስን «አመክለክ አመኤ ኦሱት አብሌን ኡርት ኬሳሃ ሀሳሄት» ይት ኩልቶሰ። 33 እስን «አመኤለክ አመኤ ኦሱት አዬኤታን?» ይ መስለ ፈንቀሼሰ። 34 ኢስን መዴስ ኣፋዕልቶሁኑ አደ ለኣን «አመኤለክ አመኤ ኦሱት ከኑኤታን። 35 መገን ሰውት አኣኖ አዬሁ እኮጎር ኤሳሃ አመዕያ ቤቱ፤ አመኤተ ቤቱለክ አመተኤ» ዬአ።

4 ኢስ ለንኪሃ ገሊለ ባር መዴን ተማርሱ ጀመሮ፤ ልግቡ መኑ እስቤቸን ጭምይታን አሰ ባር አሌን ዮ ጀልባን ኣግ ኣፋዕሌኤ፤ ህትን ልግቡ መኑ

ባር መደን ሄዕዮ እቅ፤ 2 ህክኔን እሰ ምሳሌን ልግብርቹ ተማርሰናት እቅ፤ ተማርሰንን 3 «ሞጮጭዬ! መቱ አቡራንቼ ዜሬተ እኛ ዉጡተ ፋሎ። 4 ዜሬተ ዉጠንን መተ-መቱስ ዋቄ አሊን ኡባን ጨኡት አሜት አቶኡ። 5 ህትን ዋሉ ዜሬቱ ልግቡ ትቡ ዮበእቤቸን ክን አሊን ኡብ ደዕልን ሙቸ፤ መሰንትስ ቤቸንከስ አዝ አሊ ልግቡ ትቡ ዮበእ እቅ። 6 ሁኩንን እሩ ፋል ቀሾረ ቆሮ፤ ህትን ሙቸንኩ ጠጹ ዮሰበእቤቸን ሞሎ። 7 ዋሉስ ዜሬቱ ኡቱ ጭምዬ በላን ኡቦ፤ ኡቱንኩ ነጽ ለንግ አፎሰቤቸን አቶተ አቶቶስ ፈቆ። 8 ህትን ዋሉስ ዜሬቱ ጡመ ኡላን ኡብ ሙቸ፤ ሙቸንኩ ነጽ አቶተ አቶቸ፤ ሁኩንን መቱስ ሰጁ ዋሉስን ሌሃዉ ፈቆሲህ ጥብተ አቶቸ» ይሉ። 9 እሰን «ሞጮጭታ መጨት ዮሲህ ሞጮጩን!» ይሉ። 10 እሰ ሜጥሀስ ሄዕዮ ወክት መደንከስ ሄኦ መኑለክ ቶሩ ለመንኩ አሳበት ሜጡብ ምሳሌስ ፍሳረተ ጠዕምቶሰ። 11 እሰን «ክዕሄ መገን ዋምነትስ ምስጥር ደገናተ አስሞሀዕ፤ ጠዉ አኮጎሬ አብሊን ዮሁኦተ ጉዕሙ ጠዉንኩ ምሳሌን ኩለመኖሰ። 12 ህካን አብቤቸን «እሰ መገን አደ ፈንቀልቶ እቃ መገኑ ጨብስ አጉረኖስ እቅ፤ ጠዉ አኮጎሬ እሰን ለእን ለኦኦሃ ደጋበእ፤ ህትን ሞጮጭተን ሰዉ ደት አእታበኡ» ይሉ። 13 እሰን «ክዕሄ ት ምሳልት አነሀዕ፤በእንደ? ህከረ ዋልት ምሳልተ ህት አቴን አጥርመቶተ አታልቴን? 14 ዉጠኖህ መገን ላገተ ኩለኖሃን። 15 ሁኩ ዋቄ ገበላን ኡቦ ዜሬቱ ለሊሰኖህ ላገስ ሞጮጩኑሃ መነ፤ እሰን ሞጮጭቶ መገን ላገተ ሺይጣኑ አሜቶ ቀልብቸሰ መጭ መሰሰ። 16 ህትን ሁኩ ክን አሊን ኡቦ ዜሬቱ መገን ላገተ ኩለንታ ወክት ተሸቲን ደዕል ቶገኖ መነ አጉደኖ። 17 ጠዉ አኮጎሬ እሰን ወክትሃሲት ቤሉ ጠጹ ዮሰበእቤቸን ጠረኝት ኡርታበእ፤ ህከን ላገ መሳን መት ኦሪሸት ህከረንገ ቶቶሙ አሜቸ ወክት ደዕልት ቆዕልት ኡባኡ። 18 ህትን ዋሉን ጭምዬ ኡት በላን ኡቦ ዜሬትጋት፤ እሰን ላገስ ሞጮጭታእሃ መነ፤ 19 ጠዉ አኮጎሬ ከን አዲንያ አል ሻዘነት፤ ዱንያተ ኢቱሁ ዋሉ ልግብርቹ ሄዕላቱ ቀልብስ አዝ አግ ህከ መገን ላገተ ለንግ አፋን አቶቶስ ፈቆኡ። (aion g165) 20 ጠዉ አኮጎሬ ጡመ ኡላን ዉጠሞ ዜሬቱ ለሊሰኖህ መገን ላገተ ሞጮጭት ቶጋእሃ መነ፤ ሁኩ መኑንኩ መቱስ ሰጁ መቱንገ ሌሃዉ ዋሉንገ ጥብተ አቶተኖ» ይሉ። 21 ለንኪሃ እሰ ፈንቀሽ «መኑ ኩራዘ አፍሲሽ ሰቀሌኖ ቤቸን አፋሹ አጉር ዛሬ አዜን ህከረንገ ሀንሸሪች ዋሮን አፋሽኖንደ? 22 ህትን ሁኩ ማጠሞርቹ ለሉዕነ ህትን አፍሰሞርቹ ፈንተኡዕናን ፈቀሰበኡ። 23 ሞጮጭታ መጨት ዮሲህ ዮ ጎሬ ሞጮጩን» ይሉ። 24 እሰን «ሞጮጭቱንታሃ ጉዕመንክ አገዕርዬ፤ እዕኑ ዋሎ መናን ፈረዳንተገን ክዕኔ አሊን ፈረደመኖ፤ በትሽን በርገመኖሀዕ። 25 ዮሰሀኒሃ አስመኖሰ፤ ጠዉ አኮጎሬ ዮሰበእሀኒቸ ሁኩ ዮሲንኩ አእመኖሰ» ይሉ። 26 ህከኒቹ ኤተሮን እሰ «መገን ዋምነቱ ኡለ አሊን ዜሬተ ዉጡተ ፋሎ መንቹ አጉደኖ። 27 ሁኩ ዜሬተ ዉጭ መንቹንኩ ሀንከዕርተ አስእኖ፤ ሶዦ ወክት ኦሶች ኬእኖ፤ ሁኩ ዉጠሞ ዜሬቱ ህት አሀኖጎሬ ዳጎኑዕናን ሙቶ ነጻኖ። 28 ኡለት ገፊንትሴ ህከ ሙተ ነሰታኡ፤ ህከኒቹ ኤተሮን ሀበረ ኤበኖገ አታኡ፤ ህከ ሀበረ ነሰቶች ኤተሮን አቶተ አቶተኖገ አታኡ። 29 ዉጠት ኢልቶ ወክት ወክቱስ ዉጠተ ጭም አኤኖ ወክት አብቤቸን

መንቹስ ዘዘረተ ቅጥ አዕይ ምደኖ» ይሉ። 30 እሰን «መገን ዋምነቱ መርቺን ቅጥ አዕናም? ህትን መ ምሳሌን ሂርን ጠወዕናም? 31 መገን ጄነቱ ዋንጌ አልተ አጉዳኢ፤ እሴን ዉጠንታ ወክት ኡለ አሊን ዮ ዜሬቲች ጉዕሚቸን በትስ ቀዋታን። 32 ጠዉ አኮጎሬ ሁኩ ዜሬቱንኩ ዉጠሞቶ ኤተሮን ነጽ ጋሮን ካሴመሀኒቹ ጉዕሚቸን በተአኖሃ አሀኖ፤ ቅራዕሩ ሀመ ነሰኖ፤ ህካን አብቤቸን ሰሜ ጨኡት ምነ መክስ እስ አሊን ሄኦኦ» ይሉ። 33 እሰን መኑ ሰዉዮ አታልታገ ካን አጉዳ ልግቤ ምሳሌን ላገስ ኩለኖሳት እቅ። 34 እሰን ምሳልት ዮበኢሃ መቱርቹሃ ጠወዕኖሰበኡ፤ ጠዉ አኮጎሬ እሰን አሳባን ሀሊሽሰ ሄኦ ወክቱን ጉዕመርቹንከ ሂር ኩለኖስ እቅ። 35 ህከ በር ሀምሬ ወክት እሰ አሳበስ «ከን ሎረ ዊቶ ዉድ አደ ቶልኖ» ይሉ። 36 እሰን ህከኔ ዮ መነ አጉርት እሰ ዮ ጀልባን አግ እሰ አኦት መርቶኡ፤ ህከ ወክትንከ ዋሉ ጀልቡ እሳን ሜጡብ ሄዕዮ እቅ። 37 ደንገቱን ጠረኹ ቦብሩ ዊ አሊን ኬዕዮ፤ ዊ ሁለንኩ ጀልብ ካጸለክ ከበ ሀንበለን ዊ ጀልብ አዜን ዊሞተ አኩ። 38 ህከ ወክትንከ እሰ ጀልብ አዜን ኤተር አዲን ቦርከዕይ ግሾ እቅ፤ አሳበስ አሉ ግሰኛች በቅኦት «አስተማርቼ! ነኡ በዕነን አት ሀት ጨለ ይቶንት?» ይቶሰ። 39 እሰን ኬዕይ ቦብረንከ ሻቼ፤ ዊ ሁለንከ «ጨለይ» ይሉ፤ ቦብረንከ አጉር፤ አበንከ ጨለ ይሉ። 40 እሰን «ሚሃት ዋቻቴንታህ? ቲሁ አመዕነቱ ዮሀዕ፤በእንደ?» ይሉ። 41 እሰን አበ ዋቻት መት-መቱስ «ጠረኹ ቦብሩለክ ዊ ሁሉ አዘዘመኖሲህ ኩን ሀትናሙወ መንቹ?» ዮቀንቶኡ።

5 ህከኒቹ ኤተሮን እሰ አሳባንተሰን ገሊለ ባረ ቶልት «ጌርጌሴኖን» ይኖ ባዱ ኢልቶኡ። 2 እሰ ጀልቢቹ ፋሎገን ዶሮረኖ አያኑ አፋንስ ሎደቤቸን ሄኦኖ መንቹ ወክትንከስ ህከን አዲች ፋል ደቀሞሰ። 3 ሁኩ መንቹንኩ ሎደ አዜን ሄኦኖ እቅ፤ ህከ ወክት አይሁ ለሱ ሰንሰለተን ኡሱርተ አታለኖበኡ እቅ። 4 ልግብ ወክት አንገሰለክ ሎከስ ኡሱሬኖ ወክት እስ ህካን ጉዕመንከስ መረንሰኖ እቅ፤ ህካን አብቤቸን አይሁ ለሱ አፍ ኡሱርተ አታለኖበኡ። 5 ህትን እስ ጉዕመ ወክት ሀምሩተለክ በራሃ ሎዶሊክ ቆተቲ ዮቤቸን ዘሀን አልስ ክኒን ሀንፈጠን ያረኖ እቅ። 6 እሰን እሰ ቄዕራሻን ለዕዮ ወክት ደጉጅ አሜቶ ብሬስ ጉልጽ ሰገጅ። 7 ህትን ሎረ ላጋን ያረን «አት ጉዕሚቸን ሎረ መገን ቤቶ እሰ! ኤሳለክ ኬሳሃ ም ደቀንሹ ዮኔ? ኦን ኪቶ መገኖን መገኛዮንኬ በሶቲኤ» ይሉ። 8 ህት ዮተ አታሎንኩ እሰ «ኩ ዶሮርታንት ዱሩ ከን መንቹች ፋል» ይ አዘዙቤቸሃት እቅ። 9 እሰን ሱዕመክ እዬት? ይ ጠዕሜስ፤ እሰን «ናኡ ልግብ አንኩሞቤቸሃ ሱዕመኤ ሊገዎነት» ይ ፈንቀሼኡ። 10 እሰን ህከን ባዲች ፋሽ ሽረኖሰበኡ እሰ ጠረኝሽ ኡጩስ። 11 ህከን ቆሮ መዳን ልግቡ ቦኬ መሰረት ዘግ ይት አታኢት እቅ። 12 ሁኩ ዶሮረኖ አያንኩ «ሀዕይ ህከን ቦኬ መሰራን አንጋምገ እእኔ» ይት እሰ ኡጭቶሰ። 13 እሰ «መርቱን እኔ» ይሉ፤ ሁኩ ዶሮረኖ አያኑ ህከን መንቹች ፋልት ቦኬ መሰራን አጎኡ፤ ህከኒቹ ኤተሮን ለምተ ኩምተ አካ ቦኬ መሰረት ቆሮ መዲች ደጉደን ሎረ ባራን አእንቶኡ። 14 ህከን ቦኬ ዘማንት ሁንት ከተማንለክ ህከን ባደን ሄኦኖ መኒሃ ጠወስ ኩልቶኡ፤ መኑንኩ አኩ ጠዉ ለኦተ አሜቶኡ። 15 እሰን እሰበ አሜት

ዶረረኖ እያኑ አፎሰሃ፡ ለጌዋንን ሄዕዮስ መንቹ ፈይ ኦድኑተ ኦደዕይ አፋዕልያን ለኦ ወክት ጉዕመንኩስ ዋጅቶሉ። 16 ኢስ ዶረረኖ እያን ሀከን መንቹች ፋሽንለከ ዶረረኖ እያንኩ ቦከን አገን ወዕና ሀከን ቤቸን ሄላ ለኦሩ እኮ ጠወ ጉዕመንከ መኒሃ ኩልቶሉ። 17 ሀከን እኮቤቸሃ ሀከን ባድ መኑ ኢስ ሀከን ባዲች ፋል ኦሮአናገ ኡጭቶሰ። 18 ኢስ ጀልባን አገን ሩሃንዩ አፋንስ ፈይ መንቹ ኢስ «እን ከን ሜጡብ ኦሮአም» ይ ኡጨሰ። 19 ጠወ እኮጎሬ ኢስ «እን ሜጡብ መርታንትበእ፤ ምንክ መርት ቀርቼ ሄንከ ሎረ ጠወ እዕዮሄ ጎሬ ህትን ህት እዕይ ፈይሾሄንሬ ምንክ መኒሃለክ እልሀክ ጠወእ» ይሰ። 20 ሁኩ መንቹ ኢስ እዕዮስ ጠወ «ቶ ከተመ» ይዩ ባዶን ጉዕመንን አዋጁ ጀመር፤ ጠወስ ሞጮጭቶ መኑ ጉዕመንኩ እጀብሲጭቶሉ። 21 ኢስ ጀልባን አገ ባር ወድ አይ ፈንቀል ቶሎገን ልግቡ መኑ እስ መዴን ጭምዬእ፤ ሀከ ወክት ኢስ ባር መዴን ሄዕዮ እቅ። 22 ሀከኔ ጭምት ምኒ ገሽታሁኑቲ መቼሰ «ኢያኢሮሴ» ይዩ መንቹ እሜች ኢስ ለዕዮ ወክት ሎከስ አሊን ኡብ 23 «ኢ ቀወት ጨልኤ አበ ጥዛኡ፤ እት አሜት ጡምቶተለከ ፎልን ሄኑተ እሴ አሊን አንገክ አእ» ይ ኢስ ጠረኝሽ ኡጨእ። 24 ኢስን እሲን ሜጡብ ኦሮዕዮ፤ ሀከ ወክት ልግቡ መኑ ኢስ አዋንን ከን አዲንለከ ካጽ አዲን ሀንበዕለንተን ሃሙ ከንት ጨንቃሲት እቅ። 25 ሀከን መን በላን ቶን ለሞ ዘማን ጌስ ቄጉ ዱንተእንሴ ኦርጨቀንተን ሄላ መት መንቹት ሄላ እቅ። 26 እሴን ሐኪሚች ሐኪመ ልግብ ወክት ፈንቀላንት ዱንያሴ ጉዕመንክ ሹልቶ እቅ፤ ጠወ እኮጎሬ ባሾሴ ቤሉ መቼቸኖን ደግለሎሴበእ እቅ። 27 እሴን መኑ ኢስተነሃ ጠወእና ዱዱቡ ሞጮጭቶቤቸሃ ሀንበዕለመና መን በሊን ኤተር አዲን አሜት ኦድኑስ ኡልቶሉ፤ ሀከን አቶኢህ ቀልቤንከሴ «እን እስ ኦድኑተ ኡሎም እቃ ፈያም» ይታ አመዕነቱ ሄዕዮሴ እቅ። 29 ሀከ ወክትንከ ቄጉ ዱንተኤ አጉሮሴ፤ እሴን ጥዛናችሴ ፈዩሴ ጀሰሚንከሴ ደንኤ። 30 ኢስን ወልቀት እሲች ፋልቶገ ደገቤቸሃ መን አይ ዘህ ለዕይ «እዬት ኦድኑኤ ኡሎሁ?» ይ ጠዕሜሰ። 31 አሳበሰ «እት ኬንኩ መኑ ሀንበዕለመን አዋናሄ ለእን ህት «እዬት ኡሎኤሁ» ይተን» ይቶሰ። 32 ጠወ እኮጎሬ ኢስ ሀከን እዕዮሁ አዩት ጎሬ ለኦተ ዘህ ለዕዮ። 33 ህት መንቹት እኮ ጠወ ደገቤቸሃ ዋጅት ሁጡን ሎከስ ኡብ ክዘቡዕነ ሀንቅ እኮ ጠወ ጉዕመንክ ኩልቶሉ። 34 ኢስን እሴተ «ኢ ቤቶ አመዕነቱክ ፋይሾሄ ወገሬተን መር፤ ጥዛናችክ ፈይ» ይሰ። 35 ኢስ ሀከን ጠወእን ሄዕዮገን ጭምት ምኒ ሀለቅች ምኒች ቦቀንት አሜቶ መናከት ጭምት ምኒ ሀለቅች «ጨልክ ሬቶኤ፤ ቴሱ አስተማርቼ ሚሃት ኦርሳንትሲሁ?» ይቶሰ። 36 ጠወ እኮጎሬ ኢስ እስ ይታ ጠወ ሞጮጭ ጭምት ምኒ ሀለቅች «አመዕን ቤሉ ዋጅቶት» ይሰ። 37 ህትን ኢስ ጴጥሮሴችለክ ያቀቢች፤ ያቀብ አመቤቱ ያህይ ቤሉ እዩሁ አዋናስተ ፈቀጀበእ። 38 ኢስን ጭምት ምኒ ሀለቅች ኢያኢሮሴ ምኒ ኢሌ ወክት ሀከን ምኔን መኑ ያረገለከ ኦኦን ጨንጭተን ለዕዮ። 39 ኢስን ምኒ አግ «ሚሃት ያርቴንታሁለክ ኦኦንገታሁ? ጨልት ግሶ ቤሉ ሬቶበእ» ይሰ። 40 እሴን እሴን አበ ኦስዕልቶኤ፤ ጠወ እኮጎሬ እሴንተ አብል ፋሽ ጨሌ እነለክ አመተ እሴን ሜጡብ ሄኑአረ አዋንስ

ጨልት ዮ ቤቹ አጎ። 41 ኢስን ህተን ጨሌ አንገተ አፍ «ጣሊታ ቀሚ!» ይሰ። ፍሳረስ «ቴ ጨሌ ከእ» ይሃን። 42 ጨልንት ቶን ለሞ ዘማንተ ጨል እቅ፤ ወክትንከስ ኡርት ከበለክ ካጸ እከን ፈንቀላንቶኤ፤ ሀከኔ ሄላ መኑ ከ ጠወ ለኦ ወክት እጀብሲጭቶሉ። 43 ሀከ ወክት ኢስ ከ ጠወ እዩሃ ጠወእበእገ ጠረኝሽ ኩል «ጨሌተ አታኢሃ እሳይ» ይሰ።

6 ኢስ ሀከንቤቸች ፋል ገይሰ ባዱ አሳባንተሰን ሜጡብ አሜቹ። 2 ሀከኔን ኢስ አበ በሬን ጭምት ምኔን ተማርሱ ጀመር፤ ሀከኔ እስ ተማርሰኖሃ ሞጮጭቶ ኡመቱ አበ እጀብሲጭት ገገዉንኩሰን «ኩ መንቹ ከ ጠወሃ ጉዕመንከ ሀከኔ ደኤአ? ህትኔ ሀይመት ኣሳንቶሰ? ህትኔ እጀብሲሰኖ ጠወ አእናሁ ህትሳንጉ?» ይተን እጀብሲጭታ እቅ። 3 ህከኒች ኤተሮን «እስ ማይረመ ቤቱ እነጤቸሃበእንዶ? ያቁቤሃ፡ ዮሳ፡ ይሁዲለከ ስምዖንሃ አመ ቤቱበእንዶ? ሜእ አመስ ኦሱንት ከኔ ኒን ሜጡብ ዮአረበእንዶ?» ይተን ህንቅ ቶጉዕናንስ ፈቆኡ። 4 እኮጎሬ ኢስ እሴንተ «ነቢዬቹ ዋሎ ባዶን ኬዕምሴናሰ፤ ጠወ እኮጎሬ ገይሰ ባድ መኑሁ፡ ገይሰ አሉለክ ገይሰ ምኒ መኑ ህንቀናሰ» ይሰ። 5 ሀከኔ ሄላ ቀዋ ጥዛናመ አሊን አንገተ እዕይ ፈይሰቤሉ ዋሎ እጀብሲሰኖ ጠወሃ እኦተ አታሎበእ፤ 6 ጠወ እኮጎሬ ኡመቱ አመዕንቱዕነ ፈቆቤቸሃ አበ ቦሮረንቶኤ፤ ህከኒች ኤተሮን ኢስ ቀኤች ቀለተ ዘህን ተማርሰኖ እቅ። 7 እሴን ቶን ለመንክ አሳበተ አሰበ ገእ ለሙ ለሙ እዕይ ዶረረኖ ዱር ፋሽታ ሹምንቱ ኣሰ ሶኮሰ። 8 እሴን እሴንተ «ዋቃ ሃንተን በርት ቤሉ እቴናሃ እኮ ኢቶንከስ ብረለክ ከረጥተተ ኣፋበእገ አዘዣሰ። 9 ሎካንክክዕኔ ጫዕመተ ወዕርዬ ቤሉ ለሙ ዋልት ኦድኑተ ኦደኦናቼ» ይሰ። 10 ህትን እስ «እዕኑ መርቴንገተ ቤቸን መቱ ምኒ ኣኔንገተ ወክት ሀከ ቤቹ አጉርቴን ፋልቶናተ ኢላ ሀከን ምኔን አገሬ። 11 መርቴንተ ቤቸን ጉዕመንን ፡ሀበይ ወገሬቲን አሜቲን» ይን ቶጉለክ ሞጮጭ ግቤመሀዕኔጎሬ እዕኑ ሎክክዕኔ ትበ ሀከኔ ግግሽቲን አጉርቴን ፋሊ፤ ሁኩ ትቡንኩ እሳሃ እማኝ አህና» ይ ኩሎሰ። 12 እሴን መርት መኑ ጨብቸሰ ፈንቀልት ቶበታገ ዱዲብሰቶሉ። 13 ህትን እሴን ልግብ ሩሃንዩ ሸቶኤ፤ ጥዛናመ አሊን ዘይተ ቡርተን ልግብ ጥዛናመተ ፈይሴኤ። 14 ኢስ ሱዕሙ ጉዕመ ባዶንን ደገዋቤቸሃ ዋሙ ሄሮድስ እስተነሃ ሞጮጭእ፤ ህትን መት-መቱ መኑ «ጠመቃንቹ ያህይ ሬሆች ኬዕዮኡ፤ ህከን እኮቤቸሃ ከ እጀብሲሰኖ ጠወ አእና ወልቀተ ደኤእ» ይታ እቅ። 15 ዋሎ መኑ «አልያሴት» ይታኢት እቅ፤ ህትን ፈቆ መኑ «ሄጭት ሄላ ነቢያናች መትሰጋት» ይታ እቅ። 16 ጠወ እኮጎሬ ሄሮድስ ህከን ጉዕመንክ ሞጮጭ «እን ጎበሰ ሙርሲሾም ጠመቃንቹ ያህይ ሬሆች ኬዕዮኡ» ይሰ። 17 ሄሮድስ አመስ ቤት ፍልጻሴ ጫተ ሄሮድያደ ኣኤቤቸሃ ያህይ «አመክ ቤት ጫተ ኣኡ ኬሳሃ ፈቀደዋሄበእ!» ይ ጠወዕዮቤቸሃ ሄሮድስ ሶክ አፍሲሸ ያህይ ኡሱርሲሾ እቅ። 19 ህከን እኮቤቸሃ ሄሮድያደ ያህይን ገዱተ አፍ ሸሲሶሰተ ሀሳኢት እቅ፤ ጠወ እኮጎሬ ሸሲሶሰተ አታልቶበእ። 20 መሰንቲስ ያህይ ፈየ መንቹለክ ጠሊሊ መገን መንቹ እሁስ ሄሮድስ ደገናቤቸሃ ዋጅ አገረኖስ እቅ፤ ህትን እሴን ያህይ ጠወእና ጠወ ሞጮጭ ወክት ባበና እቅ፤ ጠወ እኮጎሬ መንደዕይ ሞጮጭኖስ እቅ። 21 ሄሮድስን አለሞ በሬ

ከበጀት ከበጀሃ ባድ ገሻትለከ ገሊለ ሎርሎረ መነ ጉዕመንከ ድግሰ ድግሽ ገሌኦ፤ ሁኩ በሩ ሄሮድያደ ያህይ ሸሊሶስተ መኩተ እኩሴ። 22 ህከ በርግከ ሄሮድያደ ቤቱት መኑ ጭምዬ ምኒ ኣግ ቦሎቾ ከደን ሄሮድሴለከ እሲን ሜጡብ ሄዕዮ ኮህ መ-ንዲሲሶኡ፤ ህከን እኮቤቺሃ ዎሙ ህተ ጨልተ «አት ኢትታንት ጉዕመንከ ጠዕሜኤ፤ ኣሳንኬ» ዬሴ። 23 «ሆሮ ዎምትኤ ደሩ እኮጎሬ አት ይቶንቲሃ ጉዕመንከ ኣሳንኬ» ይ ጤሌዕሌ። 24 እሴን አመሴቤቼ መርት «መ ኣሴኤ ዩ?» ይት አመሴ ጠዕምቶ ወክት «ጠመቃንቾ ያህይ ቡዕለ ኣሴኤ» ይ። ይቶሴ። 25 ጨልንት ደዕልት ወምበ ኣግ «ጠመቃንቾ ያህይ ቡዕለ ሳናን እኤን ቲሱ ኣሶናኤተ ሀሳም» ይቶኡ። 26 ዎሙ ህከን ጠዋን አበ ሻኩ፤ እሁን ቤሉ ጤሌዕሌቤቺሃለከ እሲን ሜጡብ ሄኦ ኮህተኔሃ ጠዕምቶኢህ ከሞተ ሆሾበኢ። 27 ህከን እኮቤቺሃ ህከ ወክት ዎሙ ወታደሪች መቱ ያህይ ቡዕለ ሙር ኤበሮግ ኡሱር ምኒ ሶኩ፤ ወታደርቺንኩ ኡሱር ምኒ መር ያህይ ቡዕለ ሙር። 28 ሙር ኤበ ቡዕላንከ ጨሉተ ሳናን አዕይ ኣሴሴ። ጨልንት መስት አማተሴ ኣቶኡ። 29 ያህይ አዋንታእሩ ህከን ሞጮጭት ኡሱር ምኒ አሜት ጀርዘሰ መስት ሞጎኡ። 30 ሶቀማኑት ሶህንቶ አዲች ፈንቀልት ኢሰ ብሬን ጭምደቶኡ፤ ተማርሰቶኢሃለከ አቶኢሃ ጉዕመንከ እሲሃ ኩልቶኡ። 31 ኢሰን እስንተ «እዕኑ ሜጥሃክዕኔ መርቲን መኑ ዮበእቤቾን ቀወ ጌሰ ፎሎጭዬ ዬሰ» ህከን ዬኢሁ አሰበ አሜተኖሁለከ መርኖሁ ልግብ እኮቤቺሃ አቸተ እታ ወክቱ ዮሰበእቤቺሃት እቅ። 32 ህከን እኮቤቺሃ እሰ ሜጥህሰ ጀልባን ኣግ መኑ ዮበእቤቼ መርቶኡ። 33 ጠወ እኮጎሬ እሰ መርቲንን ልግቡ መኑ ለዕይ እስተ እሁስ ደግ ከተሚች ጉዕሚችን ደዕልት ፋልት ሎካን ደጉደን ሄጭት ቤቹስ ኢልቶኡ። 34 ህከን ቤቾን ኢሰ ጀልባን ድረን ልግብ መነ ለዕዮ፤ መኑንኩ ዜምንቹ ዮሰበእ ሆለገ እካን ለዕይ አበ መርረሲጩስ፤ ህከኔን ልግብ ጠወ ተማርሱ ጀመሮ። 35 ህከኔን ኡለት ሀዋርቶቤቺሃ ኣሳበሰ እሰበ ሆንጠክ «ዮም ቤቹ ኡድመሃን፤ ወክቱስ ሀዋርዮኡ፤ 36 ህከን እኮቤቺሃ እታኢሁ ዮሰበእቤቺሃለከ ከን ቀኤን ዮ ገጠረለከ ኦሎሃ መርት አቸተ ገይሃለ ህዕርታገ ከ መነ ሀርሲሰ» ይቶኡ። 37 ጠወ እኮጎሬ ኢሰ እስንተ «ኩ መኑ እታኢሃ እዕኑ ኣሰዬሰ» ዬሴ፤ እሰን «ህከን እኮች እታኢሃ ለሜ ጥቤ ዲናሪን ህዕርን ኣሰሳንደ?» ይቶኡ። 38 ኢሰን ፈንቀሽ «ህንዴ ሄንኩ ጣብቱ ዮህዕኔጎሬ መርቲን ለእዬ» ዬሴ፤ እሰን መርት ለእ «እንቱ ጣብቱለከ ለምት ቁርጩሜት ዮኔ» ይቶኡ። 39 ኢሰን ኣሳበሰ መነ ለቶ ህጤ እሴን ቤቾን ቤቾን ኣፋሽታገ አዘዞሰ። 40 ህከን እኮቤቺሃ መኑስ መት መቶ ቤቾን ጥብተ ጥብተ ህትን መት-መቶ ቤቾን ኣንታሁ ኣንታሁ እክ ኣፋዕልቶኡ። 41 ኢሰን ኣንቱ ጣብታለከ ለም ቁርጩሜት ኣእ ሰማ ዋሽ ለዕይ መገኑ ገለትጩኦ፤ ህከኒች ኤተሮን ጣብተንከ ቢጭ መኒሃ ሆንጠህሶተ አዋንታሁኦተ ኣሴኦ፤ ህትን ለም ቁርጩሜት መኒሃ ጉዕሚንከ ቤኩ። 42 መኑ ጉዕመንኩ እች ዱቡ። 43 ኣሳበንት መነ ብሬች ፈቆ ፋርፋራለከ ቁርጩሜች ፈቆሃ ቶነ ለሙ ሳጠራ ዊሞሃ ኬሶኡ። 44 አቸተ እች ጎን ሆሊንሹ ኣንቶ ኩሜ መነ እቅ። 45 ህከ ወክት ኢሰ መነ ሀርሲሰን ኣሳበሰ ጀልባን ኣግ ዉድ አደ «ቤተ ሳይዳ» ዬሩቤቹ እሱ ሄጭት

መርቶተ አዘዞሰ። 46 እሰ መነ ሀርሲሾች ኤተሮን ዱኦ አኦተ ቆተ አል ፋሎ። 47 ኡለት ሀዋርቶ ወክት ጀልባንኩ ባር ባላን ሄዕዮ እቅ፤ ጠወ እኮጎሬ ኢሰ ሜጥህሰ ኡለ እሴን ሄዕዮ እቅ። 48 ኣሳበሰ ብሬን ዊ ኦሌን ጠረኙ ቦብሩ ኬዕይ ጀልባ ብሬ አደ ዋሽ ሃሙ ከማን ኦርጨቶንተን ኢሰ ለዕዮስ፤ ሁኩንን ሆንሲች ቶና ለም ሳኣት ጌሳን ባር ኣሌን ሃመን እሰ ኦዲን አሜች ኣጉር ህጎታት እቅ። 49 ጠወ እኮጎሬ እሰ ባር ኣሌን ሃመን ለእ ሀብተላት ኣጉጃንሰ ያርቶኡ። 50 ጉዕመንኩ ለኦስ ወክት ህልቆኡ፤ ህከ ወክት ኢሰ «ጠረኝዬ! ኣኔት! ዋጅቶኛ፤!» ዬሴ። 51 እሰን ጀልባ ኣዘ እሰበ ኣጎ ወክት ቦብሩንኩ ኣጉሮ፤ ኣሳበሰ ህከን ጠዋን አበ ኣጅብሰጭቶኡ። 52 እሰ ቀልቡንኩ ዱጃሁ ወዕና ኢሰ ኣንቶ ኩሜ መኒሃ ኣንቱ ጣብተ እትሾ ጠወ ሰውዮ ሆጎቤቺሃት እቅ። 53 ባሪች ቶልት «ጌንሴሬጠ» ዬሩ ባዱ ኢልቶኡ፤ ጀልባንከ ዊ ኣለች ኡለ መድ ሆንጠህሰ ኡሱርቶኡ። 54 እሰ ጀልባች ፋልቶገን ኢሰ እሁስ መኑ ደጎ። 55 ህከን እኮቤቺሃ መኑ ህከን ቀኤን ሄዕዮ ኦሎ ጉዕመንከ ደጉደን መርት ኢሰ ዮኡ ዬመ ቤቹ ጥዘርመተ ዴሲን እጅት ኤባኢት እቅ። 56 ኢሰ ኦርዕዮ ቤቹ ጉዕመንከ ቀኤች፤ ከተሚችለከ ገጠሪች ጥዘርመተ ጉዕመንከ በነቻን ኢሰ መድ ሆንጠህሰን ኦድሮስ ስኑተ ኡልቶተ ኡጭታኢት እቅ፤ ህትን ኢሰ ኦድሮ ስኑተ ኡልቶኣሩ ጉዕመንኩ ጥዘርቶስ ፈይታኢት እቅ።

7 መት-መቱ ፈርሳውትለከ ዬሩሳሌሚች አሜቶ ሕግ አስተማረት ኢሰበ አሜት ጭምደቶኡ። 2 እሰን ኢሰ ኣሳበት መት-መቱስ ኣንገሰ ነጠ አቱዕነ ዩ ኣዕልቱዕነ ጣብተ እትን ለኦኡ። 3 ፈርሳውትለከ ኣይሁዱ ጉዕመንኩ ባልቅ ዋገ ኣገርቶተ ኣንገሰ ኣዕልቱዕናን ኣታበኢ። 4 ህትን ጌቤች ፈንቀልት አሜታ ወክት ሄጭት ኣዕልቱዕናን ኣታበኢ፤ ኩባየለከ ጆከ፤ ናስ ሞዳኑተለከ መዕነተ፤ ልግብ ህትኦ ዋገ ኣገርታኦ እቅ። 5 ህከን እኮቤቺሃ ፈርሳውትለከ ሕግ አስተማረት ኢሰ «ኣሳበክ ባልቅ ዋገ ኣገሩ ግብ ኣንገሰ ኣዕልቱዕናን ጣብተ ኣታኢሁ ሚሃት?» ይት ጠዕምቶሰ። 6 ጠወ እኮጎሬ ኢሰ ኣሳንከ ፈንቀሽ «ክዕኔትኔሃ ራጎንን ኣዕኑ ኩ ለዕዬኔ ይቲንተህኩት ነቢዬቹ ኣሰያሰ ጠወዕዮገን «ኩ መኑ አፎንከሰ ኬዕምሰናኤት ቤሉ ቀልቡሰ ኢች አበ ቄዕርዮኦሃን! 7 መስንትስ መን ትዛዝ ተማርሰተን ኤሳሃ ህትን ሰገዳኤት» ዮመም ከተበም ራጉ ሀንቅሃን። 8 ኣዕኑ መገን ትዛዝ ኣጉርቲን መን ዋገ ጠረኝሴን ኣገርቲንታኦ» ዬሴ። 9 ህትን ኢሰ እሰንተ «ኣዕኑ ክዕኔ ዋገ ኣገርቶናተ መገን ትዛዝ ኣጉርቲንታኦ። 10 ሙስ «ኣነክለከ አመክ ከበጅ፤ ህትን አዬሁ ኣንሰ ህከረገን አመስ ኣሌን ሂለ ጠወ ጠወኣናኦሁ ሬሁን» ይ አዘዞ። 11 ጠወ እኮጎሬ ኣዕኑ መቱ መንቹ ኣነሰ ህከረገን አመስ «ኣነሃሰለከ አማተስ ኣኡ ሀሰሰና ጠወ ጉዕመንከ መገኒሃ ኣሰዮም» ዬህዕኔጎሬ 12 ኣነሰ ህከረገን አመስ ደግለሎበኦ ዩን ጠዕሚናሰበኡ። 13 ከን ሃሌን ገይክዕኔ ዋገ ኣገርቶናተ መገን ላገተ ድጅቲንታ፤ ህትን ኣዕኑ ህትኔ ልግብ ጠወ አቲንታት» ዬሴ። 14 ኢሰ ለንኪሃ ኡመትሰ እሰበ ገእ «ኣዕኑ ጉዕመንኩክዕኔ ኣን ጠወኣንክዕኔ ጠወ አጥራመቲን ቶጌ። 15 መንቹ ጎጃሰሰናሁ ኣዚች ፋላናሃ ጠወ

ቤሉ አብሊች ኣዝ ኣገኖሁ መነ ንጃሰሰኖበኣ» 16 [ሞጮጭታ መጨት ኖሲሁ እዩሁ ሞጮጩን] ዩኡ። 17 ኢሰ ኡመት አጉር ምኒ ኣጎ ወክት አሳበሰ እሰ ተማርሴ ሞሳሊተኔሃ ሂር ኩሎሰተ ጠዕምቶሰ። 18 ኢሰ እሰንተ «እዕኑ ቲሁ ካን አጥራመቲን ቶጌነንተበእንዶ? አብሊች መነ ጎደባን ኣገኖሁ ንጃሰሰኖበኣን ደጌነንተበእንዶ? 19 መሰንትሰ አፌች ጎደባን ኣግ ሹመተ እክ ፋላኖህን ቤሉ ቀልብበ ኦሮኣኖበኣ» ዩሰ። ኢሰ ህካን ዩሰ እቸት ጉዕመንኩ ነጠ ዩሃንሰ። 20 ለንኪሃ ኢሰ «መነ ንጃሰሰኖሁ መነ ቀልቢች ፋላኖሃን። 21 ሁኩንን ሂሉ ሰውቲ፣ ሞጉ፣ ዝነት፣ መነ ሹ፣ 22 ጎራምመት፣ ሂለተ ሆጉተ አኡ፣ ጣንሱሁ፣ ሀሶገ አሁ፣ ሞቀቆመት፣ ሄምት፣ ቦኑለከ ሞንክዕሱሁ 23 ኩን ጉዕመንኩ ሂሉ ጠወ መነ ቀልቢች ፋላኖ፤ እሰን መነ ንጃሰሰኖሃን» ዩኡ። 24 ኢሰ ህከንቤቺች ኬዕይ ህከ ጢሮስ ባዱ ኦሮዕዮ፤ ህከኔን መቱ ምኒ ኣግ ህከኔ ሄኡስ እዩሁ ሞጮጩኖበኣን ሀቸ፤ ጠወ እኮጎሬ ህከኔ ማጠሞተ አታሎበኣ። 25 ዶሮረኖ እያኑ አፋንሴ ጥዞ ጨልቲ ዮሴ መንቸት ኢሰ ዱዱቡ ሞጮጭቶ ወክት እሰበ እሚት ሎከሰ ኡቦኡ። 26 መንቸንት ሲሮ ባዱን ፊንቃዌ እዲች ከለቀንቶአተ ግርካዊቸት እቅ፤ እሴን ጨሌችሴ ዶሮረኖ ዱር ፋሾተ ኢሰ ኡጭቶሰ። 27 ጠወ እኮጎሬ ኢሰ ህተን መንቸተ «ኦሶ አቸተ ወሻተ ኣሱ ሀሰሰኖበኣ፤ ሄጭት ኦሱት አት ዱቡ ሀሰሰኖ» ዩሴ። 28 ህት መንቸት ፈንቀሽት «ቀርቺ ሁኩን ሀንቅሃን፤ ጠወ እኮጎሬ ወሽት ኦሱት እቶ ቁኒች ኡቦ ፋርፋሩ አታኦ» ይቶሰ። 29 ህካን እኮቢቺሃ ኢሰ «ካን ጠወኣንተክ ጨሌችክ ዶሮረኖ እያኑ ፋሎኡ፤ ቲሱ ምንክ መር» ዩሴ። 30 እሴን ምንሴ ፈንቀልት መርቶ ወክት ጨሌችሴ ዶሮረኖ እያኑ ፋላን መዕነ አሌን ኦሰኣን ደጎሴ። 31 ህትን ጢሮስ ባዲች ፋል ሰዶን አዲን «ቶኑ ከተመ» ዩኖ ባዲን ህግ ገሊሉ ባርበ እሚቸ። 32 ህከኔን መቱ መቱ ዶንቃለከ ዶንቀ እኮ መንቸ ኢሰበ ኤቦኡ፤ እሰን ኢሰ ህከን መንቸ አሌን አንገሰ አኦተ ኡጭቶሰ። 33 ኢሰ ህከ መንቸ መንቺ አደ እዕይ ሚጥህሰ እሱ መሰ ዙሩዕማሰ ህከን መንቺ መጫን ኣግሹ፤ ህትን ኢሰ አንጀሰ ቱይ ህከን መንቺ አረብተ አንገንከሰ ሀጣዌኡ። 34 ኢሰ ሰማ ሞሽ ኦሎሽ ቀልቤስ ሻቸ ህከ መንቸ «ኤፍታህ!» ዩሰ፤ ፍሳረንትሰ «ሂርተኦ» ዩሃን። 35 ህከ ወክትንከ መጨስ ፈንተኦኡ፤ ህትን አረብሰ ሂርተኦን ጠሊሽ ጠወዕዮ። 36 ኢሰን መቱ ህከ ጠወ እዩሃ ኩልታበኣን አዘዦሰ፤ እሁን ቤሉ ጠወኣበኣን ኩሎሰ ጌሰንከ ልግቤ መንሂ ኩልቶኡ። 37 እሰን አበ አጀብሲጭት «ጉዕመንከ ጠወ ጡመገ እዕዮ፤ ዶንቃት ሞጮጭታገለከ ዱዳኑት ጠወኣን አኦኖ» ይቶኡ።

8 ህከን ታቦን ልግቡ መቱ ጭምዬእ፤ ህከን መንሂ አታኢሁ ዮሰበኣ እቅ፤ ህካን እኮቢቺሃ ኢሰ አሳበሰ እሰበ ገኣ 2 «ኩመት ኡን ሚጡብ ሰሱ በር አገርቶኡ፤ ኣሳንከ አታኢሁ ዮሰበኣቢቺሃ ኣን አበ መርረሲጫንሰ። 3 ህት ጎራይቶንን ምንሰ መርታገ እዕዮንሰ ጎሬ ዎቃን አበ ሆጋኦ፤ ህትን እሳቸን መት-መቱስ ቂዕራሺቶ እሚቶአረን» ዩሰ። 4 ኣሳበሰ ፈንቀሽት «ህከረ ከን ኡሉ ኡድማን ኬንከ መንሂ አታኢሃ አይ ኣሶተ አታለኖ?» ይቶሰ። 5 ኢሰ አሳበሰ ፈንቀሽ «ሄንኩ ጣብቱ ዮህዕኔ?» ይጠዕሚሰ፤ እሰን ፈንቀሽት «ለመሉ ጣብቱ ዮኤ» ይቶሰ። 6 ህከ ወክት ኢሰ መቱ

ኡሉ አሌን አፋዕላኖገ አዘዦ፤ ለመለንከ ጣብተ ኣኦ መገኑ ገለትጭ ቢጥ መንሂ ሆንጠህሶተ አሳባተሰ ኣሴኦ፤ እሰን መንሂ ሆንጠህሶኡ። 7 ህትን ቀወት ቁርጩጫት ዮሰ እቅ፤ እሴንተ ኬሽ ኣኦ መገኑ ገለትጭ አሳበሰ መንሂ ሆንጠህሶተ ኣሴኦ። 8 መንኩኩ እት ዱባን ፈቆሃ አሳበሰ ለመለ መሶበ ዊመ ፋርፋሩ ኬሶኡ። 9 ህካን እቸ መነ ዎሊንሹ ሾሌ ኩሚሃ ጌሰ እቅ፤ እሰንተ ኢሰ ሀርሰሾሰ። 10 ህከ መነ ሀርሲሾች ኡተሮን ኢሰ አሳባንን ሚጡብ እክ ጀልባን ኣግ «ደልማኑተ» ዩኖ ባዱ ኦሮዕዮ። 11 ፈርሳውት ኢሰበ እሚት ሉሲሶተ «እሚቶ አጀብሲሰኖ ጠወ ለሊሰኔ» ይት ኦዱ ጀመርቶኡ። 12 ህከ ወክት ኢሰ ቀልቤስ ሻቸ «ከን ዘማን መቱ አጀብሲሰኖ ጠወ ሚሃ ሀሰኖት? ሀንቅንከ ያንክዕኔ፤ ከን ክልቀቲሃ አጀብሲሰኖ ጠወ ኣሰመኖሰበኣ» ዩሰ። 13 እሰንተ አጉር ጀልባን ኣግ ዉድ አደ ቶሎ። 14 ኣሳበት እህሰሰ ጌሰ ጣብተ አፋዕናን ሀብ መቱ ጣብታ አፍ ጀልባ ኣዘን ሄኦ እቅ። 15 ኢሰን እሰንተ «ፈርሳዌለክ ሄሮድሴ ራጭቲች ጠረጎቲን አገዕርዬ» ይ አዘዦሰ። 16 ህከ ወክት ገገዉንኩሰን «ህት ዩሰ እቲኖሃ አንፋዕናን እሚንቶምቤቺሃን» ይት ገገዉንኩሰን ጠወኦኡ። 17 ኢሰን ሰውትሰ ደግ «እቲኖህ ዮኔበኣቤቺሃን» ይቲን ሚሃት ሰውይቲንታት? ቲሶ ኢሉ መቱርቺሃ ደጌነንተበዕንዶ? ህከረንገ ኣገኖህዕኔበዕንዶ? ህትን ቀልብክዕኔ ቲሶ ኢሉ ዱጀዕትንዶ? 18 አልት ሄኦህዕኔንገ ለኤንንተበእንዶ? ህትን መጨት ዮህዕኔንገ ሞጮጭቲንተበእንዶ? ህት ሆሮን ሰውይቲንተበእንዶ? 19 ኣን ኦንቶ ኩሚ መንሂ ኦንቲ ጣብተ ቢጭ ኣሰን ፈቆ ፋርፋሩ ሄንከ መሶበ ኬሴን?» ዩሰ፤ እሰን «ቶን ለሞ መሶበ ዊመ» ይት ፈንቀሽቶኡ። 20 ህትን ኢሰ «ለመለ ጣብተ ሾሌ ኩሚ መንሂ ቢጭ ኣሴምሀኒች ፈቆ ፋርፋሩ ሄንከ መሶበ ኬሴን?» ዩሰ፤ እሰን «ለመለ መሶበ ዊመ» ይቶኡ። 21 ህካን እኮቢቺሃ ኢሰ ፈንቀሽ እሰንተ «ቲሁ አጥራመቲንተበእንዶ?» ይጠዕሚሰ። 22 ኢሰ ኣሳበት «ቤተ ሰይዳ» ዩኖቢቺ ኢልቶ ወክት መቱ መቱ ቆቀ መንቹ ኢሰበ ኤብ አንገሰ አሌስ አኦተ ኡጭቶሰ። 23 እሰን ህከ ቆቀ መንቹ አንገሰ አፍ አዎንሰ ቀሌች ኡብል ፋሼሴ፤ ኢሰን ህከን መንቹ አሌን አንጀ ቱይ አልሰ አንጋን ሀጣዉ «ለአንትርቺ ዮዕንዶ» ይጠዕሚሰ። 24 ሁኩ ቆቀንኩ ጌጥ ይ «ኤ! መነ ለኣሚት፤ ጠወ እኮጎሬ ሃመኖ ሀቀ አጉደኖኤት» ዩኡ። 25 ለንኪሃ ኢሰ ህከን መንቹ አሌን አንገሰ እዕዮ፤ ህከ ወክት መንቹስ አጥራመቹ ለዕዮ፤ ህትን ፈይ ጉዕመርቺንከ አጥራመቹ ለኡ ጀመር። 26 ህከኒች ኡተሮን ህከ መንቹ ኢሰ «ከ ቀለተ ኣጎት እዩሃ ከ ጠወ ጠወኡት» ዩሰ። 27 ኢሰለከ ኣሳበሰ «ፍልጶስ ቂሳረ» ዩኖ ባዱን ዮ ቀለተ መርታኢት እቅ፤ ዎቂ አሌን ሄኦንን ኢሰ ኣሳበሰ «መቱ ኤሳሃ እዩት ዮኖኤሁ?» ይጠዕሚሰ። 28 ኣሳበሰ ፈንቀሽት «መት-መቱ መቱ ጠመቃንቸ ያህዩት፤ ዮኖሄት፤ ዎሉሰንገ ሳብዬቹወ አልያሴት፤ ዮኖሄት፤ ህትን ዎሉ መቱ ሳብያኖች መቱሃሰ፤ ዮኖሄት» ይቶሰ። 29 ኢሰ ፈንቀሽ «እዕኑ ኤሳሃ እዩት ይቲንታት?» ይጠዕሚሰ፤ ጴጥሮስን «አት መሲሂት» ዩሰ። 30 ህከ ወክት ኢሰ እሰንተ «እዕኑ ኢተኔሃ እዩሃ ጠወኦኖቼ» ይጠረጎሽ አዘዦሰ። 31 ኢሰ ኣሳባተሰ «መንቹ ቤቱ ልግብ ኦርሾተ ቶጉ ሀሰሰኖሰ፤ ህትን ባድ ባልቀት፤ ቂሳክ እዎንሳትለክ ሕግ አሰተማረት ቶጉ ግብ ሽታሰ፤ ጠወ እኮጎሬ እሰ

ሰቅ በሬን ሬሆች ኬአና» የነ ተማርሱ ጀመረ። 32 ኢስ ህክ ጠወ አገናሰገ ኩሎሰ፤ ህክ ወክት ጴጥሮስ ኢስ መድ ዋሽ ኡሙዕራሰ። 33 ጠወ እኩጎሬ ኢስ ኤተሩ ፈንቀል አሳበሰ ለእነ ጴጥሮሴ «አት ሸይጣንቹ እች ካጻ ቄዕር፤ አት መን ሰዉት ቤሉ መገን ሰዉት ደጋገንተበእ» ይ ሻቆሰ። 34 ህከኒች ኤተሮን ኢስ ልግብ መነ አሳባንተሰን ሜጡብ እሰበ ገእ «ኤሳሃ አዎናተ ኢተሮህ ዮ ጎሬ ገይሰተኔሃ ሰወዩ አጉር መስቀለሰ እጅ አዎኑዕ።» 35 ነብሳሰ ጡምሶተ ሀሰሮህ ጉዕሙንኩ ነብሳሰ ቤሰና፤ ኢተኔሃለክ ተሸት ላገተኔሃ ነብሳሰ ህግሽ አሰሮህ ነብሳሰ ጡምሰና። 36 እዪሁ አዲንያ አሌን ዮኢሃ ጉዕመንክ ደእ ነብሳሰ ቤሾ ጎሬ መ ደግለለናሰ? 37 ህትን መንቹ ነብሴስ ወጥ መ ባቶተ አታለና። 38 ከን ጨበኛናንለክ ለገአና ክልቀት ብሬን ኢንለክ ኢ ላጋን ሙሊኖ መንች ቤቱ አንሰ ኬዕምኚን ጠለሊኖ መላይካን ሜጡብ አሜተኖ ወክት እሲን ሙሊኖ» ይሰ።

9 ህከኒች ኤተሮን ኢስ «ሀንቅንከ ያንክዕ፤ ቲሱ ከኔ ኡርቶ መን በለች መት-መቱሰ መገን ምምነቱ ሎረ ወልቃን ገሽኖ ወክት ለኦተ ኢላ ሬታበእሩ ዮኡ» ይሰ። 2 ለሆ በሬች ኤተሮን ኢስ ጴጥሮሴ፤ ያቀበለክ ያህይ ሰሰንከሰ ኣእ ሎረ ቆተ አል ፋሎ፤ ህከኒን ኢስ ደኑ ብሬሰን ደረሞ። 3 ኢስ እድኑት አዲንያ አሌን እዪሁ ሜጭ ዋቅ አዕይ ዋጂ እአናበእ ጌሰ ዋቅይት በለቆኡ። 4 ህከ ወክት እልያሰለክ ሙሰ አሜት ኢሲን ሜጡብ ጠወእን ሰሰንኩ አሳበት ለኦሰ። 5 ጴጥሮስ ኢስ «አስተማርኸ! ከኔ ሄኡ ኔሳሃ አበ ጡመሃን፤ ህካን እኮቤቺሃ መቱ ኬሳሃ፤ መቱ ሙሲሃለክ መቱንገ እልያሴሃ ዳሰ እጃርና» ይሰ። 6 ህከ ወክት ሰሰንኩ አሳበት አበ ዋጅቶቤቺሃ ጴጥሮስ ጠወእኖሃ ደገናበእ እቅ። 7 ጎመንት አሜት ቴልታን ጎማች ኣዚን «ኢጋም ቤቱኤ ከኒት፤ እሱንክ ሞጮጭዬ» ይታ ላገተ ሞጮጩንቶኡ። 8 ወክትንከሰ ሰሰንኩ አሳበት አደሰ ዘህት ለኣ ወክት አሳን ሜጡብ ኢስ ቤሉ እዪሁ ዮበእ እቅ። 9 ቆተ አሊች ድርተን ኢስ «መንች ቤቱ ሬሆች ኬኦተ ኢላ ከ ለኢንተ ጠወ እዪሃ ጠወእኖኤ» ይ አዘኩሰ። 10 እሰን ይሰ ጠወ ቀልቤሰ እፍ «ኩ ሬሆች ኬኡ» ዩ መ ዩሀን» ይት ጠዕምቶኡ። 11 እሰን ኢስ «ሕግ አስተማረት ሃጭ አሜቱ ሀሰሰናሲሁ እልያሴት» ይታኢሁ ሚሃት?» ይት ጠዕምቶሰ። 12 እሰን «ሁኩን ሀንቅሃን፤ እልያሰ ሃጭ አሜች ጉዕመርቹንክ መክሰና፤ ጠወ እኩጎሬ መንች ቤቱ አበ ኦርሸተ ቶገናገለክ ህንቀመኖሃ እሁሰ ጠለሊ መጻፋን ከተበሞሁ ሁትጎታን? 13 ጠወ እኩጎሬ እን ያንክዕ፤ እልያሰ ሃጭ አሜችኡ፤ አስተኔንከ ጠለሊ መጻፋን ከተበሞገን መኑ ሀሰገ አቶሰ» ይሰ። 14 ኢስለክ እሲን ሜጡብ ሄኡ ሰሰንኩ አሳበሰ ፈንቀልት አሜቶ ወክት ልግቡ መኑ ፈቆ አሳባን ጭምይሃን ህከኒን መት-መቱ ሕግ አስተማረት ኢስ አሳባን ኦዲኢት እቅ። 15 መኑ ጉዕመንኩ ኢስ ለኦ ወክት አበ አጀብሰጭቶኡ፤ ህትን እሰበ ደጉድ መርት ዝያርቶሰ። 16 እሲን አሳበሰ «መ ጠዋኒት ኦዲንታሁ?» ይ ጠዕሜሰ። 17 ህከን ልግብያ ኡመቲች መቱ መንቹ «አስተማርኸ! ዱሩ እፍ ጠወኡ ከሞ ጨልኤ ኪቤቹ ኤባም። 18 ሁኩ ዱሩ ኬዕዮሰ ወክት ኦጅናሰ፤ ህትን እሬን ህንብ ኩፍ አእን እንኩተ እጥሲሰና፤ አልሰ ክቺች አዕይ ሞሽሰና፤

ህካን እኮቤቺሃ ህከ ድሮረኖ እያን ፋሽቶተ አሳበክ ጠዕምኖም እቅ፤ ጠወ እኩጎሬ እሰ ፋሽቶተ አታልቶበእ» ይሰ። 19 ኢስ እሰንተ «አዕኑ አመዕነቱ ዮህዕኔበእ መኑ፤ ሄንከ በር ኢላ ክዕኒን ሜጡብ ሄኣም? ህከ በር ኢላ አታላንክዕ፤ ህንዴ ጨል ኢበ ኤቤ» ይሰ። 20 እሰን ጨል አሰበ ኤቦኡ፤ ሁኩ ድሮረኖ ዱሩ ኢስ ለዕዮ ወክት ጨል ኡለ አሌን ኡጅ ከጣቀንሴሰ፤ ጨልኣንኩ ኡለ አሌን ኮሎንኮዕላን አሮንከሰ ሁንብ ኩፍ አኡ ጀመረ። 21 እሲን ህከን ጨል አነ «ኩ ጥዘንት አሮሲች ሄንከ ዘማን እኩሰ?» ይ ጠዕሜሰ፤ እሰን ፈንቀሽ «ኦስማችሰ ኬሺት። 22 ኩ ድሮረኖ ዱሩ ሾተ ሀሽ ልግብ ወክት ገራንለክ ዋን ኦጅናሰ፤ ጠወ እኩጎሬ መቱርቹ አኡ አታልታንት ጎር መረርሲጭኔ! ሀዕልኔሁ» ይሰ። 23 ኢሰን «ሀት አታልታንት ጎሬ ይታንቴኡት? አመዕነህሁን ጉዕመርቹንኩ አታለመናሰ» ይሰ። 24 ህከ ወክት ጨል አኑ ኢስ «አመዕኑ አመዕናም፤ ጠወ እኩጎሬ አመዕኑ ሆጋም ጠዋሃ ጉዕሚንከሰ ቲሁ አት ሀዕሌኤ!» የን ያሮ። 25 እሰን መኑ ደጉድን አሜተኖገ ለዕዮ ወክት ህከ ድሮረኖ ዱሩ «አት ዱዱለክ ደንቁ ዱሩ ከን ጨለች ፋልት ለንኪ እሰበ ፈንቀልት አሜታንትበእን አዘኩንኬ» ይ ሻቆሰ። 26 ሁኩ ድሮረኖ ዱሩ ሎረ ላጋን ያር ጨል መቱ ጌሰ ኦጅ ከጣቀንሴሰች ኤተሮን ፋሎ፤ ህከ ወክት ጨልሰ ደሜቤቺሃ መኑ «ሬዮ» ይ ሰወዬለ። 27 ጠወ እኩጎሬ ኢስ ጨል አንገተ እፍ ኬሻንሰ ኬዕይ ኡሬኡ። 28 ኢስ ሞኒ ኣጎ ወክት አሳበሰ «ጎኡ ከ ድሮረኖ ዱሩ ፋሽኖተ አታልናምበእሁ ሚሃት?» ይት ሜጡሰ ጠዕምቶኡ። 29 ኢሰን እሰንተ «ህትናሙርቹ ዱኢንለክ ሶመኒን እህባች ዋሎርቹን ሆሮን ፋሎተ አታለናበእ» ይ ፈንቀሼሰ። 30 ኢስለክ አሳበሰ ህከ ቤቹ ጌኣኦት ገሊላ ዱዲን ህንኡ፤ ኢስ ዮቤቹንከ እዪሁ ደጎተ ሀሾበ እቅ፤ 31 ሁኩን እኮሁ ኢስ አሳበሰ «መንች ቤቱ መን አንጋን ሀግሰን ኣሴናሰ፤ እሰን ሽታሰ፤ ጠወ እኩጎሬ ሬሆች ሰቅ በር ኬአና» የን ተማርሴሰ። 32 አሳበሰ ኩ ጠወ ኣሳሰበኤ፤ ጠወ እኩጎሬ ጠዕምቶሰተ ዋጅቶኡ። 33 ኢስለክ አሳበሰ ቅፍርናሆም ከተመ አሜቶኡ፤ ኢስ ሞኒ ኣጎች ኤተሮን አሳበሰ «ዋቃን ሄኢንተ ወክት ኦዲንገተ ጠወ መርቹሃን?» ይ ጠዕሜሰ። 34 ጠወ እኩጎሬ እሰ ዋቃን «ጉዕሚችኔ በተአኖሁ አይት?» የቀንቶቤቺሃ መሰለ ኣቶሰበኤ። 35 እሰን እፋዕሌኢች ኤተሮን ቶን ለሙንከ አሳበሰ እሰበ ገእ «ዋኔሃ እሆተ ሀሰሮህ ጉዕመንኩ ጉዕሚንከ ካድመለክ ጉዕሚችን ቀዉ እሁ ሀሰሰናሰ» ይሰ። 36 መቱ ቀዉ ጨል ኤብ በላንከሰ ኡርሾ፤ ህከ ጨልንከ ሀንቀፍ 37 «ከን ጨልገ ዮኢሃ ሱዕሚንከኤ ቶገሮህ ኤሳሃ ቶገሮኤ፤ ኤሳሃ ቶገሮህ ጉዕመንኩ ጠለዕል ኤሳሃ ቶጉ እሁዕነ ኤሳሃ ሶኮንከ ሜጡብ ቶገሮ» ይሰ። 38 ጠወ እኩጎሬ ያህይን ኢሲሃ ፈንቀሽ «አስተማርኸ መቱ መንቹ ሱዕሚንከክ ሩሃንዮ ፋሽን ለዕን ኒን ሚጡብ እክ አዎንበኔቢቺሃ ከሞንሰ» ይሰ። 39 ጠወ እኩጎሬ ኢስ «ሱዕሚንከኤ እጅብሲሰና ጠወ እኡን ወክትንከሰ ኢ አሌን ሃላርቹ ጠወእኖህ ዮበእበቺሃ አጉሬ፤ ከንቶኖቹሰ። 40 መሰንትሰ ኒን ሀንበዕለሞሞ ጉዕመንኩ ኒንት። 41 ሀንቅንከ ያንክዕ፤ መሲህሃ እከንተቤቺሃ ሱዕሚንከኤ መቶ ቡርጨቆ ዋሃ ኣጎተ ኣሰሮህ እዪሁ ወጥሰ ደአና» ይሰ። 42 ኢስ «ኢን አመዕንቶ ከን ማዕናናች መቱሰ ሉሲሰና መንቹ ሎረ ሪትም ክኑ ጎባንከሰ ኡሱሬን

ባራን ቶረሙስ ቆሆና። 43 ህዝብ እኮቤቸሃ እንገዝ ሉሲሳሄትጎሬ ሙርት ኡጅ፤ መሰንትስ ለምት አንገት ሄአንኬ አዛቤን ዘላለሚሃ ጠዕትበ ገራን አገች እንገዝ ሙርተኣን ነብሲን ሄአን ሄኡ ደኡ ቆሆና። (Geenna g1067) 44 ህዝብ ቤቾን አሰተ እታ ዘቡዕሉት ሬታበኢ፤ ህትን ገረሲ ሆሮ ጠእታበኢ። 45 ህትን ሎከክ ሉሲሳሄትጎሬ ሙርት ኡጅ፤ ለም ሎከት ሄአንኬ አዛቤን ዘላለሚሃ ጠዕትበ ገራን ቶሬናሄሀኒች ድኑ እክ ነብሲን ሄኡ ደኡ ቆሆናሄ።

(Geenna g1067) 46 ህዝብ ቤቾን አሰተ እታ ዘቡዕሉት ሬታበኢ፤ ህትን ገረሲ ሆሮ ጠእታበኢ። 47 ህትን እልክ ሉሲሳሄትጎሬ ፋሽት ኡጅ፤ መሰንትስ ለም እልት ሄአንኬ ዘላለሚሃ ጠእትቡ ገራን ቶሬናሄሀኒች መት አላሙ እክ መገን ዎምነቲን ሄኡ ቆሆናሄ። (Geenna g1067) 48 ህዝብ አዛቤን አሰተ እታ ዘቡዕሉት ሆሮን ሬታበኢ፤ ህትን ገረንት ሆሮን ጠእታበኢ። 49 «ክትሙ መጥኒን ነጠ አሆኖ ሀንገን 50 መጥንት ጡመተ፤ እሁን ቤሉ መጥንት እሁሴ ጤአባች ህት አቲን ጤአገ አቲነን? ክዕኔንከ መጥኒ ጤዕንሹ ሄኡንክዕኔ፤ ገገወንኩክዕኔ እተቀንቲን መገሬቲን ሄዕዬ» ይሉ።

10 ኢስ ህከንቤቺች ኬዕይ ይሁድ ባዱ ህግ ዮርዳኖስ ዛዛኖ ዊች ገርብ አዲን ቶል ኦሮዕዮ፤ ልግቡ ሙኮ ለንኪሃ እሰበ ጭምይታን ወዕና ሮሻን ተማርሰኖሳት እቅ። 2 ፈርሳዊች መት-መቱሰ ኢስ ሉሲሰተ ሀስ አሜት «መቱ መንቹ ጫስ ገፈርተ ሕግን ፈቀደመኖሰንደ?» ይት ጠዕምቶሰ። 3 ኢስን ፈንቀሽ «ሙስ ከን ጠዋሃ መ አዘዮህዕኔ?» ይሉ። 4 እስን «ሙስ «ሉኔንከ ንከሴ ሂር ሸሩን» ይ አዘዮኩ» ይቶሉ። 5 እኮጎሬ ኢስ እሳሃ ፈንቀሽ «ሙስዕኑ ከ ትዛዝ ከተቦተ አታሎህ ቀልቡክዕኔ ዱጃን ሞጮጭቲነተበእቤቺሃት ይሉ። 6 ጠዉ እኮጎሬ መገኑ ወዕና ክልቀት ከለቆ ወክት ለባለከ ሜአተ አዕይ ከለቆ። 7 ህዝብ እኮቤቸሃ መት እነሰለክ አመስ አጉረኖ ምንስ አማን ሜጡ እሆና። 8 ህትን ለመንኩስ ሜጡ ጅሰመ አካኣ፤ ሀከኒች ኤተሮን እስ ሜጡ ጅሰመ አካ ቤሉ ለሙ ጅሰመ አካበኢ። 9 ህዝብ እኮቤቸሃ መገኑ ሜጡ እዕዮሃ መት መለኣንከስ» ይሉ። 10 እስን ምኒ ፈንቀልት አሜቶ ወክት አሳበሰ ህዝብ ጠውተኒሃ ፈንቀልት ኢስ ጠዕምቶሰ። 11 እስን «ጫስ ገፈር ዋሉ ሜንቱ አኣኖሁ ጉዕሙንኩ እሴ አሌን ዝነተ እዕዮኡ። 12 ህትን ምንሴ መንቺች 4ልት ዋሉ ጎነ አግሶ ጎሬ እሴሁ ዝነተ አቶኡ ዩሃን» ይሉ። 13 መት-መቱ መት እለሰ እሌን አንገተ አዕይ ማስኦስተ ኢስበ ኤቦኡ፤ ጠዉ እኮጎሬ አሳበሰ ህዝ አሱተ ኤቦ መነ ሻቆኡ። 14 ኢስን ህዝብ ለዕዮ ወክት አሳበሰ ኡሙዕር «መገን ዎምነቱ ከኩኦገ ዮሀኑኦተ እኮቤቸሃ ኦሱት ኢበ አሜቲን ከንቶኖቼ» ይሉ። 15 ኢስ «ሀንቅንከ ያንክኔ፤ መገን ዎምነቱ ኦሶገ እክ ቶግባሁ መገን ዎምነቱ አጎተ ሆሮ አታለኖበኡ» ይሉ። 16 ሀከኒች ኤተሮን ኦሱተ ሀንቀፍ እንገሰ እሌስ አዕይ ማስዕዮሰ። 17 ኢስ ህዝብ አዲች 4ል ሃመን ሄዕዮገን መቱ መንቹ እሰበ ደጉድን አሜች ብሬስ ጉሉጽ «መረርሲጫታንት አስተማርቺ! ጉዕሙ ዘማን ሄኡ ደኑተ መ እኡ ሀሰሰኖኤ?» ይ ጠዕሜሰ። (aiōnios g166) 18 ኢስን ፈንቀሽ «ሚሃት መረርሲጫንቺ ይታንቲኤሁ? ሜጠ መገን ቤሉ መረርሲጫንቺ እዩሁ ዮበኢ። 19 ትዛዝ ደጋንት፤ ትዛዘንኩ ሽቶት፤ ዝነተ አቶት፤ ሞግቶት፤ ጩብ መስከርቶት፤ ጣንስቶት፤ አነክለክ አመክ

ከበጅ» ዮኖሃን» ይሉ። 20 ሁኩ መንቹንኩ ፈንቀሽ «አስተማርቺ! እን ከ ትዛዝ ጉዕመንከ ኦስማችኤ ኬሽ አገርም» ይሉ። 21 ኢስን ህዝ መንቹ ለዕይ እሱንከ ኢቲስ፤ «መቱ ጠዉ ጠለዕሉ ፈቆሄ፤ እስን መርት ዮሄ ዱንያክ ጉዕመንከ ሀርት ብረሰ ቡጥቻኖተ አስ፤ አት ሰማን ጭምይቶ ዱንያተ ደእታንት፤ ሀከኒች ኤተሮን አሜት ኤሳሃ አዎንት እች ተማር» ይሉ። 22 መንቹንኩ ከ ጠወ ሞጮጭ ወክት ልግቡ ዱንያት ዮስቤቲሃ ሚንተ በዕይ ሻዘን ኦሮዕዮ። 23 ህዝ ወክት ኢስ አሳበሰ ዘህ ለዕይ «ቀባጣሙ መት መገን ዎምነቱ ኣት ሀትኔታ ኦርሸ» ይሉ። 24 አሳበሰ ለጋንተስ አጀብሲጭቶኡ። ኢስን ፈንቀሽ «ኢ ኦሶ መገን ዎምነቱ ኣት ሀት ኦርሰኖሃን? 25 ቀባጣሙ መገን ዎምነቱ ኣገኖ ዪች ጋሜሉ መርፌ ጠለዕሳን ህገኖ ዩ ቆሆና» ይሉ። 26 ህዝብ ጠዋን አሳበሰ እበ አጀብሲጭት ገገወንኩስን «ከን ሃሌን አይ ጡሞተ አታለኖ?» ዮቀንቶኡ። 27 ኢስን እስ አይ ለዕይ «መኒሃ አታለምቡ መገኒሃ አታለመኖ፤ መሰንትስ መገኒሃ ጉዕሙርቼንኩ አታለመኖሰ» ይሉ። 28 ጴጥሮሰን «ነኡ ጉዕመርቼንከ አጉርን አዎኖንኬ» ይሉ። 29 ኢስን «ሀንቅንከ ያንክዕኔ፤ ኢተኔሃለክ እንጂፈተኔሃ ምንሰለክ አመስ ኦሱተ፤ ላባትተለክ ሜኣኑተ፤ አመስለክ አነስ፤ አለሰለክ ኡለስ አጉረኖሁ በትሽ እበ ደኣኖ። 30 ከን ዘማኔን ሆሮ ምንሰለክ አመስ ኦሱታ፤ አማኑስለክ አለሰ፤ ኡለስ አመዕነትተኔሃ ያዮም ኦርጨቀሞጎሬ ጥቤ ለሙ አፎ ደኣኖ፤ ህትን አሜተኖ ኣኪሩ ዘማኔን ጉዕማን ጎፍብ ሄኡ ደኣኖ። (aiōn g165, aiōnios g166) 31 ጠዉ እኮጎሬ ልግቡ ብሬሩ ኤተርረ ህትን ልግቡ ኤተርረ ብሬረ አካኢ» ይሉ። 32 እስለክ አሳበሰ ዩሩሳሌመ መሰና ዎቃን ሜጡበ ሄአንከ ኢስ እስ ብሬን ሃመኖ እቅ፤ አሳበሰ አጀብሲጭቶኡ፤ ህትን ኤተርሰ አዲን አዎንተን ሄኡ መት ዋጅቶ እቅ፤ ኢስ ቶነ ለመንኩ አሳበሰ ለንኪሃ እሰበ ሆንጠህሽ ኢልታሰ ኦርሸተ ኩሎሰ። 33 ኢስን እስንተ «ሁኩዕኑን! ቲሱ ዩሩሳሌመ መርናሚት፤ ህከንቤቸንን መንቹ ቤቱ ቂስ አዎንሳኖተለክ ሕግ አስተማረተ ህግሴን ኣሴኖሰ፤ እስን ሬሆ ፍርድ ፈረድ አይሁድ እህበ መኒሃ ህግስ ኣታኡ። 34 እስን ቀለዳሰ፤ እንጀ ቱ ይታሰ፤ ኦልታሰ፤ ሽታሰ፤ ጠዉ እኮጎሬ እስ ሰቅ በር ሬሆች ኬኣኖ» ይሉ። 35 ዜብዳምሴ ኦሱት ያቁብለክ ያህይ ኢስበ ሆንጠክ «አስተማርቺ! ኡጭናንኬ ጉዕመርቼንከ ኣቶኔተ ሀንሳም» ይቶሉ። 36 ኢስን «መ እኦህዕኔተ ኢትቲነን?» ይሉ። 37 እስን «ኬዕምኝክ ዎምነቲን መቱኔ መኬ አዲን መቱኔ ጉረ አዲን አፋዕልኖግ እእኔ» ይቶሉ። 38 ጠዉ እኮጎሬ ኢስ እስንተ «ኡጭቲነንታሃ ደንክነተበኢ፤ እን ቶጋም ኦርሸ ጠበትተ ቶጎኖተ አታልቲንንደ? ህትን እን ጠመቀማም ጥምቀት ጠመቀሙ አታልቲንንደ?» ይሉ። 39 እስን ፈንቀሽት «ኤ አታልኖም» ይቶሉ፤ ህትን ኢስ ፈንቀሽ «እን ቶጋም ኦርሸ ጠበቲሃ ላዕኑ ቶጎኖተ አታልቲነንት፤ ህትን እን ጠመቀማም ጥምቀት ጠመቀንቲነንተ። 40 እኮጎሬ ኢ መኬ አዲንለክ ጉረ አዲን አፋዕሌኖግ አኣሚሁ አኔበኢ፤ ጠዉ እኮጎሬ ሁኩ ቤቼ መገኑ ቅጥ እዕዮሰህቲኡሃ ኣስመኖሃን» ይሉ። 41 ፈቆ ቶኑንኩ አሳበት ህዝብ ሞጮጭ ወክት ያቁብለክ ያህይ ኡሙዕርቶኡ። 42 ህዝ ወክት ኢስ እስንተ እሰበ ገእ «አይሁድ እህበ ኡመቲሃ ዬን ገኤናሰገለክ አዎንሳኑስን

እስ አሌን ሹምነቱ ዮሳሃ እሁስ ደገነንተ። 43 ጠዉ እኮጎሬ ክዕኔቤቸን ህት እሁ ሀሰሰናበእ፤ እደሁ ክዕኔ በላን ሎረ እሆተ ኢተናሁ ሄዕዮ ጎሬ ክዕኔንከ ካዲንቸ እሁ ሀሰሰናሰ። 44 ህትን ክዕኔ በላን ዋኔሃ እሆተ ሀሰናሁ ጉዕሚንከክዕኔ ርስቸ እሁን። 45 ህትን መንች ቤቱ ካደሞተለክ ነብሳስ ልግብያ መኒሃ ዋኸ ኣሶተ እሚቸ ቤሉ እስ ካደሞናሰተ እሚቸበእ» ይሰ። 46 ሀከኒች ኤተሮን እሰን እያርኮ ከተመ እሚቸኡ፤ እስ ኣሳበስ ልግብያ መኒን ሚጡበ እያርኮ ከተሚች ፋላንን ጤምሴ ቤቱ «በርጤምሴ» ይኖ ቆቁ ዋቂ መዲን ኣፋዕል ኡጨናት እቅ። 47 ህከን ኣዲን ህገናሁ ነዝሬት እስ እሁስ ሞጮጮ ወክት «ደዉዴ ቤቶ እስ! ሀዕይ መረርሲጨኤ» የን ያሩ ጀመር። 48 እስ ኣዋንተን ሄኦ ሙኑ «ጨለይ» ይት ኡሙዕርቶሰ፤ ጠዉ እኮጎሬ እስ «ደዉዴ ቤቶ ሀዕይ መረርሲጨኤ» የን ወዕኔች በትሽ ያሮ። 49 ኢሰን ኡር «ገእዬሰ» ይኣ፤ እሰን ህከ ቆቁ መንቸ «ቴ ጠረጎ ኬእ፤ እስ ገእናሄት» ይት ገእቶሰ። 50 እሰን ኦደዕዮ ኦድኑስ ኡጅ ኡር ኮርጀን ኬዕይ ኢሰበ እሚቸ። 51 እሰን «መ እኦሄተ ሀሰን?» ይ ጠዕሚሰ። ሁኩ ቆቁንኩ መንቸ «እስተማርቸ! ሀዕይ እልኤ ለኣን ኣኤኤ» ይሰ። 52 እሰን «ቴ ኦሮእ፤ ኣመዕነቱክ ፈይሾሄ» ይሰ፤ ወክትንከስ እልሰ ፈንተኣን ለዕይ እስ ኣዋጅ።

11 ኢስላክ ኣሳበስ ዩሩሳሌመ ሆንጠኮ ወክት ቤተ ፋጌለክ ቢታን ከተም ኣዲን ዘይት ሀቁ ነጻኖ ቆተበ ኢልቶኡ፤ ህከንቤቸች እስ ኣሳባች ለሙስ 2 «ብሬ ኣዲን ዮ ቀዕየተ መሬ፤ ህከ ቤቹ እልጅንተ ወክት እደሁ ሆሮን ቆጶበእ ወተረ ኡሰረሞሃ ደገነንተ፤ እሰንከ ሂርቲን ኤቤኤ። 3 እይደጎ እደሁ «ካን ሚሃ ኣቴንገታት?» ይሀዕኔጎሬ «ቀርቼ ሆሽቤቸሃት፤ እሰን ደዕል ፈንቀሽ ሶህናሀዕይ» ይዬ። ደ ሶኮሰ። 4 እሰን መርት ዋተሩስ ዋቂ መዲን ኡር ቀፈቲን ኣሰረሞሃ ደግ ሀርቶኡ። 5 ህከ ወክት ህከኔ ኡሬ መኒች መት-መቱስ «ከ ዋተረ ሂርቲንገታሁ ሚሃት?» ይት ጠዕምቶሰ። 6 እሰን ኢስ ኣሳሃ ይገን ይት ኩልቶኡ፤ ሁኩ መንኮን «መስዬ» ይቶኡ። 7 ኣሳበስ ዋተረ ኢሰበ ኡብ ኦድኑስ ዋተር ጉጅ ኣሌን ኣታን ኢስ ቆጶ። 8 ልግቡ ሙኑ ኦድኑስ ዋቃን ዌሳኢት እቅ፤ ዋሉስንገ ቆጠራ ሀቀ ሀበረ ተንቀሰን ዌሳኢት እቅ። 9 ብሬ ኣዲን ሃንተን ሄኦኦረለክ ኤተር ኣዲን ኣዋንተን ሄኦ ጉዕሙንኩ «መገኒሃ ኬዕምች እሁን! ቀርች ሱዕሚን ኣሚተናሁ ማስእሞሃን። 10 ኣሚተና ኣንኔ ደዉዴ ዋምነቱ ማስእሞሃን፤ መገኒሃ ኬዕምች ኣሌ ሰማን እሁን» ይተን ሎረ ላጋን ገለትጭታኢት እቅ። 11 ኢስ ዩሩሳሌመ ኢሌ ወክት ዱኣ ኣኤኖ ሞኒ ኣጎ፤ እሰን ህከኔ ዮ ጉዕሙርቸንከ ለዕዮ፤ ጠዉ እኮጎሬ ኡሶት ሀዋርቶቤቸሃ ቶን ለሞንከ ኣሳባን ቢታን ከተመ ኦርዕዮ። 12 ለንክ በር ቢታን ከተሚች ኣሚተንን ኢስ ጎሩ ኣፎሰ። 13 እሰን ሀበረ ለቶ ኦድ ሀቁቸተ ቄዕራሻን ለዕይ «እይደጎ ላልቹ ዮሴ ጎሬ» ይ ኣሌበ ኦርዕዮ፤ ጠዉ እኮጎሬ ህከ ኦድ ሀቁቸበ ሆንጠኮ ወክት ኦዱ ላላኖ ወክቱ ኢልኖበእቤቸሃ ሀበር ቤሉ ላልቹ ዮሴበ እቅ። 14 ህከን ኣኮቤቸሃ እስ ኦድ ሀቁቸተ «እደሁ ከኒች ኤተሮን ከኒች ላልቹ እቸንከ» ይሴ። ህከን ጠወእንን ኣሳበንት ሞጮጮቶኡ። (aion g165) 15 እሰን ዩሩሳሌመ ኢልቶ ወክት እስ ዱኣ ኣኤኖ ሞኒ ኣግ ሞንከ ኣዘን ሀርታኣረለክ ሀዕርታኣረ ፋሽኤ፤ ብረ ዶርተ መን ጠረጴዘተለክ ሀንደዕርተ ሀርታ መን ቦርፍመተ ገለበጮ። 16 እስ

እደሁ ዱኣ ኣኤኖ ሞኒ ግቤ ኣዘን መቲርቸሃ ኣጅ ህገናበእን ኣዘኩ። 17 ህትን ኢስ ኣሳሃ «ሞኑኤ ኡመቱ ጉዕሙንኩ መገኑ ኡጨኑወ ሞኒ» የመም ጠሊሊ መጻፋን ከተበሞበእንደ? እኮጎሬ ኣዕኑ ሽፍጥ ቆጠ ኣቴንገታኦ» ይ ተማርሴሰ። 18 ቂስ ሀለቀትለክ ሕግ ኣስተማረት ህከን የን ሞጮጮቶ ወክት እሱ ሽታ ዋቃሃ ሀሶኡ፤ እኮጎሬ እስ ተማርሰን መኑ ጉዕሙንኩ ትምርቲንከስ ኣጅብሲጨቤቸሃ ዋጅቶኡ። 19 ኢስላክ ኣሳበስ ኡሶት ሀዋርቶ ወክት ከተሚች ኣብል ፋልቶኡ። 20 እሰን ለንክ በር ሱጽተ ዋቂን ህገን ኦድ ሀቁቸት ጠጸሴ ኢሊ ሞልቶኢሃ ለኦኡ። 21 ጴጥሮሰን ጠወስ ሰውይ እስ «እስተማርቸ ከለእ! ኣት ቦርርቶንትሴ ኦድ ሀቁቸት ሞልቶኡ» ይኣ። 22 እሰን ኣሰንተ «መገኖን ኣመዕንዬ። 23 ሀንቅንከ ያንክዕኔ፤ እደሁ ቀልቤንከስ ሽኩዕናን ይኤሁ ጉዕሙንኩ ኣሚናን ኣመዕን ከ ቆተተ «ከንበች ኬኣ ባራን ኡብ» ይጎሬ ኣሚናሰ። 24 ህከን ኣኮቤቸሃ ኣን ኩላንክዕኔ፤ ኣዕኑ መገኑ ኣጭቲንተርቹ ጉዕሙንኩ ክዕኔሃ ኣስመኖሀዕኔገ ኣመዕንቲንተጎሬ ክዕኔሃ ኣስመኖሀዕኔ። 25 ኣዕኑ ዱኣ ኣኢሃ ኡርቲንተ ወክት ኣዬ ኣሌኒ ኣፈንተ ገዱተ ኣትሬ፤ ህከን ኣኮቤቸሃ ሰማን ዮ ኣኑክዕኔ ጨብክዕኔ ኣትረናሀዕኔ። 26 ጠዉ እኮጎሬ ኣዕኑ ሙኑ በደሉህዕኔሃ ኣትርቲንበጎሬ ሰማን ዮ ኣኑክዕኔ ክዕኔ ብፍልሃ ኣትረናበእ» ይሰ። 27 ኢስላክ ኣሳበስ ለንከሃ ዩሩሳሌመ መርቶኡ፤ ህከኔ ኢስ ዱኣ ኣኤኖ ሞኒን ፈንቀላመን ቂስ ኣዋንሳት፤ ሕግ ኣስተማረትለክ ባድ ባልቀት ኣሰበ ኣሚት 28 «ከ ጠወ ኣታንቲሁ መ ሹምነቲንት? ህከረንገ ካን ኣታንት ወልቀተ ኣሴሄኡ ኣይት?» ይት ጠዕምቶሰ። 29 ኢሰን ኣሳንከ ፈንቀሽ «ኣን መቱ ጠወ ጠዕማንክዕኔ፤ ኣዕኑ ኣን ጠዕሚምርቹ ፈንቀሽቲንተጎሬ ኣን መ ወልቃን ከ ጠወ ኣኣሚት ጎሬ ኩላንክዕኔ። 30 ህንዴ ኩሌኤ፤ ያህይ ጠመቀኖ ጥምቀቱ መገኒችትንደ ህከረንገ መኒችት?» ይሴ። 31 ህከ ወክትንከ እሰን «መ ይኑ?» ይት ገገወንኩሰን ኣማዕለንት «መገኒችት» ይኖምጎሬ «ሚሃ ያህይን ኣመዕንቲንተበእን? የኖኤ። 32 «መኒችት» ይኑንደ?» ይቶኡ፤ ህከን ይታበእን ኡመቱ ጉዕሙንኩ ያህይ «ኑብዬቸወ» የኖቤቸሃ መን ዋጅቶኡ። 33 ህከን ኣኮቤቸሃ እሰን ኢሳሃ «ነኡ ደንጋምበእ» ይት ፈንቀሽቶኡ፤ ኢሰን ኣሰንተ «ኣን ካን መ ወልቃን ኣኣሚት ጎሬ ኩላንክዕኔበእ» ይሰ።

12 ኢስ ኣሳንከ ማቆን መቱ ወክት መቱ መንቹ ወይን ዩኖ ላልቹ ካሾ፤ ህከቤቸንከ ዘህሸ ኦች ላልቹስ ጨንሸኖ ኤሎ ለም ወይን ኣገረናህኒሃ ሀንሸሩ ኣጅር መክሾ፤ ህከኒች ኤተሮን ሁኩ መንቹ ወይንስ ቀባናተ ኣስ ቄዕራሽ ባዱ ኦርዕዮ። 2 ወይኑስ ላላኖ ወክት ካድንቹስ መር ላልቹችስ ኤቦተ ቀባናበ ሶኮ። 3 እሰን ህከ ሶሄመ ካድንቹ ኣፍ ኦልት መቲርቹሃ ኣቲዕናን ኣነስ ሽርቶኡ። 4 ለንከሃ ወይንስ ኣኑ ዋሉ ካድንቹ ሶኮ፤ ቀባኑስ ህከ ካድንቹ ቡዕለስ ፍልት ጡላይስ ሆኖሰስ ሽርቶኡ። 5 ህትን ወይንስ ኣኑ ዋሉስ ሶኮረ ሽቶኡ፤ ህትን ልግለ መን ሶኮረ መት-መቱስ ዋቃርቶኡ፤ ዋሉስንገ ሽቶኡ። 6 ቲሁ መንቹህስ ፈቆሁ ኢተኖ ቤቱስ ሶጓን፤ ህከን ኣኮቤቸሃ «ኢ ቤቱ ከበጅታህ» ይ ሰውይ ኤተሮን ቤቱስ ቀባናበስ ሶኮ። 7 ጠዉ እኮጎሬ ሁኩ ቀባኑት ገገወንኩሰን «ከለዕዬ! ኣላስ ረገኣናሁ

ከነቲ፤ ህካን እኮቤቺሃ እሜ እሱ ሸኖ፤ ነኡ ኡለሰ ረገዕናሞ» የቀንቶአ። 8 እሰን እሱ እፍ ሸት ወይን እቡረ ኣዚቺ ኡብል ፋሽት ቶርቶአ። 9 ህካን እኮቤቺሃ ሁኩ ወይንስ እኑ መ እእኖ? እሜች ህከ ቀባኑስ ሽ ወይንስ ዋሎ መኒሃ ኣሰኖ። 10 ጠሊሊ መጻፋን «ግንበኛትን ህንቆ ክኑ እስ መረብ ቡዕል ክኑ እኮ። 11 ሁኩንን ቀርቶት ሆኑ፤ ሁኩ ሆንትን እለቴን እጀብሲሳእታን የመዎ ከተበዋሃ ኣነበቤንታበእንዶ?» ይእ። 12 እይሁድ ለሀቀት ኢስ ጠወዕዮ ምሳልተ እሰንተ ለእኖሃ እሁስ ደገቤቺሃ እፎተ ሀሶ እቅ፤ ጠወ እኮጎሬ ኡመት ዋጅቶቤቺሃ ኣጉርት መርቶአ። 13 ጠወእኖ ጠዊን ሉሲሶተ መት-መቱ ፈርሳውትለክ ሄርድሴሃ እሉ እሆኖ መነ ኢስበ ሶኮኡ። 14 እሰን እስበ እሜት «እስተማርቺ! መቱ እደ ጎልቱዕናን ህንቆ መገን ዎቃሃ ተማርሲንታትሃን፤ እት ህንቆ ኣታንቲሃ እሁክ ደንጋሞ፤ ሮሞ ዎሚሃ ግብር ባቱ ገበእኑሃንዶ ገበእኖሃን? ግብር ባንቱንዶ ህከረንገ ባንቱንከ?» ይቶአ። 15 ኢስን እስ ሂለ ጠወ ደግ «ሚሃ ሉሲሶኤት ሀሴንንታት? ህንዴ ዲናረ ኤቤ ለእም» ይሰ። 16 እሰን መቱ ዲናረ ኤቤእ፤ እሰን እሰንተ «ከን ዲናር ኣሌን ዮ ፎቱትለክ ከተበዋ ሱዕሙሁ ኣይሃን?» ይሰ፤ እሰን «ቄሳርየ» ይቶአ። 17 ኢስን ፈንቀሽ «ህካን እኮች ዎሚሃ ዎሚንክ ህትን መገኒሃ መገኒንክ ኣሰይ» ይሰ፤ እሰን ጠዋንከስ እጀብሲሞቶአ። 18 «ሬዮ መት ሬሆች ኬእኖበእ» ይታ ሰዴቃውት ኢስበ እሜት፤ 19 «እስተማርቺ! ሙስ .መቱ መንቹ እለተ እሉዕናን ሬዮ ጎሬ ህከን ሬዮ መንቹ እመሰቤቱ ጫስ ረገዕይ ህከን ሬዮ መንቹሃ እለተ እሉን» ይ ከተቦኤ። 20 መቱ ወክት ለመሉ ኣመእሱት ሄኡ እቅ፤ እሳችን ህንገፋስ ጫተ ኤብ እለተ እሉዕናን ሬዮ። 21 ህትን ለንክህ ህተ ጫተ ረገዕይ እሉዕን ሬዮ፤ ሰቂህ ህትን እኮ። 22 ከን ሃሌን ለመሉንኩ ህተ ጫተ ረገእ እልቱዕናን ሬቶአ፤ ህከኒች ኤተሮን ጫንትሰ ሬቶአ። 23 ህካን እኮቤቺሃ ለመሉንኩ ኣመእሱት ተሪን ተሪን ረገኡቤቤቺሃ ሬዮ መት ሬሆች ኬእኖ በር ህት ጫተ እዬተ ኣካኣ?» ይት ጠዕምቶአ። 24 ኢስን እሳንከ ፈንቀሽ «እዕኑ ህት ሉሴንንታህ ጠሊሊ መጻፈተለክ መገን ዎልቀተ ደት ሆንቲቤቺሃትበእንዶ? 25 ሁኩ ሬቶ መት ሬሆች ኬኣ ወክት መላይከገ ኣካ ቤሉ ኣኢታበኢሁ፤ ኣኣቀንታበኢሁ። 26 ጠወ እኮጎሬ ሬቶህኡት ኬእተኔሃ መገኑ ቡብኖ ሸፎ ኣዚን ሙስ ሕን እብራሂሚሃ፤ ኢሳቅለክ ያቀብሃ መገኑ» የኖሃ ጠሊሊ መጻፊች ኣነበቤንታበእንዶ? 27 ህካን እኮቤቺሃ መገኑ ፎሉ ዮ መኒሃ መገኑዋ ቤሉ ሬዮ መኒሃ መገኑሃበእ፤ ጠወ እኮጎሬ እዕኑ ሉሴንንታት» ይእ። 28 ህከን ቤቸን ሕግ እስተማራች መቱ ኦደንታኢሃ ሞጮጪኖት እቅ፤ እሰን ኢስ ሁኩ ሬዮ መት ኬእኖበእ ይታ ሰዴቃዊተ ጡመገ ፈንቀሺ ለዕይ ኢስበ ሆንጠክ «ትዛዚች ጉዕሚችን በተእኖ ሎረሃን?» ይ ጠዕሜእ። 29 ኢስን እሲሃ ፈንቀሽ «ጉዕሚችን በተእኖ ትዛዝ ሕሰራኤል መት ሞጮጭዬ! ቀርቼ መገኑኔ ሜጣሃ ቀርቼ። 30 ኣቲሁ ቀርቼ መገኑክ ዊመ ቀልብንከክ፤ ዊመ ነብሴንከክ፤ ዊመ ሰውቲንከክለክ ዊመ ወልቃንከከ ኢት የኖሃን። 31 ህትን ካን ኣጉደኖ ለንክ ትዛዝ «ዋሉ መነ ገይክ እት እት» የኖሃን፤ ከን ለሞ ትዛዚች በተእኖ ዋሉ ትዛዝ ዮበእ» ይ መሰለ ፈንቀሼእ። 32 ሁኩ ሕግ እስተማርቺንኩ «እስተማርቺ! ጡመሃን! «መገኑ ሜጥቶሃን፤ እስ ቤሉ ዋሉ መገኑ ዮበእ»

ይት ጠወኦንቲሁ ሀንቅሃን። 33 ህካን እኮቤቺሃ መት ዊመ ቀልብንከስ፤ ዊመ ሰውትንከስ፤ ዊመ ወልቃንከስ መገኑ ኢቱ ሀሰሰኖስ፤ ህትን ዋሉ መነ ገይሰገ ኢቱ ሀሰሰኖስ፤ ጭንጭ ክትመለክ ዋሉ ክትመ ጉዕመንከ መገኒሃ ኣሲች ከ ለሙ ትዛዝ ኣገዕሩ በተእኖ» ይእ። 34 ኢስን ሁኩ ሕግ እስተማርቺ ሀይማንከስ ፈንቀሺ ለዕይ «እት መገን ዎምነቲች ቄዕርትበሃን» ይሰ፤ ህከኒች ኤተሮን ኢስ ጠዕሞተ መለሎሁ ኣይሁ ዮበእ። 35 ኢስ ዱኣ ምኔን ተማርሰን «ሕግ እስተማረት ፊሳንቹ መሲህ ደወዴሃ ቤት ምሀ ይታኦ? ይ ጠዕሜስ። 36 ዳዉድ ገወንኩስ መሲህተኔሃ መገን ጠሊሉ ኣያኑ ኣዎንሴሃንስ «መገኑ ኢ ቀርቼሃ እን ባለጋራክ ሎካችክ ዎሮን ኣኣሄተ ኢለሬተ መኬኤ ኣዲን ኣፋዕል ይእ» ይዮስ። 37 ዳዉድ ገወንኩስ «ቀርቼ» ይ ገኤሲች መሲህ ህት ኣክ ደወዴ ቤቱ እሆኖ?» ህከኒን ልግቡ መት ኢስ ጠወእኖ ተሸቲን ሞጮጭታኢት እቅ። 38 ኢስ ተማርሰን እሰንተ «ሕግ እስተማራች ኣገዕርዬ፤ እስ ቅራዕሩ ኦድነተ ኦደእ ሃንተን ጌቤ ኣዚን ኬዕምኺን ጠወሲሶኖስተ ኢትታኦ። 39 እሰን ጭምት ምናን ኬዕምኝ ቦርጭማን ኣፋዕሉለክ ድግሳኒን ኬዕምኝ ቤቸን ኣፋዕሉ ኢትታኦ። 40 ኣመሰልት ቅራርሰት ዱኣ ኣተን ምንስ ኣኑ ሬዮ ሜንቱ ጣንስተን ኣታኦ፤ ህካን እኮቤቺሃ ኣሳሃ በተእኖ ፍርዱ ኣሌሰ እሆኖ» ይእ። 41 ኢስ ዱኣ ኣኣኖ ምኔን ሰደቀ ብረ ዎራኖ ቀዋ ሳጥን መዴን ኣፋዕል ኡመቱ ብረ ኣሰኖሃ ለእኖት እቅ፤ ህከኒን ልግቡ ቀባጣሙ መት ልግብ ብረ ኣሰኖት እቅ። 42 ህከ ወክት መት ቡጥቹት ምንሴ ኣኑ ሬዮ መንቹት እሜት ለሙ ሳንትበ እሆኖ ናስ ብረ ኣቶኡ። 43 ኢስ ኣሳበስ እስበ ገእ «ህንቅንከ ያንክዕኔ፤ ከን ሳጥን ኣዚን ብረ ዎርቶህኡች ጉዕሚችን ምንሴ ኣኑ ሬዮ ቡጥቹት መንቹት በትስ ኣቶኡ። 44 መሰንትስ ዋሉ ጉዕሙንኩ ኣቶኢሁ ዮስ ቀባጣች ፈቆሰሃን፤ ጠወ እኮጎሬ ት ቡጥቹት መቱርቹሃ ፊሉዕናን ዮሴሃ ጉዕሚንከ ኣቶኡ» ይሰ።

13 ኢስ ዱኣ ምኒች ፋለንን ኣሳባች መቱ «እስተማርቺ! ከ እጀብሲሰኖ ዱኣ ምኒ ክትለክ ግምብ ምነታ ለእ» ይእ። 2 ኢስ «ከ ሎረ ምኒ ለኣንቲትንዶ? ኩ ክኑ ድጀሙዕናን መቱ ክኑ መቶ ክን ኣሌን ግምብሞገ ፈቀኖበእ» ይ ፈንቀሼእ። 3 ኢስ ዱኣ ኣኣኖ ምኒች ብሬ ኣዲን ዘይት ሀቁ ነጻኖ ቆተ ኣሌን ኣፋዕልዮህኔን ጴጥሮስ፤ ያቀቤ፤ ያህይለክ ኣንድራስ ሜጡብ ኢስበ መርት 4 «ኩን እሆኖሁ መ ወክትዬት? ህትን ሁኩ ጠወ ጉዕሙንኩ እሆተ ሆንጠኩ ወክት መላስ መሃኅር ኩልኔ» ይት ጠዕምቶስ። 5 ኢስ እሰንተ «ኣይሁ ሉሲሰኖህዕኔበእገ ኣገዕርዬ። 6 ልግቡ መት ሕን መሲህት» ይተን ኢ ሱዕሚን እሜት ልግብ መነ ሉሲሳኦ። 7 ኣዕኑ በገዝ ዱዱቡለክ በገዘሃ ሞጮጭቲንተ ወክት ህልቆኖቹ፤ ሁኩን ሆሮ እሁዕን ፈቀኖበእ፤ ጠወ እኮጎሬ ሁኩንን ኣዱን ጎሬሃ መጨረሽሰእ። 8 ህካን እኮቤቺሃ መት መን ኣሌን ዎሙ ዎም ኣሌን ኬእኖ፤ ህትን ኣደደ ቤቸን ኡለ ሊንቄቁለክ ጎሩ እሆኖ፤ እኮጎሬ ሁኩን ኒጠና ኦርሻተ ወኔሃን። 9 «መት ኣፍ ዳኛኖተ ኣሰኖህዕኔ፤ ህትን ጭምት ምኔን ዎቀርታህዕኔ፤ ህካን እኮቤቺሃ ኣዕኑ ገወክዕኔ ኣገዕርዬ፤ ኢ ሱዕምተኔሃ ምስክር ኣከኖተ ሹመለክ ዎመ ብሬን ፍርዲሃ ኡርቲንተ። 10 ሄጭ ተሸት ላገት ኡመቲሃ ጉዕሚንከ

ዱዱብሰሙ ሀሰሰና። 11 መኑ እፍ ዳኛና በ ሆንጠህሰናህዕኔ ወክት «መ ይናም?» ህከረንገ መ ጠወዕናም?» ይኑኑን ጨነቀንቶናቸው፤ እኩጎሬ ህከ ወክት ኣሰንታህዕኔ ላገተ ጠወዕዬ፤ መሰንትሰ ህከ ወክት ጠወላናሁ ጠሊሊ እያን ቤሉ እዕናበኡ። 12 ህከ ወክት አመቤቱ አመሰቤቱ፤ አኑሁ ቤቱሰ ሾናት ሀግሽ ኣሰና፤ ህትን ኦሶት ኣንለከ አመ አሌን ዲናማን ከኣ ሸታሰ። 13 ኢ ሱዕምተኔሃ ጉዕሙንኩ መኑ ግበናህዕኔ፤ ጠወ እኩጎሬ መጨረሽ ኢሊ አደቢን ኣታዕላናሁ ጡመና። 14 ኮፍዮኖ ሂራሮቹ አሁ ገበአበቤቹን አህናሃ ለኣኑንተ፤ ህከ ወክት ህካን ኣነበበናሁ ሰውዩን፤ ህካን እኮቤቹሃ ይሁድ ባደን ዮ መኑ ቆተተ ሁንቱን። 15 ምኒ አሌ አሌን ዮ መንቹ ምኒች መቱርቹ ኣኣም የን ድረን ወክት ቤሱንከ። 16 ህትን አቡረ ቤቹን ዮኢሁ ኦድኑሰ ኣኣተ ኤተሩ ዋል ምንሰ ልንቀላኑከ። 17 ህከ ወክት ላፈ ሜንቲሃለከ ቀንሰታ ሜንቲሃ ሸርሸት በተኣሰ። 18 ሁኩን ጉዕሙንኩ ከርሜን አህናበዕገ ዱኣ እዕዬ። 19 ህከ ወክት መገኑ ክልቀት ከሊቆች ከበሬ ኢሊ እኮበኣ ኦርሸት ኣካእ፤ ህትን ህትኔ ጭንቀት ከ ኤተሩ ኣካበኡ። 20 ቀርቹ ህከ በራከተ ገቦትሾበዕቃኔት መኑ ጉዕሙንኩ ጡመናበኣ እቅ፤ ጠወ እኩጎሬ ኣሰ መጠር መንተኔሃ በራከሰ ገባንቹ ኣኣና። 21 ህከ ወክት አደሁ «መሲህ ሁኩዕኑን ከበ ዮኡ» ህከረንገ «ሁኩዕኑን ካጻ ዮኡ» ይህዕኔጎሬ አመዕንቶናቸው። 22 ክዝብ መሲሁለከ ክዝብ ነብያትን አሜታኤ፤ እሰን ኣታለሞሰ ጎሬ መገኑ መጠር መኑ ለሲሶተ ኣጀብሲሰና ጠወ ኣታኦ። 23 እኩጎሬ ኩ ጠወ አሆተ ሄጭ ጉዕመርቹንከ ኩሎንክዕኔቤቹሃ ኣገዕርዬ። 24 ህከ ወክት ኦርሻች ኤተሮን ኣርቹት ቱንሰቹ ኣካእ፤ ህትን ኣገንቹ ለሊሰናበኡ። 25 ቤዚት ሰሜች ኡባኣ፤ ህትን ሰማን ዮ ዋልቀት ጉዕሙርቹንኩ ለንቁቁና። 26 ህከኒች ኤተሮን እሰን መንች ቤቱ ሎረ ወልቃንለከ ኪዕምኝን ጎመ ኣዚን አሜትን ለኣኦ። 27 ህከኒች ኤተሮን እሰ መላይከተ ሶክ ሾሎንከ አዲን ሰሜች ዋሮን ኡሊ ዳንገች ዳንገ ኢሊ መገኑ መጠር መኑ ጭምኣኣና። 28 ኦድ ሀቁቾ ሞሳልት ተማርሰቱንክዕኔ፤ ሀመንኩሱ ቀንሰንለከ ሀበረ ኤብ ላተና ወክት ሀጎ ሆንጠሁሰ ደንነተ። 29 ህትን ኣዕኑ ሁኩ ጉዕሙንኩ ጠወ አህን ለኣኑት ወክት ኡሮን ሆንጠኮሃ አሁሰ ደን። 30 ሀንቅንከ ያንክዕኔ፤ ከን ዘማን መኑ ኩ ጠወ አሁዕን ሄጭ ህገናበኡ። 31 ሰሞሁለከ ኡለት ህጋኤ፤ ጠወ እኩጎሬ ላገኤ ሆሮን ህጋበኡ። 32 ህከ በርሊከ ህከ ወክት መገን ቤሉ አደሁ ደተ ኣታለናበኡ፤ ህትን ሆሮን ሰሜ መላይከትለከ ቤቱህ ደገናበኡ። 33 ኣዕኑ ወክቱሰ መ ወክት አህናጎሬ ደንነተበኣቤቹሃ ጠረኝቱን ኣገዕርዬ። 34 ሁኩንን መቱ ዋቃ ሃመና መንቹ ኣጉደና፤ እሰን ምንሰ ኣጉር ሃመን ካዲመሰ እሰን እክ ሆጉተ ኣታጎ መት-መትሃሰ ሆጉተ ኣሴኣ፤ ህትን ኣገራንቹንከ ጠረኝት ኣገር ይ ኣዘኩ። 35 ህካን እኮቤቹሃ ምንሰ ኣኑ መ ወክት አሜተናጎሬ ደንነተበኣቤቹሃ ጠረኝቱን ኣገዕርዬ፤ መሰንትሰ እሰ ሀዋሩተ ህከረንገ ሀንክዕሬ በላን ህከረንገ ሀንጠቦ ወደን ህከረንገ ሱጽተ አሜቱሰ ደንነተበኡ። 36 ህካን እኮቤቹሃ ድንገቱን ኦሳኤናን አሜተናበዕገ ጠረኝቱን ኣገርዕዬ። 37 «ክዕኔሃ ኩሎምገን ሞሎ መኒሃ ጉዕሚንከ ጠረኝቱን ኣገዕርዬ! ያም» ይ ተማርሴኤ።

14 ሻሽገለከ ራጭቱ ዮበኢሃ ጨልሰሞ እቸተ እቲን ከበጃኖ ከበጀ በሪሃ ለመብ በሩ ፈቆሰ እቅ፤ ቂሰ አምንሳትለከ ሕግ እሰተማረት ኢሰ መኑ ደጉዕን እፍ ሽቶተ ኣሳሃ ቆሆና ዋቃሃ ሀሳኢት እቅ። 2 ጠወ እኩጎሬ እሰን «ከን ከበጀ በሪን ኣፎንከከ፤ መሰንትሰ መኑ ብተተ ኪሰና» ይቶኡ። 3 ጎግ አሌን ፋልታ ጥዘነት አፎሰ «ሰሞኔ» ይኖ መንች ምኒን ብታን ከተማን ኢሰ ማዳን ኣፋዕልዮ እቅ፤ ህከ ወክት መት መንቹት «አልባሰጥርሰ» ይኖ ክኒች መክሴመ ብልቃጣን «ናርዶሰ» ይኖ ሽቱት ዊንቶኢሃ እፍ አሜቶኡ፤ ሽቱሰን ኣበ ጤኣተ እቅ፤ እሴን ብልቃጥ አፈ ብጥ ሽቱሰ ኢሰ ቡዕላን ዱንቶኡ። 4 ህከኔ ሄዕዮ መኒች መት-መቱሰ ኡመዕርት «ኩ ሽቱት ተሳን በኣኢሁ ሚሃት?» 5 ኩ ሽቱት ሰሴ ጥቤ ዲናረሪ ህሬን ብረሰ ቡጥቻናተ ኣሴመ ኣቃን ጡመሃበኣንዶ?» ይተን መንቹት ቀነጦሴ። 6 ጠው እኩጎሬ ኢሰን «እሴተ ሚሃት ኦርሴንነተሴህ?» ኣጉራሴ፤ እሴ ኤሳሃ ጡመርቹ አቶኡ። 7 ቡጥቻትን ጉዕመ ወክትንከ ክዕኔን ሜጡብ ሄኣቤቹሃ ሀሰንተ ወክት ሀዕልቶናሰተ ኣታልቲንተ፤ ጠወ እኩጎሬ ኣን ክዕኔን ጉዕመ ወክት ከኔ ሄኣምበኡ። 8 እሴ አቶተ ኣታልቶኢሃ አቶኡ፤ ኣን ሞገሙዕናን ሄጭት ኣሌንከኤ ሽቱተ ቡርቶኡ። 9 ሀንቅንከ ያንክዕኔ፤ ኡሊ አሌን ተሸት ላገተ ዱዱብሰሴ ቤቹን ጉዕማንን እሴ አቶርቹ እሴተ ቃጎናተ ኩለመናሴ» ይሰ። 10 ህከኒች ኤተሮን ቶን ለሞንከ ኣሳባች መቱሰ ኣሰቆርንቶ ይሁድ ኢሰ ሀግሽ ኣሶተ ቂሰ አምንሳናቤቹ ኦርዕዮ። 11 እሰን ህካን ሞጮጭቶ ወክት መንደኣ እሴሃ ብረ ኣቶተ ላገተ ኣጎኡ፤ ይሁድን ህከን ወክቲች ኬሽ ኢሰ ሀግሽ ኣሶተ ጡመ ወክት ሀሰናት እቅ። 12 ሻሽግ ሆልቹ ጎሬጤን ጦርሹ እቲን ከበጃኖ ከበጀ ዋኔ በሪን ኣሳበሰ ኢሰብ አሜት «ሻሽግ ሁርባት አቶተ ህከቤቹ መርን ቅጥ እዕናሄተ ሀሰን?» ይት ጠዕምቶሰ። 13 እሰን ኣሳባችሰ ለመሰ «ከተመ መርቲን ዊ ኮሩ እጂ መንቹን ደቀንቲንሰ ህከ መንቹንከ አምኛ። 14 እሰ ኣገና ምኒ መርቲን ምንሰ እነ ላሰተማርቹ ኣሳባንን ሻሽግ ሁርባት ኣታም ኮህ ምኑ ህከንቤቹን?» የናት» ይዬ ይ ሶኮሰ። 15 እሰን ሎረ ኣልባዕሎ ፋቅ ሞኔን ሀሰሰናህዕኔርቹ ጉዕሙንኩ ቅጠሞኢሃ ለሊሰናህ፤ ህከን ቤቹን ቅጥኣዕዬ» ይሰ። 16 ለመንኩ ኣሳባንን ህከንቤቹች ፋልት ከተመ መርቶኡ፤ ኣሳንከ ኢሰ ይገን ጉዕሙርቹንኩ እኮ፤ ህካን እኮቤቹሃ እሰን ሻሽግ ሁርባት ህከን ቤቹን ቅጥኣቶኡ። 17 ኡለት ሀዋርቶ ወክት ኢሰ ቶና ለሞንከ ኣሳባን ሜጡብ አሜቶ። 18 ህከን ቤቹን ጉዕሙንኩሰ ማዳን ኣፋዕልት ኣተንን ኢሰ «ሀንቅንከ ያንክዕኔ፤ ክዕኔች መቱ ኣን ከኔ ቲሱ ሁርባት ኣተናሁ ኤሳሃ ሀግሽ ኣሰና» ይሰ። 19 እሰን ህከ ወክት ኣበ ሻዝ ተሪን ተሪን ኢሰ «እኔትንዶ?» ይተን ጠዕምቶኡ። 20 ኢሰን ፈቀሸ «ህካን ኣኣናሁ ቶን ለሚችክዕኔ መቱሃሰ፤ እሰን ኣን ሜጡብ ብጥራን ኣንገተ ወር ኣተናሃን። 21 መንች ቤቱዕኑ እሰተኔሃ ከተበሞገን ሬሁዕናን ፈቀናበኤ፤ ጠው እኩጎሬ መንች ቤቱ ሀግሽ ኣሰናህኒሃ ቆሆናሰ፤ ሁኩ መንቹ ሄጭ ከለቀሞበኣ ቆሆናሰ እቅ» ይሰ። 22 እሰን ሜጡብ ኣተንን ኢሰ ጦርሹ ኬሽ ዱኣ እዕይ ብጭ ኣሳባተ «ሂዕዬ፤ ኩን ማላኤ» ይ ኣሴሰ። 23 ጠበቲሃ ኬሽ ዱኣ እዕይ ኣሳባተሰ ኣሴኤ፤ ጉዕሙንኩሰ ህከን ጠበቲች ኣጎኡ። 24 ህትን ኢሰ ኣሳሃ «ኩን ልግብያ መኒሃ ዱንተኣናሃ ወኣድ ቁንኤ።

25 ሀንቅንከ ያንክዕኔ፤ መገን ዋምነቴን ሃዕሮ ሃሊን አጋሚሃ አሊ ከን ወይን ላልቼች ጨንሸሞሃ ለንኪሃ አጋምበአ» ይሉ። 26 ሀከኒች ኤተሮን መዝሙረ ዘመርት ዘይት ሀቀ ነጻዮ ቆተታ ፋልቶአ። 27 ኢሰን አሳባሰ «ዚማንቹ ዋቀር ሻሞ፤ ሆለንትሰ ብን ይታኦ» የመም ከተበሞቤቸሃ ጉዕሙንኩክዕኔ ኤሳሃ ለገኤን አጉርቴን ሁንቴንገተ። 28 በወ እኮጎሬ ሬሆች ኬዕዮሚች ኤተሮን ገሊለተ ክዕኔተ ሄጭ መራም» ይሉ። 29 ሀከ ወክት ጴጥሮስ ፈንቀሽ «ዋሉ ሙኑ ጉዕሙንኩ ለገዕዮሄ ጎሬ እን ሆሮን ለገንኬበአ» ይሉ። 30 ኢሰን ጴጥሮስ ፈንቀሽ «ሀንቅንከ ያንኬ፤ ከበሬ ሀንከዕርተ ሀንጠቦ ለሞረ ወዴዕናን ሄጭት ሰሶረ ለገንቴኤ» ይሉ። 31 በው እኮጎሬ ጴጥሮስ «እን ኪን ሜጡብ ሬሆም ጎሬሁ ለገንኬበአ» የን ጠረኝሽ ጠወዕዮ፤ ፈቆ አሳበንት ጉዕሙንኩ ሁትን ይቶአ። 32 ሀከኒች ኤተሮን «ቴቴሰማኔ» ይዮቤቹ መርቶኡ፤ ሀከን ቤቸን ኢሰ አሳባንተሰን «እን ዱኦ አኦተ ኢሊ ከነቤቸን አገሬ» ይሉ። 33 እሰን ጴጥሮስ፤ ያቀበለከ ያህይ አምሳን ኦሮዕዮ፤ ሀከን ቤቸን እሰን አበ ሻዘን ጨነቀሙ ጀመረ። 34 አሳንከ «ነብሴቹኤ ሬቶተ ኢሊ አበ ሻዞኡ፤ እዕኑ ከኔ ግሶኑዕናን አገሬ» ይሉ። 35 አሳችን ቀው፤ ዌዕር ኦሮዕዮ፤ ሚኒከሰ ኡላን ጎምብሰም ኡብ አታለመሃ ጎሬ ሁኩ ኦርሽ ወክቱ እሲች ህገተ ዱኦ አዕዮ። 36 እሰን «ኢ እነ! ጉዕሙርቸንኩ አታለመሃ፤ ከ ኦርሽ ጠበቱሃ ኢች መስ፤ በወ እኮጎሬ እን ይምገ አሁዕነ አት ኢትቶንትገ አሁን?» ይ ዱኦ አዕዮ። 37 ሀከኒች ኤተሮን ሰሶንከ አሳበሰበ ፈንቀል አሜተዮ ወክት እሰን ግሶ እቅ፤ ህካን እኮቤቸሃ ጴጥሮስ «ስሞኔ! ግሶንትዶ? ሆሮን መቱ ሳኦቲሃ በቅ ይት አገሩ አታልቶንበዕንዶ?» ይሉ። 38 ሁትን «ፊተናን ኣጌነንተበአገ ጠራኝቴን ዱኦ አዕዮ፤ እያኑ ቅጥ ይዮኡ፤ በወ እኮጎሬ ማሉ ላፈሃን» ይሉ። 39 ለንኪሃ ኦሮዕይ ወዕና ጠወዕዮ ላገተ ጠወኢን ዱኦ አዕዮ። 40 ሀከኒች ኤተሮን አሳበሰበ ፈንቀል አሜተዮ ወክት ግሰኛት ኬዕምታንሰ ግሶ እቅ፤ ጠዕመና ወክትንከ ፈንቀሸቶተ አታልቶበአ እቅ። 41 ለንኪሃ እሰበ ፈንቀል አሜች «ቴሁ ግሴንተገለከ ፎሎጭቴንተገን የንተንዶ? ቴሱ አህዮ፤ ወክቱ ኢልዮኡ፤ መንች ቤቱ ጨበኛና አንጋን ሀግሴን ኣሴና። 42 ቴሱ ኬዕዬ መርና፤ ኤሳሃ ህግሽ ኣሰናኤሁ ሁኩዕኑ ሆንጠኮኡ» ይሉ። 43 ወክትንከሰ ኢሰ ካን ጠወኢን ሄዕዮገን ቶን ለምችሰ መቱሰ «ይሁይ» ይዮሁ አሜች፤ እሲን ሜጡብ በርተለከ ብሰ አፎ ልግቡ ሙኑ ሄዕዮ እቅ፤ እሰን ቂስ አምንሳትለከ ሕግ አስተማረት ባድ ባልቃች ሶህጥአረ እቅ። 44 ህግሽ ኣሰና ይሁድን እሰንተ እዕኑ «እን ሱንቃንሲሃ ጠረኝሴን አፊን መስዬ» ይ መላተ ኩሎሰ እቅ። 45 ወክትንከሰ ይሁድ ደዕል አሜች ኢሰበ ሆንጠክ «አስተማርቼ!» ይ ሱንቁሰ። 46 ሀከኒች ኤተሮን ሁኩ ሙኑ ኢሰ አፎኡ። 47 መዴንከሰ ኡርቶሁኑኡች መቱሰ ብሰ ኮብ ኣዚች ፋሽ ሎረ ቂሰች ካዲንቹ መጨሰ ሙሮ። 48 ሀከ ወክት ኢሰ «ብሰለከ በርተ አፊን አሜቴንታሁ ሽናጥገ አፎናኤታንትዶ? 49 ጉዕሙንከ በር ዱኦ ሞኔን ተማርሰን ክዕኔን ሜጡብ ሄኢን አፊንታኤበ እቅ፤ በወ እኮጎሬ ኩን አኮሁ ጠሊሊ መጻፋን ከተበሞሁ ዊሞታት» ይሉ። 50 አሳበሰ ጉዕሙንኩ እሱ አጉርት ሁንቶኡ። 51 ነጠላ ኦደዕዮ መቱ ዋይልቹ አምነናሲት እቅ፤ እሱንከ

ሁኩ ሙኑ አፎኡ። 52 አፎሰ ወክት ነጠለሰ ኡጅ ከልሰ ሁኝ ፋሽኤኤ። 53 ሁትን ኢሰ ሎረ ቂሰች ሞኒ መስቶሰ፤ ሀከን ቤቸን ቂስ አምንሳት፤ ባድ ባልቀትለከ ሕግ አስተማረት ጉዕሙንኩ ጭምይቶኡ እቅ። 54 ጴጥሮስን ኢሰ ቂስ አምንሳንች ሞኒ ኡሮ ብትም ኣዘ ኢሊ ቂዕራሻን አምነናሲት እቅ፤ ሀከኔን እሰ ዘበኝን ሜጡብ ገረተ ኢብጨኖት። 55 ቂስ አምንሳትለከ አገት ደኛት ጉዕሙንኩ ኢሰ ሽሲሶተ ምስክር ሀሳኢት እቅ፤ በወ እኮጎሬ መቱርቸሃ ደገበኤ። 56 መሰንትሰ ልግቡ ክዘብ ምስክሩ ልግብ ጠወ አሊሰ መስከርቶ እቅ፤ እኮጎሬ አሊሰ መስከርቶ ላገት አደደ እኮኡ። 57 መቱ-መቱ ሙኑ ኬኤ «ኣን ከን መን አንጋን አጃረሞ ዱኦ ሞኒ ድጅ ዋሉ መን አንጋን አጀረሞበኢሃ ሰሶ በሬች ኤተሮን አጃራም» የን ሞጭጭናም» ይተን ክዘብ ኢሰ አሊሰ መስከርቶ። 59 ህት ይቶ ጎሬሁ ምስክሩ ጠወዕዮ ላገት ሜጡ አኮበኤ። 60 ሎሩ ቂሰቸንኩ ብሬንከሰ ኡር ኢሰ «ጠወኢንትርቹ የበእንደ? ኩ ሙኑ ኪ ኣሊሰ መስከርታኢሁ መርቸሃን?» ይ ጠዕሜኤ። 61 በወ እኮጎሬ ኢሰ መቱርቸሃ ጠወኡናን ጨሊ ይኤ፤ ሎሩ ቂሰቸንኩ ኢሰ ፈንቀሽ «ማሰለሞ መገን ቤቱ መሲሁ አቴትንዶ?» ይ ጠዕሜሰ። 62 ኢሰን «ኤ ኣኔት፤ መንች ቤቱ ጉዕሙንከ አታለና መገን መኬ ኣዲን ኣፋዕል ሰሜ ጎማን አሜተን ለኤንገተ» ይሉ። 63 ሎሩ ቂሰቸንኩ ኦድኑስ ፊል «ዋሉ ምስክሩ ሚሃ ሀሰሰና?» 64 እዕኑ እሰ ቦሮር ላገተ መገን አሊን ጠወኢን ሞጭጭቴንታኤ፤ ህካን እኮቤቸሃ ኩ ጠወ ክዕኔሃ መ ኣጉደናህዕኔ። ይኤ፤ ህከ ወክት እሰ ጉዕሙንኩሰ መቱ ላጋን «ሬሁት ገበኣሰ» ይት ፈረዶኡ። 65 መት-መቱ ሙኑ አሊሰ አንጀ ቱ የ ጀመርቶኡ፤ እልሰ ኦድኖን ድብ ኡሰርት መጫሊ ዋቀርተን «ሆኤ እዬት ዋቀርሄሁ? ደግ! ራገ ጠወኤ» ይታሰት እቅ፤ ህትን አገርታሩንኩ ኦልተን መስቶሰ። 66 ጴጥሮስን ቂስ አምንሳንች ሞኒ ዋሮ ኣዲን ግቤ ኣዜን ሄዕዮገን ቂስ አምንሳንች መት ገረድቹት አሜቶኡ። 67 እሲን ጴጥሮስ ገረተ ኢብጨን ቱክ ይት ለኦ እሱ «አት ነዝሬት ኢሰን ሜጡብ ሄኢንት እቅ» ይቶሰ። 68 በወ እኮጎሬ ጴጥሮስ «እን ደጋንሰበኤ፤ አት ይታንትንኩ ኣጎኤበኤ» ይ ለገዕዮ፤ ህካን ይ ኣብል ፋሎገን ሀንጠቦ ዋጀ። 69 ህት ገረዴቸንት ጴጥሮስ ለኦ ሀከኔ ኡሬ መኒሃ «ኩን ኣሳች መቱሃሰ» ይቶኡ። 70 በወ እኮጎሬ እሰ ቴሁ ለገዕዮ፤ ህትን ቀወ ጌሰ አገርት ሀከኔ ኡርቶ ሙኑ «አት ገሊሊ መንቹ እኮንትቤቸሃ ሀንቅንከ አት ኣሳች መቱሃሰ» ይቶሰ። 71 በወ እኮጎሬ ጴጥሮስ «እዕኑ ከ ይቴንገተ መንቹ ደጋንሰበኤ» የን ገዑሰ ቦሮሩለከ ጤሌዕሉ ጀመረ። 72 ሀከ ወክት ሀንጠቦ ለንኪሃ ዋጀ፤ ጴጥሮስን «ሀንጠቦ ለሞረ ወዴዕነ አት ኤሳሃ ሰሶራ ለገኣንት» ይ ኢሰ ጠወዕዮ ጠወ ሰወ ይ ቡብ ኦዕዮ።

15 ገሰመ ሱጽተ ቂስ አምንሳት፤ ባድ ባልቀትለከ ሕግ አስተማረት አገት ደኛኖን ሜጡብ ጉዕሙንኩ ደቀንት አማዕላንቶኡ፤ ሀከኒች ኤተሮን ኢሰ ኡሰርት መስት ገሻንቹ ጽላጦሴሃ ህግሰ ኣቶሰ። 2 ጽላጦሰን ኢሰ «አት አይሁድያ ዋመንዶ?» ይ ጠዕሜሰ። ኢሰን ፈንቀሽ «አት ይቶንትጋንት» ይሉ። 3 ሁትን ቂስ አምንሳት ኢሰ አበ ጠዊን ኦዳሲት እቅ። 4 በወ እኮጎሬ ጽላጦሰ ኢሰ «ሄንከ ጠዊን ኦደሄኝ ከ ለእ! ከን መኒሃ መቱርቸሃ ፈንቀሽታንትበዕንዶ?» ይ ለንኪሃ ጠዕሜሰ። 5 ጽላጦሰ አበ

እጅ-ብሴተ አለ እሰ መቱርቼሃ ፈንቀሽዋለክ። 6 ጽላጦስ ዘማን ዘማን ኣይሁድ ሻሽግ ከበጀ ወክት ሂሮናተ መኑ ሀሰኢሃ ኡሱሬመ መኒች መቱ መንቹ ሂሮና እቅ። 7 ህከ ወክት ዎምነቱክ ግብ መነ ሽት ኡሱረንቶ መን በሊች «ባርባኔ» ዬዮ መንቹ ሄዕዮ እቅ። 8 መንኩኩ ጽላጦሴብ ኣሜት ሮሻን መቱ መንቹ ሂሮተ ጠዕምቶሰ። 9 እሰን «እይሁድ ዎመ ሂሮህዕነት እትቲንንድ?» ይ ጠዕሜሰ። 10 ህከን ዬሌሁ ቂስ ኣዎንሳኑት እሰ ህግሰ ኣቶኢሁ ጢቁን ኣሁሰ ደጎቢቹሃት እቅ። 11 ጠወ እኩጎሬ ቂስ ኣዎንሳኑት «ባርባን ሂሮመኔ ቤሉ እሰ ሂሮመንከ» ይት መኑ ጽላጦሴ ጠዕመናግ መነ ኬሰንሰቶኡ። 12 ጽላጦስ ለንከሃ ፈንቀሽ «ህከን ኣኩቶ ከ እዕኑ ላይሁድ ዎመ» ይቲንንታሃ መ ኣኡ?» ይ ጠዕሜእ። 13 እሰን «ስቀል» ይተን ላገሰ ጎት እት ጨንጭቶኡ። 14 ጽላጦስን «ሚሃት? እሰ እዕዮ ሂሮናቹ መርቹሃን?» ዬሰ፤ ጠወ እኩጎሬ እሰን «ስቀል» ይተን ወዕነቱ በትሰ ጨንጭቶኡ። 15 ጽላጦስ መነ መንዲሲሶት ይ ባርባኔ ሂሮ ገፈሮ፤ ህከኒች ኤተሮን እሰ ገረፍ ሰቀልቶተ ህግሽ ኣሴእ። 16 ሮም ዎታደሩ እሰ ጽላጦሴ ግብተ መስቶኡ፤ ፈቆ ወታደረ ጉዕመንከ ገእቶኡ። 17 ሰመ ኣጉደና ብሽ ኦድኑተ ኢሲሃ ኦዲስ ኡት ኣክሊሊ መክሰ ቡዕለሰ ኣቶኡ። 18 ህከን ኣቶች ኤተሮን «እይሁድ ዎመ! ወገሬቱ ኬላሃ እሆሃ!» ይተን ቀለዳሲት እቅ። 19 እሰን ሾምቦቹን ቡዕለሰ ዎቀርተን እንጀ ኣሌሰ ቱ ይታኢት እቅ፤ ህትን እሰን ቀለደን ብሬስ ጉሉጽት ሰገዶሰ። 20 እሰን እሲን ቀለዶች ኤተሮን ህከ ሰመ ኣጉደና ቢሽ ኦድኑተ ፋሽት ገይሰ ኦድኑተ ኦድሰ ሰቀልቶሰተ ኣኣት መርቶኡ። 21 መርተንን እሰክንድርለክ ሩፎሴ ኣኑ ቀሬን ባድ «ሰሞኔ» ዬዮ መንቹ ገጠሪች ከተመ ኣሜተን ደቀንት እሰ መስቀለ ኣጆተ ግዳጅሶሰ። 22 እሰን እሰ «ጎልጎተ» ዬዮቤቹ መስቶሰ፤ «ጎልጎተ» ዩ ቡዕል ቁላሃ ዩሃን። 23 እሰን ኢሲሃ «ከርቤተ» ዬዮ ዘቢን ልቀለቀመ ወይን ጠጀ ኣተን ኣቶሰ፤ ጠው እኩጎሬ እሰ ኣጎበኡ። 24 ህከኒች ኤተሮን እሱ ሰቀልቶኡ፤ ህትን ህኩንስ እዬሃ ኣለኖ ጎሬ ደጎተ ኦድኑስ እጠ ኡጅት ቤቀንቶኡ። 25 እሰን እሰ ሰቀልቶ ወክቱ ገሰሜ ሰሶሃ ሳኣት እቅ። 26 ህትን ወንጀልሰ ለልሶተ «እይሁድ ዎመ» ዩና ከተበዋ እቅ። 27 እሰን ኢሲን ሜጡብ ለው ሽፍጠ መቱ መኬ ኣዲን መቱሰ ጉረ ኣዲን ሰቀልቶኡ። 28 [ከን ሃሊን «ሾከ መኒን ዎለእም» ዩመዋ ራግ ላገት ዊንቶኡ።] 29 እሰ መዲን ህገኖ መኑ እሱ ህንቅ ቡዕለሰ ሌንቄቅሰን «ለዕዬሰ! ኣት ዱኣ ምኒ ድጅት ሰሶ በሬን እጃርታንቲህ! 30 ህንዴ ቲሱ መስቀሊች ድርት ገውክ ፊስ» ይታሲት እቅ። 31 ህትን ቂስ ኣዎንሳኑትለክ ሕግ ኣሰተማረት ገገዉንኩሰን «እሰ ዎሉ መነ ፊሾኡ፤ እኩጎሬ ገውሰ ፊሶተ ኣታሎበኡ። 32 እሰ ፊሳንቹ መሲሁ እስራኤል ዎመ እኩጎሬ ህንዴ ቲሱ ከን መስቀሊች ድሩን፤ ነኡን ለዕን ኣመዕንናም» ይተን ህንቃሲት እቅ፤ ህትን እሲን ሰቀለንቶኡ ህትን ይተን ቦርርታሲት እቅ። 33 ህከ በር ሊሆ ሳቲች ኬሽ ሆንሱ ሳት ኣለ ኡለ ኣሌን ጉዕማንን ቱንሰቹ ኣኩ። 34 ሆንሱ ሳት እኩ ወክት እሰ «ኤሎሄ! ኤሎሄ! ላማ ሰበቅታኒ» ይ ሎረ ላጋን ያሮ፤ ፍሳረንትሰ «ኢ መገና! ኢ መገና! ሚሃ ኣጉርቲኤ» ዩሃን። 35 ህከኔ ኡርቶ መኒች መት-መቱሰ እሰ ያረኖሃ ሞጮጭት «እልያሴ ገኣናት» ይቶኡ፤ 36 ኣሳችን መቱሰ ደጉጅ መር

ሆለጮ ወይን ጠጀ ሰፍንገ ዬዮህኒን ዊንሽ ጩፍ ሾንቦቆ ሰኖን ኣዕይ ኢሲሃ ኣሰ «ህንዴ ኣገሬ፤ እልያሰ ኣሜች ድርሰሰሰ ጎር ለዕናም» ዬላ። 37 ህከኒች ኤተሮን እሰ ሎረ ላጋን ያር ሬዮ። 38 ህከ ወክት ዱኣ ምኒ መጋረጂ ኣለች ወር ኣለ ለመብ እክ ፊልተዕዮ። 39 እሰ ሰቀለመ መስቀል ብሬን ኡርዮ መቱ ጥቤ ሀለቅቹ እሰ እክ ሬዮን ለዕይ «ህንቅንከ ኩን መገንያ ቤቱ እቅ» ዬላ። 40 ቄዕራሻን ኡርት ለኣን ሄኔ መት-መቱ ሜንቱ ህከኔ ሄኔ እቅ፤ እሰ በላን መግደል ከተም መርየማ፤ ማዕነ ያቆቤለክ ዮሲ ኣመት መርየማ፤ ሰሎሚ ሄኔ እቅ። 41 እሰን እሰ ገሊላን ሄዕዮ ወክት ኣዎንተን ካይገታሰረ እቅ፤ ህትን ኢሲን ሜጡብ ዩሩሳሌመ ኣሜቶ ልግቡ ሜንቱ ሄኔ እቅ። 42 በሩሰ ተቃጠቤና በር እኩቤቹሃ ሀዋሬ ወክት ፎሎጮ በሬት ብርተ ኣኩ። 43 እይሁድ ኦገት ደኖናች መቱ ጡመገ ኢንኬዕነሞ ኣርማትያሰ ከተም ዮሱፍ መገን ዎምነቱ ተቢሴን ኣገዕረኖሁ ጽላጦሴብ መር መለል እሰ ጀናዘተ ኣሶናሰተ ኡጨእ። 44 ጠው እኩጎሬ ጽላጦስ «ሆት ደዕል ሬዮ?» ይ ኣጀ-በሲጭ ጥቤ ሀለቅቹ ገእ «ህንቅንከ ሬዮች ዱንክዮእንድ?» ይ ጠዕሜእ። 45 እሰን እሰ ሬሁሰ ጥቤ ሀለቅቹ ሞጮጮች ኤተሮን ጀናዘሰ ዮሱፍ መሰኖግ ፈቀጅሰ። 46 ዮሱፍን ሃዕር ከፈን ኦድኑተ ሀዕር እሰ ጀናዘተ መስቀል ኣለች ድጋሽ ከፈጅ፤ ህከኒች ኤተሮን ክኒች ሽሄን መክሴመ ሎድ ኣዘን ኣፋሼኤ፤ ሎረ ክት ኮሎንኮዕልሽ ኤብ ሎድሰ ኡሩተ ጡፎ። 47 መግደል ከተም መርየመለክ ዮሳ ኣመት መርየማ እሰ ጀናዘተ ህከኔ ኣፋሼኖ ጎሬ ለኣኢት እቅ።

16 ፎሎጮ በሩ ህንቻ ኤተሮን መግደል ከተም መርየማ፤ ያቁብ ኣመት መርየመለክ ሰሎሚ እሰ ጀናዘን ቡርቶተ ሸቲተ ሀዕርቶኡ። 2 ኣበ በር ገሰመ ሱጵን ኣሩ ፋላንን ሎድበ መርቶኡ። 3 ገገዉንኩሰ «እይ ሎድ ኡርች ክት ኮሎንኮልሽ ፈንኖ?» ይተን ጠወኣን ሃንታኢት እቅ። 4 ህከን ይቶኢንኩ ክኩስ ሎረ እኩቤቹሃት፤ እሰን ህት ይተን ሎድበ ኦሎሰ ላኣ ወክት ክኩስ ሎድ ኡርች መቱ ኣይ ዋል ኮሎንኮዕልዮ እቅ። 5 ህትን ሎድ ኣዘ ኣጎ ወክት ዋጁ ኦድኑተ ኦደዕዮ ወደልቹ መኬ ኣዲን ኣፋዕሌኢሃ ለኩቤቹሃ ሀልቆኡ። 6 ጠው እኩጎሬ እሰ እሰንተ «ሀልቆናቹ፤ ኣዕኑ ሀሴንንታሁ ሰቀለመ ናዝሬት እሰ ኣሁሰ ኣን ደጋም፤ እሰ ሬሆች ኬዕዮኡ፤ ከንቢቹን ዮበእ፤ ከለዕዬ! እሱ ሞጉሚ ቢቹንኩ ኩዕኑን። 7 ቲሱ መርቲን ኣሳባተለክ ጴጥሮሴሃ ሐኒች ብርተ እሰ ዩህዕነገን ክዕነንተ ሄጭ ገሊሊ መረና፤ ህከኒን ለኤንነተሰ» ይቲን ኩሌ» ዬሰ። 8 ሁኩ ሜንቱንኩ ዋጅት ሁጠን ሎድቢች ፋልት ሁንቶኡ፤ እሰን ኣበ ዋጅቶቤቹሃ መቱርቹሃ መቶ መንቹሃ ጠወኣበ እቅ። [9 (note: The most reliable and earliest manuscripts do not include Mark 16:9-20.) እሰ ኣበ በር ገሰመ ሱጵተ ሬሆች ኬዕዮች ኤተሮን ወዕና ለመሉ ሩሃንዩ ፋሎሴ መግደል መርየማን ሄጭ ደቀሞ። 10 እሰን መርት ሻዘናንሊክ ኣልፋቴን ሄኔ ኣሳባተሰ ኩልቶኡ። 11 እሴን «እሰ ሬሆች ኬዕዮኡ እሰን ፎሊን ዮኡ፤ ኣንን ኣሌንከኤ ለዕዮም» ይት ኩልቶሰ፤ ጠወ እኩጎሬ እሰ ጠወሰ ኣመዕንቶበኡ። 12 ህከኒች ኤተሮን እሰ ከተሚች ገጠረ መርተን ሄኔ ለምንከ ኣሳባተን ዎሎ ደኒን ለኤእ። 13 እሰን ፈንቀልት መርት ፈቆ ኣሳባተ ኩልቶኡ፤ ጠወ እኩጎሬ እሰንተ ኣመዕንቶበኡ። 14

ሀኪኒች ኤተሮን ቶነ መቶንከ አሳባተሰ ማድ አሌን አተን ሄኦገን ኢሰ ለሌሰ፤
እሰን «ኢሰ ሬሆች ኬዕይ ፎልን ዮኡ፤ ነኡን ለዕኖም» ይቶ ጠወ ቀልቡሰ
ዱጃን አመዕኑ ሆሳቤቺሃ ዋቀሾሰ። 15 ኢሰን «ጉዕማንከ ኣዱንያ አል ባዱ
መሬ፤ መኒሃ ጉዕማንከ ተሸት ላገተ ተማርሰዬ፤ 16 አመዕን ጠመቀሞሁ
ፈቀኖ፤ እኮሳሬ አመዕንበሀኒሃ ፈረደመኖሰ። 17 ኢን አመዕንቶሀኑኡተ
ጉዕማንከ አጀብሲሰኖ ጠወ አታ ወልቀት ኣሰንታሰ፤ ኢ ሱዕሚን ሩሃንየ
ፋሽታአ፤ ህትን ወዕና ጠወአበ ሃዕሮ ላጋን ጠወኣአ። 18 ወሪቹንከ አፎአቀ
ሀከረንገ ሸኖ ዘቡ አሳአቀ ምረኖሰበአ፤ እሰን ጥዘናመ አሌን አንገተ አቶአቃ
ጥዘናችሰ ፈይታአ» ዬአ። 19 ህካን ቀርቼ ኢሰ ጠወዕይ ሹሎች ኤተሮን
መገኑ ሰማሃ መሴሃንሰ መገን መኬ አዲን አፋዕሌአ። 20 አሳበንት ጉዕመ
ቤቹንከ መርት ተሸት ላገተ ተማርሰቶኡ፤ ቀርቹንኩ አሳን ሜጡበ አአኖት
አቅ፤ አጀብሲሰኖ ጠወ አታ ወልቀተ ኣሲን ተማርሰታ ጠዉ ሀንቅ አሁሰ
ሆሳን ለሊሰኖት አቅ።]

ሉቃስ እንጂሊ

1 ከበጀንቶንት ቴዎፍሎስ! ኒ በላን እኮ ጠውተኔሃ ልግቡ ሙኑ ማቀስ ከኒች ዎሶናሃ ከተቦኡ። **2** ህከ ሶህተ ኔሳሃ ህግሰለጽ ወዕኔችን ኬስ እሊንከስ ለኦኦረለክ ላገስ ካዲመተ እኮአሃ መነ። **3** ህትን እን ወዕኔችን ኬሽ ጉዕመ ጠወንከ ጠረኝሽ አጥራመቸሚች ኤተሮን ጠወስ ቅልቢን ከተቡ ጡመ እኩጅ ለሌኡ። **4** ካን እኡኤ ተማርቶንት ትምህርቱ ሀንቅ አሁስ ጡመገ ደጎተ ይዱት። **5** ይሁድ ባድ ዎመ ሄሮድሴ ዘማኔን «አብዩ» ዬዮ ቂሶመ ክድመ አዲሁ «ዘከርየ» ዬዮ መቱ ቂሶቹ ሃዕዮ እቅ፤ እስን ሀሩን ዘሬች እኮአት «ኤልሳቤጤ» ዬዮ መንቸት ሄኦስ እቅ። **6** ህትን ለመንኩ ቀርቶ ትዛዝለከ ሴረ ጉዕመንከ ሂላርቹ ዮበኢሃ አገርተን መገን ብሬን ፈየ መነ እቅ። **7** ኤልሳቤጥን እልትባተ እኮቤቼሃ እለት ዮስበለረ፤ ህትን ለመንኩ ባልቆለረ እቅ። **8** ህከ ወክት ዘከርየ አዲሃ ሆጎ ተሩ ኢልሃን መገን ብሬን ቂሶመ ሆጉተ እኦንን **9** ቂስ ሴር ሃላን ዱኦ ምኒ ኣግ ህጣከ አጨሶተ እጡ ኢሊሰ። **10** ህከ ህጣከ አጨሴዮ ወክት ኡመቱ ጉዕመንኩ አብሊን ኡር ዱኦ አታኦት እቅ። **11** ቀርቶ መላይኬቹ ህጣከ አጨሴዮ ጠረጴዛ መኬ ኦዲን ኡርኬዕይ ዘከርይሃ ለሌኡ። **12** ዘከርይሃ መላይኬቹ ለዕዮ ወክት ህልቆ፤ አበ ዋጂኡ። **13** ጠው እኮጎሬ መላይኬቹ «ዘከርየ! ዱኡክ ሞጮጨሞቤቼሃ ዋጅቶት፤ መንቸክ ለባ ጨል አልታሂ፤ ሱዕመስ (ያህይ) ይት ገኦታንት። **14** ኬሳሃ እቡ መንዲት እካሄ፤ ጨሉ አለሞቤቼሃ ልግቡ ሙኑ መንደኡና። **15** መስንትስ እስ መገን ብሬን ሎረ አህና፤ ህትን ወይንን ቦባጤማሀለክ ዎሉ ሰከርሰና አጌናርቹ ሆሮን አገናበኡ፤ ህትን አመስ ጎደባን ሃዕዮ ሰኣቲቶ ኬሽ ጠሊሊ እያንን ዋሞሃ አህና። **16** እስን እስራኤል ኡመቲቶ ልግብሰ ቀርቾሃ መገን አደ ፈንቀሸና። **17** ህትን ቅጥይቶ መነ ቀርቼሃ ቅጥ አታታ፡ እናኑተለከ አለተ ሀራርስ ሜጡብ አኑተለከ አዘዘንታበኦ መን ቀልብ ጠሊላኖ ደጉ ፈንቀሸታ፡ እልያሴ እያንንለከ ወልቃን ቀርቶ ብሬን ሃመና» ዬሰ። **18** ዘከርየን ህከ መላይኬቹ «እን ባልቆም፤ ጫንትኤ ባልቆኡ፤ ኩ ጠው ሀንቅ አሁስ ማን ደጎተ አታላም?» ዬኡ። **19** መላይኬቹንኩ ፈንቀሽ «እን መገን ብሬን ኡራዎ ጅብርላት፤ ከ ተሽት ኩሎሄት ሰቀም አሚቸም እቅ። **20** እኮጎሬ ወክቲንከስ እካ ላገኤ አመሰንትበቤቼሃ ኩ ጠው አሆተ ኢሊ ዱደ እካንት፤ ጠወኡንከ አታልታንትበኦ» ዬሰ። **21** ህከ ወክት ሙኑ ዘከርየ አገረኖት እቅ፤ እስን ዱኦ ምኒ ኣዜን ዱንኬቤቼሃ አጀብስጮቶኡ። **22** ዘከርየን ዱኦ ምኒቶ ፋሎ ወክት መንን ጠወኑተ አታሎበኡ፤ ህካን እኮቤቼሃ ዱኦ ምኒን መቱርቹ ለሊሰገ ደጎኡ፤ መስንትስ አንጋን ቀቀሰን ኩለኖሳት እቅ፤ እስን ዱደ እኮ። **23** ክድመ ወክቲንኩ ጎፋን ምንሰ አሮዕና። **24** ቀወ ወክቲቶ ኤተሮን ጫስ ኤልሳቤጥ ላፈተ እኮኡ፤ **25** «ቀርቹ ከ ጡመርቹ አዕዮኡ፤ መን በላን ዮኤ ህንቀሙ ከሞኤ» ይት ኦንቱ አገን መኒቶ ማጠንቶኡ። **26** ኤልሳቤጥ ላፈተ እኮ ለህቅ አገናን መላይኬቹ ገሊላ ባደን ሃዕዮ «ናዘሬት» ዬዮ ከተማን ሄኦ መቱ ሀፍቶበ መገን አዲን ሶሀሞ። **27** እሴን ዳዉዴ ዘሬች እኮ «ዩሱፈ» ዬዮ መንቸሃ አሰንቶአተ

እቅ፤ ሀፍቶስ ሱዕመ «መርየመ» ዬዮተ እቅ። **28** ሁኩ መላይኬቹንኩ እሴቤቹ አሜቶ «መገን አሰቲት ዊሞሄት፤ ወገሬቱ ኬሳሃ አህን፤ መገን ከን ዮኡ፤ አት ሜንቲቶ ጉዕሚቶን ማስአንቶንት» ዬሴ። **29** ጠወ እኮጎሬ እሴን ህከ መላይኬቹ ለኦ ወክት ጠዊንከስ አበ ህልቅ «ኩን ሀትናሙሃ ወገሬት?» ይት ሰውይቶኡ። **30** ሁኩ መላይኬቹንኩ እሴንተ «ቲ መርየማ! መገን እያኑ ዮሄቤቼሃ ዋጅቶት። **31** ሁኩዕብ! አት ላፈተ እካንት፤ ለባ ጨልንከ አልታንት፤ ሱዕመስ (ኢሰ) ይት ገኦታንት። **32** እስን ሎረ አህና፤ ጉዕሚቶን ሎረ መገን ቤቱ የመመና፤ ህትን ቀርቹ መገን እንስ ደዉዴ ሎረ ኬዕምኝ ቦርጭመተ አሰኖሰ። **33** ያቀብ አለ እሴን ዘላለሚሃ ዎመ አህና፤ ወሞሞተስ ዳንጉ ዮሰበኦ» ዬሴ። **(aiōn g165)** **34** መርየመ ህከ መላይኬቹ «እን ሀፍቲተ እኮምቤቼሃ ኩ ጠወ ሀት አሆተ አታላኖ?» ይቶሰ። **35** መላይኬቹንኩ ፈንቀሽ «መገን ጠሊሉ እያኑ ኪ አሌን አሜተኖ፤ ጉዕሚቶን ሎረ መገን ወልቀት ኪ አሌን እካኡ፤ ህካን እኮቤቼሃ ኪቶ አለመኖ ጠሊሊ ጨል መገን ቤቱ» ዬን ገጌኖሰ። **36** ህንዴ ለለ! አልቸክ ኤልሳቤጥ ባልቅማንተሴ ለባ ጨል ላፈታን፤ እሴን «አልትብታን» ዬንንሴ ሄኦ እሴ ላፈተ እኮኢቶ ኩን ለህቅያ አገን። **37** መስንትስ መገን ቂላኖስ መቱርቹሁ ዮበኦ» ዬሴ። **38** መርየማን «ሁኩዕን እን መገንተ ርስቹ፤ ኤሳንከ አት ይቶንትገ አሁዕኔ» ይቶኡ፤ መላይኬቹንኩ እሴቶ አደ አክ ኦሮዕና። **39** ህከ ወክትንከ መርየመ ቆተ ባደን ሃዕዮ ይሁድ ከተመ ደዕልት መርቶኡ። **40** እሴን ዘከርየ ምኒ ኣግ ኤልሳቤጤ ወገሬትሶኡ። **41** ኤልሳቤጥን መርየመ ወገሬትሶ ላገተ ሞጮጭቶ ወክት ጎደባንከሴ ዮ ጨሉ አለጴኤ፤ ኤልሳቤጥን ጠሊሊ መገን እያንን ዊንት **42** ላገሴ ጎት አት «አት ሜንቲቶ ጉዕሚቶን ማስአንቶንትታን፤ ኪቶ አለመኖሁ ማስአምላሃን። **43** ህትን ቀርቶኤ አመት ኢቤቹ አሜቱ ሀትናሙሃ ሎረ ኬዕምኝ? **44** መስንትስ ከለለ! ወገሬትክ ላገተ ሞጮጭቶ ወክት ጎደባንከኤ ዮ ጨሉ ተሽቲን አለጴኡ። **45** ህትን ቀርቹ ኩሎሴ ጠወ ዊመናሃ አሁስ አመዕንቶኢት እሴ ማስአንቶኢት» ይቶኡ። **46** መርየመ «ፎልቹኤ መገን ገላትጭታኡ፤ **47** ህትን ቀልቡኤ ፊሳንቶ መገኖን መንደኡና። **48** መስንትስ መገን ርስቹሰ ህንቀሙ ለዕዮኡ፤ ህትን ከበሬቶ ኬሽ መኑ ጉዕመንኩ «ማስአንቶኢት» ዮናኤ። **49** ህትን ወልቃሙ መገን ኤሳሃ አበ ጠወ አዕዮኡ። ሱዕመሰን ጠሊላሃን። **50** ህትን እሱ ዋጅታ መኒሃ ጉዕሚንከ መገን እላቶ አለ አለተ ኢሊሬተ ማረኖሰ። **51** አንጋንተስን ጠረኝ ሆጉተ አዕዮኡ፤ ቦንታ መንንከ ቀልብስ ሰውቲን ብን አዕዮ። **52** ህትን ሎራትተ ሹምነቱ ዮሰረ ኬዕምኝ ቦርጭማቶስ ድርሾኡ፤ ጠው እኮጎሬ ገዉስ ሆፍሳኦረ ኬዕምሾሰ። **53** ህትን ጎሩ አፎሰሬ ጡመ ጠዊን ዱሴስ፤ እኮጎሬ ቀባጣመተ ኦን አንገንተ መርታገ አዕዮሰ። **54** ህትን መገን አናናኔ ጠወዕዮገን አብራሂሚሃለከ ዘሬተስ ዘላለሚሃ አጉሩስ ሰውይ ርስቹስ እስራኤል ሀዕልዮኡ። **(aiōn g165)** **56** መርየመን ኤልሰቤጤን ሜጡብ ሰሶ አገን ጌስ አፋዕልቶቶ ኤተሮን ምንሴ ፈንቀልት መርቶኡ። **57** ኤልሳቤጥ አልታ ወክቱ ኢደየን ለቤ ጨልንከ አልቶኡ። **58** ህከኒሃ ሉሎሴለከ እሉሴ ጉዕመንኩ መገን አበ አመኩሰገ ሞጮጭት እሴንን ሜጡብ መንደኡኡ። **59** እስን ህዘትቅ

በሬን ጨል ጡርከንቶት እሜት እንስ ሱዕሚን «ዘከርየ» ይት ገእቶተ ሀሶኡ። 60 ጠው እኩጎሬ አመስ «ህትጎተበእ፤ ያህይ» የመም ገእመና» ይቶኡ። 61 ህካን እኮቤቺሃ እሰን «ኪ ዘሬቻ ከን ሱዕሚን ገእሞኢሁ ዮበእንዶ?» ይቶሴ። 62 ህከኒቻ ኤተሮን እሰን ጨሉስ አዬ የመም ገእሞተ ሀሰና ጎሬ ደጎተ እንስ መላን ጠዕምቶኡ። 63 ዘከርየን ከተቤናሃ እሰናሰተ ጠዕም «ሱዕሙስ ያህይት» ይ ከተቦ፤ ህከን ጠዋንን ጉዕሙንኩስ እጅብሲጭቶኡ። 64 ህከ ወክት ዘከርየ አፎስ ፈንተዕያንለክ አረብሰ ሂርተኣን መገኑ ገለትጨን ጠውኡ ጀመሮ። 65 ህካን እኮቤቺሃ ቀዕየ መኑ ጉዕሙንኩ ዋጂኦ፤ ህትን ሁኩ ጠው ጉዕሙንኩ ቆተ ይሁድ ባዶን ጉዕማንን ጠውአሞ። 66 ህከ ጠው ሞጮጮ መኑ ጉዕሙንኩ «ኩ ጨሉ ሀትናሙ አሆንት?» የን ጠወስ ቀልበንከስ አፎ፤ መሰንትስ መገን ዋልቀት እሲን ሜጡብ ሄኦቤቺሃት እቅ። 67 ጨል አኑ ዘከርይ ጠሊሊ አያኒን ዊም 68 «ኡመትስ ለዕዮቤቺሃለክ ፊሾቤቺሃ እስራኤል ቀርቼ መገኑ ማሰአሞሃ አሁን፤ 69 ካዲንቺ ደዉዴ ዘሬ ምኒቻ ጠረኝ ጡምሳንቺ ኪሾኔ፤ 70 ዎዕኔ ዘማኒቻ ኪሾ ሄኦ ጠሊሊና ነብያና አፎን ጠወዕዮገን፤ (aiōn 9165) 71 ዲኒቻለክ ግባና፤ መን አንጋቻ ፊሾኔ። 72 ህካን አዕዮንኩ እናካትኔ አጉሮተለክ ጠወዕዮ ወኣድ ላገተ ዊንሾተ ሰው ይዱት። 73 ከ ወኣድ ላገተ ጤሌዕል አሴኢሁ እኒህኦ እብራሂሚሃ 74 ዲን አንጋቻ ነጠ ፋልን ዋጅተዕናን ካደሞሲታት፤ 75 ህትን ሄዕናም ዘማኒን ጉዕማንን መገን ብሬን ጠሊልማንለክ ፈይማን ሄዕናታት። 76 ህትን ኮ ጨሉ፤ ጠሊሊ ሎረ መገን ነብዬቹ ዬናሄ። ወቃንከ ብዝ አቶተ ሄጭት ቀርቻ ብሬን መርጋት። 77 ቀርቼ ጨብስ አጉሮ ይ ጡም ኤንኬዕት እሰናሰ። 78 መገኑኔ መረርሲጫንቸለክ ጎደበ ላፈ እኮቤቺሃ ፈቅ ኑሩ ሰሜቻ ለሎተ አእና። 79 እሰን ቱንሰቸንለክ ሬሆ ሀላን አፋዕልቶ መኒሃ ጉዕሚንከ ለሊሰና፤ ሎከኔ ወጌሬት ወቃሃ አምንሰና» ይ ራገ ጠወዕዮ። 80 ሁኩ ጨሉንኩ ገዉሲ ነጽ አያኒን ጠረኝ እኮ፤ እስራኤል መኒሃ ለለና በሩ ኢሎተ ኢሊ ኡሊ ኡድማን ሄዕዮ።

2 ህከ ወክት ሮም ገሸቶ አዜን ዮ መን ጉዕሙንከ ወለኢሃ ሮም ዎሚቻ አውግሰጦሴቻ ትዛዙ ፋሎ። 2 ህከ ወዕኔ ዎላንሽ ወክት «ቂሬኔዎስ» ዬና መንቹ ሶሪይ ባዱ ገሸና እቅ። 3 ህካን እኮቤቺሃ መኑ ጉዕሙንኩ ሱዕመስ ከተብሲሶተ ገገዉንኩስ ገገይስ ከተመ መረናቶ እቅ። 4 ዩሱፍን እላንሹስ ደዉዴ ምኒ ዘርተ እኮቤቺሃ እሲሃ አሰናሰሰ ላፈተ እኮ መርየማን ሜጡብ ገሊላን ሄዕዮ ናዘሬት ከተሚቻ ኬዕይ ይሁድ ባዶን ሄዕዮ «ቤተሌመ» ዬና ደዉዴ ከተመ ኦርዕዮ። 6 ለሙንኩስ ህከኔ ሄኦገን መርየመ እልታ ወክቱ ኢሊኡ። 7 ህከንቤቸንን ሀንገፈ ጨል እልቶኡ፤ ኮሁ ገለና ምኒን ቤቹ ዮሰበእቤቺሃ ኦድኖን ጣጥ ጋድር ብሬን ለሉ ህጥተ አተና ገበት አዜን ኦሲሶሰ። 8 ህከን ቀኤን ባዶን ሆላ ዜሞሃ አገርተን አብሌ ገልታ ዘማኑት ሄኦ እቅ፤ 9 አጎንከ ቀርቻ መላይኬቹ ለሌሰ፤ ህትን ቀርቻ ኬዕምኝ ኑሩ አዳንከስ በለቆ፤ እሰን አበ ዋጅቶኡ። 10 ጠዉ እኩጎሬ መላይኬቹንኩ እሰንተ «መኒሃ ጉዕሚንከ አበ ሙንዲኑተ አፍ ክዕኔበ እሜቸሞቤቺሃ ዋጅቶቹ። 11 ከበር ደዉዴ ከተማን ጡምሳንቺ

ቀርቼ መሲሁ አለሞሀዕኔ። 12 ሰብዬቹ ሆጮን ጣጠን ለሉ ህጥተ አተና ገበታን ኦሲሴናን ደኒንጎተ፤ ሁኩን መላተ አህናሀዕኔ» ዬሰ። 13 ድንገቱን ልግቡ ሰሜ መላይከ ጎንቱ ህከን መላይኬቺን ሜጡብ ለልቶኡ፤ እሰን መገኑ ገለትጭተን 14 «ሎርመት አሌ ሰማን መገኒሃ አሁን፤ መገኑ መረርሲጫናስ መኒሃ ኡሊ አሌን ወገሬቱ አሁን» ይታኢት እቅ። 15 ሁኩ መላይከንት አጎቻ አደ አክ ሰማ መርቶ ወክት ዜማኑት ገገዉንኩስን «ቴሁ ኬዕሎ፤ ቤተልሄመ ኢሊ መርን ቀርቼ ኩሎኔ ከ እኮ ጠወሃ ለዕና» የቀንቶኡ። 16 እሰን ደዕልት መርት መርየመለክ ዩሱፈ ህትን ለሉ ህጥተ አተና ገበታን ኦሲዕዮ ጨል ደጎኡ። 17 ህትን ሰብዬቹ ጨል ለኦ ወክት ህከን ሰብዬቹትኔሃ ኩለሞሰርቹ ጠውኡ። 18 ህካን ሞጮጭቶአሩ ዜማኑት ኩልቶስ ጠዋን እጅብሲጭቶኡ። 19 ጠው እኩጎሬ መርየመ ህከ ጠው ጉዕሙንከ ቀልበንከሴ አፍ ሰውይታኢት እቅ። 20 ዜማኑት ኩለሞሰን ሞጮጭቶህኒሃለክ ለኦህኒሃ ጉዕሚንከ መገኑ ሎርሰተንለክ ሹክር ኣተን ፈንቀልት መርቶኡ። 21 ህዜትቅ በር ጨልስ ጡርከሚና ወክት ሱዕመስ «ኢስ» ዬን ገኤመ፤ ሁኩንን አመስ ጎደባን አፋዕሉዕናን ሄጭ መላይኬቹ ፋሽዮሰዩ ሱዕመ እቅ። 22 ሙስ ሕጋን የመሞገን እሰን ነጠ አካ ወክቱ ሆንጠካን መገን ሴሬን «ዎዕነ አለመና ለቤ ቤቱ ጉዕሙንከ መገኒሃ አሴናን አደ አሁን» የመም ከተበሞገን ጨልስ ቀርቻ ብርተ ሆንጠህሲሃ ዬሩሳሌመ መሰቶኡ። 24 ህትን መርቶኢሁ ቀርቻ ሕጋን «ለሙ ሀንደዕርተ ህከረገን ለሙ ዱብሀንደዕሬ ጭጮራ ሆንጠህሲሃ» የመሞገን ክትመ ሆንጠህሲሃት እቅ። 25 ህከ ወክት ዬሩሳሌም ከተማን «ሰሞኔ» ዬና ገዉስ መገኒሃ አሴ ፈሩ መንቹ ሄዕዮ እቅ፤ እሰን እስራኤል ጡም ተቢሳሃ አገረናቶ እቅ፤ ጠሊሉ አያኑ እስ አሌን ሄዕዮ እቅ፤ 26 እሰን መገኑ አቴስ ቀርቼ መሲህ ለኡሰናን ሄጭ ሬሀበገ መገን አያኑ ለሊሾስ እቅ። 27 ሰሞን ጠሊሉ አያኑ ቃግሻንስ ዱኦ ምኒ ኦርዕዮ፤ ዩሱፍለክ መርየመ ሴራን ሮሰሞገን አቶተ ጨል ኢስ ዱኦ ምኒ አፍ ኣጎኡ። 28 ህከ ወክት ሰሞን ጨል ቶግ ሀንቀፍ መገኑ ገለትጨን 29 «ቀርቹ! ቴሱ ካድንቹክ ጠወኦንት ላገክገን ወገሬቲን ሀርሰሴኤ፤ 30 ጡምሱክ አሌንከእ ለዕዮም፤ 31 እሰን መገኑ አመዕንበ መን ጉዕም ብሬን ቅጥአቸንቲሃን፤ 32 እሰን መገኑ አመዕንዮበእ መኒሃ ፈኝ ለሊሰና ኑር አህና፤ ህትን እስራኤል ኡመቲሃ ኬዕምኝያ» ዬኡ። 33 አመሰለክ አኑስ ጨልተኔሃ ዬን ጠውኤመ ጠዋን እጅብሲጭቶ እቅ። 34 ሰሞንን እሰንተ ማሰዕዮሰ፤ ህትን ጨልስ አመት መርየመ «ኩ ጨሉ አበ መን ቀልብ ሰውቱ ደገሞተ እስራኤል ኣዜን ሄዕዮ ልግብያ መኒሃ ኡቢሃለክ ኬኢሃ መገኑ ኡቦስ፤ ህከ መላተ ልግቡ መኑ ግቦስ፤ ኪ ቀልብ ሻዙት ሲፍገ መርጋታ» ዬሴ። 36 ህትን እስር ደቦቻ ፋኑኤሌ ቤቱት «ሃነ» ዬና ራጋንቹት ሄኦ እቅ፤ እሴን ገልቶች ኤተሮን ጨይንከሴ ሜጡብ ለመላ ዘማን ሄኦአተ እቅ፤ ህትን አበ ባልቆ እቅ። 37 እሴን ምንሴ አኑ ዮበኢሃ ህዜታይኔ ሾሉ ዘማን ሄኦ እቅ፤ እሴን ሀንከዕርተለክ በራሃ ዱኦ ምኒቻ ሆሮ አደ እኩሰናን ሶሚተንለክ ዱኦ ኣተን መገኑ ካደንታ እቅ። 38 ህከ ወክትንከ እሴ እሜት መገኑ ገለትጭተን ዬሩሳሌም ጡሙ ተቢሴን አገርታ መኒሃ ጉዕሚንከ እሰተኔሃ ኩልቶኡ። 39

ዩሱፍለክ መርየመ ጉዕመርቸንከ ቀርቶ ሕጋን የመዋገን አቶች ኤተሮን ገሊላን ሄዕዮ ከተመ ናዘሬት ፈንቀልት መርቶአ። 40 ጨሉንኩ ነጽ ጠራጌአ፤ ህትን ሀይቹ እኮ፤ ህትን መገን አሳቱት እሲን ሜጡብ ሄኡ እቅ። 41 እኩሰለክ አመሰ ዘማን ዘማኔን ሻሽግ ከበጀት ከበጅቶተ ዬሩሳሌም ከተመ መርታ እቅ። 42 ኢሲንከ ቶን ለሙ ዘማን አኩሰ ወክት ዎሲን ርሰዋገን ከበጀት ከበጃሃ ዬሩሴሌመ መርቶአ። 43 በሩሰ ጎፎች ኤተሮን እሰን ምኒ ፈንቀልታን ጨሉ እሲ ዬሩሳሌማን ፈቆ እቅ፤ ህካን እኩሰለክ አመሰ ደጎበአ። 44 ሀራቲን ሜጡብ እሜተኖሃ አጉጃጎሰ መቶ በሬ ዎቃ ሃንተን ሆሶኡ፤ ህከኒቹ ኤተሮን እሉሰ ዮቤቹለክ ደጋ መንቤቸን ሀሶሰ። 45 ሀሰ ሆጎ ወክት እሱ ሀሰን ዬሩሳሌመ ፈንቀልት መርቶአ። 46 እሰን ተማርሲሰ መን በላን አፋዕል ዋጮጨንለክ ጠዕምቱተ ጠዕመን ሰሶ በሬች ኤተሮን መገን ምኔን ደጎሰ። 47 ሞጮጮቶ መኑ ጉዕመንኩ አጥራመች ቶንከሰለክ መሰለንከሰ አጀብሲጮቶአ። 48 ዩሱፍለክ መርየመ ለኦ ወክት አበ አጀብሲጮቶአ፤ አመሰን «ኢ ጨሉ! ሚሃት ህት አቶንትኔህ? ህትን እኩኪ አን ጨነቀመን ሀንጎንኬት እቅ» ይቶሰ። 49 እሰን «ሚሃ ሃሰኑዕኔ? አኒህኤ ዮርቸን እሁ ሀሰሰኖኤህ እሁሰ ደጌንተበአንድ?» ዬሰ። 50 እሰን ጠወዕዮሰ ጠወሃ አጥራመቶበአ። 51 ህከኒቹ ኤተሮን እሳኒን ሜጡብ ናዘሬት አሜቹ፤ እሳንከ እዘዘመኖሰ እቅ፤ አመሰ ህከ ጠወሃ ጉዕመንከ ቀልቤንከሴ አፋ እቅ። 52 ኢሰ መገንለክ መን ብሬን እያኒን ዊም ሀይማንለክ ጉባን ነጸን መረኖት እቅ።

3 ሮም ዎሙ ጢባርዮስ ዎመ እኮ ቶና ኦንትቅ ዘማን ጸንጠናዊ ጽላጣሰን ይሁዳ ገሽኖ እቅ፤ ህትን ሄሮድሰን ገሊላ ባዱ ሄሮድሴ አመቤቱ ፊልጶስን «ኢጡርያሰለክ ጥራኮኒዶስ» ዬኖ ባዱ ሊሳንዮሰ ህትን «አቢሌኔ» ዬኖ ባዱ ገሽታህረ እቅ። 2 ህትን ሐናኒለክ ቀፊፊ መገን ምኔን ሎርሎራኖ ቂሰተ አዋንሰኖ እቅ፤ ህከ ወክት መገን ላገት ዘከርይ ጨልቤቹ ያህይበ ኡሉ ኡድማን እሜቶአ። 3 ህካን እኮቤቺሃ ያህይ ዮርዳኖስ ዊ አዘጋገን ጉዕማንን ዘሀህን «ጨብሀከዕኔ ጡሙ ደእቶሩተ ቶበቲን ጠመቀሜ» የን ተማርሰኖ እቅ። 4 ህካን እኮሁ ነቢዬቹ እሰያሰ ያህይተኔሃ ሄጮ «ሁኩዕኑን! ከን ኡሉ ኡድማን ህት የን ያረኖ መንቸተ ላገ፤ «መገን ዎቃሃ ቅጥአዕ! ህገኖ ቤቹንከ ብዝ እዕዬ! 5 በዕዮቤቹ ጉዕመንኩ ዊሙን! ቆተላለክ ቆሩት ጉዕመንኩ ራሰተ እኩን! ሾኩ ዎቆንኩ ጌጥ ዩን! ሂሉ ዎቆንኩ ብዝ ዩን! 6 መኑ ጉዕመንኩ መገን ጡምሱ ለኡን!» የመዎ ከተበዋጋት። 7 ህካን እኮቤቺሃ ጠመቆሰተ አሜቶ ልግብ መን ያህይ «እዕኑ ኩ አዳዊ እለት! አሜታ ኡሙዕሬች ሁንቶሩተ አይ ኩሉሀዕኔ? 8 ቴሱ ቶበቲክዕኔ ለሊሳ ሆጉተ እዕዬ ቤሉ ነኡ ለብራሂምተ እሉ» ይቲን ቀልብክዕኔ ጠዊን ድክሎቹ፤ መሰንትሰ መገኑ ከን ክኒቹ አብራሂሚሃ እለተ እዕይ ኬሶተ አታለኖገ ኩላንክዕኔ። 9 ቴሱ ከልቱ ሀቅ ፎቃን አፋዕልዮኡ፤ ህካን እኮቤቺሃ ጡሙ ላልቹ ላልቡ ሀቁ ጉዕመንኩ ሙርተዕይ ገራን አገኖ» ዬአ። 10 ሁኩ መኑንኩ ያህይ «ቴሱ መ እዕኑ?» ይት ጠዕምቶሰ። 11 እሰን ፈንቀሽ «ለሙ» እድኑት ዮሲሁ ዮሰበአህኒሃ እሱን፤ እቴኖሁ ዮሲሁ እቴኖሁ ዮሰበአህኒሃ ቤህን» ዬአ። 12

ህትን ቀረጠ ሙርታህረ ጠመቀንቶተ አሜት «እስተማርቸ! ነኡ መ እዕኑ?» ይት ጠዕምቶ ወክት 13 «ሕገን ፈቀደሞሀዕኔህኒቹ በትሴን ኣላቶኖቹ» ዬሰ። 14 ህትን ወታደሩንኩ «ነኡ መ እዕኑ?» ይት ጠዕምቶ ወክት «መቶ መንቸች ወልቃን ዘረፎኖቹ፤ መቱ መንቸሃ ክዘቢን ከሰሶኖቹ፤ ገይክዕኔ ደሞዙ እሁንክዕኔ» ዬሰ። 15 መኑ ተብሴን አገረኖቤቺሃ ጉዕመንኩ መኑ ቀልቤንከሰ ያህይ «ኩን መሲህትንዶ?» ይት ሰውይታ እቅ። 16 ያህይን «አን ዊን ጠመቃንክዕኔ፤ ጠዉ እኮጎሬ አን ጫዕማሰ ወደሩ ሂሮተ አታልቡ እቹ ጠረቹ አሜተኖ፤ እሰን ጠሊላ መገን እያኒንለክ ገራን ጠመቀኖሀዕኔ፤ 17 እሰን ኦድ አሉን ዉጠተ ጋቢች አደ አኦተ ቤሉ አንጋንከሰ እፎኡ፤ ጠዉ እኮጎሬ ጋበሰ አደ አዕዮች ኤተሮን ዉጠተ ቀፎን ወረኖ፤ ጋበንከ ጠእትበ ገራን ቡሰኖ» ዬሰ። 18 ህትን መን አበ ሸዘንተ ሸዘን ተሸት ላገተ ዱዱብሰኖ እቅ። 19 ጠዉ እኮጎሬ ገሊላ ባድ ገሻንቹ ሄሮድስ አመሰ ቤት ፊልጶሴ ጫተ ሄሮድያደ ኣኤቤቺሃለክ ዎሉ አዕዮ ተንኩተ ጉዕማንከ ያህይ ሻቆሰ። 20 ሄሮድስ ተንኩ አሉን ተንኩተ እዕይ ያህይ ኡሶር ምኒ አግሾሰ። 21 መኑ ጉዕመንኩ ጠመቀሞች ኤተሮን እሲ ጠመቀሞ፤ እሰን ዱኣ አአንን ሰሞ ፈንተዕያን 22 ጠሊሉ አያኑ ሀንደዕሬገ እክ እሌሰ ድሬኔ፤ ህከ ወክትንከ «ኢታም ቤቱኤ አቲት ኪን ተሽ ዮኖኤ» ይታ ላገት ሰሜቹ እሜቶአ። 23 ኢሰ ሆጉተ ጀመረኖ ወክት ሰጁ ዘማን ጌሰ እኩሰ እቅ፤ መኑ እሱ ዩሱፍሪ ቤቱ ይ ሰውየኖ እቅ፤ ዩሱፍ ኤልያ ቤቱ እቅ። 24 ኤል ማቲያ ቤቱ፤ ማት ሌዊያ ቤቱ፤ ሌዊ ሚልክያ ቤቱ፤ ሚልኪ ዮና ቤቱ፤ ዮና ዩሱፍያ ቤቱ። 25 ዩሱፍ ማታትዩያ ቤቱ፤ ማታትዩ አሞጽያ ቤቱ፤ አሞጽ ናሆምያ ቤቱ፤ ናሆም ኤስልምያ ቤቱ፤ ኤስልም ናጌያ ቤቱ። 26 ናጌ ማኣትያ ቤቱ፤ ማኣት ማታትዩያ ቤቱ፤ ማታትዩ ሴሜይያ ቤቱ፤ ሴሜይ ዩሱፍያ ቤቱ፤ ዩሱፍ ዮዳያ ቤቱ። 27 ዮዳ ዮናንያ ቤቱ፤ ዮናን ሬሰያ ቤቱ፤ ሬሰ ዘሩባቤልያ ቤቱ፤ ዘሩባቤል ሰላትያልያ ቤቱ፤ ሰላትያል ኔርያ ቤቱ። 28 ኔር ምልክያ ቤቱ፤ ሚልኪ ሐድያ ቤቱ፤ ሐዲ ቆሳምያ ቤቱ፤ ቆሳም ኤልሞዳምያ ቤቱ፤ ኤልሞዳም ዓርያ ቤቱ። 29 ዓር ዮሴዕያ ቤቱ፤ ዮሴዕ ኤልዔዛርያ ቤቱ፤ ኤልዔዛር ዮራምያ ቤቱ፤ ዮራም ማጣትያ ቤቱ፤ ማጣት ሌዊያ ቤቱ። 30 ሌዊ ሰሞንያ ቤቱ፤ ሰሞን ይሁድያ ቤቱ፤ ይሁድ ዩሱፍያ ቤቱ፤ ዩሱፍ ዮናንያ ቤቱ፤ ዮናን ኤልያቅያ ቤቱ። 31 ኤልያቅ ሜልያ ቤቱ፤ ሜልያ ማይናንያ ቤቱ፤ ማይናን ማጣትያ ቤቱ፤ ማጣት ናጉንያ ቤቱ፤ ናጉን ዳዉድኖ ቤቱ። 32 ዳዉድ እሴይያ ቤቱ፤ እሴይ ኢዮቤድያ ቤቱ፤ ኢዮቤድ ቦኤዘያ ቤቱ፤ ቦኤዘ ሰልሞንያ ቤቱ፤ ሰልሞን ነኣሶንያ ቤቱ። 33 ነኣሶን አምናደብያ ቤቱ፤ አምናደብ አድምንዮ ቤቱ፤ አድሚን እርኒያ ቤቱ፤ እርኒ ሔጽርምያ ቤቱ፤ ሔጽርም ፋሬሰያ ቤቱ፤ ፋሬሰ ይሁድያ ቤቱ፤ ይሁድ ያቁብያ ቤቱ። 34 ያቁብ ኢሳቅያ ቤቱ፤ ኢሳቅ አብራሂምያ ቤቱ፤ አብራሂም ታራሃ ቤቱ፤ ታራ ናኮርያ ቤቱ። 35 ናኮር ሰሩጊያ ቤቱ፤ ሰሩጊ ረኡያ ቤቱ፤ ረኡይ ፈሊቅያ ቤቱ፤ ፋሊቅ እቤርያ ቤቱ፤ እቤር ሳላሃ ቤቱ። 36 ሳላ ቃይንያ ቤቱ፤ ቃይን አርፋክስድያ ቤቱ፤ አርፋክስድ ሴምያ ቤቱ፤ ሴም ኑህያ ቤቱ፤ ኑህ ላሜህያ ቤቱ። 37 ላሜህ ማቴሳልያ ቤቱ፤ ማቴሳል ሔኖክያ ቤቱ፤ ሄኖክ ያሬድያ ቤቱ፤ ያሬድ መላልኤልያ ቤቱ፤ መላልኤል ቃይናምያ ቤቱ። 38 ቃይናም

ሄኖስና ቤቱ፤ ሄኖስ ሣንታና ቤቱ፤ ሣንታ ኣደምና ቤቱ፤ ኣደም መገንያ ቤቱ ይታ
እቅ።

4 ኢስ ጠሊሉ እያኑ ዊማንስ የርዳኖስ ዊች ፈንቀል አሜቾ፤ ሀከኒች
ኤተርን ጠሊሉ እያኑ ኢስ ኡሉ ኡድመ ኦርእኖን አዕዮስ፤ ሀከኒን
ሸይሉ በር አልብሱ ፊተኛስ፤ ሀከን በራካንን መቱርቼሃ አቱ ሆንቤቼሃ
በሩስ ጎፎ ወክት ጎር አፎስ። 3 ሀከ ወክት ሸይጣኑ ኢስ «ሀንዳ አት መገን
ቤቱ እኩንትጎሬ ከ ክኑ ዳቡተ እሀን ይት እዘዘ» ይሰ። 4 ጠዉ እኩጎሬ ኢስ
«መኑ ጠለዕል እቱርቼን ሄእናበኡ የመም ከተበሞኡ» ይ ፈንቀሼኡ። 5
ሀከኒች ኤተርን አልብሱ ኢስ ቆር አል 4ቱ ኣዲንያ አል ሞመተ ጉዕመንከ
ገለብቱንን ለሊሸስ ከዕይ 6 «ከ ገሽ ወልቀተለከ ሎርማስ ጉዕመንከ
ኣጎንኩ፤ ኩ ኬዕምቻ ኤሳሃ ኣለሞኤቤቼሃ እን ሀሽሞሀኒሃ እዬሃ ኣሶተ
ኣታላም። 7 ሀከን እኮቤቼሃ አት ኤሳሃ ሰገደንቴኤ ጎሬ ኩን ጉዕመንኩ
ኬሳሃ እሀናኤ» ይሰ። 8 ኢስን «ቀርቼሃ መገኒሃከ ሰገድ፤ ጠለዕል እሲንከ
አባደተ እኤ የመም ከተበሞኡ» ይ ፈንቀሼኡ። 9 ሀከኒች ኤተርን አልቤሱ
ኢስ ዬሩሳሌመ መሰሰ ዱኣ ምኒ እሌ ኣሌን ኡርሽ «አት መገን ቤቱ
እኩንትጎሬ ሀንዳ ገዉክ ዋር ዋልት ኡብ፤ 10 ቲሳሃ ኣገርቶተ መገኑ
መላይከተ እዘዘና፤ 11 ሀትን ሎከክ ክኖን ቆዕልታበእን እንጋንከስ ኬስ
ኣፋኤ የመም ከተበሞኡ» ይሰ። 12 ኢስን «ቀርቼ መገኑክ ፊተንቶት»
የመም ከተበሞኡ» ይ ፈንቀሼሰ። 13 አልቤሱ ኢስ ፈተኝ ሹሎች ኤተርን
ወክቲሃስ ኡጉር ኦርዕዮ። 14 ሀከኒች ኤተርን ኢስ ጠሊሉ እያን ዋልቃን
ዊሞ ገሊሊተ ፈንቀሎ፤ እስ ዱዱቡንኩ ሀከን ኣዲን ኖ ባዲን ጉዕማንን
ሞጮጪሞ። 15 እስን ጭምት ምኒን ተማርሰና ወክት መኑ ጉዕመንኩ
ገለትጨኖስ እቅ። 16 ሀከኒች ኤተርን ኢስ ነጹ ባዱ ናዝሬተ አሜች
ሮሾንን አይሁድ አበ በሬን ዱኣ እኤኖ ምኒ ኣግ ኣነበቡተ ኬዕዮ። 17
ሀከ ወክት ነብዬቾ እስያሴ መጻፈ ኣሰቶስ፤ ሀከ ጣጠሞ መጻፈ ፈቾ
ወክት 18 «ቀርቻ እያኑ ኢ እሌኒን፤ ተሸት ላገተ ቡጥቻኖተ ዱዱብሶተ
ሹመ እዕይ ቡርኤ፤ ኡሱረንቶእና ሂረንቶተ፤ ቆቁ መኑ ለኣገ አዋጀተ፤
ጭንፈንቶሩ ሰዋልድማን ፋሽተለከ 19 ሀትን ቀርቼ መንዲሲስና ወክቱ
እሌገ አዋጀተ ሶኮኤ» የመም ከተበሞቤቹ ደን። 20 ኢስን መጻፈ ጣጭ
እስናደናሀኒሃ ኣስ ኣፋዕሌኣ፤ ጭምት ምኒን ሄዕዮ መኑ ጉዕመንኩ ቱክ
ይት ለኣስት እቅ። 21 እስን «ከበር ከን መጻፍ ላገት ኣዕኑ ሞጮጭቲን
ዊንቶኡ» ይሰ። 22 ጉዕመንኩ መኑ እስተሃ ጡመ ጠወ ጠወኣኖት እቅ፤
ሀትን ጠወኣኖ ኣሰቶ ላጋን እጀብሲጭት «ኩን ዩሱፍሃ ቤቱበእንዶ?»
ይቶስ። 23 ኢስን «አት ሀከንቼ! ሀንዳ ገዉክ ፈይስ» ይታ ተ ሞሳልተ
ሸክት የብእሃ ኤሳሃ ይቲንተገ ደጋም፤ ሀትን ቅፍርናሆም ከተማን
ኣቶንቲሃ ነኡ ሞጮጭናሚሃ ከን ገይክ ባዲን እኤ ይቲንተኡ» ይሰ።
24 ሀንቅንከ ያንክዕኔ፤ ነብዬቹ ገይስ ባዲን ሆርን ኬዕምሴናበኡ። 25
«ሀንቅንከ ያንክዕኔ እልያሴ ዘማኔን ሰሱ ዘማንለከ ሌሁ ኣገን ጤኑ ኡቡ
ሆንቤቼሃ ባዲን ጉዕማንን ጎሩ ኣኩ ወክት እስራኤል ባዲን ምንሰ ኣኑ
ሬዮ ልግቡ ሜንቱ ሄኡ እቅ። 26 ጠዉ እኩጎሬ እልያሰ ሲዳን ዬኖ ባዲን
ሄዕዮ ሰጸረተ ዬኖ ቀዕያን ሄኡ ምኒ እኑ የሴበእ መንቾ ቤሉ ወልሀስ እዬሃ

እስራኤላን ሄኡ ምንሰ ኣኑ ሬዮ ሜንትቤቹ ሲሆሞበኡ። 27 ሀትን ነብዬቹ
እልሳኤ ዘማን እስራኤላን ግገ አል ጥዘትን አፎስ ልግቡ መኑ ሄዕዮ እቅ፤
ጠዉ እኩጎሬ ሶርዮ ዬኖ ባድ ጎዕማኔ ዬኖ መንቾ ቤሉ ዋሉስ ፈይቶበኡ»
ይሰ። 28 ሀከን ጭምት ምኒን ሄዕዮ መኑ ጉዕመንኩ ሀከን ሞጮጭቶ
ወክት ኡመዕርቶኡ። 29 ጉዕመንኩስ ከተሚች ኣብል 4ቱ ቆሽቶሲች ኤተርን
ዋር ዋሽት ኡጅቶተ ሀስ ከተመሰ እጃራሞ ቆር ገርደብ መድ መሰቶስ።
30 ጠዉ እኩጎሬ እስን በሊንከስ 4ል ኦርዕዮ። 31 ኢስን ገሊላን ሄዕዮ
ቅፍርናሆም ከተመ ዋር ዋል ኦርዕዮ፤ ሀከኒን አይሁድ አበ በሬን ጉዕመረን
ተማርሰናሳት እቅ። 32 ጠወስ ደገን እኮቤቼሃ እስ ተማርሰና ትምርቲን
ጉዕመንኩ እጀብሲጭታ እቅ። 33 ሀከኒን ዱኣ ምኒን ዶርረና ዱሩ አፎስ
መንቾ ሄዕዮ እቅ፤ እስን ሎረ ላጋን 34 «ናዝሬት ኢስ! ኣሳሃለከ ኬሳሃ ሞ
ደቀንሹ የኔ? ቤሶኔተ አሜትንዶ? አት እዬተ ጎሬ ደንጋንኬ፤ አት መገንየ
ጠሊሉ» ይ ያር። 35 ጠዉ እኩጎሬ ኢስ «ጨለይት እሲች 4ል!» ይ ሻቆስ፤
ሀከን እኮቤቼሃ ዶርረና ዱሩ ሀከ መንቾ መን በላን ኡጅ መቱርቼሃ
ምሩዕናንስ እሲች 4ሎ። 36 ጉዕመንኩ እጀብሲጭት ገገዉንኩስን
«ኩን ሀትኔታ ላገ? ወልቃንለከ ዳጅማን ዶርረና ዱር እዘዘና ወክት እስን
እዘዘንት 4ልታኢት» ዋንቶኡ። 37 ኢስ ዱዱቡንኩ ሀከን እዝጋጌን ሄዕዮ
ባዲን ጉዕማንን ሞጮጪሞ። 38 ኢስ ዱኣ ምኒች 4ል ሰሞኔ ምኒ ኣጎ፤
ሀከኒን ሰሞኔ በሉት 4ረ ደመሜን ጥዞ እቅ፤ እስን እሴንተ ፈይሶተ ኢስ
ኡጭቶስ። 39 እስን እሴ መድ ሆንጠክ ኡርኬዕይ ሁኩ 4ረ ደመምት
ገፈርቶት እዘዘን ኡጉርኤ፤ ሀከ ወክት ኬኤ እስንተ ካደመ ጀመርቶኡ። 40
ኣሩ ኣጎ ወክት መኑ አደደ ጥዘናን ጥዞ ጥዘናመተ ጉዕመንከ ኢስበ
ኤቡኤ፤ እስን መት-መትስ እሌን እንገስ እሌስ ኣዕይ ጉዕመንከስ ፈይሾ።
41 ሀትን ሩሃንዩንኩ ልግብያ መኒች «አት መገንየ ቤቱ» የን ያረን 4ሎ፤
ጠዉ እኩጎሬ ኢስ ሻቆስ፤ ሀትን ዶርረና ዱሩ እስ መሲህ እሁስ ደጎቤቼሃ
እስን ጠወኣተ ፈቀጀስበኡ። 42 ኡለት ሶዞ ወክት ኢስ ሀከንቤቼች ኬዕይ
መኑ የብእቤቹ ኦርዕዮ፤ ጠዉ እኩጎሬ መኑ እሴ ሀስን አሜት እስንተ ኡጉር
ኦርእኖበእ ኡጭቶስ። 43 እስን «ዋሎ ከተሚሃ መገን ሞምንት ተሸት
ላገት ዱዱብሱ ሀስሰኣኤ፤ መሰንትስ እን ሲሆሞሚሁ ተን ሆንታት» ይሰ።
44 ሀከን እኮቤቼሃ ይሁድ ባድ ጭምት ምናን ፈንቀላመን ተማርሰና እቅ።

5 መቱ በር ኢስ «ጌንሴሬጠ» ዬኖ ባር መዲን ኡርዮሃኔን ልግቡ መኑ
እስበ ሆንጠክ መገን ላገተ ሞጮጭቶተ ሆንበዕለንተን 2 ኢስ
ባር ገበላን ኡርት ሄኡ ለሙ ጀልበ ለዕዮ፤ ቁርጩሜተ ወሻዳሩ ጀልብ
ኣዘቻ 4ልት ወሻደስ ኣንሸታኢት እቅ። 3 ኢስን ሀከን ጀልቢች መቶንከስ
ሰሞኔሀኔን ኣግ ሎረ ባርበ ሸቅ እኡተ ሰሞኔ ጠዕሜስ፤ ሀከን ጀልባን
ኣፋዕል ኡመት ተማርሴኡ። 4 ኢስ ጠወዕይ ሹሎች ኤተርን ሰሞኔ
«ጥዕላሻ እደ ዋሽቲን ቁርጩሜተ ወሻደናተ ወሻዳክኔ ኡጅዬ» ይሰ። 5
ሰሞንን ፈንቀሽ «ቀርቼ! ዊመ ሀምሩተ አጸመን ገልን መቱርቼሃ ኣንፎምበኡ፤
ጠዉ እኩጎሬ አት ይቶንቴኤች ወሻዳኤ ኡጃም» ይሉ። 6 እስ ዬንን ኣቶ
ወክት ልግብ ቁርጩሜተ ኣፋን ወሻዳሱ ዕልተኡ ጀመር። 7 እስን ዋሎ
ጀልባን ሄኡ ጀላስ አሜት ሀዕልቶስተ ቀቀሶሳ፤ ጀላስን አሜት ለሞ ጀልባን

ቁርጩሜተ ዋንሽታን ጀልቡሰ ዋን አእሞተ እኩ። 8 ሰሞን ጴጥሮስ ህካን ለዕዮ ወክት ኢስ ሎክ አሌን ኡብ «ቀርቼ! እን ጨበን እኮምቤቺሃ ኢ መድ ሆንጠኮት» ዬሉ። 9 እስ ህካን ዬ መሰት አፎ ቁርጩሜተስ እስለከ አሲን ሜጡብ ሄኔአሩ ጉዕሙንኩ አበ አጀብሰጭቶቤቺሃት አቅ። 10 ህትን ሰሞኔ ጃለት ዘብደዎሴ ኦሱት ያቀብለከ ያህይ አጀብሰጭቶኦ፤ ጠው እኮጎሬ ኢስ ሰሞኔ «ዋጅቶት ከኒች ኤተሪሃ መነ ወሻዳንቲሃ እካንት» ዬሰ። 11 እስን ጀልበስ ኡለ አይ ሸቅ አቶች ኤተሪን ጉዕመርቹንከስ አጉርት ኢስ አምንቶኡ። 12 መቱ በር ኢስ መቶ ከተማን ሄዕዮገን ጎግ አል ጥዘናን ጥዢ መቱ መንቹ አሜች ኢስ ለዕዮ ወክት ብሬንከስ ኡብ «ቀርቼ! ተሸዌሄ ጎሬ ፈይሶኤት አታልታንት» ይ ኡጩሰ። 13 ኢስን አንጋንከስ አልስ ሀጣዊ «ኤ ፈይ!» ዬሰ፤ ህከ ወክትንከ ሁኩ ጎግ አል ጥዘትን ገፈርቶሰ። 14 ህትን ኢስ መንቹስ «ከ ጠው መቶ መንቹሃ ጠውኦት፤ ጠው እኮጎሬ መርት ገወክ ቂስቺሃ ለሊስ፤ እሲንከ እማን አሆተ ሙስ አዘዢገን ፈይቶንትቤቺሃ ክትመ ሆንጠህስ» ዬሰ። 15 ጠው እኮጎሬ ኢስ ዱዱቡ ጉዕመ ወክቲችን በትሽ ሞጮጪሞ፤ ልግቡ መኑ አሲች ሞጮጭቶተለከ ጥዘናችስ ፈይቶት ጭም ይታኢት አቅ። 16 አሁን ቤሉ እስ ኡለ ኡድመ መር ሜጡንኩስ ዱኤ አእኖ አቅ። 17 መቱ በር ኢስ ተማርሰን ገሊላን ይሁድ ባዶን ዮ ኦሌች ጉዕሚችለከ ዬሩሳሌም ከተሚች አሜቶ ፈርሳውያንትለከ ሕግ አስተማረት መዳንከስ አፋዕልቶ አቅ፤ እሲንከ ጥዘናመተ ፈይሰኖ ቀርቶ ያልቀት አሌስ ሄኔ አቅ። 18 ህከ ወክት መቱ ሎከተ ናፈ መንቹ ዳሲን እጅት ኤቡኤ፤ እሱንከ ምኒ ኣግስ ኢስ ብሬን አፋሽቶተ ዎቃ ሀሳኢት አቅ። 19 ጠው እኮጎሬ መኑ በተዕዮቤቺሃ ሎከተ ናፈ መንቹ ምኒ ኣግሳ ዎቃሃ ሆጎኡ፤ ህካን እኮቤቺሃ ምኒ አሌ አል ፋልት አሌስ ብሎኬቺቹ መቱ ጌስ ፈንት ህከ ናፈ መንቹ ዳሲንከስን ኢስ ብሬን ድርሶኡ። 20 ኢስን አመነትስ ለዕይ «ኮ መንቹ! ጨቡክ አጉረሞሄ» ዬሰ። 21 ህካን እኮቤቺሃ ሕግ አስተማረትለከ ፈርሳውት «ኩ መገን አሌን ቦርር ላገተ ጠውአናሁ አዬት? ሜጥቾሃ መገን ቤሉ ጨብ ፈቁን ዮተ አታላናሁ አዬት?» ይተን ሰውዮ ጀመርቶኡ። 22 ኢስ ሰውትስ ደግ «ካን ቀልቤንከክዕዕ ሚሃት ሰውይቲንታሁ? 23 «ጨቡክ ፈቁን» ዬችለከ «ኬዕ ሃም» ዬች ሀከንስ ቆህኖ? 24 ጠው እኮጎሬ ከን አዲንያ አሌን መንቹ ቤቲሃ ጨብ ፈቁን ዮች ሹምነቱ ሄኡስ ለሊሳንክዕዕ» ይ ፈንቀሽ ናፈ መንቹንከ «እን ኬሳሃ ያንኬ፤ ኬአ ዳሰክ እጅት ምንክ ኦርእ» ዬሰ። 25 ህከ ወክትንከ ብሬስ ኬዕይ ኦሰዕዮ ዳሰ እጅ መገኑ ገለትጨን ምንስ ኦርዕዮ። 26 ህካን እኮቤቺሃ ጉዕመንከ መነ አጀብሰሻን መገኑ ገለትጭተን «ከበር አጀብሰሲኖ ጠው ለዕናም» ይት አበ ዋጅቶኡ። 27 ህከኒች ኤተሪን ኢስ ህከን አዲች ፋል «ሌዌ» ዬኖ ቀረጠ ሙረኖሃ ቀረጤኖቤቹን አፋዕሌሃ ለዕይ «አውኔኤ» ዬሰ። 28 እስን ጉዕመርቹንከ አጉር ኬዕይ አምቶሰ። 29 ለዊን ኢሰሃ ምኔንከስ አበ ድግስ ቅጥ አዕያን ልግቡ ቀረጠ ሙርታአሩለከ ዋሉ መኑሁ አሳን ሜጡብ ማዳን አፋዕልቶ አቅ። 30 ፈርሳዊያንትለከ ሕግ አስተማረት ኢስ አሳበተ «ቀረጠ ሙርታሁኡንከስ ጨበኛኖን ሜጡብ አቴንታሁለከ አቴንታሁ ሚሃት» ይት ቁንቁቶኡ። 31 ኢስን «ሀከሙ

ሀስሰኖሁ ጥዘናማታት ቤሉ ፈይሃበኡ። 32 እን አሜቶሚሁ ፈያኑተ ገኡት አሁዕነ ጨበኛኑት ጨብችስ ቶበት ፈንቀልታን አኦታት?» ይ ፈንቀሼኡ። 33 ህከኒች ኤተሪን መት-መት መናከት ኢስ «ያህይ አምናንትለከ ፈርሳዊያኖ አምናንት ልግብ ወክት ሶመንተን ዱኤ አታኦ፤ ጠው እኮጎሬ ኪ አሳበት አታኢሁለከ አጋኢሁ ሚሃት?» ይት ጠዕምቶሰ። 34 ኢስን «አዜቹ አሳን ሜጡብ ሄዕዮገን ቦሎቸ ገጤመ ኮሃ ሶመንታገ አቶናተ አታልቲንንዶ? 35 ጠው እኮጎሬ አዜቹንከ አሳች አይ አኤን መሴኖ ወክቱ አሜተኖ፤ ህከ ወክት ሶመንታኦ» ዬሰ። 36 ኢስን መት ሞሳልተ «አዩሁ ሃዕር ኦድኖች ቃፈት ፊል ኑባጽቶ ኦድኖን ቃፈኖሁ ዮበኤ፤ ህካን አዕዮ ጎሬ ሃዕር አሱ ፊልኖ ቤሉ ሃዕር ቃፈት ኑባጽቶ ኦድኖን መክታበኡ። 37 ህትን አዩሁ ሃዕር ወይን ቦበጤማሃ ኑባቸ ሆቆማዶን አፋሻኖበኡ፤ ህካን አዕዮ ጎሬ ሃዕር ወይን ቦበጤማሁ ሆቆማዶንከ ፊላንስ እስን ዱንተኦኖ፤ ሆቆማዶንኩ በኦኖ። 38 ህካን እኮቤቺሃ ሃዕር ወይን ቦበጤማሃ ሃዕር ሆቆማዶን አፋሹ ሀስሰኖ። 39 ህትን አዩሁ «ዱንኬኢሁ ቆህኖ» ዮኖቤቺሃ ዱንኬ ወይን ቦበጤማሃ አጎች ኤተሪን ሃዕር አሱ ሀስሰኖ ዮበኡ» ይ ኩሎሰ።

6 ኢስ አበ በሬን ውጠ በሊን ህገን አሳበስ ሀምሙተ ተንቅስ አንጋንከስ ቂስተን አታኢት አቅ። 2 ህካን እኮቤቺሃ ፈርሳዊያኖች መት-መቱስ «እበ በሬን እኤ ገበአሳሃ አዕኑ ሚሃት አቴንታት?» ይቶኡ። 3 ጠው እኮጎሬ ኢስ «ደውዳለክ እሲን ሜጡብ ሄኔ መኑ ጎሩ አፎስ ወክት አዕዮህ 4 ሁኩንን እስ ዱኤ ምኒ ኣግ ቂስ ቤሉ ዋሉ መኑ አቱ ፈቀደሞበኡ ክትም ዳቡተ ኬሽ አቱሰለከ እሲን ሜጡብ ሄኔ መኒሃ እሲን አነበበታበኡንዶ?» ይ ፈንቀሼኡ። 5 ህትን እስ «መንቹ ቤቱ አበ በሬተ ቀርቼሃን» ዬሰ። 6 ዋሉ አበ በሬን ኢስ ጭምት ምኒ ኣግ ተማርሰኖት አቅ፤ ህከንቤቹን መኬስ አንገተ ናፎ መንቹ ሄዕዮ አቅ። 7 ሕግ አስተማረትለከ ፈርሳዊያንት ኢስ ከሰሰተ ወንጀል ደጎተ አበ በሬን ፈይሰኖ ጎሬ ለዕናም ይት አገርታ አቅ። 8 ጠው እኮጎሬ ኢስ ቀልብሰ ጠው ደግ አንገተ ናፈ መንቹ «ኬአ መን በላን ኡር» ዬሰ፤ ኬዕይን ኡሬኡ። 9 ኢስን «ህንዴ መት ጠዕምቱተ ጠዕማንክዕዕ፤ አበ በሬን ጡመ ጠው አኡሃንዶ ሂለ ጠው አኡሃን ፈቀደመኖሁ? ነብሳሃ ጡምሱሃንዶ ህከረንገ ቤሱሃን?» ዬሰ። 10 እስን ጉዕመንከስ ዘህ ለዕዮች ኤተሪን አንገተ ናፈ መንቹ «እንገክ ሂር» ዬሰ፤ ሁኩ መንቹንኩ አንገስ ሂር ወክት አንገንትስ ፈየተ እኮኡ። 11 ጠው እኮጎሬ ሕግ አስተማረትለከ ፈርሳዊያኑ እስን ኡሙዕርት «ከ ኢስ መ አዕኑ?» ይት አማዕለንቶኡ። 12 ህከ ወክት ኢስ ዱኤ አኦተ ቆተ አል ፋል ኬዕይ ዊመ ሀንከዕርተ ዱኤ አኦን ገሎ። 13 ኡለት ሶዞ ወክት አሳበስ እስበ ገእ አሳችን ቶሩ ለሙ መጠር «አሳበተ» ይ ሱዕምቾሰ። 14 እስን «ጴጥሮስ» ይ ሱዕምቾ ሰምኔት፤ ሰሞኔ አመቤቱ አንድርያሰት፤ ያቁባት፤ ያህይት፤ ፍልጶሰት፤ ቤርቶሎሜዎሰት፤ 15 ማቶሴት፤ ቶማሴት፤ አልፍዮሴ ቤቱ ያቁባት፤ ባዱስ ኢተኖ ሰሞኔት፤ 16 ያቁብ ቤቱ ይሁዳትለከ ኢስ ህግሽ ኣሴ አስቆርትቶ ይሁዳት አቅ። 17 ኢስ አሳባንን ሜጡብ ቆታች ድር ባዳን ልግቤ ኡመቲን ኡሬኤ፤ ሁኩ ኡመቲንኩ ሞጮጭቶተለከ ጥዘናችስ ፈይቶተ ይሁድ ባዱች ጉዕሚች ዬሩሳሌም ከተሚችለከ ባር መዴን ሄዕዮ ጢርሰለከ ሰዶን

ከተሟች እሜቶቹ አቅ፡ 18 ዶሮረኖ አያት አፋንስ ኦርጨቀንተን ሄኦአሩ ፈይቶሉ። 19 ኢሲቸን ወልቀት ፋልታን ጉዕመንከ ፈይሰኖቤቸሃ መኑ ጉዕመንኩ እሱ እሎተ ሀሰኖት አቅ፡ 20 ኢሲን አሳበሰ ለአን «መገን ምንነቱ» ክዕኔሃ አኮቤቸሃ አዕኑ ቡጥቻትን ማሰክንቲንታእራን፡ 21 አዕኑ ቴሱ ጎሩ አፎህዕኔሩ ዱቤነንተቤቸሃ ማሰክንቲንታእራን፤ ህትን አዕኑ ቴሱ ኦኤነንተሩ ኦሰዕልቲንተቤቸሃ ማሰክንቲንታእራን፡ 22 መንቸ ቤት መሳን መኑ ግቦህዕኔ ጎሬ፡ ያዬመሀዕኔ ጎሬ፡ ህንቁመሀዕኔ ጎሬ፡ ሱዕመክዕኔ ሂልማን አፈመሀዕኔ ጎሬ ማሰክንቲንታእራን፡ 23 ሞጉክዕኔ ሰማን ሎረ አኮቤቸሃ ሁኩን ኢላኖሀዕኔ ወክት መንዲኖን ተሽ ዩንክዕኔ፤ አናኑሰን ከነቺ ብርገት ነብያት ህት አቶአራን፡ 24 ጠዉ እኮጎሬ «አዕኑ ቀባጣመት» መከኖሀዕኔርቹ ጉዕመንከ ደአቲንተቤቸሃ ቆሃኖሀዕኔ! 25 ህትን «አዕኑ ቴሱ ዱቤነንተሩ» ጎሩ አፈኖሀዕኔቤቸሃ ክዕኔሃ ቆሃኖሀዕኔ! ህትን «አዕኑ ቴሱ ኦሰዕልቲንተሩ» ሻዘነንተቤሃለክ ኦኤነንተቤቸሃ ክዕኔሃ ቆሃኖሀዕኔ! 26 መኑ ጉዕመንኩ ጡመ ዱዱቡ ክዕኔተኔሃ ዱዱብሲህዕኔጎሬ ቆሃኖሀዕኔ! አናኑሰን ክዘበኛትን ነብያት ህት አቶአራን ዬለ፡ 27 ኢሲ «አን ክዕኔሃ ሞጮጭቲንተኤሀኑኦተ ያንክዕኔ፤ ዲነክዕኔ ኢትዬ፤ ግባህዕኔሀኑኦተ ጡመ አዕዬ፤ 28 ቦርርታህዕኔረ ማሰዕዬ፤ ቤሶህዕኔሀኑኦተ ዱኦ አዕዬ፤ 29 መጫለክ ዋቀረኖህኒሃ ለንክ እሱ አሰሰ፤ ነጠለክ አእኖህኒሃ ሹራበክ በርግት አሰ፤ 30 ኡጨኖሄህኒሃ ጉዕሚንከ አሰ፤ ከቺ ዱንያተ ኣኤ መንቹ ፈንቀሾሄት ጠዕምቶትሰ፡ 31 መኑ ክዕኔሃ አኦተ ሀሴነንታሃ አዕኑህ ህትን አዕዬ» ያንክዕኔ፡ 32 ኢትታህዕኔረ ኢትቴንተ ጎሬ መ ደግለለኖሀዕኔ? መሰንትሰ ጨበኛትን ኢትታሰረ ኢትታኦ፡ 33 ህትን ጡመ አታህዕኔሀኑኦተ ጡመ አቴንተጎሬ መ ደግለለኖሀዕኔ? ጨበኛትኒ ህካን አታኦ፡ 34 ፈንቀሽቲን አእቶኖተ ተቢሳ አቲነንተሀኑኦተ ለቄሴንተ ጎሬ ሞ ገለቱ ዮሀዕኔ? ሌቄሶ ብክ ፈንቀሽት አእቶተ ጨበኛትኒ ጨበኛኖተ ሌቄሳኦ፡ 35 ጠዉ እኮጎሬ ገለትጭትበሀኑኦተ ገዉሰ ኢትታህኑኦተ መገኑ መረርሲጫንቹ አኮቤቸሃ ዲነክኔ ኢትዬ፤ ጡመ አዕዬ፤ መቲርቹሃ ፈንቀሽቲን አእቶኖተ ተቢሳ አቶኑዕን ሌቄሼ፤ ህከኒሃ አጅሩክዕኔ ሎረ አሀኖ፤ ጉዕሚቸን ሎረ መገን አለተ አከነንተ፡ 36 ሰሜ እኑክዕኔ መረርሲጫንቹ አኮገን አዕኑህ መረርሲጫኑተ እኪ ዬለ፡ 37 ኢሲ «ፈረዶኖቹ ፈረደመኖሀዕኔበአ፤ ዋሉ መነ ዋሃኦኖቹ ዋሃኦንቲነተበአ፤ ማርገሰ» ይዬ አትረመኖሀዕኔ፡ 38 አሰዬ አሰመኖሀዕኔ፤ ጡመ ብካሳቸን ጢቤን ቱጉሜን ብኪኖን በተዕይ ደፈፍ ይዮኢህ አሰመኖሀዕኔ፤ መሰንትሰ ብክቲንተ ኦዲኒን ብክመኖሀዕኔ» ዬለ፡ 39 ኢሲ ምሳሌኒን «ቆቁ መንቹ ቆቁ መንቹ አምንሶተ አታለኖንዶ? ህካን አዕዮ ጎሬ ለመንኩስ ኤሎን ኡባበዕንዶ? 40 ተማረኖህ ተማርሰኖህኒቸ በተአኖበአ፤ ጠዉ እኮጎሬ አደህ ጠረኝ ተማረ ጎሬ አሰተማርቻሰንን አሀኖ፡ 41 «ገይክ አሊን ሎሩ ሁሩ ሄዕዮገን ጃልክ አሊን ዮ ሁረ ሚሃ ለአን? 42 አት ገይክ አሊን ዮ ሎረ ሁረ ለኡዕናን ህት ጃልሃክ ሂል ጃላ አሊክ ዮ ሁረ ፋሻም» ይቶተ ህት አታልተን? ኩ ገዉክ ሎርሰታንቲህ! ሄጭት ገይክ አሊቸ ሁረ ፋሽ፤ ህከኒቹ ኤተሮን ጃልክ አሊቸ ሁረ ፋሽቶተ አጥረመት ለኦተ አታልታንት» ዬሰ፡ 43 ኢሲ «ጡመ ሀቁ ሂላ ላልቹ ህከረንገ ሂላ

ሀቁ ጡመ ላልቹ ሆሮ ላለኖበአ፡ 44 ህካን እኮቤቸሃ ሀቁ ጉዕመንኩ ላልቹንከሰ ደገመኖ፤ ኦዴቹ ላልቹ ኡቲቹ መጥኖተለክ ወይን ላልቹ ኡታም ሀቁቹ መጥኖተ አታሌኖበአ፡ 45 መኑ ቀልቤንከሰ ዊም በተዕዮሃ አፈን ጠወአኖቤቸሃ ጡመ መንቹ ጡመ ቀልቤችሰ ጡመ ጠወ ፋሽኖ፤ ህትን ሂላ መንቹ ሂላ ቀልቤችሰ ሂላ ጠወ ፋሽኖ» ዬሰ፡ 46 ኢሲ «አን ኩላንክዕኔሃ አቲነንተበአ፤ ሚሃት ቀርቸ! ቀርቸ!» ይቲነን ገአቲንተኤህ? 47 ኢ ቤቹ አሜተኖህ ጉዕመንኩ ላገኤ ሞጮጭ አእኖህ አደህ መ አትደኖ ጎሬ ለሊሳንክዕኔ፡ 48 ሁኩ መንቹ ምኒ እጃሮተ ጠረኝሽ ቀበበ እም ክን አሊን ምኒ ኤሎ እመኖ መንቹ አትደኖ፤ ድርሱ አሜቹ ወክት ህከ ምን ሀንበሎ፤ ጠዉ እኮጎሬ ክን አሊን እጃረሞቤቸሃ ሌንቁቅሶተ አታሎበአ፡ 49 ላገኤ ሞጮጭ አእቡ መንቹ ምኒህሰ ቀበብ ኤሎሃ እመዕናን ኡላ አሊን ምኒ እጃረ መንቹ አትደኖ፤ ህከ ምኒ ድርሱ ሀንበላን ወክትንከሰ ኡቡ፤ ህከን ምኒ ኡቡንኩ ሂላ አኮ» ይ ኩሎሰ፡

7 ኢሲ መኑ ሞጮጩን ጠወዕይ ሹሎች ኤተሮን ቅፍርናሆም ከተመ ኦርዕዮ፡ 2 ህከኔ መቱ ጥቤ ሀለቁንኩ ሄዕዮ አቅ፤ አሲንከ አበ ደግለለኖሰ ካድንቹ ጥሹ ሬሆተ ሆንጠኮ አቅ፡ 3 ጥቤ ሀለቁንኩ አሰተኔሃ ሞጮጩ ወክት አይሁድ ባልቃተ ኢሰ አሜቹ ካድንቹኤ ፈይሶተ መርቲን ኡጭዬ ይ ሶሱሰ፡ 4 አሰን ኢሰበ አሜቹ ወክት «ከ ጠወ አቶተ ሀሰሰኖሃ መንቹ፡ 5 መሰንትሰ ኩ መንቹ መነኔ ኢተኖሃን፤ ህትን ጭምት ምኒ እጃሮኔ» ይት ጠረኝሰ ኡጭቶሰ፡ 6 ህካን አኮቤቸሃ ኢሰን ላሳን ሜጡብ ኦርዕዮ፤ ጠወ እኮጎሬ ምንሰ ሆንጠኮ ወክት ጥቤ ሀለቁ ጃለሰ «ቀርቸ! አት ኢ ምኒ ኣጎተ ኣን ገበአበ መንቹ እኮምቤቸሃ ኢቤቹ አሜቶተ ተርበ ይቶት፡ 7 ህካን አኮቤቸሃ ኣን ኪበ አሜቶተ ገበአበሃን፤ ጠዉ እኮጎሬ አት ላገክ ጠወኣንት ጎር ካድንቹኤ ፈሪኖ፡ 8 ኣን ኢቺ በተኦ ሀለቃተኤ አዘዘመን ኢቺ ምርን አዘዛንሰ ወታደሩ ዮኤ፤ ህከኑኤችን መቲሰ (መር) ዬም ጎሬ መረኖ፤ ዋሉሰንገ ለም» ዬም ጎሬ አሜተኖ፤ ህትን ካድንቹኤ ሳንካ አኤ» ዬም ጎሬ አእኖ» ይ ኢሰቤቹ ሶኩ፡ 9 ኢሲ ህካን ሞጮጩ ወክት አሰን አበ እጅብሲጭ አዋንን ሄዕዮ ልግብያ መንቤቹ ፈንቀል «አን ኩላንክዕኔ፤ አሰራኤላን ህትኔ እመዕነቱ ሆሮን ለዕዮምበአ» ዬሰ፡ 10 ሁኩ ሶሀንቶአሩ ምኒ ፈንቀልት አሜታ ወክት ካድንቹሰ ፈይሃን ለኦኤ፡ 11 ኢሲ ለንክ በር አሳባንለክ ልግቤ መኒን ሜጡብ «ናይን» ዬኖ ከተመ ኦርዕዮ፡ 12 አሰን ከተመ ኣጌኖ ኡሩተ ሆንጠኮ ወክት ጀርዘተ እጅቶ መኑ ከተሟች እጅት ፋልታኢት አቅ፤ አሰን አማተሰ ሜጥቹሃ ቤቱ አቅ፤ እመሰን ምኒ ኣኑ ዮሴበአተ መንቹ አቅ፤ ህከን ከተም መኒቹ ልግቡ መኑ አሲን ሜጡብ ሄኦ አቅ፡ 13 ቀርቸንኩ ለዕዮሴ ወክት መረርሲጫሴ «ኦኦት» ዬሴ፡ 14 ኢሲን ሆንጠክ ዳሰሰ ኡሎ ወክት እጅቶአሩንኩ ኡርቶኤ፤ አሰን «ወደልቸ! ኣን ኪሳሃ ያንከ፤ ኪኤ!» ዬለ፡ 15 ህከ ወክት ሁኩ ሬዮ ጨሉንኩ ጎበሰ ኬሽ አፋዕል ጠወኡንከ ጀመሮ፤ ኢሰን ህከ ወደልቸንከ አማተሰ ኣሲኤ፡ 16 ህካን አኮቤቸሃ ጉዕመንከሰ ባበነት ኣፋንሰ «ጠረኙ ነብዬቹ በላንከኔ ኬዕዮኡ፤ ህትን መገኑ መነ ጡምሶተ አሜቹኤ» ይተን መገኑ ገለትጭቶኤ፡ 17 አሰ ዱዱቡንኩ ይሁዳንለክ ህከን አዘጋገን

የጥላውን ጉዕማንን ሞጮጪሞ። 18 ያህይ አዋርኑት ህዝን ጉዕማንን ዱዱ-በሰቶሰ። ህዝን እኮቤቸሃ ያህይ አዋርኖችሰ ለሙ እስቤቹ ገላ 19 «ሁኑ አሜተኖ ዬኖ መሲህ አቲትንዶ ህከረንገ ዋሉ አገርት?» ይ እስቤቹ ሶኮሰ። 20 እስን እስቤቹ መርት «ጠመቃንቹ ያህይ ሐሚታንት ዬኖ መሲህ አቲትንዶ ህከረንገ ዋሉ አገርት?» ይ ኪቤቹ ሶኮኔ» ይቶሉ። 21 ህከ ወክት እስ ልግብ መነ አደደ ጥዛናቸ ደረሾ፤ ህትን ዶሮረኖ ዱርሃ ፋሺኢ፤ ልግብ ቆቆ መነ ለአገ ሰዕዮ። 22 እስን ሶህንት አሜቶአረ «መርቱን ያህይሃ ለኢነታሃለክ ሞጮጭ-ቲንታሃ ሁከንን «ቆቆ መኑ ለአኖት፤ ድኑ መኑ ሃመኖት፤ ጎግ አል ጥዛነት አራሰሩ ደረታኢት፤ ዶንቀ መኑ ሞጮጪኖት፤ ሬቶአሩ ሬሆች ኬአኢት፤ ቡጥቻኖተ ተሸት ላገት ተማርሴኖት። 23 እን ቆዕልባህ ማሰአዋአሃን» ይቲን ኩሌስ» ይ ልንቆሺሰ። 24 ያህይ አዋርኑት መርቶ ወክት እስ ህከን ልግቤ መነሃ ያህይተኔሃ ጠውኤ ጀመር፤ እስን «መ ለኦኖታት ኡለ ኡድመ መርቱንታሁ? ቡብሩ ሌንቄቀሰኖ ሸምቦቀተ ለኦኖታትንዶ? 25 ህከረንገ መ ለኦኖተ ፋልቲን? ጡመ ኦድኑተ ኦደሰዮ መንቹ ለኦኖታትንዶ? ህትጎተበኢ፤ ጡመ ኦድኑተ ኦደኦአሩ መኬሃንሰ ሄአኢሁ ዋመ ዋናኒት። 26 ህከረንገ መ ለኦኖተ መርቱን? ነብዬቹ ለኦኖታትንዶ? ህትጎተበኢ፤ እን ኩላንክዕኔ፤ ነብዬቹት በተአኖሃ ለኢሃት። 27 «ከለከ! ሄጮ ብርክ ሃመን ወቃክ ቅጥአኢኖ ሶቀማንቹኤ ሶሃም» የመም እስተኔሃ ከተበሞህ ከኒት። 28 እን ኩላንክዕኔ፤ ሜንቲች አለንቶሁኑ በላን ያህይች በተአኖህ አይሁ የብኢ፤ ጠው እኮጎሬ መገን ዋምነቲን ጉዕሚችን ሆፈአኖሁ ጉዕሚችን በተአኖ» ዬኢ። 29 ጉዕሙንኩ መኑለከ ቀረጠ መርታአሩ ህዝን ሞጮጭቶ ወክት ያህይን ጠመቀንቶአረ እኮቤቸሃ መገን ሆኑት ሀንቅ አሁሰ ደጎኡ። 30 ጠው እኮጎሬ ፈርሳዊያንትለከ ሕግ አስተማረት ያህይን ጠመቀሙ ሆጎቤቸሃ መገን ሰውት ግቦኡ። 31 እስ «ከን ዘማን መነ ሚን አጉጣቀንጎሰን? እሰንገ መ አጉዳኡ? 32 ኩ መኑ ጌባን አፋዕልት መት-መቱሰ ገአተን «ሁሉሉተ በንሶንክዕኔ፤ እዕኑንገ አለጽቲንታበኢ፤ ህትን እእሲንጎሞ ወክት ኦኤ ግቤንታኦ» ይተን መት-መቲንከሰ ገአቀንታ ሶሰተ አጉዳኡ። 33 ጠመቃንቹ ያህይ አቸተ አቲዕነለከ ወይን በበጤማሃ አጉዕነ አሜቸረ «ዶሮረኖ ዱሩ የሰ» ይቲንታኦ። 34 መንች ቤቱ እተንለከ አገን አሜቸ እቃን «ቆኤቻማተ፤ ስከርታሁኤሃ፤ ቀረጠ መርታሁኤተለከ ጨበኛኖተ ጀላ» ይቲንተ። 35 ጠው እኮጎሬ መገን ሀይመት ሀንቅ አሁሰ ደገመኖሁ እስ ሀይመተ አዋንታሁኤሃት» ዬሰ። 36 ፈርሳውያኖች መቱ መንቹ እስ ምኔስ አቶተ ገኤሃን ህከን ፈርሳውች ምኒ ኣግ ዛበዕይ ማዳን አፋዕሌኡ። 37 ህከን ከተማን መትት ጨበኛት ጫት እስ ፈርሳውች ምኔን ማዳን ዛበዕይ አፋዕሌኤሃ ደጎ ወክት ሸቱት ዊንቶ «አልባሰጥርሰ» ዬኖ ክኒች መክሴመ ብልቃጠ አፍ አሜቶሉ። 38 እሴን ኡተርሰ አዲን ሎከሰ መዴን ኡርት ኦኦን እንጂጂኤ ሎከሰ አሌን ዱንተንለከ መሚንከሴ ሎከሰ ሺንሸተንለከ ሱንቅተን ሎከሰ አሌን ሸቱተ ቡርቶሉ። 39 ህከ ወክት እስ ገኤ ፈርሳውቹ ህዝን ለዕዮ ወክት «ኩ መንቹ ነብዬቹ እኮ እቃን ካን አታሰ ጫት ጨበኛተ እኮቤቸሃ ሃትናሜተ ጫ ጎሬ ደገኖ እቅ» ይ ቀልቤንከሰ ሰውዬኡ። 40 እስን «ሰሞኔ! ጠውኣንኬ

ጠው የኡ» ዬሰ፤ እሰን «እስተማርቸ! መርቸሃን?» ይ ልንቆሺሰ። 41 እሰን «መቶ መንቹች ብረ ሌቄጭቶ ለሙ መኑ ሄኡ እቅ፤ ህከኑኡችን መቱሰ ኣንቴ ጥቤ ዲናረ ዋሉንገ ኦንታሁ ዲናረ ሌቄጭቶ እቅ። 42 እሰን ሌቄጭቶኤሃ ባቱ ሆጎ ወክት ሌቄሸ መንቹ ለምሰ ኤዲሃ ገኝ አዕይ አጉሮ፤ ሌቄጭቶሁኡች ህከኑን በትሸ ኢተኖሰ?» ዬኢ። 43 ሰሞንን «እበ ሌቃሃ አጉሬመሲሃ አጉድኖኤ» ይ ልንቆሺኢ፤ እሰን «ሀንቅንከ ፈረዶንት» ይ ሰሞኔሃ ጠወዕዮሰ። 44 ህከኒች ኤተሮን እስ ህትን ጫ አደ ልንቀል ሰሞኔ «ተ ጫተ ለኣንቲትንዶ? እን ምንክ ኣጎም ወክት እት ሎካተኤ ዋሃ ኣቶንቴኤበኢ፤ ጠው እኮጎሬ እሴ እንጂጂኤንከሴ ሎከኤ ቁፍሰ መሚንከሴ ሺንሸቶኡ። 45 ህትን እት ሱንቅቶንቴኤበኢ፤ ጠው እኮጎሬ እሴ ምንክ ኣጎምሀኒች ኪሸ ሎከኤ ሱንቅ አጉርቶበኢ። 46 እት ቡዕላንከኤ ሆሮ ዘህተሃ ቡርቶንቴኤበኢ፤ ጠው እኮጎሬ እሴ ሎካንከኤ ሸቱተ ቡርቶኤ። 47 ህዝን እኮቤቸሃ እን ያንከኔ፤ በትሰ እትቶቤቸሃ ልግቡ ጨቡሴ አጉረሞሴ፤ ጠው እኮጎሬ ቀው አጉረመኖሲሁ ቀው ኢተኖ» ዬሰ፤ 48 እስ ህተ ጫተ «ጨቡክ አጉረሞሄ» ዬሴ። 49 እሰን ሜጡብ ማዳን ሄኡአሩ «ኩ ጨቡ ልቄን የተ አታለኖሁ አይት?» ያ ጀመርቶሉ። 50 ጠው እኮጎሬ እስ ህተ ጫተ «አመዕነቲክ ፈረሾሄ፤ ወገሬቲን ኦርኦ» ዬሴ።

8 ህከኒች ኤተሮን እስ መገን ዋምነት ተሸት ዱዱ-በሰሰን ከተማንለከ ኦሎን ጠውኣን ሀገኖ እቅ፤ ቶሩ ለሙንኩ አዋንተን ሄኡአሩ እሰን ሜጡብ ሄኡ እቅ። 2 ህትን ዶሮረኖ እያን ገፈርሰሩለከ አደደ ጥዛናቸ ፈይቶ መት-መቱ ሜንቱ አዋንታሰት እቅ፤ እሰን ለመላ ሩሃንየንከ ፋሺመ «መግደል» መርየማት። 3 ሄሮድሴ ምኔን አዘዘን ሃዕዮ «ኩዘ» ዬኖ መንች ጫት የሃናቲ፤ «ሶስ» ዬኖተንለከ ዋሉ ልግቡ ሜንቱ ሄኡ እቅ፤ እሰን ዱንያንከሰ እሰለከ አዋንታሰረ ካደንታ እቅ። 4 ልግቡ መኑ ከተማች ጉዕሚችን አሜች ጭምዬ ወክት እስ 5 «መቱ ወጣንቹ ዜሬተ ወጣተ ፋሎ፤ ወጠንን መት-መቱ ዋቄ ገበላን ኡብ ሎካን ከደሞ፤ ህትን ሰሜ ጨኡት አቶሰ። 6 ዋሉን ክን አሌን ኡብ ሙቸ፤ እኮጎሬ ቤቸሰ ሙጥመት የሰበአቤቸሃ ሞሎ። 7 ህትን መት-መቱሰ ኡት ኣዘን ኡብ፤ ኡቲንኩ እሰን ሜጡብ ነጽ ለንግ አፎሰ። 8 ህትን መት-መቱ ጡመ ኡላን ኡብ ሙቸ፤ ነጹ ወክት ጥብተ ጥቤን አቶቸ» ይ ማቆን ኩሎሰ፤ ህዝን ጠወዕይ ኬዕይ ላገሰ ጎት አዕይ «ሞጮጭታ መጨት የሲሁ አይሁ ሞጮጪኖ!» ዬኢ። 9 ኣሳበሰ እስ «ከን ምሳሌ ፍሳረሰ መርቸሃን?» ይት ጠዕምቶ ወክት 10 «ክዕኔሃ መገን ዋምነት ሞስጥር ደጉ ኣጎሞህዕኔ፤ እኮጎሬ ዋሉ መኑ ለአን ቀልብ እትበገለክ ሞጮጭታን ኣጥራመትበገ ኩለመኖሳሁ ሞሳሌኒት» ዬኢ። 11 እስ «ምሳሌሰ ፍሳረት ከኒት፤ ዜሬቱ መገንተ ላገ። 12 ህትን ወቄ ገበላን ኡብ ዜሬቱ ለሊሰኖሁ መገን ላገተ ወክቲህሰ ሞጮጪኖ መነሃት፤ ጠው እኮጎሬ አመዕንት ፈቅበገ አልቢሱ አሜች ሞጮጭቶ ላገተ ቀልብቸሰ መሰኖ። 13 ክን አሌን ኡብ ዜሬቱ ለሊሰኖሁ መገን ላገተ ሞጮጭታ ወክት ተሸቲን ቶጋአራን፤ እኮጎሬ እስ አመዕንቶኤህ ወክቲሃሰት፤ ጠጹ የሰበአቤቸሃ ኦሪሸ ወክት ለገኣኡ። 14 ህትን ኡት ኣዘን ኡብ ዜሬቱ ለሊሰኖሁ መገን ላገተ ሞጮጪኖ መነሃት፤ እኮጎሬ ከ ኣዱንያ ጠው ሰውዩ፤

ቀበጡትለከ ናጠቀሙ ለንግሃን ለቶቶዕናን ቆሽ እካእ። 15 ህትን ጡመ ኡላን ኡቦ ዜፍቲ ለሊሰኖህ ጡመ መክዩ ቀልቢን መገን ላገተ ሞጮጭት ጠረኝት አገርታለረ፤ እሱን አታዕሊን አቶተ አቶታኦ» ይለ። 16 ኢሰ «አዪሁ ኩራዝ ቀሮች ኤተሮን ኦዳን እፍሽ አፋሽኖሁ ህከረንገ መቃጠች ዎሮን አፋሽኖሁ ዮበእ፤ ጠዉ አኮጎሬ ምኒ ኣገኖህኒሃ ጉዕሚንከ ለሎተ ጎትዬ ቤቾን አፋሽኖ። 17 «መሰንትሰ ቴዕሊሮቼ ደገሙዕነ ማጠሞርቼንኩ ለሉዕናን ፈቀኖበእ። 18 «ህካን እኮቤቺሃ ህት እኬን ሞጮጭቲንጎተ ጎሬ አገዕርዬ፤ መሰንትሰ ዮሰህኒሃ በርገም አሰመኖሰ፤ እኮጎሬ ዮሰበእህኒች ሁኩ ዮኤ ይ ሰውዮናንኩ እአመኖሰ» ይለ። 19 ህከኒች ኤተሮን ኢሰ አመትለከ አመሰኦሱት አሰቤቼ አሜቶኤ፤ እኮጎሬ ሙኑ በተዕዮቤቺሃ እሲን ደቀንቶተ አታልቶበእ። 20 ህካን እኮቤቺሃ «አመክለከ አመክ ኦሱት ደቀንቶሄተ ሀሰ ኡሮን ኡርቶኤ» ይነ ኩሎመሰ። 21 ጠው እኮጎሬ እሰ «መገን ላገተ ሞጮጭት አዘዘንታእሩ ጉዕሙንኩ አመተኤለከ አመኤተ ኦሱ» ይሰ። 22 መቱ በር ኢሰ አሳባንከሰን ሜጡብ ጀልባን ኣግ «ከን ባርቻ ዉድ አደ ቶልኖ» ይሰ ወክት እሰን መርቶተ ኬኦኤ። 23 መርተን ሄኦገን ኢሰ ግሹ፤ ዊ ሁሉንኩ ህከን ባር አሊን ኬዕይ ዉሁ ህከን ጀልባን ኣግ ዊዋተ እኮቤቺሃ ጨክቀንታኦት እቅ። 24 እሰን አሰቤቼ መርት ግሰኛች ኬሰ «ቀርቼ! ቀርቼ! ጎንፎታት» ይቶኤ፤ እሰን ኬዕይ ቦብረለከ ዊ ሁሉ ሻቆ ወክት ኡሬእ፤ አበንከ ጨላ ይለ። 25 ኢሰን «አመዕነቱክዕኔ ህንዴ?» ይሰ፤ እሰን አበ አጀብሰጭትለከ ዋጀት መት-መቱሰ «ኩ ቦብረለከ ዋሃ አዘዘኖሁ ህትን እሰን አዘዘንታሲሁ ህትናሙሃ መንቹ?» ዮቀንቶኤ። 26 ህከኒች ኤተሮን ገሊላ ዉድ አዲን ሄዕዮ «ጌርጌሴኖ» ይኖ ባዱ አልቶኤ። 27 ኢሰ ጀልቢች ኡለተ ድሬንገን ሩሃንዩ አፎሰ መንቹ ከተሚች ፋል ህከኔ ደቀሞሰ፤ እሰን ልግብሃ ወክቲች ኪሸ ኦድተተ ኦድኡ አጉር እቅ፤ ህትን እሰ ሄኦኖሁ ምኔን አሁዕነ ሎድ ኣዜኒት እቅ። 28 እሰን ኢሰ ለዕዮ ወክት ብሬንከሰ ያር ኡብ ሎረ ላጋን «ጉዕሚችን ሎረ መገን ቤቶ ኢሰ! ኤሳለከ ኬሳሃ ም ደቀሻቹ ዮኔ? ሀዕይ አገተክ ኦሪቱኤ» ይለ። 29 ህካን ይሊሁ ሁኩ ዶረረኖ ዱሩ ህከን መንቹች ፋሎተ ኢሰ ሻቆሰቤቺሃት፤ መሰንትሰ ከኒች ብርተ ልግብ ወክት አፎሰቤቺሃ ሰንሰለቲሃለከ ሎከ ብረቲን ኡሱራን አገሬኖሰ እቅ፤ ጠዉ እኮጎሬ ሰንሰለተ ተንቅሽ ሎከ ብረቲንከ ቢጭ ዶረረኖ ዱሩ አዋንሰንሰ ኡለ ኡድመ መሰኖሰ እቅ። 30 ኢሰን «ሱዕሙክ እዬት?» ይ ጠዕሜሰ፤ እሰን ልግቡ ሩሃንዩ አሊሰ ጭምዬቤቺሃ ሱዕሙኤ «ጎተሃን» ይ ፈንቀሼሰ። 31 ሁኩ ዶረረኖ ዱሩ «ሀዕይ ጥዕላሽ በዋን ኣንጋምገ አቶትኤ» ይት ኡጭቶሰ። (Abyssos g12) 32 ህከን ቤቾን ቆተ መዴን ልግቡ ቦኬ መሰረት ዘግ ይቶ እቅ፤ ሁኩ ዶረረኖ ዱሩንኩ «ህከን ቦኬ መሰራን ኣንጋምገ አእኤ» ይት ኢሰ ኡጭቶሰ፤ እሰን ኣጎተ ፈቀጀሰ። 33 ህከኒች ኤተሮን ሩሃንዩንኩ ህከ መንቹ ገፈር ቦኬን ኣጎ ወክት ቦኬ መሰረንት ሂለ ብከ ደጉደን ገርደብ አሊች ጨክቀንተን ድርት ባራን ኣአንቶኤ። 34 ቦኬ ዘማኑት እኮ ጠዉ ለኦ ወክት ሁንት መርቶች ኤተሮን ከተማንለከ ገጠራን ጠወሰ ዱዱብሰቶኤ። 35 መኑንኩ እኮ ጠዉ ለኦተ ምኒች ኢሰቤቼ አሜቶኤ፤ ሩሃንዩ ፋሎሰ መንቹ ቀልቡሰ ፈንቀላን ኦድኑተ ኦደዕይ ኢሰ

ሎከሰ ብሬን አፋዕሌኢሃ ለኦ ወክት ዋጀቶኤ። 36 ወክትሰ ሄኦ መኑ ሩሃንዩ አፎሰ መንቹ ህት እክ ደዬ ጎሬ ዱዱብሰቶሰ። 37 ህከኒች ኤተሮን «ጌርጌሴኖ» ይኖ ቀኤን ሄዕዮ መኑ ጉዕሙንኩ አበ ዋጀቶቤቺሃ ኢሰ እሰ ባዲች ኦሮኦተ ኡጭቶሰ፤ ህካን እኮቤቺሃ ኢሰ ጀልባን ኣግ ወዕና አሜቹ ባዱ ፈንቀል ኦሮዕዮ። 38 ሩሃንዩ ፋሎሰ መንቹ ኢሰ አዋናንኬ ይ ኡጨኖ፤ እኮጎሬ ኢሰ ህርሲሸሰ 39 «ሞንክ ፈንቀልተ መርት መገኑ አዕዮሄ ጠወ ጉዕሙንከ ጠወእ» ይሰ፤ ሁኩ መንቹንኩ ኢሰ አዕዮሰ ጠወ ከተማን ጉዕሙንን ጠወእን ኦሮዕዮ። 40 ኢሰ ፈንቀል አሜቹ ወክት ልግቡ መኑ አገርቶሰቤቺሃ መንዲኖን ቶሳሰ። 41 ህከቤቾንከ ጭምት ምኒ ገሻንቹ «ኢያርሴ» ይኖ መቱ መንቹ አሜች ኢሰ ሎከ አሊን ኡብ «ምኒኤ አም» ይ ኡጨኖሰ። 42 ህካን ይሊሁ ቶሩ ለሙ ዘማን እኮሴ መት ቤቱሰ ጥዘ ሬቶተ ሆንጠኮቤቺሃት እቅ። ኢሰን ኣሳን ሜጡብ መረን ሄዕዮንን አዋንተን ሄኦ መኑ ከን አዲንለከ ካጽ አዲን ረብ አፎሰ እቅ። 43 ቶሩ ለሙ ዘማን ጉዕሙንከ ቁጉ ዱንተኦን ኦርጨቀንተን ሄኦ መት መንቹት ሄኦ እቅ፤ እሰን ዱንያሴ ጉዕሙንከ ህከማን ሹልት እዪሁ ፈይሶሴተ አታሎበእ። 44 እሰን ኢሰቤቼ ኤተርሰ አዲን ሆንጠከ ኦድኖሰ ሰኑተ ኡልቶኤ፤ ህከ ወክትንከ ቁግሴ ቡቁት ኡርቶኤ። 45 ኢሰን «እዬት ኡሎኤሁ?» ይ ጠዕሜሰ። ጉዕሙንኩ መኑ «ኡልኖኬበእ» ይ ወክት ጴጥርሰለከ እሰን ሜጡብ ሄኦእሩ «አስተማርቼ! ከኔንኩ መኑ ጉዕሙንኩ ህንበዕለመን አዋንኩ ለኦን ሐዬት ኡሎኤሁ» ይተንገዶ? ይቶኤ። 46 ጠዉ እኮጎሬ ኢሰን «ወልቀት እች ፋልቶገ ደጎምቤቺሃ መቱ መንቹ ኡሎኤ» ይለ። 47 ህት መንቹንት ማጠሙ ሆጉሴ ደጎ ወክት ሁጠን ኢሰቤቼ አሜት ሎከሰ አሊን ኡብ ጉዕሙንከ መን መዴን ሚሃ ኡልቶሰጎሬለከ ህከ ወክት ህት እክ ፈይቶጎሬ ኩልቶኤ። 48 ኢሰን «ኢ ቤቶ፤ አመዕነቱክ ፈይቼሃ ወገሬንገ ኦርእ» ይሰ። 49 ኢሰ ህካን ጠወእን ሄዕዮንን መቱ መንቹ ጭምት ምኒ ገሻንች ምኒች አሜች «ጨልክ ሬቶኤ፤ ህካን እኮቤቺሃ አስተማርቼ ጠለዕላን ሆግሶትሰ» ይለ። 50 ጠዉ እኮጎሬ ኢሰ ህካን ሞጮጭ «ዋጀቶች፤ አመዕን ቤሉ፤ ጨልክ ፈይታኦ» ይሰ። 51 ኢሰ ኢያርሴ ምኒ ኢሊ ወክት ጴጥርሴች፤ ያህይች፤ ያቁቢች፤ ጨላ አንለከ አመ ቤሉ ዋሉ መኑ ሜጡሁ እሰን ሜጡብ ምኒ ኣጎተ ፈቀጀበ እቅ። 52 ህከኔ ሄዕዮ መኑ ጉዕሙንኩ ጨለተኔሃ «እዬ! እዬ!» ይተን ኦኣኦት እቅ፤ ጠዉ እኮጎሬ ኢሰ «ኦኦኖቼ፤ ጨልት ግሶ ቤሉ ሬቶበእ» ይሰ። 53 እሰን ጨልት ሬሁሴ ደጎቤቺሃ ጉዕሙንኩ ቀለደን ኦሰዕልቶሰ። 54 ጠዉ እኮጎሬ ኢሰ ጨላ አንገተ አኖ «ቴ ጨላ ኬእ!» ይሰ። 55 እሰን ሩሁሴ ፈንቀሎቤቺሃ ወክትንከሰ ሾት ይት ኬኦኤ፤ ኢሰን «አታኢሃ ኣሰዬሴ» ይለ። 56 ጨላ አመትለከ እኩ አጀብሰጭቶኤ፤ ጠዉ እኮጎሬ እኩ ጠወ ሜጢሃ ጠወኦኖቼ ይ ኢሰ አዘገብ።

9 ኢሰ ቶሩ ለሙንከ ኣሳበተ ሜጡብ ገላ ሩሃንዩ ፋሽቶተ፤ ጥዘነተ ጉዕመንከ ፈይሳ ወልቀተለከ ሹምነቱ ኣሴሰ። 2 ህት አዕይ መገን ዎምነቱ አሜቱሰ መኒሃ ጉዕሚንከ ጠወኦተለከ ጥዘናመተ ፈይሶተ ሶኮሰ። 3 ህትን ዎቁሀክዕኔ «በርተሃ እኮ እቃ ከረጥታት እኮ እቃ ሽንቅታ እኮ እቃ ብረሃ እኮ እቃ ዶዕርቶኖተ ኦድኑተ እኮ እቃ አፎኖቼ። 4 ህትን ኮሀ

እኬን ኣገነተ ምኒች ፋልቲን መርቶናተ ኢሊ ህከን ምኒን ኣገሬ። 5 ህበይ ወገሬቲን ኣሜቴን ይ መኑ ቶግበህዕነገሬ ህከ ከተመ ኣጉርቲን ፋልቲንተ ወክት ኣሳንከ ኣማኘ ለሆተ ሎከክዕኔ ትበ ግግሽቲን ኦርዕዬ» ይሉ። 6 ህካን ኣኮቤቲን ኣሳበት ህከን ኣዲች ፋልት ተሸት ላገተ ተማርሰተን ለከ ጉዕመ ቤቸንን ጥዘናመተ ፈይሰን ቀዕያን ጉዕማንን ህጋ እቅ። 7 ገለሊ ባድ ገሻንቹ ሄርድስ ኢስ ኣዕዮ ጠወ ሞጮጮ ወክት ዱዱቅ ይሰ፤ ህካን ኣኮሁ መት-መቱ መኑ «ጠወቃንቹ ያህይ ሬሆች ኬዕዮኡ» 8 ህትን መት-መቱ መኑ «እልያስ ፈንቀል ኣሜቸኡ» ይተን ሞሉሰንገ «ሄጭት ሄኡ ነቢያኖች መቱ ኬዕዮኡ» ይታቤቺሃት እቅ። 9 ሄርድስን «ያህይ ቡዕላ ሙርሲሾም እቅ፤ ጠወ ኣኮጎሬ ኣስተኔሃ ህትኔ ጠወ ሞጮጫሚሁ ኩን ኣዬ?» ይሉ፤ ለኣስተ ሀሰኖት እቅ። 10 ኣሳበስ ሶሄመ ኣዲች ፈንቀልት ኣሜት ኣቶ ጠወ ጉዕመንከ ኢሲሃ ኩልቶኡ፤ ኣስን «ቤተ ሳይዳ» ይኖ ከተማን ገበጭ ይቤቹ ሚጥሃስ ኣኣ ኦርዕዮ። 11 ጠወ ኣኮጎሬ ልግቡ መኑ ህካን ሞጮጮ ወክት ኣሞቹስ፤ ኣስን መነስ ቶግ መገን ምዋነትኔሃ ተማርሴስ፤ ጥዘናች ፈይቶተ ኣሜቶኣረ ፈይሾስ። 12 ኡለት ሀሞርቶተ ሆንጠኮ ወክት ቶና ለሙንኩ ኣሳበስ ኢስቤቹ ሆንጠክ «ኩ ነኡ ዮም ቤቹ ኡድመ ኣኮቤቲሃ ከን ቀኤን ዮ ከተመለከ ገጠረ መርት ገልቶተኣከ ኣታኢሃ ሀሰተ ከ መነ ሀርሲስ» ይቶሰ። 13 ጠወ ኣኮጎሬ ኢስን «ኣታኢሃ ኣዕኑ ገወንኩክዕኔ ኣሰዬ» ይወክት «ኣሳሃ ዮኔህ ኦንቱሃ ጣብተለከ ጠለዕል ለሜተ ቁርጩሜ፤ መርን ከን ኣመቲሃ ጉዕሚንከ ኣካ ኣቸተ ሀዕርን ኤምቦተ ሀሰንንዶ?» ይቶኡ። 14 ንኩስ ኦንቶ ኩሜ ገሰ ለሀኖ እቅ። ኢስን ኣሳበስ «ኣንታሁ ኣንታሁ መት-መቶ ቤቸን ኣከ ኣፋዕላኖገ ኣዕዬ» ይሉ። 15 ኣስን ኣስ ኣዕዬ ይገ ኣት መኑ ኣፋዕላኖገ ኣቶኡ። 16 ህከኒች ኤተርን ኣስ ኦንቱ ጣብተለከ ለም ቁርጩሜተ ኣፍ ሰማ ሞሽ ለዕይ ማሰዕይ ቢጭ መኒሃ ኣሰናዶተ ኣሳባተስ ኣሴኡ። 17 ጉዕመንኩ እት ዱቦኡ፤ መኑ ኣተን ፈቆ ፋርፋሩ ቶና ለሙ መሶብ ዊመ ኣሳበስ ኬሶኡ። 18 መቱ በር ኢስ ሚጥህሰ ዱኣ ኣኣን ኣሳበስ ኣስን ሚጡብ ሄኡ እቅ፤ ኣስን «መኑ ኤሳሃ ኣዬት ዮኖኤሁ?» ይጠዕሚስ። 19 ኣስን ፈንቀሽት «መት መቱ መኑ ጠወቃንቹ ያህዪት» ሞሉሰንገ «እልያሴት» ህትን ሞሉስ «ሄጭት ሄኡ ነቢያካች መቱስ ኬዕዮኡ» ይታኢት» ይቶኡ። 20 ኣስን ኣዕኑንገ «ኤሳሃ ኣዬት ይቲንታት?» ይጠዕሚስ፤ ጴጥሮስን «ኣት መገኑ መጠሮሄ መሲህ ኣሳት» ይሉ። 21 ኢስን ከ ጠወ ኣዬሃ ጠወኣበኣገ ጠረኝሽ ኩሎስ። 22 ኢስን «መንች ቤቱ ልግብ ኦሪሽተ ቶጎተ ባልቃን፤ ቂስ ኣምንሳኖን ለከ ሕገ ኣስተማራን ግበሞተ፤ ሬሆተለከ ሰቅ በሬን ሬሆች ኩኣኖ» ይጠረኝሽ ኣዘዣሰ። 23 ኢስን ጉዕሚንከስ «እዪሁ ኤስ ኣሞናተ ሀሰኖኤሁ ገወሰ ለገዕይ በሬን በሬን መስቀለስ ኣጅ ኣምኑዕኔ። 24 ነብሳሳ ፌሶተ ሀሰኖሁ ጉዕመንኩ ነብሳሳ ቤሰኖ፤ ጠወ ኣኮጎሬ ኢተኔሃ ነብሳሳ ቤሰኖሁ ጉዕመንኩ ነብሳሳ ጡምሰኖ። 25 መቱ መንች ከን ኣዱንዮ ቀባጡተ ጉዕመንከ ደኣ ነብሳሳ ቤሾ ጎሬ መ ደግለለኖስ? 26 ህትን ኣዪሁ ኤሳን ለከ ኢ ላጋን ሙሉ ጎሬ መንች ቤቱ ገይሰ ኬዕምኒን፤ ኣንስ ኬዕምኒን ለከ ጠለላኖ መላይከ ኬዕምኒን ኣሜተኖ ወክት ህከኒን ሙሉኖ። 27 ጠወ ኣኮጎሬ ሀንቅሰ

ኩላንክዕኔ፤ ከኔ ኡርቶህኡች መት-መቱ መገን ምዋነቱ ለኡዕናን ሄጭት ሬትበሩ ዮኡ» ይሉ። 28 ኢስ ህከ ጠወ ጠወዕዮ ህዜቱ በር ኣኮች ኤተርን ጴጥሮሴ፤ ያህይለከ ያቀብ ሚጡብ ኣዕይ ዱኣ ኣኣተ መቱ ቆተ ኣል ፋሎ። 29 ዱኣ ኣኣንን ሚኔስ ደኑ ዶረሞ፤ ህትን ኦድኑስ ሞጀኢ በለቆኡ። 30 ህከ ወክት ለሙ መኑ ኣሜት ኣስን ጠወኣኢት እቅ፤ ኣስን ሙሳትለከ ኣልያሴት እቅ። 31 ኬዕምኒን ለለት ጠወኣን ሄኡ ጠወንኩ ኢስ ዩሩሳሌም ከተማን መገን ሃሽኣቱተ ሬሆንከስ ዊንሸኖ ወቂሃት እቅ። 32 ጠወ ኣኮጎሬ ጴጥሮሴለከ ኣስን ሚጡብ ሄኡኣራ ግሰኛት ቁልቶስ እቅ፤ ኣስን ግሰኛች ኬኣ ወክት ኢስ ኬዕምኒን ለከ ኣስን ሚጡብ ኡርቶ ለም መናከተ ለኡኡ። 33 ለም መናከትን ኢሲች ኣደ ኣከ መርተንን ጴጥሮስ ኢስ «ኣስተማርቺ! ከኔ ኣሁ ኔሳሃ ጡመ ኣኮቤቲሃ ሰሱ ዶስ መቱ ኬሳሃ መቱ ሙሲሃ መቱንገ ኣልያሴሃ ኣጃርኖ» ይሉ፤ ጠወ ኣኮጎሬ ጠወኣኖርቹ መሃጎሬ ደጎበ እቅ። 34 ጴጥሮስ ከ ጠወ ጠወኣን ጎመት ኣሜት ቲልቶኡ፤ ጎመት ቲልቶስ ወክት ሞጅቶኡ። 35 ህትን ህከን ጎመት ኣዚች «መጠሮም ቤቱኤ ከኒት፤ ኣሱ ሞጮጭዬ!» ይታ ላገት ኣሜቶኡ። 36 ህት ላገት ጠወኣንቶህኒች ኤተርን ኢስ ሚጥህሰ ኣከ ደገሞ፤ ህትን ኣስ ለኡ ጠዊች መቱርቹሃ ህከን ወክቲን ኣዬሃ ጠወኡዕናን ጨላ ይቶኡ። 37 ላንክስ በር ኣስ ቆታች ድርቶ ወክት ልግቡ መኑ ኢስን ደቀንቶኡ። 38 ህከን መኒች መቱስ «ኣስተማርቺ! ኣስ ኤሳሃ ሚጥቹ ጨልኤ ኣኮቤቲሃ ፈይሶኤተ ኡጮንኬ። 39 ለኡንከ ዶረረኖ ዱሩ ኣፍ ድንገቲን ያርሲሰኖስ፤ ህትን ሁንብ ኩፍ ኣኣንስ ከጣቀንሰኖስ፤ ጅስመስ ቁስ ፍትፍት ኣዕይ ጨነቅ ገፈረኖስ። 40 ህከ ዶረረኖ ዱር ፋሽቶተ ኣምንታሄረ ኡጭዮም እቅ፤ ኣኮጎሬ ኣስ ኣታልቶበኡ» ይ ያር። 41 ኢስን «ኩ ሂሉለከ ኣመዕነቱ ዮህዕይበኣ ከን ዘማን መኑ ሄንከ በር ኢሊ ክዕኔን ሚጡብ ሄኣም? ህትን መ በር ኢሊ ኣታኣክዕኔ? ህንዴ ቤቱከ ከበ ኤብ» ይሉ። 42 ጨለኣንኩስ ኣሜተንን ሁኩ ዶረረኖ ዱሩ ኣጅ ከጣቀንሴስ፤ ጠወ ኣኮጎሬ ኢስ ህከ ዶረረኖ ዱር ሻቅ ጨልኣከስ ፈይሽ ኣኒህስ ኣሴኡ። 43 ህካን ኣኮቤቲሃ ኡመቱ ጉዕመንኩ መገን ሎረ ወልቀተ ለኡቤቲሃ ኣጀብሲጭቶኡ፤ ጉዕመንኩ ኢስ ኣዕዮ ጠዋን ኣጀብሲጩን ሄዕዮገን ኣስን ኣሳበስ 44 «መንች ቤቱ መን ኣንጋን ህግሰም ኣሰመኖቤቲሃ ከ ላገተ ሰውይቲን ሞጮጭዬ» ይሉ። 45 ጠወ ኣኮጎሬ ጠወስ ኣገበሰገ ቲለሞስቤቲሃ ህከ ጠወ ደጎበኣ እቅ፤ ህትን ህከን ጠዋንከ ጠዕምቶስተ ሞጅቶኡ። 46 ኣሳበስ በላን «ኒች ጉዕሚችኔ በተኣኖሁ ኣዬ?» ይታ ኦደት ኬኡኡ። 47 ጠወ ኣኮጎሬ ኢስ ቀልብስ ጠወ ደግ መቱ ጨል ኤብ መዴንከስ ኡርሽ 48 «ከ ጨል ሱዕሚንከኤ ቶገኖሁ ጉዕመንኩ ኣሳሃ ቶገኖ፤ ህትን ኤሳሃ ቶገኖሁ ጉዕመንኩ ኤሳ ሶኩኤሃ ቶገኖ፤ መስንታስ በላንክክዕኔ ጉዕሚችን ሆፈኣኖሁ ኣስ ጉዕሚችክዕኔን ሎረሃን» ይሉ። 49 ህከኒች ኤተርን ያህይ «ቀርቺ! መቱ መንች ሱዕሚንከከ ሩሃንዮ ፋሽን ለዕናም፤ ኣኮጎሬ ኣስ ኒን ሚጡብ ኣምንበሄሃ ኣኮቤቲሃ ከምንስ» ይሉ። 50 ጠወ ኣኮጎሬ ኢስን «ኣደምበህዕኔሁ ጉዕመንኩ ክዕኔሃ ኣኮቤቲሃ ከንቶኖቼስ» ይሉ። 51 ኢስ ሰማ ኦርኣኖ ወክቱ ሆንጠካን ዩሩሳሌመ ኡርኦተ ሙርሲጭ ኬዕዮ። 52 ኣሲች ሄጭት መርታ ኣሳበተ ሶካን ኣስን

ጉዕመርቹንከ ቅጥአቶት «ሰማርያ» ዬዮ ባደን ዮ መት ቀዕየተ መርቶሉ። 53 ጠው እኩጎሬ ህከን ቀዕየ መኑ እሰ ህከኒን ህግ ዬሩሳሌመ መረናግ ደንቤቼሃ ቶሳሰተ ሀሰበአ። 54 አሳበሰ ያቁብለከ ያህይ ህካን ለእ ወክት «ቀርቼ! ሰሜች ጊረት ድርት ከ መነ ቡሰቶተ አዘንዞተ ሀሰንንዶ?» ይቶሰ። 55 እሰን ኤተሩ ፈንቀል ሻቆሰ። 56 ህከኒች ኤተሮን ዋልተ ቀዕየተ መርቶሉ። 57 እሰለከ አሳበሰ ዋቃን ሀንተንን መቱ መንቹ እሰ «መርታንትቢቹ ጉዕመንከ አዋናንኬ» ዬሰ ወክት 58 እሰን «ወለንጌሃ ኤሉ ዮሰ፤ ህትን ሰሜ ጭኦተ ጎዕምት ዮሰ፤ ጠው እኩጎሬ መንች ቢቲሃ ገዉስ አግሽ ፎሎሲሰኛ ቤቹ ዮሰበአ» ዬሰ። 59 እሰ ዋሉ መንቹሃ «አዎኤኤ» ዬለ፤ ጠው እኩጎሬ መንቹሰ «ቀርቼ! ሃጭ አነኤ ሞጎተ ፈቀዴኤ» ዬሰ ወክት 60 እሰ «ሬቶአሩ ሬሽሰ ሞጎተ አጉርሰ፤ ጠው እኩጎሬ አት መርት መገን ዋምንተኔሃ ጠወእ» ዬሰ። 61 ህትን ዋሉ መንቹ «ቀርቼ! አን አዋናንኬ፤ ጠው እኩጎሬ ሃጭ መር አበርሰኤ «ወገሬቲን ሄዕዬ» ዮተ ፈቀዴኤ» ዬለ። 62 እሰን «እቡሮተ ከደ ወኝተ አንገንከሰ አፍ ኤተሩ ለአኖ መኑ ጉዕመንኩ መገን ዋምንተሃ በቀአበሃን» ዬሰ።

10 ህከኒች ኤተሮን ቀርቼ እሰ ለመላይኔ ለመው አሳበተ መጠር እሰ መሮተ ሰውዬ ከተመለከ ጉዕመ ቤቹንከ ለም ለመው እዕይ ሄጭት መርታገ ሶኮሰ። 2 እሰን «እዝመሩስ ልግብሃን፤ እኩጎሬ ሆጉተ አጋአሩ ቀዋሃን፤ ህካን እኮቤቼሃ ሆሳሰ እኑ ሆጉተ አእኖ መነ ሶሆተ ኡጭዬ። 3 ቱ መሬ! ሁኩዕትን እን ሆለገ ኦሌ በላን ሶሃንክዕኔ። 4 ወቄሀክዕኔ ቦርሰ ህከረንገ ከረጢትተ ህከረንገ ጫዕመተ አፎኖቼ፤ ህትን አዬኒ ዋቃን ጠውሲጨንቴን ወክት ቤሶኖቼ። 5 ህከ ምኒሃ አንገተ ወክት ሃጭቲን «ወገሬቱ ከን ምኒሃ አሁን» ይዬ። 6 ህከንቤቸንን ወገሬት መንቹ ሄዕዮ ጎሬ ወገሬቱክዕኔ ህከን መንቹን አሀኖ፤ ዮበአ ጎሬ ወገሬቱክኔ ክዕኔቤቹ ፈንቀለኖ። 7 ሆጉተ አእኖ መንቹሃ ደሞዙ ሀሰሰኖሰ፤ ከን ሀሌንን እዕኑሁ አንገተ ምኒን ሆንጠህሴመሀዕኔሃ አቴንገለከ አጌንን ህከን ምኒን አገሬ ቤሉ መቶ ምኒች መቱ ምኒ ፈንቀላንቶኖቼ። 8 ህትን አንገተ ከተማን ጉዕማንን ቶጌመሀዕኔች ሆንጠህሴመሀዕኔሃ አቼ። 9 ህከን ከተማን ዮ ጥዘናመተ ፈይሼ፤ ህትን «መገን ዋምንቱ ክዕኔቤቹ ሆንጠኮኤ» ይዬሰ። 10 ጠው እኩጎሬ ህከ ከተመሃ አንገተ ወክት መኑ ቶግበሀዕኔጎሬ ከተም በነቻን 4ልቲን 11 «ሁኩዕትን ጡር እሆህቲት ሎከኔ አላን ዮ ከተምክዕኔ ትበ ግግሻናንክዕኔ፤ እኩጎሬ መገን ዋምንቱ ክዕኔቤቹ ሆንጠሁስ ደጌ» ይዬ። 12 እን ኩላንክዕኔ፤ ፍርድ በር ህከን ከተሚች በትሽ ሰዶም ከተሚሃ እኮ ጠው ቢለኖ» ዬሰ። 13 እሰ «ቆሀኖሄ እት ኩራዝ ከተንቹ! ቆሀኖሄ እት ቤተ ሰይደ! ክዕኔቤቹን እሰም አጀብሲሰኖርቹ ጠርሰለከ ሰዶን ከተማን አሰም እቃን እሰን ጥጅ ኦድኑተ ኦደእ ጠበሮን አፋዕልት አበ ወክቲች ብርተ ጨብሰ አጉርኔ ይታ እቅ። 14 ጠው እኩጎሬ ፍርድ በር ክዕኔች በትሽ ጢርሰለከ ሰዶን ከተሚሃ ቅጣቲስ ቢለኖሰ። 15 ህትን ቱ ቅፍርናሆም ከተንቹ! ሰማሃ አሊ ጎት ጎት ይቶተ ሀሰንዶ? አዘበን ድርታንት» ዬለ። (Hades g86) 16 ህትን አሳበሰ «ክዕኔት ሞጮጨኖሁ ኤሳንከ ሞጮጨኖሃን፤ ህትን ክዕኔት ቶግባሁ ኤሳንከ ቶግባሃን፤ ህትን

ኤሳሃ ቶግባሁ ኤሰ ሶኮኤንከ ቶግባሃን» ዬሰ። 17 ለመላይኔ ለመውንኩ አሳበት ሶህንቶ አዲች አበ መንዲኖን ፈንቀልት «ቀርቼ! ኪ ሱዕሚን ሩሃንዬ አዘዘሞኤ!» ይቶሉ። 18 እሰን «ሻይጣንቹ ጉገኛግ እክ ሰሜች ኡባን ለዕዮንሰ። 19 ሁኩዕትን እን ዋሪቹለከ «ግንጠ» ዬዮ መርዘኩ ዮሰ ዋርቹ ከዶኖተለከ ዲን ዋልቀተ ጉዕመንከ አጋልቲንገተ ሹምንቱ አሰዮንክዕኔ፤ ሚረኖህዕኔህ መቱርቹህ ዮበአ። 20 ሩሃንዬ አዘዘሞህዕኔ ቤቼሃ ተሽ ዩንከህዕኔ፤ ጠው እኩጎሬ ሱዕመክዕኔ ሰማን ከተበሞቤቼሃ መንደዕዬ» ዬሰ። 21 ህከ ወክት ጠሊሉ እያኑ እሰ ተሽቲን ዊንሸሰ «ሰሜለከ ኡለ ቀርቼ እኩንት ኢ አነ! ከ ጠወ ሀይቻኖችለከ ደጋህኑኤች ማጥ ኦሶተ ደግሰሶንትቤቼሃ ገለትጫንኬ፤ ኤ ኢ አነ! መሰንትሰ ኪ ጡሙ ሰውቱ ህትናሙሃን። 22 «ጉዕመርቹንኩ አነቼኤ አሰሞኤ፤ ቤቱ አዬተ ጎሬ እን ቤሉ አዬሁ ደገኖበአ፤ ህትን አኑ አዬተ ጎሬ ቤቲችለከ ቤቱ ለሊሶሰተ መጠር መንች ቤሉ አዬሁ ደገኖበአ» ይለ። 23 ህከኒች ኤተሮን አሳበ አደ ፈንቀል ኬዕይ ጠለዕል እሳሃ «እዕት ለኤንገታሃ ለአእሩ ማሰእንቶአራን። 24 እን ኩላንክዕኔ፤ መሰንትሰ ልግቡ ነብያከትለከ ዋመት እዕት ለኤንገታሃ ለአተ ሄዕላቶ እቅ፤ እኩጎሬ ለኦበአ፤ ህትን እዕት ሞጮጭቲንታሃ ሞጮጭቶተ ሄዕላቶ እቅ፤ እኩጎሬ ሞጮጭቶበአ» ዬሰ። 25 መገን ሕገ ደገኖ መቱ መንቹ አሌ ዋል ኡርኬዕይ እሰ ፊተኖሰተ «አሰተማርቼ! ዘላለም ሄኡ ደኦተ መ አኡ?» ዬለ። (aiōnios g166) 26 እሰን «ሕጋን ከተበሞህ መርቹሃን? ህትን ህካን ሀት አነበባንቲት?» ዬሰ። 27 ሁኩ መንቹንኩ «ቀርቼ መገኑክ ዊመ ቀልቢንከክ፤ ዊመ ፎልኒከክ፤ ዊመ ወልቃንተክለከ ዊመ ሰውቲንከክ አት፤ ህትን ዋሉ መነ ገይክገ ኢት ዮኖ» ዬሰ። 28 እሰን «ሀንቅንከ ደቶንት፤ ካን አእ፤ ዘላለም ሄኡ ደኦታንት» ዬሰ። 29 ሁኩ መገን ሕገ ደገኖ መንቹንኩ ገዉስ ፈዩ እኦተ ሀሽ ኬዕይ እሰ «ኦሊቹኤ እዬት?» ይ ጠዕሜሰ። 30 እሰን ፈንቀሽ «መቱ መንቹ ዬሩሰለም ከተሚች ኢያርኮ ከተመ ህገኖት እቅ፤ ህከ መንቹንከ ሸፍጡ አፍ ኦድኑስ ቃርት ኦልቶች ኤተሮን ሬሆተ ሆንጠካን ሂለ ፎልስ አጉርት መርቶሉ። 31 ህትን ህከን ዋቄን መቱ ቂስቲ ህገኖት እቅ፤ እሰን ህከ መንቹ ገምባትንከ ለዕዮ ወክት አጉር መዲኒከሰ ኦርዕዮ። 32 ህትን መቱ ለውቹ ህከን ቤቹን ህገን ህከ መንቹ ለዕይ ዋሉ አዲን አጉር ኦርዕዮ። 33 ጠው እኩጎሬ መቱ ሰማር ባድ መንቹ ህከን አዲን ኦርኦን ሁኩ መንቹ ዮ ቤቹን አሜቹ፤ እሰን ለዕዮሰ ወክትንከ አመኑከሰ። 34 እሰበ ሆንጠክ ዘይተለከ ወይን ቦባጤማሃ ጡላንከሰ ዋር ጡላስ ኡሱሮ፤ ህት እዕይ ገይሰ ገማሞን ቆጵሲሽ ኮሁ ገለኖቤቹ መሰ ጥሰሾሰ። 35 እሰን ለንክ በር ገሰማን ኦርኦን ኮሁ ገለኖ ምኒ አኒሃ ለመው ዲናር ፋሽ እሰ ብከ መንቹ ጡመገ አት ጥሰሰሰ፤ ከኒች በተአኖ ዲናረ ፋሽቶንት ጎሬ ፈንቀል አሜታም ወክት ባታንኬ» ዬሰ። 36 ቴሱ ህከን ሰሰንከ መንቹች ሸፍጡ ኦልታንሰ ኡቦ መንቹሃ ጃላ አሁስ ለሊሾሁ ህከን እሶት?» ይለ። 37 መገን ሕገ ደገኖ መንቹንኩ «አሙኑህ ሀዕሴለሃን» ዬለ፤ እሰን «አቲሁ መርት ህትን አእ» ዬሰ። 38 እሰ አሳባንተሰን ዋቃሃ ሃመን መት ቀዕተ ኣጎ፤ ህከኒን «ማርተ» ዬዮ መት መንቹት ምኒከሰኩ ቶሳሰ። 39 እሰንከ «መርየመ» ዬዮ አመቤቱት ሄኡሴ እቅ፤ እሰን እሰ ሎካች ዋር አዲን

አፋዕልት ተማርሰናሃ ሞጮጭታኢት እቅ። 40 ጠዉ እኮጎሬ ማርተ ሆጉት በተአንሴ መቼምማተሴ ኢሰቤቼ መርት «ቀርቼ! አመኤ ቤቱት ሆጉት እኢን ኦርጨቀሞተ ኤሳሃ ሜጥሃኤ አጉርቶኤን ሻዝሰናሄበእንደ? ቴሱ ሀዕልቶኤት ኩልሴ» ይቶሰ። 41 ጠዉ እኮጎሬ ኢሰ ፈንቀሽ «ማርታ! ማርታ! እት አበ ጠዉን ጨነቀንታንቲትለክ ኦርጨንታንቲት። 42 እኮጎሬ ሀሰሰናሁ ጠለዕል መቶ ጠወ፤ ህከን እኮቤቼሃ እሴሃ እደሁ እኣተ አታለናበ፤ ቆህሰሂ መጠርቶኤ» ይሉ።

11 መቼ በር ኢሰ መቶ ቤቸን ዱኣ አእኖት እቅ፤ ዱኣ አዕይ ኬዕዮ ወክት አሳባቸሰ መቼ «ቀርቼ! ያህይ እዋናኩሰ ዱኣ አታገ ተማርሰንን አቲሁ ዱኣ አዕናምገ ተማርሰኤ» ይሰ። 2 ኢሰን ዱኣ አቲነገተ ወክት «ሰማን ዮንቲሁ ኒ ኦክ! ጠሊሉ ሱዕሙክ ማሰእምሃ እሁን፤ ዋምነቱክ እሜቱን! 3 በሪሃ ሀሰሳ እቸተ በሬን በሬን እሰኤ! 4 ነኩ በደልቶኔሪ ፈቁን ይን ኦጉርናምሀንን፤ ብድልኔ ፈቁን ይኔ፤ ፌተናን ኣግሰትኔ ይዬ» ይሉ። 5 እሰን አሳበሰ «ክዕኔኝ እደሁ ጆሉ ዮሲሁ ሀዋሮ በላን ጃልሰቤቼ መር ላኢ ጆላ! ሰሱ ጣብተ ሊቁሰኤ፤ መቼ ጆሉኤ ቁዕራሽ ባዲኝ ኢ ምኒ እሚቶኤ፤ እሲንከ ሆንጠህሳም መቼርቼህ የኤበኤ» ሲሰ 7 «ምኒ ኣዚን ዮኢሁ ሓርሶቲኤ! ኡሩት ጡፈንቶኤ፤ እለኤ ኢን ሜጡበ መዕናን እሰኦኤ፤ ህከን እኮቤቼሃ ኬዕይ መቼርቼሃ እሳሂተ አታላምበኤ» የኖንደ? 8 እን ያንክዕኔ፤ ጃለሰ እኮቤቼሃ ኬዕይ እሲሃ ሀሰሰ ጎሮ ምርዋሽሰቤቼሃ ኬዕይ ሀሰናርቼ ጉዕመንከ ኣሰናሰ። 9 «እኒሁ ያንክዕኔ፤ ኡጭዬ ኣሰመኖሀዕኔ፤ ሀሼ ደአቲነገተ፤ ኡሩተ ቆጭዬ ፈንተአናሀዕኔ። 10 መሰንትሰ ኡጨናሁ ጉዕመንኩ ኣእኖ፤ ሀሰናንኩ ደእኖ፤ ህትን ኡሩተ ቆጨናህኒሃ ፈንተአናሰ። 11 «ክዕኔኝ ቤቱክዕኔ «ቀርጨሚት ኣሴኤ» ይ ኡጨኖጎሬ ዋሪቹ ኣሰቲነገደ? 12 ህከረንገ ቡጻ እሴኤ ይ ኡጨኖጎሬ «ግንጠ» ዬዮ መርዙ ዮሰ ዋሪቹ አቲነገንደ? 13 እዕኩ ሂላት እኬንን እላተክዕኔ ጡመርቹ እኡ ደገንታች ሰማን ሄእኖ እኩክዕኔ ኡጭታሁኡተ ጠሊሉ እያን ህት በትሻ ኣሰናሰበኤ!» ይሰ። 14 መቼ በር ኢሰ መቶ መንቺቹ ዶሮረኖ ዱር ፋሽኖት እቅ፤ ዶሮረኖ ዱሩንኩ ፋሎ ወክት ዱዱንኩ ጠወዕዮ፤ መኑንኩ ህከን ጠዋን አበ አጅብሲጨኤ። 15 ጠዉ እኮጎሬ ህከን መንቺ መት-መቱሰ «እሰ ሩሃንየ ፋሽኖህ ሩሃንይ ብዑልዜቡል ወልቃኒት» ይቶኤ። 16 ህትን ዋሉ መኑ ፌተንቶሰተ ሀሰ ሰሚቹ መላተ ለሊሶሰተ ጠዕምቶሰ። 17 ጠዉ እኮጎሬ ኢሰ ቀልብሰ ጠወ ደግ «መቶ ምዎ ኣዚን ሃዕዮ መኑ ገገዉንኩሰን አደደ እኮጎሬ ሁኩ ዋሙ ድጀመኖ፤ ህትን መቶ ምኑን ሄእኖ መኑ አደደ እክ ገገዉንኩሰ ብተሞ ጎሬ ብን የኖ። 18 ህትን እዕኩ ኤሳሃ ላሰ ፋሽኖሁ ብዑልዜቡሉ ወልቃኒት» ይቲነንተኤቤቼሃ ሻይጣን ዋሙ ገገዉንኩሰ ብተሞ ብን የኖሃ እኮጎሬ ህት እክ ጠረኝ ኡሮተ አታለኖ? 19 እን ሩሃንየ ፋሻሚህ ብዑልዜቡሉ ወልቃን እኮጎሬ እለክዕኔ እዬ ሱዕሚን ፋሽታጎ? ህከን እኮቤቼሃ ገይክዕኔ እለት ክዕኔ እላን ፈረዳእረ ኣካኤ። 20 ጠዉ እኮጎሬ እን ሩሃንየ ፋሻሚህ መገን ወልቃን እኮቹ መገን ዋምነቱ ክዕኔቤቼ እሜተኖት። 21 ህትን መቼ ጀቡ መንቹ ጌሬንጌሩለክ በገዙ እኖ ምንሰ

አገረኖረ ዮሰ ዱንያሰ ጡመገ አገረንታኤ። 22 ጠዉ እኮጎሬ እሲቹ ጀቡ መንቹ እሜቹ ብተሞ ቂሎ ወክት ወዕና እመዕን ሃዕዮ እቅ በገዝ ኦደተ ኣእ ከም ዘረፎ ኦደተ መኒሀሰ ቤሀኖ። 23 «ኢን ሜጡበ እህቡ ጉዕመንኩ ኢን ሀንበዕለመኖ፤ ህትን ኢን ሜጡበ ጭምእኦቡ ጉዕመንኩ ብንአዕይ ከመኖ» ይሰ። 24 ህከኒቹ ኤተሮን ኢሰ «ዶሮረኖ ዱሩ መንቺቹ ፋል ኦርዕዮ ወክት ፎሎጨኖ ቤቹ ሀሰን ዉሁ ዮበእቤቹን ሃመን ዘሀኖ፤ ፎሎጨኖ ቤቹ ሆን ወክት ወዕና ፋሎም ምኒኤ ፈንቀል ኦርኣም» የኖ። 25 ፈንቀል እሜተኖ ወክት ምኡስ መክ ሀጠመማን ደገኖ። 26 ህከኒቹ ኤተሮን መር እሲቹ ባሰ ሂላት ለመለ ዋሉ ሩሃንየ ኤበኖ፤ እሰን ኣግ ህከኔ ሄእኤ፤ ህከን መንቹ ኤተሩሰ ወዕኔቹሰ በትሻ ሻዝሰናሃ እሀኖ» ይሉ። 27 ኢሰ ህከን ጠወኡን ሃዕዮገን ልግቤ መን በላን መት መንቹት ላገሴ ጎት አት ኢሰ «ኬሳሃ እልቶ መንቹት ማሰእንቶኤታን» ይቶሰ። 28 ጠዉ እኮጎሬ እሰ «ማሰእንቶኤታ መገን ላገተ አገርታእረ» ይሴ። 29 ልግቡ መኑ ጭምዬ ወክት ኢሰ «ከን ዘማኒ መኑ ሂላሃን፤ መላተ ለኣተ ሀሰኖ፤ እኮጎሬ ዩኑሰ መላ ቤሉ ዋልት መላት ሆሮን ኣሰንታሰበኤ። 30 መሰንትሰ ዩኑሰ ናናዌ ከተም መኒ መላተ እኮገን ህትን መንቹ ቤቱሁ ከን ዘማን መኒሃ መላተ እሀኖ። 31 ካበ ባድ ዳገት ሳብ» ዬኖት ሱላይማኔ ሀይመተ ሞጮጭቶተ ኡላ ዳንጊቹ እሜቶቤቼሃ ፍርድ በር ከን ዘማን መኒን ሜጡበ ኬኤ እሰተ ዋቀሳኤ፤ ከለዕዬ! ሱልማኒቹ በተአናሁ ከበ ዮኡ። 32 ህትን ናናዌ ከተም መኑ ዩኑሰ ዱዱብሰያንሰ ጨብሰ ቶበቶቤቼሃ ፍርድ በር ከን ዘማን መኒን ሜጡበ ሬሆቹ ኬኤ እሰተ ዋቀሳኤ፤ ከለዕዬ! ዩኑሲቹ በተአናሁ ከበ ዮኡ» ይሉ። 33 ኢሰን «እዬሁ ኩራዘ ቀሽ ምኒ ኣገኖ መኑ ኑር ለኢሃ አታለናቤቹን ኩራዘ ሱተኖ ቤሉ ማጭ ሰፈ እፍሰናሁ ዮበኤ። 34 ህትን እልክ ጅሰምሃክ ኑርየ፤ እልክ ፈየተ እኮ ወክት ጅሰሙክ ጉዕመንኩ ኑርን ዊሞሃ እሀኖ፤ ህትን እልክ ፈየተ እክበ ወክት ጅሰሙክ ጉዕመንኩ ቱንሰቹ እሀኖ። 35 ህከን እኮቤቼሃ ኪን ዮ ኑሩ ቱንሰቹ እሀኖበእን አገዕር። 36 ጅሰሙክ ሜጡ ቤቼሁ ቱንሰቹ ሄኡዕናንሰ ጠለዕል ኑር እኮጎሬ ኩራዘ ኑሩ አበ ለሊሰኖ ጌሰ ጅሰሙክ ጉዕመንኩ ኑር እሀኖ» ይሉ። 37 ኢሰ ህከን ጠወኡን መቼ ፈርሳውቹ ምኑንከሰ ካበዕይ ሆሹ እቶተ ኡጨኖሰ፤ ህከን እኮቤቼሃ ኢሰ ምኒ ኣግ ሆሹ እቶተ አፋዕሉኤ። 38 ኢሰ ሆሹ እቶሰን ሃጭ እንገተ ኣዕሉ ሆጉሰ ሁኩ ፈርሳውቹ ለዕዮ ወክት አበ አጅብሲጨኤ። 39 ህከን እኮቤቼሃ ቀርቼ ህከ ፈርሳውቹ «እዕኩ ፈርሳውያኑት! ኩብየለክ ሳነ ኣብልሰ ኣንሸቲነገተ፤ ጠዉ እኮጎሬ ኣዜንከክዕኔ ወልቆሴን ኣኡለክ ሂሉ ጠዉ ዊሞሀዕኔ። 40 ኩ ገዋንት! ኤተርሰ አደ ከለቆሁ ኣዝሰ አደ ከለቆበእንደ? 41 ህከን ኣዜን ዮኢሃ ቡጥቻኖተ ዘከተ እሰዬ፤ ጉዕመርቹንኩ ሙጨሩ እሀኖሀዕኔ። 42 «ጠዉ እኮጎሬ እዕኩ ፈርሳውያኑት ገንበለ ጠጉተ፤ ጫሮቲቶለክ ጋር ጠጎች ጉዕሚቹን ዘከተ ፋሽቲን ሀንቀ ፍርደለክ መገኑ እቶ ህንቁንተቤቼሃ ክዕኔሃ ቆህኖሀዕኔ! እኮጎሬ ዋሉሲንገ ኣጉርቶኑዕናን ከ ጠወ እኡ ሀሰሰናሀዕኔ እቅ። 43 ህትን «ጭምት ምናን ኬዕምኝ ቦርጭማን አፋዕሉለክ ጌቦ ዮቤቹን ጠወሲሶናሀዕኔተ ሀሴንተቤቼሃ ክዕኔ ፈርሳውያኖተ ቆህኖሀዕኔ! 44 መኑ ደጉዕነ ኣሌሰ ሃመኖ ለልቡ ሎደ

አጉዳንተቤቸሃ ክዕኔሃ ቆሆኖህዕኔ!» ይሉ። **45** መገን ሕገ ደጋሁኑኡች መቼስ ፈንቀሽ «አስተማርቼ! ካን ዩክ ህትን ኔሳሃ ቦሮሩሃክበዕንደ!» ይሉ። **46** ኢስን ፈንቀሽ «እዕጵ ኬዕምተ እጅነተ መናን እጅሰሲን እጅነሰ እዕጵ ዙሩዕሚንከክዕኔ ኡልቲንተበእቤቸሃ መገን ሕገ ደገነንተ ክዕኔሃ ቆሆኖህዕኔ! **47** ህትን አናከክዕኔ ሽቶ ነቢያከ ሎደስ ምልካንሰቲን መክሲንተረ እኩንተቤቸሃ ክዕኔሃ ቆሆኖህዕኔ!» ይሉ። **48** ህካን እኮቤቸሃ እዕጵ ምስክረተለክ አናከክዕኔ ሂለ ሆካን ኢተቀንቲንታእረ፤ መስንትሰ አናከክዕኔ ሽቶኡ፤ እዕጵንገ ሎደስ መክሲንታት። **49** ህካን እኮቤቸሃ መገን ህይመት እን እሰቤቱ ነቢያከተለክ ሶቀማኑት ሶሃም፤ እሳችን መት-መቼስ ሽታእ፤ ፈቆረ ሸርታእ ይቶኡ። **50** ሁኩን እኮሁ ኣዱንያት ከለቀንቶች ኬሽ ነቢያካች ዱንተዕዮ ቂገሃ ከን ዘማን መት ጠዕመመና። **51** ሁኩንን እቤሌ ቂገች ኬሽ መገን ክትም ሆንጠህሲኖ ጠረጴዳንለክ ዱላ ምኒ በላን ሬዮ ዘከርያሴ ቂጉ ኢላት፤ ኤ! እን ያንክዕኔ፤ ህከን ቂገሃ ከን ዘማን መት ጠዕመመና። **52** እዕጵ «ሕገ ደገነንተሩ ቆሆኖህዕኔ! ደግ ቀልፈ ፈኔሃ ሀንቅ ቀልፈ አፈንታእ፤ ጠወ እኮጎሬ እዕጵ ገወንኩክዕኔ ኣገንታበእ፤ ኣጉ ሀሳእሩ ኣጋበእከ ከንቲንታእ።» **53** ኢስ ኦሮእን ሕግ አስተማረትለክ ፈርሳዊያት መት ሉሰተ አፈችሰ ደግ እፎተ ሀስ እበ ጥቅስ ጢቁን ልግብ ጠዕምቲተ ጠዕምቶስተ ኡለንሰታሲት እቅ።

12 ህከ ወክት ልግቡ ኩሜ መት ጭምይ ኬዕይ ገገወንኩሰን ሀንበሰላንተን ከጣቀንታእት እቅ፤ ኢስን ሄምዕ አሳባተሰ «ፈርሳዊ ራጭቲች አገርዐዬ፤ እስን ለዕዬሌ ዩሃን። **2** ጠው እኮጎሬ እፍሰሞርቹ ፈንተኡዕነለክ ማጠዋንኩ ለሉዕነ ፈቀናበእ። **3** ህካን እኮቤቸሃ ቱንሰቾን ጠወኢንተርቹ ጉዕመንኩ ኑሬን ሞጭጨመና፤ ህትን ጡፈንቶ ጎጅን ኩሸኩሸይቲን ጠወኢንታሃ በታንን እዋጃኖ» ይሉ። **4** ኢስ «ክዕኔተ ኢ ጃላ ያንክዕኔ፤ ጅሰው ሽቶተ አታልታእረ ዋሉ መቲርቹሃ እቶተ አታልትበረ ዋጅቶኖቹ። **5** ጠወ እኮጎሬ እዬ ዋጂ ሀሰሰኤ ጎሬ ጠረኝሽ ኩላንክዕኔ፤ ሽቶ ኤተርን ዘማኒሃ ጉዕሚንከ ጠእትበ ገራን ዋረኖ ወልቀት ዮስ መገን ዋጅዬ፤ ኤ! እን ያንክዕኔ፤ እሱ ዋጅዬ። (Geenna g1067) **6** «እንት ጭኡት መቲ ሳንትበ ሀረንታእበእንደ? ሆሮን እሳች መቼስ መገን ብሬን ሀበንታበእ። **7** ክዕኔሁ ሆሮ ቡዕልክዕኔ መውሁ ጉዕመንኩ ዋለአምላሃን፤ ህካን እኮቤቸሃ እዕጵ ልግቤ ጭኡች በትሴን ደግለልቲንተቤቸሃ ዋጅቶኖቹ» ይሉ። **8** ኢስ እን ኩላንክዕኔ፤ መን ብሬን መስከረኖሴሀን ጉዕሚንከ መንች ቤቱ መገን መላይካ ብሬን መስከረኖሴ። **9** ህትን መን ብሬን ለገአኖሴሀን ኢኒሁ መገን መላይከ ብሬን ለገአንሰ። **10** ህትን መንች ቤት አሌን ቦሮር ላገተ ጠወአኖሀን ጉዕሚንከ ጨቡስ ማረመናሰ፤ ጠወ እኮጎሬ ጠሊሊ እያን አሌን ቦሮር ላገተ ጠወአኖሀን ጨቡስ ሆሮን ማረመናሰበእ። **11** «መት ጭምት ምንቤቹ፤ ገሻኖ ብርተለክ ዳኛኖ ብርተ ፍርድ ሆንጠህሰኖህዕኔ ወክት ህት ፈንቀሽናም? ህከረንገ መ ጠወዕናም? ይቲን ጨቀንቶኖቹ። **12** መስንትስ ጠወኡ ሀሰሰኖህዕኔሃ ህከ ወክትንከ ጠሊሉ እያን ኩላኖህዕኔ» ይሉ። **13** ህከን ልግብያ መን

በለች መቲ መንቹ «አስተማርቼ እንኤ ወጥ ኤሳሃ ቤሆተ እመኤ ቤቲሃ ኩል» ይሉ። **14** ጠወ እኮጎሬ ኢስ «ኮ መንቹ! ክዕኔ አሌን ዳኛለክ ወጥ ቤሃንቹ እዕዮኤሁ እዬት?» ይሉ። **15** እስን ጉዕማንከ መኒሃ «መን ሄኡ ቀባጦስ በትኼን እህበቤቸሃ ሄዕላታች ጉዕሚችን ጠረኝቲን አገርዐዬ» ይሉ። **16** ኢስን መኒሃ «መቶ ቀባጣም መንች ኡለት አበ እቶተ እቶቶኡ። **17** ሁኩ መንቹንኩ ቀልጤንከስ ላቶተእ ጭም እእም ቤቹ ዮኤበእቤቸሃ መ እዕዮምጎሬ ቆሆኖኤ?» ይሰውዩ። **18** እስን ላክሚሁ ከኒት፤ ጎተረኤ ጉዕመንከ ድጅ አልባዕሉ ጎተረ እጃራም፤ ህት እዕዮሚች ኤተርን እቶተ ጉዕመንከ ጭምእዕይ አፋሻም። **19** እንን ነብሰያኤ ኢ ነብሰቹ! ልግቤ ዘማኒሃ እካ ቀባጡት ዮሄ፤ ህካን እኮቤቸሃ ፎሎጭ! እት! እግ! መንደእ! ያንሴ» ይሉ። **20** ጠወ እኮጎሬ መገን «ኮ ገወ! ከበሬ ሀንከዕሬን ነብሳክ ኪች ሀሳም፤ ኩ ጭም እቶንት ዱንያት ጉዕመንኩ እዬሃ እካእ?» ይሉ። **21** «ገይህስ ዱንያተ ጭም እእን መገንህንን ቀባጣሙ እህቡ ጉዕመንኩ ህትናመሃን» ይ መት ማቂተ ኩሎስ። **22** ኢስ አሳበሰ «እን ያንክዕኔ፤ ነብሴሃክዕኔ እቲንተህኒሃለክ አሊህክዕኔ ኦደኢንተህኒሃ ኦርጨቀንቶኖቹ። **23** መስንትስ እቲንተህኒች ነብሱሁ ኦድኖችን ጅሰው በተአኖ። **24** ህንዴ ቀሬኤተ ለዕዬሰ፤ ወጣበእ፤ ምዳበእ፤ ህትን ጭምእታ ምት ህከረንገ ጎተሩ ዮስበእ፤ እሁን ቤሉ እታኢሃ መገን እሰሰኔ፤ እዕጵ ጭኡች በተኢንተበእንደ? **25** ህትን ክዕኔች ጨነቀም ኡመርስ ዘማኔን መቲ በር በርጎተ አታለኖሁ እዬት? **26** ከ ቀወ ጠወ እኢሃ አታልቲንቡረ እኬንን ዋሎ ጠዋሃ ሚሃ ሻዜንን? **27** ህትን ቦብሉት ህት እክ ነጵታ ጎሬ ለዕዬ፤ እስን ሆንን ሆጋበእ፤ ደዳበእ፤ እኮጎሬ ዋሉስ ፈቅ ሱላይማን ህከን ጉዕማንከ ሎርማንከስ ህከን ቦብሎች መትሰን ኦደዕዮበእ። **28** ጠወ እኮጎሬ መገን ከበር ለልት ጋቲተ ገረ ኡጃኖ አብል ህጥተ ሄንከ ኑርሰኖ እኮች እዕጵ እመዕነቱ ሆፈዕዮህዕኔሩ! ክዕኔተ ሄንከ ኑርሰኖህዕኔ እቅ! **29** «ህካን እኮቤቸሃ «መ እንታም? መ እንጋም?» ይቲን ጉዕመ ወክት ሻዘኖቹ። **30** ህካን ጉዕመንከ ዱንያን አሌን ዮ መት ጉዕመንኩ ሀሰኖ፤ እኮጎሬ ሀሰሰኖህዕኔሃ ክዕኔ እንኩኩክዕኔ ደገኖ። **31** እዕጵ መገን ዋምነቱ ሀሼ፤ ሀሴንታሁ ጉዕመንኩ እሰመኖህዕኔ» ይሉ። **32** እዕጵ ቀወ መስረት! ሰሜ እኩክዕኔ ዋምነቱ እሰህዕኔተ ኢቲቤቸሃ ዋጅቶኖቹ። **33** ህካን እኮቤቸሃ ዮህዕኔሃ ጉዕመንከ ህርቲን ቡጥቻኖተ እሰዬ፤ ጎፍበ ከረጥትተ መክሰን ጎፍበ ዱንያተ ኣዜስ እቲን ዋጋንቹ ኣእበቤቸሃለክ ብሉት እትበቤቸን ሰማን አፋሽዬ። **34** መስንትስ ዱንያክዕኔ ሄኢቤቸን ህከኔ ቀልቡክዕኔ ሄኢኖ። **35** ኢስ «ረመዙክዕኔ ኡሱርቲን ኑሩክዕኔ ለሌኢሃ እሁን። **36** ህትን ቀርቹስ እሜች ኡተ ቆጩ ወክት ፈንቶተ በለች ምኒች ፈንቀል እሜቶተ ኢሊ ጠረኝ አገረኖ መን እኬ። **37** ቀርቹስ እሜቹ ወክት ተቃጠብ አገርተን ደገኖስ ካዲመት ማስእንቶእረ፤ ሀንቅንከ ያንክዕኔ፤ እስን ረመዙስ ኡሱር ማዳን አፋሽ ካይመን እትሰሰኖ። **38** አይደጎ ቀርቹስ ሀንከዕሬ በላን ህከረንገ ሀንከዕሬ በለች ኤተርን እሜቹ ወክት ጠረኝት አገርተን ደገኖ ካዲመት ማስእንቶእረ። **39** ጠወ እኮጎሬ ካን ደገ፤ መቲ መንቹ ምንስ ዋጋንቹ መ ወክት እሜተኖጎሬ ደጎአቀ ምንስ እሞተ ሰዕምይ አጉረኖበ እቅ። **40** ህትን

መንች ቤቱ ሰውይቱን በወክት እሜተኖቤቹሃ እዕኑሁ ተቃጠበን እገሬ» ይሉ። **41** ጴጥሮስን «ቀርቼ! ከ ሞላልተ ጠወአንቲሁ ኒሳህትንዶ? ሀከረንገ ጉዕሚሃንት?» ይሉ። **42** ቀርቼንኩ ፈንቀሽ «ሀካን እኩች በሬ በሬተ እታእሃ ወክቲን አሰሰተ ቀርቼ ካዲመስ አለን ዳኛ አእኖ እመዕነሞ ቀልባሙ መንቹ አይት? **43** ቀርቼስ እሜች ይሰገ እክን ደገኖስ ሁኩ ካዲንቹ ማሰአሞእሃን። **44** ሀንቅንከ ያንክዕኔ፤ ቀርቼስ ሀከ ካዲንቹ ዮስ ዲንግንተስ ጉዕማንን ዳኛ አእኖስ። **45** ጠወ እኩጎሬ ሁኩ ካዲንቹ ቀልበክስ «ቀርቼኤ እሜቲዕናን ዲንከኖ» ይሜንተለክ ጎን ካዲመተ ኦላን እቱ፤ እኩለክ ሰከሩ ጀመረረ **46** ሀከን ካዲንቹ ቀርቼ «እሜተኖ» ይ አገርበ በሬንለክ ደጎበእ ሰካቴን ድንገቴን እሜች ቀጠዕይ እመዕነሞበእ መንገ ሜጡበ እአኖስ። **47** «ቀርቼ ሰውት ደገን ተቃጠብብለክ ቀርቼስ ሆሽ ሃለን እእቡ ካዲንቹ አበ ገረፈመኖ። **48** እኩጎሬ ቀርቼስ ሰውት ደጉዕናን ቀጠአመኖ ሆንተ እአኖ ካዲንቹ ቀወ ገረፈመኖ፤ መሰንትስ ልግብ ጠወ እሴመስ መንቹች ልግብንከ ሀሴኖ፤ ህትን ልግብ ኤገተ እሴመ መንቹች ልግብንከ እኣኖተ ሀሴኖስ» ይሉ። **49** ኢስ «እን ኣዲንያ አሌን ገረተ አኖሲሶተ እሜችሞ፤ ሀካን እኩቤቹሃ ደዕልት እጽጽ ቶቃ ሃንከ ኢታሞ እቅ። **50** ጠወ እኩጎሬ መቱ ጠመቀማሞ ኦርሽ ጥሞቀቱ ዮኤ፤ እስን እሆተ ኢላ ጨነቀሞሞ። **51** እን መገሬት ኤጦተ ኣዲንያ አሊሃ እሜችሚሃ እኩደኖህዕኔንዶ? ህትጎተበእ፤ ሀንቅስ ጠወአንክዕኔ፤ እን እሜችሚህ እደደመተ ኤቦታት። **52** ከበሬች ኬሽ መቶ ምኔን ሄኣ ኦንቶ መንቹ ሰሱስ ለሞ አሌን ህትን ለመሰ ሰስ አሌን ኬእ ብተንታኣ። **53** ህትን እኩ ቤትስ አሌን፤ ቤቱንኩ እንስ አሌን፤ እመንት ቤቶሴ አሌን፤ ቤቱንት እመሴ አሌን፤ በሉተ ቤት ጫ አሌን፤ ቤት ጫንት በሎሴ አሌን ኬእ አደደ እካኣ» ይሉ። **54** ኢስ ኡመቲሃ «ጎመት ገርብ አዲን ኬእን ለኤንተ ወክት ከበር «ጤነ ኡቦታት» ይቲንተ፤ ይቲንተገን አህኖ። **55** ህትን ከእጽ አዲን ቦብሮስን ለኤንተ ወክት «አበ ፋረተ አሆታት» ይቲንተ፤ እስን ይቲንተገን አህኖ። **56** አዕኑ ኩ ለዕዬ፤ ለዕዬ፤ ይቲንተሩ ሰሜለክ ኡለ ጠወ ለኤን አደደ አቴን ደንክንተ፤ ጠወ እኩጎሬ ሚሃት ከን ዘማኔን አህኖ ጠወ አደ አቴን ደንክንተበአሁ?» ይሉ። **57** ኢስ «እዕኑ ገወክዕኔ ሚሃት ህንቅ እኩ ጠወ ፈረዳንተበእ? **58** ባለጋርንከክ ሜጡበ ዳኒቤቹ መርታንት ወክት ዎቃን ሀራዕሪሞ፤ ህካን አህባች ባላጋሩክ ዳኒበ መሴሃን ዳኙንኩ ወታደሪሃ ሀግሽ ኣሰኖሄ፤ ህትን ወታደሩንኩ ኡሱር ምኒ ኣግሰኖሄ። **59** ህንቅንከ ያንከ፤ መቱርቹህ ፈቀሰ፤ ባቲዕናን ህከን ኡሱር ምኒች ሆሮ ፋልታንትበእ» ይሉ።

13 ህከ ወክት መኑ እሜች «ገሊላ ባድ መነ ክትመ ሆንጠህሰን ጰላጣስ ሸኬዕይ ቄጉስ ክትምንከስ ሜጡበ ሊቃልቆ» ይት ኢሲሃ ኩልቶአ። **2** ኢስን ፈንቀሽ «ገሊላ ባድ መነ ህትኔ በኡ አሌሰቤቹሃ ገሊላ ባድን ዮ ዋሎ መንቹ ጉዕሚችን አበ ጨበኛኑተ እጉዳህዕኔትንዶ? **3** እን ኩለንከዕኔ፤ ህትጎተበእ፤ ጠወ እኩጎሬ ቶብቴንባች እዕኑ ጉዕሚንኩክዕኔ ህትን በኤንገተ። **4** ህትን «ሰልሆመ» ይኖቤቸን ሎሩ ግንቡ አሌስ ኡብ ሼ ቶን ሀዘቱ መንቹ ይሩሰሊማን ሄኣ ዋሎ መንቹ ጉዕሚችን በትስ ጨበኛኑተ እጉዳህዕኔትንዶ? **5** እን ኩለንከዕኔ፤ ህትጎተበእ፤ ጠወ እኩጎሬ ቶብቴንባጎሬ

እዕኑ ጉዕሚንኩክዕኔ ህትን በኤንገተ» ይሉ። **6** ኢስ «መቶ መንች ጋርስ ኣዘን ሄኣ ህቅ በላን መት ኦድ ሀቀቹት ሄኣ እቅ፤ እስን ላልቹ ሀሽ እሴቤቹ እሜች ወክት መቱርቹሃ ደጎበእ። **7** ሀካን እኩቤቹሃ እስን ህከን ሆንተ እአኖ መንቹሃ «ከለእ! ከን ሰሶ ዘማኔን ተን ኦድ ሀቀቹች ላልቹ ሀሽ መቱርቹሃ ደጎምበእ፤ መርት ከም፤ ሚሃ ኡለተ ቤሳኣ?» ይሉ። **8** ሆንተ እአኖንኩ «ቀርቼ! ፎቀሴ ሀረሞተለክ መዳቢር ዋርተ ጠለዕል ከዘማኔተ አትር። **9** እሜተኖ ዘማን ላልቹ ላልቶጎሬ ጡመሃን፤ ጠወ እኩጎሬ ላልትበ ጎሬ መርቶተ አታልታንት» ይ ፈንቀሼስ» ይኬዕይ ተ ሞላልተ ኩሎስ። **10** ኢስ አበ በሬን ጭምት ምናች መቶንከስ ተማርሰኛት እቅ። **11** ሀከኔን ቶን ሀዘቱ ዘማን ዶረረኖ ዱሩ ጉብራይሾሴ መት መንቹት ሄኣ እቅ፤ እሴን ጌጥ ይት ኡርቶተ ሆሮን አታልታበ እቅ። **12** ኢስን ለዕዮሴ ወክት እሴቤቹ ገእ «መንቹ! ሆግሳሄ ጥዘኖች ፈይቶንት» ይ **13** እንገስ አሌንከሴ እዕዮ፤ ህከ ወክትንከ ጌጥ ይት ኡርት መገን ገለትጭቶኡ። **14** ጠወ እኩጎሬ ኢስ አበ በሬን ፈይሾሴቤቹሃ ህከን ጭምት ምኒ ገኛንቹ ኡመዕር መኒሀስ «ሳምንታን ሆንተ እአኖ ሌሁ በሩ ዮኤ፤ ህከን በሬን እሜቲን ፈይዬ ቤሉ አበ በሬን አታልሲሰኖበእ» ይሉ። **15** ሀከኒች ኤተሮን ኢስ ፈንቀሽ «ኩ ለዕዬ፤ ለዕዬ፤ ይቲንተሩ! ክዕኔች መት-መትቶክዕኔ አበ በሬን ቦረስ ጋድሪች ሀከረንገ ሀርስ ጎሊች ሂር ዋሃ ኣግሶተ መሰኖበእንዶ? **16** ት ጫት ቶን ሀዘቱ ዘማን ሸይጣት ኡሱራንሴ ሄኣ አብራሂሞተ ቤቱ፤ እስን አበ በሬን ኡሱሮችሴ ሂርተኡ ሀሰሰኖሴበእንዶ?» ይሉ። **17** ኢስ ህካን ጠወአንን እስን ሀንበዕላንተ መኑ ጉዕሚንኩ መልቶኤ፤ ህትን መኑ ጉዕሚንኩ ኢስ እዕዮ አጀብሲሰኖ ጠዋን ጉዕማንን አበ መንደኦኡ። **18** ሀከኒች ኤተሮን ኢስ «መገን ዎምነቱ መ ኣጉደኖ? ህትን እን ሚን እኩጣቀንሳን? **19** መገን ዎምነቱ መቱ መንቹ ጋርስ ወጮ ወንጌ አልተ እጉደኖ፤ እስን ነጽት ህቅ ጌስ እካኣ፤ ሰሜ ጨኢት ሀማንከስ ምኒ አጀርታኣ» ይሉ። **20** ለንኪሃ ኢስ «መገን ዎምነቱ ሚን እኩጣቀንሳን? **21** መገን ዎምነቱ መት መንቹት ሰሶ ኮርባቦ ዋሙ ቀሙ ሁፍ ዮተ ቀማንከስ ቁስቶ ራጭተ አጉደኖ» ይሉ። **22** ኢስ ዬሩሳሌመ መርን ከተማንለክ ገጠራን ጉዕማንን ተማርሰን ህገኖት እቅ። **23** ህከ ወክት መቱ መንቹ «ቀርቼ! ጡምታኣሩ ቀወሃ መንደንዶ?» ይ ጠዕሜስ፤ ኢስን **24** «ሩካሽ ኡሮን ኣጎኖተ ሄጫቀሚ፤ መሰንትስ ልግቡ መኑ ህከን ኡሮን ኣጎተ ሀስ አታልታበእ ኩለንከዕኔ። **25** ምንስ እኩ ኬዕይ ኡሩስ ጡፍ ከሞች ኤተሮን እዕኑ አብልን ኡርቲን ኡሩተ ቆጭቲን «ቀርቼ! ፈንኔ!» ይቲንተ፤ እስን ፈንቀሽ «ሀከን አዲች እሜቲንተጎር ደጋንክዕኔበእ» ይኖህዕኔ። **26** ህከ ወክት እዕኑ ብሬክ እንቶሞ፤ እንጎሞ፤ ህትን በንታንተኔን ተማርሰቶንትኔ» ይቲንተ። **27** ጠወ እኩጎሬ እስ «እን ያንክዕኔ፤ ህከን አዲች እሜቲንተጎር ደጋንክዕኔበእ፤ እዕኑ ሂላ ጠወ አቴንተሩ ጉዕሚንኩክዕኔ ኢ መዲች ሽቄ» ይኖህዕኔ። **28** እዕኑ አብራሂሞ፤ ኢጣቀለክ ያቁበ ጉዕመንከ ነብያከተ መገን ዎምነቲን ለኤን እዕኑ አብላን ፈቀክዕኔ ደንገተ ወክት ሀከኔን ኦኡለክ እንኩተ እጡ አህኖህዕኔ። **29** ህትን ልግቡ መኑ ሸርቂቱ፤ ገርቢች፤ ቀልቢችለክ ከኣጽ አዲች እሜት መገን ዎምነት ማዳን ኣፋዕልታኡ። **30** ህካን እኩቤቹሃ

ኤተራሪት ብራኑት ህትን ብራኑት ኤተራሪት አካለሩ ዮኡ» ይሉ። 31 ህክ ወክት ፈርሳዊች መት-መቱ መኑ አሜት ኢስ «ሄሮድስ ሾተ ሀሰናቢቸሃ ከንቤቸች 4ልት ኦሮእ» ይቶሰ። 32 እስን «ህክን ወላንቤቸሃ መርቴን ስበርለክ ጋታ ሩሃንዮ ፋሻም፤ ጥዛናመንተ ፈይሳም፤ ሰቅ በር ሆጉኦ ሹዕላም» የኖት ይቴን ኩሌሰ። 33 ጠዉ እኮጎሬ ነብዬቹ ዬሩሳላም ቤሉ ሬህ ገበአበስቤቸሃ ከበር ጋተለክ ጋቶሽ ዬሩሳሌም ኦሮኑተ ዋቁ አሌን እሁ ሀሰሰኖኤ። 34 «ዬሩሳሌም! ዬሩሳሌም! ነብያክተ ሽታንቲት! ከበ ሶሃንቶአረ ከኒን ቀሳንቲት! ሀገጠቤቸት ጭጮረሴ ጎኔንተሴ ጭም አታገን እን እለክ ጭምእተ ሆሽሚሁ ሄንክ ወክትዬት? ጠዉ እኮጎሬ አዕት ህካን ሀሰንታበአ። 35 ህካን እኮቤቸሃ ምክክዕኔ ኦነ አህኖ፤ እን ኩላንክዕኔ፤ «ቀርች ሱዕሚን አሜተናሁ ማሰአምእሃን» ይቶናተ ኢላ ከኒች ኤተሮን ለኤነንተኤበአ» ይሉ።

14 መቶ አበ በሬን ኢስ ፈርሳዊ አዋንሳኖች መትስ ምኔን ሆሹ እቶተ ኣጎ እቅ፤ እስን መ አእኖ ጎር ለኑተ አገርታኢት እቅ። 2 ህክኔን አሉስ ደርሸየ መቱ መንቹ ብሬስ ሄዕየ እቅ። 3 ኢስን መገን ሕገ ደጋረለክ ፈርሳውተ «አበ በሬን ፈይሱ ሀሰሰኖንዶ ሀሰሰኖበአ?» ይጠዕማእ። 4 ጠዉ እኮጎሬ እስ ጨለ ይቶኡ፤ ህክኒች ኤተሮን ኢስ ህክ ጥዛናው አፍ ፈዪሽ ህርሲሾሰ። 5 እስን «ክዕኔች ቤቱስ ህከረንገ ቦሩስ አበ በሬን ኤሎን ኡባሬ ህክ ወክት ኤሌች ፋሽናበኢሁ እዬት?» ይሉ። 6 እስ ህክን ጠዉሃ መቱርቸሃ ፈንቀሽቶተ አታልቶበአ። 7 ገኤመ መኑ ኬዕምኝ ቤቸን አፋዕልቶተ መጠርተን ኢስ ለዕይ 8 «እዪሁ ቦለቸ ገኤሄ ወክት ኬዕምኝ ቤቸን አፋዕልቶት፤ መሰንትስ አይደጎ ኪች ሎዕረኖ መንቹ ገኤማሃ አህኖ፤ 9 ለመንከክዕኔ ገኤ መንቹ ኪቤቹ አሜች ከቤቹ ከን መንቹሃ ኣሱ የኖሄ፤ ህክ ወክት መልት ቀዋ ቤቸን አፋዕልታንት። 10 ጠዉ እኮጎሬ ቦለቸ ገኤመሄ ወክት ቀዋ ቤቸን አፋዕል፤ ገኤሄ መንቹ ኪቤቹ አሜች ኢጂላ! ኬዕምኝ ቤቸን አፋዕል» የኖሄ፤ ህክ ወክት ከን ሜጡበ ማዳን አፋዕሌ መን ብሬን ኬዕምኝ ደእታንት። 11 መሰንትስ ገዉስ ሎርሰናሁ ጉዕመንኩ ሆፈእኖ፤ እኮጎሬ ገዉስ ሆፍሰናሁ ኬዕምኝ ደእኖ» ይመት ምሳልተ ኩሎሰ። 12 ህትን ኢስ እሱ ገኤ መንቹ «ሆሹ ህከረንገ ሁርባት ተቃጠቦንት ወክት እስ አይደጎ ፈንቀሽት ገእት ሌቃ ባትበገ ጃላክ ህከረንገ አመክ ኦሱተ ህከረንገ እሉክ ህከረንገ ቀባባው ቀኤክ መነ ገእቶት። 13 ጠዉ እኮጎሬ ድግስ ድግሳንት ወክት ቡጥቻኑት፤ አንገተ ሎከተ መርተኦአረ፤ ናፋትተለክ ቆቃትተ ገእ። 14 ህካን አቶንትጎር አቶንቲሃ ባቶተ አታልታበአቤቸሃ ማሰእንቶንቲሃ እካንት፤ ህትን ፈዪ መኑ ሬሆች ኬአ ወክት መገኑ ባተኖሄ» ይሉ። 15 ኢስን ሜጡበ ማዳን አፋልቶሁኦች መቱ ህካን ሞጮጮ ወክት «መገን ምምንቲን ማዳን እተናሁ ህት ማሰአምእሃን!» ይሉ። 16 ጠዉ እኮጎሬ ኢስ ፈንቀሽ «መቱ ወክት መቱ መንቹ ሁርባት ድግስ ቅጥ አዕይ ልግብ መነ ገኤእ። 17 ሁርባት እቴኖ ወክቱ እካን ቴሱ ጉዕመርቸንኩ ቅጥዬቤቸሃ አሜ» የተ ካድንቹስ ገኤመ መንብቹ ሶኮሰ። 18 ጠዉ እኮጎሬ ገኤመ መኑ ጉዕመንኩ መቲን መቲን ድግስስ

ፈቆተ ሄዕላት መሰተ ኩሉ ጀመርቶኤ፤ መቱሰ ሉሉተ ሀዕሬምቤቸሃ መር ለኡ ሀሰሰኖኤ፤ ህካን እኮቤቸሃ ኤንተክ መረርሲጮኤ» ይሉ። 19 ህትን ምሉስ ሉንቶ ጥንድ ቦረተ ሀዕሬምቤቸሃ አቡርታገ ለኡተ መራሚት፤ ህካን እኮቤቸሃ ኤንተክ መረርሲጮኤ» ይሉ። 20 ህትን ምሉስ «ጫት ኤብ እዚቹ እኮምቤቸሃ አሜቶተ አታላምበኤ» ይሉ። 21 «ሁኩ ካድንቹንኩ አሜች ህካን ጉዕመንክ ቀርቼሃስ ኩሎ፤ ህክ ወክት ምንስ መንቹ ኡመዕር ካድንቹንክስ «ደዕልት ከተም ምቃህ፤ በል ምቃህ መርት ቡጥቻኑት፤ አንገተ ሎከተ መርተኦአረ፤ ቆቃተተለክ ናፋትተ ኤብ ኣግስ» ይሉ። 22 ካድንቹንኩ «ቀርቼ! እዘዘንቲኤንገ አዕዮም፤ እኮጎሬ ቲህ ፈቆ ቤቹ ዮኡ» ይሉ። 23 ቀርቼንኩ ካዲንቹህስ ገጠር ምቃለክ በል ምቃሃ መርት ምኑኤ ዊሞተ ኢላ መኑ አሜተኖገ እኡ። 24 መሰንትስ እን ያንክዕኔ፤ ህክን ገእሞ መኒች መቲሁ ሁርባቲኦኤ ቀመሰናበኤ» ይሉ። 25 ልግቡ መኑ ኢስን ሜጡበ ሃመኖት እቅ፤ እስን መን አይ ፈንቀል 26 «ኢቤቹ አሜተናሁ ጉዕመንኩ እነስ፤ አመስ፤ ጫስ፤ አለስ፤ አመስ ኦሱተለክ ምሉ ፈቅ ገይስ ፎሉ ፈቅዕነ ለገአበጎር አዋናኤተ አታለናበኤ። 27 ህትን እዪሁ መስቀለስ እጅ አዋንበኤሁ አዋናንቹኤ እሆተ አታለናበኤ። 28 «ክዕኔች ግንበ እጃሮተ ሆሹ መንቹ ወዕና አፋዕል እጃር ሹልሲሰኖ ብሩ ዮ ጎሬ ይ ሰው ይላሁ እዬት? 29 ህካን እህባች ቀበበ ጀመር ሹል እጃሩ አታልባች ለዕዮሁ ጉዕመንኩ 30 «ኩ መንቹ እጃሮተ ጀመር ሹሉ ሆን» ይተን ቀለዳሰ። 31 ህትን «ቶኖ ኩሜ ወታደሩ የስ ምው ለምድመ ኩሜ ወታደረ እፍ አሜተኖ ምሚን ኦለሞተ አታለናንዶ? ኦልሃ መሩዕነ ሄጭ አፋዕል አማዕለመናበኤንዶ? 32 ህካን እህባች ኦሊሃ አሜተኖ ወው ቆዕራሻን ሄዕዮገን ወገሬት ሰቀማኑት ሶክ ሀራዕረሞተ ኡጮኖ። 33 ህትን የሲሃ ጉዕመንክ አጉርባሁ እዪሁ አዋናንቹኤ እሆተ አታለናበኤ» ይሉ። 34 ቲሁ ኢስ «መጥንት ጡመታን፤ ጠዉ እኮጎሬ መጥንት ጤዕበ ጎሬ ጤኣገ ሚን አእኖተ አታሌኖ? 35 ህትናምት መጥንት ኡላተ መዳበረ እክ ደግለልታበአቤቸሃ ፋሽን አብሊን ኡጃኖሰ፤ ሞጮጭታ መጨት የሲሁ ሞጮጮ» ይሉ።

15 መቱ ወክት ቀረጠ መርታኦሩለክ ጨበኛኑት ጉዕመንኩ ኢስች ሞጮጭቶተ ሆንጠካኢት እቅ። 2 ጠዉ እኮጎሬ ፈርሳውትለክ ሕግ አስተማረት «ኩ መንቹ ጨበኛኑት ቶግ ኣሳን ሜጡበ እተኖት» ይት ቁንቁቶኡ። 3 ህካን እኮቤቸሃ ኢስ እስንተ 4 «ክዕኔች ጥቤ ሆለት የሲሁ ህክን ሆላች መትሴ በኣጎር ሆንሳይኔ ሆንሰተ ሆለተ ኡለ ኡድማን አጉር በኦ ሆላቸት ደጎተ ኢላ ሀሰተ መርባሁ እዬት? 5 ደጎሴ ወክት መንደዕይ ቆዕሌስ እጅ አሜተኖ። 6 ምንስ ኢላ ወክት ጃላለክ ኦሌስ መነ ሜጡበ ገእ ብዕዮ ሆላቹኤ ደኤምቤቸሃ ኢን ሜጡበ መንደዕይ» የኖሰ። 7 እን ኩላንክዕኔ፤ ህክንገን ጨብስ ቶበት ሀሰሰኖሰበአ ሆንሳይኔ ሆንሰተ ጡመ መኒች አበ ጨብስ ቶበተኖ መቶሃ ጨበኚሃ ሰማን አቡ መንዲኑት እካእ» ይ ኩሎሰ። 8 ህትን «ቶኑ ሽልንጉ የሱህኒች መቱስ ሽልንጉ በዕዮሴራ ኩራዘ ለሊስ ምንሴ ሀጣውተ ደጎተ ኢላ ኩት አት ሀሰባት እዬት? 9 ደጎ ወክት ጃላከሴለክ ኦሌሴ መነ ሜጡበ ገእት ብዕዮኤ ሽልንጉ ደኤምቤቸሃ

እን ሜጡበ መንደሪዬ» ይታሰብ። 10 እን ኩላንክዕኔ፤ ህካን አኩገን ጨብሰ ቶበተኛ መቶሃ ጨበጊሃ መገን መላይክ ብሬገ መንደራት አካኤ» ይታ ምሳልተ ኩሎሰ። 11 ኢሰ «መቶ መንቸሃ ለም ኦሉት ሄኤሰ እቅ። 12 ህከኩኤች ማዕከሰ እነሰ ሲ እን! ዮሄ ዱንያችክ አለኖኤ ወጥ አሴኤ» ዬእ፤ እኩሰ ዮሰ ዱንያች ለሚንከሰ ቤኩ። 13 ቀዋ በሬች ኤተርን ማዕከ ጨሉ ዮሰ ዱንያት ጉዕመንክ እኛ ቄዕራሽ ባዱ ኦርዕዮ፤ ህከኔን ዱንያሰ ጉዕመንክ ገውማን ደግለልበርቸን ብን አይ ቤቸ። 14 ዮሰርቸ ጉዕመንክ ሹሎች ኤተርን ህከን ባዱን ጠረች ጎሩ እካን ሁኩ ጨሉ ኦርጨቀዋ። 15 ህካን እኩቤቸሃ ህከን ባድ መኒች መቶ መንቸን ኤገተ አጎ፤ ሁኩ መንቸኩ ቦኬ ዜማንቸ እዕዮሰ። 16 ሁኩ ጨሉንኩ ቦክት አታ ሀርቁት አቶተ ሄዕላተኛ እቅ፤ እኩጎሬ መቸርቸሃ ኣሰኖሲሁ ዮበኤ። 17 ኤተርን ቀልቡሰ ፈንቀላን «እንኤ ምኔን ሄኣ ካዲመት ጉዕመንኩ ጣብተ አት ዱባን ፈቀኖሳት፤ እኩጎሬ እን ከኔ ጎርን ሬሃሚት። 18 ህካን እኩቤቸሃ ከንበች ኬዕይ እንኤቤቼ መር ኢ እን! መገኒሃለክ ኬሳሃ ቤሾም። 19 ከኒች ኤተርን ቤቱክ የመም ገእሙ ሀሰሰኖኤበኤ፤ ህካን እኩቤቸሃ ቀጠረንት አታ ካዲማችክ መትሰገ ወለኤኤ ያንሰ» ይ ሰውዬለ። 20 ህከንቤቸችን ኬዕይ እንሰቤቼ እማቸ፤ «እሰን ቄዕራሻን ሄዕዮገን እኩሰ ለዕይ ሻቸደ ደገጅ መር ጎበሰ ሀንቀኛ ሱንቄሰ። 21 ቤቸንኩሰ ሲ እን! መገኒሃለክ ኬሳሃ ቤሾም፤ ከኒች ኤተርን ቤቱክ የመም ገእሙ ሀሰሰኖኤበኤ» ዬሰ። 22 ጠዉ እኩጎሬ እኩሰ ካዲመሰ ገእ «ደዕልቲን አበ ጡሙ ኦድኑተ ኤቤን ኦድሼሰ፤ ህትን እንገሰ ጨንባረ ሎከሰን ጫዕመተ ዋሬሰ። 23 ህትን ምቶ ደርገጌሽ ኤቤን ጎራጩ፤ ነኡ አንቶሁ፤ መንደሪዮሁ። 24 መሰንትሰ ኩ ቤቱኤ ሬዮ እቅ፤ ሁኩዕኑን ቲ ፎሊን ዮኡ፤ ህትን በዕዮ እቅ፤ ቲ ደገሞኤ» ዬ ወክት መንደኡ ጀመርቶኤ። 25 «ህከ ወክት ሀንገፋ ቤቱ እቡረ ቤቸን አቡረኖት እቅ፤ ፈንቀል አሜትን ምንቤቹ ሆንጠኩ ወክት ከረቡተ ዋቀሬንን ቦለቸ ከዳኖሃ ሞጮጩኤ። 26 እሰን ካዲማች መቱሰ ገእ «ኩን መርቸሃን?» ይ ጠዕሜሰ። 27 ሁኩ ካዲንቸንኩ «አመክቤቱ አሜቾኤ፤ በዕዮ ቤቱሰ ደገሞቤቸሃ እኩክ ምቶ ደርገጌሽ ጎራጩ» ዬሰ። 28 ጠዉ እኩጎሬ «ሀንገፋ ቤቱ ኡሙዕር ምኒ እጉ ግቦ፤ እኩሰ ምኒች ፋል ምኒ ኣጎተ ኡጨዩሰ። 29 እሰን እኒሀሰ ፈንቀሽ «ሁኩዕኑን! ልግብ ዘማን ካደሞንኬ፤ እዘዘንቴኤንከ ሆሮ ግቦምበኤ፤ ህካን እኩቤቸሃ ደረቦንተኤ ሜጡበ መንደኦተ መቱ ኮርቤሽሃ እቶንቴኤበኤ። 30 ጠዉ እኩጎሬ ኩ ቤቱክ ዱንያክ ጉዕመንክ ዝነተ አታ መኒን ሜጡበ ሹል አሜቻን ምቶ ደርገጌሽ ጎረጠንትሰ» ዬእ። 31 አኑንኩ «ኢ ቤቶ! አት ጉዕመ ወክትንክ እን ሜጡበ ዮንት፤ ኤሰ ዮኡርቸ ጉዕመንኩ ከሃን። 32 ጠዉ እኩጎሬ ኩ አመክቤቱ ሬዮ እቅ፤ ቴሱ ፎልን ዮኡ፤ ህትን በዕዮ እቅ፤ ቴሱ ደገሞኤ፤ ህካን እኩቤቸሃ አበ መንደኡ ሀሰሰኖኤ» ዬሰ። ዬእ።

16 ኢሰ ኣሳበሰ «መቱ ወክት መቱ ቀባጣሙ መንቹ ሄዕዮ እቅ፤ እሲንከ ምንሰ እዘዘኛ መቱ ሀላፊቹ ሄዕዮሰ እቅ፤ ህከን ቀባጣሞ መንቹሃ «ምንክ ገሻንቹ ዮሄ ዱንያክ ብንአዕይ ቤሰኖት» ዬን ኩሉመሰ። 2 ሁኩ ቀባጣሙ መንቹንኩ ምንሰ ሀላፊቹ ገእሲሽ «ኩ ሞጮጫም

ጠዉ መርቸሃን?» ከኒች ኤተርን ምንኤ ገሻቶተ አታልታንትበኤቤቸሃ እቶንት ዋልቀክ ጌሰ ኩሉኤ» ዬሰ። 3 ሁኩ ሀላፊቹንኩ ቀልቤንከሰ «ቴሱ ሀለቄኤ ኣሴኤ ሆንች ሸርኤታት፤ ህካን እኩቤቸሃ መ ኣኡ? አቡር አታላምበኤ፤ ጦለብ እቱ መልሰኖኤ። 4 ገሽኤ ሆንች ሸሬመኤ ወክት መቱ ምናንከሰ ኤሳሃ ቶጎተ አኣም ጠዉ ደጎም» ዬእ። 5 «ህካን እኩቤቸሃ ቀርች ኤዳ መን ጉዕመንክ መቲን መቲን ገእ ዋዕኔሰ መንቹ «ኢ ቀርቸሃ ባታንት ሄንኩ ኤዳ ዮሄ?» ዬሰ። 6 መንቹሰ «ጥቤ ሞዳኖ ዘይት ኤዳ ዮኤ» ዬእ፤ ሀላፊቹንኩ «ኤዳክ ከተበሞ ወረቀተ ኣእት አፋዕልት ኣንታሁ ምዳኑተ ይት ደዕልት ከተብ» ዬሰ። 7 ህከኒች ኤተርን ለንክ መንቹሃ «ሄንኩ ሊቆ ዮሄ?» ዬሰ፤ መንቹንኩ «ጥቤ ሆቆማድ አለሰ ሊቆሁ ዮኤ» ዬእ፤ ሀላፊቹንኩ «ኤዳክ ከተበሞ ወረቀተ ኣእት ህዜታሁ ሆቆማዱ ይት ከተብ» ዬሰ። 8 ሀለቁንኩ አመዕነሞበኤ ሀላፊቹንክ እት ብላታምሃን!» ዬሰ፤ መሰንትሰ ከን ሂለ ኣዱንያ አል መኑ ገገዉሰ ሀዕሊሃ ኑሬን ሄኣ መገን መኒች በትሰ እንኬዕናመተ እሁሰ ለሊሰኖ። (aiōn g165) 9 እን ኩላንክዕኔ፤ ከን ኣዱንያ አል ተንኩተ እቲን ደእቲንተ ቀባጣንክክዕኔ ገይሀክዕኔ ጃለተ መክሴንገተ፤ ሁኩ ቀባጣክክዕኔ ጎሬ ወክት ጃለክዕኔ ዘላለሚሃ ሄኣ ምኔንከሰ ቶጋህዕ። (aiōnios g166) 10 ቀዋርቸን አመዕነሞሁ ሎረርቸን አመዕነሞአሃን፤ ጠዉ እኩጎሬ ቀዋን ጡመርቹ እእቡ መንቹ አበ ጠዋን ጡመርቹ እእኖበኤ። 11 ቴሱ ተንኩተ እኤን ደኤመ ቀባጣን አመዕነንቴንተረ እከንባች ሀንቅ ቀባጣተ አይ ኤገተ ኣሰኖህዕኔ? 12 ህትን ዋሎ መን ቀባጣን አመዕነንቴንተረ እከንባች ገይሀክዕኔ ኣካ ቀባጣተ አይ ኣሰኖህዕኔ? 13 «ለሙ» ቀርቹ ካደመኛ ካዲንቹ ዮበኤ፤ ህካን እኩቤቸሃ መቱሰ ግብ መቱሰ አተኖ፤ መቱሰ ኬዕምሽ መቱሰ ሆኖሰኖ፤ ህትን መገኒሃለክ ዱንያሃ ጠገንቶኖተ አታልቲንተበኤ» ዬእ። 14 ዱንያት ኢትታ ፈርሳውት ኢሰ ጠዕዕዮሃ ጉዕመንክ ሞጮጭት ቀለደሰ። 15 ጠዉ እኩጎሬ ኢሰ «እዕኑ መን መዳን ገዉክዕኔ ፈየ እቲንተሩ፤ እኩጎሬ መገኑ ቀልብክዕኔ ደገኖ፤ መሰንትሰ መንቤቸን ሎረ እክ ለላኖርቹ መገንህኔን ህንቀሞአሃን» ዬእ። 16 ኢሰ «መገን ሕገለክ ነብያክት ጠወኦኢሁ ጠመቃንቹ ያህይ ወክቱ ኢሎተ ኢለ ሹምነቱ ሄዕዮሰ እቅ፤ ህከን ወክቲች ኬሽ መገን ዋምነት ተሸት ላገት ሜጡበ ተማርሴኖት፤ መኑ ገገዉንኩሰ ህከ ዋምነቱ ወልቃን ኣጎተ ሄጫቀመኖት። 17 ጠዉ እኩጎሬ መገን ሕግ ላጋች ቀቅቹት በኣህኒች ሰሞለክ ኡለት ህጋ ዩ ቆሀኖ። 18 «ጫሰ ገፈር ዋልተ ጫተ ኤበኖሁ ጉዕመንኩ ዝነተ አእኖት፤ ህትን ጨይቻሴ ፋልቶ ጫተ ኣእኖሁ ጉዕመንኩ ዝነተ አእኖት» ዬእ። 19 ኢሰ ሰመ ኣጉደኖ ብሸተ ኦድንተለክ ጡመገ መክሴን ደዳመ ኦድኑተ ኦደኣኖ መቱ ቀባጣሙ መንቹ ሄዕዮ እቅ፤ እሰን በሬን በሬን መክያንሰ ተሰቄንጭ መንደራኖን ሄኣኖ እቅ። 20 ህትን አሉሰ ጡሉን ጡሉ እኩ አልዳዛሬ ዬኖ መቱ ቡጥቹ መንቹ ህከን ቀባጣሞ መንች ግቤሰ ብትም መዳን ኣሰዕዮ እቅ። 21 ሁኩ ቡጥቹንኩ ቀባጣሞ መንች ማዲች ኡቦ ፋርፋሩ እቶተ ሄዕላተኖ እቅ፤ ዉሽት እማት ጡላሰ ላጠ እቅ። 22 ሁኩ ቡጥቹ መንቹ ሬዮች መላይክት እብሬሃም መድ መሰቶሰ፤ ህትን ሁኩ ቀባጣሙ መንቹንኩ ሬይ ሞገሞ። 23 ሁኩ ቀባጣሙ መንቹ ኣዘበን

ኦርጨቀመን ቁዕራሻን አልሰ ኬሽ አብራሂመለክ ጋለሰ አፋዕሌ አልዓዛሬ ለዕየ። (Hadēs g86) 24 እስን እኒ እነ አብራሂመ! ሀዕይ ኤሳሃ አሙዜኤ፤ እን ከኔ ገራ ለበነ ዓዛን ኦርጨቀመምቤቼሃ ዙዕሩሜስ ዋን ጨፍ አራብኤ ቅዝሳተ አልዓዛሬ ሶሄኤ ይ ገኤ። 25 ጠዉ እኮሃሬ አብራሂም ኢ ቤቶ! ፎሊን ሄኡንት ወክት ናጃን ሄኡንት ሰውይ፤ ህትን አልዓዛር ኦርጨቀመን ሰውይ፤ ህሃን እኮቤቼሃ እሲሃ ቴሱ ከኔ መከሰሰ፤ አት ኦርጨቀንታንት። 26 ህትን ህከኒች ጉዕሚችን በትሽ ከን አዲች ክዕኔ አደ ህጎተ ሀሳሩ አታልታበአገለክ ህካጽ አዲች አደሁ ሂ አደ ቶላሮበአገ ኒለክ ክዕኔ በላን አቡ በዉ ዮኤ ይሰ። 27 ሁኩ ቀባጣሙ መንቸንኩ ኢ እነ! ህሃን እኮች አልዓዛሬ አንኤ ምኒ ሶሆተ ኡጫንኪ። 28 መሰንትሰ ህከኔ ኦንቱ አመኤ ኦሱት ዮኤ፤ እሰን ከ ኦርሸ ቤቹ አሚታበአገ እሰን መር ጠረጃሽ ኩሉን ይላ። 29 ጠዉ እኮሃሬ አብራሂም «እሳካክ ሙሲለክ ነብያዮ ክታበት ዮሰ፤ ህሃን ሞጮጭቱን ይ ወክት 30 ሁኩ ቀባጣሙ መንቹ ፈንቀሽ ሕ እነ አብራሂመ! ህትጎተበኤ፤ ሬዮ መኒች መቱ መንቹ ኬዕይ መር ጎሬ ጨብሰ ቶበታኦ» ይላ። 31 አብራሂምን «ሙሲለክ ነብያኑት ከተቦ ክታበት ይታኢሃ ሞጮጭታበኢሃ እኮች ሬዮ መኒች መቱ መንቹ ኬዕይ ኩሎሰ ጎሬሁ አመዕንታበኤ» ይላ።

17 ኢሰ አሳበሰ «መነ ሉሲሰኖርቹ አሜቱዕነ ሆሮ ፈቀረበኤ፤ ጠዉ እኮሃሬ ህከ ሉሲሰኖርቹ ኤበኖ መንቹሃ ቆሆናሰ! 2 ሁኩ መንቹ ከን ቀቅቻኖች መቱሰ ሉሲሰኖሪች ርትም ክኑ ጎበሰ ኡሱሬን ባራን ቶሬናንሰ ቆሆናሰ እቅ። 3 ህሃን እኮቤቼሃ ገይህክዕኔ አገዕርዬ፤ አመክቤቱ ቤሾሃ ጎሬ ሻቅሰ፤ እሰን ሰጭ ፈንቀሎ ጎሬ አጉርሰ። 4 መቶ በሬን ለመለ ወክት ቤሾ ጎር ለመለ ወክትንከ «ሰጭ ፈንቀሎም» ዮን ኪቤቹ ፈንቀሎ ጎሬ አጉሩ ሀሰሰኖሄ» ይላ። 5 አሳበንት ቀርቹ ኢሰ «ሀዕይ አመዕነቱ በርግኔ» ይቶሰ። 6 ቀርቹንኩ ፈንቀሽ «ጣሬ እሌ ጌሱ አመዕነቱ ሄዕዮህዕኔ አቃን ከ ኦድ ሀቀ «ከንቤቼች ቡቱከንት ባራን ካሰም» ይቲንተረ አዘዘመኖህዕኔ» ይላ። 7 ህትን «አቡረኖ ህከረንገ ሆለተ አላለኖ ካዲንቹ ዮሲህ ካዲሙሰ አቡራች ፈንቀሎ ወክት «ይዕልት አፋዕልት እት» ዮኖሁ ክዕኔች አዬት? 8 ህሃን ዮኖ ወጥ «ቴሱ ሁርባት እቶተለክ አጎተ ኢሰ ረመዘክ ቆዕርት ካደሜኤ፤ ህከኒች ኤተሮን እት አታንትለክ አጋንት» ዮኖሰበአንድ? 9 ህትን እሰ አዘዞርቹ አዕዮህኒሃ ህከ ካዲንቹ ገለትጨኖሰንድ? 10 ህትን አዕኑሁ አዘዘንቴንተርቹ ጉዕመንከ አቴንተ ወክት ሳኤ ገለት ሀንሰበረ፤ እኡ ሀሰሰኖ ጠዉ ጠለዕል አዕኖም» ይዬ» ይላ። 11 ኢሰ ዬሩሳሌም ከተመ መረን ሰመርለክ ገሊል በለን ህገኖት እቅ። 12 መት ቀዕተ ኣጎ ወክት ጎግ አል ጥዘነት አፎሰ ቶኑ መት ቁዕራሻን ኡርቶሀኑኦን ደቀሞ። 13 እሰን ላገሰ ጎት እት «ቀርቹ ኢሰ! ሀዕይ አሙዜኤ!» ይቶኡ። 14 ኢሰን እሰተ ለዕይ «መሬ አልክዕኔ ቂሲሃ ለሊሹ» ይላ፤ እሰን መርተንን ጎግ አሌን ፋልቶ ጥዘናች ፈይቶኡ። 15 እሳችን መቱሰ ፈዩሰ ለዕዮ ወክት ሎረ ላጋን መገኑ ገለትጨን ፈንቀል አሜች። 16 እሰን ሚኒከሰ ሙግይ ኢሰ ሎከ አሌን ኡብ ገለትጨኖሰ፤ መንቹንኩሰ ሰመር ባድዮ እቅ። 17 ኢሰን «ፈይቶሩ ቶኑሃ እቅበአንድ? ሆንሱሰ ህከበ ዩኡ» 18 ከን ዎሎ ባድ

መንች ቤሉ መገኑ ገለትጨተ ፈንቀል አሜችሁ ዮአንድ?» ይኬዕይ 19 ህከ መንቹ «አመዕነቱክ ፈይሾሃ፤ ኬላ ኦርኦ» ይላ። 20 ፈርሳውት ኢሰ «መገን ዎምነቱ መ ወክት አሜተኖ?» ይት ጠዕምቶሰ ወክት «መገን ዎምነቱ አሜተኖህ መት አገረኖ ሃልጋበኤ። 21 ህትን «ሁኩዕኑን ከበ ዮኡ» ህከረንገ «ካጸ ዮኡ» ዬኖሴበኤ፤ መሰንትሰ መገን ዎምነቱ ዮኢሁ ክዕኔ በላንት» ይላ። 22 ህከኒች ኤተሮን ኢሰ አሳበሰ «መንች ቤት በሬች መቱ በር ለኦኖተ ሄዕላቴንተ ወክቱ አሜተኖ፤ እኮሃሬ ለኤንተበኤ። 23 ህትን መት «ሁኩዕኑን ከበ ዮኡ» ህከረንገ «ሁኩዕኑን ካጸ ዮኡ» ዮኖህዕኔ፤ ጠዉ እኮሃሬ እሰተ አዎንቱን መርቶኖቹ» ይላ። 24 መሰንትሰ ሰማን ጉገኛት በለቅ ከን አድ ገበለች ካጽ አዲ ገበለ ኢሎተ ኢሰ ለሊሰኖገን መንች ቤቱ አሜተኖ ወክት ህትን አህኖ። 25 ጠዉ እኮሃሬ ህከኒች ሄጭ መንች ቤቱ ልግብ ሸርሽ ቶጎተለክ ከን ዘማን መኒን አበ ግበሞተ ሀሰሰኖሰ። 26 ህትን ኑህ ዘማን እኮገን መንች ቤት ዘማንን ህትን አህኖ። 27 ሁኩንን ኑህ መርከባን ኣገኖ በሩ ኢሎተ ኢሰ መት እተኖት፤ አገኖት፤ ኤበቀኖተለክ መኢሲሰኖት እቅ፤ ቤሰኖ ውሁ አሜች ጉዕመንከ ቤሾ። 28 ህትን ሉጥ ዘማንገን አህኖ፤ ህከ ወክት መት እተኖት፤ አገኖት፤ ህረኖት፤ ህዕረኖት፤ ካሰኖትለክ አጃረኖት እቅ። 29 እኮሃሬ ሉጥ ሶዶም ከተሚች ፋሎ ወክት ገረትለክ ዲን ሰሜች ጤንገ ኡብ ጉዕመንከ ቤሾ። 30 መንች ቤቱ ለለኖ በርሃ ህትን አህኖ። 31 ህከ በርንከ ምኒ አንት አሌን ሄዕዮ መንቹ ምኤሰ ዮ ኦደተ ኣኦተ ድሩንከ፤ ህትን እቡረ ቤቹን ዮአንኩ ኤተሩ ዋል ፈንቀሉንከ። 32 ህትን ሉጤ ጫንተ ሰውይዬ። 33 ፎልሰ ፊሶተ ሀሰኖሁ ጉዕመንኩ ፎልሰ በሰኖ፤ ህትን ፎልሰ ሆገኖሁ ጉዕመንኩ ፎልሰ ደአኖ። 34 አን ኩላንክዕኔ፤ ህከ ሀዎሮን ለሙ መንቹ መቶ መዕናን ኦሰአኤ፤ ህከኑኤችን መቱሰ መሰናን መቱሰ ፈቀኖ። 35 ህትን ለሙ ሜንቱ ሜጡብ ሪታኤ፤ ህከኑኤችን መትሴ መሰናን መትሴ ፈቃኤ። 36 [ህትን ለሙ መት መቶ ቤቹን አቡርታኤ፤ እሳችን መቱሰ መሰናንሰ መቱሰ ፈቀኖ።] 37 ህሃን እኮቤቼሃ አሳበሰ ኢሰ «ቀርቹ! ህከበዬት?» ይት ጠዕምቶሰ፤ እሰን «ሬሹ ዮቤቹን ዘብሩ ጭምዮኖ» ይላ።

18 ህከኒች ኤተሮን ኢሰ መኒሃ ሆጉዕናን ጉዕመ ወክትንከ ዱኤ እኡ ሀሰሰኖሃ አሁሰ ተማርሶተ መት ምሳልተ ኩሎሰ። 2 እሰን «መቶ ከተማን መገኑ ዋጅቡለክ መነ ከበጅቡ መቱ ዳኑ ሄዕዮ እቅ። 3 ህከን ከተማንን መት ጨዉሴ ሬዮ መንቹት ሄኡ እቅ፤ እሰን ህከን ዳኑቤቹ ጉዕመ ወክት አሜተን «ባላጋርንከኤ ኦዳም ጠዉ ፈረዴኤ» ይታሲት እቅ። 4 እሰን ልግብ ወክት ፈረዴ ግብሴ፤ ጠዉ እኮሃሬ ኤተሮን ቀልበንከሰ «መሃ መገኑ ዋጅብገሬ መነ ከበጅብገሬ 5 ት ጨዉሴ ሬዮ ጫት ኦርሳኤቤቼሃ ፈረዳንሴ፤ ህሃን አህባች ጉዕመ ወክትንከ አሜተን ኦርሰንከኤ» ይ ሰውዬኤ» ይላ። 6 ቀርቹ ኢሰን «ሁኩ ሀንቅ ፈረድቡ ዳኑ ዬ ጠዉ ሞጮጭዬ። 7 መገኑ ሀንከዕርተለክ በራሃ እሰቤቹ ዎርዎታ መጠረንቶሀኑሃ ፈረደኖሰበአንድ? ህትን ፈረዴዕናን ልግብ ወክት ዱንከኖንድ? 8 አን ኩላንክዕኔ፤ ደዕል ፈረደኖሰ፤ ጠዉ እኮሃሬ መንች ቤቱ አሜተኖ ወክት ኣዲንዎ አሌን አመዕነቱ ደገኖንድ?» ይላ። 9 ኢሰ

«ነኡ ፈያናታን» ይተን ገዋንከሰ ድከአሁኑኦተለከ ዋሉ መነ ህንቃ መኒሃ ከ ምሳልተ ኩሎስ። 10 ሁኩንን ለም መናከት ዱኦ አቶተ ዱኦ ምኒ መርቶኡ፤ ህከኑኦችን መቱስ ፈርሳውቸሃ፤ ህትን ለንክሰሁ ቀረጠ ሙረኑሃን እቀ። 11 ፈርሳውቸሰ ሜጥሰሰ ኡር ቀልቤንከሰ መገሮ! ዋሎ መንገ ሁኩንን ወልቅስ አኦታ መንገ፤ ሾከ መንገለከ ዝነተ አኦሮ መንገ ባሰንከሰ ከን ቀረጠ ሙረኖ መንቻገ አህበቤቸሃ ገለትጫኒኪ። 12 እንን ሳምንታን ለምረ ሶመናሚት፤ ህትን ደአምህኒቺ ጉዕሚችን ቶኒቺ መቱ ዘከተ ፋሻሚት ይ ዱኦ አዕዮ። 13 ጠዉ እኮጎሬ «ቀረጠ ሙረኖሁ ቁዕራሻን ኡርኬዕይ እልስ አሌ ዋሽ ሰማ ለአተ መለሎበአ እቅ፤ እኮጎሬ ወዘነሰ ዋቀረን መገሮ! ኤስ ጨበኛ መረርሲጨኤ!» የኖት እቅ። 14 እን ኩላንክዕኔ፤ ፈርሳውቸች አበ ቀረጠ ሙረኖሁ ፈየ አክ ምንስ ፈንቀሎ፤ መሰንትስ ገዉስ ሎርሰኖሁ ጉዕሙንኩ ሙግ የኖ፤ እኮጎሬ ገዉስ ሙግ እኦኖሁ ሎረኖ» ይሰ። 15 ሙኩ ቀቀዋኑ ኦሱተ ኢስ እንገስ አሌስ አኦተ እስቤቼ ኤሶኡ፤ ኢስ አሳበት ህካን ለኦ ወክት ህከ መነ ሻቆኡ። 16 ጠዉ እኮጎሬ ኢስ ኦሱተ ገኦ «መገን ዋምነቱ ህትናማተ እኮቤቼሃ ኦሱት ኢቤቼ አሜቱን፤ ከንቶኖቼስ። 17 ህንቅንከ ያንክዕኔ፤ መገን ዋምነቱ ኦሶጎ አክ ቶግባሁ አይሁ መገን ጄነት ሆሮ አገናበኦ» ይሰ። 18 መቱ ገሻንቹ ኢስ «ጡሙ አስተማርቻ! ዘላለሚሃ ጎፍብ ሄኡ ደኦተ መ እኡ?» ይሰ። 19 ኢስን «ሚሃ «ጡሙ» ይት ገኦታንቴኦት? መገን ቤሉ ጡሙ አይሁ ዮበኦ። 20 ህትን ትዛዝ ጉዕመንከ ደጋጉን፤ ትዛዘንኩስ «ዝነተ አቶት፤ ሽቶት፤ ሞግቶት፤ ክዝብ መሰከርቶት፤ እነክለከ አመክ ከበጅ» የኖሃን» ይሰ። 21 መንቹንኩስ «ካን ጉዕመንከ ኦሰማችኤ ኬሽ አገርሞ» ይሰ። 22 ኢስን ህካን ሞጮጮ ወክት «መቱ ጠዉ ፈቆሄ፤ ሁኩንን ዮሂርቹ ጉዕመንከ ሀርት ቡጥቻኖተ ኢስ፤ ሰማን ጭምደቶ ዱንያተ ደኦታንት፤ ህት አክ አሜት አምኤኤ» ይሰ። 23 ጠው እኮጎሬ መንቹስ አበ ቀባጣሙ እኮቤቼሃ ህካን ሞጮጮ ወክት ህለብከ ሻኩ። 24 ኢስን ሁኩ መንቹ ሂለ ብከ ሻኩገ ለዕይ «ቀባጣሙት መገን ዋምነቱ ኣት ሄንከ ኬዕመኖሃን! 25 ህትን ቀባጣሙ መንቹ መገን ዋምነቱ አገናህኒቺ ጋሚሉ መርፌ ጠላዕላን ሕጉ ቆሀኖ» ይሰ። 26 ህካን ሞጮጭቶ መቱ «ህካን እኮቶ አይ ጡሞተ አታለኖ?» ይቶኡ። 27 ጠው እኮጎሬ ኢስ «መኒሃ አታለምቡ መንኒሃ አታለመኖ» ይሰ። 28 ጴጥሮስን «ሁኩዕኑ ነኡ ጉዕመርቹንከ አጉርን አምኖንኬ» ይሰ። 29 ኢስን «ህንቅንከ ያንክዕኔ፤ መገን ዋምነትኦሄ ምንስ ህከረንገ ጫስ ህከረንገ አመስ ኦሱተ ህከረንገ አነሰ ህከረንገ አመሰለከ አለሰ አጉር 30 ከን ዘማኔን ልግብ ወክቲሃ አበ አፎ አእቡ ህትን አሜቱኖ ዘማኔን ዘላለሚሃ ጎፍቡ ሄኡ ደኦዕነ ፈቀኖ መንቹ ዮበኦ» ይሰ። (aïñ ፡፡፡ ፡፡፡ 31 ኢስ ቶና ለሙንከ አሳበሰ መድስ ሸቅ አዕይ «ሁኩዕኑን! ነኡ ዬሩሳሌም ከተመ መርናሚት፤ ህትን መንቹ ቤትተኔሃ ነብያከት ከተሶ ጠዉ ጉዕመንኩ ዊመኖ። 32 አሱንከ አይሁደ አህቡ መኒሃ ህግሴን አሴናን ቀጣጣ፤ ቦርሮታሰለከ አሌስ እንጀ ቱ ይታሰ። 33 ኦልቶሲቺ ኤተሮን ሽታሰ፤ ጠዉ እኮጎሬ እስን ሰቅ በር ሬሆች ኬኦኖ» ይሰ። 34 ጠዉ እኮጎሬ አሳበሰ ህከን ጠውቶ መቱርቹሃ አጥራመቶበኦ፤ ህትን ጠውኦ ጠዉንኩ ለሉ ሆሳሰቤቼሃ ጠውአም ጠውሃ

ደጎበኦ። 35 ኢስ ኢያርኩ ከተመ ሆንጠኩ ወክት መቱ ቆቁ መንቹ ሰደቀተ ኡጨን ዋቁ ገበላን አፋዕልኖ እቅ። 36 ልግቡ መንኒንኩ መዲንከሰ ህገን ሞጮጭ «ከን መርቹሃን?» ይሰ። 37 መንኒንኩ «ናዝሬት ኢስ ከን አዲን ህገኖት» ይት ኩልቶስ። 38 ሁኩ ቆቁንኩ «ዳዉዴ ቤቶ ኢስ! ሀዕይ አሙዜኤ» የን ያሮ። 39 ብሬን ሃንተን ሄኡ መቱ «ጨለይ!» ይት ሻቆ፤ ጠዉ እኮጎሬ ሁኩ ቆቁንኩ «ዳዉዴ ቤቶ! ሀዕይ አሙዜኤ» የን ላገሰ ጎት አዕይ ያሮ። 40 ኢስን ኡር አሰቤቼ ኤግብ አዘገኙ፤ ሁኩ ቆቁንኩ እስቤቼ ሆንጠኩ ወክት 41 ኢስ «መ እኦሄት ሀሰን?» ይሰ። 42 ኢስን «ለኦ! አመዕነቱክ ፈይኾሄ» ይሰ። 43 ሁኩ ቆቁ ህከ ወክትንከ ለዕዮ፤ እስን መገኑ ገለትጨን ኢስ አዎቹ፤ ህትን ኡመቱ ጉዕመንኩ ህካን ለኦ ወክት መገኑ ገለትጭቶኡ።

19 ኢስ ኢያርኩ ከተመ ኣግ ህከን አዲን ህገኖት እቅ። 2 ህከኔን «ዘክዮሴ» ይኖ መንቹ ሄዕዮ እቅ፤ እስን ቀረጠ ሙርታሁኑተ አዛዝለከ ቀባጣሙሃ መንቹ እቅ። 3 ሁኩ መንቹንኩ ኢስ አይቱ ጎር ለኦተ ሀሰኖ እቅ፤ ጠዉ እኮጎሬ እስ ገበንቹ እኮቤቼሃለከ መኩስ ልግብ እኮቤቼሃ ለኦተ አታሎበኡ። 4 ኢስ ህከን ዋቁን ህገናቤቼሃ ዘክዮሰ ብሬን ደጉደን ህግ ኢስ ለኦተ መቶ ኦድ ሀቃን ቆጶ። 5 ኢስን ህከ ቤቹ ኢሌ ወክት አሌ ዋል ለዕይ «ዘክዮሴ! ከበር ኪ ምኔን ሆሱ ሀሰሰኖቤቼሃ ደዕልቱ ድር» ይሰ። 6 ህካን እኮቤቼሃ ዘክዮሰ ደዕል ድር ሙንዲኖን ቶጎሰ። 7 መንኒንኩ ህካን ለዕዮ ወክት «ጨበኛ መንቹ ምኒ አቶተ ኣን» ይት ጉዕመንኩስ ቁንቁቶኡ። 8 ጠዉ እኮጎሬ ዘክዮሰ ኡር ኢስ «ቀርቻ! ዮኤ ዱንያች ጉዕሚችን ደሩስ ቡጥቻኖተ ኣሳም፤ ህትን አይሁ ጣንስ ኣኤም ጎር ሾሉ አፎስ እሴንከ ፈንቀሽ ኣሳም» ይሰ። 9 ኢስን «ኩ መንቹ አብራሂም ቤቱ እኮቤቼሃ ከበር ጡሙ ከን ምኒሃ እኮኡ። 10 መሰንትስ መንቹ ቤቱ በዕዮሃ ሀሰተለከ ጡምሶተ አሜቶኡ» ይሰ። 11 መቱ ህካን ሞጮጪን ኢስ መቱ ምሳልተ በርግ ኩሎስ፤ መሰንትስ ኢስ ዬሩሳሌመ ኢሎተ ሆንጠኩቤቼሃተለከ መገን ዋምነቱ ደዕል ለላኖሃ ኣጉጃሰቤቼሃት እቅ። 12 ህካን እኮቤቼሃ ኢስ መቱ ጡመ ደቦች አለም ሎሩ መንቹ ዋመ አክ ፈንቀሎተ ቁዕራሽ ባዱ ኦርዕዮ። 13 ህካን እኮቤቼሃ ካዲማችስ ቶኩስ ገኦ መቱ-መትሀስ ቶኑ ቶኑ ምናን ኣስ ፈንቀል አሜቶተ ኢሉ ከንን ነገጃ ይሰ። 14 ባድስ መቱ ግብሰቤቼሃ ኩ መንቹ ኒ አሌን ዋመ አሆተ ሀንሳምበኦ ይት እስ ኦርዕዮች ኤተሮን ሶቀማንቹ ሶኮኡ። 15 ሁኩ መንቹንኩ ዋመ አክ ፈንቀሎ ወክት ምናን ኣሴስ ካዲመት ነገድ ሄንከ ተረፍሰ ጎር ደጎተ እስቤቼ ገኦቶተ አዘገኙ። 16 ወዕኔስ ካዲንቹ እስቤቼ ሆንጠክ «ቀርቻ! መቱ ምናኑ ቶኑ ምናን ተረፎኡ» ይሰ። 17 ሀለቅቹንኩ «ጡመገ አቶንት! አት ጡሙ ካዲንቹ ቀዋ ጠዋን አመዕነንቶንቤቼሃ ቶኖ ከተም ሹመ አህ» ይሰ። 18 ህትን ለንክሲንኩ አሜች «ቀርቻ! መቱ ምናኑ ኦንቱ ምናን ተረፎኡ» ይሰ። 19 ሀለቅቹንኩስ እሴሃ «አት ኦንቱ ከተሚሃ ሹመ አህ» ይሰ። 20 ህትን «ዋሉስ አሜች «ቀርቻ! ሆጮን ጣጭ ማጮም መቱ ምናኑ ሁኩዕኑን። 21 መሰንትስ አት ኣፋሽቱዕናን ኣኦታንቲሀለከ ዉጡዕነን ጭም አታንት ኣዲዲንቹ መንቹ አሁክ ደግ ዋጄምቤቼሃት» ይሰ። 22 ሀለቅቹንኩ «ኩ ሂሉ

ካዲንቹ! ገወዝ ጠወኔንት ጠዋን ፈረዳንኩ፤ እን አፋሽባንከ ቶጋሚሃለከ ወጥባንከ ጭምለም አድዳንቼ መንቼ አሁኔ ደገንት! 23 ህካን አኮች ምናንኤ ሚሃት ባንካን አፋሽቶንትበአሁ? እንን አሜች ትርፊንከሰን አም አቅ» ዬሰ። 24 ህከኒች ኤተሮን ሀለቅቹንኩ ህከኔ ኡርቶ መነ ምናንሰ ቶጌን ቶት ምናን ዮሰህሂሃ አሰዬ» ዬሰ። 25 እሰን «ቀርቼ! እሲሃ ቶት ምናን ዮሰ!» ይቶሰ። 26 ሀለቅቹንኩ «እን ኩላንክዕኔ፤ ዮሰህሂሃ ጉዕሚንከ በርጌን አሴኖሰ፤ እኮጎሬ ዮሰበአህኒች ሁኩ ዮሰንኩ አእመኖሰ። 27 ጠወ እኮጎሬ እን ዋመ እሆተ አትትበ ህከ ዲኒኤ ኢቤቹ ኤቤን እልኤ ለእን ሽዬ» ዬሰ። 28 እሰ ከ ሞሳልተ ጠወዕዮች ኤተሮን ዩሩሳሌመ ኦርእን ብርተ ዋል ሃመኖት እቅ። 29 እሰን «ዘይት ሀቁ ነጻኖ ቆተተ» ዬኖቤቸን ሄዕዮ «ቤተ ፋጌለከ ቢታ!» ዬኖቤቹ ሆንጠኩ ወክት አሳባች ለመሰ 30 «ብሬክዕኔ ዮ ቀአተ መሬ፤ ህከቤቹንከ አልቴንተ ወክት እዪሁ ሆሮን ቆጸበአ ሀሩች ዋተረ ኡሱረሞሃ ደንነንተ፤ ህካን ሂርቲን ከቤቹ ኤቤ። 31 እዪሁ ሚሃት ሂርቲንታሁ?» ይጠዕሚህዕኔ ጎር «ቀርቼ ሆሹቤቸሃት» ይዬ» ይ ሶሶሰ። 32 አሳበንት መርቶ ወክት ጉዕሙርቹንኩ ኢሰ ኩሎሰገን አካን ደጎኡ። 33 እሰ ዋተረ ሂርተን ዋተርሰ አናከት «ዋተረ ሚሃት ሂርቲንታሁ?» ይቶሰ። 34 እሰን «ቀርቼ ሆሹቤቸሃት» ይት ፈንቀሽቶኡ። 35 ህከኒች ኤተሮን ዋተረሰ ኢሰቤቹ ኤብ ኦድኩሰ ዋተር አሌን አት ኢሰ ቆጵሲሶኡ። 36 እሰን ቆጵ ሃመን መኑ ኦድኩሰ ዋቃን ዌሳኢት እቅ። 37 እሰን ዘይት ሀቁ ነጻኖ ቆተ አዲን መሰኖ ዋቄን ዩሩሳሌመ ኢሎተ ሆንጠኩ ወክት አምነን ሄዕዮ ልግቡ መኑ ሄጭት ለኑ አጀብሲሰኖ ጠወ ጉዕመንከ ሙንደእን ላገተ ጎት አት መገኑ ገለትጩ ጀመርቶኡ። 38 እሰን «ቀርቼ ሱዕሚን አሜተኖ ዋሙ ማሰአምአን፤ ወገሬቱ ሰማንለከ ኬዕምቶ መገኒሃ አሁን» ይታኢት እቅ። 39 እኮጎሬ ህከን ኡመት በላን ሄኔ ፈርሳዌች መት-መቱሰ «እስተማርቼ! ኬሳሃ አምታ መነ ጨለ ይታገ ሻቅ!» ይቶኡ። 40 እሰን «እን ኩላንክዕኔ፤ እሰ ጨለ ይቶጎሬ ኩ ክኑ ያረኖ» ይ ፈንቀሼኡ። 41 እሰን ዩሩሳሌም ከተመ ሆንጠከ ለዕዮ ወክት ከተንቸተሰ ሰዕዮ። 42 «መገሬት አሰኖ ጠወ ከበር ደጋንቲሃ እኮ እቃ ጡመሃን፤ ጠወ እኮጎሬ ቴሱ አሌችክ ደጵይዮኡ። 43 ዲኑክ ጉዕመ አዲን ድቸረ ድቸር ከን አዲንለከ ካጵ አዲን ረብ ፋሉ ከንታሄ ወክቱ አሜተኖ። 44 ህትን መገኑ ጡምሶሄተ አሜች ወክት እጥራመትበቤቸሃ ዲኑክ ኬሳለከ እለክ ድጅታኤ፤ ህትን አዜንከክ መቱ ክኑሁ መቶ ክን አሌን ፈቀኖበኡ» ይ ሰዕዮ። 45 ህከኒች ኤተሮን ኢሰ ዱኤ ምኒ ኣግ ነገደኖ መነ አብል ሸፈኤ። 46 ህትን እሰንት «ምኑኤ ዱኤ አኤኖሃ ምኒ» የመም ከተበሞኑ፤ እኮጎሬ አዕት ሸፍጡ ማጠንታ ሻንቀ አቴንታኡ» ዬኡ። 47 እሰን ጉዕመ በርንከ መገን ምኔን ተማርሰኖት እቅ፤ ቂሰ አወንሳኑት፤ ሕግ አስተማረትለክ መነ አምነሰታኡ ኢሰ ሽቶተ ሀሳኢት እቅ። 48 ጠወ እኮጎሬ መኑ ጉዕመንኩ ኢሰ ጠወአኖ ጠወ ቀልቢን ሞጮጭታቤቸሃ አሰ መ አታር ደጎበኡ።

20 መቱ በር ኢሰ ዱኤ አኤኖ ምኔን መነ ተማርሰንለከ ተሸት ላገተ ዱዱብሰን ቂሰ አምነሳኑት፤ ሕግ አስተማረትለክ ባድ ባልቀት ሜጡብ አሜት 2 «ህንዴ ኩልኔ፤ ካን አታንቲሁ መ ዋልቃኒት? ህከረንገ ካን

አታንት ዋልቀተ አሲሄሁ አዬት?» ይት ጠዕምቶሰ። 3 እሰን «እን መቱ ጠወ ጠዕማንክዕኔ፤ ህንዴ ቴሱ ኩሌኤ። 4 ያህይ ጠመቀኖ ዋልቀተ ደኤኢሁ መገን አዲኒትንዶ መን አዲኒት?» ዬኡ። 5 ህከ ወክት ገገወንኩሰን «መገን አዲኒት» ይኖም ጎር ሚሃት ያህዪን አመዕንቲንታበኡ? የኖኔ፤ 6 ጠወ እኮጎሬ «መን አዲኒት» ይኖም ጎር መኑ ጉዕመንኩ ያህይ ነብዬቹ አሁሰ አመዕነናቤቸሃ ክኒን ቀሳኔ» ይት ጠወኡኡ። 7 ህካን አኮቤቸሃ «ህከን አዲኒት ጎር ደንጎምበኡ» ይት ፈንቀሽቶኡ። 8 እሰን እሰንት «እን ካን አዬ ወልቃን አኣም ጎር ኩላንክዕኔበኡ» ዬኡ። 9 ህከኒች ኤተሮን ኢሰ መኒሃ «መቱ መንቹ ወይን ላሉተ ካሻ፤ ወይንሰ ቀባንቸሃ አሰ ዋሉ ባዱ ኦርዕይ ልግብ ወክት ዱንኬኡ። 10 እሰን ወይኑሰ ላለኖ ወክቱ አሌ ውክት ወይን ላልቺች እሲሃ ኢሊኖ ወጥ አቶተ መቱ ካዲንቹ ቀባናሰቤቹ ሶኮ፤ ጠወ እኮጎሬ ቀባኑሰ ሶህሞ ካዲንቹ ኦልት መቱርቹሃ አቲዕነ ሸርቶኡ። 11 ለንክ ወክት ዋሉ ካዲንቹ ሶኮ፤ ህትን እሰን ህከ ካዲንቹ ኦልትለከ ሙልሰ መቱርቹሃ አቲዕነ ሸርቶኡ። 12 ህትን ሰቂሃ ሶኮ ወክት እሰንከ ኦልት ጡላይሰ አብል ዋሽት ኡጅቶሰ። 13 ህከኒች ኤተሮን ወይንሰ አኑ «መ አኡ? አታም ቤቱኤ ሶሃም፤ አይደጎ እሱ ከበጅታኢሃ አሁኖ» ዬኡ። 14 ጠወ እኮጎሬ ቀባኑንት እሱ ለኑ ወክት መት-መቲንከሰ «ረገአኖሁ ከኒት፤ ዮሰርቹ ኒሀ እሆተ እሱ ሽኖ» የቀንቶኡ። 15 እሰን እሱ ወይን አዜች አብል ፋሽት ሽቶኡ፤ ቴሱ ወይንሰ አኑ ህከ ቀባኑተ መ አኣኖ? 16 ወይንሰ አኑ አሜች ህከ ቀባኑተ ሽ ኬዕይ ወይንሰ ዋሉ መኒሃ አሰኖ» ይታ ሞሳልተ ኩሎሰ። እሰን ህካን ሞጮጭቶ ወክት «ህትኔርቹ መገኑ ኤቡንከኔ» ይቶኡ። 17 ጠወ እኮጎሬ ኢሰ እሰንተ ለዕይ «ህካን እኮች ግንበኛኑት ህንቆ ክኑ እሰ መረብ ቡዕል ክኑ አሁኖ» የመም ከተበሞሁ መ ለሊሰኖ? 18 ህከን ክኖን ኡቦ እዪሁ ቀሽቀሽ የኖ፤ ጠወ እኮጎሬ ሁኩ ክኑ እዬ አሌኒ ኡቦጎሬ ፍጭርቀኖሰ» ዬኡ። 19 ሕግ አስተማረትለከ ቂሰ አምነሳኑት ኢሰ ህከን ሞሳሌን አሳሃ ጠወኡሰ ደግ ህከ ወክትንከ አፎሰተ ሀሶኡ፤ ጠወ እኮጎሬ መነ ዋጅቶኡ። 20 ህትን ገሽ ወልቀትለከ ሹምነቱ ዮሰ ገገንቸሃ ህግሰ አቶተ መከኖ ወክት ሀሳኢት እቅ፤ ህካን አኮቤቸሃ ፈዮ መነ እኩደን ጠወንከሰ ትርቲባ መነ ሶኮኡ። 21 እሰን ኢሰ «እስተማርቼ! ህንቆ ጠወኢንትገለክ ህንቆ ተማርሰታንትገ መነ አልተ ለኡ ጎልቱዕነ ህንቆ መገን ዋቃሃ ተማርሰታንትገ ደንጋም። 22 ሮም ዋሚሃ ግብር ባቱ ፈቀደሞአንንዶ ፈቀደሞበአንን?» ይት ጠዕምቶኡ። 23 ጠወ እኮጎሬ ኢሰ ተንኩሰ ለዕይ 24 «መቱ ዳናረ ለሊሼኤ፤ ከን ዳናር አሌን ዮ ፎቱትለከ ሱዕሙ አዪሃን?» ዬሰ፤ እሰን ቂሰርያ ይቶኡ። 25 እሰን «ህካን እኮች ዋሚሃ ዋሚንከ ህትን መገኒሃ መገኒንከ አሰዬ» ዬሰ። 26 ህካን አኮቤቸሃ እሰን እሰ ጠወዕዮ ጠዋን መን ብሬን ትርቲባሰተ አታልቶበኤ፤ እኮጎሬ እሰ ፈንቀሼ ጠዋን አጀብሲጭት ጨለ ይቶኡ። 27 ህከኒች ኤተሮን «ሬዮ መኑ ሬሆች ኬአኖበኡ» ይት ተማርሰተ «ሰዱቃውተ» ዬኖ መኒች መት-መቱ ኢሰቤቹ አሜት 28 «እስተማርቼ! ሙሰ መቱ መንቹ ጫተ ኤብ አለተ አሉዕነ ሬዮጎር መንቹሰ አመቤቱ ሬያን ጫሰ ረገዕይ አመሰ ቤቲህ አለተ አሉን» ይ ሴራን ከተቦኔ። 29 መቱ ወክት ለመሉ አመኡሰት ሄኔ እቅ፤

እሳችን ሀንገፋሰ ጫተ ኤብ አለተ አሉዕነ ሬዮ። 30 ህትን አሌሰ አለሞ አመሰቤቱ ጫሰ ረገዕዮ፤ 31 አሌሰ አለሞ ሰቅ ማዕንንኩ ረገዕዮ፤ ከን ሃሌን ለመሉንኩ አመኑሰት ረገሰ አለተ አልቱዕነ ሬዮኡ። 32 ጉዕሚችሰ ኤተሮን ህት ጫቲ ሬዮኡ። 33 ህካን አኮቤቺሃ ለመሉንኩ ኣኣቶሴቤቺሃ ሬዮሩ ሬሆች ኬኣ ወክት ህት ጫቲ ሀከኒህሰ እካኣ?። ይት ጠዕምቶሰ። 34 እሰን እሳንከ «ከን ኣዲንያ አሌን ሃኣኖ ሙኑ ኤባኢሁ። መእሲሳኢሁ። (aïon g165) 35 ጠዉ እኮጎሬ ሬሆች ኬኢህለከ አሜተኖ ዘማኔን ሄኦተ ሀሰሰሰሰሩ ኤበቅታበኢሁ። መእሲሳበኢሁ። (aïon g165) 36 እሰን ሰሜ መላይከገ እካቤቺሃ ለንኪሃ ሬታበኣ፤ ህትን እሰን ሬሆች ኬኢቤቺሃ መገገተ ኦሉ። 37 ህትን ሙሰ ቡባ ሸፎተኔሃ ከተቦሀኔን ቀርቺ «አብራሂምሃ መገኑ። ኢሳቀሃ መገኑለከ ያቀብሃ መገኑ» ይ ገሰ ሬዮሩ ኬኣ ለሊሾኡ። 38 ህካን አኮች መገኑ ፎልን ሄዕዮ መኒሃ መገኑ ቤሉ ሬዮ መኒሃ መገኑበኣ፤ መሰንትሰ እሰን ጉዕሙንኩ ፎሊን ሄኣቤቺሃት» ይ ፈንቀሺኣ። 39 ህትን ሕግ አስተማራች መት-መቱ ፈንቀሸት «አስተማርቺ! ጡመገ ጠወኣንት» ይቶኡ። 40 ህከኒች ኤተሮን እሰን ኢሰ መቱርቺሃ ጠዕምቶተ መለልቶበኣ። 41 ጠዉ እኮጎሬ ኢሰ «አስተን መሲሁ ደዉዳሃ ቤቱ» ዪ ኢታልቶኢሁ ህትዪት? 42 መሰንትሰ ዳዉድ ገዉንኩሰ መዝሙር መጻፋን «ቀርቺ ቀርቺሃኤ አን ዲኒክ ሎከክ ኣዜን አኦተ ኢላ መኬኤ አዲን አፋዕል» ዬሰ ዮኖ። 43 ዳዉድ «ቀርቺ» ይ ገኤሲች መሲሁ ህት እክ ቤቱሰ አሆኖ?» ዬሰ። 45 ህትን ሙኑ ጉዕሙንኩ ሞጮጪን ኢሰ አሳበሰ 46 «ቅራዕሩ ኦድኑተ ኦደላ ሃሙ። በንታን ኬዕምኚን ጠዉሲሶናሰተ። ጭምት ምናን ኬዕሚኝ ቦርጭማን አፋዕሉለከ ድግሰ ድግሴመ ቤቶን ኬዕሚኝ ቤቹ ኢታታ ሕግ አስተማራች አገርዕዬ። 47 እሰን አመሰልት ሙኑ ለኦስተ ቅራርሰት ዱኣ እተን ምንሰ ኦኑ ሬዮ ሜንቱ ጣንሰተን እታኣ፤ ህካን አኮቤቺሃ እሳሃ አበ ፍርድ አሆሰ» ዬኡ።

21 ኢሰ ሰደቀተ ቶጌኖ ሳጥናን ቀባጣመት ብረ ዋርተን አልሰ አሌ ዋሽ ለእኖት እቅ። 2 ህትን ምንሴ ኦኑ ሬዮ ቡጥቹት መንቹት ለም ቀቅቻኑት ሳንትበተ ወርተን ለዕዮ። 3 እሰን «ሀንቅንከ ያንክዕኔ፤ ት ምንሴ ኦኑ ሬዮ ቡጥቹት መንቹት ጉዕሚችሰን አበ ኣቶኡ። 4 መሰንትሰ እሰ ጉዕሙንኩሰ ኣቶኢሁ ዮሰ ዱንያች በተዕዮሳሃት፤ ጠዉ እኮጎሬ እሴ ቡጥማንክሴ ሄኦተ ደግለለናሴሃ ዮሴሃ ጉዕመንከ ኣቶኡ» ዬኡ። 5 መት-መቱ ሙኑ መገን ምኑ ተሸ ዮኖ ክኒንለከ መገኒሃ ኣሴመ ኣሰቶን መክሴናን ተሸ ዮኖሃ አሁሰ ጠወኣኢት እቅ። 6 ኢሰን «ኩ ለኤንተ ክኑ መቶ ክን አሌን እክ ፈቀዕነ ድረሽመኖ በሩ አሜተኖ» ዬኡ። 7 ህከኒች ኤተሮን እሰን «አስተማርቺ! ኩ ጠዉ አሆኖሁ መ በርሃት? ህትን ኩ ጠዉ አሆተ ሆንጠሁሰ ደንጋም መላሰ መርቺሃን?» ይት ጠዕምቶሰ። 8 ኢሰን «አዪሁ ሉሰሰኖህዕኔበኣን አገርዕዬ፤ መሰንትሰ ልግቡ ሙኑ «ኣን መሲሁት» ይተንለከ «ወክቱ ኢልዮኡ» ይተን ሱዕሚንከኤ አሜታኣ፤ እኮጎሬ እሰንተ አምንቶኖ። 9 ህትን ኦላለከ ተንበከሰ ሞጮጭቴንተ ወክት ህልቆኖ፤ መሰንትሰ ሁኩን ሄጭ አሁ ሀሰሰሰኖ፤ ጠዉ እኮጎሬ መጨረሹ ደዕል አሆሰበኣ» ዬኡ። 10 ህከኒች ኤተሮን ኢሰ እሳሃ «ኡመቱ ኡመት አሌን ዎሙ ዎም አሌን

ኬኣኖ። 11 ህትን አቡ ኡላ ሊንቁቁ፤ ቤቹን ቤቹን ጎሩለከ ዊረሩ አሆኖ፤ ህትን ዋጅሲሰናርቼለከ አቡ መላት ሰማን ለልታኦ። 12 ጠዉ እኮጎሬ ህከን ጠዊች ጉዕሚችን ሄጭ ክዕኔተ ሙኑ አፈኖለከ ሸረኖ፤ ህትን ጭምት ሞኒለከ ኡሱር ሞኒ ህግሰ ኣስታህዕኔ፤ ህትን ሱዕምኤተኔሃ ዳኖኖለከ ገሻኖ ብርተ ኤባህዕኔ። 13 ህከ ወክትንከ ኣዕኑ እሳሃ መሰከርቶኖተ መከኖ ወክት አሆኖህዕኔ። 14 ሄጭቴንን «መ ደን ፈንቀሸኖም» ይቱን ጠዊህሰ ቀልቤክዕኔ ሸዞኖ። 15 መሰንትሰ ኣን ዲንችክዕኔ አዪሁ አታሎተ ህከረንገ ሀምበዕለሞተ አታልበ ላገተለከ ሀይመተ ኣሳንክዕኔ። 16 ሆሮን አናክክዕኔ፤ አመክዕኔ ኦሱት፤ አሉክዕኔለከ ጃለክዕኔ ፈቀዕነ ህግሰ ኣስታህዕኔ፤ ህትን እሰን ክዕኔች መቱ-መቱክዕኔ ሸታኦ። 17 ህትን ሱዕምኤተኔሃ ጉዕማንከ መንቤቶን ግበንቲንታኦረ አኬንነተ። 18 ጠው እኮጎሬ ቡዕልክዕኔ ሙሚች ሜጥት በኣበኣ። 19 ህካን አታዕላን ፎልክዕኔ ጡምሴንነተ» ዬኡ። 20 ኢሰ «ዬሩሳሌመ ወታደሩ ረብ ኣፋን ለኢንተ ወክት በኢሃ ሆንጠሁሰ ደጌ። 21 ህከ ወክት ይሁድ ባዶን ሄዕዮ ሙኑ ቆተተ ዋል ዘሁን፤ ህትን ዬሩሳሌም ከተም ኣዜን ሄኣኦሩ ህከን አዲች ፋልቲን፤ ህትን ከተሚች ኣብል ባዶን ሄኣኦሩ ከተም ኣዝ ኣጉንከ። 22 መሰንትሰ ከተበሞርቹ ጉዕሙንኩ ዊሞተ ኩን ገዱተ ፋልሃ ወክት። 23 ህከ ወክት ላፈ ሜንቲህለከ ቀንሰታ ሜንቲሃ ቆሆኖህዕኔ፤ መሰንትሰ አቡ ኦርሸት ኣዲንያ አሌን እካኣ፤ ህትን መገን ኡመት-ዕርት ከን ኡመት አሌን አሜታኦ። 24 እሳችን መት-መቱሰ ሲፊን ጎረጠንታኦ፤ ህትን ሞሉሰ አገንት ኡመት ቤቹ ጉዕመንከ መርታኦ፤ ህትን አይሁዳ አህቡ ሙኑ ወክቱሰ ኢሎተ ኢላ ዬሩሳሌማን ተንበከሳኦ» ዬኡ። 25 ኢሰ «እርን፤ አገንንታለከ ቤዜን መላት ለልታኦ፤ ህትን ኣዲንያ አሌን ሄዕዮ ሙኑ ባርለከ ዊ ሁል ዋጅሲሰና ላጋች ኬዕዮህኒን ዋጅት ጨነቀንታኦ። 26 ሰማንዮርቹ ሊንቁቁኖ ቤቺሃ ሙኑ ዋጅት ኣዲንያ አል አሜተኖርቹ አገርዕተን ቀልብሰ ሉሳኦ። 27 ህከ ወክት እሰን መንች ቤቱ ወልቃንለከ ሎረ ኬዕሚኚን ጎመ ኣዜን አሜተን ለኣኦ። 28 ኩ ጠው ጉዕሙንኩ አሆተ ጀመሮ ወክት ጡሙኔ ሆንጠኮቤቺሃ አሌ ዋሽቲን ለዕዬ» ዬኡ። 29 ህከኒች ኤተሮን ኢሰ መት ሞሳልተ እሳንከ «ኦድ ሀቀቹተለከ ዋሉ ጉዕመንከ ሀቀ ቀልቢን ለዕዬ። 30 ሁኩ ሀቀንኩ ለቸገ ለኤንተ ወክት ህጎ ሆንጠሁሰ ገዉንኩክዕኔ ደጌንነተ። 31 ህትን ኩ ጉዕሙንኩ ጠዉ አህን ለኢንተ ወክት መገን ዎምነቱ ሆንጠሁሰ ደጌ። 32 «ሀንቅንከ ያንክዕኔ፤ ኩ ጉዕሙንኩ ጠው አሆተ ኢላ ከን ዘማን ሙኑ ሀገናበኣ። 33 ሰሞለከ ኡለት ህጋኣ፤ ጠው እኮጎሬ ላገኤ ሆሮን ህጋበኣ።» 34 ወክቲህሰ «ደግለልበርቹ አቲን፤ ሰከሪንለከ ከን ኣዲንያ አል ጠው ሻዞን ቀልቡክዕኔ ሆንጠገ ሁኩ በሩ ድንገቲን ወሻድገ አሌክዕኔ አሜች አፍበህዕኔን ገዉክዕኔ አገዕርዬ። 35 መሰንትሰ ሁኩ በሩ ኣዲንያ አሌን ጉዕማንን ሄኣኖ መንቤቹ አሜተኖ። 36 ህካን አኮቤቺሃ ከን አሜተኖ ጠዊች ጉዕሚችን ጡምቲንተ ዋልቀተ ደኦቶኖተለከ መንች ቤት ብሬን ኡሩ አታልቶኖተ ዱኣ አቲንገ ጉዕመ ወክትንከ ጠረኝዬ» ይ ኩሎ። 37 ኢሰን መገን ምኔን ጉዕመ በርንከ ተማርሰን ኡለት ሀምርታ ወክት ዘይት

ሀቀ ነጻዮ ቆተተ ፋለን ገለጽ እቅ። 38 ህትን መኑ ጉዕሙንኩ መገን ምኔን እሲች ሞጭጭተ ገሰሙ ሱጵተ እሰቤች አሚተና እቅ።

22 ራጭቱ የብሉሃ ጨሊሰሞ ጦርሹ እቴጌን ከበጃዮ ከበጃቱ ሆንጠኮ እቅ። 2 ህከ ወክት ቂስ አዋንሳኑትለክ ሕግ አስተማረት መነ ዋጅቶቤቸሃ እሰ ህት እት ሽታገር ዎቃ ሀሳእት እቅ። 3 ህከኒች ኤተሮን ቶና ለሞንከ አሳባች መቶንከሰ «እስቆርንቶ» ዬዮ ይሁዳን ሼይጣኑ አጎ። 4 እሰን ኦርዕይ ቂስ አዋንሳናገለክ ዱእ ምኒ አገርታ ወታደር አዛዛን እሰ እሳንከ ህግሽ እሳና ዎቃሃ አማዕላሞ። 5 እሰን ሙንደእ ብረ አቶተ ወላ ኡርሶኡ። 6 ህከን እኮቤቸሃ እሰን ወላንከሰ አማዕላሞ መኑ የብእቤቸን እሰ እሳሃ ህግሽ እሶተ መከፍ ወክት ሀሰኖት እቅ። 7 ህከኒች ኤተሮን ሻሽግ ሆልቼ ዱሌን ራጭቱ የብሉሃ ጨሊሰሞ ጦርሹ እቴጌን ከበጃዮ ከበጀ በሩ ሆንጠኮ። 8 ህከን እኮቤቸሃ እሰ ጴጥሮሴለክ ያህይ «መርቴን ሻሽግ ሀርባት እንቶተ ተቃጠቤ» ይ ሱ። 9 እሰን «ህከን ህከንቤቸን ተቃጠገህት ሀሰን?» ይቶሱ። 10 እሰን «ከተመ አገንተ ወክት ዊ ዎዳኑተ እጃ መንቺን ይቀንቴን፤ እሰን እገና ምኒ አዋንቴን መርቴን 11 ምንስ እነኒክ «አስተማርቼ አሳባንን ሻሽግ ሀርባት አታም ኮሁ ገላናቤቼ ህከንቤቸንት? የኖሄት» ይቴን ኩሌሰ። 12 እሰን ሀሰሰኖርቼ ጉዕሙንኩ ተቃጠገ ፋቅ ምኔን አልባዕሉ ቤቼ ለሊሰኖህዕኔ፤ ህከን ቤቸን ቅጥአዕዬ» ይሰ። 13 እሰን መርት ጉዕሙርቼንኩ እሰ ጠወዕዮሰገን አካን ህከን ቤቸን ሻሽግ ሀርባት ቅጥአቶኡ። 14 ሀርባት ወክቱ እሌሃን እሰ አሳባንን ሜጡብ ማዳን አፋዕሌኡ። 15 እሰን አሳሃ «ኦርጨቀማምሀኒች ሄጭ ከ ሻሽግ ሀርባት ክዕኔኤን ሜጡብ አቶተ እብ ሄዕላቸም እቅ። 16 መሰንትሰ መገን ዎምንቴን ሻሽግ ሀርባት ለልዮበእ ምስጥሩ ለሎተ ኢላ እን ከ ሻሽግ ሀርባት ሆሮን አታምበእከ ኩላንክዕኔ» ይሰ። 17 ህትን እሰ ኩባያ ኬሽ መገኑ ገለትጭ «ከን ጠበቴን የኢሀ አእቴን ቤቀሜ። 18 እን ከን ወክቲች ኬሽ መገን ዎምንቱ አሚቶተ ኢላ ወይን ላልቺች ጨንሼማሃ ሆሮን አታምበእከ ኩላንክዕኔ» ይሰ። 19 ህከኒች ኤተሮን እሰ ዱሶተ ኬሽ መገኑ ገለትጭእ፤ ህከንን ቢጭ አሳንከ እሰ «ኩን ክዕኔሃ አሰሞሃ ማላእ፤ ካን ኤሳሃ ቃጎናተ አዕዬ» ይእ። 20 ህትን ሀርባቲች ኤተሮን ጠበቴሃ ኬሽ እሌ ዋሽ «ኩ ጠበቴህ ክዕኔኤሃ ዱንተእና ቂጊከኤ እሀኖ ሃዕሮሃ ወእድ። 21 «ጠወ እኮጎሬ ከላዕዬ፤ ኤሳሃ ህግሽ እሰኖኤህን እንገሰ እን ሜጡብ ማዳን የኡ። 22 መንች ቤቱ አስተኔሃ ሄጭ ቀደርሰገን ሪሆኖ፤ እኮጎሬ ህግሽ እሰና መንቺሃ ቆሀኖሰ!» ይእ። 23 ህከን ገገዉንኩሰን «ካን አእኖሁ ኒ በላን አዬት?» ይተን መት-መቱሰ ጠዕሙ ጀመርቶኡ። 24 ህትን አሳበሰ «ኒ በላን ጉዕሚችኔን ሎሩ አዬት?» ይተን ኦደተ ጀመርቶኡ። 25 ህከን እኮቤቸሃ እሰ እሰተ «ኡመት ዎመት መነሰ ገዘአእ፤ ህከ ገዘአ ዎመንተ ጡመ ጠወ አቶኡ» ይን ገሌኖሰ። 26 እኮጎሬ እዕኑ ህት እኮኖቼ፤ ህከን ወጥ ክዕኔ በላን ሎረ እኮሁ ቀዉ እሁን፤ ህትን አዋንሳንቼ እኮሁ ካዲንቼ እሁን። 27 ማዳን አፋዕል አተኖሀኒችለክ ኡር ካደመኖሀኒች በተአኖሁ አዬት? በተአኖሲሁ ማዳን አፋዕሌሃበእንደ? ጠወ እኮጎሬ እን በላንከክኔ ካዲንችጋት። 28 ህትን እዕኑ እን ሜጡብ ኦርሽኤ ወክት

ጉዕሙንከ ሄኤንታኦረን። 29 ህከን እኮቤቸሃ እኩኤ ኤሳሃ ዳኛ አዕዮኤንገን እኒሁ ክዕኔተ ዳኛኑተ አዕይ ሾማንክዕኔ። 30 ጃንቴንከኤ ኢ ማዲች አቶኖተለክ አጎናተ ህትን ቶና ለሞንከ እስራኤል ደቦን ፈረደኖተ ዎመ ቦርጭማን አፋዕልቴንተ ዳኝነቱ አሳንክዕኔ» ይሰ። 31 እሰን «ሰሞኔ! ሰሞኔ! ገበሬቼ አለሱ ጋቢች አደ አዕይ ጠለሽኖህንገን ሼይጣኑ ክዕኔተ ጠለሾህዕኔተ ጠረኝሽ ሆሮ። 32 እኮጎሬ እን አመዕነቱክ በእበገ ኬሳሃ ዱእ አእም፤ ህከን እኮቤቸሃ እት ቶበት ፈንቀልቶንት ወክት አመክ እሶተ ጠረኝሰ» ይእ። 33 እሰን እሰ «ቀርቼ! ኪን ሜጡብ ኡሮኒሞተለክ ሬሆተ ተቃጠረ» ይእ። 34 እሰን «ጴጥሮሴ! እን ያንኬ፤ ከበር ህንጠቦ ዎደተ ኢላ «ደጋንሰበእ» ይት ሰሶረ ለገንቴኤ» ይእ። 35 ህከኒች ኤተሮን እሰ አሳበሰ «ከረጢትት፤ ሆቆማዱለክ ጫዕመት ሄኡዕን ሶኮንክዕኔ ወክት ሆደኖዕኔ ሄዕየአቅንዶ?» ይሰ። እሰን «መቱርቼህ ሆደዕየኔበእ» ይቶኡ። 36 እሰን «ቴሱ ከረጢትተለክ ሆቆማዱ የሲህ አፋን፤ ህትን ብሱ የሰበእሁ ኦድኑስ ሀር መቱ ብሰ ሀዕሩን። 37 ህከን እኮቤቸሃ «ሂላ መኒን ወለእሞ የመም ከተበሞሁ ኢ እሌን ዊሙ ሀሰሰኖ አሁሰ ኩላንክዕኔ፤ መሰንትሰ እቲኔ ከተበሞ ጠወ ጉዕሙንኩ ዊመናቤቸሃት» ይእ። 38 ህትን አሳበሰ «ቀርቼ! ከእእ፤ ለሙ ብሱ ከበ የኡ» ይቶኡ፤ እሰን «እሆኖ» ይእ። 39 እሰ ከተሚች 4ፋ ወዕና ሮሮንን ዘይት ሀቀ ነጻዮ ቆተተ ኦርዕዮ፤ ህትን አሳበሰ እሱ አዋንቶኡ። 40 እሰን ቤቸሰ ኢላ ወክት አሳንከ «ፊተናን ኣገንበገ ዱእ አዕዬ» ይሰ። 41 ህከኒች ኤተሮን ክኑ ቶሪን አልሴና ቤች ጌሰ አሳች ቁዕር ጉሉጽ 42 «ኢ እነ! እት ሀሶንት ጎሬ ከ ኦርሽ ጠበቴሃ ኢች ቁርሰ፤ ጠወ እኮጎሬ እን ሀሳምገ እሁዕነ እት ሀሳንተገ እሁን» ይ ዱእ አዕዮ። 43 እሰን ኣዜስ እብ ሻቸገ ጠረኝ ዱእ አዕዮ፤ 44 ህንኩ ቂግገ ኡላን ዛዛኖት እቅ፤ ህከ ወክት መገን መላይኬቼ ሰሜች አሚች እሱ ጠረኝሰን ህከን ቤቸን አሰሃ ለሌሰ። 45 ህትን ዱእ አእናቤቺች ኬዕይ አሳበሰበ አሚቸ ወክት እብ ሻዘቤቸሃ ግሳን ደጎሰ። 46 እሰን እሰንተ «ሚሃት ግሴንገታሁ? ፊተናን ኣገንነተበእከ ኬኤን ዱእ አዕዬ» ይሰ። 47 እሰ ጠወኡን ሄዕዮንን ቶና ለሞንከ አሳባች መቱሰ «ይሁደ» ይሆኑ አዋንሴሃን ልግቡ መኑ ህከ ቤቼ አሚቶኡ፤ ይሁድን ሱንቆተ እሰቤቼ ሆንጠኮ። 48 ጠወ እኮጎሬ እሰ «ይሁደ! መንች ቤቱ ሱንቆት ህግሰ ኣተንንዶ?» ይሰ። 49 እሰ አሳበት እሆኖ ጠወ ለኦ ወክት «ቀርቼ! ብሰን ዎቀርኩንንዶ?» ይቶኡ። 50 ህትን አሳችን መቱሰ ቂስ አዋንሳንች ካዲንቼ ዎቀር መኬ አድ መጨተ ሙር። 51 ጠወ እኮጎሬ እሰ «ካን አቶት!» ይ መንችሰ መጨተ አፍ ፈይሾሰ። 52 ህከኒች ኤተሮን እሰ ህከ አፎሰተ አሚቶ ቂስ አዋንሳንቲ፤ ዱእ ምኒ አገርታ ገኛትለክ ባድ ባልቀተ «ቆጥ ሽፍጠ አፊኖህንገ ብሰለክ በርተ አፊን አሚቴንንዶ? 53 እን መገን ምኔን ጉዕሙ በርንከ ክዕኔን ሜጡብ ሄዕዮም ወክት አፊንታኤበእ እቅ፤ ጠወ እኮጎሬ ኩ ወክቱ ክዕኔሃለክ ቱንሰች ሹምነቱ የሰህንሃን» ይሰ። 54 ህከኒች ኤተሮን ሁኩ መኑ እሰ አፍ ቂስ አዋንሳና ምኒ አዋንሰት ኤቡኡ፤ ጴጥሮሰን ቁዕራሻን ሃመን አዋንኖት እቅ። 55 ህትን እሰን ግቤ በላን ገረተ ቡሰተን ሜጡብ አፋዕልቶ ወክት ጴጥሮሰ አሚች በለሰ አፋዕሌኡ። 56 እሰን ለለኖ አዲን አፋልዮህን መት

ገረድቸት ተክ ይት ለእ «ኩ መንቹ ኢሲን ሜጡብ ሄዕዮ እቅ» ይቶኡ። 57 ጠው እኩጎሬ ጴጥሮስ «ቴ መንቹ! እን እሱ ደጋምበእ» ይ ለገዕዮ። 58 ህትን ቀዉ ጌስ አገር ዋሉ መንቹ እሱ ለዕይ «አት አሳቸ መቶሃህ» ይኤ፤ ጠው እኩጎሬ ጴጥሮስ «ኮ መንቹ አኔበእ!» ይኤ። 59 ህትን መቶ ሳኦት ጌስ አገሮች ኤተሮን ዋሉ መንቹ «ኩ መንቹ ገሊል ባድ መንቹ እኩቤቼሃ ህንቅንከ እሲን ሜጡብ ሄዕዮ እቅ» ይ ጠራኝሽ ጠወዕዮ። 60 ጠው እኩጎሬ ጴጥሮስ «ኮ መንቹ እት ይታንቲሃ እን ደጋንበእ» ይኤ፤ ህከ ወክት እስ ጠወእንን ህንጠቦ ዋጅ። 61 እሲን ኤተሩ ፈንቀል ጴጥሮስ ለዕዮ፤ ጴጥሮስን «ከበር ህንጠቦ ዋዶተ ኢሊ ሰራሩ ለገእንቲኤ» ይሰ ቀርቶ ላገተ ሰውዬኤ። 62 ህከን እኩቤቼሃ አብል ፋል ቡብ ኦዕዮ። 63 ህከ ወክት እሲ አደ መኮ ህንቃሲትለከ ዋቀርታሲት እቅ። 64 ህትን አልስ ጉንጉሽት ዋቀርተን «ዋቀርሄሀ እዬት? ህንዴ ደግ» ይተን ጠዕምታሲት እቅ። 65 እሲን ዋሉ ልግብ ጠወ ጠወእን ቦርርታሲት እቅ። 66 ኡለት ሶዞ ወክት ባድ ባልቁ፤ ቂስ እምንሳትለከ ሕግ እስተማረት ጭምይት እሲ ኦገትሰቢቹ መስቶኡ። 67 እሲን «አት መሲህ እኩንጎሬ ኩልኔ» ይቶኡ፤ ጠው እኩጎሬ እስ «ኩሎንክዕኔ ጎሬ አመዕንቲንተኤበእ። 68 ህትን እን ጠዕሜንክዕኔ ጎሬ ፈንቀሽቲንተበእ። 69 ጠው እኩጎሬ ቴሶች ጀመር መንቹ ቤቱ ዋልቀት ዮሲ መገን መኬ እዲን አፋዕለኖ» ይሰ። 70 እሲን ጉዕሙንከስ «ህከን እኩቹ እት መገን፤ ቤቱንዶ?» ይቶኡ፤ እሲን «ኤ እዕኑ ይቲንተጋንት» ይሰ። 71 ህከን እኩቤቼሃ እሲን «ነኡ ገወንኩኔ ገይስ አፈች ሞጮጭኖምቤቼሃ ዋሉ ምስክር ሚሃት ሀንሳሚሀ» ይቶኡ።

23 ህከኒች ኤተሮን ሁኩ ኦገቺ መኮ ጉዕሙንኩ ሜጡብ እክ እሲ ጽላጦሴቤቹ ኤቦኡ። 2 እሲን «ኩ መንቹ መነኔ ሉሲሲን፤ ሮም ዋሚሃ ግብር ባታበእገ ከመንለከ «እን ዋመ መሲህት» ዮን ደንጎንስ» ይተን ሳይመ። ጀመርቶስ። 3 ጽላጦሲን «አት ይሁድሃ ዋመንዶ?» ይ ጠዕሜስ፤ እሲን «አት ይቶንተጋንት» ይ ፈንቀሼኤ። 4 ህከኒች ኤተሮን ጽላጦስ ቂስ እምንሳትለከ ህከን ልግቤ መኒሃ «ከን መንቹን መቱ ቤሱሃ ደንምበእ» ይኤ። 5 ጠው እኩጎሬ እሲን «ገሊላቸ ኬሽ ከኣጸ ኢሊ ይሁድ ባደን ጉዕማንን ተማርሲን ጨንጨነተ ኬስኖት» ይተን ጠረኝሰ ጠወኦኡ። 6 ጽላጦሲን «ገሊላተ» ይተን ሞጮጮ ወክት «ገሊላ ባድሃ መንቹንዶ?» ይ ጠዕሜኤ። 7 እሲን እሲ ሄርድስ ገሽኖ ባዲሃ እሁስ ደጎ ወክት እሲ ሄርድሴቤቹ ሶኮ፤ ሄርድስ ህከ ወክት ዬሩሳሌማን ሄዕዮ እቅ። 8 ሄርድስን እሲ ለዕዮ ወክት አበ ሙንደዕዮ፤ መስንትስ እስተኔ ልግብ ጠወ ሞጮጭ ለኦስተ ልግብ ወክት ሄዕሳተኖት እቅ፤ ህትን አጀብሲስኖ ጠወ እእን ለኦተ ተብሳሃ እእኖት እቅ። 9 ህከን እኩቤቼሃ ሄርድስ እሲ ልግብ ጠወ ጠዕሜስ፤ እኩጎሬ እሲ መቱርቹሃ ፈንቀሽኦበእ። 10 ህትን ቂስ እምንሳትለከ ሕግ እስተማረት ህከኔ ኡርት ጠረኝሰ ኡዳሲት እቅ። 11 ህትን ሄርድስ ወታደሪንከሰን ሜጡብ ህንቆስ፤ ህከኒች ኤተሮን ቀለደን በለቃ ኦድተት ኦፊሽ ጽላጦሴቤቹ ፈንቀሽ ሶኮ። 12 ህከ በር ጽላጦስለከ ሄርድስ ጃለተ እኩኤ፤ ህከኒች ብርተ ለመንኩስ ብታን ሄኦ እቅ። 13 ህከኒች ኤተሮን ጽላጦስ ቂስ እምንሳት፤ ደኛተለከ ኡመት ሜጡብ

ገኤለ 14 ««ኦመት አሌን ብተተ ኬሰኖ» ይተን ከ መንቹ ኢቤቹ ኤቤንታኤ፤ እንን ህትን እዕኑ ለኤንን መረመርስ ሆንጠህሰንተ ክሲች ጉዕሚችን ከን መንቹ አሌን መቱ ቤሱሃ ደንምበእ። 15 ህትን ሄርድስ መቱ ብድልሃ ደጉ ሆንቤቼሃ ኒቤቹ ፈንቀሽ ሶኮስ፤ ከለዕዬ ሬሆተ ኢልሰኖስ መቱርቹሃ እዕዮበእ። 16 ህከን እኩቤቼሃ እን እሱ ገረኖ ገፈራም» ይሰ። 17 [ዘማን ዘማኔን ጽላጦስ ኡሰረረኚች መቱ መንቹ ሂር ገፈሩ ግዳስ እቅ።] 18 ጠወ እኩጎሬ እስ ጉዕሙንኩስ ሜጡብ እክ «ከ መንቹ ሽ! ባርባኔ ሂር!» ይተን ጨንጭቶኡ። 19 ባርባን ከተም ኣዜን ጨንጨነተ ከሰንለከ መነ ሽን ኡሱር ምኔን ኡሱረሞእሃ መንቹ እቅ። 20 ጽላጦሲን እሲ ሂር ገፈሮስተ ሀሽ ለንኪሃ መኒሃ ጠወዕዮ። 21 ጠወ እኩጎሬ እሲን «እሱ ሰቀል! እሱ ሰቀል!» ይተን ጨንጭቶኡ። 22 ሰቅ ወክት ጽላጦስ «ኩ መንቹ ሆሮን እዕዮ ጠወ መርቹሃን? እን ሬሆተ ኢልሰኖስኖ ደንምበእ፤ ህከን እኩቤቼሃ ገረኖ ገፈራንስ» ይሰ። 23 ጠወ እኩጎሬ እስ ላገሰ ጎት እት ሰቀል! ይተን ያርቶኡ፤ ኡመቲሁለከ ቂስ እምንሳኖ ላገንት በተኦኡ። 24 ህከን መሳን ጠዕምቶ ጠወ እሆስተ ጽላጦስ ፈረጅ። 25 እሲን እስ ጠዕምቶን ህከ ርብሽተ እስለከ መነ ሺ ኡሱር ምኔን ኡሱረሞ መንቹ ሂር ገፈሮ፤ ጠወ እኩጎሬ እሲ ተሽ ዮኖስገ አቶተ ህግሽ ኣሴስ። 26 ህከኒች ኤተሮን እሲን እሲ መስተን ሄኦንን ገጠሪች ከተመ እሚተኖት እቅ፤ «ሰምኤ» ይኖ ቀሬን ባድ መንቹ እገሰገስ አፍ መስቀለ እጅሲስ እሲ እምንሳኖ አቶኡ። 27 ልግቡ ኡመቱ «ኣዬ! ኣዬ!» ይተን እስ በላንን ወዘነሰ ዋቀርተን ኦኣ ሜንቱ እሲ እምንታሲት እቅ። 28 ጠወ እኩጎሬ እሲ እስ አደ ፈንቀል «ዬሩሳሌም ሜንቶ! ኤሳሃ ኦኦኖቹ፤ እኩጎሬ ክዕኔሃ ገይህክዕኔለከ አላተክዕኔ ኦዕዮ። 29 መስንትስ «አልትበሩ፤ አልበ ጎይቡለከ ቀንሰበ ኡኮት ማስእምእሃ» ይኖ ወክቱ አሚተኖት። 30 ህከ ወክት መኮ ቆተተ «አሌኔ ኡቤ!» ህትን ቆሩንተ «ማጮኔ» ዮኖ። 31 እሲን ሙጠ ሀቅ አሌን ህከን አኤማሃ እኩቹ ሞሎ ሀቅ አሌን መ ኣኤኖሃ እሆታት?» ይኤ። 32 ህትን ጨብ አቶ ዋሉ ለም መናከተ እሲን ሜጡብ ሽቶተ መስቶኡ። 33 እሲን «ቡዕል ቁላ» ይኖቤቹ ኢልቶ ወክት ህከን ቤቹን እሲ ሰቀልቶኡ፤ ህትን ጨብ እዕዮሃ መቱስ መኬ እዲን ዋሉስ ጉረስ እዲን ሰቀልቶኡ። 34 እሲን «ኢ ኣነ! እስ አታርቹ ደጋበእቤቼሃ መረርሰጭስ» ይኤ፤ እሲን ኦድኩስ እጠ ኡጅት ቤቀንቶኡ። 35 ህትን ኡመቱ ኡር ለእኖት እቅ፤ ጠወ እኩጎሬ ዳኖኑት «ዋሉ መነ ፌሾኡ፤ መጠረሞ መገን መሲህ እኩጎሬ ህንዴ ገወስ ፌሱን!» ይተን ቀለዳሲት እቅ። 36 ህትን ዋታደሩ እስቤቹ ሆንጠክ ሆለጮ ዋይን ቦበጤማሃ ኣትስ 37 «አት አይሁድ ዋመ እኩንጎሬ ገወክ ፌስ!» ይተን ቀለዳሲት እቅ። 38 ህትን «ኩን አይሁድያ ዋመ» ይኖ ከተባሚሆ ቡዕልስ አሌ ኣዲን ሄዕዮ እቅ። 39 ሂላርቹ አታን ሰቀሌመሀኑኡች መቱስ «አት መሲህ በእንዶ? ህንዴ ገወክለከ ነሳሃ ፌስ» ዮን ቦርሮስ። 40 ጠወ እኩጎሬ ዋሉስ «አቲሁ መቱ ሬሆ ፍርድ ኣዜን ሄኦንጉንን መገኑ ዋጅታንትበእንዶ? 41 ነኡዕኑ ሆንኔተኔሃ ሀሰስኖኔ ፍርድ ኣእኖምቤቼሃ ኒሁ ህንቅሃ ፍርድ፤ እኩጎሬ ኩ መንቹ መቱ ሂላርቹ እዕዮበእ» ይ ኡመዕዕሬ። 42 ህትን «እሲ! አሚትክ ወክት ኪ ዋምነቲን ቃጌኤ» ይኤ። 43 እሲን «ሀንቅንከ ያንኬ፤ ከበር እን

ሚጠብቅ ጃንቲን እካንት» ይሉ። 44 ሌሆ ሰኣት ጌሰ እኮች አሩ ቱንሰሻን ኡለ አሌን ጉዕማንን ሆንሱ ሰኣት ኢለ ቱንሰሹ እኩ። 45 ህከ ወክት ዱላ ምኒ መጋረጃ ቅጡ ለመ፡ ቢቹ እከ ፊልተዕዩ። 46 ኢሰ ሎረ ላጋን ያር «ኢ እነ! ነብሴቹኤ እንጋተክ ኤገተ ኣሳም!» ይሉ፤ ህካን ይቶ ኤተሮን ሬዮ። 47 ጥቤ ሀለቅቹ ህከ እኮ ጠወ ለዕዮ ወክት «ሆንቅንከ ኩ መንቹ ፈየሃ እቅ» ይ መገኑ ሎርሲእ። 48 ህካን ለኦተ ጭምደቶ መኑ ጉዕመንኩ እኮ ጠወ ለኦ ወክት ሻዝ ዎዝነሰ ዎቀርተን ምነሰ ፈንቀልቶኤ። 49 ጠወ እኮጎሬ ኢሰን ኤንኬዕነንተ መኑ ጉዕመንኩ፡ ገለላች እሱ እምንታሲት እቅ፤ ሚንቱሁ ቄዕራሻን ኡርት ህከ ጠወ ለኣኢት እቅ። 50 «አርማትዮ» ይዮ አይሁድ ከተማን ሄኤኖ «ዩሱፈ» ይዮ መንቹ ሄዕዮ እቅ፤ እሰን ፈያለከ ጡመሃ መንቹ እቅ፤ ህትን እሰን አገት ዳኛኖች መቶሃሰ እቅ። 51 እኮጎሬ እማሌከሰለከ ሆንንከሰ አተቀጠእ እቅ፤ ህትን መገን ዎምነቱ ተብሴን አገረኖሃ መንቹ እቅ። 52 ሁኩ መንቹንኩ ጽላጦሴቤቹ መርኬዕይ ኢሰ ጀናዘተ ኣሶናሰተ ፍቃድ ጠዕሜእ። 53 ህከኒች ኤተሮን ጀናዘተ ጡመ ጥጥ ኦድኖን ከፈኛ፤ ህት እዕይ እዪሁ ዋገጠእ ክኑ ሸሄን መክሴመ ሎዳን አፋሼእ። 54 ሁኩንን ፎሎጭ በሩ ኣጎተ ሆንጠካን ተቃጠቤኖ ጀዕማቲተ ሀዋሩ እቅ። 55 ገለላች ኢሰን ሚጡብ እምንተን እሚቶ ሚንቱ ሆንጠክ ሎደሰለከ ጀናዘሰ አፋሼመገ ለኡኤ። 56 እሰን ምነሰ ፈንቀልት ኣንጀርፍለከ ሸቲተ ቅጥአቶኤ፤ ሕግሰገን ፎሎጭ በርንከ እዘዘመገን ፎሎጭቶኤ።

24 ሁኩ ሚንቱ ሳምንት ዎኔ በር ገሰመ ሱጽተ ቅጥአቶ ሸቲተ አፍ ሎድቤቹ መርቶኤ። 2 እሰን ክኑ ሎድ አፊች ኮሎንኮዕላሃን ለኡኤ። 3 ጠወ እኮጎሬ ሎድሰ ኣዝ ኣጎ ወክት ቀርቾ ኢሰ ጀናዘተ ደጎበእ። 4 እሰን ህከን ጠዋን አበ አጀብሲጭተን በለቃ ኦድኑተ ኦደኦ ለመ፡ መኑ ድንገቲን መዳንከሰ ኡርቶኤ። 5 ሚንቱንኩ አበ ዋጅት ሙግይት ለኣን ለመንኩ መንቹ «ፎሊን ዮኢሃ ሬቶሁኑኤ በላን ሚሃ ሀሰኒንታት? 6 እሰ ከበ ዮበኤ፤ ኬዕዮኡ፤ ገለሊን ሄዕዮ ወክት «መንች ቤቱ ጨበኛኖ እንጋን ሆሰን ኣኡ፤ ሰቀለሙለከ ሰቅ በር ሬሆች ኬኤ ሀሰሰኖስ» ይ ኩሎሀዕኔገ ሰውይዬ» ይቶሰ። 8 ሚንቱንኩ ኢሰ ጠወ ሰውይት ሎድቤቹ ፈንቀልት ህከ ጠወ ጉዕመንከ ቶና መቶሃንከ ኣሳባተለከ ፈቆሁኤተ ጉዕሚንከ ኩልቶኤ። 10 ህከ ጠወ ኣሳባተ ጠወኦእሩ መግደል ከተም መርየማት፡ ዮሃናት፡ ያቀብ አመት መርየማትለከ ኣሳንን ሚጡብ ሄኦ ዎሎሃ ሚንቱ እቅ። 11 ጠወ እኮጎሬ ሚንቱ ጠወኦ ጠወ ሀንቅ አንጀሰበኢቤቹን ኣሳበት አመዕንቶሰበእ። 12 ጴጥሮስ ኬዕይ ሎድቤቹ ደጉጅ፤ ህከን ቤቹን ሙግይ ከፈኔመ ጥጥ ኦድኑት ሄኤኢሃ ለዕይ ጠዋንከሰ አጀብሲጩን ምኒ ፈንቀሎ። 13 ህከ በርንከ ኢሰ ኣሳባች ለመ፡ «ኤመሁሰ» ይዮ ቀኣተ መርታኢት እቅ፤ ሁኩቤቹንኩ ይሩሳሌሚች ለሞ ሰኣት ጌሰ መሰኖሃ ዎቃ እቅ። 14 ህትን ገገወንኩሰ ህከ እኮ ጉዕመንከ ጠውተኔሃ ሀሳውታኢት እቅ። 15 ጠራኝሰ ሀሳውተንን ኢሰ ገወንኩሰ ሆንጠክ ኣሳን ሚጡብ ሃመኖች እቅ። 16 ጠወ እኮጎሬ እሱ ደግበገ ለኣንከሰ ለኣንን ኣጥራመቶበእ እቅ። 17 እሰን «ሃንቲን ገገወክዕኔን ጠወኤን ሄኤንተ ጠወ መርቹሃን?»

ይሰ፤ እሰን ሻዝ ጨለይት ኡርቶኤ። 18 ህከኒች ኤተሮን ኣሳችን መቱሰ «ቀላዮጸ» ይዮሁ «ከን ሳምንታን ህከኔ እኮ ጠወ ደግባሁ ይሩሳሌም ከተማን ጠለዕል እት ኮህቹሃንዶ?» ይ ፈንቀሽሰ። 19 ኢሰን «መ ጠወ?» ይሰ፤ እሰን «ሆንጎለከ ጠወኢን መንገደከ መገን ብሬን ጠረኘ ነቢዬች ናዝሬት ኢሰተኔሃት። 20 ቂስ እምንሳኑትለከ ዳኛኑት ሬሆ ፍርዲሃ ህግሰ ኣቶች ኤተሮን ሰቀልቶሰ። 21 እኮጎሬ ነኡ ለሰራኤለ ፊሰኖሁ እሶት» ይን ተቢሳሃ አዕኖም እቅ፤ ህትን ህከን ጉዕመንከ ጠው ኣሌንን ኩ ጠወ እኮች ከበር ሰቅየ በር። 22 ዎሎንገ ህትን ኒ በለች ሱጽተ ፋልት ሎድቤቹ መርቶ መት-መቱ ሚንቱ አጀብሲሶኔ። 23 ጠወ እኮጎሬ እሰን ጀናዘሰ ደጎተ አታልቶበእ፤ ህትን «እሰ ፎሊን ዮኤ» ይታ መላይከተ ለዕኖም ይተን ፈንቀልት እሚቶኤ። 24 ህትን ኒን ሚጡብ ሄኤሁኤች መት-መቱ መኑ ሎድቤቹ መርት ሁኩ ሚንቱ ይቶገን እኮሃ ደጎኤ፤ እኮጎሬ እሱ ለኣሰበእ» ይቶሰ። 25 ኢሰን «እዕኑ ኩ ገዋኑት፤ ነቢያኑት ጠወኦ ጠወ ጉዕመንከ ቀልቡክዕኔ ደዕል አመዕንዮበኣሩ። 26 መሲሁ ከ ኦርሸተ ጉዕመንከ ቶጎተለከ ኬዕምኒን ኣጎተ ሀሰሰኖስበኣንዶ?» ይሰ። 27 ህትን ሙሲቻለከ ጉዕማንከ ነቢያኖች ኬሸ መጻፋን ጉዕማንን ኣሰተኔሃ ከተበሞ ጉዕመንከ ቤቼች ቤቼች ኩሎሰ። 28 ህከኒች ኤተሮን እሰን መርታ ቀኣተ ሆንጠካን እሰ ቄዕራሻን ሃመኖህንገ እኮ። 29 እሰን «ኡለት ሀዋርቶኤ፤ አሩ ኣጎተ እኮቤቹሃ ኒን ገል» ይት ጠራኝሰ ኡጭቶሰ፤ ህካን እኮቤቹሃ ኣሳንን ሚጡብ ገሎተ ኣጎ። 30 እሰን ኣሳን ሚጡብ ማዳን ኣፋዕሌ ወክት ጦሮሹ ኣኢ ዱኣ እዕይ ቢጭ ኣሳሃ ኣሴእ። 31 ህከ ወክት እልሰ ፈንተኣን እሱ ደጎኤ፤ እሰን ብሬቻሰ ገበጭ ይሉ። 32 እሰን መት-መትሀሰ «ዎቃን ኒን ጠወኣን መጻፈተ ሂር ኩሎኔ ወክት ቀልቡኔ ሙንዲኖን ተሸይበኔንዶ?» ዮቀንቶኤ። 33 እሰን ህከ ሰኣትንከ ኬኤ ይሩሳሌመ ፈንቀልት ኣሚት ቶና መቱንኩ ኣሳበትለከ ዎሎ መኒን ጭምይት 34 «ቀርቾ ኢሰ ሆንቅንከ ሬሆች ኬዕዮኤ፤ ሰሞኔንከ ለልዮኤ» ይተን ደጎኤ። 35 ለመንኩ ህትን ዎቃን እኮ ጠውተኔሃ ጦሮሹ ቢጭ ወክት እሱ ኣጥራመቶሰገ ኩልቶሰ። 36 ህካን ጠወኣን ኢሰ ገወንኩሰ በላንከሰ ኡር «ወገሬቱ ክዕኔሃ ለሁን» ይሰ። 37 ጠወ እኮጎሬ እሰን እያን ለኣኢሃ ኣጉጃንሰ ህልቅ ዋጅቶኤ። 38 እሰን «ሚሃት ህልቁንታሁ? ህትን ሚሃት ቀልቤንከክዕኔ ሸክቲንታቲሁ? 39 ኤሳሃ ገወኣ ለሁኣ እንገለለከ ሎከኣ ለእዬ፤ ህትን ለኤንንተኤንን ኤሳሃ ዮ ማሉ፤ ሞቀለከ ኣያኑ ዮሰበኢቤቹሃ ኤሳሃ አፈን ለዕዬ» ይሰ። 40 ህካን ይኬይ እንገሰለከ ሎከሰ ለሊሾሰ። 41 እሰን አበ ሙንደኣ አጀብሲጭቶቤቹሃ ጠወሰ አመዕንቶበኣ እቅ፤ ኢሰን ሰሰተ «እቲኖርቹ ዮሀዕኔንዶ?» ይሰ። 42 እሰን ሬዕዮ ቀወተ ቀርጨሜተ ኣቶሰ። 43 እሰን ኣኣ ኬዕይ ብሬንከሰ አቾ። 44 ህከኒች ኤተሮን ኢሰ «ክዕኔኤን ሚጡብ ሄዕዮም ወክት ሙሲ ሕጋን፤ ነቢያናለከ መዝሙር መጻፋን ኣተኔሃ ከተበሞሁ ጉዕመንኩ ለሁ ሀሰሰኖስ» ይ ኩሎከክዕኔ ላገት ተኒት» ይሰ። 45 ህከ ወክት ጠሊሉ መጻፋ ዮኖሃ ሰውይታገ ቀልብሰ ፈኛ። 46 ህትን «መሲሁ ኦርሸተ ኣኣኖ፤ ሰቅ በርንከ ሬሆች ኬኣኖ፤ 47 ህትን ቶበቱለከ ጨብ እጉሩ ይሩሳሌሚች ኬሸ ጉዕማንከ ኡመት በላን እሰ ሱዕሚን ኩለመኖ፤ የመም ከተበሞኤ። 48

እዕኑ ከን ጉዕመንከ ጠዋሃ ምስክረታን። **49** እን እኩኤ ኣሴ ተብሳሃ
ሶሃንክዕኔ፤ ጠዉ እኮጎሬ አሊች ዋልቀት ኣሰንቶህዕኔተ ኢለ ዬሩሳሌም
ከተማን አገሬ» ዬሰ። **50** ህከኒች ኤተሮን ኢሰ አሳበሰ ዬሩሳሌም ከተማች
ፋሽ «ቢታነ» ዬኖ ከተመ መሴሰ፤ ህከኔን አንገሰ ሂር ማሰዕዮሰ። **51**
ማሰአንን አሳች አደ እክ ሰማ ኦሮዕዮ። **52** እሰን እሲሃ ሰገድ ኬእ አበ
መጎዲኖን ዬሩሳሌም ከተመ ፈንቀልት **53** መገን ምኔን ጉዕመ ወክትንከ
መገኑ ገለትጭተን ሂእኢት እቅ።

ያህይ እንጂለ

1 ዋዕናሃ ላገት ሄኦ እቅ፤ ላገትስ መገንሀኔን ሄኦ እቅ፤ ህት ላገትት መገታው እቅ። **2** እስን ዋዕኔችን ኬሽ መገንሀኔን ሄዕዮ እቅ። **3** ጉዕሙርቸንኩ እሲን አሜቸ፤ እስ ዮበኢሃ መቱርቸሁ አሜቸበእ። **4** ሁኩ አሜቸንኩ እሲን ዮኡሃ ሄኦ፤ ሁኩ ሄኦንኩ መን አላተ ኑርሃን። **5** ሁኩ ኑሩንኩ ቱንሰቸን ለለኖ፤ ቱንሰቸንኩ ሆሮን ቂለኖሰበእ። **6** መቱ «ያህይ» ዬኖ መንቸ ሄዕዮ፤ እስን መገታ ሶኮሰዮ መንቸ እቅ። **7** እስ ኑርተኔሃ መስከሮተ አሜቸ፤ ህከን እስ መስከሮቲኔን ጉዕሙንኩ መቱ አመዕንታእ። **8** እስ ኑርተኔሃ መስከሮተ አሜቸኦ ቤሉ እስ ገወሰ ኑርሃበእ። **9** ሁኩ ሀንቅ ኑሩ ከ ኣዲንያ አል አሜቸ መኒሃ ጉዕሚንከ ኑር ለለሰኖ እቅ። **10** እስን ከን ኣዲንያ አሌን ሄዕዮ እቅ፤ ኩ ኣዲንያንት እሲን አሜቸሳፊሁ ከን ኣዲንያ አል መቱ እሱ ደጎሰበ እቅ። **11** እስን ገይሰ መንቤቹ አሜቸ፤ እኮጎሬ ገይሰ መቱ ቶጎሰበ እቅ። **12** ጠወ እኮጎሬ ቶጎሰረለከ ሱዕሚንከስ አመዕንቶእረ መገን አለተ ኦካ ሹምነቱ ኣሲሰ። **13** እስን መገኒቶ አለንቶኦ ቤሉ ቂጊቶ ህከረንገ ማል ሄዕላቸገ መን ሃሺኦቶን አለንቶበእ። **14** ላገትት መንቸ እኮኦ፤ እሲን ኒን ሄዕዮ፤ ነኦ እስ ኬዕምኖ ለዕኖም፤ ሁኩ ኬዕምኖንኩ ሚጦ አኒቶ አለምአሃን፤ እሲን አሰቶንለከ ሀንቄን ዊምአሃን። **15** ያህይን «ኢቶ ኤተሮን አሚተኖሁ ኢቶ በተኦሃን፤ መሰንትስ እስ ኢቶ ሄጭ ሄዕዮ» ይ ኩሎንክዕኔህ ከኒት» ይ አሰተኔሃ ላገሰ ጎት አዕይ ጠወዕዮ። **16** ነኦ ጉዕሙንኩኦ እስ አሰቶ ዊምማቶ አሰቶ አሌን ኣሰቱተ ደዕናም። **17** መገን ሕጉ መሰ ኣዲን አሰም፤ እኮጎሬ ኣሰቱተለከ ሀንቄ መሲህ አዲን አሜቸ። **18** መገታ ለዕዮሁ አይሁ ዮበኢ፤ አሁን ቤሉ መገንሀኔን ዮ ሜጣቸሰ ቤቱ ኔሳሃ ለሊሾኔ። **19** ከን ያህይሃ ምስክርነቱ፤ አይሁድ አምጎሳትን ዬሩሳሌም ቂስተለከ ሊዋወያትተ ያህይበ ሶክ «አት እዬት?» ይት ጠዕምሲሶስ ወክት **20** ያህይ «እን መሲህበእ» ይ መስከሮ ቤሉ ካጀበእ። **21** እስን «ሀካን እኮቶ አት እዬት? አልያሰትንዶ?» ይት ጠዕምቶሰ፤ እስን «እን እሶበእ» ዬሰ። እስን «አሜተኖ ዬመ ነቢዬቸሃንዶ?» ይቶሰ። እስን «እሶበእ» ዬሰ። **22** እስን «አት እዬት? ሶኩ መኒሃ ኩልኖተ ገይክተኔሃ መ ይተን?» ይቶሰ። **23** እስን ነቢዬቹ እስያስ ጠወዕዮገን እን «ቀርቶ ዋቃሃ ጌጦ አዕዬ» ዮን ኡለ ኡድማን ያረኖ መንቶተ ላገ» ዬኦ። **24** ሁኩ መንኩኩ ፈርሳዊ አዲቶ ሶህንቶእረ እቅ። **25** እስን «አት መሲህ ህከረንገ አልያሰኦ ህከረንገ ነቢዬቹ አክባቶ ሚሃት ጠመቃነቲት?» ይት ጠዕምቶሰ። **26** ያህይን ፈንቐሽ «እን ዊን ጠመቃነክዕኔ፤ ጠወ እኮጎሬ አዕኑ ደገነቡ በላንክክዕኑ ዮኡ። **27** እስ ኢቶ ኤተሮን አሜተኖ፤ ዋሉ ፈቅ እን እስ ሎከስ ጫዕመስ ወደሩ ህርተ በቀዕበሃን» ዬኦ። **28** ኩ ጉዕሙንኩ ጠወ እኮሁ ያህይ መን ጠመቀኖ ዮርዳኖስ ዊቶ አሩ ፋለኖ አዲን ሄዕዮ «ቢታንያ» ዬኖ ከተማኒት እቅ። **29** ለንክ በር ያህይ ኢስ እስቤቹ አሜተን ለዕይ «ኣዲንያ አል መነቶ ጉዕሚቶን ጩብ ከመኖ መገን ሆልቹ ሁኩዕኑን ከለዕዬ! **30** ኢቶ በተኦ መንቸ ኢቶ ኤተሮን አሜተኖ፤ መሰንትስ እስ ኢቶ ሄጭ ሄዕዮ» ዬሚሁ ሁኩዕኑን። **31** እን ገወንኩኦ እሱ ደገንሰበ እቅ፤ ጠወ እኮጎሬ እስራኤል

መኑ እሱ ደገገ እን ዊን ጠመቀን አሜቸም» ዬኦ። **32** ለንከሃ ያህይ «ጠሊሉ አያኑ ሀንደዕሬገ እክ ሰሜቶ ድር አሌስ አፋዕለን ለዕዮም። **33** ህትን እን ገወንኩኦ ደገንሰበእ እቅ፤ ጠወ እኮጎሬ እን ዊን ጠመቆተ ሶኮኤሁ «ጠሊሉ አያኑ ድርገለክ አሌስ አፋዕለን ለኣንቲሁ ጠሊሉ አያኒን ጠመቀኖሁ እሶት» ይ ኩሎኤ። **34** እንን ሀካን ለዕዮም፤ እስ መገን ቤቱ አሁስ መስከራም» ይ መስከሮ። **35** ህትን ለንክ በር ያህይ ለምንክ አሳሳን ሜጡበ ኡርዮ እቅ። **36** ያህይን ኢስ ህከን ቤቹን ህገን ለዕይ «መገን ሆልቹ!» ዬኦ። **37** ያህይ ሀካን ዮን ሞጮጭት ለመንኩ አምንታሰሩ ኢስ አምንቶኤ። **38** እስን ህከ አምንታረ ፈንቀል ለዕይ «መ ሀሴንነታት?» ዬሰ፤ እስን «ረቢ! ሀከንቤቸን ሄኣንቲት?» ይት ጠዕምቶሰ። **39** እስን «አሜቲን ሄኣም ቤቹ ለዕዬ» ዬሰ፤ እስን አሜት ሄኣኖ ቤቹ ለኦኦ፤ ህከ በር አሲን ሜጡበ ሆሉኦ፤ ሁኩ ወክቱንኩ በሬ ቶኖ ሰኣቶዮ ጌሰ እቅ። **40** ህከ ያህይ ጠወ ሞጮጭት አምንቶሁኦቶ መቱስ ሰሞን ጴጥሮሴ አመቤቱ እንድራሴት እቅ። **41** እስን ሄጭ አመስ ቤቲን ሰሞንን ደቀም «መሲህ ደንጎም» ዬሰ፤ (መሲህ ዩ ቡርሞሃ ዩሃን) **42** እንድርያሰን ሰሞኔ ኢስቤቹ አኖ አሜቸ፤ ኢስን እሱንከ ለዕይ «አት ዮንሃ ቤቱ ሰሞንት፤ አትን «ኬፈ» ዮመንታንት» ዬኦ፤ (ኬፈ ዩ ጠረገ ክኑ ዩሃን) ሁኩንን «ጠረገ መንቸ» ዩሃን። **43** ለንክ በር ኢስ ገሊለተ መሮተ ሆሾ፤ እስን ፍልጾሴን ደቀም «አምኤኤ» ዬሰ። **44** ፍልጾሴን እንድርያሰለክ ጴጥሮስ ሄኦ «ቤተ ሳይዳ» ዬኖ ከተምዮ መንቸ። **45** ፍልጾሴን ናትናኤሌን ደቀም «ሙሲ ሕጋን ህትን ነቢያክት እስተኔሃ ከተቦ ዩሱኖ ቤቱ ናከሬት ኢስ ደንጎም» ዬሰ። **46** ናትናኤልን «ናከሬት ከተማን ጡሙርቹ ደገመኖንዶ?» ዬኦ፤ ፍልጾሴን «አሜት ለኦ» ዬሰ። **47** ኢስን ናትናኤል እስቤቹ አሜተን ለዕይ «ተንኩት ዮሰበእ ሀንቄ እስራኤል መንቹ ከለዕዬ» ዬኦ፤ **48** ናትናኤልን ኢስ «ሀከኔ ደገዕኔ?» ዬሰ፤ ኢስን ፈንቐሽ «ፍልጾስ ገኡዕናንኬ ሄጭ ኦድ ሀቁቸ ፎቃን ሄኦንት ወክትንከ ደንጎኬ» ዬሰ። **49** ህከ ወክት ናትናኤል ፈንቐሽ «አስተማርቼ! አት መገኒዮ ቤቹ፤ ህትን አት እስራኤልዮ ምመ» ዬሰ። **50** ህትን ኢስ «ኦድ ሀቁቸ ፎቃን ለዕዮንኬ ይምቤቸሃ አመዕንቴኤንዶ? ከኒቶ በተኦርቹ ለኣንት። **51** ሀንቄንክ ያንክዕኔ፤ ሰሞሁ ፈንተዕያን መገን መላይክት መንቶ ቤትበ አሜተንለከ መርተን ለኤንነተ» ዬኦ።

2 ሰቅስ በሬን ገሊለ ቃናን ቦላቹ ሄዕዮ እቅ፤ ህከን ቤቹን ኢስ አመት መርየመ ሄኦ እቅ። **2** ህትን ኢስ አሳሳንከሰን ህከን ቦላቹሃ ገአም እቅ። **3** ዎይን ጠጂንኩ ህከን ቦላቹ ምንን ጎሬ ወክት ኢሲሃ አመስ «ዎይን ጠጂ ጎሬስ» ይቶሰ። **4** ኢስን «ኪን ም ዮኤ፤ ወክቱኤ አልዮበእ» ዬሴ። **5** ህከ ወክት አመስ ህከን ቤቹን ሄኦ ካዲማተ «አስ ዩኖህዕኔሃ ጉዕመንክ አዕዬ» ይቶኡ። **6** ህከንቤቹንን አይሁድ ሴር ሃሊን ነጠ እኮተ አዕልታ ዋሃ ሞሬኖ ሌሁ ክን ዛላት ሄኦ እቅ፤ እስን መት-መቱስ ለሙ-ለሙ ህከረንገ ሱሰት ኮሪ ጌሰ አፋዕረ እቅ። **7** ኢስን ህከኔ አታ ካዲማተ «ክን ሌሆንክ ዛላን ዋሃ ዊንሸዬ» ዬሰ፤ እስን ህከን ዛላን አፎስ ኢላ ዋሃ ዊንሸቶኡ። **8** ህከኒቶ ኤተሮን ኢስ «ከኒቶ አንኪልቴን ከን ድግስ አስናዳንቺሃ ኣሰዬ» ዬሰ፤ እስን መሰት ኣቶኡ። **9** ሁኩ መንቹንኩ ዎይን ጠጀ እክ ዶራሞ

ዋሃ ፊጭ ይለዕዮ ወክት ሀከንቢች አሜቸ ጎሬ ደገበእ፤ ጠው እኮጎሬ ዋስ እንኪልት ዛሌን ወርቶ ካዲመት ሀከንቢቹችት ጎሬ ደገ እቅ፤ ሀካን እኮቢቹሃ ሁኩ አስናዳንቹ እዜቹ ገለ **10** «መኑ ጉዕሙንኩ ዋዕና ጠው ወይን ጠጀ አሰና፤ ህትን መኑስ ስከሮች ኤተሮን ሂላስ አሰና፤ ጠው እኮጎሬ እት ከ ወክት ኢላ ጠውስ ወይን ጠጀ ማጠንት» ይሰ። **11** እስ ከ ዋኔስ አጀብሲሰና ጠው ገሊላ ባደን ዮ «ቃ!» ይኖቤቸን አዕዮ፤ ህት አዕይ እስ ኬዕምኝስ ለልሾ፤ ህትን አባበንት እሲን አመዕንቶእ። **12** ሀከኒች ኤተሮን ኢስ አማንተሲ፤ አመስ ኦሶንለክ አባባን ሜጠብ «ቅፍርናሆመ» ይኖ ከተመ መር ሀከኔ ቀው በር አገሮ። **13** ሻሻግ ከበጀት በሩ ሆንጠኮቤቹሃ ኢስ ይሩሰሌመ ኦሮዕዮ፤ **14** መገን ምኔን ቦተተ፤ ሆለተለክ ሀንደዕርተ ሀርታ መነለክ ህትን አፋዕልት ብረ ዶርታአረ ደገ። **15** ህከ ወክት ወደር ጮርቄተ ደጅ ጉዕመንከ መነ ሆላንተለክ ቦታንከስ መገን ምኒች ሸር ፋሼኤ፤ ብረ ዶርታሁኡ ብረ ብንአዕይ ጠራጴዛ ገለበጮ። **16** ሀንደዕርተ ሀርታአረ «ካን ከንቢቹች ከሜ፤ እንኤ ምኒ ግግድ ምኒ አቶናቹ» ይሰ። **17** ህከ ወክት አባበት «ምኒህክ ዮኤ ኢትት ገረገ ቡስቶኤ» የመም ከተበሞሃ ሰውይቶእ። **18** ህካን እኮቤቹሃ አይሁድ አምንሳኑት «እት ካን አታንት ዋልቀት ዮሃንሬ ደንጎተ መ መላተ ለሊሰኔ?» ይቻእ። **19** እሲን ፈንቀሽ «ከ ዱኤ ምኒ ድጅዬ፤ እን ሰሶ በሬን ፈንቀሽ አጃራም» ይሰ። **20** እሲን ፈንቀሽት «ኩ መገን ምኑ ሸይልኔ ለሆ ዘማኔን አጃረሞ ጎፎኤ፤ እት ህካን ሰሶ በሬን አጃርተንዶ?» ይቻሰ። **21** ጠው እኮጎሬ ኢስ «ዱኤ ምኒ» ይሉህ ገይስ ጅስመሲት እቅ። **22** ህካን እኮቤቹሃ ኢስ ሬሆች ኬዕዮች ኤተሮን አባበስ ከ ጠው ሰውይት ኢስ ጠውዕዮሃለክ ጠሊላ መጻፋን ከተበሞሃ አመዕንቶእ። **23** እስ ሻሻግ ከበጀ ወክቲን ይሩሳሌማን አዕዮ አጀብሲሰና ጠውተኔሃ ልግቡ መኑ እስ ሰዕማን አመዕንቶእ። **24** ጠው እኮጎሬ ኢስ ጉዕመንከ መነ ደገናቤቹሃ ጎደበ አሳዮሰበእ እቅ። **25** እሲን መን ቀልቤን ዮኢሃ ጉዕመንከ ደገናቤቹሃ መንተኔሃ አይሁ እሲሃ ኩሉተ ሀስሾሰበእ እቅ።

3 «ንቆድሞሴ» ይኖ መቱ መንቹ ሄዕዮ እቅ፤ እሲን ፈርሳዊ አዲች አይሁድ መኒሃ ሀለቀ እቅ። **2** ሁኩ መንቹ ኢስቤቹ ሀምሮን አሜች «ረቢ! እት መገን አዲች አሜቶንት አስተማርቹ እሁክ ደንጎም! መገኑ እሲን ሜጠብ ሄዕዮ መንቹ ቤሉ እት አታንት አጀብሲሰና ጠው አኑተ አታለናሁ አይሁ ዮበእ» ይሉ። **3** እሲን ፈንቀሽ «ሀንቅንከ ያንኬ፤ መኑ ለንኪሃ አለምባች መገን ዋምነቱ ለኑተ አታለናበእ» ይሰ። **4** ንቆድሞሴን «መኑ ባለቆች ኤተሮን ህት እክ አለሞተ አታለና? ለንኪሃ አመስ ጎደበ ፈንቀል ኣግ አለሞተ አታለናንዶ?» ይጠዕሜእ። **5** ህትን ኢስ ፈንቀሽ «ሀንቅንከ ያንኬ፤ መኑ ዊቻለክ ጠሊላ አያኒች አለምባች መገን ዋምነቱ ኣጎተ አታለናበእ። **6** መኒች አለመርሃው መንቹሃን፤ አያኒች አለመርሃው አያን። **7** «እንኪሃ አለሙ ሀስሰናህዕኔ» ይምሀን አጀብሲሰኛቶት። **8** ቦብሩ ሆሾ አደ ዋል ቦብረሰና፤ እትን ላገስ ሞጮጭታንት ቤሉ ሀከን አዲች አሜች ሀከ አደ መረኖጎሬ ደጋንትበእ፤ አያኒች አለሞሁ ህትዩንት» ይሉ። **9** ንቆድሞሴን ፈንቀሽ «ኩን ህት እክ አሆተ አታለና?» ይሉ። **10** እሲን ንቆድሞሴ «እት እስረኤል

አስተማርቹ እክ ከ ጠው ደጋንትበእንዶ? **11** ሀንቅንከ ያንኬ፤ ደንጋሚሃ ጠውዕናም፤ ህትን ለዕናሚሃ መስከርናም፤ ጠው እኮጎሬ መስከርናሚሃ ቶንነንተበእ። **12** እን ከን ኣዱንያ አል ጠው ኩላን አመዕንቲንበሩ ሰሜ ጠው ኩሎንክዕኔ ጎሬ ህት እኪን አመዕንቲን? **13** ሰሜች አሜቸህኒች ሁኩንን መንቹ ቤት ቤሉ ሰማ አሌ ዋል ኦሮዕዮሁ አይሁ ዮበእ። **14** «መሰ ኡሉ ኡድማን ዋሪቹ አሌ ዋሽ ኬሾገን ህትን መንቹ ቤቱሁ አሌ ዋል ኬኤ ሀስሰና። **15** ሁኩንን እሲን አመዕንናሁ ጉዕሙንኩ ጉዕመ ዘማኒሃ ሄእና ሄኡ ደኦታት።» (aiōnios g166) **16** «ቤቶንከስ አመዕንናህሃ ጉዕሚንከ ዘላለሚሃ ሄእና ሄኡ ሄኡስታት ቤሉ በእናበእገ መገኑ ሜጥቹስ ቤቱ እሶተ ኢላ ከን ኣዱንያ አል ህትን ኢቲእ።» (aiōnios g166) **17** መገኑ ቤቱስ ከ ኣዱንያ አል ሶኮሁ ኩ ኣዱንያት እስ አዲን ጠውምቶታት ቤሉ ፈረዶታበእ። **18** «እሶን አመዕንናህሃ ፈረደመናሰበእ፤ ጠው እኮጎሬ እሲን አመዕንበህሃ መገን ሜጥቹ ቤቶንከስ አመዕንበቤሃ ዋዕናንከ ፈረደሞስ። **19** «ፍርዱንኩስ ከኒት፤ ኑሩ ከ ኣዱንያ አል አሜቹ፤ ጠው እኮጎሬ መኑ ሆጉስ ሂላ እኮቤቹሃ ኑሪች በትሽ ቱንሰቹ ኢቲእ። **20** ሂላርቹ አእናሁ ጉዕመንኩ ኑር ግበና፤ ሂላ ሆጉስ ለልታበእ ኑርቤቹ አሜተናበእ። **21** ጠው እኮጎሬ እስ አዕዮ ጠው ሆጉት መገኒች እኩኢት አሁሴ ፈናናተ ሀንቅ ጠው አእናሁ ጉዕመንኩ ለለና ቤቹ አሜተና» ይሉ። **22** ሀከኒች ኤተሮን ኢስ አባባንተሰን ሜጠብ ይሁድ ባዶ ኦሮዕዮ፤ ህከን ቤቸን ጠመቀን አባንን ሜጠብ ቀው ጌስ ዱንኬእ። **23** ህከ ወክት ያህይ ልግቡ ውሁ ሄዕዮ «ሳሌመ» ይኖ ቤቹ መዴን «ሄናን» ይኖቤቹን ጠመቀናት እቅ፤ ህከ ቤቹ መኑ አሜተን ጠመቀመናት እቅ። **24** ያህይ ህከ ወክት ኡሱር ምኒ ኣጎበእ እቅ። **25** ያህይ አምናለክ መቶ አይሁድ መንቹ በላን ሴርሰ ሃሊን ነጠ አህተኔሃ ኦደት ኬኡ። **26** ያህይ አምናኑት ሆንጠክ «አስተማርኹ! ዮርዳኖስ ዊ ዉድ አዲን ኪን ሜጠብ ሄዕዮአቂሁ እት አስተኔሃ መስከርቶንቲሁ ጠመቀናት፤ ህትን መኑ ጉዕሙንኩ እስበ መረናት» ይት ኩልቶሰ። **27** ያህይን «ሰሜች አስምባች ሀኩ መንቹሁ መቱርቹሃ ኣኑተ አታለናበእ። **28** «እን እሲች ሄኖጮ ሶህሞም ቤሉ እን መሲህበእ» ይ ኩሎንክዕኔን አዕኑ ገዊንኩክዕኔን ምስክርሃን። **29** እዜቹት ዮሲሁ እዜቹሃን፤ ጠው እኮጎሬ እዜች ጃሉ እዜች መዴን ኡር ላገስ ሞጮጬን መንደእና፤ ህትን እን ቲሱ ዊመ መንደኢት ደእዮም። **30** እን እሲች ሆፈኢን እሲን ኢች በተኢን መሩ ሀስሰናሰ» ይሉ። **31** አሊች አሜተናሁ እስ ጉዕሚችን ሎረሃን፤ ከን ኡላች አህናሁ ጉዕመንኩ ኡላሃን፤ ከን ኡሉ አል ጠው ጠውእና፤ ሰሜች አሜተናሁ እስ ጉዕሚችን ሎረሃን። **32** እስ ለዕዮሃለክ ሞጮጬሃሉ መስከረና፤ ጠው እኮጎሬ እስ መስከርሃ አይሁ ቶንናበእ። **33** እስ መስከርሃ ቶንናሁ መገኑ ሀንቅ አሁስ ደገን ቶንአሃን። **34** መስገትስ መገኑ ሶኮሲሁ መገን ላገተ ጠውእናቤቹሃ ጠሊላ አያነስ በትሽ አሰናሰ። **35** እኑ ቤቱስ ኢተናቤቹሃ ጉዕመርቹንከ እንገስ ህግሽ አሰናሰ። **36** መገን ቤቶን አመዕንናሁ ጉዕሙንኩ ዘላለሚሃ ሄእና ሄኡ ደእና፤ መገን ቤቶን አመዕንበህሃ አሌን መገን ኡሙዕርት ኣካ ቤሉ ዘላለሚሃ ሄእና ሄኡ ደእናበእ።» (aiōnios g166)

4 ህከ ወክት ኢሳ ኦሳበስ ያህይ አዎናኖች በተገለለገ ልግብ መነ ኢስ
 ጠመቀኖገ ፈርሳውት ሞጮጩስ ኢስ ደጎ ወክት ይሁድ ባዱ አጉር
 ለንኪሃ ገሊላተ ኦሮዕዮ፤ ጠው እኮጎሬ ኢስ ኦሳበት ጠመቃኢት ቤሉ ኢስ
 ገዉስ ጠመቆበኡ። **4** ህከ ቤቹ መረገ ሰማር ባዱን ህጉ ሀሰሾስ እቅ። **5**
 ህካን እኮቤቺሃ ያቁብ ቤትሀስ ዩሱፊሃ ኦሴ ኡለ መዴን ሰማር ባዱን ሄዕዮ
 «እካረ» ዬዮ ሰማር ከተመ አሜቶ። **6** ህከን ቤቶን ያቁብ ዊ ኤሎሁ ሄዕዮ
 እቅ፤ ኢስ ዋቀሃ ሃም ሆጎቢቺሃ ህከን ኤሌ መዴን ኦፋዕሌኤ፤ ወክቱስን
 ሌሁ ሳት እኮ እቅ። **7** ህከ ወክት መት ሰማር ባድ መንቹት ዋሃ እንኪልቶት
 አሜቶኡ፤ ኢስን ህተ መንቹት «ዊች አግሴኤ» ዬሴ። **8** ኦሳበስ አቸተ
 ሀዕርቶት ከተመ መርቶ እቅ። **9** ህት መንቹንት ፈንቀሽት «እት አይሁድቹ
 እክ ኤሳሃ ሰማር ባዱተ ህት «ዊች አግሴኤ» ይት ጠዕምታንቴኤት?» ይቶስ፤
 ህት ይቶኤንኩ አይሁድ መኑ ሰማር መኒን ቶቀንታበኤቺሃት። **10** ኢስን
 «መገን አስቱተለክ «ዊች አግሴኤ» ያኖሄህ እዬት ጎሬ ደጎንት እቀ እት እሱ
 ኡጭታንትስ እቅ፤ እስገን ህትን ሄለ ዋሃ አሰኖሄ እቅ» ዬሴ። **11** መንቹንት
 ፈንቀሽት «ቀርቼ! ኬሳሃ እንኪልታንቴንኩ ዮሃበኤ፤ ህትን ኤሎንኩስ ሂለ
 ጌስ ጥዕላሸሃን፤ ከ ሄለ ዋሃ ህከንቤቼች ኤበገ። **12** ሀንቅንክ እት ከ ዊ
 ኤሎ አሴኔ እኒቼኔ ያቁቢች በተገንደ? አስ፤ ኦሱሰለክ ግዙስ ከን ኤሌ
 ዊች አጎኤ» ይቶኡ። **13** ህትን ኢስ «ከን ዊች አገኖሁ ጉዕሙንኩ ለንኪሃ
 ሰገበናሰ። **14** ጠው እኮጎሬ እን ኦሳም ዊች አገኖሁ ጉዕሙንኩ ሆርን
 ሰገበናበኤ፤ መሰንትስ ኦሳም ውሁ አስ ኣዜን ዘላለም ሄለኖ ሄኤ ቡቃ ዊ
 ቡቁት እሀኖ» ዬሴ። (aiōn g165, aiōnios g166) **15** መንቹንት «ቀርቼ! ከኒች
 ኤተሪሃ ሰገበበኤገለክ ህትን ከቤቸንክ ዋሃ እንኪሎተ አሜትበገ ህከ ዋሃ
 ኣሴኤ» ይቶኡ። **16** ኢስን መንቹት «መርት ምንክ እን እፍ ከቤቺ አም»
 ዬሴ። **17** እስን «ምኒ ኦት ዮኤበኤ» እስን «ምኒ ኦት ዮኤበኤ ይቶንቲሁ
 ሀንቅሃን። **18** ጠው እኮጎሬ ኦንቱ ምኒ ኦት ሄዕዮሄ እቅ፤ ህትን ቲሁ ኪን
 ዮኢሁ ምኒክሃ መንቹበኤ፤ ህካን እኮቤቺሃ ሀንቅ ጠውኦንት» ዬሴ። **19**
 መንቹንት «ቀርቼ! እት ራጋንቹ እኮንትገ ቲ ደጎም። **20** ኦናክክዕኔ ተን ቆታን
 ሰገዶኤ፤ ጠው እኮጎሬ እዕት አይሁዱ «መኑ መገኒሃ ሰገዱ ሀሰሰናሁ
 ዬራሳሌማኒት» ይቲንገት» ይቶኡ። **21** ህትን ኢስ «ቴ መንቹ! እን መገኒሃ
 ሰገዴንገተ ተን ቆት ኦሌን ህከረገን ዬራሳሌማን እሀናበኤ ወክቱ አሜተኖገ
 አመዕኔኤ። **22** እዕት ሰማር ባድ መኑ ደጌንበሀኒሃ ሰገዴንገተ፤ ጠው እኮጎሬ
 ኒኤ ጡሙ አሜተኖህ አይሁዱች እኮቤቺሃ ደንጋም መገኒሃ ሰገንዳም።
23 ህትን ሀንቁን ሰገደኡኤ እን መገኒሃ ዊመ እያንገለክ ሀንቁን ሰገዱ ወክቱ
 አሜተኖ፤ ወክቱንኩስ ከኒት፤ እት መገንኩሁ ሀሰናሁ ህት ሰገደኡሬት።
24 መገኑ እያነሃን፤ ሰገደኡኤ እያንገለክ ሀንቁን ሰገዱ ሀሰሰናሰ» ዬሴ።
25 መንቹንት ««መሲህ» የመመናሁ አሜተኖገ ደንጋም፤ እስ አሜቶ ወክት
 ጉዕመርቹንክ ኩሉኤ» ይቶኡ። **26** ኢስ «ቴሱ ጠውኣንኬሁ እን እሶት»
 ዬሴ። **27** ህከ ወክት ኦሳበስ መርቶ ኦዲች አሜቶኡ፤ እስን ኢስ መንቹን
 ጠውእን ለእ እበ አጀብሰጭቶኡ፤ ጠው እኮጎሬ «መ ሀሰንት? ህከረገን
 እሴን ሚሃ ጠውኣንት?» ይ ጠዕሜሲሁ እዬሁ ዮበኡ። **28** ህከ ወክት
 መንቹት ዊ ኩሩ ህከን ቤቹን አጉርት ከተመ መርት መኒሃ **29** «አሜ! እን

አዕዮም ጠው ጉዕመንክ ኩሎኤ መንቹ ለዕዬ፤ አይደጎ እስ መሲህት
 ጎር?» ይት ኩልቶኡ። **30** መኑንኩ ከተሚች ፋል እስበ መረኖት እቅ። **31**
 ህከ ወክትንክ እሳ «እስበስ እስተማርቼ! እቸተ እት» ይት ኡጭቶስ። **32**
 ጠው እኮጎሬ ኢስ ኦሳሃ «እዕት ደጌንቡ እን እታም እቸት ዮኤ» ዬሴ። **33**
 ኦሳበስ ገገውንኩስን «መኑ እቸተ ኤበሰጎሬ?» የቀንቶኡ። **34** ኢስን ፈንቀሽ
 «ኢ እቸት ሶኮኤህን ቀልብስ ጠው ዊንሾሃለክ ሆጉስ ሹል አኤሃን። **35**
 እዕት «ምዴና ወክቱ ኢሎተ ሾሎ አገኑ ፈቆኤ» ይቲንታበኤንደ? እኮጎሬ እን
 እልክዕኔ ኤሌ ዋሽቴን ውጠተ ምዴናገ ሆንጠሁስ ለእዬ ያንክዕኔ። **36**
 ምዴናሁ ሆጎስ ሁንክ ኣእኖ፤ ዘላለሚሃ ሄኤ እሀኖ ላልቹ ጭምእኣኖ፤
 ህካን እኮቤቺሃ ዊጠናሁለክ ምዴናሁ ሜጡብ መንገደኣኡ። (aiōnios g166)
37 «መቱ ውጠና፤ ዋሉስገን ምዴና የመሞሁ ሀንቅ እሀኖ። **38** እንን እዕት
 ኦርጨቀንቲንታበኤሃ ምዴናተ ሶኮንክዕኔ፤ ዋሉ መኑ ህከን ሆጎን አበ
 ሆንኡ፤ እስ ሁንኪን እዕት ደግለሸቀንቲንታኦ» ዬሴ። **39** ህት መንቹንት
 «እዕዮም ጠው ጉዕመንክ ኩሎኤ» ይት መሰከርቶ ጠው ሞጮጭቶ
 ህከን ከተማን ሄኤ ልግቡ ሰማር ባድ መኑ እስን አመዕንቶኡ። **40** ሁኩ
 መኑንኩ ኢስበ አሜቶ ወክት እስቤቹን ኦፋዕሎተ ኡጭቶስ፤ እስን ለሙ
 በር ህከን ቤቹን አገር። **41** እስ ጠዕዕዮ ጠውቴሃ ዋሉ ልግቡ መኑሁ
 እስን አመዕንቶኡ። **42** እስን መንቹት «ጎኤ ቴሱ እሱ አመዕንናሚሁ እት
 ኩልቶንትኔቤቺሃ እሁዕን ነኤ ገውንኩኔ እስች ሞጮጭኖምቤቺሃተለክ እስ
 ሀንቅንክ ከን ኣዲንያ አሊሃ ጡምሳንቹ እሁስ ደንጎምቤቺሃት» ይቶኡ።
43 ኢስ ሰማር ባዱን ለሙ በር ዲንኬኢች ኤተርን ገሊላ ባዱ ኦሮዕዮ። **44**
 ኢስ «ጎብዬቹ ገይስ ባዱን ከበጀመናበኤ» ይ ጠዕዕዮ እቅ። **45** ጠው
 እኮጎሬ እስ ገሊላ ባዱ አሜቶ ወክት መኑ ጡሙ ሃሊን ቶጎስ፤ መሰንትስ
 እስን ሻሽግ ከበጀተ ከበጀቶተ ዬራሳሌመ መርቶ ወክት እስ ህከደኡ እዕዮ
 ጠው ጉዕመንክ ለኦ እቅ። **46** ህከኒች ኤተርን ኢስ ዋሃ ዋይን ጠጀ እዕዮ
 ገሊላ ባዱን ሄዕዮ «ቃ!» ዬናቤቹ ለንኪሃ መሮ፤ ህከ ወክት ቅፍርናሆማን
 ቤቱስ ጥዞ መቱ ዋም ምኒ ሹሙ ሄዕዮ እቅ። **47** እስን ኢስ ይሁድ ባዱች
 ገሊላ ባዱ አሜቱስ ሞጮጭ ኢስበ ኦሮዕዮ፤ ሬሀኖ ጌስ ጥዞ ቤቱስ
 ቅፍርናሆመ መር ፈይሶስተ ኢስ ኡጩስ። **48** ኢስን «እዕት መላተለክ
 አጀብሰሰናርቹ ለኤንባቶ አመዕንቲንተበኤ» ዬሴ። **49** ሁኩ ሹመንኩ
 «ቀርቼ! ቤቱኤ ሬሁዕናን ኢንን ደዕልት ኬኤ» ዬሴ። **50** ኢስን «ምንክ ኦርኤ፤
 ቤቱክ ፈየኖ» ዬሴ፤ መንቹንኩ ኢስ ዬኢሃ አመዕን ምንስ ኦሮዕዮ። **51**
 እስን ምንስ መረገን ዋቂ ኣሌን ሄዕዮገን ካዲመስ ደቀንት «ቤቱክ ፈየኖኡ»
 ይቶኡ። **52** መንቹንኩ ቤቱስ ፈየኤሁ ሄንክ ሳኔቲን እኮጎር ጠዕሜስ፤ እስን
 «ደሙምት አጉርቶሲሁ ቤሬተ ለመለ ሳኔቲን» ይቶኡ። **53** ጩልስ እኩንኩ
 ኢስ «ቤቱክ ፈየኖ» ዬ ወክቱን እሁስ ደጎ፤ ህካን እኮቤቺሃ ሁኩ መንቹለክ
 ምንስ አበርሱ ኣሳን አመዕንቶኡ። **54** ሁኩ አጀብሰሰና ጠው ኢስ ይሁድ
 ባዱች ገሊላ ባዱ አሜቶ ወክት እዕዮ ለንኪሃ አጀብሰሰናሃ ጠው።

5 ህከኒች ኤተርን አይሁድ ከበጀተ ከበጀኖ ወክቱ ኢሌቤቺሃ ኢስ
 ዬራሳሌመ ኦሮዕዮ። **2** ዬራሳሌማን ሆለ ኡር መዴን ለብራዊ መን እፎን
 «ቤተ ሳይዳ» ዬናቤቹን መት ቡቁት ሄኤ እቅ፤ ህከኔን ኣጌኖ ኦንት ጎልጌ

ኢሩት ሄኦ እቅ። 3 ህከንቤቸንን ልግቡ ጥዛናመተ፡ ቆቃተ፡ ድናተለከ ሩፋት ህከን ህጌና ኦጎቴ ጎልጌ ኡሮን ኦሰለ ውሁ ለንቁቀናግ አገርታኢት እቅ። 4 መት-መቱ ወክት ቀርቶ መለይኬቹ ድር ህከ ዋሃ ለንቁቀናግ እቅ፤ ሁኩን ለንቁቁኢት ኤተሮን ሄዎ፤ ህከ ዋ ኣዝ ኣጎ መንቹ ዮሰ ጥዛናች ፈረዮ እቅ። 5 ህከንቤቸንን ሰጅኔ ህዜቱ ዘማን ጥዞ ጥዛናው ሄዕዮ እቅ። 6 ኢሰን ሁኩ መንቹ ህከኔ ኦሰዕዮሃ ለዕይ ልግብያ ዘማኒች ኬሸ ጥዞ ኢሁሰ ደግ «ፈይቶተ ሀሰንንዶ?» ይ ጠዕሜሰ። 7 ሁኩ ጥዛናውንኩ «ቀርቼ! ውሁ ለንቁቁ ወክት ኤሳሃ መሰ ህከን ዋን ኣግሰኖኤ መት ዮኤበኢ፤ ኣን መሮተ ኢህንን ዋሉ መት ኤሳሃ ሄዎ፤ ኣገኖ» ይሉ። 8 ኢሰን «ኬኢ! ኦሰኣንት ዳሰክ እጅት ኦርኤ» ይሉ። 9 ሁኩ መንቹ ወክትንከሰ ፈይ ዳሰስ እጅ ኦርዕዮ፤ ሁኩንን ኣኮሁ ፎሎጭ በሬኦት እቅ። 10 ህከን ኣኮቤቺሃ አይሁድ ኣዋንሳት ህከን ጥዛናች ፈይ መንቹን ደቀንት «ከበር ፎሎጭኖ በር ኣኮቤቺሃ ኦሰኣንት ዳሰ እጁ ሕጉ ፈቀደኖህበኢ» ይቀሰ። 11 ጠው ኣኮጎሬ ኢሰ «ኤሳሃ ፈይሾ መንቹ «ዳሰክ እጅት ኦርኤ» ይሉ» ይ ፈንቀሼሰ። 12 ኢሰን «ዳሰክ እጅት ኦርኤ ይሄ መንቹ እዩት?» ይት ጠዕምቶሰ። 13 ህከን ቤቸን መት በተዕዮቤቺሃለከ ኢሰ ህከንቤቸች ዋላቤቹ ኦርዮቤቺሃ ሁኩ መንቹ ፈይሾሲሁ እዩት ጎር ደባሰክ እቅ። 14 ህከኒች ኤተሮን ኢሰ ህከን መንቹን መገን ምንን ደቀም «ቴሱ ፈይቶንት፤ ከኒች ኤተሮን ባሰናርቹ አደኖህበኢ ጩብ ኣቶት» ይሉ። 15 ሁኩ መንቹንኩ ፈይሾሲሁ ኢሰ ኢሁሰ መር አይሁድ ሹማተ ኩሎሰ። 16 ህትኔ ጠው ኣበ በሬን ኣዕዮቤቺሃ አይሁድ ሹመት ኢሰ ሂላ ጠዊን ሆችታሲት እቅ። 17 ጠው ኣኮጎሬ ኢሰ «ኣኩኤ ጉዕመረን ኣእናት፤ ህትን ኣኒሁ ኣእማት» ይ ፈንቀሼሰ። 18 ኢሰ ህት ዩሰ አይሁድ ኣዋንሳት ኣሉ ሸቶተ ኣበ ኬሰንሴሰ፤ መሰንትሰ ኢሰ ኣበ በሬን ጠለዕል ሆጉተ ኣኤ ኢሁዕነ «መገኑ ኣናኤ» ዮን ገዉስ መገኒን ቅጥ ኣዕዮቤቺሃት። 19 ኢሰን ፈንቀሸ «ህንቅንከ ያንክዕኔ፤ ኣኩ ኣኣን ለዕዮሃ ኣኢ ቤሉ ቤቱ ገይንከሰ መቱርቹሃ ኣእናበኢ፤ ኣኩ ኣእናሃ ቤቱሁ ህትን ኣሰገን ኣእኖ። 20 መሰንትሰ ኣኩ ቤቱሰ ኢተኖ፤ ህትን ኣእናሃ ጉዕመንከ ኣሲሃ ለሊሰኖ፤ ኣዕነን ኣጅብሲጭቶናት ከኒች በተኣኖሃ ለሊሰኖሰ። 21 ኣኩ ሬሆች ኬሸ ሄኦ ኣሰናሰገን ቤቱሁ ህትን ኣሶተ ሆሾ መኒሃ ሄኦ ኣሰኖ። 22 ኣኩ ኣዩ ኣሌኒ ፈረደኖበኢ፤ ጠው ኣኮጎሬ ፈረዶተ ኣታሉና ዋልቀተ ጉዕመንከ ቤቲሃ ኣሰዮሰ። 23 ካን ኣዕዮሁ መት ጉዕመንኩ ኣነ ኬዕምሰኖገን ቤቱሃ ኬዕምሶታት፤ ቤቱ ኬዕምሰባሁ ሶኮሰ ኣነሃ ኬዕምሰኖበኢ። 24 «ህንቅንከ ያንክዕኔ፤ ላገኦ ሞጮጩኖህኒሃለከ ሶኮኤሃ ኣመዕነኖህኒሃ ዘላለሚሃ ሄኦኖ ሄኦ ኣእናሰ፤ ኢሰ ሬሆች ሄኦን ህጎ ቤሉ ፈረደመኖሰበኢ። (aiōnios g166) 25 ህንቅንከ ያንክዕኔ፤ ሬቶኣሩ መገን ቤት ላገተ ሞጮጭታ ወክቱ ኣሚተኖ፤ ወክቱንኩስ ከኒት፤ ሞጮጭታኣሩ ፎልን ሄኦኢ። 26 መሰንትሰ ኣኩ ሄኦ ቡቁተ ኣኩገን ቤቱሁ ሄኦ ቡቁተ ኢሆኖገ ኣዕዮሰ። 27 ህትን ኣኩ ዋመ ዋልቀተ ኣሴስ ቤቱሰ ኢሰን መንቹ ቤቱ የመመሮሁ ፍርድ ፈረዶተ ሹማቱ ኣሰዮሰ። 28 ከኒን ኣጅብሲጭቶናቹ፤ ሎድ ኣዜን ሃኣኦሩ ኢሰ ላገተ ሞጮጭት ሎዲች ፋልታ ወክቱ ኣሚተኖ። 29 ጡመ ሆጉተ ኣቶኣሩ ሬሆች ኬኢ ፎሊን ሄኦኢ፤ ጠው ኣኮጎሬ ሂላ ሆጉተ ኣቶኣሩ ሬሆች ኬኢን ኣሌሰ ፈረደመኖሰ» ይሉ። 30

ህትን ኢሰ «ኣን ገይኦ ዋልቃን መቱርቹሃ ኣኣተ ኣታላምበኢ፤ ጠው ኣኮጎሬ ኣኒችኤ ሞጮጩኖሃ ፈረደም፤ ሶኮኤህን ሃሽኣቶ ቤሉ ገይኤ ሃሽኣቶተ ዊንሻምበኢቤቺሃ ፍርዱኢ ህንቅሃን። 31 «ኣን ገይኢትኔ መሰከርም ጎሬ ምሰክሩሰ ህንቅ ኢሁሰ ለሊኖበኢ። 32 ጠው ኣኮጎሬ ኣኒትኔሃ መሰከርኖሁ ዋሉ ዮኤ፤ ኢሰን ኣኒትኔ መሰከርኖ ምሰክሩ ህንቅ ኢሁሰ ደጋም። 33 ኣዕኑ ያህይቤቹ ሶቀማት ሶኬንታኦ እቅ፤ ኢሰን ህንቅትኔሃ ኩሎህዕኔ። 34 ኣን መን ምሰክር ቶጉ ሀሰሰኖኤበኢ እቅ፤ ጠው ኣኮጎሬ ኣዕኑ ጡምቶናተ ይ ከ ጠው ያም። 35 ያህይ ቡብኖላከ ለሊሰኖ ኩራዝጋት፤ ኣዕኑ ቀዋ ወክቲሃ ኣሰ ኑሬን መንገደኤንገተ። 36 ጠው ኣኮጎሬ ኤሳሃ ያህይቹ በተኣኖ ምሰክሩ ዮኤ፤ ሁኩንን ሹል ኣኣተ ኣኩኤ ኣሰዮኤተ ሆጉ፤ ሁኩ ኣን ኣኣም ሆጉት ኣኩኤ ኤሳሃ ሶሁሰ ለሊሳኣተ። 37 ኤሳሃ ሶኮ ኣኩኤ ገዉንኩሰ ኣኒትኔ መሰከርኖ፤ ኣኮጎሬሁ ኣዕኑ ላገሊ ሞጮጭቲንታበኢ፤ ህትን ገዉሲ ለኣንታበኢ። 38 ኣሰ ሶኮህኒን ኣመዕንቲንተበኢቤቺሃ ኣሰ ላገት ክዕኔቤቺሃ ሄኦበኢ። 39 ኣዕኑ ዘላለሚ ሄኦ ጠለሊ መጻፋች ደዕቲንታህ ኣጉጃንክዕኔ ኣሰተ መረመርቲንታት፤ ኣሳሁ ኣኒትኔ መሰከርታኣራን። (aiōnios g166) 40 ኣኮጎሬሁ ኣዕኑ ሄኦ ደዕቶናተ ኢቤቹ ኣሚቱ ግበንታኢ። 41 «ኣን መት ኬዕምሶኤተ ሀሳምበኢ። 42 ኣኮጎሬሁ ክዕኔኤ ቀልቤን መገን ኣተት ዮበኢሃ ኢሁሰ ደጎም። 43 ኣን ኣንኤ ሱዕሚን ኣሚሻምጎሬሁ ቶጌንታኤበኢ፤ ጠው ኣኮጎሬ ዋሉሰ ገይሰ ሱዕሚን ኣሚሻን ቶጌንተሰ። 44 ኣዕኑ መት-መቱክዕኔ ኬዕምሴንተሩላከ ሚጡሞ መገኒች ኬዕምኖ ሀሴንበሩ ህት ኣኬን ኣን ኣመዕንቶናተ ኣታልቲን? 45 ኣን ኣንኤ ብሬን ኦዳሚሃ ኣጉዳንከህዕኔ፤ ኦደኖህዕኔሁ ኣዕኑ ተበሳ ኣቲንተ መሳት። 46 ኣዕኑ መሰ ኣመዕንቲንተ ኣቃ ኤሳሁ ኣመዕንቲንተ እቅ፤ መሰንትሰ ኣሰ ኣኒትኔ ከተቦኡ። 47 ኣሰ ከተቦሃ ኣመዕንቲንታኣ ኢ ላጋን ህት ኣኬን ኣመዕንቶናተ ኣታልቲን?» ይሉ።

6 ህከኒች ኤተሮን ኢሰ «ጥባርሰ ህከረንገ ገሊሊ» ይኖ ባር ዉድ ኣደ ቶሎ። 2 ኢሰ ጥዛናመተ ፈይሻን ኣጅብሲሰኖ ጠው ለኦ ልግቡ መት ኣዋንቶሰ። 3 ኢሰ ቆተ ኣል ፋል ኣሳባንተሰን ሚጡቡ ኣፋዕሌኢ። 4 አይሁድ ሻሽግ ከበጃቱ ሆንጠኮ እቅ። 5 ህከ ወክት ኢሰ ልግቡ መት ኣሰበ ኣሚተን ለዕይ ኣልሰ ኣሌ ዋሽ ፍልጾሴ «ካን ጉዕማንከ መኒሃ ኣታ ኣቸተ ህከን ኣዲች ሀዕርኖተ ኣታልናም?» ይሉ። 6 ኢሰ ህት ይኤሁ ፍልጾሰ የኖሃ ለኦታት ቤሉ ኣሰ ኣኩ ሀሰሰኖሲሃ ገዉንኩሰ ደገኖ እቅ። 7 ፍልጾሰን «መት-መትሀሰ ቀዉ ቀዉ ኣልሲሃ ለሚ ጥቤ ዲናር ኣቸቲ ኣካሰበኢ» ይሉ። 8 ኣሳባች መቱ ሰምን ጴጥርሴ ኣመቤቱ ኣንድርያሰ 9 «ከኔ ኦንቶ ሶኢ ጣብተለከ ለም ቁርጩሜተ ኣፎ መቱ ጩሉ ዮኤ፤ ጠው ኣኮጎሬ ኩን ከን ጉዕማንከ መኒሃ ህት ኣክ ኣሆኖ?» ይሉ። 10 ኢሰን «መት ኣፋዕሊኖገ ኣዕዩ» ይሉ፤ ህከን ቤቸን ልግቡ ህጥት ሄኦ እቅ፤ ኦንቶ ኩሜ ጌሱ ጎኑ ህከኔ ኣፋዕልዮ እቅ። 11 ህከኒች ኤተሮን ጣብተ ኬሽ መገኑ ገላትጭ ኣፋዕሌ መኒሃ ኣሴኢ፤ ህትን ቁርጩሜተ ጉዕማንከሰ ሀሰሰኖሰ ጌሰ ኣሴኢ። 12 ጉዕመንኩ ኣት ዱቦች ኤተሮን ኢሰ ኣሳባተሰ «መቱርቹሁ ፈቀዕናን ፈቆ ፋርፋሩ መጤን ጭምሰዕዩ» ይሉ። 13 ኣሰን

እንቶ ሶእ ጣብቲች መኑ እች ዱባን ፈቆ ፋርፋሩ ቶነ ለሙ መሰብ ዊመ ኬሶኡ። 14 መኑንኩ እስ አዕዮ እጀብሲሰና ጠወ ለኦ ወክት «ሀንቅንከ ኩን ኣዲንያ አል አሜተኖሃ ነቢዬቹ» ይቶኡ። 15 እኩጎሬ ሁኩ መኑ ዋመ አቶተ ሰውይታን ደግ እስ ሜጥህሰ ቆተ አል ዋል አሳች ገበጭ ዬሉ። 16 ሀዋሬ ወክት አሳበሰ ገሊል ባር ቤቹ ድርቶኡ። 17 እሰን ጀልባን ኣግ ቅፍርናሆመ መርቶተ ኬኦኡ፤ ሁኩ ወክቱ ኡለት ቱንሰቸሃ እቅ፤ ህትን እስ እሰበ አሜቸበኦ እቅ። 18 ቦብሩ አበ ቦብርሰናቤቺሃ ባሩ ሌንቁቁናት እቅ። 19 አሳበንት ኣንቱ ህከረንገ ሌሁ ኪሎ ሜትረ ባር አሌን ሃንቶኢች ኤተሮን እስ ባር አሌን ሃመን ህከ ጀልብ ቤቹ ሆንጠኩ ወክት ለኦ ዋጅቶኡ። 20 ጠወ እኩጎሬ እስ «ኣኔት! ዋጅቶናቹ» ዬሰ። 21 እሰን ሙንዲኖን ጀልብ ኣዛ ኣገሰሰ፤ ጀልብንኩ ወክትንከስ እስ መርታቤቹ ኢልሾሰ። 22 ለንክ በር ባር ዉድ አዲን ፈቆ መኑ ባር አሌን ጠለዕል መቱ ጀልቡ ፈቆገ ለኦ እቅ፤ ህትን ሜጠሃስ አሳበት መሩሰለክ እስ እሳን ሜጠብ መርከባን ኣትዕነ ፈቁስ ደን እቅ። 23 ጠወ እኩጎሬ ዋሉ መርከቡ ጥባርስ ከተሚች ኬዕይ እስ መገኑ ገለትጨኦለክ ኡመቱ ጣብተ እቶ ቤቹ መድሰ አሜቶኡ። 24 ሁኩ መኑንኩ እስ ህከረንገ እስ አሳበት ህከን ቤቹን ሄኡ ሆኑሰ ለኦ ወክት ህከን መርከባን ኣግ እስ ሀሰተ ቅፍርናሆመ መርቶኡ። 25 ባር ዉድ አዲን ደጎስ ወክት «እስተማርቺ! መ ወክት ከቤቹ ኢልት?» ይቶሰ። 26 እሰን ፈንቀሽ «ሀንቅንከ ያንክዕኔ፤ እዕኑ ኤሳሃ ሀሴንንታሁ ጣቢተ እትሾንክዕኔቤቺሃትላክ ዱቤንተቤቺሃት ቤሉ ኣን ለሊሾንክዕኔ እጀብሲሰና ጠውሃበኡ። 27 መንች ቤቱ ኣሰናህዕኔ ዘላለሚሃ ሄኦ ሄኦ እቻተ አዕዬ ቤሉ በኦ እቻተ አቶናቹ፤ እሰን ኣኑ መገኑ ቤቲህስ አዕዮ ሀንቅተ መላ» ዬሰ። (aïōnios g166) 28 ሁኩ መኑንኩ «መገን ሆኑተ አዕናተ መ ኣኡ ሀስሰና?» ይቶሰ። 29 እሰን ፈንቀሽ «መገን ሆኑት መገኑ ሶኮህኒን አመዕኑሃን» ዬሉ። 30 እሰን ፈንቀሽት «ነኡ ለኣን ኪን አመዕንኖተ መ መላተ አሰተን? ህትን መ ኣተን? 31 ለቶተ ሰሜች እቸተ ኣሴኦ» የመም ከተበጠገን ኣናከኔ ኡለ ኡድማን «መና ዬኖ እቸተ እቶኡ» ይቶሰ። 32 እስ «ሀንቅንከ ያንክዕኔ፤ ሰሜች እቸተ ኣሰናሁ ሙሳበኦ፤ ጠወ እኩጎሬ ሀንቅ እቸተ ሰሜች ኣሰናህዕኔህ ኣናኤ። 33 መስንትስ መገኑ ኣሰና እቸተ ሰሜች ድርታኦተለክ ኣዲንያ አሊሃ ሄኡ ኣሰታኦታን» ዬሰ። 34 እሰን «ቀርቺ! ከ እቸተ ጉዕመ ወክትንከ ኣሰኔ» ይቶሰ። 35 እሰን ፈንቀሽ «ሄኦ እቸተ ኣኔት፤ ኢቤቹ አሜተናሁ ሆሮን ጎሩ አፈሰሰበኦ፤ ኢን አመዕነናሁ ሆሮን ሰገበናበኡ። 36 ጠወ እኩጎሬ «አዕኑ ኤሳሃ ለኣን አመዕንቱንታበኡ» ይንክዕኔ። 37 ኣኑኤ ኣሰናኤሁ ጉዕመንኩ ኢቤቹ አሜተና፤ ኣንን ኢቤቹ አሜተናሃ ጉዕመንከ ኣብል ዋሽ ቶቻንሰበኡ። 38 ኣን ሰሜች አሜቸሚሁ ሶኮኤህን ሃሽኣቱተ ዊንሾታት ቤሉ ገይኤ ሃሽኣቱተ ዊንሾታበኡ። 39 ሶኮኤህን ሃሽኣቱት ኣሴኤ መኒች መቱሃ ቤሱዕናን ቂያመ በር ሬሆች ኪሰታት። 40 እንኤ ሃሽኣቱት ቤቱስ ለዕይ እሰን አመዕነናሁ ጉዕመንኩ ዘላለሚሃ ሄኦና ሄኡ ደኦታት፤ ኣንን ቂያመ በር ሬሆች ኬሳንሰ» ዬሉ። (aïōnios g166) 41 እስ «ሰሜች ድርቶ እቸተ ኣኔት» ዬቤቺሃ አይሁዱ እስ አሌን ቁንቁቶኡ። 42 እሰን «ኩን ነኡ ኣነሰለክ አመሰ ደንጋም ዩሱፍሃ ቤቱ ኢሳበኣንዶ? እስ ህት ሓን

ሰሜች ድርዮምሃን? የኖት?» ይቶኡ። 43 እሰን ፈንቀሽ «መት-መቱክዕኔ ቁንቁቶናቹ። 44 ኤሳሃ ሶኮ ኣኑኤ ኢ አይ ኤቦህን ቤሉ ኣይሁ ኢቤቹ አሜቶተ ኣታለናበኦ፤ ኢቤቹ አሜተናሃ ኣንን ቂያመ በር ሬሆች ኬሳንሰ። 45 ነቢያካ መጻፋን ጉዕመንኩስ መገኒች ተማርቶረ ኣካኦ» የመም ከተበጠጡ፤ ህካን ኣኮቤቺሃ መገኒች ዋጮጮኤሊህለክ ተማርሁ ጉዕመንኩ ኢቤቹ አሜተና። 46 ጠወ እኩጎሬ ኣነ ለዕዮሁ ኣይሁ የበኦ፤ መገን ኣዲች ኣኮሁ ጠለዕሉ ኣነ ለዕዮሃን። 47 ሀንቅንከ ያንክዕኔ፤ ኣን አመዕነናህኒሃ ዘላለሚሃ ጉዕመንከ ሄኦና ሄኡ ዮሰ። (aïōnios g166) 48 ሄኦ እቸተ ኣኔት። 49 ኣናከክዕኔ ኡለ ኡድማን «መና ዬኖ እቸተ እቶኡ፤ እሰን ሬቶኡ። 50 ሰሜች ድርቶ እቸተ ተኒት፤ ከኒች ኣተናሁ ኣይሁ ሆሮን ሬሆናበኡ። 51 ሁኩ ሰሜች ድርቶ ሄኦ እቸተ ኣኔት፤ ኣይሁ ህከን ኣቻታ እቸጎሬ ዘላለሚሃ ጉዕመንከ ሄኦና፤ ኣንን ኣዲንያ አሊሃ ኣሳም እቸት ግጤ ማላኤ» ዬሉ። (aïōn g165) 52 ህከ ወክት አይሁዱ «ኩ መንች ማለስ ኣንቶተ ኣሰተ ህት ኣታለኖ?» ይተን መት-መትንከስ ኦደቀንቶኡ። 53 እሰን «ሀንቅንከ ያንክዕኔ፤ መንች ቤት ማለ ኣቱንባችለክ ቂጉስ ኣኒንባች ክዕኔሃ ሄኡ ኣኬክዕኔ ዮህዕኔበኡ። 54 ኢ ማለ ኣተናህኒሃለክ ቂጉኦ ኣገናህኒሃ ዘላለሚሃ ጉዕመንከ ሄኦና ሄኡ ዮሰ፤ ኣንን ቂያመ በር ሬሆች ኬሳንሰ። (aïōnios g166) 55 መስንትስ ማሉኤ ሀንቅተ እቸ፤ ህትን ቂጉንኩኤ ሀንቅሃ ኣኒናሃን። 56 ማሉኤ ኣተናህለክ ቂጉኤ ኣገናሁ ኣን ሄኦና፤ ኣንን ለሰን ሜጠብ ኣሃም። 57 ሄኦና ኣኑኤ ሶኮኤቤቺሃ ኣን እሰን ሄኦሚሃ እኮምግን ህትን ማሉኤ ኣተናሁ ኢ ኣዲን ሄኦና። 58 ሰሜች ድርቶ እቸተ ተኒት፤ ሁኩንን ኣናከክዕኔ ኣቶኣሃ ኣኑድበሃን፤ መስንትስ ህከ እቸተ እቶኦሩ ሬቶኡ፤ ከ እቸተ እቶኦሩ ዘላለሚሃ ጉዕመንከ ሄኦኦ» ዬሰ። (aïōn g165) 59 እስ ህካን ዬሊሁ ቅፍርናሆማን ሄዕዮ ጭምት ሞኔን ተማርሰኒት። 60 ኣሳባች ልግቡስ ህካን ዋጮጭቶ ወክት «ኩ ትምርቱ አበ ኬዕመኖሃን፤ ከ ትምርት አይ ቶጎተ ኣታለኖ?» ይቶኡ። 61 ጠወ እኩጎሬ እስ ኣሳበሰ ከን ትምርትኑሃ ቁንቁቶን ኣያኒንከስ ደግ «ኩን ሉሲሰናህዕኔንዶ? 62 መንች ቤቱ ወዕና ሄዕዮቤቹ ፈንቀል ፋሊን ለኣንተጎር መ ይቶናታት? 63 ሄኡ ኣሰናሁ መገንየ እያን፤ ጠወ እኩጎሬ ማሉ ሜጠብ ደግለለናበኡ፤ ኣን ክዕኔሃ ጠወዕዮም ላገት ኣያንለክ ሄኦሃን። 64 ጠወ እኩጎሬ ክዕኔ በሊች አመዕንትቡሩ ዮኡ» ዬሰ፤ እስ ካን ዬሊሁ ወዕኔን ኬሽ አመዕንትቡሩ ኣይኤታጎሬ ህትን ሀግሽ ኣሰናሁ ኣይት ጎሬ ደገናቤቺሃት እቅ። 65 ህትን እስ «ኣኑኤ አሜተናግ ለዕዮህን ቤሉ ዋሉ ኢ አይ አሜቶተ ኣታለናበኡ» ይሚሁ ከኒሃት» ዬሰ። 66 ህካን ኣኮቤቺሃ ኣሳባች ልግቡ ፈንቀልት መርቶኡ፤ ህከኒች ኤተሮን እስ አዋኑ ኣኑርቶኡ። 67 ህካን ኣኮቤቺሃ እስ ቶነ ለሙንከ ኣሳበተ «ኣዕኑሁ መርቶናተ ሀሴንንዶ?» ዬሰ። 68 ሰምዖን ጴጥርስን ፈንቀሽ «ቀርቺ ነኡ ህከቤቹ መርናም? ኬሳሃ ዘላለሚሃ ጉዕመንከ ኣካ ሄኦ ላገት ዮሄ። (aïōnios g166) 69 ነኡ ኣት መገን ጠለል ኣሁክ አመዕንን ደንጎም» ዬሉ። 70 ህትን እስ «ኣን ክዕኔት ቶነ ለሙንከክዕኔ መጠርበህዕኔንዶ? ክዕኔት መቱ አልበሰሃ» ዬሰ። 71 ካን ዬሊሁ ሰሞኔ ቤት ኣስቆርቶ ይሁድተኔሃት፤ መስንትስ ይሁድ ቶነ ለሞንከ ኣሳባች መቱስ እኩጎሬሁ እስ ሀግሽ ኣሰናሁ ኣሉ ኣኮቤቺሃት።

7 ህከኒች ኤተሮን ኢስ ገሊሊ ባዶን ሃመኖች እቅ፤ መሰንትስ አይሁድ አምንሳኑት ሽቶት ሀሰሰቤቸሃ ይሁድ ባዶን ሃምተ ሆሸበኡ። **2** ህከ ወክት አይሁድ ዳስ በአሉ ሆንጠኮ እቅ። **3** ህከን እኮቤቸሃ አመስሉት «አምንታሄሩ አት አታንት ሆጉተ ለኦተ ከንቤቸች ኬአ ይሁድ ባዱ ኦሮኡ። **4** መሰንትስ ለሎተ ሀሰኖ መንቹ ሆጉስ ማጭ አኦተ ሀሰኖበኡ፤ አት ካን ጉዕመንከ አተን ገወክ መኒሃ ጉዕመንከ ለሊሱ ሀሰሰኖሄ።» ይቶሱ። **5** ህከን ይቶኢሁ ዋሉ ልቅ አመስ ኦሱንት እሲን አመዕንትበቤቸሃት እቅ። **6** ህከን እኮቤቸሃ ኢስ «ኢ ወክቱ አሊዮበኡ፤ ጠዉ እኮጎሬ ክዕኔሃ ጉዕመንኩ ወክቱ መክየአሃን። **7** ኩ አዲንያ አሉ ክዕኔተ ግብሃዕኔተ አታለኖበኡ፤ ጠዉ እኮጎሬ ኤሳሃ ግብኖ፤ መሰንትስ አን ሆጉስ ሂሊ አሁሰ ኩላምቤቸሃት። **8** አዕት ህከ ከበጀተ ከበጃኖቤቹ አሌ ዋልቴን መሬ፤ ወክቱአ አልበቤቸሃ አን ህከ ቤቹ መሮተ አታላምበኡ።» ይሉ። **9** ኢስ ህከን ይ ገሊላን ልቆ። **10** ጠዉ እኮጎሬ አመስ ኦሱት ህከ ከበጀት ከበጃኖቤቹ መርቶች ኤተሮን እስ ህከ ቤቹ ለሉዕናን ማጠም ኦሮዕዮ። **11** ህከን ከበጀ ቤቸን አይሁድ ሹመት «እስ ህከበ ዮኡ?» ይተን ሀሳሲት እቅ። **12** አይሁድ ኡመቱ ህከን ቤቸን እስተኔ ኩሽኩሽደተን መት-መቱስ «እስ ጡማ መንቹ» ይተን ዋሉስን «ህትጎተበኡ እስ መነ ሉሲሰኖሃን» ይታሲት እቅ። **13** ጠዉ እኮጎሬ አይሁድ ሹመት ዋጅቶቤቸሃ አይሁ አስተኔሃ ለሊሽ ጠወዕዮበኡ። **14** ህከ ከበጀት ከበጀተን ደሩ እኮሀኒን ኢስ አሌ ዋል ዱኡ ምኒ መር ተማርሴኡ። **15** ህከንቤቸሃን አይሁድ ሹመት «ኩ መንቹ ተማርሳሃ ከ ጉዕመንከ ሆት ደጎተ አታሎ?» ይተን አጀብሲጭታኢት እቅ። **16** ህከን እኮቤቸሃ ኢስ ልንቀሽ «አን ተማርሳሚሁ ኢች አሁዕነ ኤሳሃ ሶኮኤሀኒቸት። **17** መገን ሃሽኦቱተ አኦተ ሀሰኖሁ አይሁ ኩ ትምህርቱ መገኒች አሜቸሃ አሁስ ህከረንገ አን ገይቻኤ ጠወአምጎሬ መለል ደገኖ። **18** ገይቻስ ጠወአኖሁ ገይሀስ ኬዕምኝ ሀሰኖ፤ ጠዉ እኮጎሬ ሶኮሰህን ኬዕምኝ ሀሰኖሁ ሀንቅየ መንቹ፤ ክዘቡንኩ እሲን ዮሰበኡ። **19** ሙስ ሕገ ኣሰየህዕኔበኡንደ? እኮጎሬ ክዕኔኤች መቱክዕኔሁ ሕገ አገርቱንበረ፤ ሚሃት ሽቶኖኤተ ሀሴንንተኤሁ?» ይሉ። **20** ኡመቱንኩ ልንቀሽ «ኬሳሃ ዱሩ አፎሄ፤ ኬሳሃ አይ ሾሄተ ሆሾሄ?» ይቶሱ። **21** ህትን ኢስ «አን መት ሆጉተ አዕዮም፤ አዕት ጉዕመንኩ ህከኒን አጀብሲጭቱንታኡ። **22** ሙስ ጡርከም ሴረ ኣሰየህዕኔ፤ ሁኩንን ኣናካቸት ቤሉ ሙሲችበኡ፤ አዕት አበ በሬን ጡርከንቱንታት። **23** ሙሲ ሕጉ ድጀምበገ መት አበ በሬን ጡርከመኖ እኮች አን አበ በሬን መንች ዊመንከስ ጀሰመ ልጀሾምቤቸሃ ኢን ሚሃት ኡመዕርቱንታት? **24** ሀንቅ ፍርረ ልጂ ቤሉ መን አልተ ለኤን ልጊደዳቸ።» ይሉ። **25** ዬሩሳሌም ከተማን ሄኤ መኒች መት-መቱስ «ኩን ሽቶት ሀሳሰየ መንቹበኡንደ? **26** ሁኩዕኑን እስ አልባሽ ጠወአኖት፤ እሲን መቱርቹሃ ይቶሰበኡ፤ ሹመት ኩ መንቹ መሲህ አሁስ ሀንቅንከ ደግንታዶ ጨለይቶኢሁ? **27** ጠዉ እኮጎሬ ኩ መንቹ አሜቸሁ፤ ነኡ ደንጋም፤ መሲሁ አሜተኛ ወክት እስ ህከን አዲች አሜቸንዶ አይሁ ደገኖበኡ።» ይቶሉ። **28** ህከን እኮቤቸሃ ኢስ መገን ምኔን ተማርሰን ላገሰ ጎት አዕይ «አን ህከን አዲች አሜቸምጎሬ ኤሳሃ ደንገንተ፤ ጠዉ እኮጎሬ አን ገይንከኤ

አሜቸምበኡ፤ ኤሳሃ ሶኮኤንኩ ሀንቅሃ፤ አዕት ደንገንተሰበኡ። **29** አን እስ አዲች አሜቸምቤቸሃለከ እሲን ኤሳሃ ሶኮኤቤቸሃ አን እሱ ደጋም።» ይሉ። **30** ህከን እኮቤቸሃ እሲን አፎሰተ ሀሶኡ፤ እኮጎሬ ወክቱስ አልበቤቸሃ አይሁ አፎሰበኡ። **31** እኮጎሬሁ ኡመቱች ልግቡስ እሲን አመዕንት «መሲሁ አሜቸረ ኩ መንቹ አዕዮ አጀብሲሰኖ ጠወቹ በተአናሲሃ አአኖሃንደ?» ይቶሉ። **32** ፈርሳውት መት ኢስተኔሃ ኩሽኩሽ ይት ጠወኡን ዋጮጭቶኡ፤ ህከን እኮቤቸሃ ቂስ አምንሳኑትለከ ፈርሳውት ኢስ አፍሲሶተ ወታደረ ሶኮኡ። **33** ኢስን «አን ክዕኔን ሜጡብ ቀዉ ወክት ዱንካም፤ ህከኒች ኤተሮን ሶኮኤሀኒቤቹ መራም። **34** አዕት ኤሳሃ ሀሴንንተ፤ እኮጎሬሁ ደንገንተኤበኡ፤ አን ዮም ቤቹንከ አዕት አሜቶኖተ አታልቲንተበኡ።» ይሉ። **35** ህከን እኮቤቸሃ አይሁዱ መት-መትሀሰ «ነኡ ደንግበሰገ ኩ መንቹ ህከቤቹ መርታት? ህከረንገ ግሪክ መን በላን ሄኤ አይሁድቤቹ መር ግሪክ መነ ተማርሶታትንደ? **36** ህትን ኤሳሃ ሀሴንንተኤ ጎሬ ደንገንተኤበኡ፤ አን ዮም ቤቹ አሜቶኖተ አታልቲንተበኡ፤ ዩስ መ ዩሃሰ?» ይቶሉ። **37** ህከ ከበጀት ከበጀን ሹሉኖ ጎፍሜስ ሎረ በሬን ኢስ ኡር ላገሰ ጎት አዕይ «ውሁ ሰገባሲሁ ዮ ጎሬ ኢቤቹ አሜች አጉጉ። **38** ኢን አመዕነኖሀኒች ጠሊሊ መጻፋን ዩኖንን ሄኤ ዊ ቡቁት ኣዚቸሱ ቡቃኤ።» ይሉ። **39** ህት ይ ጠወዕዮንኩ እሲን አመዕንትቶ አኢታ ጠሊሊ አያንተኔሃት እቅ፤ መሰንትስ ኢሲ ኬዕምኝ ወክቱ አሉዕነ ዮቤቸሃ ጠሊሉ አያነ አሰምበኡ እቅ። **40** መኒች መት-መቱ ህከ ጠወ ዋጮጭቶ ወክት «አሜተኖ፤ የመዋ ነቢዬቹ ሀንቅንከ ከኒት» ይቶሉ። **41** ህትን ዋሉስንገ «ኩን መሲህት» ይቶሉ፤ ጠዉ እኮጎሬ መት-መቱስ «መሲሁ ገሊሊ ባዲች አሜተኖንደ? **42** መሲሁ ደዉጪ ዘሬች አለመኖገለከ ደዉድ አለም ቤተልሔም ከተሚች አሜተኖገ ጠሊሊ መጻፋን ከተበሞበኡንደ?» ይቶሉ። **43** ህከን እኮቤቸሃ መን በላን እስ መሳን መለዕለንሹ እኮኡ። **44** አሳችን መት-መቱስ እሱ አፎተ ሀሶ እቅ፤ እኮጎሬ አይሁ አፎሰበኡ። **45** ህከኒች ኤተሮን ወታደሩንኩ ቂስ አምንሳኖበለከ ፈርሳዊቤቹ ፈንቀልት መርቶኡ፤ እሲን «እሱ ሚሃት ኤበኒታበኡሁ?» ይቶሉ። **46** ወታደሩንኩ «ህከን መንችን አይሁ ጠወዕዮበኡ።» ይት ፈንቀሽቶሉ። **47** ጠዉ እኮጎሬ ፈርሳውት «ክዕኔታሁ ሉሰሾህዕኔንደ? **48** ሹማች ህከረንገ ፈርሳዊች እሲን አመዕኔኢሁ ዮጎር ደንገንታኡንደ? **49** ጠዉ እኮጎሬ ኩ ሙስ ሕገ ደግቡ ኡመቱ ቦረረሞአሃን» ይቶሉ። **50** ህከን መኒችን መቱስ ከኒች ብርንተ ኢስቤቹ መር «ንቆድሞሴ» ዬኖ ፈርሳውቹ **51** «ሕግኔ ሃሊን መቶ መንች ጠወ ዋጮጭዕኔዕለከ መ አዕዮ ጎሬ ደጉዕነ ፈረዱ ሀሰሰኖንደ?» ይሉ። **52** እሲን «እቴሁ ገሊሊ ባዲችትንደ? ነቢዬቹ ገሊሊ ባዶን ነጻተ አታለኖበኡን መርመርት ለኤ» ይቶሱ። **53** እሲን መት-መቱን ምነሰ መርቶኡ።

8 ህከኒች ኤተሮን ኢስ ዘይት ሀቁ ነጻኖ ቆተተ ኦሮዕዮ። **2** ለንክ በር ሱጽተ ዱኤ ምኒ ፈንቀል አሜቹ፤ ኡመቱ ጉዕመንኩ እሰበ አሜች ጭምዬሃን እስ አፋዕል ተማርሱ ጀመሮ። **3** ሕገ ተማርሰታኢሩለከ ፈርሳውት ዝነተ አተን አፎሴ መት መንቹተ ኤብ በላንከስ ኡርሶኡ። **4** እሲን ኢስ «እስተማርቹ! ት መንቹት ዝነተ አተን አፈንቶኡ። **5** ህትኔ ጠወ አታ

ሚንቱ ክነን ቀሴን ሼኖግ ሙስ ሕጋን እዘዮን፤ እትንገ እሴተኔሃ መ ይተን?» ይቶሉ። **6** እስን ህት ይቶሉሁ እሱ ኦደ ጠወ ደግ ፌተንቶተ ሀሰቤቸሃት እቅ፤ ጠወ እኮጎሬ ኢስ ሙግይ ዙሩዕሚንከስ ኡለ አሌን ከተቡ ጀመር። **7** ፈንቀላንስት ጠዕምቶስ ወክት ሙግ ዬቤቺች ጎበስ ኬሸ «ክዕኔ በሊች ጨቡ ዮስበእ መንቹ ሄጭ ክነን ቀሴን» ይሉ። **8** ሀከኒች ኤተሮን ለንኪሃ ሙግይ ኡለ አሌን ከተቡ ጀመር። **9** እስን ህካን ሞጮጭቶ ወክት ባለቀች ኬሸ ሀርድ ኢለ ሙት-ሙትን ፋልት መርቶሉ፤ ህካን እኮቤቸሃ ኢስ ብሬስ ኡርቶ መንቹን ማጥሃስ ፈቆ። **10** ሀከኒች ኤተሮን ኢስ ጎበስ ኬሸ ለዕይ «ቴ መንቹ! ከሰሰሃሄ መት ሀከበ ዮኡ? አሌክ ፈረጀሁ መቲህ ዮበእንደ?» ይሉ። **11** [እሱን «ቀርቼ! መቲህ ዮበእ» ይቶሉ፤ ኢስን ፈንቀሽ «እኒሁ ፈረዳንኪበእ ኦርኤ፤ ከኒች ኤተሪሃ ጨብ አቶት» ይሉ።] **12** ለንኪሃ ኢስ «እነ ከን ኣዱንያ አልሃ ኑርሃን፤ ኤሳሃ አምነኖሁ ጉዕሙንኩ ሄለ ኑር ደአኖ ቤሉ ቱንስቻን ሃመናበእ» ይ ጠወዕዮስ። **13** ፈርሳውት «አት ገይክተኔሃ መስከርታንተ፤ መስከርቶትህ ሀንቅሃበእ» ይቶሉ። **14** እስን «መቲርቹሃ እን ገይሀለ መስከርም ጎሬ እን ሀከን አዲች አሜቾም ጎሬ ህትን ሀከ አደ መራም ጎር ደጋምቤቸሃ ምስክሩለ ሀንቅሃን፤ ጠወ እኮጎሬ አዕት እን ሀከን አዲን አሜቾም ጎር ህትን ሀከ አደ መራም ጎር ደገንተበእ። **15** አዕት መኬሀዕጎን ፈረዳንተ፤ ጠወ እኮጎሬ እን አዬ አሌኒ ፈረዳምበእ። **16** ፈረጀም ጎሬ ፍርዱለ ሀንቅሃን፤ መስንትስ ፈረንዳሚሁ እኔትለክ አናኤ ቤሉ እን ሚጣሃኤበእ። **17** ለሙ መንቹ መስከርቻ ጠወስ ሀንቅ አሁስ ሕጋንከክዕኔ ከተበሞእ። **18** ህካን እኮቤቸሃ እን ገይኡተኔሃ መስከርም፤ ህትን ኤሳሃ ሶኮኤ እኒ አቲሁ አተኔሃ መስከርኖ» ይ ፈንቀሼእ። **19** እስን «እኩክ ሀከበ ዮኡ» ይት ጠዕምቶስ፤ ኢስን «ኤሳላክ እነኤ ደገንተበእ፤ ኤሳሃ ደገንታ እቃን እኒ አነሃ ደገንተ እቅ» ይ ፈንቀሼእ። **20** እስን ህካን ጠወዕዮሁ መገን ምኔን ብረ ቶጌኖ ሳጥን መዲን አፋዕል ተማርስኒት እቅ፤ እኮጎሬ ወክቱስ አልበቤቸሃ አዪሁ አፎስበእ። **21** ለንኪሃ ኢስ «እን ኦርአም፤ አዕት ኤሳሃ ሀሴንተ፤ ጠወ እኮጎሬ ጨቢንከክዕኔን ሬቲንተ ቤሉ እን ኦርአምቤቹ መርቶኖተ አታልቲንተበእ» ይሉ። **22** አይሁድ አምጎሳት «እስ ሕን ኦርአምቤቹ አዕት አሜቶኖተ አታልቲንተበእ» ያስ ገወሰ ሾታትንደ?» ያቀንቶሉ። **23** ሀከኒች ኤተሮን ኢስ «አዕት ወሮን ከን ኣዱንያ አሊቺት፤ እኮጎሬ እን አሊቺት ቤሉ ከን ኣዱንያ አሊችበእ። **24** እን ክዕኔተ ጨቢንከክዕኔን ሬቲንተ» ሞሚህ ከኒሃት፤ መስንትስ እን ኤሳሃ አሁኤ ደገኑ አመዕንቴገሳች ጨቢንከክዕኔን ሬቲንተ» ይሉ። **25** እስን «አት አዬት?» ይቶሰ፤ ኢስን «እን ወዕኔችን ኬሸ ኩሎንክዕኔጋት። **26** እን ክዕኔተኔሃ ምርቶለክ ፈረዳምርቹ ልግቡ ዮኤ፤ እኮጎሬ ሶኮኤሁ ሀንቅሃን፤ እን ኣዱንያ አሊሃ ጠወአሚሁ እስች ሞጮጮሚሃት» ይሉ። **27** እኮጎሬ እስ እስ እኒተኔሃ ጠወዕዮስገ ሰውይቶበእ እቅ። **28** ህካን እኮቤቸሃ ኢስ «መንቹ ቤቱ መስቀላን አሌ ሞሽቲን አፋሽቲንተ ወክት እን ኤሳሃ አሁኤ ደገንተ፤ ህትን ጠለዕል እኩኤ ተማርሴኤሃ ጠወዕዮምጋት ቤሉ ገይኤ ምልቃን መቲርቹሃ አአምበእገ ደገንተ። **29** ኤሳሃ ሶኮሁ ኢንት፤ እን ጉዕመ ወክትንክ አአም ጠወ እሱ ሙንዲሲሰናቤቸሃ ኤሳሃ ሜጡእ

አጉሮኤበእ» ይሉ። **30** ኢስ ህካን ጠወዕዮ ወክት ልግቡ ሙት እስን አመዕንቶሉ። **31** ኢስ ህከን አመዕንቶ አይሁዲሃ «አዕት ላጋንታኤ ሄኤንተ ጎር ሀንቅንክ አምንቲንተኤረ። **32** አዕት ሀንቅንክ ደገንተ፤ ሀንቅንኩ ሰምልድማን ፋሽኖሀዕኔ» ይሉ። **33** ጠወ እኮጎሬ እስ «ነኩ አብራሂምተ ዘር፤ ኬንከ ኢለ አዬሁ ሮስ እንኮምበእ፤ አትንገ ሰምልድማን ፋልቲንተ» ይታንቲህ ሚሃት?» ይት ጠዕምቶሉ። **34** እስን «ሀንቅንክ ያንክዕኔ፤ ጨብ አእኖሁ ጉዕሙንኩ ጨብሃ ሮስቹ። **35** ካዲንቹ ቀርችስ ምኔን ዘላለሚሃ ሄኤናበእ፤ እኮጎሬ ቤቱ ዘላለሚሃ ምኔን ሄኤና። (aiōn g165) **36** ህካን እኮቤቸሃ ቤቱ ሰምልድማን ፋሼሀዕኔች ሀንቅንክ ሰምልድማን ፋልቲንተ። **37** አዕት አብራሂም ዘርተ አሁክዕኔ ደንጋም፤ ጠወ እኮጎሬ ኢ ላገተ ቶንገበቤቸሃ ኤሳሃ ሽቶኖተ ሀሴንታት። **38** እን እንኤቤቸን ለዕዮምርቹ ጠወአም፤ አዕት አኒችክዕኔ ሞጮጭቲንታሃ አቲንተ» ይሉ። **39** እስን «እኩኤ አብራሂማት» ይቶሉ፤ ህትን ኢስ «አብራሂም አለተ አከንተ እቃን አብራሂም አዕዮሃ አቲንተ እቅ። **40** ጠወ እኮጎሬ አዕት መገኒቹ ሞጮጮም ሀንቅ ኩሎንክዕኔ ሽቶኖኤተ ሀሴንታት፤ አብራሂም ህት አዕዮበእ። **41** ህትን አዕት እንክዕኔገን አቲንታት» ይሉ፤ እስን «ነኩ ህንጨረበሃበእ፤ መቱ ኦኑ ዮኔ፤ እስን መገኒሃ» ይቶሰ። **42** ህትን ኢስ «መገኑ እንክዕኔ እኮ እቃን ኤሳሃ አትቲንተ እቅ፤ መስንትስ እን መገን አዲች አሜቾም፤ ኤሳሃ እስ ሶኮኤ ቤሉ እን ገይንከእ አሜቾምበእ። **43** ሚሃት ጠወእ አጥራመቲንተበእሁ? ላገኤ ቶጎኖተ ሀሴንበቤቸሃበእንደ? **44** አዕት አልቢሰተ አሊ፤ እንክዕኔ ሰውት አቶኖተ ሀሴንተ፤ እስ ምዕኔችን ኬሸ መን ሽኖሃን፤ ሀንቅንኩ እስን ዮስበእቤቸሃ ሀንቅን ኡርዮበእ፤ እስ ክዘበሽለክ ክዘብ እን እኮቤቸሃ ክዘብ ጠወአኖሁ ገይችሲት። **45** ጠወ እኮጎሬ ሀንቅ ጠወአምቤቸሃ አመዕንቲንተኤበእ። **46** ክዕኔ በሊች ኤሳሃ ሕት ጨብኖ» ይ ጠወአኖሁ አዬት? እን ሀንቅ ጠወአሚሃ እኮች ሚ አመዕንቲንተኤበእ? **47** መገን አዲች እኮሁ መገን ላገተ ሞጮጮኖ፤ አዕት መገን አድረ እከንበቤቸሃ መገን ላገተ ሞጮጭቲንተበእ» ይሉ። **48** አይሁዱ ፈንቀሽት «ነኩ ሕት ሰምራውቸሃን፤ ህትን አልብሱ አፎኤ» ዩኔ ሀንቅሃንበእንደ?» ይቶሰ። **49** ህካን እኮቤቸሃ ኢስ «ኤሳሃ አልብሱ አፎኤበእ፤ ጠወ እኮጎሬ እን እነኤ ኬዕምሳሚት፤ አዕት ኬዕምሲንታኤበእ። **50** እኮጎሬ እን ገይኤ ኬዕምኝ ሀሳምበእ፤ ኢ ኬዕምኝ ሀሰናሁለክ ፈረደኖሁ ሞሉ ዮኡ። **51** ሀንቅንክ ያንክዕኔ፤ ላገእ አገረኖሁ ዘላለሚሃ ሬሆናበእ» ይ ፈንቀሼእ። (aiōn g165) **52** አይሁዱ «ዱሩ አፎኤን ቲሱ ደንጎም፤ አብራሂምለክ ነቢያክት ሬቶኤ፤ እኮጎሬ አት ላገኤ አገርታኦሩ ሆሮን ሬታበእ» ይታንቲህ። (aiōn g165) **53** ሀንቅንክ አት አናኔ አብራሂሚት በተአንንደ? አብራሂምለክ ነቢያክት ሬቶኤ፤ እኮጎሬ አት ገወክ አዬት ይቶታት?» ይቶሰ። **54** ህትን ኢስ ፈንቀሽ «እን ገወኤ ከበጃም ጎር መቲርቹሃ ደግለለናበእ፤ ኤሳሃ ከበጀኖሁ እኩኤ ለመገኒሃኔ» ይቲንተ አናኤ። **55** ጠወ እኮጎሬ አዕት እሱ ደገንታበእ፤ እን ደጋንስ፤ እን ሕሉ ደጋምበእ» ይም ጎሬ ክዕኔገን ክዘበሽ እሃም፤ እኮጎሬ እን እሱ ደጋም፤ ላገሲ አገራም። **56** እንክዕኔ አብራሂም ሃሸአቱተ እን አሜታም በር ለዕይ ሙንደኦታት እቅ፤ እስን ህካን ለዕይ ሙንደዕዮ» ይሉ። **57** ህከ

ወክት አይሁዱ «አት አለንቶንቲች ኦንታሁ ዘማን እኮሄበአሁ ለብራሂመ ለዕዮም ይተንደ?» ይቶሱ። 58 ህትን አሰ «ሀንቅንክ ያንክዕኔ፤ እብራሂም አለሙዕነ ዎዕናክ እን ዮምሃ» ይፈንቅሼሰ። 59 ህካን እኮቤቺሃ አይሁዱ አሰ ቀሶተ ክኑ ኬሶኡ፤ ጠዉ እኮጎሬ አሰ አሳች ገበጭ ይ መገን ምኒች 4ል ኦርዕዮ።

9 መቱ በር አሰ ዎቃን ሃመን ቆቀ እክ አለሞ መንቹ ለዕዮ። 2 ህካንቤቸንን አሳበንት አሰ «አስተማርኻ! ኩ መንቹ ቆቀ እክ አለሞሁ አይ አዕዮ ጨቢሃት? ገዉስ አዕዮ ጨቢንትንዶ ኦኑስለክ አመስ አቶ ጨቢኒት?» ይት ጠዕምቶሰ። 3 አሰን ፈንቀሽ «ኩ መንቹ ቆቀ እኮሁ ገዉስ አዕዮ ህከረንገ ኦኑስለክ አመስ አቶ ጨቢሃበእ፤ ጠዉ እኮጎሬ መገን ሆጉት እስ አሌን ለለቶታት። 4 በሩ ዮ ጌሳን ሶኮኤ ሆጉተ አኡ ሀስሰናኤ፤ መስንትስ እዪሁ እኦተ አታለናበእ ህንከዕርት አሜታኡ። 5 እን ከን ኣዱንያ አሌን ሄዕዮም ጌሳን ከን ኣዱንያ አሊሃ ኑርሃን» ይሉ። 6 ህካን ጠወዕዮች ኤተሮን እንጀ ቱይ ተበ ቁፍሽ ጭቀስ ህከን ቆቀ መንቹ አሌን ቡር 7 «መርት ስልሆም ዋን ኣዕል» ይሰ፤ «ስልሆመ» ዩ «ሶቀሞሃ» ዩሃን፤ ህካን እኮቤቺሃ መንቹንኩ መር ኣዕል ፈይ ለእን ፈንቀል አሜቹ። 8 ኦሌስ መኑለክ ከኒች ብርተ አፋዕል ኡጨን ለዕዮ መኑ «ኩን አፋዕል ኡጨኖሃ መንቹበእንደ?» ይቶሉ። 9 መት-መቱስ «ኤ አሶት» ይቶሉ፤ ዋሉሰንገ «አሶ አጉደኖት ቤሉ እሶበእ» ይቶሉ፤ ጠዉ እኮጎሬ ሁኩ መንቹንኩ «ኤ አኔት» ይሉ። 10 መትንኩ «አልክ ሀት እክ ፈንተኦኡ?» ይቶሰ። 11 አሰን «ኢሰ» ይዩ መንቹ ጭቀ ቁፍሽ አሊንከእ ቡር «ስልሆም ዋን መርት ኣዕል» ይሉ፤ እንን ህክ ቤቹ መር ኣዕል ፈይም» ይፈንቅሼእ። 12 አሰን «መንቹስ ህከበ ዮኡ?» ይቶሰ፤ አሰን «እን ደንምበእ» ይፈንቅሼእ። 13 አሰን ህከ ቆቀ እክ አለሞ መንቹ ፈርሳዌቤቹ መስቶሉ። 14 አሰ ቆቀ ቁፍሽ መንቹ አልተ ፈይሾ በሩ ፎሎጭዮ በር እቅ። 15 ፈርሳውት ህከ መንቹ «ሀት እክ ለኦተ አታልት?» ይት ጠዕምቶሰ፤ አሰን «አሌንተእ ጭቀ ቡራን ኣዕል ለዕዮም» ይሰ። 16 ህከ ወክት ፈርሳዌቹ መት-መቱ «ኩ መንቹ ፎሎጭ በር ከበጀበቤቺሃ መገንዮ መንቹበእ» ይቶሉ፤ እኮጎሬ ዋሉስ መኑ «ጨበኹ መንቹ ህትኦ አጀብሲሰኖ ጠወ ሀት እኦተ አታለኖ?» ይቶሉ፤ ህከን መሳን በላንከስ አይደመት እኮሉ። 17 ህካን እኮቤቺሃ ህከ ቆቀ መንቹ «ኩ መንቹ አልክ ፈይሾች እት አስተኔሃ መ ይተን?» ይት ለንኪሃ ጠዕምቶሰ፤ አሰን «ነቢዬሃን» ይሰ። 18 አይሁድ አዋንሳት ሁኩ መንቹ ብርተ ቆቀ እኮሃ አሁስ ቲንገ አልስ ፈይት ፈንተኦገ ኣነስለክ አመስ ገክት ጠዕምቶተ ኢለ አመዕንቶበእ እቅ። 19 ህካን እኮቤቺሃ አሰን «ቆቀ አለሞኡ» ይቲንተ ቤቱክዕኔ ከንትንደ? ቲሱ ሀት እክ ለኦተ አታሎ?» ይት ኣነስለክ አመስ ጠዕምቶሉ። 20 ኦኑስለክ አመስ «ኩ መንቹ ቤቱኔ አሁስለክ ቆቀ እክ አለሙስ ደንጋም። 21 ጠዉ እኮጎሬ ቲሱ ሀት እክ ለእኖት ጎሬ፤ ህትን አይ አልስ ፈይሾስ ጎር ደንጋምበእ፤ አሰ ገዉስ ደጎ መንቹ እኮቤቺሃ ገዉንከስ ጠዕምቶሰ፤ አሰ ገይስተኔሃ ኩሎተ አታለኖ» ይቶሉ። 22 አሰን ህት ይቶአሁ አይሁድ ሹመተ ዋጅቶቤቺሃት፤ መስንትስ አሰ «መሲህ» ይ መስከረኖህ ሄዕዮጎር ጭምትስ ምኒች ፋሽቶተ ከኒች ብርተ አይሁድ

ሹመት አማዕለንቶቤቺሃት። 23 ህካን እኮቤቺሃ ኦኑስለክ አመስ «አሰ ገዉስ ደጎ መንቹ እኮቤቺሃ እሰንክ ጠዕምቶሰ» ይቶሉ። 24 ህከን መሳን ቆቀ እክ አለሞ መንቹ ለንኪሃ ገክት «አት መገኒሃ ከዕምቶ ኣሰ፤ ኩ መንቹ ጨበኹ አሁስ ነኡ ደንጋም» ይቶሉ። 25 አሰን «ጨበኛ አሁስ ደጋምበእ፤ አን ዋዕነ ቆቀ አሁአለክ ቲንገ ለኣምገ ጠለዕል ህካን ደንጋም» ይፈንቅሼእ። 26 አሰን «አሰ መ አዕዮሄ? አልክ ሀት አዕይ ፈይሾሄ?» ይቶሰ። 27 አሰን ፈንቀሽ «አን ዋዕናንክ ኩሎንክዕኔ እቅ፤ እኮጎሬ አዕኑ ሞጮጭቶናተ ሀሰንታበእ፤ ቲንገ ሚሃ ሞጮጪ ሀሴንንታት? አዕኑ እሱ አዋንቲንተረ እኮኖተ ሀሴንንታትንደ?» ይሰ። 28 አሰን እሱ ቦርሮተን «አሱ አዋንንታቲሁ አቲት፤ እኮጎሬ ነኡ ሙስ አዋናምረ። 29 መገኑ ሙሲሃ ጠወዕዮገ ነኡ ደንጋም፤ ጠዉ እኮጎሬ ኩ መንቹ ህከንቤቺችት ጎር ደንጋምበእ» ይቶሰ። 30 ሁኩ መንቹ አሳሃ «ኩ መንቹ ህከንቤቺችት ጎር አዕኑ ደጉ ሆጉክህኔ እበ አጀብሲሰኖሃን! ጠዉ እኮጎሬ አልኤ ፈይሾሁ እሶት። 31 መገኑ ጨበኛት ይታ ጠወ ሞጮጪናበእ ደንጋም፤ ጠዉ እኮጎሬ መገኑ ዋጅኖሁለክ እሰ ሃሽኣቲተ አእኖሁ ሄዕዮጎር ሁኩን ዩኖ ጠወ መገኑ ሞጮጪና። 32 ቆቀ እክ አለሞ መንቹ አልተ ፈይሾሁ ዮኡ» ይሰ። ጠወኤንገ ከበሬ አሊ ሆሮ ሞጮጪናበእ። (aion g165) 33 ኩ መንቹ መገኒች አህበአቃን መቲርቺሃ እኦተ አታለናበ እቅ» ይፈንቅሼሰ። 34 አሰን «አት ጉዕመርቺንኩክ ጨበን አለንቶንቲሁ ኣሳሃ ተማርሰተንንደ?» ይት ጭምት ምኒች ፋሽቶሰ። 35 ህከ መንቹ አይሁዱ ጭምት ምኒች ፋሽቶሰን አሰ ሞጮጪኤ፤ አሰ ህከ መንቹ ደግ «መንቹ ቤቶን አመዕንተንንደ?» ይሰ። 36 አሰን ፈንቀሽ «ቀርቸ! እን እሶን አመዕናተ እስ አይቲ?» ይሉ። 37 አሰን «አት እሱ ከኒች ዋዕናንክ ለኦንት፤ ህትን ቲሁ ከን ጠወአኖንኩ እሶት» ይሰ። 38 አሰን «ቀርቸ! አመዕናም» ይ ሰገጅሰ። 39 አሰን «ለእበሩ ለኦተለክ ለኣአሩ ቆቆተ እን ፈረዶተ ከን ኣዱንያ አል አሜቸም» ይሉ። 40 ህከ ወክት አሰ መዴን ሄኦ ፈርሳውት ህካን ሞጮጭት «ነኡ ቆቃኖተንደ?» ይቶሰ። 41 አሰ አሳሃ «ቆቃት ኣከንተ እቃን ጨብ አህርህዕኔበ እቅ፤ ጠዉ እኮጎሬ ቲሱ ለዕናሚት ይቲንተቤቺሃ ጨብ አህርህዕኔ» ይሰ።

10 አሰ «ሀንቅንክ ያንክዕኔ፤ ሆለ ጎረንች ኡርን አሁዕነ ዋሎ አዲን ኣገና መንቹ ሞጋንቹሃለክ ዘሬፊተ። 2 ጠዉ እኮጎሬ ኡርን ኣገናሁ ሆላተስ ዘማንቹሃን። 3 እሲሃ ኡር ኣገራንቹ ኡሩተ ፈንሰሰ፤ ሆላንት ላገስ ሞጮጭታኔ፤ አሰን ገይስ ሆላተ ሱዕሚንከስ ገክን አዋንስ ኡበል ፋሽናሰ። 4 ገይረፈ ጉዕመንክ ገኦ ፋሽች ኤተሮን ብሬንከስ ሃመን አዋንሰናሰ፤ ሆላንትስ ላገስ ደጋቤቺሃ አዋንታሰ። 5 ጠዉ እኮጎሬ ዋሊች ሁንታ ቤሉ አዋንታሰበእ፤ መስንትስ ዋል ላገተ ደጋበእቤቺሃት» ይሉ። 6 አሰ ህከ ሞሳልተ ኩሎሰ፤ ጠዉ እኮጎሬ አሰ ኩሎሳሁ መሃጎሬ ኣጥሬመቶበእ። 7 ህካን እኮቤቺሃ አሰ ለንኪሃ «ሀንቅንክ ያንክዕኔ፤ እን ሆላት ኣጋታ ኡሩ። 8 ኤሳሃ ሄጭት አሜቶአሩ ጉዕመንኩ ሞጋኖተለክ ዘሬፊታ፤ ጠዉ እኮጎሬ ሆላት ሞጮጭቶሰበእ። 9 እን ኣጌኖ ኡሩተ እኮምቤቺሃ ኢ አዲን ኣገናሁ እዪሁ ጡመኖ፤ ኣገናለክ ፋላኖ፤ ህትን ዘሜ ቤቹ ደእኖ። 10 ሞጋንቹ ሞጎተ፤ ሾተለክ ቤሶተ አሜተኖ፤ እኮጎሬ እን አሜቸሚሁ ልግለ ሄኡ ኣሶታት።

11 «ጡሙ ዜማንቹ እኔት፤ ጡሙ ዜማንቹ ሆላተስ ነብሳስ ህግሽ አሰኛ።
 12 ጠወ እኮጎሬ ሆላት ገይሲረ እኩዕነ ባቴናንስ አገራዊ ዜማንቹ ሆላት
 እሜተን ለዕዮ ወክት አጉር ሁነኛ፤ ሆላት ሆላት ብንአዕይ ደመቅሽ አእኛ።
 13 ሁኩ ዜማንቹ ሁነኛሁ ብረ ባቴናንስ አገራዊ ለኮቤቺሃትለክ ሆላተስ
 እሙዝበቤቺሃት። 14 ጡሙ ዜማንቹ እኔት፤ እን ሆላለ ደጋም፤ ሆላንትኤ
 ኤሳሃ ደጋገ። 15 እን ለሰተ ደጋሚሁ እኩኤ ኤሳሃ ደገኛጌገለክ እኒሁ እነኤ
 ደጋምሀንጋት፤ እን ሆላተኤ ነብሳስ ህግሽ አሳም። 16 ከን ዜማ ኣዘን
 ዮበእ ሆላት ሆላት ዮኤ፤ እስንተ ኤቡ ሀሰሰኛኤ፤ ላገለ ሞጮጭታኣ፤ ህትን
 መቱ ዜማሃ እካን ዜማንቹስ መቱ እሆኛ። 17 «ህካን እኮቤቺሃ እኩኤ
 ኤሳሃ ኢተኛ፤ መሰንትስ እን ፈንቀሽ ኣኣተ ነብሳስ ህግሽ አሳምቤቺሃት።
 18 ነብሳስ እን ገይኤ ኢታን ህግሽ አሳም ቤሉ ኢች ከም ኣእኛሁ እዪሁ
 ዮበእ፤ ነብሳስ ህግሽ ኣሳተለክ ፈንቀሽ ኣኣተ ሆላቀት ዮኤ፤ ከ ትዛዝ
 ኣኤሚሁ እኒችኤት» ይእ። 19 ህከን ጠቂች ኬዕዮህንን አይሁድ በላን
 ለንኪሃ አደደመት እኮኤ። 20 እሳችን ልግቡስ «እሱ ዱሩ አፎሰ፤ እስን
 በርገሳኤ፤ እስ ጠወእኛ ጠወ ሚሃት ሞጮጭቲንታቲሁ?» ይቶኤ። 21
 ህትን ሆላሰንገ «ኩ ጠወ ዱሩ አፎሰ መንች አፊች ፋለኛበእ፤ ዱሩ ቆቀ
 መንች አልተ ፈይሰኛንድ?» ይቶኤ። 22 ዬሩሳሌማን ዱላ ምኒ መጨሩ
 እኤኛ ከበጃች ከበጃኛ ወክቱ አልዮ እቅ፤ ወክቱንኩስ ከርምሃ እቅ። 23
 እስን መንገ ምኔን «ሱላይማን ሃመኛ ዎቃ» ዬሩቤቾን ሃመኛት እቅ።
 24 ህከ ወክት አይሁድ አምንሳት፤ እስ አጀብ ኡርት «ሄንኩ በሩ ኢሎተ
 ኢለ ሸክናምገ አተቃ? አት መሲህ እኮንትጎር ለሊስ ኩልኔ» ይቶኤ። 25
 እስ «እን ከኒች ብርገተ ኩሎንክዕኔ፤ እኮጎሬ እዕኑ አመዕንቲንተበእ፤
 እንኤ ሱዕሚን እኣም ሆጉት ኢተሃ መስከርታእ። 26 ጠወ እኮጎሬ እዕኑ
 ሆላኤ እኬንበቤቺሃ አመዕንቲንተበእ። 27 ሆላኤ ላገኤ ደጋገ፤ እኒሁ
 እስተ ደጋም፤ እስን አምንታኤ። 28 እን እሳሃ ዘላለሚሃ ጉዕሚንከ ሄእኛ
 ሄኤ ኣሳንስ፤ ህካን እኮቤቺሃ እስን ሆሮን በእበእ፤ ህትን ኢ እንጋች እዪሁ
 ሆላቅሽ መሰሰኛበእ። (aiōn g165, aiōnios g166) 29 እስንተ ኤሳሃ ኣሴ
 እኩኤ ጉዕሚችን ሎሪሃን፤ እንኤ እንጋች እስተ ሆላቅሽ ኣኣተ አታለኛሁ
 እዪሁ ዮበእ። 30 እንለክ እኩኤ ሜጡሃን» ይሰ። 31 ህከ ወክት አይሁዱ
 ለንኪሃ እስ ቀሶተ ክት ኬሶኤ። 32 እኮጎሬ እስ ፈንቀሽ «እን ልግብ ጡሙ
 ሆጉት እኒችኤ ለሊቾንክዕኔ፤ ህከረ እዕኑ ኤሳሃ ክኒን ቀሴንታሁ ህከኩኤች
 ሁትን ሆንታት?» ይሰ። 33 እስን «ነኤ ቀንሳንኬህ መንገ አሊን ቦርር ላገተ
 ጠወኦንቲቤቺሃት ቤሉ ጡሙ ሆንተክበእ፤ ህትን እት መንቹ እከን ገወክ
 መንጉ አቶንቲቤቺሃት» ይት ፈንቀሽኣኤ። 34 እስ «ሕጋንከክዕኔ ክዕኔተ
 ሸርኬተ ዩንክዕኔንዶ» ዮሆሁ ከተበሞበእንድ? 35 መንገ ላገት ህግባሃ
 እኮኢችለክ ሁኩ መንገ ላገት እሜቶሰረ ሸርክተ ይ ገእኛ ሰርገ 36
 ህካን እኮች እኩ መንጉ መጠርሃለክ ከን ኣዱንዶ አል ሶኮኤሃ ላን መንገዮ
 ቤቱ ዬምቤቺሃ «መንገ አሊን ቦርር ላገተ ጠወኦንት» ይቲንንድ? 37 እን
 እንኤ ሆጉት አእባች አመዕንቶኛ፤ 38 እን እንኤ ሆጉት አእሚሃ እኮች
 ኢን አመዕንቲንገ ጎር ሆንተኤ አመዕንዬ፤ ህከኒን እኩኤ ኢን ሄኤሰለክ
 እን እኒንከኤ ሄኤለ ደንከንተለክ እጥራመቲንተ» ይሰ። 39 እስን ህከ

ወክት አፎሰተ ሀሶኤ፤ እኮጎሬ እስ እንጋችስ ፋሽእ ኦርዕዮ። 40 እስ ለንኪሃ
 ዮርዳኖስ ዋሃ ቶል ያህይ ዋዕነ ጠመቀኛ ቤቹ እሜች፤ ህከኔን ዱንኬእ።
 41 ልግቡ መኑ እስበ እሜት «ያህይ መቱ እጀብሲሰኛ ጠወሃ ኣዕዮበእ፤
 ጠወ እኮጎሬ ያህይ ከን መንችተሃ ጠወዕዮ ጠወ ጉዕመንኩ ሀንቅሃን»
 ይቶኤ። 42 ህከንቤቾንን ልግቡ መኑ ኢሳን አመዕንቶኤ።

11 መቱ በር «ቢታንያ» ዬሩቤቾን ሄእኛ «አልዓዛሬ» ዬሩ መንቹ ጥዞ
 እቅ፤ ቢታንዩ መርሃመለክ አመሴ ቤቱት ማርታ ሄእአተ ቀኦ እቅ። 2
 ህት መርሃመ ቀርች ሎካን ሸቱተ ቡርት መሚንከሴ ሸንሸቶአተ፤ ሁኩ
 ጥዞ አልዓዛር አመሴሃ ቤቱ። 3 ሁኩ ለመንኩ አመኦሉተ ኢስበ «ቀርቾ!
 ጃሉክ ጥዞኤ» ይት ሶኮኤ። 4 ኢሳን ህካን ሞጮጭ ወክት «ኩ ጥዘነት
 ሸትበተ፤ ጠወ እኮጎሬ መንገ ኬዕምች ለሎተ መንገ ቤቱንኩ ከን ጥዘነ
 መሳን ኬዕምተ እኮኢሃን?» ይእ። 5 እስ ማርተለክ አመሴ ቤቱተ መርሃመ
 ህትን አመሰ ቤቱንከ አልዓዛሬ ኢተኛ እቅ። 6 እኮጎሬ አልዓዛር ጥዞገ
 ሞጮጭ ወክት ዮቤቾን ለሙ በር ዱንኬእ። 7 ህከኒች ኤተርን ኣሳበንት
 «ለንኪሃ ይሁድ ዓዱ መርኛ» ይሰ። 8 ኣሳበንት «አስተማርቾ! አይሁድ
 አምንሳት፤ ግደኛ በሬች ብርተ ኬሳሃ ክኒን ቀሶሃተ ሀሳሄት እቅ፤ ቴሶንገ ህከ
 ቤቹ ፈንቀልት መርተንንድ?» ይቶሰ። 9 እስን ፈንቀሽ «ሱጴች ኬሽ አሩ
 ኣጎተ ኢለ ቶነ ለሞሃ ሰኣትበእንድ? በሬን ሃመኛሁ ከን ኣዱንዶ አል ኑር
 ለእኛቤቺሃ ቆዕለኛበእ። 10 ጠወ እኮጎሬ ሀንከዕሬን ሃመኛሁ ኑሩ እስን
 ዮበእቤቺሃ ቆዕለኛ» ይእ። 11 እስ ህካን ጠወዕዮች ኤተርን «ጃሉኤ
 አልዓዛር ግሾኤ፤ እኮጎሬ ግሰኛች ኬሶስተ መራም» ይሰ። 12 ኣሳበንት
 «ቀርቾ! ግሾ ጎር ቆህኖስ» ይቶሰ። 13 እስ ህካን ጠወዕዮሁ አልዓዛሬ
 ሬሆተሄትን እቅ፤ ጠወ እኮጎሬ ግሰኛተሃ ጠወዕዮሃ አጉጃሰ። 14 ህካን
 እኮቤቺሃ እስ ኣሳሃ ለሊሽ «አልዓዛር ሬዮ። 15 እዕኑ አመዕንቶኛተ እን
 ህከን ቤቾን ሄኤ ሆጉኤ ክዕኔተሃ መንዲሲሾኤ፤ እኮጎሬ ቴሶ ነኤ እስቤቹ
 መርኛ» ይሰ። 16 ህከ ወክት «ዲዲሞስ» ዩን ገኤኛ ቶምስ ሞሎ ኣሳባን
 «ነኤ እስንን ሬኖተ መርኛ» ይሰ። 17 እስ ህከ ቤቹ አሊኛ ወክት አልዓዛር
 ሞገሞች ሾሉ በር እኮስ እቅ። 18 ቢታንዩ ዬሩሳሌም ከተሚች ሰኣት
 ደሬ ጌሰ ሃምሲሰኛሃ እቅ። 19 ማርተለክ መርሃመ አመሰ ቤቱ ሬዮቤቺሃ
 ሻዛበእገ ልግቡ አይሁዱ አልፋቲን አፋዕልቶተ እስቤቹ እሜቶኤ እቅ። 20
 ማርተ ኢስ እሜቾን ሞጮጭቶ ወክት ቶሳሰተ መርቶኤ፤ እኮጎሬ መርሃመ
 ምኔን ፈቆኤ እቅ። 21 ማርተ ኢስ «ቀርቾ! እት ከንቤቾን ሄኣንት እቃን
 አመኤቤቱ ሬሆኖበእ እቅ። 22 ጠወ እኮጎሬ ቲሁ እት ጠዕምቶንት ጠወ
 ጉዕመንከ መንገ ኣሰኛሃን ደጋም» ይቶኤ። 23 እስን «አመክቤቱ ሬሆች
 ኬእኛ» ይሰ። 24 ማርተን «ቂያመ በር ሬሆች ኬኤኛ ወክት ኬእኛ
 ደጋም» ይቶሰ። 25 እስን «ሬሆች ኬኤለክ ሄኤ እኔት፤ እን አመዕነኛሁ ሬዮ
 ጎሬሁ ሄእኛ። 26 እን ሄእኛሁለክ አመዕነኛሁ እዪሁ ሆሮን ሬሆኖበእ፤ ህካን
 እኮቤቺሃ አመዕንተንንድ?» ይሰ። (aiōn g165) 27 ማርተን «ኤ ቀርቾ! እት
 ኣዱንዶ አል እሜተኛ ዬመ መሲህ መንገ ቤቱ እሁክ አመዕናም» ይቶሰ።
 28 ማርተን ህካን ጠወኦች ኤተርን «መርሃመ» ዬሩ አመሴ ቤቶቤቹ መርት
 «አስተማርቾ እሜቶኤ፤ እስን ኬሳሃ ገእኛሄት» ይት ማጥ ኩልቶሴ። 29

እሴን ህዝን ሞጮጭቶ ወክት ደዕልት ኬእ እሰቤቼ መርቶኡ። 30 እሰ ህከ ቀለት ኣጉዕናን ማርታን ደቀንቶ ቤቻን ሄዕዮ እቅ። 31 መርየመ ምክን እሴንን ማጠብ አልፋቴን አፋዕልቶ አይሁዱ መርየመ ደዕልት ኬእ መርተንን ለኦ ወክት አልዓዛሬ ሎድብ መርት ኦኣኢሃ ኣጉጃንስ እሴንት አምንቶሴ። 32 መርየማን እሰ ሄዕዮቤቹ ኢልት ለኦ ወክት ሎከስ ኡብ «ቀርቶ! ኣት ከንቤቻን ሄኣትን እቃን አመኤቤቱ ሬህናበኣ እቅ» ይቶሰ። 33 እሴለከ እሴን ማጠብ አሜቶ አይሁዱ ኦኣን እሰ ለዕይ አበ ሻዣን ጎደቡስ ሊንቁቄእ። 34 እሰን «ሀከንቤቻንት ሞጊንታሁ?» ይእ፤ እሰን «ቀርቶ! አሜት ለእ» ይቶሰ። 35 እሰን እንጂጃት ፋሽ ኦዕዮ። 36 ህዝን እኮቤቹሃ «ሄንከ ኢተኖስ ጎር ለዕዬ» የቀንቶኡ። 37 ጠዉ እኮጎሬ እሳቶ መት-መቱ «ኩን ቆቀ መን አልተ ፈቺሁ ከ መንቹ ሬህበገን ኣኦተ አገላናበኣንዶ?» ይቶኡ። 38 እሰ ቀልቤንከስ አበ ሻዣን ሎድቤቹ መር፤ ጃናስከ አፋሺማንኩ ሎረ ክኒች ሸሃን መክሴመ ሎዳን ክኑ እፍሰሞ ሻንቃንት እቅ። 39 ህትን እሰ «ክኑ ኬሼ» ይእ፤ ሬዮ መንቶ አመቤቱት ማርት «ቀርቶ! ሬዮች ሾሉ በር እኮሰቤቹሃ ከ ወክት ቦበኖ» ይቶሰ። 40 እሰን «ኣመዕንቶንትጎር መገን ኬዕምኝ ለኣንት» ይበሃንዶ?» ይሴ። 41 መት ህከ ክኑ ኬሾ፤ ህከኒች ኤተርን እሰ እሉ ሞሽ ለዕይ «ኣ ኣነ! ሞጮጭቶንቲኤቤቹሃ ገለትጫንኩ። 42 ጉዕመረን ሞጮጭታንቲኤገ ደጋም፤ ጠዉ እኮጎሬ ካን ዩሚሁ ከኔ ኡርቶ ኡመቱ ኣት ኤሳሃ ሶኮንትገ አመዕንታገ ይደት» ይእ። 43 እሰ ህዝን ጠወዕዮች ኤተርን «አልዓዛሬ! አም ፋል» ይላገስ ጎት አዕይ ጠወዕዮ። 44 ሬዮ አልዓዛርን ኣንገሰለከ ሎከስ ከፈኒን ጣጠሞገን ሎድ ኣዚች ፋሎ፤ ሚንስ ከፈኒን ጣጠሞ እቅ፤ እሰ «ሂርቴን ኣጉራሰ፤ ሃመን» ይሴ። 45 መርየመቤቹ አልፋቴን አፋዕልቶት አሜቶ አይሁዱች ልግቡስ እሰ አዕዮሃ ለኣ አመዕንቶኡ። 46 ጠዉ እኮጎሬ እሳቶ መት-መቱስ ፈርሳዌቤቹ መርት እሰ አዕዮ ጠወ ኩልቶኡ። 47 ህዝን እኮቤቹሃ ቂስ አምንሳትለከ ፈርሳውት ኣንት ባለቅ ገእት ጭምእት «ኩ መንቹ ልግብ ኣጃብሲሰኖ ጠወ ኣእናቤቹሃ መ አዕናም ጎር ቆሆ?» 48 ህትን ኣኦተ ሰዕም ይኖም ጎር መት ጉዕመንኩ እሰን አመዕነኖ፤ ሮም ባድ መንኩኩ አሜት ከ ቤቹለከ ኡመት ጉዕመንከ ቤሳኣ» ይቶኡ። 49 ጠዉ እኮጎሬ እሳቶ መቱ ህከን ዘማን ሎሩ ቂስቹ «ቀያፈ» ይሆሁ «እዕት መቱርቹሃ ደንገታበኣ። 50 ኡመቱ በኣናሀኒች መቱ መንቹ መንተኔሃ ሬዮጎር ክዕኔሃ ቆሆናሃ አሁስ ሰውይቲንተበኣንዶ?» ይእ። 51 እሰን ህዝን ጠወዕዮህ ገይስ ቀልቤቸበኣ፤ እኮጎሬ ህከ ወክት እስ ሎረ ቂስቹ እኮቤቹሃ እሰ መንተኔሃ ሬሆግ ራገ ጠወዕዮ። 52 ጠዉ እኮጎሬ እስ ሬሆሆ ጠለዕል ኡመቲሃ አሁዕነ ብንይቶ መገን ኣለተ ሚጠብ ጭም አኦታት እቅ። 53 ህዝን እኮቤቹሃ እሰን ህከን በሬች ኬስ እሰ ሽቶት አማዕለንቶኡ። 54 ህከኒች ኤተርን እሰ አይሁድ መን በላን አልዓሽ ሃሞበኣ፤ ጠዉ እኮጎሬ ህከንቤቹች ፋል ኡለ ኡድም መዴን ሄዕዮ «ኤፍሬመ» ይሆ ከተመ ኦርዕዮ፤ ህከን ቤቹን ኣሳባን አፋዕሉኡ። 55 አይሁድ ሻሽግ ከበጀቱ ሆንጠኮ እቅ፤ ልግቡስ ሻሽግ ከበጀቱ ኢላኖሀኒች ሄጭት ገወሰ ነጠ እቶተ ሄኣ ቤቹች ጉዕሚቻን ዩሩሳሌም ከተመ መርቶኡ። 56 እሰን ዱኣ ምኒ ኣዜን ኡርት እሰ ሀሰን

«እሰ ከ ከበጀት ከበጃኖቤቹ ሆርን አሜተኖበኣንዶ? መ ሰውይቲን?» የቀንተን መት-መቲንከስ ጠወኣኣት እቅ። 57 ህትን ቂስ አምንሳትለከ ፈርሳውት እሰ ኣፎተ ሄኣኖ ቤቹ ደገኖ መንቹ ሄዕዮ ጎሬ እሰ ለሊሶስተ መን ጉዕመንከ ኣዘዘ እቅ።

12 ሻሽግ ከበጀቲሃ ሌሁ በሩ ፈቆህኒን እሰ ቢታንያ ኦርዕዮ፤ ሁኩ ቢታኑ እሰ ሬሆች ኬሾስ አልዓዛር ሄኣኖተ ቀዕዮ እቅ። 2 እሰን ህከኒን እሰሃ ሀርባት ቅጥ አታን ማርት ሆንጠህሳኣት እቅ፤ አልዓዛርን እሰን ሚጠብ ማዳን አፋዕልቶሁኡች መቶሃስ እቅ። 3 ህከ ወክት መርየመ ሞጉስ አበ ጤኣት እኮ ነጠ «ናርድስ» ይሆ ሀቂቶ መክቶ መቶ ብልቃጥ ሽቱት ኤቡኡ፤ ህዝንን እሰ ሎካን ቡርት ሙሚንከሴ ሸንሸቶኡ፤ ህከን ሽቶ ኣንጀንት ምኒ ኣዘ ዊንቶኡ። 4 ጠዉ እኮጎሬ ኣሳባቶ መቱ እሰ ሆሽ እሰኖ ኣሰቆርንቶ ይሁድ፤ 5 «ከ ሽቱት ሰሴ ጥቤ ዲናረ ህሬን ሚሃ ቡጥቻኖተ ኣሴናበኣ?» ይእ። 6 እሰ ህዝን ጠወዕዮሁ ቡጥቻኖተ ሻቹ አሁዕነ ሞጋንቹ እኮቤቹሃት፤ ህትን ብር ከረጢትተ አፈሪሃ እኮቤቹሃ ህከን ከረጢቲን ሞሪኖ ብሬች ኣኡ ሮሽቤቹሃት። 7 እሰ «ሞገማም በሬተ ተቃጠባቤቹሃ ኣጉራሴ። 8 ቡጥቻት ጉዕመ ወክትንከ ክዕኔኣን ሚጠብ ሄኣኣ፤ ጠዉ እኮጎሬ ኣን ክዕኔኣን ጉዕመ ወክት ሄኣምበኣ» ይእ። 9 ህከ ወክት ልግቡ አይሁዱ እሰ ቢታንያን ሄዕዮገ ደግ ህከ ቤቹ አሜቶኡ፤ እሰን ህከ ቤቹ አሜቶኢሁ ጠለዕል እሰ ለኣተ አሁዕነ እሰ ሬሆች ኬሾ አልዓዛሬሁ ለኦታት እቅ። 10 ቂስ አምንሳትን አልዓዛሬ ሽቶት አማዕለንቶኡ። 11 መስንትስ ልግቡ አይሁዱ ሰውትስ ዶርትን አልዓዛሬ መሳን ኣሳን አመዕንቶቤቹሃት። 12 ህከኒች ኤተርን ሻሽግ ከበጀት ከበጅቶት አሜቶ ልግቡ መት እሰ ዩሩሳሌመ አሜተኖገ ሞጮጭቶኡ። 13 ህዝን እኮቤቹሃ እሰን እሰ ቶጎተ ዘምባብ ሀበረ ኣፍ ላገስ ጎት ኣት «ሆሳና! ቀርቶ ሱዕሚን አሜተኖ ኣሰራኡል ሞሙ ማሰአምኣሃን» ይቶኡ። 14 እሰ ሀርቶ ሞተረ ደግ እሰን ቆጶ፤ ሁኩን እኮሁ፤ 15 «ኣት ጽዮን ከተመ! ሞጅቶት፤ ሁኩዕኑን ሞሙክ ሀርቶ ሞተራን ቆጶ አሜተኖት» የመም ከተበሞ ራገ ዊሞታት። 16 ሁኩ ጠዉ ሄጭ ኣሳባት ኣጎሰበኣ እቅ፤ ጠዉ እኮጎሬ እሰ ኬዕምኚን ኣጎች ኤተርን ኩ ጠዉ እስተኔ ከተበመሰለከ ጠወስ እሲሃ ኣኤመገ ሰውይቶኡ። 17 እሰ አልዓዛሬ ሎዲች ገእ ሬሆች ኬሰን እሰን ሚጠብ ሄኣ መት እሲሃ መስከርቶኡ። 18 ሁኩ ኡመቱ እሰ ቶጎተ ፋሎሁ እሰ ህከ ኣጀብሲሰኖ ጠወ አዕዮገ ሞጮጭቶቤቹሃት እቅ። 19 ህከ ወክት ፈርሳውት «ከለዕዬ ኣዱንያ ኣሉ ጉዕመንኩ እሰ አምነኖት፤ ነኡ መቱርቹሃ አዕናተ ኣታልናምበኣ» የቀንቶኡ። 20 ህከን ሻሽግ ከበጀ ወክቲን ሰገዶተ ዩሩሳሌመ አሜቶ መን በላን መት-መቱ ግሬክ መት ሄኣ እቅ። 21 እሰን ገሊለ ባዶን ሄዕዮ «ቤተ ሳይዳ» ይሆ ከተሚቶ አሜቶ ፍልጶቤቹ መርት «ቀርቶ! ነኡ እሰ ለዕናተ ሆንገም» ይቶኡ። 22 ፍልጶስን መር ኣንድራሴሃ ኩሎ፤ ኣንድራሰለከ ፍልጶስ መርት እሲሃ ኩልቶኡ። 23 እሰ ፈንቀሽ «መንቶ ቤቱ ኬዕምሴኖስ ወክቱ ኢልዮኡ። 24 ሀንቅንከ ያንክዕኔ፤ ኣለሰ መትት ኣልት ኡላን ኡብ ሬትባቶ ጠለዕል ፈቃኣ፤ እኮጎሬ ሬቶች ልግብ ላልቹ ላልታኡ። 25 ነብሳስ ኢተኖሁ ነብሳስ ቤሰኖ፤ ጠዉ እኮጎሬ ከን ኣዱንያ ኣሴን ነብሳስ ግብኖሁ

ዘላለሚሃ ጉዕሚንከ ጎፍብ ሄኡ አገሪረኛ። (aiōnios g166) 26 ኤሳሃ ካደሞተ ሀሰኖሁ ዮ ጎሬ አምኑዕኔ፤ እን ዮምቤቸን ካድንቹአ ሀከን ቤቸን ሄእኖ፤ ኤሳሃ ካደመኖሃ እኩኤ ሎርሰኖስ» ይእ። 27 ህትን ኢስ «ነብሴቹአ ጨከቀንቶኤ፤ ቲንገ መ ዩ? ላኢ ኣነ! ከን ወክቲቹ ጡምሴኤ» ይንዶ? ህት ይበገ ኣን አሚቸሚሁ ከን ወክቲሃት። 28 እ ኣና! ሱዕመክ ሎርሰ» ይእ፤ ሰሚቹን «ሱዕመኤ ሎርሰዮም፤ ህትን ቲሁ ሎርሰላም» ይታ ላገት አሚቶኤ። 29 ህከን ቤቸን ኡሬ መኮ ህከን ሞጮጪ ወክት «ኩን ጉገኛተ ላገ» ይቶኤ፤ ሞሉሰንገ «መላይኪቹ ጠወእኖሲት» ይቶኤ። 30 ኢስ ፈንቀሽ «ኩ ላገት ክዕኔተሃሃ አሚቶኤ ቤሉ ኢተሃሃ አሚቶበእ። 31 ከን ኣዲንያ አሌን ፍርዱ አሀኖሁ ቲሶት፤ ህትን ከን ኣዲንያ አል ዳፍ ሼይጣንቹ አብል ፋል ኡብኖ ወክቲ ቲሶት። 32 ኣነ ኡለ አለቶ አሌ ሞሉም ወክት ጉዕመንከ መነ ኢ አደ አእም» ይእ። 33 ኢስ ህት ዩስ ህት እክ ሬሆኖ ጎር ለለሶታት እቅ። 34 ህትን ኡመቱ ፈንቀሽት «ሕግ ላገቶ ሞጮጭኖሚሁ መሲህ ዘላለሚሃ ጉዕሚንከ ሄእኖ» ዮኖሃ እቅ፤ አት ህት መንቶ ቤቱ አሌ ሞሉ ሀሰሰኖስ» ይታንትት? ኩ መንቶ ቤቱ አይት ጎር?» ይቶስ። (aiōn g165) 35 ኢስን «ቀዎ ወክቲሃ ኑሩ ክዕኔን ሚጡብ ሄእኖ፤ ቱንስቹ አፈኖሀዕኔበእገ ኑሩ ሄዕዮ ጌሳን ሃሚ፤ ቱንስቹ ሃሚኖሁ ሀከቤቹ መረኖጎር ደገኖበእ። 36 ኑር አለተ እኩኖተ ኑሩ ዮ ጌሳን አመዕንዬ» ይሰ፤ ኢስ ህከን ዬቶ ኤተሮን ላጎች አደ እክ ገበጭ ይእ። 37 ኢስ አብ መላተ ብሬንከስ አዕዮ ጎሬህ አይሁዱ እሲን አመዕንቶበእ። 38 ሁኩንን ነቢዬቹ እስያስ «ቀርቸ! ኩሉኖም ጠወ አይ አመዕንዮኔ? ህትን መገን ዎቀልት አይሃ ለልቶኡ?» ይ ጠወዕዮ ላገት ዊንቶታት። 39 ህከን እኮቤቹሃ አመዕንቶት አታልቶበእ፤ መሰንትስ ነቢዬቹ እስያስ ለንኪሃ 40 «አሌንከስ ለአበአገለክ ቀልቤንከስ ሰውይታበእገ ኢ አደ ፈንቀልታን እን ፈይሳንሰበእገ አልስ ቆቅሾኤ፤ ህትን ቀልብንከስ ዱድሾኤ» ይቤቸሃት። 41 እስያስ ህከን ዬኤህ እስ ሄጭን መሲህ ኬዕምኝ ለዕዮቤቹሃት፤ እስተሄሃ ጠወዕዮቤቹሃት። 42 አይሁድ ሀለቃቶ ልግቡስ እሳን አመዕንቶጎሬህ ጭምትስ ምነቶ ቆሽታበእገ ፈርሳውተ ዎቺቶቤቹሃ አመዕኑስ ለለሶበእ እቅ። 43 መሰንትስ እስ መገኑ ኬዕምሰኖ ኬዕምኝ መኮ ኬዕምሰኖ ኬዕምኝ ኢትቶቤቹሃት። 44 ህትን ኢስ ላገስ ጎት አዕይ «ኢን አመዕንኖሁ ጠለዕል ኢን አሁዕን ኤሳሃ ሶኮኤሀንን አመዕንዮአሃን። 45 ኤሳሃ ለእኖሁ ኤሳሃ ሶኮኤሃ ለእኖ፤ 46 ኢን አመዕንኖሁ ጉዕመንኩ ቱንስቹን ሄእኖበእገ ኣን ኑር እክ ከ ኣዲንያ አል አሚቸም። 47 ላገኤ ሞጮጭ አገርበህን አሌን ኣን ፈረዳምበእ፤ መሰንትስ ኣን አሚቸሚሁ ከን ኣዲንያ አል ጡምሶታት ቤሉ ፈረዳታበእ። 48 ኤሳሃ ግበኤሁለክ ላገኤ ቶግባኤሃ ፈረደኖሁ ዮኡ፤ ኣን ጠወዕዮም ላገት ገይንትሴ ቂያመ በር ፈረዳስ። 49 መሰንትስ ኣን ገዩንከኤ ጠወዕዮምበእ፤ ኣን ያሚሃለክ ጠወእሚሃ ኣሴኤሁ ኤሳሃ ሶኮኤ አናኤ ገምንከስ። 50 እስ ትዛዙ ዘላለሚሃ ጉዕሚንከ ሄእኖ ሄኡ አሁስ ደጋም፤ ህከን እኮቤቹሃ ኣን ጠወእሚሁ እኩኤ ኩሎኤሃት» ይእ። (aiōnios g166)

13 ኢስ ሻሽግ ከበጃቶ ሄጭ ከን ኣዲንያ አለቶ ኣነስ ቤቹ ኦርእኖ ወክቲ ኢሊገ ደገ፤ እስን ከን ኣዲንያ አሌን ሄዕዮ ገይስ መነ ጉዕመንከ

መጨረሻ ኢለ ኢቲስ። 2 ኢስለክ አሳበስ ሁርባት አታኢት እቅ፤ ሰሞኔ ቤቱ አስቆርኑቶ ይሁደ ቀልብስ አልብሱ ኢስ ህግሽ ኣሰኖገ አዕዮስ። 3 ኣኩ ጉዕመርቹንክ ኣንጋንከስ ኣሴገለክ መገን ኣዲን አሚቸገ ህትን መገን አደ ፈንቀል ኦርእኖገ ኢስ ደገኖ እቅ። 4 ህከን እኮቤቹሃ ማዲቶ ኬዕይ ኦድኑስ ኣፋሽ ፎጠ ኣእ ረመዘንተስ ቆዕሬኤ። 5 ህከኒቶ ኤተሮን ኣዕሊኖ ኦዲን ዊቶ ዎር አሳበ ሎከተ ኣንሸን ረመዘንተስ ቆዕሬ ፎጠን ሞሼኤ። 6 ኢስን ሰሞን ጴጥሮሴቤቹ ኢሌ ወክት ሰሞን ጴጥሮስ «ቀርቸ! አት ኢ ሎከተ ኣንሸተንንዶ?» ይሰ። 7 ኢስን ፈንቀሽ «አን ቲሱ አእሚሃ አት ደጋንትበእ፤ ጠወ እኮጎሬ ኤተሮን አጥራመታንት» ይሰ። 8 ሰሞን ጴጥሮስ «አት ኢ ሎከተ ሆሮን ኣንሸታንትበእ» ይሰ፤ ኢስን ፈንቀሽ «አን ሎከተ ኣንሸበጎሬ ኢቶ ወጡ ዮሄበእ» ይሰ። (aiōn g165) 9 ሰሞን ጴጥሮስን ፈንቀሽ «ቀርቸ! ህት እኮቶ ጠለዕል ሎከአ አሁዕን ኣንገለአክ ቡዕላለ ሚጡብ ኣንሼኤ» ይሰ። 10 ኢስን «አልስ ኣዕልህን ጉዕመ፡ ጅስመንኩስ ሙጩሩ እኮቤቹሃ ሎከስ ኣዕል ቤሉ ዎሉ ሀሰሰኖስበእ፤ እዕኑ ሙጩራኖታን፤ ጠወ እኮጎሬ ጉዕመንኩክዕኔ ሙጩራኖተበእ» ይሰ። 11 ኢስን «እዕኑ ጉዕመንኩክዕኔ ሙጩራኖተበእ» ይኤህ ህግሽ ኣሰኖሲህ አይት ጎር ደገኖቤቹሃት እቅ። 12 ኢስ ሎከተ ኣንሸ ሹሎቶ ኤተሮን ኦድኑስ ኦደዕይ ቤቹስ ፈንቀል ኣፋዕል «አን ክዕኔሃ አዕዮሚሃ አጥራመቲንንዶ? 13 እዕኑ ኤሳሃ «አስተማርቹ» «ቀርቹ» ይቲነንተኤ፤ ኣን አስተማርቹለክ ቀርቹ እኮምቤቹሃ ይቲነንታሁ ሀንቅሃን። 14 ቲሱ ኣን ክዕኔሃ ቀርቹለክ ኣስተማርቹ አህን ሎከክዕኔ ኣንሼሚቶ እዕኑሁ መት-መትክዕኔ ሎከተ ኣንሹ ሀሰሰኖሀዕኔ። 15 ኣን ክዕኔሃ አዕዮምገን እዕኑሁ አቶኖተ ሞሳልተ ኣሰዮንክዕኔ። 16 ሀንቅንክ ያንክዕኔ፤ ካዲንቹ ቀርቹቶ ህትን ሶቀመኖሁ ሶኮሰሂቲቶ በተአኖበእ። 17 ከ ጠወ ደገን ሆጎ አሌን ሆስሴንት ጎር ማሰእንቲታእገ ኢኤንከ። 18 ኣን ካን ያሚሁ ጉዕመንክክዕኔበእ፤ ኣን መጠርም መነ ኣን ደጋም፤ ጠወ እኮጎሬ መጻፋን ላቸተ ኣን ሚጡብ እቸሁ ኤሳሃ ባለጋረ እኮ፤ የመሞሁ ዊሞታት። 19 ኣን ኩ ጠወ አሁዕናን ሄጭ ኩላንክዕኔህ ኩ ጠወ እኮ ወክት እዕኑሁ ኣን ኤሳሃ አሁኤ ደገንተጋት። 20 ሀንቅንክ ያንክዕኔ፤ ኣን ሶሃሚሃ ቶገኖሁ ኤሳሃ ቶገኖ፤ ህትን ኤሳሃ ቶገኖሁ ኤሳሃ ሶኮኤሃ ቶገኖ» ይሰ። 21 ኢስ ህከን ጠወዕዮቶ ኤተሮን ቀልቤስ ሻቸ «ሀንቅንክ ያንክዕኔ፤ ክዕኔቶ መቱ ኤሳሃ ህግሽ ኣሰኖ» ይ ጠወዕዮ። 22 ኣሳባቸስ እስ ከ ጠወ ጠወዕዮሁ አይሃት ጎር ደግበቤቹሃ መት-መቱስ ለኡኤ። 23 ኣሳባቸ ኢስ ኢተኖሁ ኢስ መድ ጠምበቅይ ኣፋዕልዮ እቅ። 24 ሰሞን ጴጥሮስ እሱ ቀቀሽ «አይተኔሃ ጠወእኖት ጎር ጠዕምስ» ይሰ። 25 ህከን እኮቤቹሃ እስን ጎበስ ኢስቤቹ ሆንጠህሽ «ቀርቸ! ህግሽ ኣሰኖሄህ ኣይት?» ይ ጠዕሚስ። 26 ኢስን «ከ ጣቢተ ወጤን ቀሽ ዱሳንሰሃን» ይእ፤ ህከን ጠወዕይ ጣቢተ ወጤን ቀሽ ኣስቆርኑቶ ሰሞኔ ቤቱ ይሁዲሃ ዱቅሾስ። 27 ይሁዲን ህከን ዱቆቶ ኤተሮን ቀልቤንከስ ሼይጣኑ ኣጎ፤ ኢስን ይሁደ «ኣቶት ሰውይቶንቲሃ ደዕልት ኣእ» ይሰ። 28 ህከኔ ማዲን ኣፋዕሌ መነቶ አይሁ ኢስ ህከን ሚሃ ዩጎር ደገበእ። 29 ይሁደ ብረ አፈኖሃ እኮቤቹሃ ኣሳባቸ መት-መቱስ ኢስ ይሁደ «ሻሽግ ከበጃቶ ከበጅኖተ ሀሰሰኖ ብረ ህከረገን ቡጥቻኖተ ሰደቀተ

እስ» ዬሌሃ አጉጆስ እቅ። 30 ይሁድን ዲቆች ኤተሮን ደዕለንስ አጉር ኦሮዕዮ፤ ሁኩ ወክቱንኩ ሀንከዕሬተ እቅ። 31 ይሁድ ሀንከቤቺች 4ል ኦሮዕዮ ወክት ኢስ «ቴሱ መንች ቤቱ ኪዕምኝ ደዕዮኡ፤ መገኑንኩ እስ መሳን ኪዕምኝ ደኣኖ። 32 መገኑ ቤቱ መሳን ኪዕምኝ ደኣኡች መገኑ ገወንከስ ቤቲሃስ ኪዕምኝ ደዕልን ኣሰኖ። 33 ኢ ኦሶ! ክዕኔን ሜጡብ ቀጪ ወክት ዲንካም፤ እዕኑ ሀሴነንተኤ፤ አይሁዲሃ «አን ኦርኣምቢቹ እዕኑ መርቶሞተ ኦታልቲንተበኤ» ዬምሀሂን ቴሁ ክዕኔሃ ህት ያም። 34 ገገወንኩክዕኔ ኢተቀንቶሮተ ሃዕር ትዛዝ ኣሳንክዕኔ፤ እን ክዕኔተ ኢታምገ ገገወንኩክዕኔ መት-መቱክዕኔ ኢትዬ። 35 ገገወንኩክዕኔ ኢተቀንቲንተ ጎር አምንቲንተኤረ እሁክዕኔ መኑ ጉዕመንኩ ደገኖ» ዬአ። 36 ሰምን ጴጥሮስ ኢስ «ቀርቾ! ሀከቤቹ መርተን?» ዬአ፤ ኢስን «እን መርምቢቹ ቴሱ አምንቶኤተ ኦታልታንተበኤ፤ ኤተሮን አምንታንቲኤ» ይ ፈንቀሼስ። 37 ጴጥሮስን ፈንቀሽ «ቀርቾ! ሚሃት ቴሱ አምኖሂተ ኦታልምበኢሁ? ኣን ፎልኤ ኪተኔሃ ህግሽ ኣሳም» ዬአ። 38 ኢስን «እት ፎልክ ኢተኔሃ ህግሽ ኣተንንዶ? ሀንቅንክ ያንኬ፤ ከበር ሀንጠቦ ዋዶተ ኢለ ሰሶር ለገኣንቲኤ» ይ ፈንቀሼስ።

14 ኢስ «ቀልቡክዕኔ ህልቁንከ፤ መገኖን አመዕንዬ፤ ህትን ኢን አመዕንዬ። 2 እንኤ ምኔን ልግቡ ቤቹ ዮኡ፤ ህካን አኮበአቀ ብቹ ቅጥ አኦህዕኔተ መራም» ያምበኢ እቅ። 3 እን መር ቤቹ ቅጥ አዕዮንክዕኔ ወክት ፈንቀል አሜች ኣን ሄኣም ቤቹን እዕኑ ሄኡኖተ ኢቤቹ መሳንክዕኔ። 4 እን መርም ዎቃሃ ደገኒንተ» ዬሱ። 5 ቶምሰን ኢስ «ቀርቾ! ኦት መርታንትቤቹ ደንጎምበኢህ ህት እንክ ዎቃስ ደንጎተ ኦታልኖም?» ዬአ። 6 ኢስን ፈንቀሽ «እን ዎቃሃ፤ ሀንቁሃለክ ሄኣሃን፤ ኢ አዲን አህባች አይሁ እን መገን ቤቹ መርተ ኦታለኖበኤ። 7 ኤሳሃ ደገኒተ እቃን እንኤ ደገኒንተ እቅ፤ እኮጎሬ ከ ኤተሮ ደገኒንተሰ፤ ህትን ለኤንተሰ» ዬሱ። 8 ፍልጾስን «ቀርቾ! እን መገኑ ለሊሰኔ፤ ሁኩን አሆኤ» ዬሱ። 9 ኢስን «ፍልጾሴ! ኣን ኬንከ ዘማን ክዕኔኣን ሜጡብ ሄኣን ኤሳሃ ደገኒንቲኤበኣንዶ? ኤሳሃ ለዕዮሁ ኣን መገኑ ለዕዮሃን፤ ህካን እኮች ኣት ህት ሓን መገኑ ለሊሰኤ» ይተን? 10 እን እን መገኖን ሄዕዮምገ ህትን ኣት መገኑሁ ኢን ሄኡስ አመዕንታንትበኣንዶ? ኣን ክዕኔሃ ጠወኣም ላገት ገይኤ ዎልቃኒበኤ፤ ጠወ እኮጎሬ ኢን ሄኣኖ ኣት መገኑ ሆጉስ አኣኖ። 11 እን እን መገኖን ሄዕዮምገን ህትን ኣት መገኑ ኢን ሄዕዮገ አመዕንዬ፤ ሁኩን ዮበኢ ጎሬ ሆጎአተኔሃ አመዕንዬ። 12 ህንቅንከ ያንክዕኔ፤ ኢን አመዕንዮሁ ኣን ኣኣም ሆጉተ አኣኖ፤ ህትን ኣን እን መገን ቤቹ መርምቢቹሃ ህከኒች በተኣኖሃ አኣኖ። 13 ኣት መገኑ ቤቲንከስ ከበጀሞተ ሱዕሚንከኤ ኡጭቲንተ ጠወ ጉዕመንከ ኣኣም። 14 እኮስ ጠወሃ ሱዕሚንከኤ ኡጭቲንተ ጎር ኣን ኣኣም» ዬአ። 15 ኢስ «ኢትቲንተኤጎር ትዛዝኤ አገሬ። 16 ኣት መገኑ ዘላለሚሃ ክዕኔኣን ሜጡብ ሄኣኖ ዎሉ ጠራኝሳንቹ ኣሶህዕኔተ ኣን እሱ ኡጭም። (aion g165) 17 እሱንከ ከን ኣዲንያ አል መኑ ቶጎስበኤ፤ መሰንተሰ ለአበሰቤቺሃለክ ደጉሆጎስቤቺሃት፤ እኮጎሬ እስ ክዕኔኤን ሜጡብ ሄኣኖቤቺሃለክ ኣዘኔክክዕኔ አሆናቤቺሃ እዕኑ ደገኒንተሰ። 18 «እኩለክ አመት ዮበኤ አለገ ህትን አጉራንክዕኔበኤ፤

ክዕኔቤቹ ፈንቀል አሜታም። 19 ቀዎ ወክቲች ኤተሮን ከን ኣዲንያ አል መኑ ሆሮን ለኣኖኤበኤ፤ እኮጎሬ እዕኑ ለኤንተኤ፤ ኣን ሄኣምቤቺሃ እዕኑሁ ሄኤንተ። 20 እን ኣገንከኤ እዕኑ ኣን ህትን ኣን ክዕኔኣን ሄኡኤ ህከ በር ደገኒንተ። 21 «ትዛዘኤ እስቤቹን ዮኢሁለክ ትዛዝኤ አገረኖሁ ኤሳሃ ኢተኖ፤ ኤሳሃ ኢተኖንከ ኣኡኤ ኢተኖስ፤ ህትን ኣኢሁ ኢታንሰለክ ገወኣ እሲሃ ለሊሳንስ» ዬአ። 22 አስቆሮንቶ ይሁድ እሁዕን ዎሉ ይሁድ ኢስ «ቀርቾ! ገወክ ከን ኣዲንያ አል መኒሃ እሁዕን ኣሳሃ ለሊሳንቲሁ ህትዬት?» ዬአ። 23 ኢስ ፈንቀሽ «ኤሳሃ ኢተኖሁ ላገኢ አገረኖ፤ ኣኡኤ ኢተኖስ፤ ነኡን ለስቤቹ አሜንት ለሲን ሜጡብ ሄዕኖም። 24 ኤሳሃ ኢትባሁ ላገኤ አገረኖበኤ፤ ኩ ሞጭጭቲንተ ላገንት ኤሳሃ ሶኮኤ እኒኤተ ቤሉ ኢታበኤ። 25 «እን ቴሱ ክዕኔኤን ሜጡብ ሄኣንን ከ ጠወ ኩሎንክዕኔ። 26 እኮጎሬ ኣኡኤ ሱዕሚን ሶህኖ ጠራኝሳንቹ ጠሊሉ ኣያት ጉዕመርቹንከ ተማርሰኖህዕኔ፤ ህትን ኣን ኩሎንክዕኔ ጠወ ጉዕመንከ ሰወይቶኖተ አኣኖህዕኔ። 27 «ወገሬቲኤ ክዕኔን ሄኣኖ፤ ኣን ወገሬቲኤ ኣሳንክዕኔ፤ ኣን ኣሳንክዕኔ ወገሬቲ ከን ኣዲንያ አሉ ኣሰኖ ወገሬትጋበኤ፤ ቀልቤክዕኔ ሻዞኖቹ፤ ህትን ዋጅቶኖቹ። 28 እን ሓርኣም፤ ፈንቀል ክዕኔቤቹ አሜታም» ዬሚሃ ሞጭጭቲንታ፤ ኢትቲንተኤ እቃን እንኤቤቹ መሪሃኤ መንገደኤንተ እቅ፤ መሰንተሰ ኣኡኤ ኢች ሎረሃን። 29 ከን እኮ ወክት አመዕንቶኖተ ቴሱ ሄጭን ጠወስ እሁዕን ኩሎንክዕኔ። 30 ከኒች ኤተሮን ክዕኔኣን ልግብ ጠወኣምበኤ፤ መሰንተሰ ከን ኣዲንያ አል ሽይጣት አሜተኖ፤ እኮጎሬ ኢ ኣሉን እሲሃ መት ዎልቀቲ ዮሰበኤ። 31 ጠወ እኮጎሬ ኣን እን ኢታምገ ከን ኣዲንያ አሉ ደጎተ ኣኡኤ ኣዘኩኤገን ኣኣም፤ ኬዕዬ ከንቤቺች መርኖ» ዬሱ።

15 ኢስ «ሀንቅ ዎይን ላልቹ እኔት፤ ካሾኤንኩ አኖኤ። 2 ላልቹ ላልቡ ኢ አሌን ዮ ሀመ ጉዕመንከ ኣኡኤ መር ከመኖ፤ ላሊቹ ላሊኖሃ አበ ላሎተ ጠር መክሰኖ። 3 እዕኑ ኣን ኩሎንክዕኔ ላገ መሳን ነጠ እከንታኦራን። 4 እዕኑ ኢን ሄዕዬ፤ ኣኒሁ ክዕኔኤን ሄኣም፤ ሀመ ዎይን ላልቹን ሄኣበ ጎር ጠለዕል ገወስ ላሊቹ ላሎተ ኦታለኖበኣን እዕኑሁ ኣን ሄኤንባች ላሊቹ ላልቶሮተ ኦታልቲንተበኤ። 5 «እን ወይኒሃ ላልቹ፤ እዕኑንገ ሀመሃን፤ ኣን እሶን እሰንገ ኣን ዮኢሁ ልግብ ላልቹ ላሊኖ፤ መሰንተሰ ኣን ሄኣባሃ መቱርቹሃ ኣቶኖተ ኦታልቲንተበኤ። 6 ኣን ሄኣቡ አይሁ ሀምገ አብል ቶረም ሞላኖ፤ ህካንን ጭምኣኤን ገሬን ዎሬን ቡሴኖ። 7 እዕኑ ኣን ሄኤንተ ጎሬ ኢ ላገንት ክዕኔኣን ሄኡ ጎሬ ሀሴንተርቹ ጉዕመንከ ኡጭዬ፤ ኣሰመኖህዕኔ። 8 እዕኑ ልግብ ላልቹ ላልቲንተ ጎር ኣኡኤ ከበጀመኖ፤ ህትን እዕኑ ኤሳሃ አምንታረ እሁክዕኔ ለሊሴንተ። 9 ኣኡኤ ኢቲኤገን ኣኒሁ ክዕኔተ ኢቲንክዕኔ፤ ኢተኤ ኣዘን ሄዕዬ። 10 እን እንኤ ትዛዝ አገር ኢተሰ ኣዘኔ ሄዕዮምገን እዕኑሁ ትዛዝኤ አገርቲን ኢተኤ ኣዘን ሄኤንተ። 11 ካን ኩሎንክዕኔሁ መንዲኡኤ ክዕኔኣን እኮተለክ አበ መንደኣኖታት። 12 ኢ ትዛዘ ኣን ኢቲንክዕኔገን እዕኑሁ መት-መቱክዕኔ ኢትቶኖታት። 13 መንቹ ፎልስ ጃላተስ ህግሽ ኣሲች በተኣ ኢተት ዮበኤ። 14 እዕኑ ኣን ኣዘኩንክዕኔሃ ኣቲንተጎሬ ኢታ ጃለ። 15 ቀርቹ አኣኖ ጠወ ካዲንቹ ደገኖበኣቢቹሃ ኣን ከ ኤተሮ ክዕኔኤተ ካዲመኤ» ያምበኤ፤ ጠወ እኮጎሬ

እነዚህ ሞጮቹ መሆን ጉዕመንከ ለሊቸንክዕቤቼሃ «ጃለኤ» ይንክዕኔ።
16 እን መጠርንክዕኔ ቤሉ አዕኑ መጠርቴንጉኤበኤ፤ እን ሶኮንክዕኔሁ ልግብ ላልቼ ላሊቶኖተለክ ላሊቸንኩ ሄእኖሃ አሆተ መጠርንክዕኔ፤ ሀካን አኮቤቼሃ አዕኑ ሱዕሚንከኤ ኡጭቴንተርቼ ጉዕመንከ እኑኤ አሰኖህዕኔ።
17 እን አዘዛንክዕኔ ትዛዙ መት-መትንክዕኔ አተቀንቶኖታት» ይሉ። **18** እሰ ኩ ኣዲንያ አሉ ግባህንጎል ክዕኔኤቶ ብርተ ኤሳሃ ግባሃ አሁሰ ደጌ።
19 አዕኑ ከን ኣዲንያ አሊቶ እኬንተ እቃን ኩ ኣዲንያ አሉ ኢተኖህዕኔ እቅ፤ ጠው እኮጎል አዕኑ ከን ኣዲንያ አሊቶ እኬንበቤቼሃለክ እን ከን ኣዲንያ አሊቶ አደ አዕይ መጠርንክዕኔቤቼሃ ኩ ኣዲንያ አሉ ግባኖህዕኔ። **20** እን ክዕኔሃ ካዲንቼ ቀርቼችሰ በተአኖበኤ ይ ኩሎንክዕኔ ላገተ ሰውይዬ፤ ኤሳሃ ሸርቶኤች ክዕኔታሁ ሸርታኤ፤ ኢ ላገተ አገርቶ እቃን ክዕኔ ላገታ አገርታ እቅ።
21 እኮጎል ኤሳሃ ሶኮሃ ደግበቤቼሃ ኢ መሳን ከ ጉዕመንከ ጠው አታህዕኔ።
22 እን አሜች ኩሎንበበእቃን ጨብ አሆኖሰበ እቅ፤ ጠው እኮጎል ቴሱ ጨቤህሰ ደባብርታርቼ ኖበኤ። **23** ኤሳሃ ግባኖህ እነኤ ግባኖ። **24** እዩሁ አእበ ሆጉተ እን አሰ በላን አዕኖምበ እቃን ጨብ አሆኖሰበ እቅ፤ ጠው እኮጎል ካን ጉዕመንከ ለእ ኤሳሊክ ኢ እነ ግባኤ። **25** ኩን እኮሁ አሰ ሕጋን ህትን ግባኤ የመም ከተበሞሁ ዊሞታት። **26** ጠው እኮጎል «እነዚህ ኢሜተህ-ሊክ እነሁ እነዚህ ሶሃንክዕኔ ጠራኝሳንቼ ሀንቅ እያኑ አሜቶጎር አሰ ኢተኑ መሰከርኖ። **27** ህትን አዕኑ ዎዕኔችን ኢን ሜጡበ ሄኤንተቤቼሃ መሰከርቴንተ» ይሰ።

16 እሰ «እን ካን ጉዕመንከ ኩሎንክዕኔሁ አመዕነቲችክዕኔ ኡቤንተበኤ ይደቅ። **2** ጭምት ሞኖች ፋሽት ሸርታህዕኔ፤ ሀንቅንከ ክዕኔኤተ ሸኖሁ ጉዕመንኩ መገኒሃ አእኖሃ አጉደኖ ወክቱ አሜተኖ። **3** እሰ ሀካን አታኤሁ ኤሳሊክ እነኤ ደጋበኤቤቼሃት። **4** ጠው እኮጎል እን ካን ክዕኔሃ ኩሎንክዕኔሁ ወክቱሰ አሌረ ከን ጠውተኔሃ መ ይንክዕኔጎር ቃጎኖታት፤ እን ካን ከኒች ብርተ ኩልበህዕኔሁ እን ክዕኔኤን ሜጡበ ሄዕኖምቤቼሃት» ይሰ። **5** እሰ «ጠው እኮጎል ቴሱ ሶኮኤህንበ ኦርኣም፤ እኮጎል ክዕኔች እዩሁ ሀክቤቹ መርተን?» ይ ጠዕምኖኤበኤ። **6** እኮጎል እን ካን ኩሎንክዕኔቤቼሃ ቀልበክክዕኔ ሻዙተ ዊንቶኤ። **7** አሁን ቤሉ እን ሀንቅንከ ያንክዕኔ፤ ኢ ኦርኤ ክዕኔኤሃ ደግለላኖህዕኔ፤ መሰንትሰ እን ኦርኣባች ጠራኝሳንቼ ክዕኔቤቼ አሜተኖበኤ፤ እን ኦርዕኖሚች እሱ ክዕኔቤቼ ሶሃም። **8** እሰ አሜች ወክት ከን ኣዲንያ አል መኒሃ ጨብሰ ኩሎች ኤተርን ጨብተኔሃ፤ ጠሊልመተኔሃለክ ፍርድተኔሃ መሃጎር ለሊሽ ኩለኖ። **9** ጨብተኔሃ ኩለኖሳሁ ኢን አመዕኑ ግባቤቼሃት። **10** ፈይመተኔሃ ኩለኖሁ እንኤቤቼ ኦርኣምቤቼሃትለክ ከኒች ኤተሪሃ ለኤንተበኤቤቼሃት። **11** ህትን ፍርድተኔ ኩለኖሁ ከን ኣዲንያ አል ዳኝ አሌን ፈረደምቤቼሃት። **12** «ዋሉ ኩላንክዕኔ ልግቡ ጠው ኖኡ፤ እኮጎል ቴሱ ጠወሰ ቀልቤክዕኔ አፌን አታልቴንተበኤ። **13** ሀንቅ እያኑ አሜች ወክት ሀንቅ ጉዕመንከ ደንነተጎ አእኖህዕኔ፤ መሰንትሰ እሰ ጠወአኖሁ ሞጮጭኢሃት ቤሉ ገዪችሰ መቱርቼሃ ጠወአኖበኤ፤ እሰን ከ ኤተሩ አሜተኖ ጠው ኩለኖህዕኔ። **14** እሰ ኢች ኣኤ ኩለኖህዕኔቤቼሃ ኤሳሃ ለርሰኖ። **15** ኢኒሃ እኮሁ ጉዕመንኩ

ኢሃን፤ «ኩ ኢች ቶግ ክዕኔሃ ኩለኖህዕኔ» ይሚሁ ከኒሃት። **16** «ቀዋ ወክተሃ ለኤንተኤበኤ፤ ህትን ቀዋ ወክተች ኤተርን ለኤንተኤ» ይሰ። **17** አሳባችሰ መት-መቱ «ኩ ቀዋ ወክተሃ ለኤንተኤበኤ፤ ህትን ቀዋ ወክተች ኤተርን ለኤንተኤ፤ እንኤቤቼ ኦርኣም፤ የኖኤሁ መ ዩሃሰ?» የቀንቶኤ። **18** ህትን «ኩ ቀዋ ወክተች ኤተርን» የኖ ጠው መርቾሃን? መ ዩሃሰጎል ደንጎምበኤ» ይቶኤ። **19** እሰ እሰ ጠዕምቶሰተ ሀሱሰ ደግ «ገጣወንኩክዕኔ ቀዋ ወክተሃ ለኤንተኤበኤ፤ ህትን ቀዋ ወክተች ኤተርን ለኤንተኤ» ይሞቤቼሃትንዶ መት-መቱክዕኔ ጠዕምቱንታሁ? **20** ሀንቅንከ ያንክዕኔ፤ አዕኑ ኦኤንተ፤ ጠው እኮጎል ከን ኣዲንያ አል መኑ መንደኣኤ፤ አዕኑ ሻዜንተ፤ እኮጎል ክዕኔ ሻዙተ መንደኖን ደረንታኤ። **21** መንቼንት አልታ ወክቱ ኢሌ ወክት ጎዕጠን ሻዛኤ፤ አልት ከኤች ኤተርን ከን ኣዲንያ አሌን ጨሉ አለሞ መንደኖን ዎኔ ኦርሸተ ሀባኤ። **22** ህትን አዕኑ ቴሱ ሻዜንተ፤ ጠው እኮጎል እን ለንኪሃ ለእንክዕኔ፤ ክዕኔ ቀልበክኩ መንደኣኤ፤ መንደኩክዕኔ ክዕኔች ኣእኖሁ ኖበኤ። **23** «ህከ በር አዕኑ መቱርቼሃ ጠዕምቱንተኤበኤ፤ ሀንቅንከ ያንክዕኔ፤ እኑኤ ሱዕሚንከኤ ጠዕምቱንተርቼ ጉዕመንከ አሰኖህዕኔ። **24** ቴሱ ኢሉ ሱዕሚንከኤ መቱርቼሃ ጠዕምቱንታበኤ፤ መንደኩክዕኔ ዊመ እኮተ ዱኤ አዕይ፤ ደዕቴንተ። **25** «ቴሱ ኢሉ ከ ጠው ሞሳሌን ኩሎንክዕኔ፤ ከ ኤተሩ ሞሳሌን ኩሎንክዕኔ ወክቱ አሜተኖ፤ ጠው እኮጎል እንኤተኔሃ ጉዕመርቼንከ ለሊሽ ኩላንክዕኔ። **26** ህከ በር አዕኑ እነኤ ሱዕሚንከኤ ኡጭቴንተ ቤሉ እን ክዕኔ ወጥ ኡጭምበኤ» **27** መሰንትሰ እኑኤ ገወንኩሰ ኢተኖህዕኔቤቼሃት፤ እኑኤ ኢተኖህዕኔሁ ኤሳሃ ኢትቴንተኤቤቼሃትለክ እን መገን አዲች አሜቶምጎ አመዕንቴንተቤቼሃት።
28 እን መገን አዲን ኣዲንያ አል አሜቶም፤ ቴሁ ፈንቀል ኣዲንያ አል አጉር እንኤቤቼ ኦርኣም» ይሰ። **29** አሳባንት «ምሳሌን አሁዕኑ ለሊሰ ኩልቶንትኤ። **30** አት ጉዕመንከ ደጋንትገለክ እዩሁ ጠዕሙ ሀሰሰኖበኤ፤ ቴሱ ደንጎም፤ ሀካን እኮቤቼሃ አት መገን አዲን አሜቶንትጎ አመዕንኖም» ይቶሰ። **31** እሰ ፈንቀሽ «ቴሱ አመዕንቴንታንዶ? **32** ጉዕመንኩክዕኔ ኤሳሃ ሚጢሃኤ አጉርቴን ብን ይቴንተ ወክቱ አሜተኖት፤ ወክቱንኩሰ ቴሱ ኢልኖኡ፤ ጠው እኮጎል እኑኤ ኢን ሚጢበ ሄዕኖቤቼሃ እን ሚጢኤበኤ። **33** ካን ክዕኔሃ ኩላሚሁ ኢን ሚጢበ ሄኤንተ ወክት ወገሬቱ አሆህዕኔታት፤ ከን ኣዲንያ አሌን ሄኤንተ ወክት ኦርሸት ኖኡ፤ ጠው እኮጎል ዋጅቶኖቼ፤ እን ከ ኣዲንያ አል ቄሎም» ይሰ።

17 እሰ ሀካን ጠወዕኖች ኤተርን ሰማ ዋሽ ለእን «ኢ አና! ወክቱ ኢልኖኡ፤ ቤቱክ ኬዕምሶሂተ አት እሱ ኬዕምሶሲስ። **2** ሀካን እኮቤቼሃ አት ኣቶንትሰ መኒሃ ጉዕሚንከ ዘላለሚሃ ሄእኖ ሄኤ አሳተ ጉዕማንከ መን አሌን ሹምነቱ ኣቶንትሰቤቼሃት። (aiōnios g166) **3** ዘላለሚሃ ሄእኖ ሄኤ ዩ አት ሚጥቹክ ሀንቅ መገኑ እኮንት ኬሳሊክ አት ሶኮንት መሲህ እሰ ደጉሃን። (aiōnios g166) **4** እን አኦተ ኣቶንቴኤ ሆጉተ ሹል አዕይ ኡለ አሌን ኬዕምሹንኩ። **5** ኢ አና! ኣዲንያ አሉ ከለቀሙዕነ ሃጭ ከቤቸን ሄዕኖኤ ኬዕምሹን ቴሱ ብሬክ ኬዕምሱኤ። **6** «ከን ኣዲንያ አሊች ኣቶንቴኤ መኒሃ ሱዕመክ ለሊሾም፤ እሰን ኪራን፤ አት አሰንተ ኤሳሃ

ጎርግጥ ጠወዕዮ ላገት ዊንቶታት እቅ። 33 ጽላጦሰን ፈንቀል ምንሰ እግ ኢሰ ገእ «አት አይሁድዮ ዋምንዶ?» ይጠዕሜለ። 34 ኢሰን «አት ካን ይታንቲህ ገፆቻክትንዶ ህከረንገ ዋሉ መኑ አተኔሃ ኩሎሄ?» ይጠዕሜለ። 35 ጽላጦሰን ፈንቀሽ «አን አይሁድቸሃንዶ? ኬሳሃ ኤሳሃ ህግሰ አቶሄሩ ዘሬተክለከ ቂሰተ አዋንሳኑ፤ አት መ አቶንት?» ይጠዕሜለ። 36 ኢሰ «ኢ ዋምንቱ ከን አዲንያ አለቸብክ፤ ዋምንቱኤ ከን አዲንያ አለቸ አኮ አቃ አይሁድ አንጋን አጋምበአከ ካዲመኤ ኦላንተ እቅ፤ አኩጎሬ ዋምንቱአ ከን አዲንያ አለቸብክ» ይፈንቀሹለ። 37 ጽላጦሰን «ህከረ አት ዋምንዶ?» ይለ፤ ኢሰ «ዋመ አሁኤ አት ይቶንቲኤ፤ አን ከለቀሞሚሁለከ ከ አዲንያ አል እማቸሚሁ ህንቅተኔሃ መሰከርታት፤ ህንቅ አዲን አኩሁ ጉዕሙንኩ ላገኤ ሞጮጮ» ይፈንቀሹለ። 38 ጽላጦሰን «ህንቅ መርቸሃን?» ይሰ፤ ህካን ጠወዕዮቹ ኤተሮን ጽላጦሰን ለንኪሃ ፋል «አን ከን መንቸን መቱ ቤቸርቸሃ ደጎምበክ። 39 ጠወ አኩጎሬ ሻሽግ ከበጀ ወክት ኡሱሬመ መነቸ መቱ ሂራንክዕፊ ሴሩ ዮቤቺሃ አይሁድ ዋመ ሂሮተ ሀሴንንዶ?» ይሰ። 40 አኩጎሬ አሰ «ባርባ፤ ሂሮ ቤሉ አሉ ሂሮቶት!» ይተን ሎረ ላጋን ጨንጭቶኡ፤ ባርባን ወንበዴቸሃ እቅ።

19 ህከኒቹ ኤተሮን ጽላጦሰን ኢሰ መሰ አልሲሹ። 2 ዋታደረንኩ አት አክሊለ መክሰ ኢሰ ቡዕላን ዋርቶኡ፤ ህትን ሰመ አጉደኖ ቢሸተ ኦድተተ አዲሰሰ። 3 እሰን መድሰ ሆንጠክ «አይሁድ ዋመ! ወገሬቱ ኬሳሃ አሁን!» ይተን መጫለሰ ዋርታኢት እቅ። 4 ጽላጦሰን ምኒቸሰ አብል ፋል «ሁኩዕኑን አን ከን መንቸን መቱ ቤሱሃ ደጉ ሆጉኤ ደጎናተ አሉ አብል ፋሻንክዕፊ» ይሰ። 5 ህካን አኮቤቺሃ ኢሰ ኤት አክሊለ ቡዕለሰ አዕይ ሰመ አጉደኖ ቢሸ ኦድተተ አደዕይ ፋሎ፤ ጽላጦሰን «መንቹሰ ሁኩዕኑን» ይለ። 6 ቂሰ አዋንሳኑትለከ ዱኤ ምኒ ዘበኙ ኢሰ ለኦ ወክት «ሰቀል! ሰቀል!» ይተን ሎረ ላጋን ጨንጭቶኡ፤ ጽላጦሰን «አዕኑ ገወክዕፊ መሰቲን ሰቀሌ፤ መሰንትሰ አን እሰ አሌን መቱ ቤሱሃ ደጎምበክ» ይሰ። 7 አይሁዱንኩ አሲሃ ፈንቀሽት «ኦሳሃ ሕጉ ዮኔ፤ ኩ መንቹ ገወሰ መገን ቤቱ አዕዮቤቺሃ ህከን ሕግክገ ሬሁ ሀሰሰሰሰ» ይቶሰ። 8 ጽላጦሰን ህከ ጠወ ሞጮጮ ወክት አበ ዋጃለ። 9 እሰን ምኒሰ ፈንቀል እግ ኢሰ «አት ህከንቤቼቶት?» ይጠዕሜለ፤ ጠወ አኩጎሬ ኢሰ መቱርቸሃ ፈንቀሽዮበክ። 10 ህካን አኮቤቺሃ ጽላጦሰን «መቱርቸሃ ጠወአንትበአንዶ? ኬሳሃ ሂሮ ገፈሮተለከ ሰቀሎተ ሹምንቱ ዮኔከ ደጋንትበአንዶ?» ይሰ። 11 ኢሰን ፈንቀሽ «መገን አዲቹ ሹምንቱ አሰሞሃበአቀ እት ኤሳሃ መቱርቸሃ አቶተ አታልታንትበክ እቅ፤ ህካን አኮቤቺሃ ኬሳሃ ህግሽ ኣሴህን ጨቡሰ በተአኖ» ይሰ። 12 ጽላጦሰን ኢሰ ህካን ጠወአን ሞጮጮ ወክት ሂሮ ገፈሮተ ሀሽ እቅ፤ አኩጎሬ አይሁዱ «ከ መንቹ ገፈርቶንት ጎሬ አት ሮም ዋሚሃ ጃለበክ፤ መሰንትሰ ገወሰ ዋመ አእኖሁ ጉዕሙንኩ ሮም ዋሚሃ ዲነሃ!» ይተን ጨንጭቶኡ። 13 ጽላጦሰን ህካን ሞጮጮ ወክት ኢሰ አብል ፋሽ «ሻምባቀ ክኑ» የመዋ ቤቸን ፍርድ ቦርጭማን አፋዕሌኤ፤ ሁኩ ቤቹ አብራጭ መን አፎን «ገበተ» የመመኖ። 14 ሁኩ በሩንኩ ሻሽግ ከበጀቲሃ ተቃጠቤኖሃ በር እቅ፤ ወክቱሰ ሌሆ ሳኣትሃ ጌሰ እቅ፤ ጽላጦሰን አይሁዱሃ «ዋመክዕፊ

ሁኩዕኑን» ይሰ። 15 ጠወ አኩጎሬ እሰን «አሉ ከም! አሉ ከም! ሰቀል!» ይቶኡ፤ ጽላጦሰን «ዋመክዕፊ ሰቀሎንዶ?» ይሰ፤ ቂሰ አዋንሳኑን «ሮም ዋሞ ቤሉ ኔሳሃ ዋሉ ዋሙ ዮኔበክ» ይት ፈንቀሽቶሰ። 16 ህከ ወክት ኢሰ ሰቀሎኖተ ጽላጦሰን ህግሽ ኣሴኤ፤ እሰን አፍ መሰቶኡ። 17 ህከኒቹ ኤተሮን ኢሰ ገይሰ መሰቀለ እጅ «ቡዕል ቁላሃ» ይፍቤቹ ፋሎ፤ ሁኩ ቤቹ አብራጭ መን አፎን «ጎልጎተ» ይፍሃን። 18 ህከንቤቸንን አሉ ሰቀልቶኡ፤ ህትን ዋሉ ለሙ መንቹ መቱ መኬ አዲን መቱሰ ጉራ አዲን እት ኢሰ በለሰ ሰቀልቶኡ። 19 ጽላጦሰን «አይሁድ ዋመ፤ ናዝሬት ኢሰ» የኖሃ ከተብ ሰቀለሞ መሰቀል ቡዕል አዲን ኦኦኖተ አዘዙ። 20 ኢሰ ሰቀለሞ ቤቹ ከተሚሃ ግድኑ አኮቤቺሃ ፈግቡ አይሁዱ ከተበሞሲሃ አነበቦኡ፤ ሁኩንን አብራጭ መን አፎን፤ ላቲን አፎንገለከ ግርክ አፎን ከተበሞላ እቅ። 21 አይሁድ ቂሰ አዋንሳኑት ጽላጦሴ «አን አይሁድያ ዋሙ ይገ ከተብ ቤሉ አይሁድ ዋሙ ይት ከተቦት» ይቶሰ። 22 ጽላጦሰን «ከተቦሚንከ ከተቦም» ይፈንቀሹለ። 23 ዋታደረንኩ ኢሰ ሰቀልቶቹ ኤተሮን ኦድተሰ መሰት ቡዕለ ቡዕለሰ መት-መቱ አሎሰተ ቀምቢሰሰ ፊሰ ሾሉ ቤቹ ቤኮኤ፤ ጠው አኩጎሬ ቀምቢሰሰ አለቹ ዋሮ ኢሰ ጎበመዕነ ሜጡብ ደደሞአሃ እቅ። 24 ህካን አኮቤቺሃ ዋታደሩ «አዬሃ አለኖ ጎሬ ለዕኖተ አጠ ኡጅኖ ቤሉ ቀምቢሰ ፊልኑንከ» ይቶኡ፤ ሁኩንን አኮሁ «ኦድኑኤ ቤቸንቶኡ፤ ቀምቢሰኤ አጠ አቶኡ» ይታ ጠሊለ መጻፍ ላገት ዊንቶታት፤ ዋታደረንኩ ህትን አቶኡ። 25 ህከ ወክት ኢሰ መሰቀል መዴን አመሰ፤ አመሰ አመ ቤቱቲ፤ ቀሎጼ መንቹት መርየመለከ መግደል ከተም መርየመ ኡርቶ እቅ። 26 ኢሰ አመሰለከ እሰ አተኖሰ አሳበሰ መዴንከሰ ኡርታን ለዕዮ ወክት አመሰ «ቴ መንቹ! ቤቱክ ሁኩዕኑን» ይሰ። 27 ህትን አሳቤቸሃሰ «አመክ ትዕኒን» ይሰ፤ ህከን ወክቱቹ ኬሽ ሁኩ አሳቤቹ ኢሰ አመተ ምንሰ መሴለ። 28 ህከኒቹ ኤተሮን ኢሰ ጉዕሙርቸንኩ ዊሞግ ደጎ፤ መጻፋን ከተበንቶ ላገት ዊንቶተ «ሰገቦኤ» ይለ። 29 ህከኒን ሆለጮ ዋይኑ ዊሞ ኦደት ሄኦ እቅ፤ ህካን አኮቤቺሃ ህከኔ ዮ መኑ ህከን ሆለጮ ወይነ ጥጢን ጨፍ አገደ አጉደኖ ሀቂን አፊሰቤቹ ሆንጠህሱ። 30 ኢሰን ህከ ሆለጮሃ ፊጭ ይቶ ኤተሮን «አበቀዕዮ!» ይለ፤ እሰን ቡዕለሰ ሙግ አዕይ ሬኖ። 31 ህከኒቹ ኤተሮን አይሁዱ ሰቀለንቶ መን ጋለ ቢጤን ድራሶኖተ ጽላጦሴ ኡጭቶኡ፤ መሰንትሰ አበተ ተቃጠቤኖ በር አኮቤቺሃለከ ሁኩ ፎሎጭ በሩ አበ ከበጃኖሃ አኮቤቺሃ ህከን አባን ሬቹሰ መሰቀል አሊን አህናበአጋት እቅ። 32 ህካን አኮቤቺሃ ዋታደሩ መርት ኢሰን ሰቀለንቶ መን ጋለ ቢጤኡ። 33 ኢሰቤቹ አሜታ ወክት እሰ ሬኖገ ለኦ ጋለሰ ቢጠባኡ። 34 ጠው አኩጎሬ ዋታደሪቻ መቱ ኢሰ ሞዛቹ በገዚን ቀሻን ህከ ወክትንከ ሞዛሽቸሰ ቁጉለከ ውሁ ፋሎ። 35 ህካን ለዕዮሁ አዕኑ አመዕንቲንተገ መሰከሮ፤ ምስክሩንኩ ህንቅሃን፤ እሰ ጠወአኖሁ ህንቅ አኩገ እሰን ደገኖ። 36 ሁኩን አኮሁ መጻፋን «አሲሹ መቱ ሞዛሃ ቢጤኖበክ» የመም ጠሊለ መጻፋን ከተበሞሁ ዊሞታት። 37 ህትን መጻፋን ዋሎ ቤቹን «እሰን ቀሶኦሃ አሊንከሰ ለእሰ» የኖ። 38 አይሁድ ሹመተ ዋጂቤቺሃ ማጠም ኢሰ አዋኖ አርማት ከተም ዮሱፍ ኢሰ ጀናዘተ ኣኦተ ጽላጦሴ ኡጮኤ፤ ጽላጦሰን

«አእ» ይሃንስ ዩሱፍ መር ጀርዘተ ድርሽ መሴእ። 39 ዋዕኔ ሀዋርያን ኢስብ ኦርዕዮ «ገቆድሞሌ» ይኖ መንቸ ሰጅኔ መት ክሉተ እሀኖ ሀንቀፍተት አጉደኖ ካርቤተለክ ቀዕርንደ ልቀለቁማሃ እኣ አሜቸ። 40 እስ ለሙንኩስ ኢስ ጀርዘተ መስት አይሁድ ሴርገ ሽተት ቡርት ጥጥ ኦድኖን ከፈንቶስ። 41 ኢስ ሰቀለሞ መዳን ሀቀ ካሴኖ ቤቹ ሄዕዮ እቅ፤ ሀከንቤቸንን እይሁ ሞገምቡ ሃዕር ሎዱ ሄዕዮ እቅ። 42 ሁኩንን አይሁዱ አባተ ተቃጠበ በር እኮቤቸሃለክ ሀከን ሎድቤቹ ግደኑ እኮቤቸሃ እስ ኢስ ጀእዘተ ሀከን ሎዳን ሞገኡ።

20 ሳሞንት ወኔ በር ገሰመ ሱጵተ አሩ ፋሉዕነ መግደል መርየመ ኢስ ሎድቤቹ መርቶኡ፤ ሀከ ቤቹ ኢልቶገን ሎዱስ ጡፈሞ ክኑ ሎድ ኡሮቹ ፈንተዕዮሃ ለኡኡ። 2 ሀከን እኮቤቸሃ እሴ ሰሞን ጴጥሮሴቤቸለክ ኢስ ኢተኖስ ሞሎ አሳባቤቹ ደጉደን መርት «ቀርቼ ሎዲቻ ፋሽት መስቶስ፤ ሀከቤቹ መስቶስ ጎሬ ደንጎምበእ» ይቶስ። 3 ሀከ ወክት ጴጥሮሴለክ ሞሎ አሳባት ፋፊት ሎድቤቹ መርቶኡ። 4 ለሙንኩስ ሜጡብ ደጉደንን ሞሎ አሳባቤቹ እበ ደጉጅ ጴጥሮሴ ሄጭ ሎድቤቹ ኢሌኡ። 5 ሙግይ ሎድ ኣዝ ለኣኖ ወክት ከፈኔመ ከፈኔ ሀከኔ ዮኢሃ ለዕዮ፤ ጠዉ እኮጎሬ ኣዝ ኣገበኡ። 6 ሰሞን ጴጥሮሴ አዋኝስ አሜቹ ሎድ ኣዝ ኣጎ፤ እሰን ከፈኔመ ኦድኑት ሀከኔ ዮኢሃ ለዕዮ፤ 7 ህትን ኢስ ቡዕላን ጣጤማ ከፈኑ ሞሎ ከፈኒቹ አደ እክ ሞሎ ቤቸን ጣጠሞ ኡባሃ ለዕዮ። 8 ሀከኒቹ ኤተሮን ሁኩ ሄጭ ሎድቤቹ ኢሌ ዎኔ አሳባቤቹ ሎድ ኣዝ ኣግ ለዕይ አመዕኔኡ። 9 መስንትስ እስ «ሬሆቻ ኬኡ ሀስሰኖስ» ይታ ጠለለ መጻፍ ላገተ አጥሬመቶበኣ እቅ። 10 ሀከኒቹ ኤተሮን ለሙንኩ አሳበት ፈንቀልት ምስሰ መርቶኡ። 11 መግደል መርየመ ኦኣን ሎዲቻ አብል አዲን ኡርቶ እቅ፤ ኦኣንን መግይት ሎድ ኣዝ ለኡኡ። 12 እሴን ኢስ ጀርዘተ ሄኦ ቤቸን ሞጂተ ኦድኑተ ኦደኦ ለሙ መላይካት መቼ ቡዕል አዲን መቼንገ ሎክ አዲን አፋዕልቶኢሃ ለኡኡ። 13 እሴን መርየመ «ቴ መንቸ! ሚሃት ኦኣንቲት?» ይቶሴ። እሴን «ቀርቼኤ መስቶስ፤ መ አቶሰጎሬ ደንጎምበእ» ይቶኡ። 14 ሀከን ይት ኤተር አደ ፈንቀልት ኢስ ኡሬኢሃ ለኡኡ፤ ኢስ እሁስ ደጎበኡ። 15 ኢስን «ቴ መንቸ ሚሃት ኦኣንቲት፤ እዬ ሀሳንቲት?» ይሴ። እሴን ሀከኔ ሆጉተ አኣኖ መንቸ ኢጉጃንሴ «ቀርቻ ኦት መስቶንትስ ጎሬ አፋሽቶንት ቤቹ ኩሌኤ፤ ኣን መሳንስ» ይቶስ። 16 ኢስን «መርየመ!» ይሴ። እሴን እስ አደ ዘህት ዕብራዊ ሞን እፎን «ርቡኒ» ይቶኡ፤ ፍሳጎትስ «እስተማርቻ» ዩሃን። 17 ኢስ «እንኤቤቹ መሩዕነ ዮምቤቸሃ ኡልቶቴኤ፤ ጠዉ እኮጎሬ አመኤ ኦሶቤቹ መርት ኣን ኣንኤለክ ኣንክዕኔበ መገንኤለክ መገንክዕኔበ አሌ መራሞ ይዮኡ» ይት ኩልስ» ይሴ። 18 ሀከን እኮቤቸሃ መግደል መርየመ አሳበበ መርት ቀርቼ ለኡሴለክ እሰን መ ዬሴ ጎሬ ኩልቶስ። 19 ሀከን ሳሞንት ዎኔ በሬን ሀዋርያን አሳበት አይሁድ ዳኝተ ተጅኑት ጡፍ ምኒ ኣዜን ጭምዶቶ እቅ፤ ኡሩት ጡፈንቶህኔን ኢስ አሳበስ ጭምዶቶ ምኒ ኣጎ፤ በለስ ኡር «ወገሬቱ ክዕኔኤሃ እሁን» ይሴ። 20 ሀከን ይ ኣንገሰለክ ሞዛቩስ ለሊቮስ፤ አሳበትስ ቀርቼ ለኡ ወክት ሙንደኡኡ። 21 ሀከኒቹ ኤተሮን ኢስ ለንኪሃ «ወገሬቱ ክዕኔኤሃ እሁን! ኣኡኤ ኤሳሃ ሶኮገን እኒሁ

ክዕኔተ ሶሃም» ይሴ። 22 ሀከን ይ እስ አሌን ፎገልስ ኡፍ አዕይን «ጠለለ እያን ቶጎኡ፤ 23 እዕት ሞሎ መን ጨብ ፈቁን ይቲንታጎሬ ክዕኔ ጨቡሁ ፈቁን የመመኖህዕኔ፤ ህትን እዕት ሞሎ መን ጨብ ፈቁን ይቲንባቸ ክዕኔ ጨቡሁ ፈቁን የመመኖህዕኔበኢ» ይሴ። 24 ኢስ አሳበስበ አሜቹ ወክት ቶና ለሞ አሳባቸ መቼ ዲዲሞሴ ይኖ ቶማስ አሳን ሜጡብ ሄዕዮበ እቅ። 25 ሀከን እኮቤቸሃ ሞሎ አሳበት ቶማሴ «ቀርቼ ለዕናንስ» ይት ኩልቶስ። እኮጎሬ እስ «ሙስማሪን ቀሴመ እንገስ ለእባቸለክ ቤቸንክስ ዙሩዕማኤ ኣግሰባቸ ህትን ኣንገኤ ምዛቸንክስ ዮ ጡላን ኣግሰባቸ አመዕናምበኢ» ይሴ። 26 ሳሞንቲቹ ኤተሮን አሳበስ ለንኪሃ ምኔን ሄኦህኔን ቶማስ አሳን ሜጡብ ሄዕዮ እቅ፤ ኡሩት ጡፈንቶህኔን ኢስ አሜቹ በለስ ኡር «ወገሬቱ ክዕኔኤሃ እሁን!» ይሴ። 27 ሀከኒቹ ኤተሮን ቶማሴ «ዙሩዕማክ ከቤቹ ኡብ ኣንገኤ ለኣ፤ ኣንገክን ኡብ ምዛቸንክኤ ኣግሰ፤ አመዕን ቤሉ አመዕንባሃ ኣኮት» ይሴ። 28 ቶማስን «ኢ ቀርቻ! ኢ መገኖ!» ይ ፈንቀሺኡ። 29 ኢስን ቶማሴ «ኣት ለኣንቲኤቤቸሃ አመዕንቶንቲ፤ ለኡዕናን አመዕንታኡ ማስኣንቶኡሪን» ይሴ። 30 ኢስ ከን መጻፋን ከተበሞበኣ ፈግብ እጅብሰሰኖ ጠዉ አሳበስ ለኣን አዕዮኡ፤ 31 ጠዉ እኮጎሬ ኢስ መሰህ መገን ቤቱ እሁስ አመዕንቶናተለክ አመዕንቲን እስ ሱዕሚን ሄኡ ደኣቶናት ኩን ከተበሞኡ።

21 ሀከኒቹ ኤተሮን ኢስ ጥብራዶስ ባር መዳን አሳባተ ለንኪሃ ለሌኣ፤ ለሌኢሁ ህትዩት፤ 2 ሰሞን ጴጥሮስ፤ «መልተተ» የመሞ ቶመስ፤ ገለል ባዶን ሄዕዮ «ቃነ» ይኖ ቤቹ ናትናኤል፤ ዘብድዮሴ ኦስተለክ ሞሎ ለሙ አሳበት ሜጡብ ሄኦ እቅ። 3 ሰሞን ጴጥሮስ «ቁርጫሜት ሞሻዶተ መርታት» ይሴ። እሰን «ከን ሜጡብ መርናም» ይት መርት ጀልባን ኣጎኡ፤ ጠዉ እኮጎሬ ህከ ሀንከዕርተ መት ቁርጫሜት አፎበኡ። 4 ኡለት ሶዛን ኢስ ባር ገበላን ኡሬኣ፤ እኮጎሬ አሳበት ኢስ እሁስ ደጎበኡ። 5 ኢስ «ኢ ኦስ! ቁርጫሜት ዮህዕንዶ?» ይሴ፤ እሰን «መቲርቻህ ዮኔበኡ» ይቶስ። 6 እሰን እሰንት «ወሻደ ጀልብ መኬ አዲን ኡጅዬ፤ ደኣቲንጉት» ይሴ፤ ሀከን እኮቤቸሃ ወሻደ ባር አሌን ኡጅቶኡ፤ ፈግብ ቁርጫሜት አፎበቺሃ ወሻደስ ጎሾሽት ኣታልቶበኡ። 7 ህከ ወክት ኢስ ኢተኖስ አሳባቤቹ ጴጥሮስ «ቀርቼሃን!» ይሴ። ሰሞን ጴጥሮስ «ቀርቼሃ» ይኢሃ ሞጮጮ ወክት ሆጉተ ኣኣተ ኦድኑስ ፋሼቤቸሃ ወክትንከስ ኦድኑስ ኦደዕይ ባር ኣዝ ኮርጅ ኣጎ። 8 እኮጎሬ ሞሎስ አሳበት ኡላቹ ጠለዕል ጥቤ ሜትር ጌስ ቁርዕቶቤቸሃ ቁርጫሜት ዊንቶ ወሻዳ ጎሾሽትን ጀልባን አሜቶኡ። 9 እሰን ጀልቢቹ ድርቶ ወክት ከሰል አሌን ዮ ቁርጫሜተለክ ጣቢተ ለኡኡ። 10 ኢስን «ቴሱ አፊንተ ቁርጫሜቹ ኤቤ» ይሴ። 11 ሀከን እኮቤቸሃ ሰሞን ጴጥሮስ ጀልባን ኣግ ጥብተ ኣንታይኔ ሰሱ ሎርሎሩ ቁርጫሜት ዊሞ ወሻደ ጎሾሽ አብል ፋሼኣ፤ ፈግብ ቁርጫሜት አፎንጎሬህ ወሻዳስ ፊልተዕዮበኡ። 12 ሀከኒቹ ኤተሮን ኢስ «አሜ እቼ» ይሴ፤ እስ ቀርቼ እሁስ ጉዕሙንኩስ ደንቤቸሃ አሳባቸ መቲሁ «ኣት ኣዩት?» ይት ጠዕምቶተ መለልቶበኡ። 13 ሀከኒቹ ኤተሮን ኢስ አሜቹ ጣቢተለክ ቁርጫሜት ኬሽ ኣሴስ። 14 ኢስ ሬሆቹ ኬዕዮቹ ኤተሮን አሳባተስ ለሎተ ኩን ሰቅሃ ወክት እቅ። 15 አቸተ አቶኢቹ ኤተሮን ኢስ ሰሞን ጴጥሮሴ «የን ቤቶ

ሰሞኔ! እስ ኢትታኤሀኒች በትስ ኢትተዕኔንዶ?» ዬሰ። እስን «ኤ ቀርቸ! እን
 ኢታንኬገ አትን ደጋንት» ይ ፈንቀሼሰ። **16** ኢስን «ጢዕላኑኤ አላል»
 ዬሰ። ለንኪሃ «የነ ቤቶ ሰሞኔ! ኢትተዕኔንዶ?» ዬሰ፤ እስን «ኤ ቀርቸ!
 ኢታንኬገ አትን ደጋንት» ዬሰ፤ ኢስን «ቆርባበኤ አገር» ዬሰ። **17** ሰቂሃ
 «የነ ቤቶ ሰሞኔ! ኢትተዕኔንዶ?» ዬረ ሰቅ ወክት «ኢትተዕኔንዶ» ዬሰቤቺሃ
 ጴጥሮስ ሻቸ «ቀርቸ! አት ጉዕመርቹንከ ደጋንት፤ ህትን እን ኢታንኬገ
 ደጋንት» ዬሰ፤ ኢስን «ሆለኤ አላል። **18** ሀንቅንከ ያንኬ፤ አት ዎደልማን
 ዮንት ወክት ቀበቱተ ገይክ አንጋን ቆዕርት ሀሳንትቤቹ መርታንት እቅ፤
 እኮጎሬ ባልቆንት ወክት አት እንገክ አሌ ዋሽት ኬሳን ዎሉ መኑ ቆርሰሴኝ፤
 መርቶተ ሀሰበቤቹ መሰኖሄ» ዬሰ። **19** ህካን ዬኢሁ ጴጥሮስ ሀትኔ ፊሆን
 መገኑ ሎርሰኖገ ለሊሶታት፤ ህከኒች ኤተሮን ጴጥሮሴ «አዎኔኤ!» ዬሰ።
20 ጴጥሮስ ኤተሩ ዋል ለአኖረ ኢስ ኢተኖስ አሳቤቹ አዎንኖሃ ለዕዮ፤
 ሁኩ አሳቤቹ መጨረሻ ሀርባት ወክቲን ኢስበ ሆንጠክ «ቀርቸ! ህግሽ
 አሰኖሄሁ እዬት?» ይ ጠዕምዮሰሃ እቅ። **21** ጴጥሮስ እሱ ለዕዮ ወክት
 «ቀርቸ! ኩ መንቹ መ አሀኖ?» ይ ኢስ ጠዕሜእ። **22** ኢስን «አን አሜቶተ
 ኢሊ ሄኦተ ሀሳምረዕኩ! ኬሳሃ ም ኦርሾሄ? አት አዎኔኤ» ዬሰ። **23** ህከን
 መሳን አመዕኖና በላን «ኩ አሳቤቹ ፊሆኖበእ» ዬኖ ዱዱቡ ኢሌእ፤ ጠዉ
 እኮጎሬ ኢስ «አን አሜቶተ ኢሊ ሄኦተ ሀሳምረዕኩ! ኬሳሃ ም ኦርሾሄ?» ዬ
 ቤሉ «ፊሆኖበእ» ይዮበእ። **24** ከን ጠውተኔሃ ጉዕመንከ መሰከሮሁለክ ከ
 ጠዉ ከተሶሁ ህከን አሳቤቹ፤ እስ መሰከሮንኩ ሀንቅ አሁስ ደንጋም።
25 ጠዉ እኮጎሬ ኢስ አዕዮ ልግቡ ዎሉ ጠዉ ዮኡ፤ ኬሳሃ አጉደኖኤሁ
 እስ አዕዮ ጠዉ ጉዕመንከ መት-መትን ከተቤማ እቃን ከተቤመ መጻፋተ
 እዱንያ አሉ አሀኖሰበእ እቅ።

ሶቀማኖ ሆጉተ

1 ቴዎፍሎስ! ዎኔኤ መጻፋን ኢስ አዕዮሀለክ ተማርሲኢሃ ጉዕመንከ ከተቦም። ከተቦሚንኩ ኢስ ሆጉስ ጀመሮ ወክቲች ኬሽ **2** ሰማሃ ኦሮዕዮ በር ኢላ አዕዮሃት፤ ሰማሃ ኦሮዕዮሁ መጠሮ አሳባተ ትዛዝስ ጠሊላ እያነን ኣሴሳች ኤተሮኒት፤ **3** ልግብ ኦርሸተ ቶግ ሬዮች ኤተሮን ልግቤ ለልዮ ምስክርን ፎሊን እክ አሳባተ ገዉስ ለሊሾስ፤ ሸይሉ በር ዊመ ለሊሸስ መገን ምዋነትኔሃ ጠወዕዮሰ። **4** መቱ ወክት አሳን ሜጡብ እትንለክ አገን ሃዕዮ ወክት ኢስ «እን ኩሎንክዕኔ እኑኤ ኣሴ ላገተ አገሬ ቤሉ ዬሩሳሌሚች ፋልቶኖቹ፤ **5** መስንትስ ያህይ ዊን ጠመቆ፤ እኩሳሬ አዕኑ ቀወ በሬች ኤተሮን ጠሊላ እያነን ጠመቀንቲንተ» ይ እዘኩሰ። **6** እሰን ሜጡብ ጭምዶታህን «ቀርቼ! ምዋነቱክ እስራኤሊሃ ፈንቀሽት ኣታንት ወክቱ ቴሶትንዶ?» ይት ጠዕምቶሰ። **7** እሰን ፈንቀሽ «እኑ መገኑ ገይሰ ዋልቃን ዬ ወክትለክ በር አዕኑ ደጎኖተ ኣታልቲንተበኡ። **8** ጠዉ እኩሳሬ ጠሊሉ እያነ ክዕኔ አሊን ድሬ ወክት ዋልቀተ ደኣቲንተ፤ ህከ ወክት ዬሩሳሌማን፤ ይሁድ ኡላን ጉዕማን፤ ሰማርያንለክ ኡላ ዳንገ ኢላ ምስክር እኬንተ» ዬኡ። **9** ህካን ጠወዕዮች ኤተሮን እሰን ለአንሰ አሌ ዋል ሰማሃ ኦሮዕዮ፤ ጎመንት አሌችሰ ቴልቶቤቺሃ ለኦስበኡ። **10** እሰን አሌ ዋል ኦርኣን እሰ ሰማሃ ቱክ ይት ለአንን ምጁተ ኦድኑተ ኦድኦ ለም መናከት መዳሰ ኡርት። **11** «አዕኑ ገሊላ መኑ ሚሃት ሰማ ሞሽቲን ለኤንን ኡርቲንታኦ? ኩ ሰማ ኦርኣን ለኤንተሰ ኢስ ሰማ ኦርኣን ለኤንንሰን ፈንቀል አሜተኖ» ይቶሰ። **12** ህከነች ኤተሮን እሰ ደብረ ዘይተ ዬዮ ቆታች ዬሩሳሌም ከተመ ፈንቀልቶኡ፤ ሁኩንን ዬሩሳሌሚች አበ በሬን ሃሞሮተ ኣታሌኖ ዋቄሃ ጌሰ። **13** ዬሩሳሌሙ አሜት ሄኣ ፋቅ ምኒ አሌ ክፍል ፋልቶኡ፤ እሰን «ጴጥሮሴት፤ ያህይት፤ ያቀባት፤ እንድራሴት፤ ፍልጾሴት፤ ቶምሴት፤ በርቴሌሜዎሴት፤ ማቶሴት፤ አልፍዮሴሃ ቤቱ ያቀባት፤ ባዱስ ኢተኖ ሰሞኔትለክ ያቀብሃ ቤቱ ይሁዳት።» **14** ሁኩ ጉዕመንኩ ኢስ አማን መርዮማን፤ ለቤ አመስ ኦሶንለክ ዋሎ ሜንቲን ሜጡብ መቶሃ ቀልቢን ኡርሱዕናን ዱኣ ኣታኢት እቅ። **15** ህከ ወክት ጴጥሮስ መት ጥብተ ለሞድም ጌሰ አሀኖ አመዕናኖ ጭምት በላን ኡር **16** «አመኤ ኦሶ! ኢስ አፎ መኒሃ አምሳንኹ እኮ ይሁድተኔሃ ጠሊሉ እያነ ሃጭን ደዉዴ አፎን ጠወኣንቶ ጠሊላ መጻፍ ላገት ዊሙ ሀሰሰኖሴ። **17** ይሁድ ከን ሆን ቤቀማንቹ አሀተ ኒንን ሜጡብ ምልእምኡ እቅ። **18** ጠዉ እኩሳሬ ሁኩ መንቹ ሂላ ሆንሰ ብሪን ኡለተ ሀዕሬኡ፤ እሰን ብርተ ዋል ጎምብሰም ኡባን ገደብስ ፍልተዕያን ህሊስ ፋልቶኡ። **19** ሁኩ ጠወንኩ ዬሩሳሌማን ሄኣኖ መንቤቾን ጉዕማንን ለሌኡ፤ ህካን እኮቤቺሃ ሁኩ ቤቹ እሰ አፎን «አኬልዳመ» ዬን ገኤመ፤ ፍሳረንትሰ «ቄግ ኡለተ» ዩሃን። **20** ሁኩን እኩንኩ «ደውድ መጻፋን «እስ ሄኣኖ ቤቹ ኦነ አሁን፤ ህከን ቤቾን አዪሁ ሄኡንኩ» ህትን «እስ ሹምንትስ ሆጉተ ዋሎ መኑ ኣኡን» ያመም ከተበሞኡ። **21** «ህካን እኮቤቺሃ ቀርቼ ኢስ ኒ በላን ፈንቀለሙን ሃዕዮ ዘማን ጉዕመንከ ኒን ሜጡብ ሄኡሁኑኡች **22** ህትን ያህይ ጥምቀቲች ኬሽ ቀርቼ ኢስ ሰማሃ

ኦሮዕዮ በር ኢላ ኒን ሜጡብ ህከን መኒች መቱስ ኒን ሜጡብ ኬአህሰ ምስክር አሀተ ሀሰሰኖ» ዬኡ። **23** «ኢዮስጦሴ» ህከረንገ «በርሳባሴ» ዬኖ «ዩሱፈለክ» «ማትያሴ» ዬኖ ለሙ መንቹ ቅጥኣቶኡ። **24** እሰን ዱኣ ኣተን «መን ቀልብ ጉዕመንከ ደጋንት ቀርቼ! ከን ለምችሰ አዪሰ መጠርቶን ጎር ይሁድ አጉር ሬዮ ክድመተለክ ሶቀም ሆጉተ ቶግ ቤቾስ አሀኖሃ ለሊሶኔታት» ይቶኡ። **26** እጠ ኡጁናን እጡ ማትያሴሃ ለሌኡ፤ ህካን እኮቤቺሃ እሰን ቶሩ መቶንከ አሳባን ሜጡብ ምልእም።

2 ጴንጤቆስጤ ከበጃት ዬን ከበጃኖ ከበጀ ወክቱ አሌ ወክት አሳበሰ ጉዕመንኩስ መቶ ቤቾን ጭምዶቶ እቅ። **2** ድንገቲን ጠረገ ቡብርገ ዮ ላገት ሰሜች አሜት እስ ኣፋዕልቶ ምኒ ዊሞ። **3** ህከንቤቾንን ገረ ለበነተ አጉደኖ መት-መት አረብት ለልቶሰ፤ እሰን ቤቀንት መት-መትስ አሌን ኣፋዕልቶኡ። **4** ጉዕመንኩስ ጠሊላ እያነን ዊንቶኡ፤ እሰን ጠሊሉ እያነ አዕዮስገን ዋሎ አፎን ጠወኡ ጀመርቶኡ። **5** ኣዱንያ አሌን ዮ ኡመቲች ጉዕሚችን አሜቶ መገኑ ሞጅታ አይሁዱ ዬሩሳሌማን ሄኣኢት እቅ። **6** ህከ ላገተ ሞጮጭቶ ልግቡ መኑ ጭምዶት አሜቶኡ፤ እሰን መት-መቱስ ገይሰ አፎን ጠወኣን ሞጮጭት አጀብሲጭቶኡ። **7** ሁኩ መኑንኩ አበ አጀብሲጭት «ኩሩ ህት ጠወኣኣሩ ጉዕመንኩ ገሊላ መንበኣንዶ? **8** ነኡ ገዉኔ ከለቀሞም ባድ አፌን ጠወኣን ሞጮጭኖሚሁ ኩን መርቼሃን? **9** ነኡ ጳርቴ ባድ መኑሁ፤ ሜድ ባድ መኑሁ፤ ኤላሜ ባድ መኑሁ፤ መስጴጦም ባድ መኑሁ፤ ይሁድ ባድ መኑሁ፤ ቄጻጾቅ ባድ መኑሁ፤ ጳንጦስ ባድ መኑሁ፤ እስይ ባድ መኑሁ፤ **10** ፍርግ ባድ መኑሁ፤ ጳንፍል ባድ መኑሁ፤ ግብጽ ባድ መኑሁ፤ ሊብይ ባድን ቄሬን ከተም መዴን ሃዕዮምሩ ሮም ባዲች አሜንቶም አይሁዱለክ አይሁድ ኡዳ ዶረሞምሩ ዮም። **11** ህትን ቀርጤሰለክ አረብ ባድ መኑሁ መገን ሎረ ሆጉተ ገይኔ አፎን ጠወኣን ሞጮጭኖሚት» ይቶኡ። **12** ህካን እኮቤቺሃ ጉዕመንኩ አጀብሲጭትለክ ይታኢሃ ሆግ መት-መቱስ «ኩ ጠዉ መርቼሃን?» ዮቀንታኢት እቅ። **13** ጠዉ እኩሳሬ ዋሎስ መኑ ቀለደን «ስከርሰኖ ኣኔኖሃ ኣግ ሰከርቶኡ» ይቶኡ። **14** ህከ ወክት ጴጥሮስ ቶን መቶንከ አሳባን ሜጡብ ኡር ላገሰ ጎት አዕይ «አዕኑ አይሁድ መኑለክ ዬሩሳሌማን ሄኡንተፋ ጉዕመንኩ ከ እኮ ጠወ ደጎኖተ ጠወኣሚሃ ሞጮጭዬ። **15** ክዕኔሃ አመስሎሀዕኔ ቤሉ ኩ መኑ ሰከርበኢ፤ መስንትስ ቴሶ ገሰሜ ሰሳሃ ሰኣት። **16** ጠዉ እኩሳሬ ኩን ነብዬቾ ኢዮኤላን ህት ይ ጠወኣም ጠዉ ዊሞታት። **17** «እሰን መገኑ መጨረሽ ዘመኔን ህት አሀኖ፤ መናን ጉዕማንን፤ ጠሊላ እያነችኤ አሌስ ዱናም፤ ጎኑለክ ሜኣ ኦሶክዕኔ ራገ ጠወኣኡ፤ ዋደላት መናመተ ለኣኡ፤ ባልቀንት ሀቄት ሀቃቅታኡ። **18** ህትን ህከ ዘመን ለቤለክ ሜንት ካዲመኤ አሌን ጠሊላ እያነችኤ አሌስ ዱናም፤ እሰን ራገ ጠወኣኡ። **19** እን አጀብሲሰኖርቹ ሰሜ አሌን መላተ ኡላ አሌን ለሊሳም፤ ቄጉ፤ ገረትለክ ዉሊሌ ጎመት እካኡ። **20** ሎሩለክ አጀብሲሰኖ ቀርች በሩ አሜቶዕናን ሃጭ አሩ ቱንሰቹ አሀኖ፤ አገንቹንኩ ቄጉ ኦድኖ። **21** ቀርች ሱዕመ ገኣኖሁ አዪሁ ጡመኖ። **22** «እስራኤል መን! ተ ላገተ ሞጮጭዬ፤ አዕኑ ገዉንኩክዕኔ

ደንገነተገን ናዝሬት እሰ መገኑ በላንከክዕኔ እሰ አዲን አዕዮ ሎርሎረ ሆነ፡፡ አጀብሲሰፍ ጠዋንለከ መላን መገን አዲን ክዕነሃ ለልዮአሃ መንቸ እቅ፡፡ 23 እሱንከ መገኑ ሰውይ ቅጥአዕዮ ሰውተንለከ ዋዕናንከ ዮሰ ኤንኬዕንከ ክዕነሃ ህግሴን አሴመ፤ አዕኑን ሕጉ ዮበእ መን እንጋን ሰቀለመናገለከ ሬሀናገ አቴንተሰ፡፡ 24 ጠወ እኩጎሬ መገኑ ሬሆ ኦርሸተ ቤሽ ሬሆች ኬሾሰ፤ መሰንትሰ ሬሆተ እሱ አፍ ፌሶተ አታልቶበእ፡፡ 25 ደወድ አስተኔሃ «ቀርቼኤ ጉዕመ ወክት ብሬንከኤ ለአም፤ መሰንትሰ ጨነቀምበገ እሰ መኪንተኤ አኮቤቺሃ እን ለንቁቃምበእ፡፡ 26 ህካን እኮቤቺሃ ቀልቡኤ መንደዕዮ፤ አረብንትኤ መንደእ ጠወአእ፤ ህትን ሬሆና ጅሰመኤ ተብሴን ፎሎጨና፡፡ 27 መሰንትሰ ፎልኤ ሬዮ መን በላን ሎድ ኣዜን አጉርታንትበእ፤ ህትን ጠሊለ እኮሃ ሎዲን ሽም ፈቆተ አታንትበእ፡፡ (Hadēs g86) 28 ቴሱ ሄእ ወቃሃ ለልሶንቴኤ፤ ኢን ሜጡ ለሆንከክ መንደዲትኤ አበ አካእ፤ 29 «አመኤ ኦሶ! ወዕኔ እነ እኮ ደወድ ሬዮገ፡ ሞገሞገለከ ሎዲንኩሰ ከበሬ አሊሬተ ኒቤቸን ሄኡሰ ለሊሸ ኩላንክዕኔ፡፡ 30 ጠው እኩጎሬ ዳወድ ካን ጠወዕዮንኩ ነብዬቹ እኮቤቺሃ መገኑ ዘሬቻክ መቼሰ ኬዕምኝክ ቦርጭመ አሊን አፋሻም፤ ይ ጤሌዕል ኣሴ ተብሴ ላገተ ደገናሃ እኮቤቺሃት እቅ፡፡ 31 ህከን መላን መሲሁ ሬዮ መን በላን ፈቀናበእገለከ ማሉሰ ሎዲን ሽም በእበገ ሄጭ ለዕይ መሲሁ ሬሆች ኬአተኔሃ ጠወዕዮ፡፡ (Hadēs g86) 32 ህከ እሱንከ መገኑ ሬሆች ኬሾሰ፤ ህከን ጠዋሃ ነኡ ጉዕመንኩኔ ምስክረታን፡፡ 33 መገን መኪን አፋዕሎተ አሌ ዋል ጠሊለ እያን ተብላሃ መገኒች ቶግ ከ ለኤንተለከ ሞጮጭቴንተ ጠሊለ እያን ዲቺ፡፡ 34 ደወድ ሰማሃ ኦርዕዮበእ፤ ጠወ እኩጎሬ እሰ «ቀርቼ ቀርቼሃኤ ባለጋረክ ሎካቻክ ዋርን እአተ አሊ መኪንከኤ አፋዕል» ይ ጠወዕዮኡ፡፡ 36 «ቴሱ መገኑ ከ አዕኑ ሰቀልቴንተ አሰ ቀርቼለከ ቡርምኤሃ አዕዮሰገ እስራኤል አድ ኡመቱ ጉዕመንኩ ጠረኝሽ ደገን» ይለ፡፡ 37 እሰን ህካን ሞጮጭቶ ወክት ቀልቡሰ ሻዞን ዊማን ጴጥርሴለከ ዋሉ ሰቀማኑተ «ኒ አመኦሶ! መ አዕኑ?» ይት ጠዕምቶኤ፡፡ 38 ጴጥርሰን «ጨቡክዕኔ አጉረሞተ ጨብክዕኔ ቶበቴን መት-መቱክዕኔ መሲህ እሰ ሱዕሚን ጠመቀሜ፤ መገን አስቱተ እኮ ጠሊለ እያን ቶንገንተ፡፡ 39 ተብሴሰ ላገተ ክዕነሃትለከ አላተክዕኔት፤ ህትን መገኑ ቁዕራሺች ገኤሆኑኦታት» ይሰ፡፡ 40 ጴጥርሰን ዋሉ ልግብ ጠወ መሰከረን «ከን ሾከ ክልቀቲች ገወክዕኔ ጡምሼ» ዮን ሸዞሰ፡፡ 41 ህካን እኮቤቺሃ ላገሰ ቶጎአሩ ጠመቀንቶኤ፤ ህከ በር ሰሱ ኩምተ እካ መኑ አሳን ሜጡበ እኮ፡፡ 42 እሰን ሰቀማኑት ተማርሰታኤሃ ሞጮጭንከ ሜጡበ ሄእን እቸተ ሜጡበ እተንለከ ዱኤ እተን ጠረኝታኤት እቅ፡፡ 43 ህከ ወክት አሳበ እንጋን ልግቡ አጅበተለከ መላት እካቤቺሃ መኑ ጉዕመንኩ ዋጄኤ፡፡ 44 አመዕናኑት ጉዕመንኩ ዮሰርቹ ጉዕመንከ ሜጡበ እት ሄእኤት እቅ፡፡ 45 ህትን ኡለሰለከ ዮሳሃ ጉዕመንከ ሀርተን ብረሰ መት-መትንከ ሀሰሰናሰ ጌሰ ቤካኤት እቅ፡፡ 46 ጉዕመንከ በር መቶ ቀልቢን መገን ምን፤ ጭም ደተን መት-መትሰ ምናን እቴናሃ መንደዲናገለከ ጡመ ቀልቢን ሜጡበ አታኤት እቅ፡፡ 47 እሰን መገኑ ገለትጭታኤት እቅ፤ ህትን

ጉዕመንኩ ከበጀኖሳት እቅ፤ ቀርቼንኩ በሬን በሬን አመዕንት ጡምታ መነሃ በርገኖሳት እቅ፡፡

3 መቱ በር ጴጥርሰለከ ያህይ ዱኤ እኤና ወክቲን ዱኤ ምኒ መርታኤት እቅ፤ ህኩንገን ሆንሶሃ ሰሳት እቅ፡፡ 2 ህከኔ «ምልካምተ» ይኖ ዱኤ ምኒ ኡርን መኑ እጅ ጉዕመንከ በር ኤበና መቱ መንቸ ሄዕዮ እቅ፤ እሰን አመሰ ጎደቢች ኬሽ ናፈ እኮቤቺሃ አፋሼናሲሁ ዱኤ ምኒ አገና መኒች ሰደቀተ ኡጮታት እቅ፡፡ 3 እሰን ጴጥርሰለከ ያህይ ዱኤ ምኒ ኣጎተ አሜቱሰ ደጎ ወክት ሰደቀተ ኣቶሰተ ኡጨና፡፡ 4 ጴጥርሰ ያህዪንገን ሜጡበ ህከ መንቸ ቱክ ይ ለዕይ «ኒ አደ ለእ» ይለ፡፡ 5 እሰን ሰደቀተ ኣታሲሃ አጉጃንሰ እሰበ ለዕዮ፡፡ 6 ጠወ እኩጎሬ ጴጥርሰ «ብሩለከ ዋርቁ ዮኤበእ፤ እኩጎሬ ኤሳሃ ዮኤሃ ኣሳንኬ፤ ህኩንገን ናዝሬት መሲህ እሰ ሱዕሚን ኬኤ ሃም!» ይሰ፡፡ 7 እሰን መኪሰ አንገተ አፍ ኬሾሰ፤ ህከ ወክት ሎክሰለከ ሴዝ ዋቁሰ ጠረኝኤ፡፡ 8 ሾት ይ ኡሬእ፤ ህትን ሃመንከ ጀመር፤ ህትን ሃመን፤ ቱጽ-ቱጽ ዮንለከ መገኑ ገለትጨን ኣሳን ሜጡበ ዱኤ ምኒ ኣጎ፡፡ 9 እሰን መገኒሃ ገለት ኣሰንለከ ሃመን መኑ ጉዕመንኩ ለዕዮሰ፡፡ 10 ህትን «ምልካምተ ኡሩተ» ይኖ ዱኤ ምኒ ኡርን አፋዕል ሰደቀተ ኡጨናሃ አሁሰ ደጎቤቺሃ እሰን እኮ ጠዋች ኬዕይ መኑ አበ አጀብሲጨኤ፡፡ 11 ህኩ ፈይ መንቹንኩ ጴጥርሴቻለከ ያህዪች መለዕለሙ ግብ አንገሰ አፍ ሄዕዮገን መኑ ጉዕመንኩ ሜጡበ እክ አጀብሲጨን እሰቤቹ ደጉደን «ሱለይማን ሃመና ዋቃሃ» ይኖቤቹ አሜቶኡ፡፡ 12 ጴጥርሰ ህካን ለዕይ መኒሃ «እስራኤል መነ! ከኒን ሚሃ አጀብሲጨቴንታት? ነኡ ህትን ገይኔ ዋልቃን ህከረንገ መገኑ ዋጅንከኔ ኩ መንቸ ሃመናገ አዕናምህንገ አቴን ሚሃት ቱክ ይቴን ለኤንታት? 13 አብራሂም፤ ኢሳቅለከ ያቁብ አናከኔ ሰገዳ መገኑ አዕኑ ህግሴን ኣቴንተለከ ጽላጦሰ ሂርሰተ ሆሾ ወክት ጽላጦሴ ብሬን ለገኤንተ ቤቱሰ እሰ ከበጄኤ፡፡ 14 ጠወ እኩጎሬ አዕኑ ጠሊለለከ ፈየ እኮሃ ግቢን መነ ሼ መንቹ ሂረሞህዕኔተ ኡጭቴንተ፡፡ 15 ሄኤ ኣሰናሃ ሸቴንተ፤ እኩጎሬ እሱ መገኑ ሬሆች ኬሾሰ፤ ህከን ጠዋተኔሃ ነኡ ምስክርሃን፡፡ 16 ኩ ለኤንተለከ ደንገነተ መንቸ ፈይ ጠረኝኤሁ እሰ ሱዕሚን ደገሞ አመዕነቲን፤ እሰ ሱዕሚን አመዕነከሰ ጉዕመንከኔ ብሬንገ ዊመ ፈይመተ ደኤኤ፡፡ 17 «ቴሁ አመኤ ኦሶ! አዕኑ እሰ አሊን ኣቴንተ ጠወ ሹመክዕኔገን ደጉ ሆጊን ኣቴንተገ ደጋም፡፡ 18 ጠወ እኩጎሬ መገኑ ሄጭ ነብያና አፎን «መሲሁ ኦርሸተ ቶገና» ይ ላገት ከን ሃሊን ዊንታገ አዕዮ፡፡ 19 ቴሱ ቀርቺች ሃዕር ወገሬት ዘማኑ አሜቶተ ዋዕናንከ መጠር መሲሁ ሲሃተለከ ጨብክዕኔ መገኑ አጉርተ ቶበቴን ፈንቀሉ፡፡ 21 መገኑ ወዕኔችን ኬሽ ጠሊላና ነብያናሰ አፎን ጠወዕዮገን ኣዲንያ አሉ ጉዕመንኩ መኩተ አሊ እሰ ሰማን ዱንኩ ሀሰሰናሰ፡፡ (aiōn g165) 22 መሰ ቀርቹ መገኑ ኤሳሃ ኬሾህንገን አመክዕኔ ኦሶች ነብዬቹ ኬሴሳህዕኔ፤ እሰ ኩለናህዕኔሃ ጉዕመንከ ሞጮጭዬ፡፡ 23 ህኩ ነብዬቹ ዮናሃ ሞጮጭ ግበናሁ ጉዕመንኩ መኒች አደ እክ በእና» ይለ፡፡ 24 ህትን ሳሜሊች ኬሽ እሰች ኤተርን አሜቶ ነብያኑት ጉዕመንኩ ከን ወክትተኔሃ ጠወኦኤ፡፡ 25 አዕኑ ነብያናተ ረገኣኑታን፤ ህትን መገኑ አብራሂሚሃ «ኣዲንያ አል መኑ

ጉዕሙንኩ ኪ ዘሬን ማሰእመኛ፡ ይ ወዕኔ እናካተክዕኔ ሜጡበ ኣጎ ወእድ ላገተ ረገኤነንተረ። 26 ህካን እኮቤቺሃ መገኑ ቤቱስ ኬሸ ሶኮሆ ሄጭ ክዕኔሃት እቅ፤ ህካን እዕዮሁ መት-መቱክዕኔ ሂለ ዋቄች ፈንቀልቴናን ማሰኦህዕኔታት» ይእ።

4 ጴጥሮስላክ ያህይ ኡመቲሃ ጠወእንን ቂስትለክ ዱእ ምኒ ዘበኛኖ ሀለቅቹ ህትን ሰዱቃውት እስቤቹ እሜት 2 ለመንኩ ኣሳበት ኢስ ሬሆች ኬኤሰ ኡመቲሃ ተማርሲከስለክ ህከኒንን ሬሆች ኬኤ ኩልቶቤቺሃ ኡመዕርቶኡ። 3 ህካን እኮቤቺሃ እፍሰ ኡለት ሀዋርቶቤቺሃ ሶዛተ ኢለ ኡሱር ምኔን እገርታገ ኣቶሰ። 4 ጠወ እኮጎሬ ላገሰ ሞጮጭቶ መነቲ ልግቡስ እመዕንቶኡ፤ እመዕንቶ ጎን ሆሊንሹ ኣንቶ ኩሜ ጌሰ በተዕዮ። 5 ለንክስ በር ይሁድ ዳኛነት፡ ባልቀትለክ ሕግ እስተማረት ዬሩሳሌም ከተማን ጭምይቶኡ። 6 ህከን ጭምይቶ መን በላን ሎሩ ቂስቶ ሃነ፡ ቀያፍ፡ ያህይ፡ እስክንድርሰለክ ሎረ ቂስቶ አበርሱ ጉዕሙንኩስ ሄኡኡ። 7 እስን ጴጥሮስላክ ያህይ በላንከሰ ኡርስ «እዕኑ ከ ጠወ መ ወልቃን ህከረንገ እዬ ሱዕሚን ኣቴነንታት?» ይት ጠዕምቶኡ። 8 ህከ ወክት ጴጥሮስ ጠሊለ ኣያኒን ዊም «እዕኑ ኡመት ገሻኑትለክ ባልቀት ሞጮጭ። 9 ንሳሃ ከበር ጠዕሜኔህ መቶ ናፎ መንቺሃ እኡመስ ጡመ ሆጎተኔሃለክ ኩ መንቹ ህት እክ ፈደሲት። 10 ኩ መንቹ ፈይ ብሬንከክዕኔ ኡሬኢሁ እዕኑ ሰቀልቴንተለክ መገኑንገ ሬሆች ኬሸ ናዝሬት መሲህ ኢስ ሱዕሚን እሁሰ ክዕኔሃ ጉዕሚንከክዕኔለክ እስራኤል ኡመቲሃ ጉዕሚንክ ደገሞሃ እሁን። 11 እዕኑ ግምብ እጅርቴነንተሩ ህንቄን ኡጅቴነተ ክት ግምብስ መረበ ቡዕል ክት እኩ። 12 ህካን እኮቤቺሃ ጡመ ዋሎን እዬኒ ዮበእ፤ ጡምኖተ መን በላን ኡለ ኣሌን ጉዕማንን ዋሎ ኣሰሞ ሱዕሙ ዮበእ» ይቶሰ። 13 ጴጥሮስላክ ያህይ መለልት ጠወእገ ኣገት መኑ ለኦ ወክት ተማርቶበእ ገወ መን እሁሰ ደግ እጅብሲጭቶኡ፤ እስ ኢሲን ሜጡበ ሄኡእረ እሁሰ ደጎኡ። 14 ሁኩ ፈዬ መንቹ ኣሳን ሜጡበ ኡሬኢሃ ለእ እስ ኣሌን ይታኢሃ ሆጎኡ። 15 ጠወ እኮጎሬ ህከን ኣገት በሊች ፋልታገ ኣት ገገወንኩስን 16 «ከ መን መ እዕኑ? ሎረ መላት እስ ኣንጋን ኣስንታኢሃ ዬሩሳሌም መኑ ሄኦ ጉዕመ ቤቶንን ደገሞቤቺሃ ካንዶተ ኣታልናምበእ። 17 ጠወ እኮጎሬ ኡመት በላን ኣልባዕላን መረናበእ ከኒኛ ኡተርን ከን ሱዕሚን እዬሃ ጠወእበእ ጠረኝንስ ዋጅሲንስ» ይት ኣማዕለንቶኡ። 18 ህከኒች ኤተርን እስተ ገኣት ኢስ ሱዕሚን ሆርን ጠወእበእገለክ ተማርሳታበእገ እዘዘኡ። 19 ጠወ እኮጎሬ ጴጥሮስላክ ያህይ ፈንቀሽት «መገን ትዛዝ ቶጉ ህከረንገ ክዕኔ ትዛዝ ቶጉ መገን ኣኒን ቆሀኖ እኮጎሬ ህንዴ እዕኑ ፈረጁ። 20 ነኡ ሞጮጭኖሚሃለክ ለዕኖሚሃ ጠወኡ እጉሩ ኣታልናምበእ» ይቶሰ። 21 እስን ጴጥሮስላክ ያህይ ቀጠኢሲሰኖ ጠወ ኣሌሰ ሆጎቤቺሃ መን ዋጅት ለንኪሃ ዋጅሲስ ገፈርቶሰ፤ መሰንትስ መኑ ጉዕሙንኩ እኮ ጠወተኔሃ መገኑ ገለትጭታኢት እቅ። 22 ከን እጅብሲሰኖ ዋቄን ፈዬ መንቹ ኣለሞች ሸይሎ ዘማኒች በተዕዮስ እቅ። 23 ጴጥሮስላክ ያህይ ሂረንቶች ኤተርን ጃለስቤቹ መርት ቂስ ኣምንሳትለክ ባልቀ ይቶሰ ጠወ ጉዕሙንክ ኩልቶሰ። 24 እስን ህከ ጠወ ሞጮጭቶ ወክት ቀልብሰስ

ሜጡ ኣት ላገሰ መገን ቤቹ ኬሰ «ሰማሃ፡ ኡለተ፡ ባረላክ ኣዚንከስ ዮእረ ጉዕመንክ ከለቆንት ቀርቾ መገኖ! 25 ጠሊለ ኣያኒን ካዲንቸንተክ እናኔ ደወዴ ኣፎን «መገኑ ደግቡ መኑ ሚሃ ኡመዕራኦ? መኑ ሚሃ ደግለልበ ጠወ ኣቶተ ሰውይቶኡ? 26 ኡለ ኣል ዋመት ኬኤ ህትን ገሻኑት ሜጡበ ጭምይት ቀርቾለክ መሲህ እሌን ኬኡኡ» ይት ጠወኦንት መገኑ ኣቴት። 27 «ሀንቅንክ ዋሙ ሄሮዲስላክ ጳንጦስ ባድ ጵላጦስ፡ ኣይሁድ እህበ መኒንለክ እስራኤል መኒን ሜጡበ ከን ከተማን ጭምይት መሲሁ ኣቶንት ጠሊለ ካዲንቸንተክ ኢስ እሌን ኬኡኡ። 28 ህት እኮሁ ኣት ሄጭት ገይክ ዋልቃንለክ ሃሸኣቶን ሰውይቶንሂ ኣቶታት፤ 29 ህትን ቀርቾ! ፎከሩስ ለእ፤ ካዲመክ ላገክ ዋጅቶዕናን መለልት ጠወእገ ኣእስ፤ 30 ጠሊለ ቤትክ ኢስ ሱዕሚን ጥዝናመት ፈይቶተ፡ ኣጅበተለክ ኣጅብሲሰኖ ጠወ ኣሰሞተ ኣንገክ ሂር» ይተን ዱኦ ኣቶኡ። 31 እስን ዱኦ ኣቶች ኤተርን ጭምይቶ ቤቹ ሌንቄቁእ፤ ጉዕሙንኩስ መገን ኣያኒን ዊንቶኡ፤ መገን ላገተ ዋጅቶዕናን መለልት ጠወኡኡ። 32 መገን መኑ ጉዕሙንኩ መቶ ቀልብንለክ ሰውቲን ሄኡኡ፤ እኮስ መንቹሁ «ኩን ኢሃን» ዮናርቹ ዮበኦ እቅ፤ በላንከሰ ጉዕሙርቹንኩ ቅጤሳሃ እቅ፤ 33 ኣሳበት ቀርቹ ኢስ ሬሆች ኬኡስ ሎረ ወልቃን መስከርታኢት እቅ፤ ጉዕምስ ኣሌኒን ሎረ መገን ኣያኑ ሄዕዮ እቅ። 34 እስ በላን ኦርጨቀሞህ መቱህ ዮበኦ፤ መሰንትስ ኡለት ዮሲህ ህከረንገ ምኑ ዮሲህ ጉዕሙንኩ ሀረን ብረ ኤበኖት እቅ። 35 ህከ ብረ ኤበን ሶቀማኖ ብሬን ኣፋሽተን እዬህ ሀስሰኖስ ጌሰ ቤሄን ኣሴኖሲት እቅ። 36 «ቆጵርስ» ዬኖ ባድ መቱ መንቹ ሌዌ ኣዲሁ «ዩሱፈ» ዬኖሁ ሄዕዮ እቅ፤ እኩንከ ሶቀማንት «በርናባሴ» ይት ገኣታስ እቅ። ህት ዩሁ «ቦረሽተ ከመኖሃ» ዩሃን። 37 ሁኩ መንቹንኩ ኡለስ ህር ብረስ ሶቀማኖተ ቶግስሾስ።

5 መቱ «ሀርንዮ» ዬኖ መንቹ «ሰጺረ» ዬኖ መንቹንከስን ሜጡበ ኡለተ ህር። 2 ጠወ እኮጎሬ ምንስ መንቹስ ደገን ኡለስ ህር ብሪቻ መቱ ጌሰ ፌሽ ፈቆስ ጌሰ ኡብ ኣሳባተ ቶግስሾስ። 3 ጴጥሮስን «ሀርንዮ! ጠሊለ ኣያን ኣሌን ክዘበተለክ ኡለተ ህርቶንት ብሪቻ መቱ ጌሰ ፌሶተ ሼይጣት ቀልበክክክ ሚሃ ኣጎ? 4 ህርቱዕነ ዋዕናሃ ኪሃበኣንዶ? ህርቶንቲች ኤተርኒሁ ብሩስ ኪሃበኣንዶ? ከ ጠወ ሚሃ ቀልበክክክ ሰውይት? ኣት ክዘበንቲህ መን እሁዕነ መገኑሃት» ይሰ። 5 ሀርንዮን ህከ ላገተ ሞጮጭ ወክት ኡብ ሬዮ፤ ዋደለት ኬኤ ከፈንት ኣጅት ፋሽት ሞጎስ፤ ህከ ጠወ ሞጮጭቶእሩ ጉዕሙንኩ ኣበ ዋጅቶኡ። 7 ሰሱ ሰኣት እህኖ ወክቲች ኤተርን ኣኮ ጠወ ደጉዕነ መንቹስ ኣሜት ኣጎኡ። 8 ጴጥሮስን ኣሲተ «ህንዴ ኩኤኤ! ኡለክዕኔ ህርቱንታሁ ከን ጌሰ ብርሃንንዶ?» ይሰ። እስን «ኤ! ከን ጌሲሃንት ህርኖሚህ» ይቶኡ። 9 ጠወ እኮጎሬ ጴጥሮስ «ቀርቶ ጠሊለ ኣያኒን ፌተንቶኖተ ሚሃ ኣማዕለንቲን? ምንክ መንቹ ሞጎ መኑ ኡርን ዮኡ፤ ኬሳሁ ፋሽት ሞጋሂ» ይሰ። 10 ወክትንከስ ሎከስ መዴን ኡብ ሬቶኡ፤ ዋደለት ኣጎ ወክት ሬቶኢሃ ለእ መስት ምንሴ መንቹ ሎድ መዴን ሞጎሴ። 11 ህካን እኮቤቺሃ ኣመዕናንት ጉዕሙንኩለክ ህከ ጠወ

ሞጭጭ መኑ ጉዕሙንኩ አበ ዋጄ። 12 አሳበት ልግብ አጅበተለከ እጅብሲሳና ጠወ መን በላን አታኢት እቅ፤ ጉዕሙንኩ መቶ ቀልቢን እክ «ሱላይማን ሃመና ዋቃሃ» ይኖቤቸን ጭምደቶ። 13 ዋሉ እዩሁ እሳን በርግሞተ መለሎበእ፤ እኮጎሬ መኑ ከበጀኖሳት እቅ። 14 እሁን ቤሉ ቀርቸን እመዕንቶ ጎንለከ ሜንት ዋሊንሹ ብሬቸ አበ በተአን መረና እቅ። 15 አሳበት አቶሀኒቹ ኬዕዮሀኒን ጴጥሮስ ሀንገ ዋሉ ፈቅ ሀሎስ መት-መቶ መን አሌን ኢሎተ መኑ ጥዘናመተ ዋቃ ፋሽን መዕነ አሌንለከ ዴስ አሌን ኦሲሳኢት እቅ። 16 ህትን ዬሩሳሌም አዘጋገን ሄኦ ከተሚቹ ጥዘናመተለከ ዶረረኖ ዱሩ አፋንስ ኦርጨቀንታኦረ ኤቤናን ልግቡ መኑ ጭምየኖት እቅ፤ አሰ ጉዕሙንኩስ ፈይታኢት እቅ። 17 ጠወ እኮጎሬ ሎሩ ቂስቼለከ እሲን ሜጡብ ሄኦ ሰዱቃዊ አድ መኑ ሞቀኛት አሌስ ኬኦ። 18 አሳበት አፍ ኡመት ኡሱር ምኒ ኣግሶ። 19 ጠወ እኮጎሬ ቀርቸ መላይኬቹ ኡሱር ምኒ ኡሩተ ሀምሮን ፈኛ እሰተ ኡብል ፋሽ «መሬ፤ መገን ምኔን ኡርቴን ኡመቲሃ ከ ሄኦ ላገተ ሆርንተ ኩሌ» ይሰ። 21 ህከ ላገተ ሞጭጭቶ ወክት ሶዛ ሱጵተ መገን ምኔን ኣግ ተማርሰታኢት እቅ፤ ጠወ እኮጎሬ ሎሩ ቂስቼለከ እሲን ሜጡብ ሄኦአሩ አሜት ኣገት መንለከ አይሁድ ባለቅ ጉዕመንከ ሜጡብ ጭምአት ኡሱርንቶኦረ ኤብተ ኡሱር ምኒ ሶኮ። 22 ሶሄመ ዘበቸ አሜት አሳበተ ኡሱር ምኔን ደጎሰበእ፤ እሲን ፈንቀልት አሜት 23 «ኡሱር ምኑ ጠረኝ ቆልጥቤቸሃ አገርታአሩ ኡር ብሬን ኡርቶኢሃ ደንጎም፤ ኡሱር ምኒ ኡሩተ ፈኖም ወክት ኣዜንከስ አይሁ ደንጎምበእ» ይቶ። 24 ዱኢ ምኒ ዘብ ሀለቅቼለከ ቂስ አምንሳኑት ህካን ሞጭጭቶ ወክት «ኩን መርቸሃን?» ይት ጉረተ አጎሰ። 25 ህከ ወክት መቶ መንቹ አሜት «ሁኩዕን፤ አዕኑ ኡሱር ምኒ ኣግሲንተ መኑ መገን ምኔን ኡርት ኡመት ተማርሰታኢት» ይ ኩሎሰ። 26 ህከ ወክት ዱኢ ምኒ ዘበኝ ሀለቁለከ ካዲመስ መርት ኤቦኡ፤ ኤቦሳንኩ ዋልቃንበእ፤ ህካን አቶኢንኩ ኡመቱ ክኒን ቀሰኖሰበእን ዋጅቲት። 27 ኤቦሳቹ ኤተሮን ኣገት ብሬን ኡርሶሰ፤ ሎሩ ቂስቸንኩ 28 «ኡሱ ሱዕሚን ተማርሰቲንተበእን ጠረኝሰከ አዘንዘበእንዶ? ሁኩዕን፤ ዬሩሳሌም ከተመ ጉዕመንከ ትምርቲንክክዕኔ ዊንሸቲንታእ፤ ህትን ከን መንቹ ቁግ ኒ አሊን ኤቦኖተ ሀሴንታት» ይሰ። 29 ጠወ እኮጎሬ ጴጥሮስለከ ዋሉ አሳበት ፈንቀሽ «መን ትዛዝ ቶጊቹ መገን ትዛዝ ቶጊ ሀሰሰኖ። 30 እዕኑ መስቀል አሌን ሰቀልቲን ሸቲንተ ኢስ አናከኔ መገኑ ሬሆቹ ኬሾሰ። 31 እሱንከ መገኑ እስራኤል መኑ ቶበታን ጨቡስ አጉረሞተ ቡዕለለከ ጡምሳንቹ መኬስ አዲን ኬዕምኝን አፋዕላናግ አዕዮሰ። 32 ነኡ ከን ጠዊሃ ምስክርሃን፤ መገኒሃ አዘዘንታሁኡተ ጉዕሚንከ ኣሴስ ጠሊሉ አያኑ ምስክርሃን» ይቶ። 33 እሲን ህካን ሞጭጭቶ ወክት አበ ኡሙዕረንት ሽቶሰተ ሀሶ። 34 ጠወ እኮጎሬ መኑ ጉዕሙንኩ ከበጀዋለከ መገን ሕገ ተማርሰኖ «ግማልያሌ» ይሰ። 35 እሲን «እስራኤል መን! ከን መን አሊን መ ኦቲንተጎሬ ገወክዕኔ አገዕርዬ። 36 መሰንትስ ከኒቹ ዋዕሩሃ «ቲዋዲሴ» ይሰ። 37 መንቹ «ኣን ሎረሃን» የን ኬዕዮ እቅ፤ ሾሌ ጥቤ ጌሱ መኑ እሲን ሜጡ እኮ። ጠወ እኮጎሬ እሱሃ ሽመሰ፤ ህትን አሰ

አምንቶአሩ ጉዕሙንኩ ብንት ተሰ እክ በኦኡ። 37 ህከኒቹ ኤተሮን መን ዋሊመ ዘማን ገሊለ ዬኖ ቤቺቹ «ይሁድ» ይሰ። መንቹ ኬዕዮ፤ ልግብ መን ሸፍጠ አዕይ አምንታሰገ አዕዮ፤ እሲሁ ሬዮ፤ አምንታሰሩንኩ ብንይቶ። 38 ህካን እኮቤቸሃ ቴሁ ኣን ያንክዕኔሁ ከ መን ኡልቶኖቹ፤ ኩ ሰውቱ ህከረንገ ኩ ሆጉት መንቹ እኮጎሬ በኣእ። 39 ጠወ እኮጎሬ ኩ ጠወ መገኒቹ እኮጎሬ ቤሶኖተ ኦታልቲንተበእ፤ ህከኒቹን በትሽ ኩ ጠወ መገኒን ብተመ ኢሆሪህዕኔበእገ። ይሰ፤ ህከን መንቹ ሸዘነተ ሞጭጭቶ። 40 አሳበንተ አሰበ ገእት ገረፎሳቹ ኤተሮን ኢስ ሱዕሚን ለንኪሃ ጠወአበእን አዘዘ ሂርቶሰ። 41 እሲን እሰ ሱዕሚን ህንቀሙ ሀሰሰኖሃ እኮቤቸሃ ኦገቲቹ መንደኣን ፋልቶ። 42 ህካን እኮቤቸሃ በሬን በሬን መገን ምኔንለከ ምኔንከስ ኢስ መሲሁ አሁስ ተማርሱለከ ተሸት ላገተ ተማርሱ ሆሮ አጉርቶበእ እቅ።

6 ህከ ወክት አመዕኖና ዋሊንሹ በተአን መረን ግጊክ አፎሃ ጠወአ አይሁዱ እሰ አድ ምንስ አናከት ሬቶ ሜንቲሃ በሬን በሬን ኣሴኖሰ አቸተ ብዝ እኡን ኣሴማሰበእ ይት አብራይስጥ አፎ ጠወአ አይሁድ አሌን ቁንቁቶ። 2 ህካን እኮቤቸሃ ቶን ለመንኩ አሳበት ጉዕመንከ አመዕኖተ ጭምአት «አቴኖቹ ቤንኮተ ይን መገን ላገተ ተማርሱ አጉሩ ሀሰሰኖበእ። 3 ህካን እኮቤቸሃ አመኤ ኦሳ! መኑ «ጡማኖተ» የኖሰ ለመላ መን ጠሊሉ አያኑ ዊሞሰረ በሊቸክዕኔ ሀይቹ መን መጠሬ፤ ተን ሆጎንተ ሹምነቱ ኣሰናንሰ። 4 ጠወ እኮጎሬ ነኡ ዱኢ ኦኦንለከ ላገሰ ተማርሶን ጠረኝኖም» ይቶ። 5 ሁኩ ጠወንኩ ጉዕመንከስ መንዲሲሾ፤ ህከኒቹ ኤተሮን አመዕነቲንለከ ጠሊለ አያኒን ዊሞ አስጥፋኖሴ መጠርቶ። ህትን ፍልጾሴ፤ ጽርኮርሴ፤ ንቃሮ፤ ጠዋን፤ ጸርሜንለከ አይሁድ አመዕነት ቶን አንጾክ ባድ መንቹ ኒቆላዎሴ መጠርቶ። 6 እሲንተ አሳበ ብሬን ኡርሶሰ፤ አሳበንት ዱኢ አቶቹ ኤተሮን ኣገሰስ አሌስ ኡጅቶ። 7 ከን ሃሊን መገን ላገት አልባዕልተን መርቶ። ህትን ዬሩሳሌማን አመዕኖና ዋሊንሹ በተአን መረ፤ አይሁድ ቂሳቹ መት-መቱስ ኢሳን አመዕነት ትምርቲንከስ ቶን። 8 አስጥፋኖሰን ኣሰቶንለከ ጠሊለ አያኒን ዋልቃን ዊሞ መን በላን እጅብሲሳና ጠወለከ እጅብተ አኣኖት እቅ። 9 ህከ ወክት «ሰዋልድማን ፋሎ መን ጭምት ምኒ» ይሰ። አይሁድ ጭምት ምኒ መኑ፤ ቂሬንለከ አልክሰንድር ከተም መኑ፤ ክልቅይለከ እስይ ባድ መኑ አስጥፋኖሰን ኦዲኢት እቅ። 10 ጠወ እኮጎሬ አስጥፋኖሰ ጠወኣን ሄዕዮ ሀይመተለከ ጠሊለ አያኒ ኦዶተ ኦታልቶበእ። 11 ህከ ወክት «ኩ መንቹ መሲንለከ መገን አሊን ቦሮር ላገተ ጠወኣን ሞጭጭኖም» ይታ መን ማጥኖ ኬሶ። 12 ከን ሃሊን ኡመት፤ ባልቅለከ ሕግ አሰተማረተ ኬሶ። አስጥፋኖሴቤቹ መርት ኣኣት ኣገትቤቹ ሆንጠህሰሰ። 13 እሰ አሌን ክዘብ መሰከርታ መት-መት መናከት ኤቦኡ፤ ሁኩ መናከንት «ኩ መንቹ ከን መገኒሃ አደ እኮ ቤቸንለከ መገን ሕግ አሊን ቦሮር ላገተ ጠወኡ ሆሮ አጉርቦእ። 14 «ኩ ናዘሬት ኢስ ከ ዱኢ ምኒ ድጅኖ፤ መሰንኑ ኣሴኔ ሴረ ዶረኖ» የን ሞጭጭኖም» ይታ ክዘብ ምስክር ኬሶ። 15 ህከ ወክት ኣገቲን

አፋዕልቶአፋ ጉዕሙንኩ እስጥፋኖሴ ቱክ ይት ለእን ሚኔስ አዱ መላይከ ሚንተ አጉጅ ለሌሰ።

7 ሎሩ ቀስቼ እስጥፋኖሴ «ኩ የመሞ ጠዉ ሀንቅሃንደ?» ይ ጠዕሜስ።
2 እስጥፋኖሴን «አመኤ ኦሱትለክ እናከኤ! እን ያሚሃ ሞጮጭዬ!፤ እኑኔ እብራሂም ካራን ባዶን ሄኑተ መሩዕነ ብርተ መስጴጦምያን ሄኤን ኬዕምኝ መገኑ እሲሃ ለልኬዕይ **3** «ባዲቸክለክ አሊቸክ አደ እክ ፋልት እን ለሊሳንኬ ባዱ ኦርእ» ይሰ። **4** ሀከ ወክት ከላድ ባዲቸ ፋል «ካራኑ» ይኖሴቸን አፋዕሌ፤ እኩስ ሬዮቹ ኤተሮን ሀከንቤቸቹ ከበር አዕት ሄኤነንተ ከ ባዱ መገኑ ኤሶሰ። **5** ከን ባዶን መት ብኩታ እሀዮ ጌስ ኡለት ርስተ አዕይ እስዮሰበኤ፤ እብራሂም ላለት ሄኤበሰጎሪ እሲሃለክ እሲቸ ኤተሮን ዘሬተስ ርስተ አዕይ እሶተ ላገተ አጎ። **6** መገኑ እብራሂም ዘርት መን ባዶን ቶቸንት ሄኤን ርስ እኤን ሾሌ ጥቤ ዘማኒሃ እብዱዴኖሰገ ኩሎሰ። **7** ህትን መገኑ ህከ ዘርክ ርስ አት ጠቅታ ኡመት አሉን እን ፈረዳም፤ ሀከነቹ ኤተሮን ሀከን ባዲቹ ሰዋልድማን ፋሼሃን ከንቤቸን ኤሳሃ ሰገዳኤ» ይሰ።
8 ጡርከም ወኣድ ሴሪ መላተ እሀተ አሴስ፤ እብራሂም እሳቀ እሎ ሀዜትቅ በር ጡርከምስ፤ ህትን እሳቀን ጨልሰ ያቀበ ጡርከም፤ ያቀብን ደቦተ ወዕኔ እናከተ እኮ ቶን ለመንከ እለሰ ጡርከም። **9** «ያቀብ ኦሱት አመሰ ቤቱ ዩሱፈ ምቀኝት ግብጽ ባዶን ርስ እሀተ ሀርቶስ፤ ጠዉ እኩጎሪ መገኑ እሲን ሜጡብ ሄዕዮ እቅ። **10** ህከን እኮቤቸሃ ኦሪሻቸሰ ጉዕሚቹን ፋሽ ግብጽ ባድ ምም ፍራኑን ብሬን ኬዕምኝእከ ሀይመተ አሴስ፤ ምሙንኩ ግብጽ ባዶንለከ ምኔንከስ ሹምነቱ አሴስ። **11** ህከ ወክት ግብጽንለከ ከነኣን ባዶን እኩ ጎሩለከ ኦሪሸት እኮኤ፤ ወዕኔ እናከኔን እቸተ ደኣቶተ አታልቶበኤ። **12** ጠዉ እኮጎሪ ያቀብ ግብጽ ባዶን ዉጠት ሄኤስ ሞጮጭ ወክት ወዕኔ ወክት እናከኔ ሀከቤቹ ሶኩ። **13** ለነኪሃ ፈንቀልት ግብጽ ባዱ መርቶ ወክት ዩሱፍ ገዉስ አመሰ እሶተ ለልሾ፤ እሎሰን ግብጽ ምምቤቸን ኤንኬዕነንቶኤ። **14** ሀከነቹ ኤተሮን ዩሱፍ እነሰ ያቀበለክ እሎስ ጉዕሙንከ እስቤቹ ሶክ ኤብሲሾ፤ እሎስ ጉዕሙንኩ ለመላይኔ ኦንቶ መን እቅ። **15** ህከን እኮቤቸሃ ያቀብ ግብጽ ባዱ ኦርዕዮ፤ እስለከ ወዕኔ እናከኔ ህከን ቤቸን ሬቶኤ። **16** ምቀስ ሴኬመ ዩኖቤቹ ፈንቀሽት መስት እብራሂም ሴኬም ከተማን እምሬ ኦሶቹ ብሪንከስ ሀዕይ ሎዳን ሞጎኤ። **17** «ጠዉ እኮጎሪ መገኑ እብራሂሚሃ እሴ ተብሳሃ ዊንሸኖ ወክቱ ሆንጠካን ግብጽ ባዶን ኡመትኔ ምላንሹ በተእን ኦርዕዮ። **18** ህከን እኮንኩ ዩሱፈ ደግቡ ምሉ ምሙ ግብጽ ባዶን ኬኦተ አላት። **19** ሃዕሮ ምሙንኩ ኡመቲኔ እሌን ተንኩን ኬዕይ ወዕኔ እናከኔ እብዱዱ ጀመሮ፤ ሰብዮት አብል ፋሼን ቶቹናን ሬታገ ወዕኔ እናከኔ ግዳጅሾሰ። **20** ህከ ወክት ሙስ አለሞ፤ እስን መገን ብሬን ምልካሙሃ ጨል እቅ፤ እነሰ ምኔን ሰሱ እገን ነጸኤ። **21** ምነቹ ፋሽት እብሉስን ቶቹቶስ ወክት ፍራኑኔ ቤቱት ኬስ ቤትሲን እት ነሰቶስ። **22** ሙስ ግብጽ ባድ ሀይመተ ጉዕሙንከ ተማሮ፤ እስን ጠወእኖ ላጋንለከ ሆንተስ ጠረኘ እኩ። **23** «ጠዉ እኮጎሪ ሙስ ሸይሉ ዘማን እኮስ ወክት አመሰ እሶተ እስራኤል መን ለኦተ ቀልቤንከስ ሰውዬእ። **24** እስ አሊቹ መቱስ ግብጽ ባድ መንቹ ሚዕረንስ ለዕይ ሀዕሌስ፤ ህከን ሚርተዕዮ

መንቹሃ ሀዕል ግብጽ ባድ መንቹ ምቀር ሽ ገዱተ ፋሎ። **25** ሙሲን አመሰ እሶትን መገኑ እስ አዲን ምቹ ፋሽኖሰገ እጥራመታኢሃ አጉጅሰ እቅ፤ ጠዉ እኮጎሪ እስ ህከን እጥራመቶበኤ። **26** ለነክ በር እስራኤል ኦሶቹ ለሙ ብተንተን ለዕዮ፤ ሀርራት ሄዕላቹ «ኩ መነ! እዕት አመተ ኦሱ፤ ሚሃ መት-መቲንከክዕኔ ብተንቲንታት?» ይሰ። **27** ሁኩ ጃለስ ምቀረን ሄዕዮ መንቹንኩ ሙስ ካጳ ሀንበል «ኒ አሌን ኬሳሃ ገሻንቹለክ ፈረዳንቹ እኮተ ዳኘን ለዕዮሄሁ አዴት?» **28** ቤሬተ ግብጽ ባድ መንቹ ሽቶንትገን ኤሳህ ሽቶኤተ ሄዕላቶንትንዶ?» ይሰ። **29** ሙሲን ህከን ሞጮጭ ወክት ግብጽ ባዲቹ ሁኝ ሚድም ባዶን ሄዕዮ፤ ሀከኔን ለም ለቤ አለተ አሎ። **30** «ሀከኔን ሙስ ሸይሉ ዘማን ሄዕዮቹ ኤተሮን መገን መላይኬቹ ሲና ዬኖ ቆተ ኡድማን ሀቅ ሸፎ በላን ገረ ለበን አዜን እሲሃ ለሌሰ። **31** ሙሲን ህከን ለዕዮ ወክት ለዕዮርቸን አጀብሲጩኤ፤ እስን ለኦተ መድ ሆንጠኩ ወክት ቀርቾሃ መገን ላገት **32** «እን ወዕኔ እናከከሃ መገኑ፤ እን እብራሂሚሃ፤ እሳቅለክ ያቀብሃ መገኑ» ይተን ሞጮጭለ፤ ሙሲን እበ ሞጃእ፤ ለኦንተ መለሎበኤ። **33** ህትን «አት ኡርቶንት ቤቹ ጠለሊ እኮቤቸሃ ሎካቸክ ጫዕመተ ፋሽ። **34** ህንቅንከ ግብጽ ባዶን ሄኤ ኡመትኤ ኦርሸተ ለዕይ ያርታኢንከ ሞጮጭ ነጠ ፋሽህዕኔተ እሜቸም፤ ቲሁ እት ከቤቹ አም፤ እን ኬሳሃ ግብጽ ባዱ ሶሃንኬ» ይታ መገን ላገት እስቤቹ እሜቶኤ። **35** «እስራኤል ኡመቱ ሙስ ገሻንቹለክ ፈረዳንቹሃ እኮተ ዳኘን ለዕዮሄሁ አዴት?» ይት ለገኡስ ህከ ሙስ ህከን ሸፎ አዜን ለሌስ መላይኬቹ አዲን መገኑ ገሻንቹለክ ፊሳንቹ አዕይ ሶኮስ። **36** ሁኩ ሙስ ግብጽ ባዶንለከ ቢሻ ባራን ሸይሉ ዘማን ኡለ ኡድማን አጀብተለክ አጀብሲሰኖ ጠዉ እኤን ግብጽ ባዲቹ አምሰስ ፋሼሰ። **37** «ቀርቼ መገኑክዕኔ ኤሳሃ ኬሾገን ህትን አመክዕኔ ኦሶ በሊቹ ነብዬቹ ኬሰናህዕኔ» ይ እስራኤል ኦሶተ ጠወዕዮሁ ህከን ሙሳንት። **38** ኡለ ኡድማን ጭምሞ ኡመቲን ሜጡብ ሲና ቆተ አሌን ጠወዕዮ መላይኬቹንለከ ህትን እናካንተክዕኔ ሜጡብ ሄዕዮሁ እሶት፤ መገን ሄኤ ላገተን ኔሳሃ እሴኔሁ ህከን ሙሳንት። **39** «ወዕኔ እናከኔ ግብሶ ቤሉ ትዛዘስ ቶጎበኤ፤ ቀልቤንከስን ግብጽ ባዱ ፈንቀልቶተ ሰውዬቶኤ። **40** ሀሩንን «ኩ ኔሳሃ ግብጽ ባዲቹ አምሰስ ፋሼኔ ሙሲሃ ም እሌሰጎሪ ደንጋምበኢቤቸሃ ብሬን ሃንተን አምሰስታኔ ሸርክተ መክሰኔ» ይቶስ። **41** ህከ ወክት ወዕዮ አጉደኖ ሸርክተ መክሰ ክትም ሆንጠህሴ፤ እንገስ ሆንንን ሙንደኦኤ። **42** ጠዉ እኮጎሪ መገኑ እሳቹ አደ እኩ፤ ሰሜ ቤዜተ መገኑ እት ዱኤ አታገ ሀገሽ እሴስ፤ ሁከንን ነብያካን «እዕት እስራኤል መነ! ሸይሉ ዘማን ኡለ ኡድማን ጎረጤመ ግዘለከ ክትም ሆንጠህሴንተኤንደ?» **43** ሰገደኖስተ መክሰንተ ምስልለክ እስን ሞሎከ ዬኖ መገንክዕኔ ዱካነለከ ሬፋን ዬኖ ቤዜ ክዘብ ሸርኬ ምስለ እጅቴን ሃንቲንተ፤ እን ባብሎኮ ዬኖ ባዲቹ ካጵ አደ ቄርካንክዕኔ» የመም ከተበሞቤቸሃት። **44** «ወዕኔ እናከኔ ኡለ ኡድማን መገኑ ገዉስ ለሊሰኖ ዱካኑ ሄዕዮስ እቅ፤ ሁኩ ዱካኑንኩ መገኑ ሙሲሃ ኩሎሰለከ ለሊሾስ ሃሊን መክዮኢሃ እቅ። **45** መገኑ ብሬቸሰ ሸር ፋሼ አይሁደ እክቡ መን ኡለተ ኦሊንት ረገኤ ወክት እናከኔን ተ ቶን ዱካንቹተ ኢያሰንን ሜጡብ ህከ

ባዱ አግላኑ፤ ደውዳ ዘማን አሊ ህክኔ ሄኦኡ። 46 ደውድን መገን ብሬን ኬዕምኝ ደእ ያቁብ ዘሬ በላን መገኑ ገለዮ ምኒ አጀርተ ዱእ አዕዮ። 47 ጠዉ እኩጎሬ ዱእ ምኒ አጀርሁ ሱላይማናት። 48 «ጠዉ እኩጎሬ ሎሩ መገኑ መን አንገት አጀርቶ ምኒ ሄኦናበእ፤ ሁኩንን ነብዬቹ ጠወእን 49 ««ሰሞሁ ዎምንትኤተ ቦርጭመ፤ ኡለት ሎከእ ፎሎሲሳምሃ ቤቹ፤ ኤሳሃ ሀትኔ ምኒ አጀርቲን? ህከረ አን ፎሎጫም ቤቹ ሀትናውሃን? ዓዮ ቀርቼ። 50 ህካን ጉዕመንከ አንገእ አቶሃበእንደ? ዓዮ መገኑ። 51 አዕኑ «ጢቃመት ቀልቡክዕኑ ዱጀእሩ! መጨክዕኑ ሞጮጭትቡሩ! አናከክዕኑ ጠሊሊ እያን ቶጉ ግባገን አዕኑሁ ቶጉ ግቤንገታት። 52 ነብያካች ወዕኔ አናከኔ ያይትቡ ነብዬቹ አይት? እሰን ፈዩ አሜቱሰ ሄጭት ኩልቶአረ ሽቶኡ፤ ህትን ህከ ፈዩ እሰን ህግሴን አስቲን ሽቲንታሰ። 53 ህትን መላይከ አዲን መገን ሕገ ቶንታ እቅ፤ እኩጎሬ አገርቲንታበእ» ይሉ። 54 ኦገት መኑ ህካን ሞጮጭቶ ወክት አበ ኡመዕርት እስጥፋኖሴ አሊን እንኩተ እጦኡ። 55 ጠዉ እኩጎሬ እስጥፋኖሴ ጠሊሊ እያንን ዊሞ ሰማሃ ሞሽ ቱክ ይ ለአን መገን ኬዕምኝለከ መገን መኬ አዲን ኡሬ አሊ ለዕዮ፤ 56 «ሁኩዕኑን ሰሞሁ ፈንተዕያን መንች ቤቱ መገን መኬ አንገ አዲን ኡሬአሃ ለአሚት» ይሉ። 57 ጠዉ እኩጎሬ አሰ ሎረ ላጋን ያርተን መጨሰ እፍሰ ሜጡበ እክ እስቤቹ ደጉዶኡ። 58 ከተሚች ኡብል ፋሽት ክንን ቀሶሳ፤ ምስክር እኩአሩ ኦድኑስ «ሳኦሌ» ይዮ መቱ ወደልቹ አገርተ ሎከስቤችን አፋሽቶኡ። 59 እሰን ክንን ቀሰንን እስጥፋኖሴ «ቀርቼ አሊ! ሩህኤ ቶግ» ይ ላገሰ ጎት አዕይ ዱእ አዕዮ። 60 እሰን ጉሉጽ «ቀርቼ! ጨብሰ አጉር» ዮን ሎረ ላጋን ያር፤ ህካን ይ ሬዮ።

8 ሳኦል እስጥፋኖሴ ሼመ ወክት አማዕለሞ እቅ፤ ህከ በር ዬሩሳሌማን ሄኦ አመዕናና አሊን አቡ ያሃሙ እኩ፤ ህከ ወክት አሳበ ቤሉ አመዕናኑት ጉዕመንኩ ይሁድ ባዱለከ ሰማር ባዱ ብንይቶኡ። 2 አመዕንቶን ጠረኝቶ መት-መቱ መኑ እስጥፋኖሴ ሞግ ላገሰ ጎት አት ቡብ ኦኦኡ። 3 ጠዉ እኩጎሬ ሳኦል አመዕናኑት ቤሶተ አጸመናት እቅ፤ ህትን ምኒች ምኒ አንገ አመዕንቶ ሜንቲለከ ጎነ ጎሾሽ ፋሽን ኡሱር ምኒ ኣግሰናሳት እቅ። 4 ሁኩ ብንይቶ አመዕናኑት ተሸት ላገተ ዘህተን ተማርሰቶኡ። 5 ፍልጶስን ሰማር ከተመ ኦሮዕይ መሰህተኔሃ ተማርሰናት እቅ። 6 መንኩኩ ፍልጶስ ላገተ ሞጮጭትለከ አዕዮ አጅበተ ለኦ ወክት መቶ ሰውቲን ሞጮጭታኦት እቅ። 7 ዶረረኖ ዱሩ አበ መንች ሎረ ላጋን ያረን ፋላናት እቅ፤ ህትን ልግቡ ኖሮራለከ ድናኑት ፈይቶኡ። 8 ህካን እኩቤቺሃ ህከን ከተማን አቡ ሙንዲትን እኩኡ። 9 ጠዉ እኩጎሬ ህከን ከተማን ሄኦና መቱ «ሰሞኔ» ይዮ መንች ሄዕዮ እቅ፤ እሰን «አን ሎረሃን» ዮን ሲረ አአን ሰማር ባድ ኡመት አጀብሲሰናት እቅ። 10 ከተምሰ መኑ ሎረች ቀዉ አሊ ህከ መንች «ኩ መንች ሎረ ዬን ገኤናሲሁ መገንተ ዎልቀ» ይተን ጉዕመንኩ ሞጮጭታሲት እቅ። 11 ልግቤ ዘማኒች ኬሽ ሲርንከሰ አጀብሲሾሰቤቺሃ ዮናርቹ ሞጮጭታሲት እቅ። 12 ጠዉ እኩጎሬ ፍልጶስ መገን ዎምንትኤሃለከ መሲህ አሊ ሱዕምተኔሃ ዱዱብሴሰ ተሸት ላጋን አመዕንቶህንኦት ኤተርን ጎኦለከ ሜንቱ ጠመቀንቶኡ። 13 ሰሞን ገወንኩሰ

አመዕን ጠመቀሞ፤ እሰን ፍልጶስን መለዕለሙ ግብ ሜጡበ እኩ፤ ህትን ፍልጶስ አአና መላተለከ አጀብሲሰናና ጠዉ ለአን አጀብሲጨናት እቅ። 14 ህከ ወክት ዬሩሳሌማን ሄኦ ሶቀማኑት ሰማር ባድ መኑ መገን ላገተ ቶገገ ሞጮጭት ጴጥሮሴለከ ያህይ እስቤቹ ሶኮኡ። 15 ጴጥሮሴለከ ያህይ ህከ ቤቹ አልቶ ወክት ሁኩ መኑ ጠሊሊ እያን ቶጎተ ዱእ አቶሰ። 16 መሰንትሰ ሰማር መኑ ጉዕመንኩ ቀርቼ አሊ ሱዕሚን ጠለዕል ጠመቀንቶ ቤሉ አሳች መትሰ አሌኔ ጠሊሉ እያን ሜጦረ ሜጥሰ አሊን ድርዮሰበ እቅ። 17 ህካን እኩቤቺሃ ጴጥሮሴለከ ያህይ እሰ አሌን አንገሰ አቶ ወክት ሁኩ መኑ ጠሊሊ እያን ቶጎኡ። 18 አሳበት አንገሰ መን አሊን አተን ጠሊሉ እያን አሰመናሰገ ሰሞን ለዕዮ ወክት ብረ አሳሃ ኡብ 19 «አኒሁ አንገኤ አሌሰ አአሚሁ ጉዕመንኩ ጠሊሊ እያን ቶጎተ ኤሳሃ ከ ወልቀተ እስዬ» ይሉ። 20 ጠዉ እኩጎሬ ጴጥሮስ «መገን አስቱተ ብሬን ደዕቶተ ሰውዶቶንቤቺሃ ብሩክ ከን ሜጡበ በኡን። 21 ቀልቡክ መገን ብሬን ጌጥ ዬአሃ እህበቤቺሃ ከን ጠዋን ኬሳሃ ቤቀንቹ ህከረንገ ወጡ ዮሄበኡ። 22 ቲሁ ከን ሂሊ ሆጎተክ ሻዝ ቶበት፤ አይደጎ ቀልብክ ሂሊ ሰዉትክ አጉረናሄጎሬ ቀርቼቤቹ ዱእ አሉ። 23 መሰንትሰ አት አበ ሂሊ ሞቀኝማንለከ ጨብ ኡሱርን ሄኦክ ለለናኤት» ይሉ። 24 ሰሞን «ቲሁ ጠወኤንተህንቺ መቱርቹሁ አሊንከኤ ኢላናበእገ አዕኑ ቀርቼቤቹ ዱእ አዕዮ» ይ ፈንቀሼኡ። 25 ጴጥሮሴለከ ያህይ ቀርቼ ላገተ መሰከርትለከ ጠወኦኦች ኤተርን ሰማር ባድን ዮ ልግቤ ኦሎን እንጂሊ ተማርሰተን ዬሩሳሌመ ፈንቀልቶኡ። 26 መገን መላይኬቹ ፊልጶሴ «ኬእ ዬሩሳሌሚች ጋዛ መሰና ዎቁን ካእጸ ዋልት ኦርኦ» ይሉ፤ ሁኩ ዎቆንኩ ኡሉ ኡድማን ዮአሃ እቅ። 27 እሰን ህከንቤቺች ኬዕይ ኦርዕዮ፤ «ሕንዳኬ» ይዮ አቶጽዮ ባድ ሞምን ዮሴ ዱንዮ አሊን ጉዕማንን ሹመለከ ገሽናሃ እኩ መቱ ቃሬመሰ አቶጽያውቹ መንቹ መገኒሃ ሰገዶተ ዬሩሳሌመ ኦርዕዮ። 28 እሰን ፈንቀል ኦርኦን ኬዕምኝ ጋሬን አፋዕል ነብዬቹ እስያሴ መጻፈ አነበበናት እቅ። 29 ህከ ወክት ጠሊሉ እያን ፍልጶሴ «መርት ህከ ኬዕምኝ ጋሬቤቹ ሆንጠክ ደቀሞ» ይሉ። 30 ህካን እኩቤቺሃ ፍልጶስ ህከ ቤቹ ደገጅ መርክና ኢቶጽያውቹ ነብዬቹ ኢስያሴ መጻፈ አነበበናሃ ሞጮጭ «አነበባንት ፍሳረሰ አጋሄትንደ?» ይሉ። 31 ኢትዮጵያውቹንኩ «ሮስሰናሴ መንቹ ዮበኢሃ ህት እክ ኣንኤተ አጋለኖ» ይክን ፍልጶሴ «ኬዕምኝ ጋሬ አል ቆጽ ኢን ሜጡበ አፋዕል» ይሉ። 32 እሰን አነበበን ሄዕዮ ጠሊሊ መጻፍ ቤቹ «እሰን ጎረጢሃ መሴኖ ሆልቸገ፤ ኦርከሰ ኣኢሃ ሆንጠኩ መን ብሬን ሰዕም ዮና ቆርባብገ አሰ ጠወኦተ አፎሰ ፈቺበኡ። 33 እሰን ገዉሰ ሆናሾ፤ ሀንቅ ፍርዱ አሰሞሰበኤ ሄኦሰ ኡሉ አሊች ኬዕብሮቺሃ ደቦሰተኔሃ አይ ጠወኦተ አጋለኖ?» 34 ሁኩ ቃሬመሲንኩ ፊልጶሴ «ነብዬቹ ካን ጠወዕዮሁ አይተኔሃት? ገይሰተኔሃትንዶ ሞሎ መንተኔሃት? ሀዕይ ኩሌኤ» ይሉ። 35 ፊልጶስን ህከን ጠሊሊ መጻፊች ኬሽ አሰተኔሃ ተሸት ላገተ ኩሎሰ። 36 ሀንተንን ዉሁ ዮ ቤቹ አልቶ ወክት ሁኩ ቃሬመሲሁ «ዉሁ ኩዕን፤ ኤሳሃ ጠመቀሙ ከመኖኤሁ መርቹሃን?» ይሉ። 37 [ፊልጶስ «ዊመ ቀልብንከክ አመዕንቶንትጎር ጠመቀንቶተ አጋልታንት» ይሉ፤ ሁኩ ቃሬመሲንኩ «መሲህ አሊ መገን ቤቱ

እሁስ አመዕናም» ይሉ።] 38 ሁኩ ቃሬመሲንኩ ኬዕምኝ ጋርተ ኡርሳገ እዘዘ፣ ለመንኩስ ዊቤቹ መርታን ፊልጶስ ህክ ቃሬመሲንኩ ጠመቆስ። 39 ዊ ኣዚቹ ፋልቶች ኤተርግ ቀርቶ እያኑ ፊልጶሴ መሴስ፤ ሁኩ ቃሬመሲንኩ ለንኪሃ ፊልጶሴ ለዕዮስበእ፤ እኩጎሬ መንደእን ዎቃስ ኦርዕዮ። 40 ጠዉ እኩጎሬ ፊልጶስ «እሸደደ» ዬዮ ከተማን ደገሞ፤ እሰን ቂሳር ከተመ ኢሎተ ኢላ ከተማን ጉዕማንን ሃመን ተሸተ ላገተ ዱዱብሰኖተ እቅ።

9 ህክ ወክት ሳኦል ቀርቾን አመዕንቶላረ ሾተ ፎከር፤ ሎረ ቂሳቶቤቹ ኦርዕይ 2 ቀርቶ ዎቃሃ አዋንታ ጎነለከ ሜንቲ ደገኖረ ጉዕማንከ ኡሱረን ዬሩሳሌመ ኤቦተ አታልሲሰኖ ደብዳቤተ ደማስቆን ሄእ ጭምት ምናተ ከተብ ኣሶተ ጠዕሜእ። 3 ኦርእንን ደማስቆ ኢሎተ ሆንጠኩ ወክቲን ድንገቲን እስ ዮቤቹን ሰሜቶ ኑሩ በለቆ። 4 ህክ ወክት ኡላን ኡቦ፤ «ሳኦሌ! ሳኦሌ! ሚ ሸርታንቴኢት?» ይታ ላገተ ሞጮጩእ። 5 ሳኦልን «ቀርቹ! እት እይት?» ዬ ወክት «እን እት ሸርታንቴኤ ኢሳት፤ ቀስኖ ብረት ሃንቶንት ጎሬ ሂለኖሄ ዬስ። 6 ቴሱ ኬእ ከተመ ኣግ፤ ህከኔ መ አታንት ጎሬ ህከጼ ኩሉኖሄ» ዬስ። 7 እሴን ሚጡብ ሃንተን ሄእ መኑ ጠወእኖሲህ እይት ጎሬ ለኡዕነ ጠለዕል ላገተ ሞጮጭተን ይታርቹ ሆግ ኡርቶ እቅ። 8 ሳኦል ኡቦቤቹን ኬዕይ ለእኖ ወክት እልስ መቲርቹሃ ለኦተ አታልቶበእ፤ እሴን ሚጡብ ሄእ መኑ እንገሰ እኖ መሰገን ደማስቆ ከተመ መሰቶስ። 9 ህከኔን እልስ ለኡዕነ፤ እቲዕነለከ እጉዕነ ሰሱ በር ዱንኬእ። 10 ደማስቆን «ሀናንዮ» ዬዮ መቲ ቀርቶ ኣሳቤቹ ሃዕዮ እቅ፤ ቀርቹንኩ እሱ መናማን «ሀናንዮ» ዬስ፤ እሰን «ቀርቹ! ኣን ከቤቹ ዮም» ዬእ። 11 ቀርቹንኩ እሱ «ኬእ ጌጥዬ» ዬዮ ዎቃሃ ኦርእ፤ ህከኔን ይሁድ ምኔን ዮ «ሳኦሌ» ዬዮ ጠርሴስ ባድ መንቺን ደቀሞ፤ መሰንትስ ሁኩዕነን! እስ ህከጼ ዱእ አእኖት። 12 እሰን ለኡ አታሎተ ሀናንዮ ዬዮ መንቺ ኣግ አሌስ አገገተ አእን መናማን ለዕዮ» ዬስ። 13 ጠዉ እኩጎሬ ሀናንይ ፈንቀሽ «ቀርቹ! ኩ መንቺ ዬሩሳሌመን ሄእ አመዕናኖ አሌን ሄንከ ሂለ ሆጉተ አእኖት ጎሬ ልግብያ መኒቶ ሞጮጭዮም። 14 ከንቤቹን ሱዕመክ ገእታረ ጉዕመንከ ኡሱሮተ ቂስ አዋንሳኖች ዳቺመት ኣሰንቶስ» ዬስ። 15 ጠዉ እኩጎሬ ቀርቹ ሀናንዮ «እስ ሱዕመኤ መገኑ አመዕንበ መኒሃ፤ ዎማተለከ እስራኤል ኦሶተ ደግሲሰኖ እን መጠርንስ ኦዳተ እኮቤቹሃ እስቤቹ ኦርእ። 16 መሰንትስ ሱዕምኤተሄሃ ሄንከ ኦርሸተ ቶጉ ሀሰሰኖስገ ኣን እሲሃ ለለሳንስ» ዬእ። 17 ህካን እኮቤቹሃ ሀናንዮ ኦርዕይ እስ ሃዕዮ ምኒ ኣጎ፤ አንገሰ ሳኦሌ አሌን አዕይ «አመኤ ቤቶ ሳኦሌ! ሁኩ አሜተን ዎቃን ለሌሄ ቀርቹ እስ ለንኪሃ ፈንቀሽት ለኡ አታልቶተለከ ጠለላ እያኑ ዊሞሄተ ሶኮኤ» ዬእ። 18 ህክ ወክት እሌስ አሊቶ ኦሞለ አጉደኖርቹ ኡባን ወዕኔገን ለኦተ አታሎ፤ ኬዕይን ጠመቀሞ። 19 እቶተ እቶ ጠረኚእ፤ ደማስቆን ሄእ ኣሳባን ሚጡብ ቀዉ በር ዱንኬእ። 20 ወክትንከስ ሳኦል ደማስቆን «ኢስ መገንዮ ቤቱ» ዮን አደደ አይሁድ ጭምት ምናን ተማርሱ ጀመር። 21 ሞጮጭቶሩ ጉዕመንኩ «ኩ መንቺ ዬሩሳሌማን ከ ሱዕመ ገእታረ ጉዕመንከ ቤስን ሃዕዮሃበዕንዶ? ከ ቤቹንከ አሜቶህ እስተ ኡሱረን ቂስ አዋንሳኖቤቹ መሶታበእንዶ?» ይተን አጀሰሱጭቶእ። 22 ጠው

እኩጎሬ ሳኦል ወዕኔቶ በትሸ ጠረኝን ኦርዕዮ፤ ኢስ መሲሁ እሁስ ደማስቆን ሄእ አይሁዱሃ መሰለ ከመኖሳት እቅ። 23 ልግብያ በሬቶ ኤተርግ አይሁዱ ሳኦሌ ሸቶተ አማዕለንቶእ። 24 ጠዉ እኩጎሬ ሳኦል ተንኮ አማልስ ደጎ፤ እሰን ሳኦሌ ሸቶተ ከተሚቶ ሀንከዕርተለከ በራሃ ፋላኖ ኡሩተ ጉዕመንከ አገሩ ጀመርቶእ። 25 ጠዉ እኩጎሬ ኣሳበት እሱ ቀርጫታን ዋርት ሀንከዕሬን መሰት ግንብ ኦተ መሰኩቲን ኤተሩ ዋሽት ፋሽቶስ። 26 ሳኦል ዬሩሳሌመ ኢሌ ወክት ህከኔ ሄእ ኣሳባን ሚጡብ ሄኦተ ሆሾ፤ ጠዉ እኩጎሬ እስ ጉዕመንኩስ እስ ኣሳቤቹ እሁስ አመዕንትበቤቹሃ ዋቺቶስ። 27 ጠዉ እኩጎሬ በርናባስ ሳኦሌ ኣሳበቤቹ እኢ መር ዎቃን ቀርቹ ሆት እክ ለሌሰገለከ ጠወዕዮስገ ህትን ደማስቆን ኢስ ሱዕሚን ሆት መለል ተማርሲን ኩሎስ። 28 ህካን እኮቤቹሃ ሳኦል ኣሳን ሚጡብ እክ ዬሩሳሌማን ሃመኖት እቅ፤ ቀርቶ ሱዕሚን መለል ተማርሰኖት እቅ። 29 ግርክ አፎ ጠወእ አይሁዱን ጠወእን ኦደኖት እቅ፤ እኩጎሬ እስ ሸቶስተ ሀሶእ። 30 ህካን አመዕናኑት ደጎ ወክት ቂሳር ከተመ መሰቶስ፤ ህከንቤቹን ተርሴስ ከተመ ኦርእኖገ አቶስ። 31 ይሁድ ባዶን፤ ገሊላ ባዶንለከ ሰማር ባዶን ጉዕማንን አመዕናኑት ጠረኝት ወገሬቲን ሄኦእ፤ ህትን መገኑ ዋቺተን ጠለላ እያኑ ጠረኝሰንስ ዋሊንሺን በተእን መርቶእ። 32 ጴጥሮስ ቤቼን ቤቼ ፈንቀለመን ልዳን ሄእ አመዕናኖቤቹ ኦርዕዮ። 33 ህከኔን ህዜቱ ዘመን ዊመ መዕናን ኦሰዕዮ ኤኒያ ዬዮ ናፈ መንቺ ደጎ። 34 ጴጥሮስን «ኤኒያ! መሲህ ኢስ ፈይሰኖሄ፤ ኬዕ መዕነክ ዌስ!» ዬስ፤ እሰን ወክቲንከስ ኬዕዮ። 35 ልዳለከ ሳርን ከተማን ሃዕዮ መኑ ጉዕመንኩ እሱ ለእ ቀርቶ አደ ፈንቀለቶእ። 36 እዮጴ ከተማን «ጠቢተ» ዬዮ መትት ኢስ አዋንታእት ሄእ እቅ፤ እሴን ግርክ መን አፎን «ዶርቃ» ዬዮ እቅ፤ ፍሳረስ «ጉሜተ» ዩሃን፤ እሴ ጡመተ ሆጉተ አታኢተለከ ቡጥቻኖተ ደግለልታእት መንቺ እቅ። 37 ህክ ወክት እሴ ጥዘ ሬቶእ፤ እሰን ጀናዘሴ አገሽት ፋቅ ምኔን አፋሽቶእ። 38 ልዳ ከተመ እዮጴ ከተሚሃ ግደኑ እኮቤቹሃ እዮጴ ከተማን ዮ ኢስ ኣሳበት ጴጥሮስ ልድ ከተማን ሄኦስ ሞጮጭት እስቤቹ ለመ፡ መጎ «ጌቤቹ ደዕልት አም» ይት ሶኮኤ። 39 ጴጥሮስን ህከን ሶቀንቶሁኡንን ሚጡብ አሜቶ፤ እሰን ኢሌ ወክት ፋቅ ምኒ ፋሽቶስ፤ ህከኔን ምንስ ኦኑ ሬዮ ሜንቲ ጉዕመንኩ ብሬስ ኡርት ዶርቃ ኣሳን ሚጡብ ሄእ ወክት ደዶ ቀምብሰተለከ ኦድተ ቶገን ኦኦእ። 40 ጠዉ እኩጎሬ ጴጥሮስ እስተ ጉዕመንከ አብል ፋሽ ጉሉጽ ዱእ አዕዮ፤ እሰን ጀናዘት ዮ አደ ፈንቀል «ጠብተ! ኬእ» ዬእ፤ እሴን እልሴ ፈንት ጴጥሮሴ ለእ ኬእ አፋዕልቶእ። 41 እሰን አንገሰ ሂር አፍሴ ኬሾ፤ ምንስ ኦኑ ሬዮ ሜንቲለከ ዋሉ አመዕናኑት ገእ ሩሁሴ ፈንቀላን ኣሴስ። 42 ሁኩ ጠዉ እዮጴ ከተማን ጉዕማንን ሞጮጩሞ፤ ልግቡ መኑንኩ ቀርቹን አመዕኔእ። 43 ጴጥሮስን እዮጴ ከተማን ጎገ ዘገኖ «ሰሞኔ» ዬዮ መንቺን ሚጡብ ልግብ በር አፋዕሌእ።

10 ቂሳር ከተማን ሄእኖ «ቆርኤሎሴ» ዬዮ መቲ መንቺ ሃዕዮ እቅ፤ እሰን ሮም በገዝ ጎንት ኣዘን «ጣልያን ብርጌደ» ዬዮ ህኒሃ ጥቤ ሀለቀ እቅ። 2 እሰን ምንስ አበርሲን ሚጡብ መገኒሃ ሰገደን መገኑ ዋቺኖ እቅ፤ ህትን ቡጥቻኖተ ሰደቀተ ኣሰኖ እቅ፤ መገን አደንከ ጉዕመ ወክት ዱእ

እእኛ እቅ። 3 መቼ በር ሆነሶ ሰኣት ጌሳን መገን መላይኬቹ «ቆርኔሎስ» የን እሱ ገእን መናማን ለሌሰ። 4 እሰን መላይኬቹ ቱክ ይ ለእን ዋጅ «ቀርቼ መርቼሃን?» ይእ፤ መላይኬቹንኩ «ዱኡክለክ ቡጢቻናተ ሰደቀ ሀዕልታንቲህ መገንሀንን ቃገንታንትገ እዕዮሄ። 5 ቲህ እዮጴ ከተማን ሄዕዮ ጴጥሮሴ ዬኖ ሰሞኔቤቹ መነ ሶክ ገእሲሰ። 6 እሰ ቲሱ ምኡሰ ባር መዲን ሄዕዮ ጎገ ዘገኖ ሰሞኔ ምኔን ኮህነቲ አፋዕልዮ» ይሰ። 7 እሰን ሜጡብ ጠወእን ሄዕዮ መላይኬቹ እሲች አደ አክ ኦርዕዮች ኤተሮን ቆርኔሎስ እሰ ካዲማች ለመሰለክ ጉዕመ ወክት እሱ አገርታሁኦች መገኑ ዋጅኛ መቼ ወታደርቹ ገእ 8 ጉዕመንከ ጠወ ኩሎሳች ኤተሮን እዮጴ ከተመ ሶኮሰ። 9 ለንክ በር ገሰመ እሰ መርት ከተመሰ ሆንጠኮ ወክት ሌሆ ሰኣት ጌሰ ጴጥሮስ ዱኡ እኣተ ሀንሸርገ ዮ ቢቹ ፋሎ። 10 እሰን ጎሩ አፋንሰ አቸተ እቶተ ሀሾ እቅ፤ አቸተ ቅጥ እኡነን መናመተ ለዕዮ። 11 ህከ ወክት ሰሞህ ፈንተዕዮን ሾሉ መረበሰ ኡሰረሞ መጋረጀ አጉደናርቹ ሰሜች ኡለተ ድረን ለዕዮ። 12 ህከን ኣዜንን አደዱ ሾል ሎከት ዮሰ ቡሳዉ፤ ወዘንከሰ ሹርይታ ክልቀቱለክ ሰማን ብርይታ ጨኡት ሄኦ እቅ። 13 ህከ ወክት «ጴጥሮስ! ኬእ ካን ጎረጥ እት» ይታ ላገተ ሞጮጩእ። 14 ጠወ እኮጎሬ ጴጥሮስ «ቀርቼ! እህናበእ፤ እን ህትኔ ጎጃሾ ህከረንገ ነጠ እህባሃ እቸሞ በሩ ዮበእ» ይእ። 15 ህትን ለንኪሃ «መገኑ ሙጩሩ እዕዮሃ እት ጎጃሰት» ይታ ላገተ እሜቶእ። 16 ሁኩን ሰሱ ወክት እኮች ኤተሮን ሁኩ መጋረጀ አጉደናርቹ ሰማ ዋል ኦርዕዮ። 17 ጴጥሮስ መናመገ ለዕዮ ጠወ «ኩን እኮሁ ሚሃት?» የን ቀልቤንከሰ ጨነቀመን ቆርኔሎስን ሶኮ መኑ ሰሞኔ ምኒ መነ ጠዕምት ደጎኢች ኤተሮን ኡሮን ኡርቶ እቅ። 18 እሰን ላገሰ ጎት እት «ሰሞኔ» ይን ገኤኖ ጴጥሮስ ከበ ዮእንደ?» ይት ጠዕምቶእ። 19 ጴጥሮስን ህከን መናማን ለዕዮ ጠወተኔሃ ሰወዮን ሄዕዮገን ጠሊሉ እያኑ «ሁኩዕን ሰሰ መናከት ሀሳሄት። 20 እሰን እን ሶካንሰ እሜቶረ እኮቤቹሃ ከእ ለሞሱዕናን እሳን ሜጡብ ኦርእ» ይእ። 21 ጴጥሮስን ህከን መንቢቹ ድር «እዕት ሀሴንነተ መንቹ እኔት፤ እሜቱነታሁ መ መሳኒት?» ይሰ። 22 እሰን «እይሁድ መኑ ሎርሰኛ መገኑ ዋጅኛ ሀንቅ መንቹ «ቆርኔሎስ» ዬኖ ጥቤ ሀለቁ ሶካኔት፤ ኬሳሃ ምንሰ ገእሲሽ እት ይታንቲሃ ሞጮጮተ ጠሊሉ መላይኬቹ ኩሎስ» ይቶእ። 23 ጴጥሮስን እሰተ ምኒ ኣግሸ ካደሞስ፤ ለንክ በር ገሰመንከ እሳን ሜጡብ ኦርኡተ ፋሎ፤ እዮጴ ከተማን ዮ አመዕናኛ መት-መቱ እሲን ሜጡብ መርቶእ። 24 ለንክ በር ገሰማን ቄሳር ከተመ ኢልታ ወክት ቆርኔሎስ እሉሰለክ ሆንጠካሰ ጃለሰ ገእ እሳን ሜጡብ አገረኛት እቅ። 25 ጴጥሮስን ህከ በቹ ኢል ምኒ ኣጎ ወክት ቆርኔሎስ ጴጥሮስን ደቀሞ ሎከሰ ኡብ ሰገጃሰ። 26 እኮጎሬ ጴጥሮስ «ኬእ! እን ኪገን መንቹሃን» ይ ኬሾሰ። 27 ጴጥሮስ እሲን ጠወእንን ምኒ አገኖ ወክት ልግቡ መኑ ጭምዬኢሃ ለዕይ 28 «እይሁድ መንቹ እይሁድ እህባ ዋሎ ዘሬን ጭምዮ ህከረንገ ምኒ ኣት ሕጋን ፈቀደምባሃ እሁሰ እዕት ገወክዕኔን ደንነንተ፤ እኮጎሬ እሳሃ እይሁ ሳጠ እኮበእሃ ህከረንገ ጎጃሾእሃ» ዩ ሀሰሰኖኤበእገ መገኑ ለሊሾኤ። 29 ህከን እኮቤቹሃት እቤቹ ሶኬንተ ወክት ግቡዕነ እሜቸሚሁ፤ ሩቴሱ

ገእቲንተኤህ ሚሃት?» ይ ጠዕማንክዕኔ» ይሰ። 30 ቆርኔሎስ «ሾሎ በሬች ብርተ ህትኔ ወክቲን ሆንሶ ሳቲን ምኔንከኤ ዱኡ እኣን እበ በለቀ ኦድነተ ኦደዕዮ መቼ መንቹ ብሬንከእ ኡር 31 ቆርኔሎስ! ዱኡክ መገኑ ሞጮጭዮኡ፤ ህትን ቡጢቻናተ ኣቶንት ሰደቀተ መገኑ ቃጎኡ። 32 እዮጴ ከተመ መነ ሶክ «ጴጥሮስ» ይን ገኤኖ ሰሞኔ ገእሲሰ፤ እሰን ጎገ ዘገኖ ሰሞኔ ምኔን ኮህነቲ አፋዕልዮ፤ ሰሞኔ ምኑ ባር መዲን ዮእሃን» ይእ። 33 ህከን እኮቤቹሃ ህከ ወክትንከ ኪቤቹ ሶኮም፤ እት እሜቲንከክ ጡመ እቶንት፤ ቲሱ መገኑ እዘገኘሃርቹ ጉዕመንከ ሞጮጭኖተ ጉዕመንኩኔ ከንቤቹን መገን ብሬን ጭምደኖም» ይእ። 34 ጴጥሮስን «መገኑ መነ መኒች በትሽ ጎልባሃ እሁሰ ሀንቅንከ ቲሱ ደጎም ይእ። 35 ጠወ እኮጎሬ ህከን ደቦ ዘርተ እሁን መገኑ ከበጀኖ እኮች መገኑ ቶገናሰ። 36 መገኑ እሰራኤል ኡመቲሃ ላገሰ ሶኮ፤ ጉዕም ቀርቹ መሲህ እሰ እሰ አዲን እሜተኖ ወገሬት እዋጁሰ። 37 ያህይ ጥምቀትተኔሃ ተማርሲኦች ኤተሮን ገሊለ ባዲች ጀመር ይሁድ ባዲን ጉዕማንን እኮ ጠወ እዕት ደንነንተ። 38 «ህትን መገኑ ናዝሬት እሰ ጠሊለ እያንገ ቡር ወልቀተ ኣሴሰገ ደንነንተ፤ መገኑንኩ እሲን ሜጡብ ሄዕዮቤቹሃ እሰ ጡመ ጠወ እኣንከክ እልቢሱ እድሃ ጉዕመንከ ፈይሰን ፈንቀላሞ። 39 «እሰን ይሁድ መን ባዲንከክ ዬሩሳሌም ከተማን እዕዮ ጠዋሃ ነኡ ምሰክርሃን፤ እሱ መሰቀል እሊን ሰቀልት ሽቶሰ። 40 ጠወ እኮጎሬ መገኑ ሰቅ በር ሬሆች ኬሽ ለላኖገ እዕዮሰ። 41 ሁኩ እሲን ለሊኢሁ ሄጮ መገኑ መጠር ምሰክር እንኮም ኔሳዩት ቤሉ መኒሃ ጉዕሚሃበእ፤ እሰ ሬሆች ኬዕዮች ኤተሮን እሰን ሜጡብ እንቶሚሁለክ እንጎሚሁ ነኣት። 42 እሲን ሬቶሁኡንከክ ፎሊን ሄኣሁኡ እሊን ፈረዶተ መገኑ እዕዮሁ እሱ እሁሰ መሰከርናተከክ መኒሃ ጉዕሚንከ ተማርሰናተ እዘገኘ። 43 እሲን አመዕነሱን ጉዕመንኩ እሰ ሱዕሚን ጨቡሰ ፈቂኑ የመሞተ ነብያከት ጉዕመንኩ መሰከርቶሰ» ይእ። 44 ጴጥሮስ ህከ ጠወ ጠወእንን ላገሰ ሞጮጭቶ መን እሊን ጉዕማንን ጠሊሉ እያኑ ድሬእ። 45 ጴጥሮስን ሜጡብ እሜቶ ጡርከመንቶ እይሁድ አመዕናት እይሁድ እክበ መን እሊን ጠሊለ እያኑ ኣሴሰገ ለኦ ወክት እጀብሰጭቶእ። 46 እጀብሰጭቶእሁ እሰ ዋሎ ላጋን ጠወእንከክ መገኑ ሎርሰተን ሞጮጭቶቤቹሃት። ጴጥሮስን «ቲ ኒገን ጠሊለ እያኑ ቶጎ መኑ ዊን ጠመቀንታበእገ ከመናሳሁ እዩት?» ይእ። 48 እሰን መሲህ እሰ ሱዕሚን ጠመቀንታገ ጴጥሮስ እዘገኘሰ፤ ህከኒች ኤተሮን ቀዉ ጌሰ እሳን ሜጡብ አገረተ ኡጭቶሰ።

11 ኣሳበትለክ ይሁድ ባዲን ዮ መገኑ አመዕንቶ መኑሁ እይሁድ እህቡ መኑሁ መገን ላገተ ቶጎገ ሞጮጭቶእ። 2 ህከን እኮቤቹሃ ጴጥሮስ ዬሩሳሌመ ፈንቀል መሮ ወክት ጡርከመንቶ እይሁድ አመዕናት 3 «ጡርከመንቶበእ መን ምኒ ኣግ እሳን ሜጡብ እቶንቲህ ሚሃት?» ይት ዋቀቶእ። 4 ጠወ እኮጎሬ ጴጥሮስ ወዕኔችን ጀመር እኮ ጠወ ጉዕመንከ ርሰሾ። 5 እሰን «እን እዮጴ ከተማን ዱኡ እኣን ገዉእ ዛኛምገ እእኛ ሰዉት ኣዜን ሄዕዮምገ መናማን ለሌኤ፤ ሁኩንን መጋረጀ አጉደናሁ ሾሉ መረበሰ ኡሰራማህ ሰሜች ኢቤቹ እሜቹ። 6 ህከን ሆንጠክ ቱክ ይ ለእም ወክት

መጋረጅ አሌን ሾል ሎከት ዮስ ግዙ፤ ቆጥ ቡሳው፤ ኡሊ አሌን ወዘኒንከሰ ሹርይትን ሃንታ ክልቀቱለክ ሰማን ብርይታ ጨኡት ዮኤሃ ለዕዮም። 7 ህትን ጴጥሮሲ፤ ኬአ ካን ጎረጥ እኩ፤ ይታ ላገተ ሞጮጮም። 8 ጠዉ እኮጎሬ እን ቀርቸ፤ አህናበክ፤ ነጠህ እኮበአሃ ህከረገን ንጃስ እኮሃ ከበሬ ኢሎተ ኢሊ አፎንከኤ አፎምበኤ። ይም። 9 ለንኪሃ መገኑ ነጠ አዕዮሃ አት ንጃስሶት፤ ይታ ላገተ ሰሜች አሜቶኤ። 10 ኩ ጠዉ ሰሱ ወክት ህት እኩች ኤተሮን ሁኩ መጋረጅ አጉደርቹ ሰማ ዋል ጣጠም። 11 ህከ ወክት ቄሳር ከተሚች ኢቤቹ ሶሀንቶ ሰሰ መናከት እን ሄዕዮም ምኒ ኢልቶኤ። 12 ጠሊሊ እያን ሸኩዕናን አሳን ሜጡብ ቆርኤዎሴ ዬኖ መንች ምኒ አንጎም። 13 ቆርኤሎን መላይኬቹ ምኤስ ኡር ለዕዮገላክ «የጽጴ ከተመ መን ሶክ ጴጥሮሴ ዬኖ ሰምኤ ገአሲስ፤ 14 አትለክ ምንክ አበሮሱ ጉዕመንኩ ጡምቲንተ ጠዉ ኩለኖሄ» ይሰ ኩሎኤ። 15 ህከኔን እን ጠዉኤ ጀመርም ወክት ጠሊሊ እያን ወዕና ኒ አሌን ድሬገን እሰ አሌን ድሬገ። 16 ህከ ወክት ያህይ ዊን ጠመቆ፤ እኮጎሬ አዕኑ ጠሊሊ እያንን ጠመቀንቲንተ፤ ዬ ቀርች ላገት ቃገንቶኤ። 17 ነኩ ቀርች መሲህ ኢሳን አመዕንኖም ወክት ኔሳሃ አሴ ህከ አስቱተ አሳሃ አሴሳች መገኒን ሀንበዕለሞተ አን አዬት?» ይኤ። 18 እሰን ህካን ሞጮጭቶ ወክት መሰለ ሆግ ጨለ ይቶኤ፤ ህትን «መገኑ አይሁድ አህበ መኒህ ነብሴህሰ ቶበት ፈንቀልታገ አዕዮሰ» ይተን መገኑ ገለትጭቶኤ። 19 እሰጥፋሳሴ ሼመች ኤተሮን ኬዕዮ ያህይ መሳን ብንይቶ አመዕናኑት ዎሎ መኒሃ አሁዕን ጠለዕል አይሁድ መኒሃ መገን ላገተ ኩልተን ፍንቄ ባዱ፤ ዊን ረበንቶ «ቆጵሮሰ» ዬኖ ባዱለክ እንጾክ ከተመ ኢሊ ዘህተን ኩልታኢት እቅ። 20 ጠዉ እኮጎሬ አሳች መት-መቱ ዊን ረበንቶ «ቆጵሮሰ» ዬኖ ባዱለክ ቀሬን ከተም መት እንጾክ መርቶ ወክት ቀርቸ ኢሰ ተሸት ላገተ ግርክ ባድ መኒሃ በርግት ኩልተን ተማርስታኢት እቅ። 21 ቀርቹንኩ አሳንከ ደግለለን ሄዕዮቤቹሃ ልግቡ መት አመዕንት ቀርች አደ ፈንቀልቶኤ። 22 ህከን ጠዉ ዱዱብንኩ ዬሩሳሌማን ሄኡ አመዕናኑት ሞጮጮም፤ እሰን በርናባሴ እንጾክ ከተመ ሶኮኤ። 23 እሰን መር መገን አስቱተ ለዕዮ ወክት አበ መንደዕዮ፤ ዊመ ቀልብንከሰ ቀርቸን ጠረኝት አመዕንቶረ እክ ሄኡ ሰኩሰ። 24 መሰንትሰ እሰ ጠሊሊ እያንለክ አመዕንቱህ ዊሞሰቤቹሃ ጡመ መንቹ እቅ፤ ልግቡ መንኩ አመዕንት ቀርች አደ ፈንቀልቶኤ። 25 ህከኒች ኤተሮን በርናባሰ ሳኦሌ ሀሰተ ተርሴስ ከተመ ኦሮዕዮ። 26 እሰን ደጎስ ወክት እንጾክ ከተመ እኤ ኦሮዕዮ፤ ለመንኩ ዊመ ዘማን ህከኔ ሄኡ አመዕናን ሜጡብ ልግቡ መን ተማርስቶኤ፤ አሳበንት ዎኔሳንክ እንጾካን «ክርስታን» ዬን ገኤመሰ። 27 ህከ ወክት መት-መቱ ነብያት ዬሩሳሌማች እንጾክ ከተመ መርቶኤ። 28 አሳችን መቱ «አጋቦሴ» ዬኖ መንቹ ኬዕይ ኡር ዱንዮ አሌን ጉዕማንን ጎሩ አህናግ ጠሊሊ እያን ለለጃንሰ ኩሎ፤ ሁኩ ጎሩንኩ ሮም ባድ ሞም ሞም ቀላወዶሴ ዘማኔን እኮአሃ እቅ። 29 ህካን አኮቤቹሃ እንጾካን ሄኤ አመዕናኑት ገገወንኩሰ ወልቀሰ ጌሰ ፋሽት ይሁድ ባዱን ዮ አመዕናኑት ሶኮተ መርስጭቶኤ። 30 እሰን ብረ ጭምእት በርናባሴለክ ሳኦሌ አንጋን ዱሊ ምን ባልቀቤቹ ሶኮኤ።

12 ህከ ዘማን ዎሙ ሄሮድስ መት-መቱ አመዕናኑት ያዩ ጀመሮ። 2 እሰን ያህይ አመቤቱ ያቀበ ሲሬን ሸሲሾሰ። 3 ሁኩ ጠዉ አይሁድ መንደአሲሾግ ለዕዮ ወክት ጴጥሮሴ በርግ ኡሱርሲሾ፤ ሁኩን እኮሁ ጦሮሹ እቲን ከበጃኖ ከበጃን ዊመ ሳምንት አዜን ዮ በሬኒት እቅ። 4 ሄሮድስ ጴጥሮሴ አፍ ኡሱር ምኒ አግሾስ፤ እሰን ሻሽግ ከበጃቲች ኤተሮን መን ብርተ ፋሾት ሰውይ ሾሉ-ሾሉ እክ ተራን-ተራን አገርታገ ቶን ሌሆ ወታደሪሃ ህግስ አቶኤ። 5 ህካን እኮቤቹሃ ጴጥሮሴ ኡሱር ምኔን ጠረኜን አገሬኖት እቅ፤ ጠዉ እኮጎሬ አመዕናኑት ሜጡብ እከ እስተኔን ጠረኝት ዱኤ አታኢት። 6 ሄሮድስ ጴጥሮሴ ኡመት ብርተ ገሰመ ሆንጠህሶተ ሰውዬ በሬን ሀንከዕርተ ጴጥሮሴ ለሞ ሰንሰለቲን ኡሱሬናን ለሞ ዎታደር በላን ኦስዕዮ እቅ፤ ዎሎ ዎታደሩ ኡሱር ምኒ ኡርን ኡርት አገርታኢት እቅ። 7 ድንገቲን ቀርች መላይኬቹ ለሌኤ፤ ምንሰ አዛ አበ ዋቅ ዬኤ፤ ጴጥሮሴ ሞላሻሱ ኡል ኬሽ «ደዕልት ኬኤ» ዬሰ፤ ጴጥሮሴ አንገተ ኡሱሬመ ሰንሰለቱ አንጋችሰ ኡቡ። 8 መላይኬቹንኩ «ቀበቱክ ቆዕር፤ ጫዕመክ ዎዕር፤» ዬሰ፤ እሰን መላይኬቹ ዬሰገ አዕዮ፤ መላይኬቹንኩ ቴህ «ጋብክ ኦደኤ አዎኤኤ» ዬሰ። 9 ጴጥሮሴን አብል ፋል አዎኛሰ፤ ጠዉ እኮጎሬ ጴጥሮሴ መናመተ ለእኖ አጉደርሲት ቤሉ መላይኬቹ አእኖ ጠዉ ሀንቅ አጉጀሰበኤ። 10 ዎኔ አገሬናቤቹለክ ለንክ አገሬናቤቹ ህግ ከተመ ፋሽኖ ብረት ሳንቁ ዮ ቤቹ ኢልቶኤ፤ ሁኩ ብረት ሳንቁ ገወንኩሰ ፈንተዕዮ፤ እሰን ፋልት መቶ ሩካሽ ዎቁን ህጎኤ፤ ወክትንከሰ መላይኬቹ እሲች አደ እክ ኦሮዕዮ። 11 ጴጥሮሴን ቀልቡሰ ፈንቀላን «ቀርቹ መላይኬቹሰ ሶክ ሄሮድሴ አንጋችለክ አይሁድ ኡመቱ አገርታ ጠዊች ጉዕማችን ፊሾኤሃ አሁሰ ቲ ደጎም» ይኤ። 12 እሰን ህከ ጠዉ አጥራመቸች ኤተሮን ልግቡ መት ሜጡብ ጭምደ ዱኤ አእኖ መርዮማ ምን ኦሮዕዮ፤ እሰን «ማርቆሴ» ዬኖ ያህዪሃ አመተ እቅ። 13 ጴጥሮሴ አብል ሳንቁ ቆጮኖ ወክት «ሮደ» ዬኖ ህከን ምን ገረዳቹት ለኦተ ብትም ኡሩተ አሜቶኤ። 14 እሰን ጴጥሮሴ ላገተ አሁሰ ደጎ ወክት አበ መንደአቤቹሃ ሳንቁ ፈንቶዕናን ምን ደጉደን ኣግ ጴጥሮሴ አብሌ ኡሩስ ኩልቶኤ። 15 እሰን እሰት «በርገጎንት» ይቶኤ፤ ጠዉ እኮጎሬ እሴ «ሀንቅንከ እሶት» ይተን ጠረኝሰ ኩልቶሰ፤ እሰን «ጴጥሮሴ አገረኖሃ መላይኬቹ» ይቶኤ። 16 ጠዉ እኮጎሬ ጴጥሮሴ ሳንቁ ሰዕምደ ቆጮኤ፤ እሰን ፈንት ለኦስ ወክት አበ ገረምሲጭቶኤ። 17 ጴጥሮሴ እሰንተ አንጋን ቀቀሽ ጨለ ይታገ አዕይ መገኑ ኡሱር ምኒች ህት አይ ፋሽሰ ጎር ኩሎሰ፤ እሰን «ከ ጠዉ ያቁብለክ ፈቆ አመዕናኑት ኩሎ» ይኬዕይ አሳች አደ እክ ዎሎቤቹ ኦሮዕዮ። 18 ኡላት ሶዞ ወክት ዎታደሩ «ጴጥሮሴ መ እኮ?» ይተን አበ ጨነቀንቶኤ። 19 ሄሮድስን ጴጥሮሴ ሀሴኖግ አዕይ ሆንች ኤተሮን ህከ ወክት አገርታ ዎታደረ መረመር ሹል ሾኖተ አዘዢ፤ ህከኒች ኤተሮን ሄሮድስ ይሁድ ባዱች ቄሳር ከተመ ኦሮዕይ ህከኔ አፋዕሊኤ። 20 ሄሮድስ ጢሮሰለክ ሲደጎ ባድ መኒን ኡመዕርዮ እቅ፤ ሁኩ መንኩ ሜጡብ አሜት ዎም ምን ሀላፊቹ ብለሰጦሴ ዎሚን እተቀንሶተ ኡጭቶኤ፤ መሰንትሰ ባዱስ አቸተ ደኤኖ ህከን ዎም ባዱች አኮቤቹሃት። 21 ዝኛ በር ሄሮድስ ዎም ኦድኑተ ኦደዕይ ኬዕምኝ ቦርጭማን አፋዕል ኡመቲሃሰ ጠወአኖሳት

እቅ። 22 ኡመቱንኩ «ቲን መገንተ ላገ ቤሉ መንተ ላገበእ!» ይተን ጨንጭቶኡ። 23 ሄርድስ መገንሂ ኬዕምኝ አሉ ሆነቤቺሃ ወክትንክስ ቀርቶ መላይኬቼ ዳፋን አሉስ ዘቡዕለዕይ ሬዮ። 24 ጠዉ እኮጎሬ መገን ላገት ጉዕመ ወክት ነጽተንለክ አልባዕልተን መርታኢት እቅ። 25 ህከ ወክት በርናባሰለክ ሳኦሊ ሆጉስ ሹልት ዩሩሳሌሚቶ አንጾክ ዩናቤቹ ፈንቀልቶኡ፤ እስ ፈንቀልት አሜተን «ማርቆስ» ዩና ያህዴ እሳንን ማጡብ እአት አሜቶኡ።

13 «አንጾክ» ዩና ከተማን አመዕናና ነገት በላን ነብያትለክ አስተማረት ሄኦ እቅ፤ እሰን በርናባሰ። «ገንበለ» ዩና ሰምን፡ ቀሬን ባድ ሉክዮስ፡ ባድስ ሾልቀ አፎ ገሽና ሄርድሴን ሜጡብ ነጼ ምናሔትለክ ሳኦሌት እቅ። 2 እሰን ቀርቼ ካደንተንለክ ሶመንተን ዮሀንስ ጠሊሉ እያ፤ «በርናባሰለክ ሳኦሌ እን መጠሮም ሆነተ አደ እዕዬ» ዩሰ። 3 ህከኒቶ ኤተሮን ሶመንትለክ ዱኦ እት አንገስ አሌስ አቶቶ ኤተሮን ሶኮሰ። 4 በርናባሰለክ ሳኦል ጠሊሉ እያሂን ሶህንት «ሴሌውቅያ» ዩና ከተመ አልቶኡ፤ ህከንቤቺቹ መርከባን ኣግ «ቆጵሮስ» ዩና ባዱ አልቶኡ። 5 እሰን «ሰላሚስ» ዩና ከተመ አልቶ ወክት አይሁድ ጭምት ሞናን መገን ላገተ ተማርስታኢት እቅ፤ ያህይን እሳን ሚጡብ እክ ሀዕለናሳት እቅ። 6 ህከ ዊን ረበንቶ ኡለተ ጉዕመንክስ ዘህተን «ጳፋ» ዩና ከተመ አልቶ ወክት «ባርዮስ» ዩና መቱ አይሁድቹ ኪላንቹ ደጎኡ፤ ሁኩ መንቹንኩ ክዘብባ ነብዬቹ እቅ። 7 እሰን «ሰርግዮስ ጸዉሎሴ» ዩና ገሻንቹን ሚጡብ ሄኦ እቅ፤ ሁኩ ገሻንቹንኩ መገን ላገተ ሞጮጮተ ሆሽ በርናባሰለክ ሳኦሌ እስቤቹ ገእሲሾ። 8 ጠዉ እኮጎሬ ግሪክ መን አፎን «ኤሊማሴ» ዩና ገኤና ኪላንቹ ባርዮስ ሁኩ ገሻንቹ አመዕንበገ ሆሽ በርናባሰለክ ሰኦሌን ሀንበዕለሙ ጀመሮ። 9 እኮጎሬ «ጸዉሎሴ» የመሞ ሳኦል ጠሊሉ እያሂን ዊም ህከ መንቹ ቱክ ይ ለእን 10 «እት ተንኩትለክ ሂሉ ጠዉ ጉዕመንኩ ዊሞሄ አልቢስ ቤቹ፤ ጡመርቺሃ ጉዕሚንክ ዱኑ፤ ቀርቼኔ ጌባዬ ዋቃሃ ሸክሉ አጉርታንትበእንደ? 11 ቴሱ ሁኩዕኑን ቀርቼ አንገት ምቀርታሂ፤ ህከን እኮቤቺሃ ቆቀ እክ ቀም ወክቲሃ አር ኦር ለእንትበእ» ዩሰ። ወክትንክስ ጉንጂገለክ ቱንስቶገ ዮርቹ አልስ እናሾ፤ እሰን አንገስ አፍ መስገናስ መን መዲስ ሀሱ ጀመሮ። 12 ሁኩ ገሻንቹንኩ ቀርቻትሄሃ ተማርስቶ ትምርቲን እጀብሲጨጮቤቺሃ ህከ ጠዉ ለዕዮ ወክት መገናን አመዕኔኡ። 13 ህከኒቶ ኤተሮን ጸዉሎሰለክ ጃለስ መርከባን ኣግ «ጳፎስ» ዩና ከተሟቻ «ጵንፍልዮ» ዩና ባደን ሄኦ «ጵርጌ» ከተመ መርቶኡ፤ ያህይ እሳቶ አደ እክ ዩሩሳሌመ ፈንቀል ኦሮዕዮ። 14 እኮጎሬ እስ ህከን ጵርጌ ከተሟቻ «ጵስድያ» ዩና ባደን ሄዕዮ ዋሉ «አንጾክ» ዩና ከተመ አልቶኡ፤ ሰምበት በሬን መቶ አይሁድ ጭምት ሞኒ ኣግ አፋዕልቶኡ። 15 ሕገለክ ነብያና መጻፈ እነበቦች ኤተሮን ጭምት ሞኒ ገሽታእሩ «አመኤ ኦሶ! መን ሸዜንተ ጠዉ ዮሀዕኔ ጎር ኩሌ» ይት እስቤቹ ሶኮኡ። 16 ህከን እኮቤቺሃ ጳዉሎስ ኬዕይ ኡር ኡመት አንጋንተስ ቀቀሽ ጨለየናገ እዕይ «እዕት እስራኤል ሙኦለክ መገኑ ዋጅቲንተ ኡመቱ! ከበ ሞጮጭዬ! 17 ከን እስራኤል ኡመት መገኑ ምኔ አናኑኔ መጠር ግብጽ

ባደን ኮህ እክ አፋዕልቶ ወክት ልግብ ኡመት እዕይ ሎረ ዋልቃንከስ ህከንቤቺቹ ፋሼኡ። 18 ሸይሉ ዘማን ኢሊ ኡሉ ኡድማን አታዕሌሰ። 19 ህከኒቶ ኤተሮን ከነአገ ባደን ለመለ ደቦ ኡመት ቢሸ ኡለስ እሳሃ ረገእሲሾ። 20 ህከኒቶ ኤተሮን ሾል ጥብተ ነጎታዮ ዘማን ጌስ ነብዬቹ ሳሙኤሌ ወክቱ ኢሎተ ኢሊ ዳኛኑት ገሽታገ እዕዮሰ። 21 «እሰን ህከኒቶ ኤተሮን ዋመ አሰሰተ ጠዕምቶኡ፤ መገኑ ቢንያሚ ደቦች ቂስ ቤቱ ሳኦሌ ሸይሉ ዘመን ዋመ እዕዮሰ። 22 ሳኦሌ ምሞነቲቹ ድሪሾች ኤተሮን ዳዉዴ ዋመ እዕዮሰ፤ መገኑ ዳዉዴተኔሃ ገይኤ ቀልብገ ዮኤሃ እን ዩም ጠዉ ጉዕመንክ እአና እሰዬ ቤቱ ደዉዴ ደኤም» ይ መስከርሰ። 23 ህከን መንቶ ዘሬቶ መገኑ ተብሴስ ላገ ሃሊን እስራኤል መኒሃ ጡምሳንቹ ኢስ ኤቦሰ። 24 ኢስ አሜቱዕነ ብርተ ጠመቃንቹ ያህይ እስራኤል መኒሃ ጉዕሚንክ ጨብ ቶበት ፈንቀልት ጠመቃንታገ ተማርስዮ እቅ። 25 ያህይ ሆጉስ ሹሎች ኤተሮን «ኤሳሃ አዬት ይቲን ሰውይቲንታት? እን አሜተና ይቲን አገርቲንታሃበእ፤ ጠዉ እኮጎሬ እን ጫመስ ወደሩ ሂሮተ በቀለሃ ኢቶ ኤተሮን አሜተና» ዩኡ። 26 «እዕት አብረሂም ዘሬቶ ከለቀንቲንታ አመኔ ኦሱትለክ መገኑ ዋጅቲንተ ኡመቱ! ጡም ሶህኑት ሶሃንቶኢሁ ኔሳህት። 27 ጠዉ እኮጎሬ ዩሩሳሌማን ሄኦአራለክ ሀለቃስ ኢስ ጡምሳንቹ አሁስ ደጎበእ፤ ሰምበት በሬን እነበቤና ነብያክ መጻፈተ አጥራመቱዕናን እስ አሌን ፈረዶ ወክት ራጉስ ዊሞናገ አቶኡ። 28 ኢስ ሬሆተ ኢልሰናስ መስተ ደግባገሬህ ገሻንቹ ጵላጦስ ሾስተ ኡጭቶኡ። 29 እስተኔሃ ከተበሞሃ ጉዕመንክ እት ሹልቶች ኤተሮን ሰቀለሞ መስቀለች ድሪስ ሞንኡ፤ 30 ጠዉ እኮጎሬ መገኑ እሱ ሬሆች ኬሾሰ። 31 ኢስ እሰን ሚጡብ ገሊላች ዩሩሳሌመ አሜቶሁኡተ ልግብ በር ለሌሰ፤ እሰን ቴሱ ኡመት ብሬን እስተ ምስክረ። 32 ኣእን አሜንቶም ሃዕሮ ተሸት ላገት መገኑ አናካተኔ ኣተ ተብሴ ላገት 33 ኢስ ሬሆች ኬሲንከስ ህከ ተብሳሃ ኒን ኦሶንተስ ዊንሸዮኡ፤ ሁኩንን ደውድ መጻፋን ለንክ መዝሙራን «እት ቤቱሃኤ፤ እን ከበር እሎንኬ!» የመም ከተበሞጋት። 34 ህትን ሸመዕነ መገኑ ሬሆች ኬሽ ለልሶተ «ጠሊሉ አመዕንንቶ በረከተ ደዉዴ ኣሴሚሃ ኣሳንክዕኔ» ይ ጠወዕዮኡ። 35 ህትን ደውድ መጻፋን ዋሎ ቤቹን «ኪ ጠሊሉ ካዲንቹክ ሎድ ኣዜን ሸሞተ ሰዕም ይታንትበኡ» ዮና። 36 ጠዉ እኮጎሬ ደዉድ ሄዕዮ ዘማኔን መገኑ ኢተናገ ሆጉስ ሹሎች ኤተሮን ሬይ አናካንተስን ሞገም ሸሞኡ። 37 እኮጎሬ መገኑ ሬሆች ኬሾሲህ ሸሞበኡ። 38 ህከን እኮቤቺሃ አመኤ ኦሶ! ጨብ አጉረሙ ደገሞህ ህከን ኢሲን አሁስ ተማርሴምሀዕኔገ ደጌ። 39 ህትን እሰን አመዕነሱህ ጉዕመንኩ ሙሲን ኣሰሞ ሕገን ነጠ ፋሎተ አታልበ ጨቢች ጉዕሚቻን ነጠ ፋላና። 40 ህከን እኮቤቺሃ ነብያናን ህት የመም ጠወአሞህ ኢሊናህዕኔበእገ አገዕርዬ፤ 41 እሰን «እዕት ቀለዴንተተሩ! ለዕዬ! ገረሞስጭዬ! በዕዬህ! መስንትስ አይ ኩሎህዕኔገሬ አመዕንቲንበ ሆጉተ ዘማኔንክክዕኔ አእም» ዮና ዩኡ። 42 ጳዉሎሰለክ በርናባሰፍ ጭምት ሞኒቶ ፋልተን ከ ጠዉ አሜተና ሰምበት በሬተ ፈንቀሸት ኩልታገ መኑ ኡጭቶሰ። 43 ጭምት ሞኒ መኑ ፋሎ ወክት ልግቡ አይሁዱህ አይሁድ አምነቲን ፈንቀልቶአሩ ጳዉሎሴለክ በርናባሴ አምንቶኡ፤ ጳዉሎሴለክ

በርናባሰ ህክ መነ መገን አሰቶን ጠረኝት ሄኣገ ሸዘሰ። **44** ሳምንትሰ ሰንበት በር ከተማንከሰ ሄኣኖ መነቲ ልግቡ ቀርቶ ላገተ ሞጮጮተ ጭምዬ። **45** ጠዉ እኮጎሬ አይሁዱ ኡመትስ በትኝ ለኦ ወክት ጢቅስ ጳውሎስ ጠወኣኖ ጠወ ግብ ጳውሎሴ ቦርቶቶ። **46** እኮጎሬ ጳውሎስላከ በርናባሰ መለልት «መገን ላገተ ሄጪጭን ክዕኔሃ ጠወኡ ሀሰሰኖ፤ ጠዉ እኮጎሬ አዕኑ ቶንጋምበኦ» ይቴን ዘላለሚሃ ጉዕሚንከ ሄኣኖ ሄኡ ገበአባሃ ኣቴን ገንንክክዕኔ ፈረዴንተቤቺሃ ነኡ ገኝአዕን አይሁዱ አህበ መንቢቹ መርናም። (aiōnios g166) **47** መሰንትሰ ቀርቶ «ኡለ ዳንገ ኢሎተ ኢለ ጡሙ ኤቦኖተ አይሁዱ አህበ መነሂ ኑሪ አዕዮንኩ» ይ አዘኮኔ ይቶኡ። **48** አይሁዱ አህበ መኑ ህካን ሞጮጭቶ ወክት መንደኦኡ፤ ቀርቶ ላገተት ሎርስቶኡ፤ ዘላለሚም ሄኣሂ መጠረንቶአሩ ጉዕሙንኩ አመዕንቶኡ። (aiōnios g166) **49** ቀርቶ ላገት ህከን ባዱን ጉዕማንን አልባዕልቶኡ። **50** አይሁዱ አምንሳት አይሁዱ አመዕነቱ ቶጎ መገኑ ሞቺታ ቀባጣሙ ሜንቱለክ ሎርሎፍ መኑ አደሚኖን ኣት ጳውሎሴሃለክ በርናባሴሃ ኦርሸት ኢልታገ ኣት ህከን ባዲች ሸርት ፋሽቶኡ። **51** ጳውሎስላከ በርናባሰ ህከን መነሂ ጡር አህተ ሎከሰ ትበ ግግሸት እቆንዮም ከተመ መርቶኡ። **52** አመዕናት መንዲኖንላከ ጠለሊ አያኒን ዋንቶኡ።

14 ህከኒቹ ኤተሮን ወዕና ሮሶንን ጳውሎስላከ በርናባሰ እቆንዮን ዮ አይሁድ ጭምት ምኒ ኣጎኡ፤ ህከን ቤቹን ልግቡ አይሁዱለክ ግሪክ መኑ አመዕንቶት ኢለ ተማርሰቶኡ። **2** ጠዉ እኮጎሬ አመዕንትስ አይሁዱ አይሁዱ አህበ መነ ኬስ አመዕናኖ አሌን ብተተ ኬሶኡ። **3** ህካን እኮቤቺሃ ጳውሎስላከ በርናባሰ ቀርቶ ላገተ መለልት ጠወኣኖ ልግብ ወክት ህከኔ አገርቶኡ፤ ቀርቶ አጀብተለክ አጀብሲሰኖ ጠወ አንጋንከሰ ኣታገ ወልቀተ ኣሰ እሰ አሰቶ ላገት ሀንቅ አሁሰ ለሊሰኖት እቅ። **4** ጠዉ እኮጎሬ ከተማንከሰ ሄዕዮ መኑ ለመ፡አደ እክ መቱሰ አዱ አይሁዱ አደለክ ደሩሰ አዱ ኣሳበ አደ እኮኡ። **5** ጠዉ እኮጎሬ አይሁዱለክ አይሁዱ አህበ ሞሉ መኑ ሀለቃንከሰ ሜጡበ እክ ጳውሎሴለክ በርናባሴ አበ ኦሪዕተለክ ከኒን ቀሶተ ሀሶኡ። **6** ጳውሎስላከ በርናባሰ ህከ ጠወ ሞጮጭቶ ወክት «ልሰጥረለክ ደርቤታ» ዬኖ ልቃኦን ባድ ከተመተለክ አዘጋገብከሰ ዮ ባዱ ሁንት መርቶኡ። **7** ህከን ቤቹን ተሸት ላገተ ዱዱብሰቶኡ። **8** ልሰጥረን ሎከሰ ናፎ መቱ መንቹ ሄዕዮ እቅ፤ ኩ መንቹ አለሞች ኬሸ ናፈ እኮቤቺሃ ሎካንከሰ ሃም ደገናበኣ። **9** ኩ መንቹ ጳውሎስ ጠወኣኖሃ ኣፋዕል ሞጮጪኖት እቅ፤ ጳውሎስ ህከ መንቹ ቱክ ይ ለዕይ ጡሞተ ኣታልሲሰኖ አመዕነቱ ዮሰገ ለዕዮ ወክት **10** ሎረ ላጋን «ጌጥ ይት ሎካንከክ ኡር!» ዬ ወክት መንቹንኩ ኬዕይ ሃመ፡ጀመር። **11** መኑ ጳውሎስ አዕዮ ጠወ ለዕዮ ወክት ልቃኦን አፎን «ሸርኩ መገኝከት መነ ኣጉድ ኒቤቹ ድርቶኡ» ይት ሎረ ላጋን ጠወኡ። **12** እሰን በርናባሴ «ድያ» ይቶኡ፤ ህትን ልግብ ወክት ጠወኣኖሃ እኮቤቺሃ ጳውሎሴ «ሄርሜኒ» ይቶሰ። **13** ከተሚች ኣብላን ሄዕዮ ድያ ሰገዳኖስ ምኒ ቂሰቹ ምርጃመተለክ ሸፈገ መክሴመ ቦብሉተ ከተመ ኣጌኖ ኡርቤቹ ኡብ ኡመቲን ሜጡበ ጳውሎሴሃለክ በርናባሴሃ ክትም ሆንጠህሶተ ሀሾ። **14** ጠዉ እኮጎሬ ጳውሎስላከ በርናባሰ ህከ ጠወ ሞጮጭቶ ወክት ህልቅ

ኦድኑስ ፊልት ያርተን መንቢቹ ደጉደን መርት **15** «ኮ መነ! ከ ጠወ ሚሃ አቴንታት? ነኡ ክዕኔገን ዮሞሃ መነ፤ ነኡ ከቤቹ አሜንቶሚሁ አዕኑ ከን ተሰ ጠወቹ ገበላ ዋልቲን ሰማ፡ ኡለተ፡ ባረለክ ኣዘንከሰ ዮርቹ ጉዕመንከ ከለቆለክ ሄኣኖ ካለቅ አደ ፈንቀልቲንተገ ተሸት ላገተ ኩልኖህዕኔታት። **16** ህጎ ዘማኔን ኡመቱ ጉዕሙንኩ ገይሰ ሃሸኣቶገ ሄኡተ መገኑ ጌኝ አዕይ ኣጉርሰ። **17** አሁን ቤሉ እሰ ጎደበ ላፈ መገኑ አሁሰ መስከረኖ ጡመ ሆንተ ኣኡ ኣጉርብኣ፤ መሰንትሰ ሰሜኝ ጤኒ ኡቦኖን አዕዮህዕኔ፤ ጡመ እቶተ ኣሴህዕኔ፤ እቻንላከ መንዲኖን ቀልብክዕኔ ሰብተገ ዋንሼኦ» ይቶኡ። **18** ኣሳበት ኬንከ ጠወኣጎሬሁ ኡመቱ ኣሳሃ ክትም ሆንጠህሰባክ ከንቶኢሁ አበ ኦርጨቀንቲት። **19** እኮጎሬ አይሁዱ እንጾክለክ እቆንዮን ከተሚች ህከ ቤቹ አሜት ኡመት ሂለ ኣድመተ ኣሚልሲስ ጳውሎሴ ከኒን ቀስ ሬዮ ኣጉጃንሰ ጎሽሸት ከተሚች ኣብል ፋሸቶኡ። **20** ጠዉ እኮጎሬ አምንታሰሩ አሜት መዴስ ኡርቶ ወክት ኬዕይ ከተመ ኣጎ፤ ለንክ በር በርናባሴንን ሜጡበ «ደርቤ» ዬኖ ከተመ ኦርዕዮ። **21** ጳውሎስላከ በርናባሰ «ደርቤተ» ዬኖ ከተማን ተሸት ላገተ ተማርሰ ልግብ መነ ኢሰ አምንታረ ኣቶኡ፤ ህከኒች ኤተሮን ልሰጥረለክ እቆንዮን ህግ «ኣንጾከ» ዬኖ ከተመ ፈንቀልት መርቶኡ። **22** ህከን ከተማን ዮ አመዕናኖ ቀልብ ጠረኝሰን፤ አመዕነቶንከሰ ጠረኝት ሄኣገ ሸዘንላከ «መገን ምምነቱ ኣጎናተ ልግብ ኦርሸተ ቶጉ ሀሰሰኖ» ይተን ተማርሰታኦት እቅ። **23** እሰን ቤቹን ቤቹን ዮ አመዕናኖተ ባልቅ ሾንቶኡ፤ ሶመንቶቶለክ ዱኣ ኣቶች ኤተሮን እሰ አመዕንቶ ቀርቺሃ ኤገተ ህግሰ ኣቶኡ። **24** እሰን «ጽሰድዮ» ዬኖ ባዲን ህግ «ጽንፍልዮ» ዬኖ ባዱ አሚቶኡ። **25** «ጴርገ» ዬኖ ከተማን መገን ላገተ ተማርሰቶች ኤተሮን «ኣጣልዮ» ዬኖ ከተመ መርቶኡ። **26** ህከንቤቺች መርከባን ኣግ ሶርያን ዮ እንጾክ ፈንቀልቶኡ፤ ሁኩ እንጾክ ከተመ፡ ቴሱ ኣት ሹልቶ ሆንተ ፋልቶ ወክት መገን ኣሰቶተ ህግሴን ኤገተ ኣሴመሰሃ ቤቹ እቅ። **27** ህከ ቤቹ ኢልቶ ወክት አመዕናት ጉዕመንከ ሜጡበ ጭምኣት መገኑ ኣሳን ሜጡበ አዕዮ ጠወ ጉዕመንከለክ አይሁዱ አህበ መኑ መገኑ አመዕንቶት ህት አዕይ ምቃ ፈቺሰጎር ኩልቶኡ። **28** እሰን ህከኔ አመዕናኖን ሜጡበ ልግብ ወክት ኣፋዕልቶኡ።

15 መት-መቱ መኑ ይሁድ ባዲች እንጾክ ከተመ መርት «ሙስ ሕግገ ጡርከመንቴንበጎሬ ጡምቴንተበኦ» ይት አመዕናትተ ተማርሱ ጀመርቶኡ። **2** ጳውሎስላከ በርናባሰ ህከን ጠውቱሄ መነከሰ አበ ብተንት ኦደንቶቤቺሃ እሰለክ ህከን ባድ አመዕናኖች መት-መቱ ዬሩሳሌማን ዮ ሶቀሚኖቤቺላክ ባልቅቤቹ መርገ ወሰነሞ። **3** ህካን እኮቤቺሃ ኣሳንከ አመዕናትን ሞቂሃሰ ሽንቅተ ኣት ሶካንሰ አይሁዱ አህበ መኑ ኢሰ አደ ፈንቀሎስ ኩልተን ፍንቄንላክ ሰማርይ ባዲን ህጎኡ፤ ሁኩ ጠዉ አመዕናት ጉዕመንከ አበ መንዲሲሾ። **4** እሰን ዬሩሳሌመ ኢልቶ ወክት አመዕናት፡ ኣሳበትለክ ባልቀት «ሀበይ ወገሬቲን አሜቲን» ይት ቶጎሰ፤ ህትን መገኑ ኣሳን ሜጡበ አዕዮ ጠወ ጉዕመንከ ዬሩሳሌማን ዮ መነሂ ኩልቶኡ። **5** ጠዉ እኮጎሬ ፈርሳዌ አዲች አመዕንቶ መነቲ መት-መቱ ኬኣ «ህከ

አይሁድ አህበ መነ ጡርከመንታገለከ ሙስ ሕገ አገርታገ አኡ ሀሰሰኛ።
 ይቶሉ። 6 አሳበትለክ ባልቀት ህክን ጠውተኔሃ አማዕለንቶት ጭምደቶሉ።
 7 አበ ኦዶኢች ኤተሮን ዪጥሮስ ኬዕይ «አመኤ ኦሶ! አይሁድ አህቡ
 ኡመቱ ኢ ኤፌች ተሸት ላገተ ሞጮጭት አመዕንቶት መገኑ ሄጭ ኤሳሃ
 ክዕኔ በሊች መጠሩስ ደገነንተ። 8 መን ቀልብ ደገኛ መገኑ ጠሊሊ
 አያነን ኔሳሃ ኣሴ ሃሊን አሳሃ ኣሲን መሰከርኡ። 9 ቀልብሰ አመዕነተን
 ነጠ አዕዮቤቺሃ አሰለክ ኒ በላን መት አደደመታ አዕዮበኡ። 10 ህክን
 እኮች አናከኔለክ ነኡ እጅኖር አታልንበ እጅነተ አመዕናኖተ እጅሲሴን
 ሚሃት መገኑ ፊተንቴንታት? 11 ጠወ እኮጎሬ ነኡ ጡምናሚህ አሰገን
 ቀርቼ ኢስ አያነን አሁስ አመዕናኖም» ይሰ። 12 ህክ ወክት ጭምዴ መኑ
 ጉዕመንኩ ጨለ ይኣ፤ ህትን በርናባሰለክ ጳውሎስ አይሁድ እኮበለ መን
 በላን አስ አዲን መገኑ አዕዮ እጅበተለክ እጅብሲስና ጠው ጉዕመንከ
 ኩልተን ሞጮጭታኢት እቅ። 13 እስን ጠወእ ሹልቶች ኤተሮን ያቀብ
 ፈንቀሽ «አመኤ ኦሶ! ህንዴ ሞጮጭዎ! 14 መገኑ አይሁድ አህበ መነች
 ሱዕሚንከስ ገአመና ኡመት በሊችሰ መጠር ወዕና ዳንዳሰገ ሰሞን
 ኩሎኡ። 15 ከን ሰውቲን ነብያክ ላገት መቱ አክ አገንቀንታኤ፤ እስን
 ህት የመሞ ከተበሞሃን። 16 «ከነኚች ኤተሮን ፈቆ መኑለክ ሱዕሚንከኤ
 ገአንቶአሩ አይሁድ እኮበለሩ ኡመቱ ጉዕመንኩ ኤሳሃ ሀሳገ ፈንቀል
 አሜታም፤ ድጅሞ ደወዴ ምኒ እጃራም፤ ድጅሞሲንክ ለንኪሃ ፈንቀሽ
 ኡርሳሞ። 18 ወዕኔችን ጀመር ካን ጉዕመንከ ለሊሾም አን መገኑ ህት
 ያሚት። (aiōn g165) 19 «ህክን እኮቤቺሃ ኢ ሰውቱ መገን አደ ፈንቀልቶ
 አይሁድ አህበ መነ ኦርነሱንከ። 20 ህክን ወጥ ሸርኪተ ክትሚመ አቸተ
 እቶናቼ፤ ዝነተ አኢች፤ ለንገቅ ሬዮ ለል ማለ እቲችለክ ቄጉ አገኙ አገዕርዬ»
 ይን ከተንባሰ። 21 መሰንትስ ልግብያ ዘማነኚ ኬሽ መሲ ሕጋን ሰሞበት
 በር ጭምት ምናን አነበበመናት እቅ፤ ከተማን ጉዕማንን ዱዱብሰመና»
 ይሰ። 22 ህክነች ኤተሮን አሳበትለክ ባልቀት አመዕናኖን ጉዕሚንን ሜጡበ
 ጭምደት በሊችሰ ቀወ መነ መጠርት ጳውሎስንለክ በርናባሴን ሜጡበ
 አንጾክ ከተመ ሶተት አማዕለንቶኡ፤ ህክን እኮቤቺሃ አመዕናኖ በሊች
 ጡመ አምንሳናች «በርሳባሴ» ይዮ ይሁድለክ ሲላሴ መጠርቶሉ። 23
 ከተበንቶ ደብዳቤተ እስ አንጋን ሶቶኡ፤ ደብዳቤሰን «ነኡ አመክዕኔ ኦሶት
 አሳበትለክ ባልቀ፡- አንጾክ ከተማን፤ ሶርይለክ ክልቅይ ባዶን ሄኤነንተ
 አይሁድ አህቡ መን አድረ አከነተ አመኔኦሶተ ወገሬቲ ይናንክዕኔ። 24 ኒ
 በሊች መት-መቱ መኑ ነኡ ሶንኩዕነ ክዕኔቤቼ መርት ኩልቶህዕኔ ላጋን
 ኦርሶህዕኔገለክ ሻዝሶህዕኔገ ሞጮጭኖም። 25 ህክን እኮቤቺሃ ሜጡበ
 ጭምደናሚች ኤተሮን መጠርን ኢተንቶ አመኔኦሶች በርናባሴለክ ጳውሎስ
 ሜጡበ ክዕኔቤቼ ሶንኩተ ኢተቀሞም። 26 በርናባሴለክ ጳውሎስ ቀርቼሃኔ
 መሲህ ኢስ ሱዕምተኔሃ ገወሰ ህግስ ኣቶአረ። 27 ይሁድለክ ስላሰ ነኡ
 ከተንሶሚሃ ገይሰ አፎን ኩልታህዕኔገ ሶንኩም። 28 ህክን እኮቤቺሃ ከነች
 ዋር አዲን ዮ ሀሰሰና ጠው ቤሉ ዋሉ ኬዕመና ጠው እጅሲንካክዕኔበአገ
 ጠሊሉ አያኑለክ ነኡ ኢተቀሞም። 29 ሸርኪተ ክትሚመ ማለ እቶናቼ፤
 ዝናች፤ ለንገአ ሬዮ ለል ማለ እቲችለክ ቄጉ አገኙ አገዕርዬ፤ ካን ጉዕመንከ

አገዕርቲንተጎር ጡመሃን፤ ቴሱ ወገሬቲን ሄዕዬ» ይት ከተቦኡ። 30 ህክነች
 ኤተሮን ሶሄመ መኑ ወገሬቲን ሄዕዬ ይት አንጾክ ከተመ መርቶኡ፤ እስን
 አመዕናኖት ጭምሉት ደብዳቤተ ኣቶኡ። 31 አመዕናኖት ደብዳቤተ አነበበ
 ወክት ሶሄመ ሸዘናን አበ መንደኦኡ። 32 ህትን ይሁድለክ ስላሰ ነብያክተ
 እኮቤቺሃ አመዕናኖት ልግብያ ጠዋን ሸዝ ጠረኝሶኡ። 33 እስን ህክኔ ዮ
 አመዕናኖን ቀወ በር ሜጡበ አፋዕልቶች ኤተሮን «ወገሬቲን ሄዕዬ» ይት
 ሶኮ መንቤቹ ፈንቀልት መርቶኡ። 34 [ጠወ እኮጎሬ ሲላሰ ህክኔ ፈቆተ
 ሄዕላቸ።] 35 እኮጎሬ ጳውሎስለክ በርናባሰ ቀወ በር አንጾክ ከተማን
 ዱንክት ዋሎ ልግብያ አመዕናኖን ሜጡበ ቀርቼ ላገተ ተማርሰተን ተሸት
 ላገተ ዱዱብሰቶኡ። 36 ቀዋ በሬች ኤተሮን ጳውሎስ በርናባሴ «አም
 ከነኚች ብርተ ቀርቼ ላገተ ተማርሰናም ከተማን ጉዕማንን ዮ አመዕናኖት
 ህት ዮ ጎሬ ዳንድኖ» ይሰ። 37 በርናባሴ ህትን «ማርቆሴ» ይዮ ያህይ
 አሳን ሜጡበ መሮተ ኢቲኤ። 38 ጠወ እኮጎሬ ጳውሎስ አሳን ሜጡበ
 መሮተ ሆሾበኤ፤ መሰንትስ እስ «ጵንፍልያ» ይናቤቸን አሳች አደ አክ
 ሆጎቤቹ መሩዕነ ፈቆቤቺሃት እቅ። 39 ህክን ጠዋን አበ ኦዶኢች ኤተሮን
 መለዕለንቶኡ፤ ህክን እኮቤቺሃ በርናባሴ ማርቆሴ ኣኣ መርከባን ኣግ
 ዊን ረበንቶ «ቆጵሮስ» ይዮ ባዱ መርቶኡ። 40 ጠወ እኮጎሬ ጳውሎስ
 ስላሴ መጠር፤ አመዕናኖት ጳውሎስ ቀርቼ ኣስቶተ ኤገተ ኣቶኢች ኤተሮን
 ኦርዕዮ። 41 እስን «ሶርየለክ ክልቅየ» ይናቤቸን ዮ አመዕናኖት ጠረኝሰን
 ሃመና እቅ።

16 ጳውሎስ «ደርቤተለክ ልሰጥረ» ይናቤቹ አሜቸ፤ ህክኔን «ጥማቶሴ»
 ይዮ አመዕናኖች ሄዕዮ እቅ፤ አመስ አይሁድተ አመዕናንቹ እቅ፤
 እኮጎሬ ኣኑስ ግርክቸሃ እቅ። 2 እስንከ «ልሰጥረለክ እቆንዮን» ይናቤቸን
 ሄኣ አመዕናኖ ኣኔን ጡመ ሱዕመ ሄዕዮሰ እቅ። 3 ጳውሎስ ጥማቶሴ
 ኣኣ ሃሞተ ሆሾቤቺሃ ጡርከሞስ፤ መሰንትስ ህክን ቤቸን ሄኣ አይሁዱ
 ጉዕመንኩ ጥማቶሴ እኑ ግርክቹ እሁስ ደጋቤቺሃት እቅ። 4 ጳውሎስለክ
 ሲላሰ ከተመ ዘህተን ይሩሳሌም ከተማን ዮ ኣሳበትለክ ባልቀተ ጠወእ
 ኡርሶ ትዛዝ አመዕናኖት አገርታገ ሸዛኢት እቅ። 5 ህክን እኮቤቺሃ
 አመዕናኖት ጠረኝተን በሬን በሬን ወሊንሹስ በተኣነ መረኖት እቅ። 6 ህትን
 እስ እስይ ባዶን መገን ላገተ ኩልታበአገ ጠሊሉ አያኑ ከማንስ ፍርግይለክ
 ገለትይ ባዲን ህጎኡ። 7 «ሚሰየ» ይዮ ባዱ ኢልቶ ወክት ቢታንየ ባዱ
 መርቶት ሰውደቶኡ፤ ጠወ እኮጎሬ ኢስ አያኑ ህክበ መርታበአገ ከሞሰ። 8
 ህክን እኮቤቺሃ እስ ሚሰይ ባዲን ህግ ጢርኣድ ከተመ መርቶኡ። 9 ህክን
 እኮቤቺሃ ሀንከዕርተ መቱ መቄዶን መንቹ ኡር «መቄዶን አሜት ሀዕልኔ»
 ዮን ኡጨናሃ ጳውሎስ መናማን ለዕዮ። 10 ጳውሎስ መናማን ለዕዮች
 ኤተሮን ነኡ ህክ ወክትንክ መቄዶን መርኖተ ቅጥይኖም፤ መሰንትስ ነኡ
 ህክኔ ዮ መሂሃ ተሸት ላገት ኩልናተ መገኑ ገኡስ ደንጎምቤቺሃት እቅ። 11
 ጢርኣዲች መርከባን ኣንግ «ሳሞትራቄ» ይናቤቹ ኢልናም፤ ለንክ በር
 «ናጵሌ» ይናቤቹ መርኖም። 12 ህክንቤቺች ኬዕን ፍልጵስዩስ ከተመ
 ኢልናም፤ ፍልጵስዩሱ መቄዶን አወራጂሃ ሎረ ከተመለከ ርሞ ባድ
 ሞም አንጋን ጠገሞሃ እቅ፤ ነኡ ህክን ከተማን ቀወ በር ዱንክናም።

13 ህትን ሰምበት በር ከተማች አብል ዱኣ አቶት ጭምይታቢቹ የኢሃ አጉጃኔቢቹሃ 4ልን ዛዛዩ ዊ መድ መርናም፤ ህክኔ አፋዕልን ጭምይቶ ሜንቲሃ መገን ላገተ ተማርሰናም። 14 ህክኔ ሞጮጭታ ሜንቲቺ መት ትያጥሮን ከተማች አሜቶ ሰመ አጉደዮ ብሽ ኦድኑተ ገንዳ መገኒሃ ሰገዳ «ሊድዮ» ዬና መንቸተ አቅ፤ ጳውሎስ ጠወአናርቹ አጥራመቶተ መገኑ ቀልብሴ ፈቼ። 15 እሴን ምንሴ መኒን ጉዕሚንን ሜጡብ ጠመቀንቶች ኤተሮን «ቀርቸ መገኖን አመዕኔሚሃ እኮሚች ምኒኤ አሜቲን አፋዕልዬ» ይት ጠረኝሰ እጭቶኔቢቹሃ መርናም። 16 ነኡ መቱ በር ዱኣ አኤና ቢቹ መርኒንን ኪልታገ አኣና ዶረረኖ ዱሩ ዮሴ መት ካዲንቸት ሀፍቱት ዎቃን ደቀንቶኔ፤ ህት ሀፍቱት ኪልታን ገሽታሴሁኑኑተ ልግብ ብረ ኤባአተ አቅ። 17 እሴን ጳውሎስላክ ኔላሃ አዎንተን «ኩ መኑ ሎረ መገንተ ካዲመ፤ እሰ ጡሜና ዎቃሃ ክዕሃሃ ኩልታሀዕኔረ» ይተን ያርታኢት አቅ። 18 ህካንን ልግብ በር አቶኡ፤ ጠወ እኮጎሬ ጳውሎስ ኡመዕር ኤተሩ ፈንቀል ለዕይ ዶረረኖ ዱሩ «መሲህ ኢሰ ሱዕሚን እሴች ፋልቶተ አዘዛንኬ» ዬኣ፤ ህከ ወክትንከ ዶረረኖ ዱሩ ፋሎ። 19 እኮጎሬ ገሻኹሴ ብረ ደዕተ ዎቆሁ መርተኡስ ደን ወክት ጳውሎስላክ ሲላሴ አፍ ጌቤበ ጎሾሽተን መስት ሹመ ቢቹ ሆንጠህሶኡ። 20 እሰን ሮም ዳኛና ብርተ ሆንጠህሶ «ኩ መኑ አይሁድ መን እክን ከተማንከክ ብተተ ኬላኢት። 21 ነኡ ሮም ባድ መኑ ቶንጎተለክ አዕናተ ሴሩኔ አዘዛንሃ ሮሰሳኔት» ይቶኡ። 22 ኡመቱ እሰ አሌን ጭምይት ኬኡኤ፤ ዳኛኑት ጳውሎስላክ ስላሴ ኦድኑተ ቃርቶሳች ኤተሮን በርቲን ዎቀርታገ አዘዛኡ። 23 አበ ዎቀርቶች ኤተሮን ኡሱር ምኒ ኣግሰ ኡሱር ምኒ ዘበኝ ጠረኝ አገረኖን አዘዛኡ። 24 ሁኩ ኡሱር ምኒ ዘበኝ ትዛዝ ቶጎች ኤተሮን ኣዝ ክፍለ ኣግሽ ሎከስ ሀቃን ኡሱር። 25 ሀንክዕሬ በላን ጳውሎስላክ ስላሴ ዱኣ አተንለክ መዝሙረ ዘመርተን መገኑ ገለትጭታኢሃ ዎሉ ኡሱሬመ መኑ ሞጮጮኖሳት አቅ። 26 ድንገቲን ኡሱር ምኒ ቀበቡ ሌንቄቀኖ ኢለ አቡ ኡለ ሌንቄቄ እኮ፤ ህከ ወክት ኡሱር ምኒ ጡፋ ጉዕሙንኩ ሜጠረ ፈንተዕዮ፤ ህትን ጉዕምስ ሰንሰለቱ ሂርተዕዮ። 27 ኡሱር ምኒ ዘበኝ ግሰኛች በቅይ ኡሱር ምኒ ጡፋ ፈንተዕያን ለዕዮ ወክት ኡሱርቺ ፋሽኢቶኢሃ አጉጃንስ ገወስ ሾተ ብሰ ኬሾ። 28 ጠወ እኮጎሬ ጳውሎስ «ጉዕሙኩኔ ከኔ ዮምቤቹሃ ገወክ ሚርቶት» ይ ሎረ ላጋን ያር ከሞሰ። 29 ህትን እሰ መብራት አፍሲሽ ኣኣ ኣዝ ጠጡተ ደጉጅ ኣግ ሁጡን ጳውሎስላክ ስላሴ ብሬን ኡቦ። 30 እሰንተ አብል ፋሽ «ቀርቻኑኤ! ኣን ጡሞተ መ ኣኡ ሀሰሰኤ?» ይ ጠዕሜሰ። 31 እሰን «ቀርቸ ኣሳን አመዕንቶንጎር አትለክ ኪ ምኒ መኑሁ ጡሞቲንጎተ» ይቶሰ። 32 ህትን እሰ ቀርቸ ላገተ እሲሃለክ ምኔስ ዮ አበርሲህሰ ኩልቶኡ። 33 እሰ ህከ ወክትንከ ሀንክዕሬን አሰተ መስኬዕይ ጡላሰ ኣንሽ አበርሰንከሰ ሜጡብ ጠመቀሞ። 34 ህከኒች ኤተሮን ጳውሎስላክ ሲላሴ ምንስ ኡብ አቶተ ሆንጠህሶ፤ ህትን አሰለክ ምንስ መኑ መገኖን አመዕንቶቤቹሃ መንደኦኡ። 35 ጠወ እኮጎሬ ለንክ በሬ ሱጽተ ከተመስ ገሽታሩ «ህከ መን መርቶተ ገፈሬ» ይት ፖሊሰተ ሶኮኡ። 36 ኡሱር ምኒ ዘበኛቹ «እዕኑ ገፈረንቶናተ ዳኛኑት መን ሶኮኡ፤ ህካን እኮቤቹሃ አዕኑ ቴሱ ፋልቲን

ወገሬቲን ኦርዕዬ» ይ ጳውሎስሃ ኩሎ። 37 እኮጎሬ ጳውሎስ «ነኡ ሮም ባድ መን እንከን መቱርቹሃ ቤንሱዕን ፍርሮ ቤሉ ኡመት ብሬን ዎቀርት ኡሱር ምኒ ኣግሶኔ፤ ህትን ቴሱ ማጠሞ ፋልናምገ አታኔንደ? ፋልናምበእ! እሰ ገወስ አሜት ፋሽቱኔ» ዬሰ። 38 ፖሊሰት እሰ ይቶ ላገተ ዳኛናተ ኩልታንስ ዳኛኑት ጳውሎስላክ ስላሴ ሮም ባድ መን እሁሰ ሞጮጭቶ ወክት ዎጅቶኡ። 39 ህካን እኮቤቹሃ ዳኛኑት አሜት «ቤንሰም» ይት ኡሱር ምኒች ፋሽት ከተማች ፋልት መርታገ ኡጭቶኡ። 40 ጳውሎስላክ ስላሴ ኡሱር ምኒች ፋልት ሊድያ ምኒ ኣጎኡ፤ ህከኔን አመዕናትተ ሸዝ ጠረኝሰ አጉርት መርቶኡ።

17 ህከኒች ኤተሮን እሰን «እንፊጶሊሰለክ አጶሎና» ዬና ከተሚን ህግ ተሰሎንቄ ከተመ አሜቶኡ፤ ህከኔን አይሁድ ጭምት ምኑ ሃዕዮ አቅ። 2 ጳውሎስ ወዕና ሮሾገን አይሁድ ጭምት ምኒ ኣጎ፤ እሰን ኣሳንከ ሰሱ ፎሎጭ በር መገን ላገተ ጠሊሊ መጻፊ ኣዚች ኣነበበን ኣሳን ሜጡብ ኩለኖሳት አቅ። 3 ህትን መሲሁ ኦርሸተ ቶጉለክ ሬሆች ኬኡ ሀሰሰናሰገ ሀንቅ ኣሁሰ ለሊሽ ኩለን «ኩን ኣን ኩላንክዕኔ እሰ መሲህት» ዮና አቅ። 4 ህካን እኮቤቹሃ አይሁዲች መት-መቱሰ ላገሰ ኣጋሰስ አመዕንት ጳውሎስንለክ ሲላሴን ሜጡብ እኮኡ፤ ህትን መገኒሃ ሰገዳ ልግቡ ግሪክ ባድ መኑለክ ከተማንከስ ለሊቶ ሜንቱ ላገሰ ሞጮጭት ኣሳን ሜጡብ እኮኡ። 5 ጠወ እኮጎሬ አመዕንትቡ አይሁዲ ሞቀኝት ሆጉት ዮበኣ መን ዎቄች ጉዕሚችን ጭምኣት ልግብ መን ሂለ አማልተ አማልሲሰ ከተማንከስ ብተት ኬኢን አቶኡ፤ ጳውሎስላክ ሲላሴ ፋሽት ኡመቲሃ ኣቶተ ሀሰ «ኢያሶን» ዬና መንች ምኒ ረቦኡ። 6 ጠወ እኮጎሬ አሰተ ሀሰ ሆን ወክት ኢያሶኔለክ መት-መቱ አመዕናትተ ከተም ሹማተ ሆንጠህሶተ ጎሾሽተን መስቶኡ፤ ህትን «ኩ መኑ ጉዕመንከ ባዱ ኦርሳኢረ፤ ህትን ቴሱ ኒ ከተመ አሜቶኡ። 7 ኢያሶንን ምንክስ ቶጎስ፤ ህትን ሲሰ ዬና ዎሉ ዎሙ ዮኔ» ይት ሮም ባድ ዎም ትዛዝ ግቦኣረ» ይት ያርቶኡ። 8 ኡመቱለክ ከተም ሹመት ህከ ጠወ ሞጮጭቶ ወክት አበ ጨከንቶኡ። 9 እሰን ኢያሶኔለክ ዎሉ መን ሩብት ገእሲስ ገፈርቶሰ። 10 ህከ ወክት አመዕናትት ጳውሎስላክ ሲላሴ ሀንክዕሬን «ቤርዮ» ዬና ከተመ ሀርሲሶኡ፤ እሰን ህከ ቤቹ ኢልቶገን አይሁድ ጭምት ምኒ ኣጎኡ። 11 ህከኔ ሄኦ አይሁዲ ተሰሎንቄ ከተማን ሄኦ አይሁዲች በትሰ ጡሙ ቀልቡ ዮሰቤቹሃ ጳውሎስ ዬ ጠወ ሀንቅያ ጎሬ ደጎተ በሬን በሬን ጠሊሊ መጻፊ መረመርተን ላገሰ አበ መንዲኖን ቶጎኡ። 12 ህካን እኮቤቹሃ ኣሳች ልግቡስ አመዕንቶኡ፤ ልግቡ ግሪክ ቀባባሙ ሜንቱለክ ልግቡ ግሪክ ጎኑ አመዕንቶኡ። 13 ጠወ እኮጎሬ ተሰሎንቄ ከተማን ሄኦ አይሁዲ ጳውሎስ ቤርይ ከተም መኒሃ መገን ላገተ ኩሎገ ሞጮጭቶ ወክት ህከ ቤቹ አሜት መን ሂለ አማልተ አማልሲሰ ኡመቱ አሌሰ ኬኣኖገ አቶኡ። 14 ህከ ወክትንከ አመዕናትት ጳውሎስ ደዕል ባር መድ ኦርኦኖገ አቶኡ፤ እኮጎሬ ሲላሰለክ ጥማቶስ ቤርያን ፈቆኡ። 15 ጳውሎስ ሀርሲስ ኣቲን ከተመ ኢልሶ መኑ «ስላሰለክ ጥማቶስ ደዕልት ኢቤቹ አሜቱን» ዬ ጳውሎስ ሶህተ ኣኣት ቤርዮ ፈንቀልቶኡ። 16 ጳውሎስ ኣቲን ከተማን ኣፋዕል ሲላሰለክ ጥማቶስ ኣገረን ከተማንከስ

ሸርኬተ ሰገዳኖቹ ዋሞህ ለዕዮ ወክት ቀልቤንከሰ አበ ኡመዕሬአ። 17 ህካን አኮቤቺሃ ጭምት ምንጎ አይሁዲነላከ መገኒሃ ሰገዳ መነን ጉዕመ በር ጌባን ደቀመኖ መነን ጠወአኖት እቅ። 18 «ኤፒርሰላከ እስቶይኩ» ዬኖ ኤንኬዕናመት ጳውሎሴቤቼ አሜተን ኦደንታኢት እቅ፤ መት-መቱሰ «ኩ ዛንቁራንቼ መ ዮተ ሀሾኡ?» ይታኢት እቅ፤ ህትን ዋሉሰ ፈንቀሽት «ደገሞበለ መገኒሃ ጠወአኖ ክጉደኖት» ይታኢት እቅ፤ ህካን ይቶ መስት ጳውሎሰ ኢሰ ሬሆቶ ኬለ ጡመ ዱዱቡ ኩሎሰቤቺሃት እቅ። 19 እሰን ጳውሎሴ ኣእት «አርዮስፋጎስ» ዬኖ ቆሮን ሄአኖ ኣገትቤቼ ኤብ «ኩ ኣት ኩልታንትኔ ሃዕሮ ጠወ መርቼሃጎሬ ደንጎተ ኣታልናምንዶ? 20 ኩ ኣት መጫኑኔ ሃዕሮ ጠወ ጠወአንቲሁ መሃጎሬ ደንጎተ ህንሳምቤቺሃ መሃጎሬ ኩልኔ» ይቶኡ። 21 መስንትሰ አቴን ከተም ጉዕመንኩ ሙኦለከ ህከን ቤቹን ሄአ ዋሎ ባድ ሙኦ ሃዕሮ ጠወ ጠወአንለከ ሞጮጭተን ሆሰ ቤሉ ዋሎ መቱርቼሃ ኣታበአረ እቅ። 22 ህካን አኮቤቺሃ ጳውሎሰ «አርዮስፋጎስ» ዬኖ ኣገት ብሬን ኡር «አቴን መነ! ጉዕማንከ ዳዲን ሀይማኖቱ ዮሀዕኔ መነ አሁክዕኔ ደጎም። 23 ከተመክዕኔ ዘህን እዕኑ ሰገዳንንት ቤቹ ለዕዮም ወክት «ደገሞበለ መገኒሃ» የመም ከተበሞሃ ከትም ጠረጴዛ ደጎም፤ ቴሱ ህከ ደንኑዕናን ሰገዳንንታሃ ኣን ኩላንክዕኔ። 24 «መገኑ ኡለተለከ ኡለ ኣሌን ዮኤሃ ጉዕመንከ ከለቆአሃን፤ እሰን ሰሚለከ ኡለ ቀርቼ አኮቤቺሃ ሙኦ ኣንጋን እጃር ምንጎ ሄአኖበኣ። 25 እሰን ነብሳላከ ፎገል ዋሉርቼ ጉዕመንከ መኒሃ ኣሰኖሃ አኮቤቺሃ መቱርቼሁ ሆፈዕዮስህን መነ ኣንገተ ሄዕላተኖበኣ። 26 እሰን ዳዲን፤ ኣሌን ሄአ አደደ ኡመት ጉዕመንከ መቶ መንቺቶ ከለቆ፤ ኡለ ኣሌን ጉዕማንከ ሄአን እዕዮስ፤ ኣሳንከ ሄአ ዘማንለከ ሄአ ቤቹ መደቦስ። 27 ህካን እዕዮንኩ ሙኦ መገኑ ሀሰተለከ መረመርት ሀሰ አሱ ደጋጋት፤ አሁን ቤሉ እሰ ኒቶ ጉዕማኑኦን ቁዕራሻበኣ። 28 መስንትሰ «ሄኡ ደአናሚሁለከ ሌንቁቅናሚሁ ህትን ሄዕናሚንኩ አሲኒት» ሁኩንን ክዕኔ መት-መቱ ሴነፋሩ ሳኡ ጉዕመንኩኔ እስተ አሉ» ይቶጋት። 29 ቴሱ ነኡ መገን ኦሱተ ኣንኮምጎሬ መገኑ መነ ሀይማንለከ ሰውቲን ዋርቂን ህከረንገ ብሪን ህከረንገ ክነን መክሴመ ምስለ ኣጉደኖ ይን ሰውዩ ሀሰሰኖበኣ። 30 ህካን አኮቤቺሃ ሙኦ ወዕኔ ዘማን ደጉ ሆጊን አቶኢሃ መገኑ ኣጉሮስ፤ እኮጎሬ ቴሱ ባደን ጉዕማንከ ዮ ሙኦ ጨቤቶ ቶበት ፈንቀልታገ አዘኩኣ። 31 መስንትሰ መገኑ መጠሮ መንቶ እዲን ጉዕማንከ መነ ኣሌን ጌቦ አዕይ ፈረደኖ በር ወሰቶኡ፤ ህካን ሀንቅ አሁሰ መነ ጉዕሚንከ ለሊሾሁ ህከ እሰ መጠሮ መንቶ ሬሆቶ ኬሰንከሲት» ይኡ። 32 እሰ «ሬሆቶ ኬኡ» ዬኖ ላገተ ሞጮጭቶ ወክት መት-መቱሰ ቀለዶኡ፤ መት-መቱሰ «ከን ጠውተኔሃ ዋሎ ወክት ሞጮጭናም» ይቶኡ። 33 ህከኒቶ ኤተሮን ጳውሎሰ ኣገቲቶሰ ኬዕይ ኦርዕዮ። 34 ጠወ እኮጎሬ መት-መቱ ሙኦ አመዕንት እሲን ሜጡብ አኮኡ፤ ኣሳንን ሜጡብ «አርዮስፋጎስ» ዬኖ ኣገት መኒቶ መቱ «ዲዮናሰዮስ» ዬኖ መንቶ፤ «ደሚሪስ» ዬኖ መት መንቶትለከ ዋሎ ልግቡ ሙኦ ሄዕዮ እቅ።

18 ህከኒቶ ኤተሮን ጳውሎሰ «አቴና» ዬኖ ከተሚቶ ኬዕይ ቆሮንቶስ ከተመ ኦርዕዮ። 2 ህከኒን ጳንጦስ ባዲሃ «አቂለ» ዬኖ መቱ

አይሁድቹ ደጎ፤ እሰን ቀዋ ወክቲቶ ብርተ መንቶንከሰ ጽርስቅላን ሜጡብ ጣሊያን ከተሚቶ አሜኦሃ እቅ፤ መስንትሰ አይሁዱ ጉዕመንኩ ከተሚቶስ ፋልቶተ ሮም ባድ ዋሙ ሀለቁ ዋሙ ቀላዉዴዎስ አዘኩቤቺሃት እቅ፤ ጳውሎሰን እሰንተ ለኦተ ኦርዕዮ። 3 እሰ ሆጉት እሰንን ዱካነ ጎቡ አኮቤቺሃ ኣሳንን ሜጡብ ሄአን እሲሁ ዱካነ ጎቡ ጀመሮ። 4 እሰን ሰምበት በር ጉዕመንከ አይሁዲለከ ግሪክ መኒሃ ጭምት ምንጎ ደገመን ተማርሰን አመንሲሰኖሳት እቅ። 5 ህከኒቶ ኤተሮን ጥማቶሰለከ ሲሰለ መቁዶን ባዲቶ አሜቶ ወክት ጳውሎሰ ኢሰ መጠረሞ መሲሁ አሁሰ አይሁዲሃ ጉዕመንከ ወክት ጠረኝሽ ኩሰኖሳት እቅ። 6 ጠወ እኮጎሬ አይሁድ ሙኦ እሱ ግቦሰለከ ቦርሮቶስ ወክት ኦድኖስ ትበ ግግሽ «ቴሱ ፈረደሞሀዕኔ ጎሬ ገይክዕኔ ቤሲን አኮቤቺሃ ኤሳሃ ከን ጠዋሃ ኣግሰኖኤበኣ፤ ቴሱ ኣን አይሁድ አህበ መንቤቹ ኦርኣም» ይኡ። 7 ህካን አኮቤቺሃ ጳውሎሰ ህከንቤቺቶ ኬዕይ መገኒሃ ሰገደኖ «ቲቶስ ኢዮስጦስ» ዬኖ መንቶ ምኒ ኦርዕዮ፤ ምኡስ አይሁድ ጭምት ምኒሃ መድ እቅ። 8 አይሁድ ጭምት ምኒ ዳኛ «ቀረስጸሰ» ዬኖ መንቶ ምንሰ አበርሲን ሜጡብ መገኑ አመዕኔእ፤ ህትን ልግቡ ቆሮንቶስ ከተም ሙኦ ጳውሎሴቶ መገን ላገተ ሞጮጭት አመዕንት ጠመቀንቶኡ። 9 ቀርቼ መት ሀንከዕርተ መናማን ጳውሎሴ «ዋጅቶት ሰዕምይት ጠወኡ። 10 ኣን ኪኒት፤ እደሁ ኬሳሃ ሚዕርሄተ ኣታለኖበኣ፤ መስንትሰ ከን ከተማን ኤሳሃ ልግቡ ሙኦ ዮኡ» ይኡ። 11 ህከን ቤቹን ጳውሎሰ መገን ላገተ ኡመቲሃ ተማርሰን መቱ ዘማን ደሬን አሰቢቹን ዱንኬኣ። 12 ጠወ እኮጎሬ «ጋልዮስ» ዬኖ መንቶ ኣካይ ባድ ሹመ እኮ ወክት አይሁድ ሙኦ ሜጡብ እክ ጳውሎሴ አሌን ኬለ ኣፍ ፍርድ ምኒ መስቶኡ። 13 ህከን ቤቹን «ኩ መንቶ ሕጉ አዘዘበ ሃሌን መኑ መገኒሃ ሰገደኖገ ኣኣኖት» ይቶኡ። 14 ጠወ እኮጎሬ ጳውሎሰ ህከን ጠውተኔሃ መስለ ፈንቀሾተ ቅጥ ይዮህኔን ጋልዮስ አይሁድ «እዕኑ አይሁድ ሙኦ! ክዕኔ ኣሌን ኬዕማሽ ጠወ ህከረንገ ሂለ ኣኤማሀዕኔ ኣቃን ክሰክዕኔ አደቢን ሞጮጫም እቅ። 15 ጠወ እኮጎሬ ኩ ጠወ ጠለዕል ላገተኔሃ፤ ሱዕምተኔሃለከ ገይክዕኔ ሕግተኔሃ ኤዳንታሃ እኮጎሬ ኤሳሃ ኣግሰኖኤበኣ፤ ኣን ከን ጠው ኣሌን ፈረዶተ ሀሳምበኣ» ይኡ። 16 እሰን ህት ይ ፍርድ ምኒቶ አብል ፋሼሰ። 17 ህከኒቶ ኤተሮን እሰ ጉዕመንኩ ጭምት ምኒ ዳኛ «ሶስቴንሴ» ዬኖሃ ኣፍ ፍርድ ምኒ ኣገት ብሬን ኦልቶስ፤ እኮጎሬ ሁኩ ጠወ ጋልዮሴሃ መቱርቼሃ ኣጉጃሰበኣ። 18 ጳውሎሰ ልግብ ወክት ቆሮንቶስ ከተማን ዱንኬኣቶ ኤተሮን አመዕናተ «ወገሬቲን ሄአዬ» ይ ሶርይ ባዱ ኦርዕዮ፤ ህትን ጽርስቅላለከ ኣቂል እሲን ሜጡብ ሄኦ እቅ፤ እኮጎሬ ሁንዱር ኣጎቤቺሃ ኦርኣኖሀኒቶ ሄጭ ሙሞሰ «ክንክሪያ» ዬኖቤቹን ሜጆ። 19 እሰን ኤፌሶን ከተመ ኢልቶ ወክት እሰ ጽርስቅላለከ ኣቂለ ህከኔ ኣጉር አይሁድ ጭምት ምኒ ኣጎ አይሁድ መኒሃ ጠወአኖት እቅ። 20 ጳውሎሰ ልግብ ወክት እሰቤቹን ዱንኮተ ኡጭቶስ ወክት ቶጉ ግቦስ። 21 ጠወ እኮጎሬ «መገኑ ዮጎሬ ዋሎ ወክት ክዕኔቤቹ ፈንቀል አሜታም» ይ ኤፌሶኒቶ መርከባን ኣጎ ኦርዕዮ። 22 እሰ «ቂሳርያ» ዬኖ ከተመ ኢል ህከኒቶ ኤተሮን ዬሩሳሌመ ኦርዕይ አመዕናተ ወገሬትሾቶ ኤተሮን ዘህ

እንጾክ ከተመ ኦሮሶዮ። 23 እሰን ቀወ ወክት እንጾክ ከተማን ዱንኬች ኤተሮን ህከንቤቸች ኬዕይ «ገለትየለክ ፍርግየ» ዬኖ ባዶን ቤቸች ቤቸ ዘሀን አመዕናኑት ጉዕመንከ ጠረኝሰናሳት እቅ። 24 «እጽሎሴ» ዬኖሁ አሌክስንደር ከተማን አለሞ አይሁድቹ ኤፌሶን ከተመ አሜቸ፤ እሰን ጡመገ ጠወአናሃለክ ጠሊሊ መጻፈ አጥራመች ደገናሃ እቅ። 25 እሰን ቀርች ዋቂቲሃ ጡመገ ተማርሰናከ ህትን አበ ቡብ እሰ ሀንቅ ጠወ ጌጥ አዕይ ጠወአናሃለክ ተማርሰናከ እቅ፤ እኩጎሬ እሰ ጠለዕል ያህይ ጠመቆ ጥምቀት ደገና እቅ። 26 ህትን እሰን መለል አይሁድ ጭምት ምኔን ጠወአናሃ ጽርስልላክ አቂል ሞጮጭቶ ወክት ምንሰ መሰት መገን ዎቃሃ ወዕኔች ባሰ ተማርሰናሰ። 27 ህትን እጽሎሰ አካይ ባዶ መሮተ ሆሽ ወክት አመዕናኑት ጠረኝሰሰ፤ እሰን አካይ ባዶን ሄኡ አመዕናኑት ቶጎሰተ ደብዳቤተ ከተሰሰ፤ እሰን ህከ ቤቹ አሌ ወክት መገን አያኒን አመዕንቶአረ አበ ሀዕለናሳት እቅ። 28 ህከን እኮቤቸሃ እሰ ቡረሞሃ አሁሰ ጉዕመንከ መን ብሬን አይሁድ መኒሃ ጠሊሊ መጻፊች እነበበን ጠረኝ ኦዶን ገረናሳት እቅ።

19 እጽሎሰ ቆርንቶስ ከተማን ሄዕዮ ወክት ጳውሎስ አል ባዶን ህግ ኤፌሶን ከተመ አሜቸ፤ እሰን ህከን ቤቸን ቀወ አመዕናኑት ደግ 2 ጳውሎስ «አመዕንቲንተ ወክት ጠሊሊ አያነ ቶጎንታእቸንዶ?» ዬሰ፤ እሰን «ቶንጎምበእ፤ ጠሊሊ አያነ ሄኡሰ ሆሮ ሞጮጭን ደንጋምበእ» ይቶኡ። 3 ህትን ጳውሎስ «ህከረ ሀትኔ ጥምቀቲሃን ጠመቀንቲንታሁ?» ዬሰ፤ እሰን «ያህይ ጥምቀትኒት ጠመቀምሚሁ» ይቶኡ። 4 ጳውሎስን «ያህይ ሑመቲሃ ጨብክዕኔ ቶበቲን ፈንቀልቲን ኢች ኤተሮን አሜተኖ ኢሳን አመዕንቲን ጠመቀሜ» ይኡ። 5 እሰን ህከን ሞጮጭቶ ወክት ቀርቸሃ እሰ ሱዕሚን ጠመቀንቶኡ። 6 ህትን ጳውሎስ እንገሰ እሰ አሌን አዕዮ ወክት ጠሊሊ አያነ እሰ አሌን አሜቻን አደደ አፎን ጠወኡኡ፤ ራገሃ ጠወኡ ጀመርቶኡ። 7 እሰ ጉዕመንኩሰ ቶነ ለሞ መንየ ጌሰ እቅ። 8 ጳውሎስ አይሁድ ጭምት ምኒ መር ሰሶ አገን ጌሰ መገን ዎምነትቲሃ ኦዶን መለል መኒሃ ተማርሰናከ እቅ። 9 ጠወ እኩጎሬ መት-መቱ ጢቃመተ እኮቤቸሃ እሰ ዎቃሃ ኡመት ብሬን ቦሮርተን አመዕኑ ግቦ ወክት እሰንተ ጌኝ አዕዮ፤ እሰን አመዕናኑት አደ አዕይ እሰቤቹ መሰ «ጢራሴ» ዬኖ መንቹ ተማርሰና ቤቸን መኒሃ በሬን በሬን ተማርሰናከ እቅ። 10 እሰይ ባዶን ሄኡ አይሁድላከ ግርክ መኑ ጉዕመንኩ ቀርች ላገተ ሞጮጭት ቶጎተ አሊ ጳውሎስ ህከን ቤቸን ለሙ ዘማን ተማርሰኡ። 11 ህትን መገኑ ጳውሎሴ እንጋን አበ አጅበተ አእናት እቅ። 12 ህከን እኮቤቸሃ ጳውሎሴ ጅሰመሰ ኡልቶ ኦድኑተለከ ማረበ እኤን ጥዘናመ አሌን አኤኖ ወክት ጥዘናችሰ ፈይታ እቅ፤ ዶሮረኖ ዱሩንኩ ፋለናት እቅ። 13 መኒች ሩሃንየንከ ፋሽተን ዘህታ አይሁዲች መት-መቱ ቀርቸሃ እሰ ሱዕመ ገእተን «ጳውሎስ ዱዱ-በሰና ቀርቸ እሰ ሱዕሚን ፋልቶተ አዘንዛንክዕኔ» ይተን መኒች ሩሃንየ ፋሽቶተ አጸንታኢት እቅ። 14 አይሁድ ሎረ ቂሳች መቲሃሰ እሰቂዋ ዬኖህኒሃ ህት አታ ለመል ለቤ አለት ሄኡሰ እቅ። 15 ጠወ እኩጎሬ ዶሮረኖ ዱሩ ፈንቀሽ «ኢሰ ደጋም! ህትን ጳውሎሴቲሃን ደጋም፤ ህከረ አዕኑ

አይሌታን?» ዬሰ። 16 ዶሮረኖ ዱሩ አፎሰ መንቹንኩ እሰንተ ኬዕይ አለግሽ ጉዕመንከሰ ቄል ጡላይሽ ኦድኑሰ ፊሳን ከልሰ ምኒች ሀንት ፋልቶኡ። 17 ሁኩ ጠወ ኤፌሶን ከተማን ሄኡ አይሁድላከ ግርክ መኒሃ ጉዕሚንከ ሞጮጭዋ ወክት አበ ዋጅቶኡ፤ ህከንቤቸንን ቀርቸ እሰ ሱዕመ ሎረ እኮ። 18 አመዕንቶ መኒች ልግቡሰ አሜት ሂሊ ሆጎችሰ ቶበታኢት እቅ። 19 ህትን አሰማአ አታሩ አሰማአ መጻፈተ ጭምት ጉዕመንከ ኡመት ብሬን ቡሰቶኡ፤ መጻፋሰ ህሬማ እቃን ፋሽኖ ጌሰ ገመቴኖ ወክት አበ ጤኦተ እኮ ብረቲን መክሴመ አንታሁ ኩሜ ጠገር ብር ጌሰ እኮ። 20 ህከን እኮቤቸሃ ቀርች ላገት አልባዕልተንለክ ነጽተን መርታኢት እቅ። 21 ሁኩን ጉዕመንኩ እኮች ኤተሮን ጳውሎስ ሜቄዶንለክ አካይ ባድ ኦዶን ህግ ዬሩሳሌም ከተመ መሮተ ጠሊሊ አያነን ሰውይኪእ «ህከ ቤቹ አሌምሀኒች ኤተሮን ህትን ሮም ከተመ መር ለኡ ሀሰሰናኤ» ዬኡ። 22 ጳውሎሴ ሀዕልታሁኡች ለሙ ጥማቶሴለክ ኤራሰጦሴ ሜቄዶን ባዶ ሶክ እሰ ገወሰ እሰይ ባዶን ቀወ ጌሰ ዱንኪኤ። 23 ህከ ወክት ኢሰ ዋቂቲሃ ኤፌሶን ከተማን አቡ ብተት ኬኦኡ። 24 ህከኔ ብረ ሽልሰ መክሰና «ድሜጥሰር» ዬኖ መቱ መንቹ «አርጤምሴ» ምኒሃ ምሰለ ብረን አሰሰን መክሳሁኡት ልግቡ ብረ ደእታገ አእናት እቅ። 25 ህከን እኮቤቸሃ እሰን ህከ ብረ አታ መነለክ ህትን ሆጉተ አታላረ ጭምአዕይ «ኮ መነ! ነኡ ብረ ደእናሚሁ ከን ሆጎን አሁሰ ደኒንነተ። 26 ህትን ኩ ጳውሎስ መን አንጋን መኬ ምሰለ «ሽርኬተበኤ» የን ጠለዕል ኤፌሶን ከተማን አሁዕነ ቀዋ ባድ ቤሉ እሰይ ባዶን ጉዕመንከን ልግቡ መኑ አመዕናኖን አኡሰለከ ሉሲሱሰ አዕኑን ገወንኩክዕኔ ለአንታላሃለክ ሞጮጭቲንታላሃን። 27 ህከን እኮቤቸሃ ጠለዕል ኒ ሆጉት ህንቀንቶኢት እኩዕነ እሰይ ባድ መኑ ጉዕመንኩ ኢዱንያ አል መኑ ሰገድኖ ሎረ «አርጤምሴ» ዬኖ ሜአ መገን ምኑ ኦነ እክ ፈቀኖ፤ ህትን እሴ ኬዕምኹሴ ሻረጥከሰበእንዶ?» ዬሰ። 28 እሰን ህከን ሞጮጭቶ ወክት አበ ኡመዕርት «ኤፌሶን ከተም አርጤምሰ ሎረታን» ይተን ያርቶኡ። 29 ህከን እኮቤቸሃ ኤፌሶን ከተማን ልግቡ ብተት አካን መቄዶን ባዶች አሜቶ ጳውሎሴ ጃለተ ጋዮሴለክ አርሰጣርኩሴ አፍ ጎሾሽተን ኡመቱ ጭምየኖ ቤቹ ሜጡቡ እክ ደጉደን አሜቶኡ። 30 ጳውሎስ ህከን ጭምዬ መንቤቹ መሮተ ሄዕላቸረ አሳበት ከንቶሰ። 31 እሰይ ባድ ገሻኖች ጳውሎሴ ጃለተ እኩኦሩ ጳውሎሴቤቹ ሶክ መኑ ጭምዬ ቤቹ መረኖበእገ ኡጭቶኡ። 32 ኡመትሰ በላን አበ ብተት እኮቤቸሃ መቱ መቱርቸንከ ህትን ዎሉንገ ዎሉርቹ የን ያረናት፤ እኩጎሬ ልግቡሰ ሚሃ ጭምዶቶ ጎሬ ደጎበኤ እቅ። 33 መት-መቱ አይሁድ አድሩ «አለክሰንድሬ» ዬኖ መንቹ ኡመት በለች ሀንበልተን መን ብርተ ፋሽቶኡ፤ ኡመት በለች መት-መቱሰ ጡመገ ኦዶሰተ ሽዞሰ፤ አለክሰንድርን ኡመቱ ጨላ ዮተ አንገሰ ቀቀሽ ኦዶኖ ጠወ ጠወኦተ ቅጥዬ። 34 ጠወ እኩጎሬ እሰክንድር አይሁድቹ አሁሰ እሰ ደጎ ወክት «ኤፌሶን ከተም አርጤምሰ ሎረታን» ይተን ለሙ ሳኦት አሁኖ ጌሰ ጉዕመንኩሰ ሜጡቡ እክ ያርቶኡ። 35 ህትን ኤፌሶን ከተም ዋኑ ከተባገቹ ኡመት ሰዕምየኖን አዕይ «ኤፌሶን ከተም መነ! ኤፌሶን ከተም መኑ ሎረ «አርጤምሴ» ሜአ ሽርኬተ ሰገዳኖ ምኒለክ

ሰሜች ድሬኢሃ ጠላላ ክኑ አገርታለረ እሁሰ ጉዕመ ቤቸንን ደገሞኡ። 36 ህካን እኩቤቸሃ ካን ለገአኖህ ሄዕባሃ እሁሰ ደገኑታች ሰዕምይዬ ቤሉ መቱርቸሃ ደዕልቲን አቶናቸ። 37 መሰንትሰ እዕኑ አርጥሞሴ ምኒ ኦዳተ ሞግትበረላክ እሴተ ቦርርትበ መነ አፌን ከቤቹ አሜቴንታ። 38 ህትን ዳሜጥርሰለክ እሴን ሜጡብ ብረ ሽልሰ መክሰኖ መንቹ ዮ ጎሬ ኦዱን፤ ፈረዳኖ በሩለክ ኦዳገ አታ ዳኛኑት ህከኔ ዮቤቸሃ ኦዱን። 39 እኩጎሬ ሞሉ ሀሴንነት ጠዉ ዮ ጎሬ ሕግ ኦገቴን ለኤኖ። 40 ህካን እህበጎሬ ነኡ ሐበር እኮ ጠዋ ብተተ ኬሶአሪ ዬን ኦዳኖበአገ ዋጅናም፤ መሰንትሰ ሐብተት ኬኦአሪ መርቸሃን ዬን ጠዕመሜኔ ጎሬ ይናምርቹ ዮበእ። ይቶኡ። 41 እሰ ህካን ጠወዕዮች ኤተሮን አገቸ መኑ ብንዮናገ እዕዮ።

20 ብተተ ኡርቶች ኤተሮን ጳውሎስ አመዕናኑተ ሜጡብ ገእ ሸቸዮ «መገሬቲን ሄዕዬ» ይ ሜቁደን ባዱ ኦርዕዮ። 2 እሰን ህከን ባዱን ህገን አመዕናኑተ ልግቤ ሸዘናን ጠረኝሰን ግርክ ባዱ ኦርዕዮ። 3 ህከንቤቸንን ጳውሎስ ሰሱ አገን ዱንኬች ኤተሮን መርከባን ሶርይ ባዱ መሮተ ሰውዬእ፤ እኩጎሬ አይሁድ መኑ እሰ አሌን ተንኩተ አቶተ ሰውይቶገ ደጎ ወክት ሜቁደን ባዱን ህጎተ ሰውዬእ። 4 እሰን ሜጡብ ሄኦአሩ ቤርይ ከተሞ ጽርሁሴ ቤቱ ሶጳጥርሰ፤ ተሰሎንቄ ከተሞ መኒች አርሰጥርኮሰለክ ሰኮንዱሰ፤ ደርቤ ከተሟች ጋይዮሰ፤ እሰይ ባድ ተከቆሰለክ ጥርፊሞሰ ህትን ጠማቶስ እሳን ሜጡብ ሄዕዮ እቅ። 5 እሰን ብርተ ህግ ጢርኦድ ከተማን አገርቶኡ። 6 ጠወ እኩጎሬ ነኡ ጦርቹ እቴነን ከበጃኖ ከበጀቲች ኤተሮን ፍልጽሰዩሰ ከተመ መርከባን ኣንግ ኦንትቅ በር ጢርኦድ ከተመ እሰቤቹ ኢልናም፤ ህከን ቤቸን ለመለ በር ዱንክናም። 7 ሳምንት ወዕኔ በሬን ጭምይናምህኔን ጳውሎስ ለንክ በር ገሰመ ሞሉቤቹ መረኖቤቸሃ ህከኔ ሄዕዮ መኒሃ ጠውኦ ጀመር፤ እሰ ጠወሰ ጠወእንን ሀንከዕሬ ሜራሩ እኮ። 8 ነኡ ጭምይናም ፋቅ ምኒን ልግቡ መብራቱ ሄዕዮ እቅ። 9 ኤውጤኪስ ዬኖ መቱ ዋደልቹ መንቹ መሰኮት አሌን አፋዕልዮ እቅ፤ ጳውሎስ ጠወ ቅርሱሃን ሁኩ ዋደልቹ አገ ገሸቤቸሃ ሰቅ ፋቂች ዋር ዋል ኡቦ፤ መኑ ኬሰኖ ወክት ሬዮ እቅ። 10 ጠወ እኩጎሬ ጳውሎስ ድር ዋደልቹ አሌን መግይ እንጋንከስ ሀንቀፍ «ህልቆኖቹ ፎሊን ዮኡ» ዬሰ። 11 ጳውሎስ ፋቅ አል ፈንቀል ፋል እሳንን እቸተ ሜጡብ እች ኡለት ሰዞተ አላ ኩሎች ኤተሮን ኦርዕዮ። 12 ህትን እሰ ፈዬ ዋደልቹ ምኒ እኣት መርት አበ መንደእ መት-መቱሰ ጠረኝሰኡ። 13 ጳውሎሴ ቶንግ ሀርሲንሳተ ሃጭን መርከባን ኣንግ አሶስ መርኖም፤ መሰንትሰ እሰ ህከ ከተመ ሎከ መሮተ ሀሽ ነኡ ህት እዕናተ አዘዣኔቤቸሃን። 14 ህትን ነኡ እሴን እሶስ ከተማን ደቀሞ እሱ ቶንግ መርከባን ኣንግሰ ሚጢሊኒ ከተመ መርኖም። 15 ነኡ ለንክ በር መርከባን ኣንግ ዊን ረበንቶ «ኪዮሴ» ዬኖቤቹ ኢልናም፤ ህትን ለንክ በር «ሳሞስ» መድን ህግግ ሰቅ በር ሚሊጢ ከተመ ኢልናም። 16 ጳውሎስ እሰይ ባዱን ልግብ ወክት ዱንኩሰን ኤፌሶን ከተመ አጉር ህጎተ ሀሸ፤ መሰንትሰ አታልሲሾሰጎሬ ጸንጠቆሰጤ ከበጃት ዬሩሳሌም ከተማን ከበጃተ ሀሸቤቸሃት እቅ። 17 ጳውሎስ ሚሊጢን ከተሟች መነ ሶክ ኤፌሶን አመዕናኖ ባልቀተ ገእሲሾ። 18 እሰን እሰበ አሜቶ

ወክት «እን እሰይ ባዱ መር አፋዕሌም በሬች ጀመር ጉዕመ ወክትንከ በላንከክዕኔ ህት እክ ሄዕዮምጎሬ እዕኑ ገዉክዕኔ ደገኑንተ። 19 ህትን አይሁድ ሂለ ሰውት መሳን ኦርጨቀሞምጎሬ ጉዕመንከ አታለን ገውኦ መግ እዕይ እንጅጀእን ቀርቹ ካይማም እቅ። 20 ኦገትቤቸን እኮ ምኒች ምኒ ሃመን ተማርሳም ወክት ደግለለኖህዕኔ ጉዕመንከ ኩሎንክዕኔ ቤሉ መቱርቸሃ ኩሉዕን ፌሾሞበእ። 21 አይሁድ መኑለክ ግርክ መኑ ጨብችሰ ቶበት መገን አይ ፈንቀልት ቀርቹ እሳን አመዕንቶተ ኩሎንሰ። 22 ጠላላ እያንጎ አዘዘም ዬሩሳሌም ከተመ መራሚት፤ ህከን ቤቸን መ እህም ጎሬ ደግሞበእ። 23 ጠወ እኩጎሬ ኡሱረመላክ ኦርሸት አልታኦገ ከተማን ጉዕማንን ጠላሉ እያኑ ኩሎኤ እቅ። 24 እኩጎሬ እን ቀርቹ ኢሲች ቶጎም ሆጉተ ሹሎተ አላ ገይኤ ፎሊሃ አመዛሞበእ፤ እሰን መገን አስቱተ ተሸት ላገተ ኩሎሃን። 25 «ህትን ከበሬ አሎተ አላ ክዕኔ ጉዕምክዕኔ በላን ፈንቀላመን መገን ምምንትኦኔሃ ተማርሳንክዕኔ፤ ከኒች ኤተሮን ክዕኔ በለች እዩሁ ለእኖበአገ ደጋም። 26 ህካን እኩቤቸሃ ክዕኔ በለች መቱ መንቹ በዕዮ እቃ ሩበት እህንክዕኔበአገ ኩላንክዕኔ። 27 መሰንትሰ መገን ሰዉት ጉዕመንከ ኩሎንክዕኔ ቤሉ ኩሉዕን ፌሾሞርቹ መቱርቸሁ ዮበእ። 28 መገኑ ገይሰ ቤት ቂጊን ዎዞህዕኔ አመዕናኖ ጭምት አገርቶናተ ጠላላ እያንጎ ክዕኔተ ዜማንቹ እዕይ መጠርህዕኔ መገን ሆለ ዜሜሃለክ ገይሃክዕኔ አገዕርዬ። 29 እን ኦርዕዮሚች ኤተሮን መገን ሆለ ዜሜሃ አመዛኩ ሆለገ ጎደበ ጠረኝኑት ሂሉ መኑ አሜት ክዕኔ በለ ኣጋገ ደጋም። 30 ህትን መት-መቱ መኑ ክዕኔ ገይክዕኔ በለች ኬኦ ሉሲሰኖ ትምርት ተማርሰተን ልግብ አመዕናኑተ እሰ አይ ፈንቀሽታ። 31 ህካን እኩቤቸሃ እን ጉዕማንከ መኒሃ ሀንከዕርተለክ በራሃ እንጅጃተ ዱኒን ሰሱ ዘማን ሸዣንክዕኔገ ቃኒን አገዕርዬ። 32 «ህትን ቲሁ መገኒሃለክ ጉዕመንከ ጠላላኖ በላን ጠረኝሰኖህዕኔ መገን ርሰተ ኣሶተ አታለኖ እሰቶ ላጋተ ኤገተ ኣሰዮንክዕኔ። 33 እን እዬ ብረ ሀከረንገ ዋርቀ ሀከረንገ ኦድኑተ ሃዕላቸምበእ። 34 ኤሳሃለክ ኢን ሜጡብ ዮህኦተ ሀሰሰኖርቹ እንጋንከኤ እኒን ደግለሎምገ እዕኑ ገዉንኩክዕኔ ደገኑንተ። 35 ላኦኖህኒች በትሽ ኣሰኖሁ ማሰአምእሃን» ዬ ገይሰ ቀርቹ ኢሰ ላገተ ቃጊን እንጋንከኔ እዕኑን ሆጎህኦተ ደግለሉ ሀሰሰኖ እሁሰ ልግብያ ዋቄን ለሊሾንክዕኔ» ዬሰ። 36 ጳውሎስ ህካን ጠወዕዮች ኤተሮን ጉዕሚንከስ ጉሉጽ ዱኦ እዕዮ። 37 እሰ ጉዕመንኩሰ ኦኦን ጳውሎሴ ህንቀፍ ሰንቅቶኡ። 38 በትሰ አበ ሻዞ መሰት «ከኒች ኤተሮን ለንኪሃ አልኤ ለኦኖተ ሆሮን አታልቲነንተበእ» ዬሰቤቸሃት እቅ፤ እሰን መርከቡ ዮ ቤቹ አሎተ አላ ሀርሲሶሰ።

21 አሳች መለዕለሞሚች ኤተሮን መርከባን ኣንግ ጌጥይን «ቆስ» ዬኖ ባዱ መርኖም፤ ህትን ለንክሰ በር ዊን ረበንቶ «ሩደ» ኢልናም፤ ህከንቤቸች ኬዕን «ጳጥራ» ዬኖ ከተመ መርኖም። 2 ህከን ቤቸን ፍንቄ ባዱ ኦርኦኖ መርከበ ደኒን እሴን ኣንግ መርኖም። 3 ዊን ረበንቶ «ቆጽርሰ» ዬኖ ኡለተ ለእን ጉረ አዲን አጉርን ሶርይ ባዱ መርን «ጥርሰ» ዬኖ ከተመ ኢልናም፤ ሁኩ ቤቹ መርከቢች ኦድተ ድሪሴኖሃ ቤቹ እቅ። 4 ህከን ቤቸን አመዕናኑተ ሀንሰ ደንጎም ወክት እሰቤቸን ለመለ በር ዱንክናም፤

እሳንከ ጠሊሉ እያኑ ለሊሻንሰ «ጳውሎስ! ዩሩሳሌም ከተመ መርቶት» ይት ኩልቶሰ። 5 እኩገሬ ነኩ ህከን ቤቸን አገርናም ወክቱ ጎፋን ሃምተ ኬዕናም፤ እሰ ጉዕሙንኩስ ሜንቲንከሰለክ እላንተስ ሜጡስ ከተሚች አብል ኢሎተ ኢላ ሀርሲሶኔ፤ ባር መዳን ጉሉጵን ዱኦ አዕናሚች ኤተሮን «ወገሬት ሄዕዬ» ይን አደ እንኩም። 6 ህከኒች ኤተሮን ነኩ መርከባን አንጎም፤ ህትን እሰን ምንሰ ፈንቀልት መርቶኡ። 7 ነኩ ጢሮሲች ኬዕን «ጴጤሌማይስ» ዬዮ ከተመ ኢልናም፤ ህከን ቤቸን አመዕናን ደቀም ወገሬትጨቀሞሚች ኤተሮን እሳን መቱ በር አገርናም። 8 ለንክሰ በር እሳች መለዕለሞሚች ኤተሮን ቁሳር ከተመ ኢልናም፤ ህከኔን መጠረንቶ ለመላ ዳቆናች «ፍልጶሴ» ዬዮ መንች ምኒ ነግሶ እሰን ሜጡስ አፋዕልናም፤ ፍልጶስን መገን ላገተ ተማርሰና እቅ። 9 እሰንከ ራገ ጠወኦ ሾልት ሀፍታትን ሄኦስ እቅ። 10 ህከን ቤቸን ልግብ በር አፋዕልናሚች ኤተሮን «እጋቦሴ» ዬዮ ነብዬቹ ይሁድ ባዲች አሜቸ። 11 ሁኩ ነብዬቹ ጊቤቹ አሜች ጳውሎሴ ኢቲተ ኦኦ ገይስ ሎከተለክ ገይስ እንገተ ኡሱር «ጠሊሉ እያኑ ከን ኢቶ መንቹ ዩሩሳሌማን ዮ አይሁዱ ህት ኡሱርት አይሁድ እህበ መን አንጋን ሀግስ ኦታኦ» ዮኖት። ዬኦ። 12 ህከ ጠወ ሞጮጭናም ወክት ነኩለክ ህከኔ ሄኦ መኑሁ ጳውሎሴ «ዩሩሳሌመ መርቶት» ይን ኡጭናም። 13 እኩገሬ ጳውሎሴ «ህት ኦኤንን ኢ ቀልብ ሚ ዶርቲንገታት? አን ቀርቻ ኢስተኔሃ ዩሩሳሌማን ኡሱርመ እሁዕነ ሪሆታ ቅጥ ይዮም» ይ ፈንቀሼኦ። 14 ጳውሎሴ ሸዘነኔ ቶጉ ግቦ ወክት «ቀርቹ ዩኢሁ እሁን» ይን አጉርናም። 15 ህከኒች ኤተሮን ነኩ ኦዳኔ ቅጥ እዕን ዩሩሳሌመ መርናም። 16 ህትን ቁሳር ከተማን ዮ አመዕናት መት-መቱ ኒን ሜጡስ እክ አሜቶኡ፤ እሰን ምናሶኔ ምኔን ፎሎጭናተ እሰ ምኒ መሰቶኔ፤ ሁኩ መንቹ ዊ በላን ዮ «ቆጵሮስ» ዬዮ ባዲን ዱንክዮእሃ አመዕናንቹ እቅ። 17 ነኩ ዩሩሳሌመ ኢልናም ወክት አመዕናት መንዲኖን ቶጉኔ። 18 ለንክሰ በር ጳውሎሴ ኒን ሜጡስ እክ ያቁብቤቹ መርናም ወክት ጉዕሙንኩ ጭምት ምኒ ባልቁ ህከኔ ሄኦ እቅ። 19 ጳውሎሴ እሰንተ ወገሬትሾች ኤተሮን መገኑ አይሁድ እህበ መን በላን እሰ ክድማን አዕዮሃ መት-መቱን ኩሎሰ። 20 እሰን ህከን ሞጮጭት መገኑ ገለትጭት «ኒ አመቤቶ ጳውሎሴ! አመዕንቶ ልግቡ ኩሜ መኑ አይሁድ በላን ሄኦስለክ ጉዕሙንኩስ ሕገሃ አዘዘንታኢሃ እሁስ አትን ደጋንት። 21 እሰን አት ላይሁድ እህበ መን በላን ሄኦ አይሁዱ ጉዕሚንከ እለሰ ጡርከንትበገለክ ሴረ አገርትበገ ተማርሰተን ሙስ ሕገ ሻርታገ አታንቲት» ዬዮ ጠወ ሞጮጭቶኡ። 22 ህከረ መ እዕት? እሰ አት አሜቱክ ሀንቅንክ ሞጮጭታኦ። 23 ህከን እኩቤቼሃ ነኩ ደናሚሃ እኔ፤ ኒ በላን ሁንዱር ኦጎ ሾሉ መኑ ዮኡ። 24 ከ መን እኦት መርት እሳንን መገን ብሬን ገወክ ነጠ እኔ፤ እሰን ነጠ እኩተ ብረ አት ባትሰ፤ ህከኒች ኤተሮን ሙሞስ ሜዳኢ፤ ህከን አቶንገሬ ከተኔሃ ጠወኦም ጠወ ክዘብ እሁሰለክ አት ገወክ ሕገ አገርተን ሄኦንገብ ጉዕሙንኩስ ደጋኡ። 25 እኩገሬ አይሁድ እህበ መን አዲች አመዕንቶኦ ክትም ክትንታን ንጂሾ እቸተ አታንትበእገ፤ ቄጉ አጋንትበእገ፤ ለንገኦ ሬዮ ለል ማላ እትበገለክ ዝነተ እትበገ አገዕርቶተ ኢተቀምም ጠወሃ ደብዳቤን ከተንቦክዕኔ» ይቶሰ። 26 ህከኒች ኤተሮን

ጳውሎስ ለንክ በር ህከ መን ኦኦ እሳንን ሜጡስ ነጠ እኩ፤ እሰን ሁኩ መኑ ሄንኩ በሩ ኢሎተ ኢላ ነጠ እክ አገርታገሬ ህትን ገገወስ ኦታ ሰደቀተ መ ወክት ኦታገሬ ኤንኬዕንሶተ ዱኦ ምኒ ኦጎ። 27 ለመሉ በሩ ጎሬተ ኦከን እሰይ ባዲች አሜቶኦ አይሁዱ ጳውሎሴ መገን ምኔን ለኦ ኡመት ጉዕመንከ እድመተ እት አፎሰ። 28 እሰን «እስራኤል መነ! ሀዕልዬኔ! ከለዕዬ ኩ መንቹ ኡመትኔ፤ ሕገኤለክ ዱኦ ምኒ ጥቅሽ ጉዕመንከ ቤቹ መረን ኡመት ተማርሰናሃን፤ ሁኩን ሆፊዕያንስ ግሪክ ባድ መን ዱኦ ምኒ ኦግሽ ፈዮ እኩቤቹ ንጂሰሾኦሃን» ይት ያርቶኡ። 29 እሰን ህከን ይቶኢሁ ሄጭት ጳውሎሴ ኤፌሶን ከተም ጥርፊሞሴንን ሜጡስ እክ ዩሩሳሌም ከተማን ዮኢሃ ለኦስቤቼሃ እሱ ዱኦ ምኒ እፍ ኦጎሃ አጉጃሰቤቼሃት እቅ። 30 ከተሙስ ጉዕሙንኩ ሌንቁቄኦ፤ ህትን መኑ ጉዕሙንኩ ሜጡስ እክ ደጉድን አሜት ጳውሎሴ ኦኦት ጎሾሽተን ዱኦ ምኒቶ አብል ፋሽቶሰ፤ ህከ ወክትንከ ዱኦ ምኒ ኡሩት ጡፈንቶኡ። 31 ህትን እሰ ጳውሎሴ ሽቶተ ሀሶ ወክት ሮም ባድ በገዝ ሀለቂሃ «ዩሩሳሌም ከተሙ ጉዕሙንኩ ጨነቀንቶኡ» ዬዮ ዱዱቡ ሞጮጪም። 32 እሰን ህከ ወክት ወታደረለክ ጥቤ ሀለቀ ኦኦ ደጉድን መንቤቹ ኢሌኦ፤ ሁኩ ጳውሎሴ ኦልታኦር በገዝ ሀለቀለክ ወታደረ ለኦ ወክት ዋቀሩ አጉርቶኡ። 33 ህከ ወክትንከ ሀለቁ ኢል ኬዕይ ጳውሎሴ አፍሲሽ ለሞ ሰንሰለቲን ኡሱራኖን አዘዢ «ኩ መንቹ እዬት? ህትን መርቹሃን አዕዮሃ» ይ ጠዕሜኦ። 34 መነች ደሩስ መቱርቹ ደሩስ ህትን ዋሉርቹ ይተን ጨንጭቶቤቼሃ በገዝ ሀለቁ ሀንቅ እኩ ጠወ ደጎተ አታሉ ሆጎ ወክት ጳውሎሴ ወታደር ቀለተ መሰታገ አዘዢ። 35 ህከቤቹንከ መሴንን ጳውሎሴ አል ፋሌና ቤቹ ኢሌ ወክት ኡመቱ አበ ኡመዕር እሰ አሌን አደገ ኢልሶተ ሀሶጎ ደግ ወታደሩ እሱ እጅት መሰቶሰ። 36 ሁኩ ልግቡ ኡመቱ «ሽዬ» ይተን ጨንጭተን ዘክሳሲት እቅ። 37 ጳውሎሴ ወታደሩ ገልታቤቹ ኦግሶተ ሆንጠኩ ወክት ጳውሎሴ በገዝ ሀለቁ «እን መቱርቹ ኩሎሄተ ፈቀደዕኔንዶ?» ዬኦ፤ ሁኩ በገዝ ሀለቁ «ግሪክ ባድ እድሃ ደገንንዶ? 38 ግደኖ በሬን ብተተ ኬስለክ ሾሎ ኩሚ ሽብር ኬሶረ ኦኦት ኡሉ ኡድመ ሁንቶንቲ ግብጽ ባድ መንቹ አቲበእንዶ?» ዬሰ። 39 ጳውሎሴ በገዝ ሀለቁ «ከልቅዬ» ዬዮ ባዲን ኤንኬዕንንቶ ጠርሰስ ከተማን አለሞምዮ አይሁድቹ፤ ሀዕይ ኡመቲሃ ጠወኦተ ወክት ኦሴኤ» ይ ኡጩሰ። 40 ህትን እሰ ጠወኦተ ወክት ኦስያንስ ጳውሎሴ ጎትዬ ቤቸን ኡር መኑ ሰዕምዮተ አንጋንተስ ቀቀሽ መኑ ጨለ ዬ ወክት አብራዊ መን እፎን መኒሃ ጠወኡ ጀመሮ።

22 ጳውሎስ «እመኤ ኦሱትለክ አናከኤ እን ኦጎንክዕኔ መሰለ ሞጮጭዬ» ዬኦ። 2 እሰን እሰ አብራዊ መን እፎን ጠወኦን ሞጮጭቶ ወክት ወዕኔችን በትስ ጨለ ይቶኡ። 3 እሰን «እን ኪልቅይ ባዲን ዮ ተርሴስ ከተማን አለሞምሃ አይሁድቹ፤ ተማርሚሁ ከን ዩሩሳሌም ከተማንቲ፤ ተማርሴኤሁ ገማልያሌት፤ እሰች አናከኔ ሕገ ጠረኝሽ ተማርሚሁለክ ከበር እዕት ጉዕሙንኩ ደገንተገን መገኒሃ ቡብ ገወኦ እሰ ካደማሚሃ መንቹ እቅ። 4 ኢስ ዋቃሃ አምንታ መን ጉዕመንከ ሪታኢሃ ኢላ ሽረን ጎከለክ ሜንቱ አፈን ኡሱር ምኒ ኦግሾምሃ እቅ። 5 ኩን

ሀንቅ እሁስ ቂስ አምንሳትለክ አይሁድ አገት ባልቀት ጉዕመንኩ እሳሃ ምስክረቱ፤ ደማሰቆ ከተማን የ ህክ መነ እሱር ዩሩሳሌም እጦተለክ ቀጠለሲሶት አታልሲሰኝኤ ደማሰቆን የ አይሁዱሃ ከተቦ ደብዳቤተ ቶሳሚሁ አሳችት። 6 «እንን ደማሰቆ ከተመ መረን እሎተ ሆንጠኮምሀን መቼ በር ለሆ ሰአት ጌሳን ድንገቴን ሰሜች ሎሩ ኑሩ አዳንከኤ በለቆ። 7 ህትን ኡለ ኡብ እሳሃ ሳካሌ! ሳካሌ! ሚሃት ሸርታንቴኤት? ይታ ላገት ሞጭጭም። 8 እንን ልንቀሽ «ቀርቼ አት አዩት?» ይሞ፤ እስን ላት ሸርታንቴኤ ናዝሬት አሳት? ዩኤ። 9 እን ሜጡብ ሄኦኦሩ ኑርስ ለኦ ቤሉ አይ ጠወኦኤት ጎሬ ላገስ ሞጭጭቶበኤ። 10 እንን «ቀርቼ! መ አኡ?» ይሞ፤ ቀርቼንኩ «ከኤ ደማሰቆ ከተመ መር፤ አታንቲሁ ጉዕመንኩ ህክን ቤቸን ኩለመኖሃ ዩኤ። 11 ህክን ኑር በለቆ መሳን ለተ አታሉ ሆንሞቤሃን እን ሜጡብ ሄኦ መኮ አንገኤ አፍ መሰግ ደማሰቆ ከተመ አልሶኤ። 12 «ህክን ከተማን «ሀናንየ» ዩኖ መቼ መንቹ ሄዕየ አቅ፤ ህክ መንቹንክ ደማሰቆ ከተማን ሄኦ አይሁዱ ጉዕመንኩ ገለትጭታሲሁ ሕገ ጡመገ አገረኖለክ እያኑ የሰየ መንቹ አቅ። 13 እስን ኢቤቹ አሜች መዳንከኤ ኡር ላመኤ ቤቶ ሳካሌ! ቴሶ ለኤ» ዩኤ፤ እንን ህክ ወክትንክ ለተ አታሉም። 14 እስን ላናከኔ መገን ሰዉት አት ደገተ። ልየ ለተለክ ላገስ ሞጭጭቶተ ሄኖ መጠሮሃ። 15 እስን ለአንትለክ ሞጭጭቶንት ጠወ ጉዕመንክ መን ብሬን እስተሄሃ ምስክር አኮታት። 16 ህከረ መ አገርታንቲት? ቴሶ ከኤ ሱዕመስ ገለት ጠመቀም፤ ጨብቻክ ነጠ እህ ይ ኩሎኤ። 17 «ህከኒች ኤተርን ህክ ዩሩሳሌመ ልንቀል አሜቸሚች ኤተርን መገን ምን፤ ዱኦ አእን መናመተ ለዕየም። 18 ቀርቼንኩ እሳሃ ለልኤ ላት አተሄሃ ጠወኦንት ጠወሃ እስ ቶጋበኤቤሃ ዩሩሳሌሚች ደዕልት 4ል ዩኤ። 19 እንን ቀርቼ! «ጭምት ምኒ ጉዕመንክ መረን ኪን አመዕኔ መነ ኦላምገለክ ኡሱራምገ እስ ገወንኩሰ ደጋኤ። 20 ከሳሃ ምስክር እክ ሄዕየ እስጥፋናሴ ቄጉስ ዱንቶ ወክት እን ጠዋንከስ አተቀም ሽታ መን መዳን ኡር ኦድኑስ አገራም አቅ» ዩኤ። 21 ቀርቼንኩ «ቂዕራሽ የ አይሁድ እህበ መንቤቹ ሶሃንኬቤሃ ከንቤቼች ከኤ ኦርኤ» ይ ኩሎኤ። ዩኤ። 22 እስ ከ ጠወ ኩሎተ ኢለ ሞጭጭታሲት አቅ፤ እስ ላገስ ጎት አት «ህትናመ መንቹ ፎሊን ሄኤ ሀስሰናሰበኤቤሃ ዱንየ አሊች ከም» ይት ያርቹኤ። 23 ህትን እስን ያርተን ኦድኑስ ኡጅተን ትበ ሰማ ዋሽት ብን አታኢት አቅ። 24 በገዝ ሀለቁንኩ ጳውሎሴ ወታደሩ ገልታቤቹ መስታገ አዘዣ፤ ህትን እስ አሊን መኮ ሚሃ ጨንጨርኖር ደገተ «ኦልቴንን መረመሬ» ዩሰ። 25 ጠወ እኩጎሬ እስ ጠፍሪን ጠረኝስ ኡሱርቶ ወክት ጳውሎሴ መዳንከስ የ ጥቤ ሀለቁቹ «ሮም መንቹ ፍርዱ የበኢሃ ኦልቶኖተ ፈቀደምሀዕነደ?» ዩሰ። 26 ህክ ወክትንክ ጥቤ ሀለቁ ሞጭጭ በገዝ ሀለቁቤቹ መር «መ አቶታት? ኩ መንቹ ሮማውቹሃ» ዩኤ። 27 ሁኩ በገዝ ሀለቁንኩ ጳውሎሴቤቹ መር «ህንዳ ኩሎኤ! አት ሮማውቹሃ መንቹንደ?» ይ ጠዕሜሰ፤ እስን «ኤ! እን ሮማውቹሃ መንቹ» ዩኤ። 28 በገዝ ሀለቁንኩ ልንቀሽ «እን ከ ሮማውቹ አሆተ ሀዕራሚሁ አበ ብሪንት» ዩሰ ወክት ጳውሎሴ ህትን «እን አለሞሚሁ ሮማውቹ አክት» ዩሰ። 29 ህካን እኩቤቹሃ ጳውሎሴ

መረመርቶት ቅጥይቶሩ ህክ ወክትንክ እሲች አደ እኩኤ፤ በገዝ ሀለቁንኩ ጳውሎሴ ሮም ባድ መንቹ እሁስ ደን ወክት ኡሱርሲሸሰቤሃን ዋጄኤ። 30 ለንክ በር ገሰመ በገዝ ሀለቁንኩ አይሁዱ ጳውሎሴ ከሰሶ መስት መርቹሃጎሬ ጠወስ ህንቅ ደገተ ሀሽቤቹሃ ቂስ አምንሳትለክ አገት መነ ጉዕመንክ ጭምደታገ አዘዣ፤ እስን ጳውሎሴች ሰንሰለተ ሂር ኡሱር ምኒች ኤቤኖገ ሰዕይ ብሬንከስ ኡርኾ።

23 ህከኒች ኤተርን ጳውሎሴ አይሁድ አገት ባልቀተ ቱክ ይ ለዕይ «እመኤ ኦሶ! ከበሬ ኢሎተ ኢለ ጡመ ቀልቢን ጉዕሚንን መገን ብሬን ሄዕየምሃን» ዩኤ። 2 ህትን ሎሩ ቂስቹ «ሀናንየ» ዩኖሁ ጳውሎሴ መዳን ኡርቶኦረ ጳውሎሴ አፎስ ዋቀርታገ አዘዣ። 3 ህክ ወክትንክ ጳውሎሴ ሀናንየ «አት ለኤኖሄር ጡመ አጉዳንቲሁ ቀልቡክ ሂሉ! ከሳሃ መገኑ ዋቀረሄ፤ ሕገን ልረዶተ አፋዕልት ሕጉ የበኢሃ ዋቀሮኤት አዘዘንደ?» ዩሰ። 4 ህከኔ መዳንከስ ኡርቶኦረ ጳውሎሴ «መገን ሎረ ቂስቹ ቦርርተንንደ?» ይቶሰ። 5 ህትን ጳውሎሴ ልንቀሽ «እመኤ ኦሶ! ሎረ ቂስቹ እሁስ ደገምበኤ አቅ፤ መስንትሰ «ኡመትክ ገሻኖህን አሊን ሂለ ላገተ ጠወኦት» የመም ከተበሞኤ» ዩሰ። 6 ጠወ እኩጎሬ ጳውሎሴ ህክን መንቹ መት-መቱስ ሰዱቃውተ ህትን ምሉስ ልርሳውተ እሁስ ደግ «እመኤ ኦሶ! እን ልርሳውቹሃን፤ እኩኤ ልርሳውቹሃን፤ ቴሶ ፍርድቤቹ ሆንጠኮሚሁ ፊቶኦሩ ፊሆች ከኤገ ተብሳሃ እዕየምቤሃንት» ይ ላገስ ጎት እዕይ አገት ባልቃተ ጠወዕየ። 7 ጳውሎሴ ህካን ጠወዕየ ወክት ልርሳዊለክ ሰዱቃዊ በሳን ብተት ከኤገ አገቱስ ለመ ቤቹ አኮ። 8 ሰዱቃውት «ሬየ መኮ ፊሆች ከኤኖበኤ፤ መላይከንት የበኤ፤ እያኑንኩ የበኤ» ይታኦረ፤ ህትን ልርሳውት «ሁኩን ጉዕመንኩ የኡ» ይት አመዕንታኦረ። 9 ህክ ወክት እበ ጨንጨንቲ አኮ፤ ልርሳዊ አዲች መገን ሕግ አስተማራች ከኤ «ነኡ ከን መንቹን ሂለ ጠወ መቱርቹሃ ደገንምበኤ፤ እያኑ ህከረንገ መላይከት ጠወኦሲሃ እሆኖ?» ይት ኦዶኤ። 10 ብተት በተኦን መርቶ ወክት መኮ ጳውሎሴ ህንፈጣሰበኦገ በገዝ ሀለቁ ዋጅ ወታደረ «መርቱን ጳውሎሴ መነ በሊች ዋልቅሴን ዋታደሩ ገላኖቤቹ ኤቤ» ይ አዘዣ። 11 ለንክስ በር ሀንከዕርተ ቀርቼ ጳውሎሴ መዳን ኡር «ዩሩሳሌም ከተማን ኢተሄሃ መስከርቶንገን ሮም ከተማኒ መስከሩ ሀስሰናቤሃን ዋጅቶት» ዩሰ። 12 ለንክ በሬ ገሰመ አይሁዱ ጭምደት አማዕለንትከኤ «ጳውሎሴ ሸኖተ ኢለ እቸተ እንጉንከ፤ ዋሃ እንጉንከ» ይት ጤሌዕልቶኤ። 13 ህከን አድማን አማዕለንቶኦሩ ሸይልች በተኦኖሃ መነ አቅ። 14 ህትን እስ ቂስ አምንሳናበለክ ባልቀቤቹ መርትከኤ ««ጳውሎሴ ሸኑዕናን መቱርቹሃ እንታምበኤ» ይን ጤሌዕልኖም። 15 ህከኒሃ ቴሶ አዕኑ አገት ባልቃን ሜጡብ አማዕለንቱን መረመርናም ጠወ የኡ ይቱን ጳውሎሴ ኦል ሀለቁ ክዕኔቤቹ ኤቦተ ጠዕምዬ፤ እኩጎሬ ኒኡ ክዕኔቤቹ ኢሉዕነ ሄጭን ሸኖተ ቅጥይኖም» ይት ኩልቶሰ። 16 ጠወ እኩጎሬ ጳውሎሴ አመቤቶ ቤቱ ህክ አማዕለንቱን ጠወ ሞጭጭ ወክት ዋታደሩ ገልታቤቹ መርኬዕይ ጳውሎሴሃ ኩሎሰ። 17 ህትን ጳውሎሴ ጥቤ ሀለቁ መቱ ገኤ «ኩ ጨሉ በገዝ ሀለቁሃ ጠወኦኖ ጠወ የሰቤቹሃ እስቤቹ መስ» ዩሰ። 18 ጥቤ ሀለቁቹንኩ ጨልሰ በገዝ ሀለቁቤቹ አፍ

መር «ኩ ጨሉ ኩለኛ ጠወ ዮሰቤቺሃ ኡሱር ምንን ዮ ጳውሎሴ ኤሳሃ ገእ ከ ጨል ኪቤቹ ኤቦተ ኡጭዮኤ» ይለ። 19 በገዝ ሀላቁንኩ ጨል አንገተ አፍ መድ ዋል «ኩልታንቲኤ ጠወ መርቼሃንን» ይገበለ ዋሽ ጠዕሜስ። 20 ሁኩ ጨሉንኩ «አይሁድ አምገሳኑት ጳውሎሴ ዋዕኔችን ባሳ ጠረኝሰ መረመርቶት ጋቲተ አገትቤቹ ሆንጠህሶተ ኬሳሃ ጠዕምቶተ አተቀንቶኡ። 21 ጠወ እኮሳሬ አት እሳሃ ኤኩ ይቶት፤ መሰንትሰ እሰ ጳውሎሴ ሽቶተ ኢላ አቸተ አታበአገለክ ዋሃ አጋበአገ ጤሌዕልት ሽይልች በተአ መኑ ማጠንት አገርታኢት፤ ቴሱ እሰ አገርታኢሁ ጠለዕል ኪ መሰለህት» ይለ። 22 በገዝ ሀላቁንኩ ህከ ጨል «ከ ጠወ ኤሳሃ ኩሉክ አይሃ ጠወኑት» ይጨል ህርሲሾ። 23 ህከኒች ኤተሮን ኦል ሀላቁንኩ ጥቤ ሀለቃች ለሙ ገእ «ሆንከዕሬ ሰሶ ሳቴን ቂሳር ከተመ መርታ ለሜ ጥቤ ዋታደረ፤ ለመላዩ 4 ሻንቹለክ ለሜ ጥቤ በገዝ መነ ቅጥአዕዬ። 24 ህትን ጳውሎስ ቆጳዩ ገማመ ቅጥ አቴን ባዱ ገሸኖ ፍልክሴበ ወገሬቲን ኢልሳሰገ አዕዬ» ይአዘዣ። 25 ህትን እሰን «ቀላዶስ ሉስዩሰች፤ አበ ከበጀንቶንት ባዱ ገሽታንት ፊልክሴ! ወገሬቱ ኬሳሃ እሁን! 27 ከ መንቹ አይሁዱ አፍ ሽቶተ እከንን እሰ ሮማውቹ አሁሰ ደገሞቤቺሃ ዋታደርንከኤ መር ኢል ጡምሾንሰ። 28 ህትን እሰን እሱ መ መሳን ከሰሳሰገሬ ደገተ አገትሰቤቹ ሆንጠህሾም አቅ። 29 እሰን እሱ ከሰሳኢሁ ገይሰ ሕግተኔሃ እሁሰ ደገም፤ ጠወ እኮሳሬ ሬሆተ ህከረንገ ኡሱረሚሃ ኢልሰኖ ጠወ መቱርቼህ ዮበእ። 30 አይሁዱ ከ መንቹ ሽቶተ አድመተ አት አማዕለንቶን ህከ ወክትንከ ሞጮጭ ኪቤቹ ሶኮም፤ ኦደን ሄኦ መኑንኩ ኪ ብሬን ኡዳገ አዘዣም» ይሶኩ። 31 ህከን እኮቤቺሃ ዋታደሩ አዘዘንቶ ሃሌን ጳውሎሴ አፍ ሆንከዕሬን መሰት «እንቲጳጥርሰ» ይኖ ከተመ ኢልሶኡ። 32 ለንክ በሬ ገሰማ ጳውሎሴ 4ርሱተ ቆጳ መኒን ሜጡበ መረኖገ አት ወታደሩ አጉርት ገልታቤቹ ፈንቀልቶኡ። 33 ሁኩ 4ርሱተ ቆጳ መኑንኩ ቂሳር ከተመ ኢልሶ ወክት ደብዳቤተ ባዱ ገሸኖህኒሃ አት ጳውሎሴ ብሬንከሰ ኡርሶኡ። 34 ባዱ ገሸኖንኩ ደብዳቤተ አነበቦች ኤተሮን ጳውሎሴ «አት ህከን ባድየ?» ይጠዕሜስ፤ ኪልቅይ ባድ መንቹ እሁሰ ደገ ወክት 35 «ከሰሳሃሩ አሜቶ ወክት ጠወክ ሞጮጫም» ይሰ፤ ህትን ሄርድሰ ግንብሲሾ ዋም ግቤ ኣዜን አገርታሰገ አዕዮ።

24 ኦንቶ በሬች ኤተሮን ሎሩ ቂሳቹ ሀርንይ መት-መቶ ባልቃንለክ «ጠርጠሉሴ» ይኖ ጠበቂን ሜጡበ ቂሳር ከተመ ኦርዕዮ፤ እሰ ጳውሎሴ ጠወ ባዱ ገሸኖ ፊልክሴ ብርተ ሆንጠህሰ ከሰሶኡ። 2 ህትን ጳውሎሴ ገኤን ኤቤመ ወክት ጠበቅቹ ጠርጠሉ «ከበጀንቶንት ፊልክሴ! ኪ መሳን ልግብ ወገሬት ደእኖም፤ ጡመገ ገሸንተክ ገይሃኔ ሃዕሮ ጡመርቹ ደእኖም፤ ጡመ ሆንክ ጉዕመ ወክት ቶንጋሚሁ አበ ገለትኒት። 4 ጠወ እኮሳሬ ወክትክ ቤሱዕናን ገበንቸን ኩላንኬ ጠወ መረርሲጭት ሞጮጭቶተ ኡጫንኬ። 5 ኩ መንቹ ኔሳሃ ሂለ ጥዘነተ አክ ዱንዮ እሌን ጉዕማንን ዮ አይሁድ በላን ብተተ ኬሰን ሩዝሬውያኑት ይኖ ክዘብ ትምርት አምገሳኖች መቲሰ እሁሰ ደገንም። 6 እሰን ዱእ ምኒ ንጂሲሶት ሰውየን ደገግ አንፍ [ሕንጻ ሃሊን ፈረንዶተ ሆንሶም አቅ። 7 ጠወ

እኮሳሬ በገዝ ሀላቁ ሉስዮስ አሜቶ አንጋችኔ ዋልቅሽ መሴእ። 8 ከሰሳሩ ኪቤቹ አሜቶተ አዘዣን ኩ ነኦ ከሰንሶም ክሱ መርቼሃንሬ አት ገወክ እሱ መረመርት ደገተ አታልታንት» ይለ። 9 አይሁዱ «ኩ ጠወ ጉዕመንኩ ሆንቅሃን» ይት ክሳንከሰ አተቀንቶኡ። 10 ገሻንቹ ፊልክሰ አንገሰ ቀቀሽ ጳውሎስ ጠወአኖ ወክት ኣሴሃንሰ ጳውሎስ «ልግቤ ዘማኒች ኬሽ ከን ኡመት አሌን ፍርድ ዳኝ እሁክ ደገሞቤቺሃ ኤሳሃ ከሰሶኤ ክሲሃ መከለከየ ኪቤቹ ሆንጠህሳም ወክት አበት መንዲኑት ሞጮጪንታኤ። 11 አን ዩሩሰሌመ ሰገዶተ መሮሚች ቶን ለሞ በሬች በተአናበአገ አት ገወንኩክ አጥራመቶተ አታልታንት። 12 እሰን ኤሳሃ መገን ምንን ኦደንለክ ጭምት ምንን ህከረንገ ከተማን ኡመት ጭምእዕይ ብተተ ኬሰን እፎኤበእ። 13 እኮሳሬ እሰ ኤሳሃ ኦደ ጠዋሃ ማሰረጀ ሆንጠህሳሄተ አታልታበኡ። 14 ጠወ እኮሳሬ አን ካን ኩላንኬ፤ እሰ ክዝብየ ይታ አመዕነት ዋቃሃ አናኤ መገኒሃ ሰገዳም፤ ህትን ሕጋንለክ ነብያኖ መጻፉን ከተበሞሃ ጉዕመንከ አመዕናም። 15 እሰ ደያኑተለክ ጨበኛኑት ሬሆች ኬኣእ ይት ተብሳሃ አታገን ኤሳሃ መገኖን ተብሶሁ ዮኤ። 16 ህከን እኮቤቺሃ አን መገንለክ መን ብሬን ነጡ ሰውቱ ሄኦኡተ ጉዕመ ወክት አጸማም። 17 ዩሩሳሌም ከተሚች ፋሎምች ልግብ ዘማን እኮች ኤተሮን ኢ ባድ መኒሃ ሀዕሳም ብረለክ መገኒሃ ኣሰም ብረ አፍ ፈንቀል አሜቶም። 18 አን መገን ምንን ነጡ እሄኖ ሴረ ሹሎሚሃ ለኤኤ ወክት ህከን ቤቸን ኢን ጭምዬ ኡመቱለክ ብተት ዮበእ አቅ። 19 ጠወ እኮሳሬ እሰየ ዩኖ ባዲች አሜቶ አይሁዱ ህከን ቤቸን ሄኦኤ፤ እሰ ኤሳሃ ከሰሳ ጠወ ዮሰሳሬ ኪ ብርተ ሆንጠክ ጠወኡ አታልታኡ። 20 ህከረንገ ኦንት ብርተ ሆንጠኩም ወክት አዕዮንሰ ጠወ ዮ ጎሬ ህንዴ ኩ መኑ ኩልቱን። 21 ሆንቅንከ በላንከሰ ኡር ሎረ ላጋን «ሬቶአሩ ሬሆች ኬኣእ ይጠዕዮምህኒሃ ከበር ብርክዕኔ ሆንጠኩም» ይጠዕዮምቤሉ ዋሉ አዕዮም ጠወ መቱርቼህ ዮበእ። 22 ጠወ እኮሳሬ ፍልክሰ አመዕነት ዋቃሃ ደገኖቤቺሃ «በገዝ ሀላቁ ሉስዮስ አሜቶ ወክት አን ጠወክዕኔ ሹላም» ይዘኝተ ህግሾ። 23 እሰ ጳውሎሴ አገረኖ ጥቤ ሀላቁ «አበ ጨነቀዕነ አመዘን ጡመገ አገርሰ፤ ጂለሰ ሀሰሰኖሰርቹ ኤሳሰ ወክት ከንቶትሰ» ይለ። 24 ቀወ በሬች ኤተሮን ፊልክሰ «ዱሩሲላ» ይኖ አይሁድቹ መንቸንተሰን ሜጡበ እክ አሜቶ፤ እሰ ጳውሎሴ ገእሲሽ መሲህ ኢሳን አመዕነተኔሃ ጠወአንን ሞጮጪኡ። 25 ህትን ጳውሎስ ፈይመተኔሃ፤ ገወ አገዕርተኔሃለክ አሜተኖ ፍርድተኔሃ ኩለኖ ወክት ፍልክሰ ዋጅ «ቴሱተሰ አህኖኤ፤ ቴሱ መር! ሆሾም ወክት ገእሲሳንኬ» ይለ። 26 ህከ ወክት ፍልክሰ ጳውሎሴች ጉቡተ ኣኦተ ተብሳሃ አእኖት አቅ፤ ህከን እኮቤቺሃ ልግብ ወክት ጳውሎሴ እሰቤቹ ገእሲሰን ጠወሲሰኖስ አቅ። 27 እኮሳሬ ለሞ ዘማኒች ኤተሮን ጳርቅዮስ ፊሰጦስ ፍልክሴ ቤቸን ገሸኖሃ እኮ፤ ፍልክሰ አይሁድ መንዲሲሶተ ሆሾቤቺሃ ጳውሎሴ ኡሱር ምንን አጉርሰ።

25 ፊሰጦስ ገይሰ አወራጃ አሜቶ ሰሶ በሬች ኤተሮን ቂሳርይ ከተሚች ዩሩሳሌመ ኦርዕዮ። 2 ህከን ቤቸን ፊሰጦሴ ብሬን ቂሰ ሀላቅተለክ አይሁድ ምኒ ሎርሎሩ አምገሳኑት ጳውሎሴ ከሰሳ ጠወ ሆንጠህሶኡ። 3 እሰን ፍሰጦስ ጳውሎሴ ዩሩሳሌመ ፈንቀሾተ ኡጭቶኡ፤ ህከን ይቶ መሰት

ዎቃን አገርት ሸቶተ ሀሰቤቸሃት። 4 ፍሰጦሰን «ጳውሎስ ቂሳርያ ኡሱር ምኒን ዮኤ፤ እን ገዉእ ህከ ቤቹ ፈንቀል ደዕል መራም። 5 ሹመክዕኔ ኢን ሜጡብ ቂሳርያ መርቱን፤ ጳውሎስ አዕዮ ሂላርቹ ዮሰጎሬ ህከን ቤቹን ከሰሱን» ይሉ። 6 ፊሰጦሰ ህዜቱ ህከረንገ ቶኑ በሩ ኢሎተ ኢለ አሰቤቹን አገሮች ኤተሮን ቂሳርያ ባዱ ኦሮዕዮ፤ ህከ ቤቹ ኢሌ ለንክ በር ፍርድ ቦርጭማን አፋዕል ጳውሎስ ሆንጠህሳገ አዘዙ። 7 ህትን ጳውሎስ ርም ባድ ዋመ ሀለቅቤቹ ሆንጠህሴመ ወክት ዬሩሳሌሚች አሜቶ አይሁዱ ረብ ኡርት ምስክር ደንተ አታልትብ ልግብ ጠረኝ ክስ ሆንጠህሶኡ። 8 ጳውሎስን «እን አይሁድ ሕጋን፤ መገን ምንነለክ ርም ዋመ አሌን አዕዮም ሂላ ጠዉ መቱርቹህ ዮኤበኤ» ይ ጠዕሜኡ። 9 እኮጎሬ ፊሰጦሰ አይሁድ መን መንገዲሲሱተ ሀሽ ጳውሎስ «ዬሩሳሌመ መርት ከ ጠዉ ኢ ብሬን ፍርድ አለቶተ ሀሰንንዶ?» ይ ጠዕሜሰ። 10 ጳውሎስ «እን ፍርድ አለተ ሀሰሰናኤሃ ርም ዋመ ሀለቅ አሌን ፍርድ ቦርጭመ ብሬን ኡርዮም፤ እኮጎሬ አት ገዉክ ጡመገ ደጋንትን አይሁዲሃ አዕዮም ሂላርቹ መቱርቹህ ዮበኤ። 11 ህትን እን ቤሾም ጠዉ ዮ ጎሬ ህከረንገ ሬሆተ ኢልሰናኤ ብድል አዕዮምጎሬ ሬሆች ጡዋ ያምበኤ፤ ጠዉ እኮጎሬ አስ ከሰሳኤ ጠዉ ክዘብ እኮጎሬ አደሁ ኤሳሃ ህግሽ ኦሶኤተ አታለናበኤ፤ ርም ባድ ዋም አሌን ይግባኝ ይዮም» ይሉ። 12 ህከ ወክት ፊሰጦሰ አስ አማሌ መን አማዕለም «አት ርም ባድ ዋም አሌን ይግባኝ ይቶትን ጎሬ ህከ ርም ዋምቤቹንከ መርታንት» ይሉ። 13 ቀዋ በሬች ኤተሮን ዋሙ አግርጽለክ በርኒቄ ፍሰጦሴ «ሀበይ ወገሬቲን አሜት» ይቶተ ቂሳርያ መርቶኤ። 14 አሰን ህከን ቤቹን ልግብ በር አፋዕልቶቤቹሃ ፍሰጦሰ ጳውሎስ ጠዉ ዋመ አግርጸሃ ኩለን «ፍልክስ ኡሱርሲሾ መቱ መንቹ ኡሱር ምኒን ዮኤ። 15 ህትን እን ዬሩሳሌመ ሄዕዮም ወክት ቂስ ሀለቀትለክ አይሁድ ባልቁ አስተኔሃ ኩልቶች ኤተሮን አሌንከስ ፈረዶተ ጠዕምቶኤ። 16 ጠዉ እኮጎሬ እን ከሰሳም መንቹ ከሰሾ መን ብሬን ኡር ከሰሰም ጠዉሃ መከሳከይ መሰሉ አስመዕነ ከሰሰም መንቹ ሆጎሰን ኦሶ ርም ባድ መኒሃ ሴረበኤ» ይ ፈንቀሹም። 17 ህከን አኮቤቹሃ ከሰሶ መኑ ጭምይት ከቤቹ አሜቶ ወክት እን አገሩዕነ ለንክ በር ፍርድ ቦርጭመ አሌን ፈረዶተ አፋዕል ጳውሎስ ሆንጠህሳገ አዘዙም። 18 ሁኩ ከሰሰሩ መዳስ ኡርቶ ወክት እን ኩ መንቹ ቤሾ ይ ሰውዬም ጌሰ አሱ ክሲሃ ኢልሰኖ ጠዉ መቱርቹሃ ሆንጠህሶበኤ። 19 ጠዉ እኮጎሬ አስ አሲን ኦደን ሄኔ ጠዉ ገይሰ አመዕነትሰተኔሃለክ እኮጎሬ ሬዮ እቅ ጳውሎስ «ፎልን ዮኤ» ይ አስተኔሃት። 20 ህትናሙ ጠዉ አጥራመች ደጉ ኤሳሃ ኦርሾኤቤቹሃ ጳውሎስ «ዬሩሳሌመ መርት ህከን ቤቹን ፍርድክ ለኦዮተ ሀሰንንዶ?» ይ ጠዕሜሰ። 21 እኮጎሬ ጳውሎስ ኦደን ሄዕዮ ጠዉ ርም ባድ ዋምን ለአሞተ ሀሽ ርም ባድ ዋሚሃ ይግባኝ ዮንከስ ህከጸ ሲሆሰተ ኢለ ኡሱር ምኒን አገረኛገ አዘዙም» ይሉ። 22 ህትን አግርጽ «እን ገዉእ ኩ መንቹ ኩለን ሞጮጮተ ሀሳም» ይ ወክት ፍሰጦሰ «ጋተ ሞጮጭታንት» ይሉ። 23 ለንክ በር ገሰመ አግርጽለክ ቤርኒቄ ኬዕምች ኦድኑተ ኦደእ በገዝ ሀለቃኖንለክ ከተም ሎርሎረ መን ሜጡብ አክ ፍርድ ምኒ አጎኤ፤ ህከኒች ኤተሮን ፍሰጦሰ ጳውሎስ ገእሲሽ

አሜተኛገ አዕዮ። 24 ፍሰጦሰን «ዋመ አግርጸ! አዕኑ ኒን ከንቤቹን ሜጡብ ዮንተ መኑ ጉዕመንኩ! አይሁዱ «ኩ መንቹ ከኒች ኤተሮን ፎሊን ሄኤ ሀሰሰናሰበኤ» ይተን አሌስ ፈረዶተ ዬሩሳሌማንለክ ከኔ ቂሳርያን ኤሳሃ ጠዕምቶ መንቹ ከኒት። 25 እን ጳውሎስ አሌን ሬሆተ ኢልሰኖ ጠዉ ደጎምበኤ፤ እኮጎሬ አስ ገዉስ «ርም ዋመ አለቂሃ ይግባኝ» ይቤቹሃ ሲሆተ ወሰቹም። 26 አሁን ቤሉ አስተኔሃ ዋሚሃኤ ከተባም አጥራመችም ጠዉ ዮበኤ፤ ህከን አኮቤቹሃ መረመረሞች ኤተሮን ከተባም ጠዉ ደኤም ጎሬ ይ ብሬንከክዕኔ በትሽን ዋመ አግርጸ! ብርክ ሆንጠህሾም። 27 መሰንትሰ ኡሱረም መንቹ ዋመ ሀለቅቤቹ ሶሄኖ ወክት መንቹስ ኦደም ጠዉ ከተቤን ኤንኬዕንሱ ሆጉሰ ገውመተ አጎጅ ለልዮኤ» ይሉ።

26 ዋሙ አግርጽ ጳውሎስ «ገይክ ጠዉ ጠዉኦተ ወክቱ አሰሞሄ» ይሰ፤ ህከን አኮቤቹሃ ጳውሎስ አንገስ ሂር 2 «ዋመ አግርጸ! አይሁዱ ከሰሶኤ ጠዉ ጉዕሚንክ ከበር ኪ ብሬን መሰለ ኣሳም ወክት አበ ተሽ ዮኤ። 3 መሰንትሰ አት አደደ አይሁድ ወገለክ ኦደስ ጉዕመንክ አጥራመት ደጋንት፤ ህከን አኮቤቹሃ ኢ ጠዉ አደቢን ሞጮጭታንቲኤን ኡጫንኬ። 4 «ኦስማችኤ ኬሽ ሀት እክ ሄዕዮምጎሬ አይሁዱ ጉዕመንኩ ደጋኤ፤ ወዕኔች ኬሽ ገይኤ ኡመት በላንለክ ዬሩሳሌማን ሀት እክ ሄዕዮምጎሬ ሄኤኤ ደጋኤ። 5 ህትን አስ ኢ ጠዉ ኩልቶተ ሀሰ ጎሬ አመዕነትንከኔ ዋገ አገሪን አበ ጠረኝ እኮ ፈርሳቂ አዲሃ አሁኤ ወዕኔችን ኬስ ደጋኤ። 6 እን ቲሁ ከኔ አሌንከኤ ፈረደሞኤተ ኡርሚሁ መገኑ ኒ አበናሩተ ኦሶ ላገ ተብሴሃት። 7 ህከ ተብሳሃ ደኢሃ አስራኤል ቶነ ለመንኩ ደብኤ ሀንከዕርተለክ በራሃ መገኒሃ ጠረኝት ሰገዳኢት እቅ፤ ዋመ አግርጸ! አይሁዱ ኤሳሃ ከሰሳኤሁ ከን መሳኒት። 8 መገኑ ሬዮ መን ሬሆች ኬሰኖ አሁስ ክዕኔሃ ሀት አመዕነቱ ሆፈዕዮህዕኔ? 9 «እን ገዉእ ናዘሬት ኢስ ሱዕመ አታሎም ጌሰን ቶጉ ግቡ ጡመሃን ይ ሰውያም እቅ። 10 እን ዬሩሳሌማን አዕዮሚሁ ከኒት፤ አሰን ቂስ ሀለቃች ቶሳም ዳቼማን አመዕንቶ ወገሬት መን ኡሱር ምኒ ኣግሾም፤ ህትን አሰንተ ሽተን ሽታሁኤን ሜጡብ አማዕለሞም። 11 እን ልግብ ወክት ጉዕመንክ ጭምት ምኒ መረን ኦሌኖሰገለክ ቀርች ሱዕመ ቦርርታገ አዕዮም፤ ህትን አስ አሌን ኡመዕር ዋሎ ባድ ከተመ ኢሎተ ኢለ መረን ሽራጎሳት እቅ።» 12 ህከን አኮቤቹሃ «እን ቂስ ሀለቃች ዊመ ሹምነቱለክ ትዛዝ ቶግ ደማስቆ ከተመ ኦሮዕዮም። 13 ዋሙ! እን ዎቃን ሃመን ዙር ሰኣት እኮ ወክቱን አር ኑሪች በተአኖ ኑር ለዕዮም፤ ሁኩ ኑሩንኩ ኢለ ኢን ሜጡብ ሃመን ሄዕዮ መን መዳን ሰሜች በለቆ። 14 ነኡ ጉዕመንኩኔ ኡለ አሌን ኡንብ አብራዊ መን አፎን ሳኦሌ! ሳኦሌ! ሚሃ ሽርታንቲኤት? ቦረተ አቡሬኖ ሱጡ ብረቲን ቀሴንን ጌጥ ይት ሃንትበጎር ምርተኣንት» ይታ ላገተ ሞጮጮም። 15 እኒን «ቀርቹ! አት አይት?» ይም፤ ህትን ቀርቹንኩ «አን አት ሽርታንቲኤ ኣሳት። 16 እኮጎሬ ቲሱ ኬእ ሎካንከክ ኡር፤ እን ኬሳሃ ለሌንኬሁ ካዲንቹ እኮተ ህትን ለኣንት ጠዉሃለክ ብርተ ዋሽት ለኣንት ጠዉሃ ምስክር እኮተ ሾሞሄታት። 17 እን አይሁድ ኡመት አንጋችለክ ህትን እን ሶሃንኬ አይሁድ አክበ መን አንጋች ጡሞሳንኬ። 18 አልስ ፈንቶለክ ቱንሰቺች ኑርቤቹ ፋሽቶሰተ ሽይጣን ዋልቃች መገን አደ ፈንቀሽቶሰተ

እንነኩ፤ እሰን ጨቡሰ ፈቁን የመመኖሰ፤ ህትን እን አመዕንት አረ እኮ መን በሊች አሰ ርሰት ቤቀንታኦ፤ ዬሌ፡ 19 «ህካን እኮቤቺሃ ዋመ አግርጸ! ሰሜች እሰንቶኤ መናመተ ቶጉ ግባምበእ፡ 20 ጠዉ እኮጎሬ እን ሄጭ ደማስቆ ከተማን ሄዕዮ መኒሃ፡ ህከኒች ኤተሮን ዬሩሳሌም ከተማንለከ ይሁድ ባዶን ሄእለሩ ጉዕመንኩ ህትን አይሁድ አህቡ መኑ ጨብሰ ቶበት መገን አደ ፈንቀልታገ ተማርሴንሰ፤ ህትን ጨብሰ ቶበት ፈንቀሉሰ ለሊሳ ሆጉት አታገ ተማርሴንሰ፡ 21 ህከን መሳን አይሁድ መኑ ኤሳሃ መገን ምንኑ ሄዕዮምሀንኑ አፍ ሽቶኤተ ሀሶኡ፡ 22 ጠዉ እኮጎሬ ከበሬ አሊ መገን ሀዕለንሹ እች አደ እኮበእ፤ ህካን እኮቤቺሃ እን ሎሪሃለከ ቀዊሃ ተማርሰን ከንቤቸን ዮም፤ ሙሲለከ ነብያከት ሄጭት ህት አህኖ ይቶአሃ ጠወዕዮምሀንቤላ ዋሉ መቱርቸሃ ጠወዕዮምበእ፡ 23 ሁኩ እሰ ጠወኦኢሁ «መሲሁ ኦርሸተ ቶገና፤ ህትን ሬሆች ኬኒን ምኔሃ አክ ጡም ኑር አሰራኤል መኒሃለከ አይሁድ አህቡ መኒሃ ለሊሰና ይተት» ዬሌ፡ 24 ጳውሎስ ህት ጠወአንን ፍሰጦሴ «ጳውሎሴ! ቲዕት በርገሳንት፤ ልግብ ተማሩክ በርገጋሽ አዕዮሄ» ይ ላገሰ ጎት አዕይ ጠወዕዮ፡ 25 ጠዉ እኮጎሬ ጳውሎስ «ከበጀንቶንት ፍሰጦሴ! እን ሀንቅለከ ሀቅቀተ እኮ ጠወ ጠወአሚት ቤሉ በርገሳምበእ፡ 26 እኑ ብሬሰ ለሊሸ ጠወዕዮሚሃ ዋሙ ህከ ጠወ ደገና፤ ሁኩንን ማጠም አሰምባሃ እኮቤቺሃ ዋሙ ደገናገ ተሬገጮም፡ 27 ዋመ አግሪጸ! ነብያት አመዕንታንትበእንደ? እት አመዕንታንትን ደጋም» ይ ፈንቀሹእ፡ 28 አግርጽ ጳውሎሴ «እት ኤሳሃ ቀዋ ጌሳን መሲህ ኢሳን አመዕናምገ አቶኤተ ሰውይቶንት» ዬሌ፡ 29 ህትን ጳውሎስ «ገበንቸ ወክቲን አሁን ቄሪዕር ወክቲን ኬሳሃ ጠለዕል አሁዕነ ከበር ኩላሚሃ ሞጮጨሮሁ ጉዕመንኩ ከን ኤሱረምኤ ቤሉ ዋሎርቸን ጉዕማንን አገ እኮተ ዱኦ አኣም» ዬሌ፡ 30 ህከኒች ኤተሮን ዋሙ፡ ባድ ገሻንቸለከ ቤርኒቅ አሳንን ሜጡብ አፋዕልቶአሩ ጉዕመንኩ ኬኦኡ፡ 31 እሰን ህከንቤቺች ኬኦ መርተን «ኩ መንቸ ሬሆተ ህከረንገ ኤሱረሞተ አልሰናሰ ጠወ መቱርቸሃ አዕዮበእ» የቀንቶኡ፡ 32 ህትን አግርጽ ፍሰጦሴ «ኩ መንቸ ሮም ባድ ዋመ ዋም አሌን ይግላንን ይዮበእቃን ህትን ገፈረመና እቅ» ዬሌ፡

27 ህከኒች ኤተሮን ጣልያን ባዱ መርከቢን መርኖተ ወሰነሞ ወክት እሰ ጳውሎሴለከ ዋሉ መት-መቱ ኤሱረንቶአረ በርግት ሮም ወታደር ኣዜን ሄዕዮ ዩልዮሴ ዬዮ ጥቤ ሀሊቅቺሃ ህግሰ ኣቶሰ፡ 2 እሰይ ባር መዴን ዮ ባዶን ሄዕዮ መርከበት ኡርታ ቤቹ መረኖ እድራሚጥዮን መርከባን ኣንግ መርኖም፤ ተሰሎንቄን ሄእኖ መቄዶን ባድ መንቸ አርሰጥርኮስ ኒን ሜጡብ ሄዕዮ እቅ፡ 3 ነኡ ለንክ በር ሲዶን ከተመ አልኖም፤ ዩልዮስ ጳውሎስ አመዢሰቤቺሃ ጃለሰቤቹ መር አሳች ሀሰሰናርቹ ኤሰተ አዕዮሰ፡ 4 ነኡ ለንክ በር ቦብሩ ጠረኝ ቦብሩሰን ሃሙ ከሞኔቤቺሃ ዊን ረበንቶ «ቆጵሮሰ» ዬዮ ኡላን ቲዕልን ባር አሌን መርከባን ሃሙ ጀመርኖም፡ 5 ክልቅይለከ ጽንፍልየ መዴን ሄዕዮ ባረ ቶልኖሚች ኤተሮን ሊቅየ ባዶን ሄእኖ «ሙራ» ዬዮ ከተመ አልኖም፡ 6 ጥቤ ሀሊቅ ጣልያን ባዱ መረኖ

አለክሰንደሪ ከተም መርከበ ደግ እሶን ኣግሾኑ፡ 7 ነኡ ልግብ በር ሎድ ይን መርከን አበ ኦርሻን ቀኒዶስ ከተም መድ አልኖም፤ ቦብሩ ብርተ ዋልን ሃሙ ከሞኔቤቺሃ «ሰልሞና» ዬዮቤቺን ህንግ ዊን ረበንቶ «ቀርጤስ» ዬዮ ኡላን ማጠም ኦርዕዮም፡ 8 ነኡ አበ ኦርሻን ገበል ገበለ ሃሙን ህንግ «ላሰዮ» ዬዮ ከተም መዴን ሄኦ ጡመተ ዬዮ መርከቡ ኡረኖ ቤቹ አልኖም፡ 9 ዋቄኔ አሌን ልግቡ ወክቱ በዕዮቤቺሃለከ ሶመን በሩ ህጎቤቺሃ ህከን ወክቲን ባር አሌን ሃሙ አበ ኦርሰናቤቺሃ 10 ጳውሎስ «ኮ መነ! ከኒች ኤተሮን ዮኔ ዋቃን አበ ኦርሸት ዮኢሃ አሁሰ ለለኖኤት፤ ሁኩንን ሆገባንለከ መርከባን አልታ ኦርሸተ ጠለዕል አሁዕናን ኒ ገይኔ ነብሳን አቡ ኦርሸት አልቶተ አታልታኦ» ይ ጠረኝሽ ጠወዕዮ፡ 11 ጠዉ እኮጎሬ ጥቤ ሀሊቅቹ ጳውሎስ ጠረኝሽ ጠወዕዮ ጠዊች በትሽ መርከበሰ ኦተአኖህንለከ መርከብሰ እኑ የኖሃ ሞጮጨሮት እቅ፡ 12 ሁኩ መርከቡ ኡረኖ ቤቹ ከርም ህከኔ ህግሲሃ ጡመ አህበቤቺሃ መኒች ልግቡሰ «ሃሚሃ አታልሲሹ ጎሬ ቅልብ ገርብንለከ ከኣጸ ገርብ ኡርን ዮ ፊንቄ ዬዮ ዊን ረበሞ ቀርጤሳን ሄእኖ መርከቡ ኡረኖ ቤቹ አልከ ከርም ህከኔ ህግንሶ» ይት አማልሰ ሆንጠሀሶኡ፡ 13 ከኣጸ ኣዱን ቦብሩ ሎድ ይ ቦብሩሰን ለኦ ወክት እሰ ሰውይቶ ሃሊን አህኖሃ ኣጉጃንሰ መልሕቀ ኬሰ ሃንቶተ ኬኦኡ፤ ሁኩ መርከቡ ኡረኖቤቺች ኬኦ ቀርጤስ ኡለ ለቸን ህጎኦ፡ 14 ጠዉ እኮጎሬ ቀዋ ወክቲች ኤተሮን ቅልቢን ሸርቶ ኤንጉሉሉተ ዬዮ ጠረኙ ቦብሩ ዊን ረበንቶ ኡላች ኬዕይ እሰ ዮ ቤቹ አሜቾ፡ 15 መርከበ ቦብሩ ሀምበሎቤቺሃለከ ቦብረሰ አታሉ ሆንጎምቤቺሃ ጨለ ይን ቦብሩ ሀንበለኔ መርኖም፡ 16 ቀዋ ዊን ረበንቶ ቄዱ ዬዮ ኡለ መዴን ህንግ መርከበ ሀዕላኖ ጀልበ አበ ኦርሻን ኡሱርን ኡርንሶተ አታልኖም፡ 17 መርከብ ኣዜን አታ መኑ ጀልበሰ ኣዜ ኣግሰ መርከበሰ ዋይደን ኡሱርቶኦ፤ ህትን መርከበሰ ሊብየ ባዲች አል ኣዲን ሄእኖ ሱርቲሰ ዬዮ ሽፋሩ ዮቤቸን ኡባበኣገ ዋጅት ሸረ ድሪሰ ቦብሩ ሀምበለን መርቶኡ፡ 18 ኒ አሌን ኤንጉሉሎ ቦብሩ ጠረኝን መርከቢሃ መርከባን ሆጎበንቶ ኦዳተ መት-መቲን ለንክሰ በር ድሪሰ ባር ኣዜን ኡጁ ጀመርቶኡ፡ 19 እሰን ሰቅ በር መርከቢሃ ደግለልታ ኦዳተ ባር ዊ አሌን ኡጅቶኡ፡ 20 ልግብ በር ጠረኙ ቦብሩ ኬዕይ አሩለክ ቤዜተ ለኡ ከሞኔቤቺሃ ጡምናምበእ ይን ተብሳሃ ሙርኖም፡ 21 መኑ አቸተ እቱዕነ ልግብ በር ዱንኬቤቺሃ ጳውሎስ በለሰ ኡር «ኮ መነ! ከኒች ብርተ ሽኩንክዕኔ ሽዘነተ ሞጮጭቴን ዊን ረበንቶ ቀርጤስ ዬዮ ቤቺች ኬኤንታበ እቃን ኩ ኦርሸትለከ በኡ አሊኖህዕኔበእ እቅ፡ 22 ቲሁ መርከቡሰ በእኖ ቤሉ ክዕኔች መትክዕኔ ነብሶሁ በእኖበእ፤ ዋጅቶሮቹ ይ ሸካንክዕኔ፡ 23 መሰንትሰ ህጎ ሀንከዕርተ እን እሲሃ ጠገሞ ሰገዳም መገኑ ሶኮሰ መላይኬቹ መዴንከእ ኡር 24 ጳውሎሴ ዋጅቶት! ሮም ባድ ዋም ብሬን ኡሩ ዮሄ፤ ህትን ከን ሜጡብ እክ ሃንታ መነ ጉዕመንከ መገኑ ከቲኔሃ ይ ሬሆች ጡምሰኖ» ይ ኩሎኡ፡ 25 ህካን እኮቤቺሃ መነ ዋጅቶሮቹ፤ መገኑ ኤሳሃ ኩሎኤቹ ሄእኖገ አመዕናም፡ 26 እኮጎሬ ቦብሩ ሀንበል መት ዊን ረበንቶ ኡለተ መሰኖኔ» ዬሌ፡ 27 ቶን ሾልቅ በሬ ሀንከዕሬን አድርፍ ባር አሌን ቦብሩ ሀምበለን ሀንከዕሬ በላን መርከበ ኦተኣአሩ ኡለተ አልቶአሃ

አገጅሰ። 28 ህዓን እኮቤቴሃ እሰ ህከን ቤቺ ጥዕላሽመተ ዎደሪን ክት ኡሱርት አዝ ዋሽት ብክታ ወክት ህዜታዩ ብኩተ እኩ፤ ህትን ቀወ ወክቲች ኤተሮን ለንኪሃ ብክቶ ወክት ሌሃዉ ብኩተ እኩ። 29 ህዓን እኮቤቴሃ መርከቡ ባር መዴን ዮ ክኖን ዎቀዕርበገ ዋጅት መርከብ ኤተር ኤዲን ሾሉ «ማልሐቀ» ዬኖ ብረት ባር ኣዜን ኡርሶኡ፤ ህከኒች ኤተሮን ኡለት ሶዛገ ዱኣ እቶኡ። 30 መርከበ ኦተኣ መት መርከቢች ፋልት ሁንቶተ ሃዕላት መርከብ ብሬ ኤዲን ዮ «መልሐቀ» ዬኖርቺ ኡጅታኢሃ ኣጉድ መርከብ ኣሌን ሃዕዮ ጀልበ ባር ኣሌን ኡጅቶኡ። 31 ጳውሎስ ህዓን ለዕዮ ወክት ጥቤ ሀለቅቺሃለክ ዎታደሪሃ «ኩ መርከበ ኦተኣእሬ መርከብ ኣዜን ረጀይት ኣፋዕልትባች እዕት ጡምቶኖተ ኣታልቴነትበእ» ዬሰ። 32 ህዓን እኮቤቴሃ ዎታደሪ ጀልበ ኡሱራመ ዎደሪ መርት ባር ኣሌን ሃንታገ እቶኡ። 33 ኡለት ሶዛተ ሆንጠካን ጳውሎስ ጉዕመንኩስ እቸተ እቶተ «እዕት መት-መቱክዕኔ ኣገርቴነን እቸተ እቶትዕን ዱንክቴነታች ከበር ቶነ ሾልቅዮ በር። 34 ህዓን እኮቤቴሃ እዕት እቸተ እቶኖተ ኡጫንክዕኔ፤ እቸት ኣቴነታች ጡምቲነት፤ ክዕኔ ኣሌን መት ኦርሸት ኣካህዕኔበእ» ይ ኡጮሱ። 35 እሰ ህዓን ዬች ኤተሮን ጣቢተ ኣኣ ጉዕምሶ ብሬን ዱኣ ኣዕይ ቢጭ እቱ ጀመሮ። 36 ህከኒች ኤተሮን ጉዕመንኩስ ነሻጥ እቸተ እቶኡ፤ ህትን እሰን ገይሰ ኣንጋን ጣቢተ ኣኣት እቶኡ። 37 መርከብ ኣዜን ሃዕዮምሩ ጉዕመንኩኔ ለም ጥብተ ለመላይኔ ሌሆ መነ እቅ። 38 እሰን እት ዱሶባች ኤተሮን መርከቢሃ ኬዕመኖበእገ ኣለሱ ባራን ቶርቶኡ። 39 እሰን ኡለት ሶዛን ኢልቶ ቤቺ ደንበእ፤ ጠዉ እኮጎሬ ባር መዴን ዮ ሸፋር ኡለተ ለኦኡ፤ ኣታልቶ ኣቃ መርከበ ህከ ቤቺ ሆንጠህሶተ ሰውይቶኡ። 40 ህዓን እኮቤቴሃ እሰ መርከበ ኡርሳ መልሐቅ ዌደሩ መርት ኡጅቶኡ፤ ህትን መርከበስ ጉረለክ መኬ እደ ኣኢሃ ሀዕላኖ ዌደሩ ሃርቶኡ፤ ሸረሰ ኣሌ ዋሽት ኡሱርታን ቦብሩ ብርተ ዋሽ ሃንሲሰን ባራች ገበለ ዋል ሃመኖገ እቶኡ። 41 ጠዉ እኮጎሬ መርከቡ ናረም ሸፋራን ቆዕል ብሬ ኤዲን ኡላን ካስዋቢቴሃ ሌንቄቀበገ እኩ፤ ህትን ኤተር ኤዲን ዊ ሁሉ ኣበ ሀምበላኖቤቴሃ ቢጠሙ ጀመሮ። 42 ኡሱረንቶህኡኡች እዩሁ ባራ ዘከዕይ ፋሽዕበገ ዎታደሪ ሸቶት ኣማዕለንቶኡ። 43 ጠዉ እኮጎሬ ጥቤ ሀለቅቺ ጳውሎሴ ጡምሶተ ሆሽቤቴሃ ሰውትሰ ቶጎበእ፤ ህዓን እኮቤቴሃ ዘከኡ ኣታለኖህ እዩሁ መርከቢች ኮርጅ ድር ዘከዕይ ገበለ ፋለኖገ ኣዘኩ። 44 ፈቆህኡኡች መቱ ጌሱ መርከቢች ቢጠሞህኒን ህከረንገ ዎሎርቶ ኣሌን እክ ፋልቶተ ኣዘዣን ጉዕመንኩስ ወገሬቲን ገበለ ፋልቶኡ።

28 ነኡ ዊን ረበንቶ ኡለቤቹ ወገሬቲን ኣልኖሚች ኤተሮን ሁኩ ኡለት «ማልተ» ዬን ገኤኖሃ ለሁሰ ደንሳም። 2 ህከ ወክት ጤነ ኡባን ቂዘ እኮቤቴሃ ህከን ዊን ረበንቶ ኡላን ሄኣኖ መት ጉዕመንኩ ገረተ ቡሰት ጡመገ ኣት ኮህሶኡ። 3 ጳውሎስ ሁረ ጭምኣዕይ ገራን ዎሮ፤ ህከን ፋራን ኬዕዮ ኣኔን መቱ ዎሪቹ ፋል ጳውሎሴ ኣንገሰ ከር። 4 ማልተ ዬኖ ኡላን ሄኣ መት ዎሪቹ ጳውሎሴ ኣንገተ ከሩስ ለኦ ወክት ገገወንኩሰን «ኩ መንቹ ህንቅንከ መነ ሸዮኣሃን፤ ባራች ወገሬቲን ፋሎጎሬሁ ፍርዲች ጡም ፎሊን ሄኣተ ኣታሎበእ» ዮቀንቶኡ። 5 ጠዉ እኮጎሬ ኣንጋችሰ ዎሪቹ

ግግሽ ገራን ኡጅ ምርተኡዕነ ፈቆ። 6 እሰ «ኣንገላንገን ኣሉሰ ደርሸኖ ህከረንገ ወክትንከሰ ኡብ ሬሆኖ» ይት ኣገርታኢት እቅ፤ ጠዉ እኮጎሬ እሰ ልግብ ወክት ኣገርትኬኣ ምርተኡ ሆጉስ ለኣ ሰውትሰ ዶርት «ኩን መገኑሃን» ይቶኡ። 7 ህከን ሃዕዮም ቤቹን መዴን ዊን ረበም ባዱ ገሸኖ «ፑፕልዮሴ» ዬኖ መንቹሃ ኡለት ሄኣስ እቅ፤ እሰን ምንሰ መሰ ሰሱ በር ጡመገ ኣዕይ ቶንኤ። 8 ህከ ወክት ፑፕልዮሴ እነ ፋረትለክ ጎደበ ኦተዕይ ጥዣንስ ኦሰዕዮ እቅ፤ ህዓን እኮቤቴሃ ጳውሎስ እሰ ምኒ ኦርዕይ ኣንገሰ ኣሌስ ኣዕይ ዱኣ ኣዕያን ፈቆኡ። 9 ሁኩን እኩች ኤተሮን ህከን ዊን ረበንቶ ባዴን ሄኣ መኒች ዎሉ ጥዛናመት ኣሜት ጥዛናችሰ ፈይቶኡ። 10 እሰ ኣሳሃ ልግብ ሸልማት ኤሶኔ፤ ከበጁሰ ለሊሶኔ፤ ነኡ መርከባን ኣንግ መርኖተ ኬዕኖም ወክት ኣሳሃ ሀሰሰኖርቹ መርከባን ሆጎሶኤ። 11 ሰሱ ኣነ ዊ በላን «ማልተ» ኣገርኖሚች ኤተሮን ከርም ህከኔ ዊን ረበም ባዴን ዱንኬ ኣሌክሰንደር ከተም መርከባን ኣንግ ሃምተ ኬዕኖም፤ መርከብስ ኣሌን «ዲዮስቆርስ» ዬኖ መልተ ሸርኬሃ ለም መላት ሄኣስ እቅ። 12 «ሰራኩስ» ዬኖ ከተመ ኢልን ሰሱ በር ኣፋዕልኖም። 13 ህከንቤቹ ባር መዴን ዘህን «ሬጊዮም» ዬኖቤቹ ኣልኖም፤ መቶ በሬች ኤተሮን ከኣጽ ኤዲን ቦብረኖ ቦብሩ ቦብርሴቤቴሃ ለንክሰ በር «ፑቲዮሉስ» ዬኖቤቹ ኣሜንቶም። 14 ህከኔ ሄኣ ኣመዕናኖን ደቀም ኣሳንን ሜጡበ ለመላ በር ዱንክኖተ ኡጭቶኔ፤ ህከኒች ኤተሮን ሮም ከተመ መርኖም። 15 ሮም ባድ ኣመዕናኑት ኒተኔሃ ሞጮጭቶ ወክት «ኣፍዮስ» ዬኖ ጌቤበለክ «ሰሱ ኮሁ ገለኖ ምንት» ዬኖቤቹ ኣሊ ኣሳሃ ቶጎተ ኣሜቶኡ፤ ህዓን እኮቤቴሃ ጳውሎስ ኣሰተ ለዕዮ ወክት መገኑ ገለትጭ ጠረኚኡ። 16 ነኡ ሮም ከተመ ኣንጎም ወክት ጳውሎሴ ፋሽኣበገ ኣገረኖ መቱ ዎታደርቹ ኣሴናንስ ሜጢህሰ ሄኣኖገ ኣኤመሰ። 17 ሰሱ በሬች ኤተሮን ጳውሎስ ሮም ከተማን ሄኣ ኣይሁድ ሎርሎሪ መነ ገኣሲሾ፤ መትስ ጭምይቶ ወክት «ኣመኤ ኦሶ! ኣሰራኤል ኡመት ኣሌንለክ ኣናከኔ ቤር ኣሌን ኣዕዮም ብድሉ ዮበኣ፤ ኣሁን ቤሉ ዬሩጎሊም ከተማን ኡሱረምሞቤቹች ሮም መኒሃ ህግሰን ኣሴመኤ። 18 ሮም ባድ መት መረመርቶች ኤተሮን ህትን ገፈርቶኤት ሰውይቶኡ፤ መሰንትስ ኣሳሃ ሬሆተ ኣልሰኖኤ ጠዉ ሆንቤቺሃት። 19 ጠዉ እኮጎሬ ኣይሁዱ ኣን ህትን ገፈረሙ ግባ ወክት ሮም ባድ ዎም ኣሌን ደግባኝ ዩ ሀሰሾኤ ቤሉ ኢ ኡመት ከሰሳም ጠዉ ዮኤበኣ። 20 ህዓን እኮቤቴሃ ኣን ክዕኔተ ለኦተለክ ክዕኔን ሜጡበ ጠወኦተ ጠዕምዮም፤ መሰንትስ ኣን ሰንሰለቲን ኡሱረምሚሁ ኣሰራኤልሃ ኣሰም ተብሰሃት» ዬሰ። 21 እሰ ጳውሎሴ «ከቲኔሃ ኣሳሃ ይሁድ ባዲች ደብዳቤት ኣልቶኔበኣ፤ ህትን ከበ ኣሜቶ መኒች እዩሁ ኪ ሂለ ጠዉ ኩሎሁለክ ጠወዕዮሁ ዮበኣ። 22 እኮጎሬ ነኡ ኣት ኣምንታንት ኣመዕነቱ ኣደይ ቤቹን ዮ መት ቶጎ ገበኖገ ደንጋም፤ ህዓን እኮቤቴሃ ኪ ሰውቱ መሃጎሬ ሞጮጭኖተ ህንሳም» ይቶሰ። 23 ህዓን እኮቤቴሃ እሰ ዘኝተ ኣፎች ኤተሮን ልግቡ መት እሰ ገለኖ ምንቤቹ ኣሜቶኡ፤ ጳውሎስን ገሰሜች ሀምሩተ ኣሊ መገን ዎምንትኔሃ ዮስ ሰውት ጠወዕዮ፤ መትስ ሕገኝለክ ነብያክ መጻፈች ኣሰተኔሃ ኩሎሰ። 24 ህከኒች ኤተሮን መት-መቱሰ እሰ ጠወዕዮስ ላገተ

አመዕንቶኤ፤ እኮጎሬ መት-መቱስ አመዕንቶበአ። 25 ህካን እኮቤቺሃ ገገዉንኩስን ኢተቀንቲዕነ አደ እኮገ ጳዉሎስ ለዕዮ ወክት «ጠሊሉ እያኑ ነብዬች እስያሴን አናካተክዕኔ ጠወዕዮሁ ሀንቅሃን። 26 «ህከ ኡመት ቤቹ መርትኬእ ሞጮጨስ ሞጮጭቴነንተ ሆሮን ቶጌነንተበአ። ለኡስ ለኤነንተ እኮጎሬ ሆሮን አጥራመቴነንተበአ። 27 መሰንትስ ከን ኡመት ቀልቡ ዱጆኡ፤ መጨስ ዶንቅቶኡ፤ እልሰን ቆቆኡ፤ ህት እኮበአ እቃን እሌነከስ ለእ መጫነከስ ሞጮጭት ቀልቤነከስ ሰውይት ኢቤቹ ፈንቀልቶ እቃን እንን ፈይሳንስ እቅ» ዩአ። 28 «ቴሁ መገን ጠምስ ሶህኑት አይሁደ እህበ መኒሃ ሶህንቶአተ እሁስ ደጌ፤ ህትን እስ ሞጮጭታኦ» ዩአ። 29 [«ጳዉሎስ ህካን ጠወዕዮች ኤተሮን አይሁዱ አበ ኦደን ህከንቤቺች አጉርት ፋልቶኡ»] 30 ጳዉሎስ ኬር ምኔን ለሙ ዘማን ዊመ አፋዕሌአ፤ እስቤቹ አሜተኖ መነ ጉዕመንከ ኮህኝተ ቶገኖ እቅ። 31 ጳዉሎስ መገን ዎምነትቴሃ ኩለን ቀርቶ መሲህ ኢስተቴሃ አዪሁ ከሞስበኢሃ መለል ተማርሰኖት እቅ።

ሮሜ

1 መስህ ኢስ ካዲንቹ እኮ ሶቀም ሆኅተ ገአዎ መገን እንጂሊ ተማርሶተ መጠረዎ ጸዉሎሴች ሶሃማሃ። **2** ሁኩንን እንጂሊ መገኑ ነብያኖን ጠሊሊ መጻፋን ሄጭ አሴ ተብሴታ ላገ። **3** ኩ እንጂሊንኩ ደወዳ ዘሬች አለዎ መንቹ እኮ ቤትስተነሃ ጠወእና። **4** መገኑ ገወንኩስ ጠሊሊ እያን ዋልቃን ቀርቹኔ መስህ ኢስ ሬሆች ኬሽ ቤቱ እሁስ ዋመ ዋልቃን ደግሲሾ። **5** መስህ ሱዕምተነሃ አይሁደ እክበሩ ጉዕመንኩ አመዕንቶተለክ አዘዘንታገ እኢሃ እስ መሳን ሶቀሚሃ አበቀኣኔ አስቱተ ቶንጎም። **6** ህከን መኒን ሜጡብ አዕኑሁ መስህ ኢስረ እኩኖተ ገእንቲንታእራ። **7** መገኑ እቲህዕኔለክ ጠሊሊተ እኩኖተ ገእንቲንተ ሮም ከተማን ሄኤነንተሩ ጉዕመንኩክዕኔ አናኔ መገኒቶለክ ቀርቹሃኔ መስህ ኢስቲ አስቱተለክ መገሬቱሁ ክዕኔኤሃ እሁን። **8** አመዕነቲክዕኔ ባደን ጉዕማንን ሞጭጨሞቤቹሃ ጉዕምክዕኔተነከ ሄጭ መስህ ኢስ መሳን ጉዕሚክዕኔተነሃ ኢ ቀርቹ መገኑኤ ገለትጫም። **9** ጉዕመ ወክት ዱኤ እእን ቃጋንክዕኔን ቤትስተነሃ ጠወእና እንጂሊ ተማርሲን ዋመ ቀልብንከኤ ካደማዎ መገኑኤ ሞስከርሃን። **10** ቴሱ አበ ዱንኬሚቶ ኤተሮን መጨረሻን መገኑ ዩሬገ ክዕኔቤቹ አሜቶተ ዋቆኤ ብዝ ኖተ ጉዕመ ወክት ዱኤ እአም። **11** አመዕነቲን ጠረኝቲንተን አእናህዕኔ እያን በረከተ ቤሆህዕኔተ ይ ለኤህዕኔተ ሀሳም። **12** ህት ዩሚንኩ እን ክዕኔ አመዕነቲንለክ አዕኑሁ ኢ አመዕነቲን ገገወንኩኔ ጠረኝጨቀሞታት። **13** አመኤ ኦሶ! አይሁደ እህበ ዋሎ መገቤቹን ልግብ አቶተ ደጎምገን ህትን ክዕኔ በላን አቶተ ደጎተ ሆሾም አቅ፤ ጠዉ እኩገሬ ክዕኔቤቹ አሜቶተ ልግብ ወክት ያጅ ከበሬ ኢሊ መኩ ሆጉስ ደጎናተ ሀሳም። **14** ግርክ መኒለክ ግርክ እህበ መኒሃ፤ ኤንኬዕናማተለክ ገወ መኒሃ ግዳጂ ኖኤ። **15** ህከን እኮቤቹሃ ክዕኔከ ሮም ከተማን ኖንተ መኒሃ ተሸት ላገተ ተማርሶተ ሄዕላታም። **16** እን እንጂሊ ላጋን ሙላምበእ፤ ተሸት ላገት አይሁዲሃለክ ግርክ መኒሃ አመዕንታ መኒሃ ጉዕሚንከ መገን ወልቀት ፈይሲሃት። **17** ፈዩ መንቹ አመዕነቲን ሄኤ ደእና የመዎ ከተበሞገን መገኑ መን ፈዩ እሁስ ወለእናሁ ዋዕኔች ኤተሩ ኢሊ ጠለዕል አመዕነቲን እሁስ ህከን ተሸት ላጋን ለሌኤ። **18** መኑ ሂልማንተስ ህንቁ ለላናበእን አታኤ፤ መገኑ ዋጅትበቤቹሃለክ ፈይመት ኖስበእቤቹሃ እስ አሌን መገን ኡሙዕርት ሰሜች አሜታኤ። **19** መስንትስ መገንተነሃ ደገመ፤ ሀስሰኖሃ ጉዕመንከ መገኑ ለልሾስቤቹሃ እሳሃ ኑር እክ ለልዩእሃን። **20** ኣዱንዩ አሉ ከለቀሞ በሬች ኬሽ መኒሃ ለላናበእ መገን ሃሉ ሁኩንን ዘላለሚሃ ሄኤ ወልቀስለክ ቀርቹ እሁስ እስ ከለቆ ጠው መሳን ዋመ እክ ለሌቤቹሃ መኑ ቤሳ ቤሲሃ መስት ኖስበእ። **(aidios g126)** **21** ህትን እስ መገኑ ደገን መገኑ እህሃስ ሀስሰኖ ኬዕምኣለክ እሱ ገለትጨ ግቦኤ፤ ሰውቱንኩስ ተስ እኮ፤ አሞረመትቡ ቀልቡስ ቱንሸቶ እኮ። **22** «ነኤ ሀይቻት» ይተንን ገጥቶተ እኮኤ። **23** ሄእና መገኑ ከበጅታ ወጥ ሄእበ መን ሞስሊሃ፤ ጭኦተ፤ ሾል ሎከት ኖስ ግዚሃለክ ኡሊ አሌን ጎሾሽንትኣ ግዝ ደኒን መክሴመ ሞስሊሃ ኬዕምኣ ኣቶኤ። **24** ህከን

እኮቤቹሃ ገገወንኩስ ገይሰ ጅሰም አሌን ሙልሰኖቹ አቶተ መገኑ ንጂሱ ዋሞ ሂሊ ሄዕላቻተስ ጠገንቶረ እካገ ህግሽ አሴስ። **25** ሁኩን እኮሁ መገን ህንቁ ክዘበን ደርቶቤቹሃ፤ ካለቅ ወጥ ከለቀሞህሂ ሰገዶቤቹሃለክ ካደንቶቤቹሃት፤ እኩገሬ መገኑ ዘሚኒሃ ጉዕሚንከ ገለትጨሞሃ እሁን፤ አሚዕን። **(aiōn g165)** **26** መኑ ህከን አቶ መሳን መገኑ ገበእበ ሙልሰኖ ሄዕላቻተስ ህግሽ አሴስ፤ ሜንቱስ ሆሮ ጎንን ኦስኤ አጉርት ሮስሞበእ ሃሌን ደርቶኤ። **27** ህትን ጎኑ ሮስሞ ሃሌን ሜንቲን ኦስኤ አጉርት ጎኑ ጎኒን ሜጡብ ሙልሰኖ ጠወ አቶኤ፤ ሉጨንሸስ መሳን ሀስሰኖስ ቅጣት ገይንከስ ቶጋኤ። **28** መኑ መገኑ ደጎተ ሀሱሆንቤቹሃ እኤ ገበእበ ጠወ አቶተ መገኑ ሂሊ ሰውቲሃ ህግሽ አሴስ። **29** ህከን እኮቤቹሃ ብድሊን፤ ሂልማን፤ አዲድማን፤ ተንኮን፤ ሞቀኝማን፤ ነብሳሃ ሾን፤ ብታን፤ ጣንሶን፤ ሂሊ ሄዕላቻን ጉዕሚን ዊንቶእሩለክ ህትን ሄዕምታእራ። **30** መን ሱዕመ ቤሳእሩ፤ መገኑ ግባእሩ፤ መን ሆኖሳእሩ፤ ቦንታእሩ፤ ግምንከስ ድክኣእሩ፤ ሂሊርቹ ሀሳእሩ፤ እኒሃለክ አመታ አዘዘንትበሩ። **31** ሰውይታበእሩ፤ ዉሊ ድጅታሩ፤ ኢተት ኖስበእሩ፤ ጎደበ ጠረኛናታን። **32** «ህትኔ ጠወ አታ መኑ ጉዕመንኩ ሬሁ ሀስሰኖስ» የኖ መገን ሕገ ደገን ህከን ጉዕመንከ አታኤ፤ ጠለዕል ህከን እኤ እሁዕነ ህት አታ መን ኬስንስታኤ።

2 አት ዋሎ መን አሌን ፈረዳንት መንቹ! እዩሁ እኩንትገሬ ደባቡርታንትርቹ ኖሄበእ፤ መስንትስ አት ዋሎ መን አሌን ፈረዳንት ሁኩ ፍርዱ መኑ እእናሃ አታንትቤቹሃ ዋሎ መን አሌን ፈረዳንት ወክት ገይክ አሌን ፈረዳንቲት። **2** ህትኔ ጠወ እእና መን አሌን መገኑ ፈረደኖ ፍርዱ ህንቅ እሁስ ደገንታም። **3** አት ህትኔ ጠወ እእና መናን ፈረደን እስ አታርቹ አታንቲሃ እኩንትገሬ መገን ፍርዱቹ ፈቃንቲሃ እኩድኖሄትንዶ? **4** ህከረገ መገን ጎደበ ላፍመታ፤ እጅቁስለክ አታዕልስ በትኝ ህንቃንቲትንዶ? መገኑ እጉሩስ በትሾሄሁ ኬሳሃ ጨብክ ቶበታንትገ እኤሄተ እሁስ ደገንትበእንዶ? **5** ጠዉ እኩገሬ ጎደበ ጠረኝማተክለክ ጨብክ ቶበቱ ግቦ ቀልቢሃክ መገን ኡሙርትለክ ህንቅ ፍርዱ አሜተኖ በር ገይክ አሌን ኡሙዕርተ ጭምእታንቲት። **6** መስንትስ መገኑ መት-መቲሃስ ሆጎሰገ አሳናስ። **7** ህትን አታዕሊን ጡመ ሆጉተ እኢን ገለትለክ ኬዕምኣ በእበ ሄኤ ሀሳሁኡተ መገኑ ዘላለም ሄኤ አሳናስ። **(aiōnios g166)** **8** ገይሰ ጥቅም ኢትታሩ፤ ህንቁሃ አዘዘመ ግብ ክዘብሃ አዘዘንታ መኒሃ መገን ኡሙዕርትለክ በለት አሌስ አካኤ። **9** ወዕና አይሁዲን ህከኒች ኤተሮን ግርካን ሂሊርቹ እእና መን አሌን ጉዕማንን ኦርሽትለክ ጨነቀሙ አሜተኖስ። **10** ጠዉ እኩገሬ አይሁዲሃ እኮ ግርክ መኒሃ ጡመ ጠወ እእና መኒሃ ጉዕሚንከ ገለቱ፤ ኬዕምኣለክ መገሬቱ አሳመኖስ። **11** መስንትስ መገኑ መን ሚንተ ለዕይ ፈረደኖበእ። **12** ሕት ኖበኢሃ ጨብ አዕኖ መኑ ጉዕመንኩ ሕት ሄዕበሰጎሬ በእኤ፤ ህትን ሕት ሄእንስ ጨብ አታ መን አሌን ጉዕማንን ሕገን ፈረደመኖስ። **13** መስንትስ መገን ብሬን ፈያኑተ አካእሩ ሕገ አገርታእረ ቤሉ ሕገ ሞጭጭት ሆጎ እኤ ሆሲሰበሩ ፈያኑተ የመንት ዋለእንታበእ። **14** ሙስ ሕት ኖስበእ አይሁዲ እኮበእ ኡመቱ ክልቀቲቹስ ሕገሃስ አዘዘንታኤ፤ ሁኩንን ለሊሰኖህ መቱርቹህ እስ ሙስ ሕት ኖስበእጎሬሁ ሕት የኖሃ እኤ

ሀሰሰናሳሃ አሁስ ደጉስ ለሊሰና። 15 ሁኩንን ሕጉ የኖሁ ጉዕሙንኩ ቀልቤንከስ ከተበዋሃ አሁስ ለሊሰና፤ ህትን ቀልቡስ አሌስ መስከረኖ፤ መስንትስ ቀልቤስ ከተበዋህ መት-መቶረ ዋቀሰናሰ፤ መት-መቶረን አሰንተ ሀዕላናሰ። 16 ሁኩንን አሁኖህ እን ዱዱብሳም እንጂል ላገ ሃለን መገኑ መሲህ ኢስ አዲን መኑ አዕዮ ማጠዋ ጠው አሌን ፈረደኖ በርዬት። 17 ጠው እኮሳሬ አት ገወክ «አን አይሁድኹን» ይቶንት ጎሬ፤ ሕጋን ድክኦንትጎሬ፤ መገኒሃ እሆንከክ ቦንቶንትጎሬ፤ 18 መገኑ አተኖርቼ ደጎንትጎሬ፤ ሕጌት ተማርቶንትቤቼሃ ጡመ ጠው አጥራመት ደጎንትጎሬ፤ 19 አት «ቆቃኖተ አምሳንቶሃ ይቶንት ጎሬ፤ ቱንሰቸን የሁኑአንተ ኑርሃን ይቶንት ጎሬ፤ 20 ገዋኑተ ተማርሳምሃን ይቶንት ጎሬ፤ አሱተ ተማርሳም ይቶንት ጎሬ» ህትን «ሕግ ሀንቂሃ ዊሙ ደጉ ዮኤ» ይታንት። 21 አት ዋሉ መነ ተማርሰታንቲህ ገወክ ተማርሰታንትበእንደ? ህትን «ሞገቶኖቼ» ይተን አት ገወንኩክ ሞገተንንደ? 22 ዘነተ አቶኖቼ ይተን አት ገወንኩክ ዘነተ አተንንደ? አት ሸርኬተ ሰገዱ አትታንትበእ፤ ጠው እኮሳሬ ክዘለ መገናካተ ሰገዴኖስ ምነተ ዘረፈንንደ? 23 አት መገን ሕጋን ድክኦንት፤ ጠው እኮሳሬ መገን ሕገ ድጅተን መገኑ ቦርረሲሳንት። 24 ሁኩንን «ክዕኔ መሳን መገን ሱዕሙ አይሁደ አህበ መን ቦላን ቦርረመኖ» የመም ከተበዋጋት። 25 ሕገ ዊንሽታንቲሃ እኮንትጎሬ ጡርከሙ ደግለለኖሄ፤ ጠው እኮሳሬ ሕገ ድጅታንቲሃ እኮንትጎሬ ኪ ጡርከመመ ጡርከመንትበሀንን ዋለአመኖ። 26 ህካን እኮቤቼሃ ጡርከመምቡ አይሁደ እኮበእ ሕግ ትዛዝ አእኖሃ እኮሳሬ ጡርከመመ ሆጉስ ጡርከመምገ ዋለአመኖበእንደ? 27 ኬሳሃ ከተበዋ ሕጉ ሄአንኬላከ ጡርከመንቶንቲሃ እክ ሕገ ድጅታንትረ ማለን ጡርከመመበእሀንን እክ ሕገ ዊንሸኖ አይሁደ እኮበእ መንቼ ኪ አሌን ፈረደኖ። 28 ሱዕሚን አይሁደ እኮሁ ሀንቅሃ አይሁድኹሃበእ፤ ህትን አብልን ለላኖ ማል ጡርከመ ሀንቅሃ ጡርከመበእ። 29 ሀንቅ አይሁድቼ አዘን አይሁድቼ እኮሃን፤ ሀንቅ ጡርከመንኩ መገን እያነን አሁኖ ቀልቤሃ ጡርከመመሃ ቤሉ ሕገን ከተበዋ ሃለን ማልሃ ጡርከመመበእ፤ ህትናሙ መንቼ ገላት ቶገኖሁ መገኒችት ቤሉ መኒችበእ።

3 ቴሱ አይሁድቼ አሁ ቆሆሁ ሚሃት? ህከረንገ ጡርከመ መ ደግለለኖ? 2 አይሁድቼ አሁ አቡ ጥቅሙ ዮሰ፤ ወዕናንከ መገኑ ላገስ አገተ አሴኢሁ አይሁዲሃት። 3 ህከረ አሳች መት-መቶ አመዕነሙ ሆጋረ አመዕነሙ ሆጉስ መገኑ አመዕነሞ አሁስ ፊሰናንደ? 4 ሆሮ ፊሰናበእ! «ጠወአንት ላጋች ኬዕዮሀንን ሀንቅ መንቼ እካንት፤ ህትን ባለጋራክ ኦዳንት ወክት ገርታንት» የመም ከተበዋህንን መኑ ጉዕሙንኩ ክዘበኛ እኮሳሬ መገኑ ሀንቅኛሃን። 5 ጠው እኮሳሬ ኒ ሀንቀኛ አሁ ሆጉ መገን ፈይመተ አሁስ ለሊሰናሃ እኮች መ ይናም? መገኑ ጨብኔትኔሃ ቀጠዕዮኔጎር ፈረደኖህ ሀንቅያበእ ይናምንደ? ከንቤቸን ጠወዕናሚሁ መን ሰውትጋት። 6 ህካን መገኑ ኤቡንከ፤ ህት እኮች መገኑ አዱንያ አሌን ዮ መን አሌን ፈረደተ ህት እክ አታለኖ? 7 ጠው እኮሳሬ እን ክዘበኛ አሁ መገን ሀንቅቼመተ ለሊሰናሃለክ ኬዕምኝስ በርገኖሃ እኮች ቴሱ ኢለ ጨበኛ መንቸን አሌኤ ፈረደመኛኤንንደ? 8 መት-መቶ መኑ «ጡመርቼ ደዕኖተ

ሃላርቼ አዕኖ» ይን ጠወዕናምሀንን አት ሄሜን ቦርረታኔት፤ እስ አሌን ፈረደኖ ፍርዱ ሀንቅያ ፍርደ። 9 ቴሱ መጠዕናም፤ ነኡ አይሁደ እኮበእ መኒች በትንስ ደግለሸቀማምረንደ? ሆሮ ህትጎተበእ! ወዕናንከ መኑ ጉዕሙንኩ አይሁደ እኮ አይሁደ እኮበእ፤ ጨብሃ ጠገንቶረ አሁስ ሄዕኑ ኩሎም። 10 መስንትስ «መቶ መንቼህ ፈዩ ዮበእ፤ መቱህ ሆሮ ዮበእ፤ 11 አጥራመተኖህ መቱህ ዮበእ፤ ህትን መቶ መንቼህ መገኑ ሀሰኖህ ዮበእ። 12 ጉዕሙንኩስ ዋቃኤ ገፈርቶኤ፤ ህትን ደግለልታበእረ እኮኤ። ጡመ ሆጉተ አእኖህ ዮበእ፤ መቱህ ሆሮ ዮበእ። 13 መነ ምዕርታ ሂለ ላገተ ጠወኢሃ አፎስ ፈንተዕዮ ሎድታት፤ አረቤንከስ ጣንስታኤ፤ የቡርኖንከስ ዋሪች መርዙ ዮሰራ። 14 አፎንከስ ቦርሩለክ ቁንቁቱ ዊሞሰ። 15 ሎከስ መን ቁጉ ዱኒሃ ደዕልታኤ። 16 ዋቃንከስ ቤሱለክ ኦርሸት ዮኤ። 17 ወገሬት ዋቃሃ ደጋበእ። 18 መገኑ ሆሮ ዊጀታበእ» ህት የመም ከተበዋኤ። 19 መኑ ጉዕሙንኩ አፎስ አፎተ አዱንያ አሌን ዮ መኑ ጉዕሙንኩ መገን ፍርድ አዘን እኮተ ሕጉ የኖሁ ጉዕሙንከ ሕግ አዘን ዮ መኒሃ አሁስ ደንጋም። 20 ህካን እኮቤቼሃ መኑ ጉዕሙንኩ መገን ብሬን ሕገ አገሪን ፈየ አሆተ አታለኖበእ፤ ሕጉ ጨቡ መሃጎሬ ለሊሰና። 21 ቴሱ እኮሳሬ መገኑ መነ ፈየ አእኖ ዋቆህ ሕጌች አደደ ዋቁን አሁስ ለልዮኤ፤ ሁኩንን ሙስ ሕገንለክ ነብያኖን መስከረዋኤ። 22 ሁኩንን አደደመት ዮበእሃ አመዕነታሁኑአተ እኮ መሲህ ኢስን አመዕነን ደገመኖ መገንተ ፈይመ። 23 መኑ ጉዕሙንኩ ጨብ አቶኤ፤ መገኑ አሴስ ኬዕምኹ ጤዕይዮሰ። 24 ህካን እኮቤቼሃ መኑ መሲህ ኢስ ወዝኖ አዲን መገን አሰቶን ህትን ፈየ እኮኤ። 25 መገኑ መሲህ ኢስ ክትመ አዕይ አሴኢሁ እሱን አመዕነታሩ ጉዕሙንኩ ቁገንከስ ጨቢች መረርሲጩ አመዕነቲን ደእቶታት፤ መገኑ ካን እኡስ አታዕሊንከስ ወዕና ሄዕዮስ ጨብ አጉሪን ገይስ ሀንቅ ፍርድ ለሊሳታት። 26 ህትን መገኑ ህካን አዕዮሁ ገወሰ ፈየ አሁስ ለሊሰናሁ ኢሳን አመዕነታሁኑአተ ፈየ አእኖሃ አሁስ ከን ዘማኔን ለሊሳታት። 27 ቴሱ ገዋንተኔ ድከዕናምርቼ ዮበእ፤ መቶርቼን ድከዕናምበእ! ድከዕናምበእ መስት መርቼሃን? ሕገ አገሪትንደ? ህትጎተበእ፤ ጠው እኮሳሬ አመዕነቲኒት። 28 ህካን እኮቤቼሃ መገኑ መነ ፈየ አእኖሁ መኑ ሕግ ሆጉተ አሌን አሁዕነ አመዕነቲን አሁስ ደንጋም። 29 ህከረንገ መገኑ አይሁድና ጠለዕል መገኑንደ? አይሁደ እኮበእ መኒሃ መገኑንቶበእንደ? ሀንቅንከ አይሁደ እኮበእ መኒሃ መገኑ። 30 መገኑ ሜጥቼሃን? ጡርከመንቶ አይሁደ እኮ ጡርከመንቶበእ አይሁደ እኮበእሃ ፈየ አእኖሁ እሶት። 31 ህከረ አመዕነት መሳን ሕገ ሻርናምንደ? ህትጎተበእ! ሕገ ጠረኝንሳም ቤሉ ሻርናምበእ።

4 ማልን አበኑኔ አብራሂም «ደኤለ» ይናምርቼ መርቼሃን? 2 አብራሂም አዕዮ ሆሳን ፈየ እኮ እቃን ድክአኖርቼ ሄእኖስ እቅ፤ አሁን ቤሉ መገንሀኔን ድክአኖርቼ ዮሰበእ። 3 መስንትስ ጠሊለ መጻፋን መ የኖ? መጻፋን «አብራሂም መገኖን አመዕኔ፤ አመዕነቲንከስ ፈየ እክ ዋለአምስ» የመም ከተበዋኤ። 4 ሆጉተ አእኖ መንቼሃ ደሞዙስ አዕዮ ሆሳንገ ዋለአመኖስ ቤሉ ኣሰቶን ዋለአመኖስበእ። 5 መኑ ሆጉት ሄዕበሰጎሬ ጨበኛ ፈየ አእኖ መገኖን አመዕኔ ጎሬ አመዕነቱሰ ፈየ እክ ዋለአመኖስ። 6 ህትን

መቼርቼሃ አኡዕነ ፈየ እኮህንገ መገኑ ዋለአኖስ መንቹ ማሰአሞሃ አሁስ ደወድ፡ ጠወአን 7 «ብድሉስ አጉረሞሰላክ ጨቡስ ፈቄን የመሞስ ሙኩ ማሰአንቸአረ! 8 ህትን ቀርቼ ጨብስ ዋለአኖበአ መንቹ ማሰአሞአሃን!» ይዮኡ። 9 ህከረ ኩ ማሰት ጡርከመሞ መኒሃትንዶ ጡርከመሞበ መኒሃት? ነኡን «አብራሂም አመዕነቱ ፈየ እክ ዋለአሞሰ» የመሞኡ» ይናሞ። 10 አብራሂም አመዕነቱ ፈየ እክ ዋለአሞሰሁ ሁትጎታን? ጡርከመሞኝ ኤተሮንትንዶ ጡርከመሙዕናንት? ጡርከመሙዕናን ብርታት ቤሉ ጡርከመሞኝ ኤተሮኒበአ። 11 አብራሂም ጡርከመሙዕናን ብርተ ዮስ አመዕነቱን ደኤ ፈይመ መላተ አሆተ ጡርከመሞ፤ ህካን እኮሁ አሰ ፈያኑት እክ ዋለአንቸተ ጡርከመንቹዕናን አመዕነታ መኒ ጉዕሚንከ እነ አሆታት። 12 ህትን አብራሂም ጡርከመሞ መኒሃ አነሃን፤ ጠወ እኮጎሬ ጡርከመሞ ጉዕሚሃን አሁዕነ አኑኔ አብራሂም ጡርከመሙዕናን ብርንተ ዮስ አመዕነት ሞሳልተ አዋንታ መኒሃ እነ አሆታት። 13 አብራሂሚሃለከ ዘሬተስ አዲንያ አል ረገአኖ ተብሶ አሚቸሰ ሕገ አገሪን አሁዕናን አመዕነቱን ደገንታ ፈይማኒት። 14 ተብሳስ ረገአኖ ሕገ አገርታ መነ እኮጎሬ አመዕነቱ ከልበ አሆኖ፤ ህትን ተብሶንኩ ዋጉ ዮበኢሃ አሆኖ። 15 መሰንትሰ ሕጉ መገን ኡመርተ ኤበኖ፤ ጠው እኮጎሬ ሕጉ ዮበአቤቸን ሕገ ድጂ ሄአኖበአ። 16 ተብሳስ ጀመሮሁ አመዕነት አሉንት፤ ሁኩ ተብሳሁ አብራሂም ዘሬተ ጉዕሚንከ ህከ ተብሳሃ ረገአኢሁ መገን አሰቶን አሰሞሃ አሁስ ተሬገጠሞኡ፤ ሁኩንን ሕገ አዋንታ መኒሃ ጠለዕል አሁዕነ አብራሂምገ አመዕነቶህኑኡተ ጉዕሚንካት፤ ከን ሃሊን አብራሂም ጉዕሚንከኔ አነሃን። 17 አብራሂምተኔ «ልግብያ ኡመቲሃ እነ አዕዮንኬ» የመሞ ከተበሞኡ፤ አሰ ሬቶአረ ሬሆች ኬሰኖህኒገለክ ዮበኢሃ ሄአኖገ አዕይ ገአኖ አመዕኔ መገን ብሬን ጉዕሚንከኔ አነሃን። 18 አብራሂም ዘርክ አበ ፈከንታኦ የመሞ ከተበሞን ልግብያ ኡመቲሃ እነ አሆኖ አመዕኔኢሁለክ ተብሳሃ አዕዮሁ መቼርቼሃ ተብሳሃ አኡንበ ጠዋኒት። 19 እስ ጥቤ ዘማን እኮሰቤቼሃ ጅስሙስ ሆግ አሎተ አታላኖበአገለክ ሳረ አልተባተለክ ባልቆአተ እኮጎሬ አመዕነቱን ሆጎበአ። 20 አመዕነቱንከስ ጠረኝ እክ መገኒሃ ኬዕምኝ አሴ ቤሉ መገኑ አሴ ተብሰኔን አመዕኑ ሆገን ሆሮ ሸክዮበአ። 21 መገኑ አሴስ ተብሳሃ አኡ አታላኖገ ዋመ ቀልቢንከስ አመዕነቱን አቅ። 22 ከኒች ኬዕዮህኒንት አብራሂም አመዕነቱስ ፈየ እክ ዋለአሞሰሁ። 23 ጠወ እኮጎሬ «ፈየ እክ ዋለአሞሰ» ይታ ላገት ከተበሞሁ ጠለዕል አብራሂሚሃበአ። 24 ጠለዕል አብራሂሚሃ አሁዕነ ኔሳሃ በርግይት፤ ቀርቼኔ ኢስ ሬሆች ኬሾስ መገኖን አመዕንናም ኔሳህ አመዕነቱኔ ፈየ እክ ዋለአመኖኡ። 25 ኩ ቀርቼኔ ኢስን ጨብኩትኔሃ ሬሆተ ህግሴን አሴመሰሁለክ ኔሳህ መገን ብሬን ፈየ እኡኔተ ሬሆች ኬዕዮሃን።

5 ቴሱ ነኡ ፈይመተ ደአኖሚሁ አመዕነቱን እኮቤቼሃ ቀርቸንከኔ መሰህ ኢስ አዲን መገኒን ወገሬቱ ዮኑ። 2 መሰህ ኢስ አዲን ቴሱ ኡርናም መገን አሰቶበ አመዕነቱን አንጎም፤ ህትን ተብሰኔን መገን ኬዕምኝ ቤቀማምረ አንኮሞቤቼሃ ሙንደዕናም። 3 ህከንን ጠለዕል አሁዕነ ኦርሸት አታዕሊን ጠረኝን ኡሩ ደግሲሰኖሃ አሁስ ደንጋምቤቼሃ ኦሪሻንከኔ

ሙንደዕናም፤ 4 አታዕሉ ጠረኝመተ ኤበኖህንገን ህትን ጠረኝመተ ተብሳሃ ኤባገ ደንጋም። 5 መገኑ አሴኔ ጠለሊ አያን አዲን መገን አተት ቀልቤንተኔ አበ ዊንቶቤቼሃ ተብሰሰ ሙልሰኖከበአ። 6 ነኡ ላፋኑተ አንኮምገን መገኑ ዬ ወክቱ ኢሌ ወክት መሰህ ኢስ ጨበኛኖተኔሃ ሬዮኡ። 7 ፈየ መንቹ ወጥ ሬሆኖ መንቹ ደጉ አበ ኦሪሰኖ፤ እኮጎሬ ጡመ መንቹ ወጥ ሬሆኖ መንቹ ደገሃ አታሌኖሃ አሆኖ። 8 ጠወ እኮጎሬ ነኡ ጨበኛኑተ አንኮምገን መሰህ ኢስ ኒ ወጥ ሬዮኡ፤ ሁኩንን መገኑ ሄንከ እተኖኔጎሬ ለሊሰኖ። 9 ቴሱ ነኡ ፈየ አንኮሚሁ መሰህ ኢስ ቄጊን እኮች በትንሰን መገን ኡመዕሬቶ ጡምናሚሁ ኢሲኒት። 10 መሰንትሰ ነኡ መገን ባለጋረተ አንኮምገን ቤትስ ሬሆን መገኒን ሀራዕረሞም፤ ሀራዕረሞሚኝ ኤተሮን እሲቸን አበ ኢስ ሄኡን ጡምናም። 11 ህካን አሁዕነ ቲሁ መገኒን ሜጡብ ሀራሩተ ደአኖሚሁ ቀርቼንከኔ መሰህ ኢስ አዲን መገኒን ሙንደዕናም። 12 መቶ መንቹ መሳን ጨቡ ከ አዲንያ አል አሚቸ፤ ጨብ መሳንን ሬሁት አሚቶኡ፤ ህትን ሙኩ ጉዕሙንኩ ጨብ አዕዮቤቼሃ ሬሁት ጉዕመ መን አሉን አሚቶኡ። 13 መሰንትሰ ሙስ ሕጉ አሰመኖህኒች ሄጭ ጨቡ ኡለ አሌን ሄዕዮ አቅ፤ ጠው እኮጎሬ ሕጉ ዮበአ ወክት ጨቡ ገዉንኩስ ጨብገ ዋለአመኖበአ። 14 አሁን ቤሉ አደምገ ሕገ ድጅት ጨብ አቶበአ መን አሌን ሆሮ ፈቀዕነ ሬሁት አደማች ኬሾ ሙስ አሊ መን አሌን ጉዕማን ሹምነቱ ደአቶኡ። 15 ጠወ እኮጎሬ መገን አሰቶ ሸልማቱ መን ጨብጋበአ፤ መቶ መንቹ ጨብ መሳን ልግቡስ ራቶንን መገን አሰቶአከ መቶ መንቹ መሰህ ኢስ መሳን ደገሞ አሰቶ ሸልማቱ ልግቤ መኒሃ ትርፈ ትርፈን አሰሞ። 16 ህትን መገኑ ጠለዕል አሴኔ ሸልማቱ ኤበ አሰቱት መቶ መንቹ ጨቡ ኤበ ላልቸጋበአ፤ መቶ መንቹ ጨብ መሳን አሰሞ ፍርዱ ቅጣት ኤቦ፤ ልግብያ ጨብ መሳን አሰሞ መገን ሸልማቱ ፈይመተ ኤቦ። 17 መቶ መንቹ ጨብተኔሃ ሬሁት ህከ መቶ መንቹ አዲን አሰንቶች ህከኒች አበ መገን አሰቱታ፤ ጠለልመስ አሰቱታ ኣእታ ሙኩ መቶ መሰህ ኢስ አዲን ሄኢን ሄኢ፤ መቶ መንቹ ጨብ መሳን ሬሁት መን አሌን ጉዕማን ሹምነቱ ደአቶኢች መገን ትርፈ ትርፈን እኮ አሰቱትለክ ፈይመ ሸልማት ቶጎሩ መቶ መንቹ መሰህ ኢስ መሳን በተዕዮ ሄኡ ደኢት ነገሳ። 18 ቴሱ መቶ መንቹ አደም ጨቡ ቅጣት ፍርደ መን አሌን ጉዕማን ኤባገ ህትን መትስ መሰህ ኢስ ፈይመ ሆጉት ልግብ መነ ቅጣቲች ነጠ አዕይ ሄኡ አሰኖሰ። 19 መሰንትሰ መቶ መንቹ አዘዘሙ ሆግ መሳን ልግቡ ሙኩ ጨበኛኑተ እኮንን ህትን መቶ መንቹ አዘዘሞ መሳን ልግቡስ ፈየ እኮኡ። 20 ጨቡ በተኡት ሕጉ አሚቸ፤ ጠወ እኮጎሬ ጨቡ በተዕዮ ቁድሬን መገን አሰቱት አበ በተኡኡ። 21 ኩን እኮሁ ጨቡ ሬሁት ኤቢን ነገሾንን መገን አሰቱት ፈይመተ ኤቢን ህትን ቀርቸ መሰህ ኢስ አዲን ዘላለም ሄኡ ኤቢን ነገሶታት። (aiōnios g166)

6 ቴሱ መ ይናም? መገን አሰቱት በተኡት ጨብ አዕንን ሄዕኑንዶ? 2 ሆሮ ህትጎተበአ፤ ነኡ ጨብ አኢች ሬኖምሩ ህት አንክ ጨብ አዕንን ሄዕናም? 3 መሰህ ኢስን ሜጡብ አንኮተ ጠመቀሞምሩ ጉዕሙንኩኔ ሬሁስ ቤቀማምረ አሁኔ ጠመቀሞንከኔ ደንከንተበአንዶ? 4 ነኡሁ አሲን ሜጡብ ጠመቀማም ወክት ሬሆንከስ ሜጡብ አንኮተ አሲን ሜጡብ

ሞገሞም፤ መገን አላመት መሲህ ኢስን መገን ኬዕምኝ ዋልቃን ፊሆች ኬሾገን ነኡሁ ህትን ሃዕሮ ሄኡ ሄዕሮተ ኬዕም፡፡ 5 ፊሆንከስ እሲን ሜጡብ እንኮሚች ህትን ኬኦንከሲ እሲን ሜጡብ እንካም፡፡ 6 ከ ኡተሩ ጨብሃ ሮስተ እንካምበእገለክ ጨበጅሙ ጅስሙ ኒች ሸቆተ ኑባጼ ጅስሙ ኢስን ሜጡብ ሰቀለሞገ ደንጋም፡፡ 7 መሰንትስ ሬዮ መንቹ ጨቢሃ ጠገሚች ነጠሃን፡፡ 8 ጠወ እኮጎሬ መሲህ ኢስን ሜጡብ ሬኖምጎሬ እሲን ሜጡብ ሩሂን ሄዕሮምገ አመዕንሮም፡፡ 9 መሰንትስ መሲህ ፊሆች ኬዕሮቤቹሃ ለንኪሃ ሆሮ ፊሆሮበእገለክ ፊሆት ከ ኡተሩ እስ እሌን ሹምነቱ ዮስበእገ ደንጋም፡፡ 10 እስ ፊሆን ጨብ ዋልቀተ ቢጦተ ሜጦረን ሹል ሬዮኡ፤ ጠወ እኮጎሬ ሩሂን ሄኦን መገን ኬዕምኝሃ ሄኦና፡፡ 11 ህትን እዕኑ ጨቢሃ ሬቲን መሲህ ኢስን መገንሂ ሩሂን ሄኦንተገ ገወክዕኔ ዋለዕዬ፡፡ 12 ህካን እኮቤቹሃ ማል ሰውቲሃ ጠገንቲነተገ አኦተ ፊሆሮ ማላክዕኔ ጨቡ ሀላዕሉንከህዕኔ፡፡ 13 ጅስሙክዕኔ ሂለ ሆጎ ኡዳተ አቲን ጨቢሃ አቶቶቹ፤ ጠወ እኮጎሬ ፊሆች ሄኦ አደ ህጎ መገን አቲን ገወክዕኔ መገንሂ አሰዬ፤ ህትን ጅስመክዕኔ ጠሊለ ኡዳተ አቲን መገንሂ አሰዬ፡፡ 14 ቴሱ እዕኑ ሄኦንተህ መገን አሰቶ አዚን ዮንተቤቹሃ ሕገች ዋሮን አህበቤቹሃ ጨቡ ጠቆተ ሀሰሰሮበኦ፡፡ 15 ህከረ መ ደናም? ነኡ ሕገች ዋሮን አሁዕን መገን አሰቶች ዋሮን ዮምቤቹሃ ጨብ እዕኑንደ? ሆሮ ህትጎተበኦ፡፡ 16 ገወክዕኔ መቶ መነቹሃ ካድኝቶገ ጠገንቶናተ ሆንጠኬንተጎሬ ህከ ጠገንቲነተ መንቹሃ ካዲንቹ አሁክዕኔ ደኔንተበእንደ? ጨቢ ካዲመተ እኬንተጎሬ ጨቡ ፊሆተ ኤበቶ፤ ህትን መገን ካዲመተ እኬንተጎሬ መገኑ ፈዮ አኦኖህዕኔ፡፡ 17 እዕኑ ወዕናንከ ጨብ ካዲመተ እኬንታ እቅ፤ ጠወ እኮጎሬ ቴሱ ቶንተ ትምርቲሃ ቀልቢን አዘዘንቲንቤቹሃ መገንሂ ገለቱ አሁንስ፡፡ 18 ጨብ ሮሶማች ነጠ ፋልቲን ፈይመ ካዲመተ እኬንታኦ፡፡ 19 እን ህትን መንሂ አገሮ አፌን ጠወአሚሁ ክዕኔሃ አገሮህዕኔገ ደዱት፤ እዕኑ ከኒች ብርተ ጅስመክዕኔ ኒጃስ ካዲመ አቲን ሆንጠህዕንተ እቅ፤ ሁኩንን ጠሊለ እኮበእ ዎቃሃ አምንሰና፤ ጠወ እኮጎሬ ቴሱ ጅስመክዕኔ ፈይመ ካዲመ አቲን ሆንጠህቢ፤ እስን ጠሊልመ አደ አምንሰናህዕኔ፡፡ 20 እዕኑ ጨብ ካዲመተ እኬንተ ወክት ፈይመ ሆንተ አቲንተ ግዳጂ ሞጮጨመኖህዕኔበኦ እቅ፡፡ 21 ህከን ጠወች ደኦኑንተርቹ ሞ ዮኡ? ህከን ጠወች ኡተሩስ ፊሆተ እኮቤቹሃ ቴሱ ሙልሰናህዕኔርች ቤሉ መቱርቹሃ ደኦኑንታበኦ፡፡ 22 እኮጎሬ ቴሱ ጨብ ሮሶማች ፋልቲን መገን ሮስተ እኬንታኦ፤ ህከን ወጥ ጠሊልመተ ደኦኑንተ፤ መጨረሹስ ዘላለሚሃ ሄኦኑሃ ሄኦ፡፡ (aiōnios g166) 23 መሰንትስ ጨብ ዋጉ ፊሆተ፤ ጠወ እኮጎሬ መገን ሸልማቱ ቀርቹሃኔ መሲህ ኢስ መሳን ዘላለሚሃ ሄኦኑሃ ሄኦ፡፡ (aiōnios g166)

7 አመኤ ኦሶ! እን ሕገ ደጋ መንሂ ጠወአሚት፤ ሕት መኑ ፎሊን ዮ ጌሳን ገዘአኖሃ አሁስ ደጌንተበእንደ? 2 ሞሳሌተ ምንሂ እኮ መንቹት ምንሴ እኑ ፎሊን ዮ ጌሳን ምንሴ እኒን ሕገን ኡሱረንቶአተ፤ ጠወ እኮጎሬ ምንሴ እኑ ሬዮች ምንሴ መንቹች ኡሱረንቶ ሕገች ገፈረንቶአተ፡፡ 3 ህካን እኮቤቹሃ ምንሴ እኑ ፎሊን ሄኦን ዋሎ ጎናን ገልቶጎሬ ዝነተ አቶ

ዬኖሴ፤ ጠወ እኮጎሬ ምንሴ እኑ ሬዮ ጎሬ ምንሴ መንቹን ኡሱረንቶ ሕገች ገፈረሲጭቶቤቹሃ ዋሎ ጎናን ገልቶጎሬ ዝነተ አቶ ዬኖሴበኦ፡፡ 4 አመኤ ኦሶ! ህትን እዕኑ መሲህ ጅስመ እኬንተቤቹሃ እስ ፊሆን ሕገሂ ሬቲንታኦ፤ ህካን እኮቤቹሃ ነኡ መገን ላልቹ ላልኖተ እዕኑ ዋሎ መንቹረ ሁኩንን ፊሆች ኬዕሮ መሲህረ ኤኬንታኦ፡፡ 5 መሰንትስ ነኡ ማል ሰውትገ ሄዕሮም ወክት ሕገ መሳን ኬኦኖ ሂለ ሄዕላቹኔ ፊሆ ላልቹ ላልኖተ ጅስምኔ አዚን ሆንተ አኦናት እቅ፡፡ 6 እኮጎሬ ቴሱ ኡሱር አፎኔ ሕገች ፊሆን መላዕላሚኖ ጌሱ ጠገሞም ሕገች ሂረሞም፤ ህካን እኮቤቹሃ ከኒች ኡተሮን መገን አያኒን ሃዕሮ ሄኦን ሄዕሮም ቤሉ ኑባቹ ሕት ዮኖ ሃሌን ሄዕሮምበኦ፡፡ 7 ህከረ መ ደናም? ሕት ገወሰ ጨብያንደ? ሆሮ ህትጎተበኦ፤ ጠወ እኮጎሬ ሕት ሄዕሮበእቃን ጨቡ መሃጎሬ ደንጋምበኦ እቅ፤ መሰንትስ ሕት «ሂለርቹ ሄዕላቶት» ይዮበእቃን ሄዕላቱ መሃጎሬ ደንጋምበኦ እቅ፡፡ 8 ጠወ እኮጎሬ ሕት ዮበኦ ጎሬ ጨቡ ሬዮሃ እኮቤቹሃ ጨቡ ትዛዝ አዲን አድለ ደኦ ሂለ ሄዕላቶተ ጉዕመንከ አዚንከኤ ከለቆ፡፡ 9 እን ዋዕን ሕት ዮበኦ ወክት ፎሊን ሄኦም እቅ፤ ጠወ እኮጎሬ ሕገ ትዛዙ አሜች ወክት ጨቢሃ ፎሉ ሄዕሮስ እቅ፤ እኮጎሬ እን ሬዮም፡፡ 10 ሁኩ ፎል ኦሶተ ኦሰሞ ሕገ ትዛዙ ኢ አሌን ፊሆተ ኤቦ፡፡ 11 መሰንትስ ጨቡ ሕገ ትዛዝ አዲን አድለ ደኦ ጣንሴኤ፤ ትዛዝ መሳንን ሼኤ፡፡ 12 ህካን እኮቤቹሃ ሕት ጠሊላሃን፤ እሲን ከተበሞ ትዛዙንኩ ጠሊለ፤ ሀንቅያለክ ጡመሃን፡፡ 13 ህከረ ሁኩ ጡመ እኮ ጠወ ኤሳሃ ፊሆተ ኤቦኤ ዩሃንደ? ሆሮ ህትጎተበኦ፤ ህከን ጡመ ጠው አዲን ፊሆተ ኤሳሃ ኤቦሁ ጨብዮ፤ ሁኩን እኮሁ ጨቡ ጨብ አሁስ ለሎታትለክ ጨቡ አበ ሂለ አሁስ ትዛዝ አዲን ደገሞታት፡፡ 14 ነኡ ሕት ጠሊለ አያኒሃ አሁስ ደንጋም፤ ጠወ እኮጎሬ እን ጠሊለ አያኒሃ እኮምበኦ ጨብ ሮሶማተ ህረሞም መንቹ፡፡ 15 እን እኦተ ኢታም ጠወ አሁዕን ግባም ጠወ አምቤቹሃ ገይኤ ሆንተ አጥረመታምበኦ፡፡ 16 ቴሱ እን ሀሰበርቹ አላሚሃ እኮምጎሬ ሕት ጡመ አሁስ ህከኒን ኢተቀማም፡፡ 17 ህት እኮች ህካን አኦኖህ ኦዚኦ ዮኦሃ ጨብ ቤሉ አኔበኦ፡፡ 18 ኢ አዚን ህከረንገ ጅስማንከኤ ጡሙ ጠወ መቱርቹሁ ሄኦበገ ደጋም፤ መሰንትስ ጡመ ጠወ ሄዕላቸምጎሬ እኦተ አታላምበኦ፡፡ 19 ህትን እኦተ ሀሳም ጡመ ጠወ አሁዕናን እኦተ ሀሰበ ሂለ ጠወ አኦሚት፡፡ 20 ቴሱ እን ሆሾምበኦ ሂለ ጠወ አኦሚሃ እኮች ህካን አኦኖህ ኦዚንከኤ ዮኦሃ ጨብ ቤሉ አኔበኦ ዩሃን፡፡ 21 ጡመ ጠወ እኦተ ሀሰን ሂለ ጠወ አኦምገ አኦኖኤ ዋሎ ሕት እኦን ሄዕሮገ ደጋም፡፡ 22 መሰንትስ እን አዚንከኤ መገን ሕገን ሙንደኦም፡፡ 23 ጠው እኮጎሬ እን አኦም ጠው ጉዕመንኩ ሁኩ ዋሎ ሕት እኦን ዩገ ለኦም፤ ኩ ሕትንኩ ቀልበንከኤ አገቀመኖ መገን ሕገን ሜጡብ ኦገቀመኖበኦ፤ ኩ ሕትንኩ ኤሳሃ ጨብ ዋልቃተ ጠገማምገ አኦኖኤህ አሁን ህከን ሕገገን መ አኦምጎሬ ወሰኖኤ፡፡ 24 እን ሄንከ ሞርተዕዮምዮ መንቹ! ከን ሬሆኖ ጅስሚችኤ አይ ጡምሰናኤ? 25 ቀርቹሃኔ መሲህ ኢስን መገንሂ ገለቱ ኢሉሰ፤ ቴሱ እን ቀልበንከኤ መገን ሕገሂ ጠገማም፤ እኮጎሬ ማሊንከኤ ጨብ ሕገሂ ጠገማም፡፡

8 ህካን እኮቤቺሃ መሲህ ኢሰን ሄእኖ መን አሉን ቴሱ ፍርዱ ፈረደመኖሰበአ። **2** መሰንት መሲህ ኢሰን ዮ ሄኡ አሰኖ ጠሊሊ እያን ሕጉ ጨቢቶለከ ሬሆ ሕጊቶ ሰዋልድማን ፋሽዮሄ። **3** ኒ ጨቢቶ ሀል ዶሮተ ሕጊሃ ወልቀት ዮሰበአ፤ ጠዉ እኮጎሬ ሕጉ አኦተ አታልባሃ መገኑ ጨቡ ዮበእ ቤቱስ ጨቢቶ እንኩም ኒን መን ማቆን መን አዕይ ሶክ ጨብ ሀል ፈረጀሰ። **4** ኩን እኮሁ ማል ሰውትገ እሁዕነ ጠሊሊ እያኑ ሀሰኖጊን ሄዕናም ኒን ሕጉ ጠዕመኖኔሁ ፈይመት ዊንቶታት። **5** መሰንትሰ ማል ሰውትገ ሄእሩ ማል ጠወንከ ሰዉ ይታክ፤ ጠሊሊ እያኒ ሰውትገ ሄእኡ፤ ጠሊሊ እያን ጠወንከ ሰውታታ። **6** ማል ጠወ ሰውዩ ሬሁተ ኤበኖ፤ ጠሊሊ እያን ጠወ ሰውዩ ሄኡለከ ወገሬት አሰኖ። **7** መሰንትሰ ማል ጠወ ሰውዩ መንቼ መገን ሕጊሃ አዘዘመኖበእቤቺሃለከ አዘዘሙ አታለምበሰቤቺሃ መገንሂ መሰቼሃን። **8** ማል ሰውትገ ሄእኡ፤ መገኑ መንዲሲሶተ አታልታበአ። **9** ሀንቅከ መገን እያኑ አዜንተክዕኔ ሄዕዮች አዕኩሁ ህትን ዮንታሁ ማሊን እሁዕነ ጠሊሊ እያኒን፤ መሲህ እያኑ አዜሰ ዮሰበእሁ እዩሁ መሲህየበአ። **10** ጠዉ እኮጎሬ መሲህ አዜንተክዕኔ ሄዕዮች መሃ ማሉክዕኔ ጨብ መሳን ሬሆኖጎሬሁ ፎሉክዕኔ ፈይመን ሄእኖሃን። **11** ህትን ኢሰ ሬሆች ኬሾሁ መገኑሃን፤ እሰ እያኑ አዜንተክዕኔ ሄዕዮ ጎሬ መሲህ ኢሰ ሬሆች ኬሾ መገኑ አዜንተክዕኔ ሄእኖ እያንከሰ ሬሆኖ ማልሃክዕኔ ሄኡ አሰኖ። **12** እመኤ ኦሶ! ኤዶ ዮኔ፤ ጠዉ እኮጎሬ ሁኩ ኤዶሁ ማል ሃሽአቶገ ሄዕኖታበአ። **13** ህካን እኮቤቺሃ ማል ሃሽአቶገ ሄኡተ ጎሬ ሬቴነት፤ ጠዉ እኮጎሬ ጠሊሊ እያን ወልቃን ማል ሆጉተ ሽቴንተጎሬ ፎሊን ሄኡነት። **14** መገን እያኑ አዋንሰኖሰሩ ጉዕመንኩ መገንተ አለ። **15** ህካን እኮቤቺሃ አዕኑ «እበ! ኢ እና!» ይቴን ገለቶናተ አታልሲሰኖህዕኔ መገን አለተ አእኖ ጠሊሊ እያኑ ቶንታታ ቤሉ ዋጅቴን ሄኡናተ ፈንቀሽ ኣግሰኖ ርሰሰም ቀልብ ቶንታታበአ። **16** መገን እያኑ ኒ እያኒን ሜጡብ እክ ነኡ መገን አለተ እሁኔ ገይሃኔ መሰከረኖ። **17** ህትን መገን አለተ እንኮሚቹ መገኒቹ ረገዕናም፤ ህትን መሲህ ኢሰን ሜጡብ ኬዕምኝ ደዕናተ አሰን ኦርጨቀምጎሬ አሰን ሜጡብ ረገዕናም። **18** ከን ወክት ኦርሸት ከ ኤተሩ ሄሳሃ አሜተኖ ኬዕምኝን ሆሮ ቅጡ እሆተ አታለኖበእ አዕይ ሰውያም። **19** ክልቀቱ ጉዕመንኩ መገን አለተ ለልታ በር ሄዕላተን አገርታ። **20** ክልቀቱ ተሰ እኩ ጠዊሃ ህግሽ አሰምኡ፤ ሁኩንን ገይሰ ሄዕላታን እሁዕነ ህትን እሆተ መገኑ ፈቀጅቤቺሃት፤ እኮጎሬ መገኑ ተብሳሃ አሰዮኡ። **21** ተብሶስ ክልቀቱ ገዉንኩስ በእ ርሰምኝ ሰዋልድማን ፋልኬዕይ መገን አለ ኬዕምኝ ዋምነትን በቀማንቹ እሆታት። **22** ክልቀቱ ጉዕመንኩ ከበሬ አለ ኒጠኛገ ዮ ኦርሸ ጨነቃን ሄኡስ ደንጋም። **23** ጠዉ እኮጎሬ ኒጠኛ አሉን ዮኢሁ ጠለዕል ክልቀትያበአ፤ መገኑ ዋሉ አሰቱተ አሰኖጊን አጥራመተሞሃ እኮሃ ጠሊሊ እያኑ ወዕኔሃ ቶንጎም ነኡ መገኑ ኦሱስ እሁኔ ለሊሶተለከ ሬሄን ሽሚቹ ነጠ አዕይ ፋሾኔተ ኢለ ኣዘኔ ጅሰማን ኒንጠንለከ አገዕርካን ደገማም። **24** ጡምኖሚሃ እንኩምጎሬ ጡሙኔ ዊመ ዊሚን ሀንቅ እክ ለሎተ ኢለ ተብሰኒ ሄዕናም፤ ነኡ ጡምኖሚሁ ህከን ተብሰኔት፤ ጠዉ እኮጎሬ ተብሳ አዕናምርቹ

ለለኖሃ እኮጎሬ ተብሳሃ እሁስ ፈቀኖ፤ ለለኖርቹ አይ ተብሳሃ አእኖ? **25** ለዕንበርቹ ተብሳ አዕናምጎሬ አታዕሊን አገዕርናም። **26** ህትን ህት መገኑ ኡጨ ሀሰሰኖኔ ጎሬ ደንጋምበእቤቺሃ ጠሊሊ እያኑ ሆንጊንከኔ ሀዕለኖኔ፤ ለጋን ኩሌን አታሊንበ ሃሊን ጠሊሊ እያኑ ዱኡ አእኖ። **27** መን ቀልብ መረመረኖ መገኑ ጠሊሊ እያኑ ሰውቱ መሃጎሬ ደገኖ፤ ጠሊሊ እያኑ መገንረ እኮሁኡተ ሽፈእኖ መገን ፍቃድጋት። **28** መገኑ አትታሁኡተለከ ሰውትሰገ ገእንቶሁኡተ መገኑ ጉዕመርቹንከ ጡምማተ አእኖገ ደንጋም። **29** ኩን እኩ መሰት ሄጭ ደጎሳሃ ቤቱስ እኩዳገለከ ቤቱስ ልግብያ እመስ ኦሶ በለቹ ሀንገፈ እሆኖገ መገኑ ሄጭ ወሰቹቤቺሃት። **30** ወዕና ወሰቹሰረ ገኤስ፤ ህትን ህከ ገኤስረ ወሰቹ፤ ህከ ወሰቹሰረ ኬዕምሾሰ። **31** ህከረ ከ ጠዊሃ መ ደናም? መገኑ ሄሳሃ ሀዕለኖኔሃ እኮች ሆንበዕለመኖኔሁ እዬት? **32** መቱቀስ ቤተሃ እመኩዕነ ጉዕሚንከኔ ህግሽ ኣሴ መገኑ ቤትንከሰ ሜጡብ ጉዕመርቹንከ ህትን አሰኖኔበእንደ። **33** መገኑ መጠርሰሃ አይ ከሰሶተ አታለኖ? ፈየ አእኖሁ ገዋንከሰ። **34** እሰ አሉን ፈረደኖ እዬት? መሲህ ኢሰ አሰ አሉን ፈረደኖንደ? አሰ ሄሳሃ ሬዮሃ፤ ሬሆች ኬዕዮሃ፤ መገን መኬ አዲን አፋዕልዮሃንለከ ሄሳሃ ዱኡ አእኖሃን። **35** መሲህ ኢሰ ኢታች አይ አእኖኔሁ እዬት? ኦርሸተንደ? ጭንቀተንደ? ሽረመሃንደ? ጎሩዋንደ? ከልመተንደ? አይጋንደ? በገዛሃንደ? **36** እሰን «ከተኔሃ ጉዕመ በርካከ ሽታኒ፤ ጎረጤኖ ሆለገ ዋለአዋም» የመም ከተበዋጋት። **37** እኮጎሬ ህከን ጠዋን ጉዕማንን ነኡ ኢቲኔ እሰን ከ ጠወ ጉዕመንከ ድለ አእኒ ቁልታሁኡች በተዕናም። **38** መሰንትሰ ሬሆተጎሬ፤ ሄኡሃጎሬ፤ መላይከታጎሬ፤ ሹመተጎሬ፤ ቴሱ ዮ ጠወሃጎሬ፤ ኤተሮን አሜተኖሃ ጠወሃጎሬ፤ ህከን ዋልቃምሃጎሬ፤ **39** ጎት ዩሃጎሬ፤ ሙግ ዩሃጎሬ ህኩ ክልቀቱህ እኮጎሬ ቀርቾሃ መሲህ ኢሰን ደእኖም መገን ኢታች አይ አኦተ አታለኖ መቱርቹሁ ዮበእሃ እሁስ ደጎም።

9 መሲሂን ሀንቅ ጠወኣም፤ ከዝባምበእ፤ ጠሊሊ እያኒን አዋንኖ ቀልቡኤ ከዝባምበእ መሰከረኖኡ። **2** እኩ ሻኩተለከ ሙርተለኩ ጨነቀሙ ቀልቤንከኤ ዮኡ። **3** መሰንትሰ እሉኤ እኩ ወገኒሃኤ ይ እን መሲሂች አይ እክ ቦርሩ አልዶኤ እቃን ኢታም እቅ። **4** እሰ እስራኤላውያናታን፤ ህትን መገኑ አሰንተ አለሰ አዕዮሰ፤ ኬዕምኝሰ ለሊሾሰ፤ ወእድ ላገተ ኣጎሰ፤ ሕገ ኣሴስ፤ ሀንቅ ሰገድ ሴረ ለሊሾሰ፤ ተብሴ ላገተ ኣሴስ። **5** ህትን ወዕኔ አናኖች አሜቶአረጎ፤ መሲሁ ማሊን አሜቶሁ እሰ ደቦቺት፤ እሰ ጉዕሚቶን ሎረሃን፤ መገንሂ ዘላለሚሃ ሹኩሩ ኢሉስ፤ አሚዕን! (aiōn g165) **6** ጠዉ እኮጎሬ መገን ላገት ሻረንቶኡ ዩሃበአ፤ መሰንትሰ እስራኤላውያኖ ዘርት ዊመ ዊሚን ሀንቅ እስራኤላውያናተበአ። **7** ህትን አብራሂም ዘርተ እኮሁ ጉዕመንኩ ሀንቅ አብራሂም ኦሶተ ዩሃበአ፤ ጠዉ እኮጎሬ «ዘርክ ገእንታሁ ኢሳቂትን» ዩሰቤቺሃት እቅ። **8** ህካን እኮቤቺሃ ርሰም ዋቂን ጠለዕል ማሊን አሊንቶሩ መገንተ አለበአ፤ ጠዉ እኮጎሬ ዘርት እክ ዋለአንታሩ ጠለዕል ተብሴ ላገተ ኦሱ። **9** ተብሴ ላገት «አሜተኖ ዘማን ከ ወክት ፈንቀል አሜታም፤ ጎረ ለገ ጨል አልታኦ» ይታኦተ እቅ። **10** ህካን ጠለዕል እሁዕነ ርብቀ ሜጡ መንቺቹ ሁኩንን

እንኔ እኮ እሳቂች መልተተ አልቶተ ላልተ እኮ ወክት **11** መገኑ መጠረኖሁ ለመንኩ አለት አለንቱዕናን ሂለ እኮ ጡመ አቱዕነ ሄጭ **12** ሆኅን አሁዕነ እስ ገእና ሃሊን አሁስ ለልሲሃ መገኑ ርብቀ «ሆንገፋ ማዕኒሃስ ጠገመና» ዬሴ። **13** ሁኩን እኮሁ «ያቁብ ኢትዮም፤ ጠዉ እኮጎሬ ኤሳ ግቦም» የመም ከተበሞጋት። **14** ቴሱ መ ጠወዕናም? መገን አዲን ሉጨንሹ ዮእንዶ? ሆሮ ህትነተበእ። **15** መሰንትስ መገኑ ሙሰ «መረርሲጨ፤ ሀሾምሀሊሃ መረርሲጨም፤ አመዛንሰህኒንክ አመዛም» ይዮሰ። **16** ህካን እኮቤቺሃ መገኑ መነ መጠረኖሁ መኑ ሀሾ ሃሊን ሀከረገገ መን ሆኅን አሁዕነ መገን መረርሲጨንት። **17** መሰንትስ መጻፋን ፋራኦኔትኔሃ «ዋልቀኤ ኪን ለሊሶተለክ ሱዕመኡን ኣዱንያ አሊን ጉዕማንን ደገሞተ ዋመ እዕዮንኬ» የመም ከተበሞኡ። **18** ህካን እኮቤቺሃ መገኑ ሀሾሃ እዬሁ ማረኖሰ፤ ህትን ሀሾህ እዬሁ ቀልብስ ዱድሰና። **19** ቴሱ «መገን ሰውት ከሞተ አታለሮሁ ዮበእኙ ሚሃ ሉጨንሺሀኔ መገኑ ዋቀሰናኔት?» ይቴነገታሃ አሁና። **20** ጠዉ እኮጎሬ ኮ መንቺ! መገኒን ኦደሚሃ አታልታንቲሁ አት አዬት? ትብ ኦዳት መክሾሲሃ «ህት አት መክሶንቴኤሁ ሚሃት?» ዮተ አታለሮንዶ? **21** ትብ ኦዳት መክሰናሴሁ መቶ ትበቺ መት ኦዳት ኬዕምኚሃ ህትን ዋልት ኦዳንተ ሂለርቺሃ መክሶተ ዋልቀት ዮሰበእንደ? **22** መገኑ ኡመዕርሰ ለልሶተለክ ዋልቀስ ለሊሶተ ሀሽ በኢሃ ቅጥይቶ ኡመዕራ ኦዳት ልግብ ወክት አታዕሌሰ። **23** ህካን እዕዮንኩ ዋዕናንክ ኬዕምኚሃ ቅጥእዕዮ ማርቶ ኦዳ ኬዕምኛስ በትኝ ለሊሶታት። **24** ኔሳሃ መረርሲጨ ኦዳንተስ ጠለዕል አይሁዲች አሁዕነ አይሁደ አህበ መኒች ገእዮኔ። **25** ሁኩንን እኮሁ መገኑ ሆሴ መጻፋን «ኢ ኡመትኤ እክበረ «ኡመቱኤ» ይ ገእም፤ ኢተሞበእ ኡመትንክ «ኣን ኢታም ኡመት» ይ ገእም፤ **26** ህትን «አዕት አሃ ኡመትበእ» ዬመስ ቤቸን «ሄእና መገን አለተ» የመንት ገእነታኦ» ዩሃን። **27** ህትን አሰያስ አሰራኤል ኦሶተኔሃ ላገሰ ጎት አዕይ «ሄከነሃ አሰራኤል ኦሶ ዋሊንሹ ባር ኣዝ ሽፋር ጌሰ እኮጎሬ አሳች ፈቆሁኑኡች ጠለዕል ቀዉሰ ጡምታኦ። **28** መሰንትስ ቀርቼ ደዕል ኡለ አሊን ሹል ፈረደና» ዬላ። **29** ህትን አሰያስ «ጎጎት ቀርቼ መገኑ መን ዘርተ ፌሾበእቃን ሶዶምለክ ጎሞር ከተምገ እንካም እቅ» ይ ዋዕናንክ ጠወዕና። **30** ቴሱ መ ይናም? ፈይመት ሀሰቱ አይሁደ አህቡ መኑ ፈይመት ደእቶኤ፤ ሁኩ ፈይመት አመዕነቲን ደገንታኦታን። **31** ጠዉ እኮጎሬ አሰራኤል መኑ ሕገ አገሪን ደገንታ ፈይመት ሀሰን ሕገ አገሪ ሆንቤቺሃ ፈይመት ደኢሃ አታልቶበእ። **32** «ሚሃት ፍይመት ደእቶበእ?» ዬማእቃን አሰ ፈይመት ሀሰኢሁ አመዕነቲን አሁዕነ ሆኅን እኮቤቺሃት፤ ህካን እኮቤቺሃ ቆለና ክኖን ቆዕልቶኡ። **33** ሁኩንን «ሁኩዕት መነ ቆለና ክኑ ጽኦናን እፋሻም፤ ሁኩ ክኑ መነ ቆለን ኡጀናሃን፤ ህከን ክኖን አመዕነሮሁ እዬሁ ሙለሮበእ» የመም ከተበሞገን ህከን ክኖን ቆዕልቶኡ።

10 አመኤ ኦሶ! አሰራኤል መኑ ጡሞተ ቀልቤንተኤ አበ ሄዕላታምለክ ዱኣ እኣም። **2** መሰንትስ ሀንቅ ደገን አሁ ሆጉሃስ ቤሉ አሰ መንኒሃ አዘዘንቶተ ጠረኝሰ ሀሳኣረ አሁስ እን ገውንኩኤ መሰከራንሰ። **3** እስ መገን ፈይመት ደጉዕናን ገይሰ ፈይመተ አምኑ ሀሰ መገን ፈይማተ

አዘዘንቶበእ። **4** ህካን እኮቤቺሃ አመዕናንት ጉዕመንኩ ፈይቶተ መሲህ ሕገ ዊንሼኦ። **5** ሙሰ «ሕገ አገሪን ደገንታ ፈይመተ አእና መንቺ ሁኩ ሕኑ ዮኖሃ አእና ጉዕመንኩ ፎሊን ሄእና» ይ ከተቦኡ። **6** ጠዉ እኮጎሬ አመዕነቲን ደጌና ፈይመተ «ቀልቤንከክ ሰማሃ እይ ፋለና?» ይቶት፤ ሁኩንን መሲህ ኡለተ ድርሲሃት። **7** ህትን ቀልቤንከክ «እዛቤን እይ ድረና?» ይቶት፤ ሁኩንን መሲህ ሬሆች ኡብሃት። **(Abyssos g12)** **8** ጠዉ እኮጎሬ መ ይታኦ? «አፎንክክለክ ቀልቤንከክ እክ መገን ላገት ሆንጡኦኡ» ይታኦ፤ ህትን ነኡ ዱዱብሰሰሚህ አመዕነትተ ላገ። **9** አት ኢስ ቀርቼ አሁስ አፈንከክ መሰከርቶንጎሬለክ መገኑ ሬሆች ኬሾሰገ ቀልቤንከክ አመዕንቶንትጎሬ ጡምታንት። **10** መሰንትስ መኑ ቀልቤስ አመዕን ፈየ አሁና፤ ህትን አፎንከስ መሰከር ጡመና። **11** ጠለሊ መጻፋን «አሲን አመዕነሮሁ እዬሁ ሙለሮበእ» የመም ከተበሞኡ። **12** መሰንትስ መቶ ቀርቼ ኢስ ጉዕሚንክ ቀርቼ እኮቤቺሃ አይሁደለክ አይሁደ አህበ መን በላን አደደመት ዮበእ፤ እሰን ኡጭታሰሁኑኦተ ጉዕሚንክ በረከስ በትሽ አሰናሰ። **13** መሰንትስ «ቀርቼ ሱዕመ ገእኖሁ ጉዕመንኩ ጡመና» የመምኡ። **14** ጠዉ እኮጎሬ አመዕንቱዕናን ህት አት ገእቶተ አታልታኦ? ህትን አሰተኔሃ ሞጮጭቱዕናን ህት እክ አመዕንታኦ? ተማርሰና መንቺ ዮበኢሃ ህት እክ ሞጮጭቶተ አታልታኦ? **15** ተሽት ላገተ ዱዱብሰታሩ ሶሀንቱዕናን ህት እክ ላገሰ ዱዱብሰቶተ አታልታኦ? ሁኩንን «ጡመ ዱዱቡ ኩልታሩ አሜቱስ ሄከን ተሽ ዮና?» የመም ከተበሞጋት። **16** ጠዉ እኮጎሬ አሰያስ «ቀርቼ! ነኡ ጠወዕናም ጠወ እይ አመዕንዮኡ?» ዬገን ጉዕመንኩስ ተሽት ላጋተ አዘዘንቶበእ። **17** ህካን እኮቤቺሃ አመዕነቱ አሜተኖሁ ሞጮጭኒት፤ ሞጮጭንኩ መሲህተኔሃ ኩለንታ ላጋቺት። **18** ህንዴ ጠዕሞሀዕኔ፤ እስ ሞጮጭ ሆንቤቺሃንትዶ? ጠለሊ መጻፋን «ላገሰ ኣዱንያ አሊን ጉዕማንን ሞጮጭንቶኡ፤ ጠወኦርቺንኩ ኡለ ገበለ ኣልዮኡ» የመም ከተበሞቤቺሃ ሀንቅንክ ሞጮጭቶኡ። **19** ቴሁ ጠዕሞሀዕኔ፤ አሰራኤልውያንት ላገሰ ደጎበእ ዩሃንዶ? ህካን ዬንበሰገ ሙሰ ሄጭ «ኡመት እክበሀኑኦተ ሰጭቴነንተገ እኣንክዕኔ፤ አጥራመትበ ኡመት መሳን ኡመዕርቲንተገ እኣንክዕኔ» ዬላ። **20** ህትን አሰያስ «ኤሳሃ ሀሾበእ መኒሃ ደገሞም፤ ኢቲኔንክ ጠዕምትበ መኒንክ ገዉኣ ለሊሾም» ይ መለል ጠወእዮኡ። **21** ጠዉ እኮጎሬ አሰራኤልተኔሃ «ሾክለክ አዘዘምበ መንበ በር ጉዕመንክ እንገኤ ሂሮም» ዬላ።

11 ህንዴ ጠዕማም፤ መገኑ ኡመትስ ኡጅናንዶ? ሆሮ ህትነተበእ፤ መሰንትስ እን ገዉንኩኣ አሰራኤልውቺሃንለክ ኡብራሂም ዘሬች ቢንያም ደሮሃን። **2** መገኑ ዋዕነ ሄጭ መረጮ ኡመት ኡጅዮሰበእ፤ አሰራኤልተኔሃ አልያስ መገን ብሬን ኦጅገ መጻፋ ዮኖሃ ደኒንተበእንደ? **3** ህከን ወክቲን አልያስ «ቀርቼ! ነቢያከክ ሽቶኤ፤ ኬሳሃ ክትመ ሆንጠህሴኖሃ ጠረጴዛ ጉዕመንክ ድጅቶኤ፤ እን ሚጡንኩኣ ፈቆም፤ አሰን ኤሳሃ ሽቶተ ሀሳኢት» ዬላ። **4** ጠዉ እኮጎሬ መገኑ መ ይ ፈንቀሼሰ? መገንኩን «እን ብኣኦ» ዬሮ ሽርኬሃ ሰገድቡ ለመለ ኩሜ መነ ገይህኣ ፌሾም» ዬሰ። **5** ከን ዘማኔን መገን ኣሰቶን መጠረንት ፈቆ ቀዉ መኑ ዮኡ። **6** ሞርጨስ

እስቶን እኮጎሬ ሆነበለ ዩሃን፤ ሆኅን እኮጎሬ አስቲት አስቲት አሁስ ፈቀኖ። 7 እስራኤል ሙኑ ሆሉሂ ደዕቶበአ። እኮጎሬ መገኑ መረጮሰሩ ደዕቶኡ፤ ፈቆሩ ቀልብስ ዱድሶኡ። 8 ሁኩንን «መገኑ ቀልብስ ጀልአዕኖስ፤ ህከኒሃ ከበሬ ኢሊሬተ አሌነተስ ለኑበአ፤ መጫንተስን ሞጮጭቶበአ» የመሞ ከተበሞጋት። 9 ህትን ደዉድ «ማዱስ አፈኖ ዋሻደ ኡጀኖ ኤሎሃ እክ ኦራሰንስ! እቶ ሂሉርቼ ገይስ አሌን አሁን! 10 እልስ ለኣበአ ተንሲሱን፤ ረመዙስ ኦርሻን ጉዕመ ወክት ቁቄሃ አሁን» ዬአ። 11 ህንዳ ቲህ ጠዕማሞ፤ እስራኤል ሙኑ ሉሶኢህ ከአበ ኡቡ ኡቡጋትንደ? ሆሮ ህትጎተበአ፤ ህከን ወጥ እስ ሰጭቶተ እስራኤል ሙኑ ጨብ እቶ መሳን አይሁደ አህቡ ሙኑ ጡሙ ደኤአ። 12 ጠዉ እኮጎሬ እስራኤል መን ሉጩንሹ ከን ኣዱንያ አል መኒሃ በረከተ ደግሲሾቶለክ እስ ኡቡ አይሁደ አህበ መኒሃ በረከተ እኮች ጉዕመንኩስ ፈቆ እቃን ሄንኩ ልግቡ በረከት ደገንታ እቅ። 13 ቴሱ ጠወኣሚህ ክዕኔሃ አይሁደ እከንበ መኒሃት፤ አይሁደ እከንበ መኒሃ ሲሞሚሃ እኮሞቤቼሃ ክድማተኤ አቡ ኬዕሞኖ ኖኤ። 14 ካን እኡኤ ማል አሉእ እኮአረ አይሁደ ሰጭታጋ አኢሃት፤ ከን ሃሌን አይደጎ አሳች መት-መቱስ ጡሞታገ እኡተ አታላሚሃ አሆተ አታለኖ። 15 መሰንትስ አይሁደ ኡቡ ኣዱንያ አሌን ኖ መኒሃ መገኒን ሀራዕረሙ ኤቦች አስ መገን አደ ፈንቀሉንገ ሀት አሆኖ? ሁኩን ሬሆች ኬአተገ። 16 መቶ ደን ቡኩች ወዕኔ እስ መገኒሃ ጠሊሎሃ እኮች ቡኩት ጉዕመንኩ ጠሊሊ አካእ፤ ህትን መቶ ሀቅ ጠጹ ጠሊሊ እኮች ሀሙስ ጠሊሊት አካእ። 17 አይሁዱ ጋሮ ወርች ሀቅጋት፤ እስ በሊች መቱ ጌሱ ሀሙ ሙርተዕይ ኡባንለክ አዕኑ ኡድሞ ወርች ሀሙ እከንታሩ አስቤቸን እከን ጠጹስ ዱንያተለክ በረከተ ቤቀንቴንተረ እከንተ ጎር 18 ህከን ቢጠንት ኡቦ ሀሙን ቦንቶት፤ እኮጎሬ ቦንቶትጎር ጠጹስ ኬሳሃ እጅኖሄ ቤሉ ጠጹ እጅቶንቲህ ኬሳሃ አሁ ሆኑክ ደግ። 19 ጠዉ እኮጎሬ «ሀማከት ቢጠንት ኡቦኢህ ኣን እስቤቸን አሆታት» ይቴንጎታሃ አሆኖ። 20 ሁኩን ሀንቅሃን፤ እስ ቢጠንቶኢህ አመዕኑ ሆንቤቸሃት፤ አዕኑ አመዕነት መሳን አጸቀንቴን ኡርቴንታኤ፤ ህካን እኮቤቼሃ ዋጅዬ ቤሉ ቦንቶኖቼ። 21 መሰንትስ መገኑ ዋዕሪሃ ነጹ ሀሚሃ አሙዝባች ኬሳሃ አሙዝባከ። 22 ቴሱ መገን አሙዙሰለክ ዋጅሲሱሲ ለእ፤ ዋጅሲሱንኩስ ለሊሰሮህ ኡቦ ሀዕኑኡአሌኒት፤ እኮጎሬ መገን አሙዙንከስ ጠረኝት ሄኣንትጎሬ ኬሳሃት፤ ሁኩን ኖበእ ጎሬ አዕኑህ ሙርተኤን ኡቤነንተ። 23 እስን አመዕኑ ሆጊች ፈንቀልቶጎሬ ዋዕሪሃ ሙርተኤ ቤቸን ፈንቀልት ኣጋኤ፤ መሰንትስ መገኑ ወዕኔስቤቼ ፈንቀሽ ኣገሰሰተ አታለኖ። 24 እት ክልቀቴንከክ ኡድሞ ወርቹ ሀቀ እኮሀኒች ሙርተኤ ከልቀንቶንት አሁዕነ ጡሙ ወርቹን ኣጎንቲች በትሽን ሁኩ ክልቀቴንከስ ኖስ ሀሙ ገይስ ወርች አሌን ሀት ኣጋበኤ። 25 አመኤ ኦሶ! ቀልባመተ እከንታሃ እኩዱንከሀዕኔ፤ ህካን እኮቤቼሃ ማጠሞ ጠወ ደጎኖተ ሀሳሞ፤ አይሁደ እክበሩ መሲህ አመዕነት መገኑ ሀሰኖ ወሊንሽ ኢልቶተ ኢሊ ዱድሰኖ እያኑ መት-መቶ እስራኤላውያኖ አሌን እኮ። 26 ህትን «ጡሞሳንቹ ጽኦኒች አሜተኖ፤ ያቁብ ዘሬች ጉዕሚችን ሂልመተ ከመኖ፤ 27 ጨብስ ፈቀን ዬም ወክት ክዕኔኤን ኣጋም ወኣድ ላገት ከኒት» የመሞ

ከተበሞገን እስራኤል ሙኑ ጉዕመንኩ ጡሞታኤ። 28 እስራኤላውያንት ተሸት ላገተ ሞጮጩ ግቢንከስ ክዕኔተኔሃ መገን ዱን እኮኤ፤ እኮጎሬ መጠረሚን አኖሮስተኔሃ መገኑ ኢተኖስራን። 29 መሰንትስ መገን ኣስቲትለክ መገን መጠሩ ደረሞበሃን። 30 አዕኑ ዋዕሪሃ መገኒሃ አዘዘሙ ግቢንታኤ፤ ቲህ እኮጎሬ እስራኤል ሙኑ አዘዘሙ ሆጊን ማርቲተ ደዕቴንተገን 31 አዕኑ ደለቴንተ ማርቲተ አሳሁ ህከ ማርቲተ ደለቶተ ቲህ አዘዘንቶበኤ። 32 መሰንትስ መገኑ ጉዕማንከ መኒሃ ማርቲስ ለሊሶተ ጉዕመንኩ ሙኑ አዘዘሞበገ አዕኖ። (eleese g1653) 33 መገን ቀባጡትለክ ሀይመት ደጉ ሄንከ ጥዕላሸሃን? ፍርዱስ መረመሬን አሌንቡሃን፤ ዋቆንኩስ ለልበሃን። 34 «ቀርች ቀልብ ጠወ ደገኖህ አዬት? እሱሃ ሸዘኖሲህ አዬት? 35 መገኒሃ ሊጭሰህ ሊጭንከ አኣኖህ አዬት?» 36 መሰንትስ ጉዕሙርቹንኩ እሲች፤ እሲንትለክ እሲሃት፤ እሲንከ ዘላላሚሃ ኬዕሞኖ እሲሃ አሁስ! ኣሚዕን! (aiogn g165)

12 ቲህ አመኤ ኦሶ! ጅስመክዕኔ መገኒሃ አደ እኮሃ ሙንዲሲሰኖለክ ሄኣኖ ክትመ እቴን ሆንጠሀሰኖተ መገን መረርሲጨን ኡጫንክዕኔ፤ ሁኩንን አዕኑ መገኒሃ ሆንጠሀሰኖተ ሀሰሰኖሃ ሀንቁን እኮ ሰገዱዋክዕኔ። 2 ህትን ጡሙ ሙንዲሲሰኖለክ ንጃሱ ኖበእ መገን ሰውቱ መሃጎር አጥራመቴን ደጎኖተ ቀልቡክዕኔ ሃዕሮ እክ ሄኡክዕኔ ዶረሙን ቤሉ ከን ኣዱንያ አል መነ እኩኖቼ። (aiogn g165) 3 «ክዕኔ በላን መት-መታንኩክዕኔ መገኑ ኣሴሀዕኔ አመዕነት ጌሲን ጡሞምን ሰውኖን ቤሉ ገይስተኔሃ ሀሰሰኖሀጊች በትሽ ቦኒን ሰውኖን» ይ መገኑ ኣሴኤ ኣስቶን ሸዘንክዕኔ። 4 መቶ ጅስማን ልግቡ ብሊቱ ኖኤሀንገለክ ህከን ብሊት ሆንት ጉዕመንት አደ እኮገን 5 ነኡ ሄንከ ልግብ እንኮምጎሬህ መሲህ መቱሃ ጅስመ፤ መቶ ጅስሞ ብልት እንኮሞቤቼሃ ገገደንከኔ ሜጡ ኣንኮም። 6 መገኒች ኣሰንቶኔ ኣስቶንን አደዱ ኣስቲት ኖኔ፤ ራገ ጠወኡ እኮጎሬ አመዕነትኔ ጌሲን ራገ ጠወዕኑን። 7 ካደመኖህ ክድማንከስ ጠረኙ፤ ተማርሰኖኩ ተማርሰንከስ ጠረኙን። 8 ህትን ሸዘኖህ ሸዘንከስ ጠረኙን፤ ኣሰኖኩ ቀልቢችስ ኬሽ ኣሱን፤ ገሽኖኩ ጠረኝ ገሹን፤ መረርሲጨኖኩ ሙንዲኖን መረርሲጨን። 9 ሰንሰንት ኖበኢ ሀንቅ ኢተት ሄኡክዕኔ፤ ሂሊ ጠወ ግቢ፤ ጡመርቹ አሞኤ። 10 ህትን ገገዉክዕኔ ጠረኝቴን ኢተቀሚ፤ መት-መቱክዕኔ ኬዕሞሼ። 11 ሞንክዕሉ ኖበኢሃ ጠረኝቴን ዊመ ቀልቢን ቀርቹ ካደሚ። 12 ተብሴን ሙንደዕዬ፤ ኦርሸተ እጅቅዬ፤ ጉዕመ ወክትንክ ዱኣ አዕዬ፤ 13 አመዕንቶ አመኡሰተ ኦርሸስ ወክት ሀዕልዬ፤ ኮሀ ቶጌ። 14 ሸርታሀዕኔረ ማሰዕዬ፤ ማሰዕዬስ ቤሉ ቦርርቶኖቼስ። 15 ህትን ሙንደኣሁኡን ሜጡበ ሙንደዕዬ፤ ኦህኣኡን ሜጡበ ኦዕዬ። 16 ገገዉንኩክዕኔ ኢታን ሄዕዬ፤ ገዉክዕኔ ሎርሱ ኣጉርቴን ቡጥቻኖን ሜጡበ ሄዕዬ «ኢ ቤሉ ዋሉ ደገኖህ ኖበኤ» ይቶኖቼ። 17 ጉዕማንክ መን ብሬን ጡሙ ጠወ አዕዬ ቤሉ እዬሃዉ ሂሊ አዕኖ ወጥ ሂሊ ጠወ እቴን ፈንቀሸቶኖቼ። 18 ህትን አታልሲሾሀዕኔ ጎሬ መገን ጉዕሚንን ወገሬትን ሄዕዬ። 19 ኢ ጃላ፤ «ቀርቹኔ መገኑ ገዱተ ፋሉ ኢሃን፤ እን ገዱተ ፋላሞ። ዬአ» የመሞ ከተበሞቤቼሃ መገን ኡመዕሬተ ቤቹ ኣሰዬ ቤሉ አዕኑ ገዉክዕኔ ገዱተ ፋልቶኖቼ። 20 ህከን ወጥ ባለጋሩክ

ጎራጭሬ እትሰሰ፤ ሰገባሰጎሬ እግሰ፤ ህካን እንነክክ መልሳንት። 21 ህካን እኩቤቼን ሂለ ጠወ ጡመ ጠወ እኢን ቄል ቤሉ ሂለ ጠዊን ቁለንቶት።

13 ዳኝነቱ ጉዕመንኩ እስመኖሁ መገኒች እኩቤቼሃለክ ቴሉ ዮ ዳኛትት መገኑ ዳኛ እዕዮሰረ እኩቤቼሃ መኑ ጉዕመንኩ ገሽታ ሹማት እዘዘመ ሀሰሰኖሰ። 2 ህካን እኩቤቼሃ ዳኛኖን ሂለማን ከእኖሁ ጉዕመንኩ መገን ትዛዝ ቶገኖበእ፤ እዘዘመባሁ ጉዕመንኩ ገይሰ አሌን ፍርደ ኤበኖ። 3 ሹመት ሂለርቹ እታ መን ቤሉ ጡመርቹ እታ መን ዋጅሲሳበእ፤ ሹመ ዋጅሲሳኖበዕገ ሀሰንንዶ? ጡመርቹ እእ፤ እሰን ገለትጨኖሂ። 4 መሰንትሰ አሰ ሂለ አታረ ቀጠእኖ መገንዮ ካድመ፤ ጠወ እኩጎሬ ሹመ ብሰ ቆዕረኖሁ ጠለዕሳን እህበቤቼሃ ሂለርቹ እቶንትጎሬ ሹመ ዋጅ፤ ህትን እሰን ሂለርቹ አሰታእረ ቀጠኡን መገን ኡመዕርተ ለሊሰኖሃ መገንዮ ካዲንቹ። 5 ህካን እኩቤቼሃ ሹማት እዘዘመ ሀሰሰኖ፤ ሁኩንን ኡመዕርተ ዋጅን ጠለዕሳ አሁዕነ ቀልብክዕኔ ቀጠኖህዕኔቤቼሃት። 6 አዕኑ ግብር ባቴንታሁ ሹማት እዘዘመ ሀሰሰኖህዕኔቤቼሃት፤ መሰንትሰ ሹመት ህካን እኢን መገኒሃ ካዲንታእረን። 7 ቴሉ ጉዕማንከ መኒሃ እኡ ሀሰሰኖሃ እዕዬ፤ ግብር ባቴ ሀሰሰኖህሂን ግብረ ባቴ፤ ቀረጠ ባቴ ሀሰሰኖህሂን ቀረጠ መሬ፤ ዋጅ ሀሰሰኖህሂን ዋጅዬ፤ ኬዕምኙ ሀሰሰኖሰህሂን ኬዕምኝ እሰዬ። 8 ገገወክዕኔ አታቀሜ ቤሉ እዬ ሊቆሆ እኤክዕኔ ሄኡንከ፤ መሰንትሰ እሊቸሰ አታኖሁ እዬሁ ሕኑ ዮኖሃ እእኖ። 9 «ዝነተ አቶት፤ ሽቶት፤ ሞግቶት፤ ዋሎ መንርቹ ሄዕላቶት» ዮፍ ትዛዘህ ዋሎ ትዛዘ ጉዕመንኩ «እሊቸክ ገይከገ ኢት» ይታ ላጋን ዊሞኡ። 10 ኢተት ሄኡ ጎሬ ዋሎ መን እሊን ሂለርቹ እእኖበእ፤ ህካን እኩቤቼሃ ኢታን ሕኑ ዊመ አሀኖ። 11 ቴሉ ግሰኛች ኬኤነንተ ወክቱ አሊገ ደጌ፤ መሰንትሰ እመዕንኖም ወክቲች ጡምናም ወክቱ ቴሉ ኒቤቹ ሆንጠኩኡ። 12 ህንከዕርት ህጎተ እኬኩኡ፤ በሩሰ ሆንጠኩኡ፤ ህካን እኩቤቼሃ ቱንሰቸን እዕናም ሆንተ ጌኝ እዕኖ፤ ኑር አል ኦድነተ ኦድዕኖ። 13 ህካን እኩቤቼሃ በራን እንካምሀንን ሀሰሰኖገ ሄዕኖ ቤሉ ሄዕኖሚህ ቦላቸን፤ ሰከራን፤ ዝነተ እኢን፤ ጅሰመ ሆጎዲን፤ ኦዳንለክ ምቀቼማን አሁንከ። 14 ጠወ እኩጎሬ ቀርቹ መሲህ ኢሰ ኦደዕዬ ቤሉ ሄዕላተኖርቹ ዊንሾተ ማላክዕኔ ሰውይቶኖቹ።

14 እመዕነቲን ሆጎ መንቹ ኢታን ቶጌሰ ቤሉ ሰውትሰ ህንቆኖቹ። 2 ጉዕመርቹንከ እቱ ሀሰሰኖሰገ እመዕነኖሁ ዮኡ፤ እኩጎሬ እመዕነቲን ሆጎሁ ጠለዕል አታክልተ እተኖ። 3 ህካን እኩቤቼሃ እኩሰርቹ እተኖ መንቹ እትበ መንቹ ህንቁንከ፤ ህትን እትበ መንቹ እተኖህን እሊን ፈረዱንከ፤ መሰንትሰ መገኑ እሱ ቶጎሰ። 4 ዋሎ መንቹ ካዲም እሊን ፈረዶተ እት እዬት? እሰ ኡሬጎሬ ህከረንገ ኡቦጎሬ ቀርቹሃሲት፤ እሱ ቀርቹ ኡርሶሰተ አታለኖቤቼሃ ኡረኖ። 5 ህትን መቱ መንቹ መቱ በር ዋለኢች ቆህኖገ ሰውኖ፤ ህትን ዋሎ በሩ ጉዕመንኩ ቅጡወ ይ ሰውኖ፤ ህካንን ጉዕመንኩ ግግሰ ቀልቢን አጥራመች ደጉ ሀሰሰኖሰ። 6 ህትን በር ከበጀኖ መንቹ ቀርቹ ኢሰ ከበጀተ ይ ከበጀኖ፤ እተኖንኩ መገኑ ገለትጨኖሲቤቼሃ ቀርቹ ኢሰ ከበጀተ ይ እተኖ፤ እትበ መንቹ ቀርቹ ኢሰ ከበጀተ ይ እተኖበእ፤ እሰን

መገኑ ገለትጨኖ። 7 ኒች ገይሀሰ ሄእኖለክ ገይሀሰ ሬሆኖ መንቹ ዮበእ። 8 ህካን እኩቤቼሃ ፎሊን ሄዕኖም ጎሬ ቀርቹ ኢሲሃ ሄዕኖም፤ ሬኖምጎሬ ቀርቹ ኢሲሃ ሬኖም፤ ህካን እኩቤቼሃ ሬኖምጎሬለክ ሄዕኖም ጎሬ ነኡ ኢሰራን። 9 መሰንትሰ መሲህ ሬቶሁኡተለክ ፎሊን ዮሁኡተ ቀርቹ አሆተ ሬይ ሬሆች ኬዕዮኡ። 10 እመክ ቤት እሊን ፈረዳንቲሁ ሚሃት? ህከረንገ እመክቤቱ ህንቃንቲሁ ሚሃት? ነኡ ጉዕመንኩኔን መገን ፍርድ ቦርጭመ ብሬን ኡርኖም። 11 «ቀርቹ መገኑ እን ሄእሚሃ እኩምቤቼሃ መኑ ጉዕመንኩ ኤሳሃ ሰገደኖ፤ አረቤንከሰ እን መገኑ አሁእ መሰከረኖ» የመም ከተበሞኡ። 12 ህካን እኩቤቼሃ መት-መቱንኩኔ ገይኦቱሃ መገኒሃ መሰለ አሰኖም። 13 ህካን እኩቤቼሃ መት-መትኔ እሊን ፈረንዱንከ፤ ህከን ወጥ እዬሁ እመሰ ቤቲሃ ጉፍቹ አህበገ ህከረንገ እመሰቤቱ ሉሲሰኖበእገ አገዕሩን። 14 እን ቀርቹ ኢሲሃ እኩምቤቼሃ አቸት ገይንተሴ ኒጃሰ አሁ ሆንተ አጥራመች ደጎም፤ እኩጎሬ መቱርቹሃ «ንጃሰኖ» ዮፍ መንቹሃ ሁኩንን ንጃሰ አሀኖሰ። 15 እት አታንት እታንን እመክቤቱ ሻዘኖ እኩች ኢታን ፈንቀላንቶንትበእ፤ ህካን እኩቤቼሃ መሲህ አሰተሄሃ ሬኖ መንቹ አታንት አቸ መሳን በእኖገ አቶት። 16 ህትን ክዕኔ ዮ ጡመ ጠወ ህንቁኖገ አቶኖቹ። 17 መሰንትሰ መገን ዋምነቱ ጠለሊ እያንገ እኩ ፈይመተ፤ ወገሬትየለክ መንዲትተ ቤሉ እቴኖሃለክ እጌኖሃ ጠወበእ። 18 ከን ሃሌን መሲህ ካደመኖ መንቹ መገኑ መንዲሲሰኖ፤ ሁኩ መንቹ መንህኔን ማሰአምእሃን። 19 ቴሉ ወገሬቱ ደገመኖሁለክ ገገወኔ ጠረኝጨቀማም ዋቃሃ አምኑን። 20 እቴኖርቹሃ ይቲን መገን ሆንተ ቤንሱንከ፤ አቸት ጉዕመንኩ ነጠሃን፤ ጠወ እኩጎሬ ዋሎ መን ሉሲሳ አቸተ እቱ ሉጨንሻን። 21 ህካን እኩቤቼሃ ማለ እቱ ግቡ ህከረንገ ወይን ጠጀ ኡኑ ግቡ ህከረንገ መን ሉሲሰኖርቹ መቱርቹሃ እኡ ሆን ጡመሃን። 22 ህትን ኬሳሃ ዮሄ እመዕነቱ መገንለክ ኪ በሳን አሁን፤ ጡመ ይ እእኖ ጠዋን ቀልቡሰ ቀነጠኖ ጠወ ዮሰበኢሁ ማሰአምእሃን። 23 ጠወ እኩጎሬ ሸከኖ መንቹ እቸጎሬ እመዕነቲን እኩበእቤቼሃ እሰ እሊን ፈረደሞኡ፤ መሰንትሰ እመዕነቲን አህበርቹ ጉዕመንኩ ጨብሃን።

15 ነኡ እመዕነቲን ጠረኛትተ እንኩምሩ ላኖ እጅነተ እጁ ሀሰሰኖኔ ቤሉ ገወኔ ጠለዕላ መንዲሲንጎምረ አሁ ሀሰሰኖኔበእ። 2 መት-መቱንኩኔ እመዕነቲን ጠረኝኖተ ደግለለኖሰ ጠወ እኢን ዋሎ መን መንዲሲንሶ። 3 መሰንትሰ «ኬሳሃ ቦርሬመ ቦርሩ ኢ እሊን እኩኡ» የመም ከተበሞገን እኩሰ ቤሉ መሲህ ገወሰ መንዲሲሾበእ። 4 ጠለሊ መጻፋች ደንጋም አታዕለንለክ ሰበሪን ኔሳሃ ተብሶሁ ሄኡኔተ ከኒች ብርተ ከተበንቶሩ ጉዕመንኩ ተማርሰቶኔተ ከተበንቶኡ። 5 አታዕልለክ ሰብር ቀርቹ ገገወንኩክዕኔ መሲህ ኢሰ ምሳልተ እዋንቲን ሜጡብ ሄኡኖ ሰውት አሰንክዕኔ። 6 ህትን ቀርቹ መሲህ ኢሰ እኑ መገኑ መቶ ቀልቢንለክ መቶ ላጋን ኬዕምሲንገተ እኡንክዕኔ። 7 ህትን መገኑ ኬዕምኝ ደኡተ መሲህ ገይሲሃ እዕይ ቶንፎንገ ገገወክዕኔ ቶቃቀሜ። 8 ህካንን ጠወእን መገኑ ወዕኔ እናካተ እሴ ተብሶሁ አሆተለክ መገኑ ሀንቅ አሁሰ ደጎኖተ መሲህ አይሁድ ካዲንቹ እኩ ዮሃን። 9 መሲህ አይሁድ ካዲንቹንኩ እኩንኩ እኩ ዋልት መሰት አይሁድ አክበሩ መገኑ መረርሰጭሰተሄሃ ገለትጭቶታት፤

ሁኑን፡- «ኢሙት በላን ገለትጫንኩ፤ ሱዕምሃክ መዝሙራን ገለት ሆንጠህሳም» የመም ከተበዋጋት። 10 ሁትን፡- «እዕኑ አይሁድ እኩንቡሩ መገኑ መጠሮ ኡመቲን ሜጡብ ተሽ ዩንክዕኔ» የመም ከተበዋጁ። 11 ሁትን «እዕኑ አይሁድ እኩንቡሩ ቀርቼ መገኑ ገለትጫዬ፤ ሁትን ኡመቲ ጉዕሙንኩ ገለትጫን» የመም ከተበዋጁ። 12 ሁትን እስያስ «እሴዬ ዘሬች ከለቀመኛሁ አሜተኛ፤ አይሁድ እህብ ኡመት ገሻኛ ዋና አህኛ፤ እሰን ተብሳሰ እስ አሌን አታኦ» የመም። 13 ተብላክኔ ጠሊሊ እያን ዋልቃን ነጸን መርታ ተብሴ መገኑ እሶን አመዕነንክክዕኔ ሙንዲኑተለክ ወገሬት ዊንሽ አሶንክዕኔ። 14 አመኔ ኦሶ! እዕኑ ጡምማን ዊንቲንታረ እኩንተጋ፤ ደጊን ዊንቲንተረ እኩንተገለክ መቼ መቼክዕኔ ተማርሱ አታልቲንተገ አጥራመች ደንሞ። 15 ጠዉ እኮጎሬ መት-መቶ ጠውተኔሃ ቃግሶህዕኔት ይ መገኑ እሴኔ አሰቶን መለልን ከተቦንክዕኔ። 16 ሁኑ አሳቲቱ አሰንቶኤሁ መገን ተሽት ላገተ አይሁድ እህቡ መኒሃ ዱዱብሲን ቂሳቶን እክ መሲህ ኢስ ካደምታት፤ ህካን እኮቤቺሃ አይሁድ እህቡ መኑ ጠሊሊ እያኒን ማሰንቶተለክ መገኑ ሙንዲሲሲኖ ክትመ እክ ሆንጠኩንተ ካደማሚት። 17 ህክን መሳን መሲህ ኢሲን መገኑ ካደሞተ አታዕሊንከኔ ቦናም። 18 አይሁድ እክበሩ እዘዘንታገ እኢሃ መሲህ ኢ ላጋንለክ ሆን መሳን አዕዮ ጠው ቤሉ መቱርቼሃ ጠዉኢሃ መለላምበእ። 19 ሁትን ሎርሎረ አጀብቶንለክ ገረምሲጫኖ ሆንን ጠሊሊ እያን ወልቃን ዬሩሳሌሚችለክ እዘጋገች ጀመር አልዋሪቆን ዬኖ ባዱ ኢሊ መሲህ እንጂሊ ሹል ተማርሰዮም። 20 ሁትን ጉዕመ ወክት ሃሽኦቲኤ ዋሉ መኑ ቀበቦ ቀብብ እሊን እጃሩ እሁዕን መሲህ ሱዕሙ ሞጮጪሞበእቤቸን ተሽት ላገተ ዱዱብሲሃን። 21 ሁኑን፡- «ከኒች ብርተ አሰተኔሃ መቱርቼህ ኩለሞሰበእ መኑ ለኣእ፤ አሰተኔሃ ሞጮጭትበሩ አጥራመታኦ» የመም ከተበዋጋት። 22 ልግብ ወክት ክዕኔቤቼ አሜቶተ አታሉ ሆንሚህ ዋሳን ሄጭ ጠወዕዮም መሳሲት። 23 ጠዉ እኮጎሬ ቴሱ ከን ኦሎን ዮ ባዶን እኣም ቤቼ ዮበእቤቼሃ፤ ሁትን አበ ዘመኒች ኬሽ ክዕኔተ ለእህዕኔተ አቡ ሃሽኦቲኦ ትኤቤቼሃ 24 እሰፒን ባዱ መራም ዋቄ አዲን ለእህዕኔተ ያጀም። ቀዋ ጌሲሃ ክዕኔኤን ሜጡብ ተሽ ይሃዕኔ አገሮሚች ኡተርን ዋቃኤ ጀመርተ አታልሲሲኖኤርቼ ሀዕልቲንተኦገ ተብሳ ኣእም። 25 ቴሱ እኮጎሬ አመዕናተ ደግለለኖርቼ ኣእ ዬሩሳሌመ መራም። 26 መሰንትሰ መቄዶንለክ ኣካይ ባድ አመዕናት ዬሩሳሌም አመዕናኖ በላን ዮ ቡጥቻኖተ ሀዕልቶተ ሀሰቤቺሃት። 27 እስ ህካን አቶተ ሀሰኢህ ኣኡ ሀሰሰኖሰቤቺሃት፤ መሰንትሰ አይሁድ እህቡ መኑ አይሁድ መኒሃ መገኑ ኣሴ እያን በረከተ ቤቀማኑተ እኮች አይሁድ እህቡ ዮሰርቺን አይሁድ ሀዕሉ ሀሰሰኖሰ። 28 ህካን እኮቤቺሃ ተ ሆንተ ሹሎሚችለክ ጭምዬላ ብረ ኣሴንሳች ኤተርን እሰፒን ባዱ መራም ዋቃን ክዕኔተ ለዕይ ህጋም። 29 ህካን እኮቤቺሃ ክዕኔቤቼ አሜታም ወክት መሲህ በረከተ ዊምማን አፍ አሜታምገ ደጋም። 30 አመኔ ኦሶ! ኢን ሜጡብ እኩን ኢትኔሃ መገኑ ጠረገገ ዱኣ አቶተ ቀርቼሃ መሲህ ኢሲንለክ ጠሊሊ እያን ኢታን ኡጫንክዕኔ። 31 መገኑ ዬ ጎሬ ሙንዲኖን ክዕኔቤቼ አሜች ክዕኔን ሜጡብ ፎሎጮተ አይሁድ ባዶን ዮ አመዕንበ መን አንጋች ፌሶኦተለክ

ዬሩሳሌም ከተማን እኣም ሆንተ አመዕናት ሙንዲሰሳኢታ እኮተ መገኑ ኡጭ። 33 ወገሬት መገኑ ጉዕሚንክክዕኔ ሜጡብ እሁን፤ ኣሚዕን።

16 ፌቤን ክንክሪያ ከተማን ዮ አመዕናኖ ዱኣ ምናን ካደንታ አመዕነንቶ አመኔ ቤቱተ እሁሴ እን መሰከራም። 2 እሴን ልግብ መነለክ ኡሳሃ ሀዕልቶኢተ እኮቤቺሃ ጠሊላኖተ ሀሰሰኖ ዋቄን እሴተ ቀርቻ ሱዕሚን ቶንጌ ሀሲሰኖሴርቺን ጉዕሚንን ሀዕልዬሴ። 3 መሲህ ኢስ ሆንን ኢንን ሜጡብ አተ ጽርሰቅለለክ አቂላሁ «ወገሬቱ» ይዩሰ። 4 እስ ኢተኔሃ ፎልሰ ህግሰ ኣቶእራን፤ ህካን እኮቤቺሃ እን ጠለዕላ እሁዕን አይሁድ እህብ መኒች መገኑ አመዕኔ መኑ ጉዕሙንኩ ገለትጭታሳት። 5 ሁትን እስ ምኔን ጭምደታ አመዕናት «ወገሬት» ይዩ፤ ሁትን እስይ ባዶን ወዕና መሲህ አመዕንቶለክ እኒህ አበ ኢታንስ ኤዶኔጦሴ «ወገሬቱ» ይዩሰ። 6 ክዕኔ በላን ጠረኝተ አቶ መርየመ «ወገሬቱ» ይዩሴ። 7 ሁትን ኣሳበ በላን ደገንቶእረለክ ኢችን ዋሳን መሲህ አመዕንቶእረ ሁትን ኢንን ሜጡብ ኡሱረገቶ እሉኤ ኣንድርኒቆኤለክ ዩንያሴ «ወገሬቱ» ይዩሰ። 8 ሁትን ቀርቻ ኢሲን ኢታንስ ኣንጽልያጦሴ «ወገሬቱ» ይዩሰ። 9 ሁትን መሲህ ሆንን ኒንን ሜጡብ ኣእኖ ኡርባኖሴለክ እን አበ ኢታንስ እሰጣቆሴሁ «ወገሬቱ» ይዩሰ። 10 ሁትን መሲህ እሁሰ ፌተንም መሰከረሞስ እጼሊሴ «ወገሬቱ» ይዩሰ፤ ሁትን ኣርሰጦቡሎሴ ምኒ መን «ወገሬቱ» ይዩሰ። 11 ሁትን እሉኤ ሄርድኖን «ወገሬቱ» ይዩሰ፤ ሁትን ነርክሲስ ምኒ መኒች ቀርቻን አመዕንቶእረ «ወገሬቱ» ይዩሰ። 12 ሁትን ቀርቻ ኢሲሃ አታ ካዲመተ ቱሩፋይናለክ ትርፎሴሁ «ወገሬቱ» ይዩሰ፤ ሁትን ቀርቻ ኢስ ሆንተ ጠረኝተ አታእረለክ መሲህ ኢታን አበ ኢታንሴ ጼርሲዳ «ወገሬቱ» ይዩሴ። 13 ሁትን ቀርቻን መጠረሞ ሩፎሴሃ «ወገሬቱ» ይዩሰ፤ ኡሳሁ ኣለሲን ኢትታኤ አማተሰ ወገሬት ይዩሰ። 14 ሁትን ኣሰክርጦሴሁ፤ ፍላጎኤለክ ሄርሜሴሁ ኣሳንን ሜጡብ ዮ አመ ኦሶታ «ወገሬቱ» ይዩሰ። 15 ሁትን ፊሎሎጎሴ፤ ዩልየሁ፤ ኔርሴሁ፤ ኔርሴ አመቤቱተ፤ ኦሎምጋሴ ኣሳንን ሜጡብ ዮ አመዕናት ጉዕመንክ «ወገሬቱ» ይዩሰ። 16 ሁትን ጡመ ሱንቃቀሚን ወገሬትጪቀሚ፤ መገን አመዕናኖ ጭምት ዱኣ ምናተ ጉዕሚንክ ወገሬት ሶኮህዕኔ። 17 አመኔ ኦሶ! እዕኑ ተማርቲንተ ትምርቲን ኦደንታእረለክ በላንክክዕኔ አደደመተለክ ጉፍቼ አህርቺቹ ኤባ መኒች አገዕርቶተ ኡጫንክዕኔ፤ እሳች ሁኜ። 18 ሁትኔ መኑ ገዉስ ቤሉ ቀርቼኔ መሲህ ካደንትበራን፤ እሰን አመሰልተ ጡመ ጠወኣን ጎደበ ላፈ መን ቀልብ ሉሲሳኣ። 19 እዕኑ እንጂሊ ላጋተ እዘዘንቲንተረ እኩንተገ መኑ ጉዕሙንኩ ሞጮጪቤቺሃ ክዕኔተኔሃ እን አበ ሙንደዕዮም፤ ጠዉ እኮጎሬ ጡመ ጠዋሃ ሀይቻተለክ ሂሊ ጠዋሃ ገዋኑተ ኣኩኖተ ሀሳም። 20 ቴሁ ወገሬት መገኑ ደዕል ሽደጣንቹ ሎካችክዕኔ ዋርን ደዕል ቀጠቀጠኖ፤ ቀርቻሃኔ ኢስ ኣሰቲቱ ክዕኔን ሜጡብ እኩን። 21 ኢን ሜጡብ ኣእኖ ጥማቶስ ወገሬት ሶኮህዕኔ፤ ሁትን እሉኤ እኮሁኤተ ሉቀዮሰለክ ኢያሶን ሶሲጸጥርሰ ወገሬት ሶኮህዕኔ። 22 ሁትን እን ከን ደብዳቤ ከተባንቹ ጤርጦስ ቀርቻ ኢስ ሱዕሚን «ወገሬት ዮንተንንዶ?» ያንክዕኔ። 23 ኤሳላክ አመዕናት ጉዕመንክ ኮህቹ ቶገኖ ጋይዮስ ወገሬት ሶኮህዕኔ፤ ከተምስ ብረ አፈኖ ኡርሰጦሰለክ አመኔቤቹ ቋርጦስ ወገሬት

ሶኮህዕኔ፤ [24 ቀርቼሃኔ መሲህ ኢስ ኣስቱት ጉዕሚነከክዕኔ ሜጡብ
 እኩን፤ ኣሚዕን፡፡] 25 መሲህ ኢስተኔሃ እን ዱዱብሳም እንጂል ሶህኖን
 መገኑ ክዕኔተ ነጠ እኦህዕኔተ ኣታለኖ፤ ኩ እንጂሉንኩ አበ ዘማኒሃ ማጠም
 ሄዕዮ ምስጥር ለሊስኖሃን፡፡ (aiōnios g166) 26 ዘማኒሃ ጉዕሚ መገኑ
 እዘኸገን ምስጥሩ ቱሱ ነብያኖ መጻፈ መሳን ለልዮኡ፤ ኩ ጉዕሙንኩ
 ኡመቱ እንጂሊ ደጎተለከ እመዕነት አደ እዘዘንት አሜቶታት፡፡ (aiōnios
 g166) 27 ህካን እኮቤቺሃ እስ ሜጥቹስ መገኑለከ ሀይቹ እኮ መገኒሃ
 መሲህ ኢስ መሳን ዘላለሚሃ ኬዕምኹ እሁንስ፤ ኣሚዕን፡፡ (aiōn g165)

ዎኔ ቆሮንቶስ

1 መስህህ እስ ሰቀማንቹ እሆተ መገን ሰውቲሃ ገእሞም እን ጸዉሎሹታለከ
እመኔቤቲቹ ሶስቲኔቤቶች **2** መስህህ እስ ጠሊሊ አዕዮሁኑተሉለከ
ጠሊሊኑተ አካተ መገኑ ገሌስ ቆሮንቶስ ከተማን መገን አመዕናኖ ጭምት
ዱእ ምኒሃ፡ አስለከ ኒ ቀርቼ እኮ ቀርቼሃኔ መስህህ እስ ሱዕመስ ጉዕመ
ቤቸን ገእንቶሁኑተ ጉዕሚንከ ሰኮምተ ሶህኑ። **3** አንቶኔ መገኒቸሊከ
ቀርቼሃኔ መስህህ እስቶኔ አስቱትለከ ወገሬቱ ክዕኔሃ አሁን። **4** መስህህ እስ
አዲን አስሞህዕኔ መገን አስቶተኔሃ ክዕኔ መሳን እን ጉዕመ ወክትንከ
መገኑኤ ገለትጫም። **5** መስንትሰ አዕኑ ጠወኤንገተ ጠዊን፡ ኤንኬዕኔን
ጉዕማንን መስህህ እስን ጉዕመ አዲንን ቀባጣመተ እክንታኦ። **6** ህትን ነኡ
መስህህ እስተኔሃ ኩልኖንክዕኔ ጠዉ ክዕኔ በላን ጠረኝዮኡ። **7** ህከኒቶ
ኤተሮን ቀርቶኔ መስህህ እስ አምቱ አገርቲኔን መገን አስቶቶ መቱርቼሁ
ሆፈአኖህዕኔበኦ። **8** አሰን ቀርቼኔ መስህህ እስ ፈንቀል አምቱኖ በር
ህንቁኖህዕኔርቼ ዮህዕኔበኦረ አኮኖተ መጨርሽ ኢሊ ጠረኝቲን ሄኤንተገ
አሰኖህዕኔ። **9** መስንትሰ ቤትንከስ ቀርቼሃኔ መስህህ እስን ሜጡብ አሁ
ሄኤህዕኔተ ገሌህዕኔ መገኑ አመዕነሞአንን። **10** አመኤ ኦሶ! መቱ ጠወ
ጠወኡኖተ፡ መቱ ቀልቡለከ መቱ ሰውቱ ሄኡክዕኔ ቤሉ በላንከክዕኔ
አደደመት ሄኦበኦገ ቀርቼሃኔ መስህህ እስ ሱዕሚን ኡጫንክዕኔ። **11**
መስንትሰ አመኤ ኦሶ! በላንከክዕኔ ብተት ሄኡስ ቀሎኤ ምኒ መቱ ኩሎኤ።
12 ህካን ዩ መት-መቱክዕኔ «እን ጸዉሎሴሃ» ህከረንገ «እን አጵሎሴሃ»
ህከረንገ «እን ጸዉሮሴሃ» ህከረንገ «እን መስህህረ» ይቲንታት። **13**
መስህህ ቤህሞአንደ? ህትን ጸዉሎሰ ክዕኔተኔሃ ሰቀለሞአንደ? ህከረንገ
ጠመቀንቲንታሁ ጸዉሎሴ ሱዕሚንትንደ? **14** አን ቀርስጸሴለከ ጋዮሴ
ቤሉ ክዕኔተ መቱክዕኔ ጠመቆምበኦቤቺሃ መገኑ ገለትጫም። **15** ህካን
እኮቤቺሃ አይሁ ክዕኔተ «ጸዉሎሴ ሱዕሚን ጠመቀንቲንታኦረ» ዮተ
ኦታላኖበኦ። **16** ህትን አስጥፋሶ ምኒ መኔ ጠመቆም፤ ህከን ቤሉ ዋሉ
መኔ ጠመቆምሳር ደገምበኦ **17** መስንትሰ መስህህ ሶኮኤሁ ተሸት ላገተ
ዱዱ-ብሶታት ቤሉ ጠመቆታትበኦ፤ ዱዱ-ብሳሚንኩ መስህህ መስቀሉ ተሰ
አህናበኦገ መን ህይማን ደገንቶ ላጋኒበኦ። **18** መስቀልተኔሃ ኩሎኖ ጠዉ
በኦ መኒሃ ገዊመተ እኮጎሬ ኔሳሃ ጡምናም መኒሃ መገንተ ዋልቀ። **19**
መስንትሰ «ሀይቾ መን ህይመንተ ቤሳም፤ ኤንኬዕናም መን ኤንኬዕኑ
ከማም» የመም ከተበሞኡ። **20** ህካን እኮቤቺሃ ሀይቹ መንቹ አይት?
ሕግ አስተማርቼ አይት? ከን ኣዱንያ አሌን አጥራመቶ ደገኖሁ አይት?
መገኑ ከን ኣዱንያ አል ሀይመተ ገዊመተ አህናገ አዕዮበኦንደ? (aiōn g165)
21 መስንትሰ መገኑ ህይማንከስ ከን ኣዱንያ አል መኑ ገይሰ ሀይማን
መገኑ ደጋበኦገ ሀይማን አዕዮስ፤ ጠዉ እኮጎሬ ገዊመገ ዋለአመኖ ነኡ
ተማርስናም እንጂሉ አመዕንታኦረ ጡምሶተ መገን አምሩ እኮኡ። **22**
አይሁድ መኑ መላተ ለኡ ኢትታኦ፤ ህትን ግሪክ መኑ ሀይመተ ሃሸኦኦ። **23**
ጠዉ እኮጎሬ ነኡ አይሁዲሃ ጉፍቹ እኮሃ አይሁደ አህበ መኒሃ ገዊመተ እኮ
ሰቀለም ሬዮ መስህህ ዱዱ-ብሰናም። **24** ህትን ገእሞ መኒሃ አይሁዲሃ

አካን ግሪክ አፎን ጠወአኖ መኒሃ መስህህ መገንተ ዋልቀተለከ መገንተ
ሀይመ። **25** መስንትሰ መገን ገዊመት መን ሀይማኞ በተኦኦ፤ ህትን መገን
ላፍመት መን ዋልቃኞ በተኦኦ። **26** አመኤ ኦሶ! ክዕኔተ መገኑ ገሌህዕኔ
ወክት ህትኔ መን እክንታጎሬ ሰውይዬ፤ መን ሰውቲን በላንከክዕኔ አኡ
ሀይመተ ህከረንገ ልግቡ ጠረኝ ህከረንገ ልግቡ ሎርሎሩ መኑ ዮበኦ። **27**
ጠዉ እኮጎሬ ሀይመተ መልሶተ መገኑ ከን ኣዱንያ አል ገወ መን መጠር፤
ህትን ዋልቃመተ መልሶተ መገኑ ከን ኣዱንያ አል ላፈ መን መጠር። **28**
ከን ኣዱንያ አል ሎረ ጠወ ሆፍሶተ መገኑ ከን ኣዱንያ አል ቀዉ ጠዋሃ፡
ህንቀም ጠወለከ ተሰ እኮ ጠወሃ መጠር። **29** ህካን አዕዮንኩ ማሊ
አደዕዮሁ ጉዕሙንኩ መገን ብሬን ቦኖበኦጋት። **30** እኮጎሬ ክዕኔተ መገኑ
መስህህ እስን ሜጡብ ሜጠመት ሄኤህዕኔን አዕዮ፤ ህካን እኮቤቺሃ መገኑ
መስህህ እስ ሀይመኔ፡ ፈይመኔ፡ ጠሊልመኔለከ ወክኑኔ አህናገ አዕዮስ።
31 ጠሊሊ መጻፋን ከተበሞን «ድክአኖሁ ቀርቼን ድክአን።»

2 አመኤ ኦሶ! እን ክዕኔቤቼ አሜቾም ወክት መገንተኔሃ መስከሩ እን
ጠወ ደጋምሀንገለከ ጡመገ አዕይ ጠወአሚሃ አሁኤ ለሊሶህዕኔተ
አሜቾምበኦ። **2** መስንትሰ እን ክዕኔን ሄዕዮም ወክት ሰቀለም መስህህ
እስ ቤሉ ዋሉ መቱርቼሃ ደጋምበኦገ ሙርሰጭዮም። **3** ህካን እኮቤቺሃ
ክዕኔን ሜጡብ ሄዕዮም ወክት ላፈ አክ ዋጀን አበ ሁጠቸ አሊን ሄዕዮም
እቅ። **4** ጠዉኤለከ ትምርቱኤ መን ሀይመተለከ ጠወ መክሰን አሁዕነ
መገን እያነለከ ዋልቀተ ለልሲሃት እቅ። **5** ህካን አዕዮሚሁ አመዕነቱክዕኔ
መን ሀይመ አሊን ኡሬኢሃ አሁዕነ መገን ዋልቃን ድከዕዮሃ እሆታት። **6**
ጠዉ እኮጎሬ አመዕነቲን ጠረኝቶሁኑተ ሀይመ ላጋን ጠወዕናም፤ አሁን
ቤሉ ጠወዕናሚሁ ከን ኣዱንያ አል ሀይመተ ህከረንገ መጨረሽ በኡ አህኖ
ከን ኣዱንያ አል ገሽኖ ሀይመተበኦ። (aiōn g165) **7** ነኡ ጠወዕናሚሁ
እኮጎሬ መገኑ ሄጭ ጉዕመ ዘማኒቶ ብርተ ኬዕምኒሃኔ ቅጥ አዕዮለከ
ማጠሞ እቅ መገን ምስጥር ሀይመታት። (aiōn g165) **8** ከን ኣዱንያ አል
ገሻኖ በላን ከ ሀይመተ አጥራመቼሁ አይሁ ዮበኦ፤ ደጎአቃኔተ ኬዕምኝ
ቀርቼ ሰቀልታስበኦ እቅ። (aiōn g165) **9** አሁን ቤሉ ጠሊሊ መጻፋን
ከተበሞን «መን አልት ለኦበኦሃ፡ መን መጨት ሞጮጭቶበኦሃ፡ መን
ቀልቡ ሰውይዮበኦሃ፡ መገኑ ኢትታሁኑተ ቅጥ አዕዮኡ» የኖ። **10** ኔሳሃ
እኮጎሬ መገን እያን መሳን ምስጥርስ ለሊሾኔ፤ መገን እያኑ ጥዕላሸ
እኮ መገን ሰውቱ ፈቅዕናን ጉዕመ ጠወንከ መረመረኖ። **11** መንተኔሃ
እኮአቀ ገይሰ እያን ቤሉ አሶን ሄዕዮ ሰውቱ ደገኖሁ አይት? ህትን መገን
እያን ቤሉ መገን ሰውቱ ደገኖሁ አይሁ ዮበኦ። **12** መገኒቶ ኣስምኔርቼ
ደንጎተ መገን እያን ቶንጎም ቤሉ ከን ኣዱንያ አል እያን ቶንጎምበኦ። **13**
ህካን እኮቤቺሃ ነኡ አመዕነት ጠወ አመዕንቶ መኒሃ ተማርስናሚሁ መኒቶ
ደገመኖ ሀይማን አሁዕነ መገን እያኒቶ ደገመኖ ሀይማኒት። **14** አመዕነቱ
ዮስበኦ መንቹ መገን እያኒቶ ቶንተ ኦታላኖበኦ፤ መስንትሰ ህትኔ ጠው
አሲሃ ገውመተ፤ እያኒን እክ መረመረመኖሃ እኮቤቺሃ ደጎተ ኦታላኖበኦ። **15**
መገን እያኑ ዮሲህ እኮጎሬ ጉዕመ ጠወንከ መረመረተ ኦታላኖ፤ አስ ገዉስ

አዬ፤ መረመረመናበአ። 16 ሁከንን፡- «ቀርቼ ሰውት አይ ደገና? ሸዘስተ አታለሁ አዬት?» የመዋ ከተበዋጋት። ነኡ እኮጎሬ መሲህ ቀልብ ዮኤ።

3 እመኤ ኦሶ! እን ከን አዲንያ አል ሰውቱ የህዕኔገለክ መሲሂን ጨለገ አዕዪት ቤሉ መገን እያነገን ዮ መገን አዕይ ጠውኑት አታሎምበአ። 2 ጠረኘን አቸተ አት አታልትቡ ጨለገ እከንተቤቼሃ እን እትሾንክዕኔህ አዙታት ቤሉ ጠረኘተ አቸበአ፤ ቲህ እኮጎሬ ጠረኘን አቸተ አቸናተ አታልቲነተበአ። 3 አዕት ቲህ ከን አዲንያ አል መን ሰውቱ የህዕኔ፤ ገገወንኩዕኔ መት-መቲንክክዕኔ ምቀኝቲነተቤቼሃለክ ያደንቲነተቤቼሃ ከን አዲንያ አል ሰውትገ እሆንክክዕኔበአንድ? ህት እህክዕኔ ከን አዲንያ አል መን ሰውትገ እሆንክክዕኔበአንድ? 4 ህትን መቱክዕኔ «እን ጳውሎሴሃ» ዋሉዕኔገ «እን እጵሎሴሃ» የኖሃ አኮቶ አመዕንበ መገን እሆንክክዕኔበአንድ? 5 እጵሎሴ መርቸሃን? ህትን ጳውሎሴ መሃን? እሰ አዕት አመዕንቶናተ አቶህዕኔተ ካዲመ፤ መት-መቱንኩስ ካደንታሰ ቀርቼ መት-መቲሃሰ መደሰበ ሆነኒት፤ 6 እን ካሾም፤ እጵሎሴ ዋሃ አገሾ፤ ነሴኢሁ እኮጎሬ መገኑሃን። 7 ህካን እኮቤቼሃ ሆነተስ ቡዕላ እኮሁ ነሴ መገኑሃ ቤሉ ካሾሁ እኮ ዋሃ አገሾሁ መርቸሃንበአኢሁ። 8 ካሾሁ እኮ ዋሃ አገሾሁ ለመንኩ ቅጣሃን፤ መት-መቱሰ ሆነሰ ወጥ ዋገ ቶገና። 9 ነኡ መገኒን ሜጡበ አዕናምረ ካዲመ፤ አዕትሁ መገንተ አቡረላክ መገንየ ምኒ። 10 መገኑ አሴኤ አሰቶ ጌሲን ኤንኬዕናመ መንቹ ምኒ እጃረኖህን ቀበበ መክሾም፤ ዋሉንገ እን መክሾም ቀበብ አሊን እጃረኖ፤ ጠወ እኮጎሬ ገገወንኩስ ከን ቀበብ አሊን ህት አዕይ እጃረኖጎሬ አገዕሩ ሀሰሰና። 11 ሜጦረ መኬ ቀበብ ቤሉ እዪሁ ዋሉ ቀበበ መክሶተ አታለናበአ፤ ሁኩ ቀበብንኩ መሲህ ኢሳት። 12 ከን ቀበብ አሊን ዋርቂን፡ ብሪን፡ ጡመ ክነን፡ ህከረንገ ሀቂን፡ ህጤንለክ ገለቢን ግንበ እጃረኖህ ሄዕዮጎር 13 መት-መቶ መንቹ ሆንተ ለልታ ፍርድ በሩ እሜተና፤ ህከ በር ጉዕምስ ሆንተ መሃጎር ገራን ፊተነም ለለና። 14 መቱ ግንበ እጃረኖ መንቹ ቀበብስ አሊን አዕዮ ሆንተ ገራን ፊተነም ምርተኡስ፤ ጠረኝ ኡሬጎር ግንበ እጃረኖህ ዋገሰ ደአና። 15 ሆንተ ገራን ቡብ በኦጎር ግንበ እጃረኖህን ዋጉ ፈቀና፤ እሁን ቤሉ እሰ ገወሰ ገረ ኣዘን ህግ ቡቡዕነ ፈቆ መንቹን ጡመና። 16 መገን ጠለላ ምኒ እህክዕኔለክ መገን እያት ኣዘንክክዕኔ ሄኡስ ደኒነነተበአንድ? 17 ህካን እኮቤቼሃ እዪሁ ዱኣ ምኒ ድጃጎር መገኑ ገወንከስ ድጅና፤ መገን ፎሎጨኖ ምኑ ጠለላሃን፤ ሁኩ መገን ምኑ አዕናት። 18 እዪሁ ገወሰ ጣንሱንከ፤ ከን አዲንያ አሊን እዪሁ ክዕኔ በለች ሀይቹ እኮሃ እንጃሰ ጎሬ ሀይቹ እሆተ ገወሰ ገወ አዕይ ዋለኡን። (aion g165) 19 ከን አዲንያ አል ሀይመት መገን ብሬን ገዊመተ፤ መሰንትሰ «መገኑ ተንኮተሰን አፈናሰ» የመዋ ከተበዋጋት። 20 ህትን «ቀርቼ ሀይቻኖ ሰውቱ ተሰ እሁስ ደገና» የመዋ ከተበዋሎ። 21 ህካን እኮቤቼሃ ጉዕመርቸኹን ክዕኔሃ እኮቤቼሃ እዪሁ መናን ድክኤንከ። 22 ህትን ጳውሎሴሃ እኮ እጵሎሴ፤ ጴጥሮሴሃ እኮ እቃ፡ አዲንያ አል እኮ እቃ፡ ሄኡ እኮ እቃ፡ ሬሁተ እኮ እቃ፡ ቴሱ ዮኢሃ እኮ እቃ፡ ኤተሮን እሜተኖሃ እኮ እቃ ጉዕመንኩ ክዕኔሃን። 23 አዕት እኮጎሬ መሲህተ አላ፤ መሲህንገ መገንየን።

4 ቴሱ መኑ ጉዕመንኩ ኔሳሃ መሲህ አሳበተ እሁኔለክ መገን ማጠዋ ጠወ ለሊስ ኤንት ኣሰንቶኔ መገን አዕይ ዋለኡ ሀሰሰና። 2 ኤንተ ቶጎ መኑ አመዕንቶአረ እክ ደገመ፤ ሀሰሰና። 3 ኢቲኤሃ እኮጎሬ አዕትሁ ፈረዳንተጎሬ ህከረንገ ዋሉ መኑህ መት ፈረደኖገ ፈረጃኤጎሬ ኦርሸት ዮኤበአ፤ ሀንቅንከ እን ገይኤ አሊን ፈረዶተ አታላምበአ። 4 እን ደጋምገን እኮጎር ሂላርቹ እን መቱርቹህ ዮበአ፤ ህካን ዩኤ እን «ነጠ እሁኔ ለሊሰና» የሃበአ፤ ጠወ እኮጎሬ ኢ አሊን ፈረደኖህ ጠለዕል ቀርቸሃን። 5 ህካን እኮቤቼሃ ወክቱሰ አሉዕነ ቀርቼ እሜተዕናን ሄጮቲን እዬ አሊን ፈረደኖቹ፤ እሰ እሜተኖ ወክት ቱንሰቸን ማጠዋ ጠወ 4ኛ ለሊሰና፤ መን ቀልቤን ማጠዋ ሰውት ለሊሰና፤ ህከ ወክት ገገወንኩስ መገኒች ሀሰሰና ገለት ቶገና። 6 እመኤ ኦሶ! ክዕኔተ ደግለሎተ ይ ከን ጠዋን ኤሳለክ እጵሎሴ ምሳልተ አዕይ ጠወዕዮም፤ ህካንን አዕዮሚህ «ከተበዋሀኒች ህጎት» ይታ ሸዘነ ፍሳረስ ኒች ተማርቶናተ ይደቅ፤ ህካን እኮቤቼሃ መቱ መንቹ መቶ መንቹች በትሴን ህከን መንቹን ድክኦናቹ። 7 መሰንትሰ አት ሚን በተኣን? ህትን ኣኣቶንትበአርቹ ም ዮኡ? ህከረ ኣኣቶንቲሁ እኮጎሬ ኣኣበ መገን ሚሃ ገምንከክ ድክኣን? 8 ቴሱ ሀሰሰናህዕኔርቹ ጉዕመንከ ደኣቲንታኦ፤ ቲንገ ቀባጣመተ እኬንታኦ፤ ኒች አደ እኬን ነገሴንታኦ፤ ሀንቅንከ ነገሴንታ እቃን ነኡ ክዕኔን ሜጡብ ነገንሳምቤቼሃ ነገሱክዕኔ ጡመ እቅ፤ 9 አዲንያ አል ጉዕሚንከ መላይካንተ መኒንከ መሃሌኖኔሃ እንኩም፤ መሰንትሰ መገኑ ኔሳሃ አሳበሰ ሬሁት ፈረዳመስ መገን መኒች ጉዕሚችን ዋርን አዕዮኔሃ እንድናኤ። 10 ነኡ መሲህሃ ይን ገዋንተ እንኩም፤ አዕት እኮጎሬ መሲህ ሀይቻንተ እኬንታኦ፤ ህትን ነኡ ሆን መን እንኩም፤ አዕት እኮጎሬ ጠረኛንተ እኬንታኦ፤ አዕት ኬዕምኛመተ እኬንታኦ፤ ነኡ እኮጎሬ ሆኖኛመተ እንኩም። 11 ቲህ እኮጎሬ ከ ሰኣት ኢላ ጎሬደናም፤ ሰገምባም፤ ከልናም፤ ኦለማም፤ ምኒ ሆንግ ኦርጨቀማም። 12 ነኡ ገይኤ እንጋን አዕንን ቆንዶድናም፤ ቦሮሮኤ መን ማሰዕናም፤ ሸርታኔ ወክት አታዕልናም። 13 ህትን ቦሮሮኤለክ ሱዕመኔ ቤሴመ ወክት ገወኔ ሆኖንስ ፈንቀሽናም፤ ቴሱ ኢላ ከን አዲንያ አል ሀረ እንኩም። 14 እን ከ ጠወ ከተባንክዕኔሁ ኢታም እላኤገ አዕይ ሸዘህዕኔታት ቤሉ መልሶህዕኔተ ይደብአ። 15 መሃ እኮጎሬ መሲሂን ነስታህዕኔሩ ሄኡህዕኔጎሬ ልግቡ እን እሆኖህዕኔሁ ዮበአ፤ መሰንትሰ እን መሲህ ኢስ አዲን እንጃል ላጋን እሎንክዕኔ። 16 ህካን እኮቤቼሃ ኤሳሃ እንጃን አምንቶኤተ ኡጫንክዕኔ። 17 ህከን መሳን አተሞለክ አመዕነም ቀርቸን ቤቱኤ እኮ ጣማቶሴ ክዕኔቤቹ ሱም፤ ቤቹን ጉዕማንን አመዕናንተ ተማርሰምሀንገ እሰ እን መሲሂን ደኣም ሃዕር ሄኡ ሸዘነተ ኩለና። 18 ጠወ እኮጎሬ ክዕኔች መት-መቱስ እን ክዕኔተ ለኦተ እሜታምበኢሃ እንጃሰን ቦንታኢት። 19 እሁን ቤሉ ቀርቹ ዬጎሬ ግደኖ በሬን ክዕኔቤቹ እሜታም፤ ህከ ወክት ጠለዕል ህከን ቦንታ መን ጠወስ እሁዕነ ዋልቀሳ ደጎተ ሀሳም። 20 መሰንትሰ መገን ዋምነቱ ጠለዕል ጠዋን እሁዕነ መገን ዋልቃኒት። 21 አዕት ሀሰኒንታሁ መርቸሃን? ቅጣት በርተ አፍ ክዕኔቤቹ እሜቶተ ሀሴንንደ? ህከረንገ ኢታንለክ ገወ ሆኖስ እያንን እሜቶተ ሀሴንን?

5 ክስኔ በላን ሙልሳ ዝነት ሄኡሰ ሞጮጭዮም፤ ህትኔ ዝነት አይሁደ እህበ መኩሁ አእበሃን፤ ሁኩንን እንሰ ጫተ ገይሰ ምኒ አመገ አዕይ ሄአሁሁ ዮኡ የመዋሉ። **2** ህካን እክ ህትኔ ሙልሲሰኖ ጠዉ በላንከክዕኔ ሄኡን ሚሃት ቦንቴነታሁ? ባሰንከ ከን ጠዋን ሻዙ ሀሰሰኖህዕኔበእንደ? ህትኔ ሆንተ አዕዮ መንቹ በለችክዕኔ ከሜ። **3** እን መሃ እኩ እቃን ሜጡብ ሄአበ ጎሬ ሰውቲን ክዕኔን ሜጡብ ዮም፤ ሜጡብ ሄዕዮምሀንን እክ ህትኔ ሆንተ አዕዮ መንቹ አሉን ቀርቾሃ እሰ ሱዕሚን ፈረጅም፤ **4** ጭምይቲነት ወክት እኒሁ ቀርቾሃኔ እሰ ዋልቃን በላንከክዕኔ ሰውቲን ሄአምቤቼሃ **5** መሲህ ለምቅ እሜቶን ከን መንቹ ነብሱሁ ጡሞተ ህትናም መንቹ ማል ሰውቲ በኦተ ሸይጣኒሃ ህግሽ ኣሱ ሀሰሰኖ ይ ፈረጅም። **6** ህካን እኩቤቼሃ ቦንክዕኔ ጡመሃበእ፤ ቀቅቹ ራጭቱ አበ ቡኩተ አባከኖን ደኒነትበእንደ? **7** ቴሱ እኬንተሀንን ራጭቱ ዮበእ ሃዕር ቡኩተ እኩኖተ ዱንኬ ራጭተ ክዕኔቹ ቂርሰዬ፤ መሰንትሰ ሻሽግ ሆልቹ እኩ መሲህ እሰ ጎረጠሞኡ፤ **8** ህካን እኩቤቼሃ ተንኩትለክ ሂሉ ጠዉሁ ዊሞ ዱንኬ ራጭቲን እሁዕን ራጭቱ ዮበእ ነጠለክ ሀንቁ ዊሞ ጦርሽ ከበጀኔ ከበጀኖ። **9** ከኒች ብርተ ከተቦንክዕኔ ሶህኖን ዝነተ አታ መኒን ሜጡ እኩኖቹ ይዮንክዕኔ እቅ። **10** ህካን ዩእ ጉዕመ ከን ኣዱንያ አሌን ሄኡ ዝነተ አታ ህከረንገ ጎራይታ መኒች ህከረንገ ሞጋኖች ህከረንገ ሸርከተ አታ መኒን ሜጡ እኩኖቹ የሃለበእ፤ ህካን እኩጎሬ ኣዱንያ አሊች ፋሉ ሀሰሰኖኔ ዩሃን። **11** እን እኩጎሬ ከተቦንክዕኔሁ አመዕናት እክ ዝነተ አታሁኡን፤ ህከረንገ ጎራይታሁኡን፤ ህከረንገ ሸርከተ አታሁኡን፤ ህከረንገ መን ሱዕመ ቤሳሁኡን፤ ህከረንገ ሰከርታሁኡን፤ ህከረንገ ሞጋታሁኡን ሜጡ እኩኖቹ ይይት። ህትኔ መኒን ሜጡብ እቶኖቹ። **12** መገኑ አመዕኔ ጭምቲች አብሊን ዮ መን አሌን እን ፈረዶተ ሞ አግሾኡ? መገኑ አመዕኔ ጭምት ኣዘን ዮ መን አሌን አዕት ፈረዳንተበእንደ? **13** አመዕንትበ መን አሌን ፈረደኖሁ መገኑሃን፤ ህትን መጻፋን «ሂለ መንቹ በለችክዕኔ ፋሽቲን ከሜ» ዬገን አዕዬ።

6 ክዕኔቹ መቱ አመዕናንቹ እኩ አመሰ ቤቲን ብተሞ ጎር ጠወሰ አመዕናት ለእገ እኦኖ ወጥ መገኑ አመዕንቶበእ ዳኛኖበ መረተ ህት መለላኖ? **2** መገኑ አመዕንቶ መኑ ከን ኣዱንያ አሌን ሄኡ መን አሌን ፈረዳን ደኒነትበእንደ? ህከረ ኣዱንያ አሌን ፈረዳንታሃ እህን ከን ቀዋ ጠው አሌን ፈረዱ ቂለኖህዕኔንደ? **3** ህትን ነኡ መላይክ አሌን ፈረንዳምገ ደኒነትበእንደ? ህከረ ባሰንከሰ ከን ኣዱንያ አል ጠዋን ፈረዱ ህት አታልናምበእ? **4** ቴሱ ገገወክዕኔ ብተንቴንተር አመዕንቶበእከ ህንቀንቶ መን ብርተ ጠወክዕኔ ህት ሆንጠህሲን? **5** ካን ያሚሁ ሙልቶኖተ ይዩት፤ ህት አመዕናኖ በላን ሀራርሶህዕኔት አታለኖ ባልቁ ዮበእንደ? **6** ህከረ መቱ አመዕኔ መንቹ ዋሉ አመዕኔ መንቹ ኦዶተ አመዕንትበ ዳኛኖበ መረኖንደ? **7** ህትን ገገወክዕኔ ከሰጨንቴን ያደሙ ክዕኔሃ ቢልኝዮ፤ ባሰንከሰ አዕት ሞርተኡክዕኔ ህከረንገ ጣንሰሙክዕኔ ቆህኖበእንደ? **8** እኩጎሬ አዕት አመዕንቶ አመክዕኔ ኦሱተ ሞርቲነታትለክ ጣንሰቴነታት። **9** ሾኩ መኑ መገን ዋምነቱ ዋረሳበእገ ደኒነትበእንደ? ከን ጠዋን ጣንሰንቶኖቹ፤ ፎኩተ አታእሩ፤ ህከረንገ ሸርኬተ ሰገዳእሩ፤ ህከረንገ ዝነተ አታእሩ፤

ህከረንገ ጎኑ ጎኒን ዝነተ አታእሩ **10** ህከረንገ ሞገታእሩ፤ ህከረንገ ጎራይታእሩ፤ ህከረንገ ሰከርታእሩ፤ ህከረንገ መን ሱዕመ ቤሳእሩ፤ ህከረንገ ዘረፋእሩ መገን ዋምነቱ ኣጋበእ። **11** ክዕኔቹ መት-መቱክዕኔ ህትናመተ እቅ፤ ቴሁ እኩጎሬ ቀርቾ መሲህ እሰ ሱዕሚንለክ ኒ መገን እያኒን ጨቢች ነጠ እኬንታእ፤ መገኒሃ አደ እኩ ጠለለ ኡመትለክ ፈየ እኬንታእ። **12** «ጉዕመርቹንኩ ፈቀደሞኡ» እኩጎሬ ጉዕመርቹንኩ ደግለለኖኤ ዩሃበእ፤ ጉዕመርቹንኩ ፈቀደሞኤ፤ እህን ቤሉ እኩሰ ጠዊሃ ርሰ እክ ጠገማምበእ። **13** ህትን «እቶት ጎዳቢሃ፤ ጎደቦንኩ እቻታት» እኩጎሬ መገኑ ለመንከሰ ቤሰኖ፤ ጠዉ እኩጎሬ ጅሰሙኔ ቀርቾ ኢሲሃ፤ ቀርቾ ኢሰን ጅሰሚሃኔ እኩቤቼሃ ጅሰሙኔ ዝናተ ህግንሰ ኣሱ ሀሰሰኖኤበእ። **14** መገኑ ቀርቾ ኢሰ ሬሆች ኬሾሰ፤ ኔሳሁ ዋልቃንከሰ ሬሆች ኬሶኖኤ። **15** ጅሰሙክዕኔ መሲህ ጅሰመ እሁሰ ደኒነትበእንደ? ህከረ ኣን መሲህ ጅሰመ መሰ ዝነተ አታ መንቹ ጅሰመ እኡ ሀሰሰኖንደ? ሆሮ ሀሰሰኖበእ። **16** ዝነተ አታ መንቹን ደቀመኖ መንቹ እሴን ሜጡ ጅሰመ እሁሰ ደኒነትበእንደ? «ለመንኩስ መቱ ጅሰመ እካእ» የመም ከተበሞኡ። **17** ቀርቼን ሜጡብ ገዉስ መቱ እኦኖ መንቹ እሴን ሜጡብ እያኒን መቱ እሆኖ። **18** ህካን እኩቤቼሃ ዝነተ እቶኖቹ፤ መኑ እኦኖ ዋሉ ጨቡ ጅሰሚሰት አብሊን እሆኖሃን፤ ጠዉ እኩጎሬ ዝነተ እኦኖ መንቹ ገይሰ ጅሰም አሌን ጨቡ እኦኖ። **19** ጅሰሙክዕኔ መገኒች ቶንታእለክ ኣዘኑከክዕኔ ሄኦኖ ጠለሉ እያኒ ፎሉጨኖ ቤቹ እሁሰ ደኒነትበእንደ? ቴሱ አዕት መገንገሪ ቤሉ ገይክዕኔረበእ። **20** እሰ ዋንገ ህዕርዮህዕኔ፤ ህካን እኩቤቼሃ ጅሰምንከክዕኔ መገኑ ኬዕምሼ።

7 አዕት ከተቤንተኡ ጠዊተኔሃ እኩጎር መኑ ሜንቱ ኤቡዕን ፈቆእቃ ጡመሃን። **2** ጠዉ እኩጎሬ ዝነተ እኦኖ አገዕርተኔሃ መት-መትሀሰ ገይሰ ጫት ሄኡንሰ፤ ህትን ገዬተሴ ገይሴ ጨዉ ሄኡንሴ። **3** ሞንሴ ኦኑ ገይሰ ጫን ሜጡብ ኦሰእኖ ሀንቅሴ ከመንከ፤ ህትን ጫንት ጨይንከሴ ሜጡብ ኦሰእ ሀንቅሰ ከንቱንከ። **4** ጫት ገይሴ ጅሰም አሌን ሹምነቱ ዮሴበእ፤ እሴ ጅሰም አሌን ሹምነቱ ዮሴሁ ጨዊሃሴት፤ ህትን ጨዉ ጅሰምሰ አሌን ሹምነቱ ዮሴበእ፤ እሰ ጅሰም አሌን ሹምነቱ ዮሴሁ ጫታት። **5** ህትን ዱኡ እቶኖተ አተቀንቴን ቀዋ ወክቲሃ አገሩ እህባች ገገወክዕኔ ከዕመቀንቶኖቹ፤ ህትን ገዉ አገዕሪ ሆንን ሼይጣኑ ሉሲሰኖህዕኔበእገ ፈንቀልቲን ሜጡብ እኬ። **6** ጠዉ እኩጎሬ ኣን ካን ያንክዕኔሁ ሸዘንገ ያንክዕኔ ቤሉ እዘዘጋበእ። **7** መኑ ጉዕመንኩ ኣገ እኩ እቃን ኢታም እቅ፤ ጠዉ እኩጎሬ መገኑ መት-መትሀሰ አደደ ኣሰቱተ ኣሴእ፤ ህካን እኩቤቼሃ መትሀሰ መቱ ኣሰቱት ሄኡ፤ ህትን ዋልሀሰ ዋልት ኣሰቱት ዮሰ። **8** ምኒሃ እኩበእሩለክ ህትን ሞንሰ ኦኑ ሬዮ ሜንቱሁ ኤቡዕንለክ ገልቲዕን ኣገ እክ ሄኡ እቃን ጡመ እቅ። **9** ጠዉ እኩጎሬ ሄዕላቲን ቡቢች ጎጃሃ እሁ ቆህኖቤቼሃ ገዉስ አታዕሉ ሆጋ ወክት ጎጃሃ እኩን። **10** ጎጃሃ እኩሁኡተ ኣሳም ትዛዙ ከኒት፤ ሁኩ ትዛዘንኩ ቀርቼሃ ቤሉ እሃበእ፤ ገልቶ ጫት ሞንሴ እኒች መለዕለንቱንከ። **11** መለዕለንቶጎሬ ሜጥሃሴ ሄኡን ህከረንገ ጨይንከሴ ሀራዕረንት ሄኡን፤ ህትን ሞንሴ ኦኑ ጫሰ ገልሩንከ። **12** ዋልሀሰ ቀርቾ ኢሰ እሁዕን ኣን ያሚሁ መቶ አመዕኔ መንቹሃ

አመሰግናለሁ መንቸት የሰገራ እሴን ምንሴ አኒን ሜጡብ ሄኑተ ሀሶ ጎሬ ገፈሩንከ። 13 ህትን አመሰግናለሁ ምኒ እኑ የሴ መንቸት ምንሴ እኑ እሴን ሜጡብ ሄኑተ ሀሶ ጎሬ ገፈርቱንከ። 14 መሰንትሰ አመሰግቡ ምኒ እኑ አመሰግቶ መንቸ መሳን መገኒሃ አደ እኮሃ አሀዳ። ህትን አመሰግቶበአ መንቸት አመሰግኖ ምንሴ መንቸ መሳን መገኒሃ አደ እኮሃ እካእ፤ ህካን አሀባቸ አለክሰሴ መገኒሃ አደ እኮተ አታልታበእ፤ ጠወ እኮጎሬ ከን ሃሊን ሄኤንተ ጎር ኦሱክሰሴ መገኒሃ አደ እኮሃ እካእ። 15 አመሰግናንቼ እኮበአ አዱ አደ እሆተ ሀሶ ጎር አደ አሀን፤ ጠወ እኮጎሬ ከን ወክቱን አመሰግናንቼ እኮሀ ምኒ እነ እኮ ምኒ አመተ መቶርቸን ግዳጅሴናሰበእ፤ መገኑ ገኤኔሀ ወገሬቲን ሄሰኛታት። 16 አት አመሰግቶንት ጫት አመሰግቡ ምንክ እነ ጡሞሳንትጎር ሚን ደገን? ህትን አመሰግቶንት ምኒ እኑ! ምንክ አመተ አይደጎ ጡምሶተ አታልታ ጎሬ ሚን ደገን? 17 መት-መቱሰ መገኑ ሄኤ ዬሰ ሃሊንለክ መገኑ ገኤሰ ሃሊን ሄኤን፤ መገኑ አመሰግኖ መን ጭምቲሃ ጉሶሚንከ ኦሴ ትዛዛከ ከኒት። 18 ህትን ጡርከመሞቹ ኤተሮን አመሰግኖ መንቸ አደሀ ሄሰኛ ጎሬ ጡርከመሞበአሀንገ እሆተ ሰውዩንከ፤ ህትን ጡርከመሰራን ሄጭ አመኔአሀ ጡርከሚሃ ሀሰንከ። 19 መሰንትሰ መገን ትዛዛከ አገሩሃ ቤሉ ጡርከመሙ ህከረንገ ጡርከመሙ ሆተ መቱርቸሃ ደግለለናበእ። 20 ህካን እኮቤቼሃ ገገዉንኩሰ መገኖን አመሰግኖ ወክት የ ሃሊን ሄኤን። 21 ህትን አት መገኑ አመሰግቶንት ወክት ርሰቼሃ እቅንዶ? እኮንት እቃ ሆሮ ሰወ ይቶት፤ እኮጎሬ ሰዋልድማን ፋልቶተ መከተ ደእቶንት ጎር ሆሮ አጉርቶት። 22 መሰንትሰ ሰዋልድማን ሄሰኛግ ቀርቼ አመሰግኖ መንቸ ቀርቼን ሰዋልድቼሃን፤ ህትን አመሰግኖ ወክት ሰዋልድቼ እኮ መንቸ መሰህየ ርሰቼ። 23 እዕት መሰህ አሰ ዋግን ሀሰሬኔቤቼሃ መኒሃ ርሰ እኮዮቼ። 24 ህካን እኮቤቼሃ አመኔ እሶ! ጉሶሙንኩ መት ገእሞ ወክት የ ሀሊቱን እክ መገኒን ሜጡብ ሄኤን። 25 ቴሱ ጎጆሃ እኮበአ መንተኔሃ ቀርቼ ኢሲቶ ቶጎም ትዛዛከ የኤበእ፤ ጠወ እኮጎሬ አመሰግኖሚሃ እሆተ መገኒቼ ማርቱተ ደኤም እኮቤቼሃ ገይኤ ሰወት ኦሳንክሰሴ። 26 ከን ዘማን ኦርሸተኔሃ መት የ ሃሊን ሄኤረረ ጡሙ አጉደናኤት። 27 ህካን እኮቤቼሃ ጎጆሃ እኮንትጎር ሸርቶተ ሀሶት፤ ጎጆሃ እኮሱን የንት ጎር ኤቦተ ሀሶት። 28 ጠወ እኮጎሬ አት ጎጆሃ እኮንትጎር ጨብ እሀኛ ዩሃበእ፤ ህትን መት ሀፍቱት ጎጆሃ እኮ እቃን ጨብ እሀኛሴ ዩሃበእ፤ እሀን ቤሉ ጎጆሃ እካ መት ከን ኣዱንያ አሊን አበ ኦርጨቀንታኔ፤ እዕት ከኒቶ ፈቄታታ እቃን ኢታም አቅ። 29 አመኔ እሶ! ዘማን ገበንቹ እኮቤቼሃ ከን ወክቲቹ ጀመር ምኒ አመት የሲሀ ምኒ አመት የሰበአሀንገ እክ ሄኤን፤ ምኒ አማት የሰሩ የሰበአሀንገ እክ ሄኤን። 30 ህትን ሻዛሩ ሻዛበእገ እክ ሄኤን፤ መንደእአሩ መንደእበእገ እክ ሄኤን፤ ኦዳተ ሀሰርታሩ ኦዳተ የሰበአሀንገ እክ ሄኤን። 31 ህትን ከን ኣዱንያ አሊን የኢሃ ገይሳሃ አታሩ ጉሶሙንኩ ደግለሸቀንታበእገ እክ ሄኤን፤ መሰንትሰ ከን ኣዱንያ አሊን የኢሀ ጉሶሙንኩ ሀገኛሃን። 32 እዕት ሻዛቡሰናን ህከኒሃ ሄኤኛተ ኢታም፤ ጎጆሃ እኮበአ መንቸ ቀርቼ መንዲሲሰኛ ጠወሃ ሀሰኛቤቼሃ ቀርቼ ጠዋቲኔሃ ሰወ ዩኛ። 33 ጠወ እኮጎሬ ጎጆሃ እኮ መንቸ ምንሰ አመተ መንዲሲሰኛ ጠወ ሀሰኛቤቼሃ ከን

ኣዱንያ አል ጠዋቲኔሃ ሰውዩኛ። 34 ህከን መንቹ ቀልቡንኩ ለሙ አደ እኮእሃን፤ ህትን ጎጆሃ እኮበአ መንቹት ህከረንገ ሀፍቱት ማሉሴለክ ሩሀሴ ጠሊሊ እክ ቀርቼሃ እኮተ ሰወ ይታቤቼሃ ሰውቱሴ ጉሶሙንኩ ቀርቼ ሆጎ አሌኒት፤ ጎጆሃ እኮ መንቹት ጫሴ መንዲሲሰተ ሀሰኛቤቼሃ ከን ኣዱንያ አል ጠዋቲኔሃ ሰወ ይታሉ። 35 እን ህት ዩንክሰኔሀ ዋሻዲን አፎሀሰኔተ አሁሰን ክሰኔሃ ደግለለኛ ይዩት፤ ህትን ሀሰሰኛ ሃሊን ሄኤኛታትለክ ሰዋቱክሰኔ ብንዩሰናን ዊመ ቀልቢን ቀርቼ ኢሳን ጠረኝቱን ሄኤኛታት። 36 መቱ መንቹ ኢተቀሞ ጨልተ መሰሲሰንታ ጌሰ እኮ ወክት ገዉሰ አታሰሉ ሆገን ኣኣተ ሀሶ ጎሬ ከመኖሰ ጠወ የበእ፤ እሴንተ ኣኣን፤ ሁኩን ጨብያበእ። 37 ጠወ እኮጎሬ አደሀ ኢተቀሞ ጨልተ ኣኣተ ግዳጅሴናሰ ጠወ የሰበአጎሬ ኣኣሱን ዱንኩተ አታሉጎሬ ጠወሰ ቀልቢንከሰ መርሲጨቱኢቶ ሁኩ መንቹ ጡመ አሰዮኡ። 38 ህካን እኮቤቼሃ ጠሰሜ ጨልተ ኣኣሰ ጡመ አሰዮኡ፤ ጠወ እኮጎሬ አኣን ፈቆህ ቆህሃሃ አሰዮኡ። 39 መት መንቹት ጨዉሴ ፎሊን የ ጌሳን ንክን ኡሱረንቶአተ፤ እኮጎሬ ምንሴ እኑ ሬዮ ወክት ገልታ መንቹ አመሰግናንቼ አሁን ቤሉ ሀሰሀንገ ገልቶተ አታልታሉ። 40 ጠወ እኮጎሬ እን ሰውያም ሃሊን ህት ጫት ገልቱሰናን ሄኤ እቃን አበ መንዲኖን ሄኤ አቅ፤ ህትን ኤሳሃ መገን እያን ዮኤሃ አጉደናኤት።

8 ሸርኬተ ክትመሞ ማልተኔሃ ጉሶሚንከኔ ኤንኬሰት የኔ፤ ኤንኬሰት ቦንሲሰኛ፤ እኮጎሬ ኢተት ጠረኝሳሉ። 2 መቱ መንቹ «ኤንኬሰት የኤ» ይ ሰወ ዩጎሬ ሁኩ መንቹ ደጉ ሀሰሰናሰ ጌሰ ሆሮ ደጎበእ። 3 ጠወ እኮጎሬ መቱ መንቹ መገኑ ኢቴሰጎሬ ሁኩ መንቹ መገን ቤቹን ኤንኬሰትሞሃን። 4 ህካን እኮቤቼሃ ሸርኬተ ክትመሞ ማለ እተትኔሃ እኮጎሬ ሸርኬተ ጉሶሙንኩ ከን ኣዱንያ አሊን ሄኤሳሃ እሁሰለክ መቶ መገን ቤሉ ዋሉ መገኑ ሄኤሳሃ እሁሰ ደንጋም። 5 መሰንትሰ ልግቡ ሸርክትለክ ልግቡ ቀርቼ እኮእሩ የኡ፤ ጠወ እኮጎሬ ሄንከ ሰማንለክ ኡላን «መገኑ» ዩሰናሩ ሄኤ ጎሬ 6 ጠወ እኮጎሬ ኒ መገኑ ጉሶመርቸክከ ከለቆለክ ነኤሀ እሲሃ እንኮምሩ መቱ መገኑ እነ እኮኔሀ የኔ፤ ህትን ጉሶሙርቸክከ እሰ ኣዲን ከለቀሞለክ ነኤሀ እሲን ሄሰኛም መቱ ቀርቼ መሰህ አሰ ጠለሰል የኔ። 7 ጠወ እኮጎሬ ካን ጉሶሙ መት ደገናበእ፤ መት-መቱ ከበሬ አለ ሸርኬን ርሰቀንቶቤቼሃ ማለ አታኢሀ ሸርኬተ ክትሚመሀንገ አት ሰወ ይታቤቼሃት፤ ህካን እኮቤቼሃ ቀልቡሰ ላፈ እኮቤቼሃ ንጃሳሉ። 8 ኔሳሃ መገን አደ ሆንጠህሰኛኤሀ እቶተበእ፤ ኣንትባጎሬ ጤሰየኤርቼ የበእ፤ እንቶምእቃ በርገመኖኤርቼ የበእ። 9 ጠወ እኮጎሬ ሁኩ ሰዋልድመኔ አመሰግኖን ጠረኝቶበአ መኒሃ ሉሰሰኛሃ እሀኛሰበእገ አገሰርዬ። 10 መሰንትሰ አደሀ አት ኤንኬሰት የኤ ይታጎቲሁ ሸርኬ ምኔን ማዲን ኣፋሰልተ እተን አመሰግኖን ጠረኝቡ መንቹ ለሰዮሄጎሬ ሸርኬሃ ክትሚመ ማለ እቶተ መለለኛገ ኣታንትበእንደ? «ኤንኬሰት የኤ» ይት ሸርኬተ ክትመሞ ማለ እተኖገ ሀንበሊንሰናሰበእንደ? 11 ህካን እኮቤቼሃ መሰህ አሰተኔሃ ሬዮ ሁኩ አመሰግኖን ላፋ መንቹ ከ ኤንኬሰትን በእኛ ዩሃን። 12 ከን ሃሊን አመሰግኖ ኣሊን ጨብ አቴንትለክ ላፈሰ ሰወት ጡላይሴንጎተ ወክት መሰህ አሊን ጨብ አቴንትታት ዩሃን። 13 ህካን

እኩቤኝ እቸት አመዕናንቼ አመኔ ቤተሃ ጉፍቼ አሀኖሃ እኩቹ አመኔቤቱ ሉሰሳምህኒች ማለ ሆሮ አታምበኢ። (aiōn g165)

9 እን ሰዎልድቼሃበእንደ? ህትን እን አሳቤቼሃበእንደ? እን ቀርቼኔ ኢሰ ለእየንሰበእንደ? አዕንገባ ቀርቼሃ ኢሰን አዕዮም ሆጎአየ ላልቼበእንደ? 2 ቀርቼሃ ኢሰን አዕት ኤሳሃ አሳቤቼ አህላ መላተ እኩንተቤቼሃ ዎሎ መኒሃ ሶቀማንቼ አህበሳሬ እን ክዕኔሃ ሀንቅንከ አሳቤቼሃን። 3 ሱሶመኔ ቤሳ መኒሃ ፈንቀሻም መሰሉ ከኒት። 4 ኔሳሃ እቲሃለክ አገሃ ሀንቀ ዮኔበእንደ? 5 ዎሎ አሳበገለክ ቀርቼሃ ኢሰ አመ ኦሳገ ህትን ጴጥሮሲን መገኑ አመዕንቶ ምኒኔ አማኑተ አዎንሰን ሜጡብ ሃሞተ ሀንቀ ዮኔበእንደ? 6 ህከረንገ ሆንን አጸመን ሄኡ ሀሰሰኛህ ጠለዕል አገለክ በርናሳሲቲንደ? 7 ገይሰ ብሪን ዎታደርቼ እክ እአኖ መንቼ ሄአኖንደ? ህትን ዎይን ሀቀ ካሽ ላልቼሰ እትባሁ አይት? ህትን ለሉ ጠቅ ለልሰ አዙተ አገናበእሁ አይት? 8 እን ከ ጠወ ጠወአሚሁ መኑ ሰውየኖ ሃለንትንደ? ሕጉሁ ህት የናበእንደ? 9 መሰንትሰ «ወጠተ ዎቀሬኖ ቦር አፎሰ ኡሶርቶት» የመም መሲ ሕጋን ከተበሞኤ፤ መገኑ ህካን ዩኤሁ ቦረተኒሃ ሰውየኖቤቼሃንንደ? 10 መገኑ ህካን ዩኤሁ ኒትኔሃበእንደ? ለመንኩ ወጣች ወጥሰ ደአቶተ አቡረኛሁ ተብሰን አቡረኛቤቼሃ፤ ወጠተ ዎቀረኛንኩ ተብሰን ዎቀረኛቤቼሃ ሁኩ ጠወ ከተበሞሁ ሀንቅንከ ኒትኔሃት። 11 ነኡ ክዕኔ በላን መገን ጠወ ወንጣምረ እንኮሚች ኔሳሃ ማሊሃ ደግለለኛርቼ እአኖም ጎሬ ሁኩን ሎረ ጠወንደ? 12 ዎሉ መኑ ክዕኔች ሀሰሰኛሳሃ እአቶተ አታልታሊሃ አኩች ነኡ በትንሰ እኡ ሀሰሰኛኔበእንደ? ጠወ አኩጎሬ መሲህ ተሽት ላገት አልሳዕልታቤቼ ከማምበእን ይን ጉዕመ ጠወንክ አታዕልኖም ቤሉ ኔሳሃ ሀሰሰኛኔርቼሃ እአኖተ ሀንሰምበኢ። 13 መገን ምንን አታ መኑ አታሊሃ መገን ምንች ደአታገለክ መገኒሃ ክትም ሆንጠህሴኖ ጠረጴዚች መኑ ክትሚሃ ሆንጠህሴመርቼች ቤቀንት አታሊሃ ደንነንተበእንደ? 14 ህከንገን ተሽት ላገተ ዱዱብሰታ መኑ ተሽት ላገ ሆንች ርሰቀሰ ደአታገ ቀርቼ አዘገቡኤ። 15 አኩጎሬ አን ከን ጉዕማንክ ሀንቂች መቶንከሰ ደግለሸቀምበኢ፤ ቴሱ ከተባሚሁ ህትኔ ጠወ አሆኤተ ሀሽበኢ፤ መሰንትሰ እን ድከአም ጠወ አይሁ ተሰ እአኖህኒች ሬሁ ቆህኖኤ። 16 ህትን ተሽት ላገተ ዱዱብሰሱ ኤሳሃ ግደ እኩቤኝ ተሽት ላገተ ዱዱብሰሰንከኤ ቦናምርቼ ዮኤበእ፤ ህካን እኩቤኝ ተሽት ላገተ ዱዱብሰበጎሬ ኤሳሃ አይ! 17 መሰንትሰ እን ገወእ እት እንጂሉ ዱዱብሳሚሃ አኩምጎሬ ዋጉ ዮኤ፤ ጠወ አኩጎሬ ግዲን እአሚሃ አኩምጎሬ ኤገት አሰንቶኤቤቼሃ እአሚት ዮሃን። 18 ህከረ ሆንኤ ዋጉ መርቼሃን? ቴሱ ሆንኤ ዋጉ ተሽት ላገተ ተማርሴምቤቼሃ ዮኤ ሀንቅ ደግለሸቀውዕናን እንጂሉ ተማርሳም ሆንኤን ደሞክ ቤሉ ተማርሱን። 19 መኒች ጉዕሚችን ሰዎልድቼ አኩምጎሬሁ ልግብ መን ፈይሶተ ይ መኒሃ ጉዕሚንከ ገጉኤ ርሰቹ አዕዮም። 20 ህትን አይሁድ መን ጡምሶተ ይ አይሁዲሃ አይሁድገን እኩም፤ ህትን ሕግ ኣዜን ሄዕበጎሬሁ ሕግ ኣዜን ሄኣለረ ጡምሶተ ይ ሕግ ኣዜን ዮ መንገ እኩም። 21 ህትን ሕጉ ዮበእ መን ጡምሶተ ይ መገን ሕጉ ዮኤሃለክ መሲህ ሕግ ኣዜን ሄዕዮሚሃ አኩምገን ሕጉ ዮበእ አይሁድ እኩበእ መኒሃ ሕጉ ዮበእ መንገን

እኩም። 22 ህትን አመዕነቲን ላፈ መን ጡምሶተ ይ ላፈ መኒሃ ላፈ መንገን እኩም፤ አታልሲሾኤ ጌሲን ቀወ መን ጡምሶተ ይ ጠዋን ጉዕማንን መኒሃ እሰገን እኩም። 23 እን ተሽት ላገ ማሰተ ቤቀማንቼ አሆተ ይ ተሽት ላገተኔሃ ህከ ጉዕመንከ ጠወ አዕዮም። 24 ሄጫቀሚኖቤቼን ደጉደኛሁ ጉዕመንኩ ሄጫቀመኖገለክ ጠለዕል ሚጥቼሰ ሽልማት እአኖገ ደንነንተበእንደ? ህትን ሽልማት ደአቶኖተ ሄጫቀሚ። 25 ሄጫቀመኛሁ ጉዕመንኩ ጉዕመርቼንን ጅሰመሰ ጠረኝሽ ቅጥአኤ፤ አሰን ህት ሆንጋሊሁ በእኖሃለክ ወክቲሃሰ እሆኖ ሽልማት ደሊሃት፤ አኩጎሬ ነኡ ሆንጋሚሁ በእኖበኢሃለክ ዘላለሚሃ እሆኖ ሽልማት ደሊሃት። 26 ህካን እኩቤቼሃ እን ሰውቱ ዮበእ መንገ ደጉዳምበኢ፤ ህትን ቦብረ ጡንጤን ዎቀረኖ መንችገ ጠለዕላ አኣምበኢ። 27 ጠወ አኩጎሬ ዎሎ መኒሃ ዱዱብሰሴሚች ኤተርን ገጉኤ ኡቦሚሃ እሃምበኢ አልኤ ቀጠኢን አዘዘመኖኤገ አኣም።

10 አመኔ ኦሶ! እናከኔ ጉዕመንኩ ጎመት አሊን እክ አዎንሰተንሰ ጉዕመንኩ ባረ ቶልቶገ ደጎኖተ ሀሳም። 2 አሰን ጉዕመንኩሰ መሲን ሜጡ እኩተ ይት ጎማንለክ ባራን ጠመቀንቶኤ። 3 ህትን ጉዕመንኩሰ መቱ ደን ሰሜ እቸተ አቶኤ። 4 ህትን ጉዕመንኩሰ መቱ ደን ሰሜ አጌኖሃ አጎኤ፤ አጎኢንኩ አዎንሰሰ ሄዕዮ ሰሜ ከኒች ቡቆኢሃ እቅ፤ ሁኩ ክኑንኩ መሲህት እቅ። 5 አኩጎሬ እሰ ኡሉ ዱዱማን ጎሬቤቼሃ መገኑ አሳች ልግብንከሰ መንደዕዮበኢ። 6 እሰ ሂላርቼ ሄዕላቶገን ነኡ ሂላርቼ ሄዕላንታምበኢ ኩ ጠወ ጉዕመንኩ አገዕርኖምገ ሞሳልተ እኩ። 7 መጻፋን «መኑ እቶተለክ አጎተ አፋዕልቶኤ፤ ቦሎቹ ከዲሃ ኬኡኤ» የመም ከተበሞገን አሳች መት-መቱሰ ሽርኬተ ሰገዳኢረ አኩገን አዕኑሁ ሽርኬተ ሰገዳንነተረ እኩኖቼ። 8 አሳች መት-መቱሰ ዘነተ እት መቶ በሬን ለሞድምኔ ሰሶ ኩሜ መኑ ሬቶገን ነኡሁ ዝነተ አዕኑንከ። 9 ህትን አሳችን መት-መቱሰ ቀርቼ ፊተንቶገለክ ዎሪቹ ከር ሼሰገን ነኡሁ ቀርቼ ፊተንከ። 10 ህትን አሳች መት-መቱሰ ቀንቀቶገለክ ቤሳንቼ መላይኪቼ ቤሾሰገን አዕኑሁ ቀንቀቶኖቼ። 11 ኩ ጉዕመንኩ ጠወ እሰ አሊን አሁሰ መጨረሽ ዘሜኔን ሄዕኖም ነኡ አገዕርኖተ ትምርተ እክ ከተበሞኤ። (aiōn g165) 12 ህካን እኩቤቼሃ ጠረኝ ኡሬኢሃ አጉደኛሲሁ አይሁ ኡበናበኢገ ገውሰ አገዕሩን። 13 መናን ኢሊኖህኒች አይ እኩ ኦርሸት ክዕኔ አሊን ኢልቶሀዕኔበኢ፤ መሰንትሰ ዎልቃችክዕኔ ሎረ እኩ ዎቄን ኦርጨቀንቶኖተ ሰውየኖ መገኑ አመዕነምአሃን፤ አሰን ኦርሸሰ አታዕል አታልቶኖተ ኦርሻንከሰ ሜጡብ ኦርሻችሰ ፋልቲንተ ዎቃሃ ቅጥ አዕዮኤ። 14 ቴሱ ኢ ጃላ! ሽርኬተ ሰገዲች አገዕርዬ። 15 ህካንን ያሚሁ ዘህጭቲንተረ እኩንተቤቼሃት፤ ህካን እኩቤቼሃ ጠወዕዮም ጠውተኔሃ አዕኑ ገወክዕኔ ፈረጄ። 16 ነኡ መገኑ ገለትጭን እንጋም ማሰእም ጠበቲሁ መሲህ ቂገን መቱሃበእንደ? ህትን ሜጡብ እንታም ዳቡት መሲህ ጅሰሚን መቱሃበእንደ? 17 መሰንትሰ ዳቡሰ ሚጥተ እኩቤቼሃለክ ህከን መቱ ዳቡች ቤቀማምቤቼሃ መሃ ልግብ መን እንኩምጎሬሁ ነኡ መቶሃ ጅሰመ። 18 ህንዳ እሰራኤል ኡመትተኔሃ ሰውይዬ፤ ክትሜኖርቼ አታ መኑ መገኒሃ ክትም ሆንጠህሴኖ ጠረጴዚን

ሚጠብ የረበሰንደ? 19 ህከረ ህካን ያም ወክት ሸርኬት ክትሚመ ማሉ ቆህርቹ የሃሰንደ? ህከረ ሸርክት ቆካኦ የሃሰንደ? 20 ህትጎተበእ፤ ሀንቅ መገኑ ደግቡ ሙኩ ክትም ሆንጠህሳኢሁ ሩሃንይሃት ቤሉ መገኒሃበእ፤ ህካን አኮቤቺሃ አዕኑ ሩሃንዪን ሚጠብ አኮቶተ ሀሳምበእ፤ 21 ህትን አዕኑ ቀርቶ ጠበቱች አኒነን ሩሃንይ ጠበቱች አጎኖተ አታልቲነጎተበእ፤ ህትን ቀርቶ ማዲቶለክ ሩሃንይ ማዲቶ ቤቀንቶኖተ አታልቲነጎተበእ፤ 22 ቴሉ ነሉ መገኑ ኡሙርሲንሰንደ? ነሉ አሊች አበ ጠረኝኖንደ? 23 ጉዕሙርቹንኩ ፈቀደሞእ፤ እኮጎሬ ጉዕሙርቹንኩ ደግለለኖበእ፤ ህትን ጉዕሙ ጠወ አሉሃ አታሌኖ፤ እኮጎሬ ጉዕሙርቹንኩ ጠረኝሰኖበእ፤ 24 አዪሁ ገይሰ መኩተ ጠለዕል አሁዕነ ዎሎ መን መኩተ ሀሰን፡፡ 25 ቀልቢችክዕኔ ኩኦ ሸክተ ከንቲን እኮሰ ገባን ህሬኖ ማላ ለሞሶሶናን እቺ፡፡ 26 መሰንትሰ ዱንያ አሉንለክ አዜሴዮርቹ ጉዕሙንኩ ቀርቶሃን፡፡ 27 መገኑ አመዕንዮበእ መኒች ሙቱ እቴናሃ ቅጥ አዕይ ገኤጎሬ አዕኑ መርቶኖተ ሀሰንተ ጎሬ አሴመህኔሃ ጉዕመንክ ቀልቤንከክዕኔ ለሞሶሶናን እቺ፡፡ 28 ጠወ እኮጎሬ አዪሁ «ኩ ማላ ሸርኬት ክትመሞኢሃን» ይህዕኔጎሬ ህከ ኩሉሀዕኔ መንች መሳንለክ ቀልብ ዎቀሽ ሰውትትኔሃ እቶኖቼ፡፡ 29 ህካን ዬሚሁ መንች ቀልብ ሰውትትኔሃት ቤሉ ኪ ቀልብ ሰውትትኔሃትበእ፤ መሰንትሰ ዎሎ መን ቀልብ ሰውትትኔሃ ኢ ሰዎልድማን ፈረዴኖህ ሚሃት? 30 ህትን እን መገኑ ገለትጨን እቸምጎሬ ህከ መገኒሃ ገለት አሳም ጠዋን ዎቀሽተ እኤኤሁ ሚሃት? 31 ቴሉ አቲነትጎሬ አኒነትጎሬ መሃ አቲነትጎሬ ጉዕመንከ መገን ኬዕምኚሃ አዕዬ፡፡ 32 አይሁደ እኩ፡ አይሁደ እኮበእ እኩ፡ አመኖኖ ጭምት ምኒ እኩ፡ አዪሁ ቆሰለኖጎ እቶኖቼ፡፡ 33 እን ጉዕመንኩሰ ጡምቶተ ዎሎ መን ጥቅም ቤሉ ገይኤ ጥቅም ሀሰዕነ መን ጉዕመንከ አእም ጠዋን ጉዕማንን ሙንዲሲሳምገን አዕኩሁ ህትን አዕዬ፡፡

11 እን መሲህ አኩዳምገን አዕኩሁ ኤሳሃ አኩጃ፡፡ 2 ጉዕሙ ወክት ቃኒንትአቤቺሃለክ ክዕኔሃ አሴም ትምርተ ጠረኝትክ አፊነትበቤቺሃ ገለትጫንክዕኔ፡፡ 3 ጠወ እኮጎሬ ጎንቶ ቡዕሉ መሲህ አሁሲ፡ መንች ቡዕሉ ምንሴ እነ አሁሰለክ መሲህ ቡዕሉ መገኑ አሁሰ አጥሬመቲን ደጎኖተ ኢታም፡፡ 4 ህትን ጉንጉዕል ዱኦ አእኖሁ ህከረንገ ራገ ጠወአኖሁ ጎንቶ አዪሁ ገይሰ ቡዕሉ እኮ መሲህ ሙልሰኖ፡፡ 5 ህትን ሻሽ ጣጡዕናን ዱኦ አታኢሁ ህከረንገ ራገ ጠወአ መንቹት ሀቲንሴ ገይሴ ቡዕሉ እኮ ምንሴ መንቹ ሙልሳ፤ ሁኩንን ሙምሴ ሜደገ ዎለእመኖ፡፡ 6 መንቹት ሻሽ ጣጥባች ሙምሴ ሙርሲሰን፤ ጠወ እኮጎሬ ሙምሴ ሙርሲሰ ህከረንገ ሜዱ ሙልሰኖህን እኮጎሬ ሻሽ ጣጡን፡፡ 7 ህትን ጎኑ መገን ደነለክ መገን ኬዕምኝ እኮቤቺሃ ጉንጉዕሉ ሀሰሰኖሰበእ፤ ጠወ እኮጎሬ ሜንቱ ጎኒሃ ኬዕምኝሃን፡፡ 8 መሰንትሰ ሜንቱ ጎኒች ደንጎቶ ቤሉ ጎኑ ሜንቱቶ ደገዋበእ፡፡ 9 ህትን ሜንቱ ጎኒሃ ከለቀንቶ ቤሉ ጎኑ ሜንቱሃ ከለቀመበእ፡፡ 10 ህከን መሳንለክ መገን መላይክት ለአሴቤቺሃ መንቹት ምንሴ እን ሹምነት አዜን አሁሴ ለሊሶተ ቡዕሉሉ ጣጡን፡፡ 11 ጠወ እኮጎሬ ቀርቶቤቸን ሜንቱ ጎኑ ዮበኢሃለክ ጎኑ ሜንቱ ዮበኢሃ ሄኑተ አታለኖበእ፡፡ 12 መሰንትሰ

ሜንቱ ጎኒች ከለቀንቶገን ጎኑ አለመኖሁ ሜንቱቶ፤ ህትን ጉዕሙርቹንኩ ደገመኖሁ መገኒችት፡፡ 13 ህንዴ ገወክዕኔ ፈረጃ፤ መት መንቹት ሻሽ ጣጡዕነ ዱኦ እኩ ጡመሃንደ? 14 ጎኑ ሙምሰ ቅራርሰ ነሰጎሬ ሁኩን አሲሃ ሙልሰኖሃ አሁሰ ክልቀቲቶ ተማርቲነጎተበእንደ? 15 ጠወ እኮጎሬ ሙሙ አሰሞሴሁ ቡዕሉሉ ጣጡተ እኮቤቺሃ ሙምሴ ነሰቶጎር አሴሃ ኬዕምኝሃን፡፡ 16 ህካን እኮቤቺሃ አዪሁ ኦደሞተ ሆሽ ጎሬ ኔሳሃ እኮ መገኑ አመዕኔ መኒሃ ከኒች አደ እኮ ጠወ ዮኔበእ፡፡ 17 አዕኑ ጭምይቲነተ ወክት ምዕረኖህዕኔ ቤሉ ደግለለኖህዕኔርቹ አቲነጎተበእቤቺሃ ከኒች ዎርን ዮ ትዛዝ አሳንክዕኔ ወክት እን ክዕኔተ ገለትጭህበእ፡፡ 18 መሰንትሰ ጉዕሙርቹን ሄጭ መገኑ አመዕኔ መንቤቸን ጭምይቲነተ ወክት በላንከክዕኔ አደደመት ሄኡሰ ሞጮጭዮም፤ ህከን ጠዋች ደሩሰ ህንቅ አሁሰ አመዕናም፡፡ 19 ህካን እኮቤቺሃ ህንቅ መት አዪኤታጎሬ መለዕላንት ለልቶተ በላንከክዕኔ አደደመት ሄኡሰ ግደሃን፡፡ 20 አዕኑ ሚጠብ ጭምይቲነተ ወክት አቲነንታሁ ጠሊሊ ቀርቶ ሀርባትሃበእ፡፡ 21 መሰንትሰ አቲነተ ወክት መቱ-መቱሰ አጎሩዕነ ሄጫቀንሺን ገይሰ ሀርባት አተኖቤቺሃ መቱሰ ጎሬግን ፈቀኖ፤ ህትን ዎሉሰ ሰከረኖ፡፡ 22 እቶኖተለክ አጎኖተ ምኑ ዮህዕኔበእንደ? ህከረንገ መገኑ አመዕኔ ጭምት ዱኦ ምኒ ህንቁንንደ? ህትን መቱርቹሁ ዮሰበእ መን ሙልሴንንደ? ቴሉ እን ክዕኔተ መ ዪ ከን ጠውትኔሃ ገለትጭህዕኔንደ? ሆር ገለትጫንክዕኔበእ፡፡ 23 ቀርቶች ቶሳሚሁለክ ክዕኔንከ አሴም ትምርቱ ከኒች ዎርን ዮእሃን፤ ህግሴን አሴመ ህንከዕርተ ቀርቶ አሲ ዱቡተ ኬሸ 24 መገኑ ገለትጭ ቢጭ «[ሀዕዬ እቺ] ኩን ክዕኔትኔሃ አሰም ጅሰማኤ፤ ካን ኤሳሃ ቃጎኖተ አዕዬ» ዬሉ፡፡ 25 ህትን ሀርባቲቹ አተርገን ጠበቲሃ ኬሸ «ኩ ጠበቲህ ቂገንከኤ አሁኖ ሃዕርሃ ወኦድ፤ ህካን አኒነተ ወክት ጉዕመንከ ካን ኤሳሃ ቃጎኖተ አዕዬ» ዬሰ፡፡ 26 መሰንትሰ ከ ዱቡተ አቲነተ ወክትሃ ከ ጠበቲሃ አኒነተ ወክት ጉዕመንከ ቀርቶ አሲ ፈንቀል አሜቶተ ኢሊ ሬሁሰ ዱዱብሰቲነተ፡፡ 27 አዪሁ አኩዕናንሰ ቀርቶ ሀርባቲሃ ኬዕምኝ አሉዕነ እቸጎሬለክ ቀርቶ ጠበቲሃ አጎጎሬ ቀርቶ ጅሰሚሃለክ ቂገሃ ኤዳሙ አሁኖ፡፡ 28 ህካን እኮቤቺሃ መቱ መንቹ ህከን ዱቡተ እቶተ ብርተለክ ህከን ጠበቲሃ አጎተ ብርተ ገወሰ መረመሩን፡፡ 29 ህከ መንቹሁ ቀርቶ ጅሰመ መሃጎሬ አደ አዕይ ደጉዕነ አተኖሁለክ ቀርቶ ጠበቲሃ አጎኖሁ ጉዕሙንኩ ፍርደ ገይሰ አሉን ኤበኖ፡፡ 30 ክዕኔ በሊች ልግቡ ሆጎኢሁለክ ጥዛኢሁ ህከነሃት፤ ህትን ልግቡሰ ሬቶኢሁ ህከን መሳኒት፡፡ 31 ገይትኔሃ አጥሬመንት ደንጎም አቃን አሊንከኔ ፈረደመኖበእ እቅ፡፡ 32 ጠወ እኮጎሬ ከን ኦዱንያ አል መኒን ሚጠብ ኒ አሉን ፈረደመኖበእ ቀርቶ ኒ አሉን ፈረደኖኤሁ ኔሳሃ ተማርሶኔታት፡፡ 33 ህካን እኮቤቺሃ አመኤ ኦሶ! ቀርቶ ጠሊሊ ሀርባት እቶኖተ ጭምይቲነተ ወክት ገገወክዕኔ ነገዕራቀሜ፡፡ 34 ጭምይቲነታሁ ፍርዲሃ አሁኖበእ ጎሬዬኢሁ ዮ ጎሬ ምኔንከሰ እቶን፤ ፈቆ ጠውትኔሃ አሉ ሀሰሰኖህዕኔሃ አሜቶም ወክት ኩሳንክዕኔ፡፡

12 አመኤ ኦሶ! ጠሊሊ አያን አሰቶትኔሃ ደጎኖተ ሀሳም፡፡ 2 ህንቅ መገኑ ደጎኑዕናን ሄኤንተ ወክት ደንቡቡ ጠወ አምንቲን ጠወኢሃ አታልትበ

ሸርኬቤቹ መርቴንተገ ደጌነት። 3 ህዓን አኮቤቸሃ ቴሱ አዪሁ መገን እያን ዋልቃን ጠወኔን «ኢሰ ቦሮረዋሃን» የኖሁ ሆሮን የበአገለክ ጠሊሊ እያን ዋልቃን እህባች «ኢሰ ቀርቼሃን!» የተ ሜጡሁ አታልበገ አጥራመቴን ደኅተ ሀሳም። 4 አደዱ ጠሊሊ እያን አሳቱት የኡ፤ እኮጎሬ ጠሊሉ እያኑ ሜጥቼሃን። 5 ህትን አደዱ ክድመት የኡ፤ እኮጎሬ ቀርቼ ሜጥቼሃን። 6 ህትን ሆጉተ አኤኖ አደዱ ዋቆሁ የኡ፤ ጠወ እኮጎሬ ህዓን ጉዕመንከ ጉዕመ መን አዲን አእኖሁ መቱሃ መገኑ። 7 መት-መቴሃሰ ጠሊሉ እያኑ መቱርቹ ለሊሰኖሁ ጉዕመንከ ደግለለኛ ጠዋሃት። 8 ጠሊሉ እያኑ መቶ መንቸሃ ሀይማን ጠወኔኖ ላገተ አሰናሰ፤ ሁኩ ጠሊሉ እያኑነኩ ዋሊሀሰ ኤንኬዕኒን ጠወኡ አሰናሰ። 9 ህትን ሁኩ ጠሊሉ እያኑ መቲሀሰ አመዕነቱ ዋሊሀሰንገ ጥዘናመ። ፈይሱ አታለኖ አሳቱተ አሰና፤ 10 ህትን መቲሀሰ አጀብሲሰኖ ጠወ አኡ ዋሊሀሰንገ ራግ ላገተ ጠወኡ ህትን መቲሃ ሀንቅለክ ክዝብ እያን አደ አኤን ደጌኖ ኤንኬዕኑ ዋሊሀሰንገ ርሰሞበእ አፈን ጠወኡ ህትን መቲሀሰንገ አደደ አፈን ጠወኤማህ ፈሰሬኖ አሳቱተ አሰናሰ። 11 ጠወ እኮጎሬ ህከ ጉዕመ ጠወንከ ሁኩ ሜጡ ጠሊሉ እያኑ ሃሽዕዮገ አንኒንከሰ ቤክ አሰና። 12 ሜጥቼ ጅሰማን ልግቡ ብሊቱ ሄኤኖሀንገን መሃ ልግብ እኮጎሬ ጉዕመ-ንኩ ብሊቱ መቱ ጅሰመ እኮሀንገን መሲህ ህትንገት። 13 መሰንትሰ አይሁደ እንኮምጎሬሁ ግሪክ አፎን ጠወዕናመ መን እንኮምጎሬሁ ርሰ እንኮምጎሬሁ ሰዋልድ እንኮምጎሬሁ ነኡ ጉዕመ-ንኩኔ ሜጡ ጅሰማ እንኮተ መቶ ጠሊሊ እያኒን ጠመቀሞም፤ ህትን ጉዕመ-ንኩኔ ህከን መቶ ጠሊሊ እያኒች አንጎሞ። 14 ጅሰመ መኬኢሁ ልግቤ ብሊቲቺት ቤሉ መቶሃ ብሊቲቺበእ። 15 ህዓን አኮቤቸሃ ሎከት «አን አንገተ አህበቤቸሃ ጅሰሚሃ ብሊትሃበእ» ይቶጎሬ ህዓን ይንከሴ ጅሰሚች መቱ ብሊት አሁ ፈቃኦንዶ? 16 መጨት «አን አልተ አህበቤቸሃ ጅሰሚሃ ብሊትሃበእ» ይቶጎሬ ህዓን ዩንከሴ ጅሰሚች መቱ ብሊት አሁ ፈቃኦንዶ? 17 ህዓን አኮቤቸሃ ጅሰመ ጉዕመ-ንኩ ጠለዕል አልተ እኮ እቃን ሞጮጩ ሀከኔ ሄኤኖ አቅ? ህትን ጅሰመ ጉዕመ-ንኩ መጨተ እኮ እቃን ሀንሱሉ ሀከኔ ሄኤኖ አቅ? 18 ጠወ እኮጎሬ መገኑ ኢቱ ሃላን ብሊት ጉዕመንከ ጅሰማን ሀሲሰኖ ቤቸን ሄኤኖገ አዕዮ። 19 ህትን ጉዕመ-ንኩሰ ጠለዕል መቱ ብሊት እኮ እቃን ጅሰመ ሀከኔ ሄኤኖ አቅ? 20 ቴሱ ልግቡ ብሊቱ ሄዕዮ ጎሬሁ ጅሰመ ሜጣሃን። 21 ህዓን አኮቤቸሃ አልተ አንገተ «ሀሳንኬበእ» ይቶተ አታልታበእ፤ ቡዕሉንኩ ሎከተ «ሀሳንኬበእ» የተ አታለኖበእ። 22 ጠወ እኮጎሬ ጅሰማን ላፈ አንድኖ ብሊቱ አበ ሀሰሰኖሃን። 23 ህትን አሊንከኔ ኬዕምኙሰ ቀቅቹ አንድኖኔ ብሊቲሃ ሎሪ ኬዕምኝ አሰናንሰ፤ ህትን አሊንበገ መልናም ብሊቲሃ ሎሪ ኬዕምኝን አገርናንሰ፤ 24 ብሬን እክ ለላኖ ጅሰሚሃ ጉዕመንከ ኩን ጉዕመ-ንኩ ሀሲሰኖሰበእ፤ እኮጎሬ መገኑ ለኢሃ መልሰኖ አንጅ ለላኖ ጅሰም ብሊት ሎሪ ኬዕምኝን አፈናሰገ አዕይ ጅሰመ ጉዕመንከ ሜጡ አዕይ አቋንጎሴሰ። 25 ካን አዕዮሁ ጅሰመ ጉዕመንከ በላንከሰ አደደመት ሄኤበእገ ገገወንኩሰ መቱ መቲንከሰ አቋቀንታታ። 26 ህዓን አኮቤቸሃ ብሊቲቺ መቱሰ ኦርጨመኖ ወክት ጉዕመ-ንኩ ብሊቱ ሜጡብ ኦርጨቀመኖ፤ ህትን መቱ ብሊቱ

ኬዕምኝመ። አህኖ ወክት ጉዕመ-ንኩ ብሊቱ ሜጡብ መንደኤኖ። 27 ቴሱ አዕሱ መሲህሃ ጅሰመ፤ መት-መቱክዕኔ ህከን ጅሰምሃ ብሊቲ። 28 ህዓን አኮቤቸሃ መገኑ መት-መቱ መን መገኑ አመዕኔ መን ጭምት ዱኢ ሞናን አደደ ሆንን ሄኤን አዕዮ፤ ከን ሃሌን ዋዕናሃ አሳበተ ለንኪሃ ነብያተ ሰቂሃ አሰተማረተ ህከኒች ኤተሮን አጀብሲሰኖ ጠወ አታ መን ህከኒች ኤተሮን ጥዘናመተ ፈይሳ መን ህከኒች ኤተሮን መኒሃ ደግለልታ መን ህከኒች ኤተሮን ገሻትተ ህከኒች ኤተሮን ርሰሞበእ አፈን ጠወኤ መን አመዕናኖ አዘን ኡርሾኡ። 29 እሰ ጉዕመ-ንኩሰ አሳበተንዶ? ህትን ጉዕመ-ንኩሰ ነብያተንዶ? ህትን ጉዕመ-ንኩሰ አሰተማረተንዶ? ህትን ጉዕመ-ንኩሰ አጀብሲሰኖ ጠወ አታእረንዶ? 30 ህትን ጉዕመንከሰ ጥዘናመተ ፈይሳ አሳቱት የሰረንዶ? ህትን ጉዕመ-ንኩሰ ርሰሞበእ አፈን ጠወአእረንዶ? አደደ አፈን ጠወኤማሃ ጉዕመ-ንኩሰ ፈሰርቶተ አታልታእረንዶ? 31 ጠወ እኮጎሬ አዕሱ ጉዕሚችን በተኣ አሳቱተ ደኣቶኖተ ጠረኝቴን አጸሜ። ህትን አን ጉዕሚችን ቆሆኖ ዋቃሃ ለሊሳንክዕኔ።

13 መንለክ መላይክ አፈን ጠወዕዮም እቃ ኢተት ሄኤበኤች ወደኖ ብረትገለክ ዶልገ እኮም። 2 ህዓን አኮቤቸሃ ራገ ጠወኤም ዋልቀት ሄኤኤ እቃ፤ ሞስጥር ጉዕመንከ ደጎም እቃን፤ ኤንኬዕኑ ጉዕመንኩ ሄዕዮኤ እቃ፤ ቆተት ቤቺችሴ ኬኢ ዋሉቤቹ መርታገ አኣም አመዕነቱ ሄዕዮኤ እቃ ኢተት ሄኤበኤች አን ተሰን። 3 ህትን የኤሃ ጉዕመንከ ቡጥቻኖተ ቤኮም እቃ፤ ጅሰመኤ ገራን ቡጥተ ሀግሽ አሰዮም እቃ ኢተት ሄኤበኤች መቱርቹሃ ደግለለኖኤበእ። 4 ኢተት አታዕልሲሳክ፤ ኢተት ጡመ ጠወ አታኦ፤ ኢተት ሞቀኝታበኦ፤ ኢተት የሴሀኔን ድክኣበኦ፤ ኢተት ሶንሲሳበኦ። 5 ኢተት አለ ቅልበ አካበኦ፤ ኢተት ጠለዕል ገይሀሴ ይታበኦ፤ ኢተት ኡመዕራታበኦ፤ ኢተት የሰ መንቹ በደለሞ እቃን ብጅልገ ዋላኣበኦ። 6 ኢተት ሀንቅ ጠዋን መንደኤ ቤሉ ሂለ ጠዋን መንደኤበኦ። 7 ኢተት ጉዕመ ጠወ አታዕልታኦ፤ ኢተት ጉዕመርቹንከ አመዕነታኦ፤ ኢተት ጉዕመርቹንከ ተብሲን አገዕርታኦ፤ ኢተት ጉዕመ ጠዋን ጠረኝት ሄኤኦ። 8 ኢተት ሆሮ በኣበኦ፤ ራጉ እኮ እቃ ሀገኖ፤ ርሰሞበእ አፎን ጠወኡ እኮ እቃ ፈቀኖ፤ ኤንኬዕኑ እኮ እቃ ሀገኖ። 9 መሰንትሰ ነኡ ደንግሚሁ ዊመ ዊሚንትበኦ፤ ራገ ጠወዕናሚንኩ ዊመ ዊሚንትበኦ። 10 ጠወ እኮጎሬ ዊመ እኮ ጠወ አሜቹ ወክት ደሩ እኮ ጠወ ሀገኖ። 11 ጨል እክ ሄዕዮም ወክት ጨልገን ጠወኣም፤ ሰውያምለክ አጥራመታም እቅ፤ ቴሱ ኦሰመኤ ሹሎም ወክት ጨል እክ ሄዕዮም ወክት አኣም ጠወ ጉዕመንከ አኑሮም። 12 መሰንትሰ ቴሱ ለእቃንቺን ለኤኖሀንገ ቀቅቹንከ ለዕናም፤ ጠወ እኮጎሬ ህከ ወክት ዊመ ዊሚን ለዕናም፤ ቴሱ አን ደጋሚሁ ደሩሲቺ፤ ጠወ እኮጎሬ ህከ ወክት መገኑ ኤሳሃ ደጎኤ ጌሰንከ ዊመ ኤንኬዕኑ ሄኤኖኤ። 13 ህዓን አኮቤቸሃ አመዕነቱ፤ ኢተትለክ ተብሲሁ ኩ ሰሱንኩ ጠረኝት ሄኤኦ፤ ጠወ እኮጎሬ ኢተት ህከኩኦች በተኣኦ።

14 ቴሱ ኢተተ አወኛ፤ ህትን ጠሊሊ እያን አሳቱተ ጡመገ ሀሼ፤ በትሰን ራገ ጠወኢሃ አታለኖ አሳቱተ ሀሼ። 2 መሰንትሰ ርሰሞበእ አፈን ጠወኤኖ መንቹ መገኒሃት ቤሉ መኒሃ ጠወኤኖበኦ፤ እሰን ጠሊሊ እያኒን

ማጠቃለያ ጠወ ጠወአኖቤቸሃ ጠወአኖሰርቼ ደገኖሁ እደሁ የበአ። 3 ጠወ እኩጎሬ ራገ ጠወአኖ መንቹ ዋሉ መነ ጠረኝሲሃ። ሸዚሃለክ ሰብር አእኖገ መኒሃ ጠወአኖ። 4 ህካን እኮቤቸሃ ርሰዋበአ እፌን ጠወአኖ መንቹ ገወሰ ጠረኝሰኖ፤ ጠወ እኩጎሬ ራገኖ መንቹ ዱእ ምነተ ጠረኝሰኖ። 5 ህትን ጉዕሙንኩክዕኔ ርሰዋበአ እፌን ጠወአኖንታ እቃን ኢታም እቅ፤ እኩጎሬ በትሽ ሀሳሚሁ ራገኖታት፤ መሰንትሰ ዱእ ምነት ደግለሸቀንቶተ ጠወዕዮሃ ሂር ኩለኖሁ የበአ ጎሬ ርሰዋበአ እፌን ጠወአኖህኒች ራገኖሁ በተአኖ። 6 ቴሱ አመኔ ኦሶ! ክዕኔቤቼ አሜቸም ወክት ርሰዋበአ እፌን ጠወአኖ አሜቸም ጎር ክዕኔሃ መ ደገለለኖ? ህክን ወጥ ደግለለኖህዕኔ መገን ምስጥር ለሊሱ። ኤንኬዕኔ። ራገ ጠወአኖክ ትምርት አፍ አሜቸሚሁ ቆህኖ። 7 ዋሉ ፈቅ ሁሉሊገ ክራርጋ ሩሁ የሰበአ ኦዳታ እኮ እቃ ላገሰ አደ እክ ለልትባች ሁሉሌ ላገተ አሁሰለክ ክራር ላገተ አሁሰ ማን ደገኖ? 8 ህትን ሞጭጨንቶበአ ላጋን ደገዋበአ ሃለን ጡራምበ ቡሴመጎሬ መርቸሃ ቡሴመገ መኑ ህት አዕይ ደጎተ አታለኖ። 9 ህክንገን ርሰዋበአ እፌን መኒሃ ኣግበገ ጠወአኖንታጎሬ ቡብሪሃ ጠወአኖንተህገን እኬንነተ ቤሉ ጠወአኖንተርቼ እይ አጥራመች ደጎተ አታለኖ? 10 ከን አዳንያ አለን አደዱ ልግቡ እፌሁ የኡ፤ ጠወ እኩጎሬ ፍሳረት የበአ እፌሁ የበአ። 11 ቴሱ መቱ መንቹ ጠወአኖ እፌ ፍሳረት ደግባች እን ጠወአኖህኒሃ ኮህቼ አሃም፤ እሰን ኤሳሃ ኮህቼ አህኖ። 12 ህካን እኮቤቸሃ ጠሊሊ እያን ኣሰቱተ ሀሴንነተሪ እኬንነተጎሬ መገኑ አመዕኔ መነ ጠረኝሲሃ አታልቲነት ኣሰቱተ በትሴን ሀሼ። 13 ህካን እኮቤቸሃ ርሰዋበአ እፌን ጠወአኖ መንቹ ጠወአኖሰርቼ ፈሰርተ አታለኖ ዋልቀተ ደኦተ ዱእ አኡ። 14 መሰንትሰ ርሰዋበአ እፌን ዱእ አዕዮ ጎሬ እያኒን ዱእ አእኖ፤ ጠወ እኩጎሬ ቡዕሉሌ መቱርቸሃ ሆጉተ አዕዮበአ። 15 ቴሱ እኡ ሀሰሰኖኤርቼ መርቸሃን? አያኒንከኤ ዱእ አኡን ሰወቲንከኤ ዱእ አእም፤ ህትን ቀልቢንከኤ ዘመረን ሰወቲንከኤ ዘመራም። 16 ህካን አህባች እት አያኒንከክ ርሰዋበአ እፌን መገኑ ገለትጭቶንትጎሬ መቱ ኮህቼ መንቹ ይቶንትርቼ ደግበቤቸሃ እት መገኑ ገለትጭቶንትህኒሃ ህት እክ «አሚዕን» የኖ? 17 መሰንትሰ እት መገኑ ገለትጭቶንትን ጡመሃ እቅ፤ እኩጎሬ ሁኩን ዋሉ መንቹ ጠረኝሰኖበአ። 18 ጉዕሚቶክዕኔን ሎሪ ርሰዋበአ እፌን ጠወአኖቤቸሃ መገኑ ገለትጫም። 19 ጠወ እኩጎሬ ርሰዋበአ እፌን ቶኑ ኩሜ ላገተ ጠወአኖ ዋሉ መነ ተማርሲሃ ርሰዋ እፌን መገኑ አመዕኔ ጭምት ዱእ ምናን ኦንት ላገተ ደገኖ ላጋን ጠወአኖ ኢታም። 20 አመኔ ኦሶ! ሂለ ጠዊሃ ጨለተ እኬ ቤሉ ሰወቲንከክዕኔ ጨለተ እኮኖቼ፤ ጠወ እኩጎሬ ሰወቲንከክዕኔ እንጀ እኩዕምቲንታእሪ እኬ። 21 ሕጋን፤ «ርሰዋበአ እፌን ጠወአኖ መኒሃለክ ዋሉ ባድ መን እፌን ከን መኒሃ ጠወአኖን፤ ጠወዕዮምጎሬሁ ሞጭጭታኤበአ» ይዮኡ ቀርቼ መገኑ» የመም ከተበዋኡ። 22 ቴሱ ርሰዋበአ እፌን ጠወአኖ መላተ አህኖሁ አመዕንበ መኒሃት ቤሉ አመዕኔ መኒሃበአ፤ ጠወ እኩጎሬ ራገ ጠወአኖ አመዕናታት ቤሉ አመዕንበ መኒሃትበአ። 23 አመዕናት ጉዕሙንኩ ጭምደታ ወክት ጉዕሙንኩ ርሰዋበአ እፌን ጠወአኖ ደግቡ ህከረንገ አመዕንበ መኑ ኣጎጎሬ «ኩ መኑ በርገጎኡ» የኖበአንዶ? 24

ጠወ እኩጎሬ ጉዕሙንኩሰ ራገ ጠወአኖ ደግቡ ህከረንገ አመዕንበ መንቹ ኣጎጎሬ ሞጭጨ ላገት ሆርንት ዋቀሳሰ፤ ህትን ሞጭጨ ላጋት ሆርንትሰ ፈረዳሰ። 25 ቀልቤንከሰ ቴሊዋ ጠወ ለለኖ፤ ህካን እኮቤቸሃ ሁኩ መንቹ ኡላን ኡብ «ሀንቅንከ መገኑ ክዕኔ በላን የኡ» የን መገኒሃ ሰገደኖ። 26 አመኔ ኦሶ! ቴሱ መ ይኖም? አዕኑ ጭምደቲንነተ ወክት መቱ መቲሃሰ መዝመሩ የሲሁ የኡ፤ ዋሉስ ተማርሰኖ፤ መቱሰ ማጠቃርቼ ለሊሽ ኩለኖ፤ መቱሰ ርሰዋበአ እፌን ጠወአኖ፤ መቱሰ ርሰዋበአ እፌን ጠወአኖሃ ፈሰረኖሁ የኡ፤ እኩጎሬ ሁኩ ጉዕሙንኩ አመዕናት ጠረኝሲሃ አሁን። 27 ህትን ርሰዋበአ እፌን ጠወአኖሁ ሄዕዮ ጎሬ ለመ፡ ህከረንገ በተዕዮ ጎሬ ሰሱ እክ ተሪን ተሪን ጠወአኖ፤ እሰ ጠወአኖክን ዋሉ መኑ ፈሰሩን። 28 ጠወ እኩጎሬ ፈሰሩ አታለኖ መንቹ ሄአባች መገኑ አመዕኔ ጭምት ምናን ርሰዋበአ እፌን ጠወአኖከ፤ ህክን ወጥ ገይሃሰለክ መገኒሃ ጠወአኖ። 29 ራገ ጠወአኖ ለመ፡ ህከረንገ ሰሱ እክ ጠወአኖ፤ ዋሉ መኑ ጠወአኖሰ ጠወ አጥራመት አደ እት ደገኑ። 30 ጠወ እኩጎሬ አፋዕሌ መኒች መቲህሰ ሃሸአቱት ለልቶሰጎሬ ዋዕናሃ ጠወአኖሁ ጨለኖ። 31 መኑ ጉዕሙንኩ ተማርተለክ ጠረኛተ ጉዕሙንኩክዕኔ ተሪን ተሪን ራገ ጠወአኖተ አታልቲነተ። 32 ህትን ነብያካ እያኑ ነብያካተ አዘዘመኖ። 33 መሰንትሰ መገኑ ወገሬትዮ መገኑ ቤሉ ጨንጨን መገኑበአ። 34 ሜንቱ መገኑ አመዕኔ መን ዱእ ምኒ ኣዘን ጠወአኖከ፤ መሰንትሰ ሕጉ የኖገን እሰ አዘዘንቶታት ቤሉ ጠወአኖ ፈቀደሞሰበአ። 35 ህካን እኮቤቸሃ መት መንቹት መገኑ አመዕኔ መን ዱእ ምናን ጠወአኖ ሙልሰኖሃ እኮቤቸሃ ሜንቱ ደጎተ ሀሳ ጠወ ሄዕዮ ጎሬ ምንሰ አነ ምኔሰ ጠዕምቲን። 36 ህትን መገን ላገት አሜቶኢሁ ክዕኔቺትንዶ? ህከረንገ መገን ላገት አልቶኢሁ ጠለዕል ክዕኔቤቸሃትንዶ? 37 እደሁ «እን ነብዬቸሃን» የኖሁ ህከረንገ «ኤሳሃ ጠሊሊ እያን ኣሰቱት የኤሃን» የኖሁ ሄዕዮ ጎሬ ኩ ከተቦንክዕኔሁ ቀርቼ ትዛዝ አሁሰ ደገኑ። 38 ጠወ እኩጎሬ ካን ሞጭጫምበአ የኖ መንቹ ዮ ጎሬ እሰ ጠወአኖሁ ሞጭጨመንከ። 39 ህካን እኮቤቸሃ አመኔ ኦሶ! ራገ ጠወአኖ ጠረኝቴን ሀሼ፤ ህትን ርሰዋበአ እፌን ጠወአኖ ከንቶኖቼ። 40 ጠወ እኩጎሬ ጉዕሙንኩ ጠወ ጡመ ሃሊንለክ ሴሪን አሁን።

15 አመኔ ኦሶ! አዕኑ እን ተማርሲየንክዕኔ ኣእቲን ጠረኝቴን ኡርቲንተ ተሸት ላገተ ቃግሶህዕኔተ ሀሳም። 2 ህከ ተሸት ላገተ ጠረኝሲን አፈንተጎሬ ህክን ላገ አዳን ፈቁንነተ፤ ህካን አህባች አመዕነቱክዕኔ ተሰሃን። 3 ጉዕመርቸኝን በትሽ ሀሰሰኖ ጠወ እንን ቶጎሚሃ ክዕኔኤ ህግሽ ኣሴም፤ ሁኩን ጠሊሊ መጻፋን የመዋገን መሲህ ጨብኤተኔሃ ሬዮኡ። 4 ጣግዋ፤ ጠሊሊ መጻፋን ከተበዋገን ሰቅ በር ሬሆች ኬዕዮ የኖሃን። 5 አሰን ጴጥርሴሃ ለሌኤ፤ ህከኒች ኤተርን ቶና ለምንከ ኣሳባተ ለሌኤ፤ 6 ህትን ኦንቲ ጥቤች በተኣ አመዕናኖተ መቱ ወክት ለሌኤ፤ እሳችን መቱ-መቱሰ ሬቶጎሬ ልግቡሰ ቲሁ ኢለ ፎሊን የኡ። 7 ህትን ኢሰ ያቁቢሃ ለሌኤ፤ ህከኒች ኤተርን ጉዕማንከ ኣሳባተ ለሌኤ። 8 መጨረሻን ጉዕሚቹን ሆፈኣም ኤሳሃ ለሌኤ። 9 መሰንትሰ መገን ዱእ ምነተ ሽሪን ኦሪሳሚሃ እኮምቤቸሃ እን

እሳባች ጉዕሚችን ሆፈአሚሁለከ ሶቀማንቸ የመም ገእሙ ገበአበኤሃን። 10 ጠዉ እኩጎሬ እን ቴሱ ሄአም ሀለት ደኤሚሁ መገን እሰቶቺት፤ ሀትን ሁኩ እሰንቶኤ እሰቶት ላልቸ የበኤሃ እኮበእ፤ እንን ዋሎ መኒች ጉዕሚችን በትሽ ጠረኝ እዕዮም፤ ጠዉ እኩጎሬ እዕዮሁ ኢን ሄአኖሃ መገንተ እሰቶ ቤሉ እኔበእ። 11 እኒ እኮም እቃ እሳህ ተማርሰናሚሁ ከኒት፤ እዕትሁ አመዕንቲንታሁ ከኒት። 12 ቴሱ መሲህ ሬሆች ኬኤሰ ተማርሰናሚሃ እኮች ሀት ክዕኔች መት-መቱ «ሬቶ መኑ ሬሆች ኬአበእ» ይታኢት? 13 ሬቶ መኑ ሬሆች ኬአባሃ እኮች መሲህ ሬሆች ኬዕዮበእ ዩሃን። 14 ሀትን መሲህ ሬሆች ኬአባች ኒ ትምርቱለክ ክዕኔ አመዕነቲሁ ተሰሃን። 15 ሀከኒችን በትሽ «መገኑ መሲህ ሬሆች ኬሾሰ» ይን እሰተኔሃ መሰከርናምቤቺሃ መገኒሃ ክዘብ ምስክር እንኮም ዩሃን፤ ሬቶ መኑ ሬሆች ኬአባች መገኑ መሲህ ሬሆች ኬሾሰበእ ዮሃን። 16 መሰንትሰ ሬቶ መኑ ሬሆች ኬአባሃ እኮች መሲህ ሬሆች ኬዕዮበእ ዩሃን። 17 ሀትን መሲህ ሬሆች ኬአባች አመዕነቲክዕኔ ተሰሃን፤ እዕትሁ ከበሬ ኤለ ጨበንከክዕኔ ዮንተ ዩሃን። 18 መሲሂን አመዕንት ሬቶአሩ በኦኤ ዩሃን። 19 ነኡሁ መሲህ ተብላሃ እዕናሚሁ ከን ዱንያ አሊን ሄዕናም ሄኤሃ ጠለዕል እኩጎሬ መኒች ጉዕሚችን በትሴን ሻዝንሳሞረ እንኮም ዩሃን። 20 ጠዉ እኩጎሬ መሲህ ሬቶሁኤተ ዋዕኔሃ እክ ሀንቅንከ ሬሆች ኬዕዮኡ። 21 መሰንትሰ ሬሁት መቶሃ መንች አዲን አሜቶንን ሬቶአሩ ሬሆች ኬኤሁ መቶ መንች አዲኒት። 22 መኑ ጉዕሙንኩ አደም መሳን ሬሆህህንገን መሲህ መሳን መኑ ጉዕሙንኩ ሄኡ ደአኖ። 23 ጠዉ እኩጎሬ መት-መቱንኩ ገይሰ ተሪን አሜተኖ፤ መሲህ ሬሆች ኬኢን ዋኔሃን፤ ሀትን ኤተርን መሲህ አሜቸ ወክት እሲሃ እኮአረ ሬሆች ኬሰሰ። 24 መሲህ ገሹ ጉዕሙንኩ፤ ደኝነቱ ጉዕሙንከለክ ዋልቀተ ጉዕሙንከ ቤሾች ኤተርን ዋምነቱ እነ መገኒሃ ሀገሽ እሰኖ ወክት ዘማን ጎፋ አሀኖ። 25 መገኑ ዲኒሰ ሎከሰ ጫዕማች ዋርን አኦተ ኤለ መሲህ ዋመ አሁ ሀሰሰኖሰ። 26 መጨረሻን ቁለም በእኖሁ ዲኑ ሬሁታን። 27 «መገኑ ጉዕሙ ጠወንከ ሹምነቲችሰ ዋርን እዕዮኡ» የኖሁ ከተበሞኡ፤ ጠዉ እኩጎሬ «ጉዕሙ ጠወንኩ ሹምነቲችሰ ዋርን አኮኡ» የኖ ወክት ጉዕሙ ጠወንኩ ሹምነቲች ዋርን እዕዮ እነ መገኑ በርገናበእ። 28 ጉዕሙርቼንኩ መሲህ ሹምነቲ ኣዚን እኮች ኤተርን እኑ መገኑ ጉዕሙርቼንኩ ጠገመኖሃ አሆተ ህከ ወክት ቤቱ ገዉንኩሰ ጠቀኖገ እዕዮ መገኒሃ ጠገመኖሰ። 29 ህካን አሀባች ሬቶ መን ወጥ ጠመቀመኖ መኑ መ አእናት? ሀትን ሬቶ መኑ ሆርን ሬሆች ኬአባሃ እኩጎሬ መኑ እሰ ወጥ ጠመቀመኖሁ ሚሃት? 30 ነኡ ገዉንኩኑ ጉዕሙ ወክት አደኒሃ ገዉኔ እሰን ሄዕናሚሁ ሚሃት? 31 አመኤ ኦሶ! ኤሳሃ በሬን በሬን ሬሁት ገንበ ይታኢት፤ እንን ህካን ያሚሁ ቀርቼሃኔ መሲህ ኢሰ አዲን ክዕኔኤን ዮኤ አመዕነቲንት። 32 ሀትን እን ኤፊሶን ከተማን አብል ቡሳባን ኤጀቀሜናህንገን ኤጀቀሞሚሁ መን ሰወቲን እኩጎሬ መ ደግለለኖኤ? ሀትን ሬቶ መኑ ሬሆች ኬአባሃ እኮች «ጋቲተ ሬናምቤቺሃ አሜ እንቶለክ እንጎ» ይታገ አሁሃሰ። 33 እዕት ሉጨንቶኖቼ፤ «ሂሉ ጁሉ ጡመ አመል ቤሰኖ» የመሞኡ። 34 ቴሱ ቀልብ እዕዬ፤ ጨብ እኡ አጉሬ፤ መገኑ ደግቡ መኑ በላንከክዕኔ ዮኡ፤ እን ህካን

ያሚሁ ሙልሶህዕኔተ ይደት። 35 መቱ መንቸ «ሬቶ መኑ ኬአኢሁ ሀት እከት? ሬሆች ኬአ ወክት ጅሰሙሰ መ አንደኖ?» ይ ጠዕመኖ መንቸ ሄኦተ አታለኖ። 36 እት ኩ ገዉ መንቸ! እት ዉጣንት ዉጠት ሽንትባች መታበእ። 37 እት ዉጣንት አለሰ ህከረገገ ዋሎርች ዜሬተህቤሉ ኤተርን መች ነጼኢሃበእ። 38 ጠዉ እኩጎሬ መገኑ ኢተኖ ሃለን ገይሰ ደን ኣሰኖሰ፤ ሀትን መት-መቲሃሰ ዘሬትሰ ገይሰ ደንከ ኣሰኖሰ። 39 መሰንትሰ ማሉ ጉዕሙንኩ ሜጠሃ ደንበእ፤ እኩጎሬ መን ማሉ ሜጠሃ ደን፤ ግዝ ማሉሁ ዋሉሃ ደን፤ ሀትን ጭኦ ማሉ አደደ ደን፤ ቁርጨሜ ማሉ ዋሉሃ ደን። 40 ሀትን ሰሜ ጅሰሙ ዮኡ፤ ኡለ አል ጅሰሙሁ ዮኡ፤ እኩጎሬ ሰሜ ጅሰም ኬዕምኖ መቶሃ ደን፤ ሀትን ኣዱንያ አል ጅሰም ኬዕምኖ ዋሉሃ ደን። 41 ሀትን አር ኬዕምኖ መቶሃ ደን፤ አገንክ ኬዕምኖንገ ዋሉሃ ደን፤ ቤዜ ኬዕምኖሁ ዋሉሃ ደን፤ መሰንትሰ መቶሃ ቤዜ ኬዕምኖ ዋሉችሰ አደደ። 42 ሬቶ መኑ ሬሆች ኬአኖሁ ሀትደት፤ ዉጠሞ ጅሰሙ በእኖሃን፤ ሬሆች ኬዕዮ ጅሰሙ በእበሃን። 43 ሁኩንን ሆርኒን ዉጠሞ ኬዕምኒን ኬአኖ፤ ሀትን ላፈ እክ ዉጠሞ ጠረኝ እክ ኬአኖ። 44 ሀትን ማል ጅሰሚን ዉጠሞ ጠለሉ አያኑ ሄኡ ኣሴ ጅሰመ እክ ኬአኖ፤ ማል ጅሰሙ ሄኡች ጠለሉ አያኑ ሄኡ ኣሴ ጅሰሙ ዮኡ። 45 ህካን እኮቤቺሃ «ዋኔ መንቸ ኣደም ሄኡኖ ክልቀት እኮ» የመም ከተበሞኡ፤ ኤተር ኣደም ሄኡ ኣሰኖ አያን እኮ። 46 ጠዉ እኩጎሬ ዋዕናሃ አሜቸሁ ጠለሉ አያኒን ሄኡ ኣሰሞሲሁ አሁዕነ ማል ጅሰሙ አሜቸ፤ ጠለሉ አያኒን ሄኡ ኣሰሞሰ ማል ጅሰሚች ኤተርን አሜቸ። 47 ዋዕኔ መንቸ ከለቀሞሁ ኡለ ትቢች እኮቤቺሃ ኡላሃን፤ ለንክ መንቸ አሜቸሁ ሰሜቺት። 48 ኡላች እኮአሩ ኡላች እኮሃ እኮዳኢ፤ ሰሜች እኮአሩ ሰሜች እኮኢሃ አጉዳኢ። 49 ነኡ ኡለ ትቢች ከለቀሞ መንች ደን እንንደምገን መቱ በር ሰሜች አሜቸ መንች ደን እንንዳም። 50 አመኤ ኦሶ! መቱርቼ ኩላንክዕኔ፤ ማሉለክ ቄጉ መገን ዋምነቱ ዋረሶተ አታልታበእ፤ ሀትን በእኖ ጅሰሙ በእቡ ጅሰመ ዋረሶተ አታለኖበእ። 51 ቴሱ መቱ ማጠሞ ጠወ ኩላንክዕኔ፤ ነኡ ጉዕሙንኩኑ ሬናምበእ፤ ጠዉ እኩጎሬ ጉዕሙንኩኑ ዶረማም። 52 ዶረማሚንኩ መጨረሽ ጡሩምበ ሱሴኖ ወክት አሌ ገለብትገ መቶ ወክቲኒት፤ ጡሩምቡ ሱሴመኖ፤ ሬቶ መኑ በእበ መን እክ ኬአኢ፤ ነኡሁ ዶረማም። 53 መሰንትሰ ኩ ሸመኖ ማሉ ሸሞባሃ ኣደኡ ሀትን ኩ ሬሆኖ ማሉ ሬሀባሃ ኣደኡ ሀሰሰኖሰ። 54 ኩ በእኖ በእባሃ ኣደዕዮ ወክት ሀትን ኩ ሬሆኖ ሬሀባሃ ኣደኡኖ ወክት «ሬሁት ቁላንት በኡኡ» የመም ከተበሞሁ ዊመኖ። 55 ሀትን «ሬሆ! ቁሉክ ሀከበ ዮኡ? ሬሆ! መን ምዕርታንት ዋልቀክ ሀከበ ዮኡ?» የመሞኡ። (Hadēs g86) 56 ሬሆ ቁል ዋልቀት ጨብሃን፤ ጨብ ዋልቀት ሕገሃን። 57 ጠዉ እኩጎሬ ቀርቼሃኔ መሲህ ኢሰ አዲን ቁሉ ኣሰኖ፤ መገኒሃ ገለቱ አሁንሰ! 58 ህካን እኮቤቺሃ ኢተንቲንተ አመኤ ኦሶ! ጠረኝቲን ኡርዬ፤ ቀርቼ ኢሲሃ ኣቲንተ ሆንተ ጠለዕለ እክበገ ደኒንተቤቺሃ ሌንቄቶትዕናን ቀርቼ ኢሰ ሆንተ ጉዕሙንከ ወክት እዕዬ።

16 አመዕናት ሀዕላቀሜኖ ብረ ጭምእአተኔሃ ገለትይ ባዶን ሄኡ አመዕናት ኩሉምግን እዕትሁ ሀት እዕዬ። 2 ሁኩ ብረ

ጭምለኤኖሁ እን እሚታም ወክት እሀኖበእገ መት-መቱክዕኔ ደአቴነንተሀኒች
 ዋልቀክዕኔ ጌሰ ጉዕመንከ ወክት ሳምንት ዎኔ በር እደ አቴን አፋሸዬ።
3 እን እሚቸም ወክት አዕኑ አመዕንቴነንተ መኑ ሀከ ጭም አቴንተ ብረ
 ዬሩሳሌመ መስቶተ ደብደቤተ ከተብ ሜጡብ አዕይ ሶሃንሰ። **4** ኢ
 መሩ ሀሰሾ ጎሬ እሰ ኢን ሜጡብ መርታእ። **5** መቄዶን ባድ እዲን ሀጎተ
 ሰውዬምቤቺሃ ህከኒን ሀገን ክዕኔተ ለኦተ እሚታም። **6** እን ሀከቤቺሃ
 መሮም ጎር ዋቄሃእ እካ ሽንቅተ ኣቶኖኤተ ክዕኔቤቸን ቀዉ ጌሰ አፋዕላሚሃ
 እሀኖ፤ ህትን ከርም ክዕኔቤቸን አፋዕላሚሃ እሀኖ። **7** ህካን እኮቤቺሃ
 ህግኤ ዎቃን ለኦህዕኔተ ሀሳምበእ፤ መገኑ ዬጎር ክዕኔን ሜጡብ መቱ ጌሰ
 ዱንኮተ ተብሳሃ አኣም። **8** ጠዉ እኮጎሬ ጸንጠቆስጤ ከበጀት ኢሊ ኤፌሶን
 ከተማን ዱንካም። **9** መሰንትሰ ልግቡ ሆጉት ሄኦ አልባዕሉት ኡሩት
 ፈንተኦኤ፤ እኮጎሬ ኤሳሃ ግባኤ መኑ ልግብሃን። **10** ጥማቶስ እሚቸ ወክት
 ዋጂዕናን በላንከክዕኔ አፋዕላኖገ አዕዬ፤ መሰንትሰ እሲሁ ኢገን ቀርቶ
 ሆጉተ አእኖሃን። **11** ህካን እኮቤቺሃ አዪሁ ህንቁንከሰ፤ እኮጎሬ አመዕናኖን
 ሜጡብ አገራምቤቺሃ ኢቤቺ ወገሬቲን ፈንቀሎተ ዋቄሀስ እካ ሽንቅተ ኣቴን
 ሀርሲሼሰ። **12** አመኔቤቱ አጽሎሰ ዋሎ አመኦሶን ሜጡብ ክዕኔቤቺ መሮተ
 አበ ኡጭዮንሰ አቅ፤ እኮጎሬ እሰ ቴሱ ክዕኔቤቺ እሚቶተ ሀሾበእ፤ መከኖሰ
 ወክት ክዕኔቤቺ እሚተኖ። **13** በቅይዬ፤ አመዕንቶንከክዕኔ ጠረኝቴን
 ኡርዬ፤ አጽሜ፤ ጠረኝዬ። **14** ህትን አቴነንታሃ ጉዕመንከ ኢታን አዕዬ። **15**
 አመኤ ኦሶ! አካይ ባዶን ሄጭት መገኑ አመዕንቶአሩ አሰጥፋኖሴ አበሮሰ
 እሁሰለከ እሰ አመዕናኑተ ሀዕልቶተ ገዉሰ ህግሰ አቶገ ደጌነንተ። **16** እሰገ
 ዮ መኒሃለከ አሳንን ሜጡብ ኦተን ሆጋ መኒሃ ጉዕሚንከ አዘዘንቴነንተገ
 ጥሽ አዕይ ቃግሳንክዕኔ። **17** እሰጥፋኖሰ፤ ፈርዶናጢሰለከ አካይቆሰ
 ኢቤቺ እሚቶቤቺሃ ተሽ ይዮኤ፤ አዕኑ ኢን ሜጡብ ደገንቴንበቤቺሃ እሰ
 ክዕኔቤቸን ሆፈዕዮኤርቺ ዊንሸቶኤ። **18** እሰ ኢሊ ክዕኔ ቀልብ ፎሎሲሶአረ፤
 ህካን እኮቤቺሃ ህትኔ መን ደጉ ሀሰሰኖህዕኔ። **19** እሰይ ባዶን ሄኦ
 አመዕናኑተ «ወገሬት ዮንተንዶ?» ይታህዕኔት፤ ህትን አቄልለከ ጽርስቅል
 ምኒንከሰ ጭምይታ አመዕናኖን ሜጡብ ቀርቶ ሱዕሚን «ጠረኝገ ወገሬት
 ዮንተንዶ?» ይታህዕኔት። **20** ህትን አመዕናኑት ጉዕመንኩ «ወገሬት
 ዮንተንዶ?» ይቶህዕኔ፤ ገገዉንኩክዕኔ አመዕናኖተ ሀሰሰኖ ነጠ እኮ
 ወገሬትጨቀሚን ዝያዕረቀሚ። **21** እን ጸዉሎስ ከ ወገሬት ገይእ አንጋን
 ከተባንክዕኔ። **22** ቀርቺ መሲህ ኢሰ ኢትባሁ ሄዕዮ ጎሬ ቦሮረሞኢሃ እሁን፤
 ኒ ቀርቺ አም! **23** ቀርቺሃ ኢሰ ኣሰቱት ክዕኔን ሜጡብ እኩን። **24** ኢ ኢትት
 መሲህ ኢሰ አዲን ጉዕሚንከክዕኔን ሜጡብ እኩን! ኣሚዕን።

ለንክ ቆሮንቶስ

1 መገን ሰውቲን መስህ ኢስ ኣሳቤቹ እኩም ኣን ጸውሎኤ እመኔቤቲቹ ጠማቶሴቶ፡ ቆሮንቶሳን ዮ መገን አመዕናና ጭምት ዱሉ ምናቕለክ ህትን ዊመ አካይያን ዮ አመዕናናተ ጉዕሚክን **2** ኣነቶኤ መገንቲ፡ ቀርቼሃኔ መስህ ኢስ ኣስቲታለክ ወገሬቱ ክዕነሃ አሁን። **3** ማርቶ ኣነ እኮሃ ጠረኝመተ ጉዕመንክ ኣሰና ህትን ቀርቼሃኔ መስህ ኢስ ኣነ መገኒሃ ገለቱ ኢሉስ። **4** ነኡን መገኒቶ ኣእናም ጠረኝማን ኦርሽ ኣዜን ዮኦረ ጉዕመንክ ጠረኝሱ ኣታልናተ መገኑ ኣሳሃ ኦርሻን ጉዕማንን ጠረኝሰና። **5** መሰንትሰ መስህ ኦርሸተ በትኝሰ ቤቀምምገን ጠረኝመታ መስህ ኣዲን በትንሰ ደእናም። **6** ህትን ነኡ ኦርሸተ ቶንጋሚሁ አዕቲ ጠረኝቶናተለክ ጡምቶናታት፤ ህትን ነኡ ጠረኝናምጎሬ አዕቲሁ ነኡ ቶንጋም ደኒነ ኦርሸተ ኣታዕሊን ቶጌን ጠረኝቲንተ፤ **7** ህከኒሃ ኒ ኦርሸተ ቤቀንቲንተህገንን መንዲቲኤ ቤቀንቲንተገ ደንጋምቤቹሃ ክዕኔ ኣሉን ዮኤ ተብሶሁ ጠረኝሃን። **8** አመኤ ኦሶ! አሰይ ባዶን ኢልቶኤ ኦርሸተ ደግኖተ ሀንሳም፤ ሁኩንን ኢልቶኤ ኦርሸተ ኣታዕልናም ጌሲቶ በተኣን ፎሊን ሄዕናም ተብሳሃ ሙርናም እቅ። **9** ህትን ሬሁተ ፈረዴመእገን አዕን ቀልቤኔ ሰውይናም እቅ፤ እኩጎሬ ሁኩ ጉዕመንኩ ጠወ ኣሌኔ ኢሌኢሁ ሬቶ መን ሬሆቶ ኬሰና መገንን ድክዕንት ቤሉ ገይኔ ዎልቃን ድክዕንበጋት። **10** መገኑ ሬሆቶ ጡምቶኔ፤ ቲሁ ጡምሰና፤ ህትን ከ ኢተሩሃ ፌሰና፤ መገንን ተብሳሃ አዕናም። **11** አዕቲሁ ኣሳሃ ዱኣ ኣቲን ሀዕሉ ሀሰሰናህዕኔ፤ ህትን አበ ዱኣን ነኡ መገን ሀዕሊን፤ ደእናም ወክት ልግቡ መቲ ኒ መሳን መገኑ ገለትጨና። **12** ነኡ ድክዕናምርቹ ከኒቶ፤ ከን ዱንዮ ኣሌን በትንን ክዕኔን ሜጡብ ዮኤ ደቀንሹ መገኒቶ ደዕናም አመዕነንሽን ሄዕናምገ ቀልቡኤ መሰከረና፤ ሁኩንን መን ሀይማን አሁዕን መገን ኣስቶኒት። **13** መሰንትሰ አዕቲ ኣነበሊሃለክ አጥራመቲሃ ኣታልቲንተህን ቤሉ ዎሉ መቲርቹሃ ከተባንክዕኔበእኔ፤ ህካን እኮቤቹሃ ቀርቹኤ ኢስ አሜተና በር ነኡ ክዕኔን ድክዕናተለክ አዕቲ ኒን ድክሉናተ ከኒቶ ብርተ ኒተኔሃ ቀወንከ አጥራመቲንታሁ ኤተርገን ሹልቲን አጥራመቲንተገ ተብሳሃ አዕናም። **15** ከን ጠዋን ሀንቀኝ እኩምቤቹሃ አዕቲ ኢን ለሙ ወክት ደግለሸቀንቶናተ ይ ጉዕመርቹቶን ሄጮ ክዕኔቤቹ አሜቶተ ሀሾም። **16** አንን መቄዶን ባዱ መረንሊክ ህከንቤቹቶ አሜተን ክዕኔቤቹ አሜቶተ ሰውይናም እቅ፤ ህትን ክዕኔቤቹቶ ይሁድ ባዱ መራም ወክት ዎቄሃኤ ሸንቀተ ኣቲን ሀርሲሴንተኣኦ ሰውይናም እቅ። **17** ህትን አን ያጀም ወክት ሸኬምንዶ? ህትን አን ሰውያሚሁ መን ሰውትን መቲርቹ «አሁን» ይ ፈንቀሽገን «አሁንከ» ዮንትንዶ? **18** መገኑ ሀንቅንከ አመነሞኢሃ እኮገን ነኡሁ ኩልናንክዕኔ ላገት «አሁን» ይን «አሁንከ» ይናታበኡ። **19** ኣን ሰላሰለክ ጠማቶስ ተማርሰናህዕኔሁ መገን ቤቱ መስህ ኢስ ጉዕመ ወክት «ኤ ሀንቄንከ» መቶረ «አሁን» መቶረ «አሁንከ ዩሃበኡ።» **20** መገኑ ኣሴኔ ተብሶሁ ጉዕመንኩ «አሁን» እኮሁ መስህቲ፤ ነኡ መስህን መገን ኬዕምኚሃ «አሚዕን» ይናሚሁ ከኒሃት። **21** ኣሳሃ ክዕኔን ሜጡብ መስህን ጠረኝናምገ አዕናኔሁ መንሃን፤ ቡርኔሁ አሶት። **22** አሰረ አሁኔ

ለሊሰና ገይሰ ማተመ ኒ ኣሌን ኣዕዮሁለክ ጠሊሊ ኣያንሰ ሩብት አሆተ ቀልቤንከኔ ኣፋሹኢሁ አሶት። **23** አን ቆሮንቶስ ከተመ ፈንቀል አሜቱዕን ፈቆሚሁ ኡሙዕር ሻዝሳንክዕኔበእከ ይዩት፤ ህከኒሃ መገኑ ምስክርሃኡ። **24** አዕቲ አመዕነቶንከክዕኔ ጠረኝቲን ኡርቲንተረ ኣኬንተቤቹሃ አዕቲ መንደኣናተ ክዕኔን ሜጡብ አዕናምህን ቤሉ አመዕነትክዕኔ ኣሌን ቀርቻትት ኣንካምበኡ።

2 ቲሱ ሻዝሶህዕኔተ ሀሳምበኢቤቹሃ ለንኪሃ ክዕኔቤቹ አሜታምበእከ ሙርሰጭዮም። **2** ኣን ክዕኔተ ሻዝሾንክዕኔጎሬ ሻዝሾንክዕኔ ክዕኔ ቤሉ ኤሳሃ መንዲሲሰና ኣይ ዮኤ? **3** ኣን ህት ከተባንክዕኔሁ ክዕኔቤቹ አሜቶም ወክት ኤሳሃ መንዲሲሰና ሀሳ መቲ ሻዝበእከ ይዩት፤ መሰንትሰ ኢ መንዲቲት ጉዕሚክዕኔ መንዲቲት አሁስ አመዕናም። **4** መሰንትሰ ኣን ልግቤ ኦርሻን፤ ቀልብ ጭንቃንለክ አበ ኣንጂጂን ከተባንክዕኔ ክዕኔተ አበ ኣታንክዕኔገ ደግኖታት ቤሉ ሻዝሶህዕኔታበኡ። **5** መን ሻዝሾ መንቹ ኣዩሁ ሄዕዮጎሬ ሻዝሾሁ ጠለዕል ኤሳሃ አሁዕን ቤሱሰ በትሱ አሁንከኤ ቤሉ ጉዕመንከኔ አህበረ ልግብንከኔ ሻዝሾኡ። **6** ህትኔ መንቹሃ ክዕኔቶ ልግቡኔ ቀጠኤንተሰ ቅጣት ጌሱ አህሰሰ። **7** ህካን እኮቤቹሃ ሁኩ መንቹ አበ ሻዝቤቹሃ ተብሳሃ መረናበዕገ አዕቲ ኣሉሃ ማርጎስ ዩልክ ጠረኝሱ ሀሰሰናህዕኔ። **8** ህትን ኣሉን ዮህዕኔ ኣተተ ፈንቀሽቲን ጠረኝሶናተ ኡጫንክዕኔ። **9** አንን ህካን ከተባንክዕኔሁ ፊተንቲን ጉዕመ ጠዋንን ኣዘዘንቲንተረ አሁክዕኔ ደጎተ ይዩት። **10** አዕቲ ማርጎስ ይቲንተሰ መንቹ ኣዩሁ እኩጎሬ ኣኒሁ ማርጎስ፤ ሁኩ መንቹ ቤርቶቹ ሄዕዮ ጎሬ ኣን መስህ ብሬን «ማርሞ» ያንሲሁ ክዕኔተኔሃት። **11** ኣን ህካን ኣእሚሁ ሸይጣን ሂላ ጠወ ደንጋምቤቹሃ ኣሳሃ ጣንሰናበእከ ይዩት። **12** ህከኒቶ ኤተርገን መስህ ተሸት ላገተ ተማርሶተ ጥርኣድ ከተመ መርም ወክት ቀርቶ ሆጎ ኡሩት ፈንተኣኤ እቅ። **13** እኩጎሬ አመኤ ቤቲን ቲቶን ደቀሙ ሆጎምቤቹሃ ቀልቡኤ ሻዝ እቅ፤ ህካን እኮቤቹሃ «ወገሬቲን ሄዕኤ» ይ ኣሳቶ አደ እክ መቄዶን ባዱ ኦርዕዮም። **14** ጠወ እኩጎሬ መስሂን ጉዕመ ወክት ድለ አዕናምረ አዕይ አምንሰናኤለክ ኣንኬዕንሰ ኣንጀኖ ፎገል ኒ መሳን ጉዕመ ቤቹን ለሊሰና መገኒሃ ገለቱ አሁንሰ። **15** መሰንትሰ ጡምታሁኡተለክ በኣሁኡ በላን መገኒሃ መስሂን ጡሙ ፎገሉ ዮሰ ኣንጀንተ ኣንኩም። **16** ህካን እኮቤቹሃ ነኡ በኣና መኒሃ ሬሆተ ኣንጀን፤ እኩጎሬ ፈቀና መኒሃ ሄዕተ ኣንጀን፤ ህከን ጠዋሃ በቀኣና መንቹ ኣዩት? **17** መሰንትሰ ነኡ መገን ላገተ ነገዳ ልግቤ መንጋበኡ፤ ጠወ እኩጎሬ ነኡ መገኒቶ ሲህም መንገ መስህ ኣዲን መገን ብሬን አመዕነሞምረ ኣንክ ጠወዕናም።

3 ገጫ ፈንቀሽን ገለትጭናምትንዶ? ህከረንገ መት-መቱ መት ኣታህገን ክዕኔሃ ህከረንገ ክዕኔቶ ገይኔ ጡምመተ ለሊሳ ደብዳቤተ ሀሰሳኔንዶ? **2** አዕቲ መቲ ጉዕመንኩ ደግናህዕኔሁለክ ኣነበበናህዕኔሁ ቀልብኔ ኣዜን ከተባንቲንተ ደብዳቤተኡ። **3** አዕቲ ኒ ክድማን አሜቲንታሁ መስህ ሲህቲት አሁክዕኔ ለሊዮኣሃን፤ ኩ ሲህቲት ከተባንቶኢሁ ሄኣና መገን ኣያንት ቤሉ ቀለማንበኡ፤ ህትን ከተባንኩከ መን ቀልቤን ቤሉ ክኒ ኣሌንበኡ። **4**

ካን ይናገሩ መሰረት መሰረዝ መሳን መገን አሌን አመዕነቱ የኔቤቺሃት። 5 ክድመ ሆጉተ አዕናተ አታልናሚህ ዋልቀተ አሰኛ። መገንገንት ቤሉ ነኡ። ጠረኛነተ እንክበእ። 6 ሃዕሮ ወኣድ ላገ ካዲመተ እንኮተ ዋልቀተ አሴኔህ አለት፤ ሁኩንን ከተቤመ ሕገን አሁዕን መገን እያን ወልቃኒት፤ ከተቤመ ሕጉ ሬሁተ ኤብና፤ መገን እያን አኮጎሪ ሄኡ አሰና። 7 ክኒ አሌን ከተባሞ ሕጉ አሜቶህ ኬዕምኚንት፤ ሁኩን መሰረዝ ሚኔ አሌን ለላን ሄዕዮ ኬዕምኖ ሆልኦን ኦሮዕዮ ጎራህ ሚንሰ አብ በለቃኢሃ እኮቤቺሃ እስራኤላውያንት ሚንሰ ቱክ ይት ለኦተ አታልቶበእ፤ ቴሱ ኩን ሬሆቤቺ አምሰና ሕጉ ህትኔ ሎሪ ኬዕምኚን አሜቶሃ አኮቺ 8 ጠለሊ መገን እያን መሳን ደገመና ክድመት በተኣና ኬዕምኖ ሄኣናሰበእንዶ? 9 መሰንትሰ መን አሌን ፍርደ ኤቦ ሆጉተ ኬንኩ ኬዕምኖ ሄዕዮቺ መኒ ፈይመተ ኤቦ ሆጉተ በተኣና ኬዕምኖ ህት ሄኣናሰበእ? 10 ወዕና ሄዕዮ ኬዕምኖ ኤተሮን አሜቶ ኬዕምኚን ሚጠብ ለኤና ወክት መቱርቼህ ኬዕምኖ ዮሰበእሃ አሁሰ ለዕናም። 11 ሁኩ በእን ኦርእን ሄዕዮህ ኬንኩ ኬዕምኖ ሄዕዮሰቶ ዘላላሚሃ ጠረኝ ሄኣናህ ህት በተዕዮ ኬዕምኖ ሄኣናሰበእ። 12 ቴሱ ህትኔ ተብሶህ ሄዕዮኔቶ ነኡ መለልን ጠወዕናም። 13 እስራኤላውያንት ሚኔሰ ኑሩ በእን ኦርእናሃ መጨረሻሰ ለኣበእገ ሚንሰ ሻሺን ድቦ መሰብበእ። 14 እሰ ቀልቡ ዱጁኡ፤ ከበሪ ኢሊ ኑባቹ ወኣድ መጻፈ አንበቤናሪ ቀልቡሰ ህከን ሻሺን እፍሰምጋንት፤ መሰንትሰ ሁኩ እፍሰምህ ኬኣናህ ጠለዕል መሲሂን እኮቤቺሃት። 15 ኤ ከበሪ ኢሊ ሕግ መጻፈተ አንበበንታ ወክት ጉዕመንከ ሁኩ ሻሹ ቀልቤንከሰ ሄኣና። 16 ጠወ አኮጎሪ መቱ ቀርቾ ኢሲብ ፈንቀሎ ወክት ሁኩ ሻሹ ሸቀና። 17 ህትን ቀርቼ እያን እኮቤቺሃ ቀርቼ እያን ዮቤቾን ጉዕማንን ሰዋልድመት ዮኡ። 18 ነኡ ጉዕመንኩኔ ጌረደምበእ ሚኔን እንክ ለእቃንቺን ለእናምሀን ቀርቼ ኬዕምኖ ለዕናም፤ ነኡ ኬዕምኚት ኬዕምኚን እሱ አኩዲሃ ዶረማሚት፤ ሁኩን እኮሁ እያን እኮ ቀርቼችት።

4 መገን ማርቶን ኩ ሆጉተ የኔቤቺሃ ተብላሃ ሙርናምበእ። 2 ጠወ አኮጎሪ ማጠሞለክ ሙልሲሰና ጠወ ኢጅናም፤ ተንኩተ አዕናምበእ፤ መገን ላገተ ክከቢን ልቀለንቃምበእ፤ ህከን ወጢ ህንቅ በነቻን ለላንሳም፤ ህንቅ ለልሲን እኮጎሪ መገን ብሬን ጡመ አዕናሚሃ አሁኔ መኒሃ ጉዕሚንከ ለላንሳም። 3 ነኡ ተማርሰናም እንጂል ላገተ አይደለም ማጠሞሃ እኮጎሪ ማጠሞሁ በእናህ መኒሃት። 4 ህትን መገን ሞሳልተ እኮ መሲህ ሎርመተኔሃ ኩለዋ ተሸት እንጂል ላገ ኑር ለኣበእገ ከን ኣዲንያ አል ሸይጣኑ መገን አመዕንቶብእ መን ቀልብ ቆቅሾኡ። (aiōn g165) 5 ነኡን መሲህ እሰ ቀርቼ አሁሰለክ ነኡ ገዉኔ አሰተኔሃ ክዕኔ ካዲመተ እንኮም ቤሉ ገይኔተኔሃ ተማርሰናምበእ። 6 መሰንትሰ «ቱንሰቶ ኣዚቶ ኑሩ ፋሉን» ይጠወዕዮ መገን መሲህ ብሬን ለሊሰና መገን ኬዕምኖ ደንጋም ኑር ኣሳኔተ ኑሩሰ ቀልብኔ ኣዜን ለሊሰናገ አዕዮ። 7 ጠወ አኮጎሪ ኩ ሎሩ ዋልቀተ መገኒሃ አሁንሰ ቤሉ ኒሃ አሁ ሆጉሰ ለልሲሃ ኩ ሎሩ ጠወ ትብ ኦዳገ እንኮም ኒ ኣዜን ዮኡ። 8 ኔሳሃ ጉዕመ አዲንያ ኦርሸት አልታኔ፤ ጠወ አኮጎሪ ቄለማምበእ፤ ልግብ ወክት ጉረተ ኣገኛ። ቤሉ ተብላሃ ሙርናምበእ። 9

ህትን ሸረኛ። ቤሉ ሚጠሃኔ እንክ ፈንቃምበእ፤ ዋቀረም ኡንባም፤ እኮጎሪ ሪናምበእ። 10 እሰ ሄኡ አሌኔ ለሎተ ጉዕመ ወክት ጅሰም፤ አሌን እሰ ሬሁተ አጅን ዘህናም። 11 መሰንትሰ እሰ ሄኡ ሬሆና ጅሰማንከኔ ለሎተ ኔሳሃ ቴሱ ፎሊን ዮሞሪ አሰተኔሃ ጉዕመ ወክት ሬሆተ ህግሴን ኣሴና። 12 ህከን እኮቤቺሃ ሬሁት ኒ አሌን ሆጉተ አታኦ። እኮጎሪ ሄኡክዕኔ አሌን ሆጉተ አኣናት። 13 አሁን ቤሉ «አመዕንዮም፤ ህከን እኮቤቺሃ ጠወዕዮም» ዮመም ከተባሞቤቺሃ ሁኩ አመዕነት ቀልብ የኔቤቺሃ ነኡ አመዕንናም፤ ህከን እኮቤቺሃ ጠወዕናም። 14 ቀርቼ እሰ ሬሆቶ ኬሾ መገን ኔሳሃ ኢሲን ሚጠብ ኬኤንገሊክ ክዕኔን ሚጠብ እሰ ብርተ ሆንጠህሰናጌን ደንጋም። 15 ሁኩን ጉዕመንኩ እኮሁ ክዕኔተ ደግለልሃት። ኣሰቱት ልግቤ መኒሃ ኢልቶኢህ መገኒሃ ኬዕምኖ አህና ገላቱ በተኦታት። 16 አብልገ ለኤና ጅሰሙኔ በእን መር ጎሪ ኣዜኔ ጅሰሙ በሬን በሬን ሃዕሮሃ እኮቤቺሃ ተብላሃ ሙርናምበእ። 17 ከን ቀዋ ወክቲሃ ኦርጨማም ኬዕምትበ ወክትሰ ኦርሸት ሎሪለክ ዘላላሚሃ ሄኣና ኬዕምኚሃ ቅጥ አታኔት። (aiōnios g166) 18 መሰንትሰ ነኡ ኦሎንሰን ዮሚሁ ለልባሃት ቤሉ ለላናሃበእ፤ ለላናርቹ ቀወ ወክቲሃት፤ እኮጎሪ ለልበርቹ ዘላላሚሃ ሄኣናሃን። (aiōnios g166)

5 ኩ ዲካንገ ዮ ኣዲንያ አል ሞኑኔ ድጀሞች መን አንጋን አሁዕን መገን አጅር ዘላላሚሃ ሄኣና ሞኑ ሰማን ዮኔሃ አሁሰ ደንጋም። (aiōnios g166) 2 ህንቅንከ ነኡ ሰሜ ምኒኔ ኦደዕናተ አብ ኣዛንባሚት። 3 መሰንትሰ ህከን ኦደዕናሚት ኤተሮን ከልን እንካምበእ። 4 ህትን ከን ዲካንገ ዮም ጌሳን ኬዕሚሃኔ ኣዛንባሚት፤ ነኡ ኦርጨቀማሚህ ሬሆና ማሉኔ ሄኣን ዶረሞተ ሰማን ዮ ምኒኔ ኣንጎተ ሀንሲት ቤሉ ከን ኣዲንያ አል ጠዋቶ አደ አሂሃ ሀንሰበእ። 5 ከን ጠዋሃ ቅጥ አዕዮኔሁለክ ጠለሊ እያን ኔሳሃ ሩብት አሆተ ኣሴኔህ መገንሃን። 6 ነኡ ማሊን ከን ኣዲንያ አሌን ዮም ጌሳን ቀርቼን ሚጠብ ሄኡ ሆጉኔ ደንገምጎሪ ጉዕመ ወክት እሱ አመዕንን ሄዕናም። 7 መሰንትሰ ነኡ ሄዕናሚህ አመዕነት ቤሉ ለእንበእ። 8 ህትን ከን ማሊቶ አደ እንክ ቀርቾሃ ኢሲን ሚጠብ ሄዕናተ ሄዕላንታምቤቺሃ አመዕንሸን ሄዕናም። 9 ህከን እኮቤቺሃ ማሊንከኔ ሄዕናም ጎሪ ህከረንገ ማሊቶኔ አደ እንኮምጎሪ ሰውቱኔ መገን መንዲሲሱሃን። 10 መሰንትሰ መቱመቱሰ ማሊንከሰ አዕዮ ጡመ ጠዋሃ እኮ ሂለ ጠዋሃ ሆጎሰ ዋገ ሀሰሰናሰርቹ ቶንሃ ጉዕመንኩኔ መሲህ ፍርድ ቦርጭመ ብርተ ሆንጠህ ሀሰሰና። 11 ቀርቼ ዋጂ ዩ መ ዩሃ ጎሪ ደንጋምቤቺሃ መኑህ ደገናገ አዕናም፤ እኮጎሪ ነኡ ህትናማሃ መን ጎሪ መገን ደገና፤ ክዕኔ ቀልቡህ ህከን ደገናሃ አሁሰ ተብላሃ አዕናም። 12 ቀልብ ኣዜን ዮ ጠዋን አሁዕን ለላና ጠዋን ድከኣ መኒሃ ፈንቀሽቲንተ መሰሉ ሄኡሀዕኔተ ኒን ድከኤንተን ዋቃሃ ደኣቲንተን አዕናህዕኔታት ቤሉ ቴሱ ገዉኔ ክዕኔ ብሬን ገለትጭቶታበእ። 13 ነኡ በርገጋሽ እንኮምጎሪህ መገኒሃ ይኒት፤ ህትን ኤንኬዕናመተ እንኮምጎሪ ክዕኔኤሃ ይኒት። 14 መቱ ወክት መሲህ መኒሃ ጉዕሚንከ ሬሁሰለክ መቱ ጉዕመንኩ እሰ ሬሆተ ቤቃማኑተ አሁሰ ደንገምቤቺሃ መሲህ አተቲ ሆጎተ ግዳጅሳ። 15 ህትን ፎሊን ዮ መቱ ጉዕመንኩ ኣሳሃ ይ ሬዮለክ ሬሆቶ ኬዕዮ መሲህሃ ሄኣታት ቤሉ ከ ኤተሩ ገይሀሰ ይት ሄኣበእገ መሲህ

ጉዕሚንከ ሬዮ። 16 ቲሱ ከ ኤተሩ አዬህ መኑ ለእኛ ሃሊን ለዕናምበእ፤ ነኡ መሲህ ከኒች ብርተ ህት ለእናም ጎሬ ከኒች ኤተሮን አኮጎሬ ህት ለዕናምበእ። 17 ህካን አኮቤቺሃ እዬህ መሲሂን አኮጎሬ ሃዕሮሃ ክልቀት፤ ኮባቹ ክልቀቱ ህገኡ፤ እሲን ሃዕሮ ክልቀቱ እሚቾኡ። 18 ሁኩ ጉዕሚንኩ ጠዉ እኮህ ኔሳሃ ገይንከሰ መሲህ አዲን ሀራርሴኔለከ ሀራሮ ሆጉተ አሴኔ መገኝቶ። 19 መገንኩ መን ጨብ ዋለኡዕነ መሲህ አዲን ከን አዲንያ አል መነ ገይንከሰ ሀራርሴ ዩሃን፤ መነ ቀርቺን ሀራርሰ ላገተ ኔሳሃ አሴኔ። 20 መገኑ ኒ አዲን መነ ገእኖቤቺሃ ነኡ መሲህሃ ወክለሞምራን፤ ህካን አኮቤቺሃ ነኡ «መገኒን ሀራራራሚ» ይን መሲህ ሱዕሚን ኡጭናንክዕኔ። 21 ነኡ መሲህ አዲን መገኒሃ ፈዮ እንክ ዋለአሞተ ጨቡ ዮበእ መሲሂ መገኑ ኒተኔሃ ጨብኝገ አዕይ ዋለዕዮሰ።

6 ነኡ መገኒን ሜጡበ እዕናምረ እነኮምቤቺሃ መገኒች ቶጌተ አሰቱተ ተሰ አቴነተበእገ ኡጭናንክዕኔ። 2 መሰንትሰ መገኑ «እን ኢታም ወክቲን ሞጮጩንሰ! ጡሞ በርንከ ሀዕሊንኬ» ዮኖቤቺሃ «እሰ አተኖ ወክቲ ቲሶት፤ ጡሜኖ በሩ ቲሶት።» 3 ኒ ሆጉት ህንቀታንበእገ ይን መ ጠዋን እዬህ ጉፋቹ እንካምበእ። 4 እህን ቤሉ እዕናም ጠዋን ጉዕማንን ገውኔ መገን ካዲመገ ሆንጠህንሳም፤ ሁኩንን አበ ኦርቫን፤ ቫዘን፤ ጭንቃን፤ 5 ገረፈሚን፤ ኡሱረሚን፤ ረብሻን፤ ሆን በትጄን፤ ግሰኛተ ሆገንለከ ጎሪንቶ። 6 ህትን ነጠማን፤ ኤንኬዕነን፤ አደበን፤ ጎደበ ላፍማን፤ ጠሊሊ አዲን፤ ህንቅ ኢታን፤ 7 ህንቅ ጠወ ጠወኢንለከ መገን ዋልቃን ሄዕናም፤ ፈይመ በገዝ ኦዳተ ጉረለከ መኬ አጋንን አፈነት። 8 ኬዕምኚንለከ ሆፍኚን፤ ገለትጨሚንለከ ቦሮረሚን ሄዕናም፤ ህንቀኛት አንከን ክዘበኛኖገ ዋለአም፤ 9 ደገማምረ እንከን ደገማበረ እነኮም፤ ፊቶ ዩን፤ ፎሊን ዮምረ እንክ ደገማም፤ ኦሌመኔጎሬህ ሬኖምበእ፤ 10 ቫዘተ ኢልቶኔጎሬ ጉዕመ ወክትንከ መንደዕናም፤ ቡጥቻት አንኮምጎሬህ ልግብ መነ ቀባጣመተ እዕናም፤ መቱርቹህ ዮኔበእረ እነኮምጎሬህ ጉዕሙርቹንኩ ኒሃን። 11 ቆርንቶሰ ከተማን ዮጎተ መኑ! ነኡ መቱርቹሃ ፊንሱዕነ ኩልኖንክዕኔ፤ ቀልብኔ አልባሽን ፈኖንክዕኔ። 12 አዕኑ አተክዕኔ ኔሳሃ ከንቲንታኔ ቤሉ ነኡ አተኔ ክዕኔሃ ከሞምበእ። 13 ጠዉ አኮጎሬ አዕኑ አሊኤ እኬንተቤቺሃ ያንክዕኔ፤ ነኡ ቀልብኔ ጠወ ማንጡዕነ ኩልኖንክዕኔገን አዕኑህ ቀልብክዕኔ ጠወ ማንጡዕነ ኩሉኔ። 14 አመዕንበ መኒን ገበእበ ዋቄን ጠመደንቶቹ፤ መሰንትሰ ፈይመትለከ ጨቡ ህት እክ ደቀንቶተ አታልታኦ? ህትን ኑሩለከ ቱንሰቹ ህት እክ ሜጡበ ሄተ አታልታኦ? 15 ህትን መሰሃሃለከ አልብሲሃ ሞ ደቀንቶ ዮሰ? ህትን አመዕኔኢሁለከ አመዕንቡህ ሚን ደቀንታኦ? 16 መገን ምኑ ሸርኬን ሞ ደቀንቶ ዮኦ? መሰንትሰ መገኑ «እን ላሳን ሜጡበ ሄአም፤ በላንከሰ ፈንቀላማም፤ መገኑሰን እሃም፤ እሰን ኡመቲኤ እካኤ» ይ ጠወዕዮገን ነኡ ጉዕመንከ አታለኖ መገንያ ምኒ። 17 ህካን አኮቤቺሃ ቀርቹ «እሰ አዚቾ ፋልቲን አደ እኬ፤ ንጃሾሃ መርቹሃ ኡልቶኖቹ፤ እንን አረ አዕይ ቶጋንክዕኔ፤ 18 ህትን እን እንክዕኔ እሃም፤ አዕኑ ኤሳሃ ጎንለከ ሚኦ አለተ አኬንተ ዮኖ ጉዕመንከ አታለኖ ቀርቹ» ዬላ።

7 ቲሱ ኢ ጃላ! ኩ ጉዕሚንኩ ተብሱህ አሰሞሁ ኔሳሃ እኮቤቺሃ ማለለከ እያን ንጃሰሰኖ ህከን ጠዋቹ ገውኔ አገርሮ፤ መገኑ ዋጂን ዊመ ዊሚን ጠሊልማን ሄዕና። 2 ቀልብን ቶጌኔ፤ ነኡ ሜጡ መንቹሃ በደልኖምበእ፤ መቱ መንቹሃ ሞርኖምበእ፤ መቱ መንቹሃ ደግለሸቀማምሃ አዕናምበእ። 3 ካን ይናሚሁ ክዕኔ አሊን ፈረንዶታበእ። ከኒች ብርተ ኩሎንክዕኔገን አዕኑ ቀልብኔ አዚኒት፤ ህካን አኮቤቺሃ ሄኦን እኮ ሬሆን ጉዕመ ወክት ክዕኔቹ መለዕለማምበእ። 4 ክዕኔ አሊን ዮኤ አመዕነቱ አበሃን፤ ክዕኔን አበ ቦናም፤ ክዕኔን ጠረኝመተ ደአም፤ ኦርቫንቲኑ ጉዕማንን መንዲኤኔ ዳንጉ ዮሰበእ። 5 ነኡ መቅዶን ባዱ እሚንቶም ወክት ጉዕመ አዲን ኦርሸት አሊንከኔ አልቶኔ ቤሉ ጅሰሙኔ ፎሎጭዮበእ፤ አብሊን ብተተ ሄኦ እቅ፤ አዚን ዋጂ ሄዕዮኔ እቅ። 6 ጠው አኮጎሬ ቫዞ መነ ጠረኝሰኖ መገኑ ቲቶ እሚቲን ጠረኝመተ አሴኔ። 7 ጠረኝኖሚሁ ትቶ እሚቲን ጠለዕል አሁዕነ አዕኑ እሱ ጠረኝሰንተገ ሞጮጭነት፤ ህትን አዕኑ ኤሳሃ ለኦኖተ ሰንቲንተገ፤ ኤሳሃ ጨከቅንቲንተገለከ እኮ ጠዋን ሰጩሰ ሞጮጭኖም ወክት አበ ተሸ ዬኤ። 8 ከኒች ብርተ ከተቦንክዕኔ ደብዳቤት ቫዘላህዕኔጎሬ ሚሃ ከተቦም ይ ሰጫምበእ፤ ሰጩም ጎሬ ሰጩም ሶህናንከኤ ቀዋ ወክቲሃ ቫዘላህዕኔቤቺሃት። 9 ቲሱ አኮጎሬ ተሸ ይዮኤ፤ መሰንትሰ ኤሳሃ ተሸ ዬኤህ ክዕኔተ ቫዘሾንክዕኔቤቺሃ አሁዕነ ቫዘክዕኔ መሳን ቶበቲን ፈንቀልቲንተቤቺሃት፤ ቲህ ቫዘክዕኔ መገኑ ዩገ አኮቤቺሃ ነኡ መቱርቹሃ በደልኖንክዕኔበእ ዮሃን። 10 መገን አዲን እኮ ቫዘነት ጡሞ አደ አምንሰኖ ቶበቲን ደገመኖ ዶረንሸ ደግሲሰኖቤቺሃ ሰጫቲንት ዮሰበእ፤ አኮጎሬ አዲንያ አል ቫዘነት ሬሁተ ኤሳሃ። 11 ኩ መገን አዲን እኮ ቫዘነት ህትኔ ጠረኝመተ፤ ህትኔ መሰለ አሱ፤ ህትኔ ጡሙ ኡሙዕርተ፤ ህትኔ ከበጅ ዋጂ፤ ህትኔ ሱኑ፤ ህትኔ ጡሙ ሃሸኡ፤ ህትኔ ህንቅ ፍርዱ እህን ለኤኖ ሄዕላቸተ ደግሲሾህዕኔገ ጡመገ ቀልቢን ለዕዬ። አዕኑ ከን ጠዋን ነጣትተ አሁክዕኔ ጉዕመ አዲንን መሰከርሲሴንታኤ። 12 እን ከተቦንክዕኔህ ኔሳሃ ዮህዕኔህ ጡሙ ሰውቱ መገንህኔን ክዕኔሃ ጡመገ ለሊን ይዩት ቤሉ ቤሾ መንቶትሃ ህከረንገ ሞርተዕዮ መንቶትሃበእ። 13 ህካን አኮቤቺሃት ነኡ ጠረኝመተ ደአኖሚሁ ህከን መሳኒት፤ ኒ ጠረኝማቶ አበ አዕኑ ጉዕሙንኩክዕኔ ቲቶ ቀልብ ፎሎሰሴንኩ ቲቶ ሙንደዕዮቤቺሃ ነኡ አበ ሙንደዕናም። 14 እን ክዕኔን ድከአምገ ቲቶሃ ኩሎም እቅ፤ አዕኑህ ሙልሴንታኤበእ፤ ነኡ ጉዕመንከ ወክት ህንቅ ኩልኖንክዕኔ፤ ህከንገን ክዕኔን ድከዕናምገ ቲቶሃ ኩልኖም ህንቅ አሁሰ ተሬገጠሞኡ። 15 ህካን አኮቤቺሃ ቲቶ ዋጅቲንለከ ሁጤን ጉዕሙንኩክዕኔ አዘዘንቲን ቶጌነተሰገ ሰዉ ዮኖ ወክት ክዕኔሃ ዮሰ አተት አበሃን። 16 እን ክዕኔን አመዕነሙ አታሎምቤቺሃ አበ ተሸ ይዮኤ።

8 አመኤ ኦሶ! መገኑ መቄዶን ባዶን ዮ መገን መኒሃ አሴ አሰቶተኔሃ ደጎኖተ ሀንሳም። 2 እሰ አሊንን አቡ ኦርሸት አካን ፊተንንቶኤ፤ እህን ቤሉ ሙንዲኤሰ አበ አኮቤቺሃ እሰ መሃ ቡጥቻት አኮጎሬ ሙንዲኖን አበርቹ አቶኡ። 3 እሰን አታልቶ ጌሰ አሁዕነ አታልታህኒቶ አበ አትት አቶ አሰቶገ መሰከራም። 4 ቲህ አሰ «መገን መኒሃ ሀዕለኖ ብረ ነኡ ጭም

እዕናም» ይት ጠረኝስ እጭቶኔ። 5 ህትን እስ ነኡ አገርኖምህኒች አበሃት አቶአሁ፤ ወዕናሃ ገውስ ቀርቼሃ፤ መሲህ ኢሲሃ ሀግስ አቶኡ፤ ህከኒች ኤተርን መገን ሰውት ገውስ ነሳሃ ሀግስ አቶኡ። 6 ከ ሆጉተ ወዕናንከ ጀመርሁ ቲቶ እኮቤቼሃ ቲሁ እስ ገውንኩስን ህከ ጡመ ሆጉተ ሹል እኦተ እጭኖንሰ። 7 እዕኑ ጉዕመርቸንን እስን አመዕነቲ፤ ጠወኤነንተ ጠዊ፤ ኤንኬዕነን፤ ጡመ ሆንን ጠረኝን፤ ኒን ዮህኔ ኢታን በተኡን ደገነቲንተን ከን መኒሃ እኤኖ ጡመ ሆንን በተዕደ። 8 እን ህት ያንክዕኔህ ክዕኔተ አዘዘታበእ፤ ጠወ እኮጎሬ ዋሉስ ሀዕልቶተ አበ እጸንታቤቼሃ ክዕኔ እተተ ሀንቅ አሁስ አጥራመቶተ ይደ። 9 እዕኑ ቀርቼሃ፤ መሲህ ኢስ አስቱተ ደገነንተ፤ እስ መሃ ቀባጣመ፡ እኮጎሬ እስ ቡጥማን እዕኑ ቀባጣመተ እኮኖተ ክዕኔተኔሃ ቡጥቹ እኮኡ። 10 ከን ጠዊተኔሃ ደግለለኖህዕኔ ጠወ ሸዛንክዕኔ፤ ኑሬ ዘማንች ጀመርቲን ጠለዕል አሲሃ አሁዕናን ከ ጠወ አቶኖተ ሰዉ ይኒነንተ፡ ብራፋ እዕኖተ እቅ። 11 ህከን እኮች ዮህዕኔ ጌሲች አቶኖተ ሰው ይኒንተ ሰዊቱክዕኔ ዊሞተ ቲሁ ህከ ሆጉተ ሹልቲን እዕደ። 12 መቱ መንቹ ዮስበእ ጌስን አሁዕኑ ዮስ ጌስን ኢት አሰናሃ እኮች ህከን አሴርቸን መገኑ መንደእኖ። 13 እን ካን ያሚሁ ጉዕመንኩክዕኔ ቅጡ እኮኖታት ቤሉ እዕኑ ኣቲን ኦርጨቀንቲን ዋሉስን ራሴጭቱን ይዮምበእ። 14 እዕኑ አርጨቀንቲንተ ወክት እስ ዱንያት ክዕኔ ኦርሸተ ሀዕልቶተ ቲሱ ክዕኔሃ ዮህዕኔርቹ እስ ኦርሻተ ሀዕሉን፤ ከን ሃሊን በላንከክዕኔ ሜጦመት ሄኣኣ። 15 ሁኩንን፡ «ልግብ ጭምእዕዮህኒህ ተረፎስበእ፤ ቀዉ ጭም እዕዮህኒሃ ሆፈዕዮስበእ» የመም ከተበሞጋት። 16 እን ክዕኔሃ ሰውም ጌስ ቲቱ ክዕኔኤሃ ቀልቢንከስ ሰውዮተ እዕዮ መገኑ ገለትጨመን። 17 ቲቱ ክዕኔቤቹ አሜተኖህ ገውስ ሃሸዕይ መንደኖን ኬዕይት ቤሉ ነኡ ጠለዕል እጭኖስበቼሃበእ። 18 ህትን እንጂሉ ተማርሰን አመዕናቤቸን ገለትጨም አመዕናንቹ እስን ሜጡበ ሶንካም። 19 ህከኒች አበ ሀዕላቀንሸስ ቶንጋም ወክት ሜጡበ መርተ አመዕናን መጠረሞኡ፤ ሀዕላቀንሸስ ቶንጋሚሁ ቀርቼ ገውስ ኬዕመሰናሃለከ ዋሉስ ሀዕሊሃ ዮኔ ጡመ ሃሸኢች ኬዕዮህኒንት። 20 ከን መኒሃ ኢልንሶተ አስሞኔ ብርተኔሃ አዪሁ ዋቀሰኖኔበእን አገዕርናም። 21 አላመኔ ቀርቼ ብራን ጠለዕል አሁዕኑ መን ብራንን ጡመ እኮ ጠወ እኡሃን። 22 ልግብ ወክት ነኡ አበ ወቄን ፊተንም ጠረኝ እክ ደገሞ አመኔቤቱ ቲቶንን ሜጡበ ሶንኮሚሁ ህከን መሳሳት፤ እስ ክዕኔ አሊን ዮስ አመዕነቱ አበ እኮቤቼሃ ከን ሆንን ሀዕሎተ ዮስ ጠረኝመት መ ወክቲች አበሃን። 23 ቲቶተኔሃ ደገሃ ሀሴንተ ጎሬ ክዕኔተ ሀዕሎተ ኢን ሜጡበ እኡሃን ጃላኤ፤ እስን ሜጡበ አሜታሁኡተ ዋሎ አመኔ ኦሶተ እኮጎሬ እስ አመዕናኖ ጭምት ወክለንቶረለከ መሲህ ኬዕምኚሃ ኡርቶአረ። 24 ህከን እኮቤቼሃ ኢተክዕኔ ለሊሹስ፤ ከን ሃሊን ኢተኤለክ ክዕኔ አሊን ህትን ድከኡ ተስ አሁ ሆጉስ አመዕናኖተ ጉዕሚንከ ለሊሴነንተ።

9 ይሁዳን ዮ አመዕናኑተ ደግለሊሃ ጭም እኤመ ብርተኔሃ ክዕኔሃ ከተቡ ሀሰስናበእ። 2 መስንትስ እዕኑ ደግለልቶኖተ ቅጥ ይኒንታእረ እኬንተገ ደንጎምቤቼሃ «አካይ ባድ መኑ ህጎ ዘማኒች ኬስ ደግለልቶተ

ቅጥ ይቶአራን» ይ መቅደን ባድ መኒሃ ክዕኔተኔሃ አመዕን ጠወዕዮሚሁ ጠረኝመክዕኔ ደጋምቤቼሃት፤ መን ደግለልቶኖተ ዮህዕኔ ጡመ ሰውቱ እሳቹ ልግብስ ኬስንሰዮኡ። 3 ጠው እኮጎሬ ከን ጠዊን ክዕኔተኔሃ ቦናም ቦኑኔ ህትን ተስ አህበገ ከ እመኡሱተ ሶሃም፤ እዕኑ ኢን ከኒች ብርተ ጭምገን ተቃጠቤን አገሬ። 4 መቅደን ባድ መኑ ኢን ሜጡበ ክዕኔቤቹ አሜት ቅጥ ይቶኑስ ደንህዕኔ ጎሬ ክዕኔን ድከኤኔ መልሰኔ፤ እዕኑሁ ሂለ ብከ መልቲነንተ። 5 ህከን እኮቤቼሃ አቶኖተ ላገተ ኣኒንተርቹ ሄጭቲን ቅጥ ኣቲነንተገ ቃግሶህዕኔተ ይ ከ እመኡሱት ሄጭት ክዕኔቤቹ መርታገ እኡ ሰውጭም፤ ህትን ግዳጂን አሁዕኑ ኢታን ኣቲነንታሁ ቅጥ ይኤሃ አህኖ። 6 «ቀው ውጭ መንቹ ቀውንከ ምደኖ፤ ህትን ልግብ ውጭ መንቹ ልግብንከ ምደኖ» ህከን ሰውደዬ። 7 መንደእን ኣሰናሃ ጉዕመንከ መገኑ ኢተኖሃ እኮቤቼሃ ጉዕመንኩ ቀልቤንከስ ሰውዬን ኣሉን ቤሉ ሻዘን ህከረንገ ግዲን ኣሱንከ። 8 ጉዕመ ወክት ጉዕመ ጠዊን ገውክዕኔ አታልቲን ጡመ ሆጉተ ጉዕመንከ እኤሃ መገኑ አበ በረከስ ኣሶህዕኔተ አታለኖ። 9 ሁኩንን፡ «ቡጥቻኖተ ህትን በትሽ ኣሴእ፤ ፈይመስ ዘላላሚሃ ሄኣኣ» የመም ከተበሞጋት። (aiōn g165) 10 ዙሪተ ዉጠኖህኒሃ ዙሪተ ህትን አተኖህኒሃ እቸተ ኣሰና መገኑ ዉጤነንተ ዙሪተ በረከስ ኣሰናህዕኔ፤ ህትን ፈይመክዕኔ ላልቹ በትሰናህዕኔ። 11 እዕኑ ኣቲነንተርቹ ሂ ኣዲን ቶገኖ መኑ ጉዕመንኩ መገኑ ገለትጮተ ጉዕመ ወክት አቶኖተ ጉዕማንከ ኣዲን ቀባጣመተ እኬነንተ። 12 ኩ እዕኑ ኣቲነንታሁ አመዕናኖ ኦርሸተ ፋሹ ጠለዕል አሁዕኑ መኑ መገኑ አበ ገለትጨኖገ አኣኖ። 13 ኩ እዕኑ ኣቲነንታሁ መሲህ ተሸት ላገተ አመዕንኖም ይቲን አዘዘመክዕኔ እሳሃለከ ዋሎ መኒሃ ኣቲነንተረ አሁክዕኔ ለሊሰናሃ እኮቤቼሃ መኑ መገኑ ገለትጭታኡ። 14 እስን መገኑ ክዕኔሃ ኣሴህዕኔ አበ ኣስቶተኔሃ መገኑ ኡጭታህዕኔ ወክት አልክዕኔ ለኦተ ሱንታህዕኔ። 15 መን ላጋን ጠወኡኖተ አታሌንበ ሸልማትስተኔሃ መገኒሃ ገለቱ ኢሉስ።

10 እን ጳውሎስ ክዕኔ ብራን ዮም ወክት መላሚሃ የመም፤ ጠወ እኮጎሬ ክዕኔች ቄዕሬም ወክት መለላንቹ የመም፤ መሲህ ጎደበ ላፍማንላከ ጡምማን ኡጫንክዕኔ። 2 ኡጫንክዕኔንኩ እን ክዕኔቤቹ አሜቸም ወክት መለል ጠወኣምገ አቶኖኤበእታት፤ ማል ሰውት ጎንክ ሄዕናምገ አቶአረ መት መቶ መን ብራን እኮጎሬ መለል ጠወኦተ ሀሳም። 3 መስንትስ ነኡ መሃ እኮጎሬ ከን ኣዲንያ አሊን ሄዕናም ጎሬ ከን ኣዲንያ አል መንገ ኦለማምበእ። 4 ኦለንሸኔ ኦዲት ሻንቀ ድጂሃ አታልሲሰኖ መገን ወልቀት ዮስ ቤሉ ከን ኣዲንያ አል መሳርገ ዮኣሃበእ። ክዘብ ኦደተ ድጅናም። 5 ህከን እኮቤቼሃ መን ሰውት መገን ኣንኬዕን አሊን ኬኣኖ ቦን ኦደተ ጉዕመንከ ድጅናም፤ ህትን መን ሰውት ጉዕመንከ ኣንግ መሲህሃ አዘዘመኖገ ኣሰናም። 6 አዘዘመክዕኔ ሹልቲንተ ወክት አዘዘንታበእ መን ገዲተ ፋልናተ ተቃጠንጦም። 7 እዕኑ ለኤነንታሁ ኣብልን ለላኖ ጠወደቶ፤ ህኩ መንቹሁ «ኣን መሲህሃን» ይ አመዕኔኢች ለንኪሃ ሰዉ ዩን፤ ነኡ እስገን መሲህረ አሁኔ ደጉን። 8 ቀርቼ ኣሴኔ ሹምነቲን አበ ድከዕዮም ጎሬ መላምበእ፤ ከ ሹምነቱ ቶንጎሚሁ ክዕኔተ ጠረኝንሶህዕኔተቤሉ

ድጅኖህዕኔታበለ። 9 እን ክዕኔሃ ከተባንክዕኔ ደብዳቤን ዋጅሲሳሚሃ አጉዲንከህዕኔ። 10 መሰንትሰ መት-መቱ መኑ «ጳውሎስ ከተቦ ሶህነት አበ ኬዕምታእረ፤ እኮጎሬ እሰ ገውሰ ለእኖረ አበ ላፈሃን፤ ጠወአኖ ጠውንኩ ህንቀመአሃን» ይታሉት እቅ። 11 ሁኩ መንገኩ ነኡ ቄዕራሻን የም ወክት ደብዳቤተ ከተቦሚሁለክ ግደኖን ክዕኔን ሜጡብ ሄዕዮም ወክት አዕናሚሁ ሜጡ አሁሰ ደጉን። 12 ነኡ እኮጎሬ መት መቶ ገውሰ ገለትጭታ መኒን ሜጡብ ገውኔ አመሰልኖተ ህከረንገ ገውኔ ለልንሶተ መለልናምበእ፤ እሰ እኮጎሬሁ ገውሰ መት-መትንከሰ ለኣ ወክት ገውሰ ገገይንከሰ አመሰለንሰት ለኣ ወክት ኤንኬዕኑ ዮሰበአረን። 13 ጠወ እኮጎሬ ነኡ ክዕኔተ ኢሎተ ኢላ መገኑ እሴኔ ሆኅኔ ወጠን ድከዕናም ቤሉ ድከኤ ሀሰሰኖኔሀሊች አበ ድከዕናምበእ። 14 አዕኑ ዮንታሁ ክድመኔ ሆኅ ኣዜን እኮቤቺሃ መሲህ እንጂላ ተማርሰኖተ አሜንቶም ወክት ኣሰዋኔ ሆኅኔ ወጠች ህንጎምበእ። 15 ዋሉ መኑ ቆንዶጃ ሆኅን ጌሲች አበ ድከኤን የመዋኔ ሆኅኔ ወጠች ህንጎምበእ፤ አመሰነቱክዕኔ ነጻን መርጌሳን ክዕኔቤችን መደበንቶኔ ሆኑኔ አልባዕልተን መርታገ ተብሳሃ አዕናም። 16 ቲሁ ከኒች ብርተ ዋሉ መኑ ኣታ ሆኅቤችን ኣንግ ቦኑዕነ ክዕኔች ካጵ አዲን ዮ ባድኒሁ ተሸት ላገተ ተማርሰኖተ ተብሳሃ አዕናም። 17 ጠወ እኮጎሬ «ድከአኖሁ ቀርቼን ድከኤን።» 18 መንቹ ገውንኩሰ ገለትጨዋተ በቀአናሲሁ ቀርቼ ገለትጨናሰራት ቤሉ ገውሰ ገይንከሰ ገለትጨንበእ።

11 አዕኑ ኢ ገውመኤ ቀውንከ ኣታልቴንታኤ እቃን ጡመሃን እቅ፤ አዕኑ ሀንቅንከ እጅቅቴንታኤ። 2 እንን መገኑ ጡመርቹ ሰውየናገ ጡመርቹ ሃሸዕዮንኬ፤ መሰንትሰ ክዕኔት ጡመ ሀፍቶገ መቶ ጎኒሃ ሁኩንን መሲህ ሆንጠህሶህዕኔተ ጠዕምዮንክዕኔ። 3 ጠው እኮጎሬ ዋሪቹ ሀዋ ሾክማንተሰ ሉሲሾሴንገ ህትን ክዕኔ ሰውቱ በዕያን መሲህ ዮህዕኔ ጡመ ሰውቲቶለክ ነጠማች 4ልቴን መርቶናታትንዶ ይ ዋጅዮም። 4 መሰንትሰ መቱ መንቹ ክዕኔቤቹ አሜች ነኡ ተማርሰኖንክዕኔ ኢሲች ዋሉ ኢሰ ተማርሲጎሬ ህከረንገ ቶጌንተ ኣያኒች አደ እኮ ኣያን ቶጌንተጎሬ ህከረንገ ቶጌንተ እንጂሊች አደ እኮ እንጂሊ ቶጌንተጎሬ ጠወሰ ጨለ ይቴን ኣአቴነት ዩሃን። 5 ጠው እኮጎሬ እን ከን ሎርሎራኖ ኣሳባች መ ጠዋን ሆፈኣሚሃ አጉጆኤበእ። 6 እኮጎሬ እን ጡመገ ጠወአም መንቹ አህበጎሬ ኤንኬዕኑ ሆፈኣኖኤበእ፤ ህከኒሃ ልግብ ወክት ልግቤ ዋቄን ለሊንሰ ኩልኖንክዕኔ። 7 እን መገን ተሸት ላገተ ደዋዙ ዮበኢሃ ክዕኔሃ ተማርሲሃለክ ህትን ክዕኔንተ ጎት ኣኢሃ ገውኤ መግ አዕዮሚሁ ጨብሃንዶ? 8 ክዕኔተ ካደዋተ ዋሉ አመሰናኖች ሀዕለንሸ ቶንንከኤ አሰተ ዘረሮም። 9 ክዕኔን ሜጡብ ሄዕዮም ወክት ኦርሸት ኢሊቶኤ ወክት መቄዶኒች አሜቶ አመሰናኖት ሀሰሰኖኤርቹ ጉዕመ ጠዋን ሀዕልተን ሄኤቤቺሃ እዬ አሊን እጅንተ እኩምበእ፤ ቴሱ ኢላ ክዕኔ አሊን መ ጠዋን እጅንተ እኩምበእ፤ ከኒች ኤተርጌ እጅንተ እሃምበእ። 10 መሲህ ሀንቁ ኣዜንከኤ ዮቤቺሃ ከን ጠዋን ቦኑ ከመናኤሁ ኣካይ ባዶን እዪሁ ዮበእ። 11 ህከን መሰት መርቹሃን? ኢታንክዕኔበእቤቺሃትንዶ? ኢታንክዕኔገ መገኑ ደገኖ። 12 ሁኩ ዋልት ኣሳበት «ነኡን አሰገ አዕናም» ይተን ቦንታ

መሰተ ከሞተ ቴሱ እኣሚሃ ከ ኤተሩሃ እኣም። 13 መሰንትሰ ህትኔ መኑ መሲህ ኣሳበተ አጉዶተ ገውሰ ዶርታ ክዘበኛኑት ሶቀማንተለክ ሉሲሰ ሆንተ ኣታአራን። 14 ሁኩን እጅብሲሰኖሃ ጠወበእ፤ መሰንትሰ ሸይጣኑ ገውሰ ኑር መላይኬቹ አጉዶተ ገውሰ ዶረኖ። 15 ህካን እኮቤቺሃ ሸይጣን ካዲመት ፍይማ ካዲመተ አጉዶተ ገውሰ ዶርቶጎሬ እጅብሲሰኖበእ፤ ኤተርን ሆሰሰ ዋገ ደለታኦ። 16 «እዪሁ እን ገወ እኮሚሃ አጉዲንከሰ» ይ ቴወ ጠወአም። ገወ እኮጆንክዕኔጎሬሁ ቀቅቹ ቦናተ ገወ መንቹን ኣቴን ዋለዕዬኤ። 17 ህትን አመሰን ቦኒን ጠወአሚሁ ቀርቼ ሰውትገ አሁዕነ ገወ መንቹ እክት። 18 ልግቡ መኑ ከን ኣዲንዶ አል ጠዋን ቦንታቤቺሃ አኒሁ ቦናም። 19 መሰንትሰ አዕኑ ኤንኬዕናመተ እኬንተቤቺሃ ገዋኑተ መንዲኖን ኣታዕልቴንተጎት። 20 ህትን እዪሁ ርሰገ ጠቄህዕኔጎሬ ህከረንገ ዘረሮህዕኔጎሬ ህከረንገ ደግለሸቀሞህዕኔጎሬ ህከረንገ ህንቆህዕጎሬ ህከረንገ መጫለክዕኔ ዋቀሮጎሬ ኣታዕልቴንተ። 21 እኮጎሬ ነኡ ህከኒሃ አበ ላፋኑተ አሁኔ ሙለን ጠወአም፤ ጠወ እኮጎሬ እዪሁ ቦናተ መለሎጎሬ አኒሁ አሰገን መለል ቦናም፤ ካን ያሚሁ ገወ መንቹን እክት። 22 እሰ አብራዊየ መንንዶ? እንን አብራውቹሃን? ህትን እሰ አሰራኤልየ መንንዶ? እን አሰራኤላውቹሃን? እሰ አብራሂምተ ዘርንዶ? እን አብራሂምተ ዘር። 23 እሰ መሲህተ ካዲመንዶ? እን ኣሳች ባሽ መሲህየ ካዲንቹ፤ ካን ዮን በርገጋሽጋት ጠወአሚሁ፤ ኣሳች በትሽ ልግብ ወክት ሆኅን ቆንዶዶዮም፤ ኣሳች በትሽ ልግብ ወክት ኤሱራምም፤ በትሽ ልግብ ወክት ገረፈምም፤ ልግብ ወክት ሬሆተ ኢልዮም፤ 24 እይሁዱ ኦንቱ ወክት ሰጅኔ ሆንሶረ ጅራፊን ገረፎኤ። 25 ህትን ሰሱ ወክት በርቲን ዋቀራምም፤ መቱ ወክት ክኒን ቀሰምም፤ ሰሱ ወክት መርከቡኤ ባር አሊን ቢጠዋኤ፤ ህትን መት ህንከዕርተለክ በራሃ በሃር አሊን ዲንክዮም፤ 26 እኑ ልግብ ወክት ዋቄ አሊን ሄኡን ድርሲን፤ ሸፍጤን፤ እይሁዲን፤ እይሁድ፤ አህበ መኒን፤ ከተማንለክ ኡሉ ድድማን፤ በሃር አሊን ምዕረት አልቶኤ፤ ህትን ክዘብ አመሰናኖን ምዕርተዕዮም። 27 ህትን ልግቤ ሆኅን ሆኅም እቅ፤ ልግብ ወክት ግሰኛተ ሆንጊለክ ጎሪን፤ ሰገቤንለክ እቸተ ሆግ ኦርጨቀምም፤ ህትን ቄዘንለክ ኦድተተ ሆንጊ ኦርጨቀምም። 28 ህካን ጉዕመንከ ጠወ ዋለኡዕነ በሬን በሬን ጨነቀማሚሁ አመሰናኖ ጭሚቲሃት እቅ። 29 መቱ መንቹ ሆገኖ ወክት እን እሲን ሜጡብ ሆንምሃበእንዶ? መቱ መንቹ ጨብ አዕዮ ጎሬ እን ኡመሰራምሃበእንዶ? 30 ድከኤ ሀሰሸኤጎሬ እን ድከኣሚሁ ላፈ አሁኤ ለሊሰኖ ጠውኒት። 31 ዘለለሚሃ ማሰአም ቀርቼሃ ኢሰ ኣኑ መገኑ ክዘባምበእገ ደገኖ። (aiōn ም165) 32 እን ደማሰቆ ከተማን ሄዕዮም ወክት ዋመ አርሰጦሴች ዋርን ሄዕዮ ገሻንቹ እፎኤተ ሀሽ ደማሰቆ ከተም ኡራከተ አገርሲሾ እቅ። 33 ጠወ እኮጎሬ ኤሳሃ ቀርጫታን ዋሬን ከተምሰ ኣታን ሄዕዮ መሰኮቲን ድራሴንገ ህከን መንቹ ኣንጋች ፋሽኤም።

12 ቦኑ ደግለለኖሃ አህበጎሬ ቦኑ ሀሰሾ ጎሬ ቀርቼሃ ኢሲች ኣሰሞኤ መናማንለክ መገኑ ለልሾኤ ጠዋን ቦናም። 2 መሲህሃ እኮ መቱ መንቹ ደጋም፤ ኩ መንቹ ቶን ሾሎ ዘመኒቱ ብርተ ሰቅ ሰማሃ ኢላ መሰም፤ መሰሞንኩ ማልንከሰ አሁን አሁ ሆንን ደጋንበእ፤ መገኑ ደገኖ። 3 ጠው

እኮሳፊ መንቹ መገን ጃነት መሩስ ደጋም፤ ጠው እኮሳፊ ማልነከስ እሁን እሁ ሆጉን ደጋምበእ፤ መገኑ ደገኖ፤ **4** እሰን ህክኔ ኩሎኖተ አታሌንበለከ መኑ ጠውአተ አታልቡርቼ ሞጭጨኦ፤ **5** እኒሁ ህትኔ መነን ድክአም፤ ገዴኤቱሃ እኮሳፊ ሆንገሌ ቤሉ ድክአም ጠው ዮኤበእ፤ **6** ህከኒሃ እን ሀንቅ ጠውአምቤቼሃ ድከዕዮሚቶ ገወ እሃምበእ፤ ጠው እኮሳፊ አዱሁ ኢ አሌን ለእናርቼሃ እቶ ሞጭጨኖህኒቶ ኤሰሃ ሎረ አተ ለአበእ ሀ ድክአቶ አገራርም፤ **7** ከ ኑር እክ ለሌኤ አበ ጠዊቶ ኬዕዮህንን ቦናምበእን ማለኤ ኡትገ ቀሳኤ ኦርሸት አሰንቶኤ፤ ህት ኦርሸት ሰቀማንቶ ሸይጣንገ እሁን ኦርጨመን ቦናምበእን አእኖ፤ **8** ሁኩ ኦርሰኖኤርቼ ኢ አሊቶ ሸቆተ ቀርቼኤ ሰሱ ወክት ኡጨኖም፤ **9** ጠው እኮሳፊ አሰ «ኢ ወልቀት ሎረ እክ ለልታኢሁ ኪ ሆንገን እኮቤቼሃ አሰቱኤ አካሄ» ዬኤ፤ ህካን እኮቤቼሃ መሲህ ወልቀት ኢ አሌን እኮተ መ ወክቲቺ በትሽ ሆንገንተኤ ተሽ የዕኔ ድክአሰተ ኢታም፤ **10** ወልቀተ ደአሚሁ ሆኅም ወክት እኮቤቼሃ መሲህተኔሃ ቦረርመኤ፤ ኦርጨቀመኤለከ ሆቸመኤ ተሽ የኖኤ፤ **11** እን ገወ መንቹገ ጠወዕዮም፤ እኮሳፊ ገወ እሃምገ አቲንተኤሁ አዕናን፤ አዕኑ አተኔሃ ጡመ ጠወ ጠውኤ ገበአኖህዕኔሁ አዕናት እቅ፤ መሰንትስ እን መ ቀወ መንቹሃ እኮም አቃ ህከን ሎርሎራኖ አሳሳቶ መቶርቹን ሆረአምበእ፤ **12** እን ሀንቅ አሳቤቼ እሁኤ ለሊሰኖ ጠወ እን በላንከክዕኔ ሄኤን አደቢን አዕዮምተ ሆገ፤ ህት መላንት እጅብተለክ ገርምሲሳኦታን፤ **13** እን ክዕኔተ ብረ ጠዕመ ሆግንከኤ አሌንከክዕኔ እጅነተ እሁዕን ፈቆም ቤሉ ዋሎ አመዕናኖ ዱእ ምኒቶ ሆፍሽንክዕኔሁ ማነቲ? ሁኩን ቤሱ እኮኅር ማሬእ፤ **14** እን ክዕኔበ አሜቲሁእ ሰቃያ ወክት፤ እን ክዕኔተ ገወክዕኔት ቤሉ ክዕኔርቼ ሀሳምበእቤቼሃ ክዕኔ አሌን እጅነተ እሆተ ሀሳምበእ፤ ቲሁ አናኑት ኦሶተሰ ብረ ጭምእት አፋቲ ሀሰሰሰሰ ቤሉ ኦሶተ አናናተ ብረ ጭም አታበእ፤ **15** እን ክዕኔተኔሃ ብሩኤ ፈቅያን ፎልኤ ህግሽ አሰዮም አቃ አበ መንደአም፤ ህከረ እን ከንከ በትሽ ኢታንክዕኔሃ እኮቶ አዕኑ ኤሳሃ ኢቶ ሀሰሰኖህዕኔሁ ቀወሃትንዶ? **16** እሁን ቤሉ እን ክዕኔ አሌን እጅነተ እኮምበእ፤ ጠው እኮሳፊ አዕኑ ይቲንተገን ጣንስ ተንኮን አፎንክዕኔሃ አጉደኖ፤ **17** ክዕኔቤቼ ሶኮም መኒቶ መትሰ አዲኒ እኮዕቃ ክዕኔቶ ጣንስ ኣእዮክዕኔዶ? **18** ቲቱ ክዕኔ አደ መሮተ ኡጭዮንስ፤ ኒ አመ ቤቱንከ እሲን ሜጡበ ሶኮም፤ ቲቱ ጣንስ ኣእዮህእኔዶ? አንለከ እስ አዕናሚሁ መቶ ቀልብንበእንዶ? ህትን ለምኔ ቀልበንኩ መቶሃበእንዶ? **19** አዕኑ ቲሱ ኢሉ ነኡ ክዕኔ መዴን ገወኔ ከዕመቀማሚሃ አቲን ሰውይቲንታት? ነኡ መሲህን እንክ ጠወዕናሚሁ መገን ብረኒት፤ ኒ ጃላ! ጠወዕናሚሃ ጉዕመንከ ጠወዕናሚሁ ክዕኔተ ጠረኝንሳም ይኒት፤ **20** እን ክዕኔቤቼ አሜታም ወክት አይደኅ እኮናተ ሀሳምገ እኮኑዕናን እኒሁ አዕኑ እሆተ ሀሌንተገ እሁዕናን ደቀሞምኅር ይ ዋጃም፤ ህትን ክዕኔ በላን ብተት፤ አቁሸት፤ አመዕርት፤ ገጉ ኢቱ፤ መን ሱዕመ ቤሱ፤ ሄምት፤ ቦኑ፤ ጨነጨነት ሄኤ ይ ዋጃም፤ **21** ህትን እን ለንኪሃ ክዕኔበ አሜቶም ወክት ኢ መገኑ ክዕኔ መዴን ሙልሰኖኤ ጎሬ ይ ዋጃም፤ ህትን ከኒቶ ብርተ ጨብ አት ህከን አቶ ሂሉ ንጃሲን፤ ዝነተ አአተኔሃ፤ ህትን አላ ቅልበን ቶበቱ ሆኅ መን ሻዞ አሌን ኡባም ይ አበ ዋጃም፡፡

13 እን ክዕኔበ አሜቶተ ኩን ሰቃያ ወክት፤ ጠወ ጉዕመንኩ ኡረኖሁ ለሞ ህከረንገ ሰሶ ምስክር ላጋኒት፡፡ **2** ለንክ ወክት ክዕኔቤቼ ለእህዕኔተ መሮም ወክት ጠረኝሽ ጠወዕዮም እቅ፤ ቲሁ ህትን ቁዕራሻን እክ ከኒቶ ብርተ ጨብ አቶህኡተለክ ወሊሃስ ጠረኝሽ ጠወአም፤ ቲሱ ክዕኔቤቼ ፈንቀል አሜታም ወክት ሜጢሃ አሙዛምበእ፤ **3** አዕኑ እን ሄዕይ ጠወአኖሁ መሲህ እሁስ አጥራመቶናተ ሀሌንታት፤ ክዕኔቤቹን ለለኖንኩ አሰተ ወልቀ ቤሉ ሆንገንተበእ፤ **4** መሰንትስ እስ ሰቀለም ሬዮሁ ሆንገን እኮሳፊሁ ቲሱ መገን ወልቃን ፎሊን ሄኤ፤ ህትን ነኡ እሲን ሜጡበ ላፋኑተ እንኮም፤ እኮሳፊ ነኡ ክዕኔሃ ዮኔ ደቀሺን እኮሳፊ እሲን መገን ወልቃን ሜጡበ ሄዕናም፡፡ **5** አመዕነትንከክዕኔ ሄኡክዕኔ ደጊሃ ገወክዕኔ አጥራመቲን ለዕዬ፤ ህትን ገወክዕኔ ፊተኝ፤ መሲህ ኢስ ኣዜንከክዕኔ ሄኡስ አጥራመቲንታበእንዶ? ህካን እህባቶ ሀንቅንከ ፊተናን ኡቤንታ ዩሃን፡፡ **6** ነኡ ፊተናን ኡቤ ሆጉኔ ደገኒንተገ ተብሳሃ አዕናም፡፡ **7** አዕኑ ሂረርቼ አቲንተበእገ መገን ቤቼ ዱኣ አዕናም፤ እሰን ነኡ መቲርቼሃ ፊተናተ በቀንዕበረ እንኮም ጎሬ አዕኑ ጉዕመንከ ወክት ጡመ ጠወ አቶናታት ቤሉ ነኡ ፊተናንተስ ህንጋም ጠረኝኑተ እህኤ ለሊንሶታበእ፡፡ **8** መሰንትስ ነኡ ሀንቅ ቤሉ ሀንቅ አሌን መቲርቼሃ አዕናተ አታልናምበእ፡፡ **9** ነኡ ላፋኑተ እንካን አዕኑ ጠረኝኑተ እከንተ ወክት አበ መንደዕናም፤ ኒ ዱኡ አዕኑ አመዕነትንከክዕኔ ጠረኝኑተ እኮናታት፡፡ **10** እን ከ ሶህኑተ ክዕኔቶ ቁዕር ዮም ወክት ከተቦንክዕኔሁ ክዕኔቤቼ አሜቶም ወክት ቀርቼንኩ ኣሰኤ ሹሚነቲን ጨነቃንክዕኔበእጋት፤ መሰንትስ ቀርቼ ኣሰኤ ሹምነት ወልቀት ክዕኔተ ጠረኝሲሃት ቤሉ ሆግሲሃበእ፡፡ **11** በትሽን አመኤ ኦሶ! ወገሬቲን ሄዕዬ፤ አመዕነቲንከክዕኔ ሆረአኖህዕኔርቼ ዮህዕኔበእረ እከ፤ ሸዘነኣ አጥራመቼ፤ ገገፍንከክዕኔ አተቀሜ፤ ወገሬቲን ሄዕዬ፤ አተለከ ወገሬቲ መገኑ ክዕኔን ሜጡበ እህኖ፡፡ **12** አመዕናተ ሀሰሰኖ ሰንቃቀንሺን ሰንቃቀሜ፡፡ **13** አመዕናት ጉዕመንኩ «ወገሬት ዮንተንዶ?» ይቶህዕኔ፡፡ **14** ቀርቾ መሲህ ኢስ ኣሰቲቲ፤ መገን አተቲ፤ ጠሊላ አያን ሜጡ እሁ ጉዕሚንከክዕኔ እህን፡፡

ገላትያ

1 እን አሳቤቼ ጸዉሎስለከ ኢን ሜጡብ ዮ አመዕናኑት ጉዕመንከ አመሉት ገላትያ ባዶን ዮ አመዕናኑት ሶካምሃን፤ እን አሳቤቼ እኮም መኒች ህከረንገ መን አዲን አሁዕን መሲህ ኢሲንለከ ኢሲ ሬሆች ኬሾ እነ መገንገት። **3** እናኔ መገን አዲችለከ ቀርቾ መሲህ ኢሲች አስቱትለከ ወገሬቱህ ክዕነሃ አሁን። **4** ኢሲን ከን ሂለ ዘማኒች ፌሶኔት እናኔ መገን ሰውቲን ጨብህኔ ገዉሰ ህግሽ አሴኤ። (aion g165) **5** ዘላለሚሃ መገንሂ ኬዕምቻ አሁንሰ! አሚዕን። (aion g165) **6** መሲህ አስቶን ገሌሀዕኔ መገን አዲች ደዕልቲን አደ እኩን ሞሎ ተሸት ላገቤቹ ፈንቀሉክዕኔ አጀብሲሰኛኤ። **7** ህካን ያሚሁ ጉረተ አግሶተለከ መሲህ እንጂል ላገተ ሾክሶተ ሀሳ መት-መቱ መቱ ዮቤቼሃት ቤሉ ሞሉ እንጂል ላገተ ዮቤቼሃበኤ። **8** ጠዉ እኩጎሬ ዋዕነ ዱዱብሰኖንክዕኔ እንጂል ላገን ቶቀምባሃ ሞሉ ነኩ እንኮምዕቃ ሰሜ መላይከት እኮ እቃ ዱዱብሰቶህዕኔጎሬ ቦረረንቶኤሃ እኩን። **9** ወዕናሃ ደኖንክዕኔጎ ለኒሁ ቲሁ ያንክዕኔ፤ እዬሁ እዕት ቶጌነተ እንጂል ላገን ቤሉ ሞሉ ቶቀምባ እንጂል ላገተ ዱዱብሰህዕኔጎሬ ቦረረሞኤሃ አሁን። **10** ህከረ እን ሀሳሚሁ መቱ ገለትጮኤታትንዶ? ህከረንገ መገኑ ገለትጮኤታት? ህከረንገ እን መነ መንዲሲሶተ ሀሳሚት? ቲሶ ኢለ መነ መንዲሲሶተ ሀሾም እቃን መሲህ ካዲንቹ አሆተ እታሳምበኤ እቅ። **11** አመኤ ኦሶ! እን ዱዱብሰንክዕኔ እንጂል ላገተ መኒች አሁ ሆጉሴ ደጎናተ ሀሳም። **12** መሰንትሰ ህካን ኤሳሃ ደግሰኾኤሁ መሲህ ኢሳት ቤሉ እን ቶሳሚሁ መኒችበኤ፤ ህከረንገ መቱ ተማርሰኹበኤ። **13** ወዕና አይሁድ አመዕነቶን ዮም ወክት ሁት ዮም ጎሬ ሞጮጭቲንታኤ፤ አመዕናኑት ሸረን ቤሶተ አጸማሚት እቅ። **14** አይሁድ አመዕነቱ አገሪን ዘሬኤ በለች ኢ ደረቦች ጉዕሚችን በተአምዮ እቅ፤ ህትን አናከኤ ሴሪ በአናበአገ ጠረኝሽ ሀሳም እቅ። **15** ጠዉ እኩጎሬ አለሙዕነ ሄጮ መገኑ መጠርኤ፤ አስቶንከሰ ገኤኤ። **16** አይሁድ አህበ መኒሃ ቤትሰተኔሃ ተሸት ላገተ ዱዱብሰተ መገኑ ቤቱሰ ለሊሶኤተ ኢቲ ወክት እን እዬኒ አማዕለሞምበኤ። **17** ህትን ኢች ብርተ አሳበተ እኮሁኩቤቹ ደቀሞተ ዩሩሳሌም ከተመ መርምበኤ፤ ጠዉ እኩጎሬ ሄጮ አረብ ባዱ መርም፤ ህከኒች ኤተሮን ደማስቆ ከተመ ፈንቀሎም። **18** ሰሶ ዘማኒች ኤተሮን ኬፋ ዬኖ ጴጥሮሴ ለአተ ዩሩሳሌመ ኦሮዕይ እሲን ሜጡብ ቶን ኦንቱ በር ዱንኬም። **19** ጠዉ እኩጎሬ ቀርቾ ኢሰ አመቤቲ ያቀብ ቤሉ አሳባች ሞሉ መቱሃ ለዕዮምበኤ። **20** ኩ ከተላንክዕኒሁ ክዘብ አሁ ሆጉሰ መገን ብሬን ተሬገጮ ኩላንክዕኔ። **21** ህከኒች ኤተሮን ሶርይለከ ክልቅይ ባዱ ኦሮዕዮም። **22** ይሁድ ባዶን ዮ አመዕናኑት ሚንተ ሚኔን ለእቀንት ከሰበኤ። **23** ጠዉ እኩጎሬ እሰ «ወዕና ኔሳሃ ኦርሰኖ» መንቹ ወዕና ቤሶተ አጸመን ሄዕዮ አመዕነቱ ገዉንኩሰ ዱዱብሰናት» ዬኖሃ ሞጮጭቶ እቅ። **24** ኢ መሳን መገኑ ገለትጮታታት እቅ።

2 ቶን ሾሎ ዘማኒች ኤተሮን በርናባሴን ሜጡብ ዩሩሳሌመ ፈንቀል ኦሮዕዮም፤ ቲቶ ኢን ሜጡብ አለ መርም እቅ። **2** ህከ ቤቹ መርሚንኩ መገኑ ለልኾኤ አዲንት፤ እን ከኒች ብርተ አዕዮም ሆጉትለከ ቲሁ አሳሚሁ

ህትን ተሰ አህናበአገ ይ አይሁድ አህበ መን በላን ዱዱብሰጴም እንጂል ላገተ ሎርሎሪ አምንሳናተ አደ አዕይ ኩሎንሰ። **3** ኢን ሜጡብ ሄዕዮ ቲቱ ግሪክ ባድ መንቹ እኩጎሬሁ ጡርከመሞተ ግድሴማሰበኤ። **4** ጠዉ እኩጎሬ በላንከኔ ሉኩት ማጠንት ኣጎ መት-መቱ ክዘብ አመዕናኑት ቲቱ ጡርከመሞተ ሀሶ እቅ፤ ሁኩ መናከት ዳንድቶት ኣዝኔ ማጠንት ኣጎኢሁ መሲህ ኢሲን ደዕኖም ሰሞልድመተ ወልቅሰ ሮሶማን ፈንቀሽቶተ ሰውይቲት። **5** እኩጎሬ ነኩ ተሸት ላገ ሀንቅ ክዕኔቤቻን ጠረኝት ሄኡተ ቀዋ ጌሲሃ ህከኩኤሃ ቁለሞምበኤ። **6** መገኑ መን ሚንተ ለዕይ ሀዕለናበአቤቼሃ ሁኩ አምንሳናተ እኮእር መ መኒሃ እኩጎሬ ኤሳሃ ግዱ ዮኤበኤ፤ እሰ እን ዱዱብሰጴም ተሸት ላገ አለን መቱ ሃዕርቼሃ በርግቶበኤ። **7** ጠዉ እኩጎሬ ህከን ወጥ ጴጥሮሰ ተሸት ላገተ አይሁዲሃ ዱዱብሰተ ኤገት ኣሰሞሰ ሃሌን ኤሳሃ አይሁድ አህበ መኒሃ ተሸት ላገተ ዱዱብሰተ ኤገት ኣሰንቶኤገ አጥራመቶኤ። **8** መሰንትሰ ጴጥሮሴ አይሁድ መኒሃ አሳቤቹ አዕዮ መገኑ ኤሳሁ አይሁድ አህበ መኒሃ አሳቤቹ አዕዮኤ። **9** ቲቅገ እከ ለልታ አሳበት ያቀብ፤ ጴጥሮሰለከ ያህይ መገኑ አዕዮኤ ኣስቱተ ደጎ ወክት ነኩ አይሁድ እኮበኤ መንቤቹ መርኖተ እሰ አይሁዲቤቹ መርቶተ አማዕለንት ኤሳለከ በርናባሴ ሜጡብ አህኔ መላተ አሆተ መኬ አንጋን ዘያርቶኤ። **10** መቱ ጠዉ አዕናተ ሀሰ ጠረኝሶኔ ጠዉ በለሰ ዮ ቡጥቻት ሰውይሮተ ኤገተ ኣቶኔ፤ ሁኩንን እን አኦተ ኢትዮምዮ ጠዉ። **11** ጴጥሮሰ ሶርያን ዮ ኣንጾክ ከተመ አሜቾ ወክት ቤሾቤቼሃ ብሬሰ አቶንቲሁ ሀንቅያበኤ ይዮንሰ። **12** ያቀብ ሶኮሰ መት-መቱ መቱ ኣንጾክ ከተመ አሜቶተ ብርተ አይሁድ አህበ መኒን ሜጡብ አተናት እቅ፤ እሰ አሜቶች ኤተሮን «አይሁድ አህቡ መን አዲች አመዕንቶኤር ጡርከመመ- ሀሰሰናሰ» ይታ አይሁድ አመዕናኑት ዋጅት ኤተር ዋልት አይሁድ አህበ መኒች አደ እኩ። **13** አይሁድ አዲች እኮ አመዕናኑት ጴጥሮሴ ሉሰተ አምንቶኤ፤ ሁኩን ሞሉ ፈቃን በርናባሴሃ ጣንሰዮ እቅ። **14** ጠዉ እኩጎሬ እሰገ ተሸት ላገ ሀንቁን ሄኤ ሆጉሰ ለዕዮም ወክት ጉዕማንከ መን ብሬን ጴጥሮሴ «እት አይሁዳውቹ እከን አይሁድ ሴሪን አሁዕነ አይሁድ አህበ መን ሴሪን ሄኣንቲት፤ ህከረ አይሁድ አህቡ መቱ አይሁድ ሴሪን ሄኡተ ሁት ግዳጅሳንትሳት?» ይዮንሰ። **15** ነኩ አለንኹኤ አይሁዳ ቤሉ ጨበኛ አይሁድ አህቡሃ መነበኤ። **16** ጠዉ እኩጎሬ መቱ ፈዮ አህናሁ መሲህ ኢሳን አመዕነት ቤሉ ሕገ አገሪን አሁ ሆጉሰ ደንጋም፤ ነኩ ሕገ አገሪን አሁዕነ መሲሁ አመዕነት ፈዮ እንኮተ መሲህ ኢሳን አመዕንኖም፤ እዬሁ ተወራት ሕገ አገሪን ፈዮ አህናበኤ። **17** መሲሂን አመዕነት ፈዮ እንኮተ ሀሰኔ ነኩ ገዉንኩኔ ጨበኛኑተ አሁኔ ለሊሰኛ፤ ህከረ ጨብ አዕናተ አእናኤሁ መሲሁት ዩሃንዶ? ሆሮን ህትጎተበኤ። **18** እን ገዉንኩኤ ድጂም ሕገ ፈንቀሽ መክሳሚሃ እኮምጎሬ እን ገዉንኩኤ ሕገ አገርባሃ አሁኤ ተሬገጥሲሳሚት ዩሃን። **19** እን መሲህን ሜጡብ ሰቀለሞምገ ዋለአምሞቤቼሃ መገንሂ ሄኡተ ይ ሕግ ሬሆን መለዕለም ጌሰ ሕጊች አደ እኮም። **20** ከኒች ኤተሮን መሲሁ ኢ ኣዜን ሄኣኖ ቤሉ እን ገዬሀኤ ሄኣምያበኤ፤ ቲሁ ጅሰሚን ሄኣሚሁ ኢቲኤለከ ኢተኔሃ ገዉሰ ህግሽ ኣሴ መገን ቤቶን አመዕነት ደገመኖ ሄኣኒት። **21** ህካን እኮቤቼሃ

መገን አስተተ ተሰ ቤሳምበእ፤ መኑ ፈየ አሀኖሁ ሕገ አገሪን እኮች መሲሁ ከልበንከ ሬዮኡ ዩሃን፡፡

3 እዕኑ ኩ ገዋኑት ገለትይ ባድ መኑ! እዬት ሲረ አዕይ ሉሰሾህዕኔሁ? መሲህ ኢስ መስቀል አሌን ሰቀለም ብሬንከክዕኔ የህንገ ኩለምሀዕኔ እቅ፡፡ **2** ክዕኔች ደጎተ ሀሳሚሁ ጠለዕል መቱ ጠወዬት፤ ጠለሊ እያን ቶጌታሁ ሕገ አገርኒትንዶ ህከረንገ ተሸት ላገተ ሞጮጭቴን አመዕነኒት? **3** እዕኑ መገን እያኒን ጀመርቴን ቴሱ ገይክዕኔ ዋልቃን ሹልቶኖተ ሀሴነንታት፤ አደ ኬንከ ኢሊ ገዋኖተ! **4** አንጂል መሳን ቶጌተ ኦርሸት ጉዕመንኩ ተሰ እክ ፈቆ ዩሃን? ህካን አቴንተገሬ ሀንቅንከ ተሰ እክ ፈቆኡ፡፡ **5** መገኑ ጠለሊ እያን አሰኖህዕኔሁለክ በላንከክዕኔ አጅብሲሰኖ ጠወ አእኖሁ ሕገ አገርቴንተቤቺሃትንዶ? ህከረንገ ተሸት ላገተ ሞጮጭቴን አመዕነቴንተቤቺሃት? **6** «አብራሂም መገኖን አመዕኔእ፤ ህከ አመዕነትሰ መሳን መገኑ ፈየ አዕይ ዋለዕዮሰ» የመዋ ከተበዋጋት፡፡ **7** ህካን እኮች አመዕነታረ አብራሂም አለተ አሁሰ ደጌ፡፡ **8** መገኑ አይሁድ እኮበእ መን አመዕነቴን ፈያተ አእኖገ ጠለሊ መጻፉ ወዕናንከ «አመቱ ጉዕመንኩ ኪን ማሰእመኖ» ይ ሄጮ አብራሂሚሃ ተሸት ላገተ ኩሉሰ፡፡ **9** ህካን እኮቤቺሃ አመዕነታረ ጉዕመንኩ አመዕኔ አብራሂሚን ማሰእንቶአራን፡፡ **10** «መሰ ሕግ መጻፉን ከተበዋ ትዛዝ ጉዕመንከ ጠረኝ አገርባሁለክ ሄአባሁ ጉዕመንኩ ቦረረዋእን» የመዋ ከተበዋቤቺሃ «ሕገ አገሪን ፈያተ እንካም» ይታረፉ ጉዕመንኩ ቦረረንቶአራን፡፡ **11** «ፈዩ መንቼ አመዕነቴን ሄኡ ደእኖ» የመዋ ከተበዋቤቺሃ አይሁ ሕገ አገሪን መገን ብሬን ፈየ አሀኖበኢሃ አሁሰ ለልዮእሃን፡፡ **12** ሕጉ አመዕነት አሌን ኡርዮእሃበእ፤ መሰንትሰ «መንቼ ሕጋን ሄኡተ አታለኖሁ ሕግ ትዛዝ ጉዕመንከ አገረኛራት» የመዋ ከተበዋኡ፡፡ **13** «ሀቅ አሌን ሰቀለም ሬሀኖሁ ጉዕመንኩ ቦረረዋእን» የመዋ ከተበዋቤቺሃ መሲህ ኒትኔሃ ቦረረዋ መንቼ እክ ሕገን አሜኖኖ ቦረረች ዋኮኖ፡፡ **14** ሁኩን እኮሁ መገኑ አብራሂሚሃ አሴ በረከተ መሲህ ኢስ አዲን አይሁድ አሁቡ መኒሃ ኢሉተለክ ነኔን መገኑ አሳንክዕኔ ዬ ጠለሊ እያን አመዕነቴን ቶንጎታት፡፡ **15** አመኤ ኦሶ! ህንዴ ከ ጠወ መንቤቾን ርሰዋ ጠዋን ሜጡብ ለዕዬ፤ መቱ መንቼ ኣጎ ወኢድ ላገተ ቶጌማች ኤተሮን አይሁ ቤሶተ ህከረንገ በርጎተ አታለኖበእ፡፡ **16** መገኑ አብራሂሚሃለክ እስ ዘሬተ ልግብ ተብሴ ላገተ ኣሴኢሁ ከን ሃሊንት፤ ተብሴ ላገት ልግብ እኮገ አዕይ «ዘሬተክዕኔ» የኖበእ፤ ጠወ እኮገሬ መቲሃ እኮገ አዕይ «ዘሬተክ» የኖ፤ ሁኩን «ዘርክ» የመዋሁ መሲህት፡፡ **17** አን ያሚሁ ከነት፤ ተብሶሁ አብራሂሚሃ ኣሰዋች ሾል ጥብተ ሰጅ ዘመኒች ኤተሮን ኣሰዋ ሕጉ ዋዕናሃ መገኑ ተሬገጭ አሴ ወኢድ ላገተ ሻር ተብሴ ላገተ ቤሶተ አታለኖበእ፡፡ **18** መቱርቼ ረገኤኖሁ ሕግ መሳን እኮ እቃ ተብሴ ላጋን አሁሰ ፈቀኖ እቅ፤ ጠወ እኮገሬ መገኑ ረግተ አብራሂሚሃ ኣሴኢሁ ተብሴ ላጋኒት፡፡ **19** ህከረ ሕጉ ኣሰዋሁ ሚሃት? ሕጉ በርገዋሁ አብራሂሚሃ ተብሰኒ ኣሰዋ መት ዘርት አሜቶተ ኢሊ ኒ ጨቢች ኬዕይት፤ ሴራንኩ መላይከ አዲን መንለክ መገን በላን ሄዕዮ መንቺሃ ኣሰዋ፡፡ **20** አሁን ቤሉ በላን እክ ሀራርሰኖ መንቼ ለዋ

አዲንካት ቤሉ ጠለዕል መቶ አዲሃበእ፤ እኮገሬ መገኑ ሜጥቼሃን፡፡ **21** ህከረ ሕጉ መገን ተብሴ ላገተ ግቦኖንዶ? ሆሮ ግቦኖበእ! ሄኡ ደገመኖ ሕጉ ኣሰዋ እቃቴ ፈየ አሁ ሕግ አዲን ደገመኖ እቅ፡፡ **22** ጠወ እኮገሬ መሲህ ኢስን አመዕነገ ደገመኖ ተብሴ ላገት አመዕነታሁኡተ ኣሰንቶተ ጠለሊ መጻፉ የኖ ሃሊን ኣዲንያ አሉ ጉዕመንኩ ጨቢሃ ጠገንት ጨብ ኡሱረን እኮኡ፡፡ **23** አመዕነቱ አሜቱዕናን ብርተ ሕጉ ጠቅዮኔ እቅ፤ ሁኩን አመዕነቱ ለሎተ ኢሊ ሕጉ ጡቱ አፎኔ እቅ፡፡ **24** ከን ሃሊን አመዕነቴን ፈየ እንኮተ መሲህ አሜቶተ ኢሊ ሕጉ አገራንቹኔ እኮ እቅ፡፡ **25** እኮገሬ ቴሱ አመዕነቱ አሜቶቤቺሃ ሕጉ አገራንቹኔ አሁሰ ፈቆኡ፡፡ **26** መሲህ ኣሳን አመዕነገ ጉዕመንኩክዕኔ መገንተ አለ፤ **27** ጠመቀንቴን መሲሂን ሜጡብ አከንተሩ ጉዕመንኩ መሲህ ኦድኖገ አደኔጎታኡ፡፡ **28** ጉዕመንኩክዕኔ መሲህ ኢሲን ሜጡ አከንተቤቺሃ አይሁድቶለክ ግርክቼ፤ ርሰቶለክ ሰዋልድቼ፤ ጎንለክ ሜንት በላን አደደመት ዮበእ፡፡ **29** እዕኑ መሲህረ አከንታች አብራሂምተ ዘር፤ ተብሴሰ ላገ መሳን ረገኣኑትን፡፡

4 ቴሁ ያሚሁ ከነት፤ ረገኣኖሁ ቀወ ጨል አሀኖ ወክት ዱንያተሰ ጉዕመንከ ቀርቼ እኮ እቃ መቶርቼንከሰ ርሰቼች አደ አሀኖበእ፡፡ **2** ጠወ እኮገሬ እኩሰ ቀደሮ ወክቱ ኢሉተ ኢሊ አገርታሁኡለክ ኤገተ ኣሴመ መን አንጋን አገረኖ፡፡ **3** ህትን ነኡ እያን ጠዋሃ ጨለገ ዮም ወክት ከን ኣዲንያ አሌን ዮ ሴሪሃ ጠገም ርሰ እንኮም እቅ፡፡ **4** ጠወ እኮገሬ ቀደሮ ዘማን ኢሉ ወክት መገኑ ቤቴሰ ሶኮኔ፤ እስ ሕገች ዋሮን እክ መንቼች አለዋ፤ **5** ህካን አዕዮሁ ሕግ ኣዛኒ ዮአረ ዋዛተለክ ነኔን መገን አለተ እንካምገ አኑታት፡፡ **6** መገን አለተ አከንተቤቺሃ መገኑ «አበ» የን ገኡኖ ቤትሰ እያን ቀልቢሃኔ ሶኮ፡፡ **7** ህካን እኮቤቺሃ ከነች ኤተሮን ቤቱሃን ቤሉ ርሰሃበእ፤ ቤቱሰ እኮንቲች መገኑ ረገኣንቼ አዕዮሄ፡፡ **8** ከነች ብርተ መገኑ ደጉ ሆግክዕኔ መሳን ክልቀቴንከሰ መገኑ እኮበእሁኡተ ርሰ አከን ጠገንቲንታ እቅ፡፡ **9** እኮገሬ ቴሱ መገኑ ደጌታኡ፤ በትሸን መገኑ ክዕኔተ ደገኖህዕኔ፤ ህከረ ሀት ላፋለክ ሂሊ ኣዲንያ አል ሴቤርቼ ፈንቀልቴን? ሀት ለንኪሃ እስ ርሰ እኮኖተ ሀሴነንታት? **10** እዕኑ በሪሃ፤ አገኒሃ፤ ወክቲሃለክ ዘማኒሃ ጠረኝሰን አበ ኬዕምኝ ኣቴነንታት፡፡ **11** ክዕኔ በላን ሆጎን ሆጎሚሁ ጉዕመንኩ ተሰ እክ ፈቀኖ ይ ዋጃም፡፡ **12** አመኤ ኦሶ! ኣን ክዕኔን እኮምቤቺሃ አዕኑሁ አገ እኬ ይ ኡጫንክዕኔ፤ አዕኑ መቱ ብድልሃ ኢልሴንታኡበእ፡፡ **13** ዋዕኔ ወክት ተሸት ላገተ ክዕኔሃ ዱዱብሶተ እድል ደኢሚሁ ጥዘን መሳን አሁሰ ደጌነንተ፡፡ **14** ሄንከ ጥዘንኤ ፊተነተ እኮህዕኔገሬ ህንቁንታኤበእ ህከረንገ ሽግግ ድቴንታኤበእ፤ በትሸን መገን መላይኬቼ ቶጌነንተሀገ ኣቴን ቶጌነንታኤ፤ ህትን መሲህ ኢስ ቶጌነንተሀገ ኣቴን ቶጌነንታኤ፡፡ **15** ከነች ዋዕናሃ ሄኤህዕኔ ሙንዲኑት ህከቤቼ መርቶኡ፤ አታልሲሾህዕኔ እቃ አልክዕኔ ፋሽቴን ኣቴነንታኤን አን ገወንኩኦ መስከራም፡፡ **16** ህከረ ቴሱ ሀንቅ ኩሉኖንክዕኔቤቺሃ ዲንክዕኔ እኮምንዶ? **17** ዋሉ መኑ ክዕኔትኔሃ ጨነቀንት ሰውደታኢት፤ አሁን ቤሉ ህካን አታኢሁ ጡመ ጠዋሃበእ፤ እስ ሃሸኣቱት እዕኑ ኒች አደ እኮኖታትለክ አስተኔሃ አበ ሰውደቶኖታት፡፡ **18** ሰውቱሰ ጡመ እኮች ጠረኙ ጉዕመ ወክት ጡመሃን፤ ጠወ እኮገሬ

ኩ ጠረኝመክሰኔ እን ክዕነን ሜጡብ ሄኡም ወክት ጠለዕል እሁንከ።
19 እ ኦሶ! መሲህ ክዕኔ ሄኡን ለሎተ ኢሊ ቴሁ ክዕኔተኔሃ ኒጠን አበ
 ጨነቀማማት። **20** ክዕኔሃ መ አኡ ሀሲሰኖአኒገሬ ደጉ ሆግንከኤ ጉረተ
 ኣጋዕኔ አበ ጨነቀም፤ ቴሱ በላንከክዕኔ ደገም አደደ አፎን ጠወዕዮም
 እቃ ሄንከ ኢታም እቅ። **21** እዕኑ ሕገሃ ጠገንቴን ሄኢሃ ሀሴንነተሩ
 ህንዴ ኩሌኤ፤ ሕጉ የኖሃ ሞጮጭቴንተበእንደ? **22** ጠሊሊ መጻፋን
 «አብራሂሚሃ ለም አለት ሄኡስ እቅ፤ መቱስ አለሞሁ ርሰሸ መንቸች እህን
 ዋሉሰገን ሰዋልድቸ መንቸቸች» የመም ከተበሞኡ። **23** ርሰሸ መንቸ ቤቱ
 አለሞሁ ማል ሄዕላቸገ እህን ሰዋልድቸ መንቸ ቤቱ አለሞሁ ኣሰንቶ ተብሴ
 ላጋኒት። **24** ኩ ለሙ ሜንቱ ለሞ ወኣድ ላገተ ለሊሰኖቤቺሃ ኩን ሞሳሊገ
 ለለኖሃን፤ መትሴ ወኣድ ላገተ ሲና ዬዳ ቆታቻ አከን ርሰማተ አካ አለተ
 አልታታን፤ እሴን አጋራት፤ **25** አጋር አረብ ባዶን ዮ ሲና ቆተተ ሞሳልተ
 እቅ፤ ህካን አኮቤቺሃ ቴሱ ዮ ዬሩሳሌሚን አጉጠንታኢ፤ እሴን አላንተሴን
 ርሰማን ሄኣኣታን። **26** አለቸ ሰሜኑ አኮአ ዬሩሳሌሙ ሰዋልድቸታን፤
 እሴን አመተኔ። **27** «አት ጎደቡ ዮሄበኢት ተሸ ዩንኬ! አት አልቶት ኒጥ
 ከሲባት «አልል!» ይ፤ ምኒ እኑ ዮሴ መንቸች በትሽ ምንሴ እኑ አጉራንሴ ዮ
 መንቸት ልግብ አለት ዮሴ» የመም ከተበሞኡ። **28** አመኤ ኦሶ! እዕኑ ቴሱ
 ኢሳቅገ ተብሴ ላገተ አለ። **29** ጠወ እኮጎሬ ህከ ወክት ማሊን አለሞሁ
 ጠሊሊ እያንነ አለሞሃ ሽሬን ከበሪሁ ህቶን። **30** ጠወ እኮጎሬ ጠሊሊ
 መጻፋ የኖሁ መርቸሃን? ጠሊሊ መጻፋ «ርሰቸት መንቸት አልቶ ጨሉ
 ሰዋልድቸት አልቶህኒን ሜጡብ ረገአኖበአቤቺሃ ርሰቸት ጨሊንከሴን
 ሜጡብ ሸር» የኖ። **31** ህካን አኮቤቺሃ አመኤ ኦሶ! ነኡ ሰዋልድቸት አለ
 ቤሉ ርሰቸት አለበኡ።

5 መሲህ ሰዋልድማን ፋሼኔሁ ሰዋልድማን ሄዕኖታት። ህካን አኮቤቺሃ
 ጠረኝቴን ኡርዬ ቤሉ ለንኪሃ ፈንቀልቴን ርሰ እኪን ጠገንቶኖቹ።
2 ቴሱ እን ጳውሎስ ያንክዕኔሁ ጡርከመንቴንተ ጎሬ መሲህ መቱርቺሃ
 ደግላለኖህዕኔበኢ፤ **3** ጡርከመመኖሁ ጉዕሙንኩ «ሕገ ጉዕመንከ
 አኦተ ግዳጁ ዮሰ» ይ ለንኪሃ ጠረኝሳም። **4** እዕኑ ሕገ አገርቴን
 ፈይቶናተ ሀሴንነተሩ ጉዕሙንኩ መሲህች አደ አኪንታኢ፤ መገን ኣሰቶቶስ
 ፋልቴንታኢ። **5** ጠወ እኮጎሬ ነኡ መገን እያንነ ፈይመ ተብሳሃ አመዕነቲን
 አገዕሪኖም። **6** መሲህ ኢሲን ሄኡማች ጡርከመሙ ህከረንገ ጡርከመሙ
 ሆጉ ደግላለኖበኢ፤ ደግላለኖሁ ኢታን ለለኖሃ አመዕነቱ። **7** አመዕነቲን
 ጡመገ ሃንቴንታት እቅ፤ ቴሱ ሀንቂሃ አዘዘንቴንበገ ከሞህዕኔሁ አዩት?
8 ህትኔ ሸዘነት ገኤህዕኔ መገኒች አሜቶበኢት። **9** ቀቅቶ ራጭቱ ቡኩተ
 ጉዕመንከ አቦከኖ። **10** ጠወ እኮጎሬ ከኒች አደ እኮ ዋሉ ሰውቱ
 ሄኣኖህዕኔበኢገ ተሬገጭ ቀርቸን አመዕኖም፤ ጉረተ ኣግሰኖህዕኔሁ አደሁ
 ፍርደስ ኣኣኖ። **11** አመኤ ኦሶ! እን ቴሱ ኢሊ ዱዱብሰሰን «ጡሚሃ
 ጡርከመሙ ሀሰሰኖ» ይዮም እቃ ቴሱ ኢሊ ሚሃ ሸርታኤ እቅ? ህካን
 እኮአቀ መሲህ መስቀሉ መኒሃ ጉፋተ አህኖበ እቅ። **12** ህካን አኮቤቺሃ
 ኩ ጉረተ ኣግሳህዕኔ መናከት ሀሶ ጎሬ ጡርከመሙ ጠለዕል እሁዕነ
 ገወንኩስ ፎልስ ኡለተ ቃርቶ እቃ ኢታም እቅ። **13** አመኤ ኦሶ! እዕኑ

ሰዋልድማን ገእንቴንታኢ፤ ጠወ እኮጎሬ መት-መቱስ ኢታን ካደሙን ቤሉ
 ኩ ሰዋልድመክዕኔ ማል ሃሸኣቱተ አቴንነተ መሰተ አሁንከ። **14** ሕጉ
 ጉዕሙንኩ «ዋሉ መነ ገይክገ አት እት» የኖ መቱ ላጋን ጎፎኡ። **15**
 ጠወ እኮጎሬ ገገወክዕኔ ገዕመቀንቴንለከ እተቀንቴን በኤንነተበኢገ
 አገዕርዬ። **16** ቴሱ ጠሊሊ እያን አዋንቴን ሄኡንተ ጎሬ ማል ሃሸኣቱተ
 አቴንነተበኢ ያም። **17** ማል ሃሸኣቱተ ጠሊሊ እያን ሃሸኣቶን ቶቃቀንታበኢ፤
 ህትን ጠሊሊ እያን ሃሸኣቱተ ማል ሃሸኣቶን ቶቃቀንታበኢ፤ ጠሊሊ እያን
 ሃሸኣቱትለከ ማል ሃሸኣቱት ገዢህሰ ባለጋረተ፤ ህካን አኮቤቺሃ እዕኑ
 ሀሴንነተርቺ አቶኖተ አታልቴንተበኢ። **18** ጠሊሊ እያን አዋንቴንተጎሬ
 ሕገሃ ጠገንቴንተበኢ። **19** ማል ሃሸኣቱት ደገንቶአራን፤ እሰን ዝነተ፤ ሂሊ
 ጉጃስ አኡ፤ ገወ አገዕሩ ሆጉ **20** ሸርከተ አኡ፤ ከሉ፤ ዲኖመተ፤ ደደተ፤
 አቂሸተ፤ ኡመዕርተ፤ ገወ አቲ፤ አደደመተ፤ አድመ አኡ። **21** ሞቀቸመተ፤
 ሰከሩ፤ መጠረቁ ዮበኢ ሙንዲኡተ አጉዳኢራን፤ ከኒች ዋዕናንከ ጠረኝሸ
 ኩሎምገን ቴሁ በርግ ጠረኝሸ ኩላንክዕኔ፤ ህትኔ ጠወ አታ መናከት
 መገን ሞምነቱ ኣጋበኢ። **22** ጠወ እኮጎሬ ጠሊሊ እያን ላልቸ አተተ፤
 ሙንዲኡተ፤ ወገሬት፤ አደብ፤ ጡምመተ፤ ጡመ ጠወ አኡ፤ አመዕነሙ **23**
 ጎደበ ላፋለከ ገወ አገዕሩሃን፤ ህትኔ ጠወ ግበኖ ሕጉ ዮበኢ፤ **24** መሲህ
 ኢሲረ እኮአሩ ማለስ ሄዕላቸንተሰለከ ሃሸኣቶንከሰን መስቀላን ሰቀልቶኡ።
25 ጠሊሊ እያንነ ሄዕኖሚሃ እንኮሚች ጠሊሊ እያን አዋኖ። **26** መቱ ዋሉ
 ሂሊ ጠዊሃ ኬሰንሰን ገገወንኩኔ ሞቀኝነን ተሳን ቦኡንከ።

6 አመኤ ኦሶ! መቱ መንቹ ጩብ አዕይ ደገሞጎሬ አመዕነቲን ጠረኝኑተ
 እኪንተሩ ህትኔ መንቹ ጎደበ ላፋማን ብዝ አዕይሰ፤ ጠወ እኮጎሬ
 አቴሁ ህትኔ ፊተናን ኣጋንትበኢገ አገዕር። **2** ክዕኔች መት-መቱክዕኔ
 ዋልስ ኬዕምታ እጅነተ እጁን፤ ከን ሃሌን መሲህ ሕገ ዊንሸቴንተ። **3**
 አደሁ ዋሉ መኒች ቆሀኖርቹ ዮሰበኢንከ «አን ዋሉ መኒች በተአም» ይ
 ሰውዬጎሬ ገወሰ ጣንሰናት። **4** ጠወ እኮጎሬ ገገወንኩስ ገይሰ ሆጉተ
 መረመር ለኡን፤ ህከኒች ኡተርን ገወሰ ዋሉ መኒን ሜዛኝ እሁዕነ ጠለዕል
 ገይሃስ ድከአኖርቹ ደኣኖ። **5** መሰንትሰ ገገወንኩስ ገይሰ እጅነተ እጁ
 ሀሰሰኖ። **6** ላገሰ ተማረኖ መንቹ አስተማርቺንከሰን ሜጡብ ጡመርቹ
 ጉዕመንከ ቤቀሙን። **7** ገወክዕኔ ሉሲሶኖቼ፤ መኑ ምደኖሁ ወጮሃት፤
 አደሁ መገኖን ቀለዶተ አታለኖበኢ፤ **8** ማለ ሙንዲሲሶተ ወጠኖሁ
 ማለቸሰ ሬሁተ ምደኖ፤ ጠሊሊ እያን ሙንዲሲሶተ ወጠኖሁ ጠሊሊ
 እያንች ዘላለም ሄኡ ምደኖ። (aiōnios g166) **9** ተብሳሂ ሙርንባች ወክቱ
 ኢሊሃን ወጠተ ጭምአዕምቤቺሃ ጡመ ሆጉተ አኡ አጉርኡንከ። **10** ቴሱ
 ጡመ ወክቱ ዮኤቤቺሃ መኒሃ ጉዕሚንከ በትንሰ አመዕንቶ መኒሃ ጡመ
 ጠወ አዕኖ። **11** ህትኔ ሎርሎረ ፍደሊን ገይኤ አንጋን ከተገንክዕኔገ ለዕይ!
12 ጡርከመንቶኖተ ግደጅሳኢሩ አብሊን ጡመ አጉድ ለሊሃ ሀሳአተ
 መናከ፤ ህካን አታኢሁ መሲህ መስቀል መሳን ሸረንታበኢገ ሰውይቲት።
13 እሰ ጡርከመንቶኖተ ሀሳኢሁ ጡርከመምንክክዕኔ ቦንቶታት ቤሉ
 ጡርከመንቶሩ ገወንኩስ ሕገ አገርቶበኢ። **14** ቀርቸሃኔ መሲህ ኢሰ
 መስቀል ቤሉ ዋሎርቹን ድከኡ ኢች ቄዕሩን፤ ከን መስቀል መሳን ኣዱንያ

አሉ አደ እኮኤ፤ አኒሁ አዲንያ አሊች አደ እኮም። **15** ህካን እኮቤቺሃ
ጠርከመሙ እኮ ጠርከመሙ ሆጉ መቼርቺሃ ደግለለኖበአ፤ ደግለለኖሁ
ሃዕሮ ክልቀት አሆሃን። **16** ከ ትዛዝ አዎነኖሀኒሃ ጉዕሚንከለከ መገን
ዎገነ እኮ ሀንቅ አሰራኤሊሃ ወገሬቱለከ ማርቱት እኩን። **17** ጅሰምኤ አሌን
የገረፊመኤ መላት ኢሰ ካዲንቺ አሁኤ ለሊሰኖቤቺሃ ከኒች ኤተሮን
አዪሁ ኦርሱንከኤ። **18** አመኤ ኦሶ! ቀርቻኔ መሲህ ኢሰ አሰቱት ክዕኔን
ሜጠብ እኩን! አሚዕን።

ኤፌሶን

1 መገን ሰውቲን መስህ ኢስ አሳቢቹ እኩ ጸውሎሲቸላክ መስህ ኢሲን አመዕነቶህኡተ፡ ኤፌሶናን ሄኣ ጠሊላኖ አመዕናኖተ፡ **2** አናኔ መገኒቸላክ ቀርቾን መስህ ኢሲቸ አስቱትላክ ወገሬቱህ ክዕኔሃ አሁን፡ **3** ሰሜ ቤቾን ጠሊሊ እያኒን ደገንታ በረካን ጉዕሚንን መስህ አዲን ማሰዕዮኔ ቀርቶኔ መስህ ኢሲን እኩኔ መገኑ ማሰለሙን፡ **4** ጠሊላተላክ ኩሌናርቶ የበለረ እንክ ብሬስ ደገሞተ ኣዱንያት ከለቀንቱሰን ሄጭ መሲሂን መጠር። **5** መገኑ ሀሰና ሃሊን መስህ ኢስ መሳን አለሰ እንኮተ ሄጭ ኢታንከሰ መጠር። **6** መገኑ ህካንን አዕዮሁ ኢተሞ ቤትሰ መሳን ኔሳሃ ነጣን ኣሴኔ ኬዕምኝ ኣሰቶተ እሱ ገለቲጭኖታት፡ **7** መገን ኣሰቶ ዊምማቶ ኬሸ ቤትሰ ቂገን ዋክኑተ ደእን ጨብሃኔ ማርቱተ ደዕናም፡ **8** ኣስቱሰ በትሹ። ሀይማኖት እንክዕኒን **9** መገኑ ጎደበ ላፍማንከሰ መስህ መሳን ሄጭ ያጀገ ሞሰጥር ደንጋምገ አዕዮኔ፡ **10** ወክቱሰ ኢላኖ ወክት መገኑ ሆጎን ሆሰሰና ኩ ያደሰ ሰማንላክ ኡላን ዮ ክልቀቱ ጉዕሙንኩ ሜጡበ መቶ መስህ ሹምነት ኣዘን እካጋት፡ **11** ጉዕመ ጠወንከ ገደሰ ሰውቲን ኣእኖ መገኑ ሄጭ ያጀ ሃሊን መስህ መሳን አሰ ወገን እንኮተ መጠር። **12** ሁከንን እኩሁ መስህ ተብሳሃ አእን ዋኔሃ እንኮምር መገን ኬዕምኝ ገለቲን ለሊንሱታት፡ **13** አዕኑ ህትን ሀንቅ ላገተ ኩንን ጡምቲንተ እንጂላ ሞጮጭቲንተ ወክት መስህን በርገንቲንታኣ፤ አመዕነቲን አሰን አሁን ተብሳሃ እክ ኣሰሞ ጠሊሊ እያን ማተቢን ዋቀረንቲንታኣ፡ **14** ሁከ ጠሊሉ እያኑ መገኑ ገደሰረ እኩረ ጉዕመንከ ዋዞተ ኢላ ርስቲህኔ ሩብት አሁኖሃ ቀብደ፤ ሁከንን ክዕምኚህሰ ገለትሃን፡ **15** ህካን እኩቤቺሃ ቀርቾ ኢሳን ዮህዕኔ አመዕነትላክ አመዕናኖተ ጉዕሚንከ ዮህዕኔ ኢተተ ሞጮጮም ወክቲቶ ኬሸ **16** ክዕኔተ ዱኢን ቃገን ክዕኔ መሳን መገኒሃ ገለት ሆንጠህሱኡ እጉራምበኡ፡ **17** ኬዕምኝ ሀሰሰናስ ቀርቶሃኔ መስህ ኢስ ኣነ መገኑ በትሰን ደጎናተ ሀይመ እያን አሶህዕኔተላክ ገውሰ ለሊሶህዕኔተ ዱኢ እኣም፡ **18** ህትኔ ተብሌሃ ገእንቲንታገሬ ጠሊላኑት ረገኣ ኬዕምኝ ርስቱ ሄንከ ልግብየ ጎሬ ደጎናተ ቀልብክዕኔ አልት ፈንተኦተ ዱኢ እኣም፡ **19** ዋለእንትበ ሎረ ዋልቀሰ ኔሳሃ አመዕናኖህህኡተ ሄንከ ሎረሃ ጎሬ ደጎናተ ዱኢ እኣም፤ **20** ህከ ሎረ ዋልቀሰ ሆጎን ለሊሾሁ ሬሆች ኬሸ ሰማን መኬንከሰ ኣፋሺ መስህ አዲንት፡ **21** እኑ መገኑ መስህ ሰማን መኬንከሰ ኣፋሺሊሁ ጉዕመ ዳኝነቲቸላክ ዋልቃች ቀርቻኖች ሎረ ህትን ከን ኣዱንያ አሌን ጠለዕል አሁን፤ አሜተኛ ኣዱንያ አሌን ሱዕሚች ጉዕሚችን ሎረ እኩ ኬዕምኝ ሱዕመ ኣሲንት፡ (aiōn g165) **22** ጉዕመ ጠወንከ ዳኝነትሰ ኣዘን አዕይ ጠገመግግ አዕዮሰ፤ መገን አመዕናኖ ዱኢ ምኒ ጉዕመርቾንን ቡዕላ አዕዮሰ፡ **23** መገን አመዕናኖ ዱኢ ምኒ መሲህሃ ጅሰመሃን፤ መገን አመዕናኖ ዱኢ ምኒ ጉዕመ ጠዋን ዊመ አእናሴ አሲን ዊመ እኩእተ፡

2 አዕኑ ቤሲክዕኔላክ ጨብክዕኔ መሳን ሬቲንታረ አቅ፤ **2** ህከ ወክት ከን ኣዱንያ አል ሂላ ዋቃሃ አዋንቲንተ አቅ፤ ህትን ቡብር አሌን ሄኣ ሂላ እያን ቀርቻኖተ ጠገንቲንተ አቅ፤ አሰን መገኒሃ ኣዘክንታበኡ መን አሌን

አእኖሃ ሂላ አያነ፡ (aiōn g165) **3** ነኡ ጉዕሙንኩኔ ከኒች ብርተ አሰ በላን ማልኔ ያደተለክ ቀልብኔ ሰውት አዋንን ማልኔ ሄዕላቻን ሄዕናምረ አቅ፤ ዋሎ ኣዘክንትበ መንገን ክልቀትንከኔ መገን ኡሙዕሬ ኣዘን ሄዕናምረ አቅ፡ **4** ጠወ እኩጎሬ መገን ማርቱት አበ አህንከሰላክ ኔሳሃ ዮሰ ኢትተ ሎረ አህንከሰ **5** ቤሰንከኔ ሬናምረ እንኮም እቃ መገኑ መሲሂን ፎሊን ሄዕናተ አዕዮኔ፤ አዕኑሁ ጡሚቲንታሁ ኣሰቶንከሲት፡ **6** መገኑ መስህ ኢስ አዲን አሲንን ሬሆች ኬሸ ሰማን አሲን ሜጡበ ኣፋሺኔ፡ **7** ህካንን አዕዮሁ መስህ ኢሲን ኔሳሃ ለልሾ ማርቱሰላክ ዋሊንሹ ዮበኢ ኣሰቶ ቀባጡተ አሜተኛ ዘማን ለሊሶኔተ ይይት፡ (aiōn g165) **8** መሰንትሰ አዕኑ ጡምቲንታሁ አመዕነት መሳን ኣሰቶንከሰት፤ ሁከንን መገንተ ኣሰቱ ቤሉ ክዕኔ ሆጎን ደገሞበኣሃን፡ **9** አዪሁ ድክእናበእገ ጡሙ ደገመኖሁ ሆጎንበኢ፤ **10** ነኡ መገኑ ሄጭ ቅጥአዕዮ ጡሙ ሆጉተ አዕናተ መስህ ኢስ አዲን ለንኪሃ ከለቀምማሃ መገኒሃ ክልቀት፡ **11** ህካን እኩቤቺሃ አዕኑ ዋዕናሃ ክልቀቲንክክዕኔ አይሁደ እከንበሩ፤ አይሁድ ሙኑ መን እንገን ጡርከመንት ሄኣንን ክዕኔተ ጡርከመንቲንታበኡ ይተን ቦርርተንክዕኔ ሄኣን ቃጌ፡ **12** አዕኑ አሰራኤል መን እከንበሩ ተብሌ ላገ ወኣዲሃ ኮህቹ እከንተሩ፤ ከን ኣዱንያ አሌኒ መቱ ተብሶሁ ዮህህዕኔበኣሩ፤ መገኒች አደ ሄኡንተሩላክ መሲህች አደ እከንተረ አሁክኔ ቃጌ፡ **13** ቴሱ እኩጎሬ አዕኑ ከኒች ብርተ ቂዕርቲን ሄኡንተሩ መስህ ኢሲረ እከን አሰ ቂገን ሆንጠኬንታኡ፡ **14** መሰንትሰ አደ አዕዮኔ ብተ ግድግድ ድጅኢሁ፤ አይሁደላክ አይሁደ እክበረ ሜጡ አዕዮ ወገሬቱኔ መሲህት፡ **15** ለምንከ ኡሙቲች አሲን ሜጡ እኩ መቱ ሃዕር ኡሙት ከለቆተ አይሁድ ሕግ ትዛዘለክ ሴራ ማሊንከሰ ሻር ወገሬት አዕዮ፡ **16** አሰን መሰቀል አሌን ሬሆንከሰ ድናመተ ቤሾ፤ ለመንከሰ ሜጡ ጅሰመ አዕይ መገኒን ሀራርሴሰ፡ **17** አሜች ክዕኔሃ ቂዕርቲን ሄኡንተሁኡተላክ ሆንጠክ ሄኡ አይሁዲሃ ወገሬት ተማርሴኡ፡ **18** አሰ አዲን ጉዕሙንኩኔ መቶሃ እያኒን አዋን መገን ቤቹ ሆንጠንካም፡ **19** ህካን እኩቤቺሃ አዕኑ መገኒሃ አደ እኩህኡኡን መቶሃ ባድሃ መነላክ መገንየ አበርሰ ቤሉ ከኒች ኡተርን ኮህቻተላክ ዋሎ ቤቺች አሜቲንታረብኡ፡ **20** አሳበላክ ነቢያና ቀብብ አሌን እጃረንቲንታራን፤ ሙረበ ቡዕል ክኑ መስህ ኢሳት፡ **21** ግንቡሰ ጉዕሙንኩ አሲን መክ ቀርቶ ጠሊሊ ምኒ አሆተ ነጻና፡ **22** መገኑ እያኒንከሰ ገላኖ ግንበ እኩናተ አዕኑሁ በርገንቲን መሲህን መክቲንተ፡

3 ህካን እኩቤቺሃ እን ጸውሎሰ ክዕኔሃ አይሁደ እከንበህኡተ ይ መስህ ኢስ ካዲንቹ አህንከኤ ኡሰረኘሃን፡ **2** ክዕኔሃ ደግለለኖገ እኣተ መገኑ ኣሰቶንከሰ ካደሞሰተ እድል ኣሴኤገ ህንቂንከ ሞጮጭቲንታኡ፡ **3** አን ሄጭ ገበንቹ አዕይ ከተቦክዕኔገን መገኑ ማጠሞርቹ ለልሾኤ፡ **4** ህካን እኩቤቺሃ ካን እነበህንተ ወክት መስህ ማጠሞርቹ ሚ ጌሰ ኣጎኤ ጎር ደጎናተ አታልቲንተ፡ **5** ኩ ማጠሞርቹ መገን እያኒን ጠሊላኖ ኣሳባተሰላክ ነብያናተሰ ቴሱ ለሌ ሃሊን ህጎ ዘማኔን ሄኡ መኒሃ ለልዮበኡ፡ **6** ኩን ለሊሰኖሁ አይሁደ አሁኑ ሙኑ አይሁዲን ሜጡበ ርስተ ረገኣረላክ መቶ ጅሰም ብሊተ እክ መገኑ ኣሴ ተብሳሃ እንጂል አዲን መስህ ኢስ

ቤቀማት አሁን። 7 መገኑ ዋልቃንከሰ አሴኤ አሰቶን እነሁ ከን እንጂል ካዲንቹ እኩም። 8 እን ጠላላኖች ጉዕሚችን ሆልጸሚሃ አኩምገራሁ ዳንጉ ዮብጠ መሲህ ቀባጦ እንጂላ አይሁደ እህበ መኒሃ ዱዱብሶተ መገን አሰቶን ኩ ዕድሉ አሰሞኤ። 9 ህትን ህጎ ዘማኔን ጉዕሚንከ ከለቆ መገኒን ማጠም ሄዕዮ ምስጥር መገን ያደት መሃሃር ጉዕሚንከ ለሊሶተ አሰቶት አሰንቶኤ። (aiōn g165) 10 ሁኩንን እኩሁ ከን ዘማኔን አመዕናዮ ዱላ ምኒ አዲን ሰማን ሄላ ሹመትለከ ሀለቀት መገን ኤንኬዕኑ አደደ ደኒን ደጋገት። 11 መገኑ ቀርቼሃኔ መሲህ ኢሲን ካን አዕዮሁ አብ ዘማኔን ብርተ ያጃ ሃሊኒት። (aiōn g165) 12 መሲህሪ እህንከኤለከ እሲን አመዕኒንከ መገን ብራን መለልን አመዕነትን ሆንጠሁ አታልናም። 13 እን ክዕኔትኔሃ ቶጋም ኦርሸት ኬዕምኻክዕኔ እኩቤቺሃ ኦርሸኤ መሳን ተብሳሃ ሙርቶኖቹ ይ ኤጫንክዕኔ። 14 ቲሁ እን መገን ብራን ጉሉቤንከኤ ጉሉጽ ዱኣ እኣሚሁ ከን መሳኒት። 15 ሰማንለከ ኡሳን ዮ ጉዕሙንኩ አበርሱ ሱዕመስ ደአኖሁ መገኒችት። 16 መገኑ ኣዘ ጅስመክዕኔ ጠረኝሰና ዋልቀተ እያንሰ መሳን ኬዕምኻሰ ሎርመተ አሶህዕኔተ ዱኣ እኣም። 17 ህትን መሲህ አመዕነትን ቀልቤንከክዕኔ ሄሉተለከ አዕኑሁ ጠጸ ኣቲን ኢታን ጠረኝቲንተሪ እኩኖተ ዱኣ እኣም። 18 ቲሁ መሲህ ኢተት አልባዕልመሰለከ ቄዕራሽመሰ። ጎቲመሰለከ ጥዕላሸመስ ሄንከ ጎሪ ጠላላኖን ሜጡብ ሰውዬ አታልቶተለከ 19 መን ኤንኬዕኒች በተአ መሲህ ኢተተ ደጎኖተ መገን ዊምማን ዊመ እኩኖተ ዱኣ እኣም። 20 ህካን እኩቤቺሃ ኒ ኣዘን ኢታ ዋልቀስ መሳን ኡጭናምለከ ሰውይናምሀኒች በትሸ ደፈፍሽ አሶተ አታለመሰስ መገኒሃ 21 እሲሃ አመዕናዮ ዱኣ ምኒ መሲህ ኢስ አዲን ዘማኔን ጉዕማን ዘላለሚች ዘላለሚሃ ኬዕምች እሲሃ እህን፤ ኣሚዕን። (aiōn g165)

4 ቀርቼ ካደሞንከኤ ኡሱረኛ እኩም እን ገእንቲንተ ገእሚሃክዕኔ ሀሰሰና ሄላ ሄላኖተ ኡጫንክዕኔ። 2 ኢታንለከ ገገዊንከክዕኔ አታዕሊን ጉዕመ ወክት ገወ ሆፍሲንለከ ጎደብ ላፍማን መት-መቱ አታዕለቀሚን ሄዕዬ። 3 ወገራቲን ሜጡ ኣከን መገን እያኒን ደገመና ሜጠመተ ጠረኝሰን ኣገራ። 4 አዕኑ መቶ ተብሴሃ ገእንቲንተህንን መቱ ጅስሙለከ መቱ እያኑ ዮኤ። 5 ህትን መቱ ቀርቼ፤ መቱ አመዕነቱለከ መቱ ጠመቀሙ ዮኤ። 6 ጉዕሚችን ሎሪ እኩሁ፤ ጉዕማንን እኣኖሁ፤ ጉዕማንን ሄላኖሁ፤ ጉዕሚንከ እን እኩሁ መቱ መገኑ ዮኤ። 7 ጠዉ እኩጎሪ መሲህ አሶተ ሆሽ ጌሲን መት-መትሃኔ መገን አሰቶት አሰንቶኤ። 8 ሁኩንን «እሌ ፋሎ ወክት ልግብ እገንቶእረ እኣ ኦርዕዮ፤ መኒሃ ሽልማት ኣሴእ» የመዋጋት። 9 ህከረ ሁኩ «እሌ ፋሎ» ይታ ላገት ሄጭ ኡላችን አብ ጥዕላሽ ቤቹ ድሩ እህባች ዋሉ መ እሆተ አታለና? 10 ኩን ጥዕላሽ ቤቹ ድራእሁ ህትን ጉዕመንከ ዊመ እኩተ ሰሜች ጉዕሚችን እሌ ዋል ፋሎሁ አሶት። 11 እሰን መት-መቱሰ አሳበተ፤ መት-መቱሰን ጎብያት፤ መት-መቱሰ እንጂላ ዱዱብሰታእረ፤ መት-መቱሰን አመዕናዮ ዜማኑት፤ መት-መቱሰን አሰተማረተ ኣካገ ሽልማት ኣሴሰ። 12 ካን አዕዮንኩ መሲህ ጅስመ እኩኣ አመዕናዮ ዱኣ ምኒ ነሲሃ

አመዕናት አመዕነት ክድማተ ቅጥ እእሃት። 13 ህትን መገን ቤቱ ደገኒ አመዕነትን ደገመና ሜጠመተ ኢልን መሲህ ዊመ እኩገን ነኡሁ ዊመ መን እንከ ነጽኖታት። 14 ከኒች ኤተርን መን ተንኩ ክዘቢንለከ ጣንሲን ቅጠሞ ክዘብ ትምርቲን ቦብሩለከ ዊ ሁሉ ከበሃ ካጸ ህንበለንት መርታ ጨለገ እንካምበኤ። 15 በትሽን ሀንቅ ኢታን ጠወዕነን ጉዕመ ጅስሚሃ ቦሳለ እኩ መሲህበ ጉዕመርቲን ነጽናም። 16 አደዱ መኖመ ጅስሙ መቱ እሆሁ መሲሂንት፤ ጅስሙ ጉዕመንኩ ሜጡ እኩሁ መኖመተ ደቀንታ ቤቻኒት፤ ህካን እኩቤቺሃ መት-መቱ ጅስሞ ብሊቱ አሰሞስ ሆንተ ብዘ አዕይ እኣኖ ወክት ጅስሙ ጉዕመንኩ ነጽኖ፤ ገውስ ኢታን ነሰና። 17 ከኒች ኤተርን ሰውቱሰ ተሰ እኩ አይሁደ እክበ መገን ሄላኖቹ ይ ቀርቹ ሱዕሚን ጠረኝሽ ኩላንክዕኔ። 18 እስ ቀልቡ ቱንሰዮኤ፤ ህትን ቀልብ ዱድማች ኬዕዮህኒንለከ ኤንኬዕኑ ሆግስ መሳን መገኑ አሰና ሄላች አደ እኩኤ። 19 ሙልት ሰውቱሰ በዕዮቤቺሃ ንጂስ እኩ ጠወ ጉዕመንከ እኣሃ ገወስ ሙልሰና ማልስ ሄዕላታት ህግስ ኣቶኤ። 20 አዕኑ እኩጎሪ መሲህ ደንታሁ ህትናም ዋቄንበኤ። 21 ሀንቅንከ አሰተኔሃ ሞጮጭቲንታኤ፤ ህትን እሲሃ እከንተቤቺሃ ሀንቅንኩ ኣሳን ሄሉስ ተማርቲንታኤ። 22 ህካን እኩቤቺሃ ጣንስ ጨብቤቹ አምንሰና ሄዕላታን በዕዮ ዋዕናሃ ሄላንንተ ተባጸ ሃለት ከሜ። 23 ቀልብክዕኔ ሰውቱ ሃዕሪ እህን። 24 ሀንቅ ፈይማንለከ ጠላልማን መገን ሞሳሊን ከለቀሞ ሃዕሪ ክልቀት አደዕዬ። 25 ህካን እኩቤቺሃ ክዘብ ጠወኦኖቹ፤ ጉዕመንኩኤ መቱ ጅስመ እንኩምቤቺሃ ገገወንኩኤ ሀንቅ ጠወዕና። 26 ኡሙዕርቤ! ኡሙዕርቲንተጎሪሁ ጨብ አቶኖቹ፤ ህትን ኡሙዕርቲንተንን አሩ ኣንኩከ። 27 ህትን አልብሲሃ ሆርን ቤቹ ኣቶኖቹ። 28 ህትን ሞገኖሁ ከ ኤተሩ ሞገንኩ፤ ጠዉ እኩጎሪ ህከን ወጥ ኦርጨቀሞህኒሃ ኣሶተ ገይሰ ኣንጋን ጡመርቹ እኣን። 29 ሆር አፊችክዕኔ ሂላ ላገት ፋልቲንከ፤ ጠወ እኩጎሪ ሞጮጭኖህኒሃ ተሸየሳለከ ጠረኝሲሃ ደግለላና ጠወ ጠወዕዬ። 30 ህትን ዋዘንቲንተ በሬተ ዊመ እሆህዕኔተ ኣሴክዕኔ መተብገ ዋቀረሞ ጠላላ መገን እያን ሻዘሰኖቹ። 31 ህትን ቀራርሰጩ፤ ንዴት፤ ኡሙዕርት፤ ጨንጨንት፤ ያርት፤ ቦርዕረንሹለከ ሂላ ጠዉ ጉዕመንኩ ክዕኔች ካጸ ሸቁን። 32 ህትን መት-መቲሃክዕኔ ጡማትለከ አሙዜንተረ፤ ጎደብ ላፋትለከ መረርሲጫት ኣኬ፤ መገኑ መሲሂን ኣጉርህዕኔን ገገዊንከክዕኔ ኣጉዕራቀሜ።

5 ኢቲና ኦሶገ አዕኑሁ መገኑ አምንቲንተረ ኣኬ። 2 መሲህ ኢቲንን መገኑ ተሸ እኣኖ ጡሙ ሸቱት ዮስ ክትም አዕይ ገውስ ኒተኔሃ ህግሽ ኣሴንን አዕኑሁ እስ ኢታን ሄዕዬ። 3 ህትኔ ጠወ መገን ኡመቲሃ ሀሲሰናበለቤቺሃ ዝነት ህከረንገ ዋሉ ንጂስ እኩ ጠወ እኡ ህከረንገ ጎራሜቹ እሁ ፈቅ ሞጮጭሁ ሀሰሰናበኤ። 4 ህከን ወጥ መገኒሃ ሹኩሪ ሆንጠህሽ ቤሉ ሂላለከ ገወ ጠወ ህከረንገ ሂላ ቀልድ ጠወ ጠወኡ ሀሰሰናህዕኔበኤ፤ ህትኔ ጠወ ክዕኔሃ መከናበኤ። 5 ዝነት ህከረንገ ጉዕመ ንጂስ እኡ ህከረንገ ሸርኬሃ ሰገድገ ዮ ጎራምመተ መሲሂንለከ መገን ዋምንቲን ቤቹ ደኣናበኣ ደጌ። 6 ከን ጠወ መሳን ኣዘዘንታበኤ መን ኣሌን መገን ኡሙዕርት ኣሚታቤቺሃ እደሁ ተሰ ጠዊን ጣንሱንከህዕኔ። 7 ህካን እኩቤቺሃ ከን

እዘዘንታበእ መነን ሜጡ እኮኖቹ፤ 8 ዋዕናሃ እዕኑ ቱንሰቹሃን እቅ፤ እኮጎሬ ቴሱ ቀርቻረ እኬንተቤቼሃ ኑርሃን፤ ህካን እኮቤቼሃ ኑር እዜን ሄእኖ መነን ሄዕዩ። 9 መሰንትሰ ጡሙ ጠዉ ጉዕሙንኩ ፈይመለክ ህንቀ ላልቹ ደገመኖሁ ኑርቺት። 10 ህካን እኮቤቼሃ ቀርቼሃ ተሽ እእናሰ ጠዉ መሃጎሬ መረመርቲን ደጌ። 11 እዕኑ ህከ ላልቹ ኖበእ ቱንሰቹ ሆጉት 4ሽቲን ለሊሼ ቤሉ ህከን ሆጎን ሀዕላቀንቶኖቹ። 12 ቱንሰቹን ሄእ መኑ ማጥ አታ ጠዉ ጠዉኡ ሙልሲሰና። 13 ጉዕሙርቹንኩ ኑርቤቹ 4ላኖረ በራ እክ ለለኖ። 14 በራ እክ ለለኖ ጠዉ ጉዕሙንኩ ኑርሃን፤ ህካን እኮቤቼሃ «አት ኩ ግሳንቲህ በቅይ! ሬሆች አይ እክ ኬእ! መሲህ ኑር ለሊሰኖሄ» የመሞኡ። 15 ቴሱ ሆት እኬን ሄኤነንተጎሬ አጥራመቲን ሰሙይዬ፤ ሀይቸ መንጋት ቤሉ ገዋኖገ ሄእኖቹ። 16 ኩ ዘማኑ ሂለ እኮቤቼሃ ወክትክዕኔ ከልግን ቤሶኖቹ። 17 ህካን እኮቤቼሃ ቀርቻ ያደት መሃጎር ሰሙይዬ ቤሉ ገዋኑት እኮኖቹ። 18 ህትን ጠሊለ አያነን ዊሜ ቤሉ ሂለ ዋቃሃ መሰኖህዕኔቤቼሃ ወደን ጠጂን ሰከርቶኖቹ። 19 ህትን መዝሙራን ገለቲን አመዕናኑት ዘመርታ ሃለን ገገዊንከክዕኔ ጠወዕዬ፤ ገለቲንለክ መዝሙርን ዊመ ቀልቢንከክዕኔ ቀርቼ ገለትጭዬ፤ 20 ቀርቼሃኔ መሲህ ኢሰ ሱዕሚን ጉዕመ ጠዊንከ እነ መገኑ ጉዕመ ወክት ገለትጭዬ። 21 መሲህ ከበጂሃ ኖህዕኔ ዋጃቶች ኬዕየህኒን ገገዊንኩክዕኔ መት-መትክዕኔ ትዛዝ ቶጌ። 22 ምኒ አማኖ! ቀርቼሃ ኢሲሃ እዘዘንቲንተሀንገን ምኒክዕኔ እናኖት እዘዘሜ፤ 23 መሲህ አመዕናኖ ዱእ ምኒሃ ቡዕለ እኮጎን ምኒ እኑሁ ምንሰ አማተ ቡዕለሃን፤ ህትን መሲህ ጅሰመ እኮ መገን አመዕናኖ ዱእ ምኒሃ ጡሞሳንቹሃን። 24 አመዕናኖ ዱእ ምኒሃንኩ መሲህሃ እዘዘንታገን ህትን ምኒ አማኑት ምኒ እናኖተሰ ጉዕመ ጠዋንን እዘዘንቱን። 25 ምኒ እናኖ! መሲህ አመዕናኖ ዱእ ምኒ ኢቲገለክ ገዉሰ ህግሽ እሴገን እዕኑሁ ምኒክዕኔ አማኑት ኢትዬ፤ 26 መሲህ ህካን አዕየሁ አመዕናኖ ዱእ ምኒ ጠሊለተ አኦተ ሀሽት፤ ነጠ አዕየሴንኩ ላገሰ መሳን ዊን ኣንሸንት። 27 ከን ሃሌን ጡሩ ህከረገን ሚንተ ኡሱሩ ህከረገን ካን አጉደኖ ደገሙዕነ ጠሊለተ፤ ኩሊኖርቹ ኖበእቲለክ ምልካምተ አዕይ ገይሰቤቹ ሆንጠህሰና። 28 ህትን ምኒ እናከት ገይሰ ጅሰመ ኢትታህንገ ምንሰ አማኑት ኢቲ ሀሰሰናሰ፤ ምንሰ አመተ ኢተኖሁ ገዉሰ ኢተኖ። 29 ገይሰ ጅሰመ ግበኖህ አዪሁ ኖበእ፤ ህከን ወጥ መሲህ መገን አመዕናኖ ዱእ ምኒ እእኖ ሃለን ገዉሰ እትሰኖ፤ አገረኖሁ። 30 ነኡ መሲህ ጅሰምሃ ብልልት፤ 31 «ከን መሳን መኑ እነሰለክ አመሰ አጉር ምንሰ አማን ሜጡ አሀኖ፤ ለሙንኩሰ መቱ ጅሰመ አካእ» የመሞኡ። 32 ኩ ምስጥሩ ሎረሃን፤ ካን ያሚሁ መሲህተኔሃለክ መገኑ አመዕንቶ ዱእ ምኒ ምሳልተ አዕዪት። 33 ጠዉ እኮጎሬ ኩ ጠዉ ክዕኔንተ ለእኖ፤ ህካን እኮቤቼሃ ምኒ እኑ ምንሰ አማተ ገይሰገ አዕይ ኢቱን፤ ምኒ አመት ምንሰኔ እነ ኬዕምሱን።

6 ኦሶ! ሀሰሰኖ ጠወ እኮቤቼሃ ቀርቼን እናኖተክዕኔለክ አማኖተክዕኔ እዘዘሜ። 2 «ህትን እነክለክ አመክ ኬዕምሰ» የኖ ትዛዙ ተብሴ ላገት ኖሰ ዋኔሃ ትዛዝ፤ 3 ካን አቶንትጎሬ «ጉዕሙ ጠዉንኩ ጡመ አሀኖሄ፤ ከን ኣዱንያ አሌኒ ኡሙሩክ ዱንከኖ» ይታእታን። 4 እዕኑ እናከትለክ

አማኑት! ቀርቼ ኢሲን ጡመ ዋቃሃ ተማርሰቲን፤ ሸዜንገለክ ሻቄን ነሰዬሰ ቤሉ እለክዕኔ ኡሙርሲሶኖቹ። 5 እዕኑ ርሰት! ዱንየ አል ቀርቻኑት እኮህዕኔህኑኡተ ዋጃንገለክ ሁጢን እዘዘሜ፤ መሲህ ካደንቲንተ ሃለን ጡመ ቀልቢን እዘዘሜሰ። 6 እዘዘንቲንታሁ መገን ሰሙት ቀልቢች አታ መሲህ አሳበገ እኬኒት ቤሉ መነ መንደእሰሲሃ ይቲን ለልጪሃ አሁንከ። 7 መነ አሁዕነ ቀርቼ ካደንቲንተገ አቲን ጡመ ቀልቢን ካደሜ። 8 ርሰ እኮ ሰዋልድቹ ገግዉሰ አቶ ጡመ ሆጎን ቀርቼች ዋጋ ቶጋኢሃ አሁሰ ደኒንተ። 9 ህትን ቀርቻኑት! መን ሚንተ ለዕይ ጎልበ ክዕኔለክ እሰ ቀርቼ ሰማን ሄኡሰ ሰሙይቲን ዋጅሲሱክዕኔ አጉርቲን ሮሳተክዕኔ ጡመ አዕዬ። 10 ቀርቻንገለክ እሰ ሎረ ዋልቃን ጠረኝዬ፤ 11 ሻይጣን ሂለ ሆጉት ግቡኖተ አታልቲንተ መገኑ እሰኖህዕኔ በገዝ ኦዳት ጉዕመንከ ኦደዕዬ። 12 ኒ ኦሉ መኒን አሁዕነ ከን ኣዱንያ አሌን አታ ገሻኖ፤ ሹማን፤ ከን ኣዱንያ አል ዋልቃንገለክ ኡላቶ አሌን ሄእ አያኒ ዋታደርኒት። (aiōn g165) 13 ህካን እኮቤቼሃ ሂለ በር ባለጋር ዋልቀተ ፈንቀሽቶኖተ አታልቲንተለክ ጉዕመንከሰ ሹልቲን ጠረኝቲን ኡሪሃ አታልቶኖተ መገን በገዝ ኦዳት ጉዕመንከ ቆዕርዬ፤ 14 ቴሱ ሆንቱ ዝርገረ ረመዞንከክዕኔ ቆዕርቲን ወዘኖን ኦደኤኖ በገዝ ኦድኖገ ፈይመ በገዝ ኦዳት ኦደኤን፤ 15 ወገሬት እንጂሊ ዱዱብሲሃ ተቃጠቡክዕኔ ጫዕመገ ሎካንከክዕኔ ዋዕርቲን ኡርዬ። 16 ከኒች ጉዕሚቹን አበ ገረ ለበነገ ቡቡኖ እልብሰ በገዙ ጉዕመንከ አለችክዕኔ ከዕመ አታልቲንተ አመዕነቱ ጌሬንጌርገ አፈ። 17 ጡሙክዕኔ ብረት ቆሜገ ቡዕላንከክዕኔ ወዕርዬ፤ ህትን ጠሊለ አያነች ደገመኖ ሲፈ ሁኩንን መገን ላገተ አፈ። 18 ጉዕመ ወክት ጠሊለ አያነ አዋንቲን ዱእ አዕዬ፤ ከን ሃለን መገኑ መጠርሰ መኒሃ በቅ ይቲንገለክ ጠረኝቲን ዱእ አዕዬ። 19 እንጂል ምስጥር መለል ኩሎተ ጠወኣም ወክት ሀሰሳ ላገት ኣሰንታኤገ ኤሳሃ ዱእ አዕዬ። 20 ቴሁ ሰንሰለቲን ኡሱረም ከን እንጂሊሃ ኣሳቤቹሃን፤ ህካን እኮቤቼሃ ሀሰሰኖገ መለል ጠወኡተ ዱእ አዕዬ። 21 ኢተም አመኔቤቲለክ ቀርቻ ሆጎን አመዕነም ካድንቹ ቲከቆሰ አን ሆት የም ጎሬ መ ኣእም ጎሬ ጉዕመርቹንከ ኩሊኖህዕኔ። 22 ህካን እኮቤቼሃ ነኡ ሆት እንኩምጎር ደጎኖተለክ ክዕኔት ጠረኝሶህዕኔት ይ እሱ ክዕኔቤቹ ሶኩም። 23 እነ መገንገለክ ቀርቼሃ መሲህ ኢሰን ወገሬቲለክ ኢትት አመዕነቲን ሜጡብ አመ ኦሶት አሁን። 24 ሙርቲእበ ኢታን ቀርቼኔ መሲህ ኢሰ ኢትታህኑኡተ ጉዕሚንከ ኣሳቲት እኩንሰ።

ፍልጽሰዩስ

1 ኩ ሶህኑት መሲህ ኢስ ካዲመተ እኮ ጳውሎሴችለክ ጥማቶሴች ሶህንቶለት ሶህኑ፤ ሶሃሞንኩ «ፍልጽሰዩስ» ዬኖ ከተማን ሄኣ አመዕናኖ ጭምት አምንሳኖሃ፡ ድምቆናከተለክ መሲህ ኢሳን አመዕንት ጠለላት አኮሁኑኣሃ ጉዕሚንካት። **2** አናኔ መገኒቺ ቀርቼሃኔ መሲህ ኢሰች አስቱትለክ ወገሬቱ ክዕኔሃ እሆን። **3** እን ክዕኔተ ቃጋም ወክት ጉዕመንከ መገኑኤ ገለትጫሚት። **4** እን ክዕኔተኔሃ ዱኣ እኣም ወክት ጉዕመንከ መንዲኖን ዱኣ እኣሚት። **5** ወዕኔ በሬች ጀመር ከበሬ ኢላ ተሸት ላገተ ኢን ሜጡብ እኩኔን ኦቴንተቤቺሃ መገኑ ገለትጫም። **6** ከ ጡመ ሆጉተ ክዕኔን ኦኦተ ጀመር መገኑ መሲህ ኢስ አሚተኖ በር ሹሎተ ኢላ አገረኖን አመዕናም። **7** ቴሉ ኡሱር ምኒን ዮም ወክትለክ ኡሱርምችኤ ብርተ እንጂል ሀንቂሃ ከዕመቀሞተለክ እሱንከ ጠረኝሲሃ እኣም ወክት መገኑ ኣሰቶንከሰ ኣሴኤ ዕድሊን ጉዕመንኩክዕኔ ቤቀማትተ እኩንተቤቺሃ ኣዕኑ ጉዕመ ወክት ቀልቤንከኤ ዮንተ። ህካን እኮቤቺሃ ክዕኔተኔሃ ሞጮጪመኖኤሁ ሀንቀሃን። **8** መሲህ ኢስ ኢታን ጉዕመንከክዕኔ ሄንከ ሱናሚት ጎሬ መገኑ ደገና። **9** ኢተክዕኔ ኤንኬዕኑለክ ሀይመተ ሰውዬ ዊሞህ እክ ነጻን መረኖን ዱኣ እኣም። **10** እስን ጡመ ጠው አጥፊመቲን ደጎናተለክ መሲህ ፈንቀል አሜተኖ በር ነጣትተለክ መልሲሰኖ ጠው ዮሀዕኔበአረ እኩን ደገንቶናታት። **11** ህትን መሲህ ኢሰን ደገመኖ ፈይመ ላልቺን ዊንቲን መገኒሃ ኬዕምኝለክ ገለት ደግሲሴንታሃ እኩንተ። **12** አመኤ ኦሶ! ኢ እሌን ኢሌ ጠው ጉዕመንኩ እንጂሉ አበ አልባዕላኖን ኦኡስ ደጎናተ ሀሳም። **13** ህካን እኮቤቺሃ ኢን ኡሱረሞሚህ መሲህተኔሃ እሁስ ሮም ምም ምኒ ዘበኛትተለክ ዋሉ ህከኔ ዮ መኑ ጉዕመንኩ ደጋኤ። **14** ቀርቾን አመዕንቶ አመኦሶች ልግቡስ ኢ ኡሱረሞተኔሃ ቀርቾን አመዕንትን መገን ላገተ ዋዕኔች በትሰ ዋጅቱሰን መለልት ዱዱብሰታኤት። **15** እኮጎሬ መት-መቱ መኑ መሲህተኔሃ ዱዱብሰታኤሁ ኦቄሻንተለክ ዋሉስ ጠቂኒት፤ ጠው እኮጎሬ ዋሉስ መኑ መሲህተኔሃ ጡመ ቀልቢን ዱዱብሰታኤት። **16** እስ ተሸት ላገተ ፈየ ቀልቢን ዱዱብሰታኤሁ ኢታች ኬዕየህኒንት፤ መሰንትስ ኢን ኡሱረሞሚሁ ተሸት ላገተ ሀንቂን ሰበኮተ አጸማምን ደጋቤቺሃት። **17** ጠው እኮጎሬ ኦቄሻንለክ ጠቂን መሲህ ዱዱብሰታኤሁ ሀንቂን እሁዕን ገወሰ ኢቲንለክ ኡሱረሞኤ እሌን ዋልት ኦርሸተ በርግታኢሃ ኦጉጆሰቤቺሃት። **18** መሃ እኮጎሬ ሀካንስ እኮጎሬ ጉዕመንከ ዋቂን አመሰሊን እኮ ሀንቂን እኮ አቃ መሲህተኔሃ ዱዱብሰመኖቤቺሃ መንደኣም። **19** ከኒች ኤተሪሃ መንደኣም፤ መሰንትስ ክዕኔ ዱኢንለክ መሲህ ኢስ ጠለላ ኣያኒ ሀዕላንሽን ዮኤ ኦርሻች ፋላምን ደጎምቤቺሃት። **20** ህካን እኮቤቺሃ መጠቂ መላምበአገ ዊሙ ሃሸኣቱትለክ ተብሶሁ ዮኤ፤ ጠው እኮጎሬ ጉዕመ ወክት እኣምሀንገን ቴሁ ሄዕዮምጎሬ ህከረንገ ሬዮምጎሬ መሲህ ዊመ ጅሰምኤ እሌን ሎረ እሆኖን ዊሙ መለሉ ዮኤ። **21** ህካን እኮቤቺሃ ኢ ሄኡ መሲሂን ሄኡሃን፤ ሬሁተ እኮጎሬ ኤሳሃ ደግለለኖኤሃን። **22** ጠው እኮጎሬ ፎሊን ሄዕዮምጎሬ ላልቺ ዮስ ሆጉተ ቀርቼሃ ኦኦተ አታላም፤ እኮጎሬ ሬሆችለክ ሄኤች ሀካንስ

መጠሬም ጎር ደጎምበኤ። **23** ከን ላሞ ጠዋን ቀልቡኤ ላሙ ቤቹ እኮኤ፤ እስን መቶ ኣዲን ከን ሄኤች ኣደ እክ መሲህን እሆተ ሀሳም፤ መሰንትስ ሁኩን ጉዕመርቺቹን በተኣኖሃ እኮቤቺሃት። **24** ጠው እኮጎሬ ኢን ሬሁዕን ፎሊን ሄዕዮምጎሬ ክዕኔሃ በትሽ ጡመሃን። **25** እን ከ ጠው አመዕንዮም፤ ሁኩንን መንዲኑክዕኔለክ አመዕነቱክዕኔ ነጻኖን ሬሁዕን ፎሊን ሄኣምን ደጎም። **26** ህካን እኮቤቺሃ ኢን ክዕኔኤን ለንኪሃ ደቀሞምጎር ኢ መሳን መሲህ ኢሳን ዮሀዕኔ ቦኑ አበ እሆኖ። **27** ጉዕሚቹን በትሴን መሲህ እንጅሊሃ ሀሰሰኖን ሄዕዮ፤ አሜች ለዕዮንክዕኔጎሬ ህከረንገ ክዕኔች ቁዕር ክዕኔተኔሃ ሞጮጪምጎሬ መቶ ቀልቢን እንጂል አመዕነትተኔሃ ሜጡብ እኩን አጸንቲንተገ ደጋም። **28** ክዕኔተ ግባሀዕኔረ መጠቂ ዋጅቶኖቹ፤ ኩንን ኣሳሃ በእስተ መላ፤ ጠው እኮጎሬ ክዕኔሃ ጡምተ መላ፤ ሁኩንን መገን ኣዲቺት። **29** መሰንትስ መሲህን አመዕንቶኖተ ጠለዕል እሁዕን አስተኔሃ ኦርሸተ ቶንናተ ኩን ኣሰሞሀዕኤ። **30** ህካን እኮቤቺሃ ኣዕኑ ከኒች ብርተ አጸንሽኤ ለኤንታኤ፤ ቴሁ ኢ አጸንሽ ለኤንታት፤ ኣዕኑሁ ህትናሙ አጸንሽ አጸንቲንተ።

2 መሲህን እኩንተቤቺሃ መት-መቱክዕኔ ሸዜንገ ጠረኝቲንታኤ፤ ህትን እስ ኢታን ጠረኝጪቀንቲንተ፤ ህትን ጠለላ ኣያኒን ሜጡ እኩንታኤ፤ ህትን መት-መቲሃክዕኔ ጡምመትለክ ጎደብ ላፍመተ ለሊሴንታች። **2** ህካን ሰውቲን፤ ኢታንለክ ቀልብን መርሰጭቲን ሜጡ እኩን መንዲሲሸኤ። **3** ገወ ኢቲን ህከረንገ ቦኒን መቱርቺ አቶኖቹ፤ ጠው እኮጎሬ ዋሉ መኑ ክዕኔች ቆሀኖን ገወ ሆፍሲን ዋላዕዮ፤ **4** ህትን ገገወክዕኔ ዋሉ መን መኩተ ሆሼ ቤሉ ገይክዕኔ መኩተ ጠለዕል ሀሰኖቹ። **5** ህትን ኩ መሲህ ኢሳን ዮ ሰውቱ ክዕኔ በላን ሄኡን። **6** እስ መገኑ እኮጎሬ መገኒን ቅጡ እኣኖ ሀል ኣፍ አገረተ ሀሸበኣ **7** ጠው እኮጎሬ ሮስ ደነ ኣፎ መነ እኮ ገውስ ኦነ ኣዕዮ። **8** ገወሰ ሆፍሸ ሬሆተ ኢላ መስቀል ኣሌን ሰቀለም ሬሆተ ኢላ አዘዘም። **9** ህካን እኮቤቺሃ መገኑ ጉዕሚቹን ኣሌ ዋሽ ኬዕምኝ ቤቹን ኣዕዮስ፤ ጉዕመ ሱዕሚቹን ሎረ ሱዕመ ኣሴስ። **10** ህካን እኮቤቺሃ ኢስ ሱዕም ኬዕምኝተኔሃ ኡላን፤ ሰማንንለክ ኡላ ኣዜን ዮሩ ጉዕመንኩ ጉሉቤንከሰ ጉሉጽታኤ። **11** ህትን ኣረቤንከሰን «መሲህ ኢስ ቀርቼሃን» ይት መስከርት ኦነ መገኒሃ ኬዕምኝ ኣታኤ። **12** ህካን እኮቤቺሃ ኢ ጂላ፤ ጉዕመ ወክት አዘዘንቲንታኤገን ክዕኔቤቹን ሄዕዮም ወክት ጠለዕል እሁዕን በትሻን ቴሉ ክዕኔች ቁዕሬም ወክትሃ ጡመክዕኔ ለሊሳ ሆጉተ ዋጅንለክ ሁጢን ኣዕዮ። **13** መሰንትስ እስ ጡመ ሰውት ሀሰኖተለክ አቶናተ ክዕኔ ኣዜን ኣኣኖሁ መገኑሃን። **14** ጉዕመንከ ሆጉተ ኦቴነተ ወክት ቀንቀቶኖቹ፤ ህትን ጉዳኖቹ። **15** ህካን እኮቤቺሃ ኣዕኑ ከን ሂል ክልቀት በላን ሆፍኛለክ ህንቁኖሀዕኔርቺ ዮሀዕኔበኢሃ ነጣትተ መገን ኣሱተ እኩን ዱንደ አል መኒሃ ኑር እኩን ለሊሴንተ። **16** ኩን ኣሆኖንኩ ሄኡ ደገመኖ ላገተ ሙርቶኑዕናን ጠረኝሴን ኣፊኒት፤ ከን ሃሌን ደገዱኤ እኮ ሆጉኤ ተሰ እክ ፈቃጠኢቤቺሃ መሲህ ፈንቀል አሚተኖ ወክት ድክኣም ሄኣኖኤ ዩሃን። **17** ኣዕኑ መገኒሃ አመዕነቲን ሆንጠህሰንተ ክትምለክ ክድመ ኣሌን ኣኒሁ ዱንተኣኖ ክትምገ ሆንጠኩምጎሬ ክዕኔን

ጉዕሚንከክዕኔ ሜጡብ ተሽ የኖሎ። 18 ህትን አዕኑሁ ኢንን ሜጡብ ሙንደኤንነተ። 19 ቀርቼ ኢሰ ዩጎሬ ክዕኔተኔሃ ሞጭጭ ሙንደኤት ጠሞትዎሴ ደዕል ክዕኔቤቹ ሲሆተ ተብላሃ አእም። 20 ክዕኔተኔሃ ጡመ ቀልቢን ሰውየን ሻዘኖህ ጠሞትዎሲን የኢሁ አዩሁ የብእ። 21 ዋሉ ጉዕሙንኩ ገይሰ ጠው ቤሉ መሲህ ኢሰ ሆጎተ ሰውይቶበእ። 22 ጠው እኩጎሬ ጠሞትዎሰ ቤቱ አነሰ ካደመኖህንን ኢን ሜጡብ እክ አንጂሊ ካደሚንከሰለክ እመዕነንሽ መሰከርሲሱስ አዕኑሁ ደኔንነተ። 23 እ. ጠው መ ደረጀተ ኢሊኖ ጎሬ ለዕዮሚቶ ኤተሮን ጠሞትዎሴ ደዕል ክዕኔቤቹ ሲሆተ ተብላሃ አእም። 24 ህትን አን ገወንኩእ ደዕል ክዕኔቤቹ አሜቶተ አታላምን ቀርቼ ሀዕለኖኤን እመዕናም። 25 ህትን ኤሳሃ ሀሲሰኖኤርቼን ጉዕሚን ሀዕሎኤተ ሶኪነተ አመኤቤቱ ኤጻዳርዲቱሴ ክዕኔቤቹ ሲሁ ሀሲሰኖሃ አክ ደግሞ፤ እሰ ኢን ሜጡብ ኡሬ ዎታደርቼለክ ሆጎኤ ጃለ እክ አእን ዱንክዮሃን። 26 እሱ ክዕኔቤቹ ሶሃሚሁ ጉዕሚንከክዕኔ ለኦት ሱቕገለክ እሰ ጥዛሰ ሞጭጭቲንተቤቼሃ አበ ጨነቀሞኤ። 27 ሀንቅንከ እሰ አበ ጥቸኖ ሬሆተ ሆንጠኮ እቅ፤ ጠው እኩጎሬ መገኑ መረርሲጭ ፈይሾስ፤ ጠለዕል እሰ አሁዕነ ኤሳሃ መረርሲጭቤቼሃ ሻዘተ ሻዘ አሉን በርገመኖኤበእን አዕዮ። 28 ህካን እኮቤቼሃ አዕኑ እሱ ለንኪሃ ለኤን ሙንደኤተለክ ኢ ጨነቀሙ ቢሎተ አን እሱ ክዕኔቤቹ ደዕል ሲሆተ አበ ሀሾም። 29 ቴሱ ቀርቶ ሱዕሚን አመዕናንቹ እኮቤቼሃ አበ ሙንዲኖን ቶጌስ፤ ህትን አሰገን ዮ መነ ጉዕመንከ ከበጅዬሰ። 30 መሰንትሰ አዕኑ ግደኖን ሄኤን አቶኤተ አታልቲንበ ሀዕለንሽ እሰ ደግለሎኤተ መሲህ ሆጎተ ነብሳሰ ህግሽ ኢሲን ሬሆተ ኢለ አጸሞኤ።

3 አመኤ ኦሶ! ቀርቼን ሙንደዕዬ፤ አን ከኒች ብርተ ከተቦንክዕኔሃ ፈንቀሽ ከተቦንክዕኔ ጎሬሁ ሀፈተሰኖኤበእ፤ ሁኩንን ክዕኔተ አደጊች ጉዕሚቶን አገርህዕኔተ አታለኖ። 2 ወሽገ ንጃሰሳሁኑኤችለክ ሂለ ጠው አታሁኑኤች አገዕርዬ፤ ህትን ህለተ ሆጉተ አታሁኑኤችለክ ክዘብ ጡርከመሚቶ አገዕርዬ። 3 ነኤ መገን ጠሊሊ አያኒን ሰገንዳሞረላክ መሲህ ኢሲን ድከዕናምረ አንኮምቤቼሃ ሀንቁን ጡርከመመምረ፤ ጠው እኩጎሬ እሰ ህትናመተበእ። 4 ህትን አን ማሊን እኮ እቃ ድከአሚሁ ዮኤ፤ እዩሁ ማሊን ድከአኖህ ዮሲሃ አጉጃሰእቃ አን ድከአም ልግቡ ዋቆ ዮኤ። 5 አን አለምም ህዜትቅ በር ጡርከመመምዮ፤ ቢንያሜ ደቦች እኮም አስራኤላውቸሃን፤ ከኒች ኬዕየሀኒን ነጠ እኮም ዕብራውቸሃን፤ አይሁድ ሕገ አገዕሪን እኮ እቃ ፈርሳውቸሃን። 6 ሀይማኖትሃኤ ይ መሲህ ኢሳን አመዕነቶረ ሽሬምሃ እቅ፤ ህትን ሙስ ሕገ አገዕሪን ፈይተኔሃ እኮ እቃ ኩሌኖኤርቼ ዮኤበእ። 7 ጠው እኩጎሬ ከኒች ብርተ ኤሳሃ ደግለለኖኤ ዬሚሃ ጉዕመንከ መሲህተኔሃ ይ ተሰ ጠውገ አዕይ ዋለአንሰ። 8 ጠለዕል ህካን አሁዕነ ቀርቼኤ መሲህ ኢሰ ደጉ ዋሎርቼች ጉዕሚቶን በተአኖሃ እኮቤቼሃ ሁኩን ጉዕመንኩ ክሳርገ ዋለአንሰ፤ አሰተኔሃ ጉዕመርቼንከ አጉሮም፤ መሲሁ ደኦተ ጉዕመርቼንከ ቶሬመ ሁርገ ዋለአም። 9 አን ሕገ አገዕሪን ደኤም ገይኤሃ እኮ ፈይት ዮኤበእ፤ መሲህ አመዕነንለክ አሲን ሜጡብ እሂን ደገንታ ፈይት መገን በቼች አሜታ ፈይት ቴሱ ዮኤ። 10 አን መሲህ ደጎተለክ ሬሆች ኬእስ ዋልቀተ ደጎተ

ሀሳም፤ አን እሰ ኦርሸተ ቤቀሞተለክ ሬሆንከሰ እሱ አጉድተ ሄዕላታም። 11 ህትን ሬሆች ኬአምገ ተብላሃ አእም። 12 ህካን ጉዕመንከ ደእዮምበእ፤ ህከረንገ መገኑ ሀሰኖ ሃሊን ሆሮ አን ዊማበእ፤ ጠው እኩጎሬ መሲህ ኢሰ ኤሳሃ ገይሲሃ አዕዮኤቤቼሃ ሽልማት ደኦተ ብርተ ዋሽ ደጉዱ አጉራምበእ። 13 አመኤ ኦሶ! አን ህካን ገይኤሃ አዕዮምሀንገ ዋለአምበእ፤ ጠው እኩጎሬ መቱ ጠው አእም፤ ሁኩንን ኤተርንከኤ ዮኤሃ ሀበን ብሬንከኤ ዮኤሃ አፎተ ደጉዳም። 14 መገኑ መሲህ ኢሰ አዲን ገኤኤሁ ሰሜቶ ደኤም ዋገ ዘማን ጉዕሚንከ ሄኤ ደኦተ ኢሉ ሀሰሰኖኤቤቹ ሊሎተ ደጉዳም። 15 ቴሱ አመዕነቲን ጠረኝኖሞሩ ጉዕመንኩ ካን አጉድኖ ሰውቱ ሄኤት ሀሰሰኖ፤ አዕኑ አደ እኮ ሃሊን ሰውይቲንተ ጎሬ መገኑ በራሃ አዕይ ለሊሰኖህዕኔ። 16 ህካን እኮቤቼሃ ቴሱ ኢለ ደዕናም ሀንቅ ጠረኝንሰ አንፎ። 17 አመኤ ኦሶ! ኤሳሃ አጉዳንነተረ እኬ፤ ነኤ ዋልሀሰ ሞሳልተ አንኮምገን ህካን አጉደን ሄኤረ አጥራመቲን ለዕዬ። 18 መሰንትሰ ከኒች ብርተ ልግብ ወክት ኩሎምገን ቴሁ ኦኦን ኩሳንክዕኔ፤ ልግቡ ሙኑ ሄኤንከሰ መሲህ መስቀሊሃ ዲን እክ ሄኤን አእኖሰ። 19 አሳሃ ጎደቡሰ መገኑዋሰ፤ ሙልሲሰኖርቼ አሳሃ ኬዕምኝየሰ፤ ሰውቱሰ ዱንዮ አልዮ ጠው፤ እሰ ኤተሩሰ በኤሃ። 20 ጠው እኩጎሬ ኒ ባዱ ሰማሃን፤ ህከንቤቼች አሜተኖ ጡምሳንቼ ቀርቼኤ መሲህ ኢሰ አገርኖሚት። 21 እሰ ኒ ህከ ህንቀም ጅሰመኔ ዶር እሰ ኬዕምኝ ጅሰመ አጉድኖን አእኖ፤ ህካን አእኖሁ ጉዕመንኩሰ ገይሃሰ ጠገመኖን አእኖ ዋልቃንተሲት።

4 አመኤ ኦሶ! ኢታንክዕኔሁለክ ሱናንክዕኔሩ ሙንዲኤኤ እኬንተሩ ሆጎተኤ እክሊሊ እኬንተሩ ቴሱ ቀርቼን ጠረኝቲን ኡርዬ። 2 ኤዎድያለክ ሲንጠኪ ቀርቼን ሜጡ እኬን ሄኤተ ኡጫንክዕኔ። 3 አት አመዕነንቶንት ሆጎኤ ጃለ! ከ ሜንቱ ሀዕልቶተ ኡጫንኬ፤ መሰንትሰ ኩ ሜንቱ ቀለምንጦሲንለክ ሱዕሙሰ ሄኤ መጻፋን ከተበሞ ሆጎ ጃለን ሜጡብ አንጂሊ ላገተ ኢልሶተ ደግለልቶኤረ። 4 ጉዕመንከ ወክት ቀርቼን ተሽ የንክዕኔ፤ ቴሁ ያንክዕኔ ተሽ የንክዕኔ። 5 ጡምመክዕኔ ጉዕመንከ መንቤቾን ለልቶኤተ እኩን፤ ቀርቼንኩ አሜቶተ ሆንጠኮኤ። 6 ሀሰሰኖህዕኔርቼሃ ጉዕሚንከ ሹኩሩ ዊሞ ዱኢን መገኑ ኡጫዬ ቤሉ መቶርቼን ሻዘኖቼ። 7 መን ኤንኬዕኒች ጉዕሚቶ ሎረ እኮ መገን ወገሬቱ መሲህ ኢሳን ዮንተቤቼሃ ቀልብክዕኔለክ ሰውትክዕኔ አገርኖህዕኔ። 8 መጨረሻንን አመኤ ኦሶ! ቀልቡክዕኔ ከኒች ጉዕሚቶን በተአኖሃለክ ገለትጭሲሰኖ ጡመ ጠዊን ዊንቲንታረ እኬ፤ ሀንቅ እኮ ጠው ጉዕመንከ፤ ኬዕምች ዮ ጠው ጉዕመንከ፤ ሀቂቀተ እኮ ጠው ጉዕመንከ፤ ነጠ እኮ ጠው ጉዕመንከ፤ ኢቴኖ ጠውተኔሃ ጉዕሚንከለክ ሙንዲሲሰኖ ጠውተኔሃ ሰውይዬ። 9 ኢች ተማርቲንታሃለክ ቶንገንታሃ፤ ሞጭጭቲንታሃለክ ለኤንታሃ ጉዕመንከ አዕዬ፤ ወገሬት መገኑንኩ ክዕኔን ሜጡብ አሁኖ። 10 ጠው እኩጎሬ ልግብ ወክቲቹ ኤተሮን ኦርሸኤተኔሃ ሰውዩ ጀመርቲንተቤቼሃ ቀርቼን አበ ሙንደኤም፤ ወክት ደኤንታበእ ቤሉ ኢተኔሃ ሰውዩ አጉርቲንታበእ። 11 ህት ያም ወክት ሆፈዕዮኤርቼሃ ሻቸበእ፤ መሰንትሰ «ዮኤ ጌሱ ኤሳሃ አሁኖኤ» ዩ ተማርሞቤቼሃ ዮኤሀኒን ሙንደኤምሃን። 12 ህካን እኮቤቼሃ

ደኡለከ ደኡ ሆኑ ደጋም፤ ጉዕመንከ ጠዋን ጉዕመ ወክት ዱቢን እኮ ጎሪን ደእን እኮ ደኡ ሆግን «የኤሁ አህሩኤ» ዩ ሮሾም። **13** ዎልቀተ አሰኖኤ መሲሂን ጉዕመንከ አኦተ አታላም። **14** እኮገሬ አዕኑ ኦርሽኤ ቤቀማኑተ እኬን ጡመ ጠወ አቴንታኤ። **15** ፍልጽሱሳን የንተ መኑ! ወኔችን ኬሽ እንጂል ላገተ ተማርሰን መቄዶን ባዲች ፋሎም ወክት ክዕኔ ቤሉ ዎሉ አመዕናኑት ኣሲንለከ ቶጊን ኤሳሃ ሀዕሉ ሆኑሰ አዕኑ ገወክዕኔ ደጌነንተ። **16** ህትን ተሰሎንቄ ከተማን ሄዕዮም ወክት ሀሰሰኖኤርቹ ሶኬን ልግብ ወክት ሀዕልቴንታኤ። **17** እን ለኡ ሀሳሚሁ ከኒች ብርተ አቴንተሀኒች አበ ጡመ ሆኑት በርገንቶታት። **18** ኤሳሃ ሀሰሰኖለከ ሀሰሰኖሀኒች በትሽ እኮ ሽልማትክዕኔ ኤጳፍሮድቱ አንጋች ቶሳም፤ ሁኩ ክዕኔ ሽልማቱ ጡመ አንጀነተ ዊሞ ክትምገ መገኑ ሙንዲሲሰኖሃለከ መገኑ ቶገኖሃን። **19** ህካን እኮቤቺሃ ኢ መገኑ ዳንጉ ዮበእ ቀባጦችሰ መሲህ ኢሰ አዲን ሀሰሰኖሀዕኔ ጠወ ጉዕመንከ በትሽ ኣሶህዕኔ። **20** አናኔ መገኒሃ ዘላለሚሃ ኬዕምኙ እሁንሰ፤ አሚዕን። (ai፬n g165) **21** መሲህ ኢሳን አመዕንቶ መኒሃ ጉዕሚንከ ወገሬት ኢልሼ፤ ኢን ሜጡበ ዮ አመኤ ኦሱት «ወገሬቴ» ይታህዕኔት። **22** ዎሉ አመዕናኑት ጉዕሙንኩ አደንከ ሮም ዎም ምኔን ካደንታ አመዕናኑንት «ወገሬቴ» ይታህዕኔት። **23** ቀርቾ መሲህ ኢሰ ኣሰቱት ጉዕሚንከክዕኔ ሜጡበ እኩን፤ አሚዕን።

ቆላስያስ

1 መገን ሀሰሻን መስህ ኢሲ አሳቤቹ እኩም ጳውሎስንና አመኔቤቲች ጠሞትዎሴኝ ሶህንቶአት ሶህኑ። **2** ቁላስያሳን ሄኢሁኑ መስሂን ጠሊልቶ አመሳንንቶ አመሳናተ መገኒች አኒችኔ አስቱትለከ ወገሬቱ አህንክዕኔ። **3** ክዕኔሃ ዱኣ አዕናም ወክት ቀርቼኝ መስህ ኢሲ እነ መገኑ ጉዕመ ወክት ገለትጭናሰኑ። **4** መስህ ኢሳን የሀሰዕኔ አመሳነቱለከ አመሳናተ ጉዕሚንከ የሀሰዕኔ ኢተተ ሞጮጭኖም። **5** ሀሰቱ ላገተ አኩ እንጂሊ ሄጭ ክዕኔቤቹ ኢሊ ወክት እሲን የ ተብሳሃ ሞጮጭቲንታኣ፤ ሀሳን አኩቤቹሃ አመሳነቱክዕኔለከ ኢተክዕኔ እጃረንቶኢሁ ሰማን ተቃጠብ አገረኖ ህከን ተብሴ አሌኒት። **6** አዕኑ እንጂሊ ሞጮጭቲንታኣለከ መገን አስቶ ሀሰቱ ደገነተ በር ጀመር ኩ እንጂሊ ክዕኔ በላን እኩሀንገን ኣዱንያ አሌን ጉዕማንን አቶት አሌንትለከ ነጻ አሌኒት። **7** ሀሳንን ክዕኔተኔሃ መስህ አመሳነሞ ካዲንቹ እኩሃለከ ነን ሜጡብ እኣኖ ኢተሞ ኤጽፋራ ኩሎሀሰኔ። **8** ህትን እሰ መገን እያኒን ገገወክዕኔ ኢተቀመክዕኔ ኩሎኔ። **9** ሀሳን እኩቤቹሃ ከ ጠወ ሞጮጭኖም በሬች ጀመር አዕኑ ሀይመተለከ ሰውት ጉዕመንከ መገን ሰውት ደገነንተ ዊሙ ደጉ ሄኢሀሰዕኔት ክዕኔሃ ዱኣ እኩሊከ መገኑ ኡጩ ኡጉርኖምበኡ። **10** ህትን ቀርቼሃ ሀሰሰኖን ሄኢንገለከ ጉዕማንከ ጠዋን እሱ ሙንዲሲሴንገ ጡመ ሆንን አቶት አቶቲን መገኑ ደገን ነጽቶኖተ ዱኣ አዕናም። **11** አታዕሊን ጉዕመንከ ጠወ አታሊሃ ተቃጠቤንተረ እኩኖተ ቀርቼ ሎረ ዋልቃን ጠረኝመሰ ጉዕመንከ ኣሳንክዕኔ። **12** ህትን ኑር ዋምነት ኣዜን ጠሊሊኖን ሜጡብ ርሰተ ቤቀነቲንተገ አበቀዕኖህዕኔ መገኑ እነ ሙንዲኖን ገለትጭዬሰ። **13** እሰ ቲንሰች ዋልቃች ጡምሽኔ ኢተሞ ቤትሰ ዋምነቲን ኣንጋምገ አዕኖኔ። **14** እሲን ዋዘም ጨብኔ ማርቲተ ደኣኖም። **15** ቤቱሰ ለልበ መገን ሀሰቱተ ሞሳል፤ እሲን ክልቀቲች ጉዕሚችን ሀንገፈሃን። **16** መሰንትሰ ሰማንገለከ ኡላን የኣሩ ጉዕሙንኩ ለሊኖሀለከ ለሊኖበኢሁ ዋልቃመትለከ ገሽታኣሩ ሀለቀትለከ ሹመት ጉዕሙንኩ ከለቀንቶኢሁ እሰ ኣዲንት፤ ጉዕሙርቼንኩ እሰ ኣዲን እሲንከ ከለቀሞኡ። **17** እሲን ጉዕመርቼች ብርንተ ሄዕኖ፤ ጉዕሙርቼንኩ አጻቀሞ ኡሬኢሁ አሲንት። **18** እሲን ገይሰ ጅሰመ እኩ መገን አመሳናኖ ዱኣ ምኒሃ ቡዕላሃን፤ እሰ ጉዕመ ጠዊሃ ብሬቲ፤ ጉዕመ ጠዋንን ዋኔሃ አሆተ ሬሆች ኬኣንከሰ ዋዕኔሃን። **19** እኑ መገኑ ቤትሰ ኣዜን መገኑ ዊመ ዊሚን ሄኣኖገ እትኖኡ። **20** መሰቀል አሌን ዱንተዕኖ ቂገንከሰ ወገሬት እኣን ኡላን እኩ ሰማን የ ጠወ ጉዕመንከ እሰ ኣዲን እሲን ሀራርሴለ። **21** ሰውቲንከክዕኔለከ ሂለ ሆንንተክዕኔ ባለጋረ ኣከን መገኒች ቂዕርቲን ሄኢንገተ እቅ። **22** ቲሱ እኩገሬ ሆኖኻለከ ቀነጤኖህዕኔርቼ የሀሰዕኔበኣረ ጠሊላኑተ አዕይ እሰ ብሬን ሆንጠህሶህዕኔተ መስህ ጅሰምሰ ሬሆ ኣዲን ሀራርሴህዕኔ። **23** አመሳነቲንከክዕኔ እጃረንቲን ጠጸ ገቲን ኡራን ሞጮጭቲንተ እንጅሊን ተብሴኝ ሊንቅቶቶሰናን ጠረኝቲን ሄዕዬ። አዕኑ ሞጮጭቲንታሁለከ ሰሜኝ ዋርን የ ክልቀቲሃ ጉዕሚንከ ዱዱብሰሞ እንጂሊ ከኒት፤ እን ጳውሎስ ከ እንጂሊሃ ካዲንቹ እኩም። **24** ቲሁ

ክዕኔተኔሃ ቶጎም ኦርሻን ሙንደኣም፤ መስህ ጅሰመሰ እኩ መገን አመሳናኖ ዱኣ ምኒሃ ኣኤ ኦርሻች ሆፈኣኖሃ ማሳንከኤ ዊንሻም። **25** መገን ላጋች መቱርቹሃ ፌሱዕናን ክዕኔሃ ኩሎተ መገኒች ኣሰሞኤ ኤጋን መገን አመሳናኖ ዱኣ ምኒሃ ካዲንቹ እኩም። **26** ኩ ላገት ልግቤ ዘመሂሃ ክልቀቲሃ ጉዕሚንከ ለሉዕናን ሞሰሞር እከ ሄዕኖ እቅ፤ ቲሁ እኩገሬ መገኑ አመሳንታ መኒሃ ጉዕሚንከ ለልሾኡ። (aion g165) **27** መገኑ ከ ሞሰሞር ኣሳሃ ለሊሾሰ፤ ሁኩንን ኣይሁደ አህበ መን በላን አበተ ቀባጡ፤ ካን ዩ መስህ ክዕኔ ኣዜን ሄኣሳን እሰን ኬዕምኚሃ ተብሳሃ። **28** ነኡ መስህ አዋጅኖም፤ መኑ ጉዕሙንኩ ጉዕመንከ መነ መስሂን አመሳነቲንከሰ ጠረኝ አዕን ሆንጠህንሶተ ሀይመተ ጉዕመንከ ተማርሰን ሽንዛም። **29** እሰ ሎረ ዋልቃን ኣዜንከኤ እኣኖቤቹሃ ህከን ዋልቃን እጸመን ቆንዶዳም።

2 ክዕኔተኔሃ ሎዶቅ ከተማን የ መንተኔሃለከ ህትን አልኤ ለኣ ደጋበኢ መንተኔሃ ጉዕሚንከ ሄንከ እጸማምኅር ደኅኖተ ሀሳም። **2** እጸማሚሁ ቀልቡሰ ጠረኝሃን ኢታን ሜጡብ እከ ዊመ ቀልብ ደኣት መገን ሞሰሞር እኩ መስህ ደጋገት። **3** ሀይመለከ ኤንኬዕን ቀባጡት ማጠንት የኢሁ መስህ ቤቸንት። **4** ካን ያሚሁ እዩሁ ጡመ ላጋን ጠወኣን ጣንሰኖህዕኔበኣረ ይዩት። **5** ማሊን ክዕኔች ቂዕርኖም እቃ ሰውቲን ክዕኔን ሜጡብ የምቤቹሃ ጡመ ሴራን ሄኡንከክዕኔለከ መስህን የሀሰዕኔ አመሳነት ጠረኝመተ ለዕይ ተሽ ይኖኡ። **6** ቲሱ ቀርቼ መስህ ኢሳን አመሳንቲንተገን እሲን ሜጡ ኣከኔ ሄዕዬ። **7** እሳን ጠጸ ኣቲንገለከ እጃረንቲን ተማርቲንተ ሃሊን አመሳነቶንከክዕኔ ጠረኝቲን ሄዕዬ፤ ዊሞ ደፈፈ ገለት ሆንጠህሼ። **8** መስህ አሌን አሁዕነ መን ርሲንገለከ ከን ኣዱንያ አሌን እጃረሞ ሴራንገለከ ተሰ ጣንሲን እዩሁ ኦገ መሰኖህዕኔበኣረ ኣገዕርዬ። **9** መገን ጉዕመ ዊሞመት ጅሰማን ለልት ሄኣኢሁ መስሂንት። **10** ህትን አዕኑ ዊመ ሄኡ ደዕቲንታሁ ክልቀት ጉዕም አሊን ገሽለከ ሹምነት ጉዕም አሌን ሎረ ገሻንቹ እኩ መስህ ኣዲኒት። **11** እሲን ሜጡ እህንከክዕኔ ጡርከመንቲንታኣ፤ ሁኩ ጡርከመንኩ ጨብኝ ጅሰመ ከሞተ መስሂን እኩሃ ጡርከመ ቤሉ መን ኣንጋን እኩበኣሃን። **12** ጠመቀንቲንተ ወክት መስሂን ሜጡብ ሞገንቲን ጠመቀሚንከክዕኔ መስህን ሬሆች ኬኣንታኣ፤ ሁኩንን መስህ ሬሆች ኬሾ መገን ዋልቃን አመሳንቲንተቤቹሃት። **13** አዕኑ ጨብ ኣኣንከክዕኔለከ ጨብክዕኔ ጅሰመ ጡርከመ ሆንንተክዕኔ ሬቲንታኣረ እቅ፤ ቲሱ እኩገሬ መገኑ ጨብክዕኔ ጉዕመንከ «ፈቅን» ይ መስሂን ሜጡብ ሄኢንገተገ አዕኖህዕኔ። **14** እሰ ህከ ከሰሰኔለከ ግብኔ ሄዕኖ ኤጭ ቤሱኔ ለልሶተ ከተበሞ ሕገ ሽንሼኣ፤ ሀሳንን መስህ ኢሰ መሰቀል አሌን ሰቀል ኒ አልች ከሞ። **15** ህትን ዋልቃመተለከ ዳኛኑተ መሰቀል ዋልቃን ቂል በንቻን ዘህሰን መኑ ጉዕሙንኩ ለኣኖሰገ አዕኖሰ። **16** ቲሱ እቸተኔሃ እኩ እቃ፡ ኣግተኔሃ እኩ እቃ፡ በዓል በሬተኔሃ እኩ እቃ፡ ኣገኑ ኣገኖ በርተኔሃ እኩ እቃ፡ አበ በሬተኔሃ እዩሁ ኣኣንከክዕኔ ፈረዱንከ። **17** ሁኩን ጉዕሙንኩ ኣሜቶተ የ ጠዊሃ ሀላሃን፤ እኩገሬ ሀንቁሰ ደገመኖህ መስሂንት። **18** ክዝቢን ገው ሆኖሲንገለከ መላይካተ ሰገዲን ድከኣኖ መቱ መንቹሁ ዋግቤሉ ፌሰኖህኔበኣረ ኣገርዕዬ፤ ህትኔ መንቹ ለኣኖ መናማን ጌሲች አበ ገውሰ

ቦን ጨብሰ ሰውቲን ተሳን ቦነኖ። 19 ቡዕላ እኮ መሲህን ህትናም መንቺን መቱርቼህ ደቀንኹ የብለክ፤ ጅስሙ ጉዕመንኩ ንገንለክ ቡንቺን ሜጡብ እክ መገኑ ነሰኖ ሃለን ነጽቶተ እቸተ ደእታኢሁ ቡዕላ አዲኒት። 20 መሲህን ሜጡብ ሬቲን ከን አዲንያ አል ምጊች ሹልቲን አደ እኬንታች ቲሱ አዲንያ አልች አደ እህብ መንገ ሚሃት ህትኔ ትዛዝሃ ጠገንቴንታት። 21 ትዛዙንኩ እፎት፥ ቀመሶትለክ አልቶት የኖሃን። 22 ከ ጉዕመንክ ጠወ ጠወአኢሁ ጥቅም አቶች ኤተሮን በእኖ ጠውታት፤ እሰን ሙኑ ፋሺሃ ትምርትሃለክ ትዛዝሃ ጠለዕላ። 23 ኩ ትዛዙንኩ ግላሰ ሀሰሻች ሰገደን፥ ገወ ሆፍሲንለክ ገይ ጅስመ ሚዕረን ህካን እኦተ እጸሚንከሰ ሀይመት የሰሃ አጉደኖ፤ ጠወ እኩገሬ ሁኩን ጅስም ሂላ ጠወ አገዕርሃ መቱርቼሃ ደግለለኖበእ።

3 ቲሱ መሲሂን ሜጡብ ሬሆች ኬኤንተቢቼሃ አሌ ሰማን መሲህ መገን መኬ አዲን አፋዕል የቤቸን የ፡ ጠወ ሀሺ። 2 አሌ ሰማን የ፡ ጠውተኔሃ ሰውይዬ ቤሉ አዲንያ አላን የ፡ ጠውተኔሃ ሰውይቶቹ። 3 መሰንትሰ አዕት ሬቲንተቢቼሃ ህትን ሄኡክዕኔ መሲሂን መገን አዜን ማጠሞኡ። 4 ሄኡክዕኔ እኮ መሲህ አሜተኖ በር አዕት እሲን ሜጡብ ኬዕምቺን ለልቴንተ። 5 ቲሱ ከን አዲንያ አሊች እኮ ማልክዕኔ ሄዕላቸተ ጉዕመንክ ሸዬ፤ ሁኩንን ዝነተ፥ አዝ ጎጃሰመተ፥ ማል ሂላ ሄዕላቸተለክ ሸርኬተ ሰገዱ እኮ ሄዕላቸታን። 6 ከን ጠው መሳን አዘዘምብ መን አላን መገን አሙዕርት አሜታኡ። 7 አዕት ገወክዕኔ ከኒች ብርተ ህከ ጠወ አቴን ሄኡንተረ እቅ። 8 ቲሁ እኩገሬ አሙዕርተ፥ ጉዳቱ፥ ሂልመተ፥ ቦርዕረንሽ ክዕኔች ከሜ፤ አፊች ፋለኖ ሙልሰኖ ጠወሁ አፊችክዕኔ ፋሊንከ። 9 መሰንትሰ ኑባጸ መንቺ ሆሳንተሰ ፋሽቲን ኡጅቲንታች መት-መትሃክዕኔ ክዘብ ጠወኦኖቹ። 10 ካልቅ ደን እኩዲሃ ኤንኬዕኒን ሃዕሮ እኮ መንቺ ኦደዕዬ። 11 ህከን ግርክለክ አይሁድ በላን ህከረንገ ጡርከመምለክ ጡርከመምብ መን በላን ህከረንገ ኤንኬዕኔሙለክ ገው በላን ህከረንገ ሰምልድቼ ህከረንገ ሮሰች በላን አደደመት የብእ፤ ጠወ እኩገሬ መሲህ ጉዕመ ጉዕሚኒት። 12 መገን መጠረንቴንተ ጠለላኩተ ኢተንቴንታኒረ ኤከንተቢቼሃ መረርሲጩ፥ ጎደብ ላፍመተ፥ ጡምመተ፥ ገው ሙግ እኡ፥ አታዕሉ ኦድኖግ ኦደዕዬ። 13 መት-መትክዕኔ ጠወ አታሌ፤ መቱክዕኔ መትክዕኔ አሌን ጎደብ አፊንተ ጉዳት የህዕኔጎሬ ፈቀን የቀሜ፤ ቀርቼ «ፈቀን» ዬገን አዕቲሁ «ፈቀን» ዩ ሀሰሰኖህዕኔ። 14 ከን ጠውችን አበ ጉዕመንክ ጠወ ጭምአዕይ አፈኖ ዊመ ሜጠመተ ደግሲሳ አተተ ኦደዕዬ። 15 መቱ ጅስመ እኬን ገእንቴንታሁ ወገሬቲሃ እኮቢቼሃ መሲህ ወገሬቱ ቀልብክዕኔ ሀላዕላን፤ ህትን ገለትጭቲንተረ እኬ። 16 መሲህ ላገት አዜንከክዕኔ ዊንት ሄኡኑ፤ መት-መቱክዕኔ ሀይማን መት-መቱክዕኔ ተማርሰዬ ህትን ሸጫቀሜ፤ መዘመራን፥ ዝክሪን፥ ጉዕመ መዘመራን መገኑ ቀልቢንከክዕኔ መዘመራን ገለትጭዬ። 17 እን መገኑ እሲን ገለትጭቲን ላጋን እኮ እቃ ሆሳን አቴንተ ጠወ ጉዕመንክ ቀርቾ ኢሰ ሱዕሚን አዕዬ። 18 ምኒ አማኖ! ቀርቾ ኢሲሃ ሀሰሰኖሃ እኮቢቼሃ ምኒክዕኔ እኒሃ አዘዘሜ። 19 ምኒ አናከ! ምኒክዕኔ አማኦተ አቲዬ፤ ጎደብ ጠረኝቶቹ። 20 እሱ! ኩን

ቀርቼ ሙንዲሲሰኖ እኮቢቼሃ ጉዕመርቸንን እናካተክዕኔለክ አማኖተክዕኔ አዘዘሜ። 21 እናከትለክ አማኦት! ተብሳ ሙርታበአገ ኦሱክዕኔ አሙዕርት ገዝ ገዝ ይታገ እቶኖቼሰ። 22 ሮሶመ ሴራን የንተሩ! መን ሙንዲሲሰሃለክ ለሊሃ እሁዕን ጡመ ቀልቢን ቀርቼ ዊጅቲን አዲንያ አል ቀርቻኖተ ጉዕመርቸንን አዘዘሜ። 23 አቴንተርቼ ጉዕመንክ መኒሃ እሁዕን መገኒሃ አቴንተህንገ አቴን ዊመ ቀልቢንከክዕኔ አዕዬ። 24 መገን ቢቺች ሊቄገ አእቴንተር ርሰቱ የገ ደኒንተ፤ ካደንቴንታንኩ ቀርቼ መሲሂት። 25 ሂላ አዕዮ መንቺ ሆሳሰ ወጥ ደአኖ፤ መገን እኒን ጎልትት የብእ።

4 ቀርቻኖ! ክዕኔሃ ሰማን ቀርቼ የህዕኔገ ደኒንተቢቼሃ ካደንታህዕኔረ ጡምማንለክ ቅጡ አቴን ገሸዬሰ። 2 ገለትጭቲን ጉዕመንክ ወክት ጠረኝቲን ዱኦ አዕዬ። 3 እን ኡሱረኝ እኮሚሁ መሲህ ሞሰሞር አዋጆተ መገኑ ላገሰ ኡሩተ ፈኖኔተ ኔሳሃ ዱኦ አዕዬ። 4 ህትን ጠወኡ ሀሰሰኖኤገ ላገሰ መኒሃ አጋገ ጠወኦተ ዱኦ አዕዬኡ። 5 አብሌ የ፡ መኒን ሜጡብ የህዕኔ ደቀንሺን ሀይማን ሄዕዬ፤ ደገሞ ገንባቲን ጉዕማን ደግለሸቀሜ። 6 መት-መቶ መኒሃ ህት አቴን መሰለ እሱ ሀሰሰኖህዕኔገ ደኖተ ጠወኡክዕኔ መጥኔገ ጤኤኖሃለክ ጉዕመ ወክት አሰቶን ዊሞሃ እሁን። 7 አተሞ አመ ቤቱለክ አመዕነሞ ካድንቼ ኢን ሜጡብ ቀርቻ ሆንተ አእኖ ቲቂቆስ ኢ ጠወ ጉዕመንክ ኩሉኖህዕኔ። 8 እሱሃ ክዕኔቢቼ ሶኮሚሁ ነኡ ሄዕናም ሀል ክዕኔሃ ኩሉተለክ ቀልብክዕኔ ጠረኝሳት። 9 እሲንን ሜጡብ ክዕኔ አዲሃ እኮ አመዕነሞለክ አተሞ አመኔቤቱ እርሲሞሰ አሜተኖ፤ እሰ ከኔ እኮ ጠወ ጉዕመንክ ኩልታህዕኔ። 10 ኢን ሜጡብ ኡሱረሞ አርሰሞርኩሰለክ ባርናባሴ ለንካመ ቤቱ ማርቆስ ወገሬቱ የኖህዕኔት፤ ማርቆስተኔንከ ቃግሾንክዕኔ ሶህኑት አልቶህዕኔ፤ ቲሱ ክዕኔቢቼ አሜቶ ወክት ቶጌሰ። 11 «እየሰጦሴ» ዬን ገሌኖ ኢያሱ «ወገሬቱ» የኖህዕኔት፤ መገን ምምንተኔሃ ኢን ሜጡብ አታ መን በላን አይሁደ እኮአሩ ጠለዕል ላሳት፤ ኤሳንከ ጠረኝሶኡ። 12 ክዕኔ አዲች እኮ መሲህ ኢሰ ካዲንቼ ኤጳፍራ ወገሬቱ የኖህዕኔት፤ እሰን ሆሮ ጠረኝቲን ዊመ ዊሚን ረጀ ይቲን መገን ሀሰሻን ጉዕማን ጠረኝቲን ኡርቶኖተ ጉዕመ ወክት ክዕኔተኔሃ ዱኢን እጸመኖት። 13 ለንኪሃ እሰ ክዕኔተኔሃ፥ ሎዶቅለክ ሂራፖሊስ ከተማን የ፡ መኒሃ ጠረኝ አእኖግ ገወኢ መሰከራም። 14 አተሞ ሀኪንቼ ሉቃሰለክ ህትን ዳማሲ «ወገሬቱ» ይታህዕኔት። 15 ሎዶቃን የ፡ አመኔ ኦሱተለክ ቲሁ ገምፋኒለክ ምኔንከሴ የ፡ መገን አመዕናኖ ዱኦ ሞናተ «ወገሬቱ» ይዬ። 16 ተ ደብዳቤተ አዕት እነበቤንታች ኤተሮን ሎዶቃን የ፡ መገን አመዕናኖ ዱኦ ሞን በላን እነበበመኖግ አዕዬ፤ አዕት ሎዶቂች ሶህንታህዕኔ ደብዳቤተ እነበቤ። 17 አርከጳሴንከ «ቀርቼች ቶንንት ክድመተ መጨረሻስ ኢላ ሹል» ይቲን ኩሉ። 18 ከ ወገሬት ገይኤ አንጋን ከተሞሚሁ እን ጳውሎስ፤ ኡሱር ምኔን የምገ ሰውይዬ፤ መገን አሰቱት ክዕኔኤን እኩን።

ዎኔ ተሰሎንቄ

1 እነ መገንለክ ቀርቾ መሲህ ኢሰፊ እኮሁኑት ተሰሎንቄን የ መገን አመድና ዱላ ምኒ መኒሃ ጳውሎሴች፤ ሲላሴችለክ ጠሞትዎሴች ሲሆንቶአት ሲሆኑ፤ አስቱትለክ ወገሬቱ ክዕኔሃ አሁን። **2** ነኤ ዱላ አዕናም ወክት ጉዕመንከ ክዕኔት ቃንገን ክዕኔተኔሃ መገኑ ገለትጭናም። **3** እናኔ መገን ብሬን አመዕነተን አቴንተ ሆኑት ኢታን ጠረኝቱን አኡክዕኔለክ ቀርቼኝኔ መሲህ ኢሳን የህዕኔ ተብሎክዕኔ ጠረኝመተ ጉዕመ ወክት ቃንገም። **4** መገንን ኢተንቴንተ አመኦሶ! መገኑ ደዕሬህዕኔገ ደንጋም። **5** ነኤ እንጂሊ ክዕኔቤቹ ኤንበሚህ ጠለዕል ላጋን አሁዕነ ወልቃንለክ ጠለሊ እያን እንጂሊ ሀንቅ አመዕነት፤ ህትን ክዕኔን ሜጡብ ሄዕናም ወክት ክዕኔተ ሀዕልናተ ሀት እንክ ሄዕናም ጎር አዕኑ ገውንኩክዕኔ ደንነተ። **6** ልግብ ኦርሽት አልቶህዕኔ ጎሬህ ጠለሊ እያንገ ደንገቶ መንዲናን ላገሰ ቶንገታክ፤ ኔሳለክ ቀርቼ አጉዳንታኡ። **7** ህካን አኮቤቼሃ አዕኑ መቄዶናንለክ አካይ ባዶን የ አመዕናተ ጉዕመንከ ጡመ ሞሳልተ አከኔተሰ። **8** ቀርቼ ላገት ክዕኔች 4ልት ሞጮጨንቶአሁ መቄዶንለክ አካይ ባዶን ጠለዕል አሁዕነ መገናን የህዕኔ አመዕነቱ ጉዕመ ቤችን ሞጮጨሞቤቼሃ ከን ጠዋሃ ነኤ መቱርቼሃ ጠወኡ ሀሰሰናበእ። **9** ክዕኔቤቹ አሜንቶም ወክት ጡመገ ቶንገንተገለክ አዕኑ ሸርክክዕኔ ገኝአቴን ሀንቅለክ ሄላኖ መገኑ ካደሚሃ ሀት አከን ፈንቀልቴንተ ጎር አሰ ገውንኩሰ ኩልታኡ። **10** ህትን መገኑ ሬሆች ኬሾሲሃ፤ አሜታ መገን ኡመዕሬች ጡምሰናሃ፤ ቤቱሰ ኢሰ ሰሜች አሜተናገ ሀት አከን አገርቴንተ ጎሬ ኩልታኡ።

2 አመኤ ኦሶ! ነኤ ክዕኔቤቹ አሜቱኔ ተሰ አሁ ሆኑሰ አዕኑ ገወክዕኔ ደንነተ። **2** አዕኑ ደንነተገን ከኒች ብርተ ፍልጽሱሰ ከተማን የም ወክት ኦርሸትለክ ቦርዕረንቼ ኢሌኔገ አዕኑ ገውንኩክዕኔ ደንነተ፤ ጠወ አኮጎሬ አበ ሀንበዕላንሺን መገን እንጂሊ ላገት ክዕኔሃ ጠወዕናተ መገኑኔ ጠረኝመተ አሳኖ። **3** ነኤ ክዕኔተ ሽንዞንክዕኔህ ሉጨንሺን ህከረንገ ሂሊ ያዶን ህከረንገ ጣንሰናህዕኔት ሀንሰበእ። **4** ጠወ አኮጎሬ መገኑ እንጂሊ ኤገተ ኔሳሃ አመዕን አሴቤቼሃ ቀልብኔ አጥራመች ደገኖ መገኑ መንዲሲሰ ቤሉ መን መንዲሲንሶተ ጠወዕናምበእ። **5** መቱ ወክትሃ ክከቢን ናንደን ህከረንገ ብር ጎራምመት ሄኡኔ ሆር አሜቱ ሆኑኔ አዕኑ ገወንኩክዕኔ ደንነተ፤ መገኑ ምስክርሃኔ። **6** ነኤ ክዕኔች አኮ ህከረንገ ዎሎ መኒች እጮችሁ ኬዕምኝ ሀንሶምበእ። **7** ነኤ መሲህ አሳበተ እንኩምገን ሀሰሰናሃ ክዕኔች ጠዕምናተ አታልናም እቅ፤ ጠወ አኮጎሬ አመት አለሴ አገርታሀንገን ክዕኔ በላን ጎደብ ላፍማን ሄዕናም። **8** ህትን አበ ኢትናንክዕኔቤቼሃ መገን እንጂሊ ክዕኔኤሃ ኩሉ ጠለሊ አሁዕነ ነብሳኔ ህግንሰ አሰናተ ተቃጠንቦም እቅ፤ አዕኑ ኔሳሃ ጤዕንሻመተኔ። **9** አመኤ ኦሶ! ሆኑኔለክ ሆንግኔ ደንነተ፤ ክዕኔሃ መገን እንጂሊ ጠወዕናንክዕኔ ወክት ክዕኔተ ኦርንሶህዕኔበእተ ሀንከዕርተለክ በራሃ አዕናም። **10** ክዕኔ አመዕናኖ በላን ሄዕናም ወክት ነኤ ሀትኔ ጠሊልማን፤ ፈያኑተለክ ቀነጤናቸኖ የበእረ እንክ ሄሊሃኔ አዕኑለክ መገኑ ምስክርሃን። **11** እኑ

አላተሰ አእኖሀንገን ነኤሁ ክዕኔሃ መት-መተሃክዕኔ አኡኔ ደንነተ። **12** ጉዕመ ወክት ሽንዞንለክ ጠረኝንሰን ጄንትሰለክ ኬዕምኝሰ ቤቀንቶናተ ገእህዕኔ መገኑ ተሽ የኖ ሃሊን ሄላናተ ኤገተ ይናንክዕኔገ ደንነተ። **13** ኒች መገን ላገተ ሞጮጭቱንተ ወክት መን ላገገ አሁዕነ መገን ላገገ አቴን ቶንገተቤቼሃ መገኑ ጉዕመ ወክት ገለትጭናም፤ ሁኩ ላገትን ሀንቅንከ መገንተ ላገ እቅ፤ እሴን አመዕንቴንተ ክዕኔ አዘን ቲሁ አታኢት። **14** አመኤ ኦሶ! አዕኑሁ መሲህ ኢሰ አዲን መገኑ አመዕኔ መን ጭምት ይሁድ ባዶን የእረ አጉዳንተረ አከኔታኡ፤ መሰንትሰ አሰ አይሁድ መኒች ኦርሸተ ቶንገን አዕኑሁ ገይክዕኔ እድ መኒች ኦርሸተ ቶንገታኡ። **15** አይሁድ መኑ ቀርቼ ኢሰለክ ነብያከተ ሽቶአራን፤ ኔሳሁ ሸርቶአራን፤ ህትን አሰ መገኑ ሻዝሳእረለክ መን ጉዕመንከ ግባእረ። **16** ህትን አይሁድ አሁቡ መኑ ጡምቶተ መገን ላገተ ኩልናምበእገ ከንታኔ፤ ከኒን ጨቢ ጨብ አሌን በርግተን መርታእረ አኮቤቼሃ ኤተር ገዳን መገን ኡመዕርተ አሰ አሊን አሜቶኡ። **17** አመኤ ኦሶ! ሰውቲን አሁዕነ ማእን አደ እንክ አልተ አሊን ለአቀሙዕነ ቀወ ጌሰ አገርናምቤቼሃ ለዕናህኔተ አበ ሄዕላንቶም። **18** ክዕኔቤቹ አሜንቶተ አበ ሀንሳም እቅ፤ አበንከ እን ጳውሎሰ ክዕኔቤቹ አሜቶተ ልግብ ወክት ሆሾም እቅ፤ ጠወ አኮጎሬ ሼይጣኑ ከም። **19** ቴሱ ተብሎክዕኔ መንዲኤኔ ህከረንገ ቀርቼኔ ኢሰ አሜቹ ወክት ብሬሰ ቦናም ድሉኔ እጮት? አዕናተበእንደ? **20** ኤ ሀንቅያን፤ ኬዕምኝኔለክ መንዲኤኔ አዕናት።

3 ከኒች ኤተርን አታዕሉ ሆንሳምቤቼሃ ነኤ ጠለዕል አቴን ከተማን ፈቄ ጡመ አጉጅ ለሌኔ። **2** ኒንን ሜጡብ መሲህ ኢሰ ተሽት ላገተ ኩሉኖ መገን ካዲንቼ አመኔቤቱ ጥማቶሰ ክዕኔተ ጠረኝሶህዕኔተለክ አመዕነቶንከክዕኔ ጠረኝቶናተ ሸዞህዕኔተ ሶንኩም። **3** ሁኩንን ኢልቶህዕኔ ኦርሻን ጠረኝቱን ኡርቴንተገ አሰናህዕኔ፤ መሰንትሰ ት ኦሪሸት ኔሳሃ መገኒች አኮሃ አሁሰ አዕኑ ገወንኩክዕኔ ደንነተ። **4** ክዕኔን ሜጡብ ሄዕናም ወክት ኦሪሸት ኢልታኔገ ሄጭን ኩልናንክዕኔገን ቲሁ ሁኩ ኦሪሸት ኢልቶኔ፤ ህካንን አዕኑ ደንነታኡ። **5** ህካን አኮቤቼሃ አታዕሉ ሆንሳምቤቼሃ አይደን ሻይጣንቼ ፊተንክዕኔ ቆንዶዱኔ ተሰ በዕየንዶ ይ ቀጅ አመዕነቱክዕኔ ደጎተ ጥማቶሴ ክዕኔቤቹ ሶኩም። **6** ጠወ አኮጎሬ ቴሱ ጥማቶሰ ክዕኔቤቹ ፈንቀል አመዕነትክዕኔተኔሃለክ ኢተክዕኔተኔሃ ነኤ ክዕኔተ ለዕናተ ሄዕላንቶምገን አዕኑሁ ኔሳሃ ለኦናተ ሄዕላቴንተገለክ ጡመ ጠወ ሰውይቱንተገ ክዕኔተኔሃ ተሽ የኖ ዱዱቡ ኩሎ። **7** አመኤ ኦሶ! አበ ኦርሸለክ ሽረም አዘን ሄዕናምጎራሁ አመዕነትክዕኔ መሳን ክዕኔን ጠረኝናም። **8** መሰንትሰ አዕኑ ቀርቼ ኢሳን ጠረኝቱን ኡርክዕኔ ኔሳሃ ጡመ ሄኢን ሄዕናምገ አእና። **9** ክዕኔ መሳን መገን ብሬን መንደዕናም መንዲናሃ መገኑ ሄንከ ገለትጭናም። **10** ክዕኔተ ለዕናህዕኔተለክ አመዕነቶንከክዕኔ ሆፈዕየሃ ዊንሸናተ ሀንከዕርተለክ በራሃ ጠረኝሰ ዱኢ አዕናም። **11** እነኔ እኮ መገኑኔለክ ቀርቼኔ ኢሰ ክዕኔቤቹ አሜንቶተ ዎቃኔ ብዝ አኡን። **12** ነኤ ክዕኔተ ኢትናምገን ገገውክዕኔ የህዕኔ ኢተትለክ ዎሎ መኒሃ የህዕኔ ኢታን ቀርቼ በትሶህዕኔ ነሶህዕኔ። **13** ቀርቼኔ ኢሰ

ጠላላኛን ጉዕሚን ሜጡብ አሜተኛ ወክት መገንጠል አን። ብሬን ኩሌኖርቹ የብሊሃለክ ጠላላት እኩን ደገንቶና ቀልብክዕኔ ጠረኝሳን።

4 መጨረሻን አመኤ አሳ! መገኑ ሙንዲሰሲሃ ሆኑ እኩን ሄኡ ሀሰሰኖህዕኔገሬ ኒች ተማርቴንታኦ፤ ቴሁ ህትን ሄኤነንታት፤ ቀርቼ እሰ ሱዕሚን ኡጭናንክዕኔሁለክ ሽንዛንክዕኔሁ ከኒች ብርተ አቴንተሀኒች በትሴን አቶናታት። **2** ቀርቼ እሰ ሱዕሚን ሆኑ ትዛዝ አሰኛንክዕኔገ ደጌነንተ። **3** መገኑ ሀሰኖሁ እዕኑ ጠላላት እኩናታትለክ ዝናች ቁዕርቶናታት። **4** ክሰኔች ጉዕሙንኩ ጎኑ ምንሰ አማን ጠላልማንለክ ኬዕምኝን ሄኡ ደገን። **5** መገኑ ደግብ አመትገ ማል ሄዕላቸት ጠቅቱንከሀዕኔ። **6** ከን ጠዋን አደሁ አመሰ ቤት አለን ሂለ ጠወ አኡንከ ህከረንገ ጣንሱንከ፤ ከኒች ብርተ ጠረኝሰ ኩልኖንክዕኔገለክ ሽንዛንክዕኔገን ህት አታ መነ ቀርቼ ቀጠኣኖሰ። **7** መሰንትሰ መገኑ ገኤኔሁ ጠላልማን ሄዕናታት ቤሉ ንጂሰ እኩ ጠወ እዕነን ሄዕናታብኡ። **8** ህካን እኮቤቹሃ ከ ሸዘነተ ግብኖሁ አደሁ መነ አሁዕነ ጠላላ አያን አሴኔ መገኑ ግብኖሃን። **9** ገጣክዕኔ አተቀንቶናት እዕኑ ገወክዕኔ መገኒች ተማርቴንታቤቹሃ አመዕናና አተትኔሃ አደሁ ክዕኤሄ ከተቦሀዕኔተ ሀሰሰኖበኡ። **10** መቄዶን ባዶን ሄኡ አመዕናኑተ ሀንቅንከ ኢትቴንታት፤ እኮጎሬ አመኤ አሳ! ቴሱ ሽዛንክዕኔሁ ዋዕኔች በትሴን እትቶናታት። **11** ከኒች ብርተ ኩልኖንክዕኔሁ አደቢን ሄኡታታ፤ ገይክዕኔ ጠወ አገርቶናታትለክ አንጋንተክዕኔ አቴን ገልቶናታት። **12** ህት አቴንተጎሬ አመዕንቡ መኑ ኬዕምሰኖህዕኔረለክ ቡዕለክዕኔ አታልቴን ገልቴንተረ እኩንተ። **13** አመኤ አሳ! ተብሶሁ የብኡ መገን ሻዜንተበኡገ ሀሳም፤ መሰንትሰ ሬኖ መንተኔሃ ሀንቅሰ ደጎኖተ ሀንሳም። **14** እሰ ሬኖገለክ ሬሆች ኬዕኖገ አመዕንኖም፤ ህካን እኮቤቹሃ እሳን አመዕንት ሬቶ መነ መገኑ እሲን ሜጡብ ኤብኖሰገ አመዕንኖም። **15** ቀርቼች ቶንጎም ላጋን ኩልኖንክዕኔ ቀርቼ አሜቶተ አለ ፎሊን ሄዕናም ነኡ ሬቶ መነ ሄጭናምበኡ። **16** ቀርቼ ገወንኩሰ ትዛዝ ሎረ ላጋን፤ መላይክ ሀለቅ ላጋንለክ መገን ጡሩምብ ላጋን ሰሜች አሜተኖ፤ መሲህ አመዕንት ሬቶአሩ ሄጭት ሬሆች ኬኣኡ። **17** ህከኒች ኤተሮን ነኡ ፎሊን ሄዕናምሩ እሳንን ሜጡብ ጎመ አሊን ጭምይን ቀርቼ እሲን ቡብር አሊን ደቀሞተ ኬዕናም፤ ህትን ጉዕመንከ ወክት ቀርቼን ሜጡብ ሄዕናም። **18** ህካን እኮቤቹሃ ገጣክዕኔ ህከን ላጋን ጠረኝጨቀሜ።

5 አመኤ አሳ! ኩ ጠወ እሀኖ ዘማንለክ ወክትትኔሃ መቱርቹሁ ከተበሞተ ሀሰሰኖበኡ። **2** መሰንትሰ ቀርቼ በሩ አሜተኖሁ ሞጋንቹ ሀንከዕርተ ድንገቴን አሜተኖህን አሜተኖሃ እሁሰ እዕኑ ገወንኩክዕኔ አጥራመቴን ደጌነንተ። **3** መኑ «ጉዕሙርቹንኩ ወገሬትዩለክ አደጉ የብኡ» ይተንን ኒጠናት ላፈ ሜንቱ አፋህንገን ህከ ወክት በኡ ድንገቴን አሜች አፈኖሰ፤ ፋሽኢንክ አታልታበኡ። **4** እኮጎሬ አመኤ አሳ! በሩሰ ሞጋንቹን እክ ድንገቴን ኢላኖህዕኔበኡገ እዕኑ ቱንሰቸንበኡ። **5** ጉዕሙንኩክዕኔ ኑርለክ በሬተ ኦሱ፤ ነኡ ሀንከዕሬ ህከረንገ ቱንሰቸንበኡ። **6** ህካን እኮቤቹሃ ነኡ በቅይን ገወኔ አገዕሪን ሄዕና ቤሉ ዋሎ መገን ግንሱንከ። **7** ግሳአሩ ሀንከዕሬን ግሳኢ፤

ሰከርታአሩ ሀንከዕርተ ሰከርታኡ። **8** ነኡ እኮጎሬ ኑር ኦሱተ እንኮምቤቹሃ አመዕነቱለክ አተተ ወዘናን ኦይኤኖ ብረት ኦድኖገ ኦይዕን ጡም ተብሳ ቡዕላን ዋዕሬኖ ቆሜገ ዋዕርን ገኡ አገዕሪን ሄዕና። **9** መገኑ ገኤኔሁ ኡመዕሬ እሁዕናን ቀርቹሃኔ መሲህ እሰ አዲን ጡሙ ደኣኖታት። **10** ፎሊን ሄዕናም ጎሬ ሬኖምጎሬ እሰን ሜጡብ ሄዕናተ መሲህ ኒተኔሃ ሬኖ። **11** ህካን እኮቤቹሃ ወዕና አቴንተገን መት-መቱክዕኔ ጠረኝጨቀንቴን ገጣክዕኔ ሀዕላቀሜ። **12** አመኤአሳ! ክዕኔ በላን ቀርቼን እክ ሆጎን ቆንዶድታረ ሀለቀክዕኔለክ ሽዛህዕኔረ ከበጅቶናተ ኡጭናንክዕኔ። **13** ሆጎሰተኔ ከበጅኤሰ፤ ኢትዬሰ፤ ህትን ገገዊንከክዕኔ ወገሬቴን ሄዕና። **14** አመኤ አሳ፤ «ሆጉተ ኢትትበረ ሻቄ፤ ዘፋራኑተ መለልታገ እዕዬ፤ ላፋኑተ ሀዕልዬ፤ መነ ጉዕመንከ አታዕልዬ» ደን ሽንዛንክዕኔ። **15** አደሁ ሂለ ኦዕኖሀኒሃ ሂለ አዕይ ፈንቀሽበገ አገዕሩን፤ ህከን ወጥ ጉዕመ ወክትንከ መት-መቱክዕኔ ጡሙ ጠወ አቶናተ ጠረኝዬ፤ ህትን ጉዕማንከ መኒሃ ጡሙ እዕዬ። **16** ጉዕመ ወክትንከ ሙንደዕዬ። **17** ኡርሶኑዕናን ዱኡ እዕዬ። **18** ጉዕመ ጠዋንን መገኑ ገለትጭዬ፤ መሰንትሰ መሲህ እሰ አዲን የህዕኔ ሄኤን መገኑ ክዕኔች ሀሰኖሁ ካኒት። **19** ጠላላ አያን ጊረተ ጠኢሶኖቹ። **20** ሬገ ህንቆኖቹ። **21** ጠው እኮጎሬ ጉዕመ ጠወ ፊተንቴን ደጌን ጡሙ ጠወሰ አፌ። **22** ሂለ ጠዋች ጉዕሚችን ሁኜ። **23** ወገሬት መገኑ ጉዕመ ጠዋንን ጠላላ እኡክዕኔ፤ አያኑክዕኔ፤ ፎላክዕኔለክ ጅሰሙክዕኔ ቀርቼኔ መሲህ እሰ ፈንቀል አሜተኖ በሬተ ቀነጤኖርቹ የብሊሃ አገረም ሄኡን። **24** ገኤኔሁ አመዕንሞሃ እኮቤቹሃ ካን አኣኖ። **25** አመኤ አሳ! ኔሳሃ ዱኡ እዕዬ። **26** አመዕናኑተ ጉዕመንከ አመዕናናተ አጉደኖ ተሽ የኖ ሃሊን ዝያዕረሜ። **27** ኩ ሶህኑት አመዕናናተ ጉዕሚንከ እነበበንቶተ ቀርቼ ሱዕሚን ኤገተ ያንክዕኔ።

28 ቀርቹሃኔ መሲህ እሰ እሰቴት ክዕኔን ሜጡብ እኩን።

ለንክ ተሰሎንቄ

1 ጳውሎስ፡ ሰላስ፡ ጥማቶስ እናኔ መገንለክ ቀርቾሃ መሲህ አሲረ እኮ ተሰሎንቄ ከተማን የንተ መገን አመዕናዮ ዱኦ ምናተ ሶንኩምተ ሶህ። **2** እና መገኒቸላክ ቀርቾሃ መሲህ ኢሲቾ አስቱትለክ ወገሬቱ ክዕኔሃ አሁን። **3** እመኤ ኦሶ! አመዕነቱክዕኔ ዎዕኔቾ በትሽ ነጻን አማቾቤቸሃ መት-መቱክዕኔ አተቀንቲንተ አተት በርግተን መርታቤቸሃ መገኑ ገለትጨ ሀሰሰናቤቸሃ ክዕኔ መሳን መገኑ ጉዕመ ወክትንክ ገለትጭናም። **4** ኢልቶሀዕኔ ኦርሸተለክ ሸረመ፡ አታዕሊን አመዕነቱንክክዕኔ ጠረኝቲን ኡርቲንተቤቸሃ ክዕኔነሃ መገን አመዕናዮ ጭምት ዱኦ ምናተ ጉዕማን ጠወኢሃ ሙልናምበኦ። **5** ኩ ጉዕመ-ንኩ ጠወ ለሊሰናሁ መገን ፍርዱ ሆንቅ አሁሰለክ አዕኑ ኦርሸተ ቶንቲተሲህ መገን ጃንቲነሃ አበቀኦሃሀዕኔሃ አኩቤቸሃ። **6** መገኑ ሆንቅ ፍርደ ፈረደናቤቸሃ ኦርሸተ ኤባሀዕኔሁኩ አሌን ፈንቀሽ ኦርሸተ ኤበና። **7** ቀርቼ አሲ ሎረ ወልቀት ዮሰ መላይካን ሜጡብ ሰሜቾ ገረ ለበናን አሜተኖ ወክት ቴሱ ኦርሸተ ቶንቲንተ ክዕኔሃ ኒንን ሜጡብ ፎሎጩ ኣሰናሀዕኔ። **8** መገኑ ደግጠረላክ ቀርቼሃኔ አሲ ተሸት ላጋተ አዘዘንትበረ ገረ ለበናን ቀጠእናሰ። **9** እሰ ቀርቼ ብሬቻለክ ኬዕምኝሰ ዎልቃቾ አደ አካን ዘላለሚሃ ቤሲን ቀጠእናሰ። (aiōnios g166) **10** እሰ ህከ ወክት ኬዕምኚንከሰ ፈንቀለኖ ወክት ኬዕምኝላክ ገለት ጉዕማንክ ጠላላኖ ኡመቲቻለክ አመዕንቶሁኡቾ ጉዕሚቾ ቶገና፤ አዕኑሁ አሲን ሜጡብ እኬነንተ፤ መሰንትሰ ምስክርነቱኔ አመዕነቲን ቶንቲታኦ። **11** ካን ሰው፡ ይነን ክዕኔነሃ ሙርኑዕን ዱኦ አዕናሚህ መገኑ ገኤኔህኒሃ በቀዕናምረ እኤህዕኔት ጡመ እኢሃ ዮሀዕኔ ሀሰሸተለክ አመዕነት ሆጉክዕኔ ጉዕመንክ ወልቃንተሰ እኤህዕኔታት። **12** ህትን ቀርቼኔ አሲ ሱዕሙ ክዕኔን ከበጀሞተለክ አዕኑሁ መገኑኤለክ ቀርቼሃኔ መሲህ አሲ ኣሰቶን እሶን ከበጀንቶናተ ዱኦ አዕናም።

2 እመኤ ኦሶ ቀርቼሃኔ መሲህ አሲ አሜትነሃለክ ነኡህ አሲን ሜጡብ እንክ ጭምድናምቤቸሃ ዱኦ አዕናሚህ ህካኒት። **2** ራጊን ህከረንገ ላጋን ጠወአሞሀን ህከረንገ ኒቾ ሶህጉተ አክ ከተበሞሀንገ እቲን «ቀርቼ በሩ አሜቻኡ» ዴን ደዕልቲን ቀልብክዕኔ ሆርጥቶኖቼ፤ ጨነቀንቶኖቼ። **3** እዬህ ህከን አዲን ሉሲሱንከህዕኔ፤ መሰንትሰ ሃጭ ለግት አሜቲዕን አዛብ ገረት በቀእሰ፤ እሰን ኤተር ለገኣንቼ አሜቶተ ኢላ ህከረንገ ሾኩ መንቹ እሰን በኦተ ዮኢህ ለሎተ ኢላ ሁኩ በሩ አሜተኖበኦ። **4** ሁኩ ሾኩ መንቹ ሸርክተ ዬን ሰገዴናሰሁኡቾ ጉዕሚቾ አሌን ገውሰ ሎረ አእና፤ ህትን «እን መገኑሃን» የንን መገን ጠሊላ ምኔን ፈቀሰን አፋዕሎተ መለላና። **5** ክዕኔን ሜጡብ ሃዕዮም ወክት ከ ጠወ ኩሎንክዕኔን ሰውይቲነንተበእንደ? **6** እሰን ወክቱሰ ኢልያን ለላኖሃ ኢላ ቴሱ ለሉ ከመኖሲህ መሃኅር አዕኑ ደንነንተ። **7** መሰንትሰ ሂላ ሆጉተ ማጥ አታኢት፤ ሁኩን ቴሱ ከሚሃ ዮ ሂላ ምስጥር ዎልቀት ቴሱ ሆን አሌኒት፤ ሁኩንን አህናሁ ዎቄቾ ሸቆተ ኢላት። **8** ህከኒቾ ኤተርን ሁኩ ሂላ መንቹ ለላኖ፤ እሰንክ ቀርቼ አሲ አፊቾሰ ፋላኖ ፎገሊንለክ አሜትሰ ኬዕምኚን ሸና። **9** ሁኩ ሂላ

መንቹ አሜተኖህ ሻይጣን ዎልቃን ሉሲሰና አጀብሲሰና ጠወለክ መላተ ገረምሲጩኖርቼ ጉዕመንክ አኢኒት። **10** ህትን በኣ መን ጣንሰታኢህ አኩሰ ሂላርቼ አኢኒት፤ ሁኩ መኑ በኣኢህ ጡምቶተ አበቀኦሰ ሆንቅ ኢተተ ቶጉ ግባቤቸሃ። **11** ህካን አኩቤቸሃ ክከቢን አመዕንቶተ መገኑ ሎረ ሉሲሳ ወልቀተ ሶህናሰ። **12** ሁኩን አህናሁ ሆንቁን አመዕኑ ግብ ጩብ አሊን መንደላሁኡ አሊን ፈረደሞታት። **13** ቀርቼን ኢተንቲንተ አመኤ ኦሶ! አኩጎሬ ነኡ ክዕኔ መሳን መገኑ ጉዕመ ወክት ገለት ኣሱ ሀሰሰና፤ ገለት አሰናሚህ ክዕኔት ጠሊላ እያን፤ ጠሊልቲንተቤቸሃ ሆንቅ አመዕናንክክዕኔ ጡምቶናተ መገኑ ሃጭ ዶዕሪሀዕኔቤቸሃ። **14** ነኡ ኩልናንክዕኔ ተሸት ላገ አዲን ቀርቼሃኔ መሲህ አሲ ኬዕምኝ ደኦቶናተ መገኑ ገኤሀዕኔሁ ከኒሃት። **15** እመኤ ኦሶ! ህካን አኩቤቸሃ ቴሱ ጠረኝቲን ኡርዬ፤ አፊቾኔ ፋልቶ ላጋን ህከረንገ ሶህናን ተማርሰናንክዕኔ ሆንቅ ትምርት ሆሮቼ። **16** ቀርቼኔ መሲህ አሲ ገውሰለክ መገኑ እኩኔ ኢቴሁኦ ኣሰቶንከሰ ዘላለሚሃ እካ ጠረኝመተለክ ጡመ ተብሳሃ ኣሲኔ (aiōnios g166) **17** ጡመ እኩ ጠወ ጉዕመንክ አቶናተለክ ጠወኦናተ ቀልብክዕኔ ሰበርሶህዕኔ፤ ጡመ ጠወ ጉዕመንክ አቶናተለክ ጠወኦናተ ጠረኝሶህዕኔ።

3 እመኤ ኦሶ! ክዕኔቤቸሃ እኩህንገን ቀርቼ ላገት ደዕልት አልባዕልቶተለክ ኬዕምኚን ቶገሙ ደኦቶተ ኒተነሃ ዱኦ አዕኔ። **2** ህትን መናን ጉዕማንን አመዕነቱ ሄአበቤቸሃ ሾክለክ ሂላ መኒቾ ጡምቶተ ዱኦ አዕኔ። **3** ጠወ አኩጎሬ ጠረኝሰናሀዕኔለክ ሸይጣኒቾ አገረኖህዕኔ ቀርቼ አመዕንቶሃሃን። **4** አዘንዛንክዕኔ ጠወ ቲሁ አኩ ከ ኤተሩ አቴነንተገ ቀርቼን አመዕናንክዕኔ። **5** ቀርቼ ቀልብክዕኔ መገን ኢተተ ደኣናተለክ መሲህ አታዕሉ ደኣናተ አምንሱንክዕኔ። **6** እመኤ ኦሶ! ኒቾ ተማርቲንተ ትምርቲን አሁዕን ሆጉተ ኢትበ አመዕናንቺቻ አዬቺህ አደ አኩናተ ቀርቼሃ መሲህ አሲ ሱዕሚን አዘንዛንክዕኔ። **7** ነኡ ክዕኔቤቸሃ ሃዕዮም ወክት ዋንክዕላመተ አሁ ሆጉኔ አዕኑህ ደንነንተቤቸሃ ኔሳሃ ኣጉዴን ሄኡ ሀሰሰናህዕኔን ደንነንተ። **8** እዬ ኣሊኒ አጀንተ ኣንካምበእገ ሀንከዕርተለክ በራሃ አጸመን ሆጉተ አዕን ሃዕናም ቤሉ አዬቺ ጣብተ ጠለዕላ አንቶምበኦ። **9** ሁኩንን አዕኑ ኒ ምሳልተ አምንቶናተ ይኒት ቤሉ ሁኩን ኔሳሃ ሀዕላንሸ ደኦናተ መብትት ሄኡዕናኔ ፈንቅትበኦ። **10** መሰንትሰ ነኡ ክዕኔቤቸሃ ዮም ወክት «ሆጉተ አሲሃ ኢትቡ መንቹ እቲንክ» ይን ከ ትዛዘክ ኣሰናንክዕኔ እቅ። **11** መሰንትሰ መት-መቱ ሆጉተ አሲሃ ኢትቡ መኑ በኣንክክዕኔ ሄኡሰ ሞጮጭናም፤ እሰን ኣግሰበሰ ጠዋን ኣገን መቼቸሃን አቲዕን ሄኡአራን። **12** ህትኔ መን ረጀይት ሆጉተ ኢተን ገይሰ እቸተ እቶተ ቀርቼሃኔ መሲህ አሲ ሱዕሚን አዘንዛንክዕኔ ሸንዛንክ። **13** እመኤ ኦሶ! አዕኑ አኩጎሬ ጡመ ሆጉተ አቶናተ «ቆንዶድኖም» ይቶኖቼ። **14** ተን ዳብዳቤን ክዕኔኤሃ ኩልናም ሸክነተ ሞጮጭቡ መንቹ ሃዕዮ ጎሬ ህትናሙ መንቹ አጥራመቲን ደን፤ እሰን ሙሎተ እሲን ደቀንቶኖቼ። **15** ጠወ አኩጎሬ አመቤትገ ኡመዕርዬሰ ቤሉ ዲንገ እቲን ለኦኖቼሰ። **16** ወገሬት ቀርቼ ገውንኩሰ ጉዕመ ወክት ጉዕመ ጠዋንን ወገሬት ኣሰንክዕኔ፤ ቀርቼ ጉዕሚንክክዕኔ ሜጡብ አሁን። **17** ከ ወገሬት ገይኤ እንጋን ከተቦንክዕኔሁ ኣኔት ጳውሎሊት፤ እን ሶኮም

ዳብዳቤን ጉዕማንን ደገነታ መላት ተኒት፤ ከተባሚንኩ ህትጎታን። 18

ቀርቼሃኔ መሰህ ኢሰ ኣሰቱት ክዕኔን ጉዕሚንክክዕኔ ሜጠብ እኩን።

ዎኔ ጢሞቴዎሴ

1 ፌሳንቼኔ እኩ መገንለክ ተቢሳሃ እኩ መሲህ ኢሰ ትዛዚን መሲህ ኢሰ አሳቤቼ እኩም ጳውሎሴቶች፡- **2** አመዕነተን ሀንቅ ቤቱእ እኩ ጠማቶሴሃ ሶሃንቶአት ሶህኑ፤ አናኔ መገኒቸላክ ቀርቼሃኔ መሲህ ኢሰቶ አስቱቲ፤ ማርቱታለክ ወገሬቱሁ ከን እሁን፡- **3** እን መቄዶን ባዱ መርም ወክት መቱ-መቱ መኑ ክዝብ ትምህርት ተማርሲታበእገ፡ **4** ማቀተለክ ዋለኤናን ጎፍብ አላንሽ ዋለንሽበ ፈንቀልታበእገ አዘዘን ኤፌሶን ከተማን አፋዕልቶት ኤገተክ ያንኬ፤ ህትናሙ ጠወንኩ ኦደተ ኤበኖ ቤሉ መገን አመዕነተን ነጽናተ ደግለለኛበእ፡ **5** ከን ትዛዚቶ መሰሰ ጠለሊ ቀልብቼ፤ ጡመ ሰውቲቸላክ ሀንቅ አመዕነቲቹ ደገንታአት ኢተ፡- **6** መት-መቱ መኑንኩ ህትናሞ ጠዋቾ አደ እክ ደግለለቶበእ ኦደበ ፈንቀልቶ፡- **7** እሰን ሕገ ሮስሳራ እኩተ ሀሰን ኖሶሰርቹ ደጋበእ፤ ህከረንገ «ደገን ጠወዕናሚት» ይተን ጠወእኢንከ እጥራመታበእ፡ **8** መኑ ሕገ ጡመ እሁሰ ደግለሸቀሞ ጎሬ ጡመ እሁሰ ደንጋሞ፡ **9** ህትን ሕገ አሰሞሁ ሕገ ድጅታህኡተለክ አዘዘንትበ መኒሃ፡ መገኑ ዮሰበእሁኡተለክ ጨበኛናተ፡ ጠለልመት ዮሰበእሁኡተለክ አመዕነት ጠወ ግባህኡተ፡ አናናተለክ አማናተ፡ ሽታህኡታተለክ ነቢሳሃ ቤሳህኡተ **10** ዝነተ አታህኡተለክ ለቦሁ ለበኑ ዝነተ አታህኡተ፡ መነ ነገዳህኡተለክ ክዝባህኡተ፡ ክዝቢን ጤሌዕሊታህኡተለክ ሀንቅ ትምህርቲን ህንበዕለመኖ ጠወ ጉዕመንከ አታህኡታት፤ ጡመ ሴሪን ኦደታታ መኒሃት ቤሉ ጡመ መኒሃበእ፡ **11** ኩንን ሀንቅ ትምህርቱ ደገመኖሁ ገለትጨሞ መገን አዲቶ ዱዱብሰኖ ከበጀሞ እንጂሊቲቹ፤ ኩ እንጂሊ ኤሳሃ ኤገተ አሰሞኤሃን፡ **12** ኤሳሃ ሆንሃሰ ካዲንቹ መጠር አመዕነማሚሃ አዕይ ዋለዕዮኤሁላክ ዋልቀተ አሴኤ ቀርቼኔ መሲህ ኢሰ ገለትጫሞ፡- **13** እንን ከኒቶ ብርተ ሽራሚሃ፡ መሲህ ኢሰ ቦሮሚሃላክ ሆፍሾሚሃ እኩምጎሬሁ ህካን ጉዕመንከ አዕዮሚሁ ደጉ ሆገንለክ አመዕኑ ሆገን እኩቤቼሃ ማርቱታ ደኤም፡- **14** ህትን መሲህ ኢሰን ደገመኖ አመዕነቲንለክ ኢታን ሜጡብ ቀርቼኔ አስቱት በተእ አሰንቶ፡- **15** «ጨበኛት ፊሶተ መሲህ ኢሰ ከ ካዱንደ አል አሜቾ» ይታ ላገት ሀንቅያለክ መኑ ጉዕመንኩ እኤ ሀሰሰኖሃን፤ እንን ጨበኛናቶ ጉዕሚቶን ዋዕኔሰሃን፡- **16** ጠወ እኩጎሬ መገኒቶ ማርቱታ ደኤም፤ ማርቱታ ደኤሚሁ መሲህ ኢሰ ዳንጉ ዮበኢሃ አታዕሉሰ ጉዕሚቶን ባሾሞ ጨበኛ እኩም ኢ እሌን ለሊሽ እሲን አመዕንታህኡተ ዘላለሚሃ ሄኤ ደኢታህኡተ ምሳልተ አሆታት፡- (aiōnios g166) **17** ህካን እኩቤቼሃ ዘላለሚሃ ዋመ እክ ፊሆናበኢለክ ለለኖበኢ ሜጣሃ መገኒሃ ሎርመትለክ ከበጁ ዘላለሚሃ እሁንሰ፤ አሚዕን! (aiōn g165) **18** ኢ ቤቶ ጠሞቲዎሴ! ዋዕናንከ ከተኔሃ ኩለሞ ራግገን ጡመ ኦላንሽ ኦላንቶተ፡ **19** አመዕነቱሁ ጡሙ ቀልቡሁ ሄኤሄተ ከ ትዛዝ ኤገተ ኣሳንኬት፤ መሰንትሰ መት-መቱ መኑ መርከበ ሸረኖሁ ዮበኢ ጎሬ በኢኖህንገን ቀልብ ሆገን አመዕነቱሰ ቤሶኤ፡- **20** እሰ በላንን ሄሜናሰለክ እስክንድር ደገንታኤ፤ እሰን መገን አላን ቦሮር ላገተ ጠወኢቶ ተማርቶት ሼይጣኒሃ እን ህግሽ አሰዮንሰረ፡-

2 መኑ ጉዕመንኩ መገን አደ ኡጫቱተ፡ ዱእሃ፡ ዋሎ መኒሃ ዱእ አኡለክ ገለትጨሁ መኑ ጉዕመንኩ እኤተ ሸዛሞ፡- **2** መገኑ ዋጂን ጡመ ሃላን አዋንን ወገሬቲንለክ ጨለዪን ሄዕናተ በትሽን ዋማተለክ አበ ሆን አላን ዮህኡቱ ዱእ አዕዬ፡- **3** ሁኩንን ፊሳንቼሃኔ መገን ብሬን ጡማለክ ተሽ ኖኖሃ ጠወ፡- **4** መገን ሃሽኣቱት መኑ ጉዕመንኩ ጡሞተለክ ሀንቅ ደጋጋት፡- **5** መገኑ ሜጣቹሃን፤ ህትን መገንለክ መን በላን እኩ መቱ መንቹ ዮኤ፤ እሰን መንቹ እኩ መሲህ ኢሳት፡- **6** እሰን መነ ጉዕመንከ ዋዛተ ገዉስ ዋዛኩተ አዕይ ኣሴእ፤ ሁኩንን መገኑ መነ ጡምሶተ ሀሾገ ሀሰሰኖ ወክቲን ሀሴማእሃ ምስክር፡- **7** እን አይሁደ እህበ መኒሃ አመዕነቱለክ ሀንቅ ተማርሶተ ዱዱብሳንቹለክ አሳቤቼ እክ ሾመሞም፤ ህካን ያሞ ወክት ሀንቅ ጠወኣሚት ቤሉ ክዘቦሞበእ፡- **8** ቲሱ ጎኑ ቤቶን ጉዕማንን ኡሙዕርተለክ ብተት ዮበኢሃ ጠለሊተ አንገተ አሌ ኬሰ ዱእ ቶተ ሀሳም፡- **9** ህትን ሜንቱ ሙሞስ ደደን ህከረንገ ወርቹን፡ ሩሲን ህከረንገ ጤኣተ እኩ ኦድነተ ሹልሞስን እሁዕናን ማሊን ጡሞማን ሀሰሰኖገን ጡሙተ ኦድነተ ኦደኤን፤ **10** መገኒሃ ሰገንዳሚት ይታ ሜንቱ እኤ ሀሰሰኖሰገ ጡመ ሆጉተ አቱን፡- **11** ህትን መንቹት ጉዕመ ጠዋን አዘዘሚን ሎድት ተማርቱን፡- **12** ህትን መንቹት ጨሊ ይቱን ቤሉ ተማርሲቶት ህትን ጎን አሌን ሹመ እኩን ያምበእ፡- **13** መሰንትሰ ሄጮ ከለቀሞሁ አደሚት፤ ህከኒቶ ኤተርን ሐዋ ከለቀንቶ፡- **14** ህትን ጣንሰንት መገን ሕገ ድጅቶአት ሐዋት ቤሉ አደም ጣንሰሞበእ፡- **15** ጠወ እኩጎሬ መንቹት አመዕነቲ፤ ኢታኒ፡ ጠለልማንለክ ገው አገዕርን ሄኤ ጎሬ አለተ አላን ጡምታእ፡-

3 «አዪሁ አመዕናኖ አዋንሳንቹ አሆተ ሀሾ ጎር ሎረ ሆጉተ ሃሽኣናተ» ይታ ላገት ሀንቅሃን፡- **2** አመዕናኖ አዋንሳንቹንኩ ኩሌኖስ ጠወ ዮሰበኢሃ፡ መቱ መንቹት ምኒ ኢነ እኩሃ፡ ኬሲን ሄኤኖሃ፡ ገዉስ አገዕረኖሃ፡ ኬዕምኣስ አገዕረኖሃ፡ ኮህ ቶገኖሃ፡ ተማርሲሃ አታለኖሃ፡ **3** ሰከሪሃሃ፡ ኡሙዕሪሃሃ፡ ጎደበ ሳፈ፡ ብተምሃሃ፡ ብረ አትሃሃ፡ **4** ገይሰ ምኒ አበሮሱ ጡመገ ገሾተ አታለኖሃ፡ አላሰ አዘዘንታሲሃ፡ ጉዕመንከ አዲን ኬዕምኣሲሃ አሁ ሀሰሰኖሰ፡- **5** መሰንትሰ መቱ መንቹ ምንሰ ገሾተ አታልባቶ መገኑ አመዕኔ መነ ገሾተ ሁት አታለኖ? **6** ህትን አልቢሰ አላን ፈረደሞገን ቦኣያን አሌሰ ፈረደመኖበእ ሃዕር አመዕኔ መንቹ አዋንሳንቹ አሁንከ፡- **7** ህትን ሆፍኸንለክ ሻይጣን ዋሻድን አገናበኢ አመዕንበ መንቤቹን ገለትጨሞእሃ አሁ ሀሰሰኖሰ፡- **8** ህትን ድያቆናከተ ኬዕምኖ ሀሰሰኖሰረ፡ ለሙ ጠወኣበኢረ፡ ዋይን ጠጂን ሰከርታበኢረ፡ ብሪሃ ጎራይትበረ አሁ ሀሰሰኖሰ፡- **9** ህትን አመዕነቲን ለሌ ሀንቅ ነጠ ቀልቢን ጠረኝሰ አፋ ሀሰሰኖሰ፡- **10** እሰንተ ሄጮን ፊቱኒን ለኡ ሀሰሰኖ፤ ህከኒቶ ኤተርን ኩሌኖስ ጠወ ዮበኢረ እኩኢቶ ዲያቆኑ እኩተ አታልታኤ፡- **11** ህትን ምንሰ አማኑት ኬዕምኤኖሰረ፡ ሄዕምታበኢረ፡ ገዉስ አገዕርታኢለክ ጉዕመርቹን አመዕንንቶአራ አሁ ሀሰሰኖሰ፡- **12** ህትን ዲያቆኑት መቱ መንቹ ምኒ ኢነ እኩረ፡ ኦሱሰለክ አበሮሱ ጡመገ ገሽታኢረ አሁ ሀሰሰኖሰ፡- **13** መሰንትሰ ዲያቆኑት ጡመገ ሆጉተ አታኢረ ገይሀሰ አበ ኬዕምኖ ደኢታኤ፤ ህትን መሲህ ኢሲን ዮሰ አመዕነትቱ ልግለ መለሉ ደኢታኤ፡- **14** ፎሊን ሄኤኖ ዱእ

ምኒ በላን መቼ መንቹ ሆኑ እክ ሄኡ ሀሰሰኛሰ ጎሬ ሆኑ እክ ፈንቀላመኖ ጎር ደጋገ ከተባኑክ፤ ሁኩ መገን ምንነኩ ሀንቅ ቱቃለክ ቀበበ። 16 እመነትኔ ማጠፍ ጠዉ ሸክሲሰበ ሎረሃን፤ እሰን መንቹ እክ ለልዩእሃ፤ ሀንቅ እሁሰ ጠሊሊ እያን፤ አዋጀዎእሃ፤ መላይካት ለልዩእሃ፤ መኒሃ ጉዕሚንከ ዱዱ-በሰዎእሃ፤ ከን ኣዱንያ አል መኑ እመዕንዮሰሃ፤ ኬዕምኚን ሰማሃ ኦሮዕዮእሃ።

4 ጠሊሊ እያን ለሊሽ «ኤተር ዘማኔን መት-መቱ መኑ ሉሲሰኖ ሂሊ እያንላክ ሩሃንይ ትምርት አዋንተን እመዕነቲኝ አደ እክ ቁዕርታእ» ዮ። 2 ሁኩ ትምርቱ እማቲኖሁ አታኢሁ ሀንቅ እሁሰላክ ሀንቅ እሁ ሆጉሰ ደገንን እመሰልታ ክዘበኛኛት። 3 እሰን ኤበቀንሽ ከንታእ፤ እመዕንታለክ ሀንቅ ደጋ መኑ እሉ ገለትጭተን አታገ መገኑ ከለቆሰ እቸተ «እቶኛ» ይት ከንታእ። 4 ጠዉ እኩጎሬ መገን ክልቀቱ ጉዕመንኩ ጡመ እኮቤቼሃ ገለትጨን ቶጌመጎሬ ኡጂኖህ መቱሁ ዮበእ። 5 መሰንትሰ ሁኩን መገን ላጋንላክ ዱኣ እኢን ጠሊሊ እሆ። 6 ከ ትምህርት እመዕናኖተ አቶንትጎር እመዕነት ላገተለክ አዋንቶንት ጡመ ትምርተሃ እት ነጽቶንት ጡመ መሲህ ኢሰ ካድንቹ እካንት። 7 ህትን ከን ኣዱንያ አሊቻ ደግለሊበ ጠዋቻለክ ዱንዮ አል ማቀተ ነጉደኖ ጠዋቻ ሀን፤ ገዉክ መገን ጠዋሃ ርሰሰ። 8 መሰንትሰ ገዉ ጠረጎሰኖ ጠወ ርሰሱ ቀዉ ደግለለኛ፤ እኩጎሬ ገዉ መገን ጠዋ ርሰሱ ከን ሄኢሃለክ እማተኖ ሄኢሃ ተቢሶሁ ዮሰቤቼሃ ጉዕመ ጠዋንክ ደግለለኛ። 9 ህካን ዩ መኑ ጉዕመንኩ ሹል ቶጉ ሀሰሰኛሰ እመዕነማሃ ጠወ። 10 ነኢን መነ ጉዕመንክ እደንክ እመዕንታሁኡተ ጡምሰኖለክ ሄኡኖ መገኖን ተቢሳሃ አዕናምቤቼሃ ሆንን ሆንጋሚሁለክ እጃማሚህ ከ ጠወ ደኢሃት። 11 እት ከ ጠወ እዘዘለክ ተማርሰ። 12 ህትን ጠወኦንት ጠዋን፤ ሃሊን፤ ኢታን፤ እመዕነቲንላክ ሙጨርማን እመዕናኖተ ምሳልተ እህ ቤሉ እዩሁ ሰሶመክ ሀንቁንከ። 13 ህትን እን እማቶተ አለሬተ ጠልሊ መጻፈ መኒሃ አነበቡ፤ ዱዱ-በሰሉለክ ተማርሱ ጠረኝ። 14 ህትን ባልቀት አሊንከክ እንገሰ አታን ራጉ ጠወእማሄ ወክት ኣሰሞሄ ከን ዮ ኣሰቱት ሀንቆት። 15 ነጹክ መኑ ጉዕመንኩ ደጎተ ወክትክ ጉዕመንክ ከን ጠዋሃ እኢ፤ ከ ጠወ ሆኅ አሊን ሆሲሰ ገዉክ እሲሃ ኣሰ። 16 ገይሃክላክ ተማርሰታንት ትምርተክ አገዕር፤ ከ ጠወ እተን ጠረኝ፤ ህካን አቶንትጎር ገዉክለክ ኪች ሞጮጨኖ መነሃ ጡምሳንት።

5 ባለቆ መንቹ ኣንክገ ሆንጠህ ቤሉ ሻቆት፤ ህትን ዎደልቹ አመክ ኣሱተ ጠውሲጎንት ጠውሲሰ 2 ባለቆ ሜንቱ እማኖገ ሀርድ ሜንቱ እመክ ኣሶጎ እት ዊመ ሙጨርማን ለእ። 3 ህንቅንክ ምንሰ እት ሬዮ ሜንቱ ሀዕልተን ከበጀሰ። 4 ጠዉ እኩጎሬ ምንሰ እት ሬዮ መንቹ አለት ህከረንገ አሊ አለት ዮሴንር ሁኩ አለት ሄጭት ምንሰ መነ ደግለሊን ኤዳሰ ፈንቀሽቱን፤ ህከን እመዕነቲን ሆጉተ ተማርቱን፤ መሰንትሰ ሁኩን መገኑ መንዱሲሰኖሃ ጠወ። 5 ምንሰ እት ሬዮ ሀንቅ ህዩሸት ሜጢሃሴ ሄኣ መንቹት መገኖን ተቢሳሃ አታቤቼሃ ሀንከዕርተለክ በራሃ መገኑ ጠዕሚንላክ ዱኣ ኣተን ጠረኝት ሄኣእ። 6 ጠለዕል ከን ዱንያ አል

መኩተ ሀሳ ምንሰ እት ሬዮ መንቹት ነቢሴን ሄኣ ጎሬ ሬቶአታን። 7 እሰን ቀነጤኖሰርቹ ዮበአረ እኩተ ከ ትምርተ ኣሰ። 8 ህካን እኩቤቼሃ አሊሃሰ አደደንክ ምንሰ መኒሃ ሰውዮኖበእ መንቹ እዩሁ እመዕነቱሰ ካጅኣሃን፤ ህትን ሁኩ መንቹ እመዕንዮበእ መንቹቹ ባሰ ሂላን። 9 ዎዕነሃ መቶ መንቹን ገልት አሊንቶች ሌሃዉ ዘማን ዊምበሴ ምንሰ እት ሬዮ መንቹት ምንሰ እት ሬዮሁኡ መዘገባን ከተበንቱንከ። 10 ህትን አለተ ነሲን፤ ኮሀ ቶጊን፤ እመዕናኖ ሎከተ ኣንሺን፤ ኦርጨዎ መነ ሀዕሊን፤ ጡመ ሆጉተ ጉዕመንተ እኢን ጡመ ሆንገከሴ ገለትጨንቶአተ እሁ ሀሰሰኛሴ። 11 ጠዉ እኩጎሬ ምንሰ እት ሬዮ ሀርድ ሜንቱ ምንሰ እት ሬዮ ሜንት መዘገባን ከተበት፤ መሰንትሰ እሰ ማል ሄዕላቸት ቁልትዮንሰ መሲህ ኢሳን ዮሰ እትት በኢን ጎናን ገልቶተ ሀሳኢት። 12 ኩ ሜንቱ ዎዕነሃ ይቶ ላገተ ድጅቶቤቼሃ አሊንከሰ ፍርድ ኤካ። 13 ህከኢኝን እበንከ ሆጉተ ገፈሩለክ ምኒቲ ምኒ ዘሁ ርሳእ፤ ህትን ሆጉተ ገፈሩ እሁዕናን ሄዕምታእረላክ መን ጠዋን ኣገን ጠወኡ ገበአበሳሃ ጠወኣሬ እካእ። 14 ህካን እኮቤቼሃ ኣን ምንሰ እት ሬዮ ሀርድ ሜንቱ ገልቶተ፤ አለተ አልቶተ፤ ምንሰ ጡመገ ገሽቶተ ሸዛም፤ ህት እኢን ዲኡኔ ቦረረኖ ጠወ ሆገኖ። 15 መሰንትሰ ከኒቲ ዎዕነሃ ምንሰ እት ሬዮ መት-መቱ ሜንቱ ሻይጣነ አዋንተን እመዕነት ዎቄች ፋልቶእ። 16 መቱ እመዕናንቹ መንቹ ምኒን ምንሰ እት ሬዮ ሜንቱ ሄኣጎር እመዕናኖ ማበሪሃ ኬዕመኖበእን እሴ ሀዕልቱንሰ፤ ከን ሃሊን እመዕናኖ ማበሩንኩ ሀዕላኖሳሁ ዮበእ ምንሰ እት ሬዮ ሜንቲሃ ሀዕላኖ። 17 እመዕናኖ ማበረ ጡመገ ገሽታ ባለቀት ዱዱ-በሲንላክ ተማርሲን ጠረኝት አታሁኡተ ለሙ፤ አፎሁ ኬዕምቶ ሀሰሰኛሴ። 18 መሰንትሰ ጠሊሊ መጻፋ «ውጠተ ዎቀርተን ቦር አፎ ኡሱርቶት» ህትን «ሆጉተ እኣኖህኒሃ ደሞዙ ሀሰሰኛሴ» ያመሞኡ። 19 ለሙ፤ ህከረንገ ሰሱ መንቹ መሰከርትባች እመዕናኖ ማበር ባለቆ አሊን ሆንጠህሴኖ ኦደተ ቶጎን። 20 ህትን ዎሉ መኑ ዋጅታገ ጨብ አታ መነ ጉዕመንክ መን ብሬን ኡመዕር። 21 ህትን መነ አደ እኡ ዮበኢሃ መቱ-መቲች በትሱዕናን ከ ኩሉመሄ ጠወ አገርቶተ መገን ብሬንላክ መሲህ ኢሰ ብሬን መጠረንቶ መላይክ ብሬን ኤገተክ ያንከ። 22 ህትን እንገክ እዩ አሊኒ ደዕልት አቶት፤ ዎሎ መን ጨብ ቤቀንቶት፤ ገዉክ ሙጨሩ እት አገዕር። 23 ልግብ ወክት ጎደበክ ጥዘኖሄቤቼሃለክ ጥዘነት ዮሄቤቼሃ ቀዉንከ ወይን ጠጀ እግ ቤሉ ከ ኤተሩ ጠለዕል ዋሃ ኣት። 24 መት-መቶ መን ጨቡ ኣገንቹ እክ ለለኖ፤ ሁኩንን ፍርድበ ኢልሰኖ፤ ህትን ዎሎ መን ጨቡ ዱንክ ለለኖ። 25 ህትን ጡመት ሆጉት ኑሪ እክ ለልታእ፤ ኑሪ እክ ለልትበጎሬ ማጠንቶገ ሄኣበእ።

6 መገን ሱዕመ-ላክ ትምርቱ ቦረረመኖበእን ርሶመ ኣዜን ሄኣሩ ጉዕመንኩ ቀርቻኖተሰ ዊሙ ኬዕምቶ ሀሰሰኛሰገ ደጉን። 2 ህትን እመዕናኖ ቀርቻኑት ዮሰ ርሰት ቀርቻ መሲህ ኢሲን እመኡሱተ እኮቤቼሃ ቀርቻኑሰ ኬዕምሰበረ እሁ ሀሰሰኛሰበእ፤ ህከን ወጢ ጡመ ሆንገከሰ ሀዕልታእረ እመዕናኑተለክ ኢተንቶአረ እኮቤቼሃ ዎዕኔች አበ እኡ ሀሰሰኛሰ፤ ከ ጠወንከ ተማርሰተን ሸዝ። 3 እዩሁ ቀርቹሃኔ መሲህ ኢሰ ላጋንላክ መገኑ ኣጉዲን ትምርታን ሀንበዕለመን ዎሉ ትምርተ ተማርሴጎሬ 4 ሁኩ

መንቹ ቦኒን ቡሰሞሃ ቤሉ መቱርቹሃ ደግበሃን፤ ጠዉ እኮጎሬ ወገሬቱ
 ዮበእ ሄዕላቸት አፎሰ፤ ሁኩንን ኤበኖሁ ምቀኝመተ፡ ብተተ፡ ቦሮሪንሸለከ
 ሂለ ሸክተ **5** ቀልቡሰ በዕዮለከ ሀንቂቶ ፋልቶ መን በላን እኮ ተንቅታበእ
 ኦደተ ኤበኖሃን፤ አሳንከ መገኑ አመዕኑ ዱንያተ ደኤኖ ዎቃሃ አጉጃሰረን፡፡
6 ጠዉ እኮጎሬ «ዮኤሁ አሀኖኤ» ዮኖ መንቹሃ መገኑ አጉጅ ሄኡ ትርፈ
 ደግሲሰኖ፤ አመዕነቶን ሀንቅንከ ልግቡ ትርፋ ዮሰሃን፡፡ **7** መሰንትሰ ነኡ ከን
 ኣዱንያ አል አሜንቶሚሁ መቱርቹሃ አንፋሳናንት፤ ህትን ከን ኣዱንያ አሊቶ
 መቱርቹሃ አንፍ መርኖተ አታልናምበእ፡፡ **8** ጠዉ እኮጎሬ አንታሚሁለከ
 ኦደሰናሚሁ ሄዕዮኔቶ ሁኩን አሀኖኤ፡፡ **9** ህትን ቀባጣሙ አህሃ ሀሳ መኑ
 ፊተናን፡ ዎሻደንለከ መኒ በኡ ኤበኖ ገውሰኖለከ ምዕረኖ ልግቤ ሄዕላቶን
 ኡባእ፡፡ **10** መሰንትሰ ብረ ኢቱ ልግቤ ሂልማተ ጉዕሚንከ ጠጳን፤ መት-
 መቱ መኑንኩ ብረ ደኢሃ አበ ሄዕላቶቤቹሃ አመዕነቲቶ ኡቡኡ፤ ልግቤ
 ሻዞን ቀልቡሰ ቢጠመኖገ አቶኡ፡፡ **11** ጠዉ እኮጎሬ እት መገን መንቹ! ከን
 ጉዕማንከ ጠዋቶ ሁን፤ ፈይመተ፡ መገን ጠወሃ፡ አመዕነቱሃ፡ አተታ፡
 አታዕሉለከ ጎደበ ላፍመተ አኡሃን፡፡ **12** ጡመ አመዕነት ኦለንሽ ኦለም፤
 ዘማን ጉዕሚንከ ሄኡ አፍ፤ ህከ ዘላለም ጉዕሚንከ ሄኢሃ ገእንት ልግብያ
 ምስክር ብሬን ጡመ ምስክርነቱ መስከርቶንት፡፡ (aiōnios g166) **13** ህትን
 ጉዕመርቹንከ ሄኡ ኣሰኖ መገንለከ ጳንጤናዊቹሃ ጽላጦሴ ብሬን ጡመ
 ምስክር መስከሮ መሲህ ኢሰ ብሬን **14** ቀርቹኔ መሲህ ኢሰ ፈንቀል
 አሜቶተ አለ ከ ትዛዝ ሉጨንሹለከ ህንቄኖሰ ጠዉ ዮበእን እክ አገርቶተ
 አዘዛንኩ፡፡ **15** መሲህ ኢሲ አሜቱ ማሰአሞለከ ሜጥሃሰ ገሻንቹ እኮ ዎመ
 ዎሙለከ ቀርቻኖ ቀርቹ መገኑ ለልሾ በሬን አሀኖ፡፡ **16** ህትን ጠለዕሉ እሰ
 ሬሀኖበእሃን፤ አዪሁ ሆንጠሆተ አታለኖበእ ኑሬን ሄኢኖሃን፤ እሰንከ አዪሁ
 ለዕይ ከሰበእ፤ ህትን አዪሁ ለኦስተ አታለኖበእ፤ እሰንከ ኬዕምቹለከ
 ዎልቀት ዘላለሚሃ እኩንሰ፤ ኣሚዕን! (aiōnios g166) **17** ነኡ ሙንደዕኖተ
 ጉዕመንከ በትሽ ኣሰኖ መገን ቤሉ ከን ኣዱንያ አሌን ዮ ቀባጣመት
 ቦንታበእገ ህከረንገ አመንሰሾበእ ቀባጦን ተቢሳሃ አታበእገ አዘዝሰ፡፡ (aiōn
 g165) **18** ህትን ጡመተ ሆጉተ አቶተ፡ ጡመ ሆጎን ቀባጣመተ እኮተ፡
 መኒሃ ሀዕሊሃ ዮሳሃ ቤኮተ ተቃጠባገ አዘዝሰ፡፡ **19** ህትንን ሀንቅ ሄኡ
 ደእቶተ ቀበቡሰ ጠረኘ እኮ ቀባጡተ አሜተኖ ዘማኒሃ ገይሃሰ ጭምአታኦ፡፡
20 ጥማቶሴ! ኣሰንቶሄ ኤገተ አገር፤ ህትን ገገይንከሰ ሀንበእለንሺን
 ኤንኬዕኒን አሁዕነ መኑ ክዝብን «ኤንኬዕነኩሃን» ይት ገእታ ኤንኬዕነቶለከ
 ደግለለኖበእ ኣዱንያ አል ጠዋቶ ሁን፡፡ **21** መት-መቱ መኑ «ህትኤ ኤንኬዕነት
 ዮኔ» ይተን አመዕነት ዎቃሃ ሉሶኡ፤ መገን ኣስቱት ክዕኔን እኩን!

ለንክ ጢሞትዎስ

1 መሲህ ኢስን ደገሞ ሄለ ተብሎ መሳን መገን ሰውቲን መሲህ ኢስሃ አባቤቹ አኮሞ ጳውሎሴቶ ሶሃሞእሃን፤ **2** ጠረኝሽ ኢታሞ ቤቴሃኔ ጢማቶሴሃ ሶሃማአተ ሶሀኑ፤ አናሬ መገን አዲቶ ቀርቼሃኔ መሲህ ኢሲቶ አስቱት፤ ማርቱትለክ ወገሬቱሁ ኬሳሃ አሁን። **3** ጉዕመ ወክት ሀንከዕርተለክ በራሃ ኬሳሃ ዱኢን ሰዉ ያመ ወክት አናቱኤ አቶገን አን ነጠ ቀልበን ካደማመ መገንኤ ገለትጫም። **4** ሁትን እንጀጀክ ሰውየን ኬሳሃ ለዕይ አበ መንደአተ ሃሽአም። **5** ሁትን ከን ዮ ሀንቅ አመዕነቱ ሰውያሚት፤ ሁኩ አመዕነቱንኩ ሄጮ አበመክ ሎይድኒለክ አመክ ኤውንቄኒ ዮሃ እቅ፤ ከን ሁኩ አመዕነቱ ዮገ ደጎም። **6** ሀካን አኮቤቼሃ እንገለ አሌክ አዕዮሞ ወክት ኪ አዜን ዮ አሰሞሄ መገን አስቱተ ቲሁ ኬሰንቶተ ቃግሳንኬት። **7** መሰንትስ መገን ወልቀተ፤ ኢቱለክ ገዉ አገርዕ አያን ቤሉ ዋጄኖ አያን አሰዮኔበአ። **8** ቱኩ ቀርቼሃኔ ዱዱብሉ ሙልቶት፤ አስተኔሃ ኡሱረሞም ኢን ሙልቶት፤ ጠዉ አኮጎሬ መገን አሰኖ ወልቃን እንጀልተኔሃ ኢን ሜጡባ ኦርሸተ ቶግ። **9** ሁትን ነኡ አዕናሞ ጡመ ሆጎገ አሁዕነ ገይሰ ሃሸአቶንለክ አሰቶ ጠለልማን ገለ ፊሾኔ፤ ጠለልማንገተ ገኤኔ፤ ከ አሰቱንተ ዘመኒቶ ብርተ መሲህ ኢስ መሳን አሴ። (aiōnios g166)

10 ሁኩ አሰቱንት ፊሳንቹኔ መሲህ ኢሲ አሜቴንከስ ቴሱ ለለአ፤ እስን ሬሁተ ቤሽ እንጂል ላገ አዲን ሬሁ ዮበኢሃ ዘላለሚሃ ጉዕሚንከ ሄዕናም ሄኡ ለለሾኔ። **11** እን ሀከን እንጂል ላገ ዱዱብሳንቹ፤ አሳቤቹለክ አስተማርቹ እክ ሾመሞም። **12** ከ ኦርሸተ ቶጋሚሁ ከኒሃት፤ ጠዉ አኮጎሬ እዬ አመዕነቱ ጎሬ ደጋሞቤቼሃ ሙላምበአ፤ ሁትን እን እሲሃ አሴም ኤገተ ሁኩ በሩ ኢሎተ ኢለ አገሩ አታለኖገ አመዕናም። **13** አት መሲህ ኢሳን ዮ አመዕነቱንለክ ኢታን ኢቶ ሞጮጭቶንት አመዕነቶን ላገተ ሞሳልተ አት አገር። **14** ሁትን ኒ በላን ዮ ጠለለ አያኒን አሰንቶሄ ኤገተ አገር። **15** እስይ ባዶን ዮ አመዕናት ጉዕመንኩ ግብ መርቶኤገ አት ደጋንት፤ እስ በላን ፊጌሉሰለክ ሄርሞኔስ ደገንታኡ። **16** ኡሱረሚንከኤ ሙሉዕናን ኦናስፎሮስ ልግብ ወክት ፎሎሶሾኤቤቼሃ ቀርቼ ኢስ ኦናስፎሮስ አበርሲ አመዙንሰ። **17** ሁትን ሮሞ ከተመ አሜቾም ወክት አበ ሀሽ ኢን ደቀሞ። **18** ሀካን አኮቤቼሃ ቀርቼ ኢስ ሀከ በር መገንቶ ማርቱተ ደአኖገ አኡንሰ፤ ሁትን ኤፊሶን ከተማን ዮሞ ወክት ሄንከ ሀዕሌኤ ጎር አት ጡመገ አት ደጋንት።

2 ኢ ቤቶ! አት መሲህ ኢሳን ዮ አሰቶን ጠረኝ። **2** ሁትን ልግቤ ምስክር ብሬን ኢቶ ሞጮጭቶንቱሃ ዋሉ መነ ተማርስቶተ አታልታ አመዕነሞ መኒሃ ኤገተ አሰ። **3** አት ገዉክ መሲህ ኢሲሃ ጠረኝ ዎታደረ እክ ኦርሸተ ቶግ። **4** ሁትን በገዝ እነ መንደአሲሶተ ሀሽ ወታደሩ አደሁ ወታደር ሆጉተ እኮበአ ሆንን ሆሰናበአ። **5** ሁትን ደጉዶን ሄጫቀሞተ ሀሽ መኑ ሴርስ ሃሌን ሄጫቀሞበጎር ቄል ሸልማት ደአናበአ። **6** ጠረኝ አቡረኖ ገበሬቹ ዉጣቹ ወዕኔስ ላልቹ ደኡ ሀሰሰናሰ። **7** ቀርቼ ኢስ ጉዕመንከ ጠሞን ደጉ አሰናሄቤቼሃ እን ያንኬ ጠወ ሰውይ። **8** ሬሆቶ ኬዕዮ ደዉዴ ዘሬቻ

አኮ መሲህ ኢስ አጥራመት፤ እን ዱዱብሳም እንጂል ላገት ተኒት። **9** ሂለ ሆጉተ አዕዮ መንቻን ከን እንጂል ላገ መሳን ሰንሰለቲን ኡሱረሞተ ኢለ ኦርሸተ ቶጋሚት፤ ጠዉ አኮጎሬ መገን ላገት ኡሱረንታበአ። **10** ሀካን አኮቤቼሃ ኢስ መሲህ ኢስ መሳን ደገመኖ ጡሙለክ ዘላለሞ ኬዕምኝ ደዕቶተ መገኑ መጠሮ መንተኔሃ ይኬዕይ ጉዕመ ጠወንከ አታዕላም። (aiōnios g166) **11** ሁትን «እሲን ሜጡብ ሬኖም ጎር እሲን ሜጡብ ፎሊን ሄዕናም። **12** አታዕለን ጠረኝን ሄዕናም ጎር እሲን ሜጡብ ዎመ አንካም ነኡ እሱ ለገዕናምጎር እሰን ጌሳሃ ለገአኖ። **13** ሁትን ነኡ አመዕነምባ ጎሬሁ እስ ገዉስ ለገኦተ አታለናበኤቼሃ አመዕነሞሃ እክ ሄአኖ። ይታ ላገት ሀንቅሃን። **14** ከን ጠውተኔሃ ቃጋገ አእለ፤ ሁትን ሞጮጫኖ መነ ቤሰ ቤሉ መቱርቹሃ ደግለልሳሃ አኮቤቼሃ ላጋተሰ ኦደንትበገ መገን ብሬን ጠረኝሰ ኩልሰ። **15** ሁትን ሀንቅ ላገተ ጌሃ አዕይ ተማርሰኖ ሙልሰበ ጠረኝ ሆጎ መንቹ እክ መለልት ገዉክ መገን ብሬን ሆንጠሀሶተ ጠረኝ። **16** ሁትን ከን አዱንያ አሌን መገኑ ዮበአ ጠውቻለክ ገውመተ ጠወኢቶ ሁን፤ መሰንትስ ሁኑ ሆጉት መኑ መገንቶ ቄዕረኖገ አታለት። **17** እስ ጠወኡ ጠዉ ጠረኝ ጡሉገለክ ሆሰን ገለን አተን አልባዕላን መረኖሃን፤ ሀካን አኮቤቼሃ መነ በላን ሄሜኖሰለክ ፊለጣሰ ሄአኡ። **18** ሁኩ መንካንኩ «ሬኖ መነ ኬኡ ከኒቶ ብርንተ እኮኡ» ይተን ሀንቅ ዎቄቻ ፋልቶአገን፤ እሰን መት-መቶ መነ አመዕነቱ ሌንቄቅሳለት። **19** ጠው አኮጎሬ «መገኑ ገይሰ መነ ደገኖ፤ እን ቀርቼዮ የኖሁ ጉዕመንኩ ሂለ ሆጎቻ ሁኑን» የኖ ማተሙ ዮ ሌንቄቅበ መገን ሀንቄ ምኒ ቀበብገ ጠረኝ ሄአኖ። **20** መቶ ቀባጣሞ መንቹ ምኒን ጠለዕል ዎርቅለክ ብር ኦደተ አሁዕናን ሀቅለክ ትብ ኦደት ዮኡ፤ አሳቶን መት-መቱስ ኬዕምኚሃ ዎሉሰንገ ኬዕምኙ ዮበአ ክድማተ አካኡ። **21** ቲሁ እደሁ ከን ሂለ ጠዋቹ ገዉስ ነጠ አዕዮ ጎሬ ቀርቼሃን ደግለልታ ጡመ ሆጎተ ጉዕሚንከ ቅጥይቶ ኬዕምኝ ኦደተ አሁኖ። **22** ሀካን አኮቤቼሃ ሂለ ዎደልመ ሄዕላቻቶ ሁን፤ ነጠ ቀልበን ቀርቼሃ ኢስ ሱዕመ ገእታሁኡን ሀንቅ እኮ ጠወ አተን አመዕነቱ፤ አተተለክ ወገሬት ጠረኝት አዎን። **23** ጠዉ አኮጎሬ ብተተ ኤበኖሃ አሁስ ደጋንትቤቼሃ ገውመለክ ደግለልታበ ኦደቶ ሁን። **24** ቀርቼ ኢስ ካድንቹ መኒሃ ጉዕሚንከ ጎደበ ላፈ፤ ተማርሶተ አታለኖሃለክ እጀቀኖሃ አሁ ሀሰሰናሰ ቤሉ ብተመኖሃ አሁ ሀሰሰናሰበአ። **25** ሀንበዕለንታ መነ ጎደበ ላፍማን ሸዙ ሀሰሰና፤ አይደጎ መገኑ ቶበት ሀንቅ ደግ ሀንቅቤቹ አሜቶተ ሳመ አሰናሳሃ አሁተ አታለኖ። **26** ከን ሃሌን አልቢስ ሰውት ዊንሸቶተ ኡሱረንት ሄኡ እቅ ሼይጣን ዎሻዲቶ ገፈርሲጭቶተ ቀልቡስ ፈንቀለኖሃ አሁኖ።

3 መጨረሻ ዘማኔን ኦርሸ ወክቱ አሜተኖገ ካን ደግ። **2** መሰንትስ መኑ ገውስ ኢትታኦረ፤ ብረ ኢትታኦረ፤ ለዕዬ ለዕዬ ይታኦረ፤ ቦንታኦረ፤ ቦሮዕርንታኦረ፤ አኒሀለክ አማተ አዘዘንትበረ፤ ዉሉቱ ዮሰበአረ፤ ጠለልመት ዮሰበአረ፤ **3** ኢትት ዮሰበአረ፤ መ ጠዋኒ መኒን ኢትታንትበረ፤ መነ ሱዕመ ቤሳኦረ፤ ገውስ አገዕርንትበረ፤ ጎደበ ጠረኝት፤ ጡመርቹ ግባኦረ፤ **4** ለገአሰንቻት፤ ደዕሳሰንታኦረ፤ ቦኒን ቡሰንታኦረ፤ መገኑ ኢቲቻ በትሰ ተሰቄነጡ ኢትታኦረ አካኡ። **5** ሁትን እሰን ሀይማኖቱ ዮሰረ አጉዳኢ፤ እኮጎሬ

አመዕነትሰ ዋልቀተ ካዳእ፤ ህትናሞ መነች ገበጭ ይት ሆነ። 6 ህትን አሰነ ምነተ ደጉደን ኣግ ሰውቲነ ላፈ እኮ አደደ ጨበነ ዊንቶረሊክ ልግቤ ሄዕላቻን ቀልቡሰ በዕዮ ሜንቱ አፋእ። 7 ህትኔ ሜንቱ ጉዕመ ወክት ተማርታእ፤ ጠዉ እኮጎሬ ሀንቅ ደጋ ቤቹ አሜቶተ አታልታበእ። 8 ህትን ኢያኔሲሊክ ኢያንበሬሰ ሙሲን ኦደንቶህንገን ኩ ሙኑሁ ሀንቅ ግባእ፤ እሰነ ቀልቡሰ በዕያን አመዕነቲችሰ ኦባእ። 9 ጠው እኮጎሬ ኢያኔሲሊክ ኢያንበሬሴ ገውመት ለልቶህንገን ከን መን ገውመት ጉዕመ መን ብሬን ለልታቤቺሃ መከናሰበእ። 10 ጠው እኮጎሬ አት ትምርትኤ፤ እን ሄዕዮምገ፤ ሰውትኤ፤ አመዕነቲኤ፤ አታዕሉኤ፤ ኢታኤ፤ ጠረኝመኤ፤ ሽረመኤሊክ ኦርሽኤ አዎንቶንት። 11 ህትን አንጦከሃ፤ አቆንዮነሃ፤ ልሰጥረሃ ዬኖ ከተማን አሌንከኤ አሌኤ ጠወሊክ አታዕሊም ቶቸው ደጋንት፤ ጠው እኮጎሬ ጉዕመርቺችን ቀርቼ ኢሰ ጡምሾኤ። 12 ሀንቅንከ መሲህ ኢሲን መገኑ አጉደን ሄኦተ ሀሳ መኑ ጉዕመንኩ ሸረንታእ። 13 ጠው እኮጎሬ ሂሉሊክ አመዕነትቡ መኑ ሉሰሰን፤ ሉሰን ሂልመ አሌን ሂልመተ በርግተን መርታእ። 14 እኮጎሬ አት አዬች ተማርቶንት ጎሬ ደጋንትቤቺሃ ተማርቶንትሊክ አመዕነቶንት ጠዋን ጠረኝት ኡር። 15 አትን ኦሰማችክ ኬሰ መሲህ ኢሳን አመዕነን ጡም አደ አዎንሰቶተ አታልታ ጠሊላትተ መጻፈት ደጎንት። 16 ጠሊላትተ መጻፈት ጉዕመንኩ መገን አያኑ አዎንሰን ከተበንቶአራን፤ እሰን መገን መንቹ ቀነጤኖርቹ ዮበእሂ፤ ጡመ ሆሳተ ጉዕመንከ ቅጠሞሃ አሆተ ተማርሲሃ፤ ዋቀሻተ፤ ሉጨንሺች ፈንቀሺሃ፤ ነጥማን ርስሲሃ ደግለልታእረ።

4 መገን ብሬን ፈንቀል አሜተኖሊክ ዋመ አሀኖ ወክት ፎሊን ዮ መን አሌንሊክ ሬዮ መን አሌን ፈረደኖ መሲህ ኢሰ ብሬን ኤገተ ያንኩ። 2 መገን ላገነተ ዱዱብሰ፤ ወክቲንሊክ አለወክቲን ጠረኝ፤ አታዕሊን ተማርሰተን ሆጉዕናን ኩልተንሊክ ኡመዕርተን ሸከ። 3 መሰንትሰ መኑ ጡመ ትምርት ሞጮጭቶተ ሀሰቡ ወክቱ አሜተኖ፤ ጠው እኮጎሬ መጫተሰ ተሽ ዩኖ ጠዉ ኩልታሰቤቺሃ ገይሰ ሃሽአቶገ ተሽ ዩኖሰ ጠዉ ኩልታሰ አሰተማረተ ጭምአታእ። 4 እሰ ሀንቅ ሞጮጭታሀኒች መጨሰ ማቁተ ሞጮጭቶተ ፈንቀሽታእ። 5 ጠው እኮጎሬ አት ጉዕመ ጠዋንን አጥራመቶንቲሃ እህ፤ ኦርሸንተ አታዕል፤ እንጂሊ ዱዱብሱ ሆጉክ አእ፤ ሆጉክን ዊንሸት አእ። 6 እን ክትም አሃም ወክቱ ሆንጠኮኡ፤ ህትን ከን ኣዱንያ አሊች መለዕሊም ኦሮኣም ወክቱ ኢልዮኡ። 7 ጡመ አጸንሸ አጸም፤ ሂጫቀመኖ መንቹ ሂጫቀመሰ ሹሎሀንገን ክድመኤ ሹሎም፤ አመዕነቲኤ አገሮም። 8 ቲሱ ከኒች ኤተሮን ፈዩ ሽልማቱ ቀጥይ አገረኖኤ፤ ኩ ሽልማቱ መገኑ እሰ ሃሽአቶገ ሄዕዮምቤቺሃ ኣሰኖኤሃ ሽልማት፤ ህካን እኮቤቺሃ ጡመ ፍርደ ፈረደኖ ቀርቼ ኢሰ ህክ በር ኣሰኖሀዕኔ፤ ህካንን ጠለዕል ኤሳሃ አሁዕነ እሰ አሜተኖገ ኢተኖ መኒሃ ጉዕመንከ ኣሰኖሰ። 9 ደዕልት ኢቤቹ አሜቶተ አታልሰሾሂሃ ጉዕመንከ አእ። 10 መሰንትሰ ዳማሰ ከን ኣዱንያ አል ጠዉ ኢት ኢች መለዕሊም ተሰሎንቄ ከተመ ኦሮዕዮኡ፤ ቄርቄሰ ገለትይ ባዱ ኦሮዕዮኡ፤ ህትን ቲቶሰ ድልማጥ ባዱ ኦሮዕዮኡ። (aiōn g165) 11 ጠለዕል ሉቃሰ ኢን ሜጡብ ዮኡ፤ ማርቆስ ሆሳተ አበ

ሀዕሊኖኤቤቺሃ እሱ ኣእት አም። 12 ጠዉ እኮጎሬ ትልቆሴ ኤፌሶን ከተመ ሶኮም። 13 ህትን አሜታንት ወክት ጢሮአድ ከተማን ካርፑሰ ቤቹን ዮ ኮርቦተሊክ አደደ ጎገች መክሴመሀኔን ከተበንቶ መጻፈተ ኣእት አም። 14 ናሰ መክሰኖ አለክሰንደር ኢ ኣሌን ሂሊ አበ ጠዉ አዕዮኡ፤ እሲንከ ቀርቼ ሆሳሰገ ባተኖሰ። 15 ነኡ ጠወዕናም ጠዋን እሰ አበ ሀንበዕለመኖቤቺሃ አት ገወክ እሲች አገዕር። 16 ከሰሰሞም ጠዋሃ ወዕና መሰለ ፈንቀሼም ወክት ጉዕመንኩ ኢች አደ አኮ ቤሉ ሀዕሊኤሁ አደሁ ዮበእ፤ ህካን መገኑ እሰ ኣሌን ጨብ አዕይ ወለኡከ። 17 ጠዉ እኮጎሬ ኢ አዲን መገን ላገት ጉዕመንኩ ዱዱብሰንቶተሊክ አይሁደ እህቡ መኑ ሞጮጭተ ቀርቼ ኢሰ ኢ መዴን ኡር ጠረኝሾኤ፤ ዘቤ አፌች ፌሾኤ። 18 ቀርቼ ኢሰን ሂሊ ጠዋች ጉዕመቺን አገረኖኤ፤ ሰሜ ጄነቲንክ ኢልሰኖኤ፤ እሲንከ ዘላላሚሃ ኬዕምኙ እህን፤ ኣሚዕን! (aiōn g165) 19 ጵርሰቁልሰክ አቂላ ኦኔሰፎርም አበሮስ ምኒ መኒሃ «ወገሬቲ» ይ። 20 ኤራሰጦስ ቆሮንቶሰ ከተማን ፈቆ፤ ህትን ጥሮፊሞስ ጥኮቤቺሃ ሚሊጢን ከተማን አጉሮም። 21 አት ከርሙ ኣትዕነ አታልሰሾሂ ጌሳን ሄጭት ኢቤቹ አም፤ ኤውብሎስ፤ ጵዴስ፤ ሊኖስ፤ ቅላዉድየሊክ አመዕናኑት ጉዕመንኩ «ወገሬት ዮንትንዶ» ይታሄት። 22 ቀርቼ መሲህ ኢሰ ኪን ሜጡብ እህን፤ መገን ኣሰቲት ክዕኔን ሜጡብ አኩን።

1 መገን ካዲንቼለከ መሲህ ኢስ አሳቤቹ እኩም ጳውሎስ መገኑ መጠርስ መነ አመዕነትቤቹ ገሌሃለከ መገኑ አጉድ ሆኑ እክ ሄኡ ሀሰሰኖስ ጎሬ ለሊሰኖ ሀንቅ ደጎተ ተማርሶት ሹመ እኩም ጳውሎሴች ሶሆዋለሃ፡- **2** ሁኩ ሀንቁ ዘላለሚሃ ሄኡ ተሬገጥሲሽ ኣሰኖ፤ ሀካንን ዘላለሚሃ ሄኡ ኣሰኖ፤ ዘመኒች ብርተ ሄጮ፤ ጠወዕዮሁ ክክብብሃ መገኑ፡- (aiōnios g166) **3** ዘማኑስ ኢሊ ወክት ፌሳንቹሃን መገን ትዛዚን እን ዱዱብሶተ ኣሰሞኤ ዱዱብስ ኤገ መሳን መገኑ ሶህኑስ ለልሹ፡- **4** ሜጡብ አመዕነኖም አመዕነቲን ሀንቅ ቤቱኤ እኩ ቲቶ እነ እኩ መገኒቶለክ ፌሳንቹ መሲህ ኢሲች ኣስቱትለክ ወገሬቱ ኬሳሃ እሁን፡- **5** ኬሳሃ ቀርጤሳን አጉሮም መስት መክበርቹ መክሶተለክ እን አዘገግኪገን ከተማን ጉዕማንን አመዕናኖ ባልቀተ ሾንቶታት፡- **6** አመዕናኖ ባልቀንኩ ቀነጤኖስርቹ ኖብኢሃ፡ መቲ መንቹ ምኒ እነ እኩኢሃ፡ ማለተ አኢጎለክ አዘዛመ፡ ሆጊን ዋቀሰንትቡ መገኑ አመዕነቶ አለት ኖሲሃ እሁ ሀሰሰኖስ፡- **7** መሰንትስ አመዕናኖ ዱኣ ምኒ አዋንሳንቹ መገን ሆጎ ኤገተ ቶሃሃ እኩቤቹሃ ቀነጤኖስርቹ ኖብኢሃ እሁ ሀሰሰኖስ፤ እሰን ቦንባሃ፡ ኡሙዕርባሃ፡ ሰከርባሃ፡ ብተሞባሃለክ ብሪሃ ጎሬደባሃ እሁ ሀሰሰኖስ፡- **8** ጠወ እኩጎሬ ኮሃ ቶገኖሃ፡ ጡመ ጠወ ኢተኖሃ፡ ገዉስ አገዕሪኖሃ፡ ሀንቅ ኢተኖሃ፡ መገን ሆጎተ አደ እኩሃለክ ኖስ ጌሲን ሄኡኖ እሁ ሀሰሰኖስ፡- **9** እሰን ዋሉ መነ ሀንቅ ትምህርት ተማርሰን ሸዙተለክ ህክ ላገተ አደ መኒሃ መሰለ ኣሶተ ከኒች ብርተ ተማር ትምርት ሃላጊ አመዕነቶ ላጋን ጠረፍን፡- **10** ልግቡ መኑ በትሽን አይሁድ አድረ እኩኣ፡ ጡርከሜኖ ሴሪ አዋንታ፡ አዘዘንትበረለክ ተሰ እኩ ጠወ ጠወኣን ሉሲሳኣ፡ ኖኡ፡- **11** ከ መናከተ ሰዕም ይታገ እኡ ሀሰሰኖ፤ እሰን ገበአበ ትርፈ ደኣቶተ ገበአበ ጠወ ተማርሰትን አበርሱ ጉዕመንክ ኩማዳኡ፡- **12** እሳች መቱስ ገይሰ ራጋንቹ «ቀርጤስ መኑ ጉዕመ ወክት ክዝበኛኑት፡ ሂለ ቡሳወ እኩኣ፡ ሆጉተ ኢትቲበለክ ጎሬሜቻኖታን» ዬእ፡- **13** ኩ መሰከረሞ ጠወንኩ ሀንቅሃን፤ ህካን እኩቤቹሃ ዊሙ አመዕነቱ ሄኣሰተ ከ መነ ጠረኝስ ኡሙዕር፡- **14** አይሁድ መን ማቁተ አዋንትበገለክ ሀንቅ ግብ ኦዳ መን ትዛዝ ሞጮጭትበገ ጠረኝስ ኡሙዕርሰ፡- **15** ነጠ መኒሃ ጉዕመርቹንኩ ነጠሃን፤ ጠወ እኩጎሬ ንጃሶህኡተለክ አመዕነትበህኡተ መቱርቹሁ ነጣበኣ፤ ህትን ቀልቡሰለክ ሰወ ይታርቹ ንጃሾኣሃን፡- **16** እሰን «መገኑ ደንጋም» ይተን ሆንተሰ እሱ ለገኣኣ፤ ህትን ኮፍ ይታኣ፤ አዘዘንትበረለክ ጡመ ሆጉተ እኡ አታልትበረ፡-

2 እት እኩጎሬ ሀንቅ ትምህርት ተማርሰ፡- **2** ኡሙሪን ባልቆ ጎኑ ወልቀስ ጌሲን ሄኣኣ፡- ኬዕምኝሰ አገርታኣ፤ ገዉስ አገርታኣ፤ አመዕነቲንለክ ኢታን አታዕሊን፤ ሂልመት ኖስበኣ፤ አካገ ሸዘሰ፡- **3** ህትን ኡሙሪን ባልቆ ሜንቱ አመዕነቱስ አገርት ሄኣኣ፤ ሄዕምትበረለክ ሰከርትበረ ጡመ ጠወ ተማርሰታኣ፤ አካገ ሸዘሰ፡- **4** ህትን ባልቆ ሜንቱ ሀርድ ሜንቱ ምንስ ኣናኑተለክ አለሰ አትታኣ፤ **5** ገዉስ አገርታኣ፤ ነጣቡት፡ ጉዕመርቹንን ምንስ አገርታኣ፤ አካገ ምንስ ኣናኑተ ኬዕምሳኣ፤

አካገ ተማርሰቱንሰ፤ ህካንን አታኢሁ መገን ላገት ህንቀንታበኣጋት፡- **6** ህትን ዋደልቹ ገዉስ አገርዕ ሄኣኣ፤ ሸዘ፡- **7** እት ጡመ ጠወ ኣተን ጉዕመ ጠዋንን ምሳልተ እህ፤ ትምርቲንከክ ሀንቅ መንቹ እሁክለክ ደግለላኖ ጠወ ዮሄ መንቹ እሁክ ለሊሰ፡- **8** ህንቁኖበኣ ጡመ ጠወ ለሊሰሰ፤ ከን ሃሌን ኔሳሃ ግባኔ፤ ኒ ኣሌን ጠወኣ ሂለ ጠወ ሆጋሪ ሙልታኡ፡- **9** ካዲመት ቀርቻኖተስ አዘዘንታ፤ ጉዕመርቹንን ቀርቻኑስ ሙንዲሲሳ፤ ሂለ መሰለ ራንቀሽት ጠወኣበኣ፤ **10** ሞግትበገ ሸዘሰ፤ በትሽን ፌሳንቹሃን መገን ትምርቱ ጉዕመ ጠዋንን ኢተሞሃ እሆተ ጉዕመ ወክት ዊሙ ደገንቶኣ፤ እኩን፡- **11** መገኑ መነ ጡምሰኖ ኣሰሰት ጉዕሚንክ ለሊሹኡ፡- **12** ሁኩ ኣስቱንት ለግተለክ ኣዳን፤ አል ሄዕላቸተ አጉሬን ገዉ አገዕሪን፤ ጌጥዬለክ መገኑ አጉዲን ከን ዘማኔን ሄዕናት ተማርሰኖ፡- (aiōn g165) **13** ከን ሃሊን ማሰአሞ ተብሳኔ ሁኩንን ሎሩ መገኑኤለክ ጡምሳንቹኡ መሲህ ኢስ ኬዕምኒን አሜቱስ አገዕርኖም፡- **14** መሲህ ኢስ ሾክማች ጉዕሚችን ጡምሶኔተለክ ጡመ ሆጉተ ኣዕናተ ጠረኛኑተለክ እሲሃ አደ እንኩም ነጠ ኡመት እንኩተ ነጠ አኦኔተ ኒቴሃ ገዉስ ህግሽ ኣሴኡ፡- **15** ቴሱ ከ ጉዕመንክ ጠወ ዊሙ ሹምተን ተማርሰ፤ ሸዘ፤ ኡሙዕር፤ አዪሁ ህንቁንከሄ፡-

3 መኑ ጉዕመንኩ ገሽታሰህኡተለክ ዳኛተ ገዉስ ሆፍስ አዘዘንቶተ ጡመ ሆጉተ ጉዕመንክ አቶተ ተቃጠሪ እኩተ **2** ህኩን መንቹ አሊኒ ሂለ ጠወ ጠወኣበኣ ሰወ ይታገ እኣስ፤ በትሽን መኒን ብተንትበረለክ ጎይበ ላፋትተ፡ ገዉ መግ ኣኡን ሄኡ መኒሃ ጉዕሚንክ ለሊሳኣ፤ እኩን፡- **3** ነኡን ከኒች ብርተ ገዋኑት፡ ትዛዝ ቶንግበረ፤ ጡመ ዋቃሃ ሉንሶምረ፤ አደደ ሂለ ሄዕላቻተለክ ማል ተሽቲሃ ጠገምምረ፤ ተንኮንለክ ሞቀቹማን ሄዕናምረ፤ ግበሞምረለክ መት-መቲንከኔ ኢተቀምበረ እቅ፡- **4** ጠወ እኩጎሬ ጩብቹኡ ጡምሾኔ መገንኔ ጎይበ ለፍመትለክ ኢትት ዊንቶ አመዙ ለሌ ወክት **5** ነኡ ኣዕናም ልዩ ሆጎንተኔ እሁዕናን ገዉንኩስ ማርቶንከስ ጡምሾኔ፤ ጡምሾኔንኩ ሃዕር አለሚን ኣዕሊንለክ ጠሊሊ ኣያን፤ ደገሞ ሃዕርሃ ሄኡ፡- **6** መገኑ ኣስቶንከስ ጡምሳንቹሃን መሲህ ኢስ ኣዳን ኣያንስ ኒ ኣሌን በትሽ ደፈፍሾ፡- **7** ህካንን ኣዕዮሁ ኣስቶንከስ ፈያኑተ እንክ ተብሰን አገርኖም ዘላለሚሃ ሄኣኖ ሄኡ ረገዕኖታት፡- (aiōnios g166) **8** ከን አመዕነሞኣሃ ጠወ፤ መገኖን አመዕነቶ መናከት ጡመ ሆጎተ ጠረኝቶተ ከ ጠወ ጉዕመንክ ጠረኝስ ቃግሶተ ሀሳም፤ ኩ ጠወንኩ ጡመለክ ጉዕመ መኒንክ ደግለላኖሃን፡- **9** ጠወ እኩጎሬ ተሰ እኩ ኦዳች፡ ደቦ ዋልንሺች፡ ብታች፡ ሕግ መሳን ኬኣኖ ጠዊች ቄዕር፤ ህትኔ ጠወንኩ ደግለልባሃለክ ተሰሃን፡- **10** አደደመተ ኤበኖ መንቹ መቶሪ ህከረገን ለሞረ ሸዘንትሲች ኤተሮን እሲች አደ እህ፡- **11** ህትኔ መንቹ ሂላለክ ጩበኛሃን፤ እሰ ገይሰ ኣሌን ፈረጃ እሁስ ደግ፡- **12** አርጤማሴ ህከረገን ትከቆሴ ኪቤቹ ሶሃም ወክት እን ኖም ቤቹ ኒቆጽልዮን ደዕልተ አም፤ እን ከርም ህከኔ ዱንኮተ ሙዕርዮም፡- **13** ሕገ ደገኖ ዜናሰለክ አጽሎስ ዎቃስ ሃንቶተ ደግለላኖስርቹ ጉዕመንክ ሀዕልሰ፡- **14** ኒ መንኩኩ አቶቱ ኖበኢሃ ፈቃበኣለክ ደግለሸቀም ኦርሻች ጡምቶተ ጡመ ሆጉተ እኡ ተማርቱን፡-

15 እን ሜጡበ የኢሩ ጉዕሙንኩ «ዋገሬቴ የንተንድ?» ይቶህዕኔ ይሰ፤
አመዕነቲን ኒን ሜጡበ እኮ ጃላተኔ ጉዕሚንከ ወገሬት አልሰ። መገን
አሰቱት ጉዕሚንከክዕኔ ሜጡበ እኩን።

ፍልሞኒሃ

1 መሲህ ኢስተኔሃ ኡሱረኛ እኩም ኢች ጳውሎሴችለከ እመኔቤቲች
ጠግቶሴች ኢተሞ እመኔቤቱለከ ሆኅኔ ጂላ እኮ ፍልሞኒሃ **2**
እመኔቤቶት አፍብያሃ፡ ኒን ሜጡብ መሲህ ኢስ ምታደረ እኮ አርክጳሴለከ
ህትን ምኔክ ጭምደቶ እመዕናኖተ፤ **3** አንችኔ መገኒችለከ ቀርቾ መሲህ
ኢሲች ኣስቱትለከ ወገሬቱ ክዕኔሃ እሁን። **4** ዱኣ አኣም ወክት ኬሳሃ
ሰውየን መገኑኤ ጉዕመ ወክት ገለትጫሚት። **5** ቀርቾ ኢሳን ዮሄ
እመዕነቱለከ ኢተተ ህትን እመዕናኖተ ዩሄ ኢተክ ሞጮጭዮም። **6** ኔሳሃ
ሜጡ እዕዮኔ እመዕነቱ መሲህ ኢሲን ዮኔ ጡመ ጠወ ጉዕመንከ ብዝ
እት እጥራመታንትገ እኣሄተ እን ኬሳሃ ዱኣ አኣም። **7** ኢ እመቤቶ! ኪ
መሳን እመዕናኖ ቀልብ ብዝ እዕይ ጠረኝቮቼሃ ኢተክ አበ መንዲታተለከ
ጠረኝመተ ኣቶኤ። **8** ህካን እኮቤቼሃ አኡ ሀሰሰኖኤሃ አለ ይ ኬሳሃ
አዘዙተ መሲህ ኢሲን መለል ጠወኡተ ኢታላም እቅ። **9** እኮኅሬ ካን
አኣምሀኒች መሲህ ኢስተኔሃ ኡሱረኛ እኩም እን ባሊቆም ጳውሎስ ኢታን
ኡጨ መጠርም። **10** እን ኡሱር ምኔን ሄእን ቤቱእ እኮ ኦናሲሞሴተኔሃ
ኬሳሃ ኡጫንኬ። **11** አናሲሞስ ከኒች ብርተ ደግለሎሄበ እቅ፤ ቴሱ እኮኅር
ኬሳሃ እኮ ኤሳሃ ደግለለኖኤ። **12** ህትን እሱንከ ኪቤቹ ፈንቀሽ ሶኮም፤
እሱ ኪቤቹ ፈንቀሽ ሶሃም ወክት ገዉኤ እዕይ ኢታምሀንገ እዕይ ወለኣም።
13 ተሸት ላገ መሳን ከኔ ኡሱረሞምሀኒን ኪቤቹን እክ ሀዕሎኤተ እስ ኢን
ሜጡብ እኮ እቅ ተሸ የኖኤ እቅ። **14** ጠዉ እኮኅሬ እት ኢታንት ጡመ
ሆጉተ ግዳጂን እሁዕነ ኢታን እሆተ ኬሳሃ ጠዕሙዕነ መቱርቼሃ አኡተ
ሀሾምበአ። **15** አናሲሞስ ቀዎ ወክቲሃ ኪች አደ እኮኅሬሁ ከ ኤተሩ ልግብ
ወክት ኪን ሜጡብ ሄኡተ ኢታለኖ። (aiōnios g166) **16** ከኒች ኤተሮን ኪን
ሜጡብ ሄአኖሁ ሮስችገ እሁዕነ ሮስቼች በተዕዮሃ እክ ኢተሞ እመቤትጋት፤
እስ ኤሳሃ ኢታም እመኤሃ ቤቱ፤ ጠዉ እኮኅሬ እስ ኤሳሃ ኢታም እመኤቤቱ
እኮች በትሸን ኬሳሃ ደግለሸቀሚኖ ሄኣንለከ ቀርቼን ሀት ኢተሞ እመክቤቱ
እሀኖበአ? **17** ቴሱ ኤሳሃ እመክቤትገ እት ዎለኦንቴኤች ኢገ እት ቶግሰ።
18 ኢልሾሄ ብድሉ ዮ ኅሬ ህከረንገ ኤዶ ዮሰኅሬ ኢ አሌን ዎለአ። **19**
እን ጳውሎስ «ኤዳስ ባታም» ይ ገይኤ አንጋን ከተቦም፤ እኮኅሬ ኪ
ሄአተኔሃ እት ገዉክ እኮንት እቃ ኢ ኤዶሁ ዮሄሃ እሁክ ቃግሱ ሀሰሰኖበአ።
20 ቴሱ ኢ እመቤቶ! ቀርቾ ሱዕሚን ከ ጡመርቼ አቶኤተ ኡጫንኬ፤
ሀዕይ ቀልብኤ መሲህ ኢሲን ፎሎጨኖገ አኤኤ። **21** ካን እን ከተቦንኬሃ
ኢታንትገ እመዕናም፤ ሆሮን እን ጠዕሜምሀኒች በትስ ኢታንትገ ደጋም።
22 ህትን መገኑ ዱኣክዕኔ ሞጮጭ ክዕኔቤቹ አሜታምገ አአኖኤገ ተብሳሃ
አኣምቤቼሃ ኤሳሃ ፎሎጨም ቤቹ ቅጥ አኤኤ። **23** ኢን ሜጡብ መሲህ
ኢስተኔሃ ኡሱረሞ ኤጳፍረ «ወገሬት ዮንተንዶ?» የኖሄት። **24** ህትን ሆኅእ
ጂለተ ማርቆስ፤ አርሰጥሮኮስ፤ ዳማሰለከ ሉቃስ «ወገሬት ዮንተንዶ?»
ይታሄት። **25** ቀርቾ መሲህ ኢስ ኣስቱት ክዕኔን ሜጡብ እኩን።

እብራውያን

1 ብሬ ዘማኔን መገቲ ልግብ እደደ እኮ ዎቃን እበናኖተኔ ነብያኖ ኣዲን ልግብ ወክት ጠወዕዮ እቅ። **2** እኮጎሬ ከን መጨረሻ ዘማኔን ጉዕመንከ ረገእኖሃ እዕዮሰ ቤትሰ ኣዲን ኔሳሃ ጠወዕዮኡ። ህትን ጉዕመንከ ከለቆሁ እስ ኣዲንት። (aion g165) **3** ቤቱስ መገን ኬዕምኝ ለሊስኖሃን፤ እስን ዊመ ዊሚን መገቲ ኣጉደኖሃን፤ ወልቀት ዮ ሓገንከስ ጉዕመንከ ድክሸ እፎኡ፤ ህትን መን ጨቢቶ ነጠ እዕዮኹ ኣተርን ሎረ መገን መኬ ኣዲን ሰማን ኣፋዕልዮኡ። **4** መገን ቤቱ መላይከ ሱዕሚቶ ሎሩ ሱዕሙ ኣሰሞስ ሃሊን ኣሳቶ በትሽ በተዕዮሃ እኮ። **5** መሰንትስ መገቲ መላይካችስ መቲሀሲ «እት ቤቱሃኤ፤ እን ኣናክ» ህከረንገ «እን እነ ኣሃንስ፤ እሲሁ ቤቱእ እሆኖ» ዬኢሁ እዬህት? **6** ህትን ሀንገፊ ቤቱስ ኣዲንያ አል ኤቦ ወክት «መገን መላይከት ጉዕመንኩ እሲሃ ሰገደሰት» ሀሰሰኖ። **7** እኮጎሬ መላይከትኔሃ ጠወኣን «መላይከስ ቡብረ፡ ካዲመተ ገረ ለበነተ ኣእኖ» ዮኖ። **8** ጠው እኮጎሬ ቤትሰተኔሃ፤ «መገና! ዳቕመክ ቦርጭመት ዘላለሚሃ ሄኣኡ። ዎምነቶንከክ ጠመገ ኣት ገሽታንት፤ (aion g165) **9** ኣት ፊዩተ ኢትት ሂለ ጠወ ግቦንት፤ ህከን መሳን መገቲ መጠርሂ፤ መንዲኦት ኣሰና ዘይተ ቡር ጃላችክ በትሽ ኢቲኤ» ዮኖ። **10** ቲሁ ቤትሰተኔሃ ህት ዮኖ፤ «ቀርቶ! ኣት ሄጭት ኣለተ ከለቆንት፤ ሰሞንኩ ኣንገክተ ሆን። **11** እስ ጉዕመንኩስ በኣኤ፤ እኮጎሬ ኣት ሄኣንት፤ እስ ጉዕመንኩስ ኦድኖገ ኑባጽታኡ። **12** ቡሉኩገን ጣጣንትስ፤ እስ ኦድኖገን ዶረንታኡ። **2** ኣት ጉዕመ ወክትንከ ኣቲት፤ ዘማኔክ ሆሮ ጎፊኖበኣ» ዮኖ። **13** ጠው እኮጎሬ መገቲ መላይከ በሊቶ፤ «ባላጋረክ ሎካችክ ዋሮን ኣለተ ኢለ መኬእ ኣዲን ኣፋዕል» ዬኢሁ እዬት? **14** ህከረ መላይከት ጉዕመንኩ ጠው ደኣታ መን ካደንቶተ ሲህንቶ ኣያናከተበኣንዶ?

2 እይደጎ ነኡ ሞጮጭኖም ጠዊቶ ኤተሩ ዋልን ኡምባምበኣን ኣገዕሩ ሀሰሰኖ። **2** መላይከ ኣዲን ኩለንቶ ላገት ሀንቂተ እኮጎሬ ህተ ላገተ ቶጉ ግበኖ መንቹ ሀሰሰኖ ሃሊን ቀጠኣመኖሃ እኮጎሬ **3** ኣኡ ህከ ሎረ ጠው ሀምቦምጎሬ ህት ኣንከ ፋሽኣኖተ ኣታልኖም? ከ ጠውኤ ወዕና ኩሎኔሁ ቀርቶ ገባስ፤ ህከን ጠረኝስ ኩልቶኔሩ እሲቶ ሞጮጭቶኣሃ መን። **4** ህትን መገቲሁ ህከን ጠውተኔሃ መላተ፡ ኣበ ኣጀብሲሰኖ ሆንን፡ ኣደደ ገረምሲጩኖ ጠዊን፡ እስ ሆሹ ሃሊን ኣሴ ጠሊለ ኣይን ኣሰቶን መስከርኡ። **5** ነኡ «ከ ኤተሩ ኣሚታኡ» ይን ጠወዕናም ኣዲንያ አል መገቲ መላይከስ ጠቅቶተ ኣሰዮበኡ። **6** መጻፍ ኣዜን መቶ ቤቶን መቲ መንቹ «እት እሱ ሰው ይቶተ መኑ መርቾሃን? ህትን ጨነቀንቶስተ መን ኣለት መርቾሃን? **7** እሱንከ መላይካች ቀዎ ወክተሃ ሆኖሶንትስ፤ ኬዕምኝለክ ገለት ዘወደሃ ዋርቶንትስ፤ ኣንገክ ሆን ኣሌንን መክሶንትስ፤ **8** መገቲ ጉዕመርቹንከ ሹምነቲቶስ ዋሮን ኣቶንት» ህት ይ መስከርኡ። ጉዕመርቹንከ ደቕመስ ኣዜን ኣእናረ፤ ዳቕመስ ኣዜን ኣኡዕነ ፊሮቹ መቲርቹሁ ዮበኡ። እኮጎሬ ቴሱ ጉዕመርቹንኩ እስ ሹምነት ኣዜን ኣሁስ ለዕናምበኡ። **9** ጠው እኮጎሬ መገን ኣሰቶን ጉዕማንከ መንተኔ ሬሁተ ለዕናተ ቀዎ ወክቲን

መላይካች ዋሮ ኣዲን ኣክ ለሌ ኢስ ሬሆ ኦርሸተ ቶጎቤቺሃ ኬዕምኝለክ ገለት ዘውደ ዋሮሃ ለዕናም። እስ መገን ኣሰቶን ጉዕምነትኔሃ ሬዮኡ። **10** መገቲ ጉዕመርቹንከ ከለቆ፤ ጉዕመርቹንኩ ህትን ሄኣተ ኣዕዮ፤ ኢስ ኦርሸ ኣዜን ህግሲን ጉዕመርቹሃ በቀዕዮሃ ኣሆናገ ኣኡ እሲሃ ገበኣኑሃን፤ መን ጠውቤቹ ኣዎንሰኖሁለክ ልግብ ኣሱተ መገን ኬዕምኝ ቤቀንታገ ኣእኖሁ ኢሳት። **11** መን ጠሊላኦተ ኣእናሳሁለክ እሱን ጠሊላኦተ ኣኮ መኑ መቶ ኣንተ ኣሱ፤ ህከን መሳን ኢስ እሰንተ «እመኤ ኦሶ» ይ ገኡተ መላኖበኡ። **12** ህከን እኮቤቺሃ ኣን መገኒሃ «ሰዕመክ እመኤ ኦሶተ ኩላም፤ እመዕናኖ ጭምት በላን ኬሳሃ ገለትጫንኬ» ዮኖ። **13** ህትን «እመዕነቱኤ እስ ኣሊን ኣኣም» ህትን «እንለክ መገቲ ኣሴኤ ኦሶተ ሁኩዕን» ዮኖ። **14** ኦሶተ ማሉለክ ቄጉ ዮኣረ ኣኮገን ኢሲሁ እሰንተ መንቹ እኮ፤ ሁኩንን ሬሆንከስ ሬሆ ኣሊን ወልቀት ዮስ ኣልቢስ ቤሶታት። **15** ህትን ሄኣኖ ዘማኔን ጉዕማንን ሬሆገ ዋጄኖ ሮሶመ ኣዜን ጠገንቶረ ጉዕመንከ ዎንሃት። **16** ህንቅ ኣሆረረ ኢስ ሆሹ መላይከተ ሀዕሎተ ኣሁዕነ ኣብሬሂም ዘርተ ሀዕሎታት። **17** ህከን እኮቤቺሃ ማርቱተ ኣእናለክ ኣመዕነም ሎረ ቂሰቹ ኣክ መገኒሃ ኣኦተለክ መን ጨብ ኣጉርተ መ ጠዊን ኣመስ ኦሶተ ኣጉቲ፡ ገበዕዮስ። **18** እስ ገወንኩስ ፊተንም ኦርሸተ ቶጎቤቺሃለክ ፊተንምቤቺሃ ፊተናን ኣጎኣረ ሀዕሎተ ኣታለኖ።

3 ህከን እኮቤቺሃ ሰሜ ጂንትሃ ገእንቲን ቤቀማኦተ ኣኬንተ ጠሊላኦተ ኣመኤ ኦሶ! ጠወዕናም ኣመዕነት ሎረ ቂሰቹ ኣሆተ መገኒን ሲሆም ኢስ ሰዉ ይዬ። **2** ሙስ ዱኣ ምኒ ሆንን ጉዕማን ኣመዕነምኣሃ እኮገን ኢሲሁ እሱ ሹሞስ መገኒሃ ኣመዕነምኣሃ እቅ። **3** ምኒ እጃረኖሁ ምኒቶ ሎሩ ኬዕምኙ ሄኣኖሰህገንገን ኢሲሃ ሙስ ኬዕምኙቲ በተኣኖ ኬዕምኙ ሀሰሰኖስ። **4** መሰንትስ ምኒሃ ጉዕሚንከ መቲ እጃረኖሁ ሄኣኖ፤ ጠዉ እኮጎሬ ጉዕመርቹንከ እጃረሁ መገንሃን። **5** ሙስ ከ ኤተሩ ኩለመኖ ጠዊሃ ምስክር ኣሆተ መገን ምኒን ጉዕማን ካድንቶገ ኣክ ኣመዕነምኣሃ እቅ። **6** መሲህ መገን ምኒን ጉዕማን ሹምነቱ ኣሰሞስ ቤትገ ኣመዕነምኣሃ እቅ፤ ነኡን ኣመዕንናምለክ ድከዕናም ተብላሃ ኤተሩ ኢለ ጠረኝንስ ኣንፎምጎሬ እስ ምኒ እንካም። **7** ህከን እኮቤቺሃ ጠሊሉ ኣያኑ «ከበር ላገስ ሞጮጭቲን **8** ኣዕቴ ኣለ ኡድማን ፊተንቲንተኤ ወክት ኣበናኩክዕኔ ሹክቶኣገን ቀልብክዕኔ ዱድሶኖቹ። **9** ህከኔን ኣበናኩክዕኔ ፊተንቶኤሁ፡ ኣሙዕርሲሶኤሁ፤ ኣዕዮምርቹንከ ሸይሉ ዘማን ለኦኡ» ዮኖ መገቲ። **10** «ህከን እኮቤቺሃ ኣን ህከን ዘማን መናን ኡሙዕሬም፤ ጉዕመ ወክት ቀልቡስ ሉጨምኣሃ፡ ዎቃንከኤ ደግበረሁ ይም።» **11** ኣንን ኣሙዕሬን «እስ ኢ ፎሎጮቤቹ ሆሮ ኣጎባኢ ይ ጤላዕሌም።» **12** ኢጃ! ዘላለሚሃ ሄኣኖ መገቲ ለገኣሲሰኖ ሂሉ ኣመዕንቡ ቀልቡ ክዕኤኤቶ እዬሃ ሄኣኖበኣን ኣገዕርዬ። **13** እኮጎሬ ክዕኤኤቶ እዬሁ ጨቢን ጣንሰም ቀልብስ ዱድሶኑዕነ «ከበር» የመዋ በሩ ጎፋዕነ ጉዕመ ወክት ገገዉክዕኔ ኣማዕለሚ። **14** ወዕና ሄዕዮኔ ኣመዕነቱ መጨረሻ ኢለ ጠረኝንስ ኣንፎምጎሬ መሲህን ሜጡብ ቤቀማምረ ኣንካም። **15** ከኒቶ ብርተ «ከበር ላገስ ሞጮጭቲን

ህከ ወክት አበናኩክዕኔ ሾክማን አቶገን ቀልብክዕኔ ዱድሶናቺ» የመም ከተበዋጋት። 16 ላገለ ሞጮጭት ሾክቶአሩ አይኤታን? ሙስ አምንሰ ግብጽ ባዲች 4ሼሰሩ ጉዕማንከሰበአንድ? 17 ሸይሉ ዘማን ዊመ መገኑ እሙዕርሰሶሩ አይኤታን? ጨብ አቶቤቺሃ ጀናዘሰ ኦሉ ኡድማን ፈቆአረበአንድ? 18 ህካን አኮቤቺሃ አዘዘንቶበአ መን ቤሉ «ፎሎጮኤ ቤቼ ኣኔነተበአ» ይ መገኑ ጠሌዕሊሰሩ አይኤታን? 19 ቲህ እስ አመዕት ሆነ መሳን ፎሎጮቤቼ ኣነተ አታሉ ሆጉስ ደንጋም።

4 ህካን አኮቤቺሃ ኣሰኖኔ ፎሎጮቤቼ ኣገሂ ላገተ ኣጎኔህ ጠረኘ አኮቤቺሃ ክዕኔት አይሁ ህከ ፎሎጮቤቼ ኣገኖ ሳመ ደኡስን ፈቀናበአገ ጉዕሙንኩኔ አገዕርና። 2 እሳሃ እንጂል ላገት ኩለንቶገን ኔሳሃ ኩለንቶኔ፤ ጠዉ እኮጎሬ እስ ሞጮጭቶ ላገተ እመዕነቲን ቶጉሆጎቤቺሃ ደግለሎሰበአ። 3 ነኡ እመዕንናም ሙኑ ህከ መገኑ ኣሰኖኔ ፎሎጮቤቼ ኣንጋም፤ እስን «ኣስ ፎሎጮቤቼ ሆሮ ኣጋበአ» ይ ስሙዕሬን ጤሌዕሊም» ይህንገን ት ሆጉት ኣዲንያት ከለቀንቶች ኬሽ አክ ጎፎኤ። 4 ቲህ ጠሊሊ መጻፍ ኣዜን መቶ ቤቸን ለመልቅ በርተኔሃ «መገኑ ለመልቅ በር ሆነችሰ ጉዕሚቸን ፎሎጮኤ» የመም ከተበዋጁ። 5 ህትን ወዕና የመዋገን ለንኪሃ «ፎሎጮኤቤቼኤ ሆሮ ኣጋበአ» የና። 6 ሁኩ ዋዕነ እንጂል ላገት ዱዱብሰንታሰክ አዘዘሙ ግባኣሩ ፎሎጮኤ ቤቼ ኣጎበአ፤ ጠዉ እኮጎሬ ህከ ቤቼ ኣጋ መት-መቶ ሙኑ ሄኡስ ሀንቅሃን። 7 ሁኩን ሄጭ የመዋገን «ከበር ላገለ ሞጮጭቲን ቀልብክዕኔ ዱድሶናቺ» ይ መገኑ እስ ዘማነች ኤተሮን ደዉዴን ጠወዕዮ ላገት «ከበር» ይመቶ በር ወሰቹኤ። 8 ኢያሱ ፎሎጮሾስ እቃን መገኑ ለንኪሃ ዋሎ በርተኔ ጠወአናበአ እቅ። 9 መገን ኡመቲሃ እበ በሬ ፎሎጮኔ አጉድኖ ፎሎጮኔ ከ ኤተሩ አህና። 10 ህትን መገን ፎሎጮቤቼ ኣገናሁ አይሁ መገኑ ሆነችሰ ፎሎጮኤገን አሊሁ ሆነችሰ ፎሎጮኤ። 11 ህካን አኮቤቺሃ ነኡ ብሬ ዘማን መኒሃ አዘዘሙ ግብ ሞሳዕተ አዋኒን ኡሞባሞበአገ ህከን ፎሎጮን ኣንጎተ ጠረኝና። 12 መገን ላገት ፎሊን ሄኣኢተለክ ሆጉት አታእታን፤ ለሞ አዲን ሙረኖ ብሲቸ አበ እጸሸታን፤ ነቢሳለክ አያን መላይመተለክ ሀምቡተ አደ አኦተ ኢሊ ሙረንስታእታን፤ ቀልብ ኣዜን ማጠሞ ሰውተለክ ሄዕላቸተ አደ እት ደጋእታን። 13 ከለቀሞቹ ጉዕሙንኩ መገን ብሬቹ ማጠመናበአ፤ እስ ብሬን ጉዕሙርቹንኩ ግልጠለክ ከል አክ ለለኖሃን፤ ነኡን መሰለ ኣሰናሚህ እስ ብሬኒት። 14 መገኑ ዮ ቤቼ ሰማሃ ኦርዕዮ ሎሩ ቂሰቹ መገን ቤቱ እስ ዮኤቤቺሃ አመዕነቱኔ ጠረኝሰ እንፎ። 15 መሰንትሰ ኔሳሃ ዮ ሎሩ ቂሰቹ ሆንጋምረ መረርሲጨኖኤሃን፤ ጉዕመ ጠዋንን ኒገ ፊተነሞኢሃን፤ እኮጎሬ ጨብ አዕዮበአሃን። 16 መገኒቹ ማርቱተ ቶንጎተለክ ሀዕላንሹ ሀሰሰኖኔ ወክት አስቱተ ኣእኖተ ማረኖ መገን ብርተ አመዕነቲን ሆንጠንኩ።

5 ጉዕሙንኩ ሎሩ ቂሰት መን በሊቸ መጠረንታእ፤ ጨብ አቶ መን ወጥ መገኒሃ ክትምለክ ሰደቀ ሆንጠህሊሃ መገኒን መጠረንቶአረ። 2 ሁኩ ቂሰቹንኩ ሆነሃ አኮቤቺሃ ገዋኑተለክ ሉሳእረ መረርሲጮተ አታለና። 3

እስ ገወንኩስ ሆነሃ አኮቤቺሃ ኡመት ጨቢሃ ጠለዕል አሁዕናን ገይሰ ጨቢሃለክ መን ጨቢሃ ክትመ ሆንጠህሊ ሀሰሰና። 4 ሀሩንገ መገኒን ገአምባቸ ሎረ ቂሰ እህ ኬዕምኝ አይሁ ደኦተ አታለናበኡ። 5 ህትን መሰህ ሎረ ቂሰቹ አሆተ ገወሰ ሎረሰዮበኡ፤ ጠዉ እኮጎሬ ህከ ሎርመተ ደኤኢሁ «እት ኢሃ ቤቱ፤ እንን ከበር እሎንኩ» ይ መገኒቸት። 6 ህትን መገኑ ዋሎ ቤቸን «እት መልከ-ዴዳቄገ ቂሰመ ሹምነትገ ዘላለሚሃ ቂሰሃን» የና። (aiōn g165) 7 ኢሰን መገቹ እክ ዱንያ አሊን ሄዕዮ ዘማኔን ሬሆች ፊሰሰተ አታለና መገን ቤቹ እበ ያረናንለክ እንጂጃን አበ ዱኣ አዕዮ፤ ኢሰን መገኑ ዋጀኖሃ አኮቤቺሃ ዱኡስ ሞጮጮ። 8 እስን መገን ቤቱ እክ ኦርሸ ኣዘን ህጎጎሬህ ህከ ቶን ኦርሻቸ አዘዘሙ ተማሮ። 9 እስን ኩሌናሰርቹ ዮበኢሃ እክ አዘዘንታሰህኡት ጉዕሚንክ ዘላለሞ ጡሚሃ መሰተ አኮሰ። (aiōnios g166) 10 መገኑ ኢስ መልከ-ዴዳቄ ቂሰማ ሹምነትገ ሎረ ቂሰቹ አዕዮሰ። 11 ከን ጠውተኔሃ ልግቡ ጠወዕናም ጠዉ ዮኤ፤ ጠዉ እኮጎሬ ቲሱ ገበንቸን ተማሩ ሆንገተቤቺሃ ሂሬን ክዕኔሃ ኩሉ ኦርሸተ። 12 ከ ወክት ኢሊ አስተማረተ እኬንታ እቅ፤ እኮጎሬ መቶ መንቹ መገን ላገ ዋኔ ትምርቲሃ ክዕኔሃ ለንኪሃ ተማርሱ ሀሰሰና፤ ህትን እስገን ጠረኘ አቸተ አሁዕነ አዙተ ሀሰሳህዕኔ። 13 መሰንትሰ አዙተ አምነሱ ጉዕሙንኩ ኦሶተ አኮቤቺሃ ጡመርቹ ሂላርቹች አደ አዕይ ደገናበኡ። 14 ጠረኘት አቸተ ሀሰሳኢሁ ጡመለክ ሂላ አደ አዕይ ደገኖ ሎርሎረ መኒሃት።

6 መሰህተኔሃ ዋዕና ኩለሞ ትምርተ አጉርን ጠረኘ ትምህርትበ ህንጎ፤ ሂላ ሆጉተ አጉርን ቶበንት መገናን አመዕን ቀበበ ለንኪሃ እጃርኑንከ። 2 ህትን ጠመቀሞተኔሃ፤ መን አሊን አንገተ ኣኢን ዱኣ አእተኔሃ፤ ሬዮ መን ኬአተኔሃለክ ጉዕመ ዘማንክ አህኖ ፍርድተኔሃ ኩለሞ ትምህተ ለንኪሃ እጃርኑንከ። (aiōnios g166) 3 ህካን አጉርን መገኑ ዬጎሬ ብርተ ዋልን መርና። 4 አመዕነቱስ ካዶ ሙኑ ቶበት ህት እክ ፈንቀልቶተ አታልታኦ? ኩ ሙኑ ከኒቹ ብርተ ኑሩ ለልዮስ እቅ፤ ሰሜ ሸልማት ቀመሶ እቅ፤ ጠሊሊ አያኒን ሚጡበ ቤቀማኑተ እኮ እቅ። 5 መገን ጡመ ላገተለክ አሜተኖ አዲንያ አል ዋልቀተ ቀመሶ እቅ፤ (aiōn g165) 6 ፈንቀልት ካዶ ጎሬ ጨብ አጉርታቤቹ እስተ ፈንቀሹ አታልሲሰበሃን፤ መሰንትሰ እስ ገወንኩስ ገይሰ ቤሲሃ መገን ቤቱ ለንኪሃ ሰቀልቶአረለክ ሆኖሰኣረ። 7 ልግብ ወክት መቶ መንቹ ኡለስ አሊን ኡቡ ጤኑ ኢጋን አቡረኖሴ መንቺሃ ውጠተ ኣታ ኡለት መገኒቹ ማሰተ ደኢታ ኡለተ አጉዳኡ። 8 እኮጎሬ ህት ኡለት ኡተለክ ሸርፍቱተ ነስቶጎሬ ሀሰንባተ አካኤ፤ ደዕልት ቦሮሪሃ አካኤ፤ መጨረሹስ ግራን ቡባኤ። 9 አተንቲንተ አመኤ ኦሶ! መሃ ክዕኔተኔሃ ህትን ጠወዕናምጎሬ ጡሚሃ ሀዕላሁ ቆህኖ ጠው ዮህዕኔገ ደንጋም። 10 መገን ሱዕምተኔሃ ይቲን ጠሊላኑተ ሀዕሎተ ዋዕነሃ እኮ ቲህ አቲንተ ሆጉተለክ ለሊሴንተ አተተ ሀቦተ መገኑ ሾከበኡ። 11 አዕኑ ጉዕሙንኩክዕኔ ተብሴን አገዕርቲንተረ አፎኖተ ኢሊ ጠረኝመክዕኔ መጨረሽ ኢሊ ለሊሶናተ ሄዕላንታም። 12 ነኡ ሄዕላንታሚንኩ አመዕነቲንለክ አታዕሊን ተብሳሃ ኣሰሞስ ጠወ ረገኣ መን አጉድኖታት ቤሉ ዋንክዕላሙ መን እኮኖታበኡ። 13 መገኑ አብራሂሚሃ ተብሳሃ ኣሴ ወክት ገዱሽሰ ሎሩ ጤሌዕላሮናቹ ዮሰበአቤቺሃ

እስ ገምንከሰ ጤሌዕላን 14 «ሀንቅንከ እን ማሰኝኪ፤ ዘርክን በትሳንኪ» ይሉ። 15 እብራሂምን አታዕል አበ ዘማን አገርቤቼሃ ተብላሃ አሰምሰርቼ ደኤለ። 16 መኑ ጤሌዕላን ገይቻሰ በተአኖርቸን ጤሌዕላኖ፤ ሀሳወሰ ቦርሮን ኡርሰ በላሰ ዮ ኦደተ ጉዕመንከ በሊቻሰ ከንታኡ። 17 ህትን መገኑ እስ አላመት እኩዕነ ፈቅባሃ እሁሰ ለሊሶተ ሀሾቤቼሃ ተብላሰ ቶጋ መኒሃ ቦርሮን ጠረኝኸ። 18 እስ ዶረንትበለከ ክዝበጌገበ ለመ፡ ጠወ አሰኮ፤ እሰን ተብላለከ ጤሌዕላሃን፤ ከን ለሞ ጠዋ መሳን ብራንከኔ ዮ ተብላሃ ጠረኝንስ አፋ አታልኖተ ሆቀንሽ ደአኖተ እስቤቼ ሁኖምሩ ነኡ አበ ጠረኝመተ ደአኖም። 19 ኩ ተብሶሁ ዌደሩ ኒ አሌን ኡሱሬን ሞሎ ዌደር ሰኑት መጋረጀ ህግ መገኑ ደገመኖ አዝ ጠሊሊ ቤቹ አገኖ። 20 ሁኩ መልኩ-ዴዴቄ ቂስ ሹምነትገ ዘላለሚሃ ሎረ ቂስቼ እኩ እስ ኒተኔሃ ሞዕኔሃ እክ አገለሃን። (aiðon g165)

7 ኩ «ሳሌመ» ይኖ ባድ ዳጃለከ ጉዕሚቹን ሎረ ቂስቼ እኩ መልኩ-ዴዴቄ እብራሂም ዋመተ ቂል ፈንቀሎ ወክት እሲን ዋቃን ደቀም ማሰዕዮሰ። 2 እብራሂምን እሲሃ አግ አፎርቼቹ ጉዕሚቹን ቶኒቹ መቱሰ አሴስ፤ መልኩ ዴዴቄ ሱዕምሰ ፍሳረት ወዕናሃ «ፈዩ ዋመ» ዩሃን፤ ህትን ሞሉስ «ሳሌም ዋመ» ህከረገገ «ወገሬት ዋመ» ዩሃን። 3 መልኩ-ዴዴቄሃ እኩለከ አመት ዮሰበክ፤ እላንሸ ዘርት ዮሰበክ፤ ዘማንህሰ ብርት ሄሊሰሰ ኤተሩ ዮሰበክ፤ ጠወ እኩግሬ መገን ቤት ሞሳልተ እክ ዘላለሚሃ ቂስቼ እክ ሄሊኖ። 4 ወዕኔ እኩ እብራሂም አግ ኤቦህኒቹ ቶኒቹ መቱሰ አሴስ ኩ መንቹ ሄንከ ሎረ ጎር ለዕዩ። 5 ሌዌ ዘሬቼ ቂስ እኩአሩ ኡመቲቻሰ እብራሂም ዘርተ እኩ አመሰ ኦሶቻ ቶኒቹ መቱ አእታገ ትዛዙ ሕጊን እዘዘሞሰ። 6 ሁኩ መልኩ-ዴዴቄ ሊዋወያን ዘርተ እህበገሬ እብራሂሚቹ ቶኒቹ መቱ አኤእ፤ ተብሌ ላገተ አሰምሰ እብራሂመ ማሰዕዮሰ። 7 ህካን እኩቤቼሃ ማዕኔ ሀንገፊቹ ማሰተ አእኖገ ሸክት ዮሰበክ። 8 መቶ አዲን ቶኒቹ መቱ ቶጋዕሩ ሬታላሃ መ፤ ህትን ሞሎ አዲን ቶኒቹ መቱ ቶገኖሁ ህትን ሄኤኖሃ እክ መሰከረሞሲህ ጠሊሊ መጻፋን ከተበሞገን መልኩ ዴዴቄ። 9 ቴሁ ቶኒቹ መቱ ጭምእኦኖ ሊዊ ገውንኩስ እብራሂም አዲን ቶኒቹ መቱሰ ባቻ ዩሃን። 10 መሰንትሰ መልኩ-ዴዴቄ እብራሂምን ዋቄ አሌን ደቀሞ ወክት ሊዊ እብራሂሚቹ ከለቀሞበክ እቅ። 11 ቴሁ ሕኑ እስረኤል ኡመቲሃ አሰሞሁ ሊዌ ቂስመ አዲኒት፤ ህትን ቂስማን ጉዕመርቹንኩ ዌመ እክ ደገሞ እቃን ሀሩንገ እሁዕነ መልኩ-ዴዴቄገ ዮእ ሞሎ ቂስቼ ሚ ሀሰሰኖ እቅ? 12 መሰንትሰ ቂስመት ዶረንቶቹ ህትን ቂስመ ሕኑ ዶረመ ሀሰሰኖሰ። 13 ኩ ጠው እስተኔ ኩለሞ ቂስቼ ሞሎ ደቦቹት፤ ህከን ደቦቹን አይሁ መገኒሃ ክትም ሆንጠህሴኖ ጠረጴዝበ ሆንጠክ ካደሞሁ ዮበክ። 14 መሰንትሰ ቂርቹ እለሞሁ አይሁድ ደቦቹ እሁሰ ለልዮእሃ ጠወ፤ መሰን አይሁድ ዘሬ ቂስተኔሃ መቱርቹሃ ኩሎበክ። 15 መልኩ-ዴዴቄገ ዮ ሞሎ ቂስቼ እሚቹ ወክት ኩ ጠው ኑር እክ ለሊኖ። 16 እስ ቂስመ ሹምነቱ መን ዘሬቻሰ እሚቹ ሴሬን እሚቹአተ እኩዕናን ህግበ ሄኤ ወልቃን እሚቹአታን። 17 መሰንትሰ «እት መልኩ-ዴዴቄ ቂስመገ ጉዕመ ዘማንኪከ ቂስቼሃን»

የመም ጠሊሊ መጻፋን መሰከረሞሰ። (aiðon g165) 18 ህካን እኩቤቼሃ ወዕኔ ዘማን ሕኑ ላፈለክ ደግለልሳሃ እኩቤቼሃ ድጅሞኡ። 19 እኩግሬ ነኡ መገን ቤቹ ሆንጠንካም ቆሆኖ ተብሶሁ አሚቹኡ፤ መሰንትሰ መሰሕ ሕግ አዲን ህኩ መንቹሁ መገን ብሬን ነጠ እሆተ አታሎበክ። 20 ኩ ቂስመት አሚቶሁ መገን ወኤድ ቤሎ እኩበክ፤ እኩግሬ ሞሉስ ቂስ እኩኢሁ ወኤድ ቤሎሃት። 21 እኩግሬ እስ ቂስመት ወኤዲን እኩአታን፤ መሰንትሰ «መገኑ ላት ዘላለሚሃ ቂስቼሃን» ይ ወኤድ ኣግቤቼሃ ሰጩኖበክ» የመም እስተኔ ጠወአሞኡ። (aiðon g165) 22 ህከን ወኤድ መሳን ኬዕዮሀን፤ እስ ቆሆኖ ወኤዲሃ ሩበታሰንቹ እኩኡ። 23 ዎኔ ዘማን ቂስት ሆጉሰ እጉርቱዕናን አታበክገ ሬሁት ከንቶቤቼሃ እስ ወሊንሹ ልግብያ እቅ። 24 እኩግሬ እስ ዘላለሚሃ ሄኤኖሃ እኩቤቼሃ ዶረንትበ ቂስመት ዮሰ። (aiðon g165) 25 እስ እስተኔሃ መገኑ ኡሞሰተ ጉዕመ ወክትንከ ሄኤኖሃ እኩቤቼሃ እስ አዲን መገንበ ሆንጠካረ ዘላለሚሃ ጡምሶተ አታለኖ። 26 ኔሳሃ ህትናመ፡ ጠሊሉ፤ ኩሌኖስርቹ ዮሰበክሁ፤ ነጠ፤ ጨብኖኖቹ አደ እኩሃ፤ ሰሚቹ አሌ ዋል ጎት ዩኢሁ ሎሩ ቂስ ሀለቁ ሀሰሰኖ። 27 እሰን ሞሎ ሎረ ቂስገ ሄኖ፡ ገይሰ ጨብተኔሃ ኤተርን ኡመት ጨብተኔሃ በሬን በሬን ክትም ሆንጠህሴ ሀሰሰኖሰበክ፤ ገውስ ክትም አዕይ ሆንጠህሆ ወክት ለንኪሃ በርኒኖበክገ ሚጥቸረን ሹል ቅጥ አዕዮኡ። 28 ሙስ ሕኑ ላፈ መ፤ ሎረ ቂስ እዋንሳት አዕይ ሾመኖሰ፤ እኩግሬ ሕጊቹ ኤተርን አሚቹሁ ወኤድ ላጋን እኩግሬ ዘላለሚሃ ኩሌኖስርቹ ዮበኢሃ መገን ቤቱ ሹመ አዕዮሰ። (aiðon g165)

8 ቴሁ ጠወዕኖም ጠዋቹ ቡዕሉስ ከኒት፤ ሁኩንን ጉዕሚቹ ሎረ እኩ መገን ዋመ ቦርጭመ መኬ አዲን ሰማን አፋዕሌ ህትናመ ሎሩ ቂስ ሀለቁ ዮኤ። 2 እስ ሀንቅ ዱካነ እኩ ዱእ ምኒ አዘን ቂስ ሀለቁ እክ ካደመኖሃን፤ ዱካኑስ መን አንጋን እሁዕነ ቀርቻ አንጋን ካሰሞእሃን። 3 ሎሩ ቂስ ሀለቁት ጉዕመንኩ ሾመንታኢሁ መገኒሃ ሰደቀለክ ክትመ ሆንጠህሴሃት፤ ህካን እኩቤቼሃ ከን ቂስቼሃ ክትሚ ሆንጠህሴኖ መቱርቹ ሄኡ ሀሰሰኖሰ። 4 እስ አዲንያ አሌን ሄዕዮእቃን ቂስቼ እሆኖበክ እቅ፤ ሁኩንን ሕግገን መገኒሃ አኤኖርቹ ሆንጠህሳ ሞሎ ቂስት ሄኤቤቼሃት። 5 እስ አቶኢሁ ሰማን ዮኢሃ ሞሳልተለከ ሀላሃ እኩህን ኣዜኒት እቅ፤ ሁኩን እኩሁ መሰከ ዱካነ መክሶተ ቅጥዬ ወክት መገኑ «ቆተ አሌን ለሌሄ ሃሊን ጉዕመርቹንክ አገርት እክ» ይ አዘኸሰጋት። 6 ቴሱ እኩግሬ እስ በል መንቹ እኩ ወኤድ ላገተ ኑባቾ ወኤድ ላጋቹ ሎረ እኩቤቼሃለክ ቆሆኖ ወኤድ ላጋን ጀመረሞሃ እኩቤቼሃ እሲሃ አሰንቶ ሆጉት ሎረታን። 7 ሞዕኔ ወኤዲን ሉጨንሹ ዮበክእቃን ለንክ ወኤድ ላገት ሀሰሰኖበክ እቅ። 8 መሰንትሰ ቀርቹ መገኑ አሳን ሉጨንሹ ደግ «ቴሱ እን እስረኤልለክ አይሁድ ባድ መንገ ሃዕሮ ወኤድ ላገተ ኣጋም ወክቱ እሚተኖ» ዩኖ ቀርቹ። 9 ኩ ወኤድ ላገተ እን ግብጽ ባዲቹ ፋሾሰተ አንገስ አፎም በር አበኖናንከሰ ኣጎም ወኤድ ላጋ ደንበክ፤ መሰንትሰ እስ ኢ ወኤድ ላገተ ጠረኝት ሄኡ ሆግቤቼሃ አጉርንሰ። 10 «ህከን ዘማንኒ ኤተርን እስረኤል መኒሃ ኣጋም ወኤድ ላገት ተኔት ይ ጠወዕዮ ቀርቹ፤ ኢ ሕገንክ ቀልቤንከሰ ኣኣም፤ ወዘናንከሰክ ከተባሞ፤ ኣነስ መገኑ እሃም፤ እሰን ኢ ኡመት እካክ። 11 እሳቶን አይሁ ሞሎ መንሃ

አመሰቤቱ መገኘቱ ደግሞ ይተማርሰናል፤ መሰንትሰ ቀዊች ኬሸ ሎረ ኢሊ ጉዕሙንኩ ሌላሃ ደጋጌ። 12 እን እስ ሂልመተ አጉረንሰ፤ ጨብሰን ለንኪሃ ሰውያምበአ። የኖ ቀርቼ። 13 ቴሱ «ሃዕር ወእድ ላገተ» የኖ ወክት ወዕኔ ወእድ ላገተ ኑባቹ አዕዮኡ ዩሃን፤ ህካን እኮቤቺሃ ኑባጴኢሁ በአኖ ወክቱ ኢልዮኡ ዩሃን።

9 ዎዕኔ ወእድ ላገ ሰገዳና ሴሩለክ መን አንጋን አጃረሞ መገኒሃ ሰገዳና ሞኑ ዮሰሃ እቅ። 2 ለሙ ክፍሉ ዮሰ ዱካኑ ቅጥይዮ እቅ፤ ወዕኔ አብል ክፍሉ ኩራዝ አፋሼኖሁለክ ጠረጴዙ፤ ክትም ዳቡቲ ሄኦ ዎዕኔ ክፍሉ «ጠሊለተ» የመንታ እቅ። 3 ለንክ መጋረጃች ኤተር አዲን ደገመኖሁ ኣዝ ክፍሉ «ጠሊልች ጠሊለ» ዩኖቤቹ ሄዕዮ እቅ። 4 ህካን ክፍል ኣዘን ዋርቂን መክሴመ ህጣነ አጨሴኖ ጠረጴዙለክ ጉዕመንከሰ ቤቹ ዋርቂ ቡሬን መክሴመ ወእድ ላገ ሳጥኑ ሄዕዮ እቅ፤ ህካን ሳጥኑ ኣዘን «መና» ዩኖ እቸት ሄኦ ዋርቂ መሶቡ፤ ለቶ ሀሩን በርትቹትለክ ቶኑ ትዛዙ ከተበሞ ክኑ ሄዕዮ እቅ። 5 ታቦት አሌን ዮ ጨቡ አጉረመኖ ቤቹ ቴላኖ መዳንከሰ ጌረዳ ጎንት ዮሰ መገን ኬዕምኝ ለላሳ ክልቀቱ ሄኦ እቅ፤ ጠዉ እኮጎሬ ከን ጠውተኔሃ ጉዕሚንከ ቴሱ መቱርቹሃ ጠወዕናተ ኣታልናምበአ። 6 ጉዕሙርቹንኩ ህት ቅጥ ዩቶ ኤተርን ቂስት ሆጉስ እቶተ ዱካን ዎኔ ክፍል ኣዝ ጉዕሙ ወክት ኣጋ እቅ። 7 ጠዉ እኮጎሬ ዎዕኔ ኣዝ ክፍል ጠለዕል ሎሩ ቂስቹ ዘማኔን መቱ ወክት ኣገና፤ እሰን ገይሰለክ መኑ ደጉዕነ እቶ ጨብሃ ቂጉ አፋዕነ ህከ ቤቹ ኣገናበአ። 8 ዎዕኔ ዱካኑ ሄካን ቤቹን ኡር ሄካንን ጠሊልች ጠሊለ ቤቹ መሰኖ ዎቆህ ፈንተኡ ሆጉስ ጠሊሉ ኣያኑ ኩላና። 9 ኩ ጠው ከን ዘማኒሃ ሞሳልተ አህና፤ ኩንን ለሊሰናሁ ሰደቀተለክ ክትመ ሆንጠህሰናሰ መንች ቀልብ መገን ብሬን ነጠ እኦሰተ ኣታለናበአ። 10 ጉዕሙንኩ ጠዉ መገኑ ጉዕሙርቹንከ ሃዕር ኣኦተ ኢሊ ጠለዕል ሆን አሌን ዱንክታ እትለክ እግ ህትን ዊን ኣዕሌን ነጠ እሄኖ ሴሪን እኮኣራን። 11 ጠው እኮጎሬ መሲህ ቴሱ አህኖ ጡመ ጠዊሃ ሎረ ቂስቹ እክ እማኝኡ፤ እሰ ኣጎ መገን ዱካኑ ሎረለክ ዊመ ዊሚን እክ መክዮአሃን፤ ህኩ ዱካኑ መን አንጋን መክዮበኢሃለክ ከን ኣዱንያ አሌን ዮበአሃ። 12 ጠሊልች ጠሊለ ቤቹ ሚጦረን ገይሰ ቂገን ኣጎ ቤሉ ፊላኦለክ ዋርጀመ ቂጉ አፍ ኣጎበአ፤ ህትን ዘማን ጉዕመንከ ሄኦ ዋዝኑተ ኣሴኔ። (aiōnios g166) 13 ፊዕላኦለክ ዋርጀመ ቂጉ፤ ህትን ክትሚሃ ቡሴመ ሱሉም ጠበሩ ንጃሶ መን አሌን ብን እኡሮ ማል ንጃሲች ነጠ አዕይ ጠሊለ ኣሰናሳሃ እኮች። 14 ጉዕሙ ዘማኒሃ ሄኦኖ ጠሊለ ኣያን ኣዲን ገውስ ህንቁርቹ ዮበአ ክትም አዕይ መገኒሃ ሆንጠህሰ መሲህ ቂጉ ሄኦኖ መገኒሃ ካደሞተ ቀልብኔ ሄንከ ሬሁተ ኤበኖ ሂሊ ሆንች ነጠ እኡኖ? (aiōnios g166) 15 መገኑ ገኤሰሩ አሰ ተብሰን ኣሴስ ዘላለሚሃ ጎፍብ ኡለተ ረገኦተ መሲህ ሃዕር ወእድ ላገ በል መንቹ እኩ፤ ህኩንን መኑ ዎዕኔ ወእድ ላጋ ኣዘን ጠገም ሄዕዮ ወክት አዕዮ ጨቢች ገይሰ ሬሆን ጡምሶታት። (aiōnios g166) 16 ሬሆኖ መንቹ ወሰያተ ኩዕሊርቹ ሄዕዮ ጎሬ መንቹሰ ሬሁተ አጥራመቴን ደጉ ሀሰሰና። 17 መሰንትሰ ሬሆኖ መንቹ ኩዕሊርቹ ዊመኖሁ ሬዮች ኤተርንት፤ ጠው እኮጎሬ ኩዕሊሰ መንቹ ሬሆባች ጠውስ ዊሞተ

ኣታለናበአ። 18 ህካን እኮቤቺሃ ዎዕኔሰ ወእድ ላጋ ቂጉ ዱንተኡዕነ ህትን ጠረጃኖበአ እቅ። 19 ሙሰን ሕግ ትዛዝ ኡመቲሃ ኩሎች ኤተርን ዋርጀምለክ ፊዕላኦ ቂጉ ዊን ልቀለቅ ቢሸ ሆሊ ኦርዛንለክ «ሀሰጶ» ዩኖ ሀሚን ሕግ መጻፋንለክ ኡመት ኣሌን ኪፎ። 20 ህካን ኪፎንኩ «ኩን መገኑ አገርቶናተ ኣዘዣህዕኔ ወእድ ላጋ ቂጉ ከኒት» ዩኦ። 21 ህትን ሙሰ ዱካናንለክ ኣዘንከሰ ሄኦ ጉዕመንከ ደግለሸቀሚኖ ኦዳ አሌን ቂጉ ኪፎ። 22 ህንቅንከ ሙሰ ሕግ ሃሊን ቀዋርች ቤሉ ጉዕሙርቹንኩ ቂገን ነጠ አህና፤ ቂጉ ዱንተኡዕነ ጨቡ አጉረመኖበአ። 23 ቴሁ ኩ ሰማን ዮ ሞሳልተ እኮ ኦዳት ጉዕሙንኩ ከን ክትሚን ነጠ ኣካእ፤ እኮጎሬ ሰማን ዮ ሞሳልተ ከኒች በተአኖ ክትሚን ነጠ አሁ ሀሰሰናሰ። 24 መሲህ ህንቅ ሞሳልተ እኮ መን አንጋን ኣጃረሞ ጠሊልች ጠሊለ ቤቹ ኣጎበአ፤ ጠው እኮጎሬ ኒተኔሃ ይ መገን ብሬን ለሎተ እሰ ሰማሃ ኣጎ። 25 አይሁድ ሎረ ቂስ ሀለቁንኩ ዘማን ዘማኔን ገይሲሃ አህበ ቂጉ አፍ ጠሊልች ጠሊለ ቤቹ ኣገናገን መሲህ ገዉስ ልግብ ወክት ክትሚ አዕይ ሆንጠህሰተ ኣጎበአ። 26 ህት እኮች ኣዱንያት ከለቀንቶች ኬሸ ልግብ ወክት ኦርሸተ ቶጉ ሀሰሰናሰ እቅ፤ ቴሱ እኮጎሬ ዘማን መጨረሻን እሰ ገዉስ ክትም አዕይ ሆንጠህሰ ጨብ ቤሶተ በረገምበ ሃሊን ለልዮኡ። (aiōn g165) 27 መኒሃ መቶረ ሬሁ ሀሰሰናሰ፤ ህትን ሬሆኖ ኤተርን ፍርዱ ዮኡ። 28 ህትን መሲህ ልግብ መን ጨብ ቤሶተ መቶረ ክትመሞኡ፤ ህትን ጨብ እጃሃ አሁዕነ እሰ አገርታእረ ጡምሶተ ለምቅ ወክት ለለኖ።

10 ቴሱ ሕጉ ከ ኤተሩ ኣሜተኖህ ጡመ ጠዊሃ ሀላሃ ቤሉ ህንቅ ደናሰበአ እቅ። ህካን እኮቤቺሃ ጉዕሙ ወክትንከ ዘማን ዘማኔን ክትመንታ ክትመተ አፍ መገን ቤቹ ሆንጠካ መን ሆሮን ነጣኑተ ኣኦተ ሆሮ ኣታለናበአ። 2 ኣታሎሃ እኮ ኣቃን ሁኩ ክትም ሆንጠህሰ መኑ መቶረ ጨብቹሰ ነጠ እኮች ኤተርን ነጠ እኮን ቀልቡሰ ደገናቤቺሃ ክትምሰ ሆንጠህሰ አጉርታ እቅ። 3 ጠዉ እኮጎሬ ሁኩ ክትመት ዘማን ዘማኔን ጨብ ቃግሳኡን። 4 መሰንትሰ ዋርጀመለክ ፊዕላኦ ቂጉ ጨብ ቤሶተ ኣታለናበአ። 5 ህካን እኮቤቺሃ መሲህ ከ ኣዱንያ አል ኣሜኞ ወክት «ክትመለክ መገን ምኒሃ ሆንጠህሰናርቹ ሀሶንትበአ፤ ጠዉ እኮጎሬ ጅሰመ ቅጥ አቶንቴኤ፤ 6 ህትን ጉዕመንከሰ ቡሴኖ ክትምለክ ጨብ ነጠ እኡኖ ክትሚን መንገደኣንትበአ። 7 ህከ ወክት መጻፋን፤ «ኢተኔሃ ከተበሞን ሁኩዕነ ኢ መገና፤ ኣን ኪ መራድ ዊንሾተ ከቤቹ ኣሜኞም» ዩኦ። 8 ወዕናሃ «ክትመለክ ሰደቀተ፤ ቡሴኖ ክትመለክ ጨብተኔሃ ክትሚ ክትም ሀሶንትበአ፤ እሶንን መንገደኣንትበአ» ኩሩኡት ሕግን ሆንጠካእረ ዩኦ። 9 ህከኒች ኤተርን «ኢ መገና፤ ኣን ኪ መራድክ ዊንሾተ ኣሜኞም» ዩኦ፤ ህትን ዎኔሲሃ ክትመ ከም ቤቹንከሰ ለምቅ ክትም ጠረጃሾ። 10 ህካን እኮቤቺሃ መሲህ ኢሰ መገን ሰውት ኣኢን ማጣረ ሹል ማለሰ ክትም አዕይ ሆንጠህሰንከሰ ነኡ ጨብቹኔ ጠሊላኑተ ኣንኩም። 11 ሁኩ ሎሩ ቂስት ጉዕሙንኩ ህከ ጨብ ቤሶተ ሆሮን ኣታልትቡ ህከ ክትማከተ ልግብ ወክት ሆንጠህሰን በሬን በሬን ኡር ካደመኖ። 12 ጠዉ እኮጎሬ መሲህ ዘላለሚሃ መቱ ክትመ ሆንጠህሰች ኤተርን መገን መኬ ኣዲን

እፋዕልዮኡ። 13 ከኒች ኤተሮን ዲነስ ሎካችሰ ዋሮን እኮተ ኢለ አገረኛት። 14 መሰንትስ መገኒሃ አደ እኮሁ ሜጦረ ሆንጠህሾ ክትሚን ዘማኒሃ ጉዕሚሃ ሹል ነጣት አዕዮስቤቺሃት። 15 ሄጭ ጠሊሉ አያኑ ከን ጠዋን መስከረኤ፤ 16 «ሀከን ዘመኒች ኤተሮን አሳን ኣጋም ወኣድ ላገት ተኒት የኖ ቀርቼ፤ ቀልቤንከስ ኢ ሕገ አፋሻም፤ ቡዕልስ ኣዜን ከተቦም» ዬእ፤ 17 ህትን «ጨብለላከ ሂለ ሆጉስ ሆሮ ሰውያምበእ» የኖ። 18 ህካን እኮቤቺሃ ጨቡ ጉዕሙንኩ እጉረሞች ኤተሮን ጨብተኔሃ ሆንጠህሴኖ ክትሙ ሆሮን ሄአኖበእ። 19 አመኤ እሶ! ኢስ ቄግ መሳን ጠሊልች ጠሊለ ቤቼ ኣንገተ ኣታልሲሰኤ መለመተ ደአኖም። 20 ኣንጋሚንኩ መጋረጅ አዲን ሁኩንን ገይሰ ጅሰም አዲን ፈቼኔ ሃዕሮ ዘመኒሃ ጉዕሚንከ ሄአኖ ዋቂኒት። 21 መገን ምኔን ሹምነቱ ዮስ ሎሩ ቂስቼ ዮኔ። 22 ህካን እኮቤቺሃ ሂለ ጠቂቹ ነጠ እንኮተ ቀልብኔ መሲህ ኢስ ቂጊን ነጠ አዕን ጅሰሙ ነጠ ቂን ኣዕልን ሀንቅ አመዕነቲንላከ ነጠ ቀልቢን መገን ቤቼ ሆንጠንኩ። 23 ከ ወኣድ ላገተ ኣሴኔሁ አመዕነምኢሃ እኮቤቺሃ ከን አመዕንን መስከርኖም ተብሳሃ ለምንሱዕን ጠረኝነስ እንደ። 24 ኢታንላከ ጡመ ሆንን መት-መቱኔ ጠረኝጨቀዋ ቤሉ ሀበቀሙንኩ። 25 ጉዕመ ወክትንከ ደቀመን መት-መቱኔ ጠረኝነሶ ቤሉ መት-መቱ መኑ ጭምዩ ሮሳንን ጭምዩ እጉርኑንከ፤ ዋዕኔን ባሰንከስ ቀርች አሜት በሩ ሆንጠኩገ ሰውይቲን ከ ጠወ አዕዮ። 26 ነኡ ሀንቅ ደአኖሚች ኤተሮን ኢትን ጨብ አዕናምጎሬ ጨብሃኔ እህኖ ዋሉ ክትሙ ሄአኖበእ። 27 ጠወ እኮጎሬ ከ ኤተሩ አገረመኖሁ ዋጅሲሰኖ ፍርድ በሩለከ መገኑ ግባ መነ ኣታ ጠረኝት ገረት ዮኡ። 28 መሲ ሕገ ሀንቅ መገቼ ለሙ ህከረንገ ስሱ ምስክሩ አሌስ መስከሮች መረርሲጨ ዮበእሃ ሬህኖ። 29 ህከረ መገን ቤቱ ህንቆሁ፤ ገዉንከስ ጠሊለ አዕዮስ ወኣድ ላገ ቂጉ ገጀሰሾሁለከ መገን እስቶ እያን ቦሮሮህ ሄንከ ጠረኝገ ቀጠእመኖሃ እጉደኖህዕኔ? 30 መሰንትስ «ገዱተ ፋላሚሁለከ ሀስሰኖ ኤዳሃ ባታሚሁ ኣኔት» ህትን «መገንንኩ ኡመትስ አሌስ ፈረደኖ» ዬኢሁ እዬት ጎር ደንጋም። 31 ህካን እኮቤቺሃ ሄአኖ መገን ኣንጋን ኡቡ አበ ዋጅሲሰኖሃን። 32 መሲህ ኑር ቶንገታች ኤተሮን ልግብ ኦርሸተ ኣኣቲን ጠረኝ እጸንሺን እጅቴንተ ዋኔ ዘማን ሰውይዬ። 33 መት-መቱ ወክት መን ብሬን ቦሮሬማህዕኔ እቅ፤ ጀልጀልይቲንታእ እቅ፤ መት-መቱ ወክት ህትናሙ ኦርሸት ኢሌሰህኩኡን ሜጡበ አዕኩህ መዲንከስ እከን ኦሪሸተ ቶንገታኡ። 34 አዕኩ ኡሰረሞ መኒሃ አመኩዜንታ፤ ቆሆኣለከ ጎሬበ ዱንያት ሰማን ዮህዕኔገ ደንክተቤቺሃ ዱንያክዕኔን ዘረፈንቶ ጎሬ ፈረከን ጠወስ ሙንዲኖን ቶንገታኡ። 35 ቴሱ ሎረ ሽልማት ደኣቲንተገ ኣአኖ አመዕነሙክዕኔ ኡጅቶቹ። 36 መገኑ ኢተኖርቹ ኣቲን ሹልቲንታች ኤተሮን መገኑ ኣሶህዕኔተ ወኣድ ኣጎርቹ ደአኖተ ፈረከን አገሩ ሀስሰኖህዕኔ። 37 መሰንትስ «ሁኩ አሜተኖሁ ቀዋ ወክቲች ኤተሮን አሜተኖ፤ ዱንከኖበእ፤ 38 ኢሁ እኮ ፈዩ መንቹ አመዕነትን ሄኡ ደአኖ፤ ጠወ እኮጎሬ ኤተሩ ዋል ፈንቀሎ ጎሬ እን እሲን ሙንደአምበእ» የመዋ ከተበዋኡ። 39 ነኡ እኮጎሬ አመዕነቲን ጡምታህኩኢት ቤሉ ኤተሩ ዋልት በእህዕኩበእ።

11 አመዕነቱ ዩ ተብሴን አገዕርናምረ ደአናምገለከ ለዕንበርቹ ሄኡስ አጥራመች ኩለኖኔሃን። 2 ዋዕኔ ዘማን መኑ መስከረሞሳሁ አመዕነትስ መሳንት። 3 ከለቀሞርቹ ጉዕሙንኩስ መገን ላጋን ከለቀሞገለከ ለዕናምርቹ ጉዕሙንኩ ለዕንበርቹ እሁስ አመዕነቲን ደንጋም። (aiōn g165) 4 ኣቤል ቃኤሌ ክትሚች በተአኖ መገኑ ሙንዲሲሰኖ ክትሞ አመዕነቲን ሆንጠህሾ፤ እስ ሆንጠህሾ ክትሞ መገኑ ኢት ቶጎ ወክት ኣቤል አመዕነትስ መሳን ፈዩ እኮገ መገኑ መስከሮስ፤ ኣቤል ሬዮ ጎሬ አመዕነቲንከስ አዕዮ ሆንን ከበሬ ኢለ ጠወአመኖት። 5 ሄኖክ ሬሁተ ለኡዕነ ሰማሃ ኦሮዕዮሁ አመዕነቲን፤ እሰን መገኑ መሴስቤቺሃ ደገሞበእ፤ ሄኖክን መገኑ መሱዕናንስ ሄጭ መገኑ ሙንደአሲሾት መስከረሞስ። 6 ህትን አመዕነቱ ዮበእሃ መገኑ ሙንዲሲሱ ኣታለመኖበእ፤ መሰንትስ መገን ቤቼ ሆንጠህኖሁ ጉዕሙንኩ መገን ሄኡስላከ እሱ ሀሳሁኑተ ሽልማት ኣሰኖ እሁስ አመዕኑ ሀስሰኖስ። 7 ኑህ አሌን ለአባንከ እህኖሃ እሁስ መገኑ ኩላንስ መገኑ ዋጅ ምንስ አበሮሱ ጡምሶተ መርከበ መክሾሁ አመዕነቲን፤ ኑህ አመዕነት መሳን ኣዱንያ አሉ ጨበኘ እክ ደገሞቤቺሃ ፈረደሞስ፤ ኑህ አመዕነቲን ደኤኖ ፈይመተ ደአቶ መን በለች መቱስ እኩ። 8 አብራሂም እርሰተ አዕይ አፈኖበ መሮተ ገአሞ ወክት መረኖስቤቼ ሀከንቤቹጎር ደጉዕናን ትዛዝ ቶግ መሮሁ አመዕነቲን። 9 እስገን ተብሴ ላገተ ረገኣት እኮህኩኦች ይሳቂላከ ያቂቢን ተብሴን ኣሰሞ ባዶን ሆቀንሸ ኣግ ዱካናን ሄዕዮሁ አመዕነቲን። 10 መሰንትስ አብራሂም መገኑ አቀጅሁለከ ጠረኝሸ እጃሮ ጠረኙ ቀበቡ ዮ ዘላለም ከተመ አገዕርኖሴቤቺሃት እቅ። 11 ህትን ጎራሃ ተብሳ ኣሴ መገኑ አመዕነምሃ እኮገ ደገቤቺሃ ሄንከሃ ኑባቸተ እሆንከሴ እሉ ኣታልትባተ እኮጎሬ ላፈተ እኮተ ኣታልታ ወልቀተ ደአቶኢሁ አመዕነቲን። 12 ህካን እኮቤቺሃ ሬዮ መንገ ዋለአመኖ መቲች አብራሂሚች ሰሜ ቤዜገ በተዕዮለከ ባር ሽፋርገ ዋለኢንቡ ዘርት ደገንቶኡ። 13 ሁኩ መኑ ጉዕሙንኩ ሬቶተ ኢለ አመዕነቱስ አገርት ሄኡኤ፤ እሰን ኣሰሞስ ተብሳሃ ደአቶበእ፤ ጠው እኮጎሬ ህካንን ቂዕራሻን ለእ ሙንዲኖን ኣኣቶኡ፤ እሰን ኣዱንያ አሌን ኮሃለከ ዋሎ ባዲች አሜቶረ እሁስ ጠወኦኡ። 14 ህት ጠወኣ መኑ ሀንቅ እኮ ገይሰ እህኖ ባዱ አገርታገ ግልጠ ኣት ለሊሳኡ። 15 ህከ ኣጉርት ፋልቶ ባዱ ቃጎእቃኔተ ህከ ቤቹ ፈንቀልቶተ ኣታልታ እቅ። 16 ቴሱ እኮጎሬ በተአኖሲሃ ሰማን ዮ ባዱ ሱንታኡ፤ ህካን እኮቤቺሃ መገኑ ከተመ ቅጥ አዕዮስቤቺሃ «መገኑኔ» ይት ገአቶጎሬ ሙልሰኖስበእ። 17 አብራሂም ፊተነዋ ወክት አመዕነቲን ኢሳቀ ክትሚሃ ሆንጠህሾ፤ ተብሴ ላገተ ኣኤ አብራሂምን ሜጥቹስ ቤቱ ክትሞተ ተቃጠቦ እቅ። 18 ሁኩንን መገኑ «ዘርክ ኢሳቂን ገኣንታኡ» ይዮስ እቅ። 19 አብራሂምን መገኑ ሬሆች ኬሶተ ኣታለኖገ ደገቤቺሃ ሬሆች ኬዕዮህንገ ዋለዕይ ቤቱስ ኢሳቀ ደኤኡ። 20 ኢሳቅን ብርተ ዋሽ አሜተኖ ጠወ ሰውይ ያቀበለከ ኤሳ ማስዕዮሳሁ አመዕነቲን። 21 ያቂብ ሬሆኖ ወክቱ ኢሌ ወክት ዩሱፍ አለተ መት-መቱስ ማስዕዮሁለከ ሽካንከስ ሽከዕይ መገኒሃ ሰገጅሁ አመዕነቲን። 22 ዩሱፍን ኤተሮን ሬሆተ ሆንጠኩ ወክት እስራኤል ኦሱት ግብጽ ባዲች

ፋልታገ ጠወዕዮሁለከ ምቀስ እጉርት መርታበእገ አዘገባሁ አመዕነቲንት።
23 ሙስ አለሞ ወክት አበ ተሸ ዮሮ ጨል አሁስ ሙስ አመሰለክ እኩስ ለአቤቼሃ ምዎ ትዛዛ ዋጅቲዕናን አመዕነቲን ሰሱ እገን ገበጭ አቶሰ።
24 ሙስን ነጹ ወክት «ፍራኦኔ ቤቶ ቤቱ» ዴን ገሌናሰበእገ አመዕነቲን ግቦ። **25** መሰንትስ ጨቢን ቀዎ ወክቲሃ ደኤኖ ሙንዲኖች አበ መገን አመቲን ሜጡበ እክ ኦርሸተ ቶጉ መጠርቤቲሃት። **26** ሙስ ብርተ ዋሽ አገረኛስ ሸልማት ደኣናግ መገን ቱክ ይ ለዕይ አመዕነቤቼሃ ግብጽ ባድ ቀባጦች በትሽ መሲህተኔሃ ህንቀሙ አበ አሁስ ሰውዬ። **27** እሰን ምዎ አሙዕርተ ዋጂዕን ግብጽ ባዲች አመዕነቲን ፋሎ፤ አሌን ለኤበ መገን ለዕዮህንገ አዕይ አላማንተስ ጠረኝ ኡሬአ። **28** ሀንገፈ አለተ ቤሰኖ መላይኬቼ አስራኤል ሀንገፈ አለተ ኡላኖበእገ ሻሽግለክ ጡፋን ቄጉ ክፍ ሴረ አመዕነቲን አዕዮ። **29** አስራኤል ሙኑ ሞልቶ ኡላን ቶልታህንገ እክ አመዕነቲን ኤርትር ባረ ቶልቶኡ፤ እኮጎሬ ግብጽ ባድ ሙኑ «እሰንን ቶልናም» ይት ኬኦ ወክት ባር ዋን አኣንቶኡ። **30** ህትን ኢያሪኮ ከተም ግንቡ አስራኤል ኦሱት ለመለ በር አመዕነቲን ዘህቶች ኤተሮን ድጀም ኡቦ።
31 ዝነተ አተ ረኣብ ኡለተ ዳንድታ መን ወገሬቲን ቶጎቤቼሃ ህከ መገኒሃ አዘዘንቶበእ መኒን ሜጡበ በኡዕን ሪሆች ጡምቶኢህ አመዕነቲንት። **32** ቴሱ ዋሉ ሙ ያም? መሰንትስ ጌድዎኔተኔሃ፣ ባረቂተኔሃ፣ ሶምሶኔተኔሃ፣ ዩፍታኔተኔሃ፣ ደወዴተኔሃ፣ ሳመኡሉተኔሃለክ ነቢያከተኔሃ ኩላምበኢህ ወክቱ ሄዕበኤቤቼሃት። **33** እሰን አመዕነቲን ምወተ ቄልቶኡ፤ ጡመ ሆጉተ አቶኡ፤ መገን አሲስ ተብሴ ላገተ ደአቶኡ፤ ዘቤ አፎንከ ጡፎኡ።
34 ህትን ገረ ዋልቀተ ቤሶኡ፤ ገመጠሞ ሲፍችን ፋሽአቶኡ፤ ላፍማች ጠረኝማን ህጎኡ፤ በገዛንን ጠረኝቶኡ፤ አብል ዲን በገዛንክ ሸርቶኡ።
35 ሜንጉኑን ራቶ አሉስ ሪሆች ኬኣን ደአቶኡ፤ ዋሉሰንገ ቆህዮ ኬኡ ደአቶት ሰውይት ራቶት ኢለ ኦላንቶኡ፤ ኡሱርችን ሂረሙ ግቦኡ። **36** ህትን ዋሉሰንገ ህንቁን ኦሌመሰ፤ ህከኒችን አበ ሰንሰለቲን ኡሱሬን ኡሱር ምኒ ኣግሴመሰ። **37** ህትን ከኒን ቀሴናንስ ራቶኡ፤ መጋዚን ለሙ ቢቼ ፊሌመሰ፤ ሲፍን ሼመ፤ ጉዕመርቹንከ ሆግ ሸረንተንለክ ጨነቀንተን ሆለ ጎገለክ ፊዕላክ ጎገ ኦደኣ ዘህቶኡ፤ ቡዋቻትለክ ሸሬመሰ መን እክ ኦርጨቀንተን ሄኦኡ። **38** እሳንከ ኩ ኣዲንያ አሉ ገበአበሰቤቼሃ ኡለ ኡድማን፣ ቆታን፣ ሻንቃንለክ ክን ረባን ዘህተን ሄኦኡ። **39** ኩ ጉዕመንኩ ሙኑ አመዕነትሰተኔሃ መስከረምሰጎሬ ኣሰሞስ ተቢሳሃ ደአቶበእ። **40** መገን ኔሳሃ ጉዕመ ቆህናርቹ ቅዋኦሰዮቤቼሃ ሁኩ ሙኑ ነኡ ሄዕንባሃ ዋመ እኮተ አታልቶበእ።

12 ህከን እኮቤቼሃ ጎመገ አደንከኔ ረብ ዮ ሁኩ ጉዕመንኩ ምስክሩ ዮኔቤቼሃ እጅንገ ኬዕመኖርቹ ጉዕመንከለክ ኡሱር አፎኔ ጨብ አሊቹኔ ከም ብረንከኔ ዮ ሄጫቀንሸ ጠረኝን ደጉንደ። **2** ደጉንዳሚንኩ አመዕነቲሃኔ ቡዕላለክ ዋንሸኖሃ እኮ ኢስ ለዕነት፤ እሰን ብረንከከ ዮ ሙንዲኖተኔሃ ይ መስቀል አሌን ሪሆኖ ሪሆ ሆፍኝ መቱርቹሃ ዋለኡዕን አታዕል መገን ዳኝነት ቦርጭማን መኬ አዲን አፋዕልዮኡ። **3** ህትን አዕኑ ህፈቶኑዕናንለክ ተቢሳሃ ሙርቶኑዕናን ጨበኛኖ እደተ አታሎ ኢስ

ሰውይዬ። **4** እዕኑ ጨቢን እጸንቲን ቄጉክዕኔ ዲንተኦተ ኢለ ግቤንታበእ።
5 መገን ክዕኔተ ገይስ አለገ «ኢ ቤቶ ቀርቶ ሸዘነተ ህንቆት፤ ቀጠኣኖ ወክትንከ ተቢሳሃ ሙርቶ። **6** መሰንትስ ቀርቶ ኢተኖሲሃ ሻቀናሰ፤ ቤትሰገ አዕይ ለኣኖሃ ጉዕመንከ ቀጠኣኖ» ዬ ሸዘነተ ሀቤንንደ? **7** እኦ ሻቅ ሸዘበስ ቤቱ እዬት? መገን ክዕኔተ አለሰገ አዕይ ለኣኖህዕኔቼሃ ሻቅ ሸዘኖህዕኔጎሬ አታዕልዬ። **8** ህትን አለስ እኮኣሩ ጉዕመንኩ ቀጠኣንተ ቅጣቲሃ እዕኑ ቀጠኣንቶኑዕናን ፈቂንተጎሬ ህንጨረባሃ ቤሉ አለተሰበእ። **9** ማለን አልቶህዕኔ ኣኖኑት ቀጠኣህዕኔ እቅ፤ እኮጎሬ ነኡ እስተ ኬዕምንሳንስ እቅ፤ ህከን እኮች ሄኢሃ ጉዕመንከ እነ እኮ መገኒሃ ሄንከ በትንስ ጠገሙለክ ሄኡ ሀሰሰኖኔ? **10** ኣናክክዕኔ ቀዎ ወክቲሃ ጡመ አጉጅ ለሌሰገ ቀጠኣኔ እቅ፤ እኮጎሬ እስ ጠለሊ እኮገን ጠለላኑተ ኣነኮተ ኒ መኮተ ይ ቀጠኣኖ።
11 ቅጣቱ ጉዕመንኩ ወክቲሃስ ሻዝሰኖ ቤሉ ሙንዲሲስበሃን፤ ኤተሮንገ ሮሶ መኒሃ ወገሬትለክ ፈይመ ላልቹ ላልታገ አኣኖ። **12** ህከን እኮቤቼሃ ናፎ እንክክዕኔለክ ሆን ጉበክዕኔ ጠረኝሼ። **13** እዕኑ ድኑ እኮ ሎክክዕኔ ፈይቶታት ቤሉ ባሰንከ ቡቱክንታበእገ ሎክክዕኔ ጡመ ዎቃሃ መክሼ።
14 መኒን ጉዕመንኩ ወገሬቲን ሄኢሃለክ ጠለልማን ሄኢሃ ጠረኝዬ፤ መሰንትስ ጠለልመት ዮበኢሃ እዬህ ቀርቶ ለኦተ አታለኖበእ። **15** ክዕኔኡች እዬሃ መገን ኣሰቱት ሆልኣስበእገለክ ልግብ መን ንጂሲሰኖ ቀራረኖ ጠጹ በላንከክዕኔ ሙቶ ኦርሰኖህዕኔበእገ አገዕርዬ። **16** ህትን ሀንገፎመስ መቶ ወክት እቻተ ይ ህር ኤሰገ መገን ዋጅበለክ ዝነተ አኣኖ መንቹ ደገመኖበእገ አገዕርዬ። **17** ኤስ ኣንስ ማሰተ ደኦተ ኤተሮን መሃ ኦዕይ ደኦተ አታሉ ሆጎገ ደጉንነተ። ቶበቶተ ዕድል ደደዮበእ። **18** እዕኑ አንጋን አፊሃ አታሌኖ ሲኖ ቆተበ ኢልቲንታበእ፤ ህት ቆተት ቡባኢት እቅ፤ ህከንቤቹንን ጭልመ ቱንሰቹለክ ኡንጉሉሉ ቡብረሁ። **19** ጡርምቡለ ሞጮጨሃ ዋጅሲሳ ላገቲ ሄኦ እቅ፤ ህተ ላገተ ሞጮጭቶ አሰራኤል ሙኑ ዋልት ላገት በርገንት ኩለንታሰበእገ ኡጭቶኡ። **20** መሰንትስ «ዋሉ ፈቅ ግዙ ህከ ቆተተ ኡሎጎር ከኒን ቀሴናን ሪሆን» ዮኖ ትዛዛ እጅቶት ኬዕማስቤቼሃ አታልቶበእ። **21** ለሌኢህ አበ ዋጅሲሰኖሃ እኮቤቼሃ ሙስ «እን አበ ዋጅም፤ ሁጮሚሁ» ዬ። **22** እዕኑ እኮጎሬ ጽኑት ቆተተ፤ ሄኦ መገን ከተመ ሰማን ዮ ዬሩሳሌመለክ ሙንዲኖን ጭምደቶ ዋለንሹ ዮበኢ መገን መላይከበ ሆንጠክንታኦ። **23** ሱዕሙስ ሰማን ከተበንቶ መገን ሀንገፈ ኦሱተ እኮ አመዕናኖ ጭምቶበለክ ዋመ ዋሚን ፈዩ እኮ መን ነብሴበ ሆንጠክንታኦ።
24 ሃዕር ወኣድ በል መንቹ እኮ ኢሲበ፤ ኣቤሌ ቄጊች ቆህሽ ጠወኣኖለክ ጨቢች ነጠ እኦኔተ ኪፈሞ ቄግቤቹ ሆንጠክንታኦ። **25** ከ ጠወ ኩላኖ ግቤንታበእገ አገዕርዬ፤ መሰንትስ መገን ሙስ አዲን ኣዲንያ አሌን ኩለንስ ሞጮጭኖምበእ ይቶሩ ሀንት ፋሽአትባች ህከረ ሰማን እክ ጠወኣኖህኒች ገበጭ ደናም ነኡ ህት እንክ ፋሽኣኖተ አታልናም? **26** ህከ ወክት ላገስ ኡለተ ሌንቄቅሶኡ፤ እኮጎሬ ቴሱ እስ «ህትን መቶር ጠለዕል ኡለተ አሁዕን ሰማሃ ሌንቄቅሳም» ይ ላገተ ኣጎኡ። **27** ጠው እኮጎሬ ኩ «መቱ ወክት በርግ» ይታ ላገት ሌንቄቅትበ ጠውንኩ ጠረኝ ሄኣኖገለክ ሌንቄቀኖ ህከረንገ ከለቀሞ ጠዉ በኣኖ። **28** ህከን እኮቤቼሃ ነኡ ሌንቄቀኖበእ

ዎምነቱ ረገዕናምቤቸሃ መገኑ ገለትጭኖ፤ እሰ መንደሪዮገን ዋጅነንለከ ከበጅነን መገኒሃ ሰገንዶ። 29 መሰንትሰ ኒ መገኑ ቡሰታ ገረጋት።

13 እመኦሶ አተት ጉዕመ ወክትንከ በላንከክዕኔ ሄኡን። 2 ኮሀ ቶጌን ካደሙ ሀቦኖቹ፤ ካን አኦንከሰ መት-መቱ መኑ ደጉዕነ መገን መላይከተ ኮህነቱ ቶንኡ። 3 ኡሱረገቶሀኡገን አሳንን ሜጡብ ኡሱረንቴንተሀንገን ዋለኤን ሰውይዬሰ፤ አዕኑሁ አሰገን ማለንከሰ ኦርሸተ ቶጌነንተ ጌሰ እኩኔ ኦርሸተ ቶጋእረ ሰውይዬ። 4 ቤቱተ ኤቡ ጉዕመንከ መንቤቸን ኬዕምኙ ዮሲሃ አሁን፤ ምኒ እኑ ምንሰ አማተ ህትን ምንሰ አመንት ምንሴ አኒሃ አመዕነቀንቶረ አኩን፤ መሰንትሰ ገይሰ ምኒ አኒች ህከረንገ ምንሰ አመ ቤሉ ዋሎ መኒን ዝነተ አታሀኡኡ አሉን መገኑ ፈረደኖ። 5 ብረ ኢቲቶ ገወክዕኔ አገዕርዬ፤ ዮሀዕኔሁ አሁንክዕኔ፤ መሰንትሰ መገኑ ገወንኩሰ «አን ሆሮ ኡጃንኬበአ፤ አጉራንኬበአ» ይዮኡ። 6 ህካን እኮቤቸሃ ነኡ መለልን «ቀርቼ ሀዕለኖኤ፤ እን ዋጃምበአ፤ መኑ መ አእኖኤ?» ይኖም። 7 መገን ላገተ ኩልቶህዕኔ አዋንሳኑክዕኔ ሰውይዬሰ፤ እሰ ህት እክ ሄኡገለከ ሬቶገ ለኤነን እሰ አመዕነትገ ዮ አመዕነቱ አዋኝ። 8 መሲህ ኢሰ ቤሬተለከ ከበር ዘላለሚሃ ሄአኖሃን፤ ሆሮ ዶረመኖበአ።

(aiōn g165) 9 አደደ አኮ ሂለ ትምርቲን አገንቶኖቹ፤ ቀልቡክዕኔ መገን አሰቶን ጠረኙን ቤሉ ደግለለኖበአ እቸ ሴረ አገሪን አሁንከ፤ እቸ ሴረ አዋንቶ መኑ መቱርቹሃ ደእቶበአ። 10 ኔሳሃ መገኒሃ ክትም ሆንጠህሴኖ ጠረጴዙ ዮኔ፤ እኩጎሬ መገኑ ደገመኖ ዱካን አዘን ሆጉተ አታ ቂሳከት መገኒሃ ክትም ሆንጠህሴኖ ጠረጴዚች ኣእት እቱ ፈቀዳኖሰበአ እቅ። 11 መሰንትሰ ሎሩ አይሁድ ቂሰ ሀለቀ ጨብተኔሃ ክትመዋ ግዝ ቄጉ ጠለልች ጠለለ ቤቹ ሆንጠህሴኖ፤ እኩጎሬ ግዝሰ ማለ ቀኤች ገበለ ፋሼን ቡሴኖ እቅ። 12 ህትን ኢሰ ገይሰ ቄጊን ኡመት ጠለላኑተ አኦተ ከተሚች ኡሮ ገበላን ኦርሸተ ቶግ ሬዮ። 13 ህካን እኮቤቸሃ ነኡ ከተሚች ገበለ ፋልን እሰን ሜጡብ ህንቀሞ። 14 መሰንትሰ ኔሳሃ ከን ኣዱንያ አሉን ዘላለሚሃ ሄአኖ ከተሙ ዮኔበአ፤ ጠዉ እኩጎሬ ከ ኤተሩ አሜተኖ ከተመ አገዕርኖም። 15 ህትን ነኡ ሆሮን ሙረሞበአ ገለት ክትመ ኢሰ አዲን መገኒሃ ሆንጠህሴኖ፤ ሁኩንን ሱዕሚህሰ መሰከርታ አፌሃ ላልቹ። 16 ጡመ ጠዉ አኡለከ ዮሀዕኔርቹ ዋሎ መኒን ቤቀሙ ሀቦኖቹ፤ መሰንትሰ ህትኔ ክትመ መገኑ መንዲሲሰኖሃን። 17 እዕኑ አዋንሰታህዕኔህኡተ አዘዘሜ፤ ሹምነትሃሰ ጠገሜ፤ መሰንትሰ እሰ ፎልክዕኔተኔሃ መሰለ ኣታኡራ እኮቤቸሃ ጠረኝት ክዕኔተ አገርታህዕኔ፤ አዘዘንቴንተሰጎር ሆጉሰ መንዲኖን አታኡ፤ አዘዘንቴንባች ሆጉሰ መንዲኖን አታበኡ፤ ሁኩንን ክዕኔሃ ጡመሃበአ። 18 እዕኑ ኔሳሃ ዱኡ አዕዬ፤ ነኡ ነጠ ቀልቢን ሄኡኔ አጥራመንት ደንጋም፤ ህትን ጉዕመ ጠዋንን ጡመገ ሄኡሃ ሄዕላንታም። 19 ክዕኔቤቹ ደዕል ፈንቀሎተ በትሴን ዱኡ አቶኖተ ጠረኝሽ ኩላንክዕኔ። 20 ዘላለሚሃ አሀኖ ወኡድ ላገ ቄጊን ሆላተሰ ሎረ ዜማንቹ እኮ ቀርቹ ኢሰ ሬሆች ኬሾ ወገሬት መገኑ

(aiōnios g166) 21 ሰውትሰ ዊንሸቴነንተረ እኮኖተ ጡመ ጠዋሃ ጉዕሚንከ ቅጥኡክንክዕኔ፤ እሱ መንዲሲሰኖርቹ መሲህ ኢሰ አዲን ክዕኔኤን አኡን፤ መሲህ ኢሲንከ ዘላለሚች ዘላለመ ኢለ ኬዕምኙ አሁን፤ ኣሚዕን። (aiōn

g165) 22 እመኤ እሱ! ኩ ከተቦንክዕኔ ሶህኑት ገበንቹ እኮቤቸሃ ሸዘነኡ ላገተ አታዕሊን ቶንኖተ ኡጫንክዕኔ። 23 እመኔቤቹ ጥማቶሰ ኡሱርች ገፈረመሰ ደንኖተ ሀሳም፤ እሰን ደዕል ኢቤቹ አሜቸጎር አኒሁ እሲንን ሜጡብ ክዕኔተ ለኦተ አሚታም። 24 አዋንሰታህዕኔህኡተለከ አመዕኖተ ጉዕሚንከ ወገሬትኤ ኩሌሰ፤ ጣሊያን ባዲች አሜቶ አመዕኖት ወገሬትሰ ሶኮህዕኔ። 25 መገን ኣሰቱት ጉዕሚንከክዕኔ እኩን፤ ኣሚዕን!

ያቁብ ከተቦ ሶህኑት

1 መገንለክ ቀርቶ መሲህ ኢስ ካድንቹ እኩም ያቀቢች ኣዲንያ አሉን ጉዕማንን ብገይቶ ቶነ ለማሃንክ እስራኤል ዘሬተ ሶህንቶአት ሶህኑ፤ ወገሬቱ ክዕኔሃ አሁን። **2** አመኤ ኦሶ! አደዱ ኦርሸት ኢልቶህዕኔ ወክት መንደዕዬ። **3** አመዕነቶንክክዕኔ ኢልታ ኦርሸ መሳን ፈረኬነንተገ ደኬነተ። **4** አታዕለን ኡሩክዕኔ መቱርቹህ ጤዕይዩዕናን ኩሌኖህዕኔርቹ ኖህዕኔበአሩላክ ዊመ እኩኖተ አበቀኣኖህዕኔሃ አሁን። **5** ክዕኔኤች እዩሃ ሀይመት ሆፈኦስጎር ህንቀዕነ መረርሲጭ ጉዕሚንክ ኣሰኖ መገኑ ኡጩን፤ እሲንክ ኣሰመኖሰ። **6** ጠዉ እኩጎሬ መኑ ሸኩዕናን አመዕነቲን ዱኣ አኣን፤ ቀልበክከሰ ሸከኖ መንቹ ቦብሪን ሀምበለም ለንቁቀኖ ዊ ሁለ ኣጉደኖ። **7** ህትኔ መንቹ ቀርቶች መቱርቹሃ ደኣኖሃ ኣጉዱንከሰ። **8** መሰንትሰ ሸከኖ መንቹ ቃንክሰ ከበሃ ካጸ አህናቤቺሃት። **9** ኖሰርቾን ህንቀዊ መንቹ መገኑ ሎርሰናሰቤቺሃ መንደኡን። **10** ቀባጣመ እክ ገውስ ሆኖሾ መንቹ ገውስ ሆኖሲንከሰ ተሸ ዩንስ፤ መሰንትሰ እሰ ገውንኩስ ባዳ ቦብሎግ ግግሉ ፈቀናበኡ። **11** አሩ አበ ቡስን ፋለኖ ወክት ህክ ባዳ ቦብሎተ ሞሸኖ፤ ቦብሎትሰ ግግልታኡ፤ ህትን ቦብሎስ ደኑንኩ በኣኖ፤ ህትን ቀባጡተ ደንተ ዩ ከበለክ ካጸ አህን ሬሆኖ። **12** ኦርሸት ኢልቶስ ወክት ጠረኝ ኡረኖ መንቹ ማሰአዋእሃ፤ መሰንትሰ ኦርሻን ጠረኝ ኡሬቤቺሃ መገኑ ኢትታሰህኑት ኣሰተ ተበሳሃ አዕዮ ሄኦ አክሊልገ አዕይ ቶገኖ። **13** አዩሁ ፊተነመኖ ወክት «መገኑ ፊተቹኤ» ሆሮ ዩንከ፤ መሰንትሰ መገኑ ሂለ ጠዊን ፊተነመኖበኡ፤ ህትን ገውንኩስ አዩሲ ፊተነናበኡ። **14** ጠዉ እኩጎሬ አዩሁ ፊተነመኖሁ ገይሰ ሂለ ሄዕላቻን መሰገሚትለክ ጣንሰሞት። **15** ህከኒቻ ኤተሮን ሂሉ ሄዕላቸት ላፈ እክ ጩብ አልታኡ፤ ህትን ጩቡንኩ ነጽ ሬሁተ ኤበኖ። **16** ኢትንቴንተ አመኤ ኦሶ! ሉሶኖቹ። **17** ጡሙ ኣሰቱትለክ ፈቀ ኖበኦ በረከት ጉዕሙንኩ አሚተኖሁ ሰሜቺት፤ ሁኩን አሚተኖሁ ኑር ኣነ ኣኮለክ ዶረምበ ህከረንገ ሀለገ ዘህበ መገን ኣዲቻ ድርታኡ። **18** ክልቀቲቶስ ህንገሬ ኣነኮተ መገኑ ገይሰ ሃሽኣቶገለክ ህንቅስ ላጋን አሎኔ። **19** ኢትንቴንተ አመኤ ኦሶ! ካን ደጌ፤ መኑ ጉዕሙንኩ ሞጮጪሃ ደዕላኖሃ አሁን፤ ጠዉ እኩጎሬ ጠዉኢሃለክ ኡመዕርሃ ደዕላኖሃ አሁንከ። **20** መሰንትሰ መን ኡመዕርት መገን ፈይመተ ኤባበኡ። **21** ህካን እኮቤቺሃ ንጃሰለክ ሂልመተ ጉዕሙንክ ኡጅቲን ቀልበክክክዕኔ ካሰሞ ነቢሳክዕኔ ፊሲሃ አታልታ ላገተ ገዉ ሆኖሲን ቶጌ። **22** መገን ላገተ ዊንሸቴንተረ እኬ ቤሉ ገዉክዕኔ ሉሲሴንገ ጠለዕል ሞጮጭቴንተረ ኣኩኖቹ። **23** ላገስ ሞጮጭ ሆንን ሆስሰሰህ ለእቃንቺን ገዉስ ለእኖ መንቹ ኣጉደኖ። **24** መሰንትሰ ሁኩ መንቹ ገዉስ ለእቃንቺን ለዕይ አብል ፋሎገን መ ኣጉደኖጎር ደዕልን ሀበኖ። **25** ጠዉ እኩጎሬ ነጠ ፋሽኖ መገን ሕገ ለዕይ ህከኒን ጠረኝኖሁለክ እሉንክ ሞጮጭ ሀቡዕነ ሆን አሉን ሆስሰኖሁ ሆንንከሰ ጉዕማንን ማሰአዋሃ አሁን። **26** አረብስ ኣገዕሩዕናን «መገኑ አመዕነቶም» ኖሮሁ ጉዕሙንኩ ገዉስ ሉስሰኖ፤ ህትን አመዕነቶንኩስ ተሰሃን። **27** ኣነ መገን ብሬን ነጠለክ ንጅሱ ኖበኦ አመዕነቱ ከኔት፤ ሁኩንን

ሀዩሽ ኣሉተለክ ምንሰ እኑ ሬኖ ሜንቱ ኦርጨንቶ ወክት ሀዕሉሃለክ ህትን ከን ኣዲንያ አል ንጃሲቻ ኣገዕሩሃን።

2 ኬዕምኝ ቀርቶ እኮ ቀርቹሃኔ መሲህ ኢሳን አመዕነቲንተ አመኤ ኦሶ! ኣዕኑ መን በላን ሆሮን አደደመተ አቶኖቹ። **2** ሞሳሌተስ ለሙ መኑ ጭምድቴንተቤቹ አሚታኡ፤ መቱስ ኣገንንከስ ወርቅ ጩምባሪ አዕይ ጡመ ኦድኑተ ኦደዕኖሃን፤ ሞሉስንገ ጡርቶ ኦድኑተ ኦደዕኖ ቡጥቹሃን። **3** ህከ ወክት ጡመ ኦድኑተ ኦደዕኖ መንቹ ኬዕምኺን «ከን ጡመ ቤቹን አፋዕል» ይቴንተሰ። ጠዉ እኩጎሬ ቡጥቹሰንገ «ኣት ህከጹ ኡር» ህከረንገ «ሎከኤ ኣዲን ኡለ አፋዕል» ይቴንተሰ። **4** ህካን እኮቻ ኩን በላንክክዕኔ አደደመተ ከለቁሃለክ እልተ ለኤን ፈረዶሃበኣንደ? **5** ኢትንቴንተ አመኤ ኦሶ! ሞጮጭዬ፤ አመዕነቲን ቀባጣመተ እኩኖተለክ እሱ ኢትታህኑት ኣሴ ሰሜ ሞምነቱ ረገኦተ ከን ኣዲንያ አል ቡጥቻኑተ መጠርሰ። **6** ጠዉ እኩጎሬ አዕኑ ቡጥቻኑተ ህንቁንቴን፤ ጭንፍታህዕኔሩላክ ፍርድ ምኒ ጎሽሽታህዕኔሩ ቀባጣመተበኣንደ? **7** አዕኑ ገኣንቴንተ ከበጀሞ መሲህ ሱዕመ ቦርርታሩ ህከን ቀባጣመተበኣንደ? **8** «ገዉክዕኔ ኢትቴንተንገን ሞሉ መነሃ ኢትዬ» የመሞ ከተበሞ መገን ሞምነት ሕገ ዊንሸቴንተጎር ጡመ ኣቴንገታት። **9** ጠዉ እኩጎሬ መን አልተ ለኤን አደደመተ ኣቴንገታሃ እኩጎር ጩብ ኣቴንገታት፤ መገን ሕገ ቤሰሃንክዕኔ ዋቀሰንቴንተ። **10** መኑ መገን ትዛዚቻ መቱስ ድጅ ፈቆሲሃ ጉዕሙንክ ዊንሸንገ ጉዕሙንክ ድጃህንገ ሞላአመኖ። **11** መሰንትሰ «ዝነተ አቶት» ዬ መገኑ ህትን «ሸቶት» ዬቤቺሃ ዝነተ ኣትበጎሬ ሽቶንትአቀ መገን ሕገ ድጅቶንት። **12** ጠዉኤንገ እኮ ኣቴንገ ነጥነቱ ኣሰኖ ሕጉ ፈረደመኖሰ መገን ኣኬ። **13** መገን ፍርድ ማርበ መንቺሃ ማርቱተ ኣኣናበኡ፤ እኩጎሬ ማርቱተ ፍርድ ቁልታኡ። **14** አመኤ ኦሶ! መቱ መንቹ «አመዕነቱ ኖኤ» ኖን አመዕነቱስ ጡመ ሆንን ለሊሰበጎሬ መ ደግለለኖሰ? ህትን ሁኩ አመዕነቱ ፊሶስተ ኣታለኖንደ? **15** ሞሳሌተስ ኦደኣኢሁለክ ኣታኢሁ ኖስበኦ አመኡሱት ሄኣጎር **16** ክዕኔኤች መቱ ሀስሰኖሳሃ ኣሱዕናንሰን «ኢቡንክዕኔ፤ ዱቤ፤ ወገሬቲን ኦርዕዬ» ዬጎር ሁኩን መ ደግለለኖሰ? **17** ህካን እኮቤቺሃ ሆንት ኖበኦ አመዕነቱ ገዉንኩስ ሬኖሃን። **18** መቱ መንቹ «ኩ መንቹ አመዕነቱ ኖስ፤ እኩጎሬ ሁኩንን ሆንት ኖስ» ይኖ አቃ ኣነ ከን መንቺሃ ያንሲሁ ህንዴ ኣት አመዕነቱክ ሆን ቤሉ ለሊስ፤ ኣን እኩጎሬ አመዕነቱኤ ሆንን ለሊሳንኬ ያንሰ። **19** ኣት መገኑ ሜጡ አሁስ አመዕነታንት፤ ሁኩን ጡመሃን፤ ጠዉ እኩጎሬ አመዕነቱ ሩሃንዩሁ ሁጡን አመዕነቱ። **20** ኣት ገዉ መንቹ! ሆንቹ አደደ እኮ አመዕነቱ ላሊቹ ኖበኢሃ አሁስ ደጋንትበኣንደ? **21** ኣኑኔ አብራሂም ቤቱስ ኣሳቀ መገንሂ ክትም ሆንጠህሴኖ ጠረጴዛን ክትም አዕይ ሆንጠህህ ወክት ፈየ እኩሁ ሆንንበኣንደ? **22** ህካን እኮቤቺሃ አመዕነቱ ሆንን ሜጡብ ሄዕኖገለክ አመዕነቱስ እሰ አዕዮ ሆንን ዊመ አሁስ ለኣንትበኣንደ? **23** ጠሊሊ መጻፋን «አብራሂም መገኑ አመዕኔኡ፤ አመዕነቱንኩስ ፈየ እክ ሞላአሞስ» የመንቶ ላገት ዊንቶኡ፤ አብራሂምን «መገን ኢተተ» የመሞ ገአሞኡ። **24** ህካን እኮቤቺሃ መኑ ፈየ አህኖሁ ጠለዕል አመዕነቲን አሁስ ሆንን ሜጡብ አሁስ ለኣንት። **25** ህትን ዝነተ

እታ ረኣብ እስራኤል ሶቀማት ተሞክሮ ቶግ ዋሎ ዋቁን መርታገ እቶ ወክት ሆነንከሴ ፈየተ አብበእንደ? 26 ነቢሴች አደ እኮ ጅሰሙ ሬዮሃ እኮገን ሆነች አደ እኮ አመዕነቱህ ህትን ሬዮሃን።

3 እመኤ ኦሶ! ክዕኔኤች ልግቡክዕኔ አስተማረተ እኩኖቼ፤ መሰንትሰ አዕኑ ደንገነተገን አስተማረተ እንኮምሩ ዋሎ መነች አበ ፍርደ እእናምቤቺሃት። 2 እኤ ጉዕመንኩኔ ልግብ ወክት ሉንሳም፤ ጠዉ እኩጎሬ ዩናሃንን ጉዕመንን ሉሰባህ እሰ ገዉስ አገዕሩ አታለኖ ኩሉናሰርቸኖ ዮሰበእሃ መንቹ። 3 ፋቺ ኔሳሃ እዘዘመኖገ አፎንከሰ ብጣለ ዋርናም፤ ህከነች ኤተሮን ሎረ ፋቺ ቀዋ ብጣሊን ሀንሶም አደ ጉዕመንከ መረኖገ አዕናተ አታልናም። 4 ህትን መርከብተነሃ ሰውይዬ ህንደ፤ መርከቡ ኬንከሃ ጠረቻ ቦብሩ ሀምበለን ሃመኖ ሎረ እኩጎሬ መርከብሰ ኦተኣነቹ ቀቅቸርቸን ሀሸበ መሰኖ። 5 ህትን አረብት ጅሰሚች ጉዕሚችን ቀቅቸተ እኩጎሬ ቦን ጠዉ ጠዉእኤ፤ ህትን ህንዴ ገረተ ለዕዬ፤ ቀቅቸት ገረት አበ ሀቅ ቆጠ ቡሰታኤ። 6 አረብት ገረጋት፤ እሴን ጅሰሚችኔ ጉዕሚችን ሂላተ፤ ጅሰሙ ጉዕመንከ ንጃሰሳኣ፤ ህትን አባቢች ፋልታ ገረገ ኦሰማች ኬሸ ሎረ እሆተ ኢለ ዮ ክልቀት ፎል ቡሰታኤ። (Geenna 91067) 7 ጉዕመንከ ደን ቡሳወ፤ ጨኤተ፤ ኡሳን ሹርይተን ሀንታእረ፤ ባር አዜን ሌንቁቅታ ክልቀት ጉዕመንከ መኑ ገረኦተ አታለኖ፤ ህትን ገረኣንቶኤ። 8 ጠዉ እኩጎሬ አረብተ ገረኢሃ አታለኖህ እዪሁ ዮበእ፤ ሸኖ መርዙ ዊዋሴተ፤ ህትን ፎሎጩ ዮበእተ ሂላተ። 9 ህከን አረቢን ቀርቼለክ እነኔ መገኑ ገለትጭናም፤ እሴንን መገን ደንገ ከለቀዋ መን ቦርርናም። 10 መቶ አፌች ገለቱለክ ቦርሩሁ ፋለናት፤ እመኤ ኦሶ! ህት እሁ ሀሰሰናበኤ። 11 መቲ ቡቆች ጤኦኖ ዉሁለክ ቀራረኖ ዉሁ ቡቆተ አታለኖንዶ? 12 እመኤ ኦሶ! ኦዱ ዋርች ላለቹ ላሎተ አታለኖንዶ? ህትን ዋይን ላልቹ ኦድ ላለቹ ላሎተ አታለኖንዶ? ህትን መጥንት ዮ ዊች አኔኖ ጡመ ዋሃ ደኦኖተ አታሉናበኤ። 13 ክዕኔ በሊች ሀይቹለክ ደገኖ መንቹ እዩት? ሀይማንለክ ገዉ ሆፍሰን አዕዮ ጡመ ጠዉ ሄእንከሰ ለሊሱን። 14 ጠዉ እኩጎሬ ሂላ መቀቸመትለክ ገዉ ኢቱህ ቀልቤንከክዕኔ ሄዕዮ ጎሬ ህከኒን ቦንቶኖቼ፤ ሀንቅ እኮ ጠዋን ክዝብ ጠዉኦኖቼ። 15 መሰንትሰ ህትኔ ሀይመት ደገንታኢህ ከን ኣዱንያ አሊች፤ ማለችለክ ሺይጣንቺት ቤሉ መገን አዲችበኤ። 16 ምቀቸመትለክ ገዉ ኢቱህ ዮቤቾን ብተትለክ ሂላት ሆንት ጉዕመንት ሄእኤ። 17 ጠዉ እኩጎሬ መገኒች ደገንታ ሀይመት ወዕናንከ ነጠሃን፤ ህከነች ኤተሮን ወገሬት ኢታንቹ፤ ጎደበ ላፈ፤ ገዉ ሆፍሱ፤ ዋሊሃ መረርሲጨኖሃ፤ ጡሙ ላልቹ ዊዋሃ፤ መቱ አደ ጎልባሃለክ ለዕዬኤ ዮ ዮሰበእሃን። 18 ወገርት ኢትታ መኑ ወገሬት ዉጥ መገን ሰውትገ ሄእ ላለቹ ጭምእታኤ።

4 ክዕኔ በላን ዮ በገዙለክ ብተት ሀከንቤቺች እሜቶአታን? ኣዜንከክዕኔ ኦለመኖ ማልክዕኔ ሃሽኣቶችበእንደ? 2 አዕኑ መቱርቹ ደኢሃ ሀሴነንተ፤ ጠዉ እኩጎሬ ደንገነተበእ፤ ሽቴነንተ፤ አበ ሄዕላቲነንተ ጠዉ እኩጎሬ ደንገነተበእ፤ 3 ዱኣ አቲንተጎሬ ማልክዕኔ ሰውቲን ሆሰሶኖተ ሂላ ሰውቲን ዱኣ አቲንተበቺሃ ኡጭቲንታሃ ደኣቲንተበኤ። 4 አዕኑ አመዕንንቲንቡ

መኑ! ከን ኣዱንያ አል ጠዉ ኢትታ መኑ መገኒሃ ዲን እሁሰ ደንገነተበእንደ? ከን ኣዱንያ አል ጃለት ጉዕመንኩ መገኒሃ ዲን እኮኤ። 5 ጠሊሊ መጻፋን «መገኑ ኣዜንከክዕኔ እፋሺ እያን ጠለዕል እሲሃ እሆተ ሀሰኖ» ዬኢሁ ተሳንትንዶ? 6 ህትን መገኑ «ቦንታእራ ግባኖ፤ እኩጎሬ ገዉስ ሆፍሳህኡተ ኣስቱተ ኣሰኖ» ዮናቤቺሃ መገን ኣስቱት ጉዕሚችን በተእኤ። 7 ህከን እኮቤቺሃ መገኒሃ ጠገማ፤ ጠዉ እኩጎሬ አልብሰ ግቤሰ፤ እሰን ክዕኔኤች ሁነኖ። 8 መገን ቤቹ ሆንጠኬ፤ እሰን ክዕኔቤቹ ሆንጠሆኖ፤ አዕኑ ጨበኛንተ! እንገክዕኔ ነጠ አዕዬ፤ ህትን ከበሃ ካጸ አከኔነተሩ! ቀልብክዕኔ ነጠ አዕዬ። 9 ጨብክዕኔትነሃ ሻገ፤ ጨነቀሜ፤ ኦዕዬ፤ ኦሰሉክዕኔ አልፋቲን መንዲቲክዕኔ ሻዘን ዶረንቲን። 10 ቀርች ብሬን ገዉክዕኔ ሆፍሺ፤ መገኑ አሌ ዋሽ ሎርሰኖሀዕኔ። 11 እመኤ ኦሶ! መቱ መትክዕኔ አሌን ሂላርቹ ጠዉኦኖቼ፤ መቱሃ አመሰ ቤት አሌን ሂላ ጠዉ ጠዉእኖህ ሀከረንገ አመሰ ቤት አሌን ፈረደኖህ መገን ሕግ አሌን ሂላርቹ ጠዉኦኖሃንለክ ሕግ አሌን ፈረደኖሃን፤ መገን ሕግ አሌን ፈረደንትጎር እት ሕገ አገራንቹ እኩዕን ፈረደንቹሃን። 12 ሕገ ኣሰኖሁለክ ፈረደኖሁ ጠለዕል መቱሃ መገኑ፤ ህትን ፊሲሃለክ ቤሲሃ አታለኖህ ጠለዕል እሶት፤ ህከረ መን አሌን ፈረደንቲህ እት እዩት? 13 አዕኑ «ከበር ሀከረንገ ጋቲተ ዋሉ ባዱ መርን መቱ ዘማን ዱንክናም፤ ነገንድ ተረፍንሳም፤ ልግብ ብረ ጭም እዕናም» ይቲነንተሩ ዋጮጭዬ። 14 መሰንትሰ ጋቲተ ም እሆኖጎሬ ደንገነተበእ፤ ነቢሶክዕኔ መርቹሃን? አዕኑ ቀዋ ወክት ለሊ በኣ ጎመጋት። 15 ህከን ወጥ አዕኑ «ቀርቹ ዬንሬለክ ሄዕኖም ጎሬ ካን ሀከረንገ ካጽ እዕናም» ዮ ሀሰሰኖሀዕኔ። 16 ጠዉ እኩጎሬ አዕኑ ህከን ወጥ ቦኖንተክዕኔ ድከኤንገንት፤ ህትኔ ቦኑ ጉዕመንኩ ሂላሃን። 17 ጡመ ጠዉ እኤ ሄዕኖሰገ ደገን እአበ መንቺሃ ጨብ እሆኖሰ።

5 ቴሱ አዕኑ ቀባጣመት ሞጮጭዬ፤ ጠረኘት ኦርሸት ኣሌንከክዕኔ እሜታቤቺሃ ያርቲን ኦዕዬ። 2 ቀባጡክዕኔ ጉዕመንኩ ሸንቶኤ፤ ኦድኑክዕኔ ብሉት አቶኤ። 3 ዋርቁክዕኔለክ ብሩክዕኔ ጭቻኤ፤ ሁኩ ዋርቁክዕኔለክ ብሩክዕኔ ጭቻሁ ክዕኔእሃ ምስክር እሆኖ፤ ጅሰመክዕኔ ገረገ እተኖ፤ ከን መጨረሽ በሬን ልግብ ቀባጡተ ጭምእቲንታኤ። 4 አዕኑ ምዳ መኒሃ ሆሰሰ ዋገ ባቲንታበኤ፤ እሰን ያርታእት፤ ያርታእከን ጉዕመንከ አታለኖ ቀርቹ ሞጮጭዮኤ። 5 አዕኑ ኣዱንያ አሌን ናጃንለክ መንዲኒሂ ሄእንታኤ፤ ጎረጥሀ አላሌመ ለልገ ምሴንታኤ። 6 ፈየ መንቹ አሌን ፈረደን ሽቴነተሰ፤ ጠዉ እኩጎሬ እሰ ግቦሀዕኔበኤ። 7 እመኤ ኦሶ! ቴሱ ቀርቹ እሜቶተ ኢላ አታዕሊን አገዕርዬ፤ አቡራንቹ ዋንሃለክ ኤተር ጤን ደኦተ ኢላ አታዕሊን ጡመ ኡለ አቶተ አገዕርኖ። 8 አዕኑ ህትን አታዕሊዬ፤ ቀርቹ እሜተኖ በሩ ሆንጠኮቤቺሃ ጠረኝቲን አገዕርዬ። 9 እመኤ ኦሶ! ክዕኔ አሌን ፈረደምበገ መት-መትክዕኔ አሌን ጨቀጨቆኖቼ፤ ሁኩዕን ፈረደኖሁ እሜተኖ ወክቱ ሆንጠኮኤ። 10 እመኤ ኦሶ! ቀርች ሱዕሚን ጠዉኣ ነቢያትኑ ኦርሸት ኣእንለክ አታዕሊን ምሳልተ እሁሰ ህንዴ ለዕዬ። 11 ህትን አታዕሊን ጠረኝቶአሩ «ማሰእንቶእራን» ይናገሰ፤ እዩብ አታዕሊን

ሞጮጭቴንታእ፤ ቀርቼንኩ ኤተሮን አዕዮስ ጠመ ጠወ ጉዕመንከ
 ለኤንታእ፤ መሰንትሰ ቀርቼ አበ መረርሲጨኖሃለከ ጎደበ ላፈሃን። **12**
 አመኤ ኦሶ! መ ጠዊች ሄጮቴን ሰማን ህከረንገ ኡላን ህከረንገ ዋሎ
 ጠዋን መቶርቸኒ ጤሌዕልቶኖቼ፤ ጠዉ እኮጎሬ ፍርዳን ኣጌነንተበአገ
 ጠወኤነንተ ጠዉ ሀንቅ እኮጎሬ «ሀንቅያ ይዬ» ክዝብ እኮች «ክዝብያ»
 ይዬ። **13** ክዕኔ በላን አበ ኦርጨቀሞሁ ሄዕዮ ጎሬ ዱአ አኡን፤ ህትን
 መንደዕዮሁ ሄዕዮ ጎሬ መገኑ ገለትጨን ዘመሩን። **14** ክዕኔ በላን
 እዪሁ ጥዦ መንቹ ሄዕዮ ጎሬ አመዕናኖ ዱአ ምኒች ባለቀተ ገኡን፤ እሰን
 ጥዘናሙስ ቀርቻ ሱዕሚን ዘይተ ቡርት ዱአ አቱን። **15** ህትኔ ዱኡ
 ጥዘናሙ ፈይሰኖ፤ ቀርቼንኩ ጥዘናች ኬሰኖስ፤ አዕዮ ጨቡ ሄዕዮ ጎሬ
 ማረመናሰ። **16** ህካን እኮቤቺሃ አዕኑ ፈይቶተ ጨብሃክዕኔ ገገዉክዕኔ
 ቶባቼ፤ መት-መቲሃክዕኔ ዱአ አዕዮ፤ ፈየ መንች ዱኡ ዋልቀት ዮስቤቺሃ
 አበ ሆጉተ አአኖ። **17** ኢልያሰ ኒገን መንቹሃ እቅ፤ ጠዉ እኮጎሬ ጤኑ
 ኡባኖበአገ ጠረኝሽ ዱአ አዕዮ ወክት ሰሱ ዘማንለከ ሌሁ አገነ ኢለ ኡለ
 አላን ጤኑ ሆሮ ኡባበአ። **18** ለንኪሃ ዱአ አዕዮ ወክት ጤኑ ኡባ፤ ኡለንት
 አቶተ አቶኡ። **19** አመኤ ኦሶ! ክዕኔኤ በሊች መቱ ሀንቅ ዋቄች ሉጨሞጎር
 ዋሉስ መንቹ ሀንቅ አደ ፈንቀሼሰጎር **20** መቱ ጨብኘ መንቹ ጨብ ወቄች
 ፈንቀሽኖ መንቹ ጨብኝ ነብሳሃ ሬሆች ጡምሰኖገለከ ልግቡ ጨቡስ ፈቁን
 የመመናሰገ ደጉን።

ዎኔ ጴጥሮሴ

1 መሲህ ኢስ አሳቤቹ እኩም ጴጥሮሴች እኩ መገኑ ሄጭ ደግነከስ መጠርህህሁኑት፡ መሲህ ኢሲህ አዘዘንቶተለክ ቂጊነከስ ሄበ መርጫ እኤናን ነጠ እኩኖተ ጠሊላ እያነን አደ አኬነተሁኑኤሃ ጳጉጦስያን፡ ገላትያን፡ ቀጻዶቃን፡ እስይ ባዶንለክ ቢታገ ባዶን ኮህ እኬን ብንይቴን ሄኤነንተሁኑኑተ ጉዕሚንክክዕኔ ሶህንቶአተ ሶህን፤ ክዕኔንክ መገን አስቶተለክ ወገሬቱ በተአንክዕኔ፡ **3** መሲህ ኢስ ሬሆች ኬእ መሳን ሄኤኖ ተብሳ እስኔሁ አበ አመዘን ለንክ ሃዕሮ እለንሽ እስኔ ቀርቼሃኔ መሲህ ኢስ እኩ መገኑ ገለትጨመን፡ **4** እስን በእቡ፡ ሸምቡለክ ባልቅቡ እርሰተ ሰማን ቅጥአዕዮህዕኔ፡ **5** እዕኑ ጎፍሜ በር ለለኖ ጡሚሃ እመዕነት መሳን መገን ዎልቃን አገረንቴንታ፡ **6** ህካን እኮቤቺሃ ቀዎ ወክቲሃ አደደ ፊተነ አዜን ህጉክዕኔ ሻዘሰኖሃለክ ፈቅባሃ እኮገሬህ ጡሞንክክዕኔ ተሽ ዩንክዕኔ፡ **7** ሁኩ ፊተነት ኢልታህዕኔሁ እመዕነቱክዕኔ ህንቅ እሁስ አጥርሬመትሃት፤ በእኖ ወርቂ ገራን ፊተነመኖ፤ ህንቅ እመዕነቱክዕኔ በእኖ ወርቂቅ በትሽ ዋጉ ዮሲሁ ህት ፊተነሙ ሀሰሰኖሰ፤ ሁኩ ህንቅ እመዕነቱክዕኔ መሲህ ኢስ ፈንቀል እሜተኖ ወክት ገላት፡ ኬዕምኖአክ ናዱ ደግሲሰኖህዕኔ፡ **8** መሲህ ኢስ ለኤንበገሬህ ኢትቴንተሰ፤ ቴህ መሃ እሱ ለኤንበገሬህ እሱን እመዕነቱንታ፤ ላጋን ኩሉን አታሌንበለክ ከበጀዎ ተሽቴን ተሽ ዩኖህዕኔ፡ **9** መሰንትስ እመዕነቱክዕኔ ጎፍሞሃ እኩ ነብሴክዕኔ ጡሙ ደዕቴንተቤቺሃን፡ **10** ህካን እኮቤቺሃ ጡምተኔሃ ክዕኔሃ እሆኖ አስቶተ ራጎ ነብያክት አበ መረመርቶአ፡ **11** እስን አዜንከስ ሃዕዮ መሲህ እያኑ መሲሁ እኤን ኢልታ ኦርሸተለክ ኦርሻች ኤተርን እሜተኖ ኬዕምኖተኔሃ ሄጭ ለልሾ እቅ፤ እስን ሁኩን ጉዕሙንኩ መ ወክተለክ ህት እክ እሆኖገሬ መረመርቶ እቅ፡ **12** ከን ጠውተኔሃ ነብያክት ካደንታ እቂህ ክዕኔታት ቤሉ ገወሰ እሁ ሆጉስ ለልዮሰ፤ ከ ጠወ ክዕኔሃ ዱዱብሰቶኢሁ እንጂላ ክዕኔሃ ኤቦ መናከት ሰሜች ሶህዎ ጠሊላ እያነንት፡ **13** ህካን እኮቤቺሃ ቀልብክዕኔ ኬሴን ሆገተ ቅጥ ይዬ፤ መሲህ ኢስ ፈንቀል እሜተኖ ወክት ደአቴነተ መገን አስቶተ ዊመ ቀልቢን ተብሳሃ እዕዬ፡ **14** ትዛዝ ቶጋ እለገ እኬን ደጉ ሆጊን ዎዕነ ዮህዕኔ ሂላ ሄዕላቸተ አዎንቶኖቹ፡ **15** ጠወ እኮገሬ ገኤህዕኔ መገኑ ጠሊላ እኮገን እዕኑሁ ሄኤንክክዕኔ ጉዕማንን ጠሊላት እኬ፡ **16** መሰንትስ «እን ጠሊላ እኮምቤቺሃ እዕኑሁ ጠሊላት እኬ» የመዎ ከተበዋሉ፡ **17** እዬሃ ጎሉዕናን ጉዕሚንከስ ሆገሰገ ፈረደኖ መገኑ «ጊ እነ» ይቴን ገአቴንታሃ እኮች ከን አዱንያ እኤን ኮህ እኬን ዮንተ ጌሳን መገኑ ዎጅቴን ሄዕዬ፡ **18** እዕኑ አናካቅክዕኔ ረገኤንተ ተሰ ሄኤች ወዘንቴንታህ በእኖ ብሪን ህከረንገ ዎርቂን እሁ ሆጉስ ደጌንተ፡ **19** እዕኑ ወዘንቴንታህ ጤዕየት ህከረንገ ኩሉኖሰርቹ ዮበእ ነጠ ሆልቹ እኩ መሲህ ኬዕምኖ ቂጊነት፡ **20** እስ ለሌኢሁ አዱንያ እሉ ከለቀመውሰ ብሬን እሆን ቴሱ ጎፍሜ ዘሜን ክዕኔተኔሃ ለልዮሉ፡ **21** እመዕነቱክዕኔለክ ተብሶክዕኔ መገኖን እክ መሲህ መሳን እሱ ሬሆች ኬሾሰለክ ኬዕምኖ እሴ መገኖን እመዕነቱንተ፡ **22** እመዕናኖተ አጉጣቀንሱ ዮበእ ኢተት

ሄኤህዕኔተ ሆንቂሃ እዘዘንቴን ነብሳክዕኔ ነጠ እቴንታህ፤ ህካን እኮቤቺሃ ዊመ ቀልቢንክክዕኔ መት-መገንክክዕኔ ጠረኝቴን ኢተቀሜ፡ **23** ለንኬሃ እለንቴንታህ ሄኤኖለክ ዘላላሚሃ ኡር ሄኤኖ መገን ላጋን በእበ ዘሬቺት ቤሉ በእ ዘሬቺበእ፡ (aiōn g165) **24** መሰንትስ «መኑ ጉዕሙንኩ ህጠገ፤ ኬዕምኖስ ጉዕሙንኩ ቦብሎጋት፤ ህጥት ሞልታህ፤ ቦብሎንት ግገልታህ፤ **25** ጠወ እኮገሬ ቀርቶ ላገት ዘላላሚሃ ጠረኝት ሄኤእ» ዱዱብሰንቶህዕኔ ተሽት ላገት ተነት፡ (aiōn g165)

2 ቴሱ ሾክመተ ጉዕመንከ፡ ጣንሱ ጉዕመንከ፡ ተሰቂነጡ፤ እቂሾተለክ ሄምተ ጉዕመንክ ክዕኔች ቂርሰዬ፡ **2** ሃዕሮ እለንቶ ሰብያንት እዘተ ሄዕላታህንገን እዕኑሁ ጡምቶኖተ ነጽቴን መርቴንተ ነጠ ትምርት ሄዕላቺ፡ **3** መሰንትስ ሄዕላቶኖተ አታልቴንታክን «ጠለዕል ቀርቼ ጎደበ ላፈ እሁስ ደጌንተራት፡» **4** ህካን እኮቤቺሃ ሄኤኖ ክኩ እኩ ቀርቻ ኢስቤቹ ሆንጠኬ፤ ሁኩ ክኩ መኑ ህንቅ ኦፕርሰ ጠወ እኮገሬ መገንህኔን ዶዕርዮሰህለክ ከበጀዎ ዋጉ ዮሰሃን፡ **5** ቀርቻሃ ኢስቤቹ ሆንጠኬንታህ ሄኤኖ ክንገ እኬን መኪኒት፤ ከን ሃሌን መሲህ ኢስ መሳን ተሽ ዩኖ ክትመ መገኒሃ ሆንጠህሶኖተ ጠሊላት ቂሰተ እኬንተ፡ **6** ጠሊላ መጻፋን «ሁኩንን ዶዕሬመሰለክ ከበጀዎ ሙረበ ቡዕል ክኩ ጽዮናን እፋሻም፤ እሱን እመዕነኖህ ሆርን ሙለኖበእ» ይታ ላገት ከተበንት ደገንታህ፡ **7** ቴሱ ክዕኔሃ እመዕነቱንተሁኑኤሃ ሁኩ ክኩ ኬዕምኖ ዮሰሃን፤ ጠወ እኮገሬ እመዕነትቡሁኑኤሃ «ግንበኛት፤ ህንቅ ኡጅቶ ክኩ እስ ሙረበ ቡዕል ክኩ እኩ፡» **8** ህትን «መኒሃ ጉፍቹ እሆኖ ክኩ መኑ ቆዕል ኡብኖገ እኤኖ ክኩ» ዩኖ፡ እስ ላገሰ እመዕኑ ሆገቢቺሃ ቆዕልታህ፡ ሄጭትን ከኒሃ መጠረንቶአራን፡ **9** ጠወ እኮገሬ እዕኑ ቱንሰቺች አጀብሲሰኖ ኑሪህሰ ገኤህዕኔ መገኒሃ አጀብሲሳ ሆጉተ አዋጅቶኖተ መጠረንቴንተ ክልቀት፡ ዎመ ቂሰተለክ መገኑ ገይሰሃ እዕዮ ጠሊላ ኡመት፡ **10** እዕኑ ወዕና መገንዮ ኡመትበእ እቅ፤ እኮገሬ ቴሱ መገንዮ ኡመት፤ ወዕና ማርቲተ ደአቴንበረ እቅ፤ ቴሱ ማርቲተ ደአቴንታህ፡ **11** ኢ ጃላ! እዕኑ ከን አዱንያ እኤን ኮህለክ መን ባዱ እሜቴንታሃ እኬንተቤቺሃ ነብሴንክክዕኔ ኦለመኖ ማል ሄዕላቻች አገዕርቶኖተ ኡጫንክዕኔ፡ **12** ሂላ ጠወ እቴንተ ይት ሄዕምቶህዕኔገሬ መገኑ ኔሳሃ ዳንዶተ እሜተኖ በር እመዕንትቡ መኑ ጡመ ሆጉክዕኔ ለእ መገኑ ገለትጭቶተ እስ በላን ሄኤንን ጡሙ ሃሉ ሄኤንክዕኔ፡ **13** ቀርቻሃ ኢስተኔሃ ይቴን ሹምነቱ ዮሰ መኒሃ ጉዕሚንክ እዘዘሜ፤ ጉዕመንክ መኒሃ ሀለቀተ እኮቤቺሃ ዎመ ዎሚሃ እዘዘሜ፡ **14** ባዱ ገሽታህኑኑተ እዘዘሜ፤ እስ ሂላ አታ መነ ቀጠኑተለክ ጡመ አታረ ገለትጭቶተ ዎመ ዎሚች ሶህንቶአራን፡ **15** መሰንትስ ጡመ ጠወ እቴንገ ገወ መኑ ጠወእ ጠወ ጨላ ይታገ አቶኖተ መገንተ ሃሽእቱ፡ **16** መገን ካድመገ እኬን ሰዎልድማን ሄዕዬ ቤሉ ሰዎልድመክዕኔ ሂላ ጠወ ድቤንታሃ አቶኖቹ፡ **17** መነ ጉዕመንክ ከበጀዬ፤ እመዕናኑተ ኢትዬ፤ መገኑ ዎጅዬ፤ ዎመ ከበጀዬ፡ **18** እዕኑ ካዲመት ቀርቻኖተክዕኔ ከበጀን ጠገሜ፤ እዘዘንቴንታህ ጡምቶተለክ ጎደበ ላፋኖተ ጠለዕል አሳሃ

እሁሱን ሂሳፍተ አዘዘ። 19 መንቹ ገለትጨመረና ሊፈን ኦርሸተ ቶገረ መገንተኔሃ ይ ፈረሰረ። 20 ሂሳ ጠው አቴን ህከን ጠውተኔሃ ቅጣት ቶገን ፈረከንተገሬ ም ገለቱ የህዕኔ? ጠው እኮገሬ ጡመ ጠው አቴን ህከን ጠውተኔሃ ኦሪሸተ ቶገን ፈረከንተገሬ መገንቲ ገለት ይአቴንተ። 21 ገእንቴንታሁ ከነሃት፤ መሰንትሰ እሰ ዎቃሃ አዎንቶሳተ መሰህ ክዕኔተኔሃ ኦሪሸተ ቶገን ምሳልተ እኮህዕኔ። 22 እሰ ሆሮ ጩብ እዕዮበእ፤ አፎንከሰ ክዘብ ላገት ደገንቶበእ። 23 ቦሮረመሰ ወክት ፈንቀሽ ቦሮሮበእ፤ ኦሪሸተ ቶገ ወክት ፈየ ፈረደሮ መገንሃ ገወሰ ህግሽ እሴ ቤሉ ፎከሮበእ። 24 ነኡ ፊሆን አደ እህ ጌሰ ጩቢቶ አደ እንከ ፈይማን ሄዕዮተ እሰ ገወንኩሰ ጩብኔ ማለንከሰ መሰቀል አለን እጃእ፤ እሰ ጡሉን እዕኔ ፈይቴንታእ። 25 እዕኔ በኦ ሆላገ ጀል ጀል ይቴንታት እቅ፤ እኮገሬ ቴሱ ነብሳክዕኔ አገረኖ ዜማንቶ አደ ፈንቀልቴንታእ።

3 ህትን ምኒ አማኖ! ምኒ አናናተ አዘዘ። ከን ሃሌን መት-መቱ መገን ላጋን አመዕንትበረ እኮገሬ ምንሰ አማኑት መቱርቹሃ ጠውኡዕናን ጠለዕል ምንሰ አማኖ ሃሌን አመዕንቶት አታልታእ። 2 ክዕኔቤቹ አማቶት አታልታእሁ መጨረ አኮለከ መነ ከበጃኖሃ እሁክዕኔ ለአራት። 3 ክዕኔ ደኑክዕኔ ሹሩበ ደዲን፤ ዎርቂን ሹልምሲንለከ ጤአተ ህዕሬን ኦደኤኖ ኦድተን ኦደኤን አብለን ለኤኖ ሹልሚን እህንከ። 4 ጠው እኮገሬ ደኑክዕኔ መገን ብሬን ዋጉሰ እበ ከበጀዋለከ በእበ ሹልሚን ጎደበ ላፍማንለከ ገወ አገዕሪን ቀልቤን ኬዕምሰዋለከ በእቡ መክሲን ገወ ሆፍሲንለከ አታዕለን ሰውቲን ኣዝ ጅሰሚን እህን። 5 መሰንትሰ ብሬ ዘማን መገን ተብሳ አታ ጠለላኑ ሜንቱ መክጨንቶእሁ ህትዬት እቅ፤ እሰን ምንሰ አናና ትዛዝ ቶጋ እቅ። 6 አዘዘንቶእኩ ሳረ አብራሂሚሃ «ኢ ቀርቼ» ይተን አዘዘንቶእ ደነንት፤ እዕኔ ጡመ ጠው አቴንተረላከ መቱ ዋጅሲሰኖ ጠው ህልቅሰህዕኔገሬ እሴተ አለ። 7 ህትን ምኒ አናኖ! ምኒክዕኔ አማኖን ሜጡበ አጥራመቲን ሄዕዮ፤ ክዕኔቶ በትሰ ላፈ ክልቀት እኮቤቹሃለከ ክዕኔን ሜጡበ ሄኦ እሰቱተ ረገኣቤቹሃ ኬዕምሹሰ፤ ከን ሃሌን ዲኣክዕኔ ጉፍቹ አሀናርቹ ሄኦኖበእ። 8 ጉዕመንኩክዕኔ መት-መቲንከክዕኔ ኢታን ሄዕዮ፤ ዎሎ መን ኦሪሸተ ገይክዕኔህንገ አቴን ሰውይዬ፤ አመኦሶገ እኬን አተቀሜ፤ ጎደበ ላፋተለከ ገወክዕኔ ሆፍሲንተረ እኬ። 9 ህትን ማሰዕዬ ቤሉ ሂላርቹ ሂላርቹንለከ ቦሮሩ ቦሮሪን ፈንቀሽቶኖቹ፤ መሰንትሰ እዕኔ ገእንቴንታሁ ህከን አቶኖታት፤ ህከን አኦንከክዕኔ በረከተ ረገኤንተ። 10 ጠለላ መጻፋን «መንዲኖን ዊዋ ሄኦ ሄኦተ አተኖሁለከ ጡመ በር ለኦተ ሀሰኖሁ ኦረብሰ ሂላ ጠው ጠውእቶ አፎሰ ሂላ ተንኩተ ጠውእቶ ገወሰ አገዕሩን። 11 ህትን ሂላ ጠው እኢቶ ገወሰ አገዕሩን፤ ጡመ ጠው እኢን፤ ህትን ወገሬት ሀሰን፤ ወገሬትንከ አዎን፤ 12 መሰንትሰ ቀርቶ አልት ጠለላኑተ ለኣእ፤ መጨንትሰ ዱኤሰ ሞጮቶቶ ፈንተኦታን፤ ጠው እኮገሬ ሂላ ጠው እታ መን አሌን ቀርቹ ኢመዕሬ ሚኒተ ለሊሰኖ» የመዋእ። 13 ጡመርቹ አቶሳተ ሃሽኤንተገሬ ምዕረተ ኢልሰኖህዕኔሁ እዬት? 14 ጠው እኮገሬ ጡመ ጠው አቴን ኦርሸተ ቶገንተገሬ በረከተ

ደአቴንተ፤ መን ፎከረተ ዋጅቶኖቹ፤ ጨንቀንቶኖቹ። 15 ቀርቹ መሰህ ቀልቤንከክዕኔ ከበጀዬሰ፤ ሄኦክዕኔ ቀርቹ እዕዮሰ፤ ክዕኔን ዮ ተብሴሃ ጠዕመኖህዕኔህን ጉዕሚንከ መሰለ ኣቶሳተ ጉዕመ ወክት ተቃጠቤ። 16 ጠው እኮገሬ መሰለክዕኔ ጎደበ ላፍማንለከ ከበጃን እህን፤ መሰህሃ አከንተቤቹሃ የህዕኔ ጡመ ሃል አሌን ሂላርቹ ጠውኦ መት ሂላ ጠውኢንከሰ መልቶተ ጡመ ሰውቱ ሄኦክዕኔ። 17 መገን ዬጎሬ እዕኔ ሂላ ጠው አቴን ኦሪሸተ ቶገንተገሬህን፤ ጡመ ጠው አቴን ኦሪሸተ ቶጉ ቆሆኖ። 18 መሰህ ገወሰ መገን ቤቹ ሆንጠህሶህዕኔተ እሰ ፈየ እህን ፈየ እንኮምበኦ ኒ ጩብ መሳን መንተኔሃ ሜጠረን ሬዮኡ፤ እሰ ማለን ሬይ እያንን ሄኦኖሃ እኮ። 19 ህከን እያንን ኡሱር ምኔን ዮ ነፍሴቤቹ መር ተሸት ለገተ ዱዱብሴሰ። 20 ሁኩ ኡሱር ምኔን ዮ ነብሴቤቹ ሄዎኦ ህህ ዘማን መርከቡ ቅጥየን መገን አደበን አገራንሰ ሄዕዮገን ትዛዝ ቶጉ ግቦኦጎን፤ ህከ መርከብ ኣዝ ኣግ ዊ መሳን ጡምቶእሩ ዋሊንሸሰ ህዜቹሃ መነ እቅ። 21 ሁኩ ዉሁ ቴሱ ክዕኔተ ፌሰኖ ጥምቀትተ ምሳል፤ ኩ ጥምቀቱ ጅሰሚቶ ጡር ከሙ እሁሱን መጨረ ቀልብ ደኢሃ መገን ቤቹ ሆንጠህሰኖሃ ዱኦ፤ ፌሰኖህዕኔንኩ መሰህ እሰ ኬኦ መሳኒት። 22 እሰ ሰማ ኦሪዕይ መገን መከን ዮኡ፤ እሰንከ መላይከት፤ ዲኖትለከ ዎልቀት ዮሰሩ ጉዕመንኩ ጠገንቶሰ።

4 መሰህ ማለንከሰ ኦርሸተ ቶገሃ እኮቤቹሃ እዕኔ በገዝ ኦዳተ ቆዕሬ መገን ከን ሰውቲን ጠረኝቴን ተቃጠቤ፤ ማለንከሰ ኦርሸተ ቶገ መንቹ ጩብ እኡ አጉሮኡ። 2 ከኒቶ ኤተሮን ፈቆ ኣዱንያ አሌን ሄኦክክዕኔ ማል ሂላ ሄዕላቸተ አኢን እሁሱን መገን ሰውት አቴን ሄዕዮ። 3 አይሁደ አክበሩ አታህንገ መጠረቅ ዮበእ፤ ሂላ ሄዕላቻን፤ ሰከርጉ፤ ጌሱ ዮበእ መንዲኖን፤ ጌሱ ዮበኢሃ አገን ቦሎቶ ከድቶለከ ኮፍየኖ ሸርክተ አቴን ሄኦኔተ ዘማኑ አሀኖ። 4 እኮገሬ ቴሱ ከን ጠዋን እኮበኢሰ እሳን ማጡበ ፍጮርቅ ዩ ሆጌንተቤቹሃ ኖዳኦ፤ ህትን ቦሮርታእ። 5 ጠው እኮገሬ ፎሊን የሁኑኦንለከ ሬዮ መን አሌን ፈረዶተ ቅጥይዮ መሰለ እሲሃ ኣታእ። 6 ከን ሃሌን ጉዕመ መንገን እሰን ማለንከሰ ሬቶተ ፈረደዋሰ፤ ጠው እኮገሬ እያንከሰ ዘላለሚሃ መገን ሄኦተ እንጂሉ ፊቶህኡተ ዱዱብሰዋእ። 7 ጉዕማንከ ጠዋሃ ጎፍዋሰ ኢልዮኡ፤ ጠረኝቴን ዱኦ እኢሃ አታልቴንተ ተሬገጮ ቀልቡ ሄኦክዕኔ፤ ህትን ገወ አገዕሪን ሄዕዮ። 8 አተት ልግብ ጩብ ማጦተ አታልታቤቹሃ ጉዕመርቹን በትሽ ገገወክዕኔ ጠረኝቴን አተቀሜ። 9 ህትን ቀንቆቶሱዕናን ገገወክዕኔ ኮህ ቶቃቀሜ። 10 አደደ እኮ መገን እሰቶን ጡመ ሃሊን ገሽቶሳተ ክዕኔቶ መት-መቱሰ አሰዋሰ አሰቶን ዎሎ ካደመን። 11 ህከን እኮቤቹሃ ተማርሰኖሁ አይሁ መገን ላገተ ተማርሰኖህን ተማርሰን፤ ህትን ካደመኖሁ አይሁ መገን ኣሴሰ ዎልቃን ካደመን፤ ከን ሃሌን መገን መሰህ እሰ አዲን ጉዕማንከ ጠዋን ሎዕረኖ፤ ኬዕምፕለከ ዎልቀት ዘላለሚሃ እሲሃ እህን፤ ኣሚዕን! (aiōn g165) 12 ኢ ጃላ! ገረገ ፊንታህዕኔ ኦርሸ አዜን አከንተ ወክት ርሰዋበእ ሃዕሮ ጠው አሌንከክዕኔ ኢሌህንገ አቴን አጀብሲቶኖቹ። 13 ጠው እኮገሬ መሰህ ኬዕምፕ ለላኖ ወክት እበ መንደኦሳተ እሰ ኦርሸተ ቤቀንቴንተረ እኬንተቤቹሃ ተሽ ዩንክዕኔ። 14 ህትን መሰህ ሱዕምተኔሃ

ቦረንቴንተጎሬ ኬዕምኝ እያነ እኮ መገን እያኑ ክዕኔ አሌን ፎሎጤኖቤቸሃ ማሰእንቴንታአረ። **15** ጠዉ እኮጎሬ ክዕኔች አዪሁ ኦርሸተ ቶገን ነብሳ ሼሀንገ፣ ሞጋንችገ፣ ተንኩተ አእኖ መንችገለክ መን ጠዋን ገኡዕናንሰ አገኖ መንችገ እሁንከ። **16** አመዕናንቹ እኮቤቸሃ ኦርሸተ ኢልታሲሁ ሄዕዮ ጎሬ አመዕናንቹ የመም ገአሞንከሰ መገኑ ገለትጩን ቤሉ ሙሉንከ። **17** መሰንትሰ ፍርዱ ጀመረኖ ወክቱ ሆንጠኮኡ፤ ጀመረኖንኩ መገን መን አሌኒት፤ ህከረ ፍርዱስ ጀመረኖሁ ኒ አሌን አሀኖረ መገኒሃ እንጂሊሃ አዘዘንታበእ መኒች ኤተሩሰ መ አሀኖ? **18** ጠሊሉ መጻፉ «ፈዩ መንቹ ጡመኖሁ አበ ጭንቃን አሀኖሃ እኮች መገኒሃ ጠገንትበሩለክ ጩበኛት ሀት እካእ?» የኖ። **19** ህካን እኮቤቸሃ መገን ሰውቲን ኦርሸተ ቶጋ መኑ ገዉሰ አመዕነሞ ካለቂሃ ኤገተ ኣቱን፤ ጡመ ጠዉ እኡ ኣጉርቱንከ።

5 ቲሱ አን እሳንን ሜጡበ መገን አመዕናኖ ዱእ ሞናተ ባልቅ እኮሚሁ፡ መሲህ ኦሪሸተኔሃ ምሰክር እኮሚሁ፡ ከ ኤተሩ ለለኖ ኬዕምኝ ቤቀማም እኮሚሁ በላንከክዕኔ ዮ መገን አመዕናኖ ዱእ ምነ ባልቀተ ሸዛንሰ። **2** ኤገተ ኣሴመህዕኔ መገን ዜሞሀ አገሬ፤ ዜሞሰ አገርቴንታንኩ ዋልቃን አሁዕነ መገኑ ሀሰኖ ሃሊን ኢታን አሁን፤ ህትን ብረ ኢቲን አሁዕነ ሀዕልቶኖተ ዮህዕኔ ሃሸኣቶን አሁን። **3** ህትን ክዕኔ ሹምነት ኣዜን ዮ መነ ጭንፍቱን ጠቅቶኖተ አሁዕነ ዜሜሃሰ ጡመ ምሳልተ ለሊሲን አሁን። **4** ህካን ኣቴንተጎሬ ሀንገፋ ዜማንቹ አሜተኖ ወክት በእቡ ኬዕምኝ አክሊለ ደኣቴንተ። **5** ህትን አዕኑ ዋደለት ባልቂሃ አዘዘሜ፤ ጉዕመንኩክዕኔ ገው ሙግ እኡ ኦድኖገ ኦደኤን መቱ ዋሉሰ ካደሙን፤ «መገኑ ቦነኖ መነ ግበኖ፤ እኮጎሬ ገዉሰ ሙግ አታ መኒሃ ኣሰቱሰ ኣሰኖ» የመም ከተበሞኡ። **6** ቲሱ መገኑ ዬ ወክቱን ጎት ጎት እኦህዕኔተ መገን ዋልቃሜ እንጋች ዋሮን ገዉክዕኔ ሙግ ሙግ አዕዬ። **7** ህትን መገኑ ክዕኔተኔሃ ሰውየኖቤቸሃ ሻዝሰኖህዕኔርቹ ጉዕመንከ እሰ አሌን ኡጅዬ። **8** ህትን ጌሲን ሄዕዬ፤ በቅይዬሁ፤ ዲኡክዕኔ አልቢሱ አጉዕመኖሃ ሀሰን ዋደኖ ዘቢገ ዘሀኖት። **9** ከን ኣዱንያ አሌን ጉዕማንን ዮ አመዕናኑት አመክዕኔ ኦሱት ህትኔ ኦሪሸተ ቶጋኢሃ አሁሰ ደጌን አመዕነቲን ጠረኝቱን አልቢሰ ግቤሰ። **10** ቀዋ ወክቲሃ ኦርሸተ ቶጌንታች ኤተሮን መሲህ አዲን ዘላለሚሃ ኬዕምኝቤቹ ገኤህዕኔ ጉዕመ ኣሰቶ መገኑ ገዉንኩሰ ዊማኑተ አእኖህዕኔ፤ ድክሰኖህዕኔ፤ ጠረኝሰኖህዕኔ፤ ኡርሰኖህዕኔ። (aiōnios g166) **11** ዘላለሚሃ ኢለ ዋልቀት አሲሃ እኩን! ኣሚዕን። (aiōn g165) **12** አመዕነሞ አመኤቤቱ ይ ሰውያም ሰላሴ አዲን ከ ሶህኑተ ገበንቸን ከተቦንክዕኔ፤ ከተቦንክዕኔንኩ ሸዞህዕኔተለክ ኩን ሀንቅ መገን ኣሰቱተ አሁሰ መሰከሮህዕኔተ ይደት፤ ህካን እኮቤቸሃ ከን መገን ኣሰቶን ጠረኝቱን ኡሪዬ። **13** ክዕኔገን መጠረንቶ ባብሎን ከተንቸን ሄኣ መገን አመዕናኖ ዱእ ምኒቹት ወገሬት ሆንጠህህህዕኔት፤ ቤቱእ ማርቆሲሁ «ወገሬት ዮንተንዶ?» የኖህዕኔት። **14** አመዕናኖ ኢተ ሱንቃቀንሺን መት-መቱክዕኔ ዝያዕረሚ፤ መሲህረ እኬንተሀኑኡ ጉዕሚንከክዕኔ ወገሬቱ አሁን።

ለንክ ጴጥሮስ

1 መስህ ኢስ ካዲንቸለክ እሳቤቹ እኩም ሰሞን ጴጥሮሴች መገኘላክ ጠምሳንቸሃኔ መስህ ኢስን ደገመኖ ፈይመ መሳን ነኩ ደእኖም እመሳንት ም ከበጀም እመሳንት ደእኖንተሀኑኡት፤ **2** መገኘላክ ቀርቼኔ ኢስ ደገን እስቱትለክ መገሬቱሁ በተኡንክሳ። **3** ኬሳምኒንለክ ጠምማን ገሌኔ እሱ ደንጎንበቤቸሃ እስ መገኑ እህስ ዋልቃንተስ ሄኢሃለክ ጠመ ሄኢን ሄሳኖተ ሀሰሰኖርቹ ጉዕመንክ እሳቦን። **4** ኬሳምኒንከሰለክ ጎደበ ላኖማን ከበጀም ዋጉ ዮሰለክ አበ ሎረ እኮ ተብሴ ላገተ ደእኖም፤ እስ አዲን አዕኑ ከን አዲንያ አሌን ዮ ሂላ ሄሳላቻች ፋሽአቴን መገን እህ ሃል ቤቀማንተ እኬነንተ። **5** ከን መሳን ከኒች ዋርን ዮ ጠዉ በርገሞህሳፊት ጠረኝዬ፡- እመሳንት አሌን ጠምመተ፡ ጠምመ አሌን ኤንኬሳ። **6** ኤንኬሳን አሌን ገዉ አገሰሩ፡ ገዉ አገሰር አሌን አታዕሉ፡ አታዕሉ አሌን ጠመ ሃሊን ሄኡ። **7** ጠመ ሃሊን ሄኡ አሌን እመኡሶ አተቀንሽ አተቀመ፡ እመኡሶ አተቀንሽ አሌን አተተ በርግዬ፤ **8** ሁኩሩ በተኡ ሄኡህሳፊንሬ ቀርቼኔ መስህ ኢስ ደጎኖተ ደግለልቲንበረ አቶቱ ዮህኔበአረ እኬነንተበአገ አገርታህሳ። **9** እኮገሬሁ ሁኩሩ ዮሰበአረ ቄዕራኻን ዮርቹ ለአተ አታልባ ቆቀሃን፤ ዋኔስ ጨቢች ነጠ እሁስ ሀቦኡ። **10** ህካን እኮቤቸሃ እመኡሶ እሱ ገእመክሳፊለክ መጠረመክሳፊ አጥራመቲሃ በተሰኑ ሀሲንተረ እኬ፤ ካን አቴንተጎር ሆሮ ቆሶልቲንተበአ። **11** ከን ሃሊን ዘላለሚሃ ሄኡኖ ቀርቼሃኤለክ ጠምሳንቸሃኔ መስህ ኢስ ዋማንቴን ኣጌነንተገ ዊመ ዊሚን ኣሰመኖህሳ። (**aiōnios g166**) **12** ከ ጠዉ ደገንተጎረ፡ አፊንተ ሀንቂን ጠረኝቴን ሄኡንተ ጎሬ እስተ ክሳፊሃ ቃግሱ እኩራምበአ። **13** ዱካንገ ድጀመኖ ከን ጀሰሚንከኤ ፎሊን ዮም ጌሳን ክሳፊት ጉዕመ ወክት ቃግሱ ሀንቅ እጉጅ ለልዮኡ። **14** ቀርቼኔ መስህ ኢስ ለሊሾኤ ሃሊንን ዱካንገ ድጀመኖ ጀሰሚችኤ ደዕል ሬሆን አደ እሃም። **15** እን ቴሱ እጸማምቲሁ ሬሆን አደ እኮሚች ኤተሮን ከ ጠዉ ጉዕመ ወክትንከ ቃግሱ አታልቲንተገታ። **16** ቀርቼኔ መስህ ኢስ ዋልቀሰለክ ፈንቀል አሜትሰኔሃ ኩልኖክሳፊ ወክት ገዉኔ ኬሳምኖስ እሊንከኔ ለዕን መሰከርኖምረ ቤሉ መን ተንካን ያደመ ማቀተ አምኒበአ። **17** «እሲን ተሽ ዮኖኤ ኢታም ቤቱኤ ከኒት» ይታ ላገተ ከበጀም መገኒች አሜቶስ ወክት እና መገኒች ኬሳምኖስከ ሎርመተ ኣኤኤ። **18** እሲን ሜጡብ ጠሊላ ቆተ አሌን ሄሳኖም ወክት ህካን ሰሜች አሜቶ ላገተ ነኩ ገዉንኩኔ ሞጮጭኖም። **19** ኩን ጉዕመንኩ ነብሳንት ጠወኡኢሁ ሀንቅ እሁስ ተሬገጥሲስ ኩልታኔ፤ ህካን እኮቤቸሃ ቱንሰቸን ዮ ጠብረቲሃ አገሰርቲንተሀንገን ሱጽት ኣጎተ ኢላ ሶዝ ቡዕራትቹት ቀልቢንከክሳፊ ለልቶተ ኢላ ነብያክት ጠወኡ ላገተ ጥሽ አቴን አገሰርዬ። **20** ጉዕመርቹችን ሄጭቴን ሰወዩ ሀሰሰኖህሳፊሁ ጠሊላ መጻፋን ዮ ሀከ ራገሃ እዪሁ ገይሰ ሰወቲን ፈሰሮተ አታልባሃ እሁሲት። **21** ሁኩ ራጉሁ መን ሰወቲን ሆሮ አሜቶበአ፤ ጠዉ እኮጎሬ ራጉ መገን እያኒን አምንቶ መኑ መገኒች ቶግ ጠወኡእሃን።

2 ጠዉ እኮጎሬ ከኒች ብርተ ክዝብ ራጋትት ኡመት በላን ሄኡሀንገን ህትን ክሳፊ በላኒ ክዝብ አስተማረት ሄኡኤ፤ እሰን ቤሱ ኤበኖ ክዝብ ትምርት ሎድኡት ኣግሳኤ፤ እስ ቤሱ ኤበኖ ክዝብ ትምርት ማጥቶን አልባሳላኖ አታኤ፤ ዋኩስ ቀርቼንከ ለገእ ደዕለንሰኖ በኡ አሌስ ኡባኤ። **2** ከን ሃሊን ልግቡስ እስ ብልኝ ዋቃሃ አምንታኤ፤ እስ አቶ ሂላ ሆጎች ኬዕዮሀኒን ሀንቅ ዋቆሁ ቦረረመኖ። **3** ሁኩ ክዝብ አስተማረት ብራሃ በትበት ዪች ኬዕዮሀኒን ገዉስ ቅጥኦቶ ሄሱተ ጠወኡን ቦጋህሳፊ፤ አበ ዘማኒች ብርተ ጀመር ፍርዱ ቅጥደዮሰ፤ በኡ ሀንቂንከ አገረኖስ! **4** መላይክት ባሽን ጨብ አቶ ወክት መገኑ መረርሲጨጮኖንሰ ቱንሰቸን ጥዕላሽ በዊ ኣዜን ኡሱረንት ፍርድ በር ኢላ አገርቶተ ኣዛብ አደ ዋሽ ኡጄስ፤ (**Tartaroō g5020**) **5** ህትን ፈይመ ዱዱብሳጎች እኮ ኑሃ ዋሎ ለመላ መንገ ሜጡብ ጠምሻ መገኒሃ ሰገድቡ መኑ ሄኡ አዲንያ አሌን ቤስ ዋሃ ኤቦ ወክት ዋሳኔ ኣዲንያ አል አመቸጥ መረርሲጭኖበአ። **6** ህትን መገኒሃ ጠገንትበረ ጉዕመንከ ቀጠኤኖ ምሳልተ እኮተ ሰደምለክ ጎምር ከተመ ጠበሩ ኣካኢሃ ኢላ ቡስ በኣገ ፈረጀሰ፤ **7** ጠዉ እኮጎሬ ሴረ አገርትቡህኡ ቢልኝ ሆጎን ኣርጨቀመን ሄሳዮ ፈዮ ሎጠ ጠምሾሰ፤ **8** ሁኩ ፈዩ መንቹ በሊስ ሄሳዮ ወክት በሬን በሬን ለእንለክ ሞጮጪን ሄሳዮ ቢልኝ ሆጎንከስ ፈዩ ነብሰስ ጨነቀመኖ እቅ። **9** ቴሱ ኩን ጉዕመንኩ ህት እኮች ቀርቹ እሲሃ ጠገንተን ሄኡኤረ ፊተኖች ጠምሰኖስ ጨበኖንተ ህት አዕይ ቀጠኤኖገሬለክ ፍርድ በሬተ ህት አዕይ አገረኖስገ ደገኖ ዩሃን። **10** በትሻን ከ ሂላ ማል ሄሳላቸተ አምንታኤለክ መገን ሹምንቱ ሀንቃኦረ ፍርዱ አገረኖሰ፤ ሁኩ ክዝብ አስተማረት መላልታኤለክ ቦንታኦረ እኮቤቸሃ ሰሜ ሹምንቱ ዮሰረ ቦረሩ ዋጀታበኤ። **11** መላይክት እሳች ዋልቃመተለክ ጠረኝቱተ እኮጎሬሁ ቀርቹ ብሬን እስ አሌን ቦረሰረንሺን ዊንቶ ላጋን ክስ ሆንጠህሳሰበኤ። **12** እኮጎሬ ኩ ክዝብ አስተማረት አጥራመት ደግበርቹ ቦርሮታኤ፤ እስ ዋሻዳን ኣግሃለክ ሬቶተ ከለቀንቶ ሃሊን ሄኡ ቡዕሉ ዮሰበአ ግዝጋት፤ ሁኩ ግዙ በእኖሀንገን እሳሁ ጠብንከ በኣኤ። **13** ሾክመተ አቶቤቸሃ ዋገስ ደኣታኤ፤ እስ መንዲትቡ ቡሰኖ አርን ሰከሩሃለክ ጌሱ ዮበኢሃ ጨፈሩ፤ ህከን ጌሱ ዮበኢ ጨፈሮን ክሳፊን ሜጡብ ደግሲሃ ገሌኖ ወክት ጣንሰኖ ማል ሆጎንተስ ኮፍ ይታኤለክ መፈሲሳሊረ። **14** ጨብ አኢች እኩርትቡ ዝናን ዊንቶ አልተ ዮሰ፤ ጨብ አት ሆሮን ሰገብሰ መዕርታበኤ፤ እመሳንቶን ጠረኝት ኡርትበ መን ሉሲሳኤ፤ ዱንያተ በትበት ይታኤ፤ እሰን ቦረረንቶአረ። **15** እስ ሀንቅ ዋቃሃ እኩርት በኣኤ፤ ሂላ ሆጉተ ኣኢን ደገመኖ ዱንዮተ አተኖ ቢኦሬ ቤት በለዓሚ ዋቃሃ አምንት ሉሶኡ። **16** ጠዉ እኮጎሬ በለዓሚ ጨብሰተኔሃ ዋቀሰሞኡ፤ ጠወኡ አታልቶቡ ሀሩቹት መን አፎን ጠወኡ በርገጋሽገ ዮ ነብዬች ሆጉተ ኡርሶኡ። **17** ሁኩ መኑ ዉሁ ዮበኢ ቡቆገ ዮአረ፤ ህትን እንጉሉሎን ሀንበለንት መርጋ ታንጄገ ዮአረ፤ ጭልመ ቱንሰቹ አገረኖሰ። **18** ሉጨንሽ ኣዜን ሄኡ መን በሊች ፋሽአት አሜቶኢች ልግብ ዱንክትቡ መን ተስ እኮ ቦን ላገተ ጠወኡን ማል ሄሳላቻንለክ ዝነተ ኣኢን ጣንሰት ለንኪሃ ፈንቀሽት ጨብቤቹ አምንሰታሰ። **19** «እስ ገዉንኩስ ሰዋልድማን ፋልቲንተ» ይተን ተብሳ አታሰ፤ መኑ ቄለመኖረ ቄሎሀኒሃ

ሮስ እክ ጠገመኖቤቸሃ እስ ገዉንኩስ ጨብተ ሮስ። 20 ቀርቼኔለከ ጡምሳንቹኔ መሲህ ኢስ ደግ ከን ኣዱንያ አል ንጃሲች ፋሽአቶች ኤተሮን ፈንቀልት ህከን ንጃሲን አፈንት ቄለንታረ ዋዕኔች በትሽ ኤተር ሄኡስ ባሰ ሂለ አህኖ። 21 ፈየ ዎቃሃ ደጎኢች ኤተሮን ኣሰሞስ ጠለለ ትዛዚች ኤተሩ ፈንቀልታህኒች ፈየ ዎቃሃ ደጉዕና ፈቆ እቃን ቆሀኖስ እቅ። 22 «ወሰቹ ሆቅ አዕዮሲሃ እቶተ ሆቅትሰቤቹ ፈንቀለኖ» ህትን «ቦክት ኣዕልቶኢች ኤተሮን ፈንቀልት ጭቃን ብርቂቅታኦ» ይታ ምሳልት እስ አሌን ሀንቅ እኮኡ።

ጠዉ እኩጎሬ ቀርቼሃኔለከ ጡምሳንቹሃኔ መሲህ ኢስ ኣስቶንለከ እሱ ደገን ነጵዬ፤ እሲንከ ቲሁ ዘላለሚሃ ኬዕምኙ አሁን፤ ኣሚዕን! (aiōn g165)

3 ኢ ጀላ! ኩ ቴሱ ከተቦንክዕኔሁ ለንክተ ሶህኑ፤ ለመንከስ ሶህኑተ ከተቦንክዕኔሁ ከ ጡመ ሰውት ጡመገ ሰው ይቴነንተገ ጠረኝሶህዕኔታት። 2 ከኒች ብርተ ጠለላኑት ነብያከት ጠወኦ ላገትለከ ክዕኔ አሳበ መሳን ደእቴንተ ቀርቼኔለከ ጡምሳንቹኔ ትዛዝ ቃጎኖተ ሀሳም። 3 ጉዕሚችን ሄጭቴን ካን ሰውይዬ፤ ኤተር በሬን ቀለዳሩለከ ሂለ ሄዕላቸሰ አዎንታሩ አሜታኦ፤ 4 እሰን «ቀርቹ ኢስ አሜተኖ ዬኖ ተብሶሁ ኣሰሞአቅበአንዶ? ህከረ ሀከቤቹ ዮኡ? ዎዕኔ ዘማን አናከኔ ፈቶ ወክቲች ኬሽ ጉዕመንኩርቹ ክልቀቲች ብርንተ ሄዕዮጋት» ይታኦ። 5 ሁኩ መኑንኩ እበ ዘማኒች ብርተ ሰሞሁ መገን ላጋን ከለቀሙስ ኡለንት መክቶኢሁ ዊችለከ ዊን አሁስ ጦንበ እት ካዳኦ። 6 ህከ ወክት ኣዱንያ አሉ ዊን አጉዕመም በዕዮ። 7 እኩጎሬ ቴሱ ዮ ሰሞለከ ኡለት መገኒሃ ጠገንትቡ መኑ በኣ ፍርድ በር ኢላ ገራተ አገረንት አገዕርታኦ። 8 ኢ ጀላ! መገን ቤቸን መቱ በሩ ኩሜ ዘማንገ አሁስለከ ኩሜ ዘማኑ መቶ በሬገ አሁስ ከ መቱ ጠወ ሀቦኖቹ። 9 መት-መቶ መኒሃ አጉደናሰገ ቀርቹ ጠወዕዮ ተብሴ ላገተ ዊንሾተ ዱንከኖበኦ፤ ጠዉ እኩጎሬ መኑ ጉዕመንኩ ጨብ ቶበቶተለከ አዪሁ በኦተ ሀሰበቤቹሃ ክዕኔተኔሃ አታዕለኖ። 10 ጠዉ እኩጎሬ ቀርች በሩ ሞጋንችገ ድንገቱ አሜተኖ፤ ህከ በር ሰሞሁ ሎረ ላጋን ሀገኖ፤ ሰሜ ክልቀቱ ጉዕመንኩ ገራን ቡብ በአኖ፤ ኡለትለከ አሌሴ አኤመርቹ ጉዕመንኩ ቡብኖ። 11 ቴሱ ኩ ጉዕመርቹንኩ ከን ሃሊን በአኖሃ እኮች አዕኑ ጠለልማን መገኑ አጉዲን ሄኡ ሀሰስኔህዕኔበአንዶ? 12 ቴሱ መገን በሩ አሜቱሰ ሱንቴን አገርቴንተረለከ ደዕል አሜቶተ አቴንተረ እቅ፤ ህከ በር ሰሞሁ ገራን ቡብ በአኖ፤ ክልቀቱንኩ ገረ ፋራን ሺለኖ፤ 13 ጠዉ እኩጎሬ ነኡ እስ ኣሴ ተብሴ ሃሊን ፈይመ ሆጎተ ኡርታ ሃዕሮ ሰማለከ ሃዕሮ ኡለተ አገርኖም። 14 ህካን እኮቤቹሃ ኢ ጀላ! ኩ ጉዕመንኩ ጠዉ አሀኖ በር አገዕር አሌን ዮንተረ እኬንተቤቹሃ ቀርቹ ቀንጤኖርቹ ህከረንገ ኩሌኖርቹ ዮበኢሃ እኬን ወገሬቲን ደጎህዕኔተ ጠረኝቴን ሄዕዬ። 15 ቀርቹኔ አታዕሉ አዕኑ ጡምቶኖተ አሁስ ደጌ፤ ኢተሞ አመኔቤቱ ጳዉሎስ ኣሰሞስ ሀይማን ከተቦህዕኔሁ ከኒት። 16 እሰ ከን ጠውተኔሃ ከተበንቶ ሶህኖንከስ ጉዕማንን ከን ሃሊን ከተቦኡ፤ ከተበንቶ ሶህኖ ኣዜን መት-መቱ አጥራመቲሃ ኦርሰኖ ጠዉ ዮኡ፤ ኤንኬዕኑ ሆፈዕዮሰሩለከ ወለ እኮአሩ ዎልተ ጠለለ መጻፈተ ሾክሳህንገን ህከ ጠወሃ ሾክሳኢት፤ ህካን አታኢሁ በኢሃት። 17 ቴሱ አዕኑ ኢ ጀላ! ከ ጠወ ዎዕናንከ ደጌንተቤቹሃ ሾከ መን ሉጨንሺን አገንቴን ጠረኝቴን ኡርቴንተቤቹች ኡቤነንተበአገ አገዕሪዬ። 18

ዎኔ ሶህኑተ

1 ክልቀቲች ብርተ ዮ ሄኦ ላገተኔ ሞጮጭኖሚሃ፡ እሌንተኔ ለዕኖሚሃ፡ አጥራመገኑ ለዕኖሚሃለክ ኦነጋንከኔ አነፎሚሃ ኩልናንክዕኔ፡፡ **2** ኩ ሄኡ ለልዮኡ፤ ነኡን ለዕኖሞ፤ መስከርናሞ፤ ከኒች ብርተ አናከኔ መገን ቤቸን ዮኢሃለክ ኔሳሃ ለሌኢሃ ዘላለሚሃ ሄኦኖ ሄኦኦኔሃ ኩልናንክዕኔ፡፡ (aiōnios g166) **3** ኒን ሜጡብ ሜጦመት ሄኦህዕኔተ ለዕኖሚሃለክ ሞጮጭኖሚሃ ክዕኔንክ ኩልናንክዕኔ፤ ኒ ሜጦመት እነ መገንጉትለክ ቤትንክሰ መሲህ ኢሰን ሜጡባት፡፡ **4** ሙገዲኤኔ ዊመ እኮተ ካን ከተንባንክዕኔ፡፡ **5** ኢሲች ሞጮጭኖሚሁለክ ክዕኔሃ ኩልናሞ ሶህኑት ተኒት «መገኑ ኑር እኮቤቺሃ እስቤቸን ቱንሰቹ ሆሮን ዮብኦ» ይታእተ፡፡ **6** ህካን እኮቤቺሃ «መገኒን ሜጦመት ዮኔ» ይን ቱንሰቹ ኣዜን ሄዕኖሞ ጎሬ ክዘሞባሚት ቤሉ ሀንቅን ሄዕኖሞብኦ ዩሃን፡፡ **7** ጠው እኮጎሬ አሰ ኑሬን ሄዕኖን ነኡ ኑሬን ሄዕኖሞ ጎሬ ገገውንኩኔ ሜጦመት ሄኦኔ፤ ህትን ቤትሰ ኢሰ ቄጉ ጨብቸ ጉዕሚቸን ነጠ አኦኖ፡፡ **8** ህካን እኮቤቺሃ ነኡ «ጨቡ ዮኔበኦ» ይኖሞጎሬ ገገው ሉሰንሳሚት ቤሉ ሀንቅ ኒ ኣዜን ዮብኦ፡፡ **9** ህትን ጨብኔ መገኒሃ ኩልናሚቸ መገኑ አመዕነሞሃለክ ፈየ እኮቤቺሃ ጨብኔ ጉዕመንክ «ፈቁን» ዮኖ፤ ህትን ጨብቸኔ ጉዕሚቸን ነጠ አኦኖ፡፡ **10** ነኡን «ጨብ ለዕኖሞብኦ» ይኖሚሃ ኦነኮሞጎሬ መገኑ ክዘበገ ለዕኖሞት፤ ህትን መገን ላገት ኒ ኣዜን ዮብኦ፡፡

2 ኢ ኦሶ! ካን ከተባንክዕኔሁ ጨብ አቲኒንተበኦገደህት፤ ጠው እኮጎሬ ሀኩ መንቹሁ ጨብ ለዕዮ ጎሬ አናኔ መገን ቤቸን ጠበቁ ዮኔ፤ እሰን ፈዩ መሲህ ኢሳት፡፡ **2** ኒ ጨብተኔሃ ኦርሸተ ቶሳህ እሶት፤ ህትን ኒ ጨብ ጠለዕለ አሁዕነ ኣዲንያ አሌን ሄኦኖ መኒሃ ጉዕሚንካንት፡፡ **3** ኣዘዮኔሃ ኦገርኖሞጎሬ መገኑ ደንጋሞገ እሰን አጥራመንታሞ፡፡ **4** «እን መገኑ ደጋሞ» ዮን እሰ ኣዘዮሃ ኦገርቡ መንቹ ክዘበኛ ቤሉ ሀንቅ እሰ ኣዜን ዮብኦ፡፡ **5** ጠው እኮጎሬ መገን ላጋተ ኣዘዘመሆሁ ጉዕመንኩ መገኒሃ ዮሰ ኢተት ዊሚሃን፤ ሀንቅንክ እሰን ሄኦኔ ደገመሆሁ ከኒንት፡፡ **6** እዩሁ «መገኒን ሜጡብ ሄኦሞ» ዮሆሁ መሲህ ሄዕኖን እክ ሄኡ ሀሰሰኖሰ፡፡ **7** ኢ ጃለ! ኩ ከተባንክዕኔ ትዛዙ ዎዕኔቸን ኬሽ ዮኦሃ ትዛዛ ቤሉ ሃዕሮሃ ትዛዘበኦ፤ ኩን ዎዕኔቸን ጀመር ዮ ትዛዛ ሄጭቲን ሞጮጭቲንታአተ ላገ፡፡ **8** አሁን ቤሉ መሲሂንኦክ ክዕኔ ሩሂን ሀንቅ እኮሃ ሃዕር ትዛዛ ከተባንክዕኔ፤ መሰንትሰ ቱንሰቹ ሀገኖት ቲሁ ሀንቅ ኑር ለለሰኖት፡፡ **9** እዩሁ «ኑሬን ሄኦሞት» ዮን አመሰቤቱ ግበሮሁ ቲሱ ኢለ ቱንሰቸን ሄኦኖት፡፡ **10** አመሰቤቱ ኢተናሁ ኑር ኣዜን ሄኦኖ፤ ህካን እኮቤቺሃ እሰን መነ ቆል ሉሰሰኖሮቹ ዮብኦ፡፡ **11** ጠው እኮጎሬ አመሰቤቱ ግበሮሁ ቱንሰቹ ኣዜን ሄኦኖ፤ ቱንሰቹ ኣዜንን ፈንቀለመኖ፤ ቱንሰቹንኩ አልሰ ቆቅሾቤቺሃ ኦርኦኖቤቺሃ ደገኖብኦ፡፡ **12** ኢ ኦሶ! ጨቡክዕኔ ኢሰ ሱዕሚን ኦገራሞህዕኔቤቺሃ ከተባንክዕኔ፡፡ **13** አናከ! ዎዕኔቹ ሄዕኖሃ ላገሰ ደገንተቤቺሃ ከተባንክዕኔ፤ ወደላ! ሼይጣነ ቁልቲንተቤቺሃ ከተባንክዕኔት፤ **14** ኦሶ! መገኑ ደገንተቤቺሃ ከተባንክዕኔ፤ አናከ! ወዕናንክ ሄጭ ዮኢሃ ላገሰ ደገንተቤቺሃ ከተባንክዕኔ፤ ወደላ! ጠረኝ እኩንተቤቺሃለክ መገን ላገት ቀልበክክዕኔ ሄኦቤቺሃለክ ሼይጣነ

ቁልቲንተቤቺሃ ከተባንክዕኔ፡፡ **15** ኣዲንያ አል ሀከረንገ ኣዲንያ አሌን ዮ ሂለ ጠው ኢትቶኖቹ፤ ኣዲንያ አል ኢተኖሁ አና መገኑ ኢተኖብኦ፡፡ **16** ኣዲንያ አሌን ዮኢሁ ጉዕመንኩ ማል ሄዕላቸት፤ እሌ ተሸት፤ ቀባጦን ድክኡ ኣዲንያ አልቸቤሉ አና መገን ኣዲቸብኦ፡፡ **17** ዱንያ አሉለክ ሄዕላቸት ህጋኦ፤ ጠው እኮጎሬ መገኑ ዮኖሃ ኣኦኖሁ ጉዕመ ዘላለሚሃ ሄኦኖ፡፡ (aiōn g165) **18** ኢ ኦሶ! ኩን መጨረሻሃ ወክት፤ መጨረሻ ወክቲ «መሲህ ግበሮሁ አሜተኖ» ዬኖሃ ሞጮጭቲንተንታህ ቲሁ ልግቡ መሲህ ግባሩ አሜቶኦ፤ ሁኩንን መጨረሻ ወክት አሁሰ ደንጋሞ፡፡ **19** እሰን ፋልቶኢሁ ኒ በልቺት፤ ጠው እኮጎሬ እሰን ኒረበኦ፤ እሰን ኒረ እኮ ኦቃኔተ ኒን ሜጡብ ጠረኝት ሄኦ እቅ፤ ጠው እኮጎሬ እሰ ጉዕመንኩሰ ኒረ አሁ ሆጉሰ ደገሞተ ኒ በልቺ አደ እክ ፋልቶኦ፡፡ **20** መገን ጠሊለ እኮ መሲሁ ክዕኔተ ጠሊለ አያኒን ቡርህዕኔ፤ ህካን እኮቤቺሃ ጉዕመንኩክዕኔ ሀንቅ ደገንተ፡፡ **21** ኦን ከተባንክዕኔሁ ሀንቅ ደገንተበኦሬ እኩንተቤቺሃ አሁዕናን ሀንቅ ደገንተረላክ ሀንቅ ኣዜቹ ክዘቡ ፋላኖበኦገ ደገንተቤቺሃት፡፡ **22** ኢሰ «መሲሂበኦ» ይ ለገኦኖህን ቤሉ ክዘበኛ አይ ዮኡ? ህትን እነ መገኑለክ ቤቱ ለገኦኖህ እሰ መሲህ ግበሮሃን፡፡ **23** ቤቱ ለገኦኖህኒሃ ጉዕሚንክ ኦኑ መገኑ ዮሰበኦ፤ ህትን ኦን ቤቲንክሰ አመዕናሞ ይ መሰከርሮህኒሃ ኦኑ መገኑ ዮሰ፡፡ **24** ህካን እኮቤቺሃ አዕት ዎዕኔቸን ሞጮጭቲንታሁ ክዕኔ ኣዜን ጠረኝ ሄኦኖ፤ ዎዕነ ሞጮጭቲንታሁ ክዕኔ ኣዜን ጠረኝ ሄዕኖ ጎሬ አዕት እነ መገኒንለክ ቤቲን ሜጡብ እኩን ሄኦኒንት፡፡ **25** ኩን እሰ እሰኔ ተብሳሃን፤ ሁኩንን ዘላለሞዮ ሄኦ፡፡ (aiōnios g166) **26** ካን ኦን ክዕኔተ ሉሰሳህዕኔ መንተኔሃ ከተባሚት፡፡ **27** ጠው እኮጎሬ እሰቹ ኣኦቲንተ ጠሊሉ አያኑ ኣዜንከክዕኔ ዮቤቺሃ ዎሉ አሰተማርቺ ሀሰሰኖህዕኔበኦ፤ እሰ ጉዕመርቹንክ ተማርሰኖህዕኔ፤ እሰ ተማርሰኖህዕኔሁ ሀንቅዮ ቤሉ ክዘብሃበኦ፤ ህካን እኮቤቺሃ እሰ ተማርሰኖህዕኔ ሃሌን መሲህን ጠረኝቲን ሄዕኖ፡፡ **28** ቲሁ ኢ ኦሶ! ኢሰ አሜተኖ በር ዋጅኖሞበኦገለክ ሙልናበኦገ እሰን ሄዕኖ፡፡ **29** መሲህ ፈየ አሁሰ ደገንታቹ ፈይመተ ኣኦኖሁ ጉዕመንኩ መገኒቹ አለሞሃ አሁሰ ደገንተ፡፡

3 «መገን ኦሱተ» ዩመሞ ገኦሞተ ኦኑ መገኑኔ ኣሰኔ ኢተት ሄንክ ጎሬ ለዕዩ፤ ህትን ሀንቅንክ ነኡ መገንተ አለ፤ ህካን እኮቤቺሃ ኣዲንያ አል መኑ መገኑ ደጉ ሆጎቤቺሃ ኔሳሃ ደጋኔበኦ፡፡ **2** ኢ ኢተት! ቲሱ ነኡ መገንተ ኦሱ፤ ኤተርንከሰ መ ኦነካሞ ጎሬ ደንጎሞበኦ፤ ጠው እኮጎሬ እሰ አሜቸ ወክት ኦሱ ገገውንከሰ ለዕኖሞቤቺሃ እሱ ኣጉንዳሞገ ደንጋሞ፡፡ **3** ኩን አሁሰ መሲህ ተብሳሃ ኣኦኖሁ ጉዕመንኩ መሲህ ነጠ እኮገን እሰ ገውሰ ነጠ ኣኦኖ፡፡ **4** ጨብ ኣኦኖሁ ጉዕመንኩ መገን ሕገ ድጅኖ፤ መሰንትሰ ጨቡ ገውንኩሰ መገን ሕገ ድጂሃን፡፡ **5** መሲህ መን ጨብ ቤሶተ ኣሜቸን ደገንተ፤ ህትን እሰን ጨቡ ዮብኦ፡፡ **6** እሰን ጠረኝ ሄኦኖሁ ጉዕመንኩ ጨብ ኣኦን ሄኦኖበኦ፤ ጨብ ኣኦኖሁ ጉዕመንኩ መሲህ ለዕዮብኦ ሀከረንገ ደገበኦ፡፡ **7** ኢ ኦሶ! እዩሁ ጣገሰንከህዕኔ፤ መሲህ ፈየ እኮገን ፈይመ ሆጉተ ኣኦኖሁ ጉዕመንኩ ፈየሃን፡፡ **8** አብልሱ ዎዕኔቸን ኬሽ ጨብ ኣኦኖቤቺሃ ጨብ ኣኦኖሁ ጉዕመንኩ አብልሰ ኣዲቺት፤ ህካን

እኮቤቸሃ አብልሰ ሆጉተ ቤሶተ መገን ቤቱ አሜቹኡ። 9 መገን ኦሱተ እኩሩ ጉዕሙንኩ ጨብ አቶተ አታልታበኢ፤ መሰንትሰ መገን ሃለቱ አሰ ኣዜን ሄለናቤቸሃትለክ መገን፤ ከለቀንቶቤቸሃት። 10 መገን ኦሱተለክ አብልሰ ኦሱት ከኒን አደ እክ ለልታኡ፤ ፈይመ ሆጉተ አእባህለክ አመሰቤቱ ኢትባህ መገንያ ቤቱበኡ። 11 ዎዕኔችን ጀመርቲን ሞጮጭቴንተ ሶህት «ገጣጤ አተቀሞ» ይታኦታን። 12 ሽይባን አድረ እንክ አመሰቤቱ ሼ ቃኤሌ እንኩንኩ፤ እሰ አመሰቤቱ ሼኢሁ ሚሃት? ሆጉሰ ሂለ እኮቤቸሃ አመሰ ቤት ሆጉት ጡመ እኮቤቸሃበእንደ? 13 ህካን እኮቤቸሃ አመኤ ኦሶ! ኣዱንያ አሉ ግባህኔጎሬ አጀብሰጭቶኖቹ። 14 ነኡ አመኔኦሱተ ኢትናምቤቸሃ ሬሆች ሄኡን ሀጉኔ ደንጋም፤ ጠው እኮጎሬ አመሰቤቱ ኢትባህ ሬሆ ኣዜን ሄለኖ። 15 ህትን አመሰቤቱ ግባኖህ ጉዕሙንኩ ነብሳሃ ሽዮአሃን፤ ነብሳሃ ሸኖህኒሃ ጉዕሚንክ ዘላለሚሃ ሄለኖ ሄኡ ዮሰበእገ ደንኒንተ። (aiōnios g166) 16 ኢተት መሃጎር ደንጋሚህ መሲህ ኢሰ ኔሳሃ ነብሳሰ ህግሸ ኣሴቤቸሃት፤ ህካን እኮቤቸሃ ነኡን አመኔ ኦሶተ ነብሳኔ ህግንሰ ኣሱ ሀሰሰኖ። 17 ጠዉ እኮጎሬ ከን ኣዱንያ አል ቀባጡት ዮሰ መንቹ ኦርሻሙ አመሰቤቱ ለዕይ አሙዝበሰ ጎሬ መገን ኢተት ዮኡ ዮተ ሀት እክ አታለኖ። 18 ኢ ኦሶ! ሆንጎለክ ሀንቁን ኢተቀሙን ቤሉ ጠለዕል አፎንጎለክ ላጋን ኢተቀሙንከ። 19 ህካን እኮቤቸሃ ሀንቅ መን እሁኔ መገን ብሬን ዎጁ ዮበኢሃ መለልን ሆንጠንኩተ አታልናምገ ደንጋም። 20 ቀልቡኔ ሂለ ሆንተኔ ዎቀሰኖሃ እኩች መገን ቀልቤችኔ ሎረ እኮቤቸሃ ጉዕሙንክ ጠው ደገኖገ ደንጋም። 21 ኢ ጃለ! ቀልቡኔ ዎቀሰበኔሃ እኩች መገን ብሬን ሙልናምበኡ። 22 ህትን ነኡ መገን ትዛዝ አገርናምቤቸሃለክ እሱ ሙንዲሲሰኖርቹ አዕናምቤቸሃ ኡጭናምርቹ ጉዕሙንክ እሲች ደእናም። 23 መገን ትዛዙ ቤትንከሰ መሲህ ኢሰ ሱዕሚን አመሰናምገለክ መገን አዘኮፎንገን ገጣጤ ኢተቀማምጋት። 24 ትዛዝሰ አገርኖህ ጉዕሙንኩ መገን፤ ሄለኖ፤ ህትን መገንኩ ላሰ ኣዜን ሄለኖ፤ ህካን እኮቤቸሃ መገን ኒ ኣዜን ሄኡሰ ደንጋሚህ እሰ ኣሴኔ እያንጎት።

4 ኢ ጃለ! ኣዱን ጉዕሙንኩ መገንሂ እሁሰለክ መገንሂ እሁ ሆጉሲ አጥረመቼ ቤሉ ኣደን ጉዕሙንክ አመሰንቶኖቹ፤ መሰንትሰ ኣዱንያ አሌን ልግቡ ክዝብ ነብያት ኬኦኡ። 2 መገን ኣደን እሁሰ አደ ኣቴን ደንጎንታህ ከኒንት፤ «መሲህ ኢሰ መንቹ እክ አሜቹኡ» ይ አመሰን ኩለኖህ ጉዕሙንኩ መገንያ ኣደን። 3 ጠው እኮጎሬ መሲህ ኢሰ ኒገን መንቹ እክ አሜቹበኡ ዮኖ ኣደን ጉዕሙንኩ መገንያ ኣደንበኢ፤ «ህትናሙ ኣደን አሜተኖ» ይንን ሞጮጭቴንታህ መሲህን ኢተቀምባሃ ኣደን፤ እሰ ቴህ ኣዱንያ አሌን ዮኡ። 4 ኢ ኦሶ! ኣዕት መገንረ፤ ክዕኔን ዮ መገን ከን ኣዱንያ አሌን ዮሀኒች በተአኖቤቸሃ ክዝብ ነብያከተ ቁልቲንታኡ። 5 እሰ ከን ኣዱንያ አል መን እኮቤቸሃ ከን ኣዱንያ አል ጠው ጠለዕል ጠውኣኢ፤ ህካን እኮቤቸሃ ከን ኣዱንያ አሌን ሄለኖ መት ሞጮጭኖ። 6 ነኡ መገንረ እንኩምቤቸሃ መገን ደገኖህ ጉዕሙንኩ ሞጮጭኖ፤ እኮጎሬ መገን፤ እሁባህ ሞጮጭኖ፤ ህካን እኮቤቸሃ ሀንቅ ኣደንጎለክ ክዝብ ኣደን ከኒን ደንጋም። 7 ኢ ጃለ! ኢተት መገን፤ እኮቤቸሃ ገጣጤ ኢተቀሞ፤ ኢተቀመኖህ ጉዕሙንኩ መገን፤ እለሞኣሃን፤ ህትን መገንሃ ደገኖ። 8

መገን ኢተት እኮቤቸሃ መን ኢትባህ ጉዕሙንኩ መገን ደገኖበኡ። 9 ቤቲሰ ኣዲን ሄኡ ደእኖተ መገን ሜጡ ቤቲሰ ኣዱንያ አል ሶኩኢ፤ ህካን እኮቤቸሃ መገን ኢተት ሄንካጎሬ ለልዮኔ። 10 ኢተት ዩ ህትጎታን፤ ነኡ መገን ኢትናምቤቸሃ እሁዕናን መገን ኢቴኔቤቸሃትለክ ቅጣትኔ ኣኣተ ቤቲሰ ሶኩኔቤቸሃት። 11 ኢ ጃለ! መገን ህት ኢቴኔሃ እኩች ገጣጤንኩ ኢተቀሙ ሀሰሰኖ። 12 መገን ለእዮ መንቹ አደሁ ዮበኢ፤ ገጣጤንኩ ኢተቀምሞ ጎሬ መገን ኒ ኣዜን ሄለኖ፤ ህትን ኢሰ ኢተት ኒ ኣዜን ዊመ እክ ሄኣኡ። 13 መገን ኣደንሰ ኔሳሃ ኣሴኔቤቸሃ እሰን ሄዕናምገ እሰን ኒን ሄለኖገ ህከኒን ደንጋም። 14 እኩ መገን ቤቲሰ ኣዱንያ አልሃ መን ጡምሶተ ሶህሰ ለዕናሚሃ መሰከርናም። 15 ኢሰ መገንያ ቤቱ ይ መሰከረኖ መንቹን ጉዕማንን መገን ሄለኖ፤ ህትን እሰን መገን፤ ሄለኖ። 16 ህከን እኮቤቸሃ መገን ኔሳሃ ኢቲሰ ደንጋም፤ አመሰንናም። መገንኩን ኢተታን፤ ኢታን ሄለኖህ መገንያ ሄለኖ፤ ህትን መገንኩን እሰን ሄለኖ። 17 ከን ኣዱንያ አሌን መሲህ ሄዕኖገ ሄዕኖም ጎሬ ኢተት ኒን ዊመ እካኢ፤ ህካን እኮቤቸሃ ፍርድ በር ብርሰ ዎጅትዕን ሆንጠንኩተ አታልናም። 18 ሀንቅ ኢተት ዎጁ ፋሽት ኡጅታ ቤሉ ኢታን ዎጁ ዮበኢ፤ ዎጁ ቅጣቲን ሜጡበ እክ ዮቤቸሃ ዎጅኖ መንቹ ኢተት ዊመተበኡ። 19 መገን ኔሳሃ ሄጭ ኢቴኔቤቸሃ ነኡን ኢትናም። 20 አደሁ «መገን ኢታም» ዮን አመሰቤቱ ግባኖህ ክዝበኖን፤ ለዕዮ አመሰቤቱ ኢትባህ ለእበ መገን ኢቶተ አታለኖበኡ። 21 ህካን እኮቤቸሃ መሲህ ኣሴኔ ትዛዙ መገን ኢተኖህ አመሰቤቱሃ ኢቱን ዮኖሃን።

5 ኢሰ መሲህ እሁሰ አመሰንኖህ ጉዕሙንኩ መገን፤ እለሞኣሃን፤ አደሁ እን መገን ኢተኖህ ጉዕሙንኩ ቤቲሰ ኢተኖ። 2 መገን ኦሱተ ኢቴኔ ደንጋሚህ መገን ኢትናምጎሬትለክ ትዛዝሰ አገርናምጎሬት። 3 መገን ኢትናም ዩ ትዛዝሰ አገርሃን፤ ህትን ትዛዝኩስ ኬዕምበሃን። 4 መሰንትሰ መገን፤ እኩህ ጉዕሙንኩ ኣዱንያ አል ቁለኖ፤ ኣዱንያ አል ቁልናሚንኩ አመሰንቲንት። 5 ኢሰ መገን ቤቱ እሁሰ አመሰንኖህን ቤሉ ኣዱንያ አል ቁለኖህ አደት? 6 መሲህ ኢሰ አሜቹህ ዊ [ጥምቀቲንትለክ መሰቀል ሬሆ ቄጊት]፤ እሰ አሜቹህ ጠለዕል ዊን እሁዕን ዊንጎለክ ቄጊት፤ ካን መሰከረኖህ መገንያ ኣደን፤ መገን ኣደን ሀንቅያን። 7 ሰሱ ሞስክሩ ዮኡ፤ 8 እሰን ጠለላ ኣደን፤ ዋሃለክ ቄጎሃን፤ ሰሱንኩ ሞስክሩ ኢተቀንታኡ። 9 ነኡ መን ሞስክር ኣእኖም ጎሬ መገን ሞስክሩ ጉዕሚችን በተኣኖሃን፤ ሞስክሩንኩስ መገን ቤትሰተኔሃ መሰከርሃ ጠው። 10 መገን ቤቶን አመሰንኖህን ቀልብሰ ኣዜን ሞስክሩ ዮሰ፤ መገን አመሰንበ መንቹ መገን ቤትሰተኔ መሰከር ጠዋን አመሰንኖበኡቤቸሃ ሁኩ መንቹ መገን ክዝበኸን አዕዮኡ። 11 ሞስክርነቲንኩስ መገን ዘላለም ሄኡ ኣሴጎለክ ሁኩ ሄኡንኩ ቤትንከሰ ሄኡሰ መሰከረኖ። (aiōnios g166) 12 መገን ቤቱ ዮሰ መንቹሃ ሄኡ ዮሰ፤ ጠው እኮጎሬ መገን ቤቱ ዮሰበኡ መንቹሃ ሄኡ ዮሰበኡ። 13 እዕት መገን ቤት ሱዕሚን አመሰንቲንተሩ ጉዕሙንኩ ዘላለም ሄለኖ ሄኡ ዮህኔሃ እሁሰ ደገኖተ ከተቦንክዕኔ። (aiōnios g166) 14 መገን ብሬን ሆንጠንኩተ ዮኡ መለልመት ከኒት፤ መቲርቹሃ እሰ ሃሽኣቶሰክ ኡጭናም ጎሬ ሞጮጭኖ። 15 ነኡ ኡጭናምርቹ ጉዕሙንክ መገን ሞጮጭኖ፤

ደንጎሚች አሲቶ ኡጭናምርቹ ጉዕመንከ ኣእናምገ ደንጋም። 16 ሀኩ መንቹሁ ኣመሰቤቱ ሬሆተ ኢልሰበ ጨብ ኣኣን ለዕዮሰጎሬ ዱኣ ኣኡን፤ ጨቡስ ሬሆተ ኣልሰባሃ ኣኩጎሬ መገኑ ፌሰናሰ፤ ጠዉ ኣኩጎሬ ሬሆተ ኢልሰኖ ጨቡ ዮኡ፤ ህትናም ጨቢሃ «ዱኣ ኣኡን» ያንሰበኣ። 17 ሂለ ሆጉት ጉዕመንኩ ጨብሃን፤ ጠዉ ኣኩጎሬ ሬሆተ ኣልሰቡ ጨቡ ዮኡ። 18 መገን ቤቱ መሲህ ኢሰ ኣገረኖቤቹሃ መገን ኣለተ ኣኮሩ ጉዕመንኩ ጨብ ኣታበኣገ ደንጋም፤ ሹይጣኑሁ ኡለኖሰበኣገ ደንጋም፤ 19 ነኡ መገንረ ኣሁኔ ደንጋም፤ ጠዉ ኣኩጎሬ ከን ኣዱንያ ኣል ጉዕመንከ ሽይጣኑ ጠቅዮሰ። 20 መገን ቤቱ ኣሜቾገለከ ነኡ ሀንቅ ኣኩ መገን ደንጎተ ሰውዩኖ ቀልብ ኣሴኔገ ደንጋም፤ ነኡ ሀንቅ ኣኩ መገን ኣዜንለከ ቤቲንከሰን መሲህ ኢሰ ኣዱን ኣሲን ሀንቅ መገንን ሜጦመት ዮኡ፤ ኣሰ ሀንቅያ መገኑለከ ዘላለሚሃ ሄኣኖሃ ሄኡ። (aiōnios g166) 21 ቴሱ ኦሶ! ሸርኬን ሰገዲች ገዉክዕኔ ኣገዕርዩ።

ለንክ ሶህኑተ

1 መጠረንቶ መንቐተለክ ኦሶተሴ፤ ኢች ባልቂቺች መጠረንቶ አማተለክ ኦሶተሴ ሶኮምተ ሶህኑ፤ ኣን ሀንቅ ኢታንክዕነገን ሀንቅ ደገኖ መኑ ጉዕመንኩ ኢተኖህዕኔ። **2** መሰንትሰ ኩ በላንከኔ ዮ ሀንቅ ዘላለሚሃ ኒን ሜጡብ ሄእኖሃን። (aiōn g165) **3** ኣነ መገንለክ ኣነ መገን ቤቲ መሲህ ኢሰ ኣሰቱትለክ ማርቲት ወገሬቱሁ ሀንቁንለክ ኢታን ኒን ሜጡብ እሁን። **4** ኣን ኣላችክ መት-መቱ ኣኑ መገኑ ኣዘኸኖን ሀንቅን ሄኣኣረ ደጎምቤቺሃ ኣበ መንደዕዮም። **5** ኢተንቶንቲት! ኩን ከተባሚሁ ሃዕሮሃ ትዛዝበኣ፤ እኮጎሬ ቲሱ ከተባንኬሁ «ገገዉኔ ኢተቀሙን» ይ ኡጫንኬ ምኔችን ኬሽ ዮእሃ ትዛዝ። **6** ሀንቅ ኢተተ ዩ መገን ትዛዝ ኣገሩሃን፤ ኩ ትዛዙ ዋዕነ ሞጮጮቴንተገን «ኢተቀንቲን ሄዕዬ» ዮኖሃን። **7** መሲህ ኢሰ «ማለ ኦደዕይ ኣሜቐበኣ» ይታ ልግቡ ሉሰሳ መኑ ባዶን ጉዕማንን ኬኣኡ፤ ህትኔ መኑ ሉሰሳኣረለክ መሲህ ግባኣረ። **8** ኣዕኑ ኣቲንተ ዊመ ሆጉክዕኔ ቶጊሃ ጠረኝዬ፤ ኣዕኖሚሃ ቤሌንተበኣን ኣገዕርዬ። **9** መሲህ ተማርሴህኒች ቄዕረኖሁለክ መሲህ ተማርሴህኒን ጠረኝበ መንቐን መገኑ ኣሲን ሜጡብ ዮበኣ። ጠዉ እኮጎሬ መሲህ ተማርሴህኒን ጠረኝኖ መንቐሃ ኣኑ መገኑለክ ቤቱ ኣሲን ሜጡብ ዮኡ። **10** ኣዬሁ መሲህ ኢሰ ተማርሰባሃ ኣፍ ክዕኔቤቹ ኣሜቐ ጎሬ ምኔንከክዕኔ ቶጎኖቼ፤ ወገሬትሶኖቼ። **11** እሱ «ወገሬቲ» ዮኖ መንቐ እሰ ሂለ ሆጎ ቤቀማንቹ እህኖ። **12** ከተቦህዕኔተ ሀሳም ልግቡ ጠዉ ሄዕዮኡጎሬ ወረቀቲንለክ ቀለማን ከተቦህዕኔተ ሀሳምበኣ፤ ህከን ወጢ ገዉንኩኣ ክዕኔቤቹ ኣሜቐ ሀሳምተለክ ሜጡብ መንደዕኖተ ተቢሳ ኣኣም።

13 መጠረንቶ እመክ ቤቶ ኦሱት «ወገሬቲ» ይታሄት።

ስቅ ሶህኑተ

1 ሀንቅን ኢታንኬ ጋዮሴ፡ ኢች ባልቂቺች ሶሀንቶ ሶህኑተ፡- **2** ኢተንቶንት አመኤ ቤቶ! ኢያነን ፎሉክ ጡመ እሁሰ ደጎም፤ ህትን እን ጉዕመርቹንኩ ብዝዮሄተለክ አፍያተ ደእቶተ ዱእ አላሚት፡- **3** ሀንቂሃ አመዕነንቶንቲሃ እሁክለክ ፈንቀላንታንቲንኩ ሀንቂን እኮገ መት-መቱ አመዕናኑት ኩልታዕኔ አበ ተሽ ይዮኤ፡- **4** እን ኦሱኤ ሀንቅ አዋንታገ ሞጮጪች በተአኖ መንዲሲሰኖርቹ ዮበእ፡- **5** ኢተንቶንት አመኤ ቤቶ! ኬሳሃ ኮሃ እኮጎሬሁ አመ ኦሶተ ኢታንትርቹን ጉዕማንን አመዕነንቶንትሃን፡- **6** እሰን ኢተክተኔሃ ዱእ ምናን ኩልቶኤ፤ ቲሁ መገኑ መንዲሲሰኖ ሃለን ሞቂሰ ሽንቅተ ሀዕልቶንትጎሬ ጡመ ኢታንቲት፡- **7** ሱዕምሰተኔሃ ፋልቶኢሁ አይሁደ እህበ መኒች ሜጡረ ቶጉዕናንት፡- **8** ህካን እኮቤቺሃ ነኡ ሜጡበ እሂን ሀንቅ ሆጉተ አዕኖተ ህትኔ ኮህነቱ ቶጉ ሀሰሰኖ፡- **9** ከኒች ብርተ ዱእ ምኒሃ ደብዳቤተ ከተቦም፤ ጠዉ እኮጎሬ ገውንኩስ አዋንሳንቹ እሆተ ሀሰኖ ዲዮትሬፊሰ ጠወእ ቶጎበእ፡- **10** ህካን እኮቤቺሃ እን ክዕኔቤቹ አሜታምረ እሰ ቦሮሪኔለክ ሙልሰኔ አዕዮ ሂለ ሆጎሰተኔሃ በነቻን ጠወኣም፤ ካን አዕዮሁ ሆፈዕያንሰ አመኦሱተ ኮህንተ ቶገኖበእ፤ ሞሉሰ ኮህንተ ቶጋበእገ ከመኖ፤ እሰንተ ዱእ ምናች ፋሽኖሰ፡- **11** ኢተንቶንት አመኤ ቤቶ! ጡመ አጉድ ቤሉ ሂለ አጉዶት፤ ጡመርቹ አእኖሁ ጉዕመንኩ መገንዮን፤ እኮጎሬ ጡመርቹ አእባሃ መገኑ ደገኖሰበእ፡- **12** ድሜጥሮሰተኔሃ መኑ ጉዕመንኩ ጡመርቹ መሰከረኖት፤ ህትን ሀንቁ ገዉንኩስ መሰከረኖ፤ ነኡሁ መሰከርናም፤ ኒ ምሰክሩንኩ ሀንቅ እሁሰ አት ደጋንት፡- **13** እን ከተባንክዕኔ ልግቡ ጠው ሄዕዮኤጎሬ ደብዳቤን ከተቦተ ሀሽምበእ፡- **14** እን ግደኖ በሬን ደቀሞሄተ ተብሳሃ አኣም፤ ህክ ወክት ሜጡበ እንክ ጉዕመርቹንክ ጠወዕናም፡- ወገሬቱ ኬሳን እሁን፡- ኢተክ ጉዕመንኩ «ወገሬቲ» ይታሄት፡- አቲሁ ኢታተኔ ጉዕሚንከ «ወገሬቲኤ» ኢልሰ፡-

ይሁድ ከተቦ ሶህኑተ

1 መስህ ኢስ ካዲንቸለክ ያቀብ አመቤቱ እኮ ይሁዲች ገእንቴንተህኑተ አኑ መገኑ ኢተናህዕኔህኑተለክ መስህ ኢሲን አገረንቴንተህኑተ ጉዕሚንከክዕኔ፡ **2** ማርቱት ወገሬቱለክ ኢተቀሙ በተአህዕኔ፡ **3** ኢ ጃላ! ጉዕሙንኩኔ ሜጡበ ጡምኔተኔሃ ከተሶህዕኔተ አበ ሆሾም እቅ፤ እኮኅሬ ቲሱ በርገሞበ ሃሊን መገኑ ኡመቲህስ ሜጥቸረን ኣሴ አመዕነተሃ ጠረኝቱን አጸንቶናት ሸዞህዕኔተ ከተቡ ግደ እኮኤ፡ **4** ፈረደመናሳሃ አሁስ ልግብዩ ወክቲች ብርተ ከተበሞስ መት-መቱ መናከት ክዕኔ በለ ሉኩት ኣጎኤ፤ እሰን መገን ኣስቱተ አለ ቅልቢን ዶርት መገኒሃ ጠገንቲዕናን ሄኣኣረ፤ እስ ሜጡስ ገሻንቹኔለክ ቀርቹኔ እኮ መስህ ኢስ ለገኣኣ፡ **5** ካን ጉዕመንከ ሃጭቲን ሜጠረ ደጌንነታሃ እኮ እቃ ቀርቹ ኡመትሰ ግብጸ ግዲች ፋሽ ጡምሾገለክ አመዕንትበረ ኤተሮን ቤሾገ ቃግሶህዕኔተ ሀሳሞ፡ **6** ህትን ኣሰሞስ ሹምነት ኣዜን እሁ ሆግ ቤቹስ አጉርቶ መላይከተ ቃጌ፤ እሰተ ሎሩ ፍርድ በሩ ኢሎተ ኢለ ዘላለሚሃ ኡሱሮንገለክ ጭልመ ቱንሰች ኣዜን መገኑ አገርት ዱንክታገ አዕዮስ፡ (**aidios g126**) **7** ከን ሃሌን ሶዶሙለክ ጎሞሩ አዘጋገንተስ ዮ ከተመት ዝነተ አታኣረ እኮኤ፤ ክልቀት ሴሪች አደ እኮ ሃሊን ዝነተ አቶኡ ህካን አኮቤቺሃ እስ ዘላለሚሃ ጠእትበ ገራን ቀጠእንታህኑተ ምሳልተ እኮኤ፡ (**aiōnios g166**) **8** ህትን ኩ መኑ ሀቄስ አዎንተን ጅስመስ ንጃሰሳኤ፤ ሹማንተ አዘዘንታበኤ፤ ሰማን ኬዕምቹ ዮስረ ቦርሮታኣ፡ **9** መላይክ ሀለቁ ምካኤል ሙስ ጀናዘተኔሃ አብልሲን ኦጆ ወክት «ቀርቹ ሻቆሄ» ዩስ ቤሉ ሆሮን ቦርሮ ላገተ ጠወዕዮበኣ፡ **10** ጠወ እኮኅሬ ኩ መኑ አጥራመቲሃ አታልትበርቹ ጉዕመንከ ቦርዕረንታኣ፤ ቀልቡ ዮበኣ ግዝገ ከለቀንሸሰ ሃልገን ደጋ ጠወ ሄዕዮሰጎራሁ ህከን ጠዊንን በኣኣ፡ **11** ቃኤሌ ዎቃሃ አዎንቶቤቺሃ፡ ዱንያተኔሃ ይት ባለኣሜ ሉጨንሺን ኡቦቤቺሃ፡ «ቆሬ» ዩዮ መንቹ መገኑ ግቦህንገን መገኑ ግብ በኦቤቺሃ እሳሃ ቆሀናስ! **12** ኩ መኑ ማልት ዮበኣሃ ሹርተን ድግስ አሊን ሜጡበ ደገንታ ወክት ጉፊቹ እካህዕኔ፤ እስ ሰውይታኢሁ ጠለዕል ገይሰተኔሃት፤ ቦብሪን ሆምበለመናለክ ጤኑ ዮበኣ ጎመጋት፤ አቶት አገናን አቶቱ ሄኣበሰህንገለክ ጠጸን ቡቱከም ሞሎ ሀቅጋት፡ **13** እስ አሙዕሬ ባር ሁልገ ሙልሲሳ ሆጎስ ሁምብ ኩፍ አታኣረ፤ ጭልመተ እኮ ቱንሰቹ ዘላለሚሃ አገረኖሰገለክ ጀል ጀል ይታ ቤዜገ ዮኣረ፡ (**aiōn g165**) **14** ኣደሚች ኬሽ ለመልቅ እለንሽ እኮ ሄኖክ «ሁኩዕኑን! ቀርቹ ልግቤ ኩሜ ጠሊላኖ መላይካን ሜጡበ እክ ጉዕም አሊንን ፈረዶተ አሜተኖ፡ **15** ህከ ቀርቹሃ ጠገንትቡ መን አቶ ሂለ ሆጎስ መሳን ቀጠኣናስ፤ ቀርቹ ሀንቅንከ ከን እሲሃ ጠገንትቡ ጨበኛኑት እስ አሊን ጠወኡ ሂለ ጠዊሃ ጉዕሚንከ ፈረደኖስ» ይ ራገ ጠወዕዮኡ፡ **16** ሁኩ መናከት ጉዕመ ወክት ቁንቁታኣረለክ መ ጠዋን መንደኣበረ፤ ገይሰ ሂለ ሄዕላቸተ አዎንታኣረ፤ አሮስ ቦን ላጋን ዊሞእሃ፤ ገይህስ ደግለሸቀንቶት ሀሰን መን ቡልጥጭታኣ፡ **17** ጠወ እኮኅሬ ኢ ጃለኤ! አዕኑ ቀርቹሃኔ መስህ ኢስ አሳበት ከኒች ብርተ ጠወኡ ላገተ ቃጌ፡ **18** እስ «ኤተር ዘማኔን መገን ሰውቲች ቄዕርቶ ገይሰ ሂለ ሄዕላቸተ

አዎንተን ቀለዳ መኑ አሜታኣ» ይቶህዕኔ እቅ፡ **19** እሰን መን አደ አታኣረ፤ ማል ሄዕላቸተ አዎንታኣረለክ ጠሊሉ እያኑ ዮስበኣራ፡ **20** ጠወ እኮኅሬ ኢ ኢተኤ! አዕኑ ጉዕሚችን በተኣኖ ጠሊሎ አመዕነቶንከክዕኔ ገወክዕኔ ጠረኝሶናት አጳሜ፤ ጠሊሉ እያን ወልቃን ዱኣ አዕዬ፡ **21** ቀርቹኔ መስህ ኢሰን ማርቶንከስ ዘላለሚሃ ሄኡ ኢልሶህዕኔተ አገዕረቀንቴን ገጉክዕኔ መገን ኢተ ኣዜን አገዕርዬ፡ (**aiōnios g166**) **22** መት-መቶ ሸክታ መኒሃ መረርሲጭዬስ፤ **23** መት-መቶ መን ገራች ፋሽቲን ጡምሹስ፤ ዋሊህስ ዋጂን መረርሲጭዬስ፤ እኮኅሬ ጨቢን ንጃሾ ጅስመስ ኡልቶ ኦድኑተ ሆሮ ፈቀዕነ ግቤ፡ **24** ኡቤንተበኣገ አገሮህዕኔተለክ ሙልሰኖርቹ ዮበኣረ አዕይ መንዲኖን ኬዕምኝስ ብሬን ሆንጠህሶህዕኔተ አታለኖህኒሃ፡ **25** ጠለዕል እስ ዘቡኔ እኮ መገኒሃ ቀርቹሃኔ መስህ ኢስ አዲን ዋዕኔችን ጀመር ቲሁ ዘላለሚሃ ኬዕምቹ፡ ሎርመት፡ ዋልቀትለክ ዳጅመት እሲሃ እኩንስ! ኣሚዕን! (**aiōn g165**)

ያህይ ለዕዮ መናመተ

1 ኩ መገኑ ለሊሾሰ ሶህኑት ግድኖ ወክቲን አህናህ አሁስ ካዲማተሰ ለሊሶተ መገኑ መሲህ አሊህ ኣስዮሰሃን፤ መሲህ አሊን መላይኬቹሰ ሶክ ካዲሚሀስ ያህዪሃ ከ ሶህኑት ለሊሾሰ። **2** ያህይን መገን ላገተኔሃለከ መሲህ አሊ ምስክር አህስተኔሃ ህትን ለሊሾሰ ጠወ ጉዕመንከ መስከር። **3** ኩ ጠወ ጉዕመንኩ አህኖ ወክቲ ግድኑ እኩቤቼሃ ከ ራግ ላገተ አነበበኖህ ማስአምላን፤ ህትን ከ ራግሰ ላገተ ሞጮጭታእሩለከ ከን ራግ ላገ ኣዜን ከተበዋሃ ኣታእሩ ማስአንቶአረ። **4** ያህዪቹ እስይ ባዶን ለመላንከ መገን አመዕናኖ ዱሊ ጭምት ሞናች ዮሀኒች፤ ሄዕዮሀኒችለከ አማተኖ መገኒች፤ ጃነትሰ ቦርጭመ ብሬን ዮ ለመላ አያኒች፤ ህትን ሬሆች ኬአን ሀንገፈ ክኮ ኣዱንያ አል ዋመ ዳኛት ገሽኖሃ፤ አመዕነሞ ምስክር እኩ፤ ኢተኖሀዕኔሀኒችለከ ቁገንከሰ ጨቢችኔ ነጠ ፋሼኔ መሲህ አሊች ኣስቲትለከ ወገሬቱ ክዕኔሃ አሁን። **6** መሲህ አሊ ኣና መገኑ ካደሞተ መንግስትሰ ኡመት ቁስተ አዕዮኔ መሲህ አሊህ ኬዕምችለከ ወልቀት ዘማንሃ ጉዕሚንከ አሊ አሁን! ኣሚዕን። (aiñon g165) **7** ሙኩ ጉዕመንኩ እሱ ቀሩሩ ፈቀዕናን ጎማን አማተን ለኣእ፤ ህትን ኣዱንያ አሊን ዮ ኡመቱ ጉዕመንኩ አማትሰተኔሃ ኣኣእ፤ ሀኩ ጠወ ሀንቅሃን፤ ኣሚዕን። **8** ጉዕመንከ ኣታለኖ ምዕናሃ፤ ቲህ ዮኢሁላከ አማተኖ ቀርቼ መገኑ «ዎዕኔሁለከ ኤተሪሁ አኔት!» ዮኖ። **9** አን አመክዕኔ ቤቱ ያህይ ኢስተኔሃ ኦሪሽተ ኣኡለከ ኣታዕሉሃ መገን ጃነት ኣትሃ ክዕኔንን ሜጡብ ወጡ ዮኤሃን፤ አንን መሲህ አሊ ዱዱብሴ መገን ላገተ ጠወዕዮምቤቺሃ ዊን ረበንቶ «ፍጥሞ» ዬኖ ባዶን ሄዕዮም እቅ። **10** ቀርቼ በሬን ጠሊሊ አያኒን እክ ሄዕዮም ወክት ኤተርኤ አዲን «ከ ለኣንቲሃ መጻፋን ከተብ፤ መጻፈስ «አሰዮ» ዬኖ ባዶን ዮ «ኤፌሶንሃ፤ ሰምርኔሲሃ፤ ጼርጋሞኒሃ፤ ትያጥርኒሃ፤ ሰርዴሲሃ፤ ፊላደልፍየለከ ሎዶቅዮ» ዬኖ ለመላንከ ከተማን ዮ አመዕናኖ ዱሊ ሞነ ጭምቲሃ ሶህ» ይታ ጡሩምብገ ዮ አበ ላገተ ሞጮጭ። **12** ጠወዕዮኔ መገቹ ለኣተ ኤተር አደ ዘህ ለዕዮም ወክት ዋርቂን መክሴመ ለመላ ኩራዝ አፋሼኖህን በላን ሎከሰ አሊ ቅራዕሩ ኦድኑተ ኦደዕይ ወዘነሰ ዋርቅ ቀበቶን ቆዕሬ መገች ቤቱ እንደኖሃ ለዕዮም። **14** ቡዕሉሰለከ መሙሰ በረድገለከ ሱፍገ ዋጁሃ እቅ፤ ህትን አልሰ ገረ ለበነተ ኣትዳ እቅ። **15** ሎከሰ ምዳች ገረ ክፈሊን መክሴመ ናሰ ዬኖ ብረት ኣትደኖሃ እቅ፤ ላገሰ ፋማን ዛዘኖ ዊ ላገገ ዮኣሃ እቅ። **16** መኬስ አንጋን ለመላ ቤዜተ አፎ እቅ፤ እሰ አፌች ለሞ አዲን አጻሽ ሲፋ ፋለኖ እቅ፤ ህትን ሚንሰ ዊመ ኑራን ለሊሰኖ አረጋጋት እቅ። **17** አን እሱ ለዕዮንሰ ወክት ሬዮ መንገ እክ ሎከሰ ኣዜን ኡገም፤ እኩጎሬ እሰን መኬስ አንገተ አሌአ አዕይ «ዋጅቶት! ብሬሁለከ ኤተሪሁ አኔት። **18** አን ሄኣምሃን፤ አን ሬዮም እቅ፤ ጠወ እኩጎሬ ቲህ ዘላለሚሃ ሄኣምሃን፤ ህትን አን ሬሁተለከ ኣዛብ ፈናም ቁልፋ ዮኤ። (aiñon g165, Hadēs g86) **19** ቲሱ ለኣንቲሃ ዮኢሁለከ ከኒች ኤተርን አማተኖሃ ለኣንቲሃ ከተብ። **20** ዋርቂን መክሴመ ለመላንከ ኩራዝ

አፋሼኖህንለከ መኬ አንጋን አፋን ለኣንት ለመላንከ ቤዜ ፍሳረት ከኒት፤ ለመሉ ቤዜት ለመላንከ መገን አመዕናኖ ጭምት ዱሊ ሞነተ መላይከ፤ ህትን ለመሉ ኩራዝ አፋሼኖህ ለመላንከ መገን አመዕናኖ ጭምት ዱሊተ ሞነ» ዬኤ።

2 ኤፌሶን መገን አመዕናኖ ዱሊ ሞና መላይኬቺሃ «ለመል ቤዜተ መኬ አንጋን አፎሃለከ ለመላ ወርቅ ኩራዝ አፋሼኖህን በላን ፈንቀለመኖህ፤ **2** ሆጉክ፤ አጸንታንትገለከ ኣታዕሉክ ደጋም፤ ጠወ እኩጎሬ ሂላኑተ ኣታሉ ሆጉክ ህትን ኣሳበኤ አኩዕናን «ኣሳበታን» ይታ መነ ክዘበኛት ኣኩገ አጥራመት ደጉክ ደጎም፤ **3** ኣታዕሊን ጠረፍክለከ ሱዕምኤተኔሃ ህፈቱዕናን ኦርሸተ ቶጉክ ደጎም፤ **4** ጠወ እኩጎሬ መቱ ግባንኬ ጠወ ዮኢሁ ወዕና ዮሄ ኣተተ ኣጉርቶንቲ። **5** ሀከኔ ኡገንት ጎር ሰውይት ቶበት! ወዕና ኣተን ሄኣንት ሆጉክ እእ፤ ህካን ጉዕመንከ ኣትበጎሬ ኪቤቹ አማታም፤ ቶበትበጎሬ ኩራዝ አፋሼኖሃ ቤቺችሰ ኬሽ ከማም። **6** ጠወ እኩጎሬሁ አን ግቦምገን ገቆላውያኑት ኣታ ሆጉተ ግቡክ ጡመሃን። **7** «መገን አያኑ መገን አመዕናኖ ጭምት ዱሊ ሞናተ ዮኖሃ መጨት ዮሲሁ ሞጮጭን! «ድለ አዕዮሀኒሃ መገን ቤቺን ፎሎጮኖ ቤቺን ነጼ ሄሊ ሀቀቸ ላልቸ ኣተኖገ አኣም» ዮኖት» ይት ከተብ። **8** «ሰምርኔሰ መገን አመዕናኖ ዱሊ ሞነ መላይኬቺሃ። «ዎኔሁለከ ኤተሪሃ እኩ፤ ሬዮሀኒችለከ ፎሊን ዮሀኒች ሶህንቶኣተ፤ **9** ኣርሸክለከ ቡጥመክ ደጋም፤ አሁን ቤሉ ኣት ቀባጣውሃን፤ አይሁደ አኩዕናን አይሁደ አድረ ይታ ሼይጣን ሞኒ እኩኣሩ ሱዕመክ ክዘበኒ በላግ ደጋም። **10** ብርተ ዋሽት ኢልታሄ ኦርሸተ ዋጅቶት፤ አልቢሱ አመዕነቱክ ደጎተ ቶኑ በር ኦርሸተ ቶጎናተ ክዕኔች መት-መቱክዕኔ ኡሱር ሞኒ ኣግሰኖሀዕኔ፤ አን ሽልማት ኣሴኖሀንገ ቁልቲነገተ ወጥ ሄኡ ኣሳንክዕኔቤቺሃ ሬቶናተ ኣሊ አመዕነትነተረ እኬ። **11** «መገን አያኑ መገን አመዕናኖ ጭምት ዱሊ ሞናተ ዮኖሃ መጨት ዮሲሁ ሞጮጭን! «ድለ አዕዮሀኒሃ ለንክ ሬሆን ምርተአናበኦ ዮኖት» ይት ከተብ። **12** «ጼርጋሞን መገን አመዕናኖ ዱሊ ሞነ መላይኬቺሃ «ለሞንከ ኣዱን መራራ ኣጻሽ ሲፈ አፎ መገቹ **13** ኣት ሼይጣን ኬዕምኝ ቦርጭመት ዮቤቺን ሄኡክ ደጋም፤ አሁን ቤሉ ሱዕመኤ ጠረኝሰ አፎንት፤ ኣሊ አሊን ዮሄ አመዕነቱ ለገኣንትበኔ፤ አመዕነሞ ኣሊ ምስክር እኩ ኣንቲጻሴ ሽይጣኑ ሄኣናቤቺን ክዕኔ ከተማን ሼመ ወክት ኣን አመዕኑ ሆሮ ኣጉርቶንትበኡ። **14** ጠወ እኩጎሬሁ ግባንኬ መት-መቱ ጠወ ዮሄ፤ ሀኩንን ባለአማ ትምርት ኣምንታ መት-መቱ መኑ በላንከክዕኔ ዮኤ፤ ኩ ባለኣም አስራኤል ኡመት ሸርኬተ ክትሚመ ማለ ኣቲንለከ ዝነተ ኣኢን ቆዕልታገ ባለቁ ሸዢሃን። **15** ህትን ክዕኔ በላን ኒቆላውያኖ ትምርት ኣኣት ኣምንታ መኑ ዮኤ። **16** ህካን እኩቤቺሃ ቶበት፤ ህካን አህባች ኪቤቹ ደዕል አማች አፌኤ ሲፈን ኣለማንሰ። **17** መገን አያኑ መገን አመዕናኖ ጭምት ዱሊ ሞናተ ዮኖሃ መጨት ዮሲሁ ሞጮጭን፤ ድለ አዕዮሀኒሃ ማጤመ መና ኣሳንሰ፤ ሃዕሮ ሱዕመ ከተበዋ ቀወ ዋጁ ክኑ ኣሳንሰ፤ ቶገኖ አን ቤሉ ካን አይሁ ደገናበኦ ዮኖት ይት ከተብ።» **18** «ትያጥርን ከተም መገን አመዕናኖ ዱሊ ሞነ መላይኬቺ «ገረ ለበነ ኣትዳ አልትለከ ገራን ሽልሴን መክሴመ መደበ ኣትዳ ሎከቲ ዮ መገን ቤቺች

19 «አን ሆኑክ፤ ኢተክ፤ አመዕነተክ፤ ክድመክለክ አታዕሉክ» ደጋም፤ ህትን ወዕኔ ሆኑኝ ኤተርክ ሆኑት ቆካኢ። 20 ጠወ እኩጎሬ መቱ ግባንኬ ጠወ ዮኢሁ «አን ራጋንቺተ» ይታ መንቺተ ኤልዛቤል ኢ ካዲመት ዘነተ አቶተለክ ሽርኬተ ክትሜመ ክትም ማለ አቶተ ሉሲስ ተማርሰተን ሰዕምት አጉርቶን። 21 አን ዘነተ አኡሴ ቶበት ፈንቀልታገ ወክት አሰዮንሴ እቅ፤ እኩጎሬ ዘነተ አጉሩ ግባኡ። 22 ህካን እኮቤቺሃ እን እሴተ ኦርሽ መዕን አሌን ኡጃንሴ፤ ህትን እሴንን ዘነተ አታ መኑ አሴ አታ ሂለ ሆኑኝ ቶበት ፈንቀሉ ሆጋረ አበ ኦርጨቀንታገ አኣም። 23 ኦሱሴ ሬሆን ቀጠአም፤ ህካን እኮቤቺሃ መገን አመዕና ጭምት ዱእ ምንት ጉዕመንኩ መን ሰውተለክ ሄዕላቸሰ መረመር ደጋሚሁ ኤሳሃ እሁኤ ደጋኢ፤ አን መት-መቲሃክዕኔ ሆንክዕኔ ጌሰ ኣሳም። 24 «ትያጥርናን ዮንታሁለክ ከ ሂለ ትምርት ቶጌነበሀኑኡት ጉዕሚንከ ህትን መት-መቱ ሺጌጣን ጥዕላሽ ምስጥር» የኖሃ አዋንቶሱርናን ፈቄንተ ክዕኔሃ ዋልት እጅንተ እጅሲሳንክዕኔበኢ። 25 እኩጎሬ እን እሜቶተ ኢለ ዮህዕኔሃ ጠረኝሴን አፌ። 26 መጨረሻ ኢለ ድለ አዕዮህኒሃ ሆንተአ ጠረኝኖህኒሃ ኡመት ገሸኖ ሹምነቱ ኣሳንሰ። 27 «ብረት በርቲን ጠቀኖሰ፤ ትብ ኦዳገ ቀጠቀጭ ቀመ አእኖሶ» ኩ ሹምነቱ እን እኒቶኤ ቶግምሆንጋት። 28 አን እሲሃ ሶዝ ቤዜተ ኣሳንሰ። 29 «መገን እያኑ መገን አመዕና ጭምት ዱእ ምናተ የኖሃ መጨት ዮሲሁ ሞጮጩን የኖት» ይት ከተብ።

3 «ሴርዴስ መገን አመዕና ዱእ ምን መላይኬቺሃ «ለመለ መገን እያንለክ ለመል ቤዜት አፎህኒቺ ጠወአምዕሃን፤ ሆኑክ ደጋም፤ ጠለዕል ሱዕሙ ዮሄ ቤሉ አት ሬቶንት። 2 በቅይ፤ ሬሆተ ሆንጠኮሃለክ ፈቆሄ ቀወ ወልቀክ ጠረኝሰ፤ መገን ብሬን ሆኑክ ዊመ አካን ደጎምበኢ። 3 ህንዴ መ ተማርሴመሄጎር መ ሞጮጭቶንትጎር ሰውይ፤ አገርሰ፤ ቶበት፤ ጠወ እኩጎሬ በቅ ይቱዕን ድንገቲን ሞጋንቻን እሜታም፤ መ ወክት ኪቢቹ እሜታምገ ደጋንትበኢ። 4 ጠወ እኩጎሬ ኦድኦስ ንጅሰሶበኢ ቀወ መኑ ኪን ሜጡበ ሰርዴስ ከተማን ዮኡ፤ እሰ ዋጁተ ኦድኦተ ኦደኢ ሀሰሰኖሳሃ እኮቤቺሃ ዋጁተ ኦድኦተ ኦደኢ እን ሜጡበ መርታኢ። 5 ድለ አዕዮህኒሃ እሰገን ዋጁተ ኦድኦተ ኦድሴኖ፤ አን ሱዕመሰ አንኤለክ መላይከ ብሬን መንደዕይ ኩላም ቤሉ ሄኢ መጻፊች ሱዕመሰ ቤሳምበኢ። 6 «መገን እያኑ መገን አመዕና ጭምት ዱእ ምንሃ የኖሃ መጨት ዮሲሁ ሞጮጩን» የኖት ይት ከተብ። 7 ፊሌዴልፍ መገን አመዕና ዱእ ምን መላይኬቺሃ «ጠሊለለክ ሀንቅ እኮህኒቺት፤ ህትን እሲንከ ደዉዴ ቁልፋ ዮሲ እኮቤቺሃ እሰ ፈቺ ኡሩተ አደሁ ጡፈኖበኢ፤ ህትን እሰ ጡፎ ኡሩተ አደሁ ፈነኖበኢ። 8 ሆኑክ ደጎም፤ አደሁ ጡፎተ አታለኖበኢ ኡሩተ ብሬክ አዕዮም፤ ዋልቀክ ቀወ እሁስ ደጎም፤ እሁን ቤሉ ላጋኤ አገርቶንት፤ ሱዕመኤ ካደንትበኢ። 9 አይሁድ እኩዕናን አይሁድጎን ይታእረ ህከ ሼጌጣን ምኒ እኮ ክዘጠኛኑት እሜት ሎከክ አሌን ኡብ ሰገዳሄን አኣም፤ አን ኢቱኤ ደጋገ አኣም። 10 ፈረህ ይ አዘዙንኬ ላጋኤ አገርቶንትቤቺሃ ኣዳንደ አላን ሄኢኖሃ ጉዕመንከ ፊተንቶተ እሜታ ኦርሽ ወክቲቺ አገራንኬ። 11 አን ደዕል እሜታም፤ ህትን አደሁ ኬሳሃ ዬመ ሽልማት አእኖሃበኢን ዮሄሃ ጠረኝሰ እጽ። 12 ድለ

አዕዮህኒሃ ዱእ ምኒ ቱቃ አኣም፤ እሰን ህከኒች ሆሮ ፋለኖበኢ፤ መገንኔ ሱዕመለክ መገን ከተም ሱዕመ እሰ አሌን ከተባም፤ ሁኩ ከተመንኩ ሰሜኛ መገንኔ አዲች እሜታ ሃዕርሃ ዬሩሳሌመ፤ ህትን ኢ ገይኤ ሃዕሮ ሱዕመ እሰ አሌን ከተባም። 13 ህትን «መገን እያኑ መገን አመዕና ጭምት ዱእ ምናተ የኖሃ መጨት ዮሲሁ ሞጮጩን የኖት» ይት ከተብ። 14 ሎዶቅይ መገን አመዕና ዱእ ምኒ መላይኬቺሃ «እሁን እኮሃ፤ አመዕንሞለክ ሀንቅ ምስክር እኮህኒች ህትን መገን ክልቀቲሃ ጉዕሚንከ ቡቁተ እኮሁ 15 እሰን እን ሆኑክ ደጋም፤ አት ቅዘንትያበኢ ህከረገን አገንትያበኢ፤ ህካን እኮቤቺሃ ቂዘ ህከረገን አብቡ እኮንት እቃ ጡመ እቅ። 16 ቂዘ ህከረገን አብቡ እኩዕን ልብጭ ይቶንትቤቺሃ እፌችኤ ፋሽ ቱ ዮሄታት። 17 እት «ልግቡ ብሩ ዮኢ፤ ቀባጣመሃን፤ ሆፈዕዮኤሁ መቱርቺሁ ዮኤበኢ» ይታንቲት፤ ጠወ እኩጎሬ ኦርሻመ። ላፈ፤ ቡጥቹ፤ ቆቀለክ ከሉ እኮንትን ደቅቶንትበኢ። 18 እት ቀባጣመ እኮተ ገራን ሺል መኬ ዋርቀ እች ሀዕርቶተ፤ ከልመክ ለልትበገ ድገተ ዋጁ ኦድኦተ ሀዕርቶተ ኦደኦተለክ ለአተ አሌንከክ ቡዕርታንት አሌ ዘቡሃ ሀዕርት ቡዕርታንትን ሸዛንኬ። 19 አን ኢታም መን ጉዕመንከ ኡመዕራም፤ ቀጠኣንሰ፤ ህካን እኮቤቺሃ ሰጭትኬእ ቶበት። 20 አን ኡርን ኡር ጡፈ ቆጫም፤ አደሁ ላገኢ ሞጮጭ ፈቻጎሬ እሰቤቹ ኣገ እሲንን ሜጡበ አታም፤ ህትን እሰን እን ሜጡበ አተኖ። 21 አን ድለ አዕዮህኒሃ እኒንከኤ ጃንትሰ ቦርጭማን አፋዕሌምሆንገን ህትን ቂሎሁ ጃንቲንኬኤ ቦርጭማን እን ሜጡበ አፋዕሌግ አኣም። 22 «መገን እያኑ መገን አመዕና ጭምት ዱእ ምናተ የኖሃ መጨት ዮሲሁ ሞጮጩን የኖት» ይት ከተብ።

4 ህከኒች ኤተሮን ለዕዮንሰ፤ ሰማን ፈንተኦ ኡሩተ ሄኢ እቅ፤ ወዕና ሞጮጩም ጡሩምብገ ዮ ላገት «አም ከበ ፋል፤ ከኒች ኤተሪሃ እሁኖ ጠወ ለሊሳንኬ» ዬኢ። 2 ወክትንከሰ መገን እያንኒ አክ ሰሜ ኬዕምኝ ቦርጭመ አሌን መቱ መንቺ አፋዕሌኢሃ ለዕዮም። 3 ኬዕምኝ ቦርጭማን አፋዕሌኢሁ ድኦስ ኢያሰጽደለክ ሰርዲኖን ዬኖ ጤኦተ እኮ ክኑ አጉደኖ፤ ኬዕምኝ ቦርጭመተ ዘህ መርግድ ጤኦተ እኮ ክኑ አጉደኖ ሰመንዲቅት ሄኢ እቅ። 4 ህትን ኬዕምኝ ቦርጭመ ገበላን ዘህ ለሞይዱምኔ ሾልት ኬዕምኝ ቦርጭመት ሄኢ እቅ፤ ህትን ኬዕምኝ ቦርጭማን ዋጁ ኦድኦተ ኦደኢ ቡዕላንከሰ ዋርቅ አክለሊ ጣጦ ለሞይዱምኔ ሾልት ባልቀት አፋዕልቶ እቅ። 5 ኬዕምኝሰ ቦርጭማኝ በለቁለክ ላገት ገገኛት ፋልታ እቅ፤ ጃንትሰ ቦርጭመ ብሬን ለመሉ ኩራዘ ለሊሰኖት እቅ፤ ሁኩ ለመሉንኩ ኩራዘ መገንየ እያን እቅ። 6 ህትን ጃንትሰ ቦርጭመ ብሬን ለአቃንቹ አጉደኖ ባሩ ሄዕዮ እቅ፤ ለአቃንቹንኩ ነጠ እኮእሃ እቅ፤ ጃንትሰ ቦርጭመተ ዘህ ብሬ አዲንለክ ኡተር አዲን ልግቡ አልት ዮ ሾሉ ፎላሙ ክልቀቱ ሄዕዮ እቅ። 7 እሰን ዋዕኔ ክልቀቱ ዘቦሃ አጉደኖ እቅ፤ ለንክሁ ቦረ አጉደኖሃ እቅ፤ ሰቂሁ መን ሚንተ አጉዳ ሚንት ሄኢሰ እቅ፤ ህትን ሾልቂሁ ብር የኖ የብር አጉደኖ እቅ። 8 ህከን ሾሎንከ ፎላሞ ክልቀቲሃ መት-መትሀሰ ለህት ጎንት ዮሰ እቅ፤ ህከን ጎኔን አዘ አዲንለክ ገበላን ዘህ ልግቡ አልት ዮሰ እቅ፤ እሰን «ጠሊሉ! ጠሊሉ! ጠሊሉ! ጉዕመንከ አታልታንት

ቀርቸ መገናገ፡ ዮኢሁ፡ ሄዕዮሁለከ እሜተኖሁ» ይተን ሀንከዕርተለከ በራሃ ኡርሳበአ እቅ። **9** ክልቀቲንኩ ኬዕምኝ ቦርጭማን አፋዕሌሀን ዘላላሚሃ ሄአናሀንሂ ሎርመት፡ ኬዕምኝለከ ሹኩር ሆንጠሀሳ ወክት (**aiōn g165**) **10** ለሞዱምኔ ሹሉንኩ ባልቀት ዘላላሚሃ ሄአና ኬዕምኝ ቦርጭመ አሌን አፋዕሌ አን ብራን ምኔንከሰ ኡብ ሰገዳእ፤ ህትን ቡዕላንከሰ ዮ አክሊሊ ፋሽት ኬዕምኝ ቦርጭመ ብራን አፋሽት (**aiōn g165**) **11** «ኒ ቀርቸ መገናገ፡ ጉዕመርቹንከ ከለቀንትቤቹሃ፡ ጉዕመርቹንኩ ከለቀሞሁለከ ፎል ደአናሚሁ ኪ አምራን እኮቤቹሃ ሎርመት፡ ኬዕምኝለከ ዋልቀት ኬሳሃ ሀሰሳሄ» ይታ እቅ።

5 ጃንት ቦርጭማን አፋዕሌሀን መኬ አንጋን ኣዝ አዲንለከ አብል አዲን ከተቤመ ለመለ ማተቢን አሽጌመ ጣጠሞ መጻፈ ለዕዮም። **2** መቱ ጠረኝ መላይኬቹ ሎረ ላጋን «ከ ማተቢ ፊሎተለከ ጣጠሞ መጻፈ ፈኖተ ሀሰሰናሲሁ አይት?» ዮን አዋጀኖሃ ለዕዮም። **3** ጠዉ እኮጎሪ ሰማን፤ ኡላንለከ ኡላች ኣዚን ጣጠሞ መጻፈ ፈኖተ ህከረንገን ኣዝሰ ለኦተ አታሎሀ አይሁ ደገሞበእ። **4** አንን ጣጠሞ መጻፈ ፈኖተ ህከረንገን ኣዝሰ ለኦተ አታላኖሁ ደገመሆገቤቹሃ እበ ኦዕዮም። **5** ህከ ወክት ባልቃች መቱ «ኦኦት! ይሁድ ዘራች ደወደ ደቦች እኮሁ ድለ ኦዕዮቤቹሃ ጣጠሞ መጻፈለከ ለመለንከ ማተቢ ፈኖተ አታላኖ» ይኡ። **6** ህከኒች ኤተሮን ኬዕምኝ ቦርጭመ በላን ሹሉንከ ክልቀትለከ ለሞድምኔ ሹሉንከ ባልቀ በላን ጎረጠሞሃ አትደኖ ሆልቹ ኡሬኢሃ ለዕዮም፤ ሁኩ ሆልቹ ለመሉ ቡድለከ ለመልት እልት ሄኦስ እቅ፤ እሰን ኣዲንያ አል ጉዕመንከ ሶሃንቶ መገንዮ እያን እቅ። **7** እሰን አሜች ኬዕምኝ ቦርጭማን አፋዕሌሀን መኬስ አንጋች ጣጠሞ መጻፈ ኣኤእ። **8** ጣጠሞ መጻፈ ኣኤ ወክት ሹሉንከ ክልቀቲለከ ለሞድምኔ ሹሉንከ ባልቀት ሆልቹ ብራን ሚኔንከሰ ጎምብሰንቶኤ፤ ጉዕመንኩሰ ክራረ አደ እቅ፤ ህትን ጠላላኖ ዱኣ እኮ ህጣን ዊሞ ወርቅ ኦደተ አደ እቅ፤ **9** እሰን ሃዕሮ መዝመረ «ቂገንከክ ደቦች፡ አደደ አደ ጠወኣ መኒች ቦክችለከ ኡመቲች መን መገንሃ ዋዚሃ እት ጎረጠንቶንትቤቹሃ ጣጠሞ መጻፈ ኣኤሃለከ ማተቢ ፈኒሃ በቀኦንቲሃ እኮንት፤ **10** መገንሃኔ ቂስተለከ ዋመ አካገ እቶንትሰ፤ ኡለ አሌን ዋመ አካእ» ይተን ዘመርቶኡ። **11** ህከ ቤቹ ለዕዮም ወክት ኬዕምኝ ቦርጭመተ፡ ክልቀትለከ ለሞዱምኔ ሹሉንከ ባልቀት ዘህ ልግቤ መላይከ ላገተ ሞጮጮም፤ በትኝሰን ዋለኤን አታሊንበ ጌሰ እቅ። **12** ሎረ ላጋኒን «ጎረጠሞ ሆልቹሃ ወልቀት፡ ቀባጡት ሀይመተ፡ ጠረኝመተ፡ ሎርመተ፡ ኬዕምኝለከ ገለት ቶጊሃ ሀሰሰናሰ» ይቶኡ። **13** ህትን ቴሱ ሰማንለከ ኡላን፡ ኡላች ኣዝ አዲንለከ ባር ኣዚን ጉዕመ ቤቹንን ዮ ክልቀቱ ጉዕመንኩ «ኬዕምኝ ቦርጭማን አፋዕሌሀንሃለከ ሆልቹሃ ገለቱ፡ ሎርመት፡ ኬዕምኝለከ ዋልቀት ዘላላሚሃ እሲሃ እሁን» ይተን ሞጮጮም። (**aiōn g165**) **14** ሹሉንከ ክልቀቱ «አሚዕን!» ይቶኡ፤ ህትን ለሞድምኔ ሹልት ባልቀት ሚኔንከሰ ጎምብሰንት ሰገዶኡ።

6 ህከኒች ኤተሮን ሆልቹ ለመለንከ ማተቢች ዋኔሲሃ ፈንገ ለዕዮም፤ ህትን ሹሉንከ ክልቀቲች መቱስ ጉገኛገ ዮ ላጋን «አም!» ዮን ሞጮጮም። **2** ህትን ዋጂ 4ሹ ለዕዮም፤ 4ሹንከሰን ቆጶሀ በገዙ አደ እቅ፤ አክሊሊንኩ ኣሰሞሰ፤ እሰን ቂላንቹ እክ ድለች ድለ እኣን መር። **3** ህከኒች ኤተሮን ሆልቹ ለንክ ማተቢ ፊል ፈቺ ወክት ለንክሰ ክልቀቱ «አም!» ዮን ሞጮጮም። **4** ህትን ዋሉ ዳሙ 4ሹ 4ሎ፤ ህከን 4ሹን ቆጶሀንሃ ኣዲንያ አሊች ወገሬት ከማን መኩ ገደገኔንከሰ ሽቀንታገ አታ ዋልቀተለከ ሎሩ ሲፋንኩ ኣሰሞሰ። **5** ህከኒች ኤተሮን ሆልቹ ሰቅ ማተቢ ፊል ፈቺ ወክት ሰቅስ ክልቀቱ «አም!» ዮን ሞጮጮም፤ ህከኔን ገሊ 4ሹን ቆጶ መንቹ አንጋንከሰ ሚዛከ አደሃ ለዕዮም። **6** ሹሉንከ ክልቀት በሊች አሜታኢሃ አጉዳ ላገተ ሞጮጮም፤ ህት ላገንት «ኪሎ ደሪ አለሱ መቶ በሬ ደሞዘ፤ መት ኪሉተ ደሬን እሀኖ ሶኣ መቶ በሬ ደሞዘ እሁን፤ ጠዉ እኮጎሪ ወይንለከ ዘይተ ቤሶት!» ዮን ሞጮጮም። **7** ህከኒች ኤተሮን ሆልቹ ሹልቅ ማተቢ ፊል ፈቺ ወክት ሹልቅ ክልቀት ላገተ «አም!» ዮን ሞጮጮም። **8** ህከ ወክት ሺሬ 4ሹ ለዕዮም፤ እሰንን ቆጶህን ሱዕሙሰ ራሁተ የመመኖ እቅ፤ አዛቡ አምናሲት እቅ፤ ሬሁትለከ አዛቡ እሰን ኣዲንያ አል መኒች ሹልቅ አደሃ ኦሊን፤ ጎሪን፤ ልግቤ ጥዘናንለከ አብል ቡሳዊን ሸቶት ሹምነቱ ኣሰሞሰ። (**Hadēs g86**) **9** ሆልቹ ኣንትቅ ማተቢ ፊል ፈቺ ወክት መገን ላገተለከ እቶ ምስክርቲኦን ሺመ መን ነብሳሃ መገንሃ ክትም ሆንጠህሴኖ ጠረጴዚች ዋሮ ኣዲን ለዕዮም። **10** እሰን ሎረ ላጋን «ጠላላለከ ህንቅ ጉዕመንከ አታልታንቲ መገናገ፡ ኡላን ዮ መን አሌን ፈረዳንትበእሁለከ ቂግኔትኔንከ ገዱተ ፋልትባሁ መ በር ኣላት!» ይተን ያርቶኡ። **11** መት-መቲሃሰ ዋጂ ቀምብሰሰ ኣሴመሰ፤ እሰንን ሬታኦ፡ እሰንን ካዲመተ እኮ ኢተሰለከ አመሰ ኦሶ ዋለንሹ ዊሞተ ኢሊ ቀዉ ጌሰ ፎሎጭት ዱንክታገ ኩለሞሰ። **12** ህከኒች ኤተሮን ሆልቹ ሊህቅ ማተቢ ፊል ፈቺን ለዕዮም ወክት ኡላት እበ ሌንቂቅቶኡ፤ ህትን አሪቹንት ጥጅ ኦድኖን ትልመ ገምበለ እኮኡ፤ አገንቹንኩ ቂግገ ጉዕሙ ቤቹሰ ቢሸዕዮ። **13** ከርሜን ጠረኝ ቦብሩ ኦድ ሀቂቹተ ሌንቂቅቶን ላልቹ ግግላኖህንገ ሰሜ ቤዘንት ኡለ አሊን ግግልቶኡ። **14** ሰሞንኩ ጣጠሞ መጻፍግ ጣጠሞ በዕዮ፤ ህትን ቆተትለከ ዊ በላን ዮ ኡላት ጉዕመንኩ ቤቹትሰ ኬእ በኦኡ። **15** ህከኒች ኤተሮን ኣዲንያ አል ዳኛኑት፡ ሎርሎራኑት፡ በገዝ ሀለቀት፡ ቀባጣመት፡ ዋልቃመት፡ ሮስቹለከ ሰዋልድቹ ጉዕመንኩ ሻንቃንለከ ቆተ አሊን ዮ ክን ረበ ኣዘን ገደሀሰ ማጠንቶኡ። **16** እሰን ቆተተለ ክነት «ኒ አሌን ኡቤ! ኬዕምኝ ቦርጭመ አሊን አፋዕሌሀንች ብርተ ሆልቹ ኡሙዕራቺ ማጮኔ!» **17** እሰ ሎሩ ኡሙዕራ በሩ አሜቹቤቹሃ አይ ኡሮተ አታለኖ?» ይቶኡ።

7 ህከኒች ኤተሮን ሹል መላይከት ሹሉንከ ኡለ ሙረባን ኡርታን ለዕዮም፤ እሰ ኡለ አሊን እኮ ባራን ህከረንገ ሀቅ አሊን ቦብሩ ቦብርበገ ሹሉንከ ኣዲን አሜታ ኡለ አል ቦብረ አደኡ። **2** ሄአኖ መገን ማተቢ አደ ዋሉ መላይኬቹ ሸርቀች አሜትን ለዕዮም፤ እሰን ኡለተለከ ባረ ቤሶተ ዋልቀት ኣሰንቶሰ ሹሉንከ መላይከቤቹ ላገሰ ጎት አዕይ **3** «መገን ካዲመ ሚኔን

ማተበ አዕኖተ ኢላ ኦለተ እኮ ባረ ህከረንገ ሀቀ ቤሶኖቹ» ይ ያር። **4** አስራኤል ቶና ለምንከ ደቦች ጉዕሚችን ሚኒክስ መገን ማተበ ዋቀራመ መን ዋሊንቸ ጥብታ ሸይልኔ ሾሌ ከምተ አሁስ ሞጮጮም። **5** ማተቡ ዋቀረምሰሩ ይሁድ ደቦች ቶን ለም ከምተ፣ ሮቤሌ ደቦች ቶን ለሙ ከምተ፣ ጋዴ ደቦች ቶን ለሙ ከምተ፣ **6** አሴር ደቦች ቶን ለሙ ከምተ፣ ንፍታሊም ደቦች ቶን ለሙ ከምተ፣ ምናሴ ደቦች ቶን ለሙ ከምተ፣ **7** ሰሞኔ ደቦች ቶን ለሙ ከምተ፣ ለዌ ደቦች ቶን ለሙ ከምተ፣ ይሳኪሬ ደቦች ቶን ለሙ ከምተ፣ **8** ዛብሎኔ ደቦች ቶን ለሙ ከምተ፣ ዩሱፍ ደቦች ቶን ለሙ ከምተለከ ቢንያሚ ደቦች ቶን ለም ከምተ እቅ። **9** ህከኒች ኤተሮን አደሁ ዋለኦተ አታልቡ ልግብ ኡመት ለዕዮም፤ እሰን ኡመቲችለከ ደቦች፣ ዘሬችለከ አደደ አፎ ጠወአናህኒች ጉዕሚችን መኒች፣ ዘሬች፣ ባዲች፣ አደደ አፎን ጠወአ መኒች ጉዕሚችን ጭምደት ዋጂተ ኦድኦተ ኦደአ እንጋንከስ ዘምባብ ሀበረ አፍ ዳንነት ቦርጭመለከ ሆልች ብሬን ኡርቶ እቅ። **10** እሰን ሎረ ላጋን ጨንጭተን «ጡምሱ ዳንነቲ ቦርጭማን አፋዕሌ ኒ መገኒሃለከ ሆልቸሃን» ይታኢት እቅ። **11** መላይከት ጉዕሙንኩ ኬዕምኝ ቦርጭማንለከ ሾሎንከ ክልቀትሃ፣ ባልቂሃ ዘህት ኡርት ኬዕምኝ ቦርጭመ ብሬን ሚኒክስ መግይት መገኒሃ ሰገድኡ። **12** እሰን «አሚዕን! ሎርሱ፣ ሎርመት፣ ሀይመት፣ ገለቱ፣ ኬዕምኝ፣ ዋልቀቲለከ ጠረኝመቲ መገኒሃኒ ዘላለሚሃ ኢላ እሲሃ እሁን! አሚዕን» ይቶኡ። (aiōn g165) **13** ህከኒች ኤተሮን ባልቂች መቱ ኢ አደ ፈንቀል «ኩሩ ዋጂ ቀምብስ ኦደኦ መቱ አዩኤታን? እሰን ህከንቢቸች አሜቶአራን?» ይኤ። **14** እንን «ቀርቶ! አት ደጋንት» ይንሰ፤ እሰን «ህከን አበ ኦሪቫች ፋልት አሜቶአራን፤ እሰን ኦድኦስ ሆልች ቂገን ሜጭት ዋጂ አቶአራን። **15** ህከን እኮቤቸሃ መገን ኬዕምኝ ቦርጭመ ብሬን ህንከዕርተለከ በራሃ መገን ምኔን ካደንታኦ፤ ህትን ኬዕምኝ ቦርጭማን አፋዕሌኢንኩ ሀላ እሆናሰ። **16** ከኒች ኤተሪሃ እስ ጎራይታበኦ፤ ሰገብት አፋሰበኦ፤ አሩ ህከረንገ ፋረት ኡልታሰበኦ፤ **17** ኬዕምኝ ቦርጭመ በላን ዮ ሆልቸ ዜማንቸስ እሆና፤ ሄኦ ዊ ቡቆበ አምሳሰና፤ መገን አሌችስ እንጂጃት ሽንሸኖ» ይኤ።

8 ሆልቸ ለመልቅ ማተበ ፊል ፈቺ ወክት ሰኣት ደሬ ብከ ሰሞሁ ጨለ ይኤ። **2** ህከኒች ኤተሮን መገን ብሬን ኡርቶ ለመለ መላይከተ ለዕዮም፤ አሳንከ ለመለ ጡሩምበ አሴመሰ። **3** ወርቅ ህጣን ኦዳተ አፎ ዋሉ መላይኬቹ አሜች ክትም ጠረጴዛ መዳን ኡሬኦ፤ እሰንከ ኬዕምኝ ቦርጭመ ብሬን ዮ ዋርቂን መክሴመ ህጣን አጨሴኖ ጠረጴዛ አሌን ጠላላኖ ዱኢን ሜጡብ ሆንጠህሰኖ ልግብ ህጣን አሴመሰ። **4** ህጣን ዉሊልት ጠላላኖ ዱኢን ሜጡብ መላይኬቹ አንጋች መገን ብርተ ፋሎ። **5** ህከኒች ኤተሮን መላይኬቹ ህጣን ዋራኖ ኦዳተ አፍ ክትም ጠረጴዛች ፊመ ዊንሸ ኦለተ ዋሽ ቶሬኦ፤ በለቁ፣ ላገት፣ ጉገኛትለከ ኡለ ሊንቁቂሁ እኩ። **6** ለመለ ጡሩምበ አፎ ለመለንኩ መላይከት ጡሩምበስ ቡሶተ ቅጥ ይቶኡ። **7** ወዕኔ መላይኬቹ ጡሩምበስ ቡሾ ወክት በረደለከ ሰቅሜሹ ቂጉ ልቃልቀሞ ጊረተ እኩ፤ ኡለተ ዋል ቶረሞ፤ ኡለ ሰቅሜሹ ቡሶ፤ ሆሽ ሰቅ አፎሁ ቡሶ፤ ለቶ ህጥት ጉዕሙንኩ ቡሶኡ። **8** ህከኒች ኤተሮን ለንከ

መላይኬቹ ጡሩምበስ ቡሾ፤ ሎረ ቆተተ እኩደኖቹ ቡብን ባር ኣዜን ኡቦ፤ ባር ሰቅሜሹ ቂጉ እኩ፤ **9** ባር ኣዜስ ሄኦ ነብሶሁ ዮስ ክልቀቲች ሰቅስ አፎሁ ሬዮ፤ ህትን ባር ዊ አሌን ዮ ሰፊሩች ሰቅ አፎሁ በዕዮ። **10** ሰቅ መላይኬቹ ጡሩምበስ ቡሾ፤ መብሬትገ ለልሳ ሎረ ቤዜት ሰሜች ኡለተ ዋልት ኡቦኡ፤ ኡቦንኩ ዊ ሰቅ አፎንለከ ቡቆ አሌኒት። **11** ህከን ቤዜ ሱዕሙ «ቁዕረንዳ» ይኖሃን፤ መሰንትሰ ዊ ሰቅሜሹ ቀራረኖሃ እኩ፤ ውስ ቀራርቤቸሃ ህከ ዋሃ አጎ ልግቡ መቱ ሬዮ። **12** ህከኒች ኤተሮን ሾልቅ መላይኬቹ ጡሩምበ ቡሾ፤ አሪ ሰቅ አፎሁ፣ አገንች ሰቅ አፎሁለከ ቤዜ ሰቅ አፎሁ ዋቀረሞ፤ ህከን እኮቤቸሃ እስ ሰቅ አፎሁ ቱንሰቸ እኩ፤ ከን ሃሌን በሬ ሰቅሜሹለከ ህንከዕሬ ሰቅሜሹ ኑሩ ዮበኢሃ እኩ። **13** ህከኒች ኤተሮን ለአምረ መቱ ዮብሮ ሰሜ በላን ብርዮን ሎረ ላጋን «ፈቅ ሰሱንኩ መላይከት ጡሩምበ ቡሳ ወክት ኣዱንያ አሌን ሄኦ መኒሃ ቆሆናህዕ፤ ቆሆናህዕ፤ ቆሆናህዕ፤!» ይተን ያርተን ሞጮጮም።

9 ኣንትቅ መላይኬቹ ጡሩምበ ቡሾ፤ ሰሜች ኡላን ኡቦ መት ቤዜተ ለዕዮም፤ እሰንከ ሎረ ጥዕላሽ ኡሎ ፈኔኖ ቁልፈ ኣሴመሰ። (Abyssos g12) **2** እስ ሎረ ጥዕላሽ ኡሎ ፈቺ፤ ዉሊልት ምዳቺች ፋልታህገን እክ ጥዕላሽ ኡሌች ፋሎ፤ ኡሌች ፋልቶ ዉሊሌ መሳን አርቹትለከ ሰሞሁ ቱንሰቸ እኩ። (Abyssos g12) **3** ህከኒች ኤተሮን ከንቸፈሩ ውሊሌ ኣዚች ኡለ አሌን ፋሎ፤ አሳንከ ኡለ አሌን ዮ ግንጥ ዋልቀገ ዮ ዋልቀተ ኣሴመሰ። **4** ኡለ አሌን ዮ ህጥተ እኩ እኮስ ለቸርቹ ጉዕሙንከ ህከረንገ እኮስ ሀቀ ምዕርታበኦገ ኩለሞሰ፤ ጠወ እኮጎሬ ምዕሩ ሀሰሰኖስ ሚኒክስ መገን ማተቡ ዮሰበኦ መነሃት እቅ። **5** እስ መነ ሸቱዕናን ኣንቱ ኣገን ኦሪሶታትቤሉ ሸተ ቍቃድ ኣሴማሰበኦ፤ ከንቸፈሩንኩ ኢሌስ ኦርሸት ገንጡ መነ ከረኖ ወክት ሞጮጮመሆኒጋት። **6** ህከ ወክት መቱ ሬሁ ሀሰኖ፤ ጠወ እኮጎሬ ሬሁተ ደአናበኦ፤ እሰን ሬሁተ ሄዕላታኦ፤ ጠወ እኮጎሬ ሬሁተ ኣሳች ሁንታኦ። **7** ሁኩ ከንቸፈሩ በገዚሃ ቅጥኦኤመ ፋርሱተ ኣጉዳ እቅ፤ አሳንከ እክሊሊ ኣጉደኖሁ ቡዕለስ ሄዕዮ እቅ፤ ህትን ሚንስ መን ሚንተ ኣጉዳ እቅ። **8** አሳንከ ሚንት ሙም ኣጉደኖ ሙሙ ሄዕዮሰ፤ ኣንኩስ ዞቤ ኣንኩተ ኣጉዳ እቅ። **9** ወዘናንከስ ብረተን መክሴመ ጌሬንጌሩ ኣጉደኖ ብረቱ ዮስ እቅ፤ ህትን ጎኔስ ላገት በገዚሃ ጅንን መርታ ልግቡ ፋርሱተለከ ኬዕምኝ ጋርት ሞጮጭሳ ላገተ ኣጉደኖ እቅ። **10** አሳንከ ግንጥ ዱብገ ከረኖ ዱቡ ዮሰ፤ ህትን ዱቢንከስ መነ ከርተን ኣንቱ ኣገን ኢላ ምርታ ወልቀት ዮስ። **11** ዋሙንኩ ዮሰ፤ እስ ጥዕላሽ በውያ መላይኬቹ፤ ሱዕሙስ ዕብራይስጥ አፎን አባዶን ግርክ አፎን አጸልዮን ይኖ። (Abyssos g12) **12** ሞኦ ኣዬ ይኖ ኦርሸት ህጎኡ፣ ከኒች ኤተሪሃ ዋሉ ለሙ ኣዬ ይኖ ኦርሸት አሜታኦ። **13** ለህቅ መላይኬቹ ጡሩምበ ቡሾ፤ መገን ብሬን ህጣን ኣጨሲሃ ወርቂን መክሴመ ጠረጴዛ ሾሎ ቡዲች ፋልታ ላገተ ሞጮጮም። **14** ት ላገት ጡሩምበ አፎ ለህቅ መላይኬቹ «ሎረ ኤፍራጢስ ዛዘኖ ዋን ኡሱረንቶ ሾሎንከ መላይከተ ገፈር!» ይሰ። **15** ህከን ሳኦቲንለከ ህከን በሬን፣ ህከን ኣገኒሃለከ ከን ዘማኒሃ ቅጥይቶ ሾሎንከ መላይከት መን ዘርተ ሰቅሜሽ ሽቶተ ገፈረንቶኦ። **16** ፋሻንች ጎንት ዋሊንሹ ለሜ ጥቤ ምሎጎ

እሁስ ሞጮጩም። 17 ህትን ፋርሱተለክ ፋርሶ አሊን ቆጶ መነ መናማን ለዕዮሚህ ህትጎታን፤ ምዝናንከስ ኦደኦ ብረቲን መክሴመ ጌሬንጌሩ ኣጉድኖ ገረ ፊምግ ቢሸ። ገንበለ፡ ሰማሃ ኣጉድኖለክ ቡርቲካነ ኣጉድኖ እቅ፤ ህትን ፋርሶስ ቡዕሉ ዘቤ ቡዕሉ ኣጉድኖ፤ ህትን ኣፌችሰ ፋልታ ገረት ወሊልትለክ ዲን ፋለኖ እቅ። 18 ኣፌችሰ ፋልታ ገረን፡ ወሊሊንለክ ዲን፤ ህከን ሰሰንክ በላን መን ዘሬ ስቅሚሹ ሬዮ። 19 መስንትሰ ፋርሶስ ሞልቀት ዮኢሁ ኣፎንክሰለክ ዱብንክሳት እቅ፤ ዱቡስ ሞርቹ ኣጉድኖ ቡዕላሙ እኮቤቹሃ መነ ምርታኢሁ እሲንት እቅ። 20 ህከን በላን ሬቲዕነ ፈቆ መን ዘርት ኣገንለ ሆጎች ፈንቀልት ቶቦቶበኢ፤ ሩሃንዪችለክ ወርቁች፡ ብሪች፡ ናሲች፡ ክኒችለክ ሀቂች መክሴመረ ለኡ ህከረንግ ሞጮጩ ህከረንግ ኦርኡ ኣታልታበኢ ሸርኪተ ሰገዱ ኣጉርቶበኢ። 21 ህትን መነ ሹሃ፡ ኪሉሃ፡ ዝነተለክ ሞጉ ቶቦት ፈንቀሉ ግቡኡ።

10 ህከኒች ኤተርን ጎመተ ኦደዕዮ ሞሉ ሎሩ ወልቀት ዮስ መላይኪቹ ሰሜች ድረን ለዕዮም፤ ቡዕላንከስ ሰማንዲቂት ሄኦ እቅ፤ ህትን ሚንስ ኣሩለክ ሎከስ ገረ ቱቀ ኣጉዳ እቅ። 2 ፈንተኦ ቀዉ ጣጠሞ መጻፈ ኣንጋንከስ ኣፎ እቅ፤ መኬስ ሎከተ ባር ኣሌን፡ ጉሪስ ሎከተ ኡለ ኣሌን ኣዕዮ፤ 3 ቡርቁኖ ዘቢገ ላገስ ጎት ኣዕይ ዎጆ፤ ዎጆ ወክት ለመሉንኩ ጉገኛት ላገስ ሞጮጭሶኡ። 4 ለመሉንኩ ጉገኛት ላገስ ሞጮጭሶ ወክት ኣን ከተቦተ እኮም፤ ጠዉ እኮጎሬ «ለመሉንኩ ጉገኛት ጠወኦኢሃ ኣሸግ ምስጥርን ማጥ ኣፍ ቤሉ ከተቦት» ይታ ላገተ ሰሜች ሞጮጩም። 5 ህከኒች ኤተርን ባራንለክ ኡለ ኣሌን ኡሬኢሃ ለዕዮም መላይኪቹ መኬስ ኣንገተ ሰማ ዋሽ ኬሸ 6 ዘማኒሃ ጉዕሚሃ ሄኦኖ ሰማለክ እስ ኣዜን ዮ ኡለተለክ እሴ ኣዜን ዮ ባረለክ እስ ኣዜን ዮኢሃ ከለቆ መገን ሱዕሚን ጤሌዕላን «ከኒች ኤተሪሃ ዱንከኖበከ! (aiōn g165) 7 ጠዉ እኮጎሬ ለመልቅ መላይኪቹ ጡሩምበስ ቡሾ ሞጮጭሶኖ በር ካዲማተስ ነብያኖተ ተሸት ላገተ ኩሎሰገን መገን ምስጥሩ ዊመኖ» ይኡ። 8 ህከኒች ኤተርን ምዕናሃ ሰሜች ሞጮጩም ላገት «ባር ኣሌንለክ ኡለ ኣሌን ኡሬ መላይኪቹ ኣንጋች ዮኢሃለክ ፈንተዕዮ ጣጠሞ መጻፈ መርት ኣኦ» ይ ለንኪሃ ጠወዕዮኡ። 9 ህከን እኮቤቹሃ መላይኪቹብ መር «ቀዉ ጣጠሞ መጻፈ ኣሴኤ» ይ ጠዕምሚር «ኣእት እት፤ ኣፎንከክ መለብገ ጤኦኖ፤ ጠዉ እኮጎሬ ጎደባንከክ ቀራረኖሃ እሆኖ» ይኡ። 10 ህከ ቀዉ ጣጠሞ መጻፈ መላይኪቹ ኣንጋች ኣኦ እቻን ኣፌኤ ኣዜን መለብገ ጤዕዮኡ፤ ጠዉ እኮጎሬ እች ኬዕዮሚች ኤተርን ጎደቡኤ ቀራረኖሃ እኮ። 11 ህከኒች ኤተርን «ልግብያ መንተኔሃ፡ ኡመትተኔሃ፡ ኣደደ ላገተ ጠወኦ መንተኔሃለክ ዎመተኔሃ ለንኪሃ ራገ ጠወኡ ሀስሰኖሄ» የመም ኩለሞኡ።

11 ህከኒች ኤተርን ኤሳሃ ብኪሃ ደግለለኖ በርትገ ዮ መቱ ብኬኖ ቶመ ኣሴማኤ፤ ኤሳሃ «ኬኦ ዱኦ ምኒለክ ክትመ ክትሜኖ ጠረጴዛ ብክ፤ ህከን ቤቹን ሰገዳኦረ ወለኦ፤ 2 መገን ምኒች ኣብል ኣዲን ዮ ባዳተ ብክቶት፤ ሁኩ ቤቹ ኣይሁደ እኮበኦ መኒሃ ኣስሞሃ እኮቤቹሃ ብክቶት፤ ኣይሁደ እህቡ መቱ ጠሊልቹተ ከተመ ሸይልኔ ለሙ ኣገነ ፈንቀላንታሴ፤ 3

ኢ ለመንኩ ምስክሩ ጥጅ ኦድኑተ ኣደኦ መቱ ኩምተ ለም ጥብታ ሌሃሁ በር ራገ ኩልታገ ወልቀተ ኣሳንስ» ይኡ። 4 እስ ኡለ ቀርቶ ብሬን ኡርታ ለመንኩ ወርቆ ሀቃከትለክ ለመንኩ ኩረዘ ኣፋሼኖሃን፤ 5 ኣይሁ እስተ ምዕሮተ ሆሾ ጎሬ ገረት ኣፌችሰ ፋልት ባለጋረስ ቡስታኦ፤ ህትን እስተ ምርተ ሀስኖሁ ጉዕሙንኩ ሬሆኖሁ ከን ሀለቲኒት። 6 እስ ራገ ጠወኦ ህከ በር ሰሜች ጤኑ ኡብናበኦገ ሰማሃ ጡፎተ ወልቀት ዮስ፤ ህትን ዋሃ ቂጉ እት ዶርቶተለክ ሀሳ ወክት ጉዕመ እኮስ ሃሌን በለት ኡለተ ዎቀቶተ ወልቀት ዮስ። 7 ምስክርነቱስ ሹልቶች ኤተርን ኣበ ጥዕላሽ በዊች ፋለኖ ቡሳውቹ ኣሳን ኦለም ቂል ሸኖስ። (Abyssos g12) 8 ሪሸስ ሎረ ከተም ሞቂ በላን ኡጁኖ፤ ሁኩ ከተሙ ሶዶመ ህከረንግ ግብጸ ዬን ገኤኖ ከተሚሃ ምሳሌተ፤ ሁኩቤቹንኩ እስ ቀርቶ ሰቀለሞሃቢቹ። 9 ህከኒች ኤተርን መገኒች፡ ደቦች፡ ዘፊች፡ ኣደደ ኣፎ ጠወኦኖ መኒች፡ ባዲች ጉዕሚች ልግቡ ኡመቱ ሞገምገግ ከንት ሰሱ በርሃ መቶ በሬ ደርተ ሪሸስ ለኣኦ፤ ሪሸስ ሞገመኖበኦገ ከንታኦ። 10 ሁኩ ለመንኩ ነብያንት ኣዲንያ ኣል መነ ኦርሶቤቹሃ ኣዲንያ ኣሌን ሄኦኖ መቱ ነብያንት ሬቶቤቹሃ ኣበ ሙንደኣኦ፤ ህትን ሙንዲኖ ከበጃት ከበጃት ገገዉንኩስ ኣስቱተ ኣስቀንታኦ። 11 ጠዉ እኮጎሬ ሰሱ በር ደሬን ህጎች ኤተርን ሄኦ ሩህ መገኒች ኦሜች ሬሻን ኣጎ፤ ሎካንከስ ኡርቶኦ፤ ለኦ መቱ ኣበ ዎጅቶኦ። 12 ህከኒች ኤተርን ለመንኩ ነብያከት ኣሌ ፋሌ ይታ ሎረ ላገተ ሰሜች ሞጮጭቶኦ፤ ባለጋሩስ ለኣን ጎማን ሰማ ዎልት መርቶኦ። 13 ህከ ወክትንከ ኡለ ኣሌን ኣቡ ሌንቄቄ ኣኮ፤ ከተሚችሰ ቶንቅ ኣፎሁ ድጀሞ፤ ኡለ ሌንቄቅ መሳን ለመሉ ሺህ መቱ ሬዮ፤ ሬሆች ፈቆኦሩ ኣበ ዎጅቶኦ፤ ሰሜ መገኒሃ ሰገድኡ። 14 ለንክ «ኣዬ» ዬኖ ኦርሸት ህጎኦ፤ ህትን ሰቅ «ኣዬ» ዬኖ ኦርሸት ደዕልት ኣሚታኦ። 15 ለመልቅ መላይኪቹ ጡሩምበስ ቡሾ ወክት «ኣዲንያ ኣል ዎምንቱ ቀርቶሃኔ መሲህሃ እኮኡ፤ እስን ዘማኒሃ ዎመ ኣክ ጠዕቅቶንቲቤቹሃ ገለትጭናንኩ» ይታ ሎርሎረ ላገት ሞጮጩንቶኦ። (aiōn g165) 16 መገን ብሬን ኬዕምኝ ቦርጭማን ኣፋዕልቶ ለሞድምኔ ሾልንት ባልቀት ሚኔንተስ ሙግይት መገኒሃ ሰገድኡ፤ 17 «ዮንቲሁ፡ ሄኦንቲሁ፤ ጉዕመንከ ኣታልታንት ቀርቶ መገኒ፤ ሎረ ወልቀክ ገይኪሃ ኣቶንቲቤቹሃለክ ዎመ ኣክ ጠዕቅቶንቲቤቹሃ ገለትጭናንኩ። 18 ኣይሁደ እኮበኦ መቱ ኡመዕርቶኦ፤ ጠዉ እኮጎሬ ኪ ኡመዕርት ኣሚቶኦ፤ ህትን ሬቶ መን ኣሌን ፈረዳንት ወክቱ ኢልዮኡ፤ ካዲማተክ ነብያኖተለክ ጠሊላኖተ ሱዕመክ ሎርስታህኡተ፡ ቀቀሞኖተለክ ሎርሎራኖተ፡ ሞገስ ኣታንትሰ ወክቱ ኢልዮኡ ኣዲንያ ኣል ቤሶረ ቤሳንት ወክቱ ኢልዮኡ» ይቶኡ። 19 ህከኒች ኤተርን ሰማን ዮ መገን ምኑ ፈንተዕደን ወኣድ ሳጥኑ መገን ምኔን ለሌኦ፤ ህትን በለቁ፡ ላገቲ፡ ጉገኛት፡ ኡለ ሌንቄቁለክ ኣበ በረደሃ እኮ።

12 ህከኒች ኤተርን ኣበ ኣጅብሲሳ መላት ሰማን ለልቶኦ፤ ሁኩንን መቱ መንቹት ኣሩ ኣይኦኢት ኣገንቹ ሎካችሶ ዎር ኣዲን ዮኢት ቶነ ለም ቤዜ ኣክሊለ ቡዕላንከሴ ኣቶኢት ሄኦ እቅ። 2 እሴን ላፈተ እኮቤቹሃ ኒጠኛት ኣፋንሴ ጨነቀንት ያርታኢት እቅ። 3 ህትን ዎልት መላት ሰማን ለልቶኦ፤ እስን ለመሉ ቡዕላለክ ቶኑ ቡዱ ቡዕላንከስ

ለመሉ አክሊሉ የ' ሎሩ ቢሾ ደህቹ ለሌላ። 4 ደህቹስ ዱቢንከስ ቤዜ ሰቅሜሽ ሰሜች ሀጣው ኡላን ኡጂኦ፤ እስን ህት ኒጣ መንቸት አልቶ ወክት ጨልሴ አጉዕም ከሞተ አልቶት እኮ መንቸቱ ብረን ኡሬ። 5 እሴን ኡመት ጉዕመንከ ብረት በርቲን አዘዥ ጠቀኖ ለባ ጨል አልቶኡ፤ እኮጎሬ ቤቱሴ መገን ቤቹ ሁኩንን መገን ኬዕምኝ ቦርጭመ ቤቹ ቀቡል እኤን መሴመሰ። 6 ህት መንቸንት መቱ ኩምተ፤ ለም ጥብተለክ ሌሃው በር ክድማት መገኑ ቅጥ አዕዮሴቤቹ ኡሉ ኡድመ ሁንቶኡ። 7 ህከኒች ኤተሮን ሰማን በገዙ ከዕዮ፤ ምካሌሊለክ እስ መላይከት ደህቹን ኦለንቶኡ፤ ደህቹለክ መላይከት ፈንቀልት ምካሌሊንለክ መላይካን ኦለንቶኡ። 8 ጠዉ እኮጎሬ ደህቹለክ እስ መላይከት ቁለንቶኡ፤ ቁለንቶች ኤተሮን እስ ሰማን ሄአበእን ቤቹ ሆሮ ደገሞሰበኢ። 9 ህከ ሎረ ደህቹ ሆሮ ሞሼን ቶሬመ፤ እስን መን ጉዕመንከ ሉሲሰኖ አልቢሲ ህከረንን ሼይጣን ዩን ገኤኖ ወዕኔሃ ሆሮቹ፤ እሱ ኡለተ ሞሼን ቶሬመ፤ እስ መላይከንት እሴን ሜጡብ ቶሬመ። 10 ህከኒች ኤተሮን መት ሎረ ላገት ሰማን «ቴህ መገኑ ገይሰ ጡምሱስ፤ ዎልቀሰለክ ዎምነቱስ ለሊሾኡ፤ እስ መሲሁ ሹምነቱስ ለሊሾኡ፤ እመኔኦሱተ መገንቤ ብረን ህንከዕርተለክ በራሃ ብተንሰን ሄዕዮ አመኔኦሱ ከሳሹ ቶረሞኡ። 11 እስ ሆልቶ ቂገንለክ ጠወኦ ምስክር ላጋን እሱ ቁልቶኡ፤ ነብሴሃስ እመዙዕን ገወሰ ሬሆተ ህግስ ኣቶኡ። 12 ህካን እኮቤቼሃ ሰሞለክ ሰሜ አዜን ሄኤነንተሩ ጉዕመንኩ ተሽ ዩንክዕኔ፤ ቀዉ ወክቱ ፈቆሰገ ደኅቢቼሃ አልቢሱ ሎረ ኡመዕሬን ክዕኔቤቹ ድሬቤቼሃ ኡለትለክ ባሩ ቆሆህሀዕኔ» ይተን ሞጮጮም። 13 ሁኩ ደህቹ ኡላን ኡጂመሰገ ለዕዮ ወክት ለባ ጨል አልቶ መንቸት ሽሩ ጀመረ። 14 መንቸት ኡሉ ኡድማን ቅጥ እኤመሴቤቹ ብር ይት መርቶተ ሎረ የብር ጎንተ አጉድኖ ለምት ጎንት ኣለንቶሴ፤ ህከኔን ሆሪች ብረች ቀዕርት ሰሱ ዘማን ደሬን ጡመገ እኤን ካደሚን እገሬኖሴ እቅ። 15 ህት መንቸት ድርሱ መሰኖሴገ ሆሮቹ እበ ዛዘኖ ዊ ጌስ ዋሃ አፌችሰ ኤተርንከሴ ቱፎ። 16 ጠዉ እኮጎሬ ኡለት መንቸት ሀዕልት አፎሴ ፈንት ደህቹ አፌችሰ ቱፎሃ እበ ዛዘኖ ዋሃ እጎኡ። 17 ህከኒች ኤተሮን ደህቹ መንቸን ኡመዕር ፈቆ እሴ ዘሬን ኣለሞተ ኦርዕዮ፤ እስን መገን ትዛዝ እገርታህኡንለክ ኢሲሃ አመዕነንት መስከርታኦረ።

13 ደህቹንኩ ባር ገበላን ሽፋር አሌን ኡሬ። ህከኒች ኤተሮን መቱ በሳውቹ ባሪች ፋላን ለዕዮም፤ እሴንከ ቶኑ ቡድሊክ ለመሉ በሱሉ ሄዕዮስ እቅ፤ ቡድንከስ ቶኑ አክሊሉ ሄዕዮስ እቅ፤ ቡዕላንከስ መገኑ ቦርርታ ቦርር ሱዕም ሄዕዮ እቅ። 2 ለዕዮም በሳውቹ ሰማገ አጉድኖ እቅ፤ ጠዉ እኮጎሬ ሎከስ ድብ ዬኖ በሳውቹ ሎከተ አፎስ ዘቤ አፎ አጉድኖ እቅ፤ ህትን ደህቹ ገይሰ ወልቀተለክ ገይሰ ኬዕምኝ ቦርጭመተ ሎረ ወልቀተ ህከን በሳውቹሃ ኣሴስ። 3 በሳውቹ በሱልች መቱስ ሬሆታ ኢልሰኖ ጡሎ ሄኡስ ለዕዮም፤ ጠዉ እኮጎሬ ሁኩ ሬሆተ አበቀኣኖስ ጡሎ ፈይሃን ኣዲንያ አሌን የ' መት ጉዕመንኩ አጀብሰጭ በሳውቹ አዎቹ። 4 ደህቹ በሳውቹሃ ዎልቀስ ኣሴቤቼሃ መት ጉዕመንኩ ደህቹሃ ሰገጃ፤ ህትን «በሳውቹ አጉድኖህ እዬት? ህትን እሴንን ኣለሞተ ኣታለኖ እዬት» ይተን በሳውቹሃ

ሰገደኡ። 5 መገን አሌን ቦንለከ ቦርረኖ ላገተ ጠወኣኖ አፎሃ በሳውቹሃ ኣሴመስ፤ ሽይልኔ ለመ' እገን ገዘአይ ጠቆተ ዎልቀተ ኣሴመስ። 6 መገኑ፤ ሱዕመሰለክ ሰማን ሄኣእረ መገኑ እስ ኣዜን ሄኣ መን ቦርሩ ጀመረ። 7 እስን ጠሊላኖን ኣለሞተለክ ድሉ አዕይ ቁልኖን ሹምነቱ ኣሰሞስ፤ ህትን መገኒን፤ ደቦን፤ አደደ አፎን ጠወኣእረለክ ኡመት አሌን ጉዕማንን ሹምነቱ ኣሰሞስ። 8 ዲንዮ አሉ ከለቀሞች ጀመር ሱዕመስ ጎረጠሞ ሆልቶ ሄኣ መጻፋን ከተበምባሁ ዲንዮ አሌን ሄኣኖ መት ጉዕመንኩ በሳውቹ ሰገደኡ። 9 መጨት ዮሲሁ የ' ጎሬ ሞጮጮን! 10 «አዪሁ አገ መሰኖሁ የጎር አገም ኦርኣኖ፤ አዪሁ ሲሬን ሬሆተ መደበሞሁ ሲሬን ሬሆኖ» ህትን ጠሊላኖ አታዕሉለክ አመዕነቱ ለለኖሁ ህከ ወክትዬት። 11 ዎሉ በሳውቹ ኡላች ፋላን ለዕዮም፤ እሴንከ ሆሉ ቡድን የ' ለመ' ቡድኑ ዮስ፤ ጠወኣኖሁ ደህችጋት እቅ። 12 ወዕኔ በሳውቹ ቤቹን እስ ሹምነቱን አኣኖ እቅ፤ ዲንዮ አሉለክ እሴ አሌን ሄኣኣሩ ጉዕመንኩ ወዕኔ በሳውቹሃ ሰገደን አዕዮ፤ ሁኩ በሳውቹ ወዕኔ ሬሆተ አበቀኣኖ ጡሎ ፈይሰ ወዕኔሃ በሳውቹ። 13 ጠዉ እኮጎሬ ለምቅ በሳውቹ መን ብረን ገረተ ሰሜች ኡለተ ድርሰኖ ኢሉ ሎርሎረ አጀብሲሰኖቹ አኣኖ እቅ። 14 ዎዕኔ በሳው ብረን እኦተ ኣሰሞስ አጀብሲሰኖች መሳን ዲንዮ አሌን ሄኣ መን ሉሲሰኖ እቅ፤ ሲሬን ጡላይ ፈይ በሳውቹሃ ኬዕምኝ ሞሰለ መክሰተ ዲንዮ አሌን ሄኣኖ መኒሃ ለንክ በሳውቹ አዘዦሰ። 15 ለንክ በሳውቹ ወዕኔ በሳውቹሃ ሞሰሊሃ ሄኣ ሩህ ኣሰተ ሹምነቱ ኣሰሞስ፤ ሄኣ ሩህ ኣሰተ ሹምነቱ ኣሰሞሲንኩ ሞሰሉ ጠወኦተ ኣታሎታትለክ እሴሃ ሰገድቡሩ ጉዕመንኩ ሬታገ አኣኖ እቅ። 16 ለንክ በሳውቹ ቀቀሞት አኮኡ ሎርሎራት፤ ቀባጣመተ አኮኡ በጥቻኑት፤ ርስቹ እኮ ሰዎልድቹ፤ ጉዕመንኩ መኬስ አንጋን ህከረንገ ሚኔስ አሌን መላተ አቶተ ግድሾስ። 17 ከን ሃሌን በሳውቹ ሱዕመ ለሊሰኖ መላት ህከረንገ ሱዕምስ ዎልንሹ የባኢሁ ህኩ መንቹሁ ሀዕርተለክ ሀርታ ኣታለኖበኢ። 18 ቴሁ ሀይመት ዮሊሁ ከንቤችንት፤ ቀልቡ ዮሲሁ በሳውቹ ዎልንሽ ዎሊኡ፤ ሁኩ ዎልንሹ መን ዎልንሽ ለሊሰኖ፤ ዎልንሹስ ሌህ ጥብታ ሌሃይኔ ሌሁሃን።

14 ህከኒች ኤተሮን ሆልቹ ጽዮን ቆተ አሌን ኡሬኢሃ ለዕዮም፤ እሴን ሜጡብ እስ ሱዕመለክ አንስ ሱዕም ሚኔስ አሌን ከተበሞ መት ጥብተ ሽይልኔ ሾሌ ኩሜ መት ሄኡ እቅ። 2 ሰሜች እበ ፋም ዊ ላገገለክ እበ ጉገኛ ላገገ የ' እበ ላገተ ሞጮጮም፤ ሞጮጮም ላገት ክራረ ዎቀርታ ክራረ ላገተ አጉድኖ እቅ። 3 ኬዕምኝ ቦርጭምንለክ ሾሎንክ ክልቀት ባለቀ ብረን መት ጥብተ ሽይልኔ ሾሌ ኩሜ መት ሃዕር መዘመረ ዘመርቶኡ፤ ህከ መዘመረ ኡሉ አሌን ዎዘመስ መት ጥብተ ሽይልኔ ሾሌ ኩሜ መን ቤሉ አዪሁ ደጎተ ኣታለኖበኢ። 4 እስን አለንቶኢች ዝነተ ኣት አገኝትበረ እኮቤቼሃ ሜንቲን ዝነተ ኣኡ ሆግንከስ ንጃሶበኢ፤ ሆልቹ መርቤቹሃ ጉዕመንክ ኣዎንታኡ፤ እስ መገኒሃለክ ሆልቹሃ መን በሊች ሀንገፈ እክ ዎዘንቶኦራን። 5 እስ ክዝብ ጠወኣበኢ፤ ሂሉ ኩሎኖሰርቹንኩ ዮሰበኢ። 6 ህከኒች ኤተሮን ዎሉ መላይኬቹ ኣዲንያ አሌን ሄኣኖ ኡመቲሃ፤ ደቦተ፤ ባዲሃ፤ አደደ አፎ ጠወኣ መኒሃለክ ወገኒሃ ጉዕሚንክ ዱዱብሲሃ

ዘላለሚሃ ሄኦ ተሸት ላገተ ኩሎተ ሰሜ በላን ብርሃን ለዕዮም። (aiōnios g166) 7 እስን ሎረ ላጋን «መገኑ ዋጅዬ! ከበጅዬስ! መሰንትስ እስ ፈረደኛ ወክቱ ኢሌቤፕሃ ሰማንለክ ኦለተ፤ ባረለክ ዌ ቡቁተ ከለቆ መገኒሃ ሰገጂ!» ይእ። 8 ዋሉ ለምቅ መላይኬቹ «ለከርሰኛ ዝነሴ ዋይን ጠጀ ኡመቲሃ ጉዕሚንከ እግሶ ህት ሎረት ባብሎንቹት ኡቦኡ! ኡቦኡ!» የን ወዕኔስ መላይኬቹ አዋኛስ። 9 ዋሉ ሰቅ መላይኬቹ ሎረ ላጋን «ቡሳውቸሃለክ ምስሊሃ ሰገዳእሩ፤ መላሰ ሚኒንከሰ ህክረንገ አንጋንከሰ አታሩ ጉዕሙንኩ 10 መገን ኡሙዕሬ ወይን ጠጀ አጋእ፤ ሁኩ ወይን ጠጁ ልቃለቀሙዕናን ኡሙዕሬስ ጠበቲን እንክለምሃን፤ ህትን ጠሊሊ መላይከ ብሬንለክ ሆልኛ ብሬን ገራንለክ ዲን ዬኖ ፍሚን ኦርጨቀንታእ። 11 እስተ ኦርጨቀንታገ አታ ገራኛ ፋልታ ወሊልት ዘላለሚሃ አሌ ሰማ ዋልት ፋልታእ፤ ህከን ቡሳውቸሃለክ እስ ምስሊሃ ሰገዳእሩ ሱዕምስ መላተ አቶሩ ጉዕሙንኩ ህንከዕርተለክ በራሃ ፎሎጩ ኖሰበእ» የን አዋኛስ። (aiōn g165) 12 መገን ትዛዝ አገርታህኡንለክ ኢሳን አመዕንት ጠረኝት ሄኦ ጠሊላኖ አታዕሉ ለለኖሁ ከነነት። 13 ሰሜቺን «ካን ከተብ፤ ከነኛ ኤተሮን ቀርቼ አመዕንት ሬታእሩ ማሰእንቶእረ» ይታ ላገተ ሞጮጩም፤ ህትን ጠሊሉ እያን «ሆሰስ ሆንጌኛ ፎሎጮቶተ ሆጉስ አምንታሰቤቺሃ እስ ህንቅንክ ማሰእንቶእረ» የኖ። 14 ህከነኛ ኤተሮን ዋጅተ ጎመተ ለዕዮም፤ ጎመስ አሌን መንኛ ቤቱ አጉደኖሁ አፋዕልዮኡ፤ ቡዕላንከሰ ወርቅ አክሊሊ አዕዮኡ፤ አንጋንከስ እጸሸተ ዘዘረተ አፎኡ። 15 ዋሉ መላይኬቹ መገን ምንኛ እሚኛ ጎመ አሌን አፋዕሌኢሃ ሎረ ላጋን «ኡሉ አሌን እዝመረ ጭም አኢኖለክ ምዳኖ ወክቱ ሆንጠኮኡ!» ይእ። 16 ጎመ አሌን አፋዕሌኢሁ ዘዘረስ ኡለተ ሶካን ኡለንት ምደንቶኡ። 17 ዋሉ መላይኬቹ ሰማን ዮ መገን ምንኛ ፋሎ፤ እስን እጸሸት ዘዘረት አፎ እቅ። 18 ገረ አሌን ዋልቀት ዮሲሁ ዋሉ መላይኬቹ ክትመ ክትሚኖ ጠረጴዛ መዲኛ ፋል እጸሸተ ዘዘረተ አፎ መላይኬቹ «ወይኑ ላሎቤቺሃ እጸሸተ ዘዘረክ ሶክ ወይን ላልቼ ጉዕመንክ ኡሉ አሊኛ ምድ ጭም አእ!» ይ ሎረ ላጋን ያሮ። 19 መላይኬቹንኩ ዘዘረስ ኡሉ አል ሶክ ኡሉ አሌን ዮ ወይን ላልቼ ምጅ ዋይን ጨንሼኖ ሎረ ቤቸን ዋሮ፤ ሁኩንን መገን ኡሙዕርያቤቹ። 20 ከተሚኛ አብሌን ዮ ወይን ጨንሼኖቤቸን ጨንሸሞ፤ ጨንሼኖቤቹኛ ፋርሶ ብጣለ ኢለኖ ጌስ አሌ ዋል ሰሴ ጥቤ ኪሎ ሜትረ ኢሊ ኢለኖ ቄጉ ፋል ዲንተዕዮ።

15 ዋሉ አጀብሲሰኖ መላተ ሰማን ለዕዮም፤ ሁኩንን መገን ኡሙዕርት ጎፋ መጨረሽ ለመለ በለተ አፎ ለመለ መላይከተ ለዕዮም። 2 ህከነኛ ኤተሮን ገራን ልቀለቀሞ ለእቃንኛ ባረ አጉደኖሃ ለዕዮም፤ ህትን ቡሳውቸሃለክ ቡሳውቸ ምስለ፤ ሱዕምስ ዋሊንሽ መላተ ድለ አቶረ ለዕዮም፤ መገኑ አሴስ ክራረ እፍ ህከን ቡርጨቅ ባር መዴን ኡርቶኢሃ ለዕዮም። 3 እስን መገን ካድንኛ ሙስ መዝሙረለክ ሆልኛ መዝሙረ «ጉዕመንክ አታልታንት ቀርቼ መገኖ! ሆጉክ ሎረተለክ አጀብሲሳእታን፤ ጉዕመንክ ኡመት ዋመ! ዋቆክ ጌጥፃሃለክ ህንቅሃን። 4 ቀርቼ! ኬሳሃ ዋጀብሁለክ ሱዕመክ ከበጀብሁ አይት? መሰንትስ ጠሊሉ ጠለዕል አቴት፤

ህንቅ ፍርዱክ ለሌቤቺሃ ኡመቱ ጉዕሙንኩ እሚኛ ብሬንከክ ሰገዳእ» ይታን ዘመርታ እቅ። 5 ህከነኛ ኤተሮን ምስክር ዱካኑ ሁኩንን መገን ምኑ ሰማን ፈንተዕያን ለዕዮም። 6 ህከ ለመለንክ በለተ አፎ ለመለንኩ መላይከት መገን ምንኛ ፋልቶኡ፤ ነጠተ በለቃ ዋጂተ ኦድኑተ ኦይኑ እቅ፤ ወዘነሰ ዋርቅ ቀበቶን ቆዕርቶ እቅ። 7 ሾሎንክ ክልቀቲኛ ሙቱ ለመለንክ መላይኬቺሃ ዘላለሚኛ ዘላለመ ኢሊ ሄኦኖ መገን ኡሙዕርት ዋንቶ ለመለ ዋርቅ ጠበትተ አሴስ። (aiōn g165) 8 መገን ኬዕምኚቶለክ ዋልቃኛ ፋልታ ወሊልት ዱኢ ምኒ ዊሞ፤ ሁኩ ለመለንኩ መላይከት አፎ ለመለንኩ በለት አሆተ ኢሊ አይሁ ዱኢ ምኒ ኣጎተ አታሎበእ።

16 ህከነኛ ኤተሮን ለመለንክ መላይከተ «መሬ! መገን ኡሙዕርት ዋንቶ ለመለንክ ጠበቲሃ ኡሉ አሌን ዱኛ» ይታ ሎረት ላገተ መገን ምንኛ ፋልተን ሞጮጩም። 2 ዋዕኔስ መላይኬቹ መር ጠበቲሃ ኡሉ አሌን ዱኛ፤ ቡሳውቸ መላተ ዮሰህኡንለክ ቡሳውቸ ምስሊሃ ሰገዳ መን አሌን ሂሉለክ አበ ጥቸ ጨነቀኖ ጡሎ ፋሎ። 3 ላንክ መላይኬቹ ጠበቲሃ ባር አሌን ዱኛ፤ ህከ ወክት ባሩንኩ ሬኖ መን ቄግገ እኩ፤ ህትን ባር ኣዜን ሄኦኖ ፎሎ ዮሰርቼ ጉዕሙንኩ ሬኖ። 4 ሰቅ መላይኬቹ ጠበቲሃ ዛዘኖ ምንለክ ዌ ቡቆን ዱኛን እስን ቄጉ እኩኡ። 5 ዊ አሌን ዋልቀት ዮሰ መላይኬቹ «ዮንቲሁለክ ሄኦንት ጠሊሉ! ህት ፈረዶንትቤቺሃ አት ፈየሃን። 6 ሙኮ ጠሊላኖለክ ነብያክ ቄጉ ዱንቶቤቺሃ እሳሃ ቄጉ እግሶንትስ፤ ሁኩንን እሳሃ ሀሰሰኖስ» የን ሞጮጩም። 7 ህትን ህጣን ሀጨሴኖ ጠረጴዛ «ኡ! ጉዕመንክ አታልታንት ቀርቼ መገኖ! ፍርዱክ ህንቅሃለክ ፈየሃን» ይታ ላገተ ሞጮጩም። 8 ህከነኛ ኤተሮን ሾልቅ መላይኬቹ ጠበቲሃ አር አሌን ዱኛ፤ አሪቹንት መን ፋራንተሴ ቡስቶተ ዋልቀት ኣሰንቶሴ። 9 መኑኩኩ አበ ፋራን ቡቦኡ፤ ህከን በለ አሌን ሹምነቱ ዮሰ መገን ሱዕመ ቦርሮቶኡ፤ ህትን ቶብብእ፤ እሱንክ ከበጀቶሰበእ። 10 ኣንትቅ መላይኬቹ ጠበቲሃ ቡሳውቸ ኬዕምኛ ቦርጭም አሌን ዱኛ፤ ቡሳውቸ ምምነቲንኩ ቱንስቼ እኩ፤ መኑኩኩ አበ ኦርጨቀንቶቤቺሃ እንከስከ ኢጦኡ። 11 እስን አበ ኦርጨቀንቶቤቺሃለክ ጡላይቶቤቺሃ ሰሜ መገኑ ቦርሮቶ ቤሉ ሂሊ ሆሳኛስ ቶብት ፈንቀልቶበእ። 12 ለህቅ መላይኬቹ ጠበቲሃ ኤፍራጤስ ዬኖ ሎረ ዛዘኖ ምን ዱኛ፤ ወሁ ሽርቄኛ እሚታ ዋማተ ወቃሃ መክሲሃ ዛዘኖ ውሁ ሞሎ። 13 ህትን ይህኛ አፊኛለክ ቡሳውቸ አፊኛ፤ ክዘበጅ ነብዬኛ አፊኛ ጎጃዕኛተ አጉዱ ሰሶ ሂሉ እያን ፋሊን ለዕዮም። 14 እስን ሩሃንይ እያን እኩቤቺሃ አጀብሲሰኖ ጠወ አተን ጉዕመንክ አታለኖ መገን ሎረ በሬን አህኖ በገዚሃ ጭምእቶተ ጉዕመንክ ባድ ዋመቤቹ መርታእ። 15 «እን ሞጋንኛገ ድንገቲ እሚታም፤ ህካን እኩቤቺሃ ከል ኣካን ሙኮ ሻይደስ ለዕበገ ኬዕይ ኦድኑስ አገዕረኖ መንቹ ማሰእምእሃን።» 16 ሁኩ እያንንት ዋመተ አብራዊ መን አፎን አርማጌዶን ዬኖቤቸን ጭምእቶኡ። 17 ህከነኛ ኤተሮን ለመልቅ መላይኬቹ ጠበቲሃ ቡርሮ አሌን ዱኛ፤ ህከ ወክት ዱኢ ምኒ ኣዜን ዮ ዳኝንት ቦርጭማኛ «አበቀዕዮ» ይታ ሎረ ላገተ ፋልቶኡ። 18 ህትን በለቁ፤ ላገት፤ ጉገኛተለክ ኡሉ ሌንቄቄሁ እኩ፤ ህትኦ ሎሩ ኡሉ ሌንቄቄ ሙኮ ኣዱንያ አሌን ከለቀምሲኛ ኬሽ ሆሮ እክ አገኘኖበእ። 19

ህትን ሎረ ከተንቸት ሰሱ ቤቹ እክ ቤህንቶኡ፤ ህትን ኡመት ከተመንት ድጀንቶኡ፤ መገኑ ሎረ ባብሎሳ ቃጎ፤ ሎረ አመዕሬስ ዋይን ጠጁ ዊሞ ጠበትተ አገገ አዕዮሴ። 20 ህትን ዊን ረበገቶ ኡለት ጉዕመንት በኦኡ፤ ቆተንት ደገንቶበኡ። 21 ህትን መት-መቲስ ሸይልኔ ኦንቲ ኪሎ ጌሰ አሀዮ በረዱ ሰሜች መን አሌን ኡቦ፤ በለሰ አበ ጨነቃቤቹሃ መኑ በረድ በለ መሳን መገኑ ቦሮርቶኡ።

17 ህከኒች ኤተሮን ለመልንተ ጠበትተ አፎ ለመለ መላይካች መቲስ ኢቤቹ አሜች «ከበ አም! ልግቤ ዊ አሌን አፋዕልቶ ሎረ ዝነተ አታ መንቸ አሌን አሊኖ ፍርደ ለላሳንኪ። 2 ኣዱንያ አል ዋመት ዝነተ አቶአሁ አሌኒት፤ ህትን ኣዱንያ አሌን ሄአእፍ ዝነተ አሌሴ ዋይን ጠጂን ስከርቶኡ» ይ ኩሎኡ። 3 ህከኒች ኤተሮን መላይኪቹ አያኒን ኡሉ ኡድመ መሴኤ፤ ዊሙ ጅስማንከሰ ቦሮር ሱዕሙ ዊሞ ቢሸ ቡሳውች አሌን ቆፆ መት መንቸት ለዕዮም፤ አሲንከ ለመሉ ቡዕሉለክ ቶኑ ቡዱ ዮሰዮ አቅ። 4 ህት መንቸት ስመ አጉድኖ ብሽ ኦድኑተ ኦደኦ አቅ፤ ወርቁን፤ ጤአተ አኮ ክኒንለከ ዕንቁኤን መክጨንቶ አቅ፤ አንጋንከሴ ኮፍ ይታ ዝነተ አታ ንጃሱ ዊሞሰ ዋርቅ ጠበቲሃ አንጋንከሴ አፎ አቅ። 5 ሚኤሴ አሌን ምስጥር ዮኖ ሱዕሙ «ዝነተ አታሁኡለክ ኡለተ ንጃሰሳሁኡ አመተ ሎረተ ባብሎንቸት» የመም ከተበሞኡ። 6 ህት መንቸት ጠለላኖ ቂገንለክ ኢስተኔሃ ይት ሬቶ መን ቂገን ስከርታን ለዕዮም ወክት አበ አጀብሲጮም። 7 ጠዉ እኮገሬ መላይኪቹ «ሚሃት አጀብሲጮታንቲሁ? መንቸ ምስጢርለክ እሴ ቆፆ ለመሉ ቡዕሉለክ ቶኑ ቡዱ ዮሰ ቡሳውች ምስጥር ለላሳንኪ። 8 ሁኩ እት ለኦንት ቡሳውቹ ከኒች ብርተ ሄዕዮ አቅ፤ ቴሱ ዮበኢ፤ ኤተሮን ጥዕላሽ በው ኣዚች ፋላኖ፤ በእቤቹ መረኖ፤ ኣዱንያ አል ክልቀቲች ጀመር ሱዕሙሰ ሄላ መጻፋን ከተበንትባሁ ኣዱንያ አሌን ሄአእ መኑ ቡሳውቹስ ከኒች ብርተ ሄዕዮሁ፤ ቴሱንገ ዮበኢሃለክ ኤተሮን አሜተኖሃ ለሁሰ ለኦ ወክት አበ አጀብሲጮቶኡ። (Abyssos g12) 9 «ሀይመት ዮ ቡዕሰ ሀሴኖሁ ከንቤችንት፤ ለመሉንኩ ቡዕሉለክ መንቸት አፋዕልቶ ለመሌንተ ቆተ፤ እሰን ለመሌንተ ዋመ። 10 እሳችን ኦንቲስ ኡቦኡ፤ መቲስ ቴሱ ዮኡ፤ ህትን ዋሉስ ቴሱ ኢላ አሜቸበኡ፤ እስ አሜተኖ ወክት ቀዉ ጌሰ ዱንኩ ሀስሰናሰ። 11 ሁኩ ከኒች ብርተ ዮኢሁለክ ቴሱ ዮበኢ ቡሳውቹ ህዜትቅዮ ዋመ፤ እስ ህከን ለመሊችን መቶሃስ፤ እሰን በእቤቹ መረኖ። 12 «ሁኩ ለዕዮንስ ቶንኩኩ ቡዱ ዋመ እኩዕነ ዮኢሩ ቶኔተ ዋመ፤ ጠዉ እኮገሬ ቡሳውቹንን ሚጡበ መቶ ወክቲሃ ዋመ እኮተ ዋልቀት አሰንታሰ። 13 ሁኩ ቶኖንኩ ዋመት መቶ ሰውቱ ዮሰራን፤ እሰን ዋልቀሰለክ ሹምነቲስ ህከን ቡሳውቹሃ ኣታኡ። 14 እሰን ሆልቶ አሌን በገዙ ኬሳኢ፤ ጠዉ እኮገሬ ሆልቶ ቀርቻኖ ቀርቼለክ ዋመ ዋመ እኮቤቹሃ ቂላኖሰ፤ ህትን እሲን ሚጡበ ዮኢሩ ገእንቶአረ፤ መጠረንቶአረለክ አመዕንቶአረ» ይኤ። 15 ህትን መላይኪቹ «ህት ዝነተ አታኢት አፋዕልታን ለኦንት ልግቡ ዉሁ፤ ኡመቱ፤ መኑ፤ ወገኑለክ አደደ አፎሃ ጠወአእረ። 16 ቡሳውቹለክ ለኦንት ቶኑ ቡደት ዝነተ አታኢት አልሴ ግባኢ፤ በኣገ አታሲ፤ ከል እት ፌሳሴ፤ ማለሴ እት ጌራን ቡስታሲ። 17 ሃሽኣቱስ ሹልቶተ ከ ሰውት ቀልቤስ

አዕዮሁ መገኑሃን፤ ህከን እኮቤቹሃ መገን ላገት አሆተ ኢላ እስ መቶ ሰውትን አገቀንታበኡ፤ ዋምነት ሹምነቲስ ቡሳውቹሃ ኣታኡ። 18 «ህት ለኦንት መንቸት ኡሉ አል ዳኛኖ አሌን ዋመ እኮአተ ሎረተ ከተንቸ» ይኤ።

18 ህከኒች ኤተሮን ሎረ ሹምነቱ ዮሰ መላይኪቹ ሰሜች ድረን ለዕዮም፤ ህከን መላይክ ኬዕምኒች ኬዕዮህኒን ኡለት አበ ኑር እክ ለልቶኡ። 2 ሎረ ላጋን «ሎረት ባብሎንቸት ኡቦኡ! ኡቦኡ! እሴን ሩሃንዩ ሄአኖ ቤቹ እኮኡ፤ ሂሉ ኣያኑ ጉዕሙንኩ ገላኖቤቹ እኮኡ። 3 መስንትስ ዝነተ አሌሴ ዋይን ጠጀ ኡመቲሃ ጉዕሚንከ አግሶኡ፤ ህትን ኣዱንያ አል ዋመት እሴን ሚጡበ ዝነተ አቶኡ፤ ህትን ኣዱንያ አል ነጋድት እሴ ልግቤ ናጠቀንሺን ኬዕዮህኒን ቀባጣመተ እኮኡ» ይ ያር። 4 ዋልት ላገንት ሰሜች «ኢ ኡመቱ! እሴ ጨቢን በርገንቶኖቼ፤ እሴ አሌን አሜታ በላተ ቤቀማኑተ አከንበገ፤ እሴ ኣዚች ፋላ! 5 ጨብሴ በትኝት ሰማሃ ኢልቶቤቹሃ መገኑ ብድልሴ ቃጎኡ። 6 እሴ ኣሰቶ ጌሰ ኣሰዬሴ፤ አቶ ሆንተሴ ለሙ አፎ በርግቴን ባቼሴ፤ እሴ አደደ አገኖሃ ልቀለቆ ጠበቲን ለሙ አፎ ጠረገ ኦቴን ልቀለቁ። 7 እሴ ገይሴ ኬዕምኝለክ ናጀተ ኣሰቶ ጌሰ ኦርሽተለክ ሻዘነተ ኣሰዬሴ፤ እሴን ቀልቤንከሴ «ኣን ዋመተ እክ አፋዕልዮም፤ ህዬሽተበኢ፤ ሻዘነት ሆሮ ኢልታኤበኢ» ይተን ቦንታኢት። 8 ህከን እኮቤቹሃ በለት ጉዕሙንኩ መቶ በሬን ኢልታሴ፤ ሬሁት፤ ሻዘነትለክ ጎሩ ኢላኖሴ፤ ጌራን ቡባኢ፤ እሴ አሌን ፈረደኖሁ ቀርቼ መገኑ ጠረገሃን» ዮን ሞጮጮም። 9 እሴን ሚጡበ ዝነተ አቶአሩለክ ናጀን ሄኦ ዋመት እሴ ቡባን ፋልታ ዉሊልተ ለኣ ወክት እሴተኔሃ ያርተን ኦኣኢ። 10 እሰን ኦርሸሴ ዋጀት ቁዕራሻን ኡርት «እት ሎረ ከተንቸ! እት ጠረገ ከተንቸ ባብሎሳ! ፍርዱክ መቶ ሳኣት ጌሳን አሜቸቤቹሃ ኬሳሃ ቆሆኖሄ! ቆሆኖሄ!» ይታኡ። 11 ሆንቡስ ከኒች ኤተሮን ህዕረኖሁ ዮበኢቤቹሃ ኡሉ አል ነጋድንት ኣሴተኔሃ ኦኣሴ፤ ሻዘሴ። 12 መርከባንከሰ ሆንባዎ ዋርቅ፡ ብረ፡ ኬዕምኝ ዮሰ ክኑ፤ ዕንቁ፡ ጡመ ኦድኑተ፡ ሰሜ ደኑለክ ብሽ ለቀለቀዎ ኦድኑተ፡ ሃር ኦድኑተ፡ ብሽተ ኦድኑተለክ ጡሙ ፎገሉ ዮሰ ሀቀ ጉዕመንከ፤ ዘኔ ኣንኩተ፡ አበ ጤአተ እኮ ሀቀሃ፡ ነሐሰ፡ ብረቲንለክ ኣብነ በረድ ክኒን መክሴመ ኦዳታ ጉዕመንከ፤ 13 ቀረፋት፡ እንጀነተ፡ ከርብተ ዬኖ ጡሙገ እንጀኖቹ፤ ህባነ፡ ወይን ጠጀ፡ ወርቶ ዘይተ፡ ሰልቀዎ ቀመ፡ አለሱ፡ ለሉ፡ ሆለተ፡ ፋርሱተ፡ ኬዕምኝ ጋርተ፡ ርስተለክ ሞሎሃ መነ አቅ። 14 እሰን «እት ሄዕላቶንት ጡሙርቹ ጉዕመንኩ ኪች ቁዕር መርኡ፤ ቀባጡክለክ ሹልሙክ ጉዕመንኩ በዕዮኡ፤ ከኒች ኤተሮን ህከረ ጉዕመንከ ሆሮ ደጋንትስበኢ» ይታሲ። 15 ህከን ጉዕመንከ ህዕርተን ቀባጣመተ እኮ ነጋድት ኦርሸሴ ዋጀት ቁዕራሻን ኡርታኡ፤ ኦኣንለክ ሻዘን 16 «ጡመ ኦድኑተለክ ስመ አጉድኖ ብሽ ኦድኑተ ኦደኣኦት፤ ዋርቁንለክ ጤአተ እኮ ከን ዕንቁንን በለቃ አቅት ሎረ ከተንቸተ ኣዬ! ኣዬ! 17 ኬንኩ ቀባጡት መቶ ሳኣት ጌሳን በዕዮ» ይታኡ። መርከብ ሀላፊቹ ጉዕሙንኩ፡ መርከብን ሃንታ መኑ ጉዕሙንኩ፡ መርከብ አሊን አታ መኑ ጉዕሙንኩለክ ባር አሌን ነገዳ መኑ ጉዕሙንኩ ቁዕራሻን ኡርታኡ፤ 18 እሴ ቡባን ፋልታ ዉሊልተ ለኣ ወክት «ተ ሎረ ከተንቸተ

እንደደኖ ዋሉ ከተሙ ሄዕዮንዶ?» ይተን ያርቶአ። 19 ህትን ቡዕልስ አሌን ትበ አቶኤ፤ እኣንላክ ሻዘነ «ባር አሌን መርከቡ ዮሰሩ ጉዕሙንኩ እሴ ቀባጣን ቀባጣመተ አኮእሩ ህት ሎረ ከተንቸት መቶ ሳኣት ጌሳን በእቤቼሃ አዬ! አዬ!» ይተን ያርታአ። 20 ሰሞሁ! እሴን ተሽ ዩንክ፤ መገኑ ክዕኔተኔሃ እሴ አሌን ፈረጃቤቼሃ እዕኑ ጠለላኑት፤ አሳበተለክ ነብያኑት ተሽ ዩንክዕኔ! 21 ከኒቺ ኤተሮን መቱ ጠረኝ መላይኬቼ ሎረ ርትሞ ክን ጌሰ መቱ ክኑ ኬሽ «ሎረት ባብሎን ከተንቸት ህት ዎልቃን ሀንበለንት ኡባእ፤ እሴን ከኒቺ ኤተሮን ሆሮ ደገንታበእ። 22 ክራረ ዎቀርታህኡለክ ሙዚቀኛኖ ላገቱ፤ ሁሉሉተ ቡሳህኡለክ ጡሩሞበ ቡሳ ላገት ከኒቺ ኤተሮን ኪን ሞጮጪመናበእ፤ እኮሰርቼ መክሰና ሀይመት ዮሰ መንቸ ከኒቺ ኤተሮን ኪን ደገመናበእ፤ ህትን ርትሞ ላገቱ ከኒቺ ኤተሮን ኪቤቸን ሞጮጪንታበእ። 23 ኩራዙክ ከኒቺ ኤተሮን ኪቤቸን ለሊሰናበእ፤ እዜቸለክ እዜቹ ላገት ከኒቺ ኤተሮን ኪን ሞጮጪመናበእ፤ ነጋድክ አዱንያ አል ሎርሎራት ሙኑ ሄኦኤ፤ ሲርንከክ ኡመት ጉዕመንክ ሉሲሶንት» ዮን ባር አሌን ቶፊአ። 24 «ህትን ራጋኑት፤ ነብያኑት አዱንያ እሴን ሼመ መን ቄጉ ጉዕመንክ እሴ እዜን ደገሞኡ።» ዬእ።

19 ህከኒቺ ኤተሮን ሰማን ልግቤ መን ላገተ አንደኛ ሎረ ላገተ «መገኒሃ ገለቱ እሁስ! ፊሱሁ፤ ኬዕምኙለክ ዎልቀት መገንሃን። 2 መሰንትሰ ፍርዱስ ሀንቅሃለክ ጌጥዬሃን፤ አዱንያ አል ዝነተ እኣንከሴ ንጃሲሶ ሎረተ ዝነተ አታኦት ፈረጃሴ፤ ህትን ካላሚሳኬ ቄግ ገዱተ እሴቹ ፋሎኡ» ይተን ሞጮጪሞ። 3 ቲሁ «መገኒሃ ገለቱ እሁስ! እሴቹ ኬአ ዉለልት ዘላለሚሃ ሰማ ዎልት ፋልታኦ» ይተን ያርቶአ። (aiōn g165) 4 ህትን ለሞይዲሞኔ ሾሉንኩ ባልቀትለክ ሾሉንኩ ክልቀቱ ጃንት ቦርጭመ አሌን አፋዕሌ መገኒሃ ኡብ «አሚዕን! መገኒሃ ገለቱ እሁስ» ይተን ሰገደኡ። 5 ህከኒቺ ኤተሮን «እሱ ዎጅቴንተ ካላመት ጉዕመንኩ ቀቀዮንት ሎርሎራኑንት መገኑኔ ገለትጭዬ!» ይታ ላገት ኬዕምኝ ቦርጭማች ፋሎ። 6 ህከኒቺ ኤተሮን ልግብዮ መን ላገት፤ ዛዘኛ ዊ ላገት፤ ጠረኝ ጉገኛ ላገገ ዮ ላገት «መገኒሃ ገለቱ እሁስ! ጉዕመንክ አታለና ቀርቼ መገኑኔ ዎመ እኮኡ! 7 ሆልች ቦሎቹ ኢሌቤቼሃለክ እዜቹንት ገይሴ ቅጥ አቶቤቼሃ ሙንደዕኑን! ሙንዲኖን እሱንክ ከበጅኖ። 8 እሴንከ በለቀኛ ነጠ ኦድኑተ ኦድኑተ እሴመሴ፤ ህት ኦድኑት ጠለላኖ ፈይመተ ሆን» ዮን ሞጮጪሞ። 9 ህከኒቺ ኤተሮን መላይኬቼ «ህከ ሆልች ቦሎች ድግሲሃ ገኣንቶሩ ማሰኣንቶአረ» ይት ከተብ ዬኤ፤ ቲሁ «ኩሩ መገን ሀንቅተ ላገ» ዬእ። 10 አን መላይኬቼሃ ሰገዶተ ሚኒንተኤ ሎካችሰ ዎሮን ጎምብሰሞም፤ ጠዉ እኮኅሬ እሰ «እኑር! ካን አቶት፤ እን ከንላክ ኢሰ መስከሮ ጠዉ አፎ ኪ አመኦላን ሚጡብ ካድንቼሃን፤ እት መገኒሃ ሰገደ፤ መሰንትሰ ሀንቅ ራጉ ጉዕመንኩ እስተኔሃ መስከርታኦ» ዬኤ። 11 ህከኒቺ ኤተሮን ሰሞሁ ፈንተዕያን ኮሞቡ 4ሹ ለዕዮም፤ 4ሽ አሌን ቆጶንኩ እመዕነሞሃለክ ሀንቁሃ ዬኖሃን፤ እሰን ሀንቁን ፈረደኛ፤ ኦለመናሁ። 12 እልሰ ገረ ለበነተ አኑዳእ፤ ቡዕልስ አሌኒን ልግቡ አክሊሉ ዮኡ፤ እሰ ቤሉ አዩሁ ደንተ አታለናበአሁ እሰ አሌን ከተበሞ ሱዕሙ ሄዕዮ እቅ። 13 እስ ቄጊን ጩፊመ ኦድኑተ ኦደዕዮ እቅ፤

ሱዕሙንኩስ «መገን ላገተ» ዬኖሃን። 14 ህትን ዎጁ ነጠ እኮ ኦድኑተ ኦደኤ ኮሞቦ 4ርሱን ቆጶ ሰሜ ጎንቱ አዎንታሲት እቅ። 15 ኡመቲንክ ዎቀሬኖ ኢጳሹ ሲፋ አፌችሰ ፋላናት እቅ፤ ህትን ብረት በርቲን ጠቀናሰ፤ እሰን ጉዕመንክ አታለኖ መገን ዎጅሲሰና ኡመዕርስ ለሊሰና ዎይን ጠጀ ጩንሼናቤቹን ዎይን ጩንሹኖ። 16 ኦድኖሰለክ ጋልስ አሌን «ዎማኖ ዎመ፤ ቀርቻኖ ቀርቼ» ዮኖ ሱዕሙ ከተበሞኡ። 17 ህከኒቺ ኤተሮን አራ አሌን ኡርዮኢሃ መቱ መላይኬቼ ለዕዮም፤ እሰን ሰሜ አሌን ብርይታ ጪኦተ «ሎሩ መገኑ ቅጥአዕዮህዕኔ ድግሲሃ አሚ! ጭምደዬ! 18 ዎመ ማለ፡ በገዝ ሀለቀ ማለ፡ ጠረኝ መን ማለ፡ 4ርሶ ማለ፡ 4ርሱተለክ 4ርሱተ ቆጶ መን ማለ፡ ቀርቻኖለክ ርስ ማለ፡ ቀቀዋኖለክ ሎርሎራኖ ማለ አሚ እቼ» ህት ዮን ሎረ ላጋን ያሮ። 19 ህትን ቡሳውቸለክ ኡለ አል ዎመት ዎታደሩንኩስ ኮሞቦ 4ሽ አሌን ቆጶንላክ ጎንቲንከስ ሚጡብ ኦላንቶተ ጭምደታን ለዕዮም። 20 ጠዉ እኮኅሬ ቡሳውቹ አፈሞ፤ ህትን እሴን ሚጡብ ብሬንከስ ልግብ እጅብሲሰና ጠዉ እኣን ሄዕዮ ክዝብ ራጋንቹ አፈሞ፤ እሰን ቡሳውቹ መላት ዮሰረለክ ቡሳውቹ ሞስሊሃ ሰገዳአረ እጅብቱተ እኣን ሉሲሰናስ እቅ፤ ኩሩ ለመንኩ ፎሊን ሄኦንገ ዱን ዬኖ ቡብኖ ገረ ባር እዜን ኡጃመሰ። (Limnē Pyr g3041 g4442) 21 ፈቆአሩሁ ኮሞቦ 4ሽ አሌን ቆጶንህ አፌች ፋልታ ሲፊን ፊታን ጪኦት ጉዕመንኩ ማለስ እት ዱቦኡ።

20 ህከኒቺ ኤተሮን አበ ጥዕላሽ በወ ፈኔኖ ቁልፈለክ ሎረ ሰንሰለተ አንጋንከስ እፎ መላይኬቼ ሰሜች ድረን ለዕዮም። (Abyssos g12) 2 እሰን ደሀቼ አኖ ኩሜ ዘማን ኡሱሮ፤ ሁኩ ደሀቼ አልቢሱ ህከረንገ ሻይጣኑ ወዕኔሃ ዎረቹ እቅ። 3 ኩሜ ዘማኑ ጎፎተ ኢለ ኡመት ሉሲሰናበእገ መላይኬቼ ደሀቼስ ሎረ ጥዕላሽ በዋን ቶር አሌስ ጡሩ ማተበ እዕይ እሸጎ፤ ሁኩ ኩሜ ዘማኑ ጎፎች ኤተሮን ቀዎ ወክቲሃ ሂረሙ ሀሰሰናስ። (Abyssos g12) 4 ህከኒቺ ኤተሮን ኬዕምኝ ቦርጭመተ ለዕዮም፤ ህከን ኬዕምኝ ቦርጭመ አሌን ፈረደተ ሹምነቱ አሰዋሰሩ አፋዕልቶኢሃ ለዕዮም፤ ኢስተኔሃ መስከርቶቤቼሃለክ መገን ላገተኔሃ ቡዕሉስ ሙርተዕዮ መን ነብሳሃ ለዕዮም፤ እሰን ህከን ቡሳዊሃለክ ሞስሊሃ ሰገደበረ፤ መላሰ ሚኒንከስ ህከረንገ አንጋንከስ አቶበአረ እቅ፤ እሰን ሬሆች ኬአ መሲሂን ሚጡብ ኩሜ ዘመኒሃ ዎመ እኮኡ። 5 ጠዉ እኮኅሬ ዎሉ ሬቶ ሙኑ ኩሜ ዘማኑ ጎፎተ ኢለ ሬሆች ኬአበእ፤ ሁኩን ወዕኔሃ ሬሆች ኬኡሃን። 6 ዎሶኔ ሬሆች ኬአ ወጥ ደኣታሩ ማሰኣንቶአረክ ጠለላኖተ፤ መሰንትሰ ለንክ ሬሁት እሰ አሌን ሹምነቱ ዮሰበእ፤ እሰን መገንላክ መሲህ ቂስተ አክ መሲህን ሚጡብ ኩሜ ዘማኒሃ ገንሳኦ። 7 ሁኩ ኩሜ ዘማኑ ጎፎች ኤተሮን ሻይጣንቹ ኡሱርቹ ሂረመኖ። 8 እሰን አዱንያ እሴን ዮ ኡመት ጉዕመንክ ጎንላክ ማጎሃን ሉሲሶተለክ ኦሊሃ ቅጥ አኣተ ፋላኖ፤ እሰ ዎላንሹንኩ ባር ገበላን ዮ ሽፋሪያ ጌሰ። 9 እሰን ኡለ አል ጉዕመንክ ሆርት ጠለላኖ ቀክተለክ ኢትንቶ ከተንቸተ ረቦኡ፤ ጠዉ እኮኅሬ ሰሜች ገረት ድርት ቡስት ሹልቶሰ። 10 እሰተ ሉሲሾ አልቢሱ፤ ቡሳዊቹለክ ክዝበኙ ነብዬቹ ዮ ቤቹ ዱን ዬኖ ቡብኖ ባር እዜን ቶረንቶኡ፤ ህከኔን ሀንከዕርተለክ በራሃ


ዘላለሚች ዘላለመ አሊ ኦርጨቀንታኦ። (aiōn g165, Limnē Pyr g3041 g4442) 11 ህክኒች ኤተሮን ሎረ ዋጁ ኬዕምኝ ቦርጭመተለክ ቦርጭመስ አሊን አፋዕልዮኢሃ ለዕዮም፤ ብሬችስ ሰሞሁለክ ኡለት ሀንቶኡ፤ ቤቸንኩ ደገሞሰበአ። 12 ህትን ቀቀዉለክ ሎርሎሩ ሬቶአሩ ጉዕመንኩ ኬዕምኝ ቦርጭመ ብሬን ኡርታን ለዕዮም፤ ህክንቤቸንን መጻፈንን ፈንተኦኡ፤ ህትን ዋሉ መጻፋ ሁኩንን ሄሊ መጻፋ ፈንተዕዮ፤ ሁኩ ሬቶአሩ መጻፋን ከተበሞ ሆሳስ ሃሊን ፍርደ ቶሳኡ። 13 ባሩንኩ አዜስ ዮ ሬቶአረ አሴእ፤ ህትን ሬሁተለክ አዛቡ እስ አዜን ሬቶአረ አቶኡ፤ መት-መቱንኩ ሆሳስ ሃሊን ፍርደ አላቶኡ። (Hadēs g86) 14 ህክኒች ኤተሮን ሬሁተለክ ጃንሙ ገረ ባር አዝ ቶረንቶኡ፤ ሁኩ ገረ ባሩ ለምቅተ ሬሁ። (Hadēs g86, Limnē Pyr g3041 g4442) 15 ሱዕሙስ ሄሊ መጻፋን ከተበሞባሁ አዪሁ ገረ ባር አዜን ቶረሞ። (Limnē Pyr g3041 g4442)

21 ህክኒች ኤተሮን ሃዕሮ ሰማለክ ሃዕሮ ኡለታ ለዕዮም፤ መሰንትስ ዋዕኔ ሰሞለክ ኡለት ህጎኡ፤ ከኒች ኤተሮን ባሩንኩ ዮበአ። 2 ህትን ጠሊለት ከተንቸት ሃዕሮት ዬሩሳሌም ጨውሃሴ መክቶ አዜቸገ ተቃጠብ ሰሜቱ መገን አዲች ድርተን ለዕዮም። 3 ህትን ሎረ ላገት ኬዕምኝ ቦርጭማች «መገን ገልትት መን በላን እኩኡ፤ እሰን እሳን ሜጡብ ሄላና፤ እሰን እስ ኡመት እካእ፤ መገኑ ገዉንኩስ መገኑስ እክ እሳን ሜጡብ አሀና። 4 ህትን አሌችስ እንጂጃት ጉዕመንክ ሺንሸና፤ ህክኒች ኤተሮን ሬሁት ህከረንገ ሻዘነት ህከረንገ አልፋቴት ህከረንገ ኦረሸት እካበእ፤ መሰንትስ ከኒች ብሬ ጠዉ ጉዕመንኩ ህጎኡ። ይተን ሞጮጩም። 5 ህክኒች ኤተሮን ኬዕምኝ ቦርጭመ አሊን አፋዕሌኢሁ «አን ጉዕመርቸንከ ሃዕሮ አኣም» ዬእ፤ ህትን እሰን ኤሳሃ «ት ላገት አመዕነሞኢሃለክ ሀንቅ እኮቢቺሃ ከተብ» ዬኤ። 6 ህክኒች ኤተሮን «አበቀዕዮ፤ ብሬሁለክ ኤተሪሁ አኔት፤ ሰገሰሰሀኒሃ ሄላ ዊ ቡቀተ ጠለዕል ዋግቤሉ ህትን አሳም። 7 ድለ አዕዮሁ ካን ረገአና፤ አንን መገኑስ እሃም፤ እሰን ቤቴኤ አሀና፤ 8 ጠዉ እኮጎሬ ዋጅታአሩ፤ አመዕነቱ ዮሰበአሩ፤ ንጂሶአሩ፤ ነብሳ ሽታአሩ፤ ዝነተ አታአሩ፤ ኪላት፤ ሽርክተ አታአሩ፤ ክዘበኛኑት ጉዕመንኩ ወጡስ «ዲን» ዬዮ ቡባ ገረ ባር አዜን አሀና፤ ሁኩንን ለምቅተ ሬሁ» ዬኤ። (Limnē Pyr g3041 g4442) 9 ህክኒች ኤተሮን ኤተር ለመሉንኩ መገን በለት ዊንቶ ለመለ ጠበትተ አፎ ለመላንከ መላደካች መቱ አሜቱ «አም! ሆልች ምኒ አመተ እኮ አዜቸተ ለሊሳንኬ» ዮን ጠወዕዮ። 10 መገን አያኒን መቶ ሎረ ቆተ አል ፋሽ ጠሊለተ ዬሩሳሌም ከተንቸት መገን አዲች ሰሜቱ ድርተን ለልሾኤ። 11 እሴን መገን ኬዕምኒን ለሊሳእት እቅ፤ ኑርሴ በለቀንኩ አበ ጤአተ እኮ ክንገ አያሰጺድ ክንገ እክ ለአቃንችገ በለቀናሃ እቅ። 12 ህክን ከተንቸሃ አበ ቁራዕሩት ግንብ ኦተተለክ ቶን ለሙ ኡሩቲ ዮሴሃ እቅ፤ ህትን ቶን ለሞሃንከ ኡሮን ቶን ለሙ መላይከት ሄሊ እቅ፤ ህክን ኡር አሌንን ቶና ለሞሃንከ እሰራኤል ዘሬ ሱዕሙ ከተበሞኡ እቅ፤ 13 ህትን ሸርቂን ሰሰ ኡሩት ቅልቢን ሰሰ ኡሩት ከአጽን ሰሰ ኡሩት ገርቢን ሰሰ ኡሩት ሄሊ እቅ። 14 ህክን ከተም ግምብ ኦታተ ቶን ለሙ

ቀበቡ ሄዕዮስ እቅ፤ ህክን ቀበብ አሊን ሆልች ቶን ለሞንከ አሳበ ሱዕሙ ከተበሞ እቅ። 15 ህክን ኤሳሃ ጠወዕዮ መላይኬቺ ከተመ፤ ከተምስ ኡሩተለክ ግንብ ኦተተ ብኬኖ ዋርቅ ቶሙ ሄዕዮስ እቅ። 16 ከተምቻሰ ቅራዕርመሌለክ አልባዕልመሌ ቅጡ እክ ሾሉንኩ ሙረቢሴ ቅጡሃን፤ መላይኬቸንኩ ከተመሰ በርቲንከሰ ብክሃን ቅራዕርመሌ ለም ኩምተ ሾል ጥቤ ኪሎ ሜትር ጌስ እኮ፤ አልባዕልመሰለክ ኡርሸሴ ህክን ጌስ እኮ። 17 ህትን መላይኬቺ ከተምስ ግምብ ኦተተ ኡርሸሴ ብኬኤ፤ መላይኬቺ መን አንጋን ቅጡ እኮ አንገሰ ብክሃን መት ጥብታ ሸይልኔ ሾሉ አንገ ብኩተ እኮ፤ 18 ግምብስ ኦተተ ኦተንቶኢሁ ኢያሰጺድ ከኒንት፤ ህት ከተንቸት ጡመ ለአቃንችገ ዮ ነጠ ዋርቂን እጃረንቶአተ እቅ። 19 ህክን ከተም ግምብ ኦተ ቀበቡ አደደ ጤአተ እኮ ክን ደኒን መክዮሃ እቅ፤ ዋኔ ቀበቡ ኢያሰጺድ ዬሩሃ ክኑ፤ ለምቂሁ ሰንፔር ዬሩሃ ክኑ፤ ሰቂሁ ኬልቂዶን ዬሩ ክኑለክ ሾልቂሁ መርግድ ዮሩሃ ክኑ። 20 ኦንትቂሁ ሰርዶንክሰ ዬሩሃ ክኑ፤ ለህቂሁ «ሰርዮን» ዬሩሃ ክኑ፤ ለመልቂሁ «ክርሰቲሎቤ» ዬሩሃ ክኑ፤ ህዜትቂሁ «ቢረሌ» ዬሩሃ ክኑ፤ ሆንሰቂሁ «ወራዉሬ» ዬሩሃ ክኑ፤ ቶንቂሁ «ክርሰጽራሰስ» ዬሩሃ ክኑ፤ ቶን መትቂሁ «ያክንት» ዬሩሃ ክኑ፤ ቶን ለምቂሁ «አሜቴስጢናስ» ዬሩሃ ክኑ እቅ። 21 ሁኩ ቶን ለሙንኩ ጡፋ ቶና ለም ደኒን እጃረሞሃ እቅ፤ መት-መቱስ ጡፋ መቱ ዕንቁን መክዮሃ እቅ፤ ከተምስ ዋቆ ለአቃንችገ ለሊሰና ነጠ ዋርቂን እጃረሞሃን እቅ። 22 ጉዕመንክ አታለኖ ቀርቼ መገኑለክ ሆልቼ ህክን ከተማን መገን ምኒ እኮቢቺሃ ከተም አዜን ዋሉ መገን ምኒ ለዕዮምበአ። 23 ህክን ከተማን መገን ኬዕምኝ ኑሩ ለሊሰናሰቤቺሃለክ ሆልቼ ገዉንኩስ ኑርሴ እኮቢቺሃ አሩ ህከረንገ አገንቹ ለልሶሴት ሀሰሰናሴበአ። 24 ኡመቱንኩ ኑራንከሴ ፈንቀላንታኦ፤ ህትን ኡለ አል ዋመት ኬዕምኝስ ከተም አዝ ኤባእ። 25 ህክን ከተማን ሀንከዕርት ዮበእቢቺሃ ኡራከሴ እኮሰበርሃ ጡፈንታበአ። 26 ኡመት ዋመ ሎርመተለክ ኬዕምኝ እሴቤቹ ኤባእ። 27 ጠዉ እኮጎሬ ኮፍዮናርቹ እኮ ጠዉ ሆር እሴቤቹ አገናበኤ፤ ንጂስ አእናሁለክ ክዘብ ጠወአና ሆር እሴቤቹ አገናበኤ፤ እሴቤቹ አጋሩ ሱዕሙስ ሆልች ሄሊ መጻፋን ከተበንቶአራን።

22 ህክኒች ኤተሮን መላይኬቺ መገንለክ ሆልች ኬዕምኝ ቦርጭማች ፋለኖ ለአቃንችገ ለሊሰና ነጠ እኮ ሄሊ ዉሀ ዛዘኖ ዋሃ ለልሾኤ። 2 ሁኩ ዛዘኖ ውሀ ህክን ከተም ዎቃሃ ለሙብ አዕይ ህገኖ እቅ፤ ህክን ዛዘኖ ዊ መኬ አዲንለክ ጉረ አዲን አገናን አገናን ላላን ዘማኔን ቶን ለሙ ወክት ላልቹ ላለኖ ሄሊ ሀቀ ሄዕዮ እቅ፤ ህክን ሀቅች ኡመቱ ሀበረስ ፈይመተ ደኦተ ደግለሸቀመኖ እቅ። 3 ከኒች ኤተሮን ቦርሩ ሆር ሄላናበኤ፤ ከተማንከሰ መገንለክ ሆልች ኬዕምኝ ቦርጭመት ከተምስ አዜን እካእ፤ ካዲመሰን ሰገዳሰ። 4 እሰን ሚንስ ለአእኔ፤ ህትን ሚኔንከሰን እሰ ሱዕሙ ሄላና። 5 ከኒች ኤተሮን ሀንከዕርት ሆርን ሄላበኤ፤ ቀርቼ መገኑ ለሊሰናሰቢቺሃ ኩራዝ ህከረንገ አራ ኑሩ ሆርን ሀሰሰናሰበኤ፤ እሰን ዘላለሚሃ ነገሳኤ። (aiōn g165) 6 ህክኒች ኤተሮን መላይኬቺ «ኩ ላገት አመዕነንቶአተለክ

ሀንቅታን፤ ነብያከተ ጠውሲሰኖ ቀርቼ ቀዋ ወክቴን እሆኖ ጠወ ካዲማተሰ ለሊሶተ መገኑ መላይኬቹስ ሶኮኤ» ዬሌ። 7 ኢሰን «እን ደዕል አሜታም፤ ከን መጻፍ ራግ ላገተ አገረኛሁ ማስአሞእሃን» ዬሌ። 8 እን ያህይ ገዉንኩአ ህከረ ለዕዮሚሁለከ ሞጮጩሚሁ፤ ህከ ጠወ ለዕዮሞለከ ሞጮጩሞ ወክት ህካን ለሊሾኤ መላይኬቹሃ ሰገዶተ ሎከስ እሌን ኡቦም። 9 ጠወ እኮጎሬ መላይኬቹ «አጉር! ካን አቶት፤ እን ኪን፤ አመክ ኦሶንለከ ነብያካን ሜጡብ ከን መጻፍ ላገታ አገርታ ነብያካን ሜጡብ ካድንቹሃን፤ አት መገኒሃ ሰገድ» ዬሌ። 10 ህትን እሰን «ወክቱ ኢሌቤቹሃ ከን መጻፋን ዮ ራግ ላገተ ማተቢን ጡፎት። 11 ከኒቶ ኤተሮን ሂሉ ህልማንተሰ ቀጠሉን፤ ንጃሾንኩ ንጃሰ እሁን፤ ነጡንኩ ነጠ እሁን፤ ጠሊሉንኩ ጠሊሊ እሁን» ዬሌ። 12 ህትን «እን ደዕል አሜታም! ጉዕሚንከስ ሆጎስ ጌሰ ኣሳም ዋገ አፎም፤ 13 ብሬሁለከ ኤተሪሁ፤ ወዕኔሁለከ መጨረሺሁ አኔት» ዬሌ። 14 ሄእ ሀቀኞች ላልቹ እትሃለከ ኡሮንከሴን ከተመ ኣጎተ መብቱ ሄኦሰተ ኦድኑሰ ሜጭቶእሩ ማስእንቶእሩን። 15 ጠወ እኮጎሬ ዉሽገ ንጃሰሳሩ፤ ሲረ አታእሩ፤ ዝነተ አታእሩ፤ ነብሳ ሽታእሩ፤ ሽርክተ አታእሩ፤ ክዝብ ኢትታእሩለከ ክዝብ ዋቄን መርታሩ ጉዕሙንኩ ከተሚች አብል አካእ። 16 «እን ኢሰ ከ ሞስክርነቱ ኣሶህዕኔተ መላይከኤ አመዕኖ ጭምት ዱእ ምናተ ሶኮም፤ እን ደዉዴ ጠጽሃለከ ዘሬሃን፤ ለሊሳ ሱጵ ቤዜት አኔት።» 17 ጠሊሉ እያኑለከ እዜቹንት «አም!» ይታእ፤ ህትን ሞጮጩኖንኩ «አም!» ዩን፤ ሰገባንኩ አሜቱን፤ ሀሾንኩ ሄእ ዋሃ ዋግቤሉ ህትን አኑን። 18 ከን መጻፍ ኣዜን ከተበንቶ ራግ ላገተ ሞጮጩኖህኒሃ ጉዕሚንከ ጠረኝሽ ኩላም፤ አዪሁ ከን ላገ አሌን መቱርቹ በርጌጎሬ መጻፋን ከተበንቶ በለተ መገኑ እሌሰ በርገኖሰ። 19 እዪሁ ከን ራግ መጻፋን ከተበንቶ ላጋች መቱርቹ ጤዕይሾጎር ከን መጻፋን ኩላም ሄእ ሀቅ ላልቹች ጠሊሊ ከተንቾች መገኑ ወጥሰ ጤዕይሰኖ። 20 ከን ጉዕመርቹንከ ሞስክር እኮሁ «ሀንቅንከ ደዕል አሜታም» ዩኖ። ኣሚዕን! ቀርቾ ኢሰ አም። 21 ቀርቾ ኢሰ ኣሰቱት ጉዕሚንከክዕኔ ሜጡብ እሁን፤ ኣሚዕን።



ህትን ጠሊለት ከተንቹት ሃዕሮት ዬሩሳሌም ጨውሃሴ መክቶ እዜቸገ ተቃጠብ ሰሜኛ መገን አዲኛ ድርተን ለዕዮም። ህትን ሎረ ላገት ኬዕምኝ ቦርጭማኛ «መገን ገልትት መን በላን እኮኤ፤ እሰን እሳን ሜጠብ ሄአኖ፤ እሰን እሰ ኡመት እካእ፤ መገኑ ገዉንኩሰ መገኑስ እክ እሳን ሜጠብ እህኖ።»

ያህይ ለዕዮ መናመተ 21:2-3

Reader's Guide

Alaba-K'abeena at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

Alaba-K'abeena at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Alaba-Kabeena---Alaba-Kabeena-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

ሉቃስ እንጂሊ 8:31
ሮሜ 10:7
የህይለዕዮ መናመተ 9:1
የህይለዕዮ መናመተ 9:2
የህይለዕዮ መናመተ 9:11
የህይለዕዮ መናመተ 11:7
የህይለዕዮ መናመተ 17:8
የህይለዕዮ መናመተ 20:1
የህይለዕዮ መናመተ 20:3

aidios

ሮሜ 1:20
ይሁድ ከተሰሉህት 1:6

aiōn

ማቶስ እንጂሊ 12:32
ማቶስ እንጂሊ 13:22
ማቶስ እንጂሊ 13:39
ማቶስ እንጂሊ 13:40
ማቶስ እንጂሊ 13:49
ማቶስ እንጂሊ 21:19
ማቶስ እንጂሊ 24:3
ማቶስ እንጂሊ 28:20
ማርቆስ እንጂሊ 3:29
ማርቆስ እንጂሊ 4:19
ማርቆስ እንጂሊ 10:30
ማርቆስ እንጂሊ 11:14
ሉቃስ እንጂሊ 1:33
ሉቃስ እንጂሊ 1:55
ሉቃስ እንጂሊ 1:70
ሉቃስ እንጂሊ 16:8
ሉቃስ እንጂሊ 18:30
ሉቃስ እንጂሊ 20:34
ሉቃስ እንጂሊ 20:35
የህይለዕዮ 4:14
የህይለዕዮ 6:51
የህይለዕዮ 6:58
የህይለዕዮ 8:35
የህይለዕዮ 8:51
የህይለዕዮ 8:52
የህይለዕዮ 9:32
የህይለዕዮ 10:28
የህይለዕዮ 11:26
የህይለዕዮ 12:34
የህይለዕዮ 13:8
የህይለዕዮ 14:16

ሶፋሞኖ ሆጉት 3:21
ሶፋሞኖ ሆጉት 15:18
ሮሜ 1:25
ሮሜ 9:5
ሮሜ 11:36
ሮሜ 12:2
ሮሜ 16:27
ዋኔ ቆሮንቶስ 1:20
ዋኔ ቆሮንቶስ 2:6
ዋኔ ቆሮንቶስ 2:7
ዋኔ ቆሮንቶስ 2:8
ዋኔ ቆሮንቶስ 3:18
ዋኔ ቆሮንቶስ 8:13
ዋኔ ቆሮንቶስ 10:11
ለንክ ቆሮንቶስ 4:4
ለንክ ቆሮንቶስ 9:9
ለንክ ቆሮንቶስ 11:31
ገላትያ 1:4
ገላትያ 1:5
ኤፌሶን 1:21
ኤፌሶን 2:2
ኤፌሶን 2:7
ኤፌሶን 3:9
ኤፌሶን 3:11
ኤፌሶን 3:21
ኤፌሶን 6:12
ፍልጽስዩስ 4:20
ቆላስሶስ 1:26
ዋኔ ጢሞቴዎስ 1:17
ዋኔ ጢሞቴዎስ 6:17
ለንክ ጢሞቴዎስ 4:10
ለንክ ጢሞቴዎስ 4:18
ቲቶ 2:12
ኦብራውያን 1:2
ኦብራውያን 1:8
ኦብራውያን 5:6
ኦብራውያን 6:5
ኦብራውያን 6:20
ኦብራውያን 7:17
ኦብራውያን 7:21
ኦብራውያን 7:24
ኦብራውያን 7:28
ኦብራውያን 9:26
ኦብራውያን 11:3
ኦብራውያን 13:8
ኦብራውያን 13:21
ዋኔ ጴጥሮስ 1:23

ዋኔ ጴጥሮስ 1:25
ዋኔ ጴጥሮስ 4:11
ዋኔ ጴጥሮስ 5:11
ለንክ ጴጥሮስ 3:18
ዋኔ ሶህኑት 2:17
ለንክ ሶህኑት 1:2
ይሁድ ከተሰሉህት 1:13
ይሁድ ከተሰሉህት 1:25
የህይለዕዮ መናመተ 1:6
የህይለዕዮ መናመተ 1:18
የህይለዕዮ መናመተ 4:9
የህይለዕዮ መናመተ 4:10
የህይለዕዮ መናመተ 5:13
የህይለዕዮ መናመተ 7:12
የህይለዕዮ መናመተ 10:6
የህይለዕዮ መናመተ 11:15
የህይለዕዮ መናመተ 14:11
የህይለዕዮ መናመተ 15:7
የህይለዕዮ መናመተ 19:3
የህይለዕዮ መናመተ 20:10
የህይለዕዮ መናመተ 22:5

aiōnios

ማቶስ እንጂሊ 18:8
ማቶስ እንጂሊ 19:16
ማቶስ እንጂሊ 19:29
ማቶስ እንጂሊ 25:41
ማቶስ እንጂሊ 25:46
ማርቆስ እንጂሊ 3:29
ማርቆስ እንጂሊ 10:17
ማርቆስ እንጂሊ 10:30
ሉቃስ እንጂሊ 10:25
ሉቃስ እንጂሊ 16:9
ሉቃስ እንጂሊ 18:18
ሉቃስ እንጂሊ 18:30
የህይለዕዮ 3:15
የህይለዕዮ 3:16
የህይለዕዮ 3:36
የህይለዕዮ 4:14
የህይለዕዮ 4:36
የህይለዕዮ 5:24
የህይለዕዮ 5:39
የህይለዕዮ 6:27
የህይለዕዮ 6:40
የህይለዕዮ 6:47
የህይለዕዮ 6:54
የህይለዕዮ 6:68

የህይ አንጂሊ 10:28
የህይ አንጂሊ 12:25
የህይ አንጂሊ 12:50
የህይ አንጂሊ 17:2
የህይ አንጂሊ 17:3
ሶቀማኖ ሆጉት 13:46
ሶቀማኖ ሆጉት 13:48
ሮሜ 2:7
ሮሜ 5:21
ሮሜ 6:22
ሮሜ 6:23
ሮሜ 16:25
ሮሜ 16:26
ለንክ ቆሮንቶስ 4:17
ለንክ ቆሮንቶስ 4:18
ለንክ ቆሮንቶስ 5:1
ገላትያ 6:8
ለንክ ተሰሎንቄ 1:9
ለንክ ተሰሎንቄ 2:16
ዋኔ ጢሞቴዎሴ 1:16
ዋኔ ጢሞቴዎሴ 6:12
ዋኔ ጢሞቴዎሴ 6:16
ለንክ ጢሞቴዎስ 1:9
ለንክ ጢሞቴዎስ 2:10
ቲቶ 1:2
ቲቶ 3:7
ፍልሞኒሃ 1:15
አብራውያን 5:9
አብራውያን 6:2
አብራውያን 9:12
አብራውያን 9:14
አብራውያን 9:15
አብራውያን 13:20
ዋኔ ጴጥሮሴ 5:10
ለንክ ጴጥሮስ 1:11
ዋኔ ሶህኑት 1:2
ዋኔ ሶህኑት 2:25
ዋኔ ሶህኑት 3:15
ዋኔ ሶህኑት 5:11
ዋኔ ሶህኑት 5:13
ዋኔ ሶህኑት 5:20
ይሁድ ከተቦ ሶህኑት 1:7
ይሁድ ከተቦ ሶህኑት 1:21
የህይ ለዕዮ መናመተ 14:6

eleēsē

ሮሜ 11:32

Geenna

ማቶስ እንጂሊ 5:22
ማቶስ እንጂሊ 5:29
ማቶስ እንጂሊ 5:30
ማቶስ እንጂሊ 10:28
ማቶስ እንጂሊ 18:9
ማቶስ እንጂሊ 23:15
ማቶስ እንጂሊ 23:33
ማርቆስ እንጂሊ 9:43

ማርቆስ እንጂሊ 9:45
ማርቆስ እንጂሊ 9:47
ሉቃስ እንጂሊ 12:5
ያቄብ ከተቦ ሶህኑት 3:6

Hadēs

ማቶስ እንጂሊ 11:23
ማቶስ እንጂሊ 16:18
ሉቃስ እንጂሊ 10:15
ሉቃስ እንጂሊ 16:23
ሶቀማኖ ሆጉት 2:27
ሶቀማኖ ሆጉት 2:31
ዋኔ ቆሮንቶስ 15:55
የህይ ለዕዮ መናመተ 1:18
የህይ ለዕዮ መናመተ 6:8
የህይ ለዕዮ መናመተ 20:13
የህይ ለዕዮ መናመተ 20:14

Limnē Pyr

የህይ ለዕዮ መናመተ 19:20
የህይ ለዕዮ መናመተ 20:10
የህይ ለዕዮ መናመተ 20:14
የህይ ለዕዮ መናመተ 20:15
የህይ ለዕዮ መናመተ 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6

Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48

Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6


Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō

ለንክ ጴጥሮስ 2:4

Questioned


None yet noted



አብራሃም እርሱን እዕይ አፈኖበ መሮት ገእሞ ወክት መረኖስቤቹ ሀከንቤቹኅር ደገዕናን ትዛዝ ቶግ መሮሁ አመዕነኑንት። - አብራውያን 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17





መስሀ ኢስ ካዲንቹ እኮ ሶቀም ሆኅተ ገአሞ መገን እንጂሊ ተማርሶተ መጠረሞ ጳውሎሴች ሶሃሞሃ። - ሮሜ 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyrd in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyrd in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Titus destroys the Jewish Temple
52	Paul imprisoned in Rome, Italy
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

Resurrected 33 A.D.

Where?			When?							
			Innocence		Fallen				Glory	
			Eternity Past	4000 BC Creation	Fall to Sin No Law	1500 BC Moses' Law	Advent of Christ 0-33 AD	Church Age Kingdom Age	Great White Throne	New Heaven and Earth
Who?	God	Father	God's Perfect Fellowship	God's Perfect Fellowship with Adam in the Garden of Eden	Living in Unapproachable Light, 1 Timothy 6:16			God's Perfectly Restored Fellowship with All Mankind in the Holy City	All Restored Acts 3:21	
		Son			Pre-Incarnate, John 8:58		Incarnate, John 1:14			Paradise, Luke 23:43
		Holy Spirit			Everywhere, Psalm 139:7		Indwelling Believers, John 14:17			
	Mankind	Living Mankind	No Creation	No Fall No Death Gen 1:31	Serving the Savior or Satan on Earth, Ephesians 2:1-5			No Hades No Dead Rev 20:3		
		Deceased Believing Mankind			Blessed in Paradise, Luke 16:22					
		Deceased Unbelieving Mankind			Punished in Hades until the final judgment, Luke 16:23 and Rev 20:13					
	Angels	Holy Angels	No people	No Unholy Angels Gen 1:31	Serving Mankind at God's Command, Hebrews 1:14			Lake of Fire Prepared for the Devil and his Angels Mat 25:41 Rev 20:10	Fallen Angels Forgiven? Col 1:20 Yes? Heb 2:16 No?	
		Imprisoned Angels	Gen 1:1		Imprisoned in Tartarus, 2 Peter 2:4 and Jude 6					
		Fugitive Angels			Rebelling Against Christ		Thalaasa, Rev 20:13			
		First Beast Demon			Accusing Mankind		Lake of Fire Revelation 19:20			
		False Prophet Demon			1 Peter 5:8 and Revelation 12:10		Abyss Revelation 20:2			
		Satan								

Destiny

Alaba-K'abeena at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. "*If the first fruit is holy, so is the whole*," Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

«Եւ յարկուք յոմայնի տԵ՛ւն ինչ ինչ: Եւ ինչ ինչ լի լի ա՛յն ինչ տԵ՛ւն ինչ տԵ՛ւն ինչ տԵ՛ւն ինչ տԵ՛ւն: - ՄԳԺՈՒ ԼՆՃԼ 28:19